



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





Tappan Presbyterian Association  
LIBRARY.

*Presented by* HON. D. BETHUNE DUFFELD.

From Library of Rev. Geo. Duffield, D.D.





*Geo Duffield*

Section \_\_\_\_\_

N<sup>o</sup> \_\_\_\_\_











Witsius, Herman

256


HERMANNI WITSII

DE

ÆCONOMIA  
FÆDERUM DEI  
CUM HOMINIBUS

*LIBRI QUATUOR.*

Ex recensione Auctoris, prioribus multo  
emendatior & auctior.



CUM PRIVILEGIO S. REG. POL. MAJ. & ELECT. SAXON.

---

B A S I L E Æ.

Apud JOH. RUDOLPHUM IM-HOFF.

M D C C X X X I X.



**GUILLIELMO III.**

**MAGNÆ BRITANNIÆ,**

**FRANCIÆ ET HIBERNIÆ**

**R E G I.**

**FIDEI DEFENSORI.**

*P I O,*

*F E L I C I,*

*A U G U S T O.*

**BELGICÆ FOEDERATÆ**

**GUBERNATORI HÆREDITARIO.**

**ET COPIARUM AC CLASSIUM EJUS**

**TERRA MARIQUE**

**IMPERATORI.**

**PATRIÆ PATRI.**

**D. C. Q.**

**HERM. WITSIUS.**



# DEDICATIO.

**S**I nulla, REX, oratione Majestas adiri tua posset, nisi quam verborum nitor aut splendor commendaret eloquii, qualive suam exhauriens facundiam Trajani aures consul Plinius implevit; desperandum utique de sui admissione homini Batavo foret, qui nulla unquam regum consuetudine usus, seculi ignorantiam & aulicarum artium ruditatem prima verecundi oris apertione prodit. Ceterum uti Deus ille, cujus ministerio ab ineunte ætate dicatus fui, non tam accuratis adorantium precibus, quam innocentia & sanctitate lætatur; gratioremque existimat qui delubris suis puram castamque mentem, quam qui meditatum carmen intulerit: ita & Tu, qui summi istius numinis viva in terris imago es, ingenui pectoris candorem, nulla arte se Tibi probantem, quæsitissimi sermonis pompæ immensum quantum anteponis. Fatidicum aliquid regibus inesse, suo nos oraculo regum sapientissimus docuit. Id si post natos homines in ullo unquam regum conspicuum fuerit; in Te certe singulariter elucet: qui incredibili ac prope divina perspicacitate in intimos humanarum mentium recessus arcanosque affectus penetras, vix ulla blandi oris specie decipiendus. Hæc mihi ingentem Te compellendi fiduciam conciliaverunt; prorsus a bonitate tua speranti, ut quam mihi princeps olim fecisti fandi copiam, eandem facias Rex. Quamvis enim multis eorum qui literas tractant eloquentiâ, multis etiam civium meorum, & mei potissimum ordinis hominum, meritis inferior sim; neminem tamen, vel in Belgio nostro, vel in tua Britannia, novi mortali-um, cui pietate, obsequio, Majestatisque tuæ veneratione cedere debeam. Crede mihi REX, eo me rebus tuis omnibus nexum esse affectu, ut quidquid consulis, moliris, patras, id ego hætenus ad me pertinere existimem, ut publicis illud privatisque suppliciis quotidie commendem Deo: certus omnia vota atque consilia tua in eum unice collimare scopum, ut bene sit Patriæ, cujus Stator, bene Ecclesiæ, cujus Vindex es. Ubi Tu, pro incolumitate nostra dimicans, consilio dux, exemplo miles, hostium Te non insidiis solum & sceleratis fraudibus, sed & telis ac mucronibus exponis; ibi ego Te, vilis fortassis umbra, at sequor tamen, non corpore, sed mente: & ad omnem emissarum  
majori-

majoribus minoribusve machinis pilarum strepitum contremiscens, quasi lateri hærerem tuo, Deum assidue veneror, ut calamitatem omnem a tam caro capite propitius averruncet. Ubi vero Te ex tot discriminibus, aut mortibus verius, saluum conspicio, tunc mihi, tunc universæ Protestantium Ecclesiæ, tunc Europæ omni Fœderatæ, verba deesse arbitror, quibus cœlestem illam Providentiam fite concelebremus; quæ Te tam immanibus toties objecit periculis, ut fortitudinem tuam, & constantiam, & animi nullis unquam procellis turbati perpetuam serenitatem, palam faceret; sed & mox eripuit, ut nostram pro Te sollicitudinem lætis plaussibus commutaret, & hostes ipsi tam luculentis exemplis discerent quam carus sis Deo. Nulla me unquam illius diei capiet oblivio, quo tuo propemodum casu, at deinceps, Deo faciente, victoria; nobilitatus Boinæ in Hibernia fluvius est. Quum enim pro solita Tibi satagentia hostium castra curiosius speculatum ires, explosus majori tormento globus, & in caput tuum directus, humerum strinxit; vulnere, quod majorem hostibus lætitiâ, tuis metum, quam Tibi noxam fecit: vulnere, quod Te hominem esse docuit; sed supra communem hominum sortem cœlitibus carum: vulnere denique quod quantumvis ingens, non impedivit tamen quo minus omnes strenui Imperatoris partes, etiam saucius, impleres, nec eopse die requiem corpori tuo, nisi post omnes, dares. O faventium nobis fatorum nunquam satis deprædicandam sapientiam & bonitatem! O memorabilem in factis nostris diem! Quam prope fuit ut solida inimici tui gauderent gaudia, qui nunc vanis de morte tua decepti rumoribus, scenica & indigna viris temerariæ lætitiæ ostentatione ridiculos se orbi præbuerunt! Vidi.

*O qua Sol habitabileis  
Illustrat oras, maxime Principum,*

oculis hisce meis vidi, manibus tenui, ori admovi sagum, illud tuum, quod ingenti lacerum hiato magnitudinem inflicti Tibi vulneris testabatur: vidi pretiosas illas exuvias cruore tuo purpuratas, Regiumque sanguinem piis lacrumis dilui. At novam nuper Landensi prælio sollicitudini nostræ causam dedisti, nullis Procerum Britannorum Belgarumque precibus exoratus, ut majorem vitæ tuæ, in qua omnium nostrum salus vertitur, haberes rationem. Neque enim ea fecisse contentus quæ Impe-

## D E D I C A T I O.

peratoris sunt, aciem instruere, ad pugnam animare, vigiles ubique oculos circumferre, laudare strenuos, increpare segnes, locoque cedentes promissis, minis, exemplo, revocare; ipse præiuvisti omnibus, & nihil a quoquam militum tuorum exegisti, quod non ipse præstiteris: gnarus Imperatorem commilitonemque miscere, incorrupto ducis honore. Tunc Te tui, nisi quantum oculorum aciem fumus hebetaret, per tela, per ignes ruentem conspexere; ac districto gladio hostibus medium impios a latere tuo mucrones avertentem. Ceterum ea rursus dies Divini in Te favoris illustre nobis documentum præbuit. Ceterum ea rursus dies Divini in Te favoris illustre nobis documentum præbuit. Dum enim tuæ prodigus salutis nostræ solum attendis; aut (si verum dicere liceat: & quid ni liceret apud quem honesta licent omnia? dum nostram salutem in tua periclitaris, hostilibus expositus tormentis, non tua Te prudentia, qua ceteroqui Fabiis ac Scipionibus æquiparandus es; sed, ut alii dicerent, fortuna; vel, quod ego sanctius dici arbitror, ipsa Dei manus inter pectus tuum ac feralem globum media, illumque non nisi in clamydem tuam, & extrema corporis levi contusione peccare passa, Te cladi, non luctui subduxit: si post tuam cladem ad luctum superstitibus nobis licuisset. Vita certe nostra tuam cupimus redemptam, & si fieri posset, de nostris annis demi, qui addantur tuis. Quis enim Batavo sanguine cretus non ardentissimo eum principem affectu prosequatur, quem, in unum collatis bonis omnibus, generis humani delicias fecit Deus? qui præcipitato in profundum, ac demerso in tenebras orbi velut salutare sidus afflavit? qui denique ex busto functi patris Divinitus in lucem editus, non nisi Patriæ saluti natus esse videtur, vere seculi nostri Phoenix. Quum conculcata, afflicta proximaque exitio suo Belgica esset, tunc Tu ei Opitulator, Liberator, malorumque Depulsor cœlitus obligisti. Confugit in sinum tuum concussa Respublica, nusquam certius inventura asylum. Britannia quoque tua pravis regum consiliis pene pessumdada, compedibus dudum ac numellis suis implicida fuisset, præda tyrannidi nisi Tu supplices tendenti palmas auxiliator accurrisses: eo animo, ea prudentia ac constantia, eo successu, quæ loquentur annales, stupebit, at vix credet posteritas. Ibit in secula expeditio illa tua, quæ inter tot vigiles Argorum oculos incredibili structa consiliorum secreto, ac deficientis anni hyeme, inter tot procellosi oceani tremenda discrimina, maximo suscepta animo,

Regi-

## D E D I C A T I O .

Reginæ , insularum Libertatem , Leges , Religionem , & quidquid generosis pectoribus carum esse potest , conservavit atque afferuit. Mirumne est , assertam secundum Deum tua unius ope Britanniam , male consulto Rege Jacobo , non a Te , non a populo Anglicano , sed sua conscientia pulso , neque fugato , sed fugiente , Rectore nunc destitutam , Conservatori ac Liberatori se suo gratam subjecisse ? Equidem Tu ille es cui cæteroqui , cum sanctissima conjuge MARIA AUGUSTA , ipso successionis jure vacui regni sceptrum debebantur. At hoc rerum statu ne suscepisses quidem ab utraque domo oblata ; si alius præter Te & castissimam thori tui Sociam , Britannis imperare dignus , ac res turbatas componere , libertatem tueri , invidiam vincere , potis fuisset. Adeo Te non lata & prospera stationis istius , sed aspera & dura , neque tua ambitio , sed necessitas publica , ad eam compeffendam impulerunt. Cujus rei quodnam certius potuit esse argumentum , quam quod regnorum tuorum impositus solis , non modo nullum Tibi diem , sed ne ullam quidem diei horam , curis Principalibus vacuum præterlabi passus , incomparabili diligentia quidquid ad securitatem Reipublicæ facit domi forisque constitueris ? Adversus privatos , teque nescientes , fortunæ tuæ æmulos , sola Te virtute tua involvens , præcertissimo injuriæ remedio oblivionem , non ultionem , quæ tamen , modo velles , in manu Tibi esset , adhibendo. Adversus publicos pacis Europæ turbatores , copiis , classibus , fœderibus , & qua Te cum maxime formidabilem hostibus facis , ingenta Tibi prudentia & magnitudinæ animi , non tam Te quam tuos tutans . Ac nisi dicere gestientem verba deficerent meritis tuis paria , prædicanda præ omnibus esset pietas illa tua , qua quidquid in Te collatum est dignitatis felicitatisque summi numinis benignitati lubens meritoque acceptum fers : sceptraque rursus tua ad illius qui iride cinctus cœlesti throno insidet aras & pulvinaria grato animo deponis. Non alia mente regnans , nisi ut in omnibus ditionibus tuis regnet JEHOVA , imperet Jesus , Cujus Tu imperium , non , quod alii superstitioni & crudelitati suæ prætexunt , carceribus , exiliis , flagris , equuleis , crucibus , rogis ; non terrarum depopulationibus ; non Bimachorum terrore horrendisque blasphemis ; sed mansuetudine , & demonstratione veritatis ad quamvis conscientiam , & quod plus omnibus valet , exemplo tuo promoves atque amplificas : nulla unquam vi illata animis circa Divina diversum a Te sentientibus.

Ceterum

## D E D I C A T I O.

Ceterum qua tandem oratione condigne exornari poterit sancta illa sollicitudo tua, quam in ipso regni aditu monstravisti? ut cives tui compositis circa puncta quædam Christiani castus & regiminis Ecclesiastici dissidiis, exoptatissimo animorum concentu in fraternam societatem, precumque ac laudum Divinarum unitatem conspirarent. Quod an ullius unquam mortalis ope ab innata humanis mentibus cæcitate & perficacia impetrabile sit, non diffiteor me ambigere: sed si ulla confieri ratione queat, Tu, REX, unus ille esse videris, cujus auctoritate, sapientia, moderatione, divulgæ religionibus animi redigantur in concordiam. Utinam tandem ille tot piorum votis expeditus illucescat dies, quo sublatis e medio, æternæque damnatis oblivioni, cunctis schismatum nominibus quidquid toto orbe Christianorum est, ad ortum solis ab Hesperio cubili, unum una mente colat, una voce loquatur Deum; & ut in Zachariæ oraculis est, JEHOVA unus sit, & nomen ejus unum in universa terra! Quæ quidem res, uti Christianis omnibus exoptanda, ita iis imprimis accuranda est quibus prædicandi Evangelii provinciam commisit veritatis juxta ac pacis Rex JESUS. Horum in numero quum me quoque collocutum esse gaudeam; ita mihi in tam glorioso tanti Regis ministerio versandum semper esse ratus sum, ut dum veritatis lucem mentibus accendere conarer, eandem opera caritatis ardore inflammarem corda. Bile linguam inficere, calamus felle tingere Religionis zelum affectibus prætexere, ignem alienum in sanctuarium Dei inferre, specie tuendæ veritatis ea moliri quæ non licent, sacerdotibus pacis, tam alienum a Christianismi genio esse duxi, ut nisi religiose mihi ab iis omnibus caverem, non utilem me modo, sed & perfidum ministrum esse certo crederem; proditam Domini causam haut impune laturum. Animi hujus mei specimen aliquod in iis exstare libris volui, quos de Fœderum Dei cum hominibus ratione olim editos, nunc Tibi, REX, qua par est submissione venerabundus nuncupatum dicatumque venio. Quid ad veritatis, in iis quæ hodie disputantur, elucidationem, quid ad pacis, violentis aliorum consiliis turbatæ, conglutinationem contulerim; qua moderatione singula tractarim; quo pacto controversias, quas alii ad decadas & centurias auxerunt, minuerim, composuerim, diremerim, salva semper fide quæ sanctis semel tradita est, Teologos tuos, quos in Anglia ac Belgio præstantissimos habes, censere velim. Id unum apud Te protestari liceat,



## DEDICATIO.

ceat, eo me omni animi nisu incumbere, ut auditores meos non ad litigiosas disputationes, sed ad liquidam Sacro-Sanctæ veritatis cognitionem, ad veteris & Apostolici Christianismi simplicem ac sine fūco pietatem, & ad almæ illius pacis, quam moriens suis & legavit & meruit JESUS, constans studium, tam voce quam exemplo, informem. Atque ea me spes alit, futurum esse ut qui e disciplina mea veniunt, non Belgæ solum nostri, sed Angli & Scoti & Hiberni tui, quorum non infrequens hic numerus est, eundem animum ad Ecclesias sibi committendas afferentes, Regnum CHRISTI, sub tuo regimine, insigniter amplificaturi sint. Accipe ergo, REX, accipe qua soles bonitate hoc devotæ Tibi mentis pignus ac tesseram; tuisque cum annumerari patere, qui post Deum O. M. nullius esse mallet. Sed & accipe calidissima ex imo pectore vota: Deus ille, cujus & Tu pedibus supplex quotidie advolveris, Deus ille qui Rex regum & Dominus dominantium est, semper te domi fortunatum, in publico felicem, semper Augustum, justitiæ præsidem, libertatis vindicem, Religionis statorem, concordie auctorem; oppressorum solatium, orbis Christiani arbitrum præstet: denique æterni regni sui gloria cumulet Tuam suæ proximam Majestatem. *Ultrajecti. Idibus Octob. M DC XCIII.*





## Allocutio Irenica.

A D

*Plurimum Reverendos, Clarissimos, Celeberrimos, S. S. Theologia in  
Academiis Fœderati Belgii Professores, & Ecclesiarum Reformatarum  
Pastores, Fidei semel Sanctis traditæ Fidos Antistites.*

**E**A nunc vivimus tempora, quibus sub librorum mole  
fatiscit propemodum orbis, certe ingemiscit Ecclesia:  
cui nunquam melius fuit, quam quando suo se involvens  
credepdi amandique sancta simplicitate, procul omni  
vitiligandi prurigine, ab unius Domini ore pende-  
bat, castamque veritatem ex illis solum scriptis haurie-  
bat, quæ & Davidem sapientiores fecere omnibus doctoribus  
suis, & hominem Dei perfectum reddere possunt, ad omne bo-  
num opus perfecte instructum. Sed & ea nunc tempora vivimus,  
quibus difficillimum est scribendo placere. Tanta enim ubique  
vel vera doctrinæ ubertas, vel scientiæ vana opinio, tam perti-  
nax semel arreptarum *ὑποθέσεων* retentio, tam acere partium stu-  
dium, tam malignum de aliorum Laboribus iudicium, sese vel  
invitis bonorum oculis ingerunt, ut qui se commentando, aut  
delicatis istis, aut parti non uni bona fide addictis, satisfacturum  
autumat, & ingenio suo nimium tribuere, & genium seculi ig-  
norare videatur. Quorum alterum quum a tenuitatis meæ con-  
scien-

scientia alienissimum sit, alterum autem obscurum esse non possit homini in aliqua luce versato: omnino mihi ratio reddenda esse videtur, cur iterum nunc in publicum prodeam, & quid operis hujus, quod Patriis Ecclesiis offero, institutum, quis scopus sit. Quibus autem rationem istam potius quam vobis redderem, VIRI REVERENDI & CLARISSIMI? quos ea cura tangit, qui de hisce rebus judicare omnium maxime idonei istis, quibusque, post Deum & Conscientiam, studia mea approbare imprimis gestio. Id ante omnia sincere profiteor, non insanabile scribendi cacoëthes, non inanis gloriolæ vesanæ ambitionem, non eruginem animi aut succum atræ loliginis, non ulcerum vulnerumve Ecclesiæ diducendorum detestandam cupidinem, non alicujus vel famæ offuscandæ, vel *ἐπιδόξιας* traducendæ, vel sententiæ detorquendæ odiosam lubidinem, non denique litium serendarum, augendarum, continuandarum infame studium, calamum hunc manui meæ indidisse. Etenim ut ego istarum rerum causas omnes procul habeo, ita & universum hujus operis institutum, vel fugitivis oculis usurpatum, ab iis me criminibus absolvet. Cæterum turbari piorum animos, vel inconsideratis nonnullorum assertionibus, atque insuetis Scripturarum interpretamentis, vel aliorum etiam suspicionibus, quas, nescio an prudentia, certe non semper caritas dictavit; id equidem ex animo dolebam. Et quandoquidem doctrina Gratosi Fœderis, quo homini peccatori restaurandæ cum Deo amicitie modus ostenditur, illiusque Fœderis non una dispensatio, malefaustum Eridos pomum in Belgio nostro factum est; adeo ut quæcunque ferme disputantur, si Prophetiarum explicandarum novam methodum, & recentis Philosophiæ placita, non bono consilio in Theologiam intrusa, excipias, huc referri & possint & debeant: hanc mihi imprimis materiam seligendam esse existimavi. Sed quam ita tractandam susceperem, ut & Veritati, hætenus in Ecclesiis traditæ atque creditæ, sua constaret facta testis incolumitas, & in illius defensione nihil procaciter, nihil acerbe, nihil denique contra Caritatis leges ageretur. Hæc me movit ratio, ut non in nudis hærerem disputationibus, quæ steriles plerumque, & nisi acrimonia quadam, veluti sale, condiantur, omni venustate ac gratia destitutæ sunt. Sed rem ipsam ab ovo; quod ajunt, ordiri volui; eamque, quantum potui, methodice ac clare exponere, obscurioribus Scripturæ locis lucem passim fœnerans, vim phrasium Spiritus Sancti sollicitè scrutans, omniaque ad praxin fidei

ac pietatis, Deique in Christo glorificationem referens; ut habitior ac succulentior nostra esset commentatio. Quo studio uti nihil nobis utilius dulciusque fuit, ita nihil fortius certiusque animos convincit, quam perspicua & sedata veritatis ad conscientiam demonstratio, quæ placido procedens gressu, a claris ac confessis orsa, & assertiones suas continua concatenatione nec tens, paullatim ad abstrusiora ducit, iisque non minus adstipulari cogit, quam quæ primo obtutu assensum impetrant; arcana interim efficacitate in penitus animæ partes illabens, easque in admirandarum Dei virtutum contemplatione cum stupore quodam figens. Necesse tamen erat ad sententiarum divergia quandoque excurrere. Ubi mihi res fuit, vel cum publicis Ecclesiarum Reformatarum Adversariis, Socinianis imprimis, & Remonstrantibus, qui doctrinam foederum Dei audacibus commentis stuprarunt: vel cum Fratribus quibusdam, qui hypotheses a receptis diversas formare, easque universæ propemodum Theologiæ substernere, in animum induxerunt. Utrobique candide me & modeste egisse, ne ipse quidem, ut opinor, livor negaverit. Statum controversiæ ex vero formavi, nemini quicquam affinxi, quod pro suo non debebat agnoscere: iisque pugnavi argumentis, quæ meam prius expugnaverunt conscientiam. Quibus ego, si per se solida non sint, nullum robur accedere ratus sum, ex affectu ac vehementia disputantis. Imprimis caute procedendum autumavi, ubi in Fratrum sententiam inquirerem. Ad quam rem nunquam eo accessi animo, ut vel verbulum aliquod minus examussitatum, vel phrasin duriorum, vel assertionem crudiorum ruspärer, in qua dentem figere liceret. Hoc illi faciant, quos *συκοφάντας των ὀνομάτων* Gregorius Nazianzenus appellavit; ego satius me facturum arbitratus sum, si expenderem, quousque Orthodoxi omnes convenirent, & quomodo in commodiores loquendi formulæ accuratioribus alibi emollirentur; atque ibi demum subsisterem, ubi revera sententiarum divortium est: quod spondere ausim aliquando minus visum iri, minorisque momenti, modo minor sit alienatio animorum. Non dissimulo tamen vel locutiones inconditas, vel interpretamenta aliena, vel theses absonas. Est & ubi nonnullarum periculum, sed sine docentis obtreccatione, sine sinistro affectu, detego. Fateor enim, me cum iis facere, qui fundamenta doctrinæ Fœderalis tam feliciter olim in Ecclesia tradita esse opinatur, ut novis hypothesibus non indigeamus; in quibus eam ego soliditatem, eam-

eamve utilitatem invenire non potui ut ad eas Theologiæ suffulciendas tantopere laborandum fuerit. Non tanti est observatio illa de Triplici Fœderis Gratiæ Oeconomia, quarum prima sub Promissione sit, in qua mera obtinuerit gratia ac libertas, sine iugo, aut legis accusantis onere: altera sub Lege, ubi inceperit Testamentum Vetus, Fideles ipsos subiiciens Dominatui Angelorum, & metui mortis per omnem vitam, & maledictioni denique atque execrationi, non concedens interim Patribus vera atque permanentia bona: tertia sub Evangelio, quando pii a dominatu Angelorum, & metu mortis temporalis, & execratione, quam accurata etiam Ceremoniarum observatio importabat, liberi esse coeperunt, & veris atque permanentibus bonis, Circumcisione Cordis, Inscriptione Legis in animo, Plena ac vera peccatorum Remissione, Spiritu Adoptionis, similibusque, demum potiti sunt. Non tanti, inquam, observatio ista mihi esse videtur, ut tot prælectionibus Academicis, tot sermonibus Ecclesiasticis, tot libellis, qua Latio, qua vernaculo sermone scriptis, inculcari debuerit; quasi in ea omnis eruditionis Theologiæ prora atque puppis consisteret. Nam & horrida dictu hæc esse, quomodocunque explicentur; & in meris *παρερμηνείαις* fundata, neque sine torsione quadam Scripturarum defendi posse, in ipso opere docuimus. Non paullo adhuc periculosiora existimavi ea Viri cætera Doctissimi dictata, quibus & Fœdus operum cum Adamo initum negat, & sub mortis nomine, quæ eidem, si peccaret, denuntiata est, mortem corporalem comprehendi vix concedit, & spiritualem cœlestemque beatitudinem, qualem nunc per Christum obtinemus, sub conditione perfectæ obedientiæ eidem Adamo promissam esse inficiatur, & Passiones Christi in Bellicas ac Judiciarias mustea distinctione dispescens, has solum, vel, quod emolliendi causa nonnunquam additur, præcipue, satisfactorias esse pugnat, exclusis inde & angoribus, quos in horto pertulit, & condemnatione, quam in forum Judaici confessus, quam Romani Præsidis sustinuit, & vibicibus quibus sulcatum est corpus ejus, & affixione ad maledictam crucem, & mortē denique ipsa. Super iis rebus libere ac candide Actione  
18. iudicium meum dixi: uti decet *της μὲν ὁρθοδοξίας ὑπέρμαχον, τις δὲ καινοδοξίας ἀντίμαχον*, quo elogio Sexta Synodus Oecumenica, Constantinopoli congregata, Constantinum Quartum Imperatorem ornabat, quodque a nostri ordinis hominibus alienum esse non debet. Ea etiam subinde notavi quæ leviora erant, & tamen



Ristor.  
Lib. 3.

Lib. 2.  
contra  
Crescen.  
Cap. 32.

vel non solidam Scripturæ interpretationem, vel conceptum minus accuratum continere videbantur. Non enim inutilis hæc curiositas est. Amphilocheus certe hoc nomine Basilio laudatur, quod ἐδερμίαν ἀδιερυνήλον ὄντο χρήναι καλαλιμπάνειν φωνήν τῶν ὅσα περὶ Θεῦ κατὰ πάσαν χρειάν τῆ λόγῃ προφέρονται. nullam censeret absque diligenti inquisitione prætereundam vocem, quæ in quocunque usum de Deo veniat. Sed sine rancore, sine insectatione omnia: ἔχ' ἕνεκα τῆς τῶν συγγραφέων ἐπιτιμῆσεως, χάριν δὲ τῶν φιλομαθόντων ἐπανορθώσεως: non ut rerum Scriptores reprehenderem, verum ut errore agnito studiosi lectores proficerent: quemadmodum Polybium alicubi scripsisse memini. Neque spero ægre fore Viris Doctis atque ingenuis, quibus idem in mea juris lubens concedo, si quorum laudem consequi non valeo, quorum multis literis mea scripta non comparo, quorum ingenium diligo, quorum ore delector, quorum virtutes miror, eorum tamen hoc, quod aliter sapiunt, non accipio, ea libertate, ad quam nos vocavit Dominus: ut iisdem propemodum nunc verbis utar, quibus sum a Cypriano dissensum olim testabatur Augustinus. Præsertim ubi viderint, me alia, quæ ab ipsis vel subtiliter inventa, vel ex linguarum originalium penetralibus feliciter eruta, vel ex ignotæ hæctenus antiquitatis reliquiis docte eruderata, vel judiciose confirmata, vel dilucide exposita sunt, & libenter adoptasse, neque sine insigni ipsorum laude Lectori commendasse. Comperient etiam, quæ bene ab iis dicta rebar, ab aliis autem iniquius sugillata, ea me cordate quandoque defendere, & ab inulta absurditatis novitatisque nota emaculare: idque tam frequenter ac sollicitè, ut harum me rerum nimium fuisse, multi indubie arbitraturi sint. Necdum tamen ab animo meo impetrare possum, ut ejus me ingenuitatis poeniteat. Quo enim pacto aliter facere queat is, qui non factioni alicui implicitus, non humano nomini mancipatus, non suis aliorumve affectibus obsecundans, soli Veritati sacramento dixit; neque, a quo quid dicatur, curat sed quid dicatur? Qui pacem Hierosolymorum diligit, controversias compositas quam multiplicatas mavult: eaque innocua esse, vel utilia etiam, cum gaudio discet, quæ invidiose ab aliis in litigandi materiam trahuntur. Merito quidem displicet cordatis omnibus illa, quæ graffiatur hodie, ingeniorum protervitas, sapienter reperta, & semper placida temere vertens, dogmaticis primum impetitis, mox ad arcanorum vaticiniorum audacem, sed ludicram sæpe, interpretationem insolenter prorumpens, iis etiam in vaticiniorum censum ridicule

*Allocutio Irenæica.*

coactis, quæ nil nisi communis fidei aut sanctimonix præcepta continent: qua methodo egregium publicum & sacræ artes nostræ non parum dehonestantur. Neque mirandum profecto est, si quorundam incitator zelus luxuriem istam, uti meretur, vel fortasse aliquanto acrius, depexam det. Sed tamen modus est in rebus: nec probare eorum studia possum, qui, dum de diffidiis nostris differunt, non decadas modo aliquod, sed & centurias controversiarum numerant, truci eloquentia in innoxia quandoque sævientes. Quæ disputandi ratio an ad promotionem salutaris sapientix, & ædificationem animarum admodum conducat, nunc non dicam; hoc scio, hostibus Ecclesiæ eo pacto dilicias fieri, qui nobis inter nos non pauciores, &, si ex contententium fervore æstimentur, non multo leviores, controversias, quam secum intercedere, taciti in sinu gaudebunt. Nec taciti certe. Non enim cessabunt, non cessant, hæc nobis probra objicere: quæ prohi dolor! dici facilius quam refelli possunt. O quanto satius sanctiusque esset, minuendis, componendis, &, si pote, tollendis controversiis operam omnem atque sollicitudinem impendere! EO VOS, VIRI REVERENDI ATQUE CLARISSIMI, Consilia vestra ac studia conferte. Hoc a vobis pii omnes contractioni Josephi ingemiscunt; hoc Ecclesiæ, quæ curæ vestræ commissæ sunt; hoc ipse Jesus, Veritatis simul ac Pacis Rex, exigunt atque expectant; hoc vos orant, obtestantur, obsecrant. Si qua igitur consolatio est in Christo; si quod solatium charitatis, si qua communio Spiritus, si quæ viscera ac miserationes; explete meum, explete sanctorum omnium, explete ipsius Domini Jesu gaudium, ut idem sapiatis, eandem caritatem habentes, unanimes & sententiis uni. Sat rixis, obtestationibus, suspitionibusque; sat Fraternalis bellis, quæ nullos Triumphos habitura spondeo; sat intestinis diffidiis, quibus alter alterum consumimus; sat affectibus superque datum. Partium studia, facturiendi pruritus, Schismatica nomina, æternum abhinc facessant. In spongiam incumbant Litigiosæ, Satyricæ, Virulentæ scriptiones & quarum flabella *redivivos ignes flammivomariam renovant questionum.* Si quid omnino de his scribendum sit controversiis, affe-

ctus, omnes procul esse jubeamus, utpote examinantium remoras, & judicantium compedes: rationibus pugnemus, non convitiis, memores Aristophanei illius *ἐλεγχ' ἐλέγχῃ, καὶ γὰρ ὁ θεὸς* extat Actio. *λαιδόρειν ἀνδρας ποιητὰς* (quanto minus *θεολόγους;*) ὡς περ ἀποστο- I. Synodi Oecumæn. *λίδας.* 6.

r. Tim.  
6: 4.

Initio  
Comm. in  
Gen.  
Panstrat.  
Cath.  
Lib. 16.  
C. 11.

Concil.  
Chalced.  
Act. 1. &  
Sexto Oec.  
ump. Act. 1.

*λίδας.* Limpida Theologiae fluente; ex solo Sacrarum Literarum fonte derivanda, nullis, vel antiquioris, vel novitiae Philosophiae impuris laticibus fordidentur. Abstineatur a locutionibus duris & insuetis, ab assertionibus crudis ac temerariis, *ex quibus nascitur invidia, lis, maledicentia, suspiciones male.* Foederis utriusque instrumenta sedulo quidem ab omnibus, sed cum sacro quodam horrore ac tremore tractentur. Nemo novis sibi commentationibus, an commentis? eo nomine placeat, quia hornas eas & decessoribus ignotas autumat. Qui receptis melius quid ac solidius se invenisse opniator, modeste id in medium proferat, sine fratrum vilipendio, sine asseverandi determinandique temeritate, subjiciens cogitata sua censurae eruditorum, ac judicio Ecclesiae, non mox inculcans ea plebi ad distractionem animorum, non propinans incautae juventuri, inidoneo tantarum rerum arbitro. Nemo etiam id, quod & verborum significationi, & phrasi Scripturae, & analogiae fidei, & circumstantiis textus consonum est, propter solam novitatem rejiciat. Non male Cajetanus, Chamiero nostro eo nomine laudatus: *Si quando occurrit novus sensus textui consonus, quamvis a torrente Sacrorum Doctorum alienus, equum se praebeat Lector censorem.* Et rursus: *Nullus detestetur Novum Sacrae Scripturae sensum, ex hoc quod dissonat a priscis Doctoribus; non enim alligavit Deus expositionem Scripturarum Sacrarum priscorum Doctorum sensibus.* Prophetiarum quoque abdida investigentur: sed reverenter, sine torsione sermonum Dei, sine violatione septi illius, quo ab arcanorum suorum, vix aliter quam eventu sese explicantium, intuitu homullos Deus arcuit, ne scrutator Majestatis opprimatur a gloria. Nemo ullius humani nominis auctoritate liberat fidei conscientias obstringat; sed uti Clemens olim jubebat Romanus, *Ex ipsis Scripturis sensus capiatur Veritatis:* iis solis, in re Religionis, stetur, cadatur: ex iis omnis controversia dirimatur, *προκειμένων ἐν μέσῳ τῶν ἁγίων καὶ ἀρχόντων Χριστῷ τῷ Θεῷ ἡμῶν Εὐαγγελίων, in medio positis Sacro sanctis & Intaminatis Christi Dei nostri Evangelii:* quod in piis Veterum Conciliis fieri solitum erat. Nemo tamen hoc praetextu formulis consensus, quae ex Dei verbo desumptae, & Scripturis consonae, vincula unionis Ecclesiasticae, tesserae Orthodoxias, haeresium repagula, lascivientium ingeniorum cancelli sunt, proterve obtinatur, quasi Babylonicae sint turris reliquiae, quibus ad idem in Religione sentiendum loquendumque, humano, nec probando, consilio homines adigantur. Nemo sibi ex recentioribus Doctoribus Ducem aliquem constituat, cujus

cujus dictata omnia ut cœlestia oracula excipiat, ac tueatur; in quo scilicet renatus nobis sit ὁ τῆς εἰκεμένης διδασκαλίας καὶ φωτῆρος, ut Basilium celebrabant Veteres: & præ cuius granditate ceteros omnes ut pusiones ac nanos exhibilet, quasi nil essent nisi ἡβουλλῶντες ἀφρονες νεηνίαι, Gens pusionum vesticeps, mentis minor: qui tamen ipse fortasse protestatus sit, nolle se nova in Theologia, & sic se esse Author & Caput haberi. Nemo contra eundem ita aversetur, quasi nihil ab ipso veri & boni, & ad intelligentiam Scripturarum utile proficisci queat: nemini enim pium animum indit Deus, ut Scripturas meditetur die ac nocte, quin simul in castæ sapientiæ suæ thesauros aperiat. Bona Patris nostri cœlestis in quibusvis æstimemus, prædicemus; ea Ecclesiæ gratulemur, & in nostrum singuli usum convertamus. Nemini, qui orthodoxam animi sententiam disertis passim verbis exponit, piaculo inputetur vel verbum incommodius, vel locutio durior, quæ aliud agenti excidere non enim in syllabis venenum latet: Οὐκ ἐν ἥχη, μάλλον δὲ ἐν διανοίᾳ κεῖται ἡ ἀλήθεια, non in sono sed in mente sita est veritas. Οὐκ ἐν ψόφῳ αἶψα, ἀλλ' ἐν δυνάμει τῶν συμβαινόμενων τὸ εὐσεβές, non in timuitu aris, sed in virtute rerum significatarum est pietas. Id tamen operam demus ut omnes loquamur quam accuratissime, eaque, quæ vel ab amicis, vel ab ipsis nobis imprudentius dicta sunt, nulli tueamur, ab illis culpari ægre ne feramus; sed potius suadente ingenuitate, jubente veritate, urgente caritate, applaudentibus bonis omnibus, mittamus, inducamus, corrigamus: quod & olim, & hac nostra ætate magni viri, non sine maxima sua laudē, fecerunt. Nemini repente Fratrum, propter id, quod ex verbis ipsius sequi creditur, ipso neque sequelam istam admittente, & id, quod sequitur detestante, atrox heresios stigma inuratur. Solida virorum eruditio, & mores ad Christianam sanctitatem compositi, & pacificum Ingenium, & officii sedula quidem sed sine tumultuatione ac strepitu obitio, plus iis favoris concilient, quam bullientis zeli inconsideratus sæpe fervor, & θυμῶ, ut Homerus ait, ἐπαθραῖς animique ferocientis in pugnas impetus, quibus quicquid Dei caussa prætexatur, propria plerumque gloria quæritur atque utilitas. Libertas etiam aliqua eruditis permittatur, in explicatione locorum Scripturæ, in selectu argumentorum pro communi veritate, in usu phrasium ac terminorum, in determinatione quæstionum, quas problematicas vocare solemus, (non enim in hac mentium humanarum caligine expectandum est, ut omnes in omnibus idem lo-

*Allocutio Ireneica.*

quantur ac sentiant) sed libertas Modestiae, Prudentiae & Caritatis limitibus circumscripta, ne in petulantem licentiam degeneret, ac Zionem nostram in Babelem vertat. Hæc mea desideria, Vota, Consilia sunt, quæ Vestræ, VIRI REVERENDI ATQUE CLARISSIMI, Prudentiæ, Fidei ac Pietati commendo; uti Vos, sanctosque labores vestros gratiæ Magni Dei & Servatoris nostri Jesu Christi, qui compingat vos ad omne bonum opus, ad præstandam ipsius voluntatem, efficiens in vobis, quod gratum sit in conspectu suo, tandemque post feliciter decertatum præclarum fidei certamen, amarantina gloriæ corona bect. Ita vovebat olim, eademque vota animitus nunc repetit,

VIRI REVERENDI ATQUE  
CLARISSIMI,

*Symmysta Vester & Conseruus in Domino.*

Ultrajecti XIII. kal. Nov.  
M DC XCIII.

H. WITSIIUS.

ORDO.

O R D O  
L I B R O R U M  
&  
C A P I T U M.

L I B E R   P R I M U S.

CAP.

- |  |   |
|--|---|
| <p><b>I.</b> <b>D</b>E Fœderibus Dei in genere.<br/>II. De Personis contrahentibus in Fœdere Operum.<br/>III. De Lege Fœderis Operum.<br/>IV. De Promissis Fœderis Operum.<br/>V. De Sanctione pœnali.</p> | <p>VI. De Sacramentis Fœderis Operum.<br/>VII. De Sabbatho primo.<br/>VIII. De Violatione Fœderis Operum.<br/>IX. De Antiquatione Fœderis Operum a parte Dei.</p> |
|--|---|

L I B E R   S E C U N D U S.

- |   |  |
|---|--|
| <p><b>I.</b> <b>I</b>ntroductio ad Tractationem Fœderis Gratia<br/>II. De Pacto Dei Patris &amp; Filii.<br/>III. Natura pacti inter Patrem &amp; filium fusius explicatur.<br/>IV. De Persona Sponsoris.<br/>V. De sponsione &amp; Satisfactione Christi.<br/>VI. Quanam Christi passiones sint</p> | <p>Satisfactoria.<br/>VII. De Satisfactionis effectu.<br/>VIII. De necessitate Satisfactionis Christi.<br/>IX. Pro quibus Christus spoponderit &amp; satisfecerit.<br/>X. Quomodo Christus usus sit Sacramentis.</p> |
|---|--|

L I B E R   T E R T I U S.

- |  |  |
|--|--|
| <p><b>I.</b> <b>D</b>E Fœdere Dei cum Electis.<br/>II. De unitate Fœderis gratia quoad illius substantiam.<br/>III. De diversis Fœderis gratia Oeconomis.<br/>IV. De Electione.<br/>V. De Vocatione.<br/>VI. De Regeneratione.</p> | <p>VII. De Fide.<br/>VIII. De Justificatione.<br/>IX. De Pace Spirituali.<br/>X. De Adoptione.<br/>XI. De Spiritu Adoptionis.<br/>XII. De Sanctificatione.<br/>XIII. De Conservatione.<br/>XIV. De Glorificatione.</p> |
|--|--|

L I B E R

# LIBER QUARTUS.

I. **D**E Doctrina Salutis in prima mundi etate.

II. De Doctrina gratia sub Noacho.

III. De Doctrina gratia sub Abrahamo usque ad Moysen.

IV. De Decalogo & Fœdere Israëlítico.

V. De Doctrina Prophetarum.

VI. De Typis.

VII. De Sacramentis gratia usque ad Abrahamum.

VIII. De Circumcisione.

IX. De Paschate.

X. De Sacramentis Extraordinariis in Deserto.

XI. De Bonis Veteris Testamenti.

XII. De Imperfectionibus V.T. non ex vero attributis.

XIII. De iis, quæ vere V.T. defuerunt.

XIV. De Antiquatione V.T.

XV. De bonis Testamenti Novi.

XVI. De Baptismo.

XVII. De Sacra Cæna.



*De Fæderibus Dei in genere.*

*De Fede-  
ribus Dei  
dissertatu-  
rus sancte  
id casteque  
debet fa-  
cere.*



terarum discipulum præbeam, quæque ex iis me didicisse opinor modestè cum Fratribus meis communicem: si forte minuendis diffidiis, & elucidandæ veritati, qua nihil nobis debet esse antiquius, opella hæc mea inservire queat.

*Etymologia vocis*  
ברית

II. Quia per vocabula, istarum præprimis linguarum quibus secreta sua hominibus pandere Numini visum est, ad rerum cognitionem non infeliciter contenditur, operæ pretium erit, ut vim tam Hebrææ vocis ברית, quam Græcæ διαθήκη, quibus in hac materia Spiritus Sanctus utitur, enucleatius investigemus. Primumque *etymologia*, mox *homonymia* Hebræi vocabuli assignanda est. De priori non consentiunt eruditi. Sunt qui arcessant a radice ברא, quæ in Piel habet *succidendi* significatum, quia fœdera olim, uti mox dicemus, scissis animalibus confirmari solemniter solebant. Posset etiam ab eadem radice diversissimo significato deduci. Nam ברא ut proprie *create*, ita similitudinis jure *ordinare*, atque διατίθεσθαι, significat: quo factum est, ut Judæi Hellenistæ τὸ κατίζειν ad eundem significatum produxerint. Certe eo sensu Petrus ἐξέσταν ab hominibus constitutam, & ad res humanas, ἀνθρώπων καὶ κατὰ τὸν νόμον vocat 1. Pet. 11. 13. Quod quidem nobis ab Illustri Grotio ad inscriptionem N. T. erudite animadversum videtur. Alii malunt a ברר derivare, ut שבית a שברו. Significat autem ברר inter cætera *eligere*. Porro in fœdere, præsertim de amicitia, est electio personarum inter quas, rerum de quibus, & conditionum super quibus, initur pactum. Neque hoc incommode observatur.

*Ejusdem vocabuli homonymia.*

III. Cæterum non uno significato vox ברית in Sacris litteris venit. Aliquando *improprie*, aliquando *proprie* usurpatur. *Improprie* notat hæc frequentia. I. *Immutabile statutum* de quacunque re. Hoc sensu narrat Deus *fœdus suum de die & fœdus suum de nocte*. Jer. xxxiii. 20. Id est, fixum illud statutum de diei noctisque duratura vicissitudine, quod Cap. xxxi. 36. דין vocatur, hoc est *delineatum* vel *definitum statutum*, cui nec addi, nec demi debet. Hoc significato includitur notio *testamenti*, siue ultimæ & irrevocabilis voluntatis. Quomodo Deus dicebat Num. xviii. 19. *Do tibi, & filiis, & filiabus tuis tecum*, לרץ חילך ברית מלך, *in statutum æternum, fœdus salis æternum hoc tibi*. Quæ observatio utilis est ad naturam fœderis Gratiae plenius intelligendam, quod Apostolus proponit sub similitudine *Testamenti*, cujus executio a morte testatoris pendet. Heb. ix. 15. 16. 17. Ad quam cogitationem tam Hebræum ברית, quam Græcum διαθήκη, nos deducere potest. II. *Certum & stabile promissum*, etiam si mutuum non sit. Exod. xxxiv. 10. ברית, דנהו אנכי כרת ברית, *ecce ego seco fœdus, coram toto populo tuo faciam mirabilia*. Jer. lxx. 21. *Hoc est fœdus meum cum ipsis: Spiritus meus non recedet ab ipsis*. III. Significat etiam *Præceptum*, & *secare fœdus* est *præcipere*. Jer.

*Jer.* XXXIV. 13, 14. *Ego feceram fœdus cum majoribus vestris — dicendo: a sine septem annorum dimittitote quisque fratrem suum.* Hinc patet quo sensu *Decalogus fœdus Dei* vocetur. *Proprie* autem significat *mutuam partium de re quapiam conventionem.* Tale fœdus intercessit inter Abrahamum, & Mamre cum Escol & Aner, qui dicuntur בְּרִית בְּעָלֵי מֶלֶךְ *fœderati Abrami Gen.* XIV. 13. Tale quoque fuit inter Isaacum & Abimelechum. *Gen.* XXVI. 28, 29. Inter Jonathanem & Davidem. *1. Sam.* XVII. 2. Ejus etiam modi est Fœdus, de quo nos nunc tractaturi sumus, Deum inter hominemque.

IV. Non minus *παιδεία* Græcorum *διαθήκη* est. Quod sæpissime, tam singulari quam plurali numero positum, *Testamentum* notat: *significationes* uti ex *Isocrate, Æschine, Demosthene*, aliisque ostendit *Budæus in Commentariis lingua Græcæ.* Eo sensu ab Apostolo usurpari monuimus. *Heb.* IX. 15. Aliquando etiam significat *legem* quæ vivendi regula sit. Nam *Orphici & Pythagoristæ* præscriptas gregi suo vivendi normas *διαθήκας* vocabant, monente *Grotio.* Frequenter etiam *sponsionem pacemque* valet: quapropter per *συνουσίαν* ab *Hesychio* explicatur. Nulla harum significationum est, quæ in progressu operis usui nobis futura non sit.

V. Fœdus pangere vocant Hebræi בְּרִית, quomodo Græci quoque & Latini dicunt, *ferire, icere, percutere fœdus.* Quod sine dubio originem traxit a prisco ritu mactationis animalium, qua fœdera sanciebantur. Cujus ritus antiquissima vestigia cernimus *Gen.* xv. 9, 10. Sive id tum primum a Deo jussum, sive ex consuetudine populorum transumptum sit. Emphaticum est quod de Cynæthensibus *Polybius* narrat *Lib. IV. pag. mibi 398.* *Ἐπὶ τῶν σφαγίων τὰς ὀρέας ἢ τὰς πίσεις ἐδίδοσαν ἀλλήλοις.* *Super mactatas victimas jus jurandum ac fidem invicem præstabant.* Quæ phrasis plane gemina est illi qua Deus utitur *Pf. L. 5.* *כָּרַתִּי בְּרִיתִי עִלַּי וְחַתֵּם* *percutientes fœdus meum super victimam.* Solebant etiam inter dimidiatas dissectæ victimæ partes *medii transire.* *Jer.* XXXIV. 18. Qui plura de hoc ritu desiderat, adeat *Grotium* ad *Mat.* XXVI. 28. & *Bechartum in Hierozoico, Lib. II. Cap. XXXIII. p. 325.* & *Ouvven. Theologum: Lib. III. Cap. 1.* Moris quoque fuit, ut conventiones & pacta adhibitis solemnibus *conviviis* confirmarentur. Quorum exempla in scripturis obvia sunt. Ita Isaacum fœdere cum Abimelecho percusso, convivium magnum parasse, atque una cum illis cibum sumxisse dicitur. *Gen.* XXVI. 30. Similiter filius ejus Jacobus fecit, sancito fœdere cum Labane. *Gen.* XXXI. 54. Similis convivii fœderalis mentio fit. *2. Sam.* III. 20. Ubi narratur convivium quod fecit Abner & comitibus ejus David, qui ad fœdus cum eo pangendum nomine populi accesserant. Idem Gentilibus quoque suetum fuisse, ostendit Doctissimus *Stinchius in Antiquitatibus Convivalibus Lib. I. Cap. XL.*

Signifi-  
catio ho-  
rum ri-  
tuum.

VI. Neque carebant hi ritus suo significato. *Dissectio* animalium notabat, ita eum vindice Deo dissectandum esse, qui perjurio se & foedifragio adstrinxerit. Huc spectat quod Deus dicit *Jer. xxxiv. 18, 19, 20. Tradam homines istos, qui transgressi sunt fœdus meum, qui non præstiterunt verba fœderis quod pepigerant coram me, quum transierunt inter dimidiatas partes ejus vituli, quem dissectueram in duo — Tradam, inquam, eos in manum inimicorum ipsorum — Et cadaver ipsorum erit cibo volucris calorum.* Confer. 1. *Sam. xi. 7.* Antiqua harum dirarum formula apud *Livium* exstat. *Lib. I. Illis legibus populus Romanus prior non deficit: si prior defecerit, publico consilio, dolo malo, tu illo die, Jupiter, populum Romanum sic ferito, ut ego hunc porcum hodie feriam; tantoque magis ferito, quanto magis potes pollesque.* Quando per dissectas partes foederati transibant, significabatur eos arctissimo religionis & juris jurandi vinculo inclusos esse, jamque in unum corpus coaluisse, uti *Vatablus* annotavit ad *Gen. xv. 10. Epula fœderales* telleræ erant sinceræ & duraturæ amicitiae.

Qua am-  
plissima  
erat quan-  
do Deus in  
suis cum  
hominum fœ-  
deribus eos  
hisce cere-  
moniis uti  
volebat.

VII. Quando autem Deus in solemnitatibus suorum cum hominibus foederum, hisce eos vel similibus ritibus uti volebat, significatio multo erat augustior. Ii qui fœdus Dei faciebant super hostia, non solummodo noxæ se subdebant, si impie a Deo desciscientes, fœdus ejus aspernarentur; sed Deus quoque iis significabat, omnem gratiosi fœderis firmitatem in Christi mactatione fundatam esse, & corpus animamque Christi aliquando esse divellenda. *In ipso omnes promissiones Dei sunt vai και ἀμην. 2. Cor. i. 20.* Ipsius sanguis *αἷμα διαθήκης* sanguis fœderis est *Mat. xxvi. 28.* multo excellentiore modo, quam ille quo tam altare quam populum fœderatum aspergebat *Moses. Exod. xxiv. 8.* Sacra illa epula quibus excipiebantur fœderati coram facie Jehovæ, præsertim illud quod D. Jesus sub Novo Testamento instituit, quam efficacissime obsignant intimam illam communionem & communicationem Christi & fidelium.

Quid fœ-  
dus salis

VIII. Sunt Viri Doctissimi qui ex hoc ritu arcessunt explicationem illius phrasios, quæ exstat *Num. xvi. 19. & 2. Chron. xiii. 5. dedere salis*, id est, de fœdere amicitiae, & quidem stabili ac perpetuo. *Quod sic videtur vocatum, quia sal solebat adhiberi sacrificiis, quasi diceret, fœlere percusso, adhibitis ceremoniis fieri solitis in fœdere percutiendo:* inquit *Celeberrimus Rivetus in Gen. Exercit. 136.* Nisi malimus hic respici ad firmam consistentiam salis, qua putredinem ac corruptionem arcet, adeoque durationem rerum extendit, & aliquo modo ad æternitatem ducit. Propter eam rem uxor *Lothi* in statuam salis conversa creditur: non tam, uti notat *Augustinus*, ut nobis condimenti instar esset, quam ut sic exstaret stabile & perpetuum monumentum judicii divini. Non enim omnis sal colliquationi obnoxius est. *Plinius* narrat Arabas quosdam

dam muros, domosque, massis salis facere, & aquâ ferruminare. *Natu. Hister. Lib. XXXI. Cap. VII.*

IX. Hæc generatim de vocibus præfati; nunc ipsam rem, foederis- que Dei cum homine naturam, rimemur. Quod ita finio. FOEDUS DEI CUM HOMINE EST CONVENTIO INTER DEUM ET HOMINEM, DE RATIONE CONSEQUENDÆ CONSUMMA- TÆ BEATITUDINIS, ADDITA COMMINATIONE ÆTERNI EXITII, QUO MULCTANDUS EST BEATITUDINIS, EA RA- TIONE OBLATÆ, CONTEMPTOR.

*Fœderis  
Dei cum  
homine de-  
scriptio.*

X. Fœdus a parte Dei *tria* in universum complectitur. I. *Promissum* consummatæ beatitudinis in vita æterna. II. *Designationem* ac *præscrip- tionem conditionis*, qua præstita jus illius homini acquiratur. III. *San- ctionem pœnalem* adversus eos qui præscripta conditione non stant. Om- nia hæc hominem *integrum*, ac, ut Paulus loquiamur, *ὁλόκληρον*, spe- ctant, uti anima constat & corpore. Utrique parti beatitudinem polli- cetur Deus, utriusque sanctitatem exigit, utrique comminatur exiti- um. Eoque hoc fœdus facit, ut Deus in toto homine gloriosus appareat.

*In quo  
tria consi-  
deranda.*

XI. Fœdus istius modi, cum creatura rationali, ad imaginem suam condita, pacisci, omnino *θεοπρεπές*, ac *Deo dignum* est. Fieri etenim non potuit, quin Deus se creaturæ intelligenti ut *exemplar* sanctitatis proponeret, ad cujus instar illa semet ipsam omnesque suas actiones for- mare debeat, accurate custodiens, semperque operosam reddens, ju- stitiam illam originalem, qua ab ipso sui exordio donata erat. Non po- test Deus hominem ad amorem, cultumque, ac quæstionem sui, ut sum- mi boni, non obligare. Et concipi nequit, quo modo Deus, volens se amari ac quæri ab homine, nolit ab homine eum amante ac quærente, & pro summo suo bono habente, ac ut talem unice desiderante, esuriante, si- tiente, reperiri. Quis cogitaverit Deo dignum esse, ut dicat homini, Ego unice a te quæri volo: sed eâ conditione, ut nunquam me invenias. Ego a te super omnia enixe desiderari volo, cum fame ac siti mei; verum eâ lege, ut nunquam me satieris. Nec minus justitia Dei exigit, ut homo beatitu- dinem, æquissimis conditionibus oblatam, respuens, illius privatione mulctetur, & præterea in contempti Numinis severissimam indigna- tionem incurrat. Unde patet ex ipsa Divinarum perfectionum conside- ratione hoc deduci posse, quod *legem* quandam homini præscripserit, & eam quidem ut *conditionem potiundæ felicitatis*, quæ in fruitione Dei consistit, munitam *comminatione Maledictionis* adversus rebellem. In qui- bus totam rationem fœderis consistere, mox jecimus. Sed de singulis hisce postea uberius dicendi locus erit.

*Fœdus  
cum homi-  
ne pacisci  
Deo dig-  
num est.*

XII. Hactenus Fœdus Dei *μονόπλευρον*, sive *unius lateris* est. Δί- *Cui, ut  
πλευρον*, sive *utrinque lateris* fit, cum homo eidem fœderi astipulatur. *διπλευρον  
fit, bono*

astipulari  
debet.

**Bonus** a Deo promissum *amplectens*, conditionis postulatæ exactam obser-  
vantiam repromittens, qua violata semet ipsum intentatæ maledictionis reum  
ultra fateatur. Hoc vocat scriptura, *עבור בברית יהודה* *transire in fœdus*  
*Domini*, *Deut. xxix. 2.* & *בוא באלה ובשבועה*, *venire in adjurationem &*  
*jusjurandum*, *Neb. x. 29.* In hac adjuratione, (*ὁμολογίαν* vocat Paulus  
*2. Cor. ix. 13.*) conscientia se testem sistit justam esse stipulationem Dei,  
& modum hunc ad fruitionem Dei perveniendi esse *θεοπαρεσῶν*, neque  
aliter posse perveniri ad promissionem. Unde mala quæ Deus transgres-  
soribus fœderis interminatus est, dicuntur *אלות הברית*, *Adjurationes fœ-*  
*deris* *Deut. xxix. 20.* quibus se fœderatus ultro subdidit. Effectum hu-  
jus adjurationis in eo qui fœderi non stat dicitur *נקם ברית* *vindicta fœde-*  
*ris*, *Levit. xxvi. 25.* Formulam astipulationis habemus *Ps. xxvi. 8.*  
*לך אומר לבי*, *Pro te*, i. e. tuo loco, vel tuam vicem, *dicit cor meum, qua-*  
*rite faciem meam*. *Faciem tuam, Domine, queram*. Ubi stipulationi, no-  
mine Dei per ministram conscientiam factæ, fidelis animi voluntaria  
astipulatio respondet.

Qui adsti-  
pulationem illam  
sine crimi-  
ne non po-  
test detre-  
ctare.

XIII. Astipulationem hanc sine crimine detrectare, ad fœderis pro-  
positionem, homo non potuit. I. Ex vi legis, ipsum universaliter ob-  
ligantis, ad id omne humiliter amplectendum, quod a Deo proponi-  
tur. Cui omni modo subesse de essentia creaturæ rationalis est. II. Prop-  
ter summam illam Dei *ὑπεροχὴν*, *eminentiam*, cujus est de bonis suis,  
& conditione iis potiundi, disponere *ἀνυπερβύτως*, *cum suprema aucto-*  
*ritate*: simulque homini injungere, ut ad oblata bona, sub præscrip-  
ta conditione, contendat. Unde hoc Fœdus, quum inter admodum  
inæquales sit, naturam eorum fœderum induit, quæ Græci *προσάγμα-*  
*τα*, aut *συνθήκας* *ἐκ τῶν ἐπιταγμάτων* vocaverunt: de quibus *Grotius*  
*Lib. II. de jure Belli & Pacis. Cap. xv. §. 6.* Hinc est quod Paulus dictum  
Mosis: *Ecce sanguis fœderis* *אשר כרת יהודה עמכם* *quod pepigit vobiscum Do-*  
*minus* *Exod. XXIV. 8.* ita vertat, *τὸ τοῦ αἵματος τῆς διαθήκης, ἥς ἐνετεί-*  
*λατο πρὸς ὑμᾶς ὁ Θεός.* *Hic est sanguis fœderis, quod præcepit vobis Deus.*  
*Heb. ix. 20.* Non est in arbitrio hominis fœdus Dei amplecti vel reji-  
cere pro lubitu. Præceptum est homini ut id amplectatur, anhelans ad  
promissa, per viam fœdere monstratam. *Promissa* non desiderare, est  
abnegare Dei *bonitatem*. *Præcepta* repudiare, est abnegare Dei *eminen-*  
*tiam & sanctitatem*. *Sanctioni* non subscribere, est abnegare Dei *justitiam*.  
Propterea de fœdere Dei dicit Apostolus, quod *νενομόθετήται in legis*  
*formulam redactum sit*, *Hebr. viii. 6.* qua homo obligatur ad astipula-  
tionem. III. Id sequitur ex amore illo quem sibi homo naturaliter  
debet, quoque ad summum bonum fertur, cujus potiundi, præter condi-  
tionem à Deo præscriptam, nulla ratio superest. IV. Ipsa hominis  
conscientia dictat, fœderi huic, quoad omnes sui partes, summam inesse  
æqui-

æquitatem. Quid enim æquius vel cogitatione fingi potest, quam ut homo, Deum pro summo suo bono habens, in eo quærat deliciarum, & de illius boni oblatione gaudeat? ut legem, quæ Divinæ sanctitatis *ἐντύπωμα* ac deformatio est, pro naturæ & actionum suarum norma pronus recipiat? ut denique, si contingat promissum hoc insuper habere, legemque violare, nocens caput justissimæ Numinis vindictæ subdat? Ex quibus consequitur, non fuisse homini integrum fœdus Dei aspernari.

XIV. Deus hoc fœdere nihil novi juris in hominem acquirit: quod, si recte rem putare volumus, non fundatur, nec fundari potest, in ullo beneficio Dei, vel maleficio hominis; uti disputat *Arminius*: neque in ulla re quæ extra Deum sit: sed cujus primum, vel unicum, fundamentum est summa Dei Eminentissimi Majestas. Quia Deus est *παρά-εως*, sibi que ad omnem beatitatem sufficientissimus, ideo etiam est *μὲν ἐξ ὧν δύναμις*, uti Paulus hæc jungit. 1. *Tim.* vi. 15. Neque potestas & jus Dei in creaturas, e re aliqua quæ extra Deum est, derivari vel augeri potest. Indignum id Primitate, & independentia Dei censeretur. Qua de re mox pluribus agemus. Duntaxat ostendit Deus in hoc fœdere, quid juris in hominem habeat. Homo autem fœderi astipulans, & conditionem præstans, ea præstita, jus aliquod acquirit ad exigendum a Deo promissum. Deus enim se promissis suis liberaliter homini debitorem fecit. Aut, ut magis *θεοπροπῶς* loquar, Sibi ipsi, Bonitati, Justitiæ ac Veracitati suæ hoc debere voluit, ut promissa præstet. Hominique fœderato, ac in fœdere perstanti, jus concessit, expectandi & exigendi a Deo, ut Bonitati, Justitiæ ac Veracitati suæ, præstatione promissionum, faciat satis. Atque ita homo fœderi astipulans Deum dicere facit, se ipsi Deum fore. *Deut.* xxvi. 17. Hoc est, datur ipsi copia gloriandi in Deo ut Deo suo, & expectandi a Deo, ut homini fœderato fiat, quod sibi ipsi est, fons consummatæ beatitudinis.

XV. Fœdera Dei cum homine duo in scriptura reperimus: *Fœdus Operum*, quod aliàs *natura*, vel *legale* dicitur; & *Fœdus Gratiæ*. Ita nos distinguere docet Apostolus *Rom.* i. 17. 27. Ubi *legem Operum*, & *legem Fidei* memorat. Per legem Operum eam doctrinam intelligens, quæ viam monstrat, qua mediantibus operibus obtinetur salus: per legem fidei, eam doctrinam, quæ viam monstrat, qua mediante fide salus obtinetur. Formula fœderis operum est, *qui fecerit ea homo, vivet in iis.* *Rom.* x. 5. Formula fœderis gratiæ: *Quisquis credit in eum, non pudebit.* *Ibid.* vers. 11. Conveniunt hæc fœdera in eo. I. Quod utrobique eadem partes contrahentes sint, Deus & Homo. II. Utrobique eadem promissio vitæ æternæ, in fruitione immediata Dei consistentis. III. Utrobique eadem conditio, perfecta legis præscriptæ obedientia. Neque enim Deo dignum

*Per Fœdus hoc Deus nihil novi juris acquirit sed homini fœderis conditionibus sibi jus aliquod nascitur.*

*Duplex Fœdus est, Operum & Gratiæ.*

gnum est hominem ad beatam sui communionem admittere, nisi via intaminatae sanctitatis. IV. Utrobique *idem finis*, gloria Sanctissimæ Bonitatis Dei. Differunt vero in hisce. I. Alia est *σχέσις* Dei ac Hominis in *Federe Operum*; alia in *Federe Gratia*. In priori Deus tractat ut *Supremus Legislator*, & *summa Bonitas* gestiens beatitatem suam communicare cum *creatura integra*. In posteriori ut *summe Misericors*, convenienter sapientiæ & iustitiæ suæ vitam addicens *peccatori electo*. II. In foedere Operum *nullus fuit Mediator*. Foedus Gratia *Mediatorem* habet *Christum*. III. In Foedere Operum *conditio* perfectæ obedientiæ exigebatur ut *prestanda ab ipso homine federato*. In Foedere Gratia eadem conditio proponitur ut *prestanda vel prestita a Mediatore*. Et in hac substitutione personæ princeps ac essentialis foederum differentia est. IV. In Foedere Operum homo consideratur ut *ἐργαζόμενος, operans*, & merces ut danda *κατὰ τὸ ὀφείλημα, ex debito*, adeoque, non excluditur hominis *καύχησις gloriatio*, qua ut fidelis servus de officio probe peracto gloriari possit, & promissam operi suo postulare mercedem. In Foedere Gratia homo federatus, in se impius, consideratur ut *credens*, vita æterna, ut meritum Mediatoris, homini donata *κατὰ χάριν, ex gratia*, quæ exesse jubet omnem *καύχησην*, præter eam qua peccator fidelis gloriatur in Deo, ut Misericorde Servatore. V. In Foedere Operum aliquid exigitur ab homine, ut *conditio*, quæ præstita jus det ad præmium. Foedus Gratia, nostri respectu, *puris pollicitationibus* Dei constat, quibus Mediator, vita per ipsum obtinenda, fides qua Mediatoris, & beneficii per ipsum parti, participes reddamur, inque ea fide perseverantia, tota denique salus, omniaque ad eam necessaria, absolute promittuntur. VI. *Finis specialis* foederis operum fuit declaratio *Sanctitatis, Bonitatis, Iustitiæ* Dei, elucetium in *lege* accuratissima, in *promisso* liberalissimo, in *retributione* præmii dandi iis qui ipsum ex animo quærun. Finis specialis foederis gratia, est *laus gloria gratia ipsius Eph. I. 6.* & revelatio impervestigabilis ac *πολυποικίλη sapientiæ ejus*: quæ virtutes Dei illustri splendore emicant in datione Mediatoris, per quem peccatori copia salutis fit, incorrupto Sanctitatis, Iustitiæ, & Veritatis Divinæ honore. Accedit demonstratio Divinæ *omnisufficientiæ*, per quam non homini duntaxat, sed, quod mirabilius est, peccatori quoque, in Deum fieri potest, & fit. Cuncta hæc in sequentibus plenius planiusque deducenda sunt.

## C A P. II.

*De Personis contrahentibus in Federe Operum.*

*Fœdus  
operum  
definitur.*

I. **A** Consideratione *Fœderis Operum* ordiamur. Quod alias *Legis & Naturæ* dicitur. Quia *Lege* præscribitur, *Opera* ut conditionem

nem exigit, & *Naturæ* superstructum ac cœvum est. Foedus id, est CONVENTIO INTER DEUM ET ADAMUM, AD IMAGINEM DEI CONDITUM, UT CAPUT ET PRINCIPEM TOTIUS GENERIS HUMANI, QUAE DEUS POLLICEBATUR IPSI VITAM ET FELICITATEM ÆTERNAM, SI PERFECTISSIME OMNIBUS PRÆCEPTIS SUIS OBEDIRET, ADDITA COMMINATIONE MORTIS, SI VEL IN MINIMO PECCARET; ADAMUS AUTEM CONDITIONEM HANC ACCEPTABAT. Huc faciunt duæ illæ sententiæ, postea in repetitione Legis inculcatæ *Levit. XVII. 1. & Deut. XXVII. 26.*

II. Quæ ut melius intelligantur, *quatuor* hæc explananda veniunt. 1. *In eo qua-* PERSONÆ CONTRAHENTES. 2. CONDITIO FOEDERE PRÆSCRIPTA. 3. PRO- *tuor nota-* MISSA. 4. COMMINATIONE. *da sunt.*

III. *Personæ contrahentes* hic sunt DEUS & ADAM. *Deus*, ut *ἀυτοκρατωρ*, & *supremus Dominus*, cum summa Potestate præscribens quod æquum judicat: ut *ἀυτοαγαθός*, *summe bonus*, communionem sui, in quo summum hominis bonum est, promittens obedienti sibi quæ *ἐν αἰσῶνι*, quod *gratum est facienti*: ut *ἀυτοδίκαιος*, *summe justus*, mortem interminans re- belli. *Adam* duplicem *σχέσιν* habuit. I. Ut *homo*. II. Ut *Caput ac Prin-* *ceps generis humani*. In priore *σχέσει* fuit, creatura rationalis, Deo ὑπε- *ξῆστος* ac *sublex*, integer, ad imaginem Dei conditus, & sufficientibus viribus ad omnem justitiam implendam instructus. Cuncta hæc in ho- mine præsupponuntur ut subjectum habile sit, cum quo Deus foedus paciscatur.

IV. Homo igitur, a manu Creatoris sui recens, *mentem* Divinæ lu- cis radiis illustratam nitidissimaque *sapientia* exornatam habebat, qua *non modo naturæ rerum creaturarum callentissimus erat, sed & in supre-* *ma increatæque veritatis contemplatione se oblectabat, oculis intelle-* *ctus ad Dei sui perfectiones jugiter conversis, ex quarum consideratio-* *ne, quid justum æquumque, quid se & Deo suo dignum esset, pruden-* *tissima ratiocinatione colligebat. Accedebat purissima voluntatis sancti-* *tas, in Deo ut summa veritate acquiescentis, eum ut tremendam Maje-* *statem venerantis, ut supremum & unicum bonum amantis, & prop-* *ter eum, quicquid ipsi gratum, simile, ac perfectionum illius ἐκ τῶ α-* *μα esse, quicquid denique ad intimam ac immediatam cum ipso unio-* *nem acquirendam expedire mens Divinitus erudita dictabat, charum* *habentis, in communionem Dei sui, quæ jam dabatur, deliciantis, ad* *ulteriorem communionem anhelantis, ad eam per creaturas ipsas ut to-* *tidem scalas se erigentis, tandemque immaculatissimam Dei Sanctita-* *tem ut perfectissimum sui ἀρχιτυπον laudantis, ad quam se suasque actio-* *nes quam exactissime componere omni nisu moliebatur. Hoc est, ut Eli-* *hu significanter dixit, Job. XXXIV: 9. יְהוָה אֱלֹהִים רָצִיתָ, complacitum ha-* *bere*



*bere in Deo, vel velle cum Deo.* Hanc comitabatur ordinatissima totius corporis temperies, cujus omnia membra, uti arma justitiæ, ad castæ voluntatis nutum prompta se expeditaque sistebant. Neque enim Deo dignum erat, creaturam rationalem aliter quam ad gloriam suam concedere. Eam in cæteris Dei operibus coruscantem, nec perspicere, nec celebrare poterat creatura rationalis, nisi sapiens & sancta. Quo lumine casta, qua dote orba si fuisset; quid fuisset nisi creatoris sui opprobrium & ad finem suum ineptissima? Cuncta hæc efficacissima simplicitate complexus est Regum sapientissimus, *Eccles. VII. 29. Solummodo, vide, hoc comperi, quod Deus hominem rectum fecerit.*

*Nec my-  
sterii Tri-  
nitatis in  
isthoc statu  
ignarus.*

V. Quæ de primi hominis sapientia mox disserui, illa eousque extendi debere arbitror, ut ipsum *Trinitatis* mysterium in innocentia statu incognitum illi non fuerit. Nam hoc ad intellectus humani perfectionem imprimis facit, ut quod de Deo suo scire ac credere debet, in explorato habeat. Ac dubitari merito potest, an non ignotum plane Deum colat, imo an omnino verum Deum colat, qui eum non novit & colit, ut in tribus personis subsistentem. Qui Deum aliter sibi repræsentat, non Deum sibi repræsentat, sed cerebri sui figmentum ac idolum. Argumentum hoc in animo videtur habuisse *Epiphanius*, quum in *Panario* p. 9. ita de Adamo scriberet. *Ουκ εἰδωλάτρης δὲ ἦν, καὶ ἡδεῖ πατέρα θεόν, καὶ υἱόν, καὶ ἁγίον πνεῦμα. Προφητὴς γὰρ ἦν, καὶ ἡδεῖ ὅτι ὁ πατὴρ εἶπε τῷ υἱῷ, ποιήσωμεν ἄνθρωπον.* Non erat idololatra, noverat enim Patrem Deum, & Filium & Spiritum Sanctum. Etenim Prophetæ erat, & sciebat Patrem dixisse Filio, *Faciamus hominem.*

*Quippe  
qui Crea-  
torem  
suum, se  
in opere  
creationis  
trinum  
non stravi-  
sem non  
ignora-  
verit.*

VI. Quæ verba novum adhuc argumentum suppeditant. Quum enim Deus in creationis opere Trinum se monstraverit, *Pater per Filium* secula condiderit, *Heb. I. 2. Spiritus Sanctus* aquas incubando foverit, & universa adeo Trinitas ad hominis creationem mutuo hortatu se accinxerit, credibile non est Trinitatem protoplasto prorsus incognitam fuisse: nisi eum Creatorem suum, qui utique & Filius & S. S. erat, ignoravisse statuamus. Sane emphasi sua non caret, quod Scriptura sæpiuscule, quum de Creatore hominis loquitur, plurali utatur numero. Ut *Jes. LIV. 5. יְשׁוּעָה בְּעֵינֶיךָ* quod ad verbum est, *Mariti tui factores tui.* *Pf. CXLIX. 2. יִשְׁמַח יִשְׂרָאֵל בְּעָשָׂיו* Latetur *Israel* in factoribus suis. Imo ad hoc attendere jubet hominem, idque menti suæ insculpere *Eccl. XII. 1. זָכַרְתָּ בְּיוֹמֶיךָ מְעַשְׂתֵּי יְדֵיךָ, memento Creatorum tuorum.* Crimen est quum homo id non facit; neque dicit: *Job. xxxv. 10. אֵיזֶה אֱלֹהֵינוּ, Ubi est Deus factores mei?* Quæ phrasæ, nisi ad Trinitatem personarum referantur, periculosæ videri possent. Absurdum autem est, Adamum id de creatore suo ignoravisse, quod nunc Adamæ posteros ignorare Deus non patitur. Idque eo magis, quia Deus hominem eum in finem condidit, ut sui, virtutumque suarum, in novo orbe præconem eum haberet. Indubie au-  
tem

tem ad gloriam Dei facit, ut non modo virtutes Dei, sed & quomodo se illæ in distinctis Deitatis personis, earumque operandi modo ac ordine, exeruerint, singulatim celebraverit. Præclare in hanc rem *Basilius Seleniensis, Serm. II. Γνωρίζεις πάντας καὶ τὸ ποιήσωμεν. Πάλιν ἡ λέξις πλατυνομένη, τὰς τῆς Θεότητος ὑποστάσεις αἰνίττεται, τὴν τῆς τριάδος γνῶσιν ὑποδεχομένη. Γινέσθω τοίνυν σύγχρωτος ἡ γνῶσις τῇ πλάσει. Καὶ μὴ ξενιέσθω διδασκομένη ὕστερον, ὅν ἐν τῇ ποιήσει τὴν μνήμην ἐδέξατο. Animadvertis prorsus & illud FACIAMUS. Iterum hoc vocabulum pluraliter positum Divinitatis Personas innuit, ac Trinitatem cognoscendam exhibet. ILLIUS IGITUR COGNITIO IPSI RERUM CREATIONI COEVA EST. Neque alienum videri debet, si & doceatur deinceps. QUUM EX IIS SIT QUORUM IN PRIMO CONDITU FACTA EST MENTIO.*

VII. Fateor Adamum ex sola contemplatione Naturæ non potuisse mysterium hoc colligere citra revelationem. Sed & illud pro certo habeo, Deum nonnulla homini revelasse, quæ natura per se non dictabat. Unde enim præceptum de arbore scientiæ, unde significationem arboris vitæ sciebat, nisi ex Divino alloquio? Unde conjugis suæ talem creationem, ut carnem eam ex carne sua, & os ex ossibus suis dictaret, nisi ex revelatione Numinis? Quum igitur Deus plura, & ea quidem non tanti momenti, homini revelaverit, cur credamus id ipsum oculuisse, cujus cognitio ad hominis perfectionem, & Dei laudem, eximie expediebat? Idcirco non recte instituisse videtur Vir Doctus, qui contendit cognitionem Trinitatis *excessisse felicitatem status Adami, qui mere naturalis erat.* Neque enim ita mere naturalis erat, quasi nihil sciverit Adamus præter id quod sola naturæ consideratio suggerere potest. Contrarium jam demonstravimus. Et hoc illi statui naturale fuisse existimandum est, ut homo integer, ac familiari Dei sui commercio fruens, ea ex ipsius ore disceret, quibus ad laudes Creatoris sui instructior redderetur. Observat Doctissimus *Zanchius De Creat: Hom. Lib. I. Cap. I. §. 12.* plurimos Patrum in ea esse sententia, quod Adamus, quum talis ac tantus Dei amicus ante lapsum esset, viderit aliquoties Deum in specie corporali, eumque loquentem audiverit. Additque, *Hic autem semper fuit filius Dei.* Et post pauca *Christus igitur est ille Jehova, qui tulit Adamum & posuit in Paradisum, & eum est allocutus.* Ita Veteres crediderunt Filium Dei se tunc quoque Adamo revelasse, & cum eo sermones miscuisse.

VIII. Et illud paullo audacius dictum videtur: *Oeconomiam qua intercedit inter tres personas, ita potissimum versari in procurratione salutis generis humani, ut non potuerit ejus notitia pertinere ad statum innocentia, in quo nullus saluti, vel redemptioni locus.* Etenim Moses Oeconomiam Divinarum personarum in ipsa creatione jam edidit. Et Evangelium dum explicat admirabilem illam Oeconomiam, quatenus veretur in procuranda

*Multumque per revelationem didicerit quæ natura per se non dicitur.*

*Neque Oeconomia Trinitatis ad solum gratia statum pertinet.*

generis humani salute, simul cogitationes nostras extollit, ad eam Oeconomiam, quæ se in primo mundi conditu manifestavit. Si nunc nobis conducatur & dulce sit cogitare, Filium Dei servatorem nostrum, ἀρχὴν τῆς κτίσεως Θεῷ, *Principium creationis Dei esse, Apoc. III. 14. per quem conditi sint throni & dominationes, visibilia & invisibilia, ἵνα γένηται ἐν πᾶσιν αὐτὸς πρῶτος, ut primas teneat in omnibus Col. 1: 16, 18. in operibus tam naturæ quam gratiæ princeps; & Spiritum Sanctum, nunc adornantem novum mundum gratiæ in cordibus nostris, initio aquis incubuisse, easque tot nobilibus creaturis foetas reddidisse, atque ita ascendere ad Oeconomiam eandem in operibus creationis ac naturæ considerandam, quæ nunc nobis in opere salutis & gratiæ revelata est: quis Adamo integro invidet eandem Dei τρισυποστασεως notitiam, licet ignoraverit quid quæque persona in servandis peccatoribus suo ordine præstitura foret? Adde, quod licet in illo Adami statu nullus locus fuerit *Redemptioni*, locus tamen fuit *saluti*, & vitæ æternæ: cujus symbolum erat Arbor Vitæ, quæ jam tum imaginem gerebat Filii Dei. vide *Apoc. 11: 7. In ipso enim vita erat Joh. 1: 4. Quod symbolum frustra fuisset, si illius significatio Adamo fuisset incognita.**

*In hac  
restitutione  
hominis  
præcipue  
consistit  
imago Dei.*

IX. In hac hominis reſtitutione præcipue consistit *imago illa Dei*, quam toties Scriptura deprædicat: quamque Paulus exſerte collocat in ἐπιγνώσει, cognitione. Col. 111. 10. in δικαιοσύνη & ὁσιότητι τῆς ἀληθείας, *Justitia & sanctitate veritatis. Eph. 1v: 24. Quibus locis ita imaginem Dei describit quæ in nobis per Spiritum gratiæ renovatur, ut simul innuat eam eandem esse cum illa ad quam primitus homo creatus est. Neque potest esse alia & alia imago Dei. Quum enim Deus non possit non sapiens & sanctus, & in illa sua sapientia ac sanctitate exemplar creaturæ rationalis esse, sequitur creaturam sapientem & sanctam in illis suis qualitatibus Dei ἐκτύπωμα esse. Et fieri plane nequit ut Deus similitudinem sui in hac totius hominis reſtitutione consistere non fateatur; aut similem sibi agnoscat creaturam stultam & perversam: quæ aperta foret virtutum suarum abnegatio. Scite observatum est a Viro Doctissimo, quod ὁσιότης τῆς ἀληθείας, non tantum opponatur τῇ ὑποκρίσει, simulationi, aut τῇ τυπικῇ καθαρότητι, umbratili puritati, sed quod notet sanctum & ex amore Dei proficiscens studium veritatis. ὁσιος enim, cui respondet Hebræorum נֹסִיף, significat in scriptura studiosum in bono & ad bonum. Notat ergo ὁσιότης τῆς ἀληθείας tale Deo placendi studium, quale veritati de ipso & in ipso cognitæ, & propter ipsum amatæ, consentaneum est.*

*Quæ Ju-  
stitia Pau-*

X. Sed non video cur idem Vir Doctus velit, δικαιοσύνην Paulo memoratam, Eph. 1v: 24. donum foederi gratiæ proprium esse, quod in Christo

Christo obtinemus, & quod Adam non habuit : intelligens per justitiam jus ad vitam æternam, quod Adamum, nondum emenso probationis suæ curriculo, non habuisse, in confesso est. Adversus quam assertionem sequentia hæc considerata propono. I. Nihil necesse est ut per δικαιοσύνην jus ad vitam æternam intelligamus. Nam sæpe illa vox virtutem notat, & constans animi propositum suum cuique tribuendi. Uti *Eph. v. : 9.* ubi de sanctificatione agens Apostolus scribit, *fructus Spiritus est in omni ἀγαθωσύνη, & δικαιοσύνη, & ἀληθεία, bonitate, & JUSTITIA, & veritate.* Ipse Vir Doctus id vidit, qui ita alibi loquitur (*In Gen. v. : §. 9.*) *Justitia est primo rectitudo factorum, sive animi sive membrorum : eorumque convenientia cum recto judicio : nempe ut facile tum damnationem aut vituperationem effugiant, tum laudem reportent. Sic Tit. III : 5. τὰ ἔργα τὰ ἐν δικαιοσύνη. Atque inde denominatio JUSTI, significat irreprehensibilem, sive laudabilem.* Quum ergo vox illa alibi talem rectitudinem significet, cur non & hic? Præsertim quandoquidem ἐξαγώνιον est, talem justitiam ad imaginem Dei in Adamo pertinuisse. II. Non debet urgeri justitiam hic cum sanctitate jungi, ideoque ita ab ea distinguendam esse, ut hæc inhærentem qualitatem bonam, illa jus ad vitam dicat. Nam responderi potest. A. Non inusitatum Spiritui Sancto esse geminatis vocabulis eandem rem exprimere. *Notandam*, inquit *Ursinus in Quæst. XVIIII. Catech. justitiam & sanctitatem in nobis ante lapsum fuisse eandem rem, nempe conformitatem cum Deo & lege nobis inhærentem.* Nec abludit ipse clarissimus Coccejus in *Ps. xv. §. II. πᾶς autem, si legem operum species, significat latissime omne honestum, omne verum, omne ὁσίον.* B. Si demus Justitiam a Sanctitate distingui debere, non sequitur hoc modo debere distingui. Exstant ejusmodi testimonia in quibus talis distinctio locum habere nequit, ut *Luc. I : 74. 75. λατρεύειν αὐτῷ ἐν ὁσιότητι & δικαιοσύνη ἐνώπιον αὐτοῦ. Servire ei in Sanctitate & Justitia coram eo, & I. Thess. II. 10. Vos estis testis & Deus, ὡς ὁσίως & δικαίως & ἀμέμπτως ὑμῖν τοῖς πιστεύουσιν ἐγενήθημεν, quomodo sancte & juste & inculpate vobis qui creditis nos gesserimus.* Adde *I. Reg. III. 6. Ambulavit coram te, באמת ובצדקה וביושר לבב, in veritate, & in justitia, & in rectitudine cordis.* Ubi justitia nihil aliud significare potest quam virtutem animi illiusque exercitium, licet sanctitati jungatur. C. Si duo hæc distinguere omnino velimus potest id fieri multifariam. I. Ita ut Sanctitatem ad Deum referamus, Justitiam ad homines. Ita *Philo de Abrahamo : ὁσιότης μὲν πρὸς Θεόν, δικαιοσύνη δὲ πρὸς ἀνθρώπους θεωρεῖται.* Sanctitas adversus Deum, Justitia adversus homines spectatur. Et *Marcus Antoninus Imperator Lib. VII : §. 66. De Socrate, δίκαιος τὰ πρὸς ἀνθρώπους, ὁσίος τὰ πρὸς Θεόν. In rebus humanis Justus, in Divinis Sanctus.* II. Vel ita ut per

lo memo-  
rata *Eph.*  
4. 24.  
excludi  
non debet.

utrumque vocabulum virtutem universalem significari dicamus ; (nam & δικαιοσύνη de cultu Dei dicitur *Luc. I. 75.* & οσιότης ad homines refertur. *Maximus Tyrius Dissert. xxvi.* De eodem Socrate, εἰς τὸ θεῖον εὐσεβής, ὁσιος δὲ τὰ ἀνθρώπινα. *Pie cum Deo, Sancte cum hominibus*) sed diverso respectu : sic ut *Sanctitas* virtutem notet, prout est amor & expressio Divinæ puritatis, uti *Plato* τὸ ὅσιον explicat per τὸ θεοφιλέες : *Justitia* eandem quidem virtutem significet, sed prout est conformitas cum præscripto, & mandatorum Dei obedientia. *δικαιον, Justum est Deo obedire. Act. IV. 19.* III. Paullo aliter *Ursinus ad Quest. vi. Catech. Posunt Justitia & Sanctitas in textu Pauli & Catechesi, vel pro eodem sumi, vel discerni, ut Justitia de actionibus internis & externis, congruentibus cum mente recte judicante, & cum Lege Dei ; Sanctitas de qualitatibus intelligatur.* Adeo nihil est quod nos cogat justitiam hic de jure ad vitam explicare. Imo multa sunt quæ contrarium suadent. Nam I. Imago Dei, etiam quæ per regenerationem in nobis reparatur, consistit in *qualitatibus absolutis* animæ inhærentibus, quæ instar aliquod perfectionum Dei sunt : jus autem ad vitam mera *relatio* est. II. Imago Dei sita est in re aliqua quæ *in ipso homine* per creationem vel primam vel novam producit. Jus ad vitam soli Justitiæ & meritis Christi innititur, quæ plane *extra nos* sunt. *Phil. III. 9. Μὴ ἔχων ἐμὴν δικαιοσύνην. Non habens meam justitiam.* III. Apostolus loco qui præ manibus est, non de *Justificatione* agit, ubi juris hujus facienda erat mentio, sed de *Sanctificatione* ejusque norma, ubi de jure illo dicere nihil attinet. IV. Qui novam hanc justitiæ explicationem urgent, & Catechesi, *Quest. vi.* sine ulla justa causa obloqui videntur, & minus fortiter Socinianis resistunt, contententibus imaginem Dei ad quam regeneramur in Christo non esse eandem cum ea ad quam conditus est Adam. Quem tamen errorem Viri Docti nobiscum detestantur. Hæc faciunt ut tutius esse judicemus, justitiam ita explicare, ut partem faciat imaginis Dei ad quam conditus est Adam.

*Imago  
Dei un-  
verso suo  
ambitu  
plura  
complecti-  
tur.*

XI. Si tamen universum imaginis Dei ambitum complecti velimus, dicemus eam hisce tribus partibus absolvi. I. *Antecedenter* in spiritali & immortalis animæ natura, inque intelligendi & volendi facultate, consistere. II. *Formaliter* & præcipue, in animæ dotibus, justitia, & sanctitate. III. *Consequenter*, in hominis totius immortalitate & dominio in creaturas. Quorum primum, uti non nemo eleganter dixit, erat veluti pretiosa tabula, in qua imago Dei duci & effingi poterat : secundum ipsa illa Divinitatis imago & simulacrum ; tertium, imaginis illius late splendentis fulgor, & veluti radii, qui non animam duntaxat, sed universum hominem corpusque ipsum illustrabant, illumque mundi Dominum ac Principem, & veluti æterni Dei amicum & socium, pariter immortalem reddebant.

XII. Præcipua horum viderat, vel audiverat certe *Plato* : qui felicitatem ὁμοίωσιν τῷ Θεῷ definit, *Deo assimilationem* : & hanc ponit ἐν τῷ ὅσιῳ καὶ τῷ δικαίῳ μετὰ Φρονήσεως : quid nisi duplici Virtute Primaria, *Pietate & Justitia*, quas Prudentia temperet & gubernet. Verba ipsa auro digna, viliorē hoc liquore scribantur : τὴν δὲ θνητὴν φύσιν, καὶ τὸν δὲ τὸν τόπον, τὸ κακὸν περὶ ἀπολεῖ ἐξ ἀνάγκης, διὸ καὶ πειρᾶσθαι χρὴ ἐνθένδε ἐκπεῖσι Φεύγειν ἔτι τάχιστα. Φυγὴ δὲ ὁμοίωσις Θεῷ, κατὰ τὸ δυνατόν, ὁμοίωσις δὲ δίκαιον καὶ ὅσιον μετὰ Φρονήσεως γενέσθαι. Mortalem hanc naturam, & hunc infernum locum, malum circumfluit necessario & adhaeret. Ideo conandum quam celerrime hinc illuc fugere : fuga autem, *Dei assimilatio*, quatenus fieri potest. Assimilatio porro, JUSTUM & SANCTUM, cū PRUDENTIA esse. Vide *Lipsii Manuductionem ad Stoicam Philosophiam. Lib. II. Dissert. XII.*

XIII. Imaginem hanc sui, ceu præstantissimum cœli depositum, & si caste sancteque servaretur, majoris boni arrham, custodiendam homini Deus commiserat : quem eum in finem ab ipso conditu sufficientibus viribus instruxerat, adeo ut nulla gratia habituali præterea opus haberet. Id solummodo requirebatur, ut Deus continuo Providentiæ suæ influxu vires eas conservaret, & ad omnes ac singulos actus excitaret. Neque enim ullo in statu creatura independentē a Creatore quicquam operans, esse, vel concipi, potest. Id in ipsis quoque Angelis obtinet, etiam postquam in sancta beatitudine sua jam confirmati sunt.

XIV. Atque hoc quidem modo Adam Foederatus Dei fuit qua *Homino*, ad imaginem Dei creatus, & ad servandam eam imaginem sufficientibus viribus instructus. Succedit alia σχέσις, qua consideratus fuit ut *Caput*, & *Principium Generis humani* ; tam *Fæderale*, quam *Naturale*. Sic ut Deus Adamo dixerit, uti quondam *Israëlitis Deut. xxix. 14, 15. Non tecum duntaxat pango hoc fœdus & hoc iusjurandum ; sed & iis cum qui qui necdum hic sunt.* Tota primi hominis historia id evincit, non singularem personam eum æstimatum esse, sed universam naturam humanam in eo fuisse spectatam. Neque enim protoplastis solis dictum fuit, *Augesce & Fructificate* : cujus vi verbi adhuc propagatio generis humani continuatur. Neque de Adamo solo verum est, *non bonum est homini esse soli.* Neque ipsum solum concernit lex illa conjugalis, *propterea homo relinquet patrem & matrem suam, & erunt illi duo in carnem unam.* Quod Christus adhuc urget *Mat. xix. 5.* Neque ipsum solum tetigit poena, quam ipsi comminatus erat Deus peccanti, *Morte morietis* : sed mors ad omnes pervasit, observante Apostolo *Rom. v. 12.* Quæ omnia clamant, Adamum hic ut omnium *Caput* consideratum esse.

XV. Eodem facit diferta illa *Adami Primi & Secundi* oppositio, quam Paulus sane exsequitur *Rom. v. 15. & seq.* Etenim uti secundus Adam

*Quorum quædam Plato viderat aut audierat.*

*Ad imaginem hanc, uti debebat, custodiendam hominē sufficientibus viribus instructus erat.*

*Consideratus etiam fuit ut caput generis humani, tam Fæderale quam Naturale.*

*Quo facit oppositio in Adami*

Primi &  
Secundi.

in Fœdere gratiæ personam omnium electorum sustinet, eatenus ut ipsi fecisse & perpelli esse censeantur quod ille eorum nomine ac locò fecit & passus est; ita etiam primus Adam sustinuit personam omnium ex stirpe ipsius nasciturorum.

Quod ju-  
sit ita a  
Deo consti-  
tutum esse  
creden-  
dum est.

XVI. Quin *jure* id ita constituerit Deus, disputandum non est. Neque enim nostrum est de jure Dei ambigere, vel in illud justo curiosius inquirere, multo minus id ad juris inter nos homunciones statuti formulam exigere, ubi de facto constat. Id semper pro Deo præjudicatum sit: *בדברך תוכיח בשבטך* *Justus es in sermone tuo, mundus in judicio tuo.* Ps. LI. 6. Næ ignorat supremi Numinis Majestatem, ejusque purissimam, sibi in omnibus convenientissimam sanctitatem, qui actiones ejus ad calculos vocare sustinet, illique dicam scribere insuper habitæ æquitatis. Id in filio non terrenus pater, in subdito nullus Rex, in servo nullus Dominus ferret. Et nos vermiculi tantum nobis in totius universi Judicem licere permittimus! Quotiescunque murmuratrix caro obstrepere audet, viæ Domini rectæ non sunt: toties illi oggerendum, *Imo vero tuæ non sunt rectæ.* Ezech. XVIIII. 25.

Imo Ju-  
stitia hæc  
ad con-  
scientiam  
demonstra-  
ri potest.

XVII. Ita tamen nobiscum fere comparatum est, ut placidius acquiescamus in judiciis Dei, ubi eorum rationes intelligentia quoque assequimur. Videamus itaque, an non hic etiam juris Divini æquitatem demonstrare possimus. Quid si ita rem putemus? Si Adamus suo nostroque nomine Fœderis conditionibus stetit; si emenso probationis suæ curriculo in bono confirmatus esset, nosque posterī ipsius in ipso; si satiati vitæ animalis deliciis una cum ipso ad cœli gaudia fuisset translatus, nemo conquestus esset, se in capite generis humani fuisse censum: quivis & sapientiam & Bonitatem Numinis laudavisset: nemini vel minima injustitiæ suspicio fuisset suborta, ex eo quod omisso singulorum experimento, in primo homine omnium periculum facere Deus voluerit. Quod isto eventu justum fuisset, contrario eventu qui fiet injustū? Neq; enim justitia vel injustitia actionū ex eventu æstimanda est.

XVIII. Præterea, quisquamne nunc est mortalium qui in animum inducat credere, se in iisdem cum Adamo circumstantiis constitutum, melius rebus suis consulturum fuisse? Non defuit Adamo sapientia, non sanctitas, non appetitus veræ beatitudinis, non averatio miseria- rum quas peccanti Deus denunciaverat, nihil denique eorum omnium quibus se quispiam a peccato sibi cavere posse confidat, & tamen blandiloqui fallacia seductoris in fraudem se pellici passus est. Et tu, viarum Domini tui censor iniquissime, melius te libero tuo arbitrio usurum fuisse jactas? imo vero ex adverso omnes actiones tuæ clamant; probari tibi, impense placere, semperque in exemplum trahi, hoc, de quo injuste conquereris, primi parentis factum: Nam quum mandata Dei trans-

transgrederis, quum Summi Numinis voluntatem tuæ cupiditati posthabes, quum terrena coelestibus, futuris præsentia antefers, quum tuo tibi arbitratu, ad beatitudinem, sed non veram, viam, sed aviam, affectas, nonne tantundem est ac si toties vetitam arborem temerares? Quid ergo Deum incusas, quod operam compendificerit, omnes in uno includens: gnarus quippe singulorum eandem futuram fuisse rationem?

## C A P. III.

*De Lege Fæderis Operum.*

I. **H**Actenus de *Partibus contrahentibus*. Nunc *conditionem* fœdere præscriptam spectemus. Ubi primo consideranda *Lex Fæderis*, tum *Legis illius observantia*. *Lex Fœderis* duplex est. 1. *Lex Naturæ* Adamo increata. 11. *Lex Symbolica*, de Arbore Scientiæ Boni & Mali.

*Qua in  
conditione  
Fæderis  
confide-  
randa.*

II. *Lex Naturæ* est *Norma Boni & Mali*, hominis conscientia jam inde a creatione a Deo inscripta, ideoque Divina Auctoritate hominem obligans. Fuisse legem istiusmodi homini connatam, & quasi increatam, patet ex reliquiis, quæ, præclari quondam ædificii veluti rudera, in omnibus adhuc hominibus supersunt; illis nimirum κοινὰς ἐννόμους, quibus iustum ab iniquo ipsi quoque Gentiles discernunt, quibusque sibi ipsi *Lex sunt*, ostenduntque opus legis inscriptum esse cordibus suis, attestante eorum conscientia. Rom. 11. 14, 15. Ex quibus colligitur, plena ea omnia fuisse in homine recens ad imaginem Dei condito.

*Lex Na-  
turæ.*

III. Conscientia hominis quicquid ei honestum vel secus esse dicat, id dicat Dei nomine, cuius in homine vices gerit, edictorum ejus depositaria. Hoc, ni fallor, David voluit Ps. xxvii. 8. לִבִּי אֵלֹהִים, Tibi, id est, pro te, tuam vicem, dicit cor meum, sive conscientia mea. Quæ propterea conscientia Deus etiam Gentilibus dicta fuit: uti in senario illo, Βροτοῖς ἀπασιν ἡ συνειδήσις Θεός. In hominibus omnibus Conscientia Dei instar habet. Plato in Philebo, τὸν λόγον sive Rationem τὸν θεὸν τὸν ἐνοικον, inhabitantem nobis Deum nuncupat. Atque hinc est, quod summam regulam in Lege Naturæ non existimemus esse convenientiam vel disconvenientiam cum Naturâ Rationali; sed Sapientiam Divinam patefactam, sive ideam Boni & Mali a Deo conscientia inculp-tam. Pulcre Auctor Libri de mundo Cap. xi. Νόμος μὲν γὰρ ἡμῖν ἰσοκλη-  
νής, ὁ Θεός, ὃς ἐμεῖαν ὑποδεχόμενος διορθῶσιν καὶ μετάρθουσιν. Deus enim nobis Lex est, in omnem quidem illa partem ad æquilibrium vergens, nullam cor-  
rectionem admittens, nullam varietatem. Consentit Cicero, de Legibus Lib. 11. *Lex Vera* atque Princeps, apta ad jubendum, & ad vetandum, ratio est recta Summi Jovis.

*Conscien-  
tia eam  
distans  
Dei vicem  
gerit.*



*Lex non  
est notitia  
recti &  
pravi.*

IV. Non admodum accurate locutus videtur, qui dixit: *Legem hic appellamus notitiam recti & pravi, obligantem ad operandum quod rectum est, & vitandum quod pravius est.* Neque enim lex proprie est notitia, sed notitiae illius objectum. Legem hanc dicimus naturaliter homini notam; sed absurde quis notitiam naturaliter notam diceret. Notitia est actus noster, & quidem juxta legis regulam componendus. Lex est norma Divinitus praescripta, omnium actuum nostrorum regula.

*Est qui  
dicat ante  
lapsum  
proprie  
non fuisse  
legem.*

V. Longius ab ἀκριβεία abest qui hoc modo instituit: *Ante lapsum proprium non fuit Lex: Nam tum vigeat Amor Dei, qui nulla Lege indiget. Erat ibi (ita alibi se idem Auctor explicat) status Amicitiae & Charitatis, quibus est status naturalis filii respectu parentis, quem natura amat. Illa vero charitas ubi violatur, tum demum superaddit praeceptum, & charitas illa quae antea voluntaria erat (quod ejus natura maxime convenit, vix enim charitas est quod dicitur, nisi voluntaria sit) cadit sub praeceptum & in legem transit, comminatione & coactione tum inculcanda, qui rigor coactionis proprie legem facit.*

*Cujus  
sententia  
expendi-  
tur.*

VI. Quae quidem philosophatio non videtur ἀντὶ τῆς φύσεως, opus cogitantis & attendentis. I. Neque enim rigor coactionis proprie legem facit, sed praescripti vis obligatoria, procedens tum a potestate Legislatoris, tum ab aequitate rei praecipuae, quae hic fundatur in sanctissima Dei natura, in quantum imitabilis est homini. Apostolus Jacobus Cap. 1. com. 25. praedicat, τὸν τέλειον νόμον, τὸν τῆς ἐλευθερίας, perfectam legem, quae libertatis est. II. Neque absolum est dicere, statum naturalem filii respectu parentis legibus regi. Certe Plato de legibus Lib. 111. primos mortales ait, ἔθελον καὶ τοῖς πατρικοῖς νόμοις ἐπομένους, mores & paternas leges secutos esse, laudato Homericō illo, θεμιστεύει δὲ ἕκαστος παῖδ' ὦν, Leges fert quisque liberis. III. Nec repugnat natura aliquid facere, & una ex lege facere. Philo Judaeus, de Migratione, explicans decantatum illud Philosophorum adagium, ἀκολούθως τῇ φύσει ζῆν, convenienter naturae vivere, dicit illud esse, ὅταν νῦν ἐπῆλθαι θεῶν, τῶν προσάξεων ἀντὶ τῆς μεμνημένος, quando mens Deum sequitur, praecipiorum ejus memoret. Chrysippus similiter, laudatus a Laërtio Lib. VII. in Zenone, dicit eum convenienter naturae vivere, qui ἔδεν ἐνεργεῖν ὧν ἀπαγορεύειν εἰωθεὶς ὁ νόμος ὁ κοινός, ὅπερ ἐστὶν ὁρθὸς λόγος, nihil eorum agit quae communi lege interdici solent. Est autem hac communis lex restitatio. Sublimius fere quam a Gentili exspectes Hierocles ad aurea carmina Pythagorae: Λόγω δὲ ὁρθῷ πέθεσθαι καὶ τῷ θεῷ ἑαυτὸν εἶναι. Τὸ γὰρ λογικὸν γένος εὐμοίρησαν τῆς οὐκείας ἐλλάμψεως ταῦτα ἐλέγεται ἀὸ ὁ ΘΕΙΟΣ ΟΡΙΖΕΙ ΝΟΜΟΣ. Καὶ γὰρ σύμψηφος θεῶν ἢ κατὰ θεὸν διαπειμένη ψυχὴ, καὶ τὸ λαμπρὸν ἀποβλέπασα, πρώτη

πράττει αὐτὸν πρᾶττι. *Est autem idem rationi recte parere atque Deo. Natura enim quæ rationis est particeps, illuminationem sibi sortita, ea amplectitur quæ PRÆFINIVIT LEX DIVINA. Non discrepat a Dei sententia animus qui secundum Deum se habet: sed Divinitati atque fulgori a quo illuminatur intentus, ea facit quæ facit.* IV. Neque dici potest, post charitatem violatam, sive, quod idem est, post peccatum, demum superaccedere legem, quum peccatum ipsum sit ἀνομία, & legis datæ transgressio. V. Neque per præceptum charitas minus voluntaria redditur. Nam lex præcipit charitatem omnibus numeris absolutam, ideoque quam maxime voluntariam, nec servili comminationis metu extortam. 1. *Joh. iv. 18.* Neque rei satisfacit dicendo, *vix* charitas est quod dicitur nisi voluntaria sit: dicendum erat; *nullo modo* charitas est, nisi voluntaria sit. Est enim charitas voluntatis nostræ cum re amata dulcissima unio, quæ ne mente quidem citra evidentissimam contradictionem aliter quam voluntaria fingi potest. Si itaque per superaccedentem legem charitas involuntaria & coacta redditur, tota charitatis natura evacuat, & lex aliqua Divina statuitur quæ charitatem perimat. VI. Denique ipsa lex naturæ sine comminatione, & quidem æternæ mortis, non fuit. Concludam hæc accuratissimis *Chrysostomi* verbis, ex homilia XII. ad populum Antiochenum: *Ἐξ ἀρχῆς πλάττων ὁ Θεὸς τὸ ἀνθρώπου, νόμον αὐτοῦ φυσικὸν ἐγκατέθηκε. Καὶ τί ποτέ ἐστι νόμος φυσικὸς τὸ συνεῖδός ἡμῶν διήρθρωσε, καὶ αὐτοῦ δὲ ἀκλόν ἐποίησε τὴν γνώσιν τῶν καλῶν καὶ τῶν ἰσχύων.* *Ab initio Deus formans hominem legem ipsi naturalem iniecit. Et quid tandem est lex naturalis? Conscientiam nobis concinnavit, fecitque ut notitiam illarum rerum quæ bonæ & malæ sunt nobis ipsis magistris haberemus.*

VII. Notandum porro, legem hanc primigeniam eandem esse in rei substantia atque ea quæ Decalogo expressa est: quippe quem Apostolus vocat τὴν εἰσολήνην εἰς ζοήν *Rom. vii. 10.* id est, legem illam cujus præstatione vita quondam obtineri potuit. Et sane Decalogus continet ea præcepta, כְּתִיב יְהִי לְךָ לֵב טָהוֹר וְיִשְׁמְרֵם. *qua qui feceris homo in iis vivet. Lev. xvi. 4.* Ea autem præcepta indubie sunt lex Adamo proposita, cui foedus operum inædificatum fuit. Adde, quod Apostolus dicat, legem eam quæ adhuc actionum nostrarum norma est, & cujus δικάζομαι in nobis impleri debet, *per carnem*, id est per peccatum, *infirmatam esse*, eique impossibile factum nos ad vitam deducere. *Rom. vii. 3. 4.* Ergo ante peccatum eadem lex viguit, &, si rite observaretur, vivificandi δύναμην habuit. Accedit quod Deus in secunda creatione eandem legem cordi inscribat, quam in prima creatione menti inculpserrat. Quid enim regeneratio est, nisi restitutio ejusdem imaginis Dei, ad quam homo primum erat conditus? Denique non potuit lex naturæ aliud esse, quam

*Lex primigenia in rei substantia eadem est Decalogo.*

quam præceptum conformationis cum Deo & perfectæ charitatis : quod idem est in Decalogo.

*Es ex ip-  
sa Dei bo-  
minisque  
natura de-  
ducitur.*

VIII. Lex hæc ex ipsa *Dei hominisque natura* certissima consecutione deducitur. Quod ita explico proboque. Præsuppono, uti rem per se & ex ipsa vocabulorum intellectu manifestam, Deo Opt. Max. jus summum ac ἀνυπερβύτου competere in omnes creaturas suas; & speciali aliqua ratione in creaturas rationales. Jus illud fundatur primo & radicaliter, non in creatione, neque in contractu aliquo cum creatura inito, neque in peccato creaturæ, ut nonnulli minus solide disputant: sed in *Primitate*, *Summitate*, ὑπεροχῇ, & *Eminentia* Dei, quæ essentialia ipsius attributa sunt, Deoque insunt, licet creaturæ nullæ actu existerent, quanquam nunc a nobis concipiantur cum respectu quodam ad creaturas, saltem possibiles. Ab hac Divinæ Naturæ Majestate creaturæ debitum arcessit *Jeremias Cap. x. 6. 7. Quum nemo sit sicut Tu JEHOVA, magnus Tu es, & magnum est nomen tuum in potentia.* מִי לֹא יִרְאֶה כְּךָ וְיִתְּנוּ לָּךְ יָתֵדוֹ *Quis non revereretur Te, O Rex Gentium? quia id Te decet.* Si enim Deus *Primus*, *Summus*, *Eminentissimus* est, consequitur necessario, ut creaturæ omnis omni modo dependeant, a *Primo*, *summo*, & *Eminentissimo* illo Deo, in *esse*, in *posse*, in *operari*. Hoc ad essentiam creaturarum pertinet, quæ nisi plane dependentes, citra evidentissimam contradictionem, concipi nullo modo possunt. Quo autem plures entitatis gradus in creatura aliqua sunt, eo etiam plures dependentiæ gradus a Summo Ente in ea ponendi. In creatura rationali præter entitatem *Metaphysicam*, *Physicamque*, quam cum reliquis creaturis omnibus, communem habet, perfectior quidam entitatis gradus est, nempe *Rationalitas*. Sicuti ergo qua *ens*, dependet a Deo ut a *Summo ente*, ita etiam qua *rationalis*, dependet a Deo, uti a *Summa Ratione*, quam exprimere, & ad quam se componere tenetur, Atque, uti Deus, quamdiu creaturam aliquam esse vult, necessario eam vult esse dependentem a sua *Providentia reali*: (alias Primitatem suam negaret, translata ea in creaturam) ita etiam si creaturam aliquam rationalem esse velit, necessario vult eam esse dependentem a sua *Providentia Morali*; alias negaret se Summam Rationem esse, ad cujus exemplar & ideam omnis dependens ratio se conformare debeat. Atque ita creatura rationalis sibi ipsi Prima Ratio, hoc est, revera Deus esset. Quod manifeste contradictorium est.

*Delirant  
Enthusia-  
stæ, quan-  
do huma-  
na sancti-  
tatis api-  
cem in eo  
ponunt*

IX. Frustra itaque insani Enthusiastæ sunt, quum contendunt, humanæ sanctitatis apicem in eo situm esse, quod exlex sit: eo detorquentes Apostoli dictum 1. Tim. 1. 9. ὅτι δικαίω νόμος ἔκείται, ἀνόμοις δὲ καὶ ἀνυπεράβουτοις. Nam sane locus ille non destruit assertionem nostram, qua evicimus Naturam humanam sine lege Divina esse non posse; sed illam quam maxime confirmat. Quum enim impii homines hic descri-  
bantur

bantur ut *ἀνομοί*, qui quasi sine lege vivere volunt, & *ἀνυπότακτοι*, qui nolunt se subicere: sequitur, agnitionem Divinæ legis, & *ὁπωλαγήν*, subjectionem intellectus & voluntatis sub illa, esse characterem iustum & pie sentientium. In lege Dei post peccatum duo sunt, consideranda. I. *Norma* & directio ad *ὁπωλαγήν*. II. *Vis frenandi & compescendi* terrore & metu, ac denique *iusse condemnandi*. Quando ergo Apostolus docet, legem iusto positam non esse, non intelligit id de primo ac præcipuo legis opere, quod ipsi essentialia est, sed de altero illo accidentario, quod per & post peccatum superaccessit, & a quo iusti per Christum liberati sunt.

Imo ex natura Dei hominisque sequitur talem legem præscribendam esse, quæ non afflictionum duntaxat humanarum, sed & ipsius naturæ humanæ directrix sit.

X. Neque id solum e natura Dei hominisque sequitur, in communi legem aliquam homini a Deo præscribendam, sed & talem legem quæ ipsius *Natura humana* qua rationalis, & non duntaxat *afflictionum humanarum*, norma & directrix sit. Quum enim Deus ipse natura sua purissime sanctus sit, eamque sanctitatem in operibus suis demonstret; hinc conficitur, ut homini, qui ad instar Divinæ sanctitatis componi debet, lex præscribenda sit; quæ non *operum* modo iustitiam, sed ipsius *Naturæ* sanctitatem flagitet, adeo ut operum iustitia nihil aliud sit quam illius iustitiae expressio. Sane Apostolus Pietatem & Sanctimoniam, quam ipse commendat, quamque indubie lex præcipit, *Imaginem Dei* vocat Col. 111. 10. Imago autem exemplaris sui ideam referre debet. Quum Deus igitur natura sanctus sit, eo ipso sequitur & homines tales esse debere.

Subtilius ergo quam solidius nonnemo dixit: iustitiam Naturæ & Originalem præbentem quidem lege, sed non juberi.

XI. Subtilius ergo quam verius dixit nonnemo: *Legem personam tantum obligare ad activam iustitiam, non vero naturam ipsam ad intrinsecam rectitudinem*: ac consequenter *iustitiam originalem probari quidem lege, ac non juberi*: ex adverso etiam, *injustitiam originalem naturæ lege damnari, ac non vetari*. Nihil enim lex probat quod non iussit. Nihil damnat quod non vetuit. Lex est *ἡ ἀρετή*, doctrina recti & pravi. Quod malum esse docet, id vetat. Quod bonum, id jubet. Et propterea merito *Lex Naturæ* dicitur, non solum quia natura magistra nota esse potest; sed & quia *natura ipsius regula est*.

Prima & universalissima huius legis præcepta non in indifferenti Dei placito, sed in Sanctissima eius natura fundantur.

XII. Id denique de hac lege naturæ observandum, quod, prima saltem & universalissima illius præcepta, non in *mero & indifferenti* Dei beneplacito, sed in ipsa sanctissima Numinis *Natura* fundata sint. Etenim si Deum ideo homini legem ferre necessum est, quia est prima Sanctitas; non minus necessum est, legem fere quæ istius Archetypæ Sanctitatis *Ectypa* sit. Adeo ut discrimen quod inter bonum & malum intercedit, non ex aliquo positivo jure, & indifferenti voluntatis Divinæ constitutione; sed ex ipsa Sanctissima Dei natura arcessi debeat. Quod ita demonstro.

*Per natura  
Deum non  
potest non  
exigere sui  
amorem.*

XIII. Sumamus universum *primæ Tabulæ* contentum, *Amabis Dominum Deum tuum ex toto corde tuo &c.* Id si in indifferenti voluntatis Divinæ placito, & non in ipsa Dei natura fundari dicatur, eadem opera dicetur, potuisse nos Deum a necessitate Numinis sui amandi absolvere. Quod omnino impossibile esse, hinc patet: Deo naturale est, Summum Bonum esse. Hoc in idea Dei includitur, quod Optimus sit. Summo bono naturale est, summe amabile esse. Rationi & voluntati naturale est, non posse sine crimine non amare, quod ut summo amore dignum proponitur. Si quis igitur dicat, necessitatem amandi Numinis non ab ipsa Dei natura manare, is hæc contradictoria dicit: Deus natura sua est Summum Bonum, & tamen natura sua non est summe Amabilis. Aut hæc contradictoria: Deus summo amore dignus est; & tamen fieri potest ut nihil Deo indignum faciat, qui ipsum non amat. Quæ contradictionem involvunt manifestissimam.

*Multo  
minus po-  
test præci-  
pere sui  
odium.*

XIV. Pergo. Si præceptum illud de amando Deo, non in ipsius natura, sed in indifferenti placito fundetur; potuisset sui odium præcipere. Nam in iis quæ natura sunt indifferentia, qui jubendi jus habet, habet & jus interdicendi, & contrarium jubendi. Hoc autem, Deum sui odium posse præcipere, præterquam quod ipso sono horrendum sit, manifesta etiam contradictione laborat. Quod cuivis liquebit, modo vocabula commode explicentur. Deus, summum Bonum, summo amore prosequendum, sunt vocabula æquipollentia; saltem postremum præcedentis explicatio est. Odisse est aliquid non pro summo bono, imo ne pro bono quidem habere, atque adeo nullo amore prosequi ut ab eo plane aversus sis. Nonne igitur manifeste contradictorium foret, si quis fingeret Optimum Deum ita creaturæ suæ dicere: Ego quidem revera Summum Bonum sum, sed volo ut me ne pro bono quidem habeas. Ego quidem summo amore dignus sum, sed volo ut me odio tuo dignum judices. Qui hic contradictionem non videt, nihil videt.

*Demon-  
stratur na-  
tura bo-  
num esse  
Deo quid  
jubenti pa-  
rere.*

XV. Porro, rogatos eos velim si qui sint qui aliter sentiunt, an non natura bonum sit, etiam antecedenter ad liberam aliquam voluntatis Divinæ determinationem, Deo aliquid jubenti parere. Si annuant, habemus id quod petimus. Sin abnuant, rogo ulterius, unde ergo illa parendi obligatio? Non possunt respondere, a præcepto. Quæritur enim, quid me obliget illi præcepto obedire. Hic necessario veniendum ad illam Numinis Majestatem Auctoritatemque summam, cui obsequium denegare natura nefas sit. Rursus, si natura bonum non sit Deo parere, sequitur Deum jubere posse ne quis ipsi obediat. Quod non modo futile dictu, sed & contradictorium est. Jubere enim, est aliquem obligare ad obedientiam. Dicere, ne obedias, est vinculum obli-

obligationis solvere. Ergo contradictoria sunt, jubeo, &, ne obedias mihi.

XVI. Quod de amore Dei, qui contentum *prima tabula* legis est, demonstravimus, eum natura bonum esse; idem ex eodem fonte de contento *secunda tabula*, id est de amore proximi, demonstrari potest. Quippe qui Deum amat, fieri nequit quin ipsius quoque imaginem amet, in qua expressas luculenter Divinitatis notas cernit, & non exiguum ὁ δόξης ἀπάντασμα. Rursus, qui Deum amat, is vi amoris istius, serio optabit, volet, studebit, & quantum in se est accurabit, ut proximus quoque ita sit sub Deo, in Deo, ad Deum, uti ipse est, & ut ad gloriam Dei omnia bona ejus conserventur. Iterum, qui Deum amat, id aget ut Deus omnimodo mirabilis & gloriosus appareat, cumque talis luculentissime appareat in sanctificatione & beatificatione hominum, 2. *Theff.* 1 : 10. in id omni nisu incumbet ut proximus suus ad sanctitatem & beatitudinem promoveatur. Denique qui Deum sincere amat, nunquam sibi in amore & glorificatione Dei sui satisfacit : tantum in eo animadvertit excellentiæ, videt tam illustre nomen ejus & tam excelsum super omnem laudem esse, ut omnes mortales, omnesque adeo creaturas, in amandis ac celebrandis infinitis Dei perfectionibus, comites habere desideret. Hic autem castissimus & sanctissimus proximi amor est, id quærere ut Deus in ipso gloriosus, & ipse ad Dei gloriam sit. Hinc patet, inseparabili nexu amorem proximi cum amore Dei junctum esse. Si ergo ex natura Dei fluat sui amorem nobis injungere, uti mox probatum dedimus; ex natura Dei fluat injungere nobis amorem proximi.

XVII. Tandem si concipiamus, sanctitatem omnem in indifferenti Dei beneplacito fundari, sequetur hoc absurdorum absurdissimum, Deum Legislatorem nostrum posse, contrarium præcipiendo, sine ulla regeneratione aut renovatione hominis interioris, ex impiis & ἀνομολόγοις, quibus jam posita lex est ad condemnationem, efficere sanctos & justos. Quæ horrida sunt.

XVIII. Hæc quum ita sint, mirum est Viro cuidam erudito hoc dictum allubescere, *A voluntate Dei non solum res ipsæ sunt : verum etiam omnis rei modus, veritas, ordo, lex, bonitas, neque ulla objecti bonitas eam movere vel illi præstrui potest.* Certum equidem est voluntati Dei non posse mensuram aliquam aut regulam poni ab aliquo quod extra Deum sit: id enim Primitati ipsius repugnat. Aliquid tamen concipi potest & debet, ex ipso Deo & intrinsecis perfectionibus ipsius fluens, quod actui Divinæ voluntatis præstruatur, nec ideo bonum sit quia Deus id vult, sed quod Deus vult quia bonum est; verbi gratia, amor Dei ut summi boni. Et præpostere res digerunt, qui sanctitatem Dei in eo duntaxat faciunt consistere, quod actiones ipsius exacte cum ejus voluntate convenient.

*Ex amore Dei non potest non profluere amor proximi, ideoque illius quoque præceptum in natura Dei fundatur.*

*Si tota lex in indifferenti Arbitrio Numinis posita esset, posset sine ulla bonorum mutatione, legem duntaxat mutando, ex impiis pios facere.*

*An omnis rei bonitas a voluntate Dei pendeat?*

*Quæ*

*Qua voluntas (inquiunt) omnis sanctitatis (etiam Divinæ) regula est. Ex adverso sanctitas Dei naturalis, ut voluntate ejus prior concipi debet: & potius voluntatis regula est, quam ad voluntatis regulam exigenda. Est enim ea Dei sanctitas perfectionum Divinarum candidissima puritas juxta quam ut perfectissimæ rationi conveniens est semper vult & operatur. Hac quam impugnamus sententia discri-men omne inter moralia quæ vocant & positiva præcepta tollitur, & refoditur vetus Archelai paradoxum: Τὸ δίκαιον εἶναι καὶ τὸ ἀισχρὸν ἐ φύσει, ἀλλὰ νόμῳ. Cui succinit Afrisippus, & Theodorus ille, ἀθεῖς appellatus. Qua sententia nihil potest excogitari pestilentius, & ad omne fundamentum Religionis tollendum, ipsamque rationem justitiæ Dei & necessitatem salvatoris interimendam, & pietatem exscindendam efficacius, ait Doctissimus Coccejus, Summa Theol. Cap. XXIV. §. 6.*

*Recapitulatione dictorum.*

XIX. Atque ita tria hæc probavimus de lege Naturæ, cui Fœdus operum inædificatum est. I. Ex natura Dei hominisque fluere, ut legem quandam homini præscribat. II. Et talem quidem legem, quæ non actionum modò nostrarum, sed & naturæ nostræ regula norma-que sit. III. Cujus universalissima saltem præcepta in ipsa Dei natura fundentur. Nunc de altera lege *Symbolica* videamus.

*Arbor scientiæ boni & mali cur ita dicatur.*

XX. Exstat ea lex Gen. 11. 16. 17. *Et præcepit JEHOVA Deus homini dicendo, de omni arbore horti libere edes; Sed de arbore scientiæ boni & mali non edes; quia quo die ederis de illa omnino morieris.* De hac arbore tria imprimis notanda. *Primo.* Non admodum certum esse an una solum numero fuerit, quum fieri possit, ut integra arboris species homini fuerit vetita. Quod postea quoque de arbore vitæ monebimus. *Secundo.* Rationem illius denominationis duplicem videri. I. Respectu Dei, qui per arborem illam explorare, adeoque scire voluit, an homo mansurus esset bonus, perseverando in obedientia, an vero se mutaturus in malum. Quo sensu Deus Hiskiam tentasse dicitur, *לדעת כל לבבי ad sciendum quicquid in corde ipsius erat.* 2. Chr. xxxii. 31. II. Respectu hominis, quia ex amore Dei obediens huic legi *πειρασικῇ*, perventurus erat ad fruitionem beatifici illius boni, quod nunquam perfecte cognoscitur nisi fruendo: contra si inobediens esset, experientia magistra agnitus erat in quod malorum barathrum se præcipitavisset.

*Cur Deus illius esu homini interdixerit.*

XXI. *Tertio.* considerandum quorsum tale Dei præceptum tendat. Eo edoctus fuit homo. I. Deum rerum omnium Dominum esse, neque licere homini vel pomum appetere nisi ex illius arbitratu. In omnibus ergo, a maximis ad minima, os Domini consulendum, quid a nobis circa ea vel velit vel nolit fieri. II. Verum hominis bonum in Deo solo positum esse, nec quidquam appetendum nisi sub ipso & in ordine ad ipsum. Adeo ut ipse solus sit, ob quem reliqua omnia homini

mini bona & appetibilia videantur. III. Lubenter homini etiam jucundissimis cæteroquin, maximeque desiderabilibus carendum esse, si Deus ita jubeat: judicandumque longe plus boni esse in obedientia Divini præcepti, quam in fruitione rei istius jucundissimæ. IV. Non dum hominem pervenisse ad summum beatitudinis apicem, sed majus adhuc illi bonum exspectandum post consummatum obedientiæ cursum. Hoc innuebat prohibitio jucundissimæ arboris, cujus fructus, ut qui maxime, appetibilis erat, arguens status istius imperfectionem aliquam, utpote in quo homini boni alicujus esu usuque interdictum fuerit. Confer ea quæ dicenda erunt *Cap. VI. §. 19.*

XXII. Hactenus de *Legibus Fœderis*, tum illa naturæ, tum hac *συμ-βολικῇ καὶ πειραστικῇ*. Sequitur nunc ut, juxta id quod *§ I.* instituimus, de *observantia* harum legum agamus. Exigitur autem *obedientia perfectissima* omnium mandatorum Dei, juxta formulam, *Qui fecerit ea vivet in iis. Lev. XVIIII. 5.* Et quandoquidem vita etiam promissa erat ad obedientiam legis Symbolicæ de Arbore scientiæ, quæ sine dubio *δόγμα* erat, hinc patet (ut hoc in transitu moneam) hac definitione præcepta quæ vocant moralia a positivis sive *δόγμασι* ita distingui non posse, quasi illis solis competat hoc elogium, quia ea fecerit vivet in iis, his non.

XXIII. Obedientia illa *primo* loco ponit *conservationem* exactissimam *Originalis* & *primigeniæ Sanctitatis*, in qua homo creatus erat. Etenim, quod ante quoque jecimus, Deus lege sua ante omnia flagitat naturæ integritatem & rectitudinem fovendam, & conservandam, ut primum hominis officium ex beneficio accepto profluens. II. Ex bono illó *principio* produci debent *actiones & opera bona. Charitas ex puro corde & conscientia bona.* 1. *Tim. I. 5.* III. Adeste debet prompta quædam alacritas ad illud omne præstandum quodcunque Deo lubitum fuerit homini ut voluntatis suæ *beneplacitum* & *δόγμα* revelare. Sic ut ad omnia dicat, *loquere Domine, servus tuus audit.*

XXIV. *Perfectio* triplex requiritur. I. *Partium*, tam respectu *subjecti*, sic ut totus homo, quoad animam & corpus & omnes utriusque facultates, se impendat Dei servitio. 1. *Thef. V. 23.* (hoc enim facit ut homo sit *ἅγιος, integer víta*, ubi homo exterior interiori, facta cogitatis, lingua & manus cordi respondent. *Pf. XVII. 3. 4. & XXXVII. 30. 31.*) quam respectu *objecti*, sic ut omnia & singula legis præcepta serventur, absque ullo commissionis vel omissionis peccato. *Gal. III. 10. Jac. II. 10.* II. *Graduum*, quæ in æstimatione obedientiæ omnem *ἑσθίαν*, veniam & conniventiam excludit, sed stricte urget obedientiam *ex toto corde, tota anima, & omni cogitatione. Mat. XXII. 37.* *בכל מאד* *omni virium intentione. Deut. VI. 5.* *Τὰς ἐντολάς σου* *præcepta tua observare valde, intense. Pf. CXIX. 4.* III. *Perseverantia.* Sine ulla obedientiæ

Obse-  
vantia ha-  
rum legum  
constitit in  
perfectissi-  
ma obe-  
dientia.

Quæ  
primo lo-  
co ponit  
conserva-  
tionem  
primige-  
niæ sancti-  
tatis; tum  
opera bo-  
na ex bono  
illo princi-  
pio prode-  
untia.

Perfe-  
ctio tri-  
plex est.



intercisione, vel incisione, quam Deus in rigore urget *Exech. xviii. 24.* pronuncians nullam fore prioris justitiæ recordationem, si justus a justitia sua desciverit, quod in Adamo factum. Emphaticum est quod *Dent. xxvi. 1.* 26. dicitur, *maledictus לא יקרא אשר לא יקרא qui non fecerit stare, non constanter observaverit,*

Perfecta observantia dat jus ad præmium.

XXV. Talis perfecta legum Foederis observantia, ad eum terminum usque quem Deus probationi præstituerat, dedisset homini jus ad præmium. Non ob intrinsecam proportionem operis ad mercedem, ut crassiores Pontificii superbe jactant; sed ex pacto & acceptance Dei: quale pactum omnino Deo dignum fuit cum homine inire. Neque ante istam consummatam obedientiam, etiam in statu innocentiae, homo jus habuit ad vitam. Erat duntaxat in statu acquirendi juris. Quod demum actu ipsi partum foret, quando posset dicere, steti foederis conditionibus, feci perfecte & constanter quod mandatum erat, jam postulo & exspecto, ut tu Deus meus promissam me beatitudine mactes.

Perpetuam statuunt Pontificii, Adamum, ut filium Dei adoptivum ab ipsa creatione jus habuisse ad hæreditatem.

XXVI. Ut absurde rursus Pontificii statuunt, Adamum, prout e manibus Creatoris sui exhibat, veluti filium Dei adoptivum, habuisse jus ad supernaturalem beatitudinem, veluti ad hæreditatem paternam, *Qua Bellarmino teste, De justific. Lib. v. Cap. xvii. Filio Dei adoptivo, adoptionis jure, ante omnia bona opera debetur.* Verum hæc præpostera sane philosophatio est. Etenim adoptionis jus ad Foedus Gratiae in Christo Jesu pertinet: *ὡς θεορία διὰ τῆς Χρυσῆς* est. *Ephes. 1. 5.* Præterea, si hæc sententia obtineret, non potuerunt bona opera requiri ut conditio ad jus vitæ æternæ acquirendum; sed tantummodo eo faciebant ne jure filii excideret: quo pacto tota ratio foederis operum, & tota quæ ex lege est justitia, tollitur. Denique quid absurdius, quam sophistas de adoptionis gratia, Adamo jus dante ad cernendam hæreditatem Coelestem in Foedere legali, nugari; cum ex adverso pro meritis operum sub Foedere gratiæ improbe disputent? Ubi illud demum dicendum & applicandum erat, Filio Dei adoptivo hæreditas, ante omnia bona opera, jure adoptionis debetur.

## CAP. IV.

### De Promissis Foederis Operum.

Sociniani homini in primævo statu promissa facta esse negant,

I. **A**tque hæc de *Conditione* Foederis hujus dicta sunt. Nunc de *Promissis* Foederis disquiramus. Ubi primo Sociniani notandi veniunt, promissa omnia præfracte hic negantes. Ita enim *Volkelius, de Vera Religione Lib. II. Cap. viii. Vix ac ne vix quidem generale aliquod illius sæculi hominibus promissum factum: sed minas potius tunc illis merusque propósitos fuisse. Neque enim videmus Deum Adamo, si ab arboris illius fructum sibi temperet, aliquod obedientia præmium polliceri, sed, nisi disito audientem*

se praebeat, interitum denuntiare. Gen. 17. 17. Hujus asserti sui hanc assignat causam. Causa porro cur Deus illa saeculorum aetate sibi obediri voluerit, nullo fere generali praecepto proposito, hac esse videtur, quod in ipso statim mundi primordio, nihil sese cuiquam debere, sed omnium rerum absolutissimum Dominum esse, omnibus ostendere voluit.

II. Quibus sequentia oppongo. I. Ipsa hominem naturalis conscientia docet, non frustra Deum coli velle, nec gratuitam & irremuneratam fore praeceptorum ejus obedientiam. Hoc Gentiles quoque viderunt. Epictetum audiamus. Is apud Arrianum Dissert. Lib. I. Cap. XII. ita differt: *οὐ μὴ εἰσι θεοὶ, πῶς ἐστὶ τέλει ἑπεσθαι θεοῖς; εἰ δ' εἰσὶ μὲν, μηδενὸς δὲ ἐπιμελόμενοι, καὶ ἄτως πῶς ὑγιὲς ἐσται; ἀλλὰ καὶ ὄντων καὶ ἐπιμελόμενων, εἰ μηδεμίᾳ διαδωσὶς εἰς ἀνθρώπου ἐστὶν ἐξ αὐτῶν, καὶ νῦν δια γε καὶ εἰς ἡμᾶς, πῶς καὶ ἄτως ὑγιὲς ἐστὶ;* Si Dii non sint, quomodo finis hominis est Deos sequi? Sin sint quidem, at nullius cura tangantur, & hoc modo quomodo sanum erit? Sed si & sint, & hominum curam gerant, nulla autem hominibus ab iis remuneratio expectanda sit, & enimvero ne mihi quidem quomodo & ita sanum est? Addamus Senecam Epistola xcv. Non quavis ministras Deo. Quidni? Ipse humano generi ministrat: ubique & omnibus praesto est. — Nunquam satū profectum eris nisi qualem debet Deum mente conceperis, omnia tribuentem, beneficia gratis dantem. Qua causa est Diis beneficiandi? Natura. — Primus est Deorum cultus Deos credere: deinde reddere illis Majestatem suam, reddere Bonitatem, sine qua nulla Majestas est, Scire, illos esse qui praesident mundo, qui universa vi sua temperant, qui humani generis tutelam gerunt, interdum (h. e. interim) curiosi singulorum. Similiter inter fidei Judaicae articulos, ut natura notum constituitur, esse apud Deum *מֶרְחָק מֵעֵינַי* Mercedem non minus quam penam: juxta vulgatum illud, non frangat Deus praeceptum ullam creaturam. Cultus Dei hujus rei fidem praesupponit, πιστεύσαι γὰρ δὲ τὸ προσερχόμενον τῷ Θεῷ ὅτι ἐστὶ, καὶ τοῖς ἐκζητήσιν αὐτὸν μισθὰ πλοῦτος γίνεται. Heb. XI. 6. Nam qui ad Deum accedit, hunc credere oportet, esse Deum & praecepta largiri iis qui ipsum requirunt.

Contra  
quam &  
natura  
praescribit.

III. II. Porro Fides haec non est duntaxat animi quaedam persuasio, ex ratiocinio, & consideratione bonitatis Dei, orta; sed ut Fides sit, quod dicitur, oportet verbo & promissione Divina nitatur. Fides ex auditu est: auditus autem per verbum Dei. Rom. x. 17. Eo faciebat Arbor vitae, quam in Compendi: Socinian. Cap. 11. §. 5. fatentur Symbolam quoddam vitae aeternae fuisse, licet obscurum. Nulli autem usui fuisset symbolum illud Adamo propositum, nisi ab ipso intellectum fuisset, consideratumque ut promissionis a Deo factae signaculum. Histrionum quoque fuisset hominem ab accessu, & manducatione arboris post lapsum prohiberi: nisi eo indicasset Deus excidisse illum jam re promissa, & consequenter usu Symboli & Sacramenti indignum esse. IV. Si

Et Scriptura: imo  
proprie  
adversariorum  
by.  
pothema.

nullum promissum exstabat, sine spe vivebant. Spes enim quæ non perfacit promissis inædificata est. Hoc autem est character lugendæ calamitatis illorum qui sunt *ἀσθεὶς ἐν λόγῳ*, quod sint *ἀπαθεία μὴ ἔχοντες*. *Eph. 11. 15*. V. Caino Deus rem, ut pridem, imo natura magistra, multo magis paterna *κατηχήσει*, notam, proponit *מִתְחַיֵּיב מִן הַלֵּוֹי*, *An non si bene feceris acceptatio, vel exaltatio, est?* *Gen. 14. 7*. Illud autem axioma an post lapsum demum verum esse coepit, aut innotuit? VI. Ipsa comminatio promissionem infert. Quippe quæ ad minimum dicit ablationem boni, cujus alloqui possessio continuanda erat. Sic ut inde certissime concludatur, non esse homini metuendum ne bono illo privetur, si nullo peccato se obstrinxerit. VII. Hoc adverbiorum asserto, juxta proprias ipsorum hypotheses, omnis primi hominis Religio tollitur. Quandoquidem, uti in initio hujus Capituli Auctor noster scribit, *promissio pramierum recte factis propositorum Religioni conjunctissima est*. VIII. Causa hujus asserti quam allegat, futilis & nulla est. Etenim an post tot & tam liberales æternæ vitæ promissiones, quas Deus nobis dedit in Christo, minus nunc patet nihil Deum cuiquam debere, & omnium rerum absolutissimum Dominum esse? An per gratuitas promissiones Supremum Numen absolutissimo domino suo quicquam derogat? An non omni sæculo sciri debet nihil Deum cuiquam debere? Qui sit itaque ut non semper æque a promissionibus abstinerit?

Promissit  
autem  
Deus Ada-  
mo vitam  
æternam.

Quod  
probat  
ex Rom.  
VIII. 3.

Et ex dis-  
putationi-  
bus de ju-  
stificatio-  
ne.

IV. Hoc ergo fixum sit, non sine promissis foedus hoc sancitum fuisse. Inquiramus nunc *qualia* promissa Adamo Deus fecerit. Nos credimus Deum Adamo pollicitum esse *vitam æternam*, id est, *perfectissimam sui fruitionem*, post decursum obedientiæ curriculum, *æternum duraturam*. Ad fidem hanc hisce Argumentis permoti sumus.

V. I. Apostolus docet Deum per Filium suum in carnem missum id fecisse, quod legi factu impossibile erat, *ἐν ᾧ ἡ ἀνθρώπου διὰ τὸ σαρκὸς, ἐοικὸς τοῖς ἀνθρώποις, ὅμοιωσεν*, *quod viribus destituta erat per carnem*. *Rom. VII 11. 3*. Certum autem est Christum suis jus parasse ad vitam æternam, in cælis suo tempore degendam. Id legi nunc impossibile dicit Apostolus, non per se, aut quia talia Promissa non habet, sed *quia per carnem infirmata est*. Ni ergo intercessisset peccatum, lex homines deduxisset ad vitam illam æternam quam suis pollicetur & donat Christus. Hoc mihi videtur peremptorium.

VI. II. Extra controversiam apud omnes est, Paulum in Epistolis ad Romanos & Galatas, ubi de Justificatione disputat, eo nomine comprehendere adjudicationem vitæ æternæ. Passim autem in eo est ut probet, hominem peccatorem non posse justificari, h. e. jus vitæ æternæ sibi vindicare, ex operibus legis, nunquam eo argumento, quia lex nulla promissa vitæ æternæ habuit, sed quia homo per legem ad agnitionem peccati & confessionem meriti damnationis deducitur. *Rom.*

III. 19. 20. Cui quidem viæ operose insistit, quum alias facillimo compendio totam disputationem terminare potuisset; dicendo: per fidem in Christum jus vitæ æternæ quærendum: incassum legi cuicunque in-  
nitimini, etiamsi illam vel perfectissime præstaretis, utpote quæ nulla plane promissa vitæ æternæ habeat. E contra docet Apostolus, præcep-  
tum in se consideratum *ad vitam esse*. Rom. VII. 10. Id est, tale cujus observatione vita quondam obtineri potuit. Quam si lex adhuc posset dare peccatori, utique *ex lege esset iustitia*. Gal. III. 21. id est, jus ad eandem illam felicitatem quæ nunc ex fide in Christum venit. Dispu-  
tabatur enim de κληρονομία, hæreditate vitæ æternæ cernenda, an ex ea lege jam esset, an ex promissione Evangelii, *com.* 18. & fatetur eam ex lege fore, si lex posset ζωοποιῆσαι. Id autem potuit lex, quæ est ἐηολή ἡ εἰς ζωὴν Rom. VII. 10. Quando potuit? In statu integritatis: antequam infirmata esset per carnem. Adamum ergo, si perstitisset in obedientia, lex perduxisset ad eandem illam hæreditatem, quæ non operanti, sed credenti, nunc obtingit in Christo. Et hoc, nisi fallor, argumentum cuivis νοῦν & attendenti clarum est.

VII. III. Omnino notandum, quomodo distinguat Apostolus iusti-  
tiam quæ ex lege est ab Evangelica. De illa ita loquitur. Rom. x. 5. *Moses describit iustitiam quæ ex lege est, quod qui fecerit ea homo vivet in eis.* De hac in hunc modum scribit. Rom. 1. 17. *Iustus autem fide vivet.* Utro-  
bique eadem promissio vitæ, iisdem verbis proposita. Neque enim vel minimo verbulo monet Apostolus, aliam vitam formula legali, aliam Evangelica promitti. Quod, si verum foret, semel certe monendum erat; quippe quo posito transactum de toto negotio esset. Frustra enim quis in lege quæreret vitam æternam, nunquam lege promissam. Ve-  
rum enim vero Apostolus non in re promissa, sed in conditione promif-  
si obtinendi, totum discrimen collocat, dum ita inquit. Gal. III. 11. 12. *Neminem per legem justificari coram Deo manifestum est: nam iustus ex fi-  
de vivet. Lex autem non est ex fide; sed qui fecerit ea homo vivet in eis.* Illa ergo ipsa vita homini operanti lege promissa est, quam jam ex fide in Christum accipit. Cui autem homini ita operanti promissa? Peccatori demum? Non integro? Non tum, quando vere dici poterat, tu, si be-  
ne operari pergas, vitæ illius juxta hanc formulam, futurus es hæres? Quod nemini hominum nisi Adamo integro dici potuit. Non tum, quando revera promissio erat? Nam post peccatum non tam promissio est, quam denuntiatio iræ, & intimatio maledictionis, proponens eam conditionem ad vitam, quæ jam plane impossibilis est. Concludo ita-  
que, Adamo foedere operum, per iustitiam quæ ex lege est obtinendam, eandem vitam æternam promissam esse, cujus fideles compotes fiunt per Christum. Nec quisquam mihi opponat, omnia hæc argumenta

Ud quo-  
que ex di-  
stinctione  
iustitiæ le-  
galis ab  
Evangelicæ.

non ex historia hominis integri, sed ex pauli ratiocinatione, petita esse. Perinde enim est, unde desumantur argumenta, modo contineant ἀποδείξιν ad conscientiam, quam puto hic evidentem esse. Indubie plura Adamo nota fuere, quam Mosi in brevissimo isto compendio narrata sunt. Nec videtur mysterio carere, quod Moses pleraque istius foederis parcius tradat, & tanquam fugientis imaginis umbram tenui tantum luce spargat, ad notandum ejus ἀφανισμόν.

Denique  
ex natura  
pacti.

VIII. IV. Aliud addam. Omnino consentaneum fuit, ut per pactum majus quid, & melius Deus Adamo polliceretur, post consummatum obedientiae cursum obtinendum, quam id quod jam modo possidebat. Quid enim hoc pacti foret, nihil præmii obedienti, & foederis conditionibus cum cura stanti, addicere, nisi continuationem eorum bonorum quibus jam actu fruebatur, quæque non dignum erat Deo, homini a se creato non dare? Habebat autem Adamus in Paradiso, quidquid ad naturalem & animale, quam vocant, felicitatem excogitari poterat. Majus itaque bonum altiusque illum manebat, in cujus fruitione quam clarissime cerneret. obedientiam præceptorum Divinorum habere ἡ ἀρχὴ μὴ ἀποδοσίαν μεγάλην. Ps. XIX. 10. Nemo mihi Angelos hic objiciat, quibus præter continuationem felicitis illius in quo creati sunt status nihil a Deo promissum esse dicet. Tenendum hic Apostoli monitum Col. 11. 18. Μὴ ἐμβατεύειν ἀλλὰ μὴ ἰωράκαμεν. Quis nobis recondita illa de Angelis edisseret? Imo si probabilia sectari fas sit, admodum verisimile mihi videtur, superiorem aliquem beatitudinis gradum Angelis concessum esse, postquam in veritate confirmati fuere, & excellentius quid eo in quo primitus creati sunt: uti crevit Angelorum gaudium quum virtutes Dei in illustri redemptionis opere resplendentes contuiti sunt, & in consummatione sæculi, omnium electorum tam Angelorum quam hominum beatitudo consummabitur, quum totum corpus Christi apparebit gloriosum, & Deus ἐνδοξαοθήσεται καὶ θαυματούησεται ἐν πᾶσι τοῖς ἁγίοις αὐτοῦ.

An vita  
hæc de-  
genda fue-  
rit in cœ-  
lis.

IX. Dubium adhuc manet, an vita Adamo constanti promissa, in Paradiso, an vero in cælis fuerit degenda. Quorum posterius longe nobis probabilius videtur. I. Quia Paradisus in scriptura uti typus cœli proponitur, cœlumque ipsum Paradisus vocatur. Luc. XXI. 43. ea nominum translatione, quæ inter sacramentum & rem sacramento significatam usitatissima est. Paradiso autem illam sacramenti rationem demum superaccessisse, postquam homo eo ejectus fuit, qua verisimilitudine statuetur? II. Conveniens est ut homo ad consummatissimam beatitatem traductus, ibi degat ubi Deus gloriose Majestatis suæ radios ostendit luculentissime: quod sine dubio in cœlis facit, ubi thronum suum habet. Jes. LXVI. 1. III. Quum Paradisus terrestris instructus fue-  
rit

sit deliciis & jucunditatibus omnibus ad vitam hanc animalem pertinentibus, quarum usus in perfectissima illa & immediata Dei fruitione non habet locum, a coelo autem omnis ille apparatus exclusivissimus sit; coelum multo commodius habitaculum hominis glorificati censeretur debet, quam terrestris Paradisus. Interim inficias ire nolumus, beatitatem a loco non suspendi; & vix quicquam hujus rei demonstrativum in sacris literis exstare. Idcirco de hac quaestione magno animorum motu digladiandum non est.

X. Hoc ergo stat: promissit Deus Adamo vitam æternam. Quæri hic potest soletque, unde hæc promissio fluat, an ex mero Divinæ voluntatis arbitrio, adeo ut Deus nihil se indignum facturum fuerit, si nihil tale homini pollicitus fuisset; an vero ex ipsa divina natura, illiusque decentiis sequatur, Deum hoc modo cum homine pacisci? Ego quidem hic sobrie agendum puto: & quod me de Deo meo scire, vel non sine ratione opinari, arbitror, *μετὰ φόβου καὶ τρόμου* proponam. Sancta mihi, O Deus, tuaque Majestate digna contingat oratio!

An hæc promissio ex mero Dei arbitrio fluat an vero ex ipsis Divinæ nature decentiis.

XI. Ac primo hoc tanquam *ὁμολογούμενον* suppono: Deus Creaturæ suæ nihil debet. Nullo jure, nulla lege, tenetur eam remunerari. Quanta enim quanta est creatura totam se Deo debet, quum ideo quia eam creavit, tum etiam quia est in summa & infinita *ὕπεροχῇ* constitutus. Ubi autem est tanta disparitas, nullum est commune *δικαίον*, cujus causa qui dignitate superior est remunerationi tribuendæ sit obnoxius. Rom. XI. 35. 36.

Supponitur Deum creaturæ suæ nihil debere.

XII. Perplacet in hoc negotio *Durandi* ratiocinium, quod elidere *Bellarminus* non valuit. Illud quod sumus, & quod habemus, sive sint boni actus, sive boni habitus, seu usus, totum est in nobis ex liberalitate divina, gratis dante, & conservante. Et quia ex dono gratuito nullus obligatur ad dandum amplius, sed potius recipiens magis obligatur danti, ideo ex bonis habitibus, & ex bonis actibus, sive usibus nobis a Deo datis, Deus non obligatur nobis, ex aliquo debito iustitiæ, ad aliquid amplius dandum, ideo quod si non dederit sit injustus, sed potius nos sumus Deo obligati.

Egregium Durandi ratiocinium.

XIII. Quidquid ergo creaturæ a Deo promissum est, totum illud immensæ Numinis Bonitati acceptum ferri debet. Pulchre *Augustinus* *Sermone XVI. De verbis Apostoli. Debitor nobis factum est Deus, non aliquid accipiendo, sed quod illi placuit promittendo. Nam & seipsum sua largitate dignatus est facere debitorem.* Quum autem Bonitas hæc Deo naturalis sit, non minus quam Sanctitas & Iustitia; & Deo æque dignum sit, convenienter bonitati suæ agere, cum creatura integra sanctaque, quam convenienter iustitiæ suæ, cum creatura peccatrice: ex hac Bonitatis Divinæ consideratione sequentia evidenter satis deduci posse autumo.

Quidquid Creaturæ promissum est, bonitati Dei acceptum ferri debet.

XIV. I. Indignum esse Bonitate, imo ausim fere addere, & Iustitia

Indignum boni.

mitate &  
Justitia  
Dei est  
creaturam  
innocen-  
tem æter-  
nis crucia-  
tibus addi-  
cere.

Divina, *Creaturam innocentem infernalibus cruciatibus addicere*. Quod *παράδοξον* non modo ex Scholasticis nonnulli, sed &, quod nollem; magnus nostrarum partium Theologus, cum paucis affeculis, tueri sustinuit. Absit a nobis ut ex juris quod homini positum est terminis; vel angustæ mentis nostræ fallacibus ratiocinationibus, amplissimam Dei in res suas potestatem ullis limitibus circumscribamus. Sed & absit ut quidquam ei adscribamus quod immensa Bonitate ejus & purissima Justitia indignum est. Elihu hæc optime conjunxit. *Job. xxxvii. 22. 23. In Deo tremenda Majestas est. Omnipotens est, non assequimur eum, amplius est virtute: sed judicio & magnitudine justitiæ non affligit.* Enimvero si creaturam innocentem ita cruciaret Deus; ostenderet non placere sibi creaturæ sanctitatem: quippe quam non a sui communione duntaxat arceret, sed & hostibus suis discerpendam traderet. Quum impios disperdit, palam facit se non delectari impietate, ex phrasi scripturæ *Pf. v. 5.* imo eam odisse. Si itaque pios eodem modo cruciatum iret, eopse testaretur, se pietate non delectari, imo odisse eam. Quod nemo nisi blasphemæ de Deo cogitet. Et quid quæso sunt poenæ infernales? Nonne privatio divini amoris? Nonne sensus divini odii? Nonne vermis conscientiæ? Nonne desperatio de recuperando Dei favore? Quæ quomodo citra contradictionem manifestam in creatura innocente vel animo concipi possunt? Horrorem mihi incussisse fateor, quum viderem, subtilissimum *Τριψυγμον*, ut *παράδοξον* hoc defenderet, maluisse sustinere, satius esse æternum miserum esse, & poenis infernalibus cruciari; quam simpliciter non esse: quumque Christi Servatoris auctoritatem sibi opponeret, diserte de Juda asserentis, *Bonum erat illi si homo ille natus non fuisset. Math. xxvi. 24.* non verecundatum esse respondere, *multa dici in sacris literis figurate & hyperbolice, imo plurima ad sensum vulgarem accommodata, etiam ad judicium humanum, quamvis erroneum, quod huic Christi effato applicat. Lib. I. de elect. Part. II. Sect. IV. pag. 178. 179.* Quo non abripitur etiam prudentissimus quisque, ubi propriis speculationibus nimis indulget? Ego puto sapientius acutissimo *Τριψυγμον* *Sophoclem* sensisse, quum caneret.

*Τὸ μὴ γὰρ εἶναι κρείσσον, ἢ τὸ ζῆν κακῶς.*

*Non esse præstat quippe quam male vivere.*

Et *Æschylum* in *Ixione*.

*Τὸ μὴ γενέσθαι δ' ἐστὶν ἢ πεφικέναι.*

*Κρείσσον κακῶς τράσσειν ἢ.*

*Natumque non fuisse, quam esse existimo.*

*Melius viro illi sava cui toleranda sunt.*

Optime Bernardus ad Eugen. de consider. lib. v. *Non est dubium multo fore deterius his, qui sic erunt; quam his, qui omnino non erunt.* Siquidem (ut idem

idem in *Canticum Serm. XXXV.*) *anima, in eo statu posita, & beate esse perdit, & esse non perdit: qua exire cogitur semper, ut & mortem sine morte, & defectum sine defectu, & finem sine fine patiatur.*

XV. I. Non potest etiam ab eadem Bonitate sua impetrare Deus, quin creaturæ innocenti & sanctæ, quamdiu est, & talis est, pro ratione status istius se communicet & fruendum præbeat, eamque tenerissimo amore favoreque prosequatur. Etenim creatura sancta ipsius Dei imago est. Amat autem Deus se ipsum vehementissime, utpote summum bonum; quod non esset, nisi se ipsum supra omnia amaret. Consequens ergo est, ut suam quoque amet imaginem, in qua se ipsum, quodque in ipso maxime amabile est, Sanctitatem suam, ad vivum expressit. Qua honesti specie alias creaturis cæteris præciperet creaturas sanctas adamare, si ipse eas amabiles non iudicet? Vel si iudicet tales, qui fieri potest, ut non & ipse amet?

Dignum Deo est creaturæ sanctæ fruendum se præbere. Quippe quam non potest non amare.

XVI. Porro, non in cassum amat Deus. Amantis est, amato bene velle. Et, nisi voluntati vires desint, benefacere. In Dei autem benevolentia, vita & salus animæ consistit. Quumque nihil ipsum impedire queat, quin, cui bene vult, reapse bene faciat; consequens est, ut creatura sancta, quam ex bonitate naturæ suæ necessario amat, etiam fructibus & effectu istius amoris Divini gaudeat.

Amantis est benefacere amato

XVII. Præterea amoris est, unionem quærere & communicationem sui cum amato. Non amat revera qui non se ipsum cum eo quem amat communicare gestit. Communicat autem quisque sese uti est. Deus ergo quum sit indubie beatus, beatitudinis suæ compotem facit creaturam quam amat, quamque communione sui dignatur. Beatam, inquam, facit illam pro ratione status illius in quo eam esse vult. Omnia hæc consequuntur ex amore illo, quo ostendimus Deum vi infinitæ bonitatis suæ creaturam integram sanctamque necessario amare.

Etque se communicare.

XVIII. Idem & alio modo, & nisi fallor, ἀναγινώσκων, demonstrari potest hac ratione. Præceptorum Divinorum summa hæc est: Ama me supra omnia. Id est, habe me pro summo & unico tuo bono. Me esuri. Me siti. In me solo beatitudinis tuæ proram ac puppim colloca-to. Me super cuncta quærito. Præter me nihil, nisi in quantum ad me refertur. Quomodo autem concipi potest, ut Deus id dicat animæ, anima id sibi negotium datum persancte accuret, & sedulo exsequatur, nectamen unquam fruatur Deo? Nunquid Sanctissimo, Ter Optimoque Numine dignum est, creaturæ suæ sanctæ (qualem jam supponimus) dicere, habe me pro summo tuo bono: sed scito me id tibi nec esse, nec fore unquam. Desidera me, sed ea lege, ne voti tui unquam evadas compos. Esuri me ac siti; sed Tantali illa fames sitisque sit, nunquam satian-da.

Neque sicut bonam excitare quam non sedet.



da. Me ante omnia quærito, sed frustra, nunquam inveniendum. Deum non novit, qui talia effata Deo digna esse sciscit.

Nihil  
Deo indi-  
gnus  
quam effi-  
cere ut  
creatura  
quo san-  
ctior, eo &  
miserior sit

XIX. Tandem si id non ex ipsa Bonitatis Divinæ natura sequatur, ut se creaturæ sanctæ, pro rationis status istius, fruendum præbeat; poterit non obstante bonitate Dei fieri, quo creatura sanctior est, eo ut miserior sit. Quod hoc pacto evinco: quo quis sanctior est, eo majore virium omnium intensiōe Deum amat. Quo magis amat, magis desiderat, esurit, sitit. Quo esuries sitisque intensior est, eo intolerabilior est dolor, nisi reperiatur unde satiatur. Itaque si sitis hæc in summo gradu collocetur, carentia rei tam ardentem expeditæ incredibilem creabit dolorem. Unde colligitur, non posse Deum a bonitate sua impetrare, quin communionem sui creaturæ sanctæ indulgeat. Nisi hoc concedamus, sequetur, non obstante Bonitate Dei fieri posse, ut summa sanctitas, summa creaturæ miseria sit.

Promissio  
Foederis  
continet  
Majorem  
beatitatem  
illa in qua  
conditus  
est Adam.

XX. Id autem rursus hic inculcandum (de quo § VIII. aliquid monuimus) quod hæc, qua de loquimur communio Dei, quam Supremi Numinis Bonitas exigit ut creaturæ sanctæ largiatur, nondum sit promissum foederis: quod demum dandum est, conditione impleta. Neque enim id inter promissa foederis numerandum, quod Deus creaturæ jam dat, antequam conditiones foederis præstiterit. Aliud & longe majus pollicetur, post exploratam obedientiæ constantiam; ad quod creatura jus aliquod acquirit, non simpliciter quia sancta est (talis enim exit a manu creatoris) sed quia sanctitati jam constantiam addidit, satis ad lubitum Domini exploratam. Pollicitationes ergo foederis majora complectuntur hac qualicunque communione & fruitione Dei, qua Adamus, quum etiamnum in statu explorationis esset, jam tum gaudebat. Ulterior felicitatis gradus, in plenaria & immediata Dei fruitione, ac statu mere spiritali, æternum duraturo, consistens propositus ipsi fuit, quem Scriptura vitæ æternæ elogio indigitare solet.

An æter-  
næ felici-  
tatis pro-  
missio ex  
naturalī  
bonitate  
Dei, an po-  
tius ex ar-  
bitrio libe-  
ralitatis  
fluat, nec  
assertu  
facile,

XXI. Et hoc proprie est quod quæritur, An promissio vitæ æternæ, adeundæ ab omnibus post decursum obedientiæ curriculum, ex naturali Dei bonitate fluat, an vero sit liberæ & liberalis *ἐὺδωκίας*? In qua quidem ego quæstione nescio an non tutissimum sit *ἰνέχων*, donec Deum de facie ad faciem videntes, omnes virtutes ipsius magis in explorato habeamus, & quid iis dignum sit cernamus clarius. Etenim ab una parte arduum dictu & justo audacius mihi videtur, si quis præfracte asserat, Deo & virtutibus suis indignum fuisse futurum, hoc modo cum hominibus pacisci: Ego te, si præcepta mea serves, benevolentia & amore complectar jucundissimo non immunem duntaxat servabo ab omni molestia, sed & omni bonorum cumulo, meique adeo ipsius communionem, beabo: donec tibi partibus tuis probe defuncto, ac satis am-  
pla

pla mercede locupletato, tandem dicam: nunc redi ad nihilum ex quo creatus es, voloque ut ultimo hoc mandato non minus libenti animo morem geras, quam cæteris, ne omnem obedientiæ laudem ultima hac inobedientia decoquas. Quid habet creatura cur de tali pacto conquereretur? Imo cur non de eo gauderet? Quum multo satius sit per aliquot secula exstitisse, & sanctum beatumque fuisse, quam exstitisse nunquam.

XXII. Ab altera parte vix mihi in solvendis difficultatibus quibusdam satisfacio. Quum enim (uti antea probavimus) per naturalem suam bonitatem Deus creaturam sanctam, ceu vivam sui imaginem, vehementissimo amore prosequatur, qua ratione ab eadem bonitate sua impetrare poterit, ut eam imaginem ipse disperdat, opusque ipse suum destruat? *Num bonum est Deo, ut opus manuum suarum nihil tale meritum, abjiciat?* Job. x. 3. Si bonum est, & ad gloriam Dei, creaturam ipsum glorificantem fecisse: an bonum & ad gloriam Dei erit, creaturam ipsum glorificantem annihilare? atque ita ipso facto dicere, ne me in æternum amplius glorifices? Præterea. Quum Deus intensissimum æternitatis desiderium ipse animæ increaverit, unaque præceperit in ipsum, ut æternum bonum suum ferri: an Deo dignum est tale desiderium, ab ipso jussu, excitatumque, frustrari? Porro. Diximus contradictorium esse, si quis Deum fingat in hæc verba animæ sanctæ loquentem: esuri me, sed ea lege ne potiaris. Eo tamen momento quo concipimus creaturam sanctam annihilatum iri, illa vi præcepti illius Divini esuriret sitiretque Deum, sine spe illius in æternum rursus potiundi. Nisi quis vellet statuere, Deum tandem isti animæ dicturum, ne me amplius desideres, sed acquiesce in hac supremi mei Domini demonstratione, qua te ad nihilum redire jubeo. Quomodo autem fieri possit, ut creatura sancta non teneatur Deum pro summo suo bono habere, & consequenter ad illius fruitionem anhelare, ego fateor me non posse concipere.

Et negatu  
difficile  
est.

XXIII. O Domine Jehova, quantillum est quod nos miselli homunciones de supremo Numine tuo, tuisque incomprehensibilibus virtutibus scimus! Quam non respondent cogitationes nostræ de Te, immensitati essentiae, proprietatum, jurisque tui in creaturas! Quod terminis suis circumscribere, ubi tu non præveris, quis mortalium sibi sumat? hoc scimus, Domine, nihil te cuiquam debere, neminem esse qui tibi dicere queat, quid facis, & cur facis ita? Sanctum etiam esse te & infinite bonum, & propterea sanctitatis Amatorem ac Remuneratorem. Utinam de cætero ignorantiae nostræ conscientia accendat in cordibus nostris ineffabile desiderium beatificæ illius visionis, qua cognoscences prout cogniti sumus, in abyssu infinitatis Tuæ ea cernemus, quæ nunc nulla cogitatione assequimur!

neque  
ergo  
ad  
Deum

## De Sanctione Penali.

Summa  
Sanctionis  
penalis.

Ea ube-  
rius expli-  
catur.

I. **R**estat ut *Sanctionem penalem* consideremus. Eam Dominus his verbis expressit, *Gen. 11. 17.* ביום אכלך ממנו מית תמות. *Quo die comederis de illa (arbore scientiæ boni & mali) morte morieris.*

II. Varia hic distincte notanda sunt. I. Totum illud quod hic minatur Dominus peccati consequens poenamque esse, nec infligendum nisi rebus ac immorigero : & idcirco pessime Socinum cum suis, mortem hac comminatione expressam, non tam peccati, quam naturæ sequelam, facere. Verba Dei evidentia sunt ad quamvis conscientiam, derivantia mortem ab esu prohibiti arboris. II. Peccatum hic expressum violationem esse legis non Naturalis, sed Symbolicæ, quæ homini ad explorationem exactissimæ obedientiæ data erat. Unde tamen facile poterat colligere, si transgressio præcepti cujus universa bonitas in solo Dei beneplacito consistit, ita vindicanda est, quam non poenam mereatur illius legis *παράβασις*, quæ Sanctissimæ Naturæ Dei expressio est? III. Omnino hoc Dei jus, justissimamque voluntatem esse, ut inter peccatum, poenamque his verbis designatam, certus nexus sit. Hoc indicat quoque duplicatio illa : *moriendo morieris*, id est, utique, certo, certissime morieris. Adeo ut peccatori possibile non sit mortem evadere, nisi fortasse (de quo nunc nondum dicendi locus est) idoneus sponfor illius vice eam subeat. IV. Verba comminationis generalia esse, ideoque sub mortis vocabulo hic debere intelligi, quidquid unquam uspiamque Scriptura eo nomine indigitat. Quis enim id sibi sumat, ut suo quodam jure minarum Divinarum extensionem arctare ausit? Imo non generalia duntaxat verba sunt, sed & duplicata, ut probe sciamus ea sumenda esse in omni *ὑποφάσει*. V. Ita dicta esse Adamo, ut etiam in posteris vera sint : quod certo indicio est, Adamum posterorum omnium personam sustinuisse. VI. Eodem quo peccatum commissum foret die, malum hoc homini eventurum. Quod justitia exigit, & eventus comprobavit. Etenim eodem momento quo homo peccavit, mortis *reus* factus est, & mox post consummatum peccatum, mortis, qua corporalis, qua spiritalis, *primordia* sensit. Multo hæc simplicius dicuntur quam quæ Judæorum sapientes commenti sunt; referente *Jacchiade in Dan. VII. 25.* Ubi ita fatur. *Mille anni sunt tempus unum, & dies unus coram Deo Sancto Benedicto, quemadmodum dicitur Ps. xc. 4. mille anni in oculis tuis sunt, ut dies besternus.* וא"חול כי ביום אכלך ממנו מית תמות שדו"א יומי של חק"בה ולכן לא השלים יומי אדם הראשון כי חסר מיימי"ן שנה. *Et dixerunt sapientes nostri beatam memoriam, illud Gen. 11. 17. Quo die comederis de ea morte morieris, de die Sancti Benedicti intelligendum esse, ideoque præ-*

*primum hominem non complevisse diem suum* (non pervenisse ad annum millesimum) *dies enim illi septuaginta annos defuisse.* Sed hoc longe petitum est, & Judaicum ingenium redolet.

III. Utilius longe erit, ut paulo accuratiore examine investigemus, quid illud sit quod *mors* nomine hic venit. Ac primo quidem simplicissimum est, ut isthoc vocabulo notetur ea corporis prava dispositio, per quam anima ad secessum a corpore jam inhabili adigatur; qua bona corporis infelicitate amata, & fructus peccati, & male fausta spes peccatoris, simul auferuntur. Hoc innuit Dominus Gen. III. 19. *Donc ad terram revertaris, quia ex ea desistis es; nam pulvis es & ad pulverem revertaris.* Id est corpus tuum, quod ex terra est formatum, revertetur ad sua principia, & solvetur in terram, in quam natura sua resolubile est, quippe ex terra sumtum. Quod autem actu in terram solvendum sit, ex eo est, quod jam *pulvis sis*, terrenis desideriis corruptus, & corpori ad peccatum vergenti, quod ex pulvere sumtum, mancipatus. Quo sensu Abraham fatetur se *pulverem & cinerem esse* Gen. XVIII. 27. h. e. peccatorem & mortalem. Et David dicit Psal. CIII. 14. *Novit יצרי signum nostrum* (quod יצר דורעו *signum malum* dicitur Gen. VII. 21. quem locum commode huic conferri jubet Kimchius) *meminit nos esse pulverem*, id est glebæ affixos, terrenisque bonis vitiose addictos. Ex eo amplificat vates misericordiam Dei, quod eam exerceat erga vitiosos, in quibus nihil amore suo dignum reperit. Et clare per *pulverem* corpus peccati significatur *Jes* LXV. 25. Ubi de serpente, Diabolo jam per Messiae regnum devicto, dicitur, *pulvis ipsius cibus est*, carnem tantum & carnales homines cum voluptate consumet. Quum ergo Deus post peccatum, & propter peccatum, ad mortem corporis Adamum condemnaverit, dubium non est, quin hanc mortem quoque in comminatione intellexerit. Nisi dicere sustineamus: Deum plura peccatori mala inflixisse, quam ante peccatum denuntiaverat.

*Mors*  
nomine  
intelligi-  
tur primo  
mors cor-  
poris.

IV. Mirum quid non humani ingenii luxuries comminisci queat. Est Vir Doctus, qui ex verbis Moysis supra explicatis promissionem insignem exsculpere novit, & quidem clariorem, & consolationis uberio-rem ea quæ de semine mulieris vaticinatur. Terminum hic & metam laborum notari putat: ut sensus sit, *donec refugias in hanc terram*, in Paradisum, statum animarum beatarum, ex qua *אשרל captivus abductus es*. Sic enim Salomo *אשרל למוות capti*, & *Jeremias אשרל filii tui in captivitatem*. Nec alio loco fundamentove innixam putat Judæorum opinionem de animabus piorum colligendis in Paradisum. Sed hic lascivientis ingenii indecorus lusus est. Nos sana & sobria delectant, quæ satisfaciunt conscientiæ. Ad nostra revertamur.

*Mira*  
Sententiæ  
damnato-  
riæ in  
Evangelii-  
cam pro-  
missionem  
metamor-  
phosis.

V. Socinianos, quibus solenne est Scripturas torquere, veritati huic

Non bene  
quis negat

mortem  
corporis  
Sanctione  
huc in-  
cludi.

contradicere, nec mortem corporis pro poena peccati agnoscere, nihil admodum novi est. Hoc exigunt perversæ eorum hypotheses. Nam hoc negando putant se commodius nostris respondere posse argumentis, pro peccato originali ex morte infantum, & pro satisfactione Christi Domini ex ipsius morte, desumptis. Quumque veram Christi Deitatem impię abnegent, hoc tanquam præstantissimum signum fictitiæ Divinitatis ejus laudant, quod primus immortalitatis præco, auctor & dator fuerit. Quorum blasphemix ab aliis prolixè & solide discussæ sunt. Sed nolim ex nostris esse Virum Doctum, qui neget per mortem *Gen. 11. 17.* denuntiatam, mortem corporis intelligi debere : quique multum se dare putat, quum in hæc verba scribit. *Ex quo loco si qui multiplex genus mortis, aterna, spiritualis, corporea, afflictionum, probare contendant, facile patior eos suis argumentis cum Adversariis pugnare, dummodo ab ipsis extorquere possint id quod volunt.* Hæc non sunt optimi commatis. Cur sine necessitate tantum largimur adversariis ? Quid in eo laudis est, quod argumenta pro veritate, feliciter defensa, ipsi convulsum eamus ? Fatetur Vir Doctus, mortem poenam peccati esse : idque expresse evinci ex sententia in Adamum pronunciata *Gen. 111. 19.* Quid causæ est cur non eandem mortem in antecedanea denuntiatione homini propositam credamus ? An non verba generalia sunt ? an non propter emphasin geminata ? An non disertè mors corporis eadem phrasi exprimitur ? *1. Reg. 11. 37.* ubi Salomo Simeï dicit מֵת וְחָיָה מֵת מוֹתָה מֵת *morte morieris.* An non ipse verborum sonus ita tinnit, ut non possit non homini hæc mors corporis in mentem venire, nisi præjudiciis occupatus, hic per mortem intelligere nolit, quod omnibus in mentem venit, ubi de morte sermo est ? An non etiam Bonitate & Justitia Divina dignissimum est, nihil per sententiam condemnatoriam homini peccatori infligere, quod non ante peccatum interminatus est, ne fortasse caussetur homo, se ignoravisse, Deum tam ægre laturum, tam acriter vindicaturum peccatum ? Quumque æternam mortem intelligi hic Vir Doctus velit, an non ea includit mortem corporis ? an sine ea antecedanea homini infligitur, ex ea morte fuscitando, ut totus, anima & corpore, æternum miser sit ? Cur isthoc pacto soventur suspiciones, quarum proh dolor ! plus satis est ? Utinam caute loqueremur omnes, μετὰ φόβου καὶ τρόμου ! Non ægre, uti spero, feret Vir eruditus, si Doctissimi Cocceji prudens monitum hic ipsi suggessero, quod in simili casu inculcat *ad Gen. 111. §. 190.* *Nostrī, inquit, adversus Judæos volunt nos uti fortioribus argumentis. Et quod quidem attinet illam admonitionem, ea bona est, nempe quando res est cum infidelibus utendum esse argumentis cogentibus : ne cedamus irrisioni infidelium, & eos confirmemus in errore. Quod tamen attinet inculcationem illius regula, non est tutum neque prudens factum, facile & crebro Ecclesiasticorum argumentis eam opponere. Si enim*

enim id fiat cum refutatione eorum, N. B. jam in adversariorum partes discedimus, & eos armamus, & docemus tergiversari. Si autem non fiat cum refutatione, sed sola illa admonitio inculcetur, profecto & injuria fit argumentanti & audienti, & judicium nostrum quasi ratio videtur allegari. Arguuntur igitur quisque quam solidissimo: si quis manifeste scriptura abutatur, fraterne corripiatur offenso vitio: de cetero argumenta fidelium judicanda permittantur, non exhibeantur.

VI. Secundo per mortem hic intelligitur, longus ac difficilis labor, dolor multus, & prolixa hujus vitæ miseria, per quæ vita vitalis non est, quæque mortis certo secuturæ scæva præambula sunt. Ad hæc homo condemnatur: Gen. 111. 16, 17, 18, 19. Quæ universa sententia antegressæ comminationi innixa est. Tales miseras ipse Pharaon mortis nomine indigitabat. Exod. x. 17. & David dolores & angores suos דְּבִלֵי מוֹתִים *vincula mortis* vocat. Ps. cxvi: 3. quibus mors ligatum ac victum homines venit, ut in tenebrosam suam carcerem eos compingat. Ita Paulus quoque 2. Cor. xi. 23. *In mortibus crebro.* & 2. Cor. iv. 11. *Morti tradimur.* Ibidem v. 12. *Mors in nobis agit.* Uti non vivere sed valere vita est; ita mors est non vita hac momento defungi, sed longa mortis certæ expectatione, & metu, ac præsensu quodam languere, ignarum termini vitæ a Deo præfiniti. Scite *Picus Mirandula, de ente & Uno.* Incipimus enim, si forte nescis, tuam mori, quum primum incipimus vivere, & mors cum vita protenditur, tuncque primum desinimus mori, quum a corpore mortis hujus per carnis mortem exsolvimur.

Notat quoque mors miseras hujus vitæ.

VII. Tercio mors notat, mortem spirituales, sive animæ separationem a Deo. Eleganter eam definiuit *Isidorus Pelusiota.* 111. 232. Θάνατος τῆς ἀθανάτης ψυχῆς τῆς ἀγίας Πνεύματος ἀποφύγῃς. *Mors immortalis animæ est Spiritus Sancti ab ea secessus.* Hoc est quod Apostolus dicit Eph. 1v. 18. *Abalienati a vita Dei,* illuminantis, sanctificantis, lætificantis. Nam animæ vita est sapere, & in sancto amore bonæ conscientiæ gaudio frui. Mors animæ est desipere, & per concupiscentiam a Deo recedere, & malæ conscientiæ tormentis exagitari. Hinc Apostolus nos dicit *νεκροὺς ἐν παραπτώμασι, καὶ ἀμαρτίαις.* Eph. 11. 1.

Sed præcipue separationem animæ a Deo.

VIII. Lubet hanc mortem plenius explicare, verbis quidem non meis, sed quibus efficaciora me inventurum desperavi. Est motus in corpore vivo; est & in corpore mortuo. Sed corpus vivum movetur per vegetationem, dum nutritur, dum sensibus suis utitur, & jucundatur, & operatur cum voluptate. At corpus mortuum movetur per putrefactionem ad dissolutionem & generationem foedorum animalium. Ita in anima spiritualiter viva est motus; dum cibatur & pascitur & saginatur deliciis Dei, dum in Deo & vera sapientia oblectatur, dum amoris sui pondere fertur & affigitur in id, quod animam sustinere potest, & facere

Quæ spiritualis mors plenius explicatur.

cere ut requiescat. Sed anima mortua non sentit: hoc est, non intelligit veritatem, non amat justitiam, volvitur & fatiscit concupiscentiarum putore, verminat cogitationibus, ratiocinationibus, & affectibus foedis atque abominabilibus. Ergo homines alieni a vita illa spiritali, quæ est in luce sapientiæ, & activitate charitatis, in bono suo eoque præsentente delicias, sunt viva cadavera. 1. *Tim. v. 6. ἡ δὲ σπαρατῶσα, ζῶσα τέθνηκεν.* Et hinc in scripturis mortui dicuntur spiritualiter.

Explicatio vocis  
נבל

IX. Emphatica & multo significato foeta est vox נבל ἄφρων, quam talibus scriptura applicatum it. Denotat enim, I. *Stultum* mente animoque corruptum, spiritali sapientia, cujus initium est timor Domini, vacuum. נבל שמו ונבלו עמו *Nabal est nomen ejus, & fatuitas apud ipsum est*, dicebat de marito suo sapiens Abigail, 1. *Sam. xxv. 25.* Sic נבל opponitur תִּוֹ חָכָם, *Sapienti. Dent. xxxii. 6. וְלֹא חָכָם עַם populus stultus & non sapiens.* II. Notat & flagitiosum. *Ps. lxxiv. 18. עַם נָבָל נִצְּחוּ שְׂמוֹ Populus flagitiosus spernunt nomen tuum.* III. Denique significat mortuum, marcescentem. Radix נבל, est marcescere, emori. *Jes. xl. 7. נָבֵל צִיץ marcescit flos.* נבלו est *cadaver. Jes. xxvi. 19. נִבְלָתִי יִקְוֶה Quodque cadaverum meorum surget.* Quæ omnia simul juncta notant, hominem sapientia Dei vacuum, flagitiis coopertum, & vita Dei destitutum, marcescentem denique & verminantem ut cadaver. Quibus in rebus mors spiritalis consistit.

Mors  
Spiritalis  
& peccatum &  
pœna est.

X. Hæc ita peccatum, & primi peccati naturale consequens est, ut simul in peccati poenam denunciata sit. In quantum enim hominem vilem facit, ad ea opera quæ sola homine digna sunt planissime ineptum, brutis, imo Diabolo similem, Deo, τῷ μόνῳ μακαρίῳ, dissimilem, & consequenter summe miserum, etiam summa peccati poena est.

Hanc sequitur  
mors æterna.

XI. Quarto denique hic significatur *mors æterna*. Cujus in hac vita præludia sunt terrores & angores mentis male sibi consciæ, derelictio animæ omni consolatione Divina orbæ, & sensus iræ Divinæ sub qua misera fatiscit. Sequetur animæ translatio in locum cruciatuum *Luc. xvi. 23, 24, 25.* Ubi occultatio faciei Divinæ, ὑστέρησις τῆς δόξης αὐτοῦ, & sensus intensissimus iræ Dei, æternum duraturus, cum horribili desperatione conjunctus. *Ap. xiv. 11.* Succedet denique corporis post decursum hoc seculum resuscitatio ad æternas poenas. *Act. xxiv. 15.*

Remonstrantium  
sententia.

XII. Et hic rursus in veritatem incurrit Socinianorum Theologia, quorum æmuli Remonstrantes sunt; asserentes *Ap. p. 57. Non denuntiata Adamo fuisse verbis istis, Morte morieris, aut uspiam aliis, mortem æternam ex sensu apud Evangelicos recepto, ut scilicet complectatur mortem æternam corporis & anima cum sensu pœna conjunctam: sed tantum directe mortem corporalem, sive dissolutionem animæ & corporis, quam præcedunt mala omnia ad mortem disponentia: & quam deinde æterna pœna damni, id est Divi-*

na visionis, sive gratia & gloria, privatio consequatur. Alius ex eo grege; qui *Amyraldi* & *Testardi* doctrinam Gallico idiomate examinavit, improbe pugnatur in Lege nullam mentionem esse poenarum infernalium sensus, sed eam esse Evangelio propriam, & denunciari demum profanis illius contemtoribus pag. 59. & 114. Licet alibi eos addat, qui *privatio- nis lumen suffocant, aut in injustitia detinent: ut liberius cupiditates carnis ex- plere possint*. De cæteris existimat *mediam conditionem statuendam esse, a regno calorum & damnatione ad ignem æternum diversam, in quam recipiantur: qualis forte esset, ut in pulvere, in quem redigendi sunt, æternum maneat nun- quam inde suscitandi*. *Curcellaus, Dissert. de Necess. Cogni. Christi. §. 5.*

XIII. Hæc virus sunt merissimum. Vel enim eo tendunt, ut animam peccatoris excindi, deleri, annihilari denique velint: quo modo Ju- dæorum nonnulli, & ipse *Maimonides* apud *Aberbenclem* in *Mal. iv.* mor- tem æternam in eo collocant *וְלֹא תִשָּׂא וְהָיָה כִּי יִשָּׂא וְהָיָה כִּי יִשָּׂא*, quod *excin- detur anima, & peribit, & non supersitabit*, a quo Epicureismo & Saddu- ceismo non alienos se profitentur Sociniani: vel absurdissima secum- que pugnantia, & Scripturæ vim omnem enervantia dicunt. Etenim concipi nullo modo potest, animam hominis supersitem manere, a vi- sione beatifica Dei exclusam, sensu gratiæ & gloriæ Dei privatam, quam non privatio summi istius boni horrendum in modum torqueat; idque eo magis, quando conscientia, sua sibi stultitia animam universi hujus mali causam esse, indefinenter exprobat, & dirissima desperatio- ne ullius gaudii æternum consequendi excruciat. Quumque Deus ho- minem a visione faciei suæ, ubi lætitiæ satietas est, propter peccatum non arceat sine ira justissima, sine sancta indignatione, & ardenti zelo adversus peccatum & peccatorem, privatio summi hujus boni, ex ira Dei proveniens, cum sensu iræ & maledictionis Dei non potest non esse conjuncta. Hæc ex ipsa animæ natura sequuntur, & majore eluci- datione digna sunt.

Pœnam  
damni in  
anima su-  
perstite  
non potest  
non comi-  
tari pœna  
sensus.

XIV. Anima hominis ad Deum, uti supremam veritatem, *αὐτοαλη- θεϊαν*, mente contemplandam, & uti supremum bonum, *αὐτοαγαθόν*, animo omnique affectu quærendum, facta est: & tum demum vere vi- vit, ubi in illius veritatis contemplatione, in illius bonitatis fruitione, deliciatur. Quando vero per justam contemti numinis sententiam ab il- la dulcissima veritatis contemplatione, & jucundissima bonitatis frui- tione, exclusa est; tum demum se mortuam fateatur oportet. Et quam jucundum est bono summe desiderabili desideratoque frui, tam triste est ac durum eo frustrari. Quum autem anima, quæ spiritualis substan- tia est, intelligens & volens, sine activitate istarum facultatum esse ne- queat, tum præsertim quum corporis vinculis est soluta; necesse est ut se ex privatione summi boni miseram esse intelligat: & miseriam suam

Quippe  
durum di-  
rumque est  
a fruizione  
summi bo-  
ni æter-  
num ex-  
clusum  
esse.



intelligens, carentiam istius boni, ad quod desiderandum facta est, acerbissime lugeat. Animam fingere quæ nec intelligat nec velit, est animam fingere non animam. Quasi quis corpus conciperet non quantum, non extensum. Rursus animam fingere miseriam suam intelligentem, nec dolentem, contra naturam tam animæ quam miseriæ est. Stat ergo, poenam damni in mente humana sine poena sensus, absonum & se ipsum destruens figmentum esse.

Quod  
quum ex  
odio &  
ira Dei  
procedat,  
non potest  
sine istius  
odii iræ-  
que sensu  
esse.

XV. Porro. Quandoquidem anima ignorare non potest Deum infinite bonum esse, & ad naturam boni pertinere, ut communicativum sui sit; certo inde colligit, aliquid Deo maxime contrarium in se reperiri debere, quod atrocissimo persequatur odio, & cuius rei causa ille infinite bonus se cum creatura sua non communicet: atque adeo illam non communicationem sui evidentissimum signum ac tristem effectum Divinæ iræ esse, privantis hominem illius boni fruitione, quo solo beatus redderetur. Et hoc modo in poena illa damni intensus iræ Dei sensus est. Cum quæ nullus corporis per materialem ignem cruciatus conferri potest.

Accedit  
torquens  
conscien-  
tiæ expro-  
bratio.

XVI. Præterea quum anima sibi conscia sit, ipsam sese per peccata suæ huius miseriæ causam esse, adversus se ipsam exardescit, se ipsam accusat, odit, lancinat, tortoris vice adversus se ipsam fungitur, ac sub flagello hoc pejus vapulat, quam quivis reus sub sævissimo carnifice. Accedit quod omni spe felicitis restitutionis decollante, & horrenda desperatione excarnificata, æternum misera esse jubetur. Cuncta hæc tam arcto coherent nexu, ut ad quamvis conscientiam, modo diligens accedat νόσις, se manifesta faciant.

Scriptura  
etiam æter-  
norum tor-  
mentorum  
meminit.

XVII. Eadem Scriptura disertè docet, ubi *κολάσεως αἰωνίης* Matt. XXV. 46. & *βασάνων* Luc. XVI. 23. & *ὁ δ' ὕων* γ. 28. *vermis non morientis*, & *ignis inextinguibilis* Mar. IX. 44. & similibus mentionem facit: quæ nimis fortia sunt, quam ut de solo damni poena, sine poena sensus, intelligi possint.

Quæ om-  
nes omni-  
no impo-  
nitentes  
manent.

XVIII. Et absurdum dictum est, poenam hanc solis Evangelii contemtoribus denunciatam esse, quum Paulus testetur, Christum venturum esse *ἐν πυρὶ φλογὸς διδόντά ἐκ δίκης* non modo τοῖς μὴ ὑπακούει τῷ εὐαγγελίῳ, sed & τοῖς μὴ εἰδόσι Θεόν. 2. Thess. 1. 8. Confer. 1. Thess. 1. v. 5. *Τὰ εἶθι τὰ μὴ εἰδότες τὸν Θεόν.* *Gentes quæ non noverunt Deum.* Tales nimirum qui Deum etiam ex operibus creationis discere noluerunt, & non *ἐδοκίμασαν τὸν Θεὸν ἔχειν ἐν ἐπιγνώσει.* Rom. 1. 28. Quales plane *inexcusabiles coram Deo esse, ideoque mirum videri non debere, si ipsos aliquando in ignis æterni supplicium sit missurus*, ipsa veritatis vis Curcellæum dicere coëgit: *Loco citato.* Et sane Sodomitis ac Gomorræis, & quæ iis vicinæ erant Civitatibus, Evangelium prædicatum esse, adversarii non di-

xiunt. De iis tamen Judas scribit, com 7. quod *in exemplum present, ignis aeterni vindictam sustinentes*. Quæ non ita sunt interpretanda ut restringantur ad ignem illum quo civitates ipsæ conflagraverunt, sed & extendantur ad infernales flammæ, quibus impudici illarum civitatum incolæ etiamnum torquentur. Distinguenda sunt ea quæ ipsa rei natura distincta esse docet. De incolis, non de urbibus, intelligendum est, quod *effusi sint in fornicationem, abeuntes post alienam carnem*. De utrisque verum est, quod conflagraverint igne. Qui respectu *urbium, aternus*, aliquo modo dici potest, quatenus sic sunt consumptæ, ut nec restituendæ sint unquam, nec potuerint restitui. Sed *vere aternus* est respectu incolarum, qui non illa Dei vindicta redacti sunt in nihilum; sed adhuc, scribente id Apostolo, sustinebant poenam illius ignis, præcipitati in æternum dolorem & *ῥασναισμόν*. Nam scortatorum *portio est in lacu qui igne & sulphure ardet* Ap. XXI. 8. Ita urbes ipsæ habent *ὑπόδειγμα* vel *ἀντίτυπον* *πυρὸς αἰώνις*, instar aliquod ignis aeterni, sed improbi eorum incolæ sustinent *δίκην* *πυρὸς αἰώνις*, & sic utrique prostant in *δείγμα* (Petrus dixit *ὑπόδειγμα* 2. Ep. I I. 6.) *exemplum* quo moneamur, quid scortatoribus expectandum sit.

XIX. Huc facit etiam quod Christus diserte docet *Mat. xxv. 41*. eos omnes qui collocati erunt ad sinistram ejus, neque declarabuntur hæredes vitæ æternæ, iusta sententia condemnandos esse ad *ignem aeternum*, qui *paratus est Diabolo & Angelis ejus*: quique *ῥ. 46.* explicatur per *κόλασιν αἰώνιον*. Non possumus probare quod Curcellæus, *dicta dissertatione* §. 6. scripsit: apud Matthæum non describi *judicium prorsus universale, omnium qui unquam fuerunt, sed tantum eorum qui Religionem Christianam sunt professi, quorum alii digne Evangelio se gesserint, alii autem indigne*. Non sunt ista optimi commatis. Quid? annon universale erit illud iudicium, quod Dominus extendit ad *omnes nationes*, *Mat. xxv. 32.* ad *omnes tribus terra?* *Mat. xxiv. 30.* in quo ab *omnium oculis* Christum iudicem visum iri Johannes pronunciat? *Ap. i. 7.* in quo *orbem habitabilem* iudicandum esse Paulus concionatur? *Act. xvi. 31.* in quo & *mare, & mors, & infernus*, quos habent mortuos, iudicandos sistent? *Ap. xx. 13.* in quo complebitur prædictio, quam iurejurando sancivit Deus, dicendo, *mibi flectet omne genu, & omnis lingua Deum confitebitur?* *Rom. xiv. 11.* In quo & *viri Niniuitæ & Regina Austri*, improbos Judæos condemnaturi resurgent? *Mat. xii. 41, 42.* Et *Tyriis ac Sidoniis & Sodomitis* sua assignabitur tormentorum portio? *Mat. xi. 22, 24.* In quo illi quoque *servo qui nescivit voluntatem Domini sui, & ea quæ plagis digna sunt perpetravit*, sua infligetur plagarum mensura? *Luc. xii. 48.* In quo denique *illi qui sine lege peccarunt, sine lege condemnantur?* *Rom. ii. 12.* Hæc omnia ad eos solos restringere quibus Evangelium annunciatum est, est ho-

Ad quæ damna-  
buntur ex-  
tremo ju-  
dicio, quod  
universale  
est.

Licet  
male id  
Curcel-  
læus neget.

minis cum scriptura ludentis. Sed non patitur sibi ludos fieri Deus.

XX. Si fortasse dicat Curcellæus, non negare se universale iudicium fore, sed illud non describi *Mat. xxv.* neque iis locis, in quibus homines iudicandi in duas Classes distribuuntur: ut *Job. v. 28. 29. 2. Thes. i. 6. &c.* Respondeo, I. Scripturam non nisi unius iudicii ultimo die habendi mentionem facere, neque uspiam nos doceri, aliud tribunal erectum iri, iis quibus Evangelium non est annuntiatum, atque iis quibus annuntiatum est. *περὶ τῶν κρίματων & τῶν μέλλοντων* singulari numero concionabatur Paulus *Act. xxiv. 25.* similiterque *Heb. vi. 2. περὶ κρίματων & αἰώνων.* II. Ipsa allegata testimonia appositae universalitatis notas habent. Nam *Job. v. 28.* dicitur O M N E S *qui in sepulcris sunt audituros vocem filii hominis: & x. 29.* illa universitas dispescitur, non in eos qui Evangelium sibi prædicatum vel fide receperunt, vel proterve rejecerunt; sed in eos *qui fecerunt bonum vel malum*; nulla Evangelii facta mentione. Et *2. Thes. i.* non solum illis pœna æterni exitii ex sententia Iudicis infligetur *qui immorigeri fuerunt Evangelio*, sed & iis *qui non noverunt Deum*, scilicet Deum Creatorem, ad cujus cognitionem & cultum natura sola homines deducere posset, nisi ejus lumen malitia sua suffocarent, quemadmodum id ipse Curcellæus explicat. III. Neque singulare quid est, hominum iudicandorum in duas Classes distributio, sed commune id est omni iudicio de toto genere humano: cujus non nisi duæ dissimiles sunt multitudines, vel absolvendorum; vel damnandorum. Intermedium statum Scriptura ignorat.

Qui frustra sibi  
præsidium  
querit in  
verbis  
Christi.

XXI. Unicum quod specie aliqua a Curcellæo affertur, hoc est, quod Christus iis qui de voluntate sua nihil resciverunt non possit exprobrare, *esuriivi* &c. Sed respondemus. I. Ea quæ hica Christo disse-runtur non absolvere totum iudicii processum, sed exempli duntaxat causa allegari. Quis enim dubitat, plura in hoc iudicio expendenda esse, etiam circa illos quibus prædicatum est Evangelium, quam effectus huius charitatis erga afflictos pios? II. Omnes omnium actiones iudicio hoc examinatum iri Scriptura docet. *Eccl. xii. 14. 2. Cor. v. 10. Rom. ii. 5, 6. &c.* Usque ad verba *Mat. xii. 37.* tam inania *v. 36.* quam dura *Jud. v. 14. 15.* imo & occulta cordis. *Rom. ii. 15, 16. 1. Cor. iv. 5.* III. Nostrium non est determinare, quid damnandis jure exprobrare Iudex queat. Ea saltem ipsis exprobratum iri constat, quæ cum ingenti stupore audient. Et quandoquidem damnandi omnes multa immitis & immisericordis ac ἀφιλαγὰς animi indicia prodiderunt, quis nostrum Christo vetare ausit, ne ita hæc interpretetur, quasi ipsi sibi, si ad eos venisset, misericordiam omnem denegaturos fuisse demonstraverint? IV. Denique dato, Christum non omnibus impiis id exprobraturum esse, non tamen inde sequitur, eos non venturos in hoc iudicium; quia mul-

multa aliâ fessant, quorum caussa condemnabuntur, quæ in hoc quoque judicio examinanda esse alibi Scriptura docet, licet eorum in hac summa mentionem Christus non faciat. Nihil est quod nos obliget ad credendum, omnia ea quæ ad hoc iudicium faciunt ex hoc solo loco discenda esse. Conferenda sunt alia Scripturæ testimonia, in quibus de eadem materia agitur.

XXII. Superest ut inquiramus, unde hæc Sanctio poenalis derivanda sit: an ex solo meroque voluntatis Divinæ beneplacito, an vero ex naturali & immutabili Dei iustitia, qua indignum fuerit aliter disponere. Non repetam nunc quæ Socinianorum Antagonistæ, de iustitia vindicativa, ut proprietate Deo essentiali, illiusque necessitate quoad egressum, posito peccato, fuscè & feliciter disputant. *Primo* argumenta duntaxat quædam proponam, quibus hoc generale evidentissime demonstrari posse puto, in ipsa natura & immutabili jure Dei fundari, ne peccatum dimittat impunitum, *tum* specialius de æternitate poenæ disquiram.

XXIII. Ac Primo quidem infinitam Dei *Majestatem*, summamque ejus super omnia, ὑπεροχὴν, contemplemur: quæ tam illustris est, ut creaturas rationales ejus cognoscendæ capaces, ad obsequium cultumque sui obliget, uti *Cap. II. §. VIII.* probavimus. Adeo ut quotiescunque contra obsequium illud vel minimum committunt, mox læsæ se Majestatis Divinæ reas faciant, & consequenter propter neglectam obedientiam obligentur ad vicariam poenam. Peccans enim, ut recte Thomas dixit, *quantum in se est, destruit Deum & attributa ejus*, insuper habens Majestatem illam Dei, cui omnia subesse ex consideratione tam Dei quam creaturarum necessarium est. Fieri autem omnino nequit, ut Deus se ipsum, Majestatem ac gloriam suam, tenerrime non amet. Quod autem ita amat, ejus læsionem non potest non vindicare. Ideo se vocat אלהים קנא *Deum zelosem*, & hoc nomen suum esse dicit *Exod. xxxiv. 14.* קנאז autem est *vindictio rei charissima*. Hinc קנאז & דומה גרילה *excandescencia magna* conjunguntur. *Zach. viii. 2.* Imprimis autem pro nomine suo zelat, id est, ut talis innotescat hominibus qualis est *Ezech. xxxix. 25.* וקנאזי לשם קדשי & *zelabo pro nomine Sancto meo*. In quo nomine & illud comprehenditur, ונקד לא ינקד & *nequaquam in fontem reputabit. Exod. xxxiv. 7.*

Punitio peccati in ipsa Dei natura & naturalibus virtutibus fundatur.

Tam chara Deo Majestas sua est, ut impune eam lædi Pari non queat.

XXIV. Aliter quoque ex Majestate illa Dei argumentari licet; & hoc quidem modo. *Impossibile* plane est ut Deus se ipsum abneget. *2. Tim. II. 13.* Hoc est non potest dissimulare virtutes suas, aut id facere, quo testetur, se non esse eum, qui est, & virtutes, quæ Divinæ sunt, non habere. Idque quia ipse est ἀρχετυπον & exemplar creaturæ intelligentis; cujus est creaturæ in suis operibus monstrare suam naturam, decentiam

Multo minus abnegare illam potest: quod videretur facere si nullam læsæ Majestatis

statis po-  
nam posce-  
ret.

tiam, jus, excellentiam. Abnegaret ergo se, si dissimularet Majestatem suam, multo magis si pateretur illam ab homine contemni, quod in omni peccato fit. Peccans enim ita se in illius conspectu gerit, quasi nullus esset Deus, cui obedientiam deberet; imo quasi ipse esset Deus, qui pro suo beneplacito, *ἀνυπερβύτως*, de se ipso, suisque facultatibus reliquisque rebus in quibus peccat, disponere possit, dicens, *quis est Dominus super me?* Ps. xii. 5. Quod sane est in supremi numinis Majestatem involare. Quomodo autem Deus id inultum præterire potest? Nisi fingamus eum posse sibi parem pati, quod aperta Primitatis, Majestatis, & ὑπεροχής suæ abnegatio foret. Tunc demum gloriosus appareret peccatoribus, quando contemtores sui Numinis punit. Ita Num. xiv. 20. jurat *totam terram impletum iri Gloria Dei*, nimirum delendo in deserto eos qui non crediderant, postquam vidissent gloriam Dei & signa ejus. Ibi *gloria Dei* significat manifestationem zeli ipsius contra ὑβριστάς, quum non patitur se *μυκτηρίζεσθαι*. Itaq; uti gloriā suā non potest non quærere, ita violatorē Majestatis suæ non potest impunitū dimittere.

XXV. Secundo. Non minus evidenter hoc ex *Sanctitate* Dei arcesci potest, idque non uno modo.

XXVI. A. Sanctitas Dei hoc exigit ut non possit communionem sui, & unionem secum, indulgere peccatori, sine justitiæ suæ satisfactione. *Τίς γὰρ μέλοχθ δίκαιοσύνη και ἀνομία?* 2. Cor. vi. 14. Qui tangit quod impurum est non potest communicare cum Deo. 1. 17. Is quem sibi Deus unit, eum *הדביק, adherere sibi facit, sicut cingulum*: ut sit ipsi *שם ילתיחלה וילתפארת in nomen & laudem & decus* Jer. xiii. 11. Si autem ita sibi cingeret peccatorem, sine prævia satisfactione, qua peccati reatus tollitur, jam ipsa Sanctitas cincta, amicta, & ornata esset peccato. Quod est contradictorium. Verum quidem est Deum hæc omnia obtulisse peccatori Israël; sed factum id virtute Foederis gratiæ, quod debitam satisfactionem supponit. Neque exiltimandum, unionem hanc, quam tam magnificis verbis describit Deus, in *ἐμφάσει* & spirituali sua significatione, aliis quam interne foederatis contigisse. Confer *Deut. xxvi. 19*. Si istes, indignum quidem Sanctitate Dei esse, communionem amicitiae cum peccatore colere, quamdiu talis manet: sed nihil obstare, quo minus bonitate sua peccatum tollat, & hoc modo eum, qui antea peccator fuit, ad communionem sui admittat: Respondeo, seposita satisfactione non convenire cum sanctitate Dei, ut illo maximi amoris effectu, quo sanctificaretur peccator, eum præveniret. Si enim initium ejusmodi communionis Dei cum peccatore Sanctitate ipsius indignum non sit, cur de progressu illius omnes id fatentur? Clarum est non convenire Sanctitati Dei amicitiam colere cum peccatore quamdiu talis manet. Atqui ante Sanctificationem suam, non est nisi peccator, imo peccatum

Etiam  
Sanctitas  
Dei Pe-  
nam po-  
stular.

Quippe  
quæ non  
potest  
commu-  
nionem sui  
indulgere  
peccatori.

catum

catur. Neque ulla potest: ~~ma~~ior amicitia homini exhiberi ea per quam Sanctificatur. Ergo non convenit cum Sanctitate Dei, seposita sanctificatione, tanto favore, omni odio suo dignissimum, peccatorem prævire. Si porro iustes, per Sanctitatem Dei fieri quidem non posse ut peccatorem, sine satisfactione, complectatur amore complacentiæ, sed nihil obitare quo minus in eum feratur amore benevolentia, qui ita ipsum transformet ut conveniens objectum amoris complacentiæ evadat: Respondeo, Temere hoc dici: nam illi effectus amoris benevolentia quibus regeneramur, proponuntur nobis in Scriptura ut sequelæ sponfionis ac satisfactionis Christi, & reconciliationis nostri cum Deo Tit. 111. 4. 5. 1. Cor. vi. 11. 1. Pet. 1. 3. Fides, sine qua impossibile est Deo placere, donatur electis *ἐν δικαιοσύνῃ τῇ θεῷ ἡμῶν καὶ σωτῆρ* *ἡμῶν Ἰησοῦ Χριστῷ*. 2. Pet. 1. 1. Quod quocunque modo interpreteris, patet saltem donationem fidei fundatam esse in Christo, ejusque satisfactione. Si ergo satisfactio Christi prærequisita fuit, ut his amoris benevolentia effectibus peccator bearetur: temere asseritur, dignum sanctitate Dei fuisse eadem sine satisfactione peccatori largiri. Porro, cui unionem sui Deus non potest dare, eum non potest non punire. Quia in non-unionem cum Deo poena maxima est. Hæc est illa mors, quam peccatori lex interminatur, uti modo demonstravimus.

XXV. B. Sanctitas Dei tam pura est, ut *peccatum atque pravari-  
catorem insueri non possit*. Hab. 1. 14. hoc est, ante oculos suos non ferat. Non potest ergo *super eum attollere lumen faciei sue* Ps. 117. 7. In quo salus hominum consistit. Privatio autem salutis summa poena est. Quando David filium Absalomum, quanquam sibi fere reconciliatum, nondum ad conspectum sui admittere dignabatur. Absalomo id quavis morte intolerabilius visum fuit. 2. Sam. xiv. 32. Adeo in natura mali sui intelligente poenam damni non potest non comitari poena sensus.

Nec peccatorem ante oculos ferre.

XXVIII. C. Ex Sanctitate Dei fluit internecinum peccati odium. Non minus quam Sanctitatis est *justitiam amare*, ejusdem est *iniquitatem odisse*. Ps. xlv. 8. Peccatum est *נפש רעובה* *abominatio animæ ipsius*. Prov. vi. 16. *Animæ*, id est, ipsi essentia, & essentiali Sanctitati ipsius. Nec peccatum tantum, sed & peccator. *Abominatio Domini Dei tui est omnis faciens hæc, omnis faciens iniquitatem*. Deut. xxv. 16. Quem propterea nulla favoris sui participatione beare potest, procul a se & dilectis suis amovet, & cui odii sui effectum, poenam non infligere non potest. Juxta Salomonis ratiocinium. Prov. xvi. 5. *Abominatio Domini est omnis elatus corde*. Quid inde? *לֹא יִקָּרָא* *Non habebitur pro insente*: non evadet impunitus. Eadem methodo David ratiocinatur. Ps. v. 5. 6. 7. *Tu non es Deus qui delectaris iniquitate*. Odisti peccatum, & propter id peccatorem quoque. *Odio habes omnes operarios iniquitatis*. Quis hujus odii fructus? *Amarus uti-*

Neque eum non odisse.

utique. *Disperdes eos qui loquuntur mendacium.* Ita ex Sanctitate Dei odium erga peccatum & peccatorem. Ex odio poena.

Multo mi-  
nus ei simi-  
lis fieri.

XXIX. D. Sine dubio e diametro Sanctitati Divinae repugnat, ut similis fiat peccatori. Nam quum imago ejus in omnimoda sanctitate consistat, contradictorium est similitudinem ejus in peccato consistere. At si peccatum nollet punire Deus, jam peccatori similis foret. Id nos ipse docet *Pf. l. 21.* Ubi cum peccatori vellet dicere, putasti me peccatum tuum nolle punire, id ita exprimit *כַּמֶּךָ אֲדִידָהּ דִּוִּית דְּרִמִּית, קִמַּסְתִּי* quod omnino tui similis sim. Sed, inquit, ostendam contrarium. Et quomodo? *Redarguam*, puniam te. Atque ita demonstrabo ipso facto, me non esse similem tui. Unde concludo, quod peccatum nolle punire, sit peccatori quam similitimum esse. Contra, peccatum suo tempore punire, est peccatori dissimilem se monstrare. Ergo, nisi Deus redarguat peccatorem, similis erit peccatori, & se ipsum abnegabit. Nam, quum Deus exemplar hominis sit, & homo ad id factus ut Deus in ipso glorificetur, & omnia, quæ Deus facit, huc tendant, ut homo in iis cognoscat qualis Deus sit: si nulla re ostenderet Deus, peccatum privare hominem communione Dei & regno ejus, imo peccatorem dignaretur æterna felicitate, qua indignum haberi summa poena est; utique Deus testaretur se non esse dignum, qui ametur, quæretur, glorificetur, & peccatum non esse indignum in quo homo delicietur. Quam ergo impossibile est ut Deus peccatori omnino similis sit; tam impossibile est ut peccatum impunitum velit.

Sanctifica-  
tur Deus  
quum poe-  
nas poscit.

XXX. E. Hinc est quod Deus dicit se *Sanctificari* quum poenas exposcit. *Lev. x. 3.* In quem locum ipse *Crellius, De Vera Relig. Lib. 1. Cap. xxviii.* hæc annotat. *Quod quidam Viri Docti explicant (& ipse explanationi huic subscribit) Sanctus apparebo: q. d. summam poenam de his.* Idem eodem capite fatetur, *nec Sanctitatem, nec Majestatem Dei usque quaque ferre, ut impune mandata ipsius violentur.* Adeo veritatis vis vel invitis peccatoribus erumpit. Et evidens admodum hic vocis significatus est *Ezech. xxxviii. 16.* Ubi Gogi supplicium his verbis prædicitur, *ut cognoscant gentes me בְּךָ בְּהִקְרְשִׁי* quum sanctificabor in te, per supplicium tuum, ante oculos ipsorum. Clarius adhuc *Jes. v. 16.* *הָאֵל הִקְרִישׁ נִקְרַשׁ בְּצִדְקָה, Deus Sanctus Sanctificabitur in Justitia*, peccatoribus poenas infligendo verbis antecedentibus denunciatis, & electis non condonando nisi propter Justitiam Christi, in cujus passionibus & morte purissimam sanctitatem suam & odium adversus peccatum coram toto mundo, imo ipso inferno, comprobavit. Non minus ergo necesse est Deum de peccatis poenam sumere, quam necesse est eum Sanctum esse, ne Sanctitati suæ renunciare videatur. Quod verbis Josuæ concludam, quæ exstant *Cap. xxiv. 19.* *Dens Sanctus ille est. Quid tum porro? Dens Zelotes est.* Et inde quid

quid conficitur? *Non condonabit transgressionem vestram nec peccata vestra.* Ita ex sanctitate, Zelus: ex Zelo, vindicta.

XXXI. Tertio. Idem ex virtute illa Dei deduci potest, quæ *Justitia* *Vindicativa* dici solet. Illius enim esse poenam de peccatis sumere sacræ literæ centies docent: & impudenter cavillantur hæretici, quum id opus esse dicunt, non tam Justitiæ Divinæ, quam iræ & excandescentiæ. Perperam disjungunt conjuncta ab Apostolo, qui de *ἡμῶν ἰσχύος καὶ δυνάμεως* *Dei* loquitur. *Rom. 11. 5.* Et quid ira Dei aliud est, quam illa Divinæ mentis prompta inclinatio, ad id faciendum quod odium peccati, & justitia adversus peccatorem, & supremi judicis ratio exigit? Infinita prætereo, quæ passim obvia sunt. Id potius ostendendum, in quo cardo rei versatur. I. Quod hæc proprietas Deo naturalis sit, non minus quam Infinitas, Sanctitas, Omnipotentia. II. Quod virtute illius non possit Deus peccatum impunitum dimittere.

Justitia  
Dei vindi-  
cative poe-  
nas quo-  
que exigit.

XXXII. Prius ita demonstro. Sub cujus opposito Deum concipere contradictorium est, illud non ad indifferentem Dei voluntatem, sed ad naturam & essentiam Dei referendum est. Sed contradictorium est Deum concipere sub opposito justitiae, id est, ut injustum. *Job. xxxiv. 10.* Contradictorium autem non est, si Deum concipiam sub contrariis earum rerum quæ a liberrima ejus voluntate dependent. Verbi gratia, a libera Dei voluntate profectum est, quod Israël olim elegerit in peculium suum. Si itaque Deum concipiam ut eum qui Deus Israël nuncquam fuit, falsum quidem concepero, sed nihil quod certa quadam contradictione naturam Dei destruat. Potuisset enim Deus esse, & non esse Deus Israël, sed, si ita libuisset, Deus Ægyptiorum vel Chaldæorum. Sed qui Deum dicit, & simul injustum dicit, contradictoria dicit. Primus enim Deitatis conceptus est, perfecte & infinite bonum esse. Ad bonitatem hanc facit justitia, suum cuique tribuens, per convenientem *μὴ ἀποδοσίαν* in eo imprimis, qui uti creaturarum rationalium Dominus est, ita non potest non earum iudex esse. Qui ergo injustum, aut non justum dicit, Deum negat esse de quo hoc dicit.

Hæc natu-  
ralis  
Deo est.

XXXIII. Posterius conficio hoc pacto. Quod *δικαίωμα* Dei est, illud justitia Dei ut fiat exigit. Nam necesse est ut Deus sibi ipsi jus faciat; qui proprie loquendo nemini quicquam debet, nisi sibi. Uti id *δικαίωμα τῷ νόμῳ* est. *Rom. viii. 3.* quod lex exigit, quodque sine injustiæ legi denegari nequit: ita *δικαίωμα* Dei est, quod Deus exigit, quodque sibi negare non potest, nisi sibi ipsi injustus esse velit. *δικαίωμα* autem Dei est, eos qui mala faciunt dignos esse morte. *Rom. 1. 32.* Ergo inter peccatum & mortis meritum nexus est, non modo vi voluntatis, sed & Justitiæ Divinæ. Porro, quum *judicium Dei semper secundum veritatem sit*, *Rom. 11. 2.* oportet ut eum qui morte dignus est dignum mor-

Et posito  
peccato  
importat  
necessita-  
tem poenæ.



te pronuntiet & indignum vita, consequenter condemnet, nisi intercedente satisfactione. Aliter facere iusto Deo indignum foret. Innuit id Apostolus *Rom. III. 25. 26.* docens quod *Deus Christum proposuerit ut esset placamentum per fidem in sanguine ipsius* *ᾧπὸς ἐνδείξιν τῆς δικαιοσύνης αὐτοῦ*, ad demonstrationem Justitiae suae, ut esset *Iustus*, & *justificans eum qui est ex fide Jesu*. Quibus verbis ostendit, si Deus justificaret impium, eumque admitteret ad beatitudinem sine piamento sanguinis Christi, non fore ipsum justum, saltem non demonstratum iri ipsius Justitiam.

Hinc anima Dei dicitur vindictam sumere.

XXXIV. Imprimis memorabile est quod apud Jeremiam Deus dicit, *Cap. v. 9, 29. An super hac non visitabo, inquit Dominus, & an de gente sicut hac est* *וְהָאֵלֹהִים לֹא יִשְׁמְרֵם מִיָּדָם* non sumeret ultionem anima mea? Sensus est, an ero Jehova, & me ipsum non abnegabo, si illa feram in populo meo? imo si gens ulla talis sit, non puniam eam? Impossibile est ut hoc faciam, & impossibile quidem vi *animae*, id est, ipsissimae essentialis Sanctitatis & Deitatis meae. An *animam*, hoc est, *Naturam*, Divinam & justam haberem, & vindictam non exposcerem de peccatis? Nam *anima Dei Sanctissimam Dei naturam*, sive, quod idem est, *essentialem Dei Sanctitatem* significat. Quemadmodum claret ex collatione *Am. IV. 2.* cum *Am. VI. 8.* Priore loco dicitur, *juravit Dominus בְּקִרְבִּי*, per Sanctitatem suam: posteriori loco, *juravit Dominus בְּנַפְשִׁי*, per animam suam.

Ea quo sensu opus alienum Dei sit.

XXXV. Nugas ergo agit Crellius. *De vera Relig. lib. I. cap. XXVI II.* quum punire fabulatur opus a Deo alienum ac peregrinum esse; quasi misericordiam exercere opus Deo proprium sit, poenas exposcere a Deo alienum. Eo detorquens *Jes. XXVI II. 21.* Quod vertit, *ut faciat opus suum, alienum opus ejus: ut operetur opus suum, peregrinum (seu alienum) est opus ejus ab eo.* Sane per opus illud Dei alienum & peregrinum vindictam in rebelles Judaeos intelligi debere, in confesso est. Sed longe alio sensu alienum & peregrinum dicitur quam detortor hic Scripturarum vult. *Alienum & peregrinum* erat, quia insolitum & extraordinarium plane. Erat enim futura *afflictio magna, qualis non fuerat ab initio mundi ad id usque tempus. Math. XXIV. 21.* Item, quia cuivis alienum videri poterat. Deum tale quid erga populum sibi foederatum, ac tot beneficiis auctum, facere; cui paria exempla ne quidem in hostes foederis sui exsortes statuerat, & quocum vix componi poterat, quod fecerat in monte Perazim adversus Palaestinos, *2. Sam. v. 21.* & in valle Gibeon, *Jes. x. 10.* Item, quia quemvis in stuporem raperet tam extraordinaria Dei vindicta (quemadmodum aliena & peregrina maxime movere solent) atque ita quidem ut in eo opus Dei animadverterent. Ipsi Tito horrore erant Judaeorum miseriae, & inspectis muris

ris ac turribus Hierosolymæ, fatebatur, sine Deo talem urbem expugnari non potuisse. Memorabile admodum est quod *Philostatus* narrat, in vita Apollonii Thianæi. *Lib. v. Cap. xiv.* Quum vicinæ gentes Tito, ob victoriam Judaicam, coronas, ex more, oblatum veniebant, quibus redimire eum vellent: *ἐκ ἡγίας εἰς τὸν τάφον. μὴ γὰρ αὐτὸν ταῦτα εἰργασθαι, Θεὸς δὲ ὁργὴν φήναντι ἐπὶ δ' ἐδωπέναι τὰς εἰς τὴν χεῖρα.* eo se *hōnore indignum* dicebat neque enim se hac patravisse, sed DEO IRAM DEMONSTRANTI SUAS COMMODASSE MANUS. Itē, quia alienū & peregrinū erat Israëlitis: quī, ne Romani urbem suam disperditum venirent, illi se sceleri contra D. Jesum obstringebant, quod internecionis tantæ ipsis causā fuit. Alienū ergo & peregrinū erat, non a Deo (hoc non habet textus) sed in se, & hominibus. Aut si omnino alienū ac peregrinū a Deo velimus dicere, id eo sensu erit, quia Deus non delectatur interitu creaturarum suarum qua tali & talium, sed magis (κατ' ἀνθρώπον λέγω) propendit ad opera bonitatis, & misericordiæ. Quod tantum abest, ut juvet hæreticum, ut ex adverso novum nobis ac solidum suppeditet argumentum, quod ita formo.

XXXVI. *Quarto.* Certum est, malum pœnale, qua tale, in se, appetibile non esse, ne Deo quidem, utpote cum destructione operis proprii conjunctum. *An bonum tibi est ut opprimas? ut abjicias laborem manuum tuarum? Job. x. 3.* Imo inviolabili jurejurando confirmat Deus, *se non delectari morte peccatoris Ezech. xxxiii. 11.* Aliud ergo est quod illud appetibile faciat, & adeo quidem appetibile ut declaret Deus se in eo *exsultare*, indeque *consolationem* ingentem *percipere*, quæ sola quasi sufficiat demulcendo mœrori & sedandæ indignationi. quam peccatum peperit. Nihil cogitari potest efficacius phrasibus Scripturæ in hac materia, quarum quasdam exhibebo. *Hos. x. 10.* באוית ואסרת *in desiderio meo est ut vinciam illos. Am. v. 9.* ויחלץ שיר עלי *Qui recreat se vastatione super robustum. Deut. xxviii. 36.* ויש יחידה לדאביר אתכם, *letabitur Dominus ut perdat vos. Jes. i. 24.* ונאנחם מוצרי ואנקמה מאויבי. *Consolabor me de adversariis meis, & ultionem capiam de inimicis meis.* Desiderat, ecce, Deus peccatores punire. Quando vastationem in eos effundit, recreat se; nec leviter tantum, sed & gaudet & exsultat: & tali quidem gaudio, quod leniendo per peccata parto dolori, adeoque consolando Deo par sit. Quid hoc est, quod malum illud creaturæ tam appetibile faciat Creatori? Quid aliud, nisi quod irrogatione pœnæ gloriam Primitatis, Sanctitatis, & Justitiæ suæ Deus sartam tectam servet, cui offuscandæ peccata faciebant? Totam enim poenarum *utilitatem* (ut ipse Crellius loquitur) *ad Deum spectasse oportet.* Nulla autem hic utilitas ad Deum redundans cogitari quidem potest, nisi quod gaudeat in declaratione gloriæ suæ, emicantis in iudicio illo, cujus justitiam beati An-

Qui pretestatur se consolationem percipere ex pœna impiorum.

geli cum applausu agnoscunt, *Apoc. XI. 17. & XVI. §. 6.* ipsique damnati, vel inviti, ac frendentes, agnoscere coguntur. impossibile vero est, ut Deus eximiam illam gloriam suam sulque deque habeat, cujus adeo Zelotes est. Quam ergo necessarium est, ut Deus interitum creaturæ suæ vitiosæ, quam interitum suæ ipsius gloriæ malit, tam necessarium est, ut poenas de creatura vitiosa sumat. Amat quidem creaturas suas Deus; sed multo magis se ipsum amat, & amare debet. Contra amorem istum sui faceret, si gloriam, quam creatura peccans nefando sacrilegio ipsi surripuit, non repeteret ab illa, eam puniendo.

Contumaces punire naturæ Divinæ debitum esse, ipsi fatentur ad-  
versarii.

XXXVII. *Quinto.* denique ad hominem argumentamur. Fatetur Socius, *de servato: Part. 1. Cap. 1. non respicientibus veniam non concedere, id demum NATURE DIVINÆ, & propterea rectitudini & aequitati debitum esse & consentaneum.* Crellius similiter, *De vera Relig. Lib. 1. Cap. XXI. Deo indignum est contumacium scelera impune dimittere.* Fricemus paululum hanc aristam. Deo inquit, indignum est, contumaces non punire; imo naturæ Dei debitum est, iis veniam non concedere. Cur quæso? An quia contumaces sunt & obstinati? At obstinatio propter semetipsam non punitur, quia in bono constantia est, eaque laude digna. Punitur ergo tantummodo quia in malo est. Quamobrem necesse est peccatum puniri propter se, obstinationem propter peccatum tantum. Quod si necesse sit, peccatum punire καὶ αὐτο, ubicunque peccatum invenietur, puniri necesse erit. Accedit, quod omnes homines, postquam semel peccarunt, contumaciter in peccato perseverent, nisi præveniente Dei gratia emoliantur. Hæc autem quomodo ipsis, seposita satisfactione, obtinet, si naturæ Dei debitum sit iis veniam non concedere.

Adduntque eodem jure Deo deberi obsequium, & neglecti obsequii poenas.

XXXVIII. Accipimus item quod Crellius *eopse capite* dicit: eodem jure quo Deo obsequium debemus, eodem etiam debemus neglecti obsequii ac ministerii poenas. Nam hæc in omisi officii veluti locum succedunt, & id compensare, si modo possint, debent. At sine dubio, jure naturali Deo obedientia debetur, & repugnaret Divinis virtutibus, si eam Deus a Natura rationali non exigeret. Libere dico: Deus qui potest non postulare obedientiam a creatura rationali, non est Deus. Quæ eadem ex verissima hypothese Crelliana, de poena dicenda sunt. Scio, Crellium jus utrumque, tam ad obedientiam quam ad poenam, fundare in herili Dei Dominio; quum potius fundari debeant in naturali Dei Majestate ac ὑπεροχῇ, quæ etiam fundamentum hujus herilis Domini est. Sed hanc ipsam Dominicam potestatem cogitur fateri Deo tam naturalem esse, ut ei renunciare non possit, imo ut ne Deum quidem esse, sine ea satis intelligi possit: quum is, ob eam ipsam potestatem, & ex qua fuit potentiam, Deus dicatur. Manet ergo, Sanctionem poenalem foe-  
deris

deris fundari in Eminentissima, Sanctissima, Justissimaque Natura Dei, & non in mero duntaxat liberrimæ voluntatis Divinæ beneplacito.

XXXIX. Disquiri hic porro posset, an pœnæ *Æternitas* ex hoc jure Dei naturali deduci debeat; sive, quod idem est, an pœna, juxta æquivalens cuilibet peccato, debeat necessario æterna esse, secundum jus Dei naturale, cui contrarium decernere Deo indignum, ideoque impossibile sit. Quæstio satis difficilis, eo magis, quia de absoluto hoc jure Dei in specialibus determinare supra hominem esse videtur. *Deus major homine est, non respondet de omnibus actionibus suis, Job. xxxi. 11. 12, 13.* Videamus tamen annon ex consideratione virtutum Divinarum colligi possit, quid hic *Θεοῦ πενὴς* sit.

An pœnæ  
Æternitas  
ex natura-  
li jure Dei  
deduci  
queat.

XL. Præsuppono nunc in peccato quod committitur adversus infinitam Dei Majestatem, malitiam esse *suo modo infinitam*, ac proinde etiam meritum pœnæ *suo modo infinitæ*. Dico, peccato inesse malitiam *suo modo* duntaxat infinitam. *Absolute* enim infinita dici nequit. Si respicias entitatem actus substrati, a finita creatura non potest elici actus infinite intensus. Si respicias *ἀρετῆς*, & privationem bonitatis moralis, actui adhærentem; illa est privatio finitæ rectitudinis, qualis creaturæ competere potest. Si denique respicias totum complexum, peccatum scilicet in concreto, ut ajunt, consideratum; nec ita illius malitia absolute infinita est. Neque enim pares sunt omnes actus vitiosi, sed admodum dispares; qui dispares esse non possent, si infiniti essent. Infinita tamen peccati malitia *suo modo* est. I. *Objective*, quia committitur contra infinitum bonum. II. *Extensive*, ratione durationis, quia macula, sive labes peccati, durat in æternum, nisi expurgetur sanguine Christi. Ideoque in peccato est meritum pœnæ, non absolute infinitæ, quoad intensiorem cruciatum. I. Quia talis pœna est absolute impossibilis. Neque enim finita creatura capax est infinitorum cruciatuum. II. Quia sequeretur, Deum nunquam posse justitiæ suæ satisfacere, impios condigne puniendo; quum capaces hujus pœnæ non sint. Absurdum autem est, pœnam aliquam de jure peccatis deberi, quam Deus nunquam posset infligere. III. Quia sequeretur peccatis omnibus æqualem pœnam deberi, aut omnia de facto æqualiter puniri. Quod absurdum est, & contra *Mat. xi. 22, 24.* Ratio sequelæ, quia inter infinita nulla est, vel esse potest, disparitas. Est tamen in peccato meritum pœnæ *suo modo* infinitæ, & eodem quidem modo, quo modo peccati malitia infinita est. Id est I. *Objective*, ita ut privet hominem communionem infiniti Boni, Dei scilicet, *Extensive*, adeo ut pœna in æternum duret. Atque hætenus tantum meritum hoc æternæ pœnæ nunc considero, ut concludam, nihil contra æquitatem ac justitiam Deum committere, quando æternis tum animi tum corporis cru-

Pecca-  
tum mali-  
tiam ha-  
bens suo  
modo infi-  
nitam, me-  
retur eti-  
am pœ-  
nam suo  
modo in-  
finitam.

cruciatibus peccata hominum vindicat. Quod eventus docet, ut supra §. 17. probavimus.

Sed an  
iustitia  
Dei neces-  
sario exi-  
gat æter-  
nam pec-  
nam sen-  
sus.

XLII. Sed an æternitas illa necessario debeat esse, in poena *sensu*; an vero satisfieri possit Iustitiæ Divinæ per æternam poenam *damni*, in annihilatione creaturæ peccatricis, nescio an determinari queat. Hoc mihi videtur probabiliter satis & sobrie dici posse: Si Deo lubeat creaturam peccatricem æternum in existentia conservare, necessum est (nulla satisfactione intercedente) ut eam æternum puniat; poena non damni duntaxat sed & sensus. Ratio est, quia non modo peccati reatus semper remanet; sed & macula, qua peccatum semel commissum animam inficit, quæquæ in æternum expurgari non potest, nisi sanguine Christi. Impossibile autem est, uti §. 22. 23. 24. demonstravimus, ut Deus hominem peccato inquinatum ad sui communionem admit- tat. Porro fieri nequit, ut creatura rationalis, a communionem favoris Divini exclusa, hanc indignationem Dei cum dolore maximo non sentiat. Conscientia dilapidati summi boni acerrimis flagellis miseros lancia- nat. Quod supra quoque, §. 13. & *sequentibus*, non indiligerenter ostendimus.

An satis-  
fieri illi  
queat an-  
nihilatio-  
ne pecca-  
toris, non  
certo no-  
bis con-  
stat.

XLII. Sed an necesse sit, ut Deus Creaturam peccatricem æternum in existentia conservet, fateor me ignorare. Annon poena suo modo in- finita censeri posset, si Deo luberet, hominem natura sua æternitatis can- ditatum totali annihilationi addicere, unde retrogradi ad vitam nun- quam liceret? Scio aliter nunc Deum disposuisse, & id quidem iustissi- me. Sed quæritur, an non convenienter iustitiæ suæ hoc modo dispo- nere potuisset: si tu, ô homo, pecces, ego tuum æternæ beatitatis & beatæ æternitatis appetitum frustrabor, teque ex adverso mancipabo æternæ annihilationi. Liceat hic saltem *ἐπεχειν*.

#### C A P. VI.

#### De Sacramentis Fœderis Operum.

Sacramen-  
torum ari-  
tutes.

I. **I**N omni foederum suorum Oeconomia Deo Optimo Maximo placuit sacris quibusdam *Symbolis* promissionum suarum certi- tudinem firmare, simulque foederatum sibi hominem officii sui com- monefacere; quibus Symbolis Ecclesiasticus usus *Sacramentorum* jam pridem nomen fecit. Præclaro profecto consilio a sapientissimo Numi- ne id ita institutum est. I. Etenim hoc pacto id quod de foedere suo Deus tradidit accuratius homini meditandum proponitur. Quando non semel duntaxat iterumque coelesti voce de Divina voluntate edo- ctus est; sed identidem, ac quotidie ferme, ob oculos sibi versari vi- det ea quæ in maximarum rerum pignora ipsi Divinitus concessa sunt. Ad animæ interiora magis penetrare solent, clariorefque sui ideas re- linquere, quæ oculis sunt subjecta fidelibus, quam quæ per aures so-  
lum

lum demissa. Eleganter *Herodotus Lib. I. ὅτα τυγχάνει ἀνθρώποις ἰοῦτα ἀπιστότερα τῶν ὁφθαλμῶν* *Antibus minus credere mortales solent quam oculis.* II. Ad fidem quoque firmandam ea Symbola faciunt. Licet enim Divino verbo nihil *ἀξιοπιστέτερον* fingi possit, ubi tamen indubitatarū promissionū suarū signacula addit Deus, duplex fidei nostræ firmitas proponit. Ita *περισσότερως declarat hæredibus promissionis τὸ ἀμετάθετον τῆς βαλῆς αὐτῆς, ut per duas res immutabiles, in quibus impossibile est Deum mentiri, validam consolationem habeamus.* Heb. VI. 17, 18. III. Instituti hujus virtute, homo sanctus, visu, tactu, gustu sacrorum Symbolorum, sensum quendam æternorum bonorum præcipit, assuescitque sub Symbolis contemplari, ac prælibare, ad quorum plenariam & immediatam fruitionem sine Symbolis aliquando admittetur. IV. Habet tandem in iis homo continuam officii sui commonefactionem: cumque ipsi identidem bonitatem Creatoris sui meditandam ac prælibandam ingerant, refricant simul memoriam arctissimæ illius obligationis, qua Deo, sibi foederato, adstrictus est. Atque ita simul freni loco sunt, quo coërceatur a malo; simul calcaris vicem obeunt, quo ad alacriter bene cœptum sanctitatis stadium decurrendum extimuletur.

II. Talia Symbola sub Foedere Operum quoque homini concessit Deus; de quibus, ne quid tractationi huic desit, nunc agendum est. Ea, nisi fallor, quatuor omnino fuere, quæ hoc ordine enumero. 1. PARADISUS. 2. ARBOR VITÆ. 3. ARBOR SCIENTIÆ BONI ET MALI. 4. SABBATUM. De quibus singulis ita nunc dicendum est, ut distincte semper ostendam, I. Quid *boni homini* præsignificaverint & obsignaverint, respectu *Dei.* II. Cujus *officii & obligationis hominem* commonefecerint.

III. Id autem in antecessum monere necesse habeo: alienum plane ab hac tractatione esse, nec hujus loci, ea Paradisi, vel Arboris Vitæ, vel Sabbati, significata proponere, quæ ad Evangelium spectant, & gratiam Christi, & gloriam prout a Mediatore ac Spiritu gratiæ electis donatur. In quo magnos cæteroquin Viros cæspitare video, qui Sacramentorum horum naturam explicaturi, ea haud caute satis miscent quæ alterius plane foederis sunt. Nihil hic afferendum, quod non ad Foedus Operum, & illius foederis promissa, & hominis sub illo foedere officia, pertineat: quæ cuncta a Foedere Gratiae distinctissima sunt. Nihil hic de Christo dicendum, nihil de fide justificante in ipsum, nihil de cessatione ab operibus nostris ut impuris, nihil de quiete post vitæ hujus miseras. Cuncta ista ex alio sunt foedere. Non diffiteor equidem, ita impercrutabilem Dei sapientiam hæc Symbola instituisse, ut eorum recordatio post lapsum multa hominem docere potuerit, ad Foedus Gratiae & illius Mediatorem spectantia. Ita in ipso Adamo primo, Typum

Ea sub Foedere operum fuere quatuor.

Quæ ita sunt explicanda, ne confundantur cum iis quæ alterius foederis sunt.

secun-

secundi; in Eva ex Adami dormientis costa affabre effecta, Typum Ecclesiae ex Christo mortuo quasi adornata; in primo conjugio magnum Mysterium, quod Christum & Ecclesiam concernit, Paulo monitore, observamus. Hæc tamen in statu naturæ incognita nec cogitata Adamo fuere. Neque memoranda sunt ubi de Sacramentis Fœderis Operum sermo est. His præmissis singula nunc quanta fieri potest diligentia scrutemur, à Paradiso ordientes.

Brevis  
Paradisi  
descriptio.

IV. Procul ab instituto nostro est, ut de situ ac topographia PARADISI prolixè disquiramus. Suffecerit observasse, hortum eum fuisse & amœnissimum viridarium, ab ipso Deo ad orientem plantatum, in Eden, ægione fertilissima, ac plena omne genus delicii, ut viris, Doctissimis visum est, Prope Haran, nundinarium Arabiæ, juxta Euphratis & Tigris confluentem, non procul a Mesopotamia. Qui irrigabatur quatuor fluminibus, multo anfractu, multisque gyris fecundissimum pomarium alluentibus. In quem homo, extra Pradifum in terra formatus, novus colonus, a Deo introductus fuit, villicationis & custodiæ suæ redditurus aliquando rationem. Cui nihil ad honestam hujus vitæ voluptatem deerat, Deo se homini frequenter revelante, eumque ad dulcissimum sui consortium familiariter admittente. Memorat quoque Moses aurum & gemmas in ea regione optimas uberrimasque. Quæ nunc horum omnium *δύλωσις* fuit, & significatio mystica?

Jacundissima  
Paradisi  
ubertas  
meliora  
adhuc cor-  
li gaudia  
significaba-  
bat.

V. Primo in *genere*, loci hujus amœnitas tam prolixam Optimi Numinis benignitatem singulis momentis homini ingerens, & jam tum sensibus omnibus percipiendam præbens, certum eum faciebat, aliud sibi habitaculum longe adhuc augustius expectandum esse; ubi non per creaturas, & in iis, Deo suo, uti nunc, frueretur, sed immediate in Creatore suo delectaretur, satiandus ipsius imagine. Etenim si tanta ipsi Deus jam largiebatur, adhuc in via moranti, necdum emenso præstitutæ explorationis curriculo: quid non poterat, imo quid non debebat, ab immensa illa munificentia sibi polliceri, postquam partibus suis probe defunctus, cum *παρρησία* petendæ amplissimæ mercedis, ad remuneratorem suum accedendi jus sibi acquisivisset? An non in hac, nullius rei, ad vitam hanc animalem pertinentis, indiga abundantia, identidem ipsi inclamabat Dominus, quomodo te ponam aliquando in filiis, modo vocis meæ morigerum te constanter sistas? Si tantum dulcoris est in creatis hisce bonitatis meæ rivulis, quibus nunc tanta cum voluptate innatas; quid non in ipso me erit, inexhausto fonte, uberissima scaturigine? Ascende, o homo, per creaturarum scalam, ad me Creatorem, & ex primitiis hisce prælibando concludito, quid tibi præparaverim in id tempus, quando ipse ego futurus ero merces tua magna valde. Et certe, nisi Adamum brutum, & Divino lumine cassum fingamus, non potuit non hæc talia cogitare.

VI. Per Paradisum, sedem perfectæ beatitudinis significatam fuisse, Scriptura docet, quando Coelum, beatorum habitaculum, *Paradisum* vocat, *Luc. xxiii. 43. 2. Cor. xii. 4.* Phrasi Spiritui Sancto usitata, qua nomina signi & rei significatæ, τύπος & ἀντίτυπος, inter se permittuntur. Judæi ipsi id viderunt, quibus solenne est, locum felicitatis omnibus numeris absolutæ, *עוֹלָם* & *עוֹלָם* nuncupare. Nihilque in eorum votis frequentius, quam *עוֹלָם*, *requies ipsius*, id est requiei locus, *sic Eden*. Accedit etiam convenientissima analogia, inter Paradisum & Coelum, signatius nunc & specialius demonstranda.

Hinc eorum Paradisus dicitur.

VII. I. Paradisus hortus erat ab ipso Deo plantatus, ut habitaculum foret hominis ad imaginem suam conditi. Coelum locus est ab eodem illo Deo conditus præparatusque ad æternum domicilium hominis, postquam virtutibus suis constantiam addidisset, atque ita plenam in se imaginem Dei haberet, cui ne ipsa quidem sanctitatis immutabilitas deforet. Uti ergo homo Dei sui manum & munificentissimam bonitatem in terrestri hoc habitaculo agnoscere dedebat; ita eandem longe adhuc manifestius experturus erat in Cœlesti Cœlestis Patris sui domo.

Analogia utriusque.

II. Paradisus amœnitate sua reliquas omnes terræ partes immensum superabat; plantatus in Eden, loco omnigenæ *ἡδονῆς*. Unde totius mundi amœnissimæ regiones dicuntur esse *ut hortus Dei. Gen. xiii. 10.* Et Ezechiel vaticinans de futura terræ copiosissima ubertate, dicit terram antehac vastatam fore *ut hortum Eden Ezech. xxxvi. 35.* Et quid magnificentius illa Jesaiæ promissione *Cap. li. 3. Dominus Zionem solabitur solabitur omnia loca vastata ejus, faciet desertum ejus ut Eden, & solitudinem ejus ut hortum Domini, gaudium & lætitia invenientur inibi, confessio & vox cantus.* Ex quibus verbis clarum est, nihil in Paradiso, ipso isthoc statu, homini ad plenissimam voluptatem defuisse. Multominus autem quicquam Coelo deerit ad felicitatem omnibus numeris absolutissimam. Cujus amœnitas terrestris hujus horti amœnitatem majori superabit intervallo, quam coelum ipsum supra terram excelsum est. Habebat enim Paradisus, quæ suam testabantur imperfectionem, qualis vitæ animalis adjacebat, quæ omnia a Coelo erunt exclusivissima, ubi est *עוֹלָם*, *Satietas gaudiorum. Ps. xvi. 11.* III. In Paradiso limpidiissima currebant fluentia, hortum, ubicunque opus erat, rigantia & fecundantia. In cœlo est *καὶ ἀπὸς πύλας ὕδατος ζῶης, λαμπρὸς ὡς κρύσταλλον*, *ἐκ πορευόμενος ἐκ τῷ θρόνῳ τοῦ Θεοῦ. Pater fluvius aquæ vivæ, plenitudo tanquam crystallus, procedens ex throno Dei. Ap. xxi. 1.* Quæ *πεμφράσι* significantur dona Sancti Spiritus, quorum hic quidem aliquot conceduntur guttulæ, at quibus beati ad perfectam lætitiā inebriabuntur. IV. Memorat etiam Moyses, aurum & bdellium, & lapidem Sardonium, quæ in isthac regione reperiebantur, *Gen. ii. 11, 12.*



In Cœlo Thesauri Spirituales erunt, cum quibus nullum aurum, nullus Topazius, & quidquid universus orbis gemmarum habet, contendi ullo modo potest. V. In Paradiso arbores erant, cum spectabiles tum utiles. In Cœlo charismata sunt, & contemplatu jucunda, & usu præstantissima. Imprimis binæ ibi arbores erant, Scientiæ & Vitæ. At in Cœlesti Regno, vera & consummata scientia est, & illa demum vita, quæ talis est *ἐν ἐμφάνει*. VI. Homo primum in terra creatus, in Paradisum, ut meliorem sedem, transferebatur. Hoc enim, nisi fallor, Moïsis verba innuunt, *Gen. 11. 8. Et posuit ibi hominem, quem formaverat.* Confer. *Genes. 111. 23.* ubi post peccatum *ejectus* dicitur *ex horto Edenie*, ad colendam terram illam ex qua desumptus fuerat. Ita etiam homo ex statu naturali, ac animali, in quo conditus erat, ad alium plane supernaturalem ac cœlestem erat aliquando transferendus. Cujus ipsum optata hæc e terra in Paradisum transportatio commonefaciebat, quod *Zancbius* quoque observavit ad *Gen. 11. 15.* & *Musculus* similiter. VII. In Paradiso nullus homini locus erat nisi intaminato. Peccatis maculatum hortus hic non ferebat. In Cœlum nihil impuri intrat, *Apoc. XXI. 27.* Est illud *habitaculum Dei Sanctum & gloriosum.* *Jes. LXIII. 15.* VIII. In Paradiso fruebatur homo familiari Dei sui consortio: & eo sensu Paradisus quoque *hortus Domini* dici poterat, quatenus Deus ibi habitabat, se in opere manuum suarum, & homine præprimis ipso, oblectans, cui familiariter obviam procedere, ut volupe erat homini, ita jucundum Deo. In cœlo autem, habitaculo Majestatis suæ, semper Deus homini aderit, & se videndum fruendumque quam fieri potest familiarissime præbebit.

Imperfectiones Paradisi docebant hominem ad perfectionem anhelare.

VIII. Quemadmodum Paradisus omnia hæc homini significare idoneus erat, ita quoque tractatio pignoris hujus non unius officii eundem commonefaciebat. Et primo quidem hinc discebat: non debere se bonum & felicitatem suam in ulla re terrena quærere, quæ, etiam quum consummatissima videtur, de suis ipsa testatur imperfectionibus; qualis erat vita hæc animalis in Paradiso, continuo cibo, potu, & reciprocatione somni ac vigiliæ, refocillanda. Qua via docebatur anhelare ad majus bonum, immediatam nimirum Dei sui fruitionem: in cujus boni quæstione præcipua viatoris Sanctitas consistit. Hoc enim est Deum supra omnia amare, si ad intimam cum Deo unionem vehementer anheles.

Custodia cultusque ejusdem veritatis ignaviam.

IX. *Secundo.* Quandoquidem Paradisus hic colendus & custodiendus homini datus erat; eo ipso monebat illum Dominus, non ignavo se otio, sed diligenti industria, delectari. Voluit hominem operam & curam suam horto adhibere, ut haberet quod ageret, & in quo Conditoris sui bonitatem & providentiam indefinenter experiretur. Nolo ipsos

iplos Angelos otiosos esse, quos Spiritus ministratorios fecit. Ita & homini curam colendi & custodiendi Paradisum imposuit, ut esset quo se in operibus Dei occuparet: perinde ac si Regis filio muneris aliquid imponatur, ne ex abundantia deliciarum, honoris, & opum, ignavus evadat. Ita Deo suo purissimo actui se conformare debebat, & operari in hoc ipso opere manuum Dei, donec æternum cum ipso Sabbatizaret.

X. *Tertio.* Ipsum quoque illud ulterius spectabat: Etenim, I. Quum Paradisus cœli pignus esset, diligens Paradisi custodia, admonebat ipsum ut cœlum semper in mente & animo haberet. II. Labor & cultura Paradisi docebat ipsum, non nisi *ἐργαζόμενον*, operantem, ac Deo grata facientem, ad cœlestia tecta scandere posse. III. Instruebatur quoque ut animum suum, instar Paradisi Dei excultum, Deo hortum amœnissimum sisteret; & arbores illas virtutum a Deo ipsi implantatas, præstantissimorum fructuum, id est operum ex habitibus bonis procedentium, fertiles ostenderet. Ut ita Dominus in hunc hortum suum venire posset & vesci פרי מנרתי, *fructu rerum pretiosarum suarum. Cant. 1v. 16.* IV. Monstrabatur ipsi, ut animum suum, hortum illum Dei, ante omnia solícite custodiret, ne quæ feræ pravarum cupiditatum, omnia inibi corrupturæ, irrumperent; Et quum Deus ipsi diceret, custodi hunc hortum meum; nonne simul dicere cogitandus erat; *Præ omni custodia custodi cor tuum? Prov. 1v. 23.* V. Custodia Paradisi anxiam ipsi curam imponebat, nihil adversus Dominum committendi, ne forte, ut malus villicus horto ejectus, in eo triste symbolum cerneret exclusionis suæ e cœlo. Cuncta hæc, hominem, cum gaudio & exultatione in Paradisum intromissum, Deo debuisse & voluisse debere, adeoque se, in tratione in Paradisum, quasi Sacramento, ad illa obstrinxisse, censendum est.

XI. Sequitur nunc ARBORIS VITÆ cōsideratio, quæ an *unica numero*, an vero *integra species* fuerit, disquirunt eruditi. Sunt, qui priorem sententiam, communem quidem, sed nulla probabile ratione nixam opinionem esse existimant. Putantque bonitati Dei convenientius esse, quod Arboris tam speciosæ & utilis aspectum in quam plurimis viridarii partibus dilecto colono objecerit. Adducunt etiam benedictionem Divinam, *Gen. 1. 11. 12.* qua cunctis arboribus virtutem sese multiplicandi attribuit. Sed præcipue urgent *Apoc. 2x11. 2.* Ubi Johannes Arborem vitæ ab utraque parte fluminis collocat, quod conferunt cum *Ezech. 4Lv11. 12.* Alii contra non putant probabile esse quod integra species fuerit, *prius* quia non additur particula universalis כל, ut prius, quoties Moyses plures unius speciei res, vel plures rerum species, notare voluit; *deinde* quia in medio horti collocata fuisse dicitur,

Et habebat significatus mortuorum.

Arbor vitæ, an unica numero, an integra species fuerit?

tur, ita ut reliqui Arbores ex ordine circa eam confisterent. ad locum ex Apocalypsi & Ezechiele allegatum respondent: Johannem quoque non nisi singulari numero loqui, & hic & *Ap. 11. 7.* & de una arbore comode dici potuisse, quod staret in medio fori & in utraque fluminis ripa, quia flumen per medium forum labitur & quia arbor illa unica utramque ripam suis radicibus & ramis occupat, ut nullus sit citra vel ultra fluvium defectus. Ex typo etiam concludunt, unicam esse debere? quia Christus unus est. Ezechiel autem plures vidit in ripa torrentis Ecclesie militantis, qualicet unus Christus hanc vivificet, tamen per multa media vitam nunc communicat cum electis. Hæc ita in utramque partem disputantur. *ἐπιμαρτυροῦν* nostram si quis desideret, arbitramur neutra argumenta demonstrationis vim habere; sed propter rationem typi magis inclinamus in communiorem sententiam.

An naturali præcæteris virtute polluerit?

XII. An arbor hæc singulari præcæteris virtute instructa fuerit, ut humidum a calido nativo absumtum pari perfectione repararet, quis certo nobis dixerit? quis præfracte negaverit? Medicinalem vim adversus morbos ipsi adscribere, cum statu hominis integri non bene convenit. Morbi enim & morbidæ infirmitates non nisi a peccato sunt. Sed nihil stultius est paradoxa & plane *ἀθεολόγη* Socini assertionem, Adamum ad multo longius tempus, quam ipsum vivere volebat Deus, vitam suam illius cibi beneficio perduciturum fuisse, si ei facultas ad cibum illum manum porrigendi erepta non fuisset. Quasi Deus, hominem Paradiso expellens, dicensque *ne extendat manum suam ad arborem vitæ, vivasque in seculum*, *Gen. 111. 22.* metueret ne homo rursus gustata ea arbore, se invito ab maledicente, æternum tamen viveret. Quæ blasphemia sunt. Iis enim verbis perstringit Deus hominis, jam stulti facti, vanas cogitationes, quasi usu illius arboris sarcire posset damnum sibi per peccatum factum; vel quasi usus Sacramenti & opus quod vocant operatum prodesse posset, quum quis rei significatæ exorsus est. Et hominem a Symbolo illo immortalitatis arcens, spem ei omnem salutis per foedus hoc, cujus illa arbor Symbolum erat, præscindit. Magnum tamen aliquid esse oportet, propter quod ea arbor nomenclaturam hanc sortita est. Quid illud sit, nunc inquiremus.

Significavit Filium Dei, ut omnis veræ vitæ fontem.

XIII. Significavit Arbor Vitæ Filium Dei, non quidem quatenus Christus est & Mediator (hoc enim ad aliud foedus pertinet) sed quatenus in quocunque statu vita hominum, & omnis beatæ vitæ fons est. O quam bene dixit, qui dixit, ab initio conveniebat Deo, eum quem diligit, & propter cujus gloriam omnia fecit ac facit, imo *cui monstrat omnia quæ facit, ut ea ipse similiter faciat*, *Joh. v. 19.* homini vitæ Auctorem per Symbolum demonstrare, ut jam tum eum pro tali agnosceret, & deinceps, quando ut Servator & Sanator ipsius manifestandus erat,

Adam

Adam & filii ipsius eum in ipso initio per Symbolum demonstratum recognoscerent, Quemadmodum factum est, ut, qui credunt Mosi, Prophetis & Evangelio, recognoscant, in initio non fuisse vitam nisi in ipso, propter cuius gloriam, in salutis negotio asserendam, terra quoque fundata est. Propterea Christus dicitur *ξύλον ζωῆς* Ap. xxii. 2. Quod quidem nunc est merito suo & efficacia, qua Mediator, semper tamen fuisset, qua filius Dei, Patri suo *ἐμοῦσι*. Uti enim per ipsum homo conditus ad vitam animalem nactus est; ita etiam per ipsum transformandus, & cœlesti vita beandus fuisset. Neque potuisset adeo vita peccatoris fieri, ut Mediator, nisi & vita hominis Sancti fuisset ut Deus *αὐτοῦ (ὧν καὶ) ἡ αὐτοζωή*.

XIV. Fructus illius arboris, sensibus omnibus eximia quadam gratia blandientes, significarunt delicias Divini amoris, quibus homo beatus saginandus aliquando foret, quæ nunquam tædio sunt, sed semper dulci quasi novitate sui acunt desiderium. Hoc sensu sapientia dicitur, *arbor vita apprehendentibus eam*. Prov. iii. 18. Quia veræ sapientiæ studium & praxis ineffabili dulcore animos mulcet.

XV. Porro officium hominis erat. I. Arborem hanc attente considerare, *ut visu desiderabilem*, Gen. iii. 9. & in ea contemplari virtutes Filii Dei, cujus luculentissima visio felicitatem suam olim consummata erat. II. Ufu & esu hujus arboris communionem suam cum Filio Dei testari, eumque ut desideratæ vitæ Auctorem agnoscere: quam, licet integer, non in se ipso, sed in Deo, ut liberali remuneratore, quærere debebat. III. Ipse ad imitationem Filii Dei, & in communionem illius debebat Arbor Vitæ fieri uxori & posteris, non nisi sancta monita & exempla iis præbendo, ut germen horti Dei, Divinæ vitæ participes, & vitæ proximi ministrans. *Fructus iusti est arbor vita*. Prov. xi. 30.

XVI. Præter *Arborem Vitæ*, alterius adhuc Arboris Moses meminit a SCIENTIA BONI ET MALI denominatæ, de cujus nomenclatura & usu Cap. i. 11. §. 20, 21. jam coepimus dicere. Eam *πειρασικὴν* hominis fuisse indubium est: an etiam foederis symbolum fuerit, disquiritur. Ego quidem nullam merationem videre profiteor ob quam id negari debeat. Et enim omnia quæ ad foederis symbolum constituendum requiruntur hic concurrunt. Habemus externum & visibile signum a Deo institutum: habemus rem significatam, cum pulchra analogia: habemus denique commonefactionem officii hominis; quæ universa naturam sacri symboli absolvunt.

XVII. *Signum externum*, fuit Arbor quædam in medio horti, bona ad cibum, *juvanda oculis, desiderabilis ad candam intelligentiam*, Gen. i. 11. 3. Usus hujus signi duplex erat. I. Ut attente oculis ac mente ab homine usurparetur, sedulo meditante mysticum arboris significatum. Eum

Fructus  
illius signi-  
ficabant  
delicias  
Divini  
amoris.

Officia  
hominis  
circa hanc  
arborem:

Arbor  
scientiæ ad  
Sacramen-  
tum fuerit

in finem tam pulcra ac desiderabilis visu erat, & collocata in medio horti, ubi homo quam frequentissime versabatur. II. Ut sancta obedientia ab illius esu abstineret; agnoscens ita absolutum in se Dei dominium, & aliud expectans sæculum, in quo nihil vere desiderabile vitium ipsi futurum erat.

Res si-  
gnificata.

XVIII. *Res significata* item duplex erat, *obsignatio* tam *promissionis* quam *comminationis* foederis. Nam quum arbor *scientia boni* dicitur, notatur hominem, si ex amore obediret præcepto huic exploratorio, perventurum fuisse ad cognitionem, sensum, & fruitionem illius boni quod vere & eximie bonum est, & cujus plena cognitio nisi per sensum & fruitionem non datur. Ex adverso quum arbor *Scientia mali* vocatur, significatur, hominem, si inobediens comperiatur, summo multatum iri infortunio, cujus malitiam & miseriam tum demum cognoscet, quando experietur. Atque hoc illi ipsi fatentur, qui alias arborem hanc Foederis Divini Symbolum dici nolunt.

Cujus  
Officii ho-  
minem  
commone-  
fecerit.

XIX. Commonefactio officii, hic præclara fuit. Docuit enim hæc arbor. I. Contemplandum quidem homini ac desiderandum summum bonum esse; sed ad id non enitendum nisi modo & via Divinitus præscripta, nec indulgendum hic propriis ratiociniis, utut plausibilia admodum videantur. II. Non esse ponendum hominis bonum, in rebus sensus corporis oblectantibus. Aliudque esse bonum vere beatificum, quod animam satiare queat, & se ipso ad consummationem felicitatis sufficiat. III. Deum esse absolutissimum hominis Dominum, cujus sola voluntas lege expressa omnium animæ appetituum, omnium corporis motuum, suprema regula & norma sit. IV. Ad vitam, quæ vere bonum sit, non perveniri, nisi per exactam obedientiam. V. Etiam homini integro cum sacro quodam horrore coram Deo suo conversandum fuisse, ne in malum incideret. Quibus adde ea quæ supra notavimus Cap. III. §. 21.

Zanchii  
sententia  
examina-  
tur.

XX. Accuratissimus & profundissimus Theologus *Hieronymus Zanchius*, postquam harum arborum historiam explicuisset, mysticum significatum his verbis proponit. *De Creat. Hom. Lib. 1. Cap. 1. §. 8. Caterum hæc duæ arbores, illæque in Medio Paradisi, & sibi invicem vicina, apertissimi fuerunt Typi Legis & Evangelii, seu Christi. Lex docet quid bonum, quidve malum: Christus vita est vera atque aterna. Utraque in medio Paradisi, quia Lex & Christus in medio Ecclesie, semper proponendi sunt filiis Adæ. Una prope alteram, quia Lex ducit ad Christum.* Dici non potest quam reverenter de magno hoc Theologo sentiam, cujus ego commentationes immensum quantum antefero novitiis illis commentis, quibus nunc distrabuntur studiosorum ingenia. Verum enim vero utut hæc acute dicta videri queant, non tamen sunt solida. Quippe sub foedere ope-

operum non habebat Adamus, neque vero ut haberet opus erat, ulla Sacramenta quæ ad Christum, Evangelium, Gratiam spectabant. Hoc unum superest, quo excusari queant hæc & similia, quæ sæpe apud eruditissimos quoque occurrunt, si dicamus, etiamsi ab initio homini integro eum in finem proposita non fuerint, ut Christi gratiam ei significarent, sapienter tamen ita a Deo ordinata fuisse, ut homo retrogrado cogitationum suarum gressu ad ea remeans, post lapsum, in iis animadvertere potuerit obumbrationem quandam earum rerum, quas nova postmodum promissione Deus ipsi revelaverat.

XXI. Aliis viris eruditis non lubuit Arborem Scientiæ Symbolis & sigillis Fœderis Operum annumerare: qui in hanc sententiam his præcipue rationibus adducti sunt. I. Quia Sacramenta omnia ad usum sunt data; arboris autem illius usu interdictum homini est. II. Quia Sacramenta signa sunt benedictionis, quam obsignant iis qui ipsis legitime utuntur: hæc vero arbor non obsignavit benedictionem, si quis ea uteretur, sed potius ejus usus maledictionem intulit. Verum hæc tanti non sunt, ut propterea a receptiori sententia recedendum nobis sit. Et, tam ex rei veritate, quam ex propriis virorum Doctorum hypothesebus, ad utrumque argumentum facilis est responsio.

Argu-  
menta eo-  
rum qui  
arborem  
scientiæ  
Sacramen-  
tum esse  
negant.

XXII. Verum quidem est, omnia Sacramenta ad usum esse data; sed & hoc certum, non usum externum omnium Sacramentorum unum eundemque esse. Non omnia ori & gustui concessa sunt. Sunt Sacramenta quorum usus consistit in contemplatione signi, & meditatione rei significatæ. Iridem non Symbolum duntaxat fœderis Oecumenici cum toto terrarum orbe initi, sed & Fœderis Gratiæ in Christo fuisse, Viri Docti contendunt, & colores iridis, rubrum, igneum & viridem, significare putant per sanguinem fieri mixturam sanctitatis & misericordiæ. Neque tamen ullus Sacramentalis iridis usus præter contemplationem fingi potest. Similiter inter Sacramenta Veteris Testamenti serpentem æneum collocant, cujus usus in aspectu solo consistebat. Immo de ipsa arbore Vitæ judicant, usum ejus non promiscue homini patuisse, quum *vincenti solum datum sit edere de arbore vitæ. Apoc. 11. 7. Unde inquirunt, nec Adamum ante lapsum eam attigisse constat. Immo contrarium potius patet.* Et tamen illam primam & antiquissimam Filli Dei, & vitæ per ipsum possidendæ, imaginem fuisse dicunt. Nihil ergo obstat, quo minus Arbor Scientiæ quoque Fœderis Symbolum dicatur, etiamsi aspicienda solum, non edenda, homini proposita fuerit.

Quo-  
rundam  
Sacramen-  
torum u-  
sus consi-  
stet in con-  
templa-  
tione.

XXIII. Pergo ulterius, dicoque, nihil absurdi esse, si quis tale Sacramentum statuat, cujus usus in sacra abstinencia consistat. Neque ab hac cogitatione Viros Doctos, si consentanea sibi loqui velint, alienos esse par est. *Diluvium*, inquirunt, *quo servatus fuit Noachus, inter ty-*

Non est  
absurdum  
usum ali-  
cujus Sa-  
cramenti  
in Sacra-  
por abstinencia

cia confi-  
tere.

*pos referre cogimur.* Aquarum autem usus, Noachi respectu, in eo consistebat, quod ipsum cum suis non tangerent ad noxam, neque penetrarent se in Arcam cui inclusus erat: uti etiam aquæ maris rubri idem eodem modo significabant Israël. Imo, quod mirum non immerito videri queat, primum Fœderis gratiæ Sacramentum Viri Docti esse dicunt *ejectionem Adami ex Paradiso, & aditum ad Arborem vitæ interseptum*; aut, uti non nemini lubitum est loqui, *Sacramentum primum fuit Arbor Vita, qua quævis primo spectaverit ad fœdus Operum, & exclusio ab illa fuerit pœna hominis lapsi: nihilominus ea ipsa exclusio simul gratia ac bonitatis Divinæ signum fuit* Rogatos hic velim Viros Doctissimos ut explicant mihi, qua in re Sacramentalis usus Arboris Vitæ sub Fœdere gratiæ constiterit, postquam homo Paradiso eiectus erat, & Arbor illa ne quidem oculis ipsius amplius obversabatur. Nullus hic est usus nisi abstinentia & carentia mystica. Et hoc quidem modo argumento primo satisfactum arbitramur.

Non est  
alienum a  
naturâ Sa-  
cramento-  
rum mor-  
tem obli-  
vare non  
rite men-  
tibus.

XXIV. De altero nunc videamus. Ut mortem & condemnationem obsignent Sacramenta, quando quis iis non rite neque ordine utitur, cum natura ipsorum nullo modo pugnat. Quandoquidem enim Dei cum homine fœdus non promissis modo, sed & suis quibusdam comminationibus sancitum est, Sacramenta autem fœderis totius sigilla sunt, etiam comminationes fœderis profanis ipsius temeratoribus obsignant. Homo dum Sacramentis utitur in iuramentum & execrationem venit, & obstringit se noxæ, si incurrat in perfidiam. Taceo de Sacramentis fœderis operum, ipsa fœderis gratiæ Sacramenta profanis & hypocritis, qui in pane & vino Eucharistiæ iudicium sibi edunt & bibunt, sunt odor mortis ad mortem. 1. Cor. XI. 27. 29. Tum etiam verum non est, Arborem scientiæ solam mortem obsignasse: obsignavit quoque vitam & bonum. Erat arbor scientiæ non *mali* duntaxat, sed & *boni*. Hoc ipsi Viri Docti nobiscum asserunt, dum scribunt, *per hanc explorationem Adamum, si obediret, perventurum fuisse ad cognitionem & sensum boni sui, ad quod vocabatur, & naturali appetitu traheretur, nempe vitam æternam & beatitudinem consummatam*. Unde conficimus, rationationes has non ob stare, quo minus Arbor scientiæ Sacramentis Fœderis operum annumeretur.

## C A P. VII.

### De Sabbato Primo.

Historia  
Sabbati  
primi, &  
partitio  
eorum  
que de

I. Quartum Sacramentum Fœderis operum diximus fuisse SABBATUM PRIMUM; de quo ut prolixius paullo agamus, illiusque contemplationi integrum caput demus, non omnino abs re erit. Ejus Historiam Moses Gen. 1. 2. 3. his verbis describit. *וַיְכַל אֱלֹהִים בַּיּוֹם הַשְּׁבִיעִי מֵעֲשֵׂת וַיָּקֵץ וַיְבָרֶכֶת אֶת הַיּוֹם הַזֶּה וַיְבָרֶכֶת אֶת הַלַּיְלָה וַיִּבְרַךְ אֶת הַשֶּׁמֶשׁ וְאֶת הַיָּרֵחַ וְאֶת כּוֹכַב הַשָּׁמַיִם וַיִּבְרַךְ אֶת הַיָּם וְאֶת כָּל אֲשֶׁר בָּהֶם וְאֶת כָּל הָאָדָם וְאֶת כָּל הַבְּהֵמָה וְאֶת כָּל הָרֶמֶשׂ וְאֶת כָּל הָעוֹף בַּשָּׁמַיִם וַיִּבְרַךְ אֶת כָּל הָאָדָם וְאֶת כָּל הַבְּהֵמָה וְאֶת כָּל הָרֶמֶשׂ וְאֶת כָּל הָעוֹף בַּשָּׁמַיִם וַיִּבְרַךְ אֶת כָּל הָאָדָם וְאֶת כָּל הַבְּהֵמָה וְאֶת כָּל הָרֶמֶשׂ וְאֶת כָּל הָעוֹף בַּשָּׁמַיִם* *Et consummaverat Deus die septimo opus suum quod fecit, & quievit die septimo ab*

ab omni opere suo quod fecit. Et benedixit Deus diei septimo & sanctificavit illum: quia eo quievit ab omni opere suo *אשר ברא אלהים* quod creavit Deus faciendo. Quæ ut plenius intelligantur, utque ex iis intentioni nostræ satisfaciamus, tria hæc distincte edisseremus. I. Inquiremus, an ea, quæ hic de *sanctificatione & benedictione diei septimi* narrantur, *prima* isti diei applicari debeant, quæ immediate sex operariis Dei diebus successit, quæque prima perfectis Dei operibus illuxit; an vero necessum sit, ad *πρόληψιν* confugere, per quam hæc dicta censeantur de die, qua manna, multis post seculis, datum est in deserto. II. Naturam primi istius Sabbati explicabimus. III. Denique quid in eo Sacramentale fuerit assignabimus.

hoc Sabbatho dicenda sunt.

II De primo diu disceptatum esse inter Theologos, lite adhuc sub iudice pendente, notius est quam ut dici debeat. Nec lubet ante dicta retexere. Id unum monebo, facile fortassis inter partes conventum iri, modo id constet, quid per *Benedictionem & Sanctificationem* diei septimi Mosi memoratam, intelligatur. De quo mox nobis erit agendum. Sed si generatim statuamus, Deum die septimo *cessasse* ab opere suo, id est non modo *desuisse* novas creaturarum species formare, sed & *acquiescere*, & *complacuisse* sibi in opere suo jam consummato, præsertim in homine ad imaginem suam condito, iisque facultatibus instructo, quibus virtutes Dei in operibus suis splendentes agnoscere & celebrare valebat: & hanc suam *quietem* homini proposuisse in *exemplar*, quo condocere in nulla re acquiescere nisi in Deo, ad quem creatus est; in nulla re sibi placere nisi in glorificatione Dei, quæ creationis suæ finis est: porro diem hunc, de quo sermo est, *Sanctificasse*, jubendo ut ab homine sancto isti operi impenderetur, addita *promissione*, omne illud tempus, quod ab homine ita impenditur, ipsi per quam *Benedictum* fore; modo, inquam, id ita generatim statuamus, uti omnia hæc evidentissimæ veritatis sunt, bona spes affulget, ab omnibus æquis rerum arbitris facile nobis permissum iri, ut simplicitatem literæ sequamur, & historiam hanc Mosi interpretemur, uti narrationem rei isthuc tempore factæ, cujus descriptionem Sacer Vates præ manibus habet.

Per dextram explanationem Benedictionis & Sanctificationis diei septimi controversia de *πρόληψιν* componi poterit.

III. Gaudeo astipulari hic nobis Celeberrimum Coccejum; cujus hæc sunt verba In Gen. II. §. VI. *Hunc versum (scil. 3.) quidam putant esse possum per anticipationem .... Sed plane non fit verisimile. Mosén benedictionem & sanctificationem nullo modo dixisse de Sabbato *γεγενεως*, sed tantum de Sabbato Judaico .... Prorsus autem vis fit textui, si alius intelligatur dies, cui Deus benedixerit, & quem sanctificaverit, alius in quo cessaverit ab opere suo. Et facundissimus Burmannus, licet ad prolepsin inclinet, fatetur tamen, verba Mosi de perpetuo isto Sabbato intelligi posse, septimo post creationem die, qui primus opera Dei perfecta vidit, & beatissimus mundo illuxit,*

Cocceji & Burmanni de *πρόληψιν* sententia.



unde peculiariter a Deo benedictus dicitur, reliquisque porro in omnem aetatem diebus, ab homine celebrando & sanctificando *Synops. Theol. Lib. II. Cap. v. §. XI.* Vide eundem, de *Oeconomia Fœderum Dei* §. 208. 209. Hæc nobis hactenus suffecerint, qui Orthodoxos inter se concordēs esse malumus quam unum cum altero digladiari. Et sane id in confesso ut sit oportet, si commode explicaturi simus, quomodo Sabbatum hoc Ecœderis operum Sacramentum fuerit.

Præstantissimi Hebræorum contra *πρόστασις* sunt.

IV. Præstantissimi quoque Hebræorum, quorum alias qui contra sentiunt auctoritate pugnare solent, nobiscum hic facere comperiuntur. Quærent enim in Talmude, quare creatus sit homo בֶּעָרֵב הַשָּׁבֶת *vespera Sabbati*, & inter tres, quas responsi loco afferunt, rationes hæc ultima est, כִּי שִׁכְנָשׁ לַמִּצְוָה הַזֶּה, *ut protinus intraret in præceptum.* Vir Clarissimus, *Ludovicus de Dieu*, hæc memorans in *Gen. I. 27.* explicationis loco addit; *quum enim hominis creationem protinus exceperit Sabbatum, protinus intravit in præceptum sanctificandi Sabbatum.* *Baal Hatturim*, post varias hujus loci interpretationes, hanc quoque subjungit בְּשָׁעָה בָּרָא יְהוָה בִּירְךְ הַשָּׁבֶת וְהַיּוֹם, *ea hora qua creavit mundum, benedixit Sabbato & mundo.* *Jarchius* hanc etiam sententiam refert, licet ipse in diversa erat, מִזֶּה הָיָה הַיּוֹם חֹסֵר מִנּוּחָה בְּאֵת שַׁבָּת בְּאֵת מִנּוּחָה כְּלָתָהּ וְנִמְרָה הַמְּלָאכָה. *Quid mundus fuisset futurus sine quiete: Veniente Sabbato venit quies, atque ita demum absolutum & consummatum est opus.* Quo innuitur, Sabbati institutionem cum consummatione operum Dei junctam fuisse. Sunt etiam ex Hebræis qui velint *Pf. xcii.* cujus titulus est: *Psalms, Canticum in diem Sabbati*, ab Adamo esse compositum. Ita enim *Chaldæus* παραφράζει. שְׁבוּחַ וְשִׁירָא דִּי אָמַר אָדָם קְרִמָּאָה עַל יוֹמָא וְשַׁבְתָּא. *Hymnus & Canticum quod homo primus dixit de die Sabbati.* Et *R. Levi in Bereschit Rabba Sect. xxii.* in fine: הַמּוֹדֵר הַזֶּה אָדָם הָרִאשׁוֹן אָמַר וְנִשְׁתַּכַּח מְדוּרֵי יוֹמָא מִשְׁדֵּי יוֹרְשֵׁי. *Psalms hunc primus homo dixit, & a seculo ipsius oblivioni fuit traditus, venit autem Moses & renovavit eum.* Quæ eum in finem adduco, ut pateat confidenter nimis eos loqui, qui asserunt contra unanimem veterum Hebræorum sententiam iri, si quis præceptum Sabbati primo quoque homini impositum urgeat. Plura qui cupit, is *Seldenum* adeat *De Jure Natura &c. Lib. III. Cap. XIII.*

Ad explicandam Sabbati primi naturam transiunt.

Distinguendum inter quietem Dei & hominis.

V. His suppositis, inquirendum porro est, qua in re *natura primi Sabbati* consistat. Hic rursus in diversissima itur. Ego isthoc nunc mihi operæ datum autumo, ut eas concinnem theses in quas spes est Orthodoxos, pacis amantes, haud difficulter consensuros.

VI. Distinguendum primo est inter *quietem Dei*, & *quietem hominis* ipsi a Deo præceptam, Deique exemplo commendatam: quomodo & *Paulus* distinguit *Heb. iv. 10.* αὐτός (homo) κατέπαυσεν ἀπὸ τῶν ἔργων αὐτοῦ, ὥστε ἀπὸ τῶν ἰδίων ὁ Θεός. *requievit & ipse ab operibus suis, quemadmodum a suis Deus.*

VII. *Quies* Dei non in eo duntaxat sita est, quod ab opere novæ creationis *desierit*, sed & quod *suaviter acquieverit*, seque ipsum *oblectaverit* in demonstratione virtutum ac perfectionum suarum, insigniter resplendentium in operibus consumatis, postquam inferiorem quoque mundum præstantissimo colono ornaverant, qui, virtutum Creatoris sui sedulus spectator, earundem præco ac celebrator futurus erat, & in quo ipse, *ἐν μυχρὸν τῆς δόξης αὐτοῦ ἀπ' αὐτοῦ αὐτὸς* cernebat. Ideo dicitur *Exod. xxxi. 17.* בַּיּוֹם הַשְּׁבִיעִי שָׁבַת יִנַּפֵּשׁ, *Die septimo quievis, & ἀνέψυξε, refocillavit se*; non quasi laborando fessus, sed quasi in opere tam feliciter confecto, in quo operæ suæ pretium videbat, gaudens.

VIII. Deus quiescens die septimo eum *sanctificavit* tam *Facto*, quam *Præcepto*. *Facto*, quandoquidem hominem recens conditum ad contemplationem operum suorum introducens, se ac virtutes suas ei revelavit, ut ab eo ametur, is ei gratias agat, ipsum celebret & glorificet, Et sane quia Deus septimo die, ab aliis operibus cessans, ei rei soli vacavit, censeri debet eum eximio modo sanctificasse. *Præcepto* item sanctificavit, homini injungens, ut ipsum glorificationi Creatoris sui impenderet. *Sanctificare* (quemadmodum *Martyr*, ab aliis quoque laudatus benedicit,) est *Divino cultui aliquid deputare, ut hic sumitur*. Et rectissime a *Calvino* observatū, *Deum voluisse ut suum exemplar perpetua nobis esset regula*. Consentit. *Rabbenu Nissim* apud *Abarbenelē* in *Explicatione legis* fol. 21. col. 3. וְהָיָה קְרִישָׁת דְּשַׁבָּת שְׁלֵמָה דְּשַׁתְּמֵשׁ בִּי דְּנַפְשׁ בְּדַבְּרֵי וְהָיָה קְרִישָׁת דְּשַׁבָּת שְׁלֵמָה דְּשַׁתְּמֵשׁ בִּי דְּנַפְשׁ בְּדַבְּרֵי. *Atque hac est Sanctificatio Sabbati, ut mens humana in eo non incumbat rei alicui profana; sed tantummodo rebus sanctis.*

IX. Quod Deus diei septimo *benedixerit*, dupliciter quoque intelligi potest; *Primo* quod eum *benedictum* & beatum *declaraverit*, utpote in quo singulari modo se refocillavit & gavifus est, omnia ita constituta videns, ut non sibi modo, sed & Angelis, & homini, lucidissimum perfectionum suarum theatrum forent. Hoc est quod *David* canit *Pf. civ. 13.* *Gloria Domini sit in seculum, latabitur in operibus suis*. Ita sibi Deus diei isthuc gratulabatur, & consequenter ei benedixit. Ut enim *imedicere diei*, est diem abominari & averfari tanquam infaustum & infelicem, ærumnosum, miserum. *Job. 11. 14. Jer. xx. 14.* Ita vi legis oppositorum, *benedicere diei*, est exhilarari in die aliquo, tanquam jucundo & fausto. Et sane quis dies beatior lætiorque fuit illo, qui opera Dei perfecta, nulloque adhuc Angelorum, ut credibile est, hominumve peccato taminata vidit? qualis ex illo tempore, post peccatum certe, nullus cucurrit. *Secundo* id quoque ad diei hujus *benedictionem* pertinet, quod Deus homini, quietis suæ exemplar sancte imitanti,

*Quies* Deion est tantum cessatio, sed & acquiescentia in opere suo.

*Deus* diem septimum sanctificavit tam Facto quam præcepto.

*Eidem* diei dupliciter quoque benedixit; tam sui quam hominis respectu.

tanti, amplissimas benedictiones addixerit, & quidem in hac quiete, arrhabonem beatissimæ quietis in coelis: qua de re mox plenius. Eleganter prisca Hebræorum Doctores dixerunt: שְׁבִיטָה וְשִׁבְתָּהּ יְקָרָהּ, *benedictionem Sabbati & Sanctificationem ejus ad cultores ipsius redire, ut benedicti & Sancti sint.*

Quies homini mandata complectitur  
1. Abstinētiā ab omni malo opere.  
2. Acquiescentiā in solo Deo.

X. *Quies homini hic mandata & commendata hæc præcipue complectitur: generatim, ut homo universo vitæ sui tempore ab omni plane malo abstineat, utpote quo sibi ac Deo suo meram facessat molestiam: quem admodum Dominus conqueritur Jes. XLII. 22. יִגָּעַת בִּי יִשְׂרָאֵל, fatigasti te adversus me O Israel; & v. 24. וְיִגָּעַתִּי בְּעִוְיֹתַי, fatigasti me iniquitatibus tuis.* Malefaciendo horrendū in modū peccatur adversus quietem Dei, qui non potest se oblectare in peccatore, de quo & cujus opere dicit Jes. I. 14. *est mihi onus* לִטְרֹר גְּלוּחִתִּי נִשְׂאֹנִי, *delassor ferendo. Specialius* hoc quoque homini incumbit, ut quum colophon operum Dei sit, ultimusque omnium creaturarum e manu Creatoris sui exierit, non ita se circa creaturas fatiget, quasi in iis bonum & felicitatem suam quæreret: sed sancta potius generositate ad ipsum creatorem ascendat, & nulla in re acquiescat nisi in fruitione immensæ bonitatis in expressione purissimæ Sanctitatis, in expectatione plenissimæ quietis & intimæ unionis cum Deo suo. Hæc quidem vera & spiritualis quies est, semper homini, meditanda, quærenda, agenda.

3. Cessationem ab omni opere impediēte præstationem officiorum pietatis quo tempore illa solemniter peragenda erant.

XI. Porro quandoquidem homini etiam in statu innocentiae solemnia pietatis officia præstanda erant, una cum uxore & liberis, quibus in precibus, gratiarum actionibus, hymnis, præire debebat; necesse erat ut isthoc tempore, sepositis omnibus aliis operibus, curisque rerum ad naturalis vitæ sustentationem facientium, suisque quiescere jussis, libero corpore, uni huic rei sancte vacaret. Non spero quenquam fratrum fore qui hoc mihi abnuat. Certe Celeberrimus Coccejus id non gravate largitur. Cujus hæc sunt verba, Sum. Theol. Cap. 21. §. 10. *Hominem & sape quantum fieri potest, vacare cultui Dei, (hoc est, rebus ad corpus ejusque commoditatem pertinentibus omissis, in eo tantum esse, est quod animi in Deo delicias, & eum glorificantis, & ejus laudem celebrantis) justum est per se, & ad integritatem imaginis Dei Pertinet: ut & eum id facere in cætu, ad communem vel latitiā vel adificationem.*

Horum consuetudo in peccatore est, ut juxta Dei exemplum septimo quovis die

XII. Postquam homo peccaverat, recordatio quietis Dei, & sanctificationis diei septimi, servire ipsi debebat ad excitationem tarditatis suæ in cultu Dei, ut septimum quemque diem illi impendat, omnibus aliis operibus tantisper sepositis. Sed præstiterit hoc Calvinii verbis exponere. *Primum ergo quiescit Deus, deinde benedixit hanc quietem, ut seculis omnibus inter homines sancta foret; vel septimum quemque diem quieti dicavit, ut suum exemplum perpetua esset regula. Martyr similia habet, Hinc homi-*

nos admonentur, ut si illis precipitur ab Ecclesia ut aliquo die in hebdomade caleni Divino vacent, hoc non esse prorsus humanum commentum, nec tantum pertinere ad legem Mosaicam, sed initium quoque habuisse hinc, & facere ad imitationem Dei. Hæc omnia ipsi quoque D. Coccejo laudata sunt, cujus verba itidem laude digna ex capite mox citato §. 12. subjungam. Consequens hominum in peccatore est . . . . ut, si infirmitas carnis ipsum circumdet, & cogatur τυρβαζεσθαι, saltem septimo quovis die se recolligat, & potioribus cogitationibus se dedat, atque tum libenter, propter eam partem Divini cultus, quæ sine vacatione exerceri non potest, a labore manuum suarum, & a fructibus terra quarendis, parandis, colligendis, absteineat. Quæ cum celeberrimo Interpreti placeant, nescio cur displicuerit elegans Chrysostomi observatio; notata ad Heb. iv. §. 13. εντευθεν εκ προοιμιων αιωνιμαωδως διδασκαλια ημιν ε θεος παρεχεται, παιδευνων την μιαν ημεραν εν τη κυκλω της εβδομαδος απασαν ανατιθεναι και αφοριζεν τη των πνευματικων εργασια. Hinc jam veluti præludiis quibusdam ænigmatice docuisse Deum septimum quemque diem in Cyclo hebdomadis consecrare & separare spiritualium operationi. In hisce thesibus, naturam primi Sabbati non infeliciter explicantibus, si omnes, ut spes, conveniamus; magnum quidem ego opus confectum arbitror, & viam complanatam esse ad fopendas illas male faustas contentiones de Sabbato Decalogico, quibus Academiæ & Ecclesiæ Belgii, jam aliquot retro annis, perstrepuere.

XIII. *Natura primi Sabbati ita explicata, restat ut spiritualem ac Mysticum ejus significatum indagemus*, unde facile erit concludere, non inapte nos illud *Sacramentum* dixisse, five quod idem est, sacrum signum & sigillum (cur enim de vocabulo, quod ἀγραφον est, litigabimus, modo de re constet?) Promissionum salutis a Deo Adamo factarum. Sabbatum, mysticum aliquem significatum habuisse, & ad æternam beatamque quietem spectasse, Paulus auctor est Heb. iv. 4. 10. Meritoque id ab Apostolo suppositum, ut res Hebræis nota, quæque apud Doctores ipsorum ἐξαγώνιον est. Tritum erat adagium, quod Clarissimus Buxtorfius citat in Florilegio Hebræo 299. לא נתנה שבת אלה ריגומא. כל חזקתו חבא. Non datum est Sabbatum nisi ut esset typus seculi futuri. Cui geminum est quod extat in Zohar in Gen. fol. 5. cap. 5. שבת אידו ריגומא ארץ דחיים שדויה עולם חבא, עולם דנשמות עולם דנשמות. *Dies Sabbati quid est? Typus terre viventium, quæ est seculum futurum, seculum animarum, seculum consolationum.* Hæc generatim quidem non incommode dicuntur, sed analogias Sabbati & quietis æternæ speciatim assignatas non temere alicubi inveneris. Perperamne hac methodo procederemus, si distinguentes inter quietem Dei, quietem hominis, & diem septimum quo uterque quievit, mysticos singulorum significatus distincte proponamus?

se recolligat ad vacandum cultui Divino.

Sabbatum hoc mysticum significatum habuit.

**Quies** -  
Dei ab  
opere crea-  
tionis sig-  
nificavit  
quietem  
longe glo-  
riorem  
ab opere  
conserva-  
tionis &  
guberna-  
tionis re-  
rum prout  
nunc sunt,  
& perfe-  
ctissimæ  
consuma-  
tionis om-  
nium.

XIV. *Quies Dei* ab opere *creationis* Typus fuit longe gloriosioris quietis Dei ab opere *glorificationis* totius universi. Postquam Deus primum mundum ita condidisset, ut homini adhuc explorando comodissimum domicilium, & luculentum virtutum Creatoris sui theatrum esset; in isthoc opere suo sibi complacuit, & suaviter acquievit. Nam perfectiones illi omnes dederat, quæ ad istum statum consummandum requirebantur. Verum destinaverat universum aliquando perfectius elaborare; solutisque æstu elementis novum cœlum, novam terram, velut ex cineribus antiqui mundi resuscitare: qui novus mundus felicitatis suæ immutabilitate donatus, creaturarum suarum glorificatarum longe augustius habitaculum foret, & in quo, veluti ultimo virtutum suarum molimine, æternum suavissime acquieturus esset. Et porro, quum Deus pro infinita sapientia sua ita omnes actiones suas sapientissimo nexu jungat ut anteriores certum ad subsequentes respectum habeant: Item quum requies illa Dei post creationem minus plena fuerit illa altera, quam nullus labor excipiet, postquam Deus operibus suis summum imposuerit colophonem; conveniens est primam illam Dei quietem uti typum ac præludium quoddam alterius, quæ perfectior est, considerare. Deinde, quoniam homini in maximum bonum cedit, totum universum ita glorificari, & ipsum in universo, ut Deus in eo, tanquam ultimam perfectionem jam adepti, plane acquiescat, dicitur εἰσελθεῖν εἰς τὴν κατάπαυσιν Θεοῦ, ingredi in requiem Dei *Heb. IV. 10.*

**Quies**  
hominis  
significa-  
bat beatif-  
simam  
quietem  
ejus in cœ-  
lis & in Dei  
immediata  
communi-  
one.

XV. *Quietem* hanc Dei post creationem excipiebat immediate *quies hominis*. Nam postquam hominem sexto die, extra Paradisum condiderat (ut ex simplicitate Historiæ Mosaicæ colligendum videtur) die septimo ipsum in Paradisum introduxit, וַיְבָרֶךְ אֱלֹהִים אֶת הַיּוֹם הַשְּׁבִיעִי, & posuit eum, vel ut alii verti posse putant, *quiescere fecit eum in borto Eden. Gen. II. 15.* Nonne hoc Adamo jucundissimum Symbolum erat, se post absolutum laboris sui in hac terra curriculum, ex terra in locum Paradiso longe amœniorem, & ad quietem ea quam in Paradiso potiebatur multo jucundiores, translatum iri? Quando etiam certis temporibus, omisso tantisper Paradisi cultu, totum se, animo in Deo deliciante, sacro numinis cultui dabat; nonne hoc arrha quædam & prælibatio ipsi illius temporis erat, quo ab omni animalis hujus vitæ cura liber, se immediate in intima Dei communione oblectaret, Angelorum choris mistus, Angelorum opera faciens?

**Quod**  
quies tam  
Dei quam  
hominis in

XVI. Quod quies hæc tam Dei quam hominis in *septimum diem*, post sex operarios, inciderit; nonne notare idoneum est quietem gloriæ Dei tum demum expectandam esse, postquam hujus sæculi septimana elapsa fuerit? Et hominem non introiturum in quietem, nisi absoluto proba-

probationis suæ opere, ita ut Deus ad legis suæ amussim id examinans, septimum diem incidit, notat beatissimam quietem non nisi post elapsam sæculi hebdomadam expectandam esse. Mystici hi significatus planius explicantur, pleniusque confirmantur.

XVII. Verum quidem est, intercedente Adami peccato, ruptoque foedere operum, totam rerum faciem immutatam esse; attamen hæc omnia talia erant, ut Adamo, etiam in statu integritatis, significari & obsignari per Sabbatum potuerint; & quidni revera etiam significata & obsignata sint? Etenim Apostolus disertè docet, *requiem Dei ab operibus suis inde a jacto mundi fundamento*, significatum mysticum habuisse. Heb. 1v. 3. Quo posito nostrum est commodam signi cum re significata convenientiam rursari: quo autem plus *ἀναλογία* inter utrumque cernimus, eo clarius sapientissimam Dei bonitatem, tot modis se exferentem cum gaudio deprehendimus. Non potest non ad artificis Dei laudem facere, si multas & egregias picturæ ab ipso nobis concessæ cum re depicta similitudines animadvertamus. Haud diffiteor equidem Paulum, ubi de Sabbati significato differit, ad eam nos quietem manuducere, quæ per labores Christi parta est fidelibus. Verum exinde inferri non potest, post peccatum demum, ex foedere gratiæ, Sabbato Dei mysticum omnem significatum accessisse. Nam quod ad ipsam rei substantiam, quies gloriosa Foedere operum promissa, & nunc Foedere gratiæ obtinenda, una eademque est, consistens in beata cordis in Deo acquiescentia. Quæ ut Sabbato obsignata fuit homini integro, sub Foedere operum; ita & Sabbato, sub alia tamen *σχέσει*, aliisque circumstantiis, obsignatur sub Foedere gratiæ. Nam quandoquidem Deus, gnarus hominem non perstiturum in primo Foedere, ab omni æternitate decreverat longe aliam rerum seriem ordiri, electosque novo foedere gratiæ ad pacatissimam quietem transferre; sic & ea ipsa quæ lapsum antecessere imperscrutabili sapientia ita disposuit, ut homo illa post lapsum illuminatis fidei oculis intuens, majora adhuc in iis mysteria animadverteret, Christum & gloriam per ipsum obtinendam concernentia. De quibus nunc non est dicendi locus. Si quis eruditam illorum arcanorum explanationem desideret, adeat Sermones *Messersatii* in caput quartam Epistola ad Hebræos.

XVIII. Habuit etiam hoc Sabbatum commonefactionem variorum officiorum homini præstandorum, quæ quum supra. §. 10. 11. indigita-verimus, nunc repetere nihil attinet. Atque ita quod de Sacramentis Foederis operum polliciti eramus, exsecuti sumus.

XIX. Manum nunc possem de tabula amovere, nisi moram injiceret Vir Doctissimus, cujus cogitata de Sabbato primo, a vulgo receptis longe

Habuit quoque hoc Sabbatum commonefactionem variorum officiorum.

Nova de

Sabbati  
institutio-  
ne senten-  
tia.

longe recedentia, cum bona ipsius venia, placide examinare animus est. Statuit igitur, Adamum ipso creationis suæ die a Diabolo seductum mundum universum miserabili secum corruptioni mancipasse: Deum autem septimo die, omnia a Diabolo & homine ita vitia, gratiosa Messiae promissione restituisse: a qua restitutione eodem illo die quieverit: quæ quies a reparatione mundi, septimo diei propria, Sabbati fundamentum sit. Scilicet *sexto die consummati erant Celi & terra, & omnis exercitus eorum. Gen. 11. 1.* Et Deus opera creationis suæ tam perfecta videns placide in iis acquiescebat. Quæ quies sexti diei est. Verum eodem die corruptionem invexit Satanas, deferendo coelum cujus exercitus pars erat, quem sociatis sibi pluribus Angelis magno numero imminuit, habitationemque illam eatenus desertam reddidit; & in terra calumnioso mendacio hominem, exercituum terrestrium principem, sibi subditum, Deo rebellem, vitæque exsortem constituendo; quæ terræ corruptio fuit. Atque ita Coelum & terra perpulcre a Deo consummata die sexto, eodem foede a Satana homineque vitia fuere. Hinc novus labor die septimo Deo natus est: ut ita vitia & corrupta restitueret, ac de novo consummaret. Quod fecit die septimo, revelato per Evangelium Mediatore Θεανθρώπου, quem in promissione statuit triumphatorem de corruptore universi Satana, atque adeo restitutorem omnium; tum terræ, unde initium fecit restorationis, electis ex universo genere humano vindicatis a servitute corruptionis; tum cœli, iisdem electis transferendis in cœlestem habitationem, ut illa novorum incolarum colonia rursus impleatur: quomodo restorationem consummabit. Quam consummationem Moses innuit v. 2. *Et consummavit Deus ipso die septimo opus suum quod fecit.* Quæ consummatio restorationis, significatæ x. 3. voce *תמלך* faciendo, a consummatione creationis, versu primo memoratæ, distinctissima est. Quæ omnia postquam peregit Deus, Filio suo hominibus in Mediatorem ac Vindicem dato, ipse in hoc opere ultimo suo acquievit, quum ille *Vir sit acquiescentia sua Jesh. XLII. 1.* Et hæc demum quies institutionis Sabbati fundamentum foret. *Institutio* hæc gemino actu constat: prior est *Benedictionis*, qua Deus benedixit ipsi diei, privilegio maximi beneficii, ut esset dies proprius Messiae, qui in eo revelatus fuit per Evangelium. Hic enim est honor Sabbati, quod sit *oblectatio propter Sanctum Domini glorificatum. Jesh. LVIII. 13.* Posterior est *Sanctificationis*, qua eum segregavit in signum & mnemosynum istius beneficii, quod per & propter Sanctum Domini glorificatum, electos sanctificare velit. Hæc summa hujus sententiæ est. Quæ an solida sit, & ex Scriptura demonstrabilis, nunc videamus.

Incertum

XX. Universum sententiæ hujus fundamentum hoc est: Adamum eopse

copse quo creatus est die cecidisse. Quod Scriptura nusquam dicit. Non nescio ex Judæis Doctoribus esse, qui audacter, uti solent, id ita definiunt, & quasi omnium horarum Dei ad unguem callentissimi essent, pronuntiant hominem hora diei tertia creatum, hora undecima lapsum, hora duodecima ex Paradiso pulsum. Sed temeritas hæc cum indignatione increpanda est. Vir Doctus gloriæ sibi ducit, ex solis Divinis literis sapere, & merito. Ita enim hominem Theologum decet. Sed quæ scriptura de die primi peccati quicquam determinat? Vix aliud hichabemus quam conjecturas, quæ nil nisi merissimum fabulum sunt, cui tam grande ædificium inædificare non videtur prudentis artificis esse.

est Adam ipse creationis suæ die peccasse.

XXI. Imo multa sunt ob quæ in eam partem malum propendere, ut credamus hominis peccatum sexto die non accidisse. Postquam enim Deus eo die bestias creaverat; postquam Adamum e limo terræ formaverat; postquam ei legem tulerat de arbore scientiæ boni & mali; postquam bestias ei in Paradiso stiterat, ut exploratis singularum naturis (quod & summa accuracione præstitit, uti eruditissime demonstratum est a Magno Bocharto *Hieroico Lib. 1. Cap. ix.*) convenientibus quasque nominibus appellaret; postquam Adamus compererat non esse in iis ullam quæ posset esse *regio ipsius*, ad usum & commoditatem conjugii; postquam Deus Adamum profundo somno soporaverat, tum demum matrem Evam ex costa Adami fabricavit. Univerſa hæc non sunt ejus naturæ, ut, quemadmodum alia cæterorum dierum opera, brevissimo quodam temporis puncto, & quasi momento, peragi potuerint; sed distinctis interstitiis se invicem consecuta sunt, variis Adami ipsius actibus intercedentibus. Imo sunt non minimi nominis Theologi, qui contendunt omnia hæc uno die facta non esse, & creationem Evæ alii ex sequentis septimanæ diebus deputant. Quam nos litem nostram nunc non facimus. Post hæc omnia, integer adhuc, omnisque sceleris, humani certe, purus erat mundus. Deusque opera sua contemplans, diemque suum concludens, omnia ut bona & perpulcra probabat. Nondum ipsi novus labor, quo lapsus jam orbis restauraretur, quique creationis labore minor non est, natus erat. Quæ autem veri species est, ut pauculis illis quæ restabant horulis, si modo restabat horula, Adamus ab Eva, mox creata, se sejunxerit, Serpenti insidianti dilectissimam uxorem exposuerit, & uterque, tam a manibus Creatoris recens, aures Deceptoris repente adeo substrinxerit? Nisi quis antecepta opinione pro contraria sententia occupatus esset, quid causæ haberet, cur, non obstantibus tot probabilitatibus, Adami peccatum tam præpropere festinatione acceleraret? Quum ergo universum hoc fundamentum sublestum oppido sit, quid solidi et superstrui potest?

Probabilius est eo die non peccasse.

XXII. Ipsum nunc ædificium propius lustremus, an illud firmis jun-

Consummatio

ORC. FOED.

K

cturis



Gen. 11. 2. *memorata non est restauratio mundi per promissionem Messia.*

Annis ac certa satis compage nexum sit. Novum septimi diei *laborem* Vir Doctissimus videre se autumat, novamque *quiescem* labori illo succedaneam, quæ Sabbati fundamentum sit. *Labor* foret, *promissio Messia*, per quam mundus, peccato foede corruptus, restauraretur. De hoc *labore* Moses ageret Gen. 11. 2. *Et consummavit Deus ipso die septimo opus suum quod fecit.* *Quies* foret, acquiescentia in illa promissione & promissione *Messia*. Sed liceat sequentes considerationes opinioni huic opponere. I. Si Deus die septimo tam immensum opus peregerit, quale est mundi ex lapsu resuscitatio, opus quod ipsa universi Creatione ex nihilo, si non majus, minus certe non est, opus quo peracto denuo ei quiescendum erat; utique septimus dies non minus fuit dies operarius Deo, non magis Sabbatum vel dies quietis, quam quivis alius præcedentium dierum. Singulis quippe diebus Deus, opere suo peracto, tantisper quievit, & in opere isto acquievit. II. Eodem vocabulo, quo versu primo mundi consummationem expresseerat, versu secundo Moses rursus utitur. Consummatio autem primi versus, fatente Viro Docto, notat consummationem creationis; quid nos cogit eidem vocabulo, in eodem contextu, sine ulla differentia nota, tam diversos significatus affingere? III. Hactenus Moses ne minimo quidem indigitamento lapsum Protoplastorum indicavit: quæ ergo veri similitudo est ut tam abrupte restitutionem mundi ex lapsu memoraret; idque iis ipsis verbis, quibus hactenus usus est, & imposterum utetur, ad primam Creationis fabricam exponendam? Quid nos jubet, imo quis nobis permittit, concinnitatem methodi Mosaicæ, & claritatem verborum, ficta hac ἀμειδιότης & ambiguitate turbare? IV. Dubitari posset, an bene dicatur, per promissionem Messia omnia perfecta & consummata esse; quum Deus, si filium narrationis Mosaicæ sequamur, post promissionem hanc, mundum merita maledictione multaverit: & Apostolus adhuc de mundo dicat, quod *creatura vanitati subiecta* sit, & ingemiscat sub δαλεία τῆς φθορᾶς Rom. VIII. 20. 21. Verum quidem est, promissionem de Messia, quæ cassa esse non poterat, fundamentum consolationis Patrum fuisse; sed per illam promissionem, uti mox post lapsum facta est, omnia consummata esse, Scriptura nusquam docet. Quin imo promissio hæc eam personam designabat, quæ labentibus demum seculis, variisque non unius officii actibus, veram τελείωσιν effectura erat.

XXIII. Instat Vir doctus: quo minus duæ istæ consummationes in unam compingantur, poscunt suadentque rationes sequentes I. *Tautologia* erit, si non *Battologia inexcusabilis*, in tam brevi compendio: redundabitque vel versus primus, vel secundi initium. II. *Consummatio* v. 2. alligatur *diei septimo* per articulum geminum, non secus ac quies.

Rationes Viri Docti, quibus contendit consummationem

Et

*Et consummavit Deus ביום השביעי ipso die septimo opus suum quod fecit, & quiescit Deus ביום השביעי ipso die septimo ab omni opere suo quod fecit.* Quod si prius verbum וכל per plusquamperfectum reddatur & consummaverat, etiam posterius וישבת sic erit reddendum & quieverat, quod tamen non congruit. Imo quum in aliis diebus præteriti plusquamperfecti significatio rejiciatur, ne opera sequentis diei in præcedentem transferantur contra historię fidem, neque hic illa admittenda est in die septimo. III. Distinctas consummationes, quarum posterior septimi diei sit, indicat versus tertius, quando causam quietis edit: *Et benedixit Deus diei septimo & sanctificavit eum, quia in eo quievit ab omni opere suo quod creavit Deus לַעֲשֹׂהֵם* faciendo. Duobus verbis duas actiones describit ברא creare notat, & עָשָׂה exornare, expolire. Hæc frequenter sunt *ισοδυναμῶντα*. Attamen conjuncta distinguuntur; quod non minus apud Christianos quam Judæos interpretes in confessio est. (sic se habet *Jes. XLIII. 7*. Ubi aliud adhuc additum, יצר *ingere*, & תִּבְרָא quidem creationem animæ, תִּבְרָא vero formationem corporis, לִשְׁמִינָה reformationem per gratiam designat) Istæ vero duæ actiones ita describuntur ut תִּבְרָא factio immediate quietem antecesserit, septimique diei opus fuerit; ברא creatio autem opus sexidui præcedentis. IV. Eodem pertinet ἀνακεφαλαιώσις versus 4. modo dictam distinctionem repetens & confirmans. *Istæ sunt generationes cæli & terræ, quando creata sunt: in die facere Dominum Deum terram & cælum.* Scilicet recenset origines tum sexidui primi, quo creatione producta sunt cælum summum cum suis exercitibus, deinde terra cum suis: tum initii diei unius, nempe septimi, qui factionis est, quo fecit, expolivit, contrario ordine, initio terram, deinde cælum. Hactenus Vir Doctissimus.

XXIV. Verum hæc talia non sunt ut assensum impetrent, Ad singulas rationes ordine respondemus. Ad primam, Virum Fratrem etiam atque etiam rogatum velim, ut paulo reverentius de stilo Spiritus Sancti sentiat & loquatur, neque simplices illas unius ejusdemque rei repetitiones, etiam in brevi compendio, *inexcusabilis tantologia, si non Battologia*, accuset. Non decet nos qui humiles Divini Spiritus Discipuli sumus, tam severos in sapientissimam linguam & planè ἀμώμητον stilum Adorandi Magistri nostri Aristarchos agere. Frequentissimum in sacris literis est, eandem rem, paucis interjectis, iisdem prope verbis, plus semel iterari. Ipsum illud de quo agimus secundum Geneseos caput varia hujusce rei exempla suppeditat. Fundamentum sanctificationis diei septimi, nempe quies Dei illo die, iisdem fere verbis, secundo & tertio versu proponitur. Ipse Vir Doctus versum quartum ἀνακεφαλαιώσιν vocat modo dicta repetentem. Et universum caput secundum quid aliud est nisi fusior explicatio formationis hominis, quam perspicue quidem,

& factum  
cæli &  
terræ Gen.  
11. 3. 4.  
de restaura-  
tione  
per promissionem  
Messiæ in-  
telligenda  
esse.

Reverenter de stilo Sp. S. loquendum est sine accusatione tantologias vel Battologias, etiam si in brevi compendio idem bis terve dicatur.

sed brevius, primo capite narratam legimus? Dicemusne propterea, vel partem capitis primi, vel secundum, magna ex parte redundare? Velaudebimus Deum *tautologias*, si nou *Eattologias inexcusabilis*, arguere. Nonne sanctius est ad verba ipsius contremiscere, eique potius gratias agere, quod propter torporem nostrum eadem, vel iisdem, vel conglomerationis, & in eundem sensum recidentibus verbis, bis terve proponere dignatus sit? Ita ego facere malo: nec dubito quin facturus sim recte.

An &  
quomodo  
consumma-  
tio diei  
septimo al-  
ligetur?

XXV. Ad *secundam* hæc dico. I. Verba Moſis hoc ſenſu ſumi poſſent, Deum opus ſexti diei, atque integri adeo ſexidui conſummaſſe, eoſſe quaſi momento, quo elapſo ſeptimus dies incipiebat. Ita veteres Hebræi, & poſt eos *Rabbi Salomo*, hanc formulam loquendi explicant, ut ea innuatur Deum eo ipſo momento, quo intravit Sabbathum, opus ſuum conſummaſſe: ſoli enim Deo momenta & puncta temporis nota eſſe, ſecus ac homini. Nec inepta *Aben Ezra* conſideratio eſt, כְּלִי מַעֲשֶׂה אֵינֶנּוּ מַעֲשֶׂה מַעֲשֶׂה *consummationem operis non eſſe opus*, ſed tantundem valere ac ceſſationem ab operando, atque ita ſe ipſum textum explicare, & *conſummavit*, i. e. & *quievit* perfectio opere ſuo operatus amplius non eſt. III. Sed neceſſe non eſt ut eo veniamus. Optime *Drufius* in hunc locum: *Præteritum Hebraum tam reddi poſeſt per plusquamperfectum quam aliter. Sic eſt profeſſo. Unam duntaxat præteritum habent Hebræi, quod pro cunctis ejus ſpeciebus uſurpatur. Itaque proratione loci & ſenſus debet reddi modo per perfectum, modo per plusquamperfectum.* Reddatut ergo hic per plusquamperfectum, & *compleverat*, quemadmodum noſtrates quoque fecere, & difficultas omnis ſublata erit. Inſtat Vir Doctus; ſi hoc concedatur, ſequens quoque illud וַיִּשְׁבֹּת per plusquamperfectum reddendum eſſe. Verum id non ſequitur, Obſervanda enim eſt rei & circumſtantiarum diverſa ratio. Vir Doctus conſummationis vocabulum alio ſenſu verſu primo, alio ruruſ verſu ſecundo uſurpari contendit; & nobis non licebit verbum præteritum, quod ex linguæ genio indefinitum eſt, modo per perfectum, modo per plusquamperfectum, pro rei exigentia exponere? Et ſi alibi plusquamperfectum recte rejiciatur, id non ex eo fit, quia genius Hebrææ linguæ non fert, ut vocabulū illud per plusquamperfectum reddatur; ſed quia ut ipſe Vir Doctus obſervat, talis explicatio contra hiſtoriæ fidem eſt. Quod quum hic non ita ſit, non poteſt illa ratio urgeri. Hoc unum addam, ſi Moſes id voluiſſet dicere, quod nos putamus eum dixiſſe, & *conſummaverat Deus die ſeptimo, &c. & ceſſavit &c.* an aliis, vel commodioribus verbis juxta linguæ genium hunc ſenſum exprimere potuiſſet? Si Viro Docto Latina hæc de verbo ad verbum Hebraice reddenda eſſent, eodem tempore & modo vocabula formaret, quo ea formavit Moſes.

De ſigni-  
ficatione

XXVI. *Tertia* rationi oppono ſequentia. I. Vox וַיִּשְׁבֹּת admodum gene-

generalis est, & significat *aliquid quocunque modo facere*; sive illud bene sive male fiat. De malo tristi dicitur *Amos* 1v. 13. *אֲנִי יְהוָה שׁוֹרֵר וְנִפְסֹה* qui facis aurorum obscuritatem. & *Ezech.* xxxv. 6. *לִדְם אֶתְשָׁךְ*, faciam te in sanguinem. Et de malo turpi *Micb.* 11. 1. *לֹא עָשִׂיתָ מַטְוִי* te matutino faciunt id *עָשִׂיתָ*. Plura exempla mox adducentur. Unde patet Virum Doctum vim hujus vocabuli nimis coarctare quando exponit per *exornare*, *expolire*. Maxime si id præcise intellectum velit de *reformatione per gratiam*. II. Eadem vox *עָשָׂה* sæpius de opere sexidui dicitur. ut *Gen.* 1. 31. *וַיַּבְרֵךְ אֱלֹהִים אֶת הַיּוֹם הַשְּׁבִיעִי* Et vidit Deus *אֶת כָּל אֲשֶׁר עָשָׂה* omne quod fecit. & *Exod.* xx. 11. *שֵׁשׁ יָמִים עָשָׂה יְהוָה אֶת הַשָּׁמַיִם וְאֶת הָאָרֶץ* *עָשָׂה* fecit Dominus calum & terram. Unde etiam *Ezech.* xlv. 1. *שֵׁשׁ יָמִים עָשָׂה יְהוָה אֶת הַשָּׁמַיִם וְאֶת הָאָרֶץ* *עָשָׂה* sex dies operis dicuntur, oppositæ ad diem Sabbati. Nec abnuuit Vir Doctus voces *בָּרָא* & *עָשָׂה* frequenter *יְהוָה עָשָׂה*. Cur non & hic? Quæ necessitas nos cogit, imo quæ probabilis ratio suadet, ut *עָשָׂה* pro *septimi diei opere* sumamus, *בָּרָא* pro *opere sexidui præcedentis*? III. Quod instet, voces hæc, ubi conjunguntur, distinctas significationes habere, idque non minus apud Christianos quam Judæos interpretes in confesso esse, liberalius paullo asseritur, Ego sane, ex variis quos consului interpretibus, tam Judæis quam Christianis, neminem unum inveni qui significationes illarum vocum ita distinguat ut Vir Doctus. Vid. *Fag. ad Gen.* 1. 1. *Menaf. Ben. Isr. De Creat. Probl.* 1v. *Coccej. Disput. Select.* p. 70. §. 71. Audiatur hic Doctissimus de Dieu, qui in hunc locum ita commentatur. *Nobis Hebraismus familiaris esse videtur, per quem infinitivus לַעֲשׂוֹת, verbo similem actionem includenti adjunctus, fere redundat, qualia sunt Jud.* x111. 19. *וַיַּעַל מֹשֶׁה לְהַר סִינַי* & mirabiliter egit faciendo, id est, miraculum fecit. 1. *Reg.* xiv. 9. *וַיַּעַל דָּוִד לְהַר חֵרֶם*, & male fecisti faciendo, id est, male egisti. 2. *Reg.* xxi. 6. *וַיַּעַל הַמֶּלֶךְ לְהַרְבֵּה חֵרֶם*, multiplicavit faciendo malum, id est, simpliciter multiplicavit malum, multum fecit mali. 2. *Chr.* xx. 35. *וַיַּעַל דָּוִד לְהַר חֵרֶם*, ille impie egit faciendo, redundat faciendo, *Pf.* cxv. 2. *וַיַּעַל יְהוָה לְהַר חֵרֶם*, magna fecit Deus faciendo cum illis, *rursus redunt.* *Eccl.* 11. 11. *וַיַּעַל מֹשֶׁה לְהַר סִינַי*, in opere quod operatus sum faciendo, id est, simpliciter, quod feci. *Qui postremus locus plane parallelus est huic loco Geneseos, sive enim dicat עָשָׂה, operatus est faciendo, sive עָשָׂה בָּרָא creavit faciendo, idem dicit: nisi quod בָּרָא significet novum aliquid producere, quod exemplo caret, & ante non fuit, itaque creavit faciendo, nihil aliud est quam de novo fecit.* Non potuerunt nec debuerunt hæc Viro Docto, pro sua in Hebraicis peritia, ignota esse. IV. Distinctio vocabulorum *עָשָׂה*, *בָּרָא*, *יָצַר*, quibus Jesaias utitur capite xli 11. 7. ita ut illud *creationem animæ*, istud *formationem corporis*, hoc *reformationem per gratiam* designet, non tam nude, sine ulla probatione, a Viro Docto dictari debebat: sane in Scriptura fundata non est. Nam A. *בָּרָא* aliquando significat *reformationem per gratiam*. ut *Pf.* li. 12. *וַיַּבְרֵךְ אֱלֹהִים אֶת הַיּוֹם הַשְּׁבִיעִי*

vocis  
עָשָׂה,  
qua Gen.  
11. 3. non  
notatur  
reforma-  
tio per  
gratiam.

*purum* לי ברא *crea mihi*. B. יצר nonnunquam de *anima* dicitur *Zach. xii. 1.* יצר רוח אדם בקרבו *formans Spiritum hominis in medio ipsius*. Et *Pf. xxxi. 15.* יצר לבם *qui format pariter corda ipsorum*: aliquando etiā *reformationem per gratiam* notat: ut *Jes. xlii. 21.* יצרתי לי *quem formavi mihi, laudem meam narrabunt*. C. יצא plus semet de *prima* hominis formatione usurpatur. Ut *Gen. i. 26.* נעשה אדם *faciamus hominem*: & *ii. 18.* יצא *factam ei auxilium, quod sit e regione ipsius* *Jer. xxxvi. 16.* יצא אשר *Qui fecit nobis animam hanc*, dicit Zedekias Rex Jeremiae, nihil minus quam de reformatione per gratiam cogitans. Quum ergo omnia hæc vocabula ita promiscue in sacris literis usurpentur, nonne censerī debet nimium ingenio suo indulgere, qui tam magistraliter ea distinguit? Quid si cui luberet ordinem Viri Clarissimi invertere, atque ita dictare, ברא hic *reformationem per gratiam* significat, ut *Pf. li. 12.* יצר *productionem anima* ut *Zach. xii. 1.* יצא, *formationem corporis*, ut *Gen. ii. 8.* quid regeret Vir Doctus? Sed hæc parum solida sunt. Simplicius est ut in illo Jesaie loco omnia vocabula de creatione nova & reformatione per gratiam intelligamus. Neque inutilis est hic vocabulorum συναρμωσις, ad indicandum τὸ ὑπεράλλον μέγεθος. ὁ συναρμωσθεῖς, & efficacitatem operationis suæ in sanctificatione electorum. Geminus plane locus est *Eph. ii. 10.* Etenim sumus ipsius ποίημα, id est Hebraice מְעָשָׂה, *factura*, κτισθέντες, Hebraice id esset נִפְרָאִים, *creati in Christo Jesu ad opera bona, quæ προητοίμασεν*, יצר, *preparavit Deus, ut in iis ambulemus*. ut *Jes. xxi. 11.* יצרה מרוחק *formavit illud a longinquo*, id proprie est προητοίμασε. Ex quibus patet in hoc Jesaie loco Viro Docto nihil præsidii esse. V. Si plane lubeat τὸ ברא & τὸ יצא distinguere, nihil convenientius nobis videtur interpretatione *Nachmanidis*. Liceat enim cum Viro Docto, Hebraismi amante, aliquantisper ἱεραλεὺν כל יצאית ממני כל ישראֵל אשר ברא יש מאין לעשות ממני כל ישראֵל, *omnes israel qui exierunt de me, quod feci ab initio, quod creavit, aliquid ex nihilo producendo, ad faciendum ex eo omnia opera memorata sex diebus*: & ecce dicit ipsum cessasse a creatione, & ab operatione, a creatione quæ creavit die primo, & ab operatione peracta reliquis diebus.

Multo minus illa reformatio ex versu 4. exsculpi potest.

XXVII. Quarta ratio cum antecedente coincidit, nisi quod magis adhuc cabbalistica sit. I. Mira explicatio est, quod per תולדות *generationes celi & terra*, non modo prima eorum creatio intelligeretur, sed & utriusque restauratio per promissionem Messiae. Etenim alienum dictu est, per peccatum Angelorum introductam esse corruptionem in coelum coelorum, eoque foede vitiatum esse Thronum Majestatis Dei. Et si per Angelicum peccatum introducta esset in coelum corruptio, ejectione

dione malorum Angelorum, qua *ἐκτράπησαν* illos Deus, coelum corruptione illa expurgatum fuit. Neque de novo genitum est coelum per promissionem Messiae sexto die factam; quum illa nullam coelo mutationem induxerit, sed prædixerit tantum multorum annorum tractu paulatim quasdam electorum animas sancto illo & beato habitaculo recipiendas esse. II. Quod ordinem attinet, quo coelum terræ postponitur, notum est scripturam non eodem semper ordine omnia narrare. Neque ex mero narrationis ordine, qui arbitrarius est, argumenta formari posse. Non rejicienda interim Junii observatio est. *Inverso ordine terra & calum nominantur, quia terra factus anteivit factum cali: nam terra die creationis tertio, calum quarto perfectum est.* III. Vis manifesta textui fit, si *τρίτης*, sive factus terræ & coeli, de utriusque reformatione gratiosa, per promissionem Messiae septimo die factam, intelligatur: quia de illo factu terræ & coeli agit Moses, qui creationem virgultorum & herbarum præcessit, ut ex nexu versus 3. cum 4. patet. Ita enim verba sonant. *Ista sunt generationes cali & terra quando creata sunt, in die quo fecit Dominus terram & calum; & omne virgultum agri antequam oriretur in terra, omnemque herbam, &c.* Vel, uti alias commodissime reddi posse doctissimus de Dieu ostendit, *quo die faciebat Dominus calum & terram, nulla stirps agri nondum erat &c.* Adeo ut hic terræ coelique factus ipsam hominis creationem antecesserit, multo magis adhuc lapsus, & ex lapsu restitutionem. Planeque facit hic versus ad fictam Viri Docti distinctionem evertendam.

XXVIII. Atque ita ostendimus in verbis Mosis non reperiri *laborem* illam Dei quo omnia ex lapsu septimo die restauravit. Nec magis inibi reperire est *quietem* ab illo opere restorationis, quæ quies Sabbati fundamentum sit. Nam I. Rationi consentaneum non est, Deum, facta promissione Messiae, jam quiescere ab opere reformationis gratiosæ universi: quandoquidem illa promissio prophetia erat laboris, certaminum, & mortis denique Christi, quibus demum rebus reformatio ista impetranda & absolvenda erat. II. Quomodo dici potest Deum quievissse mox post factam illam promissionem ab omni opere suo, quum immediate post illam judicium pronuntiaverit & exercuerit in Adamum, Evam, & terram ipsorum crimine maledictam; eosque pepulerit Paradiso? Quod quidem opus (si *ἀνθρωποπαθὺς* ita loqui liceat, conf. *Jes. xxviii. 21.*) magis laboriosum Deo fuit quam ipsa universi creatio. Atque ita loco *Sabbati*, quod Moses describit, dies hic quam maxime *operosus* Deo efficitur. III. Indubium est diem Sabbati post annuntiationem *πρωτευγγελίᾳ* Messiae sacrum fuisse, & in illius honorem, cum sancta animi exultatione, a sanctis celebrandum; neque admodum repugnabo si placeat Viro Docto locum *Jes. lviii. 13.* ita

Quies  
Dei ab  
opere Re-  
formatio-  
nis septi-  
mo mundi  
die fig-  
mentum  
est, neque  
usquam in  
Scriptura  
Sabbato  
pro funda-  
mento sub-  
sternitur.

verte-

vertere, ut Sabbatum dicatur *oblectatio propter Sanctum Dominum glorificatum*: verum exinde nulla specie concludi potest, promissionem Moysi primi sabbati fundamentum fuisse; quum illa relatio Sabbato, ut aliis quoque rebus, post lapsum demum superacceserit. IV. Scriptura disertis verbis quietem Dei ab opere primæ creationis sex diebus peractæ Sabbato ut fundamentum substernit. *Sex diebus fecit Jehova celum & terram, mare; & quidquid in eis est; & quievit die septimo: propterea benedixit Jehova diei Sabbati & sanctificavit illum. Exod. xx. 11.* Quæ quum perspicua sint, satis, ni fallor patet viam tritam regiamque videri tutiorem nova illa & salebrofa, quam Viro Docto, cujus sententiam nunc examinavimus, calcare libuit. *Καὶ ταῦτα μὲν δὴ ταύτη.*

## CAPUT VIII.

*De Violatione Fœderis Operum a parte hominis.*

In primo protoplastorum peccato fuit violatio totius fœderis.

I. **Q**uamdiu Fœdus hoc, ita sancitum confirmatumque, duraverit, Scriptura non docente, lubentes ignoramus. Et religio nobis est limites temporis, vere ἀδήλυ, temeraria præsumptione definire. Hoc constat, hominem nefario ausu vetitæ sibi arboris fructu vespertem violati se fœderis reum fecisse. Neque leve censerī debet peccatum illud, (quod παράπτωμα, παρακοή, & παράβασις Apostolo dicitur Rom. v.) quia circa rem non magni admodum pretii commissum videri posset. Tanto enim indignior est fœderis transgressio, quanto vilior est id cujus imparata erat a Deo abstinencia, præ quo homo contempsit fœderis promissionem. quod illustrari potest Esavi profanitate, quæ tanto erat major, quanto erat vilius illud edulium, quo vendidit τα πρωτότοκα αὐτοῦ, primogenituram suam Heb. xii. 16. Fuit in eo peccato, uti passim a Theologis observatur, criminum multorum quasi conglomeratio quædam. Ad nostrum autem institutum imprimis facit, ut ostendamus in eo totius Fœderis violationem fuisse. Etenim non solum Arbor ista, quod antea probavimus, Fœderis Sacramentum erat, quo male habito universum fœdus vim passum esse existimari debebat: non solum præceptum circa illam Arborem πειραστικὸν universalis obedientiæ erat; sed & quicquid in fœdere continebatur violatum hac transgressionem fuit. Lex fœderis proculcata est quando homo quasi rerum suarum arbiter, propriæque fortunæ faber, invito Domino, res non suas attrectavit, jugumque Deo debitæ obedientiæ excussit. promissa fœderis fluxæ voluptati vanisque seductoris pollicitationibus posthabita. Et dira illa mors, quam transgressori interminatus erat fœderis Auctor, non ita metuenda animo observabatur quin contra ire auderet. Atque ita Adam עבר ברימ transgressus est fœdus. Hos. vi. 7.

Cur cri-

II. Quod crimen, licet primas in eo Eva tenuerit, in Adamam tamen trans-

transcribi a scriptura solet. *Per unum hominem peccatum in mundum intravit.* men illud in Adamum transcribi solet. *se*, Paulus differit *Rom. v. 12.* quem commate 14. *Adamum* esse dicit. Adamus quippe caput fuit foederis, cum quo, etiam ante conditam Evam, Deus transegisse videtur. Adamus totius generis humani, ipsiusque adeo Evæ ex costa ipsius enatæ, stirps fuit. Neque moris est a fæmina γενεαλογεῖν. Nec foedus plane ruptum censebatur, nisi postquam conjugis crimini suum quoque Adamus addidisset. Tunc primum assumtis iudicis partibus in jus vocabat Creator inconsultum, propriaque jam conscientia prædamnatum, par. Neque ita tamen peccati hoc hæredium a patre Adamo derivandum est, ut Mater Eva ab hac labe excusetur. Quum enim per matrimonium uterque una caro facti sint, eatenus pro uno quasi homine censi possunt. Quin imo Adamus Caput & stirps generis humani, nisi una cum uxore consideratus, non est. Huc facit quod Malachias dicit *Cap. 11. 15.* Deum. *quarentem semen Dei, et non invenit.* Unum par, duos in carnem unam.

III. Is qui hominem ad Apostasiam hanc pellexit, sine dubio fuit Spiritus nequam, qui, sceleratæ mentis diris exagitatus, hominem Deo, Deum homini invidebat, miseriæ suæ in socio malorum infaustum solamen quærens. Hic ut malesuada oratione blandius se homini insinuarer serpenti se involvit, animalium omnium callidissimo, & tunc non minus grato homini quam cæteræ obsequentes bestię. Magnus *Molinæus, Disput. III. de Angelis. §. 44.* hariolatur serpentem hunc fuisse forma conspicuum, igneis oculis, squalentem auro, & notis luculentis interstinctum, denique talem qui Evæ oculos in se converteret: quique ante hac non una apparitione blandis vocibus se Evæ insinuarit, adeo ut facilius fidem ei adhibuerit, jam præconcepta opinione de ejus erga se benevolentia; qui denique talis fuerit, ut ei uni, non integræ speciei, applicari debeat quod Moses de serpentis calliditate dicit. Cui hariolationi & hæc additur, Evam fortassis, (quæ erat ejus simplicitas) nescivisse, an aliquibus animalibus præter hominem sermonis usus a Deo concessus esset. Ulterius procedit *Laurentius Kamirez, pentecontarchi sui Capite 1.* (citatus *Bocharte Hierozoici Lib. 1. Cap. IV. p. 30.*) qui fabulatur, Evam lusitare solitam cum serpente, eoque sinus ornare, & collum & brachia; ideoque monilia hodieque fieri ad serpentum similitudinem, quæ Græci ὄφεις appellant.

Decipere fuit in serpente Diabolus.

IV. Verum enimvero hæc Apocrypha sunt. Non usque adeo nobis debemus placere, ut talia commenta citra Scripturam fingamus. An prima ea fuerit, vel unica serpentis apparitio, nec dixero asseveranter, nec præfracte negavero, sed quæ de insigni aliquo serpente, tam affabre picto fictoque, qui repetito aliquoties commercio Evæ jam se familiarem reddiderat, ut probabilia narrantur, curiosæ mentis suaviludia

Cut per serpentem locus sit.



sunt. Tam nota ubique serpentum calliditas est, ut apud quamplurimas nationes uti *Φρονιμότης* & *χαρακτήρ καὶ ἱερογλυφικόν* propositi sint. Multa ex quibuscunque Scriptoribus ea de re collegit *Bochartus Hierozoï. Lib. 1. Cap. iv.* Pertinet huc Servatoris illud, *Mat. x. 16. Effore prudentes ut serpentes.* Injuriū quoque & contumeliosum matri Evæ est, eam tam simplicem repræsentare, tamque exiguo intervallo a creaturis brutis distantem ut bruta inter & hominem nesciverit distinguere, ignoraveritque non nisi rationalibus creaturis sermonis usum indultum esse. Non convenit tam stolidā simplicitas cum beato protoplastorum statu, neque cum imagine Dei, in Evā quoque tam eximie resplendescēte. Longe simplicius est ut credamus Diabolum hoc sibi organum assumpsisse, quo facilius se uti spiritum prudentem homini commenderet; præsertim quum hoc quasi miraculum, prodigium saltem, accederet, uti serpens humana verba sonaret: cui rei species quædam probabilitatis inerat, Spiritum aliquem huic animali subesse, & quidem extraordinarie a Deo missum, qui hominem de voluntate Dei plenius erudiret, & cujus verbis fidem adstruere hoc ipsum quasi miraculum videbatur. Etenim serpentes linguam habere *ἀχρησιν πρὸς τὴν τῆς φωνῆς ἐργασίαν*, ad sermonis usum prorsus ineptam, *Aristoteles* Observavit. *De Part. Anim. Lib. 11. Cap. xvi11. vide Voss. de Idol. Lib. 1v. Cap. 1v.*

Tentationis hæc  
fuit Methodus.

1. Docet  
dubitare  
de sensu  
præcepti.

2. Luxat  
comminationem.

V. Quandoquidem tentatio hæc Diabolica omnium sequentium tentationum instar quoddam est: non improbable arbitramur Satanam omni calliditate sua usum esse, & se, ut solet, transformasse in Angelum lucis, qui accederet scilicet ad Evam uti eximius momentosæ, & nondum satis perspectæ, veritatis Doctor. Quapropter non aperta fronte statim in præceptum Dei incurrit, sed primo ut dubium proponit, an Adamus sensum interdicti Divini bene perceperit; an fideliter Evæ tradiderit; an ea ipsa quoque in illius interpretationi non fallatur; an saltem id præceptum secundum literam sumptum tam parum probabile non sit, ut supervacaneum haberi queat de sensu magis mystico cogitare. Atque ita docet *διαλογισμὸς καὶ γογγυσμὸς* circa verba Dei; qui meræ fidei pestes sunt.

VI. Mox luxat comminationem præcepto annexam. *Non moriemini*, inquit: Non hoc voluit Deus per mortem intelligere, quod tu pro tua simplicitate suspicaris. An ex arbore tam jucunda, tam suavi, mors penderet? Vel an Deum tibi tam invidum fingis, ut vobis, sociis ac amicis suis, esu tam delicatæ arboris, sub diræ mortis poena, interdicere? Non hoc cum ipsius infinita bonitate, quam tam abunde experimini, non cum speciosæ arboris forma, fructusque venustate, convenit. Aliud ergo huic verbo subesse debet, quod vos non intelligitis. Atque ita eam hæresin incautæ mulieri instillat, quæ prima in mundo audita fuit, dari pecca-

peccatum quod non mereatur mortem, sive, quod idem est, dari peccatum veniale. Principem hanc hæresin hodie etiamnum propugnat in Ecclesia Romana Pseudopropheta Antichristi satelles, qui *cornu habet instar agni, & loquitur instar Draconis. Ap. XIII. 11*, Nihilque adhucdum Satanæ usitatus quam spe impunitatis homines inducere ad crimina.

VII. Addit pollicitationem majoris boni: *Aperientur oculi vestri, & eritis sicut Deus, scientes bonum & malum.* Præsupponit, quod verum erat & sanctum, hominis appetitum tendere ad bonum aliquod perfectius. Id in eo constituit, quod Deo futurus similis, quemadmodum Sanctus Johannes hoc quasi præcipuum *γινώσκον* salutis esse affirmat, quod *ὁμοιωσώμεθα Θεῷ*, 1. Joh. III. 2. Porro similitudinem hanc conjunctam esse dicit cum apertione oculorum & majori luce cognitionis. Nec hoc a dogmatis Scripturarum abludit, quæ nos *Deum visuros* & quidem *sicuti est*, & *cognituros quemadmodum & cogniti sumus*, asseverant. Atque hætenus non male locutus Satanæ videri posset, multa vera, & approbantia se conscientiae, fallaciis suis immiscens, quo facilius sub specie veri Doctoris deciperet. Sed in eo latet fraus. I. Quod doceat, non expectare tempus a Deo præstitutum, sed inconsulta præcipitantia promissam beatitudinem occupare. Equidem non potest homo nimis amare, nimis desiderare perfectionem, modo id faciat per *ἐτοιμασίαν & ἀποκαρδοσίαν*, se ipsum præparando in sancta patientia, & subiectione voluntatis suæ sub voluntate Dei, ne momento quidem volens beneplacitum Dei antevertere. II. Quod viam aviam ad desideratum finem monstret, quasi esus illius arboris medium vel naturale, vel, quod probabilius, morale, ad promissam beatitudinem foret: & quasi Deus hoc instituerit ut requisitum necessarium, sine quo ad arctiorem communionem Dei & perfectiorem sapientiam pervenire non possent, nec eum denique statum obtinere, in quo, malum bonumque ex æquo cognoscentes, nulli amplius deceptioni obnoxii forent. Atque huc eum nomenclaturam hujus arboris detorxisse verisimile est. Quæ meræ præstigiæ erant.

3. Addit pollicitationem majoris boni.

VIII. Tandem ad scientiam ipsius Dei provocat larvatus doctor. *Deus movit.* Plerique interpretes, tam Judæi quam Christiani, qua veteres quia recentiores, ita hæc verba interpretantur, quasi Satan Deum apertæ malignitatis & invidiæ argueret, qui hanc arborem interdixisset ne in societatem gloriæ suæ hominem admittere cogatur. Etsane nulla tam horrenda blasphemia est cujus Satanam pudeat. Hoc tamen hic videndum, an non tam terra blasphemia, tam crude proposita, homini nondum male de Deo sentienti, horrorem potius incussisset, quam ut ulla se probabilitatis specie commendaret. Quid enim? an persuaderi potuisse homini non fatuo credibile est, ex frutice pendere sapientiam

Deum rectem appellat.

& similitudinem cum Deo, ita ut, invito ac ringente Deo per illius esum, homo eam possit acquirere? Deinde Deum, qui non poterat non homini notus esse ut Optimus Maximus, invidere: quod malitiæ & imbecillitatis evidens argumentum est. Denique tantam vim inesse arbori, ut ea gustata Deus hominem non possit interficere. Hæc enim omnia credenda fuerunt ei, qui velit credere, Deum ex invidia arbore illa interdixisse. Non videtur cum calliditate Satanæ convenire, ut hæc tam ἀλλόκοτα, tamque cum κοινῆς ἐννοίας ac innata Dei cognitione pugnantia, homini proponere consultum duxerit. Nunquid convenientius est, ut verbum hoc quasi jurisjurandi formulam accipiamus? Quo sensu & Paulus dixit 2. Cor. XI. 11. ὁ Θεὸς, οἶδεν. Sic ut Deum sermonis sui testem perjurus deceptor appellaverit.

An Adamus deceptus non fuerit, sed solo conjugis amore lapsus sit?

IX. Sunt qui putent Adamum deceptum non esse, ut nimirum vera crederet quæ serpens mulieri persuaserat; sed potius amore conjugis lapsum, cujus animum affligere nolebat: adeo ut, etsi præcepti Dei conscius, & Satanæ fraude intactus, tamen ne eam in isto statu desereret, oblatum ab ipsa fructum libaverit: forte credens, affectum hunc erga sponsam suam, a Deo sibi datam, si quid hic peccatum foret, facile excusaturum. Quo referunt verba Apostoli 1. Tim. II. 14. *Non enim Adam est seductus, sed mulier seducta, ἐν παραβάσει γέγονε.* Sed hæc nos abducunt a simplicitate eloquiorum Dei. Sensus Apostoli planus est, non debere mulierem dominatum in maritum exercere, ob binas, quas urget, rationes. I. Quia Adam prior creatus est, ut Princeps, mox Eva in ipsius adjutorium. II. Quia mulier se faciliorem decipi ostenderit, ut pote quæ, prior seducta, seductionis causa fuerit marito. Qui itidem ut illa seductus est, sed non prior; at per illam. Nihil enim in sacris literis frequentius, quam ut aliquid absolute negari videatur, quod κατὰ τὴν negatum intelligi debet. Pro exemplo sit: Joh. VI. 27. & Phil. II. 4. Nec concipi potest, quomodo Adamus credens hoc quod faciebat sibi à Deo vetitum, credens se hoc facientem promissa felicitate multatum iri, imo in certissimam mortem incursum (hoc enim scire & credere debuit, si Satanæ fraude intactus manserit) tantum ut uxori placeret, se socium criminis fecisset. Certe si credidit transgressionem Divini mandati, contemptum promissæ felicitatis, & temerariam sui in periculum æternæ mortis conjectionem, solo erga conjugem affectu excusari posse, non minus, si non magis, turpiter erravit ac deceptus est, quam ipsa conjux. Neque ex responsione ipsius ad Deum, qua non in serpentis mendacium, sed in mulierem, quam dederat ipsi Deus, culpam rejicit, confici potest, virum non tam errore in intellectu seductum, quam affectui succumbentem, in peccatum ruisse. Hoc enim est ordinem omnem facultatum animæ turbare: quum omnis error in affectu

affectu errorem aliquem in intellectu supponat. Certe hic error erat, & quidem maximus, credere, plus indulgendum esse affectui erga uxorem, quam attendendum mandato Dei. Et iste erat error insignis, putare, hoc charitatis esse, ut te socium præbeas in peccato: quum charitatis sit, peccantem arguere, & qua fieri potest cum Deo in gratiam reducere. Quod utique fecisset Adamus, si abfuisset error. Quoquo te veritas, necesse est ut fatearis eum deceptum fuisse. Id solum apologia sua Adamus voluisse videtur, charam uxorem, ea, quæ serpente Magistro didicerat, probabili oratione ipsi quoque sibi persuasisse, neque se in hoc peccato fuisse primum, nec facile errorem vel deceptionem de ea suspicatum esse, quæ sibi a Deo data erat in adjutorium.

X. Quin circa hunc lapsum protoplastorum Providentia sua occupatus fuerit Deus, dubitari nequit. Constat utique, eum præcognitum fuisse ab æterno: quod nemo negare potest, nisi qui sacrilega audacia Deo omniscientiam suam ereptum it. Imo quum universam salutis nostræ Oeconomiam, quam Deus decreto suo æterno delineavit, & præconcepta maximorum operum series, peccatum hominis supponat, non potuit illud Deo improvisum accidisse. Idque eo clarius est, quia, Petro asserente, Christus *προγεννημένον* præcognitus fuit ante iacta mundi fundamenta, & quidem ut agnus cujus sanguis fundendus erat. 1. Pet. 1. 19. 20. Quod invictum argumentum Socinus nescivit eludere, nisi fabulando, Christum quidem postquam homines peccassent, ad ipsorum peccata delenda venisse, sed venturum tamen fuisse, etiamsi homines non peccassent. At commentum illud, præterquam quod ἀγράφον imo ἀντίγραφον sit, huic loco non quadrat. Nam series verborum Petri non admittit aliam interpretationem quam de præcognitione Christi, tanquam agni maciandi, & effusuri sanguinem suum, ad pretium redemptionis. De qua *ἡμετέραν βελήν καὶ προγνώσει Θεῷ*, juxta quam Christus improbis traditus est, similiter loquitur Act. 11. 23. Quum ergo Christus ab æterno præcognitus fuerit, ut maciandus propter hominum peccata, peccatum quoque hominis præcognitum fuisse necesse est.

XI. Et si præcognitum fuerit prædeterminatum quoque fuit: uti Petrus determinatum Dei consilium & præcognitionem, loco mox citato, conjunxit. Neque præscientia futurorum concipi in Deo potest, nisi consequenter ad ipsius decretum circa illa futura.

XII. Hinc porro evidenti consecutione deducitur, evenire aliter non potuisse, quin homo laberetur, propter infallibilitatem præscientiæ Dei, & necessitatem, quam vocant, consequentiæ. Non patitur enim Divina perfectio, ut decretum aliquod Dei cassum sit, cui eventus non respondeat. Jehovah est dicere, *Consilium meum stabit. Jes. XLVI. 10. illius non evanescunt consilia a longinquo veritas sunt firmissima.*

Lapsus  
Adami ab  
æterno  
fuit præcog-  
nitus.

Et præ-  
determi-  
natum.

Ideoque  
infallibili-  
ter futurus.

*Jes. xxv. 1. Consiliorum suorum firmitatem jure jurando sancivit ipse Deus, ut τὸ ἀμετάθετον τ' ἐχλῆς αὐτῷ. Heb. vi. 17. certius exprimeret. Juravit Jehova exercituum, dicendo, mentiar, nisi quemadmodum proposui tibi ita fuerit, & quemadmodum consilium inivi ita exstiterit. Jes. xiv. 24.*

Quod  
& ex effi-  
cacitate  
concurfus  
Divini  
colligitur.

XIII. Alia quoque ratione demonstrari potest infallibilitas eventus, quoad peccatum hominis; modo attendamus ad subordinationem illam, qua omnes creaturæ in operando a Deo dependent. Fieri enim non potest ut Deus omnipotenti suo concursu ad agendum in creaturam aliquam influat, & illa interea actum suum suspendat. Fieri itidem non potest, ut Deo non influente in bonitatem moralem actionis illius naturalis, creatura sine isto influxu actionem illam moraliter bonam faciat. Hoc ex natura Dei & creaturarum sequitur: quandoquidem ille non frustra potest ad agendum creaturas suas impellere: hæ impulsæ a Deo non possunt non agere. His ita suppositis, uti cuius attendenti liquida sunt, fieri non potest ut homo a ratiocinando, volendo, edendo abstineat, ubi Deus ad ratiocinandum, volendum, edendum, omnipotenti concursu suo influit. Nec magis fieri potest ut homo sancte ratiocinetur, sancte velit, sancte edat, ubi Deus desinit ad istam actionis sanctitatem omnipotenti concursu suo influere. Posito ergo Deum influxisse ad actum naturalem ratiocinandi, volendi, edendi, uti influxit, & non influxisse ad actuum istorum bonitatem moralem, uti non influxit ad illam; aliter evenire nequivit, quin homo eo tempore ageret, & agendo male ageret. Quæ omnia non tantum circa primum hominis peccatum, sed & circa reliqua omnia vera sunt. Hæc quæ evidentis veritatis sint, non video cur non intrepide ea dicamus, præsertim quum ad gloriam Dei faciant, & ad demonstrandam ejus præcellentiam, ac creaturarum non minus in operando quam existendo omnimodam ab eo dependentiam, Si οἱ ἐξ ἐναντίας πελαγίανονίζοντες ea velint σκελῆν, suo id facient periculo, Neque id nobis tanti esse debet, ut, in eorum gratiam, ea quæ vera sunt dissimulemus.

Ueberior  
hujus veri-  
tatis de-  
monstra-  
tio.

XIV. Attamen non abs re erit meditationi huic aliquantisper immorari, ut omnis hujus sententiæ rigor, si quis est, dilucida veritatis demonstratione plane tollatur. Quod ab evidentioribus incipiendo, continua argumentorum ex se invicem enascentium serie, ita nos pertexturos arbitramur, ut vel ab invitis impetremus assensum.

Omnes  
causæ se-  
cundæ ab  
una prima  
in agendo  
dependent.

XV. Ac primo quidem facile mihi datum iri existimo, unam duntaxat causam primam esse; cæteras omnes, tam in existendo quàm in agendo, ita a prima illa dependere, ut sine illa neque esse neque operari queant. Id Paulus Atheniensibus inclamabat *Act. xvii. 18. in ipso vivimus, & movemur, & sumus*. Ne quidem potentissimus orbis Monarcha, qualis

Jesaiæ

Jesaja tempore Assyrius erat, magis se movere potest sine Deo, quam securis sine cædente, vel ferra sine agitante *Jes. x. 15.*

XVI. Suffragatur Scripturæ Ratio. Nam si daretur aliqua causa præter Deum, quæ independenter ab ipso operari posset, sequeretur plura dari prima principia, uti bene argumentatur *Thomas Aquinas, in secundo sentent. distinct. 37. quest. 2. Art. 2.* Cujus discursus, quia & solidus est, & apprimè ad rem nostram facit, non pigebit ipsius verbis adscribere. Hoc, inquit, est de ratione primi principii, ut agere possit sine auxilio prioris agentis, & influentia ejus. Unde si voluntas humana actionem aliquam posset producere, cujus auctor Deus non esset, voluntas humana rationem primi principii haberet.

Quod & ratio comprobatur.

XVII. Quamvis hoc solvere nitantur dicentes, quod voluntas, et si per se possit actionem producere sine influentia prioris agentis, non tamen habet a se esse, sed ab alio, quod etiam exigeretur ad rationem primi principii. Sed hoc videtur inconveniens, ut quod a se esse non habet, a se agere possit; quum etiam per se durare non possit, quod a se non est. Omnis enim virtus ab essentia procedit, & operatio a virtute. Unde, cujus essentia ab alio est, oportet ut virtus & operatio ab alio sit. Et præterea, quamvis per hanc responsionem evitaretur, quod non esset *primum simpliciter*, non tamen posset vitari, quin esset *primum agens*, si ejus actio in aliquod prius agens non reduceretur sicut in causam. Hactenus *Thomas.*

Adversus quam frustra excipitur.

XVIII. Neque solum cum actionibus causarum secundarum concurrat Deus, quando operantur, sed & in ipsas causas influit ut operentur. Quia initium actionum, si non magis, saltem non minus, a Deo dependet, quam progressus. Quam sententiam non infeliciter exprimit *Catechismus Romanus*, ex decreto Concilii Tridentini, jussu Pii V. editus, *parte prima de primo Symboli Articulo, num. 22.* cujus hæc sunt verba: *Non solum autem Deus universa, quæ sunt, providentia sua tuetur atque administrat: verum etiam quæ moventur & agunt aliquid intima virtute ad motum atque actionem ita impellit, ut quamvis secundarum causarum efficientiam non impediat, præveniat tamen, quum ejus occultissima vis ad singula pertineat, & quemadmodum Sapiens testatur: attingat a fine, usque ad finem fortiter, & disponat omnia suaviter. Quare ab Apostolo dictum est, quum apud Athenienses annuntiaret Deum, quem ignorantes colebant: Non longe est ab unoquoque nostrum, in ipso enim vivimus, movemur, & sumus.*

Non influit solum Deus in actiones causarum, sed & in ipsas causas ut agant.

XIX. Porro uti causa secunda agere non potest, nisi acta, & ad agendum ante mota, per prævenientem ac prædeterminantem causæ primæ influentiam: ita etiam influentia illa causæ primæ tam est efficax, ut, ea posita, causa secunda non agere non possit. Nam fingere contrarium aliquem Dei indifferentem, qui demum per cooperationem causa-

Posita ea influentia Creatura non potest non agere.

causarum secundarum determinetur, Deo indignum est; *quasi ageret virga eum qui tollit ipsam* מטה לא תטהר *quasi attolleret baculus non lignum. Jesh. x. 15.* Ita enim proprie verba sonant. Et sensus est, non nisi absurdissime instrumento tribui sublationem & gestationem ejus, quod non est ex tam vili materia ut lignum, sed excellentioris naturæ, nimirum Spiritus. Qua allegoria innuitur illius sententiæ absurditas, quæ Deum in actionibus suis a Creatura determinari statuit.

Quod ex  
perfectio-  
ne Dei de-  
ducitur.

XX. Adversus quam hoc quoque Argumento pugnat *Didacus Alvarez, de auxiliis Divina gratia Lib. III. Disput. XXI. pag. 163.* Modus concurrendi per voluntatem secundum se indifferentem ad istum vel illum effectum; vel ejus oppositum producendum, est valde imperfectus, quum in sua efficacia dependeat ex concursu causæ secundæ, & omnis dependentia importet in re, quæ dependet, imperfectionem quandam, & inferioritatem, respectu illius a quo dependet: ergo non potest talis concurrendi modus Deo attribui, aut ejus voluntati, quæ infinita est, & perfectissima causa, convenire.

Et con-  
trarium  
variis ab-  
surditati-  
bus urge-  
tur.

XXI. Tum etiam hæc remanet irresolubilis difficultas, si causa secunda determinet concursum Dei per se indifferentem, in illa actione determinationis independens a Deo erit; & sic causa prima. Et si in una actione independentem a Deo operari possit, cur non & in altera? si in initio actionis, cur non & in progressu? Quum majus sit a non agendo ad agendum transire, quam actionem inchoatam continuare.

Omnia  
vera sunt  
in actioni-  
bus vitio-  
sis in quan-  
tum action-  
es sunt.

XXII. Quæ, quum universalis veritatis sint, obtinent etiam in liberis istis Creaturarum rationalium actionibus, quibus moralis malitia inhæret: ut scilicet Creaturæ ad eas actiones efficaci Dei motioni prædeterminentur, in quantum actiones sunt; secundum earum esse physicum. *Pulchre Thomas, loco mox citato.* Quum actio peccati sit ens quoddam, non secundum quod negationes & privationes entia dicuntur; sed etiam secundum quod res in genere existentes entia sunt, eo quod & ipsæ actiones in genere ordinantur; sequeretur, quod si actiones peccati a Deo non sunt, aliquod ens essentiam habens a Deo non esset: & ita Deus non esset universalis causa omnium entium. Quod est contra perfectionem primi entis.

Ad quas,  
qua tales,  
voluntas  
humana  
etiam ef-  
ficaciter  
prædeter-  
minatur.

XXIII. Neque modo excitat & prædeterminat Deus voluntatem hominum ad actiones vitiosas, in quantum actiones sunt, sed & ita excitat, ut fieri non possit, quin ita acta agat. Si enim posito illo influxu Dei fieri posset, ut voluntas creata non ageret, sequerentur duo hæc absurda: I. Voluntatem humanam posse eludere Providentiam Divinam, & influxui Dei vel dare vel auferre efficacitatem suam. II. posse in creatura esse actum aliquem, & quidem tanti valoris quo influxui Dei resistitur, qui tamen a Deo non dependeat. Neque enim, opinor, dicent

dicent Deum concurrere ad productionem illius actionis, qua influxui suo resistitur. Concursum autem indifferentem, determinandum per liberum Creaturarum arbitrium, supra refutavimus.

XXIV. Pergo. Liberum hominis arbitrium excitatum ad actiones, secundum suum esse physicum, non potest iis dare bonitatem moralem, & spiritualem, nisi Divina Providentia influente & concurrente ad istam bonitatem. Patet id ex antecedentibus. Nam quum bonitas moralis superior & perfectior entitatis gradus sit sola entitate physica, & homo in entitate physica actionum suarum a Deo dependeat; necesse est, ipsum multo magis a Deo dependere, in producenda bonitate morali actionum suarum; ita ut illius gloria in Deum ut causam primam refundi debeat.

Quæ tamen sine Deo actionibus suis non potest dare bonitatem moralem.

XXV. Omnes hæ veritates, ita demonstratæ, si simul jungantur, eam gignunt conclusionem, quam supra §. XI II. jecimus. Si enim omnes Creaturæ in agendo a Deo dependeant; si non modo cum ipsis concurrat quando agunt, sed & ad agendum eas excitet; si illa excitatio tam sit valida ut ea posita non possit non sequi effectus; si Deus eadem illa efficacitate influat in actiones vitiosas, in quantum actiones sunt; si creatura actionibus suis debitam bonitatem moralem sine Deo dare non possit: sequitur infallibiliter, quod Adamus, Deo ipsum ad intelligendum, volendum, edendum movente, non potuerit non intelligere, velle, edere; & Deo non dante bonitatem actionum istarum, non potuerit bene intelligere & velle. *ὁ πρὸς θεὸν δὲ ἔσται.*

Conde-  
so.

XXVI. Non tamen hinc sequitur hominem obligatum fuisse ad simpliciter impossibile: nam ea quam astruximus infallibilitas & necessitas, consequentiæ duntaxat fuit, & eventus. Deus eas vires homini largitus fuit, quibus potuisset tentationem superare. Ita tamen ut facultas illa talis fuerit, qualis creaturam decet: quæ quum sufficiens sit in suo genere, ad actum tamen exire non potest, nisi præsupposito concursu Dei. Quis negaverit homini inesse facultatem locomotivam, eamque in suo genere adeo sufficientem esse, ut in ordine ad hominem nihil amplius requiratur? Sed & quis asseveraverit evenire posse, ut homo per locomotivam illam se actu moveat independentem a Deo, ut a causa prima, nisi se Dei primitatem & hominis subordinationem ignorare prodat? Similiter dicemus, Deum homini sufficientes vires ad implendam omnem iustitiam concessisse; adeo ut nulla præterea gratia, quam vocant, habituali opus haberet, ita tamen, ut omnis illa facultas non nisi dependentem a Creatore & ipsius influxu operaretur. Quod supra quoque Cap. II. §. 13. monuimus.

Non tamen hinc sequitur hominem obligatum fuisse ad simpliciter impossibile.

XXVII. Multo minus dici debet hominem per supra memoratos Providentiæ Divinæ actus ad peccatum coactum fuisse. Nam iudicio & OEC. FOED. M volun-

Aut coactum fuisse ad peccandum.



voluntate peccavit, quibus libertas, in quantum coactioni opponitur, tam propria, imo essentialis est, ut nec iudicium nec voluntas sint, si non sint libera. Accedit, quod, quum Deum præordinasse, ac infallibiliter præcivisse, statuamus, ut homo libere peccaret, non potuerit peccans aliter quam libere peccare: nisi præordinationi ac præscientiæ Dei eventum non respondere velimus. Et tantum abest, ut per decretum Dei liberati hominis in agendo quicquam delibetur, ut ex adverso libertas illa nullum certius fundamentum quam infallibile illud Dei decretum habeat.

Minime  
omnium,  
Deum Au-  
ctorem  
peccati  
esse.

XXVIII. Deum peccati Auctorem statuere, tam tetra est blasphemia, ut in nullius hominis Christiani animum sine horrore venire queat. Verum quidem est, Deum hominem mutabiliter bonum creasse, peccatum ipsius infallibiliter prævidisse, peccati illius permissionem præordinasse, homini sufficientes quidem vires ad peccati fugam dedisse, sed quæ sine ejus influxu non operarentur; interim in facultates hominis influxisse ad actiones naturales, non influendo in bonitatem moralem istarum actionum. Cuncta hæc eventu magistro discimus. Sed non minus verum est, Deum Auctorem peccati nec esse, nec quoquo modo fieri posse. Et etiamsi nobis difficile, quin impossibile esset, veritates has secum invicem conciliare; non tamen propter id quod obscurum est, negari debet id quod manifestum est. Utramque veritatem sancte profitebimur, quia Veritas, & Deo digna est, neque altera alteram evertere potest; licet in hac cæcitate & ignoratione Dei nequeamus pervidere, quomodo omnes illæ veritates amice conspirent. Hæc non est sola nec unica difficultas, cujus solutionem sobrie Θεολογῶν reservabit futuro seculo.

Per per-  
missionem  
peccati  
Deo nata  
est occasio  
ostendendi  
multifari-  
as virtutes  
suas.

XXIX. Hoc certum est per permissionem illam peccati Deo occasionem natam esse ostendendi multiformes virtutes suas. Egregius ea de re locus exstat apud *Clementem Strom. Lib. 1.* quem non pigebit huc transferre. Μέγιστον τῆς Θείας προνοίας, τὸ μὴ ἄσσει τὴν ἐξ ἀποάσσεως ἐκχρῖσθαι φυεῖσαν κακίαν, ἀχρηστον καὶ ἀνωφελῆ μένειν, μηδὲ μὴν κατὰ πάντα βλαβεράν αὐτὴν γενέσθαι. Τῆς γὰρ Θείας σοφίας καὶ ἀρετῆς καὶ δυνάμεως ἔργον ἐστὶν ἡ μόνον τὸ ἀγαθοποιεῖν. φύσις γὰρ, ὡς ἐπεῖν, αὐτὴ τῇ Θεῷ, ὡς τῇ πυρρὸς τὸ θερμαίνειν, καὶ τῇ φωτὸς τὸ φωτίζειν, ἀλλὰ κακίον μάλιστα, τὸ διὰ κακῶν ἐπινοηθέντων πρὸς τιναν, ἀγαθόν τι καὶ χρηστὸν τέλος ἀποτελεῖν, καὶ ὠφελίμως τοῖς δοκῶσι φασύλοις χρηθεῖν. Maximum hoc Divina Providentia opus est, non sinere ut malitia qua ex voluntaria defectione oritur inutilis maneat, aut nihil nisi noxia sit. Est enim Divina sapientia & virtutis potentia non solum esse recte agere: (quippe quod natura, ut ita dicam, Dei est, sicut natura ignis est calefacere, & natura lucis lucere) sed hoc magis, per

per ea quæ male a quibusdam cogitata sunt ad bonum probumque finem contendere, & utiliter uti iis, quæ prava videntur.

XXX. Hoc denique notandum restat: quod, quum Adamus in hoc foedere ut caput totius generis humani staret, ipso labente omnes posterius cum ipso lapsi esse, & foedus Dei violasse censeantur. Id Apostolus diserte docet. *Rom. v. 12. Per unum hominem peccatum in mundum intravit, & per peccatum mors, atque ita mors ad omnes pervenit, id est, quia omnes peccaverunt.* Adamo labente omnes posterius in ipso lapsi sunt.

XXXI. Ut sensus Apostoli evidentius pateat, hæc observanda sunt. I. Clarum satis est, nisi præjudiciis fascinato, Apostolum, quum omnes peccasse dicit, de actu peccandi, vel peccato actuali, loqui. Ipsa vox peccare actionem notat. Aliud est peccare, aliud peccaminosum esse, si ita loqui liceat. II. Quum omnes peccasse asserit, sub universaliitate illa eos quoque comprehendit, qui nullum actuale peccatum proprium ac personale habent, quique, uti ipse dicit, non peccarunt in similitudine transgressionis Adami. *1. 14.* Itaque illi quoque rei sunt, ut ex ipsorum morte patet, peccati alicujus actualis. Quod quum proprium ac personale ipsorum non sit, Adami peccatum esse debet, quod justo Dei iudicio ipsis imputetur. III. Iis verbis, *id est, quia omnes peccaverunt*, rationem illius asserti reddit, quod antea jecerat, unius hominis peccato mortem ad omnes pervasisse. Hoc, inquit, mirum videri non debet: omnes quippe peccaverunt. Quod si intelligi deberet de personali aliquo singulorum peccato, vel actuali vel habituali, non fuisset sapiens ratiocinatio, Apostolo digna; sed merus lusus. Argueret enim uno unius peccato, omnes mortis reos factos, quia singuli, præter unum illud & primum peccatum, quisque suum personale habent. Quod est *ἀναπόλυστον*. IV. Scopus Apostoli est illustrare doctrinam justificationis, ante a se traditam. Cujus summa in eo consistit: quod Christus vi foederis gratiæ omnem justitiam pro electis foederatis suis consummaverit, ita ut obedientia illa Christi in ipsorum rationes referatur, illique propter eam non minus a reatu & dominio peccati absolvantur, quam si ipsi in propria persona omne illud, quod Christus fecit ac passus est, fecissent & passi fuissent. Hac in re Adamum Christi typum fuisse docet, scilicet ex adverso respondentem. Oportet ergo ut Adami peccatum, vi foederis operum, ita referatur in rationes posterorum, qui eodem cum ipso foedere comprehensi erant, ut propter illius peccati meritum ipsi nascantur justitiæ originalis exsortes, & mortis omnigenæ rei, non minus quam si ipsi, in propria persona id fecissent, quod fecit Adamus. Nisi id docuerit Apostolus, profecto incassum verba fudit.

XXXII. Postrema hujus commatis verba *id est, quia omnes peccaverunt*, non uno modo a Theologis explicantur, quia Græca phrasis varios ad-

Quid valeat  
id est.

mittit significatus. Explicationes præcipuæ tres sunt. I. Nonnulli verunt *Quatenus*, vel, *eo quod omnes peccarunt*. Nam eam vim τὸ ἐφ' ᾧ frequenter habere in confesso est, & ita sumi videtur 2 Cor. v. 4. ἐφ' ᾧ & θέλομεν ἐκδύσασθαι, *eo quod volumus exui*, quasi scriptum esset, quomodo excudit *Frobenius*, ἐπειδὴ, quamquam *Beza* hic in alia omnia eat. II. Alii observant explicari posse, *cum quo* i. e. *quo peccante*, omnes peccarunt. Nam ἐπὶ in simili constructione tempus notat, quo aliquid factum est. Sic Græce dicimus, ἐπ' ἐμοὶ μειρακίῳ τὸ το γέγονε. *Me puero hoc factum est*, & ἐπὶ κυνὶ tempore canicula. & Apostolus Heb. ix. 15. ἐπὶ τῇ πρώτῃ διαθήκῃ. *durante priori fædere*. Et tum sensus esset, Adamo peccante, omnes peccasse judicati sunt. III. *Augustinus*, & Orthodoxi plerique, explicarunt, *in quo*. Cui frustra obnititur *Erasmus*, dictans τὸ ἐπὶ quoties declarat *super* aut *in*, paterno casui jungi, ἐπ' οἷα, καὶ ἐπὶ τῆς χάρας, item quum tempus indicat, ut ἐπὶ καίσαρ ͵Οκταβίῳ. Qua in re mire fallitur. Nam, ut de tempore jam taceam, certum est τὸ ἐπὶ etiam dandi casui junctum sæpe *in* notare. ut Mat. xiv. 8. ἐπὶ πίνακι. *in patina*, & in hoc ipso Pauli contextu, commate 14. ἐπὶ τῷ ὁμοίωματι. *in similitudine*. Et quod magis est, τὸ ἐφ' ᾧ aliquando aliter explicari non potest, quam *in quo*. Ut Mat. ii. 4. ἐφ' ᾧ ὁ παραλυτικὸς κατέκειτο, *in quo Paralyticus jacebat*. & Luc. v. 25. ἄρας ἐφ' ᾧ κατέκειτο. Neque id in sacris modo literis obtinet, sed & Aristotelem eodem sensu hac phrasi usum esse, ex *Budæo* discere potuisset, in *Commentariis Lingua Græca* p. 506. ἐφ' ᾧ μὲν ἡ θήλεια, ἐπὶ θάλειῳ δ' ὁ ἄρρην ἐτωάζει. *Alteri femella, alteri masculus incubat*. Nos quidem nullam harum explicationum absonam existimamus, quum ferme eodem recidant. Postremam tamen, quia efficacissima est, & scopo Apostoli convenientissima, cæteris præferimus. Nam malus mos est id agere in interpretatione Scripturæ, ut quam minimum dicere videatur. Ubi nihil obstat, verba sumenda sunt in emphasi.

Grotii  
interpreta-  
mentum.

XXXIII. Sane prævaricatur *Grotius*, quando in hunc quem præ manibus habemus locum, ita commentatur. Frequens est metonymia Hebræis dicere *peccatum* pro *pæna*, & *peccare* pro *pænam subire*: unde & procedente longius figura, per μεταλήψιν καὶ siue *peccare* dicuntur, qui *malum* aliquod, etiam *sine culpa*, ferunt, ut Gen. xxxi. 36. & Job. vi. 24. Ubi καὶ vertitur per δυσπραγίαν. ἐφ' ᾧ hic est *per quem*, quomodo ἐπὶ cum dativo sumitur Luc. v. 5. Αἴ. iii. 16. 1 Cor. viii. 12. Heb. ix. 17. *Chrysostomus* hoc loco. ἐκείνῃ πεσόντῃ, καὶ οἱ μὴ φαγόντες ἀπὸ τῆς ξύλης γεγόνασι παρ' ἐκείνῃ πάντες θνητοί. Haftenus *Grotius*.

Quod re-  
fatur.

XXXIV. Aliud egisse videtur *Vir Illustris* quum hæc scriberet; adeo  
ἀπρὸς-

*ἐν τοῖς λόγοις αὐτῶν* cuncta sunt. I. Etiam si fateamur, peccatum metonymice aliquando *penam* peccati denotare, negamus tamen ex usu Scripturæ esse, ut is qui poenam, etiam sine culpa, subit, *peccare* dicatur. Frequens id esse dicitur Grotius, sed nullo id probat neque probare potest exemplo; quod certe audax est & temerarium. *Crellius* ipsius de Satisfactione Christi librum impugnans, adducit Bathsebæ ad Davidem dictum & *ergo & filius meus Salomon peccatores*, 1. Reg. 1. 21. id est, inquit, *tantum peccatores tractabimur, sem perdemur*. Sed aliud est *peccatorem*, vel *peccatum* etiam esse, aliud *peccare*. Prius de Christo quoque dicitur 2. Cor. v. 21. posterius nequaquam. Tum etiam peccatorem esse, non notat allegato loco subire poenam, sine ullo ad culpam respectu, sed haberi pro reo affectati regni ac læsæ Majestatis, & ut talem puniri. Testimonia a Grotio producta tam sunt aliena, ut ne inspecta quidem Virro magno videri queant. Nam, neque in Hebræo *חטא* peccare, neque in Græca versione *δυσπραγίην* reperitur, neque circumstantiæ patiuntur, ut quod ibi de peccato vel errore exstat de pœna explicetur. Vel aliud ante oculos habuisse Grotium, vel errorem typographicum hic esse, necesse est. II. Etiam si daremus, quod tamen minime damus, peccare aliquando tantundem esse ac subire poenam, tamen hic idem significare non potest, quia Apostolus hic continuo mortem, ut poenam, a peccato, ut causâ meritoria, distinguit, *διὰ τῆς ἀμαρτίας ὁ θάνατος*. Accedit, quod hac Grotii interpretatione, oratio Apostoli, cujus sapientiam supra ostendimus, in insulsam *ταυτολογίαν* mutetur. Quid enim hoc est dicere, *ita mors pervenit ad omnes, per quem omnes moriuntur*? III. Non omni suo judicio utitur Grotius probaturus τὸ ἐφ' ᾧ significare *per quem*, Certe *Luc. v. 5. ἐπὶ τῷ ῥήματί σου*, non significat *per verbum tuum*, sed, *ad verbum tuum*, sive, ut *Beza* transtulit, *ex tuo jussu*. Et *Heb. 12. 17. ἐπὶ νεκροῖς* non significat *per mortuos*, sed *in mortuis*, & circumstantiam temporis potius notat. *Act. 13. 16.* paulo judiciosius adducitur. 1. Cor. VIII. 11. non inepte. Sed potuisset urgeri, quod *ἐπ' ἐμοί ἐστι* significet *per me fiat*, ut sensus sit, *per quem stetit ut omnes peccaverint*. Quæ interpretatio non est plane spernenda. Ita Scholiastes *ἐφ' ᾧ ἁδ' αὐμ, δι' οὗ*. Et si nihil aliud subesset, hanc phræos istius explicationem facilis Grotio largirer. IV. Explicari convenienter Divinæ justitiæ non potest, quomodo sine crimine in Adami posteros transierit. Solide & eleganter argumentatus est *Prosper* contra *Collatorem* Cap. XX. *Nisi forte dicatur, in Ada posteros penam transiisse, non culpam, quod omni modo falso dicitur.. Nimis enim impium est, hoc de Dei sentire justitia, quod a pravariatione liberos cum reis volueris esse damnatos. Patet ergo culpa, ubi non latet pœna, & societas peccati convincitur de communione supplicii: ut quod est humana*

Peccare non significat subire poenam, sine respectu ad peccatum.

Apostolus hic peccatum a pœna distinguit.

An ἐφ' ᾧ valeat per quem?

Pœna sine culpa juste in posteros transire non potest.

Chryso-  
stomi sen-  
tentia.

*miseria, non de institutione Creatoris, sed de retributione sit Judicis.* Si ergo per Adamum omnes poenæ obnoxii sunt, in Adamo etiam omnes peccasse necesse est. V. Male etiam huc trahitur *Chrysostomus*, quasi solam mortis communionem ab Adamo derivet, sine communionem culpæ. Eadem enim homilia, ex qua hæc verba citantur, ita infit: ὅταν λέγῃ σοὶ ἰησοῦς, πῶς ἐνός κατορθώσαντ' τῷ Χριστῷ, ἡ οὐκ ἐμείνη ἐσῶθαι; δυνήθης αὐτῷ λέγειν, πῶς ἐνός παρακρίσαντ' τῷ Ἀδάμ, ἡ οὐκ ἐμείνη κατεκρίθαι; *Quum dixerit tibi Jodans, quomodo unius Christi virtute mundus servatus est? Potes & dicere, quomodo & uno inobediente Adam, mundus damnatus est?* Ubi observandum. I. Quod miseria hominum supponat a Deo, ut Judice, procedere, qui damnare juste non potest, nisi propter peccatum. II. Quod damnationem mundi per Adami inobedientiam contendat cum servatione mundi per Christi recte facta. Ea autem imputantur fidelibus, & ipsorum esse censentur. Ergo & Adami peccatum simili modo cunctis imputatur. Quomodo etiam primi parentis infirmitatem, suam esse dicebat *Nazianzenus*, citatus *Vossio Hist. Pelag. Lib. 11. Part. 1. p. 163.* Θεῷ τ' ἐμῆς ἀδενείας. Ἐμὴ γὰρ τῆ προπάτορος. *O infirmitatem meam! Nam meam duco primi parentis infirmitatem.*

Primum  
duntaxat  
Adami pec-  
carum po-  
steris im-  
putatur.

XXXV. Sed hæc de primo duntaxat Adami peccato intelligimus. Neque enim assensum impetrant, qui παραδόξως κατηχῶσι cætera quoque Adami delicta nobis imputari: quum Paulus de hac materia disserens *Rom. v.* passim παραπτώματι in singulari, imo differte π. 18. ἐνός παραπτώματι unius transgressionis meminerit, per quam reatus ad omnes pervenerit. Et ratio manifesta est. Etenim rupto semel fœdere, definebat Adamus fœderale caput esse, & quicquid imposterum peccabat, peccabat sibi, non posteris: nisi quatenus Deo placet peccata majorum aliquando in filios & nepotes vindicare. In quo Adamus jam nihil singulare præ aliis hominibus habet. Atque hæc de violato ab homine fœdere Dei sufficiant.

## CAP. IX.

### De Antiquatione Fœderis Operum a parte Dei.

Suffra Cc-  
pitis.

I. Postquam de violatione Fœderis Operum per peccatum hominis quantum satis est, diximus; nunc, an, & quatenus, ab ipso Deo evacuatum, vel antiquatum sit, videamus.

Multa  
in hoc fœ-  
dere æter-  
næ verita-  
tis sunt.

II. Ac primo quidem loco id nobis certum est, multa in hoc fœdere immotæ ac æternæ veritatis esse: quæ hoc ordine enarramus. I. Præcepta fœderis, excepto uno πειρασικῷ in quocunque statu, omnes & singulos ad perfectam officii præstationem obligant. II. Vita æterna, fœdere promissa, non potest alia conditione obtineri, quam conditio-  
ne

perfectæ & omnibus numeris consummatæ obedientiæ. III. Nulla inobedientia vindictam Dei effugit, semperque poena peccati mors est. Quæ tamen axiomata non excludunt sponforem, qui hominis loco vadium obeat, poenam luendo, & conditionem præstando. Sed deo nondum dicendi tempus est. De singulis ordine differamus.

III. Profecto pestilentissima hæresis est, hominẽm peccatorem, & debitorem pœnæ, non obligari ad obedientiam. Etenim nullo hominis maleficio Deus suo jure, sua ὑπεροχῇ, excidere potest. Hoc autem jus Dei est, hoc ὑπεροχῇ Dei importat, ut homo, omnisque adeo creatura, Deo omni modo subjiçiat, in quantum subjiçi potest. Porro creatura rationalis, qualis homo peccator est, & manet, non tantum potest subjiçi Dei Providentiæ Naturali, sed & Morali; nec tantum justitiæ Vindicativæ, sed & Potestati Legislatoriæ; quumque possit illi subjiçi quoad obligationem obedientiæ, debet etiam subjiçi: quandoquidem omnis possibilis subjeçtio de essentia creaturæ est.

Peccator adhuc obligatur ad obedientiam.

IV. Si peccator puniendus Legi non subesset, non posset amplius peccare: atque adeo uno peccato a porro peccandi periculo se præstitisset immunem. Ubi enim nulla Lex obligat, ibi nulla transgressio est, nullum peccatum, quod a Johanne per ἀνομίαν definitur. 1 Joh. 1. 11. 4. Nihil autem absurdius cogitari potest, quam peccato hominem sibi acquiçivisse ἀναμαρτίαν.

Alias peccare amplius non posset.

V. Porro ex hac hypothesi peccatores omnes pares essent, & pœna maneret universos. Quod Rationi sanæ & Scripturæ repugnat, quæ toties peccatorum & pœnarum inæqualitatem inculcat.

Et omnes peccatores pares essent.

VI. Apertus hic locus est, Gal. v. 3. qui confirmat, ne quidem per novi Foederis Evangelici promulgationem, foedifragos, qui extra Christum sunt, liberari obligatione legis illa, quæ flagitat perfectam obedientiam, sed manere debitores totius legis servanda.

Peccatoris obligatio ex Gal. 5. 3. adstruitur.

VII. Quin imo in foro humano pactum penale censetur pactum adjectum, addens principali conventioni, ac consequenter obligationem priorem non abrogare, sed cumulare. Multo minus in foro Divino, obligatio ad pœnam, orta ex foederis violatione, potest abrogare primariam & principalem obligationem legis, qua foedus sancitum fuit.

Et ex Civili jure illustratur.

VIII. Pessime ergo Arminius (in epistolis præstantium, virorum p. 173.) negat, Deum, quum homo decidisset e statu integritatis, & pœnæ obnoxius factus esset, etiam obedientiam ab homine postulasse pro jure suo, utpote a quo Deus non exciderit propter inobedientiam hominis. His præsertim pugnans argumentis. I. Quia in statu peccati quum est homo, non est foederatus Dei: itaque nullus inter Deum & hominem contractus est, quo ille obedientiam postulet: nam quo præmio sanciet legem, & qua poena, quum homo propter inobedientiam jam præsti-

Arminii Sententia.

præstitam a præmio exciderit & pœnæ sit obnoxius? II. Quum Deus propter peccatū ademerit homini legem præstandi vires atque potentiā, eo ipso significavit se nolle ejus præstationem porro ab homine postulare, nisi redintegratis viribus illius, imo ne jure quidem potuisse. Si dicat aliquis, ergo poteritne creatura a jure Creatoris eximi, ut non teneatur obedire illi? Respondet, imo sane, si creatura sit maledicta, & Creator indignam æstimet a qua petat obedientiam: summæ enim pœnæ loco est, creaturam quæ peccavit ita sub peccato concludere, ut nolit ab illa obedientiam sibi præstari. Hoc enim signum est iræ irreconciliabilis; scilicet isto statu. III. Ipsa lex quæ præstanda fuit, talis est, ut non deceat illam præstari a peccatore extra gratiam Dei constituto. Jubetur Deum habere pro suo Deo; illum amare, honorare, revereri, in illo fiduciam collocare, illius nomen reverenter usurpare &c. An verisimile est hujus modi obedientiam postulari ab eo, qui est in maledictione Dei? Hactenus *Arminius*; cujus argumenta digna sunt ut non indiligerentur excutiantur.

Falsum  
est, omnem  
obligatio-  
nem ex  
Fœdere  
provenire,

IX. A primo ordiamur. Multa in hoc argumento supponit *Arminius*, quæ minime damus: Omnem obligationem hominis ex fœdere provenire: legem non obligare nisi quatenus præmio vel pœna sancitur: Deum non posse pœnam majorem interminari, postquam homo semel pœnæ obnoxius factus est: quæ cuncta si negaverimus, uti negamus, imo si falsa esse evicerimus, uti evicturos speramus, nulla roboris species argumento huic supererit. Obligatio hominis ad obedientiam non fundatur primo & principaliter in fœdere, sed in ipsa Dei eminentissima Primitate, Majestate, Sanctitate, cui subesse, quam revereri, ad cujus exemplar se componere, creatura rationalis, eo ipso quod creatura rationalis est, omnino debet. Non esset Deus absolute Primus, si creatura aliqua rationalis exstaret, quæ non obligaretur ab ipso actionum suarum regulam arcessere, adeoque in regendis actionibus suis non esset a Deo secunda. Non esset Deus summa Majestas, si creatura aliqua rationalis exstaret, non obligata ad eam agnoscendam, colendam, reverendam, eique se omni submissione subjiciendam. Non esset Deus perfecta Sanctitas, si creatura aliqua rationalis exstaret non obligata ad agnitionem Sanctitatis istius ut imitatione sua dignissimæ. Quum Deus talis sit, non potest nolle ut pro tali habeatur. Non potest a creatura pro tali haberi, quin simul creatura se ad obsequium Primi, Maximi, Sanctissimi Numinis obligatam fateatur. Quod supra *Cap. III. §. VIII.* fusius explicavimus probavimusque. Porro nec id verum est, legem non obligare nisi propter Sanctionem præmii pœnæve. Princeps legis obligatio ab Auctoritate Legislatoris provenit; cui accedit sancta omnium præceptorum æquitas. Etiam si Deus nullo præmio,

Et legem  
non obli-  
gare, nisi  
propter  
Sanctio-  
nem præ-

mio, nulla poena, legem suam fancivisset, non minus obligati fuisset ad obedientiam. Ne solus amor nostri sit, quo ad præmium consequendum, poenam fugiendam, ferimur, qui nos Deo obsequentes faciat: Reverentia Numinis, & amor Sanctitatis primas hic teneat. Denique & hoc falsum, nullam ulteriorem poenam infligendam restare, postquam homo semel rupto foedere poenæ obnoxius factus est: dantur enim in condemnatione gradus. Et si verum foret, non tolleretur obligationem ad obedientiam. Non liceret latroni, ad vivicomburium, vel crurifragium, vel dirissimam, quæ ab homine excogitari potest, mortem, damnato, novum interim parricidium committere. Quippe, uti diximus, obligatio non primo nec præcipue ex poenali sanctione, sed ex Legislatoris Auctoritate procedit.

X. Ad secundum respondeo. I. Ipse homo non Meritoria duntaxat, sed & Physica causâ impotentiae suæ est, quam suo sibi maleficio conciliavit: veluti si petulans & nequam servus candelam extinxerit, ad quam Domini sui negotia procurare debebat, vel liberalius epotis poculis ineptum heri sui se ministerio sponte reddiderit. Quo facto herus ille jure suo nequaquam excidit, quo minus omnia sibi debita ministeria exigere possit, & ob ea non præstita servum istum nequam punire. II. Etiam si Deus, ut justus judex, homini ademisset vires legem præstandi, non tamen propterea non vult, aut jure non potest, præstationem ejus ab homine postulare. Potest hoc jure, quia nullum hominis maleficio, juste a Deo punitum, jus Dei in hominem minuire potest: alias in hominis potestate foret jus Dei vel amplius vel æquius facere; quod immutabili perfectioni & beatitudini Dei repugnat. Vult etiam ob sapientes rationes; quarum hæc una est, ut homo peccator ea via irreparabilis miseriæ suæ convincatur, videns ea a se jure postulari, quorum præstationem impossibilem sibi fecit. Quumque non minus nolit Deo obedire quam nequeat, eo magis ἀναπολόγητος est, quo clarius ei legis debitum inculcatur. III. Absurdum dicitur, Deum hoc pro summa poena rebellicreaturæ infligere, ut nolit ab illa obedientiam petere. Verum quidem est, creaturam debere in parte felicitatis suæ ponere, quod obsequii gloria sibi relicta sit. Et poenacreaturæ est, si justo Dei judicio ad id damnetur, ut nunquam quod se deceat, quod Deo gratum sit, præstet. Sed aliud est, quod Deus obedientiam ab illa postulare nolit. Si Deus non postulet obedientiam, creatura non debet obedientiam. Si non debeat obedientiam, non male agit non obediendo: si non obediendo non agat male, non potest hoc ipsi summæ poenæ loco esse. Atque ita sua ipse vineta cædit Arminius. Qui bene dixisset, si dixisset, summæ poenæ loco creaturæ est, justo Dei judicio damnatam esse ad non præstandam illam obedientiam,

mili poenæ  
ve.

Et nullam poenam ulteriorem infligi posse homini foedifrago.

Etiam ab homine impotente Deus jure obedientiam exigere potest.

Non infligit hoc Deus creaturæ rebellicreaturæ, ut nolit obedientiam ab ea petere.



Sine contradictione fingi non potest Deum Creaturæ dicere, nolo ut mihi obedias.

Absurdum est creaturam per peccatum jure Creatoris eximi.

Nihil in lege Dei est ad quod via & ordine præstandum peccator non obligetur.

Etiā peccatorem Deo confidere lex jubet.

Eumque pro Deo suo habere.

tiam, quam Deus juxta & sancte ab ea postulat. IV. Si subtilius cum audaci Disputatore agere velimus, dicemus contradictionem esse in adjecto, quum Deum fingit Creaturæ dicentem, nolo ut obedientiam mihi præstes. Qui enim de obedientia loquitur, non solum jus aliquod præsupponit, juxta quod obedientiam exigere posset, sed & mandatum præsupponit, quod obedientiam exigat, & cui obediendum esset. Qui ex jure mandatum tale dat, ille vult sibi obedientiam præstari. Si aliud mandatum det, cujus summa sit, nolo ut mihi obedias, sibi ipsi contradicit: imo naturæ mandati contradicit, quæ in obligatione ad obedientiam consistit. V. Absurdissimum omnium absurdorum est, creaturam peccato suo consequi, ut eximatur jure Creatoris, nec teneatur ei amplius obedire. Id si verum sit, vere dixit deceptorum Alpha, homines fructu vetito vespentes fore sicut Deus. Qui jure Creatoris est exemptus, sub nullius jure est, sui juris est, denique Deus est. Id enim est Deum esse, sui juris esse. *φῆν ὁ φλυαρίας!*

XI. Tertium argumentum non minus debile est. Nam I. Summa legis est, Deum amare toto corde, tota anima, omnibus viribus, & proximum sicut se ipsum. Id quemadmodum æquum est in se, non potest non ut æquum omni homini a Deo proponi, quum ipsa, etiam improbissimi cujusque, conscientia Deo in hoc attestatura sit. Quid? An non certum est Deum esse summum bonum? Consequenter, summe amabile? An potest nolle, ut quisquam hominum eum pro summo bono habeat, id est pro tali qualis est, & qualis non potest non esse? An non summa Majestas est? An potest nolle, ut veluti talis submississima reverentia honoretur? II. Instat Arminius, lex jubet quoque Deo confidere. Recte, inquam ego; quid enim verius, quid decentius est, quam hominem, etiam peccatorem, obligari ut Deo testanti credat? ut ei hanc gloriam det, quod impium solum justificare possit, nec possit tantum sed & velit? ut eum quærat etiam iratum? ut fitiat ac efuriat justitiam ejus, ut velit studeatque esse ad gloriam ipsius, nempe ut Deus in ipso glorificari & admirabilis esse possit per justificationem & glorificationem ejus gratuitam? ut non negligat salutem certissimam a Deo ostensam? & Servatorem non contemnat, nec ei illudat? Hoc est Deo confidere. Et quisquam pius dubitabit, an verisimile sit, imo an verissimum sit, hominem hætenus in maledictione Dei constitutum ad id obligari? III. Instabit, se, quum de fiducia in Deo collocanda loquitur, per illam intelligere eam animi *πληροφάναν*, qua quis Deum pro Deo suo habeat, saltem hanc quoque lege præcipi. Distinctius hic agendum. Lex quando jubet Deum pro nostro Deo habere, si id eo sensu intelligatur, ut eum habeamus pro Creatore, Conservatore, Legislatore & Supremo Domino nostro, omnibus hoc hominibus absolu-

te & ex æquo mandat. Sin ita intelligatur, ut eum habeamus pro bono nostro salutifero, nulli hoc mandat, nisi ea methodo, quam voluntas Dei revelata præscribit. Methodus illa hæc est, vel ut homo salutem Dei obtineat per perfectissimam obedientiam ab ipso præstitam, quomodo proponebatur Adamo integro, quod jam impossibile est peccatori: vel ut homo peccator se convertat, & per fidem Christo uniat; tum se ipsum exploret an in fide & in Christo sit; quo perspecto, tum demum in Deo ut bono suo salutifero gloriatur & exsultet: quæ via jam proponitur in Evangelio. Lex autem jubet omnem veritatem a Deo revelatam vel revelandam amplecti fide, & sic ut consentaneum ei veritati est ambulare. Nunquam vero lex jussit ut impenitens peccator Deum pro Deo salutis suæ habeat. Imo, lex prout Adamo ipsi lata fuit, contrarium credere jussit. Atque ita adversus acuminolas Arminii subtilitates confecisse me arbitror, hoc juris immutabilis esse, ut homo, etiam peccator & poenæ reus, sub lege obedientiæ sit.

Sed juxta  
Methodo.

XII. Pergendum est ulterius, & demonstrandum, hominem, etiam violato foedere, non ad obedientiam solum, sed & ad perfectam officii præstationem, obligatum manere. Id Paulus dixit de iis, qui extra foedus gratiæ sunt *Gal. v. 3. ἐφειλέτας ἐσθαι ὅλον τὸν νόμον ποιῆσαι, debitores totius legis præstandæ*. Neque potest aliter. Etenim lex foederis quoad præcepta naturalia immutabilis est, quum sit expressio imaginis Dei, quæ non minus immutabilis est quam ipse Deus. Si enim imago quæ simillima erat mutetur, & tamen similis maneat suo Archetypo, ipsum etiam Archetypum mutari necesse est. Lex autem foederis sine dubio perfectam obedientiam exigebat.

Non ad  
obedien-  
tiam modo  
sed & ad  
perfectio-  
nem obli-  
gatur pec-  
cator.

XIII. Porro, si remissionem aliquam & relaxationem legis post peccatum fingamus, concipiendum erit, Deum hominem peccatorem hoc modo alloqui: Antehac jussi, ut me pro summa Veritate, summo Bono, summo Domino tuo haberes, & consequenter omnibus dictatis meis firmissima fide assentireris, me toto animo omnibusque viribus tuis amares, nihilque antiquius duceres quam mihi *ἐυαρεσῆσαι*, omnia tua servitio meo impenderes, semper & in omnibus ab ore ac nutu meo penderes, & nihil unquam auderēs, quod cum mea non conveniat voluntate. Nunc autem, postquam semel ausus es immorigerum te sistere, contentus ero in posterum si me pro Veritate quidem habeas, sed non ea quæ fallere nequeat; pro Bono, sed non summo; pro Domino, sed non supremo: ac permitto tibi de quibusdam dictorum meorum dubitare, alia præter ac supra me amare, in alia re quam in meo favore felicitatem tuam collocare, denique ita a me in quibusdam dependere, ut alia tu quoque arbitrato agas. Quæ si absona & Deo indigna sint, uti sunt; absolum quoque & indignum Deo est, de lege

Quod ex  
ipsa Dei  
natura de-  
ducitur.

fua aliquid remittere & relaxare. Sed si generalia illa effata immotæ veritatis maneant, Deus quum sit summum Bonum, semper & ab omnibus toto animo amandus est; quum sit supremus Dominus, nemini unquam ullo prætextu quicquam nisi ad illius præscriptum licet facere; in iis manifesta sequela perfectissima omnis officii præstatio includitur.

Tum  
etiam  
quia me-  
lius est per-  
fecte offi-  
cium præ-  
stare quam  
quomodo-  
cunque.

Ipsa Na-  
turalis  
conscien-  
tia hæc  
dictat.

XIV. Rursus, officium perfecte præstare, nemine contradicente, melius est, quam illud quoquo modo præstare. Omnis autem officii bonitas in convenientia cum regula & norma officii consistit. Ergo regula aliqua sit oportet præcipientem perfectionem illam, quæ major bonitatis gradus est. Si sit regula talis a Deo præscripta, utique ea obligat homines, ut se isti regulæ conforment.

XV. Omnibus hisce conscientia hominis ad se ipsum attendentis non potest non astipulari. Cui rei elucidandæ duas eximas sententias, alteram *Episteti*, *Juliani* Imperatoris alteram, adscribam. Quorum ille *Dissertat. Lib. II. Cap. XI.* ita loquitur. *Κανόνα ἐνυόντες ἀπαραβάτως χρώμεθα, δίχα αὐτῶν μὴ δὲ τὸ δάκρυλον ἐκλείνοντες. Quum Canonem invenerimus eo sine ulla transgressionem utamur, citra eum ne digitum quidem extendentes.* Hic *Orat. I.* ita. *Νόμος ἐστὶ παλαιὸς παρὰ τῶν πρώτων Φιλοσοφίαν ἀνθρώποις φήναντ' ἑταῶσι κείμενον. ἀπαντας πρὸς τὴν ἀρετὴν καὶ πρὸς τὸ καλὸν ἐλέποντας, ἐπισηδεύειν ἐν λόγοις, ἐν ἔργοις, ἐν συνουσίαις, ἐπὶ πᾶσιν ἀπλῶς τοῖς κατὰ βίον μικροῖς καὶ μείζοσι τῶν καλῶ πάντως ἡφίσταται. Lex est antiqua, ab eo tradita, qui primus Philosophiam homines docuit, qua ita habet: Debere omnes ad virtutem & honestatem respicientes studia sua ita comparare, ut in diâis factisque, in societatibus, rebusque hujus vite omnibus, tam parvis quam majoribus, honestati rationem teneant.* Manet itaque lex antiqui foederis, omnes omnino homines obligans ad perfectam officii præstationem.

Non po-  
test vita æ-  
terna obti-  
neri, nisi  
propter  
perfectam  
obedien-  
tiam.

XVI. *Secundum*, quod §. 2. diximus immutabile esse, in foedere operum, hoc erat, non posse vitam æternam obtineri alia conditione quam perfectæ obedientiæ. Quod hinc invictè probatur, quia virtute hujus axiomatis Christum oportuit ὑπὸ νόμον γενέσθαι *Gal. IV. 4.* & *justitiam omnem implere*, idque eo fine ut *δικαίωμα τῶ νόμου πληρωθῇ, ut jus legis impleteretur. Rom. VII. 4.* Quod jus nisi sacrosanctum & inviolabile foret, nihil necesse fuit, ut Christus se legis pacto ad vitam æternam suis promerendam subiceret. Ergo hoc quoque stat, quod meritum perfectæ obedientiæ exstare debeat, cui jus ad vitam æternam inædificetur. Nec refert, an ab ipso homine, an ab ipsius sponsore perfecta illa obedientia præstetur.

Sanctio  
pœnalis  
etiam im-

XVII. *Tertium*, quod ut immotæ veritatis proposuimus, Sanctio-  
nem pœnalem spectat, pro cujus immutabili & indispensabili justitia  
tot

tot argumentis supra pugnavimus, Cap. v. §. XVI II. & sequ. ut nihil nunc necesse sit adjicere.

mutabilis est.

XVIII. Quandoquidem tria hæc, Lex, Promissio, Comminatio universam Foederis Naturam, prout a Deo proponitur, absolvunt, si tria illa firmo semper talo stent; confici exinde videtur, hominem pro sua quidem parte foedus violasse, sed a parte Dei nullam foederis antiquationem esse factam. Attamen, re bene perpensa, Antiquatio aliqua etiam a parte Dei agnoscenda est. Ea invicte concluditur ex substitutione Novi Foederis gratiæ. Ita enim nos argumentari docuit Apostolus *Heb. viii. 13. Dicendo Novum, antiquavit prius.* Quamvis enim Antiquatio Veteris non necessario dicat substitutionem Novi: tamen substitutio Novi certo importat Antiquationem Veteris. Verum quidem est, Apostolum isthoc loci non præcise loqui de Foedere Operum, sed de Oeconomia Veteri Foederis gratiæ, quam antiquatam dicit. Bene tamen illius nitimur ratiocinio, quod huic quoque materiæ applicare possumus & debemus: scilicet omnem substitutionem Novi Foederis supponere antiquationem Veteris.

Est tamen alia qua foederis operum Antiquatio.

XIX. Antiquatio ista Divina in eo sita est, quod Deus declaravit, neminem hominem vi hujus foederis amicitiam secum habere posse, aut vitam æternam consequi: adeo ut promissione foederis, ac spe promissi illius juxta id foedus potiundi, omnes excidisse pronunciet. Hoc est quod Apostolus dicit: *non dari nunc legem, qua possit vivificare, ista ut iustitia ex lege sit. Gal. III. 21.* Huc pertinet *ἡ ἀδυναμία τῆ νόμου*, quod inculcat *Rom. viii. 3.*

Quæ in eo consistit quod illius virtute nemo nunc salvus fieri possit.

XX. Atque ita quidem foedus illud antiquatum est, ut renovari nullo modo possit. Si enim fingamus, Deum homini dicere, tu si imposteriorum legem meam perfecte serves, eo ipso tibi acquies jus ad vitam æternam; non renovabit eo sermone hoc ipsum foedus operum. Præsupponitur enim jam peccatum exstans, quod perfectioni obedientiæ repugnat, quam foedus operum exigit. Alia ergo conditione hic Deus cum homine transigeret, qua veniam prioris peccati faciens, conditionem præscriberet obedientiæ minus perfectæ ea quam foedere operum stipulabatur: quod peccatum omne excludens, etiam peccati veniam ignorabat. Imo tantum istiusmodi transactio a renovatione Foederis operum abest, ut manifesta potius Foederis operum everio foret. Partem enim foederis istius facit sanctio poenalis, qua mortem Deus peccatori interminatus est, quam si sine debita satisfactione condonaret, in foedus & veritatem suam peccaret ipse.

Ita antiquatum est foedus operum, ut renovari non possit.

XXI. Manet ergo lex, prout norma nostri officii est, sed antiquata est eatenus, ut non habeat rationem foederalem, nec possit obire vicem conditionis, cujus præstatione ipse homo sibi jus ad præmium comparationem

Lex antiquata est, non quoad rationem

normalem  
sed fœdera-  
lem.

Sententia  
V. D. de  
aliis modis  
quibus fœ-  
dus ope-  
rum abole-  
tur.

Nostræ  
circa eam  
considera-  
tiones.

parare queat. Quo sensu Apostolus dicit, *nos non esse sub lege. Rom. vi. 14.* scilicet ut præscribente conditionem vitæ. Manet quidem indissolubilis nexus inter perfectam justitiam & vitam æternam; ita ut hæc sine illa obtineri non possit; sed postquam homo justitia excidens spem præmii decoxerat, Deo liberum fuit vel punire peccatorem juxta meritum suum, vel sponsores illi dare, qui ejus loco justitiam omnem impleveret.

XXII. Sunt Viri Docti, qui præter hanc abolitionem fœderis operum, quæ quoad possibilitatem vivificandi & justificandi est, alios adhuc quatuor abolitionis gradus hoc ordine enumerant. I. Quoad *damnationem*, per *Christum*, in promissione propositum, & fide apprehensum. II. Quoad *terrorem* sive efficientiam metus mortis & servitutis, per *promulgationem fœderis novi*, facta peccati expiatione. Quæ facta, ii qui redempti sunt, sunt sub lege redemptoris. Ita ut eadem lex, in redemptori abolita ut lex peccati, fiat lex Servatoris, & justitiam addicat iis qui sunt ipsius. III. quoad *luctum* cum peccato per *mortem corporis*. IV. Quoad *effecta* omnia, per *resurrectionem* ex mortuis.

XXIII. Sed liceat nobis rationes nostras proponere, ob quas dubitavimus hæcenus, an hæc accurate satis concepta digestaque sint. I. Omnia, quæ hic recensentur, pertinent ad fœdus gratiæ. Fœdus autem gratiæ antiquationem fœderis operum non facit, sed supponit. Utpote cui, nisi illo, quo sensu jam dictum est, antiquato, locus esse non potuerit. II. Fœdus gratiæ non est *abolitio* fœderis operum, sed confirmatio illius, in quantum Mediator omnes conditiones fœderis implevit, adeo ut juxta Fœdus operum, cui a Mediatore satisfactum est, fideles omnesificentur & serventur. Hoc vult Apostolus. *Rom. iiii. 31. Legem igitur irritam facimus per fidem? Absit. Imo legem stabilimus.* Et rursus. *Rom. viii. 3. Ut jus legis impleretur in nobis. Quod significat* (ita Vir Doctus, cujus sententiam examinamus, in *hunc locum* commentatur) *plene in nos conferri, quod lex, justitiæ causa, adjudicat; & proinde nostrum perfecte fieri, quod mercedem legis meretur.* Ipsa lex fœderis, quæ antea hominem peccatorem addicebat peccato, statu hominis jam mutato per concorporationem cū Christo Sponsore, sine ulla sui abolitione, abrogatione, & qualicunque mutatione, jam absolvit hominem a reatu & dominio peccati, & adjudicat homini sanctificationem, & glorificationem multis gradibus promovendas ad perfectionem illam quam in resurrectione mortuorum obtenturus est; utpote quæ att. stari cogitur justificationi fœderis gratiæ. Hoc est; quod Vir Doctus non incommode dicit, iis verbis que mox allegavimus: *Ita ut eadem lex, in Redemptore abolita ut lex peccati, fiat lex Servatoris & justitiam addicat iis, qui sunt ipsius*: quod fuse & erudite explicuit in *Rom. viii. 2.* Breviter, eadem lex, quæ homini integro erat præceptum ad vitam, & homini peccatori

atori est lex peccati, addicens eum dominio & reatui peccati, in Redemptore fit rursus lex Spiritus vitæ, testans sibi per Redemptorem esse satisfactum, & addicens homini, qui per fidem unum cum Redemptore factus est, omnes fructus iustitiæ ad justificationem, sanctificationem, glorificationem. Omnis mutatio in statu hominis est, nulla in lege fœderis, juxta quam homo in quocunque statu judicatur. Quæ ipso Viro Docto non inobservata videntur: quando *Summ. Theolog. Cap. xxxi. §. i.* in hunc modum inquit. *Quod tamen ita dicimus, ut in eadem lege fundari hanc quadruplicem pacti de operibus faciendis, quæ cum bono nostro conjuncta est, abolitionem & amotionem, intelligi cupiamus; non quod virtute legis per se solam id fieri potuerit, sed quod interventus Sponsoris & Redemptoris deum id legi fecerit possibile.* Accipio hoc, ea, quæ ipse abolitionem pacti de operibus vocat, in lege operum fundata esse. Sed considerandum lectori offero, an non mirabile dictu sit *abolitionem & amotionem legis fundari in ipsa lege & quod interventus Sponsoris & Redemptoris deum id legi fecerit possibile*, ut scilicet ipsa sui abolitionem & amotionem efficeret? Ex quibus omnibus concludo, melius de hisce rebus tractari, sub titulo de *Fructibus & effectibus Fœderis gratiæ*, quam sub titulo de *abolitione Fœderis Operum*. Quod nullo modo aboletur, nisi eatenus, quod homini impossibile factum sit propriis operibus suis vitam consequi.

\*\*\*\*\*

D E

# O E C O N O M I A

# F O E D E R U M D E I.

## L I B E R I I.

G A P U T. I.

*Introductio ad Tractationem FœDERIS GRATIÆ.*

**V**iolato Operum ita Violato per peccatum hominis, & Antiquato per justum Dei judicium, miser homo in profundum, unde evadere non possit, perditionis Barathrum præcipitatus est. Dum seipsum, intigationi Diaboli auscultans propriisque ratiocinationibus indulgens, injustissimo rapto Deo subdantis, voluitque sui ipsius esse, legitimam sub Deo subordinationem respuens, (ut filius ille prodigus, *Luc. xv. 12.*) seipsum etiam Diabolo Violato

Violato  
fœdere  
operum  
homo sui  
ipsius, pec-  
cati & Di-  
aboli man-  
cipium fac-  
tus est,

*Diabolo vendidit ac mancipavit.* Injustissima quidem erant hæc omnia. Neque homo id juris habebat, ut se ipsum *venderet*; neque *Diabolus*, ut res *Domini* acceptaret. *Deus* tamen considerans hac temeritate & injustitia hominem pro merito puniri, cuncta hæc, iusto iudicio, in pœnam hominis, *vata habuit*, hominem *Sibi* ipsi tradidit, ut pauperrimo stultissimoque Domino; & *Peccato*, uti crudeli Tyranno, ad omnia infanda ipsum continuo adigenti. *Sicut non probatum fuit ipsis Deum in agnitione habere*, παρédωκεν αὐτοῖς ὁ Θεὸς εἰς ἀδόκιμον νῦν, tradidit eos *Deus* in mentem reprobam, ut facerent ea quæ non decet, *Rom.* 1. 28. Tradidit item εἰς πᾶσιν ἀτιμίαις, in affectus indecoros. *ψ.* 26. ut ita τὴν ἀντιμισθίαν ἣν εἶδε remunerationem rei convenientem in se ipsis acciperent. *ψ.* 27. Dedit denique *Diabolo* in mancipia ἐζωγραμένους ὑπὸ αὐτοῦ εἰς τὸ κεῖναι θάλημα. Captivos sub ipso ad ipsius voluntatem *2. Tim.* 11. 26. Omnia juxta legem hanc æquissimam: *A quo quis superatus est, ei etiam in servitium additus est 2. Pet.* 11. 12.

Ea sine  
Deo, sine  
spe in  
mundo  
fuit.

II. Accedit etiam quod homo, postquam foederatus Dei esse desit, sine Deo, sine spe in mundo fuerit. *Eph.* 11. 12. Etenim impossibile erat homini rationem aliquam excogitare Deum decentem, qua, salva *Veritate, Justitia ac Sanctitate* Dei, cum Deo reconciliaretur & in gratiam rediret. Justa erat quoque lex peccati, hominem peccato ad dominum & damnationem mancipans, & *Diabolo* ut tortori addicens. Quo sensu *captura Diaboli, captura Fortis*, τῇ ισχυρῇ ἐκείνῃ de quo *Mat.* 21. 29. dicitur, sed & *captura JUSTI. Jes.* XLIX. 24. Habebat enim τὸ κράτος τοῦ θανάτου. *Heb.* 11. 14. Et quidem per legem. *1. Cor.* xv. 56. *Potentia peccati lex est.* Nec poterat homo rationem invenire, qua peccatum damnans, & quidem juxta legem æquissimam, iuste a Deo damnetur.

Eam ta-  
men fœde-  
ris legalis  
violatio-  
nem *Deus*  
stupendis  
operibus  
suis ut  
commo-  
dam occa-  
sionem  
substravit,  
erecto fœ-  
dere gra-  
tiæ.

III. Placuit tamen Deo, secundum divitias impervestigabilis sapientiæ suæ, violationem hanc foederis legalis, stupendis operibus suis ut ἀφορμὴν & occasionem substernere. Erecto novo *foedere gratiæ*, in quo inæstimabiles thesauros omnisufficientiæ suæ multo clarius panderet, quam si omnia feliciter homini successissent, secundum prius foedus. Hoc ostenso, quod incredibile, & ἀνάλγητον, videbatur, Deum *Veracem, Justum, Sanctum*, nihil imminutis, imo multo illustriore luce splendentibus, adorandis virtutibus istis, *Deum & salutem peccatoris* fieri posse. Reperto admirabili mixtura severissimæ justitiæ suæ vindictivæ & simul benignissimæ misericordiæ, sic ut altera alteri nihil detraxeretur. Quarum virtutum tam illustri exercitio sub foedere operum non fuisset locus.

Quod, si  
quicquam,  
attentissi-

IV. Si quicquam ergo attentissima consideratione dignum censeri debeat, sane id foedus gratiæ est, cujus tractationem nunc aggredimur.

Hic

Hic via ostenditur ad meliorem terrestri Paradisum, & ad certio-  
 bilioremque felicitatem, ea qua Adamus excidit. Hic nova spes per-  
 ditis mortalibus allucet, quæ eo gratior esse debet, quo inexpectatio  
 obvenit. Hic conditiones offeruntur, quibus æterna salus annexa est;  
 conditiones non a nobis rursus præstandæ, quod animum despondere  
 faceret: sed ab eo, qui vita non excedet, antequam vere dixerit, *Con-*  
*summationem est.* Hic lucidissimo splendore micant stupendæ Dei nostri  
 Virtutes, Sapientia, Potentia, Veritas, Justitia, Sanctitas, Bonitas,  
 φιλανθρωπία, Misericordia, & quis omnes fando enumeret? nun-  
 quam augustiori theatro contemplantium admirationi expositæ. Quis-  
 quis itaque salutis suæ amans est, quisquis se in contemplatione virtutum  
 Dei oblectare avet, huc accedat oportet, totumque se sanctæ medita-  
 tioni Foederis gratiæ immergat. Quod hac ratione non incommode  
 definiri arbitror.

ma confi-  
 deratione  
 dignum  
 est.

V. FOEDUS GRATIÆ EST CONVENTIO INTER DEUM ET ELECTUM PEC-  
 CATOREM, DEO DECLARANTE LIBERUM BENEPLACITUM SUUM DE SALUTE  
 ÆTERNA, OMNIBUSQUE EO PERTINENTIBUS, FOEDERATIS GRATIS DANDIS,  
 PER ET PROPTER MEDIATOREM CHRISTUM: HOMINE AUTEM PER SINCE-  
 RAM FIDEM BENEPLACITO ILLI ASTIPULANTE.

Foederis  
 Gratia de-  
 finitio.

## C A P. II.

## De Pacto Dei Patris &amp; Filii.

**U**T *Foederis gratia* natura penitus perspecta sit, duo imprimis di-  
 stincte consideranda sunt. I. PACTUM, quod inter DEUM PA-  
 TREM & MEDIATOREM CHRISTUM intercedit. II. TESTAMENTA-  
 RIA illa DISPOSITIO, qua DEUS ELECTIS SALUTEM ÆTERNAM, & omnia  
 eo pertinentia, immutabili foedere ADDICIT. Prior conventio DEI cum  
 MEDIATORE est: posterior DEI cum ELECTIS. Hæc illam supponit, &  
 in illa fundatur.

In fede-  
 re Gratia  
 duplex est  
 conven-  
 tio.

1. Inter  
 Patrem  
 Filium :  
 2. Inter  
 Deum &  
 Electos.

II. Quum de Pacto *Patris & Filii* loquor, eo nomine intelligo, vo-  
 luntatem Patris Filium dantis ut Caput & Redemptorem electorum, & vo-  
 luntatem Filii se ut Sponsorem pro iis sistentis, in quibus ratio pacti & con-  
 ventionis est. Patrem Scriptura repræsentat in Oeconomia salutis no-  
 stræ, ut stipulantem obedientiam Filii ad mortem usque, & pro ea ipsi  
 promittentem nomen hoc supra omne nomen ut caput electorum sit in  
 gloria: Filium autem, ut se sistentem ad faciendam voluntatem Patris, ac-  
 quiscentem isti promissioni, restipulantem denique regnum & gloriam sibi  
 promissam. Quæ singula ubi ex Scriptura clare demonstraverimus; pa-  
 ctum inter Patrem Filiumque intercedere, quod salutis nostræ funda-  
 mentum sit, nullo prætextu poterit negari. Sed distincte agamus. I. E-  
 jusmodi Scripturæ loca proferentes, quæ in genere quidem, sed diserte

Pactum  
 Patris cum  
 Filio ex-  
 plicatur.



nihilo minus, de hoc pacto loquuntur. II. Singula, quæ hoc pactum consummant, enucleatius eruentes. III. Idem ex Sacramentorum natura, quibus Christus quoque usus est, invicte afferentes.

Et probatur ex  
Luc.

xxi. 29.

III. Pactum hoc expressis verbis Christus ipse docet; *Luc. xxi. 29.* Καὶ γὰρ διαθήμεαι ὑμῖν, καθὼς διετέτο μοι ὁ πατήρ μου, βασιλείαν. *Ego vero PACISCO vobis, prout PACTUS est mihi Pater meus, regnum.* Ubi D. Jesus dicit, se vi fœderis & dispositionis alicujus regnum obtinere, uti nos illud obtinemus vi fœderis.

Et Heb. vii. 22.

IV. Adde *Heb. vii. 22.* Ubi κρείττονς διαθήκης ἔγγυς dicitur, *melioris Fœderis, vel Testamenti Sponsor.* Sponsor autem Testamenti vocatur, non eo præcipue nomine, quia *pro Deo* & promissis illius nobis spondet, aut quia *pro nobis* spondet *nos obedituros*, quemadmodum *Moses*, uti sponsor inter *Deum & Israël* intercedebat *Exod. xix. 3-8.* Quanto Christus major fuit Mose, tanto præstantiori modo Sponsor quoque fuit. Sponsio illius in eo consistit, quod *in sese receperit præstare conationem illam*, citra quam, salva justitia Dei, gratia Dei & promissiones ipsius ad nos non poterant pervenire, & qua præstita omnino illæ ad filios Fœderis perventuræ erant. Nisi ergo sponsonem Christi evacuare, & Socinianis, pessimis Scripturæ perversoribus, gratificari velimus, necesse est Fœdus aliquod concipiamus, cujus condiciones Christus in se receperit, spondendo pro nobis apud Patrem se eas pro nobis præstiturum; & quibus præstitis spondere nobis pro Patre possit, de gratia & gloria certo nobis donanda.

Ex Gal.  
3. 17.

V. Porro *Gal. iii. 17.* Paulus διαθήκην quandam narrat προκεκυρωμένην ἀπὸ τοῦ Θεοῦ, εἰς χριστόν. *Pactum vel Testamentum ante ratum a Deo in Christum*, Ubi personæ contrahentes, ab una parte *Deus*, ab altera *Christus*; & conventio inter utrumque rati-habita. Et ne quis putet Christum hic tantummodo in considerationem venire, quatenus *exsecutor* est *Testamenti* nobis a Deo dispositi, Apostolus bis dicit, non *Christum* nobis *promissum* esse, aut, *per Christum* nobis *promissam* esse *salutem*, quam & hoc verum sit; sed *Christo ipsi dictas* esse *promissiones* *ψ. 16.* Christum illud *semen* esse, ὃ ἀπαγγέλλαι: cui *promiserat*, vel, cui *promissum factum erat*, scilicet de hæreditate mundi & regno gratiæ & gloriæ. Clare itaque hic διαθήκη, *Pactum vel Testamentum* aliquod indigitat, per quod Christo a Deo aliquid *promissum* sit. Nec video quid contra dici possit, nisi quis per *Christum* intelligat *Caput* una cum *corpore mystico*, quod cum Christo unum illud *semen* est, cui dictæ sunt *promissiones*. Quæ quidem nobis non invitis dicentur; modo & hoc teneatur Christum, qui *Caput* est, & ἐξ ὧς *semen* Abrahami, a *promissionibus* hisce neutiquam esse excludendum, præsertim, quum *promissiones* corpori suo *mystico* factæ, & ipsi factæ esse censerī debeant: quando-  
quidem

quidem & ipse לקח מתנות באתם *Dona accipit in hominibus Ps. LXVIII. 19.*

VI. Neque omitti debent loca illa, quibus diferta *Sponsio* Christi mentio fit. Uti *Ps. CXIX. 122.* עֲבֹדָה לְפָנֶיךָ יְיָ *fide-jube pro servo tuo in bonum*. id est, recipe eum tanquam sponfor in fidem tuam, ut bene illi sit. Item *Jes. xxxviii. 14.* וְיָשָׁב מִיְּדֵי מֶלֶךְ *Via mihi fit, עֲבֹדָה, fide-jube prome*, esto mihi vas & patronus. Neminemque esse præter solum Christum qui spondere ita possit, Deus ipse docet *Jer. xxx. 21.* וְיָשָׁב מִיְּדֵי מֶלֶךְ *Quis ille עֲבֹדָה, qui fidejussit corde suo*, vel tranquillavit sponsione sua cor suum, vel *cor suum suave facit*, sponsione voluntaria ac fiduciali, vel denique ipsum *cor suum spondet*, animam suam dans sponsionis materiam & pretium (omnia enim hæc Hebræi sermonis emphasi comprehenduntur) *ut accedat ad me*, peccati expiandi causa? Quibus quoque verbis indicatur, quid sponsio sive fidejussio illa, a Davide & Hizkia petita, contineat: scilicet declarationem voluntatis accedendi ad Deum, ad procurandam expiationem peccatorum.

VII. Denique huc referri potest, quod *Zach. vi. 13.* exstat: *consilium pacis est inter Utrumque*, scilicet inter *Virum*, cujus nomen est *Germen*, & inter *Jehovam*: nullum enim aliud par hic occurrit. Non erit ab instituto nostro alienum, ut brevi *Analysi* ac *Paraphrasi* lucem aliquam huic loco fœneremur. Versu hoc & præcedenti insignis *Prophetia* de *Messia* occurrit, cujus *personam*, *officia*, *gloriam*, brevibus quidem, sed graphice, propheta describit, tandem subjungens *causam* horum omnium, cur *Messias* se talem *personam* ostenderit, talia *officia* præstiterit, talem *gloriam* consecutus sit, scilicet *consilium* illud quod inter ipsum & *Patrem* est, cujus consilii fructus, quoad nos, est *pax*. De *Persona* *Messia* dicit, quod sit *איש* *Vir*; id est *Verus* homo, confer *Hos. II. 15.* & quidem *eximius* inter homines, non *אדם*, vel *אנוש*, quæ voces *miserabilem hominem* notant, sed *איש ימין* *vir dextra Dei Psal. LXXX. 18.* Quia non agitur hic de Christo in vilitate suæ miseriæ, sed in excellentiæ gloriæ. Nomen ejus est *Germen*, quippe ex Deo ortum *Jes. I. 2. Mal. I. 12.* stirps nova novi generis, sive filiorum Dei secundum promissionem & regenerationem, Adamus secundus. Et quidem *Germen*, quod de subter se germinabit. *Aben Ezra: מַלְאִי, ex semet ipso*, quod nullo latu nulla plantatione humanæ manus proveniet aut propagabitur, sed ex *Virgine* per propriam vim Divinitatis nascetur. *Officium* ejus est *Templum Domini* adificare, id est ecclesiam electorum *qua est domus Dei, I Tim. III. 15.* quam Christus *κατεσκεύασε* *Heb. III. 4.* & *adificavit. Mat. XVI. 18.* Fundamentum ponens in cruce sua, & sanguinem suum dans pro cæmento. Quia autem eodem halitu bis dicitur, *adificabit Templum Domini*, cogitari potest, an præter ædificationem Ecclesiæ quæ est *corpus Christi mysticum*, non designetur *resuscitatio corporis Christi*

Ex Ps.  
119. 122.  
Jes. 38.  
14. Jer.  
30. 21.

Ex Zach.  
6. 13. Qui  
locus brevi  
παράφρασι  
explicatur.

fit *naturalis*, quæ *adificatio templi* vocatur *Job. 11. 19. 21.* Hoc factio accipiet *Majestatem* nomen supra omne nomen, & *sedebit in Throno Dei*, ut regium ac Sacerdotale officium in gloria exsequatur. Mirum non est *Regi*, sed valde mirum, *Sacerdoti sessionem* in Throno tribui. Alienum id a moribus priscorum in Veteri Testamento sacerdotum. Qui singulis *stabant* diebus, easdem hostias sæpe offerentes; quia inutilis erat labor, nunquam extincto reatu. *Heb. x. 11.* Christus autem, una sui corporis hostia semel oblata, eademque æternam redemptionem nactus, *confedit* in æternum ad dextram Patris, non surrecturus, ut secunda vice offerat oblationem. *Heb. 1. 3. ix. 12. 14.* Id solum agit, quod sedens agere potest, ut interpellet pro suis *Rom. viii. 34.* Quemadmodum acute observatum est a *Jacobo Altingio. Hept. 111. Dissert. vi. §. xlix.* Unde autem procedunt hæc omnia, & quæ tantarum rerum origo est? *Consilium pacis* quod est inter *Virum hunc*, *cujus nomen est Germen*, & inter *Jehovam*, *cujus Templum ædificabit*, & in *cujus folio sedebit. Apoc. 111. 21.* Quidnam porro hoc *consilium* est, nisi *mutua voluntas Patris & Filii*, quam conventionis rationem obtinere diximus? Quæ *consilium* vocatur, tum ob liberam & liberalem utriusque *ἐὐδοκίαν*, tum ob maximam, quæ in eo elucet, sapientiam. Et *consilium Pacis*, non Deum inter & Christum, inter quos nulla fuit inimicitia; sed pacis, procurandæ homini peccatori cum Deo, & peccatoribus secum.

Explicatio  
illa vindicatur.

VIII. Duo hic videntur opponi posse, quibus breviter respondendum. I. Per *duos* hosce non *Patrem & Filium* debere intelligi, sed *Judeos & Gentiles*. II. Hic agi non de *consilio*, quod horum omnium *principium & causa* sit, de quo loquendum esset in *præterito* vel *præsenti*: sed de *consilio*, quod *fructus* sit intercessionis Christi, de quo Propheta loquitur in *futuro*. Ad *præteritum* respondeo: Expositionem illam dictari, non probari. Nulla in præcedentibus hujus capituli distincta mentio *Judeorum & Gentilium* facta est. Neque licet nobis quicquam in textum infarcire. Quæ ab aliis afferuntur de Sacerdote ac Rege, vel de munere Sacerdotali ac Regio, vel de Judæis Hierosolymitanis ac Babylonicis, contorta sunt. *Nostri explicatio*, inquit *Doctissimus de Dieu*, qui hic nobiscum facit, *simplex videtur & perspicua*. Neque nova est, quum *Hieronymus* quoque referat, hoc membrum de Patre & Filio intellectum esse. Ad secundum. Nihil esse quod nos cogat ita credere, quum verba juxta analysin & explicationem nostram sensum fundant commodissimum, & conventio hæc vix significatori vocabulo exprimi queat, quam mutui inter Patrem Filiumque consilii. Quod de temporis differentia additur, exgui videtur esse momenti: nam tempora verborum apud Hæbræos sæpe commutari, & *futurum* pro *præsente* poni, nemo mediocriter doctus ignorat: vide *Pf. xvi. 1. 3.* צִפְרָתִי בִלְתִּי, *constasti me, ni-*  
bil

*hī reperis, vel reperiebas*: ad verbum *reperies*. Similes temporis enallage in eodem Psalmo aliquoties recurrunt. Præterea tum aliquid in Scriptura fieri dicitur, quum solemniter factum esse declaratur, quarum rerum exempla passim obvia sunt. vid. *Act. 11. 36.* Commode ergo ita verba explicabimus, *Consilium pacis inter utrumque est.* Aut si omnino *futurum* urgeas, hic erit sensus: in exaltatione Christi, & pace ab ipso coelitus promota, manifesta erit exsecutio hujus consilii. Sed necesse non est eo venire. Nam si consilium hoc interpretemur de conventionem illa, quæ inter Christum Θεάνθρωπον, quum humanam naturam assumens vadimonium obire coepit, & Patrem est: de eo potuit & debuit Propheta in futuro loqui. Facitque id ordine concinno: per effecta ad causam ascendendo. Hoc modo. Christus Θεάνθρωπος & edificabit Spirituale templum Domini, in cujus officii gloriosam mercedem accipiet Majestatem, & sedebit in folio Domini. Neque id mirum videri debet. Etenim Christus humana carne se vestiens, certo pacto, cui pax nostra innitur, pollicebitur Patri se ita facturum: Pater vicissim pollicebitur illi, se illud officium ita remuneraturum. Hoc modo fluunt omnia. Confer quæ infra fusius dicemus *Cap. III. §. 11. III. IV.*

IX. Huc etiam facit, quod aliquoties in Psalmis, & alibi, Christus Deum Patrem DEUM SUUM vocet. Vide inter cætera *Pf. xxi. 3. & xlv. 8. Jof. xlix. 4. 5. & Job. xx. 17.* Quæ Foederis formula est. Hoc sensu Jacobus promittebat, *Jehovam sibi in Deum fore.* *Gen. xxviii. 21.* id est, ita se totam vitam compositurum, uti foederatum Dei decet. Israël similiter *Jof. xxiv. 18. Jehova servimus, nam ipse Deus noster est*: quod quidem dicebant in solempni renovatione foederis. Similiter in foedere Deus promittit se *Deum fore fœderati sui*, id est, Divitias omnifufficiencie suæ ostensurum ad ipsius salutem *Jer. xxxi. 33. Hoc est fœdus meum, quod pangam cum domo Israël... ero ipsis in Deus* *Deut. xxxi. 17. Hodie fecistis dicere Jehovam, se vobis fore in Deum.* Ipsa vis vocis id innuit. *אלה* E'loah enim ab *אלה* jurare, adjurare, derivatum, eum notat cujus est jurejurando nos obstringere ad amorem sui & fidelem obedientiam, & cui nos sacramento omnem obedientiam debemus addicere, quique repromittit se fidei servo suo omnifufficientem fore ad salutem. Qui ergo Deum suum *Eloah* profitetur, is se simul vi foederis Dei SERVUM dicit. Nam correlatum *אלה*, vel *אלהים*, est *עבד* Servus ut *Pf. lxxxvii. 2. וישע עבדך אתה אלהים.* *Serva SERVUM TUUM tu DEUS MEUS.* Quomodo Pater Christum passim *servum suum* vocat. *Jof. xlix. 5. 6.* Præterea profitetur talis, se unice ab illius foederis promissione & testimonio pendere, in quibus rebus tota foederis ratio consistit. Quandoquidem ergo Christus Deum Patrem *Deum suum* vocat. Pater vicissim Christum *Servum suum*, pactum de obedientia & remuneratione uterque eo nomine indigitat.

Singulæ  
partes hu-  
jus Fœde-  
ris ex  
Scriptura  
demon-  
strantur.

X. Sed specialius nunc agamus, omnesque foederis hujus partes excutiamus, ut non modo pateat foedus aliquod inter Christum & Patrem extare, sed & quid & quale illud foedus sit. PARTES CONTRAHENTES sunt, hinc Pater, quem Christus Dominum dicit, Ps. xvi. 2. Inde Filius, quem Pater servum suum vocat. Jes. l.iii. 11. LEX fœderis a Patre proponitur, Job. x. 18. Hoc præceptum accepi a patre meo. & xii. 49. Pater qui me misit, præceptum mihi dedit. Illi legi PROMISSIO a Patre additur. Jes. l.iii. 10. 11. 12. Postquam anima ejus se posuerit sacrificium pro reatu, videbit semen &c. & Jes. xlix. 6. 7. 8. Parum est ut mihi servus sis ad eligendum tribus Jacobi &c. lege illa præstita jus Filio addicitur petendi mercedem. Ps. 11, 8. Pete a me, & dabo gentes hereditatem tuam: & possessionem tuam terminos terræ. Haftenus PROPOSITIO Fœderis a parte PATRIS; ACCEPTATIO a parte FILII in his est: Quod legi foederis se lubens submisit. Ps. xl. 7. 8. 9. Aures perforasti mihi. hoc est me volentem tibi in servum mancipasti, pactus de remuneratione. Tunc dixi, ecce venio. Facere voluntatem tuam, Deus mi, volupe mihi est: & lex tua est in medio viscerum meorum. vide item Job. xiv. 31. Neque modo in se suscepit hoc Filius, sed & reipsa PRÆSTITIT, factus ex muliere, factus sub lege: Gal. iv. 4. Job. xv. 10. Ego servavi præcepta Patris mei, & maneo in ipsius amore. Et Job. vii. 39, עָוָה לֹא אֶרְשָׁא אֲוִלָּהּ כִּי אֶרְשָׁא נֶאֱוָה. Nec vita excessit, nisi postquam in veritate dixisset, ΤΕΤΕΛΕΣΤΑΙ, Job. xix. 30. In cursu hujus obedientiæ Filius se SOLATUS est Patris in promissis suis exsequendis fide. Dixi, certe merces mea est penes Dominum, & remuneratio operis mei penes Deum meum Jes. xlix. 4. Quumque jam prope a curriculum sui meta abesset, magna animi fiducia promissam sibi mercedem POSTULAVIT. Job. xvi. 4. 5. Glorificavi te in terra, consummavi opus quod mihi faciendum dederas. & nunc glorifica me, Pater, apud te ipsum, ea gloria quam apud te habebam prius quam mundus exstaret. Quid quæso ad Foederis perfectam formam desiderari potest, quod hic desit?

Sacra-  
mentis  
quoque  
Christus  
usus est, ad  
Fœderis  
confirma-  
tionem.

XI. Denique ex eo confirmari possunt hæc omnia, quod Christus Sacramentum quoque usus sit: non tantummodo quoad materiale istorum institutorum, quatenus erant præcepta Divinitus mandata, quorum observantia virtutis rationem habebat: sed & quoad formale, quatenus erant signa & sigilla Fœderis; Deo Patre per eorum usum Filio obliante promissionem Fœderalem de justificatione a peccatis, non propriis & personalis commissionis, vel omissionis (nulla enim talia fuerunt. 2 Cor. v. 21. 1 Pet. ii. 18.) sed iis quæ voluntaria sponsione susceperat tanquam propria, & a quibus, ut sponsor, justificatus est in Spiritu 1 Tim. iii. 16. & de vita æterna ipsi ac suis conferenda: & Deo filio in eorum usu se debitorem fatente ad perficiendam omnem justitiam: quemadmodum hæc docte observata & explicata sunt a Clarissimis Viris, Voetio Disput. De fide Christi, ejus-

*ejusque Sacramentorum usus. Disput. Tom. II. p. 160. & Essenio, de subjectione Christi ad legem Divinam Cap. X. §. XI. Sed nos exemplo rem illustremus. In Baptismo Christi clara utrinque Fœderis obsignatio fuit. Christus declarabat, suum esse implere omnem justitiam. Ad id se obligabat Baptismo: Johanni renuenti ipsum baptizare dicens, desine, ita nos oportet implere omnem justitiam. Mat. III. 15. Pater declarabat se admittere vadium. Ante acquiesco. Luc, III. 22. Et commonefaciebat eum de hæreditate: Tu es filius meus. Et obsignabat omnia ista Symbolo descendentis Spiritus Sancti.*

XII. Hæc quum evidentia sint, & continentia demonstrationem veritatis ad conscientiam, nollem huc trahi versum 2. *Psal. XVI. Dixisti ad Jehovah, Dominus es tu, בל עליך bonum meum non est super te.* Quasi iis verbis contineretur alloquium Dei Patris ad Filium, quorum sensus sit: Nihil a te exigo amplius, quo mihi satisfiat, ut gratia mea præstetur. Nam sicea Vir Doctus *παραφράζει: Dixisti ad Jehovah, &c.* Tu, Fili hominis, agnovisti, quod Jehova sit Dominus, eique obedientiam, ut servus addixisti. Tu diligendo & obediendo usque ad mortem (ad quam te offers) Dominum me declarasti, & perfecta obedientia me honorasti. Quoad impetrationem fructus, *Bonum meum*, hoc est, gratia mea, & bona inde dependentia, *non est super te*, hoc est, *tu es τέλειωμένον*, absolutus ac perfectus Salvator. Quod erat super te, sive ad quod tu ex sponsione obligabar, ut præstares, quo bonum meum perveniret ad homines; id præstitum est a te. *ἄτεχω ὑπὸ τῷ*. Sic *h* debitionem significat, passim in Hebræorum, etiam in Divinis literis.

Ad probationem Fœderis hujus a Virro Docto adducitur Ps. 16. 2.

XIII. Verum dura mihi ista nec ex facili fluere videntur. Nam I. Nihil est quod nos jubeat cogitare, nisi quia ita cogitare volumus, iis verbis contineri *alloquium Dei Patris ad Filium*, quum universus hic Psalmus non habeat speciem Dialogi, sed unam personam repræsentet, continua oratione loquentem, quam Dominum Jesum esse gravibus argumentis *Piscator* evincit. Ipse Vir Doctus ita loquitur: *Potest certe hæc Oratio Filio attribui, tanquam se ipsum alloquenti.* Ergo, inquamego, fieri certe potest ut hæc oratio non possit continere approbationem Patris acquiescentis in obedientia Filii. Si enim Filius animam suam alloquatur, quæ Jehovah dixit, *Tu es Dominus: & bonum meum non est super Te*, utique Filius hoc Patri loquutus est, non Pater Filio. II. Fateor, ea verba, quæ Filius Patri, aut Pater Filio dicit, tantam *ἐμφασιν* habere, ut in ea *ἐμφάσει* a nemine & nemini dici possint, propter *τὸ διαφωρότερον*, quod in Filio est. *Heb. 1. 4.* Sed approbationem perfectissimæ obedientiæ Filii, & acquiescentiam Patris in ea, tam tenuibus verbis exprimi, *Dixisti Dominus es*, nescio an facile cuiquam persuaderi possit. Obtestor quem-

Sed minus commode.

vis,

vis , משכיל שכל טוב ליהוה , *qui est intelligens scientia bona Domini*, ut de Levitis dicitur 2. Paral. xxx. 22. an hæc Scripturæ verba talia sint, *ut nihil possit quinquam comminisci ad sensum eum indicandum commodius & sapientius*, quod alibi Vir Doctissimus requirit, antequam velit animum acquiescere in sensu assignato, *Sum. Theol. Cap. III. §. 30. III.* Verum quidem est *לֹא יֵי* apud Hebræos nonnunquam *debitiōem* significare. Id Doctissimus de Dieu pridem ex Hebræorum & Arabum quoque scriptis observavit ad *Gen. xvi. 5.* Sed non videtur ea significatio huic loco commoda. Neque enim *Bonitatem Dei*, id est, gratiam & bona inde dependentia, *Christus Deo debebat*. Neque *gratiam Dei debebat* proprie *fidelibus*. Sed vi pacti *obediētiā debebat* Deo: qua præstita *Deus debebat Christo & iis, qui Christi sunt, mercedem* pacto promissam, quæ Christo datur *κατ' ὀφείλημα*. Posset significatio debitiōis urgeri, si dictum esset, *lex mea*, aut *satisfactio iustitiæ meæ*, aut simile quid, *non est amplius super te*. Sed ut hæc verba, *Bonitas mea non est supra te*, ita explicentur, *non debes bonitatem meam amplius*, & iis rursus hic sensus affingatur, *omnia fecisti, ad quæ obligaberis, quo bonitas mea ad homines perveniret*; miris ambagibus opus est. Et merito dubito, an cuiquam in mentē venire possit, eam *explicationem simplicissimam & plenissimam atque ordini sermonis accommodatissimam esse, talem denique, ut quis eam cum verbis Scripturæ conferens, non possit comminisci quomodo ea res sapientius efferrī debuerit, & in ea lucem, veritatem, sapientiam indicibilem animadvertat*. Has enim interpretandi leges ipse sibi Vir Doctissimus figit. *Sum. Theol. Cap. vi. §. xxxvi. i.*

Genuinus  
ejus loci  
sensus  
eruitur.

XIV. IV. Alius sensus ex Psalmi verbis elici potest, qui nihil duri nec contorti habet, & sapientiam Deo dignam continet, hoc modo. Dominus Jesus Sanctis meditationibus intentus, animam, id est, se ipsum, alloquitur. Narratque se in meditatione sua dixisse Jehovæ Patri, *Tu Dominus es*, Tibi soli per te ipsum ad felicitatem omnem sufficientissimus. Quapropter toto hoc opere meditationis meæ, & universa adeo obedientia mea, nihil tibi novæ aut majoris beatitudinis accedit, neque satisfactione mea locupletari potes. *Bonitas mea non pertingit ad te. Tu nihil inde emolumenti percipis. Omnis fructus satisfactionis meæ ad pios & electos tuos pervenit. Conf. Job. xxi. 2. & xxxv. 7.* Ad priorem locum elegans est Nachmanidæ commentatio, phrasi cum textu nostro apprime conveniens. *יגור כי אין בהקשרו דהשב לאדום טובה*. *Definit nihil boni Deo accedere, quando fit bonum.* Omnia hæc veritatem continent salutarem, edocentia nos de *omnisufficiētia Dei*, cui nihil novi boni aliunde accedere potest, & de *fructu satisfactionis Domini in pios reduntante*; & verbis ac analogiæ totius Psalmi accommodatissima sunt. Etenim *לֹא יֵי* pluries in Scriptura idem valet quod *לא*, *ad.* Locum unum atque alterum proferam, qui mihi de his meditati in lectione

Scriptu-

Scripturarum occurrerunt. Quod Micha dicit *Cap. iv. 1.* נהרו עלי צמים *confluent super eum populi*; id Jesaias *Cap. 11. 2.* ita exprimit. נהרו אלי *confluent ad eum omnes gentes*. Ubi על & אל eadem significatione sumuntur. Similiter 2. *Paral. xxx. 1.* Literas scripsit על אפרים id est, *ad Ephraimitas*. Magis adhuc ad rem facit, quod exiat 1. *Sam. i. 10.* וידבר על דוד, *orabat ad Dominum*. & *Pf. xviii. 42.* Implorens.... על דוד *ad Dominum & non respondet ipsis*. Interdum idem significat quod עד usque ad: ut 2. *Paralipo. xxxii. 5.* ויעל על המגדלות, & *eduxit* (morum) usque ad turres, neque enim credibile est murum ipsas turres altitudine superasse. *Jer. iv. 18.* נגץ על לבך *pertingit ad cor tuum*. Adde alia ex *Glossii Phil. Sacra. p. 773.* Quum itaque usus hujus particulæ admodum latus sit, nulla ratio nos cogit, ut eam restringamus ad significationem *debitiōis*, quæ huic loco minus videtur esse commoda.

XV. Non eo hæc a me dicuntur, quasi meritis Doctissimi interpretis laudibus, cui & me plurimum debere profiteor, quidquam detractum velim; sed quia nihil mihi est antiquius, quam veram Spiritus in scriptura loquentis mentem rursari. In eo dum totus sum, evitare nequeo quin & aliorum quandoque sententiam examinem: eorum etiam quorum maxima ducor veneratione. Non est fides ex earum genere rerum quæ mortalis cujuscunque auctoritate imperari possunt: neque injuria vel maximis virorum fit; si quis dissensum suum modesta oratione testetur. Id an hic factum non sit, æqui lectoris arbitrium esto. Sed & idem judicet, num observationibus istis tam vehementem meritis sim impetuosi sermonis nimbium, quali in me detonare lubuit Clarissimo Viro, *D. Job. van der Waeyen in Sum. Th. Christ. Lib. 1. Cap. iv. §. 267. & seq.* Valde conqueritur, me explicationem istam celeberrimi Cocceji *duram* dixisse, & *contortam*, & verba Psalmi *oborto huc rapi collo*. Id ego, fateor, pro mea simplicitate sic olim scripseram: nec cogitationem vel convitium iis verbis, vel injuriam inesse. Atqui nulla persuasionis via in verborum acrimonia est. Ne vel illius species supersit; ecce nunc, & pro eo quod *contortam* dixeram, dico *duram neque ex facili flectam*, cætera induco. Convitia reprehensoris mei, ut Christianum deet, ei condono. De animo meo judicare; non illius, sed communis utriusque nostrum Domini est. Rem ipsam quod attinet, lectorem obtestor, ut illius ratiocinationes cum meis confliget; & si meas solide refutatas arbitretur, non intercedo quo minus in alia a me eat omnia mihi locus videtur: & simplex, quam cum plerisque tueor, verborum explicatio eo magis arridere cœpit, quo pluribus censori meo argumentorum ambagibus, quæsitisque & intricatis subtilitatibus, opus esse vidi ad defensionem suam. Reliqua non lubet *ἐπεμνηστέον*. Sua cui

Et defenditur contra Van der Waeyen.



que indoles est, sua scribendi ratio. Quæ si laudare non possum, conor ferre. Atredeo, unde invitus diverti.

Pacti hu-  
jus inter  
Patrem &  
Filium  
præstantis-  
simi Theo-  
logi memi-  
nerunt ;  
sic ut pro  
nupero &  
singulari  
evangelio  
traduci  
non de-  
beat.

XVI. Quandoquidem doctrina de *pacto Patris & Filii*, toties & tam diserte in sacris literis tradita est, injuste pro novo & nupero *evangelio* traducitur. Licet ex antiquioribus paucos reperiam, qui materiam hanc ex professo tractaverint, video tamen præstantissimos Theologorum fœderis hujus aliquando meminisse. Taceo nunc ARMINIUM, non indiligerenter de hoc pacto differenter, in Oratione, quam habuit pro gradu, ex qua quædam adducit & laudat subtilissimus AMESIUS in *Rescriptione ad Grevinckovium Cap. 1.* AMESIUS ipse in *Anti Synodalibus, De morte Christi Cap. 1. §. 5.* distinctionem aliquam Remonstrantium hoc absurdo premit, *quod fœdus cum Christo initum (videbit semen, & delectatio Jehova per eum prosperabitur) neget esse ratum.* GOMARUS de baptismo Christi agens ad *Mat. 11. 13.* dicit eum Christo fuisse fœderis cum Deo significationem & obsequationem; quod videlicet Deus fuerit ejus Deus & salutis dator; ipse vero ad perpetuam obedientiam gratitudinem ei præstandam obstrictus. Similiter ad *Luc. 11. 21.* de circumcisione Christi, dicit fuisse eam significationem & obsequationem fœderis cum Deo. quod fœdus in eo consistebat, partim quod Deus Christi esset Deus, secundum promissionem generalem, ei quoque, (ut semini Abrahami *Gal. 3. 16.*) factam *Gen. XVII. 7.* & secundum sententiam de eo singularem, *Pf. XLV. 8.* & *Ileb. 1. 9.* partim quod Christus ad voluntatis Dei obedientiam esset obstrictus. *Joh. VI. 38. Mat. v. 17.* vide eundem *Disp. de Merito Christi §. 1.* Doctissimus CLOPPENBURGIUS *Disp. 111. De fœdere Dei*, materiam hanc non attingit duntaxat, sed fuse & accurate pertractat. Celeberrimus VOETIUS *Disp. Tom. 11. p. 266.* Subiectus fuit (Christus) pro nobis legi speciali de exsolutione debiti nostri per pœnas condignas qua Mediator & sponsor noster, juxta fœdus cum patre initum. Ejusdem olim Discipulus, dein Collega, ESSENIUS, de subiectione Christi ad legem. *Cap. x. §. 2.* Obsequatio promissionis Divini fœderalis revera etiam locum habuit in Christo, juxta locum *Jes. LIII. 10. 11.* Prolixè eandem hanc materiam persequitur OUWENUS, *Ad Heb. Tom. 11. Exercit. IV. p. 49.* Quin neque Pontificiis Doctoribus ignota hæc Doctrina fuit. TIRNUS ad *Jes. LIII. 11.* ita commentatur, ut doceat Prophetam ibi explicare pacta contenta inter Deum Patrem & Christum, quibus pro passione & morte Christi decernantur præmia, redemptio, justificatio, & glorificatio omnium qui Christo fideles adhæserint. Unde liquet non esse hos conceptus de pacto Patris & Filii, singularitatis infamia notandos.

## C A P. III.

*Natura Pacti inter Patrem & Filium fusius explicatur.*

Quatuor  
proponun-

I. **Q**uum pactum Patris & Filii totius Salutis nostræ fundamentum sit, non abs re erit pedem hic aliquantisper figere; & ulterius medi-

meditando inquirere. I. Unde hujus pacti *initium* arcessi debeat, & *quibus* temporum *momentis* tandem *consummatum* sit. II. Quid *lex fœderis* contineat, *quatenus* & *ad quid* *Filium* obliget. III. An potuerit *Filius patris* illud *non subire*, aut *illi se subducere*, & renunciare. IV. Quale & quantum *præmium* *Filio* promissum sit, vi pacti obtinendum.

II. Pacti hujus *tria* quasi *momenta* considero. *Initium* illius quærendum in *æterno* Adorandæ *Trinitatis consilio*: quo *Filius Dei a Patre*, approbante *Spiritu Sancto*, generis humani *Servator* constitutus est, ea conditione, ut in plenitudine temporis ex muliere & sub lege fieret; quod *Filius* se facturum *sponspondit*. Huc Petrus spectat, quum Christum *præcognitum* dicit *ante jacta mundi fundamenta*. 1. *Pet.* 1. 20. Huc quoque facit, quod Summa Sapiencia de se ipsa testatur, *Prov.* vii. 23. *Ab æterno unctæ sum* h. e. mea Patrisque voluntate, quæ una est, destinata sum ad officium Mediatorium in tempore peragendum. Paulus item docet, *nos in Christo electos esse ante jacta mundi fundamenta*. *Eph.* 1. 4. Consequenter ipse Christus ab *æterno constitutus* est *Servandorum Caput*, & illi *ipsi dati sunt*, *Job.* xvii. 6 pro quibus salutem mereretur, & in quibus gloriosus & admirabilis fieret. Ex hac constitutione Filius ab æterno peculiarem *σχέσις* erga Servandos habuit. Unde liber Vitæ speciali appropriatione *Agno* adscribitur *Apoc.* xiii. 8. quippe continens descriptionem peculii ab omni æternitate *Agno* assignati. Hinc quoque factum, quod Deus admirabili sapientia sua multa ita disposuerit in statu hominis integri, ut eorum attenta recordatio post lapsum, & collatio cum iis, quæ postea revelata sunt, hominem commonefacere potuerit consilii hujus Divini: uti supra *Cap.* vi. §. iii. ostendimus.

III. *Secundum momentum* pacti hujus pono in *intercessione* illa Christi, qua mox post lapsum hominis, Deo per peccatum jam offenso, se obtulit ad ea actu præstanda, quæ ab æterno sponsponderat, dicens; dediisti eos mihi, ego pro illis satisfaciam: atque ita efficiens, ut verbum gratiæ illis proponeretur, & fœdus gratiæ cum illis erigeretur. Ita Christus *actu Mediator constitutus*, & talis *declaratus* fuit mox post lapsum: & *redimendo obito* multa coepit *agere*, quæ ad Mediatoris officia pertinent. Ut *PROPHETA* & Divinæ voluntatis interpret, ea quæ ad electorum salutem faciunt, jam tum *Spiritu suo* revelavit, & per ministros præconiavit. *Jes.* xlviii. 15. 1. *Pet.* 1. 11. & 111. 19. Imo ipse sub nomine *Angeli* quandoque apparuit, suos de consilio Dei edocens. Ut *Rex Ecclesiam* collegit, populumque sibi formavit, in quo per verbum & *Spiritum suum* regnum obtineret. Fuit enim *Filius Dei*, qui dixit *Israëli*, *civis mihi sacerdotale Regnum*. *Exod.* xix. 6. & qui plus quam *Regia Pompea* legem suam promulgavit in Sinai. *Act.* vii. 38. & quem *Jesaias* vidit ut *Regem insidentem solio*. *Jes.* vi. collat. cum *Job.* xii. 41. Ut *SACER-*

cur fufius  
hoc capite  
explican-  
da.

Initium  
hujus pacti  
est in æter-  
no consi-  
lio Trini-  
tatis.

Secun-  
dum mo-  
mentum in  
intercessio-  
ne mox  
post lap-  
sum coepta.

nos peccata electorum in se suscepit, *expianda sacrificio corporis sui* in plenitudine temporis sibi adaptando. Cujus virtute, quum Sponsor esset bonæ fidei, *intercessit* etiam pro electis, volens ut reciperentur in gratiam, dicens, *serva eum, ne descendat in foveam*, *Inveni λύτρον Job. xxxi. 11. 24.* Cujus enim *Angeli* est ita loqui, nisi *Angeli faderū*? qui jam tum *Angelus* dicebatur, antequam veniret in carne, quia peragebat, ea quæ ab hac missione futura pendebant. Is est *unus e mille*, Dux exercitus Angelorum fidelem quemque custodientis, *portans vexillum supra myriadas*, *Cant. v. 10.* Ita etiam Archangelus Michaël (quis autem ille nisi Dominus noster Jesus Christus?) *Dan. x. 13.* vocatur *מִיכָאֵל דָּנִיֵּאל* *unus primorum principum*, hoc est eximius inter primos, quippe qui est *דָּוִד הַגָּדוֹל* *Princeps ille magnus*, *Dan. xii. 1.* Illius est *indicare homini rectitudinem ejus*: tam Dei, quam hominis rectitudinem. Illius est *כַּפֵּר* *propitiatio*, quem Deus proposuit *ἱλαστήριον Rom. iii. 25.* Confer quoque *Zach. i. 12. 13.*

Tertium  
in assum-  
ptione Na-  
turæ hu-  
manæ.

IV. *Tertium* pacti hujus momentum est in *assumptione Naturæ humanæ*, quando *aures sibi perforari* passus est, confer *Pf. xl. 7.* cum *Heb. 10. 5.* id est voluntarium servum se Deo mancipavit, ex amore Domini sui, Patris, & uxoris suæ, Ecclesiæ, ac spiritualium liberorum suorum, (talibus enim voluntariis servis aures perforabantur *Exod. xxi. 5. 6.*) *γενόμενος ὑπὸ νόμον. Gal. iv. 4.* *legi se subjiciens*. Id quod octavo post nativitatem die solemniter *circumcisione* sua testatus est, qua *debitorem se fecit universæ legi servanda. Gal. v. 3.*

Varie  
confidera-  
tiones legis  
Fæderis, &  
Mediatoris  
cui lex  
illa data est  
Mediator  
qua Deus  
nulli legi  
subest.

V. *Lex Mediatori* proposita dupliciter considerari potest: I. *Ut natura & officii.* II. *Ut conditio Fæderis.* Mediator ipse considerari potest tripliciter. I. *Qua Deus.* II. *Qua Homo.* III. *Qua Mediator Θεῶν & ἁνθρώπων.* Hæc distincte inter se conferenda sunt.

VI. *Filius* qua *Deus* præcise, *nulli legi*, nulli personæ superiori, *subjectus* fuit, aut *subjici potuit*: hoc enim repugnat Deitati, quam veram, quam eandem cum Patre Filium habere, *qui rapinam non duxit τὸ εἶναι ἵσα Θεῷ*, nunc supponimus. Deitati nulla subjectio, sed summa *ὑπεροχή* competit, neque aliter ea concipi potest. Eo respectu est *Rex Regum, & Dominus Dominantium.* I. *Tim vi. 15.* *Christianus est qui credit, Patris, Filii & Spiritus Sancti μίαν εἶναι Θεότητα ἐν ἰσῇ ἔξοχα*, SUB PARI MAIESTATE UNAMESSE DEITATEM, qui vero contra jam dicta docet, *Hereticus est*: dixerunt olim Imperatores Gratian. Valent. & Theodo. *Cod. Lib. I. Tit. 1.*

Sponsio  
æterna Fi-  
lii nullam  
Deitatis

VII. Neque obstat quod Filius *ab æterno sponso* pro hominibus, & inde peculiarem aliquam *σχέσιν* acceperit erga homines servandos. Illa enim sponsio, quum nil nisi gloriosissimus actus Divinæ voluntatis Filii

Filii sit, id agentis, quod nisi Deus nemo potest agere, nullam hæc-  
nus subjectionem importat: id solum dicit, fore aliquando, ut perso-  
na illa Divina, carne assumpta, in forma servi appareat. Atque hac spon-  
sione obedientiæ, in humana natura, suo tempore, peragendæ, *Filius*,  
*qua Deus*, non magis subjecit se *Patri*, quam *Pater* se subjecit *Filio* ad de-  
bitionem mercedis, pollicendo illi jus ad postulationem præmii. Om-  
nia hæc *θεογονίαι* concipienda sunt.

subjectionem im-  
portat.

VIII. Nec urgeri debet, quod *Filius* etiam *ante incarnationem* *ἄγγελος*,  
*Angelus*, dicatur: *Gen. XLVIII. 16. Exod. XXII. 20.* Eo enim non  
significatur ulla Filii minoritas, ante præstitutum incarnationi tempo-  
ris articulum: sed tantum *σχημα* apparitionibus angelorum simile,  
præsignificans futuram olim missionem in mundum.

Neque  
Angeli no-  
men ante  
incarna-  
tionem Fi-  
lio applica-  
tum.

IX. Qua *homo* sine dubio subiectus fuit legi *Morali*, in quantum na-  
*tura & actionum* humanarum *norma* est. Repugnat enim, ut ante pro-  
bavimus, creaturam rationalem, qualis humana Christi natura est, ex-  
legem esse. Atque hoc quidem modo per legem obligatus fuit: I. Ut  
*Sanctitatem naturæ* suæ a prima conceptione *inditam immaculatam* servaret.  
II. Ut eam *vita* atque *actionibus* cunctis accuratissime exprimeret, ex  
toto corde, ex tota anima, atque omnibus viribus. III. Ut in ea ad  
curriculi sui *finem*, nullis tentationibus fatiscens, *constanter perseveraret*.

Qua ho-  
mo subje-  
ctus fuit  
Legi mo-  
rali.

X. Quumque non *homo*, duntaxat Christus, & communis mundi  
incola, sed & *Israëlitæ*, id est, *Ecclesia Veteris Testamenti membrum*, &  
*Reipublica Judaica civis* fuerit, subiectus etiam fuit *Legibus Cerimonialibus*  
& *Politicis*, vigorem tunc adhuc suum ex institutione Dei obtinenti-  
bus, Vi harum Legum Christus *Sacramentis Veteris Testamenti* usus fuit,  
*festa observavit*, ad *Templum* accessit, seque ut obsequentem *subdidum*  
sub Legitimo *Magistratu* gessit. Obedientiæ Legum *Cerimonialium* se ini-  
tiavit per *Circumcisionem*. Obedientiam Legum *Politicarum* professus so-  
lutione *ἵνα ὁσδομήσῃ*. *Mat. XVII. 24. 25.*

Qua  
Israëlitæ  
subiectus  
fuit legi  
Cerimo-  
niali &  
Politice.

XI. Opponi posset, quoad *Ceremonialia*, quod Christus se *majorem*  
*Templo* professus sit *Mat. XII. 6. & Dominum Sabbati. v. 8.* quoad *Poli-  
tica*, quod confecerit ex eo, quod *Filius Dei* esset, se a didrachmis pen-  
dendis liberum esse. *XVII. 26. 27.* Sed solutio petenda ex varia Chri-  
sti *οἰκίᾳ*. Utique qua *Deus & Dei Filius, Dominus Legis* est, ipse *Legis-  
lator*, qui ratione Naturæ Divinæ potestatem habuit dispensandi de præ-  
ceptis juris positivi mutabilis. Et si ipse, homo factus, id urgere vellet,  
se *Dei Filium esse*, eoque nomine se gerere *ἵνα θεῶν, ut Deo par esset*, eo  
respectu neque templi Ephori, neque Cæsaris Quæstores, quicquam  
ab ipso, ut minore, exigere poterant. Sed non placuit Christo jus il-  
lud suum exsequi; satius habuit se gerere ut *δούλος τοῦ κυρίου* *servum eorum*  
*qui dominantur. Jes. XLIX. 7.*

Cui sub-  
jectioni  
non ob-  
stant loca  
*Mat. 12.  
6. 8. &  
17. 26.  
27.*

Qua Me-  
diator du-  
pliciter  
sub lege  
est.

Primo,  
ut impe-  
rante con-  
ditionem,  
sub qua ip-  
se cum suis  
particeps  
foret felici-  
tatis.

XII. Qua Mediator & Sponsor adhuc allo modo sub lege est : idque dupliciter. I. Ut *imperante conditionem* perfectæ obedientiæ, sub qua ipse cum suis particeps fieret felicitatis. II. Ut *obligante* ad *panam* debitam electorum peccatis, quæ in se susceperat.

XIII. Quoad prius, Si placuisset Filio Dei in carne apparere, non sub qualitate *sponsoris*, necessario sanctus homo fuisset, & conformis legi Dei, quæ humanæ naturæ data est. Omnis enim homo, quatenus homo est, tenetur Deo subjici ad omnem justitiam & sanctitatem, cujus deformatio lege Dei continetur. Verum *confederatione personali* Mediatoris, ad absolutam illam, nunquam in æternum finiendam, naturæ subjectionem, accessit altera ad subjectionem obligatio, certi temporis curriculo definita, quod Apostolus vocat *dies carnis* Christi Heb. v. 7. quando Christus legi obediens, non in statu possidendi, sed merendi beatitudinem erat. Legem considerans, non modo ut *normam vite*, sed & ut *prescribentem conditionem* acquirendæ beatitudinis. Nihil enim impediēbat, si nostræ salutis procuratio secludatur, cur non semper a conceptionis suæ initio gloriam & beatitudinem possideret. Quandoquidem Filius erat, eo ipso erat hæres omnium. Sed voluntariæ confederationis fuit, quod *quum dives esset* 2. Cor. vii. 9. & ab initio assumptæ humanitatis se posset gerere ut Deo parem, *nostri causa pauper factus sit*. Quam subjectionem sub lege, ut *imperante conditionem beatitudinis*, distinguendam esse ab altera illa absoluta, sub lege, ut *norma Sanctitatis*, hinc liquet, quod Christus illam nunc exuerit, hac manente & mansura in æternum.

Quod  
quum no-  
stri causa  
in se susce-  
perit, me-  
rito obe-  
dientia ip-  
sus activa  
nobis im-  
putatur.

XIV. Utilitas hujus distinctionis magna est, ad solvendum *problema* illud, *quomodo Christi obedientia activa*, quam vocant, licet minus commode, nobis imputari queat, *quum eam pro se ipso, uti homo, debuerit*. Nam præterquam quod *nostri causa homo factus sit*, non eo ipso quod homo erat, erat sub necessitate merendi vitam æternam juxta fœdus legale. Extra *vadimonium obitum* consideratus, qua Θεάνθρωπος, se ipsum poterat eximere omni indigentia, omnique merendi necessitate; adeoque in & per naturam humanam, a primo incarnationis momento, gloriose exercere potestatem omnem in cœlo & in terra; fuit enim hoc ex unione humanitatis cum persona Filii Dei. Sed quod se legi subjecerit ut præscribenti conditionem beatitudinis, hoc totum ex *voluntaria confederatione* est, nostri causa obita. Quod omni jure nobis imputari & potest & debet. Hæc acutissimus ac judiciosissimus Theologus, *Franciscus Gomarus*, etiam in animo habuisse videtur, quum ad Phil. ii. 9. ita commentatur. *Propter nos & sua gloria ad tempus caruit, qua juxte frui poterat, & se ad mortem crucis maledictam demisit; quum eam, si meritum species & potentiam, declinare potuisset.*

XV. Præ-

XV. Præterea Filius Dei vi pacti subiectus fuit *maledictioni legis, secundum maledictionem pro nobis. Gal. III. 16.* Quum enim lex ab homine peccatore *penam* quoque exigeret, & Christus se sponsione sua obligaret ad universum legis jus complendum; necesse fuit, ut *veniret in similitudine carnis peccatricis, quo peccatum damnaretur in carne. Rom. VII. 3.*

Secundo  
sub lege  
fuit ut ob-  
ligante ad  
penam.

Quæ similitudo carnis peccatricis in eo consistit, quod Christus a primo ortu variis miseriis, tam quoad corpus, quam quoad animam obnoxius, tandem ea morte, in qua omnigenæ maledictionis luculentissima indicia se ostentabant, ærumnosæ vitæ curriculum terminaverit. Ita enim peccatorem vivere & mori iustum erat. Ab his miseriis, talique morte, Christus, simpliciter ut *justus homo* consideratus, liber esse poterat, sed postquam *voluntaria sponsione* se semel legi pro nobis submisit, etiam huic sanctioni legis satisfacere tenebatur, quæ mortem peccatoribus interminata est. Omnia hæc quum ex *sponsione* Mediatoria proveniant, ad Christum *qua Mediatorem* pertinent.

XVI. Quandoquidem autem in Christo, *qua Mediatore*, naturarum *Divina & humana* unio occurrit, restat difficultas hæc expedienda, an *utraque* natura se legi aliquo modo subjecerit. De *humana* id asserere nihil vetat, ut multoties jam ostendimus. De *Divina* id plane negandum videtur, ex iis quæ supra §. vi. adstruximus. Sed quum humana natura sine Divina Mediatorem non absolvat, non videtur Mediator, qua talis, subjectionem sub lege spondidisse, nisi Divina quoque ejus natura in subjectionis hujus consortium trahatur.

An in  
Christo  
Mediatore  
utraque  
natura  
se aliquo  
modo sub-  
jecerit?

XVII. Ad quam difficultatem tollendam accurate distinguenda sunt, *utraque natura seorsim* spectata, & *persona Θεανθρώπου*, ex *utraque natura mixta* constans. Utraque natura convenienter sibi ac proprietatibus suis operari debuit. *Divina Natura*, prout characterizata est in Filio, quum non potuerit *vere ac realiter subjici*, hoc fecit vi pacti, ut *non exseruerit nec ostenderit* omnem magnificentiam suam in assumpta natura servi, neque obstiterit, quo minus natura illa sibi unione hypostatica unita *veram* servitutem sub lege serviverit, tam quoad pactum de præmio, quam quoad sanctionem pœnalem. Quæ quidem non fuit Divinæ superioritatis realis *abnegatio* aut *depositio*; sed illius *Oeconomica* quædam ad tempus *occultatio*.

Divina  
natura  
Filii licet  
proprie se  
non subja-  
cerit, diffi-  
mulavit  
tamen ali-  
quo modo  
Majesta-  
tem suam  
sub assum-  
pta forma  
servi.

XVIII. *Humana natura realiter & proprie* legi subiecta fuit: imo ex *Unionis hypostatica singularis* quædam obligatio humanæ Christi naturæ superaccessit, considerata in *relatione* ad *vadimonium* pro nobis ut fratribus suis obeundum. Quum enim homines teneantur ita Deum amare, ut gloriam ejus, quæ in justificatione & sanctificatione peccatoris maxime elucet, ante omnia quærant, & ita proximum amare, ut fratrem ex peccato & miseria cupiant liberare, suo pte etiam discrimine,

Humana  
naturæ  
non tan-  
tum natu-  
ralis sub-  
jectio  
comperit,  
sed & sin-  
gularis

quædam  
obligatio  
ex unione  
hypostati-  
ca illi su-  
peraccescit.

si fieri possit; nemo autem merus homo id facere possit; Christus homo, qui simul verus Deus est, ideoque sua obedientia & passione, hanc Dei gloriam, & fratrum suorum salutem promovere potest, eo ipso obligatus fuit, ad omnia illa obeunda & subeunda, in quibus hic intensissimus amor Dei & proximi se conspiciendum præberet. Quum solus id ex omnibus potuerit, solus ex omnibus id effectum dare debuit. Quod cæteris incumberebat velle *sub conditione*, uti amoris hujus stricturam in Mose *Exod. xxxiii. 32.* & Paulo *Rom. ix. 3.* videmus, id Christo homini incumberebat *absolute*, quoniam, eo quod Θεάνθρωπος erat, absolute id præstare poterat.

Personæ  
Θεανθρώπου  
communi-  
ter adscri-  
benda est  
relatio in-  
ferioris ad  
superio-  
rem ex  
constitu-  
tione.

An Chri-  
stus qua  
Mediator  
Patre mi-  
nor sit?

XIX. *Persona Θεανθρώπου communiter* adscribenda est relatio inferioris ad superiorem ex constitutione, ut ita, tum agendo, tum patiendo, ea perficerentur, pro conditione singularum naturarum, quæ ad servationem nostri requirebantur: adeo ut ipsa obedientia & passio, non tantummodo humanæ naturæ approprianda, sed ut ἀποτελέσµα-  
τα vere Θεανθρώπων habenda sint. Si hoc non forent, abesset illis infinitæ dignitatis pretium, nec sufficerent ad nostri redemptionem. Hinc is, qui *informa Dei est*, dicitur *se ipsum excinavisse, & obediens factus ad mortem.* *Phil. ii. 6. 7. 8.* & *Dominus gloria crucifixus. i. Cor. ii. 8.*

XX. Disquiri hic solet, an *Christus qua Mediator, Patre minor, ei que subordinatus sit?* Sed facile controversia hæc inter Orthodoxos componi posse videtur. Si Mediator in *statu humiliationis*, & forma servi consideretur, utique Patre minor, & ei subordinatus est. Non de humana duntaxat natura, sed de ipso sese, in illo statu, ipse dixit *Joh. xiv. 28.* *Pater major est me.* Imo ipsa *functio Mediatoria* in sese *æconomica* quandam *minoritatem* importare censenda est; quippe deponenda, quum omnia erunt consummatissima, & ipse *Deus erit omnia in omnibus. i. Cor. xv. 28.* Ita tamen ut sponso hæc & mediatio, & adductio hominis lapsi ad Deum, & gratiam, & gloriam, adeo non infra eminentiam Deitatis sit, ut gloriam hanc Mediationis omnibus creaturis incommunicabilem asserere non dubitemus. Gloria Jehovah est, esse Justitiam Israël. Hanc gloriam non dat non Deo: τὸ Mediator non dicit mere servum Dei, sed & Magnum Deum & Servatorem; qui ut gratiæ salvificæ causa prima & principalis, Patri æqualis, operatur in se ipso nostram cum Deo reconciliationem, per naturæ humanæ subjectionem & obedientiam: absque qua nec servitutem servire, nec Patri obedire poterat Filius coæqualis.

Filium  
qua Deum  
nihil ad  
hanc spon-  
sionem

XXI. Tertium, cujus inquisitionem polliciti sumus, hoc erat: *An potuerit Filius pactum illud non subire, aut illi se subducere?* Ad quam questionem distincte rursus respondendum. I. Si *Filius qua Deus* consideretur, totum hoc pactum liberrimi consilii fuit. Nulla erat necessitas, neque

neque esse poterat, quæ Filium Dei, qua talem, ad sponſionem hanc obligaret. Mera hic *ἐνδοκία*, indebita ac liberalis plane *φιλανθρωπία*, pura puta gratia est. II. Si consideretur qua *homo*, libere quidem & spontanee, non coactus, vadimonium obivit, non potuit tamen sine peccato, quod ab ipso quam alienissimum est, se sponſioni huic subducere. Quod ita demonstramus.

XXII. I. Humana Christi, quod sæpius diximus, non potuit esse exlex. Lex, cui naturaliter subest, est *lex Regia Charitatis*. Quæ quidem non *formaliter*, prout homini integro lata fuit, sed *eminenter* tamen, hoc præceptum continet, quod Johannes inculcat, *Epist. 1. Cap. 111. com. 16. ut quis animam ponat pro fratribus*. Dico legem Charitatis, ut homini integro proposita est, præceptum hoc *formaliter* non continere: quia mors cum tali statu non convenit, & perfecta obedientia, quæ tota charitate absolvitur, ab omni moriendi necessitate hominem vindicat, juxta promissionem, *qui fecerit ea, vivet in iis*. Propterea supra diximus, quod si Christus qua *homo sanctus in se* consideretur, citra *respectum* ad Dei decretum, & sponſionem Filii pro fratribus miseris, a moriendi & patiendi necessitate, per perfectam sanctitatem suam, immunis fuerit. *Eminenter* tamen lex charitatis præceptum moriendi pro fratribus, positis circumstantiis requisitis, continet. Jubet enim lex ut *Deum supra omnia*, *proximum sicut nos ipsos*, amemus. Porro qui *Deum super omnia amat*, is non tantum gaudet Deo *Creatore, Benefactore, Domino, Exemplari* suo: non modo omnia grata ei, studet facere: sed & omnia, quæ Dei sunt, ad ipsius gloriam ordinare & promovere annititur. Quumque *Dei gloriam* supra *commoda sua* charam habere debeat, paratus esse debet omnia subire, quibus gloria Dei maxime illustrari possit. Et posito, talem fratres habere miseros, quos morte sua ita ex miseria liberare possit, ut Deus eximio modo gloriosus in iis appareat, jubet *amor fratrum*, una cum *amore Dei*, ut mortem pro iis obire non detrectet; præsertim si ipse, mortis tandem victor, luculentissimam exinde mercedem reportaturus sit. Quum ergo Christus, qua homo, non potuerit non sub lege Charitatis esse, nec homo sanctus, qualis sine dubio esse debuit, concipi possit ut charitate destitutus, multo minus ut contraria charitate dispositione præditus, sequitur, eum, rebus sic stantibus: non potuisse se pacto pro hominibus satisfaciendi subducere: quia lex charitatis talem obligationem *eminenter* continet.

XXIII. II. Filius Dei ab æterno sponſionem, se pacto huic, assumendo humanam naturam, & in ea obediendo, satisfacturum, uti supra §. 11. docuimus. Si humana natura personaliter illi unita potuisset se subducere & renuntiare pacto, potuisset etiam fieri, ut ipse Filius Dei fidem datam falleret. Etenim in tali casu Christus aut non fuisset verus

obligabat, cui qua homo se non potuit subducere.

Subfuit Christus legi Charitatis, quæ eminenter hoc præceptum continet ut quis animam ponat pro fratribus.

Si humana natura Christi potuisset se huic pacto subducere, potuisset



æternam  
Filii spon-  
sionem va-  
nam face-  
re.

ac verax Deus, mentiri nescius; aut non fuisset Deus omnipotens, quippe qui, volens ab æterno illam provinciam in se suscipere, non potuerit humanam naturam in tempore flectere ad id exsequendum, propter quod ab initio assumpta erat. Nec video: quid argumento huic responderi possit, nisi fortasse quis dicere sustineat, cum natura libertatis pugnare, ut ita a superiori causa voluntas flectatur: & tali casu, humanam naturam, detrectantem illi pacto stare, honore unionis hypostaticæ privandam, aliamque in ejus locum assumendam fuisse. Sed præterquam quod illud τὸ ἀχάριστον unionis hypostaticæ, utrinque concessum, evertat, eadem difficultas de natura nove assumpta recurrit, quippe cui æqualis libertas adscribenda est.

Et decre-  
tum, pro-  
missionem  
jusjuran-  
dum Dei  
irritum  
reddere.

XXIV. III. Æterno & irrevocabili decreto Deus statuerat, *promiserat, juraverat*, hæreditatem benedictionum in Christo *Heb. vi. 13-18. Luc. x. 73.* Posito autem Christum potuisse se subducere pacto, potuit etiam fieri, ut *decretum Dei irritum* redderetur, *promissiones* ipsius deciperent, *jusjurandum Dei falleret*, totumque adeo Dei consilium de Oeconomia salutis nostræ, toties in Propheticiis scriptis inculcatum, cassum fieret. Quæ quidem blasphemata cogitatio est. Neque est, quod quis oggerat, uti non nemo facit, Deum potuisse sine ulla pretii solutione debitum peccati remittere, & ex millenis aliquot rationibus aliam viam excogitare liberandi genus humanum, siquidem hic modus exitum non fuisset sortitus. Nam, præterquam quod hoc μέγα λίαν αἴτημα sit, non tam facile a nobis concedendum; ad rem præsentem nihil facit. Etenim non modo salutem in genere electis suis Deus destinavit, promisit, juravit; sed salutem obtinendam per Christum & ejus obedientiam: cui decreto, promissioni, jurijurando, nulla alia ratione satisfieri potuit. Taceo jam, quam indecorum Deo sit, eum ad alia decreta adigere, postquam prima optatum exitum sortita non sunt. Quæ Theologiæ Remonstrantiæ gangræna est.

Quod  
non potest  
tentari sine  
horribili  
peccato.

XXV. IV. Ponamus humanam Christi naturam ἀπλῶς loquendo potuisse se subducere huic pacto, saltem *sine* horribili peccato non potuit postquam illa Dei præordinatio, æterna Filii voluntas, promissio, & jusjurandum patefacta ei fuere. Hisce omnibus præfracte se opponere, atque ita gloriam Dei, & salutem electorum quantovis suo commodo posteriorem ducere, peccatum esset horribilius ipso primi Adami peccato. Et isthoc pacto per hanc, quam impugnamus, hypothesin redigeremur ad horrendas quorundam Scholasticorum blasphemias, asserentium Christum potuisse peccare, & consequenter damnari. Quæ sunt profunda Satanæ, quibus Christiani omnes Anathema debent dicere.

Remon-  
strantium  
sententia,

XXVI. Hinc videmus, quid de Remonstrantium circa hoc negotium Theologematis sentiendum sit, quæ *Apologia* snæ Cap. XVII. p.

187. b. ita dicunt. *Obedientia Christi alterius fuit generis, quam obedientia nostra est: in hoc tamen conveniens, quod prorsus fuerit libera. Christus obediit voluntati Patris sui, non, uti nos Divina Legi obedimus, sub comminatione mortis aeternae, si non obedimus: Absit: sed ut Legatus Regi suo, aut Filius dilectus Patri suo obedire dicitur, quando Rex aut Pater ei provinciam honorariam desert, ut eam exsequatur, addita promissione magnifica alicujus remunerationis, si eam libere atque ingratiam ejus subire velit. Qui hac ratione obedit, id est, provinciam illam ultro in se suscipit, is sane proprie & libere obedit, non quod proprie peccaturus esset, si eam non susciperet, aut susceptam cum bona Patris gratia iterum deponeret, nedum quod poenam aeternam mereretur, si eam non jubeat, aut ab ejus onere suscipiendo aut ferendo se excuset, uti nos, quum non obedimus Deo & Legi ipsius, poenam mereri certissimum est. Nulla enim talis poena comminatio Christo facta fuit: sed quod eam potuit non suscipere, aut, quum suscepit, oneri ejus se subducere, atque ita promisso premio non gaudere, aut excidere.*

XXVII. In quo discursu vix pauciora *σφάλματα* sunt quam lineæ. Nos hæc præcipua nunc notabimus. I. *πρῶτον* *ψῦδ* & Remonstrantium, unde cæteri errores pullulant, hoc est, libertatem voluntatis consistere in *indifferentia*, ut quis possit obedire, & non obedire: quum constituenda sit in *spontanea animi lubentia*. Nisi quis alterutrum horum velit dicere, vel Angelos Sanctos, & spiritus justorum consummatorum, imo ipsum Christum exaltatum, posse voluntatem Dei non facere, vel eam non facere libere. II. Non distinguunt *personam* Filii Dei & *gratiam*, qua se exinanivit ad suscipiendam obedientiam in humana natura assumenda, ab ipsius *humana natura & obedientia* Christi jam *exinaniti*. Gratia Filii Dei tam libera fuit, ut potuerit nolle illam exinanitionem, qua indueret obligationem ad obedientiam. Nulla ratio est, cur futura hæc exinanitio ab Adoranda Trinitate, consequenter ab ipso quoque Filio, decreta sit, præter liberrimam voluntatis Divinæ *indivisi*. Posito tamen hoc libero decreto, non potuit humana natura, cum in finem a *λόγῳ* assumpta, provinciam Christo impostam, & ab ipso *λόγῳ* jam susceptam, detrectare, aut ei se subducere, sine peccato, & crimine inobedientiæ. III. Non observant *naturam* Christi *humanam* *indispensabili necessitate* obligatam fuisse ad *Sanctitatem* imaginis Dei. Quandoquidem universam Christi obedientiam conferunt cum *suspensione provincie alicujus, quam Rex Legato aut Pater Filio suo desert*. Et enim uti Legatus qua *subditus*, & Filius qua *talis*, ipso *natura jure*, Regi & Patri suo *obedientiam* debent, distinguendam a *libera suspensione provincie hujus honoraria*: ita etiam humana Christi natura obedientiam Deo debuit, & etiamnum debet, ad servandam conformitatem cum *sanctitate Dei*; quæ obligatio distincta est a *suspensione provincie Mediatoriæ*.

Ejus confutatio.

Libertas non consistit in indifferentia.

Distigul  
deber gratia Christi  
se exinanientis ab obedientia exinaniti.

Et obligatio ad Sanctitatem a suspensione Provincie Mediatoriæ.

Obedien-  
tia Christi  
& nostra  
essenciali-  
ter non  
differant.

riæ. IV. Perperam in eo constituunt *essentialem differentiam* inter *obedientiam Christi & nostram*, quod nos obediamus *sub comminatione mortis æternæ*, Christus non. Quippe comminatio illa proprie ad obedientiam non pertinet, quæ a nobis quoque non debet extorqueri metu poenæ, sed sponte proficisci ex reverentia Divini Præcepti, & amore Sanctitatis. Obedientia nostra non minus erit obedientia in Coelis, quando comminatio mortis æternæ locum amplius non habebit. Adde, quod eadem Lex, quæ nobis proposita est, Christo quoque vitæ & actionum suarum regula fuerit. Lex autem illa comminatione mortis æternæ sancta est: quam Christus justam ac veram esse credere debuit, eo facientem, ut conscientia informetur de odio Dei, quo ipse peccatum odit, & ipsa quoque ad peccati & injustitiæ odium inflammetur. Atque hætenus Christus quoque, postquam se pro nobis exinaniverat, sub comminatione, & astipulatione comminationis ut justæ Legi obedivit, & ipsa illa legis comminatio in Christo operabatur sensum iræ Dei, quum pateretur pro nobis. V. Absurde fingunt, Christum *cum bona Patris venia* potuisse *provinciam sibi demandatam non suscipere*, aut *susceptam iterum deponere*: quasi quis diceret, filium aliquem cum bona probi patris venia posse patrem mendacem ac perjurum facere. Promiserat enim Deus Pater, & jurejurando confirmaverat, se salutem nobis procuraturum per Filium. VI. Non minus absurdum est, quod nihil inconveniens ex non susceptione aut depositione provinciae illius provenire comminiscantur, præter hoc unum, quod Christus tum *promisso præmio non gauderet aut exideret*: quum ipsa electorum omnium salus, & quod omnium maximum est, tota Dei gloria exinde labascatur. Velim etiam doceri, quo præmio Christus, juxta illam hypothesein, excidisset; an honore unionis hypostaticæ: an ipsa salute æterna, & communione Divinæ amoris ac gloriæ: an sublimi illa gloria, qua nunc supra reliquas creaturas eminet: item, an non blasphemum sit, aut unionem hypostaticam divelli; aut naturam aliquam Filio Dei hypostatice unitam salutis æternæ exsortem esse; aut, si beata sit, non habere *διαφορώτερον ὄνομα* supra reliquas creaturas: item, an iactura tantæ felicitatis in natura intelligente sine acerbissimi doloris æterno sensu esse possit: denique an non multo satius, & Deo Christoque ejus dignius sit, credere, non potuisse Christum provinciam sibi a Patre impositam non suscipere, aut illi se subducere, quam in hæc se absurda induere.

Non potuit Christus cum bona Patris venia susceptam provinciam deponere.

Quippe ex qua depositione plurima nascerentur inconvenientia.

XXVIII. Quantum quod restat, de *Præmio vi hujus pacti a Filio obtinendo*, ita expediemus, ut *primo* inquiramus, *quale præmium* Filio promissum sit, *deinde* *qualem relationem obedientia Filii ad hoc præmium* habeat.

De Præmio vi hujus pacti obtinendo.

XXIX.

**XXIX.** Præmium Filio promissum est *summa gloria. Job. xvii. 1.* *Pater glorifica Filium tuum, ut & Filius tuus te glorificet.* Gloria autem hæc considerari potest, distincte in *Humanitate*, in *Deitate*, in *tota persona*. In humanitate hos tres gloriæ gradus animadverto. I. Quod una cum electis *confortibus suis. Ps. xlv. 8. & coheredibus suis. Rom. viii. 17.* in perfecta Dei fruitione beata sit. II. Quod supra creaturas omnes emineat, propter honorem unionis hypostaticæ. III. Quod gloria Divinitatis in illa resplendeat, longe luculentiore fulgore, quam in diebus carnis suæ: sic ut homo Christus conspici non queat, quin appareat eum esse gloriosum Dei Filium, & gloria ipsius sit uti *gloria unigeniti a Patre. Job. i. 14.*

Præmium  
humanæ  
naturæ.

**XXX.** Deitas Filii, nullum proprie gloriæ accrementum potuit acquirere, sicut non potuit proprie humiliari. sed quemadmodum *humiliatio* Christi quoad *Deitatem* in eo sita est, quod sub assumpta servi forma, velo quasi gloriæ suæ splendorem texerit: ita *glorificatio Deitatis* in eo consistit, quod omnis gloriosæ Majestatis Divinæ Magnificencia illustri modo se exferat & conspiciendam præbeat. Atque hoc erat quod Christus petebat. *Job. xvii. 5. Et nunc glorificame, tu Pater, apud te ipsum, ea gloria, quam habui, antequam mundus esset, apud te.*

Deitati  
nihil quid-  
dem novæ  
gloriæ po-  
tuit acce-  
dere, sed magnifi-  
centia  
Deitatis il-  
lustrius se  
conspici-  
endam præ-  
beret  
quam an-  
te.

**XXXI.** Tota persona Mediatoris hoc consequitur præmii. I. Quod Deus eam *ὕπερ ὅσων, superexaltavit, & nomen dedit supra omne nomen Phil. ii. 9. Super omne imperium & potestatem & potentiam, & omne nomen quod nominatur non tantum in hoc seculo, sed & in futuro. Eph. i. 21.* II. Quod tota Ecclesia ipsi detur in peculium, juxta *Ps. ii. 8. & Jes. liii. 10.* atque ipse Caput Ecclesiæ detur *super omnia Eph. i. 22. & omnis potestas illi concedatur in Cælo & in terra. Mat. xxviii. 18.* ut omnia in commodum Ecclesiæ suæ gubernet III. Quod propter arctissimam Ecclesiæ, ut corporis sui Mystici, secum unionem, ipse omnia illa dona accipiat, quæ propter ipsius meritum electis conferuntur. Ecclesia enim Christo unita, corpus una cum capite, *Christus dicitur, i Cor. xii. 12.* Atque ita ad litteram sonant verba *Ps. lxxviii. 19. לקחת מתנות בראש. Accepisti dona in hominibus: uti lxx. quoque transfulerunt δαΐδες δόματα ἐν ἀνθρώποις. Pro quo Apostolus Eph. iv. 8. non verbum verbo reddens, sed sensum indicans, dixit, ἰδὼκε δόματα τοῖς ἀνθρώποις. Nam uti Christus ea accipere censetur, quum membris suis dantur, ita ipse ea membris suis dat, quæ a patre accipit *Act. ii. 33. Exaltatus igitur dextera Dei, quum promissionem Spiritus Sancti accepisset a Patre, effudit hoc quod nunc vos videtis & auditis.**

Præmium  
totius per-  
sonæ.

**XXXII.** Obedientia Christi ad hæc *præmia* non habet solummodo *relationem antecedentis ad consequens*, sed *meriti ad mercedem*: adeo ut obedientia Christi *causa sit, & conditio* jam impleta, cujus vi *ius* habeat ad hæc præ-

Præmia  
hæc Chri-  
stum sibi  
ipsi meritis

le, &  
Scriptura  
differte do-  
cet.

præmia. Hoc docent differta scripturæ loca *Pf. XLV. 8. Amasti iustitiam, odisti impietatem* (his verbis obedientia Christi describitur) כן הָיָה *PROP- TERE* *A* *unxit te, O Deus, Deus tuus, oleo lætitiæ supra consortes tuos.* Hæc verba præmiū continent, innuentia lætissimum introitum Christi in Regnum gloriolæ hilaritatis. Respectus obedientiæ ad præmiū nota- tur vocibus כן הָיָה *Idcirco*, quæ non merum antecedens, sed causam notant. Similiter *Jes. LI II. 12. כן ידעירכו portionem ei dabo inter mul- tos, & cum robustis dividet spoliū, וְרוּחַ אֱשֶׁר יָצָא מִפִּי עוֹדוֹ עַד מוֹתוֹ* *eo quod effudit ad mortem animam suam.* Ubi relativæ particulæ illæ וְרוּחַ אֱשֶׁר יָצָא & כן expresse in- dicant commutationem illam iustitiæ, qua cum obedientia præstita re- ciprocatur merces debita. *Phil. II. 8. 9. Factus est obediens usque ad mor- tem, mortem autem crucis. διὸ καὶ ὁ θεὸς αὐτὸν ὑπερέψωκε, PROPTEREA Deus eum quoque superexaltavit. Heb. XII. 2. Ἄντι τῆς προκειμένης αὐτοῦ χάρις ὑπέμεινε θάνατον* *PRO preposito sibi gaudio sustinuit crucem.* Ubi diser- ta commutatio obedientiæ & mercedis est.

Et res ip-  
sa loqui-  
tur.

XXXIII. Et res ipsa loquitur. Quum enim hoc pactum inter Pa- trem & Filium sit, si anima Filii se posuerit victimam pro peccato, videbit se- men. *Jes. LI II. 10.* conditione præstita, Filius sibi jus acquisivit ad mer- cedem, & sic habet meritum ex pacto. Imo quum obedientia hæc non meri hominis sit, sed Christi Θεανθρώπου, personæ infinitæ, ipsa quo- que infinitæ dignitatis est, consequenter justam proportionem habet ad maximam gloriam illi respondentem, atque hætenus est meritum, quod vocant *de condigno*, quale in nullam meram creaturam cadit.

Ad præci-  
puas obje-  
ctiones  
breviter  
responde-  
tur.

XXXIV. Scripturæ loca, quæ humiliationem Christi proponunt ut *antecedens* ad subsequentem gloriam, huic doctrinæ non obstant. Omnis enim causa antecedens est, licet non omne antecedens sit causa. Tantum quoque abest, ut meritum Christi *pro se ipso* merito *pro nobis* præ- judicet, ut e contra hæc inseparabiliter juncta sint. Si enim sibi ipsi me- ruit, ut esset caput electorum in gloria, & dona in iis acciperet, utique *electis* simul meruit, ut glorificarentur, & donis, quæ corpore Christi mystico digna sunt, ditarentur. Neque minuitur hac doctrina amoris Christi erga nos præstantia, si sua humilitate sui quoque exaltationem spectarit. Poterat enim gloriosus esse quoad ipsum attinet, sine hac mortis & poenarum inferni via. Tum etiam suam gloriam spectavit ut nostræ principium & causam, & cujus fructus omnis ad nos redunda- ret. Amor autem summus est, quod sine nobis gloriosus esse noluerit. Nec urgeri nimis debet vocabulum *χαρίζεσθαι*, quo Apostolus utitur *Phil. II. 9.* quasi præmia ibi memorata ex omnimoda gratia gratis Chri- sto data sint, sine ullo intuitu ad obedientiam, ut causam juris ad illa præmia. Paulus enim expresse ibi asserit, propter obedientiam hæc Christo donata esse. Nec vox *χαρίζεσθαι* semper omnimodam gratiam

connotat. Optimus linguæ Græcæ Magister Hesychius exponit per τὸ δῶν τὰ χαρισμένα grata facere. Grata autem illa quoque dicuntur, quæ debita sunt. Θεοῖς χαρισμένα ποιεῖν, Græci dicunt. Unde idem quod hic χάρισμα dicitur respectu Christi, ἰπὺς, opera pretium ipsius merces pro labore ipsius vocatur, iusto iudicio ipsi adjudicata. *Jes. XLIX. 4. Enimvero iudicium meum est apud Jehovah, & opera pretium meum apud Deum meum.* Ita ut hic loci Paulini simplex sensus sit: quia Christus Patri tam spontanea obedientia se subiecit, ideo Pater Christo quoque in eo grata fecit, quod nomen illi donaverit super omne nomen.

## CAP IV.

## De Persona Sponsoris.

**P**ostquam rationem pacti inter Patrem & Filium non omnino indiligenter exposuimus, conveniens est ut de *Sponsore* ipso, cujus hic præcipuæ partes sunt, paullo accuratius agamus; & primo quidem PERSONAM SPONSORIS consideremus, & quæ ad eam constituendam requiruntur: tum SATISFACTIONEM illam, quam sponfione sua in se suscepit, cujus VERITATEM, NECESSITATEM, EFFECTUS, EXTENSIONEM, distincte ex sacris literis eruemus.

II. Ad PERSONAM SPONSORIS, qui vadimonium pro nobis obire possit, hæc *quatuor* requiruntur. I. Ut sit VERUS HOMO, anima & corpore humanis constans. II. Ut sit JUSTUS ac SANCTUS HOMO, sine ulla peccati labe. III. Ut sit verus & æternus DEUS. IV. Ut hæc omnia sit in UNITATE PERSONÆ. De singulis distincte.

III. Quod Sponsor noster VERUS HOMO esse debeat, Paulus non semel docet *Heb. 11. 10. 11. 16. 17. ἔπρεπε debuit, oportuit, Deo dignum fuit, ut is qui sanctificat, & ii qui sanctificantur, ἐξ ἐνὸς ex uno omnes sint, ex uno semine humano, sic ut se mutuo fratres appellare possint. Ex ὧν Φεῖλε κατὰ πάντα τοῖς ἀδελφοῖς ὁμοιωθῆναι, debuit in omnibus fratribus similis fieri, si futurus sit eorum ἡμιᾶ, ἐπιλήτωρ. οὐ γὰρ δὴ πρὸ ἀγγέλων ἐπιλαμβάνει, ἀλλὰ σπέρματι. Αβραὰμ ἐπιλαμβάνει. Non enim utique Angelos sibi vindicandos assumit, sed semen Abrahe sibi vindicandum assumit.*

IV. Assumptio hæc non videtur mihi notare assumptionem humanæ naturæ ad unitatem personæ, sed assumptionem electorum ad eos vindicandos. Nam. I. Conjunctio causalis *enim* indicat, Apostolum hoc medio termino uti ad probandum id, quod supra *ψ. 14.* de communionem corporis & sanguinis dixerat, & quod *ψ. 17.* per particulam illativam *ἔτι* inde deducit. Medius terminus autem a conclusione est distinguendus. Neque in sapientissima Apostoli illatione tautologia est. II. Quam assumptio humanæ naturæ jam dudum facta esset, antequam

Quæ de sponsore cognoscenda.

Conditiones in eo requisitæ.

Quarum prima est ut verus homo sit,

Heb. 2, 16. explicatur.

Apo-

Apostolus hæc scriberet, non loqueretur de eo in præfenti, quemadmodum hic facit, sed in præterito, quemadmodum versu 14. fecit. III. Quemadmodum dura locutio foret, Filius Dei assumpsit hominem, dum id volumus tantum significatum, Filius Dei assumpsit naturam humanam, ad eundem modum & hæc itidem locutio, Filius Dei non assumpsit Angelos, ad significandum, Filium Dei non assumpsisse naturam Angelicam, pariter dura videri posset. IV. Ἐπιλαμβάνεσθαι stilo Scripturæ valet aliquem manu apprehensum liberare. Ita *Mat. xiv. 31.* Εὐθὺς δ' ἐὼς ὁ Ἰησοῦς ἐκλείνας τὴν χεῖρα, ἐπέλαβετο αὐτὸν. *Mox Jesus extensa manu apprehendit eum.* Atque hæc significatio contextui est appositissima. Nam præcedenti versu Apostolus dixerat, Christum *a metu mortis liberasse eos, qui per totam vitam obnoxii erant servituti*, alludens, uti videtur, ad servitutem Ægyptiacam. Deus autem nobis in Scriptura repræsentatur, ut populum suum extensa manu apprehensum Ægypto educens. *Jerem. xxxi. 32.* מִצֵּרַת מִצְרָיִם בְּיָדַי אֶחְיִיזֵם. *Quo die apprehendi eos manu ad educendum eos ex terra Ægypti.* Quod Apostolus Græce dicit *Heb. viii. 9.* Ἐπιλαβομένους μὲν τῆς χειρὸς αὐτῶν, ἐξαγαγὼν αὐτοὺς ἐκ γῆς Αἰγύπτου. Ubi idem vocabulum ἐπιλαμβάνεσθαι. Etiam apud Auctores de sæculo ἐπιλαμβάνεσθαι notat aliquid ut suum vindicare, & quemadmodum Virgilius loquitur, dicere *Hæc mea sunt.* Ita *Plato xii.* de Legibus, ὅτι ἀν τις κτήνη μὲν ἢ καὶ μηδὲς ἐπιλάβηται, *si quis quid possideat, & nemo id pro suo vindicet.* Respondet Hebræorum לָקַח. Hæc faciunt ut cum multis Viris eruditissimis credere malim, illis Apostoli verbis, quorum genuinum sensum indagamus, argumentū pro incarnatione Christi contineri, quam ipsam incarnationem iis denotari.

Sponsor  
homo esse  
debit, ut  
legi pro  
nobis sa-  
tisfacere  
posset.

V. Porro invictis rationibus demonstrari potest, oportuisse ut sponsor noster homo fieret. Meditemur hic paulisper, si forte ab ipso fundo veritatem eruere valeamus. Foedus Legale cum primo homine pactum ipsa natura Dei nititur: saltem quoad præcepta Foederis, & comminationes illis annexas: ita ut contradictorium sit illa præcepta legis naturalis homini non proponi, aut hominem post violata præcepta fervari sine satisfactione; quod nunc præsuppono, quippe in antecedentibus probatum, & in sequentibus porro probandum. Pergo. Satisfactio illa non potest esse alia nisi præstatio eorundem præceptorum, & perpeffio ejusdem poenæ, quam Deus peccanti interminatus est. Quia ex hypothesi constat, Deo dignum non esse homini vitam largiri, nisi propter obedientiam: illorum præceptorum, nec posse veritatem & iustitiam Dei acquiescere, nisi post inflictam poenam, quam peccator meritus est. Addo, Nulla creatura potest præstare ea præcepta, quæ homini data sunt, nisi homo. Patet. I. Quia lex, quæ homini naturalis est, exigit, ut Deum amet toto animo, & ei serviat toto

cor-

corpore, quandoquidem utrumque Dei est. Id nemo potest facere, nisi qui anima & corpore constat, id est, homo. II. Eadem lex exigit amorem proximi; proximus autem noster, nisi homo eodem sanguine cretus, nemo est. Quo facit emphatica Dei ad Israël locutio: *Jes. LVIII. 7. A carne tua ne abscondas te.* Ita & sponsor noster nos fovere debuit, ut quisque carnem suam; & consequenter nos debuimus esse *ἐκ τῆς σαρκὸς αὐτοῦ, καὶ ἐκ τοῦ ὁστέων αὐτοῦ.* *Eph. v. 29. 30.* III. Exigit quoque, ut vitam ponamus pro Fratribus; quod lege regia charitatis eminenter contineri supra ostendimus. Id rursus nemo potest facere nisi homo. Quis enim alius Frater noster est? *Heb. II. 11.* aut quis alius vitam pro nobis poneret? Non magis alia creatura præter hominem easdem passiones subire potest: quales sunt fames, sitis, lassitudo, mors. Deo dignum fuit homini peccanti talia comminari. Ut corpus, quod se peccati instrumentum stitit, pœnam quoque suam luat. Postquam autem comminatus est, non patitur Dei veritas, ut non infligantur, vel peccatori, vel sponsori. Nihil impedit, quo minus dignitas patientis compenset pœnæ durationem. Sed non patitur Dei veritas, ut species pœnæ mutetur. Propterea sponsor noster *carnis & sanguinis particeps factus est, ut per mortem aboleret eum, qui mortis imperium habet.* *Heb. II. 14.* Omnia hæc simul juncta ἀναλλήλως evincunt, quod spnsor noster homo esse debuerit: ut legi pro nobis posset satisfacere.

VI. Voluit hoc Apostolus, quando duo illa copulat individuo nexu *Gal. IV. 4. γεγέννηται ἐκ γυναικὸς, & γεγέννηται ὑπὸ νόμον.* *Factus ex muliere & factus sub lege.* Indicat enim principalem & proximum incarnationis Christi scopum & finem fuisse, ut in natura humana subijci posset legi, cui ipsa est ὑποδύκω: atque ut sic posset Deus cum illo eandem pactionem instaurare, secundum idem jus, quam olim cum primo homine inierat: quod implicaret contradictionem cum quacunque alia natura creata.

Ostenditur eadem veritas ex *Gal. IV. 4.*

VII. Accedit & hæc consideratio. Sponsor noster talis naturæ esse debet, ut cum eo possimus uniri in unum corpus. Id enim necesse est, ut satisfactio unius quasi omnium sit, & Spiritus vitæ sanctæ & beatæ ab ipso, uti capite, ad nos, uti membra sua, dimanet: atque ita sit *ὡς τὸ σώμα*, *Servator corporis, Eph. v. 23.* Unionem hanc mysticam scriptura frequenter *conjugium* vocat. Conjugii autem inviolabilis lex est, ut personæ conjugatæ ejusdem sint naturæ. *Erant illi duo in carnem unam. Gen. II. 24.* In quibus verbis Spiritualis matrimonii Ecclesiæ cum Christo mysterium latere Paulus nos docuit. *Eph. v. 31. 32.*

Idem exigit lex conjugii.

VIII. Secundam conditionem in Sponsore requisitam hanc esse diximus, ut sit JUSTUS & SANCTUS HOMO: in omnibus quidem Fratribus simi-

Sponsor Sanctus



homo esse  
debit.

Quod  
vãrlis ra-  
tionibus  
probat.

us, sed χωρίς ἀμαρτίας, sine peccato. Heb. iv. 15. Quæ Sanctitas in eo consistit, ut a primo conceptionis suæ momento sine ulla proprii peccati reatu & labe sit, & ex adverso rectitudine originali imaginis Dei instructus: ut porro toto vitæ suæ curriculo ab omni crimine se immunem præstet, omnemque iustitiam omnibus viribus impleat: & denique in ista puritate ad finem usque constanter perseveret, nulli tentationi succumbens.

IX. Et hoc quoque ex antepositis clarum est. Quum enim sponsor noster nos servare debeat juxta primam fœderis conventionem, qua perfecta sanctitas ab homine exigebatur, ipsum quoque perfecte sanctum esse oportuit. Et quum porta coeli per peccatum clausa sit, non nisi per sanctitatem rursus aperiri potuit. Urget hoc Apostolus Rom. v. 19. *Sicut per inobedientiam unius hominis peccatores constituti sunt multi, ita etiam per obedientiam unius illius iusti constituentur multi.* Obedientia autem illa omne peccatum excludit. Et qua quæso ratione peccator pro aliis satisfaceret, qui pro se ipso non potest satisfacere, quum uno peccato animam debeat? Nam quis est (ex hominibus peccatoribus) qui pro corde suo fidejubeat ut ad me accedat? dicit Dominus Jer. xxx. 31. Aut quis potest sacerdos noster esse, qui familiariter pro nobis ad Deum appropinquet, & hostiam ipsi gratam, & preces validas offerat, nisi qui ipse criminis omnis purus sit? Talis nos Pontifex decet, qui sit ὁσιος, ἀκακός, ἀμίαντος, κεχωρισμένος ἀπὸ τῶν ἀμαρτωλῶν. Sanctus, ab omni malo alienus, sine labe, separatus a peccatoribus. Heb. vii. 26. Is demum se ipse potest offerre, ut agnum ἁμώμον καὶ ἄσπιλον inculpatum & incontaminatum 1. Pet. i. 19. cujus oblatio Deo sit εἰς ὁσμὴν εὐωδίας: in odorem bonæ fragrantia. Ephes. v. 2. Nec quisquam alius, qui se non potest offerre ἁμώμον Deo, potest mundare conscientiam ab operibus mortuis. Heb. ix. 14. Significabatur id olim per legalem Pontificis munditiam, sine qua Sacra tractare morte piandum nefas erat: & per puram pecudem, sine ullo τω, ullo vitio. Quumque notum sit, quod Deus peccatores non exaudiat Job. ix. 31. quorum preces ipsi abominatio sunt Prov. xxviii. 9. quis potest generalis omnium intercessor & Paracletus esse apud Patrem, nisi qui καὶ ἐξοχὴν iustus sit? Job. ii. 2. Quomodo denique is, qui ipse impurus est, posset Ecclesiam sanctificare, & eam sibi gloriosam fieri, non habentem σπίλον, ἢ ῥυτίδα, ἢ τι τοιούτων ἀλλ' ἵνα ἡ ἀγία καὶ ἁμώμη. maculam aut rugam, aut quicquam ejusmodi, sed ut sit sancta & inculpata Eph. v. 26. 27. non potest plus in effecto esse quam in causa. Omnia hæc quum a sponsore fieri debuerint, apparet necesse esse, Sanctus homo sit.

Non ho-  
mo modo

X. Elucescit autem hic adoranda Dei nostri sapientia. Non tantum Homo Sponsor noster esse debuit, sed & ex hominibus, Filius hominis. Nam

si humana ipsius natura ex nihilo aut ex terra creata esset, verus quidem homo foret, sed non proximus, non frater noster. Ut id esset, oportuit ipsum, sicut alii infantes, carnis & sanguinis participem fieri Heb. 11. 14. & ex muliere nasci Gal. 4. 4. Sed obstare videbatur candidissimæ Sanctitati Sponsoris, ut ex Adami posteris, qui omnes hæreditaria ab ipso labe sunt infecti, nasceretur. *Quis enim mundum dabit ex immundo? Job. 14. 4.* Adoremus hic imperscrutabilem Dei sapientiam. Voluit sponso-rem ex muliere nasci, sed virgine. Hoc enim si nihil aliud, indicium saltem horum duorum erat: I. Sponsorem non esse ex Foedere Adami, quippe non natum juxta naturæ legem, & consequenter non subesse imputationi peccati Adamici. II. Imo nequidem potuisse considerari, ut existentem in Adamo, quum Adamus peccaret. Quandoquidem non est natus vi illius verbi, quo Deus matrimonio ante lapsum benedixit: *Crescite & multiplicamini*: sed vi promissionis, de semine mulieris, lapsum consecutæ. Atque ita creatus est ut novus Adam, in oppositione ad priorem. Nam *creavit Dominus in terra rem novam* נָקְבָה חֲסִיבָה גַּבְרָא, *Femina circumdat Marem.* Jer. xxxi. 22. Hoc ad eum modum intelligendum videtur, Quemadmodum verba in maxima emphasi intelligi possunt, *Ut semina*, quæ nil sit nisi θήλεια, nec quicquam mulieris habeat præter sexum, *circumdet*, non per amplexum, sed per conceptionem. (Intelligitur enim circumdatio, quæ sit opus solius Dei, & non voluntaria operatio hominis.) *Masculum, vel Marem.* Id significat sexum præstantiorem. Ut *Apoc. xxi. 5.* Ἐγένετο ὁὖν ἄρρενα peperit *Filium marem.* Hoc demum *nova res* est, & Divina plane *creatio*. Inde pendet benedictio terræ, & animæ lassæ refocillatio, quæ in sequentibus promittuntur.

XL. Disquiri hic posset, an miraculum nativitatis ex Virgine per se præstet immunitatem humanæ naturæ Christi a peccato, & id ex natura peti debeat; an vero habeat duntaxat rationem Divinitus ordinati symboli? Duorum magnorum Virorum verba, non uno modo hæc concipientium, lectori exhibebo, ut accuratoris ei meditationis materia sint. Est Vir Doctus, qui ita loquitur. *Enimvero non habet illa ex Virgine natiuitas miraculosa, ad Sanctitatem conceptionis & natiuitatis Christi, rationem aliam quam Divinitus præordinati Symboli, quo segregatus sit peccatoribus: Minime enim miraculum illud per se solum, quod secundatus sit utero virginis, præstare potuisset exemptionem carnis Christi a peccati labe; neque enim a sexu masculino solo, aut semine virili, est peccati virus tradux, neque sic unum hominem Adamum sine Eva intellexit Apostolus, Rom. v. Quod hic nonnullorum est πρῶτον ψευδὲς. Alius in hunc modum commentatur: Potuit ex Virgine nasci ἀπείραστον. Quia id, quod est in ipso peccatoris, quum sit creatura Dei, non aliter est sub maledictionis &*

Sponsor esse debuit; sed & Filius hominis, ut sit proximus noster.

Et Filius Virginis, ut sit immunitis a peccato.

Jer. 31. 12, explicatur.

An natiuitas ex Virgine per se præstet immunitatem a peccato, an vero habeat duntaxat rationem symboli.

Cloppenburg Exercitat. de Sanctificata origine carnis Christi.

inqui-

Coccej

Sum.<sup>1</sup>  
Theol.  
Cap. 158.  
11.

Cap. 134.  
12.

Sponsor  
Verus  
Deus esse  
debit.

Nam nemo  
præter  
Deum potest  
nos  
asserere in  
veram  
libertatem.

*inquinatum, nisi quatenus est pars peccatoris, quum puniendus est, aut instrumentum peccandi, aut medium ordinaria propagationis natura, ut quid nascatur simile generanti. Potuit igitur in Virginis corpore id esse, quod sub maledictione non esset: quemadmodum sudores, & alia ex corpore humano ejecta, non sunt sub maledictione aut reatu, neque medium transferendi reatus, sed sunt pars materia quam Deus creavit, neque amplius ad hominem pertinent omnino. Fortasse clarius se idem Vir Doctus alibi his verbis expressit. Qui non ex Patre & Matre sed ex Virgine natus est, sub reatu & κατὰ φύσιν non fuit. Nam a matre hos tantum accepit, quod preparatum erat a Deo, ut inde sumeret Filius Dei materiam Templi sibi fabricandi. Quantumvis enim id, quod est peccatoris, propter peccatorem, cuius est, sit sub eadem damnatione, sub qua est peccator: tamen quod ita in substantia peccatoris continetur, ut non debeat esse pars substantia ejus, sed preparatum sit divinitus ad generationem extraordinariam, propter solam communionem carnis inter Redemptorem, & redimendos, id sub condemnatione non est. Ideoque recte dicitur esse sanctificatum, hoc est, a communi filiorum Adami condemnatione præservatum. Neque enim sanctificatum in eo casu potest significare purificatum, sive ab impuritate liberatum: quemadmodum, quum de aliis filiis Adami dicitur, significat. Quid in utraque hac sententia simplicius, quid solidius sit, iudicium penes cordatum lectorem esto. Digna mihi utriusque verba visa sunt, quæ hic apponeremus.*

XII. Tertio & hoc in Sponsore nostro requiritur, ut *Verus & Aternus Deus* sit. *Ego juvo te, dicit Jehova, וְאֵלֶיךָ קָרָא יְהוָה, & Redemptor tuus est Sanctus Israël.* *Jes. XLI. 14. Ego, Ego Jehova אֲנִי מְבַלְעֵר מוֹשִׁיָּהוּ & non est servator præter me. Jes. XLII. 11.* Non est servatio tale opus, de quo in veritate dici possit *אֵין יְדוּעַ פֶּעַל כָּל אֶחָד* Non - *Jehova fecit omne hoc. Deut. XXXII. 27. Veri Servatoris est hoc de se ipso testari, quod Jesaias ἀποσφύττους Cap. XLV. 23. אֲנִי בִידְעוּ לִי אֲמַר צְדָקָתְךָ וְתֵן עָוֹן אֲנִי יְבִיא* *Tantummodo in Jehova (mibi dixit, vel de me dixit, scil. Pater, qui de Christo testatur Job. VII. 18.) sunt Justitia & robur, ad eum quiique veniet. Et rationes evidentes sunt.*

XIII. Nemo alius potest nos asserere in veram libertatem nisi Deus. Si concipiamus, creaturam aliquam nos redimere & liberare, fieremus istius creaturæ peculium. Nam qui nos liberat, emit nos in peculium & mancipium suum. *1. Cor. VI. 19. 20.* Repugnat autem manifesta contradictione, liberatum & liberum esse, & simul peculium ac servum alicujus creaturæ esse. Libertas vera in subjectione sub solo Deo consistit, sic ut omnia nostra sint, nos Dei & Christi ipsius. *1. Cor. XII. 22. 23.* Adam ante lapsum nullius imperio nisi Dei suberat. Si nos per liberationem a lapsu sub dominio alicujus creaturæ constitueremur, ea liberatio non esset, sed mutatio servitutis. Propterea di-

et Dominus, si Filius vos liberaverit, vere liberi eritis. *Joh. VIII. 36.*

XIV. Nemo quoque præter Deum potest nobis vitam æternam dare quæ consistit in arctissima unione cum Deo, imo in eo, quod Deus hæredium, possessio, & peculium nostrum sit, *חַיִּי וְעִלְיָא* *portio nostra in seculum. Ps. LXXIII. 26.* Cui autem creaturæ hoc dari potest, ut Deum alicui donet? Deum nemo dare potest nisi Deus, ipse se.

Aut vitam æternam dare.

Hinc illa junguntur, *Verus Deus & vita æterna. 1. Joh. v. 20.*

XV. Nemo alius potest nobis dare *ἱερότητα τίνος Θεῷ γενομένης*, *potestatem ut filii Dei simus*, quod tamen sponsoris est. *Joh. 1. 12.* Quis enim nobis Spiritum Dei dabit, per quem regeneremur in Filios Dei, sic ut *οἱ πάντες* in celo & in terra ab ipso nominetur, *Eph. III. 15.*

Aut filios Dei facere.

nisi Deus? Quis nobis maxima illa & pretiosa promissa dabit, per quæ evadamus *Θείας κοινωνοὶ φύσεως*, *Divina consortes natura. 1. Pet. 1. 4.* nisi Deus? Quis Testamento nobis hæreditatem coelestem decerneret, nisi ipse Deus, qui solus coeli Dominus est? Quis eo nos Spiritu donabit, qui ita Patris est, ut & ipsius sit, *per quem clamemus Abba Pater Gal. IV. 6.* quique *una cum spiritu nostro testetur de hæreditate futura Rom. VI II. 16. 17.* nisi ipse Deus?

XVI. Denique hominem in aliquo ut Servatore suo gloriari, eique novæ creationis honorem dare, ei se ad arbitrium & in peculium mancipare, ei dicere Tu animæ meæ Dominus es, major honos est, quam ut in meram creaturam cadere possit. In *Jehova* justificabuntur & gloriantur universum semen Israël. *Jes. XLV. 25. Exsultat spiritus meus in Deo Servatore meo. Luc. I. 42.* Quem servatorem agnoscimus, eum simul *Judicem nostrum, Legislatorem nostrum, Regem nostrum* agnoscimus. *Jes. XXXIII. 22.* Qui sancte gaudenti animæ præter Deum nemo esse potest. *Jehova regnat, exsultet terra, gaudeant insulae multa. Ps. XCVII. 1.*

Aut eum honorem habere, ut in eo uti Servatore gloriemur.

XVII. Constat ergo, quod sponsor nemo esse potuerit, nisi qui verus Deus sit: sed an præcise necesse fuit, ut *Filius Dei*, & secunda Trinitatis persona esset? Non est hic laudanda Scholasticorum temeritas, Dei negotia intellectus sui decempeda audacter nimis metientium. Nulla illius consilii, juxta quod Filius sponsonem hanc in se suscepit, æquior dari potest ratio, quam Sancta adorandæ Trinitatis *ἰσχυρία*. Nostri tamen est officii, postquam illa nobis patefacta est, sapientiam & bonitatem Dei in hoc consilio animadvertere & prædicare.

Filium sponsores fieri an præcise necesse fuerit, determinare a nobis vix potest.

XVIII. Nunquid sapientissime a Deo dispositum est, ut per quem creatus fuerat homo, per eundem instauraretur, & quasi recrearetur? ut, quæ ille, qui est *personale Dei Verbum*, quod lucem vocavit e tenebris, & per quod omnia facta sunt, *Joh. 1. 3.* fieret *Præco Verbi Evangelii*, per quod Deus splendet in cordibus electorum, & novæ creaturæ nondum exstantes efficaciter vocantur, & per vocationem adducuntur, quasi

Pater tamen in illo Trinitatis Consilio summa Sapientia & Bonitas.

quasi exstarent? Ad hæc, quum sola secunda persona sit Filius, nostraque salus in *υιοθεσία* posita sit, nonne conveniens fuit, Filium Dei fieri filium hominis, ut per ipsum, jus illud adoptionis adepti, fratres & cohæredes ejusdem efficeremur? Adde, quod solus Filius vocetur *imago Patris*, Col. 1. 15. Heb. 1. 3. & κατ' ἐξοχήν a Patre dilectus. Mat. 111. 17. Col. 1. 15. Quum igitur homo imaginem Dei, in primigenia creatione acceptam, per peccatum turpissime foedasset; eoque in odium Dei justissime incurrisset, nonne Deo dignum fuit eam per Essentialem Dei, in assumpta carne, imaginem instaurari, ut hoc pacto ad dilectionem & gratiam Patris reditus nobis patefieret? Denique potuitne *Φιλάνθρωπία* & amor Dei Patris illustriori indicio nobis demonstrari, quam Filium suum unigenitum nobis & pro nobis dando, ut in eo conspiceremus gloriam Patris? Huc ipse D. Jesus nos ducit Joh. 111. 16.

Denique  
Sponsor  
debuit esse  
*Θεάνθρωπος*

XIX. *Ultima conditio in sponsore requisita hæc est, ut sit Θεάνθρωπος, Deus & homo simul in unitate persona. Unus Mediator Dei & hominum. 1. Tim. 11. 5. Quum enim homo esse debeat, quum item Deus esse debeat, quum denique unus esse debeat, necesse est ut utrumque in unitate personæ sit. Θεός φανερωθείς ἐν σαρκί. Deus revelatus in carne. 1. Tim. 111. 16. Verbum caro factum Joh. 1. 14. Ita ex semine Davidis secundum carnem, ut sit simul Filius Dei ἐν δυνάμει. Rom. 1. 3. 4. Quod porro hoc modo demonstratur.*

Ut satisfactio  
ipsum  
infiniti  
esset valoris.

XX. Si merus Deus sit, non potest subijci, obedire, pati. Si merus homo sit, non est ejus obedientia, subjectio, passio, tantæ dignitatis, ut redimendis electis sufficiat. Imo mera creatura ita pro se ipsa impletionem justitiæ debet, ut ea aliis imputari & donari non possit: & si merus homo, perfecte quidem sanctus, sed tamen merus homo, juxta legem dilectionis se ipsum morti pro Fratre suo offerret, ipse quidem justitia sua adipisceretur mercedem; homini autem reo vel nihil, vel, si quicquam, ad summum impunitatem saltem, mereretur. Ideo ergo sponsorem nostrum hominem esse oportuit, ut subijci, obedire, pati posset. Ideo simul Deum, ut subjectio, obedientia, passio personæ illius Θεανθρώπου, propter infinitam illius dignitatem, aliis imputari queat, & cunctis, quibus imputatur, servandis sufficiat.

Et ut  
onus Divi-  
næ iræ fer-  
re & aufer-  
re queat.

XXI. Accedit, quod *ψιλή κτίσις* non possit onus iræ Divinæ perferre, ita ut auferat, eoque superato resurgat. *Quis novit robur iræ tuæ, & excandescentiam tuam, prout tu, terribilis es? Ps. xc. 2. vide Nab. 1. 6. Idcirco oportuit sponsorem nostrum plus aliquid quam hominem esse, ut infinita virtute Divinitatis suæ assumptā naturā humanā sustentaret, atque ita tolerandæ excandescentiæ Divinæ, & superandæ cuicunque morti, parem faceret.*

XXII. Nolo dissimulare rationi huic opponi posse; quod Deus naturam humanam, personaliter sibi non unitam, Divina virtute sua ita sustentare queat, ut ferendis & vincendis omnibus doloribus par sit. Equidem non ausim hoc negare. Sed tamen id in hoc negotio non sufficeret. Quia, juxta illam hypothesin, non tam sponsor noster, quam Deus per sponsores hostes sterneret. Necesse autem est, ut sponsor noster propria virtute id faciat, ut proprium *ipsius brachium ipsi salutem affert*, *Jes. LXI 1. 6.* & propterea ipse sit *αρχι υβρις Robustus Jacobi* *Jes. LX. 16.* *υβρις Deus fortis* *Jes. 1x. 6.* ipse *ισχυρι ισχυροτερος Luc. XI. 21. 22.* ipse vitam habens in se ipso, *Job. v. 26.* & potestatem habens vitam rursus assumendi. *Job. x. 18.* Ad quam requiritur *υπερβαλλον μεγαθυριας*, *super excellens magnitudo potentia.* *Eph. i. 19. 20.* & unde quis demonstratur filius Dei in potentia. *Rom. i. 4.*

Quod propria sibi virtute sponsor debuit facere.

XXIII. Hæc sunt tremenda Religionis nostræ mysteria, *χρώνοις αιωνίως σιτισμένα*, nunc autem manifestata per Scripturas Propheticas, juxta mandatum æterni Dei, ad obedientiam fidei, per omnes gentes notificata *Rom. xvi. 25. 26.* Hinc Christianismi Divinitas evidenter patefcit. Quæ hominum, quæ Angelorum solertia, hæc tam abdita, tam sublimia, tantoque intervallo omnem omnium creaturarum captum superantia, excogitare potis fuisset? Quam adoranda hic se pandit Dei sapientia, Justitia, Sanctitas, Veritas, Bonitas, *φιλανθρωπία*, in inveniando, dando, perficiendo hoc salutis nostræ medio? Quam placide conscientia, peccatorum suorum onere pressa, in tali sponfore, tali sponsione, acquiescit? Hic demum animadvertens dignum Deo, securum homini, reconciliationis nostræ modum. Quis hæc in lumine Spiritus contemplans non erumpat in Sanctissimi, Justissimi, Verissimi, Optimi, Maximi Numinis laudem? O profunditas Divitiarum Sapientiæ & scientiæ Dei! O mysteria *εις α ε πι θυμῳσιν οι αγγελοι παρακύψαι!* Gloria Patri, qui talē nobis sponsores, excitavit, admisit, dedit! Gloria Filio, qui se humana carne vestiens vadimonium pro nobis tam lubenter, tam patienter, tam constanter obivit! Gloria Spiritui Sancto, tantæ nobis felicitatis indici, testi, arrhaboni! Salvus sis, Christe Jesu, Verus & Æternus Deus, Verus & Sanctus Homo, Utrumque simul, servatis utriusque Naturæ proprietatibus, in Unitate personæ. Te agnoscimus, Te colimus, ad te nos recipimus, Tuis pedibus advolvimur, ex tua unius manu salutem expectamus. Tu sospitator unicus. Tuum peculiū volumus esse, & sumus tua gratia, & manebimus æternum. Te cognoscat, Te agnoscat, Te adoret nobiscum, atque ita per Te servetur, universus electorum tuorum mundus. Hæc fidei, hæc spei, hæc voti nostri summa est. Amen.

Ex quibus Mysteriis Christianismi Divinitas patefcit.

προσφώνησις ad Deum,

Et Jesum.

## De Sponsione &amp; Satisfactione Christi.

Christus  
sponsor di-  
citur, non  
tam quia  
nobis spo-  
spondit  
nomine  
Dei, quam  
quia Deo  
sponspondit  
pro nobis.

I. **P**ostquam desponsoris *Persona*, quantum instituti nostri ratio requirit, locuti sumus; nunc de SATISFACTIONE, quam spondendo in se suscepit, ut accuratius paullo agamus tempus hic locusque flagitant. SPONSOR autem *Faderis*, vel *Testamenti*, dicitur *Heb. vii. 22.* non solum, nec præcipue, quia nobis sponspondit nomine Dei, se impleturum promissa illo Testamento contenta, si mandatis ejus paruerimus, quemadmodum, Curcellæus, Socinum Magistrum secutus, cavillatur: sed quia Deo pro nobis sponspondit, se eas omnes condiciones pro nobis impleturum, quibus præstitis hæreditas ex testamento ad nos perventura esset. Sponsionis hujus salutarem fructum Hizkias petebat, quum orabat *Jes. xxxvi. 11. 14. Vis mihi fit, וְרַבְנִי, sponde pro me.* Et Deus ipse, quando Filio suo soli Sponsionis hujus gloriam vindicatum it, ita se exprimit *Jes. xxx. 21. נָא כִּי מִי דָּוִד אֶת עַרְבָּא לְבִי לְגִשְׁתִּי אֵלַי נָא יְהוָה* Nam quis ille est qui fidejubeat pro corde suo, ut ad me accedat? inquit Dominus. Hoc est, quis alias mortalium, imo quæ creaturarum, spondere ausit, se ea omnia præstituram, quæ præstari debent a Sacerdote, cui jus erit pro se ac suis ad me appropinquandi? Ita ergo sponsor noster Deo sponspondit pro nobis. Quorsum etiam talis sponsor, qui Dei duntaxat nomine fidejuberet apud nos? Si Christus merus homo sit, qualem isti nobis Christum fingunt, ecquid sponsio illa Christi nos certiores de veritate Divinorum promissorum reddere potest, quam si ea ex ipsius Deiore audiamus? Nonne primo necesse fuit, ut Deus, mentiri nescius, nobis sponderet pro Christo homine, eum veracem fore in omnibus dictis suis, antequam iis secura fide possimus acquiescere? Annon compendiosius, simulque tutius, innitimur jurijurando Dei ἀψευδῆς, quo τὸ ἀμετάθετον ἡ ἐκκλησία hæredibus promissionis abunde confirmavit, *Heb. vi. 17.* quam assertioni veri quidem & veracis, sed meritamen hominis? & quid quæso Christus hic eximium haberet, ob quod solus sponsoris elogio decoraretur, si nihil fecisset aliud quam quod præconio salutaris Doctrinæ, quam martyrio suo confirmavit, nobis pro certis annuntiaverit promissiones gratiæ: quum id cæteri quoque Prophetæ & Apostoli Christi fecerint, non dubitantes dirissimas quasque mortes obire, ut sanguine suo veritatem promissionum Dei, a se annuntiatarum, obsignarent? Quid est Christum & sponsionem ejus exinanire, si non hoc est?

Satisfactio  
Christi  
quid sit.

II. Sponsor ergo noster Christus dicitur, quia DEO SPONSPONDIT SATISFACTIONEM PRO NOBIS. Quæ rursus satisfactio intelligenda non est sensu Sociniano, quasi in eo solum consistat, quod Christus desiderium

rium

riam Dei perfectissime impleverit, & omnia, quæ salutis nostræ causæ ipsi a Deo fuerunt imposita, plene fuerit exsequutus, atque ita plenissime Deo satisfecerit, idque pro nobis, hæc *nostræ causæ, nostræque* summo & sempiterno bono: quenaadmodum Crellius, quum quam proximè ad nos accedit, hæc bona verba dare videri vult. Sed in eo sita est, quod Christus *nostro loco* ac vice nostra, tum agendo tum patiando, satisfecerit *justitiæ Divinæ*, tam *Legislatoria*, quam *Premii Retributoria* ac *Vindicativa*, perfectissime implens omne *δικαίωμα τῆς νόμου*, quod Lex alias a nobis requirebat ad immunitatem a poena, & ad jus vitæ æternæ, Hoc si fecerit Christus, uti ipsum fecisse mox demonstraturi sumus, nihil obstat, quo minus enim in plenissimo vocis significato pro nobis satisfecisse dicamus. Quorsum enim vocabulum tam commodum, eo quod in hac materia *τύπος* *φύσις* sit, superciliose repudiaremus, si rem significatam vocabulo, probatam dare possimus.

III. Sponsionem satisfactionis hujus reperimus Ps. XL. 7. 8. 9. his verbis a Christo Domino expressam. *Sacrificio & munere non oblectar: auris perforasti mihi. Holocaustum & victimam pro peccato non postulas. Tunc dixi, Ecce venio. In volumine libri scriptum est de me. Facere voluntatem tuam, mi Deus, voluptas mihi est. Et lex tua est in medio viscerum meorum.* Baptista.  
tur Ps. XL.  
7. 8. 9.  
Ubi nota. I. Pactum inter Christum Dominum & Patrem, cujus vi Christus Patrem *Deum suum* vocet. II. Christum libere ac sponte pactum illud cum Patre inivisse, quum se servo comparat, cui aures perforabantur, ut voluntariam servitutem sub dilecto sibi Domino serviret. III. Vi illius pacti Christum se stitisse ad acceptam voluntatem per Dei faciendam. IV. Voluntatem istam lege expressam esse, quam Christus in visceribus suis habet, quam diligit animitus, & toto corde servaturus est. V. Legem illam non modo perfectam justitiam postulare, ad obtinendum jus vitæ æternæ, sed & lutionem debitæ peccatori poenæ. Id quippe significabatur hostiis, muneribus, holocaustis, & victimis pro peccato. Nam quando peccator pecudes vel fruges, ipsi in cibum concessas, Deo offerebat, easque curabat suo quasi loco flammis absumi, eo confitebatur se dirissima internectione, & æternis inferorum flammis, propter peccata sua, dignum esse. VI. Externas istas victimarum ceremonias, sine respectu ad rem significatam, Deo nunquam placuisse, neque potuisse conscientiam mundare ab operibus mortuis: idcirco Christum se obtulisse, ut perficeret voluntatem illam Dei, per quam sanctificamur. *Heb. x. 10.* tam implendo omnem justitiam lege præscriptam, quam subeundo reatum peccatorum nostrorum, ut pro iis quasi victima placularis lueret. Hæc omnia in sponsione Christi, a Davide descripta, continentur.

IV. Potuit Christus sine ulla injuria sponsionem talem in se inscipere.

Oce. Ford.

§

I. Quia



Poruit  
Christus  
sine ulla  
injuria  
sponso-  
nem talem  
in se susci-  
pere.

Quam  
procurare  
& accepta-  
re Deo Pa-  
tre dignum  
fuit.

In ea non  
est ulla Le-  
gis Divinae  
abrogatio,  
vel déro-

I. Quia ipse vitæ suæ Dominus est, quam pro suo in illam jure, pro aliis oppignorare potest. *Joh. x. 18. Ἐξουσίαν ἔχω θῆναι αὐτήν.* II. Quia id, quod spondet, præstare potest: ferendo poenam condignam, implendo omnem justitiam, in utroque præstando obedientiam tantæ dignitatis, eo quod persona Θεανθρώπου est, ut obedientiæ omnium electorum plus quam æquivalens sit. III. Quia eo pacto eximiam plane & incomprehensibilem caritatem, tam erga Dei gloriam, quam erga hominum salutem ostendit. IV. Nec habet humana ipsius natura de quo conqueratur, quum major gloria creaturæ contingere non possit, quam ut hypostatice uniatur cum persona Divina, eique inserviat ad perfectionem operis maximi, quod cum stupore universus electorum Angelorum chorus æternum laudet; præsertim quum certa sit, se, post maximos quidem, sed brevis temporis dolores, *βραχύ τι* Angelis minorem factam, nomen assequuturam supra omne nomen.

V. Dignum quoque Deo Patri fuit, sponsonem hanc Filii sui tum procurare, tum acceptare: quia in illius executione est declaratio *Veritatis* Dei, illud omne exacte complentis, quod in Lege sua justitiæ pollicitus, peccato minatus est; & *Bonitatis* Dei, hominem peccatorem & miserum, dato & admisso idoneo sequestro, secum reconcilians; & *Justitiæ* Dei, fontem citra sufficientem satisfactionem pro fonte non habentis, imo potiore longe satisfactionem accipientis, quam ab ipso unquam homine præstari possit, propter excellentiorem Christi obedientiam, & digniorem poenam. *Rom. 111. 25. & Sanctissimæ* Dei, non admittentis hominem ad beatam sui communionem, nisi justificatum sanguine, sanctificatum Spiritu Christi; denique *Omnisufficientiæ* Dei, qui, quod incredibile propemodum videbatur, sine ulla ullius virtutum suarum imminutione, Deus & salus peccatoris hoc pacto factus est. Hinc est, quod Dominus Jesus in executione, sponsonis suæ *nomen*, hoc est, perfectiones, Dei se manifestasse *Joh. xvii. 6.* & has nominatim, quas recensuimus, virtutes declarasse, profiteatur. *Ps. xl. 11. Justitiam tuam non occultavi in medio cordis mei, Fidelitatem tuam & Salutem tuam eloquutus sum, non abscondi Benignitatem tuam, & Veritatem tuam Ecclesia magna.* Quum ergo nihil Deo dignius excogitari possit, quam gloriam Divinarum perfectionum suarum gloriosissimo modo patefacere, & hæ perfectiones nusquam illustrius splendeant quam in satisfactione Christi, dignum plane Deo fuit sponsonem talis satisfactionis procurare & admittere.

VI. Neque per admissionem hujusmodi sponsonis facta est ulla legis Divinae abrogatio, aut derogatio, aut obrogatio, aut surrogatio; sed explicatio duntaxat κατ' ἐπιεικειαν: quia legi, prout jacebat, sed ἐπιεικώς acceptæ, a Redematore nobis conjunctissimo, per solutionem debiti

ἀνταλλάττει,

ἀπολύειν, plenissime satisfactum est. Unde Apostolus per Christum *καὶ νόμος* impletum esse dixit. Rom. VII. 4. Non incommode totum negotium hoc modo concipietur. Lex dicat, nemini aditum ad vitam æternam patere nisi ex causa perfectæ omnibusque numeris absolute justitiæ; item, omnem peccantem luiturum poenam mortis, cujus imperium æternum est. Interim dubium est, nec lege explicatum, an perfecta illa justitia necessario per ipsam personam servandam præstari debeat, an vero sponsor admitti possit, qui illam præstet ejus loco. Iterum dubium est, an necesse sit peccantem in propria persona debitam poenam luere, an vero eam in persona sponsoris quoque luere possit. Denique dubium est, utrum luiturus in infinitum luere debeat, ratione durationis; an vero etiam luere possit, si aboleatur illud mortis imperium, per sufficientem luentis personæ dignitatem & valorem, atque ita mors absorbeatur in victoriam. τὸ ἀκριβοῦς δικαίον, stricte sumtum, prout verba primo intuitu videntur, exigeret priora. Sed ἡ ἐπιείκεια, quæ finitorem *Aristotele Lib. v. Esbic. Cap. x.* est *ἐπὶ τῷ νόμῳ, ἢ ἐλλείπει διὰ τὸ κατ' ὅλν.* Legis, quæ parte deficit ob universitatem emendatio, admittit posteriora, ubi illa obtineri possunt; quemadmodum revera actum est & agitur in Christo & Christianis. Sic ergo corrigitur quod legi, propter universitatem, debeat: non quantum ad intentionem Legislatoris Dei attinet, quæ prorsus invariabilis est, & semper perfectissima: sed quantum ad expressam verborum formulam: non multo aliter quam si admitteretur ut quis Pater pro filio, idemque loco argenteorum nummis aureis æquivalentem multam solveret, χρύσεια χαλκίον. Id foret legis interpretatio κατ' ἐπιείκειαν.

gatio, sed interpretatio κατ' ἐπιείκειαν.

VII. Nec injustum erat, Christum pro nobis puniri: quum ipse Socinus & Crellius fateantur, non fuisse injustum, ut Christus innocentissimus a Deo gravissimis cruciatibus ipsaque morte afficeretur, quod ex eventu patet. Potuit enim Deus jure Dominii omnes illas afflictiones Christo imponere; præsertim accedente D. Jesu, qui vitæ suæ potestatem habebat, valido consensu. Tota difficultas est in τῷ formali poenæ. Sed quum Christus delicta nostra, & injurias a nobis Divinæ Majestati illatas in se liberrimo voluntatis suæ arbitrio suscepit, proque iis se vadem obtulerit, Deus ut supremus Rector juste poenas a Christo nostro loco exigere potuit, & re ipsa exegit. Atque ita τὸν νόμον τῆς Discipline pacis nostræ, παραδειγματισμός ille Christi, in quo Deus velut lucidissimo exemplari ostendit, quam ardenti odio peccatum prosequatur, sed qui nobis immunitatem, ac pacem affert, in ipso fuit *Jes. LI. 1.* Id enim hic est τὸν νόμον pacis exemplaris, in quo ira Dei adversus peccatum ostenditur, apta ad alios a peccato absterrendum. Sic *Jer. xxx. 14.* τὸν νόμον, poena alicujus crudelis. & *Prov. VII. 22.* τὸν νόμον πα-

Non est  
injustum  
Christum  
pro nobis  
puniri.

na stultis exemplaris, & *Ezech. v. 15. Erit opprobrium & blasphemia, ut exemplum & stupor.*

Quod &  
ex eventu  
patet.

VIII. Sed profecto nimium nobis arrogamus, si id nobis sumere auserimus, ut Divini juris æquitatem ad rationis nostræ modulum exigamus. Quando de re ipsa liquet, semper pro Deo contra stultæ ratiocinationis nostræ caspitationes statuendum est. Monstrum horrendum infandæ hæreseos & profanæ arrogantiae parturit, qui, quod Socinus facit, non erubescit scribere: EGO QUIDEM ETIAMSI NON SEMEL, SED SEPE, ID IN SACRIS MONUMENTIS SCRIPTUM EXSTARET; NON IDCIRCO TAMEN ITA REM PRORSUS SE HABERE CREDEREM. Nostræ modestiæ est hoc modo instituire: Ego quidem, etiamsi millies ratio mea, quam cœcam & fatuam, & Deo obstreperam esse novi, reclamaret; non idcirco tamen quod vel semel in sacris monumentis scriptum reperio, in dubium revocare auderem: vel quæsitæ aliqua interpretatione, alium sensum rationi meæ magis convenientem, Scripturæ verbis inferre. Quando ergo ex Divinis literis probaverimus, Christum Dominum satisfecisse iustitiæ Dei, simul in eo nihil iniusti esse probasse censendi sumus: juxta axioma, quod ipsa natura docet, omnes vias Dei esse veritatem & iustitiam.

Christum  
omnem ju-  
stitiam im-  
plexisse in  
confesso  
est.

Pf. 69. p.  
explicatur.

IX. Christum omnem iustitiam implexisse, nemo Christianus dubitat. Hoc Judæorum turba de eo testata est, *Mar. VII. 27. Omnia relict fecit.* Hoc ipse de se vere, uti omnia, prædicavit. *Ego semper facio, quod Patri gratum est, Joh. VIII. 29.* Hinc confidenter inimicos provocavit, *ibid. vers. 46. Quis vestrum me convincit peccati?* Imo ipsum Patrem suum *Pf. LXXX. 6. O Deus tu nosti usque ad fatigationem meam, & reatus mei a te non sunt occulti.* Suppono enim, psalmum hunc orationem Christi Domini continere, quod ex crebra variarum ejus particularum in Novo Testamento allegatione liquet: & verbis his inesse puto protestationem. D. Jesu apud Patrem de sua innocentia, quorum non incommodam paraphrasin Theodorus in Catena dedit *ἐγὼ γὰρ ἵμαρτορ εἰς αἰῶνα, αὐτὸς ἐπίσταται. αὐτὸ τὸ, οὐ μοι μάρτυς, ὅτι μηδὲν ἔπραξα. Num quidquam in eos deliquerim, ipse nosti: pro eo, tu mihi testis es nihil me fecisse.* Plenius tamen sensum hoc modo proponi existimo. Verum est, mi Deus, quod ego reatum subierim, & factus sim execratio: sed novisti omnes reatus, usque ad levissimas culpas pro quibus huam; & quod nullam in illis omnibus sit meum delictum proprium, quo jus tuum violaverim, ut restitutus sim, quod ego rapuerim. Cui protestationi attestatur Pater, quom Christum *Servum factum iustum* vocat *Jes. LIII. 11. eumque justificabis in Spiritu. 1. Thom. III. 16. declarando, eum qui hominem innocentem esse ab omni crimine falso ipsi impacto, ex adverso perfecta*

obedien-

obedientia Patrem suum honorasse; & quæ *Mediaspam* provinciam ipsi impositam tam sedulo accurasse, ut nihil in ea reliqui fecerit.

X. Id quoque in confesso est, illam Christi sanctissimam obedientiam *nostro* bene esse. Quippe in qua habemus. I. Confirmationem coelestis doctrinae suæ: operibus consummatissimæ sanctitatis suæ, non minus quam operibus, quæ patravit, miraculosis, demonstrantibus eum Divinae veritatis præconem coelitus missum esse. II. Vivam Legem & perfectissimum exemplar Sanctitatis Deo & Dei filiis dignæ: cujus piddam quidem deformationem in Lege scripta habebamus, sed quæ vivo vultu & nativa luce in Christo & ipsius actionibus coruscans, omnem hominem eam in Spiritu contemplantem ad amorem sui excitare apta nata est. Hoc scilicet mortalibus deerat, Divinae Sanctitatis intaminatum instar in aliquo Fratrum suorum cernere; quod in Christo demum consequuti sunt, qui *exemplar nobis reliquit, ut in vestigiis ipsius ambulemus.* I. *Pet. II. 21.* III. Commemorationem viæ, qua in cælum itur: Christo non verbis solum suis, sed & factis docente, *neminem sine sanclimenta Deum visurum esse.* *Heb. XII. 14.*

Id quoque constat, factum hoc esse nostro bono.

XI. Sed pergendum est ulterius, & statuendum istam Christi obedientiam *nostro* ab illo loco consummatam esse, ut per illam jus nobis pareretur ad vitam æternam. Lex, quam sartam tectam Deus esse vult, neminem intromittit in gloriam, nisi ex causa perfectæ obedientiæ. Eam nemo homo propriam habebat: Sed Christus habuit: & donat illam suis. Hoc est quod Apostolus docet *Rom. v. 16.* *Donum gratiosum Jesu Christi ex multis lapsibus usque dicatorem in justitiæ causam esse.* Id est, etiamsi nobis ea defint opera, propter quæ debeat merces, imo etiamsi quam plurimis peccatis æternam maledictionem meriti simus; nihilominus exstat aliquid, quod non modo abolendis multis lapsibus sufficiat, sed quod præterea meritum & causa justitiæ sit: nempe obedientia unius hominis: idque sit nostrum gratuito dono. Clarius adhuc *Y. 19.* *Sicut per unius hominis inobedientiam peccatores constituti sunt multi; ita etiam per obedientiam unius illius justii constituentur multi.* Prior ille *unus homo Adamus* est: stirps & caput Foederale totius generis humani. Illius inobedientia tota multitudo hominum ad ipsum pertinentium reatui maledictionis involuta est: quumque sustineret personam omnium, id quod ipse male fecit omnes male fecisse censentur. *Alter ille unus homo Christus* est, qui neque peccavit in & cum Adamo, neque in quem regnum peccati & mortis transit, quique dignus est, ut sit Dominus & caput & novus Adamus, origo & fons hæreditatis derivandæ in fratres. Is habet obedientiam, nempe universæ legis Dei, præcipientis ipsi perfectam charitatem erga gloriam Patris sui, & erga salutem fratrum suorum. Per illam obedientiam tota multitudo illorum, qui

Sed credendum porro factum id esse nostro loco.

ad ipsum pertinent, *iusti constituentur*, id est censentur jus habere ad vitam æternam, non minus quam si quilibet eorum in propria persona illam obedientiam præstitisset.

Sufficit  
ea Christi  
obedientia  
omnibus  
electis re-  
dimendis :  
propter di-  
gnitatem  
personæ.

Nec ob-  
stat quod  
eam qua  
homo pro  
se quoque  
debuerit.

Neque  
hinc sequi-  
tur quod  
ab  
obediendi  
necessitate  
immunus  
esset.

Satisfe-  
cit etiam  
Christus  
Justitiæ  
Vindictæ  
Dei pa-  
tiendo.

XII. Neque mirum videri debet, eam Christi obedientiam omni-  
bus sufficere ad acquirendum iis jus vitæ æternæ: præsertim quum ip-  
se quoque *qua homo* obedientiam pro se ipso debuerit. Etenim confide-  
randa hic est obedientis *persona dignitas*, quæ quum ita homo sit, ut si-  
mul si æternus & infinitus Deus, cunctis electis, etiam simul sumtis,  
multo est præstantior; ideoque illius obedientia merito tanti valoris  
censetur, ut ea cunctis ad jus beatæ vitæ imputari queat. Et etiam si  
Divinitas, in abstracto, non obediverit, is tamen, qui obedivit, Deus  
est; atque ita Divinitas personæ ad dignitatem obedientiæ quam plu-  
rimum confert. Verum quidem est, quod *qua homo pro se* quoque obe-  
dientiam debuerit; sed quum nostri causa homo factus sit, nostro quo-  
que loco obedientiam illam præstitit. Accedit, quod qua homo non  
necessario fuerit sub lege ut præscribente conditionem beatitudinis;  
quum, seposita consideratione obiti pro nobis vadimonii, propter unio-  
nem humanitatis cum Deitate, ab initio *ὑποαγκώσεως* suæ omni felici-  
tate frui potuerit, quemadmodum supra Cap. III. S. 13. 14. fusius do-  
cuimus.

XIII. Perperam quoque hinc concluderetur, si Christus obedien-  
tiam pro nobis præstitit, nos ab omni obediendi necessitate immunes  
esse; quia a principali debitore exigere non potest, quod Sponsor præ-  
stitit ejus loco. Quippe obedientia nostra considerari potest, vel ut est  
*officium* creaturæ rationalis in ordine ad supremum Dominum suum.  
vel ut est *conditio* ad acquirendum jus vitæ æternæ. Posteriori respectu  
Christus eam pro nobis consummavit, ideoque sub ea relatione a no-  
bis non exigitur, nec exigere potest, quasi ob defectum perfectæ obe-  
dientiæ vitæ æterna excludi possimus. Sed priori respectu omnino de-  
bemus obedientiam, cujus obligatio per hoc beneficium Christi in-  
tenditur potius, quam ut relaxetur. Quid enim convenientius est,  
quam ut ita gratitudinem nostram demonstramus, & non tam verbis  
quam factis declaremus, nos eum pro Domino agnoscere, qui nos ac-  
quisivit sibi peculium? denique ut filii adoptivi non detrectemus obe-  
dientiam Patris Coelestis, cui Filius naturalis & *ὁμοῦσι* tam alacri-  
ter obedivit?

XIV. Sed præterea Christus satisfecit *justitiæ Vindictivæ* Dei, nostro  
non *bono* duntaxat, sed & *loco*, subeundo dirissimas tam in anima quam  
in corpore passiones, quas nos eramus meriti, & a quibus, ipse eas  
perferendo, ita nos liberavit, ut in furore ac maledictione Dei, quasi  
poena propriæ dictæ peccati nostri, nobis irrogari non possint. Si quic-  
quam

quam in Theologia nostra accurate est probatum, & adversus Socinianorum exceptiones solide ab Illustribus in Ecclesia viris vindicatum, certe hoc caput est. Nolo hic actum agere, rogoque lectorem, ut ex *Grotius, Junius, Turretinus, Hoornbeeckius, Esseniis*, similibusque Heroibus, argumenta petat: ad quæ frustra adversarii responsiones quaerant.

## CAP. VI.

*Quanam Christi Passiones sint Satisfactoriae.*

**I**Verum enimvero id dolendum, novam inter Orthodoxos his annis quaestionem agitari coeptam esse, quanam ex passionibus Christi satisfactoriae nostro loco censi debeant. Est enim qui nullas passionum Christi proprie satisfactorias pro nobis agnoscere videtur, praeter eas quas Christus per trihorium obscuracionis solaris sustinuit, dum esset in cruce & antequam expiraret: ex numero passionum satisfactoriarum excludens, anxietates illas Christi, quas perpeffus est in horto oliveti, ea nocte qua captus est, & sanguinem quem fudit antequam crucifigeretur, & quum crucifigeretur, & postquam obiit in cruce. Nondum, inquit, coeperat actiones satisfactorias quando verbo prostravit hostes, sanavit Malchum & paradysum promisit latroni. Nulla adhuc fiebat expiatio, quando Angelus eum roboravit. Imo dicitur Christum mortem corpoream non sustinuisse tanquam sponsorem nostrum, & loco nostro, adeoque eam non pertinere ad satisfactionem, quam praestitit Justitiae Divinae, si quidem jam plene satisfactum erat Deo quum moreretur. Ne tamen haec omnia frustra Christo evenisse videantur, statuit Vir Doctus ea facta esse ad satisfaciendum Veritati Divinae, quæ ita praedixerat futurum, & ad typorum in V.T. praefigurationem consummandam. Distinguens porro inter poenas *convincentes & compensantes*; inter passiones *bellicas & judicarias*; compensantes & judicarias eas esse dicit, quas sustinuit Christus durante trihorio tenebrarum, cæteras duntaxat convincentes, & bellicas vocat; eo quoque facientes, ut disceret Christus esse misericors Sacerdos.

**II.** Sed operæ erit pretium Doctissimi Viri hypotheses ex fundamentis eruere; quod ab ipso accurate praestitum in Epistola ad amicum, post primam iteratamque hujus mei operis editionem demum vulgata. Ita vero instituit: I. Deus homini, si peccaret, mortem comminans; eam mortem intellexit, quam primi homines eo pæ quo peccarunt die adierunt, & Christus sponsor, loco & vice quorundam sustinuit, & damnati omnes tolerabunt ipsimet, qui sponse carent, & pro se ipsis solvere cogentur. Mors autem ea est *mors totius hominis*: quia subjectum ejus est homo anima & corpore unitis constans. Constitutaque

Est qui contendat, eas solum Christi passiones satisfactorias esse quas sustinuit per trihorium obscuracionis solaris.

Ad Levit. xvi. 4. 17.

Cujus fundamentum sententiae fusius exponitur. Jac. Alting. Epist. ad Joh. Rudol. Westf. oper.

non

Tom. ult.  
P. 393.

non solum in privatione sensus favoris Dei, & communionis cum eo, ac lætæ acquiescentiæ in ejus fruitione: sed etiam habet tormenta ac cruciatus, quos ira Dei illiusque omnipotentia potest inferre. II. Eam primi homines sustinuerunt mox a peccato. Nam adventum ejusdem quo peccaverant diei, eo declinante in vespem, audiverunt vocem Dei indefinenter obambulantem hortum. Non fuit ea articulata vox quam antea sueverat Adamus audire, & postea sonantem lubens excepit: sed qualis in Sinai audita *Exod. XIX. 16. 17.* & descripta *Pf. XXIX. & LXXVII. 18. 19.* Vox tonitru & fulgurum, testis iræ potentiæque Dei, insuperabilis reæ creaturæ; ad quam Adam ejusque uxor absconderunt se in densitate arborum horti, non secus ac damnandi operabunt facere, *Ap. VI. 15.* III. Hanc mortem comminatum dum passi sunt protoplasti, satisfactum est Veritati Dei, sed nondum Justitiæ plenam & sufficientem compensationem postulanti. Intervenit autem, ob hoc: Mediatorium Patrem inter & Filium initum, *μεσποδυμία* Dei, seu iræ dilatio, quæ mortem illam ab hominibus removet, & in diem iræ ac judicii ultimi distulit. IV. Porro hanc eandem mortem hominis integri, in anima & corpore junctis, sustinuit sponzor Christus in plenitudine temporis, quando pendens in cruce a Deo desertus fuit, simulque expertus iram Dei acerbissimam, qui dum exegit ab ipso solutionem ejus contritione delectatus est, quam non homines inflixerunt, sed Deus immediate, qui ipsum afflictione & angustia punivit. *Θάψις* autem & *συναχμία* damnandorum pœna est, uti Christi *ϣϣ*, unde *ϣϣϣ* dicitur, & *ϣϣ* *Jes. LIII. 5. 8.* V. Non potuerunt homines istam pœnæ acerbicatem animadvertere, tenebris densissimis Christum abscondentibus ab omnium oculis, quæ simul exteriores ipsi fuerunt. Mortem istam toleravit ipse homo integer, donec satisfactum esset justitiæ Divinæ: quæ satis testatum id fecit, quando tenebras rursus removet, ut creaturæ fas esset ipsum rursus recreare, quum antea se hostiliter haberet contra eum cui Deus ultionem reddebat; quando item ipsum Paterni amoris sensu exhilaravit, ut jam Patrem suum compellere rursus potuerit, eique spiritum suum commendare &c. VI. Porro mortem hanc sensit ac tulit proprie in cruce, quum clamavit, *Quid dereliquisti me!* Adventuram, seu futuram, metuit in horto; quæ *πρωΐα-θνα* ideo vocatur. Liberatus fuit ab ea quando dixit *Consummatum est.* VII. Ad hanc unam mortem, non vero ad Spiritualem; quæ in retributionem notat, neque ad corporalem; Mediator Christus sua sponcione fuit obligatus: qui etiam quum per Evangelium primum innotesceret, *Gen. III. 15.* nulla aduc mortis corporalis facta erat mentio; quod demum vers. 19. factum. Proinde ad illam non potuit obligari vicario titulo. Mors vero ejus corporalis quid fuerit, docet Apostolus *Heb. x.*

10. Quando hostiæ pro peccato sanguis erat effusus: expiatio facta erat; ut vero ea repræsentaretur Deo, sacerdos sanguinem qui procurat expiationem, inferebat in sanctum sanctorum; & velum, quod peccatorum divisionem notabat, cogeatur ei cedere. Sic quoque quam absolvisset mortem Christus, siue angustiam & iram sufficienter tolerasset, æternam redemptionem nactus, quod suo CONSUMMATUM EST testatum fecit, debuit sanguinem, seu animam suam, inferre in sacrarium coeleste. Velum impediens fuit humana ejus natura, quæ receptis in se peccatis electorum arcebat ipsum a Deo; sed post satisfactionem velum illud laceravit, per animæ & corporis divisionem, spiritumque per viam patentem intulit ad Deum. Atque hoc pacto *mors corporalis* Christi ad *satisfactionem* pertinet, non *promerendam*; (quod sola morte hominis, non divulsi in partes essentielles, præstari potest) sed *repræsentandam*. Hactenus Vir Doctus. Quæ subtiliter excogitata, & erudite connexa esse, quis iverit inficias? An vero tam solida sint, quam inutilitata, non puto interdictum esse veritatis amantibus ut modeste inquirent.

III. Ego me in Ecclesiæ reformatæ communione sic didicisse memini: I. Mortem quam Deus homini peccaturo minatus est universalitate sua comprehendere omnem eam miseriam quæ ex justissima Dei ira peccatum consecuta est, cui homo peccator per totam vitam est obnoxius, & cujus præcipuum pondus situm est in carentia Divini favoris. & acerrimo sensu Divinæ maledictionis, quando Deo visum fuerit potissimum infligendæ. II. Christum pro electis sponcione sua intervenientem, in sese suscepisse omnem illam maledictionem quæ hominibus propter peccatum incumberebat: unde consecutum sit, ut, ad suscepti in se debiti solutionem, in assumpta natura humana vitam degeret, plurimis calamitatum vicissitudinibus obnoxiam, qualis vita hominis peccatoris est. III. Sicut Deus multa iræ dilatione utitur circa peccatores, & vitæ amaritudines aliquo patientiæ dulcore temperat, donec dies iræ & retributionis justii judicii venerit, quando omne pondus maledictionis Dei damnato peccatori incumbet; sic etiam Christum in conditione sua servili peccatorum sibi incumbentium aculeos non ita semper sensit, quin insigni gratiæ mixtura aliquoties gavissus sit; usque dum advenit hora & potestas tenebrarum, quando ad judicium vocatus dirissima omnia subeunda habuit. IV. Sicut mors ea quæ in separatione animæ a corpore consistit, ut dirus iræ Dei effectus, homini peccatori infligitur; ita & Christum eandem mortem subiisse, ut hac quoque in parte Divinæ justitiæ satisfaciens, omnem mortis illius maledictionem ab electis auferret. V. Denique sicut omnes illæ miseriæ simul sumptæ debitum peccati sunt; ita Christum, qui sponcione sua omne electorum in se suscepit debitum, omnibus miseriis quibus per totam

Recepta  
Ecclesiæ  
Reforma-  
tæ Doctri-  
na.



vitam obnoxius fuit, Divinæ justitiæ satisfecisse; sic ut in cumulo consideratæ absolvant *λύτρον* quod pro peccatis nostris debebatur. Hæc nisi fallor, communis Theologorum sententia est; quam quoque Catechesis nostra *Quæst.* XXXVII. expressit: nimirum omnes passiones Christi, quas tam in anima quam in corpore, toto vitæ suæ curriculo, a primordio ad dirissimam crucis mortem usque, sustinuit, unicam & perfectam Christi satisfactionem absolvisse; licet certum sit illas passiones gravissimas fuisse, cum quibus ultimo *νυθθημέρω* conflictatus est; easque quæ corpore pertulit longe superatas ab iis quæ animam pressere. Eodem plane modo quemodmodum tota Christi sanctissima obedientia nobis in meritum imputatur, licet eximie eam declaraverit, quum Patri obediens esset usque ad mortem, mortem imo crucis; eaque magis constiterit in voluntaria animi subiectione, quam in motu aliquo membrorum corporis a sancta mente imperato. Quæ ex sacris literis hoc pacto firmamus.

Scriptura  
Satisfac-  
tionem  
Christi  
passioni-  
bus ejus  
universali-  
ter adscri-  
bit, Jes.  
LIII.

IV. I. Scriptura ubi de Satisfactione Christi loquitur, eam in genere passionibus Christi vindicat: ut *Jes.* LIII. 4. *Sane languores nostros ipse tulit, & dolores nostros ipse bajulavit:* id est, poenas omnes & ærumnas, nobis propter peccata debitas, sustinuit. Idque non nostro bono duntaxat, sed & loco. Nam *ψ. 5.* *וְהוּא מְחִיל מִפְּשָׁעֵינוּ מְרַחֵם מִכָּל עֲוֹנוֹתֵינוּ, vulneratus est ex pravaricationibus nostris, contritus est ex iniquitatibus nostris,* adeo ut in iis meritoria causa dolorum & languorum Christi existerit: quippe quas Dominus *בְּיָגוֹן* *incurrere fecit in eum.* *ψ. 6.* & propter quas *אֵינִי אֶחָד מֵעֲבָדָיו, afflictus est,* quum *וְגַב* *exigeretur a Deo,* ut iudice & vindice *iniquitas omnium nostrum.* Afflictio autem ista, etiam tunc ei incubuit, & iniquitas nostra ab ipso exacta est, quando *ut parva pecus ad macerationem ducebatur, & velut ovis coram tonsoribus suis obmutesceret.* *ψ. 7.* quod utique ante trihorium tenebrarum contigit. *ψ. 7.* Hæc itaque quæ tam generatim de afflictionibus, doloribus, languoribus, Christi dicuntur, ad passiones trihorarias restringere, ingenii est nimium sibi permittentis.

Heb.  
II. 10.

V. Adde quod Apostolus docet *Heb.* II. 13. *Deo dignum fuisse Principem salutis nostræ διὰ παθημάτων τελειῶσαι, per passiones consummare, vel consecrare.* Adeo ut passiones illæ, quas Christus sustinuit (& quis aliquas excipiet, Apostolo tam universim loquente?) requisitæ fuerint ad id, ut Christus nobis perfectus Servator, & hostia Deo sacra grataque foret. Id enim significat Christi *τελειωσις*, præstatio eorum omnium, ad quæ sua se sponsione obligaverat, & imprimis eorum, quæ requirebantur ad expiationem suam Sacérdotalem rite perficiendam. Et ad hanc *τελειωσιν* generatim Christi passiones refert Apostolus. Unde bene concludit *Chrysostomus.* *Ἄρα τὰ παθήματα τελειωσις καὶ αἵτια*

τῆς σωτηρίας. Ergo passionibus suis consummatio & causa salutis. Imo eas omnes passionibus hic innuit facer Scriptor, ex quibus Christus obedientiam didicit: *lis enim τελειωθεὶς, consummatus, factus est obedientibus sibi causa salutis aeternae. Heb. v. 8. 9.* Didicit autem obedientiam non modo ex passionibus suis trihorariis, sed in universum omnibus, ex quibus animadvertit & expertus est, quousque se obedientia illa extendat, cui se voluntarie submiserat: imo vero ex antecedentibus passionibus imprimis obedientiam didicit, quibus quasi rudimentis quibusdam ad extrema subeunda exercebatur. Atque ita in omnes Christi passionibus, quas in diebus carnis suae sustinuit, causa salutis nostrae transcribitur.

VI. Petrus similiter loquitur *1 Pet. 11. 21. χριστός ἐπαθεν ὑπὲρ ὑμῶν. Christi passus pro vobis.* Pati illic significat in afflictione versari. Agitur enim de omnibus illis passionibus, in quibus Christus nobis exemplum patientiae reliquit. Eas passionibus dicit *pro nobis* esse, id est, tam loco quam *bono nostro* exantlatas. Hoc enim vox illa ὑπὲρ ordinarie significat. Ut apud Euripidem in *Alceste*, μὴ θνησχ' ὑπὲρ τῆ δ' ἀνδρὸς, εἰδ' ἐγὼ πρὸ σῆς *memoriaris pro hoc viro, neque ego pro te*: quæ non aliter quam substitutive intelligenda, ipsum tragœdiæ argumentum, uxorem loco mariti morientem exhibens, docet. Eodem modo Demosthenes in corona, ἡγήσων τῆς τῆς, μᾶλλον δ' ἐγὼ τῆς ὑπὲρ σῆς ποιήσω. *Interroga hos, aut potius ego id pro te faciam.* Et ita quidem id Petrum velle ex eo arguitur quod *Cap. 111. 18.* dicat, Christum passum esse *περὶ ἁμαρτιῶν pro peccatis*, scilicet ut esset ἱλασμὸς περὶ τῶν ἁμαρτιῶν ἡμῶν *expiatio pro peccatis nostris. 1. Job. 14. 10.* Quas vero nostro loco passionibus Christus subivit, eas satisfactorias dicendas esse arbitror.

VII. Denique quum *similitudo carnis peccati*, in ærumnoso & contempto Christi statu consistens, per totam vitam se extenderit atque eam *περὶ ἁμαρτίας pro peccato* suscepit, adeo quidem ut Deus propterea *peccatam condemnauerit*, declaraveritque nihil illud juris in fideles habere, neque ad damnationem, neque ad dominium *Rom. 11. 3.* manifestum est, Scripturam satisfactionem Christi universæ ipsius humiliationi adscribere: consequenter, Scripturam ducem non sequi eos, qui illam restringunt ad solas trihorii passionibus.

VIII. II. *Morti* Christi, etiam *corporea*, satisfactionis valorem comperere Scriptura tam diserte docet, ut mirer a quoquam hoc negari posse. Sic Jesaias *Cap. 111. 10. postquam anima ipsius se posuerit* *ὡς* *vißimam pro peccato*: quod Christus ipse dicit *Mat. 28. 28. δῆναί τὴν ψυχὴν αὐτῆς λύτρον ἅντι πολλῶν. & Joh. 15. 13. τὴν ψυχὴν μου τίθῃμι ὑπὲρ τῶν προβάτων. Animam autem dare, est mori morte corporis, quæ resurrectione finitur. Ita enim Christus explicat, v. 17. Ego animam meam*

1. Per.  
11. 21.

Rem.  
11. 2.

Corpo-  
rea Christi  
mors eti-  
am satisfac-  
toria fuit  
Jes. 111.  
10.

*posu, ut rursus accipiam eam.* Et Johannes Cap. XIX. 30. quum mortem Christi corpoream describit, ita eam proponit, *παρέδωκε τὸ πνεῦμα.* Fortius stringet argumentum, si consideremus manifestam hic esse allusionem ad satisfactionem typicam quæ fiebat sanguine victimæ fuso, a corpore ita separato ut mors conjuncta foret. Sanguis autem pro anima datur. Ergo vera satisfactio facta est per separationem animæ Christi a corpore, ut inter typum & antitypum conveniat.

Heb. x. 20. IX. Adde quod Paulus scribit Heb. x. 20. *Christum nobis initiassse viam recentem ac usvam ad Sanctuarium celeste, per velum, id est, carnem suam.* Scilicet caro Christi velum erat, aditum nobis intercludens. Quamdiu enim adhuc erat integra, indicium erat nondum aboliti peccati, nec sublatae maledictionis. Rumpi ergo velum illud, id est, carnem Christi, oportuit. Quod factum est, quando spiritus a carne discessit. Tunc enim corpus desiit esse *σῶμα ὀργάνων*, & factum est acervus pulvereorum partium, in pulverem rediturum, nisi maturaretur ejus resurrectio. Atque ita recens via nobis est initiata, hoc est, plena libertas parta, plenumque jus ad coeleste sacrarium. Quod significatum & obsignatum est ruptura illa veli in Templo, quæ in ipso mortis Christi articulo accidit. Mar. XXVII. 51. Hinc corpus Christi fractum pro nobis dicitur. 1 Cor. XI. 24. Non male a Viro Docto observatum, fuso hostiæ sanguine jam factam esse expiationem, quæ dein repræsentanda fuit Deo per illationem sanguinis in Sanctum Sanctorum. Sed attendat velim, quod modo monui, fusioni sanguinis respondere separationem animæ Christi a corpore, quæ est ruptura veli, & fractio corporis; sicut illatio animæ in coelum, ad repræsentandam Deo expiationem morte factam, respondet illationi sanguinis in Sanctum Sanctorum.

X. Et quid evidentius est illo Petri loco, qui exstat 1. Pet. III. 18. *Christus semel pro peccatis passus est, mortificatus quidem carne, id est, corpore.* Ubi mors corporis proponitur ut pars illarum passionum, quas Christus pro peccatis sustinuit. Adde Col. 1. 22. *Reconciliavit vos in corpore carnis suæ per mortem* Rom. V. 10, *Reconciliati sumus Deo per mortem Filii ipsius.* Heb. IX. 15. *Ut morte facta us ἀπολύτρωσιν τῶν ἐπὶ τῇ πρώτῃ διαθήκῃ παραβάσεων*, illi qui vocati sunt promissionem æternæ hereditatis acciperent. Et quam mortem Paulus hic dicit? Eam, quam intercedere oportet ad confirmationem Testamenti X. 16. 17. quæ utique mors corporis est. Rom. VII. 24. *Quis condemnabit? Christus est ὁ ἀποθανών.* Quæ omnia ita explicare, ut intelligi per mortem nolimus, quod in omnibus linguis mors hominis notat, separationem animæ a corpore, durum & a ratione alienum est.

Flagellationi

XI. III. Specialius adhuc, flagellationi Christi ut parti passionum suarum,

sanarum, sanitatem nos nostram debere, *Jesaias Cap. LIII. 5. & Petrus* *Christi san-*  
*1. Pet. II. 24. afferunt, dum ipsius vibice nos sanatos ajunt. Etenim im-* *nitatem*  
*mani illa flagellatione, qua totum D. Jesu corpus uno quasi vibice de-* *nostram*  
*turpatum livebat, conjuncta cum cæteris passionibus, promeritus no-* *debemus.*  
 bis est, ut a colaphis Satanæ & virgis Divinæ excandescentiæ immunes  
 simus. Et præterea quando contemplamur Christi passiones, inque his  
 favam illam flagellationem, qua D. Jesus spectaculum effectus est ho-  
 minibus & Angelis, tum intelligimus, quæ sit sanctitas Dei, quid de-  
 beatur Deo, ut remittantur peccata, quid patiendum sit peccatori, ut  
 satisfiat Deo & sanctitati ipsius, quam horrenda res peccatum sit, &  
 quantum denique debeamus Christo, tanta pro nobis passo. Atque  
 hæc est sanatio a peccato, si timeamus iram Dei, sanctitatem ipsius  
 amemus, Christumque redamemus. Atque ita apparet, etiam si dica-  
 mus nos per vibicem Christi sanatos esse ut per exemplum; tamen ma-  
 nere in Christi flagellatione *ἐνδειξιν δικαιοσύνης τῆ Θεῶ, demonstratio-*  
*nem justitiae Dei*, ut eam cognoscamus, & eam cognoscendo cum de-  
 bito affectu, ad similitudinem Dei restituamur. Est in iis vibicibus *τοῦ*  
*υἱοῦ* *Exemplaris pena pacem nobis afferens*; ut illius vim vocis nuper  
 ostendimus.

XII. IV. Nihil alienius videri potest, quam a passionibus Christi  
*καὶ ἰσχυρὴν* satisfactoriis excludere illam animi *λυπὴν, καὶ ἰάραξιν, καὶ*  
*ἀδυσίαν, καὶ ἐνλάθειαν, καὶ θάμβος, καὶ περιλυπίαν ἕως θανάτου,*  
 illos grumos sanguinolenti sudoris, & ex istis angoribus ortas preces  
 & supplicationes cum lacrymis & clamore valido, quæ omnia sacer  
 Spiritus tam prolixè nobis describit. Ingens hæc perturbatio & an-  
 gor, non ex sola animæ cum corpore *συμπαθεία*, nec ex solo im-  
 minentis mortis horrore orta fuit. Aliud erat quod Christi animum af-  
 fligebat. Portabat scilicet non unius hominis, sed omnium electorum  
 omnia peccata: videbat formidabile Dei tribunal, cui jam immedia-  
 te sistebatur, ut quæ non rapuerat solveret: videbat judicem ipsum in-  
 comprehensibili vindicta armatum, legem fulmina anathematum vi-  
 brantem, Diabolum & potestatem tenebrarum cum omnibus infero-  
 rum portis imminentem, denique justitiam ipsam inexorabilem & ri-  
 gidissimam, cui ad ultimum usque quadrantem satisfieri debebat. Vi-  
 debat charissimi Patris faciem nulla nunc favoris radiatione blandien-  
 tem; imo vero terribili fervore iræ adversus peccata generis humani,  
 quæ pianda susceperat, excandescentem. Et, quoquo se verteret, ne-  
 que in coelis, neque in terra, spes ulla apparebat levaminis, nisi post  
 fortiter constanterque decertatum certamen. Hæc, Hæc sunt, quæ  
 Christo metum pavoremque non immerito incusserunt; hæc quæ ge-  
 mitus, suspiria lacrymas expresserunt. Quæ si expiatoria & satisfacto-

Nihil  
 alienius est  
 quam a sa-  
 tisfactione  
 Christi ex-  
 cludere  
 passiones  
 in Gesse-  
 mane.

Quarum  
 causa assi-  
 gnatur.

Exile est  
eas confi-  
derare ut  
solum  
prægusta-  
men dolo-  
rum cru-  
cia.

ria pro peccatis nostris non sunt, quam causam dicemus, cur cæteræ Christi passiones in trihorio tenebrarum satisfactoriæ censeri debeant?

XIII. Sane exiliter nimis de iis sentit, qui dicit horrores & angores hos ad comparationem gravissimorum cruciatuum, quos in ipsa cruce Christus sustinuit, προπαθειαν solum, & prægustaminis duntaxat loco censeri posse. Non ita scriptura tanto verborum apparatu hæc designans, non ita Interpretes nostri ad Heb. v. 7. loquuntur, licet non nemo ipsorum verba huc detorqueat. Atque difficile foret assignare, quid Christi anima in ipsa cruce perpessa sit, quod tam immenso prope intervallo horrores hos superaverit. Tunc questus de dolore fuit, nunc non tacebat; tunc maledictionem nobis debitam portavit, nunc sub ea prope succumbebat; tunc se desertum a Patre doluit, nunc ad calicem amarissimæ iracundiæ ferme exanimabatur; quin imo illa consternationis hic se prodebant indicia, quibus majora in cruce vix licet observare. Ad id quod de Angelo consolante legitur, mox respondimus. Immanissimum profecto malum illud fuisse oportet, ad cuius incursum ipsa fortitudo & constantia coepit ἐνθαρμύεσθαι, ἀδημονεῖν καὶ περίλυτον εἶναι ἕως θανάτου, preces & supplicationes, illi qui poterat ipsum a morte servare, cum clamore valido & lacrymis offerre, tanto cum angore conflictari, ut ipsi apparere Angelum confortantem opportuerit, & sudor e corpore manarit, quasi grumi sanguinis descendentes in terram. Id quod tantam agitationem spirituum atque sanguinis in corpore arguit, quantæ in aliis historiis exemplum vix, aut ne vix quidem, occurrit. Caveamus itaque, ne nimia confidentia quæ passionum Christi quibus & quantum graviore fuerint determinemus. Omnibus potius suum statuamus pretium: omniumque satisfactorium agnoscamus valorem. Hoc Christi gloriæ, ac fidei nostræ simplicitati longe convenientius est.

Denique  
cum Chri-  
stus passio-  
nes omnes  
ut sponsor  
sustinuerit,  
omnes satis-  
facto-  
rias fuisse  
necesse est.

XIV. V. Denique passiones illas omnes Christus Dominus sustinuit vel ut *sponsor*, vel alio quodam modo. Si ut sponsor, habemus intentum. Sponspondit enim hoc, ut nostro non bono duntaxat, sed & loco justitiæ Divinæ satisfaceret, luendo pœnam peccatorum nostrorum, quorum reatum sponte in se susceperat. Hoc inter Orthodoxos ἐξαγώνιον est: neque id Vir Doctus, cuius sententiam nunc ad partes vocamus, inficias iverit. Si sponsonem seponamus, non potest Christus aliter considerari quam ut innocens & perfecte sanctus. Innocentem autem qua talem puniri, & puniri ad effusionem sanguinis, ad infandos illos animi cruciatu, ad mortem denique ipsam, cum justitia Dei non admodum convenire videtur. Aut si aliquando Deo placuisset creaturam innocentem diris ejuscemodi cruciatibus subdere, ad ostendendum jus suum in omnes ἀνυπεύθυνον, non sit verisimile eum summi

summi istius juris in solo Filio dilectissimo, jus Patris perprobe agnoscere, exemplum edere voluisse. Tum cui usui istæ passiones Christi, si non loco nostro toleratæ sint? An ut iis Doctrinam suam confirmaret? an ut exemplar patientiæ daret, viamque nobis monstraret, qua per angusta ad augusta enitatur? an ut hoc pacto Pontifex misericors effectus tentatis opem promte ferret? an ut veritati prædictionum, & significationi typorum satisfaceret? Verum nihil horum omnium est, quod non blasphemus Socinus cum suis asseclis facile dederit. Et si hic subsistamus, non dignius pretium passionibus illis Christi statuemus, quam pessimi huius religionis nostræ & spei ac consolationis fidelium perveriores.

XV. At alia longe via incedit Vir Doctissimus; cujus observationes, in quas, ob serius vulgata scripta ista, serius incidimus, dignæ auditu sunt. Quum homo peccator, inquit, juxta comminationem Dei mortis debitor esset usque ad satisfactionem justitiæ Divinæ, *Gen. II. 17.* atque in eam conditionem deductus esset a Diabolo, qui hominem vicebat, eoque Dominus ejus effectus erat *2 Pet. II. 19.* cujus sub imperio & custodia deinceps vivebat: ut ille liberaretur, inque integrum restitueretur, necessum fuit, quia neutrum per ipsammet præstari poterat, tum ut alius *pro ipso mortem meritam subiret* & superaret, tum ut alius *ipsam potestati Diaboli eximeret*, huic violenter & bellica virtute ereptum. Prius requirit FIDE-JUSSOREM, qui hominis nomine sons factus, justam poenam volenter & patienter toleret, a justissimo judice, ad hujus acquiescentiam. Posterius postulat VINDICEM, qui in justo tyranno (qualis est qui fraude vel vi dominium acquisivit) mancipia eripiat justis vindictis; cui innocenti tyrannus vim facit, oppugnando resistendoque. Huic utrique negotio destinavit Deus Filium suum, quem æterno fœdere ad mediatorium istud munus elegerat, atque verbo suo patefecit, fore illum *bellicosum victorem* serpentis, *vindicemque* quorundam hominum *Gen. III. 15.* itemque *vicarium sponsorem*, succedaneamque *hostiam* quod in vestitura pellium demonstratum est. *V. 21.* Passiones itaque Christi duum generum sunt; una *judicialis*, quam sustinuit ut *sponsor*, juste a Deo ob aliena debita, quæ in se susceperat luenda, quaque peracta reconciliatio est; altera *Bellica*, quam sustinuit ut *Vindex*, injustè ipsam ab hostibus, Satana ejusque instrumentis, quia quos lytro suo redemit ad salutem vult deducere. Utriusque generis passiones ad *τελείωσιν* Christi pertinent.

Passiones  
quas Christi  
sustinuit qua  
sponsor, di-  
stinguuntur  
ab iis  
quas susti-  
nuit qua  
Vindex.

XVI. In isthoc Doctissimi Viri discursu erudita sunt omnia; multa etiam proba ac solida; quæ ambabus amplector ulnis. Certum enim est Christum non solum sponsorem nostrum esse, sed & vindicem; id solum in hac quæstione consideratu dignum est, an quando Christus passio-

Quæ di-  
stinctio  
non vide-  
tur satis  
solida.

passio-

passione *judiciali* qua *sponsor*, justitiæ Divinæ plenissime satisfacit, aliæ quoque requirantur passiones, quibus qua *Vindex* Satanam superet, & redemptos lytro suo coelo afferat. Mihi sic videtur: uti omnes hominum passiones procedunt ex merito peccatorum suorum; nec refert an immediate a Deo infligantur, an mediantibus Satana illiusque instrumentis. *Jer.* 11. 15. 16, 17. ita omnes quoque Christi passiones processerunt ex nostrorum merito peccatorum; pro quibus ubi Divinæ satisfecit justitiæ, libertatem suis commertus est, non solum ab ira Dei, sed & a tyrannide Diaboli; a qua ut redemptos suos vindicet, non alterius generis passionibus, sed sola sua potentia ac potestate opus est. Sufficit ad hoc quod sit *אל גבור*, & *אבי יעקב*, *ἰσχυρότερος τοῦ ἰσχυροῦ*. *Jes.* 1x. 6. *Lx.* 16. *Luc.* xi. 21. Fateor luctandum fuisse Christo cum Diabolo; quod sine passionibus fieri non potuit. Sed & hoc ipsum ex merito peccatorum nostrorum est. Quum enim Deus justa sententia hominem, qui se a Diabolo superari passus erat, tyrannidi Diaboli mancipasset; sponforem hominis Christum Diaboli vexationi objici oportuit, ut ea quoque parte Divinæ justitiæ satisfaceret. Neque ullam unquam potestatem ad vexandum Christum Diabolus illiusve instrumenta habuissent, nisi nostrorum onustus reatu criminum, a justissimo judice Deo eorum injuriis fuisset expositus. *Act.* 11. 23. Sed modo prolixius de hac re dicendum erit.

Exponitur  
Distinctio  
inter  
poenas  
Compensantes  
&  
Convincentes.

XVII. Atque ita nunc ad examen earum devenimus distinctionem, quibus causam suam Vir Doctus exponit ac tuetur. Distinguit nempe inter *poenas Compensantes & Convincentes*, inter *passiones Judiciarias & Bellicas*. Quarum distinctionum, si recte eas sum assecutus, hæc est mens. *Pena compensans* est ea, qua satisfit justitiæ Divinæ, de qua agitur *Rom.* 11. 5. 6. 8. 9. & quæ vocatur *ira futura* *Mat.* 11. 17. 1 *Thef.* 1. 10. *Pena convincens* est, quæ ideo solum infligitur, ut per eam homo peccati sui convincatur, ita tamen ut illius luitione justitiæ Divinæ non satisfiat, neque tollatur reatus, sed ulterius vindicandus remaneat. Tales poenas vocat Scriptura *חכרות חסד*, *convictiones ira* *Ezech.* v. 15. & xv. 17. De iis agitur *Pf.* L. 21. *אכיזך* *convincam te & ordinabo coram oculis tuis*. *Passiones judiciariae* illæ dicuntur, quæ infliguntur a Deo ut severo judice, ad compensationem justitiæ suæ, & in quibus est ira: atque ita cum poenis compensantibus idem sunt. *Passiones Bellicæ* sunt, quibus expositus fuit Christus decertans cum Satana, cum mox a nativitate sua per Herodem persequente, deinceps in deserto tentante, & per furiosos malitiæ suæ ministros maledictis ac malefactis varie proscindente, juxta dictum Dei *Gen.* 111. 14. *ponam inimicitiam*, &c. In quibus respectu Christi nulla Dei ira fuit. Sed fuit id potius gratiæ & gloriæ, uti quum quis patitur ob justitiam, 1 *Per.* iv. 14.

Passiones  
Judiciarias  
& Bellicas.

XVIII. Quibus hæc reponimus. Dubium esse non potest, quin distinguendum sit inter mala tristitia, quibus electos & fideles suos ad peccatorum suorum cognitionem & sensum deducit Deus, quæ ex amore procedunt, & *Paterna castigationes*, *παιδείας πατρὸς*, dicuntur. *Heb. xii. 6.* & inter mala tristitia, quibus affliguntur impii, qui sub ira & maledictione Dei sunt. Verum ut ex poenis improborum quasdam duntaxat convincentes, alias etiam compensantes esse statuamus, neque Scriptura jubet, neque suadet ratio.

Differt quidem Castigatio benevoli Patris a poena severi judicis.

XIX. Scriptura quidem *futura ira* meminit, quæ sine dubio compensans est, sed & præsentem iram & maledictionem frequenter memorat. *Pf. lvi. 8.* & *lxi. 25.* confer. *2 Thess. ii. 16.* *Joh. iii. 36.* *Ira Dei manet super ipsum.* Quapropter peccatores, non regeniti, *τίνα ὀργή,* Filii ira dicuntur *Eph. ii. 3.* non solum propter futuræ iræ reatum, sed & propter iram & maledictionem Dei actu ipsis incumbentem, quamdiu non translati sunt in Regnum Filii dilectionis suæ. Nam *revelatur ira Dei e Cælo in omnem impietatem & injustitiam hominum Rom. i. 18.* Quæ ira Dei erga improbos, quum sit diversissima ab illa, qua aliquando adversus filiorum suorum peccata excandescere narratur, causa dici non potest, cur compensans non censeatur, quum æternæ maledictionis initium sit, a qua non essentia, sed gradu, differt.

Sed omnes poenæ improborum, etiam quas in hac vita sustinent, compensantes sunt.

XX. Accedit quod præsens illa ira *pæna judiciaria* sit, iuxta Dei sententia improbis inflicta. Contumax incredulus *ἡδὴ νέκρωται* JAM JUDICATUS EST *Joh. ii. 18.* Deus poenas in hac vita ab improbis poscens, exercet *יְהוָה בְּאַף שֹׁפֵט* JUDICIA in furore & excandescencia. *Ezech. v. 15.* Quemadmodum in Ægypto exercuit *גְּדֹלֵי שֹׁפֵט* judicia magna. *Exod. vi. 5.* & *vi. 4.* ut pateat omnibus *כִּי יֵשׁ אֱלֹהִים שֹׁפֵט בָּאָרֶץ* quod sit Deus JUDICANS in terra *Pf. lviii. 12.* Ea autem poena, quæ judiciaria est, cur non compensans censeatur?

Et in Scriptura Judicia vocantur.

XXI. Tum etiam poenæ illæ improborum quas *תְּכַדֵּת* Scriptura nominat, ita quandoque describuntur, ut non nisi pro compensantibus haberi queant. quid enim est poena compensans aliud, quam vindicta, quam iratum numen poscit a contemtoribus suis, ut odium suum erga eos manifestum faciat? illud autem omne convictionibus iis inest, quas Philistæis interminatur Dominus *Ezech. xxv. 17.* *Et exercebo in eos תְּכַדֵּת* ULTIONES magnas, *בְּתִכְדֻּת* in convictionibus sive increpationibus excandescencia, *experienturque me esse Jehovah, quum edidero ULTIONEM meam in eos.*

In convictionibus improborum est ira & compensatio.

XXII. Non minus etiam poenæ compensantes convincentes sunt. Quis negaverit compensantem poenam esse, quando Deus impios in furore suo consumit? Id autem quam maxime convincit eos reatus sui. *Pf. lxx. 14.* *Consumis æstivum, consumes, donec non sint amplius: ut sciant Deum*

Poenæ Compensantes quoque convin-



centes  
sunt.

*Summe dominari in Jacobo, usque ad fines terra.* Et sane nihil magis improbos granditatis peccatorum suorum convincere potest, quam poena intensissima, & in qua evidentissima Divini odii demonstratio est, qualis est poena compensans. Merito ergo distinctio illa rejicitur, quæ neque fundamentum in Scriptura habet, & cujus membra, contra Regulas Logicas, coincidunt.

Pœnæ  
mere con-  
vincentes  
in Christo  
non ha-  
buere lo-  
cum.

XXIII. Porro etiam si distinctionem hanc in genere admittamus, quomodo passionibus Christi applicabitur? Hic me fateor Doctissimi Viri mentem non satis assequi. Quo tendit ista poenarum convincentium & compensantium distinctio? Eone, ut quemadmodum impiorum poenæ quas in hac vita sustinent convincentes tantummodo sunt; compensans autem demum infligetur die iræ ac judicii: ita & passionibus quas Christus toto vitæ tempore subivit, convincentibus illis poenis respondeant, passio trihorii poenæ compensanti? verum quæ necessitas poenas convincentes a Christo exigebat, quum reatum peccatorum a se susceptorum & probe agnosceret, & ultro fateretur, atque omnia præstaret lubentissime, quibus istum expungeret reatum? An fortasse eo faciebant, ut ex intuitu passionum Christi fideles peccatorum suorum convincerentur? Verum id fieri efficacius non potest, nisi quando eas, ut poenas peccatis suis debitas, adeoque pro iis expiatorias considerant. Quum ergo nullæ poenæ Christi mere convincentes dici queant, restat ut omnes compensantes sive satisfactoriæ sint: quod nos contendimus.

Omnes  
passiones  
Christi  
Judiciariæ  
fuerunt.

XXIV. Non minus aliena distinctio est inter *passiones Judiciarias & bellicas*. Nam nullæ passiones in Christum incurrerunt, nisi juxta sententiam Dei judicis. *Quum affligebatur Christus, & affligebatur iniquitas omnium nostrum.* *Jes. LIII. 7.* Illa autem exactio judicis est, Quando cum infernalibus suis copiis Christum impetebat Satanas, tunc erat *potestas tenebrarum*, *Luc. XXII. 53.* determinata sententia principi tenebrarum ad vexandum Christum a Deo concessa. Et Christus isti se accingens luctæ sententiam illam, sive, ut ipse loquitur, *præceptum Dei*, ob oculos habebat. *Joh. XIV. 31.*

Gen. III.  
25. pro-  
nunciatur  
sententia  
tam in  
Christum  
quam in  
serpentem.

XXV. Ipsum illud Dei verbum, unde origo passionum bellicarum petitur, quid aliud est quam sententia Dei judicis, in serpentem destruendum per Christum, & in Christum, quoad humanam naturam, qua terram calcabat, vexandum & necandum per serpentem? Scire velim, an id quod de contritione calcanei prædicitur, non eas quoque Christi passiones complectatur, quæ Judiciariæ sunt. Si non, non exponitur *πρωτευαγγελίῳ* modus acquirendæ salutis per satisfactionem Mediatoris: atque jubemur credere, verba minus significare quam significare possunt, & quam ea significare par est, si, quod faciunt,

ænig-

enigmaticam credendorum summam contineant. Sin omnino, ut fas est satisfactorias Christi passiones sermone eo comprehendere statuamus, male illi nova ista distinctio inædificatur.

XXVI. Immoremur aliquantisper huic meditationi. quod Diabolus potestatem habeat improbos homines vexandi, antequam eos ad æternam mortem abripiat, id habet ex iusta Dei iudicis sententia, quam Petrus expressit 2 *Pet.* 11. 19. Ei potestati electi etiam, qua peccatores, suberant. Propterea dicuntur *captura Tyranni* quidem, sed & *iusti Jes.* XLIX. 24. ex sententia summi iudicis, jus in ipsos habentis. In eorum locum succedebat sponzor Jesus, qui idcirco ejusdem virtute sententiæ vexationibus Diaboli subesse debuit. Et hoc modo omnes passiones ipsi a Diabolo illatæ, propriissime Judiciariæ fuerunt.

Diabolus non habuit potestatem ad vexandum Christum nisi ex sententia Dei iudicis.

XXVII. Neque veritati huic obstat, quod illa cum Diabolo certamina gloriosa Christo fuerint, quippe quæ propter iustitiam & ad gloriam Dei sustinuit. Nam omnes Christi passiones, etiam illæ, quas Judiciarias ex nova hac hypothese vocabimus, si causa spectatur & eventus, gloriosissimæ fuerunt Christo. Nunquam gloriosius charitatem suam erga Deum hominesque ostendit, nunquam præstantius molitus est opus, quod cum majore applausu omnes Angelorum Chori spectarunt, & Deus ipse Pater gratus habuit, quam quum a cruce pendens cum æternæ mortis horrore fortiter luctatus est. Sed si malum illud spectetur, quod naturæ commodum suum appetenti adversatur, utique vexationibus illis Diabolicis ira Dei adversus peccatum a Christo susceptum inerat.

Cui non obstat, quod certamina cum Diabolo gloriosa Christo fuerint.

XXVIII. Quid obstat etiam, quo minus illæ passiones, quæ ex hac hypothese Judiciariæ sunt, bellicæ vocentur? Quis enim negaverit, Christum ac ruce pendentem quasi confertis manibus luctatum esse cum inferorum copiis & æternæ mortis horrore? Sane Paulus testatur, Christum tunc *exspoliata imperia & potestates palam traduxisse, triumphatis illis per crucem.* Col. 11. 15. Ubi autem tam nobilis est triumphus ac victoria, quis certamen ibi præcessisse negaverit? Ex omnibus hisce concludimus, distinctionem poenarum in Convincentes & Compensantes, & passionum in Bellicas & Judiciarias, ἀγῶνας, ἀντίγραφον & ἄλογον esse.

Passiones Judiciariæ etiam Bellicæ sunt.

XXIX. Accedamus nunc ad argumenta adversæ sententiæ, quæ nobis cognoscere datum est. Eorum quædam sunt generalia adversus omnes alias Christi passiones, alia specialiora adversus quasdam passionum Christi partes. Generalia partim ex *Scriptura* petita sunt, partim ex *Symbolo Apostolico*, partim ex *Catechesi*.

Argumenta pro adversa sententia desumpta.

XXX. Ex *Scriptura* ita disputatur. I. *Totius terra peccatum uno die expiaturum* esse Zacharias auctor est Cap. 111. 9. Et Paulus aliquoties *uni-*

I. Ex *Scriptura*,

*cam* Christi oblationem, *semel in cruce peractam*, illud sacrificium expiatorium esse dicit, quo consummantur omnes electi, *Heb. ix. 28. & x. 10. 12. 14.* Ergo antecedentes Christi passiones satisfactoriæ non fuerunt. II. Accedit, quod Christus ab initio vitæ neque sacerdos fuerit, qui expiatoriam victimam potuerit offerre, neque victima, quæ potuit offerri. Non sacerdos, quia sacerdoti esse non licuit ante trigésimum ætatis annum. Non victima, nam agnus id ante septimum diem esse non potuit. Typorum autem Veritas in Christo existare debuit. III. Adde, quod Christus toto vitæ suæ tempore, exceptis paucis horis, fuerit in favore Dei, *Luc. 11. 52. Crevit in gratia apud Deum. Mat. 111. 17.* declaratus est dilectus Dei Filius. *Mat. xvi. 1. 2.* glorificatus fuit in monte. *Luc. x. 21. Exsultavit in spiritu.* Quo autem tempore in favore Dei fuit, & lætatus est, eo non tulit iram Dei.

2. Ex  
Symbolo  
Apostoli-  
co.

XXXI. Ex *symbolo* observatur, quod de passionibus Christi satisfactoriis fidem nostram profitentes, non nude dicamus, eum passum esse, sed *passum esse sub Pontio Pilato*, quæ non divellenda, sed conjungenda sunt: ut doceamur, eas tantum passiones Christi satisfactorias esse, quas sub Pilato sustinuit.

3. Ex  
Catechesi.

XXXII. Ex *Catechesi* adducuntur *Quæst. 31. 67. 70. 75. 80.* ubi impenetratio salutis nostræ refertur ad unicam Christi oblationem, semel in cruce peractam. Ad id autem, quod in contrarium allegatur ex *Quæst. 37.* ubi dicitur, eum *TOTO VITÆ SUÆ TEMPORE, quo in terris egit, præcipue vero in ejus extremo, iram Dei adversus peccatum universi generis humani corpore & anima sustinuisse*, Respondetur, quod sustinere iram Dei ibi non significet, sentire iram Dei, sed obligatum esse ad illam sustinendam. Quæ explicatio illustratur & comprobatur ex *Quæst. 84.* ubi infidelibus & hypocritis annuntiatur, *tantisper ipsis iram Dei & æternam condemnationem incumbere, dum in suis sceleribus perseverant*: quod intelligi non potest de pœna compensante, nisi velimus, impios in terra patientes justitiæ Divinæ satisfacere, quod absurdum est. Restat ergo, ut id explicemus de *reatu ira* Divinæ, & condemnationis æternæ. Quemadmodum eodem sensu Dominus concionatur *Joh. 111. 36. Qui non assentitur Filio, ira Dei manet super eum*, id est, reatus iræ.

Ea die  
expuncta  
sunt pec-  
cata, quo  
ultimus  
solutus est  
quadrans.

XXXIII. Quibus argumentis modeste hoc modo respondemus. AD PRIMUM. Omnes Christi passiones simul junctæ censi debent unum officii sacerdotalis ad expiationem peccatorum nostrorum a Domino suscepti apotelesma: quod tum demum plene consummatum est, quando Christus in cruce moriens se ipsum Patri in odorem bonæ fragrantiae obtulit. Tunc ultimus solutus est quadrans. Quo facto declaravit Deus, in solidum sibi satisfactum esse, eoque die totius terræ peccatum deleuit, & ex libro rationum suarum expunxit. Unde inferri non potest, ante-

antecedaneas Christi passiones satisfactorias non fuisse; sed tantum satisfactionem tunc fuisse consummatam, cujus consummationis hic erat fructus, ut eopse die omnium electorum peccata expuncta sint. Atque hæc Dei apud Zachariam mens est. Quæ autem de unica oblatione, qua consummati sumus, aliquoties repetit Paulus, eundem sensum habent. Scilicet, quum passiones Christi a cruce pendentis gravissimæ, & cæterarum omnium consummatio, fuerint; hinc passim Scriptura cruci Christi expiationem peccatorum nostrorum adscribit; quippe sine qua passiones antecedaneæ omnes non suffecissent. Quemadmodum ultimi quadrantis solutio satisfactionem absolvit: quam Chirographi scissio, & datio apochæ immediate sequitur.

Expiatio  
peccato-  
rum Cruc  
Christi ad-  
scribitur,  
quia in ea  
fuit colo-  
phon pas-  
sionum  
ejus.

XXXIV. Ad SECUNDUM. Multa hic sumuntur, quæ neutiquam sunt concedenda. I. Verum non est, Christum ab initio vitæ sacerdotem non fuisse. Nam ab initio vitæ *Christus* fuit, id est unctus Domini, non minus ad *Sacerdotale* munus quam ad reliqua. Et quum in cunis jacens *Rex* salutatus sit a Magis, quum duodecennis *Prophetam* se ostenderit in medio Doctorum; quisei *Sacerdotis* honorem ereptum eat? Et quum Sacerdotum fuerit in *domo Domini stare Ps. cxxxiv. 1.* nonne quædam muneris sacerdotalis contestatio est, in isthac ad parentes apologia, *an nesciebatis oportere me in iis esse, quæ Patris mei sunt? Luc. 11. 49.* Imo jam ante incarnationem suam Sacerdotalis functionis præexercitium quoddam exhibuit intercessione pro Ecclesia. *Zach. 1. 12. 13.* Fatemur equidem, Christum trigesimo ætatis anno publice muneris suo Mediatorio inauguratum fuisse: sed exinde non magis licet concludere, Christum ante illud tempus non fuisse sacerdotem, quam concludere licet, eum ante illud tempus non fuisse Mediatorem.

Christus  
ab initio  
vitæ sacer-  
dos fuit.

XXXV. Non possum quin solidissimum *Clar. Cloppenburgii* discursum hic subnectam, ex *Disputat. De vita Christi Privata* §. xv. xvi. *Nec putamus in praxi pietatis quotidiana, & observantia Deo debita, præstata in diebus carnis, non offerri a Christo, unktionis suæ conscio inde a puero, (ut ex Luc. 11. 49. liquet) deprecationes & supplicationes pro salute Ecclesia, cujus Rex & Salvator natus erat: confer. Luc. 11. 11. cum Heb. v. 7. Et nihil vetat verba Apostoli ad omnes dies carnis Christi, & omnes ab ipsa infantia perpeffiones, extendere: quippe ex quibus didicit obedientiam. Adeoque omnino fuit Christi: inde a puero cum Deo ambulantis, iuge tyrocinium muneris mediatorii quod die in diem perseveranti obedientia implevit opus (quod Pater ipsi dederat ad Ecclesia redemptionem) plene consummandum per colophonem obedientia, in sui ipsius immolatione, quando ad id vocatione publica fieret *ἐκδοτῶν*, seu expensus & devotus. *Job. xvii. 4. Añ. 11. 23.**

Cloppen-  
burgius  
laudatus.

XXXVI. II. Verum quoque non est, Christum ab initio vitæ non fuisse victimam. Licet enim consummatio oblationis in cruce & morte

Christus  
ab initio  
fit

vitz fuit  
victima.

fit, fuit tamen antea quoque *agnus ille Dei, qui tollit peccatum mundi. Job. 1. 29.* Impositæ ipsi fuere iniquitates omnium nostrum: neque aliunde fuit, quod gestaverit formam servi, & similitudinem carnis peccati, & pauper factus sit pro nobis, quum dives esset, & denique ab ipsa infantia doloribus, ærumnis & persecutionibus fuerit obnoxius. Omnes istæ miseriæ ex eo processerunt, quod, ut Sacerdos simul & victima, peccata nostra in se susceperat, morte tandem sua plane abolenda.

Contra-  
rium non  
probatur  
ex typis.

XXXVII. III. Probatio paradoxæ hujus asserti, ex typis V. T. petita, plurimis modis manca est. Nam. I. Non est firma illa hypothesis, omnes typorum circumstantias eodem modo in antitypo debere reperiri. Alias sequeretur, Christum anniculum debuisse mactari, juxta typum agni Paschalis. II. Temere quoque asseritur, non licuisse cuiquam sacerdotio fungi, ante annum ætatis trigessimum. Nullum istius rei mandatum in sacris literis exstat. Levitæ quidem ex Lege Annaliane annum vigesimum quintum non admittebantur ad tyrocinia. Num. VIII. 24. neque ante annum trigessimum ad plenum functionis suæ exercitium. Num. IV. 3. *Sed vero nullibi comperio, apud Magistros, inquit Seldenus de Successionibus ad Pontificat. Ebrao. Lib. II. Cap. IV. annos Levitarum, qua Levitarum, legitimam Sacerdotum ætatem indicasse. Quod mirum nimum, Viros magnos, etiam dum alios acriter castigant, admisisse.* Constantis Hebræorum traditio est, Sacerdotem functioni idoneum esse anno ætatis decimo tertio, postquam excreverint ei bini pili; licet obligatione ad vices cum cæteris præstandas non teneretur ante annum vigesimum. Vide sis *Outramum de sacrifi. Lib. I. Cap. V. §. III.* Josephus de Aristobulo refert, quod *μειράκιον, ἑβδομον ἐπὶ τοῖς δέκα γεγονώς ἔτος, κατὰ νόμον ἀνῆλθε ἐπὶ τῷ βωμῶν, συντελέσων τὰ θύματα, Adolescens, annum egressus decimum septimum, secundum legem ascenderit ad altare, sacris operaturus.* Mirum est Virum Doctissimum ad hæc non attendisse; quæ ipsi pro sua Hebraicorum rituum peritia, ignota esse non potuerunt. III. Si urgendum hoc argumentum sit, conficeretur inde, Christum post septimum a nativitate diem potuisse esse victimam, & mox ab anno trigesimo fuisse sacerdotem: quod contra sententiæ, quam impugnamus, hypothesis est.

Quo sensu  
Christus  
toto vitæ  
tempore  
iram Dei  
sustinue-  
rit.

XXXVIII. AD TERTIUM. I. Non quæritur, an Christus toto vitæ suæ tempore ita iram Dei sustinuerit, ut nulla interim consolatione nulla exhilarantis eum Spiritus lætitia demulsus sit. Id nemo dixerit. Sed id quæritur, an omnes illæ passionēs, quas Christus quocunque tempore sustinuit, & totum illud schema servi, quod assumpsit, ac *ἀποτέλεσμα* satisfactionis pertineant? Id quod ex gaudio subinde intermicante everti non potest. II. Dilectum Dei filium esse, & simul iram Dei ferre, tam pugnancia non sunt, ut consistere nequeant. Nam

qua Filius, qua Sanctus, qua Patri morem gerens in omnibus, semper dilectus fuit, & maxime quidem, quum obediens esset ad mortem usque crucis: id enim adeo Patri placuit, ut propterea ipsum in summam extulerit sublimitatem *Phil. 11. 9.* licet qua peccatis nostris onustus iram Dei senserit, non adversus ipsum, sed adversus nostra, quæ suscepit peccata, exardescens. Quis dubitat, Christum etiam ex cruce pendentem, in summa Dei dilectione & gratia fuisse, in quantum Filius erat; licet eodem tempore execratio esset ob peccata nostra? III. Probatur nondum est, nefas fuisse, Christo, dum pro peccatis nostris satisfacerebat, mitigationem aliquam per intersplendentes subinde consolationis radios concedi, quibus ad fortiter decertandum certamen animaretur. Neque credibile est, sensum iræ Divinæ in ipsa Christi cruce semper æque intensum fuisse: eumve tantis pressum fuisse angoribus, quando latroni pollicebatur paradisum, aut cum matre sua & Johanne comiter loquebatur, quam quando se quiritabatur a Deo desertum. Videatur blandum Dei Patris ad Christum alloquium, quum esset *contemptus cuius, & abominabilis populo, & servus dominantium.* *Jes. XLIX. 7.*

Quam  
ferre po-  
tuit, & si-  
mul dile-  
ctus Dei  
Filius esse.

Nihil ob-  
stat, Chri-  
sto, dum  
satisfacit,  
aliquid miti-  
gationis conce-  
di.

XXXIX. Quod ex *Symbole* affertur, vix meretur responsionem. Nam quum Christus sub Pontio Pilato passus dicitur, nihil minus innuitur, quam discrimen passionum Christi satisfactoriarum ab iis quæ non sunt tales: quod commentum nemini unquam in mentem venisse existimo. Sed simpliciter indicatur tempus, quo passionem suam Christus consummavit, & Auctor quo ad crucem est damnatus. Neque omnes passionum, quas tempore Pilati, imo auctore Pilato, Christus sustinuit, satisfactorias fuisse, paradoxo hujus assertor dixerit, quum & flagellatio, & indigna illa quæ Christus in prætorio est passus & condemnatio, & ipsa crucifixio, & mors, inde excludenda sint, si satisfactio ad trihorii tenebras adstringatur.

In Sym-  
bolo non  
negatur,  
omnes pas-  
siones  
Christi esse  
satisfacto-  
rias.

XL. *Catechesi* vim fieri indubium est: quæ non alia mente salutis nostre impetrationem ad unicam Christi oblationem refert, quam Paulus, cujus sententiam supra exposui. Verba *Quest. xxxv. 1.* perperam interpretatione perverti hinc patet I. Quia est responsio ad hanc quæstionem, *Quid credis, quem dicis: Passus est?* illud autem, passus est, non significat nudam susceptionem reatus, sed tolerationem ærumnarum. II. Si iram Dei sentire ibi non significet eam sentire, sed duntaxat ejus reatum in se suscipere, sequeretur, Christum etiam in extremo vitæ iram Dei non sensit. Nam eodem sensu *Catechesi* id de toto vitæ Christi tempore, & de ejus extremo affirmat. III. Fidelior *Catechesi* eos interpretes *Ursinus* est scribens: *Quia nomine intelligantur omnes infirmitates, miseria, dolores, cruciatum animi & corporis, quibus nostra causa obnoxius fuit Christus ab articulo nati-*

*Catechesi*  
vis infer-  
rur.

nati-

*nativitatis ad extremum vita spirituum, &c.* IV. Frustra torsioni huic color quæritur ex *Quæst.* 84. & *Joh.* 111. 36. Neque enim solus iræ Divinæ reatus infidelibus & hypocritis incumbit; sed revera in statu iræ & maledictionis sunt; & ea, quam sustinent, maledictio principium & pars est earum poenarum, quas sustinebunt in æternum.

Argu-  
menta spe-  
cialiora.

XLII. *Specialiora* argumenta & exceptiones vel mortem Christi spectant, vel *angores in horto*, vel petita sunt ex *initio & fine Eclipses solaris*, quæ ita exponam, ut simul refutentur.

Mors illa  
Christi,  
quæ ly-  
trum est,  
non modo  
mortis  
æternæ  
dolores,  
sed & mor-  
tem cor-  
poris sig-  
nificat.

XLII. Si quis dicat, Scripturam, quando morti Christi redemptionem nostram adscribit, per eam mortem intelligere intensissimos illos mortis æternæ dolores, quos Christus corpore & anima junctis sustinuit, quum se a Deo suo derelictum quereretur: respondeo, eos quidem ex mortis ambitu nequiquam secludendos esse, sed nec iis solis ita mortem Christi terminandam esse, ut mors corporis, quæ animæ a corpore separationem dicit, inde eximatur. Nam Petrus diserte de morte *carnis* loquitur 1 *Pet.* 111. 18. & tota adeo Scriptura illi morti lytrum vindicat, ex qua Christus per resurrectionem surrexit: & Paulus denique in ea Christi morte oblationem sacrificii constituit, cui similis semel hominibus obeunda ἀπείκεται. *Heb.* 1X. 27. quæque θυσία est 7. 26. & maculatione legalium victimarum adumbrata fuit. Multaque loca supra a nobis adducta sunt, quæ sine manifesta violentia ita explicari non possunt, ut mortis ambitu mors corporis excludatur.

Quo sen-  
su Christus  
dixerit,  
consum-  
marum  
est.

XLIII. Si instes, atqui Christus jam ante dixerat, τετέλεσθαι, *Consummatum est*. Resp. Id de omnium earum rerum consummatione intelligi debet, quæ in vita ipsi patiendæ & faciendæ erant, adeo ut nihil restaret nisi pia morte cuncta concludere. Plane uti Paulus dicebat, 2 *Tim.* IV. 7. τὸ ῥῶμον τετέλεκα *cursum consummavi*. Et Christus ipse *Joh.* XVII. 4. τὸ ἔργον ἐτελείωσα ὃ δέδωκάς μοι ἵνα ποιήσω. *Opus consummavi, quod dedisti mihi ut facerem*. Unde quis absurde inferret, nihil Christo hoc dicenti faciendum aut patiendum restitisse: quum adhuc restaret ut supremis passionibus τελειωθῇ. Sensus evidens est: ea Christum in obeundo munere suo perfecte præstitisse, quæ hæcenus præstanda erant.

A placi-  
da Christi  
morte non  
absuit ma-  
ledictio.

XLIV. Si urgeas, atqui placida mortē est defunctus, a qua dolores mortis æternæ, utpote jam exantlati, abfuisse videntur. Resp. placida quidem morte, quatenus fides Christi, tentationum omnium jam victrix, se maximos dolores superasse sciebat, & de resurrectione ac promisso præmio secunda erat; sed maledicta tamen morte defunctus est, quæ ex ira Dei adversus peccata infligebatur, & cujus maledictio suspensione in ligno, quæ in morte & post mortem adhuc durabat, typice figurata fuit. Nam quamdiu Christus in ligno pependit, si-  
dub

~~duo~~ tatenus sub maledictione fuit, juxta *Gal. 1. 11. 13.* Quo dicto significatur, hoc supplicium debere accipi pro commitorio de reatu & maledictione Dei.

XLV. Atqui, ais, fidelibus adhuc moriendum est: ergo Christus prois illa sua morte non satisfecit. Regeo, objectioni huic Catechumeni respondere didicerunt ex Quæst. xlii. Catechæos Palatinæ. Per mortem Christi desiit mors esse, quod fuit antea, irati judicis poenæ, & mortis secundæ janua; factaque est finis culpæ, & via vitæ æternæ; deinde vero, ultimo die, omnino abolebitur. Et si ita argumentari pergas, facile ex hypothesi tua evincam, nequidem dolorem illum Christi, quam se a Deo relictum lamentaretur, satisfactorium pro nobis fuisse; quandoquidem fideles sæpe de desertione spirituali & ipsi conqueruntur. *Zion dicit, צרתי וצרבתי dereliquit me Dominus Jes. xlix. 15.* Ubi idem verbum est, quo Dominus Jesus utitur *Pf. xxi. 1. 2.* Et vere id dicit Zion quoad sensum gratiæ, & influxum spiritualis consolationis. Differentia inter desertionem, qua Christus a Patre desertus est, & eam qua fideles deseruntur, in eo consistit, quod in illa fuerit ira & maledictio Dei & formale poenæ, quæ huic non insunt, uti & absunt a morte fidelium.

Ex morte fidelium concludi non potest mortem Christi non fuisse satisfactoriam.

XLVI. Quod adversus argumentum nostrum ex angoribus Christi in Gethsemane petiit obtenditur, eos satisfactorios eo ipso non fuisse, quod Christo tum affuerit Angelus, qui eum corroboraret: quum bonus Angelus id facere non potuisset sine gravissimo in Deum peccato, si Christus tunc satisfaciendo occupatus fuisset, præprimis quum Christus solus hoc torcular premere debuerit, & prædictum sit, eum, dum satisfaciebat, omni consolatione destitutum fore, *Pf. lxi. 21. non est qui condoleas, consolatores non invenio*, multiplici ἀσυλλογιστία laborat. Etiam I. Angelus ille non pressit torcular una cum D. Jesu: neque in ipsum pars passionum Christi translata fuit, neque physico aliquo ~~influxu~~ in bajulando isthoc onere Christo suppetias tulit. Non alio modo Christum roboravit quam moraliter, proponendo ipsi gloriosum suscepti certaminis exitum, & quæ similia eo faciebant. II. Nihil obstat, quominus Christo, quando in eo est ut satisfaciat, aliquantulum interim solaminis concedatur; præsertim si id eo tendat ut ad plura, nec minora utique, perpetienda conservetur. Verba *Pf. lxi. 21.* non sunt ita universaliter sumenda, ut omnem omnino consolationem & condolentiam excludant: nam condolebat ei magna multitudo populi & mulierum *Luc. xxi. 1. 27.* condolebat ei turba spectatorum cædens pectora sua *Mat. 23. 48.* & dilectus Johannes, & imprimis pia Mater, *cujus animam tunc trajiciebat gladius. Luc. 11. 35.* Nec quidquam in verbis Psalmi est, quod jubeat ea ad trihorium tenebrarum arctare. De eo

Corroboratio Angeli non impedit quominus passionem in horto satisfactoriam fuerint.



tempore agitur, quo *pro alimento amarorem dabant*, & *in siti porrigebant acetum* &c. 22. Quod factum non est in tenebris. III. Neque inferri potest, Deum Patrem, Angelum istum mittentem, severam iudicis personam vel nondum assumisse, vel tum deposuisse; non magis quam inferri posset, hostium Christi animos ad misericordiam flexos fuisse, quando Simoni Cyrenæo crucem imponebant, ut eam post Christum portaret. Quippe utrumque in eum finem fiebat, ne Christus sub his doloribus fatiscens secuturis eximeretur. IV. Melius hinc incredibile angorum pondus colligemus, quibus magnanimus ille e tribu Judæ leo ita fuit pressus, ut prope iis videretur succumbere, nisi aliquo saltem modo animus ei additus fuisset. V. Neque ulla specie Angelus hic malefacti accusari potest, quod Christum pro nobis satisfaciendum roboraverit; quum isthac consolatione nec Christo gloriam suam surreptum iverit, cui soli laus satisfactionis in solidum remanet; nec Dei decreto intercesserit, ad quod fortiter exsequendum Christum hortabatur; nec nostri saluti obstiterit, ad cuius jus constanti passione acquirendum Dominum animabat.

Eclipsis  
solaris ni-  
hil ad rem  
presentem  
facit.

XLVII. Ex initio & fine Eclipseos solaris in passionibus Christi initium & finem satisfactionis Christi colligere, Cabbalisticum est; nec ullo Scripturæ firmamento, ullave solida ratione nixum. Negare nolo, in obtenebratione ista typum quendam fuisse densissimarum tenebrarum, quibus afflictissima D. Jesu anima tum pressa fuit, sine ullo adsplendescantis consolationis radiolo: nisi quam inconcussa fides, inviolabilibus Patris promissis nixa, nec incerta futuri præmii, trepidanti animo subinde ingerebat. Sed non quæritur, an tum Christus satisfaciendo occupatus fuerit? hoc omnes asserimus: quæritur, an tum tantum?

Epilogus.

XLVIII. At finis tandem Disputationis hujus esto. Quæ quantopere Viri Doctissimi animum pupugerit, ex editis post mortem epistolis constare amici ipsius voluerunt. Ego vero Deum & conscientiam testes habeo, solo me veritatis ex sacris literis unice exquirendæ, & per eas unice tuendæ, amore inductum, ad hanc Dissertationem devenisse. In qua nescio quid reprehendi mereatur nisi dissentienti libertas. Si vero ipse non recte instituendo a vero aberraverim, ô quam grata mihi erit admonitio! quam prompta erroris confessio & correctio! Utinam nobis ipsis minus plerumque placeremus, plus placituri Deo! Ipsum autem Virum Doctissimum semper veneratus sum; licet post hanc dissensionis contestationem inensum valde senserim. At non existimavi eo me impediri debere, quo minus ex eruditissimis commentariis ipsius proficerem, & profectum istum cum elogio agnoscerem: quod sapissime a me & ex animo factum, cætera mea scripta abunde loquuntur.

## CAP. VII.

*De Satisfactionis Effectu.*

I. **E**ffectus Satisfactionis Christi duplex est; prior Christum ipsum, alter electos concernit. Sibi Christus satisfactione sua hoc impetravit, ut qua Mediator jus in omnes electos habeat: quod lubens meritoque ipsi largitur Pater Ps. 11. 8. *Pete a me, & dabo gentes hereditatem tuam, & possessionem tuam terminos terræ.* Hoc est Christi *τῆς ὥρας* opera pretium apud Deum suum, quod non tantum servus fuerit ad excitandam tribus Jacob, ad reducendum custoditos in Israël, sed quod datus sit ad lucem gentium, ut sit salus Dei, usque ad finem terræ. Jes. XLIX. 4. 6. Utique ex promisso Jes. LIII. 10. *Si posuerit se anima ipsius victimam pro reatu, videbit semen. Atque ita facti sumus ipsius κληρονόμοι.* Eph. 1. 11. *τῇ δὲ λαὸς περιέσσει.* Tit. 11. 14. *λαὸς εἰς περιποίησιν.* 1 Pet. 11. 9.

Sibi Satisfactione sua impetravit Christus, ut jus in omnes electos haberet.

II. Fieri porro non potest, ut Christus jure illo suo uti nolit, quod tam chare sibi acquisivit. Quando juxta determinatum prædestinationis Divinæ consilium tempus visitationis gloriose singulorum electorum venit, exserto brachio eos actu sibi vindicat. Quidni faceret? Quum possit flexanima & vorticordia spiritus sui virtute facile id effectum dare. Num credibile est, quod eos, qui sui juris sunt, Diaboli mancipia esse & manere passurus sit? An dignum Christo est, ut non ipso facto glorificetur in sanctificatione & beatificatione illorum, propter quos tantam subivit ignominiam? aut quenquam eorum sineret interire, quos pretioso suo sanguine sibi emit in peculium? ipse nos Christus ita argumentari docuit, Joh. x. 16. *Alias quoque oves habeo, quæ ex hac caula non sunt: καὶ κενά μὲ δέ: ἀγαγεῖν: & illas me oportet adducere: & vocem meam audient.* Quia oves illæ de jure ipsiuserant, ideo decebat eum illas sibi de facto vindicare, & in caulam suam adducere. Neque jus Christi vanum potest esse, aut sine possessione: præsertim quum non merum jus, sed & possessio ex jure, Christo, præstita satisfactione, a Patre promissa sit: quemadmodum loca supra allegata evincunt.

Quo jure non vult non uti.

III. Electis impetravit D. Jesus satisfactione sua *immunitatem ab omni miseria, & jus ad vitam æternam*, applicanda ipsis in vocatione efficaci, Regeneratione, Sanctificatione, Conservatione, Glorificatione. Id Scriptura docet. Mat. XXVI. 28. *Hic est sanguis meus, Novi Testamenti, qui pro multis effunditur in remissionem peccatorum.* Gal. 1. 4. *Dedit semetipsum pro peccatis nostris, ut eximeret nos ex præsentī seculo malo, secundum voluntatem Dei & Patris nostri.* Tit. 11. 14. *Dedit semetipsum pro nobis, ut redimeret nos ab omni iniquitate, & purificaret sibi populum peculiarem, accusum studio bonorum operum.* Eph. v. 25. 26. 27. *Christus dilexit Eccle-*

Electis impetravit immunitatem ab omni miseria, & jus ad vitam æternam.

*siam, & tradidit semetipsum pro ea; ut eam sanctificaret. . . . ut sifteret eam sibi gloriosam &c.* Breviter hic est sermo ille fidelis & dignus qui modis omnibus ab omnibus recipiatur: Christum Jesum venisse in mundum ut peccatores servaret. 1 Tim. I. 15. Quibus locis, multisque similibus; quæ huc congerere nihil est necesse, clare innuitur effectum satisfactionis Christi non esse nudam *possibilitatem remissionis* peccatorum nostrorum & reconciliationis nostri cum Deo, sed *remissionem & reconciliationem* actualem, abolitionem dominii peccati, & denique salutem ipsam: quorum fieri non potest ut exortes electi maneant, nisi incassum Christus pro ipsa Patri satisfecisse censeatur. Omnino nobis id agendum est, ne usquam vim verborum Spiritus Sancti emasculamus; minime in iis Scripturæ locis phrasibusque, quibus salutis nostræ negotium traditur: neque quidquam valori satisfactionis Domini nostri detrahamus.

Propter-  
ea Satis-  
factio  
Christi  
ἀπολύτρω-  
σις dicitur.

IV. Patet quoque hæc veritas ex iis Scripturæ locis, in quibus satisfactio Christi ἀπολύτρωσις vocatur, facta per solutionem λύτρω, vel ἀντιλύτρω. Proximus enim effectus redemptionis & solutionis λύτρω, est immunitas captivi, non nuda possibilitas libertatis. Non est in more positum, neque cum jure convenit, ut post solutum pretium incertum adhuc maneat, num solvendus sit captivus, vel secus. Verus Redemptor ut libertas misero restituatur impetrat, ubicunque fides bona & pactum valet. Pretium pacisci forte possit aliquis quamvis incertus de eventu, solvere vero non prudentia saltem sed & justitia vetat, nisi firmum simul habeat, quod in stipulatione ponitur. Ita Scriptura ipsa redemptionem definit, ut ejus proximum effectum actualem peccatorum remissionem nostramque libertatem statuatur. Rom. 111. 24. *Justificantur gratis, ejus gratia, per redemptionem factam in Christo Jesu.* Eph. 1. 7. *In quo habemus redemptionem per sanguinem ipsius, remissionem lapsum ex divite ipsius gratia.* & Col. 1. 14. similiter idem Heb. 12. 12. *Per proprium sanguinem æternam redemptionem nactus est:* id est, cujus fructus est æterna libertas ac salus.

Et fideles  
dicuntur  
emti a  
Christo,

V. Affines sunt eæ phrasæ, quibus electi *emti*, *pretio emti*, *sanguine acquisiti*, *subjectione Christi sub lege emti* dicuntur: ut 1 Cor. VI. 20. *Pretio emti estis.* Act. XX. 28. *Ad pascendam Ecclesiam Dei, ἣν περιποιήσατο διὰ τοῦ ἰδίου αἵματος, quam proprio suo sanguine acquisivit.* Gal. IV. 4. 5, *Factus legi subiectus, ut eos, qui legi erant subiecti, ἐξαγοράσῃ redimeres.* Indubitati, autem juris est, ut id, quod quis emit, eo ipso quia emit, pretio soluto, non tantum ipsius fieri possit, sed revera sit. Porro In eo consistit libertas & salus nostra, quod non nostri, non peccati, non Diaboli amplius, sed Christi, sumus. Unde claret, satisfactionis Christi effectum non nudam salutis nostræ possibilitatem, sed salutem ipsam esse.

Jus ad

VI. Jus ad omnia gratiosi testamenti bona cunctis simul electis morte Christi

Christi partum est, eatenus ut salva veritate & iustitia sua, salvo foedere, quod cum filio pepigit, non possit Deus quemquam electorum mancipare condemnati, ni, aut excludere a communione salutis; imo ex adverso declaraverit, præstita jam a Filio, & acceptata a se satisfactione, nihil electis aut patiendum aut faciendum restare, quo sibi immunitatem a poena aut jus ad vitam acquirant; sed id unicum superesse, ut, suo singuli ordine ac tempore, parto sibi per Christum jure, & possessione ex jure, gaudeant. Atque illud est, quod Apostolus dicit: 2 Cor. v. 19. *Deus erat in Christo mundum reconcilians sibi, non imputans ipsis offensas eorum.* Hoc est, quum acceptaret Deus oblationem Filii sui in mortem se tradentis pro suis; eodem tempore in gratiam recepit, non modo retentos Israël, sed & omnes gentes omnesque familias terræ, quæ alias in malo jacebant, & ὑπὸ δυνάμει erant Θεοῦ, declarans sibi pro peccatis ipsorum satisfactum esse, neque illa amplius iis imputari posse ad condemnationem, aut exclusionem a salutifera sua gratia.

VII. Hoc quoque facit Zach. III. 9. *Nam ecce lapis, quem constitui coram facie Jehosua: super lapidem unum septem oculi erunt: Ecce Ego calo calaturam ejus, dicit dominus exercituum, & amovebo iniquitatem terra illius uno die.* Lapis hic sine dubio est Jesus Christus, ut Dan. II. 34. Pf. cxviii. 22. cui inædificatur Ecclesia, in quo fundatur, a quo sustentatur. Is *propositus* est Jehosua & sociis suis sacerdotibus, ut Architecti eum fundamentum fidei ponerent, lapidem angularem agnoscerent, eique se cum cæteris fidelibus inædificarent. Is lapis *unus* duntaxat est. *Nemo enim potest aliud fundamentum ponere præter id quod positum est; quod est Jesus Christus.* 1 Cor. III. 11, Super istum lapidem sunt *septem oculi*, vel Dei Patris, cum cura illum tuentis, cum voluptate intuentis, vel Ecclesiæ universalis, ad eum fide respicientis. Ejus *calature* a Deo calaturæ notant clarissima indicia illa, ex quibus dignosci potuit ac debuit, ut quia Patre in Servatorem datus sit, inter quæ fuerunt passionis quibus debuit consummari. His factis, ita ut omnia signa Messiae in ipso sint, declarat Deus se *peccatum totius terra illius* (δεικτικῶς totum mundum significat, secundum Synecdochen mox explicatam) *amoturum uno die*, simul & semel, die ultima passionis Christi. Ita satisfactione Christi omnibus in universum electis, immunitatem a peccato, & ea, quæ istam immunitatem sequuntur, simul ac semel parta esse docemur.

VIII. Id utique certum est, nulli electorum beneficia vere salutaria conferri, antequam efficaciter vocatus & viva fide Christo actualiter unitus sit: verum id non impedit, quo minus jus ad illa beneficia, suo tempore utenda fruenda, universis simul electis satisfactione Christi partum sit. Imo ante conversionem actualem, & possessionem beneficiorum salutarium, non contemnendis supra reprobos privilegiis, vi

omnis  
gradus  
Testamen-  
ti bona  
cunctis  
electis si-  
mul par-  
tum est  
morte  
Christi.

Zach.  
III. 9.  
explicatur.

Hinc  
electi  
etiam ante  
vocationem  
efficacem  
varia supra  
reprobos

reprobos  
privilegia  
habent.

juris ipsis per Christum parti, donantur. Qualia sunt. I. Quod sint in statu reconciliationis & justificationis activæ consideratæ, satisfactione per Christum præstita, ut vidimus ex 2 Cor. v. 19. Id est, quod Deus eos consideret, uti pro quibus a Filio suo satisfactum, & quibus jus vitæ æternæ partum est. II. Quod Deus eos amet singulari amore benevolentiae, juxta decretum electionis; qui amor benevolentiae statuto tempore in amorem complacentiae certo exiturus est. Uti enim ex amore benevolentiae processit, quod Christus ipsis datus sit in Servatorem, ita præstita satisfactione ex amore benevolentiae procedet, quod Deus illos ita efformaturus sit, ut in iis, veluti idoneo objecto amoris complacentiae, digne queat acquiescere. An non huc referri posset, quod Jehova dicit *Jer. xxxi. 3. Dilectione seculi dilexi te, propterea traxi te per benignitatem?* III. Amoris hujus effectum est, quod ipsis concedantur media salutis, præconium Evangelii, &c. accedente interna aliqua illuminatione & stimulatione ad bonum, quanquam nondum salutari; atque id ea intentione, ut suo tempore per ista media efficaciter convertantur. IV, Hinc porro sequitur, quod Deus, eos sub mediis salutis viventes, conservet a peccato in Spiritum S. a quo nemo convertitur. V. Denique; conceditur iis Spiritus media illa efficacia reddens ad actualem & pertendentem regenerationem, eosque per infusionem fidei, ad fruitionem beneficiorum vere salutarium, Christo uniens.

Arminii  
sententia,

IX. Quæ quum ita sint, colligi facile potest quid de *Arminii* & sequacium circa hoc negotium conceptibus judicandum sit. Suos *Arminius* in *Examine Prædestin. perkinsi*. p. 75. 76. ita proponit. Addamus hisce omnibus coronidis vice propriam & immediatam mortis passionisque Christi effectum... illa autem est, non actualis peccatorum ab his aut illis ablatio, non actualis peccatorum remissio, non justificatio, non actualis horum aut illorum redemptio, quæ absque fide & spiritu Christi nemini contingunt: sed reconciliatio Dei remissionis, justificationis, & redemptionis apud Deum impetratio: qua factum est ut Deus jam possit, utpote justitia, cui satisfactum est, non obstante, hominibus peccatoribus peccata remittere, & Spiritum gratiæ largiri: ad quæ effecta cum peccatoribus communicanda propendebat quidem jam antea ex misericordia (ex illa enim Christum dedit mundo Salvatore) at per justitiam ab eorum actuali productione impediabatur. Interea Deo jus suum integrum manet illa bona... iis quibus visum, & istis conditionibus, quas præscribere volet, impertiri... Et contra, si statuamus talem Mediationis rationem, qualem tu, *Perkins*, concipere videris, ut omnium electorum tum peccata actu ab illis ablata & in Christum translata sint; qui poenam pro illis passus, illos actu ipso a poenis liberavit; tum obedientia ab illo postulata fuerit, qui illam præstitit

sitit, & vitam æternam illa præstatione non sibi sed illis meruerit; non secus quam si ipsi hunc Mediatorem nostro loco constituissimus, & per eum Deo solvissimus debita nostra; jam simul statuendum est, secundum ipsum iustitiæ Dei & legis rigorem electis deberi & immunitatem a poenis & vitam æternam, eosque ista bona a Deo postulare posse jure solutionis & emtionis, absque eo ut Deus ab iis postulare possit ullo jure fidem in Christum & conversionem ad ipsum. Quantis autem absurditatibus hæc sententia laboret, non facile est dicere. Unico saltem argumento eam refutabo, sed validissimo, ex Scripturis Apostolicis desumpto, Iustitia a Christo præstita non est nostra qua præstita, sed qua per fidem nobis imputata, adeo ut ipsa fides nobis ad iustitiam imputari dicatur. *Rom. iv. 5.* Hactenus Arminius, cujus ipsa fere verba expressimus, iis duntaxat omittis, quæ ad præsentem materiam non faciunt. Similia illius sequaces in scriptis Synodalibus habent, addentes, impetrationem talem esse, ut *ex natura rei ipsius possit facta recta manere, suisque muneris perfecta constare, etiamsi nulli essent quibus applicaretur, vel qui perciperent ejus fructum.*

X. Multa sunt in hoc discursu, quæ neque cum ἀκριβείᾳ Scholastica, neque cum cæteris Remonstrantium placitis, neque cum veritate Theologica, bene conveniunt: quod ordine nunc ostensum imus. I. Non accurate dicit Arminius: propria mortis passionisque Christi effectio non est actualis peccatorum remissio, non justificatio, non actualis horum & illorum redemptio, &c. sed remissionis, justificationis, redemptionis apud Deum impetratio. Membra enim hujus distinctionis non bene opponuntur. Actuali remissioni, actuali justificationi; non opponitur impetratio remissionis, & justificationis; sed possibilis remissio, possibilis justificatio. Atque ita loqui debuisset Arminius, si voluisset accurate & candide loqui. II. Neque hoc accurate dicitur, effectio passionum mortis Christi est *impetratio remissionis & justificationis*. Dicendum erat, est ipsa remissio & justificatio, qualiscunque illa sit, *inquit* nos docuit ipse Arminius ἀκριβοῦς p. 72. *Distingui potest inter actum, quo reconciliatio impetratur, & ipsum actum istius apotelesma, quod est reconciliatio. Actus impetrans reconciliationem est oblatio in cruce a Christo passus. Apotelesma est reconciliatio.* Ita & hic dici debuit: In morte & passionibus Christi actus impetrans est voluntaria & ex amore Dei hominibus procedens omnigenarum passionum susceptio. Apotelesma est remissio, justificatio. Actus impetrans est satisfactio Christi; Apotelesma est immunitas a debito. Ita Arminius loquebatur, quum nondum hactenus in pejus profecisset. *Disput. Privat. xxxv. §. 7. Apotelesmata Muneri Sacerdotali sunt, reconciliatio cum Deo, redemptionis æternæ impetratio, remissio peccatorum, spiritus gratia, & vita æterna.* III. Neque illud

Quæ neque cum ἀκριβείᾳ

commodum sensum habet, saltem non commode dicitur, per passionem Christi factum est, *ut Deus possit* peccata remittere: quasi nova, major, ampliorque aliqua potentia Dei, apotelesma passionum Christi sit. Potentia Dei est infinita, quæ ampliari nullo pacto potest. Tum quod ab aliquo impetratur, debuit antea in ipsius potestate esse. Accuratus animi sui sensa proposuerunt Remonstrantes in Synodolibus, his verbis, *Reconciliationis sive propitiationis effectum est Divina gratia impetratio, id est, restitutio in talem statum*, &c. sic ut pro apotelesmate satisfactionis Christi statuatur mutatio status in nobis, non ampliatio potentiae in Deo.

Neque cum ceteris Remonstrantium placitis convenit.

XI. Præterea neque sibi, neque suis, Arminius in hoc discursu constat. Non sibi. Eo enim omnia tendunt, propriam & immediatam mortis Christi effectiorem esse duntaxat possibilitatem remissionis peccatorum; & tamen asserit, propriam mortis Christi effectiorem esse reconciliationem Dei, & remissionis, justificationis, &c. impetrationem. Sed quomodo ista conveniunt, quandoquidem possibilitas remissionis peccatorum consistere potest cum perpetua inimicitia inter Deum & homines? Quænam ista reconciliatio est, quæ non impedit quominus æterna possit manere inimicitia? Quænam ista remissionis impetratio, qua non obstante fieri potest ut peccata nunquam remittantur? Neque melius cum suorum hypothesebus hic convenit Arminio. Qui expresse negant, non posse Deum, propter justitiam suam vindicatricem, peccata remittere sine prævia satisfactione. Taceo nunc Vorstii adversus Sibrandum Lubbertum operosam super hac materia disputationem. Ita Remonstrantes communi nomine in Apologia p. 46. b. disertis verbis profitentur: *Statuere justitiam Dei vindicatricem sic esse Deo essentialem, ut Deus vi ejus obligetur & necessitetur ad puniendum peccata, ineptissimum & Deo indignissimum est.*

Imo omnem fructum passionis Christi evacuat.

XII. Hinc porro evidentissima sequela deduci potest, mortem passionemque Christi plane frustraneas esse, omnique effectu & fructu carere. Quod ita demonstro. Si in Deo, etiam ante & citra satisfactionem Christi, sit potentia remittendi peccata non obstante justitia sua vindicatrice, nihil egit Christus, propterea patiendo & moriendo, ut talis in Deo potentia esset, Atqui hoc ajunt affirmant, contendunt Remonstrantes, posse Deum absque satisfactione, & sine violatione essentialis suæ justitiæ, peccata impunita dimittere: contrarium ineptissimum esse clamitant. Ergo Christus morte sua nihil impetravit. Nam quod morte sua impetravisse dicitur, etiam sine ista morte jam exstat. *Potuiisset nos Deus salvare citra satisfactionem Christi: sed non voluit id facere*, ait Corvinus in Censura Anatom. Molinæ pag. 436.

XIII. Denique non convenit hæc Arminii assertio cum veritate Theologi-

logica. I. Nusquam enim Scriptura docet, fructum mortis Christi esse possibilitatem remissionis peccatorum: neque ullus Scripturæ locus ab Arminio eum in finem profertur. De fructu vero mortis Christi sine Scriptura loqui ἀθεόλογον est. II. Imo contrarium Scriptura docet, uti §. 3. 4. 5. prolixè ostendimus. III. Ab omni porro ratione alienum est, plenissimæ satisfactionis Christi propriam effectiōnem esse, ut possit Deus captivum in unum dimittere, ita tamen ut possit quoque captivus ille semper in carcere & debendi reus manere. Quam absurdum est, Deo satisfactum esse per mortem Filii sui, pro peccatis alicujus, plenarie, quitamen, non obstante hac satisfactione Christi plenaria, in ignem æternum amandandus sit, ut ipse ibi satisfaciat pro iisdem illis peccatis, pro quibus Christus plenarie satisfecit? IV. Talis nuda possibilitas remissionis, quæ ex natura rei potest nunquam in actum exire, evertit immutabile illud pactum, quod inter Patrem & Filium est, cujus summam ipse Arminius in Oratione de Sacerdotio Christi p. 14. bene expressit. *Postulavit Deus a Christo, ut animam suam poneret hostiam pro peccato, ut carnem suam daret pro mundi vita, ut pretium redemptionis solveret pro humani generis peccatis & captivitate. Promisit si id faceret visurum semen longævum, futurum æternum sacerdotem. Accepit sacerdos nostram conditionem, &c.* Hoc infallibili promisso nixus Christus se volens morti tradidit. Verum ex hoc Arminii & Remonstrantium asserto fieri posset, ut Christus, soluto iam pretio, nullum semen videret, & Rex esset absque ullo regno gratiæ, Pater æternitatis sine liberis, sponsus sine sponsa, caput sine corpore. Quæ indignissima sunt.

XIV. Tribus interim argumentis pro sententia sua pugnat Arminius. Quorum hoc primum est. *Deo jus suum integrum manet illa bona iis, quibus visum, & istis conditionibus, quas præscribere volet, impartiri.* Unde sequitur, Christum non esse meritum, ut ista bona alicui ipso actu conferantur. Horsum enim hæc Arminii verba tendunt. Respondco. I. Negamus Deo integrum esse illa bona, quæ promeritus est Christus, non impartiri iis, pro quibus Christus mortuus est. Integrum Deo jus fuit statuere pro quibus Christus esset moriturus: sed, constitutione hac facta, non est Deo integrum, gratiam & gloriam morte Christi impetratam, non concedere iis, pro quibus Christus est mortuus. II. Quum dicit Arminius, Deo jus integrum esse, bona hæc impartiri iis conditionibus, quas præscribere volet, supponens harum conditionum, puta fidei & resipiscentiæ, præstationem, sive gratiam ad illarum præstationem necessariam, non esse ex iis bonis, quæ passione sua nobis promeritus est Christus, rursus fallitur. Etenim hoc quoque pacto Patris & Filii, juxta quod Christus se in mortem tradidit, comprehensum erat, ut adulti omnes via fidei & resipiscentiæ ad salutarem

Et repugnat Scripturæ.

Fieri non potest, ut Deus non concedat gratiam & gloriam iis pro quibus Christus mortuus est.

Fides quoque & resipiscencia ex merito Christi donantur.



Et non  
sunt con-  
ditiones  
prærequi-  
sitæ ante  
omnem  
merito-  
rum  
Christi  
communi-  
cationem.

Bona  
salutaria a  
Deo postu-  
lare jure  
solutionis  
Christi  
electis  
licet.

Deus non  
postulat ab  
electis fi-  
dem & re-  
susciten-  
tiam, ut  
conditio-  
nes Fœde-  
ris gratiæ,

cæterorum bonorum fruitionem pervenirent; neque aliæ conditiones jam ex pacto statui possunt. Præterea id quoque statutum est, ut Pater Spiritum gratiæ ad fidem & resuscitentiam, ex merito Christi, iis, pro quibus Christus mortuus est, concederet. Quemadmodum Arminius ipsum supra vidimus inter Apotelesmata muneris Christi sacerdotalis Spiritum gratiæ orthodoxe numerantem. Quum enim Deus *omni benedictione spirituali nobis benedicat in Christo Eph. 1. 3.* id est, per & propter merita Christi, & fidei donatio ex præstantissimis benedictionibus sit *Phil. 1. 29.* utique & illa nobis obtingit propter merita Christi. III. Neque illud cum Scriptura dicitur, fidem & resuscitentiam esse conditiones requisitas, antequam alicui ulla mortis Christi apotelesmata communicentur. Certe non præquiruntur ante regenerationem & vivificationem nostri ex morte peccati, & extractionem ex seculo hoc malo, quæ inter apotelesmata mortis Christi numerantur a Paulo *Eph. 11. 5. & Gal. 1. 4.* Dicatur ergo, si ita lubet, hæc esse conditiones præquisitas ad consolationem, morte Christi nobis partam, conscientis nostris applicandam. Ita tamen, ut ex merito Christi emanet gratia ad conditiones illas præstandum potenter & abunde efficax.

XV. Secundum argumentum Arminii hoc est, *Si aQualis peccatorum remissio, &c. effectus mortis Christi sit, simul statuendum est secundum ipsam justitiam Dei & legis rigorem electis deberi & immunitatem a pœnis & vitam æternam, eosque ideo ista bona a Deo postulare posse, jure solutionis & emtionis: absque eo ut Deus nullo jure postulare possit fidem in Christum & conversionem ad ipsum. R. I.* Omnino hoc statuimus, posse hominem renatum confidenter accedere ad Thronum gratiæ, & postulare a Deo ista bona, jure solutionis & emtionis Christi. Quid ni enim a Deo ausimus petere, ut id præstet nobis, quod filio suo ejusque meritis se debere voluit? Hæc est fidei nostræ *παρρησία*, coronam justitiæ exspectare a Deo, quoad nostram quidem indignitatem, ut misericorde & gratioso datore, sed quoad Christi merita, ut *justo Judice. 2 Tim. 1v. 8. II.* Invidiose addit Arminius, *absque eo ut Deus nullo jure a nobis postulare possit fidem in Christum & conversionem ad ipsum.* Etenim impossibile est, ut hæc non præstentur ab eo, qui ad Deum ista postulaturus accedit. Qui enim fieri potest, ut quis illa a Deo postulet Christi nomine, sine fide in Deum & Christum, sine conversione ad Patrem & Filium? III. Rotunde loquamur. Posita satisfactione Christi, atque ita confirmato Fœdere gratiæ & Testamento Novo, nullo jure Deus ab electis postulare Deus potest fidem & conversionem, ut conditiones Fœderis gratiæ, eo sensu quo vult Arminius & Remonstrantes, scilicet, I. Ut præstandas a nobis, sine gratia hyperphysice & efficaciter ac invincibiliter illas in nobis operante. II. Ut per gratiosam aliquam Dei dispositio-

nem,

nem, succedaneas perfectæ præstationi legis, qualem exigebat Foedus operum. Ita enim hæc digere Arminius, ut loco plenæ obedientiæ, quam postulabat Foedus operum, succedat in Foedere gratiæ actus fidei, qui ex gratiosa Dei æstimatione imputetur nobis in iustitiam, id est in causam juris petendi vitam æternam. Tales conditiones, qualescunque illæ fingantur, quibus inædificetur jus ad vitam æternam, siue ex iustitia, siue ex gratiosa æstimatione Dei, non admittit natura Foederis gratiæ. Et bene hætenus concludit Arminius, si Mediator ita pro nobis satisfecit, ac si ipsi per eum Deo solvissemus debita nostra, non potest ullo jure a nobis ulla conditio postulari, quæ quocunque modo solutionis vicem obeat. Tota gloria juris nostri ad vitam æternam soli merito Domini nostri illibata manere debet: neque in ullum nostrorum actuum quocunque prætextu transferri.

XVI. Unicum adhuc argumentum restat, quod validissimum putat Arminius. *Iustitia*, inquit, *a Christo præstita, non est nostra, qua præstita, sed qua per fidem nobis imputata*. Respondeo. I. Quid inde concludit Arminius? An præter satisfactionem Christi fide quoque opus esse ad salutem? Quid tum porro? Ergo Christus non impetravit nobis actualem remissionem peccatorum. Negatur consequentia. Etenim fides non consideratur ut impetrans, sed ut impetratam remissionem applicans. Quumque objectum præsuppositum fidei salvificæ sit remissio jam per Christum electis omnibus impetrata, utique eam proprium mortis Christi effectum esse oportet. II. *Iustitia illa Christi, sicuti Christi est, quatenus ab ipso præstita; ita nostra est, quatenus pro nobis præstita*: ideoque sano sensu etiam ante fidem nostra, utpote gratiæ ad fidem in nobis producendam efficacis causa nobis meritoria. Nostra, inquam, est, ratione *juris*, quia, & decreto Dei Patris, & Filii proposito, pro nobis præstita & suo tempore certe applicanda: licet nondum sit *possessio* nostra, quoad actualem transitum ex statu iræ in statum gratiæ, & agnitionem ac sensum tanti beneficii nobis indulti. Nota est distinctio inter justificationem activam & passivam. *Illa*, est sententia illa Dei, qua sibi per Christum satisfactum proficitur, omnesque electos a reatu & solvendi debito immunes pronunciat, etiam ante ipsorum fidem, hætenus ut ab ipsis nullam unquam solutionem exacturus sit. *Hæc*, est agnitio & sensus dulcissimæ illius sententiæ, per Spiritum Sanctum cordi intimatæ, & a quoque electorum fiducialiter apprehensæ. Altera fidem præcedit, saltem quoad istum, quem mox proposuimus, generalem articulum; altera sequitur. Atque in valorem satisfactionis Christi adversus Arminii cavillationes vindicavimus.

*Iustitia Christi nostra est, quatenus pro nobis est præstita.*

*De Necessitate Satisfactionis Christi.*

Statu  
contro-  
versia.

I. **P**ostquam valorem satisfactionis Domini nostri Jesu Christi, ad ipsius gloriam & consolationem electorum, ex Scripturis explicuimus, non intempestivum erit, ut de necessitate hujus satisfactionis agamus: huc quoque nos deducantibus iis quæ supra §. 11. ex Remonstrantium Apologia allegavimus. Ubi non ita controversiæ statum formare libet, ut iam magno cæteroquin Pancratiasse factum video, *An Deus non possit per omnipotentiam suam absolutam peccata sine ulla satisfactione remittere?* Neque enim libenter de potentia Dei absoluta disputamus. Tum etiam consideratio absolutæ potentiæ Dei non videtur huic controversiæ congrua. Etenim non ex attributo Potentiæ Dei, sed Sanctitatis, Justitiæ, & similium, controversiæ hujus explicatio & determinatio arcessenda est. Quidam quando potentiam Dei solam spectant, omnia de eo dicunt: non considerantes Deum nihil posse agere nisi juste, Sancte, veraciter, sapienter, constanter, & ita denique ut omnibus suis virtutibus dignum est. Probe Jureconsultus *Papinianus ff. lib. XXVIII. Tit. VII. Leg. xv. de viro bono dixit: Quæ facta laudant pietatem, existimationem, verecundiam nostram, &c., ut generaliter dixerim, contra bonos mores sunt, NEC FACERE NOS POSSE CREDENDUM EST.* Id profecto multo magis de Deo dici debet, quod non est testimonium perfectionum Dei, aut quod obscurat virtutem aliquam Dei, aut gloriam Dei, Dei opus esse non potest. Judiciose causam istam contra *Celsum* egit *Origenes. Lib. III. p. 154.* Δύναται δὲ καὶ ἡμεῖς πάντα ὁ Θεὸς ὡς περὶ δύναμεν, ἢ Θεὸς εἶναι, καὶ ἢ ἀγαθὸν εἶναι, καὶ σοφὸς εἶναι, καὶ ἢ εἰσαίτιος. ὁ δὲ κέλσος φησὶν (ὡς μὴ νομήσας πῶς λέγεται ὁ Θεὸς πάντα δύνασθαι) ὅτι καὶ ἐβελήσκει εἰς τὸν ἀδίκον, διδόντες ὅτι δύναται μὲν τὸ ἀδικόν, καὶ θέλει δὲ. Ἡμεῖς δὲ φάμεν, ὅτι ὡς περὶ καὶ δύναται τὸ πεφυκὸς γλυκάνειν τῷ γλυκύ, γυγχανεῖν πικράζειν, παρὰ τὴν αὐτῷ μόνην αἰτίαν. καὶ τὸ πεφυκὸς φωτίζειν, ἢ εἶναι φῶς σκοτίζειν. ὥτως καὶ ὁ Θεὸς δύναται ἀδικεῖν, ἐναντίον γὰρ ἐστὶν αὐτῷ τῇ Θειοτητί καὶ τῇ κατ' αὐτὴν πάσῃ δυνάμει ἢ καὶ ἀδικεῖν δυνάμει. *Potest sane Deus juxta nostram opinionem omnia, per quorum omnipotentiam a Deitate sua, bonitateque ac sapientia non excidit: ac Celsus (veluti non intelligens quomodo Deus dicatur posse omnia) negat eum velle quicquam quod sit injustum, concedens quod Deus possit etiam injusta, nolit tamen. Nos dicimus, sicut quod nativum suam dulcedinem indit rebus etiam aliis, nihil potest naturam reddere, quia hoc contra naturam suam faceret: neque quod natum est ad res illas mutari, quæ est ei quod lux est eas obscurare; ita nec Deus potest injuste facere: POTENTIA ENIM INJUSTE FACIENDI CONTRARIA DIVINITATI IPSIUS est, omnique potentia qua Divinitati est consensanea*

*tema.* Ideoque incongruum nobis videtur, ubi de Sanctissimo Dei jure agitur, absolutam Dei potentiam in scenam producere. Propterea malumus controversiam hoc modo formare: An ex mero & indifferenti voluntatis Divinæ arbitrio processerit, quod voluerit Deus sibi per Christum satisfieri, antequam peccatores reassumeret in gratiam; an vero satisfactionem exegerint naturalis Dei Sanctitas, Justitia, similesque essentielles Dei virtutes, quas abnegare non potest? Nobis posterioris assertio verior & tutior censetur.

II. Superiori libro *Cap. v. §. 19.* & sequentibus fufe probatum dedimus, in ipsa natura & immutabili jure Dei fundari, ne peccatum dimittat impunitum. Quæ assertioni nostræ pro fundamento supponi possunt. Nunc alia adjungemus argumenta ipsam Christi satisfactionem proprius tangentia.

III. Et *primo* quidem ex *eventu*, & a posteriori, non invalide argumentamur. Etenim quum Deus entia sine necessitate non multiplicet, quæ ratione probabile est, quod Filium suum dilectum in quo suaviter acquiescebat, sine necessitate, maledictionem pro nobis effecerit? Immoremur paulisper huic meditationi. Excogitavit immensa Dei sapientia mirabilem unionem humanæ naturæ cum una Divinarum personarum: ut Deus ipse obedire, pati, mori, satisfacere denique dici queat. Fuit ista persona *ὁσιος*, *ἀκακος*, *ἀμίαντος*, Vir complacentiæ Dei, Filius unigenitus, unice dilectus. Eum amantissimus Pater indignissimis contumeliis, dirissimis passionibus, maledictæ morti objecit, ut ea vicem *λύτρω* obirent, quo redimendi essent peccatores. Passiones has variis ambagibus a longo tempore prædixit, & universo adeo victimarum, per Mosen jussarum, choragio præsignificavit. Permisit ut mundus post tot scelera Deicidio polueretur, (a cujus intuitu sol ipse radios retrotrahebat,) facinore sane inexpiabili, & cujus reatu universa Judæorum natio involuta est. Nonne tota hæc res, quod cum venia rogatum sit, drama quoddam redolere videtur, si Deus unico flatu peccata nostra veluti nubem dispellere potuisset? Nonne cum Bonitate, Sapientia, Sanctitate Dei pugnat, sine ulla necessitate, & animi, ut ita dicam, causâ hoc modo procedere? Quo recta & compendiosa via pervenire potuit, eo ut veniret quid tanta & tam impedita circuitione usus est?

Non est credibile, Deum animi gratia sine necessitate ulla, dilectissimum Filium tam diris cruciatibus subjecisse.

IV. Neque reponi hic velim, factum hoc a Deo, ut manifestum faceret infinitum jus, quod obtinet in creaturam, tale, ut etiam insonantem gravissimis cruciatibus afficere possit. Si Deo sibi id jus vindicare placeat, vix certe, & ne vix quidem, unquam eo jure usus est. Si eo jure aliquando usus est, id factum est in rebus multo levioribus & minoribus, quam quæ sunt a Christo Domino nostro exantlatæ. Si denique

Quod non fecit ut ostendisset infinitum jus suum in quacumque

que crea-  
turam.

que ad jus illud ostendendum tam graves cruciatus nonnunquam adhiberet, abstinere tamen a dilectissimo & unico Filio, in quo tam clare testatus est se *ἰδοῦν* *ἡσασαι*.

Neque  
eo sine  
duntaxat  
ut isto ve-  
luti marty-  
rio doctri-  
na Christi  
firmare-  
tur.

V. Pertendere totum hoc negotium iniferenti alias arbitrio Dei ita dispositum esse, ut Doctrina Christi salutaris exemplari hoc martyrio confirmaretur, est & rationi, & Scripturæ, & experientiæ contradicere. Multa enim alia Deo suppetebant, longe faciliora, quibus doctrinam salutis confirmare poterat, quam tam dira dilecti Filii passione. Tum Scriptura nos docet, eo spectasse Christi miracula, adjuncta efficacissimo, & nativo veritatis demonstratione divinitatem suam probanti, præconio, quibus se Johannis discipulis approbabat *Mat. xi. 5.* & universæ adeo turbæ *Luc. vii. 16.* & *Joh. vi. 14.* Denique tam ex Scriptura quam ex experientia colligimus, crucem Christi *Judeis scandalum*, *Græcis stultitiam fuisse.* *1 Cor. 1. 23.*

Neque  
modo, ut  
doceremur  
per angus-  
ta ad au-  
gusta con-  
tenden-  
dum esse.

VI. Neque asserendum, necesse fuisse ut tam operosa via, ipsoque adeo exemplo filii Dei, edoceremur per multas passiones nobis intrandum in regnum cœlorum. Sufficenter, si nihil aliud subesset, deo edoceri potuissimus exemplis aliorum martyrum. Tum etiam ex milienis eorum, qui servantur, vix unus est, cui, seposita quoque maledictione Dei, in via salutis, tot horrenda, tamque indigna occurrunt, quam Christo obvenire. Cur ergo edocendi exemplo Filii Dei omnes fuimus, non aliter cœli portam patere quam per illas angustias? nisi dicamus Dei justitiæ per Christi passiones satisfactum esse, neque ei aliter satisfieri potuisse, nulla alia iusta, sancta, sapiens, & Deo digna, earum ratio assignari posse videtur. Certe ego me eam a quoquam audivisse non memini.

Neque  
asseren-  
dum,  
Deum vo-  
luisse sibi  
per Filium  
satisfieri  
ad decla-  
randum  
potestatem  
& volunta-  
tem puni-  
endi  
peccata,  
sine neces-  
sitate.

VII. Si quis dicat, non fuisse necessariam satisfactionem propter justitiam Dei, fuisse tamen exactam a Deo propter aliam aliquam perfectionem Dei, nimirum ut declararet potestatem & voluntatem puniendi peccatum, quod potest non punire: respondebo vix esse, ut talis potestas & voluntas perfectio Dei appellari possit: quum Christus potius *τελειότητα*, perfectionem Dei vocet, clementiam, tolerantiam, & liberalitatem Dei in homines, etiam injustos. *Mat. v. 45. 48.* Quæ certe laudatissima erit, si Deus possit pro placito peccata non punire, & ei non punitioni sanctissima Dei natura, & Lex naturam illam exponens, non obstet. Imo si possit Deus cum summa sua laude non punire peccata, disquiri posset, an ea cum laude punire possit: quia tum sine ratione videtur affligere peccatorem, & opus manuum suarum male habere. Quod autem sine ratione fit, id in Deo laudabile esse non potest.

Neque

VIII. Fortassis tutissimum aliquis arbitrabitur non ingerere se in aby-  
los

so imperfectibilis sapientiæ & infinita potentiæ Dei, & dicere, placuisse quidem Deo ob sapientes & bonas, licet sibi soli notas rationes, ut non aliter quam satisfactione Filii sui liberaremur: sed potuisse tamen longe alia via nos ad salutem deducere, imo verbo aut nutu redimere. Et sane ita olim magnus locutus est *Augustinus*: de *Agone Christiano*. *Omnia Deus poterat si voluisset. Noluit autem: idque iusta de causa; etiam si nobis ignota est & incomprehensibilis; sed etsi aliter faceret, aque tamen stultitia vestra displiceret.* Et rursus de *Trinitate* Lib. XIII. Cap. X. *Hunc modum, quo nos per Mediatorem Dei & hominum, hominem Jesum Christum, Deus liberare dignatur, asseramus bonum & Divina congruum dignitati; verum etiam ostendamus, non alium modum possibilem Deo defuisse, cujus potestati cuncta aequaliter subjacent; sed sananda nostra miseria convenientiorem aliam modum non fuisse, nec esse oportuisse.* Perplacet utique mihi verenda ista modestia, ut de rationibus & finibus actionum Dei nihil temere definire audeamus; neque de viis ejus inconsiderate judicemus, quia aliquid in iis occurrit, cujus rationem ignorantia nostra explicare nequit, imo quod stultitiæ nostræ *δοκησις ὁ φῶς* cum ratione pugnare videtur. Sed quando ratio Divinarum actionum ita a nobis cognosci & assignari potest, ut per illam gloria adorandæ Justitiæ, Sapientiæ, Sanctitatis & Bonitatis Dei in evidentissima luce collocetur; non est amplius modestia, sed obscuratio virtutum Dei, illam nolle agnoscere. Atque ita hic sese res habet. Ratio, cur Deus, volens electos peccatores servare, id voluerit fieri per satisfactionem Filii sui, hæc est, quia vidit in sapientia sua nullo alio modo Sanctitati & Justitiæ suæ naturali satisfieri posse. Atque id dicendo, neque Potentiæ Dei quicquam derogamus; qui sine dubio non potest nisi Sanctitati & Justitiæ suæ convenienter operari: & sapientiam ejus mirifice prædicamus, quæ, quod omni creato intellectui impossibile videbatur, medium invenit, quo Justitiæ suæ satisfaceret, & peccator sancte salvaretur. Quæ ut clariora sint simulque firmiora, agedum porro attente consideremus, Quid Scriptura nos de causâ impellente & finali dationis Christi doceat.

IX. Identidem inculcant Scriptores Sacri ex inenarrabili caritate erga humanum genus processisse, quod proprio suo Filio Deus non pepercerit, quin illum nobis daret, & pro nobis in mortem traderet. *Job. III. 16. Rom. v. 8. I. Job. IV. 10.* Si autem aliter servari potuerimus, quam per passionem Filii Dei, non tam eximie elucet Dei caritas in datione hujus medii. Nam ingens quidem caritas est, nec ullo pacto enarrabilis, si justitia, homines ad poenam implacabiliter postulante, vitat tamen ἡ φιλανθρωπία & salutis donandæ propositum, reperto ad eam rem in thesauris sapientiæ admirabili justitiæ cum misericordia temperamento, & tali quidem, cui sine traditione dilectissimi Filii ad sa-

eo est con-  
fugiendam  
ut dica-  
mus Deo  
facti hujus  
sui ratio-  
nes consti-  
tuisse, licet  
nobis ig-  
notas.

Si datio  
Christi ad  
salutem  
nostram  
necessaria  
non fuerit,  
non elucet  
in ea tanta  
Divinæ ca-  
ritatis ve-  
hementia.

vos pro nobis cruciatus locus esse non poterat. At si iustitia nullatenus obstitit, si multis aliis rationibus salus nostra procurari quiverit, atque adeo unico verbulo nutu, quæ fuit in datione Filii tanta caritatis vehementia? Misericordiæ quidem certe fuerit maxime memorabilis, quod peccata nobis condonaverit. Sed quod id fecerit interveniente morte Filii sui, si nihil id fuerit necesse, si æque commode aliter, si compendiosius, si nutu, quod nonnulli dicunt, peccata nostra dispellere potuisset, cur illud ut tam ἀκαταλήπτῃ caritatis argumentum a Christo & Apostolis ejus urgetur?

Neque  
in sanguine  
Christi erit  
demon-  
stratio ju-  
stitiæ Dei.

X. De fine satisfactionis Christi docet Apostolus, eum esse *demonstrationem Justitiæ Dei*. Rom. III. 25. *Quem proposuit Deus propitiatorium per fidem in sanguine ipsius*, εἰς ἐνδείξιν τῆς δικαιοσύνης αὐτοῦ. *Proposuit Deus Filium suum, tam sibi ipsi*, εὐδοκίαν ἔχοντι ἐν αὐτῷ. *Jes. XLII. 1.* in æterno suo consilio eum destinando in Mediatorem, & ita destinatum contemplando, quam nobis, ponendo eum in publico, & collocando in throno gratiæ & gloriæ, in conspectu omnium. Et proposuit quidem ut *propitiatorium*, ubi Apostolus alludit ad operculum Arcæ Fœderis impositum, quod כפרת *ilastērion*, *propitiatorium* dicebatur. Significans id, per quod Deus hominibus reconciliatur, in quo habitat & requiescit, & unde gratiosa responsa dat. Propitiatorium porro non est id quod dicitur, nisi *in sanguine*, *per fidem* nobis applicando. Id est, non reconciliavit nos Christus Patri nisi per passiones. In tabernaculo erat כפרת בדם שׁוֹר *propitiatorium in sanguine hirci*, hoc est, quod hirci sanguine aspergebatur. *Levit. XVI. 15.* Hic non valet nisi sanguis illius, qui in propitiatorium propositus est. Nisi malimus *ilastērion* hic *placamentum* vertere; quod nomen Christo detur, quia hostia est pro peccato offerenda: quæ quum veniat in locum nocentis, hujus poenam laturo, non solum immunitatem a poena nocenti promeretur, sed etiam Deum, antea offensus, placatum dat, postquam inflicta vicario poena justissimæ vindictæ satisfactum est. Quorsum hæc omnia? *ad demonstrationem justitiæ Dei*, διὰ τὴν πάρεσιν *peccatorum ante factorum in tolerantia Dei*. Præcedentium temporum peccata Deus in fidelibus præteriverat, non puniverat, non obstantibus illis fideles ad cernendam hæreditatem coelestem vocaverat. Oportebat autem demonstrari, id sine ulla læsione justitiæ suæ a Deo factum esse. Porro clarum erat, Justitiæ Dei non esse satisfactum, neque per poenitentiam fidelium, neque per typicum hostiarum apparatus, neque per sanguinem aureo propitiatorio aspersum. Restabat ergo, ut declaratio justitiæ Dei fieret in propitiatione & sanguine Christi, quibus ostendebatur, Deum, convenienter justitiæ suæ, nullius peccata impunita dimittere. Si autem Deus sine læsione justitiæ suæ, nullo negotio, absque ulla satisfactione, peccata con-

condonare queat; videtur totum hoc negotium inanis fuisse & minime Deo conveniens ostentatio, qui nulla necessitate tam terribilem se præbere voluerit in atrocissima morte dilectissimi Filii. Quæ quum horrenda cogitatu sint, ex hoc discursu Pauli conficitur, non potuisse fieri, ut Deus peccata non puniret, nisi aliquando Christum proponeret ut propitiatorium, & sic justitiam suam ostenderet: quia non punitio peccati sine *ἰλαστική* & *ἰλασμός* foret abnegatio Justitiæ Divinæ. Nam non ostensio justitiæ est ejus abnegatio: præsertim in grandi hoc salutis nostræ opere. Ita enim Deus ipse loquitur *Jes. LVI. 1. Salus mea propinquæ est ut veniat, & justitia mea ut reveletur.*

XI. Dixerit fortean non nemo per *justitiam* Dei hic notari, ut alias, *veracitatem & constantiam* in præstatione promissorum: ut id duntaxat voluerit Apostolus, Deum ideo Filium suum propitiatorium proposuisse, ut prophetiis & promissis satisfaceret, atque ita se *justum*, id est, *veracem* ostenderet. Verum hic alia longe res agitur. Justitia Dei hic significat rectitudinem illam, qua Deus, secundum Legem suam, infligit doloribus dignis, manifestat meritum peccati, & odium peccati, & quod se non deceat communionem habere cum peccatore, dissimulata violatione gloriæ suæ. Et hanc intelligi hoc loco, patet, quia in eo est Apostolus ut explicet, quomodo Deus, sine læsione justitiæ suæ, antea toleraverit peccatores, & præteriverit peccata: ostenditque per pulcre Justitiæ Dei consultum esse in propitiatione per sanguinem Christi, iusto tempore facta & revelata. Ejus enim vi esse factum, ut anteriorum temporum fidelibus peccata remissa sint. Quæ difficultas non tollitur per eam, quam mox memoravi, explicationem. Omnia eo tendunt, ut appareat Deum juste agere, quum peccatorem justificat propter merita Christi.

Per quam non intelligitur hic Dei veracitas.

XII. Memorabile quoque est quod Apostolus diserte dixit, & sapius iteravit, hostias Legales nunquam posse peccati reatum abolere. *Heb. x. 4. 11.* Quod autem nullo piamento intercedente tam facile tolli potuit, quid ni potuerit expiari morte victimarum Legalium? Et illud est maximopere observandum, quod, quum Apostolus id negat, ad rei ipsius naturam attendat, quæ non id dicitur præstare non posse, quia Deo aliter visum est; sed quia tanta res est peccatum, ut ejus labes nullo hircorum aut taurorum sanguine elui queat: quod ut concessum & natura notum præsupponit. Et sane professa Veteris Testamenti Ecclesia fuerat, non posse ullo vitulorum aut arietum, nequidem ad aliquot millia multiplicatorum, cruore, ullo oleorum, etiamsi ut mille ni aliquot amnes effunderentur, libamine, imo ne ipsis quidem unigenitorum filiorum mortibus, peccata sua expiari. *Mich. vi. 6. 7.*

Si nullo piamento intercedente tolli potuit peccatum quidni etiam tolli poterit per victimas legales?

XIII. Neque prætereunda illa Apostoli illatio, qua ex impotentia legalium

Et quomodo pro-



cedit Apostoli illatio ex impotentia victimarum legalium necessitate unici sacrificii Christi concludentis ?

galium victimarum necessitate unici sacrificii Christi concludit. Nam postquam dixerat, *impossibile esse ut sanguis taurorum & hircorum peccata auferat*; mox subjungit: *Quapropter incredens in mundum dicit &c. subdens auferat prius*, scilicet oblationem pecudum, *ut posterius statuat*, nempe oblationem corporis Christi. Non procederet autem illa illatio, si tertium aliquod dari posset, quo peccata nostra expiantur, aut si nulla expiatione opus foret. Nunc autem ita argumentatur Apostolus, ut supponat, tanquam a Judæis concessum, sine convenienti piamento peccata remitti non posse; quod piamentum quum non sit in victimis legalibus, id unum restat, ut in oblatione Christi quæretur, absque qua peccati macula æternum indelebilis manet. Firmitas hujus illationis Apostolicæ ex natura Dei & rei procedit; si enim a libero & indifferenti Divinæ voluntatis placito necessitas oblationis Christi deduci debeat, frustra tales consequentias necceret Apostolus. Solummodo beneplacitum hoc Dei allegandum erat.

Et deducens ex impotentia legis necessitatem justificationis per Christum.

XIV. Simili modo idem Apostolus argumentatur *Rom. 111. 19. 20. 21. &c.* Ubi fundamenti loco sternit, universum mundum condemnationi obnoxium esse coram Deo. Unde infert, neminem ex operibus legis justificari posse. Et hinc concludit, non aliter nos posse justificari quam sanguine Christi. Irrito sane argumento, si Deus, ex sola misericordia, nutu suo, peccata tollere, & peccatori vitam adjudicare potest. Promptum enim esset Judæis respondere, aliam superesse longe compendiosiore justificationis viam in immensa Dei misericordia, & liberrima potestate, sine ignominia Messiae. Neque, ut rursus id moneam, recurri hic debet ad liberrimam voluntatis Dominicæ dispositionem, quasi ea sola necessitatis illius causa foret. Nam si eam supponat Apostolus, nulla porro ratiocinatione opuserat. Sola istius dispositionis declaratione habebat intentum. Si non supponat, non stringit argumentum. Quod absit.

Et omnem spem salutis ei præscindens cui nullum remanet sacrificium.

XV. Nec omittendum hoc loco videtur illud Apostoli dictum, quod iis, qui in Spiritum Sanctum peccaverunt, omnem salutis spem præripit, eo argumento, quia rejecta ab ipsis Christi expiatione, *nullam pro peccatis reliquam hostiam habent*, *Heb. x. 26.* Ubi nullam veniæ spem superesse voluit innuere, ibi nullam hostiam reliquam esse asseruit. Pro indubitata veritate sumens, quod hostiæ oblatio veniam necessario antecedit. Nihil id ita esset, cur non liceret homini, cui sacrificium deerat, sine satisfactione, ab immensa Dei misericordia veniam sperare?

Heb. vi. 6. explicatur.

XVI. Eodem facit, quod ait Apostolus *Heb. vi. 6. Fieri non posse, ut tales renoventur ad penitentiam, qui rursus crucifigant sibi Filium Dei, & ignominia exponant.* Quæ postrema verba non uno modo a Theologis explicantur. Eo autem sine dubio pertinent, ut rationem contineant, cur ab

ab omni salutis spe exclusi sint, qui inutilem sibi Christi crucifixionem fecere, Quippe sine qua ἀδύνατον est salutem obtinere. Doctissimus Vir, *Moses Amiraldus*, in *Disputatione de peccato in Spiritum Sanctum*. S. XL. ita exponit: Nimirum quia desertoribus illis nihil amplius commune est cum sacrificio jam peracto, quia ei renunciarunt, si servari volunt, est illis aliud sacrificium quærendum. Et quoniam a nemine præter unum Christum sacrificium vere ἱλαστικὸν præstari potuit, si volunt illi servari, necesse est, ut Christum denno crucifigendum tradant, atque exponant opprobrio. Id autem designare nefas est; neque vero a Deo potest impetrari. *Rom. VI. 9. 10.* Quæ explicatio si assensum impetret, validissime exinde pro sententia nostra concluditur; quia supponitur tam absoluta satisfactionis Christi necessitas, ut si ea, quam jam præstitit, inutilis facta sit, alia de novo ipsi sit præstanda, antequam spes veniæ peccatori affulgeat.

XVII. Porro facit hæc sententia nostra ad illustrationem gloriæ præstantissimarum virtutum Dei. Commendat *Sanctitatem* ipsius, per quam nullo modo peccatori similis fieri, eumve sine debita satisfactione, ad communionem sui & inhabitationem sui Spiritus admittere potest. Exaltat *Iustitiam* Dei, quæ inexorabili rigore ad pœnam peccati fertur. Sartam tectam conservat infinitam Dei *Majestatem*, quæ, pro honore suozelans, nullum sui contemptum, qualis in peccato est, impunitum dimittit. Glorificat imperscrutabilem Numinis *Sapientiam*, quæ, quod omni creato intellectui excogitatu impossibile erat, saluberrimum *Iustitiæ* & *Misericordiæ* temperamentum invenit, incorrupto utriusque honore. Denique μεγαλύνει inæstimabilem Domini nostri *Charitatem* & φιλελεωσύαν, qui, quum nullum aliud salutis nostræ medium exstaret, proprio Filio non pepercit, quin eum pro nobis traderet. Quis autem sententiam illam, quæ ita gloriam Dei illustrat, ambabus ulnis non amplectetur?

Illustrat hæc sententia gloriam virtutum Dei.

XVIII. Neque minus infervit promotioni pietatis. Docet nos tremere coram Majestate Dei Altissimi, qui, eo ipso quod Deus est, fontem infontem habere non potest. Auget peccati horrorem, quod tantæ atrocitatis plenum esse credere expedit, ut non potuerit aliter elui, quam sanguine sanctissimæ ac vere Divinæ victimæ. Proponit nobis immaculatissimam Dei Sanctitatem in exemplar, ut ad ejus instar peccatum internecino odio prosequamur, & ab omni criminis commercio nos servemus puros. Inflamat denique corda nostra debitissima redamatione, ut lubentes nos Deo tradamus in servitium, qui ex pura gratia Filium suum pro nobis tradidit in mortem, absque qua traditione æternum mansissemus miseri. Atque ita sententia nostra continet doctrinam veritatis, quæ secundum pietatem est.

Et infervit promotioni pietatis.

Nec ulli  
perfectio-  
num Divi-  
narum  
quicquam  
derogat.

XIX. Nec ulli perfectionum Divinarum quicquam derogat. Non absolutæ *potestati*. Quia sine dubio non potest Deus se & virtutes suas abnegare, neque factis suis testari, peccatum non esse contra se, neque ita se gerere quasi peccato delectetur, indulgendo peccatori sui communionem. Non liberrimæ *voluntati*. Quippe nihil vult aut velle potest Deus nisi ad suam gloriam, quæ exigit, ut peccatori quam dissimillimus appareat. Bene *Seneca, Quæst. Nat. Lib. I. Nec Deus ob hoc minus liber aut potens est: ipse enim est necessitas sua.* Non *libertati actionum* Dei, quas vocant *ad extra*. Nam etiam si Deus nulla naturæ suæ necessitate ad extra se operandum adigatur, si omnes illæ operationes simul considerentur: posita tamen una operatione ad extra, multas alias consequi necesse est. Verbi gratia, liberum fuit Deo mundum ex nihilo creare. Posita tamen creatione, & per illam existentia mundi, necesse est, ut Deus illum regat, & quidem convenienter justitiæ, Sanctitati, sapientiæ, bonitati suæ. Ita hic quoque, liberum fuit Deo peccatum permittere: posito tamen peccato, postulat justitia Dei essentialis, ut id puniatur. Liberum fuit Deo quosdam peccatores salvare: posito tamen quod id velit, necesse, ut conveniens satisfactio intercedat. Idque totum ex immutabilitate perfectionum Dei procedit, quas in nulla suarum actionum abnegare potest. Non *consilio* Dei sapientissimo in *moderatione* poenarum, quoad tempus, gradum, personas. Non enim ita volumus Deum natura punire, quemadmodum ignis urit (quanquam etiam se cum igne hac in parte comparet, *Jes. xxvii. 4, & Deut. iv. 24.*) sed ita ut natura ejus bona sit causa demonstrandi eam modo sapientissimo. Sicut enim natura Dei postulat, demonstrari justitiam ut etiam admittat demonstrationem *χρηστότης*, propter Divitias ejus. Neque immensæ *bonitati* Dei, quasi per eam peccatori, sine satisfactione, resipiscentiâ dare possit, atque ita eum in gratiâ recipere. Nam concessio Spiritus regenerationis, summi Amoris est effectus: ut Deus autem peccatorē nondū poenitentē, citra satisfactionis considerationem, tanto amore prosequatur, cæteris ejus virtutibus indignū est, uti multoties jam ostendimus. Non decet Deū non auferre Spiritū suū ab eo, qui ipsi illudit. Non decet dare resipiscentiā per eundem Spiritum, non interveniente sacrificio Sacerdotis, quo peccatum pietur.

Conclu-  
sio.

XX. Quum itaque & natura, & actiones Dei, & Sacrorum Scriptorum ratiocinationes necessitatem satisfactionis doceant: quum doctrina illa præstantissimæ Dei virtutes in fulgidissima luce collocentur: quum recta illius animadversio ad pietatis promotionem apprime faciat: quum per illam nulli perfectionum Divinarum quicquam derogetur; concludimus tutissimum esse in illa sobrie acquiescere.

Ejusque

XXI. Observandum tamen, quum de necessitate satisfactionis in  
genc

genere loquimur, id est, de tali peccati poena, in qua Deus Justus ac Sanctus justificetur & sanctificetur; nos, nihil de tempore, gradu, ac modo speciali poenarum determinare. Multifarias dispensationes, mitigationes, saltem compensationem per æquivalentiam, locum hic habuisse, consequenter jure habere potuisse, historia vitæ & mortis Christi abunde evincit. Et quis asserat, aut, si asserere auserit, quis liquido demonstrare possit, impossibile fuisse, ut Christus passiones numero pauciores, duratione breviores, quantitate minus intensas, quoad partes corporis, facultates animæ, momenta & partes vitæ in terris actæ, sponderet, ac in se susciperet, atque ita satisfaceret? & hic Paulinum illud obtineat *Rom. XII. 3.* *Μὴ ὑπερφρονεῖν παρ' ὃ δέει φρονεῖν, ἀλλὰ ἑρπύειν ὡς τὸ σωφρονεῖν.*

debita H-  
mitatio.

## C A P. IX.

*Pro quibus Christus sponderit & satisfecerit.*

**I.** **N**ON omnia, quæ, ad Christi Domini gloriam, nostramque consolationem, de sponfione & satisfactione ejus, scire convenit, explorata haberemus, nisi id quoque constaret, pro quibus juxta sponfionem suam satisfecerit. Cujus quidem quæstionis solutio momentosa admodum est, sed non valde difficilis videtur, modo ad naturam sponfionis & satisfactionis Christi, quam supra ex Scripturis explicavimus, probavimus, ac vindicavimus, bene attendatur. Quum enim Christus sponfione sua in se suscepit, ut omne eorum debitum, pro quibus spondit, tanquam suum, convenienti passione, expungeret; & ipsorum loco omnem justitiam impleret; idque satisfactione sua plenissime præstiterit, non minus quam si ipsi illi peccatores omnes penas peccatis suis debitas tulissent, omnemque justitiam consummasent: consequens est, ut pro iis omnibus & solis sponderit ac satisfecerit, qui actu a peccatis suis salvantur. Hoc manifesta docet ratio. Non enim spondit nec satisfecit Christus nisi pro iis, quorum sustinuit personam. Quod *Arminius* ipse *adversus Perkinsum* p. 72. fatetur. Porro ut quisquam eorum, quorum personam Christus sustinuit, & pro quibus jure Expromissoris satisfecit, ipse pro eodem debito æterna morte satisfacere cogatur, a bona fide & justitia Dei alienissimum est. Neque fieri nobis ullo modo posse videtur, ut quis Christum pro omnibus & singulis hominibus mortuum ex animi sententia contendat, nisi prius enervata phrasi illa *pro aliquo mori*, qua substitutionem in locum alterius notari nuper contra Socinianos evicimus. Sed operæ pretium est, ut veram sententiam, thesibus aliquot comprehensam, dilucide proponamus.

Non satisfecit Christus nisi pro iis, qui salvantur.

**II.** Statuimus ergo **I.** Obedientiam & passionem Christi in se confi-

Obedien-

etiam Christi  
potuisset  
sufficere  
omnibus  
hominibus  
servandis,  
si ita Deo  
libuisset.

Christus  
qua homo  
iis quoque  
bene cupi-  
vit pro qui-  
bus qua  
Mediator  
non spo-  
spondit.

deratas, propter infinitam personæ dignitatem, ejus esse valoris, ut non modo omnibus & singulis hominibus, sed & plurimis adhuc myriadibus redimendis sufficere potuerint, si quidem Deo & Christo placuisset, ut pro iis sponderet ac satisfaceret.

III. II. Christum qua hominem, legi caritatis subiectum, omnes homines ut proximos suos sancte amasse, ex animo iis bene cupivisse, perditioni pereuntium serio indoluisset, quos tamen qua Deus sciebat esse reprobos, & pro quibus qua Mediator non sponderat. Ita tamen ut affectum hunc humanitatis, lege, quæ eadem Christo ac nobis est, imperatum, subjecerit Divinæ ordinationi, & ad conditionem discernentis voluntatis Dei adstrinxerit, hoc modo sanctitatem voluntatis suæ probans in glorificatione consilii Dei, & debita subiectione. Patet id ex lacrymis Christi, quibus qua homo mala perditissimæ urbis deflevit, quæ Prophetas partim occiderat, partim contumeliis & ludibriis onerarat: imo quæ unicum erat in toto orbe Prophetarum quasi macellum: & quæ tandem scelestissimo parricidio se cum infasta posteritate mansuræ maledictioni Numinis brevi devotura erat. *Luc. XIX. 41.*

Occasio-  
ne satisfa-  
ctionis  
Christi,  
multa bo-  
nareprobis  
quoque ob-  
tingunt.

IV. III. Occasione sponsonis & satisfactionis Christi multa bona reprobis quoque obtingere. Hoc enim morti Christi debent, quod Evangelium prædicetur omni creaturæ, quod crassa illa idololatria ex multis mundi partibus abolita sit, quod profana impietas verbi Divini pædagogia plurimum coerceatur, quod multa & excellentia quandoque, licet non salutaria, Spiritus Sancti dona obtineant, quod *per agnitionem Domini & Servatoris Jesu Christi pollutiones mundi effugerint. 2 Pet. II. 20.* & quis omnia brevibus enumeret? Quæ non per accidens modo, citra intentionem Dei & Christi, sed ex destinato Dei consilio, ipsis contingunt. Non quidem ex consilio & propolito servandi ipsos secundum testamentum: sed ex consilio demonstrandi *μακροθυμίας* suam erga vasa iræ, id est, perituros in medio servandorum habitantes. Nihil enim respectu intentionis Dei per accidens fit. Omnia juxta definitum ipsius consilium eveniunt.

Tanti illa  
pretii est,  
ut omnes  
sine excep-  
tione ho-  
mines, ad  
eum acce-  
dentes, sa-  
lutem in eo  
reperire  
possint.

Attamen  
ex volun-

V. IV. Obedientiam & passiones Christi tanti pretii esse, ut omnes sine exceptione homines, ad eum accedentes, salutem perfectam in eo reperire possint: Deumque voluisse, ut veritas hæc sine discrimine servandis & perituris proponeretur, cum *mandato* non negligendi tantam salutem, sed convertendi se ad Christum cum vera cordis contritione; & cum *declaratione* sincerissima, omnes, qui ad ipsum accedunt, salutem in ipso inventuros esse. *Job. VI. 40.*

VI. V. Interim Christum ex voluntate Dei Patris suoque proposito non sponsoisse nec satisfecisse, adeoque nullo modo mortuum esse nisi pro omnibus & solis iis, quos Pater ipsi dedit, quique revera servantur.

vantur. Hæc est illa veritas, de qua controvertitur, quamque nunc ex Sacris literis, breviter, sed solide demonstratum imus.

VII. Pro universitate electorum Christum satisfecisse Scriptura docet, quando *pro omnibus eum mortuum esse testatur. & omnia per eum reconciliata esse*, ut 2 Cor. v. 15, Heb. 11. 9. Col. 1. 20. Quod quum non possit de omnibus & singulis hominibus intelligi, de omnibus & singulis electis ut intelligatur necesse est. Non posse autem de omnibus & singulis hominibus intelligi, ex locis allegatis ita probō. Illi *omnes, pro quibus Christus mortuus esse dicitur* 2 Cor. v. 15. ii demum sunt, *qui quæque sunt mortui*, scilicet quoad veterem hominem, quem virtute crucifixionis Christi crucifixerunt. Rom. vi. 6. quique *non sibi sed Christo vivunt*, & Christo quidem pro ipsis *resuscitato*. Hæc cutem talia sunt, ut non nisi electis competant. Nulli alii sibi, mundo, peccato mortui sunt. Nulli alii Christo vivunt. Denique juxta ipsas Remonstrantium hypothesen vis resurrectionis Christi ad solos fideles restringitur. Similiter illi *omnes, pro quibus Christus beneficio Dei mortem gessisse dicitur* Heb. 11. 9. *fili* sunt in gloriam adducti vel adducendi, quorum Princeps salutis Christus est, qui *sanctificantur*, quos *fratres suos vocat*, quos *dedit ipsi Deus*, 1. 10, 11. 13. Quæ rursus talia sunt, ut electis solis, non reprobis conveniant. Item ea *omnia, quæ Deo reconciliata dicuntur pace facta per sanguinem Christi*, Col. 1. 20. ulterius quam ad electos extendi non possunt. Res ipsa id evincit. Nam reconciliatio cum Deo & pacificatio sunt propria electorum fidelium. Rom. v. 1. Contra reprobi sunt hostes Dei perpetui, super quos ira Dei manet. Joh. 111. 36. Per ea, *quæ interra sunt*, fideles adhuc in mundo commorantes, uti per ea, *quæ in caelis sunt*, non Angeli, sed beati homines intelliguntur, qui fructibus reconciliationis & pacificationis Christi plenissime fruuntur.

VIII. Accedit illustris locus 1 Tim. 11. 4. 6. *Deus vult omnes homines salvos fieri & ad agnitionem veritatis venire: Christus dedit se redemptionis pretium pro omnibus*. Ubi per *omnes* non omnes & singulos homines, sed electos cujusunque gentis & conditionis intelligi debere, invicte hoc modo ostendo. I. Pro quibus Christus se dedit *ἀντίλυτρον*, ii revera a domino Diaboli vindicantur, in libertatem asseruntur, in æternum carcerem compingi non possunt, ut rursus pro iisdem illis debitis satisfaciunt; pro quibus ultimum quadrantem exsolvit Christus. Hoc omnino dicendum, nisi frustra Christum solvisse velimus. Atqui non omnes & singuli a domino Diaboli sunt liberati. Multi sunt & manent *fili* *concupiscentiarum*, in quibus *impurus iste spiritus* *ἐνεδρεύει*. Eph. 11. 2. quique *Diaboli laqueo æternum captivi detinentur ad ipsius libitum*: & ipsi pro reatu suo coguntur satisfacere. Ergo pro iis non dedit se Christus *ἀντίλυτρον*. II. De iis omnibus loquitur Paulus, quorum *Mediator* est Christus. Mediator autem

cate Patris non satisfecit nisi pro omnibus & solis electis. Probat Christus pro universitate Electorum satisfecisse, ex 2 Cor. v. 15.

Heb. 11.

9.

Col. 1.

20.

1 Tim.  
11. 4. 6.

autem est tum *oblatione* corporis & sanguinis sui, tum *intercessione valida*. Quæ posterior Mediationis pars excludi hic nullo modo potest, quum de precibus nostris agatur, quarum perfectissimum exemplar habemus in precibus Christi. Porro, fatentibus Remonstrantibus, intercessio Christi non est pro omnibus & singulis hominibus. Ergo Christus omnium & singulorum perfectus Mediator non est. III. De iis omnibus hic sermo est, *quos Deus vult salvos fieri & ad agnitionem veritatis venire*. Non autem vult hoc de singulis hominibus : quia vult non credentes damnari *Joh. 111. 36*. Et agnitio veritatis, sive *fides*, non est omnium. *2. Thef. 111. 2. sed electorum. Tit. 1. 1*. Neque vult Deus eam esse omnium. *Indurat quem vult. Rom. 1x. 18*. Porro *volitionem* aliquam *incompletam, suspensam*, & quæ effectum non sortiatur, Deo affingere, Numinis majestate indignum est *Pf. cxv. 3*. Et nudam *voluntatem præcepti* hic intelligere, jubentis ut quisque salutem suam in timore ac tremore operetur, & veritatis cognitionem omni opere quærat; sive voluntatem *evangelicam*, approbantem id quod ex præcepto fit, tenuius & exilius est : neque id velint illi, quibuscum nunc disputamus. IV. De iis omnibus hic agitur, pro quibus nobis orandum est. Sed non est orandum pro omnibus & singulis hominibus : non utique pro iis, qui jam damnati sunt : non pro omnium collective sumtorum jam viventium salute; quia non possumus id facere ex fide, quum certi simus, multos ipsorum damnatum iri : non denique pro iis, qui *peccarunt peccato ad mortem. 1 Joh. v. 16*. V. Denique in confesso est, verba hæc eum in finem ab Apostolo adduci, ut pro motivo sint ad preces, quas exigit, quasque vult ostendere frustra non fore. Si autem id tantum verba Apostoli sonarent, Christum satisfactione sua impetrasse, ut possit Deus cum omnibus & singulis hominibus redire in gratiam, licet ex natura istius impetrationis fieri possit, ut nemo revera servetur, *ἀνακόλυθα* erunt : quia non sequitur a morte impetrante duntaxat possibilitatem salutis desiderio inefficaci illiusque salutis exauditione talium precum, neque spes exauditionis non pudefaciens. Id ergo restat, ut dicamus Christum pro omnibus cujuscunque gentis & conditionis electis se dedisse in redemptionis pretium, & Deum velle, ut omnes illi salvi fiant; consequenter nostrarum partium esse, precibus nostris consilio huic Dei servire; & quum nos electos a reprobis distinguere nesciamus pro omnibus indiscriminatim orare, Deo id committentes, ut ipse dignoscat qui sui sunt; præsertim quum certi simus non frustra nos pro iis oraturos, quos Deus vult salvos fieri, & pro quibus se impendit Christus.

Et his locis ubi pro

IX. Eandem veritatem inculcat Scriptura, quando dicit Christum *dedisse carnem suam pro vita mundi. Joh. vi. 51. Propitiationem esse, non*

tan-

*tantum pro nostris peccatis, sed & pro peccatis totius mundi.* 1 Joh. 11. 2. *Deum in Christo mundum reconciliaſſe ſibi.* 2 Cor. v. 19 *Christum eſſe agnum Dei, qui tollit peccata mundi.* Job. 1. 29. Et quæ plura ſunt ſimilia. Ubi per mundi vocabulum univerſitas, non omnium & ſingulorum hominum, ſed electorum, intelligi commode poteſt, imo debet. Quod ſequentibus argumentis probamus.

mundo ſe tradidiſſe dicitur.

Qua voce univerſe electorum aliquid quando notatur, Nam & pro mundo Chriſtus orat.

X. Clarum eſt in ſacris literis, ea quandoque de mundo dici, quæ non niſi electis & fidelibus conveniunt. Ita orat Chriſtus Job. XVII. 21. *Ut credat mundus, me a te miſſum eſſe.* & vers 23. *Ut cognoſcat mundus quod tu me miſeris.* Hæc autem pertinent ad interceſſionem illam Chriſti ſacerdotalem, de qua certo certius concludere nobis licet, eam nunquam reje-ctum iri, ait Arminius in Oratione de ſacerdotio Chriſti: & quam certum eſt pro mundo reproborum non fieri, diſerte id aſſerente Chriſto v. 9. & ſatentibus iis quibuſcum nobis res eſt. Ergo neceſſe eſt, per mundum hic intelligi mundum electorum, credentium in Chriſtum, eumque per fidem cognoſcentium, vi interceſſionis Chriſti, & miniſterio ſanctoque & glorioſo exemplo fidelium.

XI. Porro multa teſtimonia, quæ de ſalute non impetrata modo, ſed applicata loquuntur, eam mundo vindicant. Ita Chriſtus concionatur Job. 111. 17. *Non enim miſit Deus Filium ſuum, ut damnet mundum, ſed ut ſervetur mundus per eum.* Hæc autem eſt intentio Dei mittentis Filium ſuum, non ut omnes & ſinguli ſerventur, ſed ut quicquid credit in eum non pereat, ſed habeat vitam æternam, quemadmodum ipſe ſe Chriſtus antecedentibus verſibus explicat. Similiter Job. vi. 33. *Pater ille Dei eſt, qui de calo deſcendit, & dat vitam mundo.* Non dat autem Chriſtus vitam niſi electis, ovibus, non hircis. Job. x. 27, 28. Ita vocem mundi ipſe Chriſtus in proſecutione ſupra allegatæ concionis reſtringit ad eos, quos Pater ipſi dedit, qui conſpiciunt filium & credunt in eum v. 39. 40.

Mundo applicatur Galus.

XII. Ita quoque Pater credentium & Hæres mundi idem ſonaſt in promiſſione Abrahamo facta. Rom. IV. 11. 12. 13. *Pater credentium eſt Abrahamus,* I. Typo fidei. II. Typo benediſtionis ſive juſtificationis per fidem. III. Propter Chriſtum ex ipſo natum, cujus Spiritu renaſcuntur electi. Unde Chriſtus una cum corpore ſuo myſtico ſemen Abrahami vocatur, Gal. 111. 16. *Hæres mundi eſt,* id eſt omnium familiarum terræ, quæ in ipſo, ut in typo fidei & benediſtionis, & in ſemine ipſius Chriſto, ut omnis benediſtionis fonte, benedicuntur. Hic eſt enim ille mundus, quem Chriſtus accipit hæreditatem, & Abraham, adeoque ſinguli fideles, qui ſemen ejus ſunt, in Chriſto: id eſt, qui ſit peculium Chriſti & cum quo Abrahamus & ſinguli fideles communionem habent exultantes in bonis, quæ ipſis conceduntur. 1 Cor. 111. 21. 22. Hoc enim

Abraham eodem ſenſu Pater credentium & Hæres mundi vocatur.



enim facit arcta illa unio, & sincerus amor, ut quisque gaudeat, & Deum glorificet propter bona illa, quæ proximo donantur, quasi donata essent sibi. Atque ita evicimus, *mundum* aliquando in Scriptura notare *universitatem fidelium*, sive *electorum*.

Univer-  
sitas electo-  
rum mun-  
dus dicitur  
1. Propter  
multitudi-  
nem.

2. Quia  
ante voca-  
tionem  
sunt pars  
mundi  
immundi.

3. Sed  
post voca-  
tionem  
pars mun-  
di melior.

XIII. Addimus, commode ita Spiritum Sanctum loqui, & ob prægantes rationes. Etenim I. *Mundi* vocabulum passim in communi loquendi usu ingentem aliquam quorumcunque hominum *multitudinem* notat. Ita Pharisei dixerunt inter se, *Videtisne nos nihil proficere? ecce, mundus enim securus est.* Joh. XII. 19. Similis phrasis extat in *Horajot. Cap. III. In Gemara.* כולי קיימי כולי קלמא מקרמיה. *Quum Rabbi Simeon, filius Gamalielis, intraret* (nempe in Synagogam) *surgebat totus mundus coram eo*, hoc est, quotquot in Synagoga aderant. Quid ergo prohibet, maximam illam ac probe infinitam electorum ex quibusvis nationibus multitudinem, *turbam illam qua numerari non potest* Ap. VII. 9. mundi nomenclatura eleganter designari. II. Electi fideles *in se considerati*, & *ante vocationem* efficacem, sunt pars mundi in malo *ja-centis*, 1 Joh. V. 19. Ipsi olim in lapsibus & peccatis ambulant, ut est *vi-ta mundi hujus.* Eph. II. 2. Et eatenus ad *mundum* illum pertinent, qui *condemnationi Dei obnoxius est.* Rom. XII. 19. Facit autem hoc ad illustrationem gloriæ caritatis Dei & Christi, & ad humiliationem fidelium, quod quum pravi mundi pars sint, Christus ipsis in redemptorem datus sit. III. Electi fideles, *post vocationem* efficacem, & considerati cum exornante eos gratia Dei, licet minor, *melior* tamen mundi pars, & immundi mundi mundus sunt. *Sancti & magnifici, qui in terra sunt.* Ps. XVI. 3. *Semen sanctum*, quod *statumen terra est.* Jes. VI. 13. Et quemadmodum Judæi amant loqui, justi sunt *עמודי עולם columna mundi*. Quid autem ulitatus, quid convenientius est, quam denominationem *synecdochicam* totius significare partem potiore, uti aliquando partem majorem? Non caret ergo sua emphasi, & utiles doctrinas præbet, quando audimus *electorum fidelium universitatem mundi* nomine designari.

Explica-  
tur Joh.  
VI. 51.

XIV. Nunc iis hæc locis applicemus, quæ supra §. 5. allegavimus. Dicit quidem Christus Joh. VI. 51. *se carnem suam dare pro mundi vita*, ubi de *impetratione* agit, sed idem eodem Cap. te v. 33 de *applicatione* loquens, dicit, *se vitam dare mundo*: atque ita explicat, quid in materia redemptionis per mundum nos velit intelligere. *ἡ ζωὴ αἰώνιον* autem est, applicationem redemptionis ultra fideles & electos non extendi.

1 Joh.  
II. 2.

XV. Quando Johannes scribit, 1 Joh. II. 2. *Christum propitiationem esse non pro nostris modo peccatis, sed & pro peccatis totius mundi*: iis nos verbis condocet, quoniam illi sint, qui se intercessionem Christi & remissione per ipsum parta consolari possint. Hoc autem soli possunt ele-

electi fideles: illorum, non reproborum, *παράκλητος* apud Patrem est. Illis, non reprobis, *proposuit enim Deus ἰλαστήριον, propitiatorium, per fidem, in sanguine ipsius. Rom. 111. 25.* Pertinet porro hæc consolatio, non modo ad electos ex gente Judaica, qualis Johannes erat, sed & ad electos ex gentilibus, quos diserte *mundi* nomine Paulus indigitat *Rom. XI. 12. 15.* Phrasi Hebræis Doctoribus usitatissima, qui τὰ ἔθνη *ἡντὼν τῶν ἐθνῶν gentes mundi* vocitant. Neque duntaxat iis, qui *tunc vivebant*, fidelibus, quibusque ut filiis suis tunc scribebat Johannes, salutaris hæc veritas consolationi est; sed & iis qui *in altero mundo* vixerant ante diluvium, qui vixerant sub pædagogia Mosaica, quorum peccata non aliter, quam sanguine Christi propitiata sunt, & iis denique fidelibus, qui a tempore Johannis, ex quibuscunque nationibus, ad Christum *adducendi* erant, *ad finem usque mundi*: quæ maxima turba merito *totius mundi* nomine designatur. Certum utique est, per totum mundum non notari omnium & singulorum hominum universitatem: se ipsum enim Johannes, & eos, ad quos scribit, a toto mundo diserte discriminat, quos ex universitate hominum eximere non potest.

XVI. Quum Paulus dicit *2 Cor. v. 19. Deum in Christo mundum reconciliasse sibi*, mox subjungit, id fieri, *non imputando ipsis peccata.* Ita ut doceat, reconciliationem & non imputationem peccatorum æque late se extendere. Posterius autem solis electis & fidelibus, & in quorum corde fraus non est, competit. David enim *beatos dicit eos, quibus peccata Deus non imputat. Ps. XXXII. 1. 2. Rom. IV. 6. 8.* Ergo per mundum mundus electorum designatur, 2 Cor. v. 19.

XVII. *Job. 1. 29.* Dicitur Christus *agnus Dei tollens peccata mundi.* Tollit autem ea, suscipiendo in se, quemadmodum hircus ille, cui imponebatur iniquitas filiorum Israel; satisfaciendo pro iis tanquam suis; & auferendo ea a suis, quoad reatum, per justificationem, quoad dominium & maculam, per sanctificationem. confer. *1. Pet. II, 24.* Quæ quum ita impetrationem salutis notent, ut simul applicationem includant, ultra mundum electorum fidelium extendi non possunt. *Ps. XXXII. 1. 2.* Joh. 1. 29.

XVIII. Atque ita ostendimus, Scripturam, quando de mundo redemptorum loquitur, universitatem quidem aliquam designare, sed electorum tantum. Quod Prosper eleganter dixit, *De Vocat. Gent. Lib. I. Cap. III.* vel in alia editione, *Cap. IX. In electis & præsctis, & ab omni generalitate discretis, specialis quædam censetur universitas, ut de toto mundo totus mundus liberatus, & de omnibus hominibus omnes homines videantur redempti.* Palcrum  
Prosperi  
testimo-  
nium.

XIX. Specialius nunc, pro *solis electis* satisfecisse Christum demonstramus. Huc ea Scripturæ loca faciunt, quibus mors Christi ad *ovés suos*, Scriptu-  
ram

mortis  
Christi ad  
certo, ho-  
mines re-  
stringit.

ad *Ecclesiam suam*, ad *populum suum* & quidem *populum sibi peculiarem* restringitur. *Job. x. 15. Act. xx. 28. Eph. v. 25. Tit. ii. 14.* Unde ita argumentamur : Quod Scriptura ad certum quoddam hominum genus restringit, cum manifesta exclusione cæterorum ; id nostrum non est ad *ἅπασι πάντας* homines extendere. Atqui Scriptura dictis locis mortem Christi restringit ad certum hominum genus, ita ut manifeste cæteri excludantur. Ergo. Majoris veritas ex terminis patet. Minoris ex allegatis locis. In quorum explicatione hæc duo sunt ostendenda : I. De *impetratione* salutis, quæ est actus Christi, inibi sermonem esse, non de *sola fruitione*, quæ est actus noster. II. Ita mortem Christi ad eos, qui ibi describuntur, *restringi*, ut cæteri inde excludantur. Utrumque Remonstrantes negant : neque alia via vis hujus argumenti elidi potest.

Quod  
non de so-  
la fruitio-  
ne, sed &  
de impetra-  
tione salu-  
tis est intel-  
ligendum.

XX. Prius quod attinet, de *impetratione salutis* hic agi, ita evincō. I. Termini ipsi, quibus Spiritus Sanctus locis allegatis utitur, *animam suam ponere pro aliquibus*, *aliquos περιποιεῖν dare se pro aliquo*, satisfactionem, impetrationem, acquisitionem important. Neque aliter Scriptura solet loqui, quando citra controversiam de *impetratione* sermo est. II. Locis allegatis clare describitur id quod egit Christus, tam extraneos, quam sine nobis ; atqui realis fruitio, de qua Remonstrantes posse intelligi hæc loca volunt, actus noster est. Quæ duo & *natura* & *tempore* multum differunt. *Natura* : alterum enim medii ad aliquid destinati, alterum finis extrinseci, vel potius usus illius, ad quem illud medium destinatum est, instar habet. *Tempore* : nam propositiones illæ veritatem completam habuerunt ab illo momento, quo Christus ponebat animam : sed actualis fruitio in electis omnibus multorum seculorum tractu successive peragitur. III. Remonstrantes ipsi similes phrasas *moriendi pro aliquo mercandi aliquem*, &c. ex Scriptura producunt, quando contendunt impetrationem gratiæ Dei ad alios quam electos extendi ; qua specie ergo hic de *impetratione* sermonem esse negant ? IV. Non fidere se his dictis ipsimet ostendunt, quando deinceps allegata loca ad solos fideles referri non posse dicunt, & pugnant per Ecclesiam solos electos non intelligi, neque pro iis solis Christum se tradidisse : ergo, inquam ego, illud *περιποιεῖν* & se tradere pro aliquo, non potest hic de reali fruitione intelligi, quæ solis fidelibus contingit. V. Denique non aliud hac exceptione respondent Remonstrantes quam quod in quæstione est : nos enim id contendimus, & mox firmissimis rationibus probaturi sumus, applicationem salutaris gratiæ impetrationi in extensione adæquatam esse ; & fatemur de tali impetratione hic non agi, quæ effectum suum plenarium habeat, etiamsi nemini applicetur. Talem enim impetrationem *ἀλογον καὶ ἀνόλογον*, Christoque indignissimam esse, censemus.

**XXI.** Alterum illud de exclusione cæterorum, quando *ovium*, *Ecclesia*, *peculiaris populi* distincta mentio est, hoc pacto conficio, ut prius ostendam, non posse sub nomine *ovium*, *Ecclesia*, *peculiaris populi*, omnes & singulos homines intelligi; deinde, id quod hic *ovibus*, *Ecclesia*, *peculiaris populo* vindicatur, ex insigni illo Christi amore fluere, quo cæteros mortales non prosequitur. Prius haut magna difficultate laborat. Quibusdam enim Christus exserte dicit *Job. x. 26. Non estis ex ovibus meis.* Et totum adeo genus humanum in *oves* & *bircos* dispescitur, quorum hi indubie reprobi sunt, illæ citra controversiam electi & hæredes vitæ æternæ *Mat. xxv. 33.*

Non omnes sunt oves Christi.

**XXII.** Neque omnes ad Ecclesiam pertinere *οἱ ἐκ ἐκκλησίας* dixerint. Hoc dicunt, de visibili Ecclesia sermonem esse, cui alij quoque quam electi insunt. Sed I. Sufficit nobis, quod non omnes & singuli intelligi possint. II. Quod de visibili Ecclesia dicitur, quandoque tale est, ut de solis in ea electis intelligi debeat: uti quando Ecclesiæ visibili Ephesiorum scribitur *Eph. 1. 4. Elegit vos in ipso:* & similiter *1 Thes. 1. 4.* Tale quoque illud esse, quod in locis allegatis de Ecclesia dicitur, mox docebimus.

Neque omnes pertinent ad Ecclesiam.

**XXIII.** Denique omnes non posse annumerari populo Dei, Deus ipse declarat, dum aliquibus inclamat *οὐκ ἐστὶς ὁ λαός μου.* *Hos. 11. 22.* Et perperam instituunt illi, quia nobis dissentiunt, quando per populum Judæos intelligi volunt, in quibus & reprobi erant. In spiritualibus enim privilegiis non omnes, qui ex Israël sunt, pro Israël habendos esse, neque adeo pro populo, ex magistro Paulo didicimus, *Rom. XI. 1. 2.*

Vel ad populum Dei.

**XXIV.** Verum eum vero non sufficit ostendisse, sub *ovium*, Ecclesiæ, populi nomine singulos mortales nequam comprehendere: posset enim de quibusdam certa occasione aliquid dici, quod iis quidem, sed non solis, competeret. Neque quæritur, an Christus pro electis illo amore mortuus sit, sed an pro iis solis: quod ex locis illis, ubi particula *solis* non additur, concludi posse adversarii negant. Restat ergo demonstrandum, hæc eo modo electis vindicari, ut cæteri excludantur. Quod ita probo. Omnia loca allegata eo tendunt, ut amplificent insignem Christi amorem erga oves suas, pro quibus animam ponit, erga Ecclesiam, quam proprio sanguine acquisivit, erga populum suum, pro quo se tradidit. Si autem nihil eximii in hoc negotio oves, Ecclesia, populus Christi, præ cæteris omnibus mortalibus habeant, quæ probabilis dici potest ratio, cur immensus iste amor, animam ponentis, sanguinem fundentis, & se tradentis Christi, illis speciatim imputetur?

Quæ pro electis fecit Christus, ex insigni illo amore fluunt, quo ipsos solos prosequitur.

**XXV.** Male adversarii argumentationi huic opponunt Pauli gloriationem, qui dum *Gal. 11. 20.* Christum pro se traditum esse scribit,

Perperam opponunt.

1<sup>us</sup> Gal.  
11. 20.

alios ab ejusdem amoris consortio non excludit. Neque enim Paulus ibide amore aliquo Deiloquitur, quo Deus eximium eum habuerit præ cæteris, qui *ισότιμοι* cum ipso fidem sortiti sunt: neque se ipsum ut *Paulum* sed ut *electum* & *fidelem* considerat: quum se ipsum ibi exempli gratia, ut instar omnium fidelium proponat: tantumque abest, ut inde concludi possit, id, quod Paulus de se dicit, sibi peculiare esse, ut contrarium exinde omnino concludi debeat. Hæc igitur instantia non quadrat.

Pro his  
solum ovi-  
bus Chri-  
stus animā  
ponit, qui-  
bus vitam  
æternam  
dat.

XXVI. Sed singula loca videamus. Quando Christus concionatur, se *animam suam pro ovibus ponere*, inde inferit, quod *oporteat sese illas adducere, ut vocem ipsius audiant, & unus grex fiant sub uno pastore*, & ipse denique *his vitam æternam det*. Joh. x. 15. 16. 28. Certum autem est, ultima hæc prædicata solis electis fidelibus competere; ergo & primum illud, unde cætera deducuntur. Nam non esset bona deductio, ego vitam meam pro ovibus pono: ergo oportet me illas adducere, ut vocem meam audiant &c. si pro quibusdam vitam ponat, quos non adducit, &c.

Ecclesia,  
quam  
Christus  
acquisivit,  
sola ipsius  
sponsa est,  
pro qua se  
ex conju-  
gali amore  
tradidit.

XXVII. Paulus quum dixisset, Christum *Deum Ecclesiam proprio suo sanguine acquisivisse* AB. xx. 28. in epistola ad Ephesios Cap. v. 25. pressius explicat, quid per Ecclesiam, quam Christus amavit, & pro qua se tradidit, intelligi velit, sponsam scilicet Christi, quam unice amore conjugali amat, quamque sanctificat & gloriosam sibi sistit. Amor autem iste Christi, ex quo factum est, ut seipse tradiderit, & sanctificatio & glorificatio Ecclesiæ, quæ traditionis istius fructus sunt, ad solos electos fideles pertinent. Ergo quoque traditio ipsa, quæ amoris istius consequens & sanctificationis Ecclesiæ causa est. Porro amorem istum Christi conjugalem, quo Ecclesiam ut sponsam suo sibi sanguine acquisivit, solam electorum panegyri pro objecto suo habere, hinc quoque, ut alia præteream, confici potest, quia Paulus eum hic proponit ut exemplar amoris conjugalis mariti erga suam uxorem. Hic autem sine dubio ulterius quam ad uxorem extendi non debet.

Pro qui-  
bus se  
Christus  
dedit, eos  
purificat  
sibi, &c.

XXVIII. Denique, quum Paulus Titum suum commonefacit, quod *Christus semetipsum pro nobis dederit, ut redimeret nos ab omni iniquitate, & purificaret sibi ipsi populum peculiarem, studiosam bonorum operum* Tit. 11. 14. manifeste docet, quisnam fructus traditionis Christi sit: scilicet liberatio ab iniquitate, & purificatio populi peculiaris &c. qui ergo ab iniquitate non liberantur, non purificantur, non fiunt populus *ἁγίου* &c. ii non possunt gloriari, quod Christus se pro ipsis tradiderit.

Tit. 11.  
11. expo-  
nitur.

XXIX. Quod Apostolus eodem capite 7. 11. scribit, *salutarem Dei gratiam apparuisse omnibus hominibus, informantem nos, ut temperanter &c. vivamus*, neque adversarios juvat, neque assertæ a nobis veritati quicquam

quam obest. Nam I. Evangelii præconium, quo salutaris Dei gratia offertur, quodque ista phrasi hic designatur, ad omnes & singulos homines, isto Pauli ævo, nondum pervenerat; imo ne quidem ad singulas gentes. II. Præconium illud Evangelii plurimum aures ferit, quam eorum, quos Christus salutifero suo amore prosequitur: quandoquidem externum medium est, per quod electi ex quavis gente ad communionem Christi adducuntur. Quapropter cuivis genti annuntiandum est, ut electi in illa gente id audiant. III. Attendendum est ad Apostoli scopum. Is autem est servos ad omnem pietatem cohortari, ut ita sancta sua conversatione *doctrinam Christi in omnibus exornarent*. Hujus rei rationem dat, quia gratia Christi salutaris apparuit, tam heris quam servis, nos informans &c. Quasi diceret, cujuscunque generis homines id sibi opere datum esse autumare debent, ut, Evangelium profitentes, Evangelii doctrinam sanctis moribus condecorent: nam doctrinam ipsam quod attinet, tam evidens, tam diserta, tam efficax omnigenæ probitatis magistra est, ut nemini id nisi *ἡμελοκοφῆντι* late-re possit: id ergo omnibus eam profitentibus, qua heris, qua servis, annitendum, ne vita sua minus ad regulam exacta exactissimæ regulæ dedecori sint. Hic plenissimus istorum verborum sensus est; qui quam nihil ad universalem mortis Christi efficaciam faciat, cuivis liquet.

XXX. Si rem ipsam a fundo eruamus, cernemus clarissime, ne-  
tquam fuisse intentionem Christi, ut pro *ἀπαζάπασιν* hominibus sa-  
tisfaceret. Non satisfecit utique nisi pro quibus spondit. Spon-  
dit autem *facere voluntatem Patris sui*. Ps. XL. 9. Porro hæc est voluntas  
Patris, non ut singulos homines salvos faceret, sed eos, qui sibi dati  
sunt, id est, ex quavis gente electos, fide donandos: hos ipsi Pater  
irrevocabili testamento in hæredium addixit. Ita enim Jehova *Jes.* XLIX.  
6. *Levis est quam ut sis mihi servus ad erigendum tribus Jacobi, & custodi-*  
*tes Israël reducendum, ergo constituo te in lucem gentium, ut sis salus mea us-*  
*que ad extremitatem terra.* Et clarius adhuc ipse Christus *Joh.* VI. 39.  
*Hæc est voluntas, qui misit me, Patris, ut quidquid mihi dederit non per-*  
*dam ex eo.* Non omnes autem Christo dati sunt, sed illi tantum, qui  
ad ipsum veniunt *ψ.* 37. *Quidquid dat mihi Pater ad me veniet.* Pro illis er-  
go juxta voluntatem patris solummodo spondit. Eorum delicta in  
se recepit, eos in pectore gestabat, quando se offerebat Patri, eos si-  
bi in peculium deposcit ex merito juxta pactum, eos sibi ut suos vin-  
dicat, eos denique Patri aliquando sanctos & gloriosos sistet, dicens,  
*Eccē ego & filii, quos dedit mihi Deus.* Heb. 11. 13. Omnia hæc ex ipso  
Fœderis inter Deum Patrem Filiumque genio, quem supra exposui-  
mus, sua sponte sequuntur.

Non fuit  
voluntas  
Dei, neque  
Christi, ut  
pro omni-  
bus & sin-  
gulis spon-  
deret, con-  
sequenter  
nec satisfac-  
eret.

XXXI. Et ulterius illustrari & probari ex typico Aaronis sacerdotio

Idem  
ostenditur  
pos-

possunt. Pontifex maximus, solemnī propitiationis die, hircorum, quibus imposita totius Israëlīs peccata erant, alterum mactabat, alterum emittebat in desertum. Omnia hic fuerē typica. Pontifex, hostia, hircus ἀποποιᾶς, cuncta Christum notabant. Quinam autem designabantur typice per Israëlē? Non omnes utique homines. Quid enim alienius est, quam Israëlē typum esse Elavitarum & Ægyptiorum, & ejus totius mundi, ex quo electus, & a quo tot nominibus distinctus est? Superest ergo, ut typus fuerit electorum, qui sunt Israelitæ veri, Judæi in occulto & spiritu, quosque ἱερολογῆς nomine Apostolus designare amat. Rom. xi. 7. Nam in eo typi ratio consistebat, quod Israeliticus populus externo aliquo apparatu electus, liberatus, ac suo modo sanctus & sacerdotalis esset. Ergo præfigurabat eos, qui Φερωνύμως electi, liberati, Deoque in βασιλικὸν ἱεράτευμα sacrati sunt: quod Petrus non obscure testatur. 1. Pet. ii. 5. Quemadmodum itaque Pontifex olim non pro Ægyptiis aut Cananæis, sed pro solo Israele typico piacularem offerebat victimam, ita noster Pontifex secundum ordinem Melchisedechi se ipsum semel obtulit, non pro desperatis reprobis, sed pro Israele mystico, id est, vere electis.

Et ex inseparabilibus satisfactionis Christi, effectis.

XXXII. Eadem hæc veritas luculentissime patebit, si ad inseparabilia quædam satisfactionis Christi effecta attendamus. Longum esset omnia enarrare: nonnulla ex præcipuis lustremus. *Qui reconciliati sunt Deo, quum inimici essent, per mortem Filii ipsius, illi reconciliati multo magis servabuntur per vitam ipsius.* Rom. v. 10. Pro quibus Deus, proprio Filio suo non parcens, eum in mortem dedit, *iis una cum ipso omnia gratificatur.* Rom. viii. 32. Pro quibus Christus mortuus est, illis animose licet dicere, *Quis intentabit adversus nos crimina? Deus is est, qui justificat. Quis est qui condemnat? ibid. 33. 34.* Quos Christus redemit ab execratione Legis; illi sub execratione non manent, sed *ad illos devenit benedictio Abrahami Gal. iii. 13. 14.* Atqui non de omnibus & singulis, sed de solis electis fidelibus verum est, quod servantur per Christi vitam, quod Deus iis omnia cum Christo gratificetur, quod nemo adversus eos crimina intentare eosve accusare queat, quod ad illos benedictio Abrahami deveniat. Ergo illi quoque soli sunt, de quibus vere dici possunt antecedentia.

Satisfactio pro pereuntibus plane est inutilis.

XXXIII. Accedit, quod ficta hæc satisfactio pro reprobis & pereuntibus, plane sit frustranea & inutilis. Cui enim prodest? Non Deo utique, qui nullo ullius actu reddi potest beator. Non ipsi Christo, qui eos nunquam in peculium suum accipit, uti nec petit; neque eorum possessione ditatur, licet fingatur eos care emisse. Non fidelibus, qui in Deo Christoque sua sorte contenti, & plenissime per Christum redempti, beatitate omnibus numeris absoluta fruuntur. Non pereuntibus

bus denique, qui ipsi pro peccatis suis ad ultimum quadrantem satis-  
facere coguntur. Frustraneam autem dicere satisfactionem Christi, ab-  
sonum est, neque procul a blasphemia. Optime olim Remigius Lug-  
dunensis Ecclesiæ Episcopus, proluxe de hac controversia differens.  
*Sanguis Christi pretium est magnum; non potest tale pretium in aliqua parte esse*  
*inane & vacuum, sed potius illarum mercium, pro quibus datum est, lucro &*  
*camulo refertum.* videatur *Forbes. Instruct. Hist. Lib. VIII. Cap. XVI.*

XXXIV. Neque excipiendum est, reprobos propterea nullum ex  
satisfactione Christi fructum percipere, quia ad eam rem necessaria est  
fidei & perseverantiæ conditio, quam reprobi non præstant. Primo  
enim verum non est, fidem, & perseverantiam in ea, prærequisitas con-  
ditiones esse, antequam quis ullo fructu satisfactionis Christi frui queat.  
Etenim regeneratio ipsa & vocatio efficax, quæ præcedit actualem fi-  
dem; justificatio, adoptio, sanctificatio, quæ præcedunt finalem in  
fide perseverantiam, præstantissimi satisfactionis Christi fructus sunt.  
Deinde ex defectu fidei & perseverantiæ in pereuntibus, efficacissime  
demonstratur, sanguinem novi foederis pro iis fufum non esse. Quippe  
eo Christus suis promeritus est novæ vitæ in fide & caritate perennitatem.  
Quum sit *præstantioris illius foederis, quodque præstantioribus promissis san-*  
*ctum est, Mediator. Heb. VIII. 6.* Promissa autem illa sunt, sanctificatio,  
#. 10. *Indam leges meæ menti eorum, & perpetuitas illius. Ero ipsis Deus,*  
*& ipsi erunt mihi populus.* Nam in novo foedere esse Deum alicujus, est  
esse Servatorem perpetuum ad salutem, uti colligitur ex *Matth. XXII.*  
*32.* Quod etiam oppositio veteris ostendit. *Heb. VIII. 8. 9.* Promissa  
hæc, quum electis virtute satisfactionis Christi gratiose & reapse donen-  
tur, donarentur utique cæteris, si pro iis Christus æque satisfacisset.

XXXV. Imo non inutilis modo satisfactio Christi pro reprobis esset,  
sed & Deo Christoque ejus perquam indigna. Indignum sapientia, bo-  
nitate, justitia Dei est, exigere & accipere satisfactionem a dilectissimo  
Filio pro iis, quos Filio nec dedit nec vult dare, quosque decrevit in  
æternum compingere carcerem, ut ipsi pro merito scelerum suorum  
luant. Indignum Christo, est, sanguinem suum redemptionis pretium  
pro iis dare, quos curæ non habet, vindicare sibi. Si verum intrepide  
velimus dicere, hoc quoque aliquo modo τὸ αἷμα τῆς καινῆς δι-  
αθήκης πονεῖν ἢ γῆσαθαι ἐν ᾧ ἡγιασθή Christus, vel ipsum novum foedus.

XXXVI. Superesset jam ut aliter sentientium argumenta refellere-  
mus: sed tam solide, tam copiose a Viris eruditissimis id est præstitum,  
ut vix aliquid possimus superaddere. Videatur imprimis accuratissima  
*Gowari* de hoc doctrinæ capite Diatriba, quæ inserta est Commentariis  
ipsius in Epistolam ad Galatas.

Si pro iis  
Christus  
satisfecit,  
me-  
ruisset  
quoque  
pro iis fi-  
dem &  
perseve-  
rantiam.

Satisfa-  
ctio pro  
reprobis,  
Deo &  
Christo  
indigna  
est.



*Quomodo Christus usus sit Sacramentis.*

Fœdus  
inter Pa-  
trem &  
Christum  
tam jure-  
jurando  
quam  
Symbolis  
quibus-  
dam fir-  
marum  
est.

I. **H**actenus ea, quæ pacto, quod Christum inter Patremque est, continentur, fuisse exsecuti sumus. Ac defuncti hac tractatione videri possemus, nisi de *Sacramentis*, quibus pactum illud firmatum est, aliquid ut adjiceremus restaret. Observavit Apostolus *χαρὶς ὀρκωμοσίας, non sine juramento*, Christum Sacerdotem & melioris *διαθήκης* sponsozem constitutum esse. *Heb. vii. 20. 21.* Quod uti fœderis firmitatem, & τὸ ἀμετάθετον τὸ βελῆς τῆ θεῶ, *immutabilitatem Divini consilii*, ostendebat, ita etiam ad *παληροφρίαν* Mediatoris Christi faciebat. Porro placuit Deo, ut Symbolis quibusdam externis fœdus illud firmaretur, & iis quidem ipsis, quibus fœdus gratiæ, sub diversis Oeconomis, fidelibus obsignatum est. Nonnulla hac de re supra prælibavimus, quæ nunc curatius Pertractanda sunt.

Christus  
Circumci-  
sionis, Pa-  
schatis,  
Baptismi  
fœdus est  
Particeps;  
etiam  
Cœnæ.  
Nam  
juxta ri-  
tus Ju-  
dæorum,  
quos imi-  
tatus est  
Christus,  
non lice-  
bat accum-  
bentibus  
edere,  
antequam  
gustasset  
frangens.

II. Constat, octavo a nativitate die *Circumcisum* esse Dominum Jesum *Luc. ii. 21.* & *Pascha* cum discipulis suis celebrasse *Luc. xxii. 8. 11.* & *Baptizatum* esse a Johanne. *Mat. iii. 13.* De sacra *Coena* quoque ipsum participasse, non quidem disertis verbis Evangelistæ narrant; ea tamen differunt, ex quibus id plus quam probabilibus argumentis confici posse arbitramur.

III. I. Certum est, in institutione & usu Cœnæ mysticæ plerosque ritus a Judæorum Paschate mutuatum esse Dominum. Id Viri Doctissimi, *Josephus Scaliger*, *Ludovicus Capellus*, omniumque plenissime *Buxtorfius* peculiari dissertatione, luce meridiana clarius demonstrarunt. Ita Dominus panem calicemque distincte sumsit, distincte utrique benedixit, atque inter Discipulos suos distribuit: more Judaico. Porro moriserat apud Judæos, ut Paterfamilias de benedicto pane princeps ederet. Ita enim *Maimonides* in *Hilcot Berach t.*, *Cap. vii* *Accumbentibus non licet edere vel gustare quisquam*, דביתך דביתך דביתך, *donec gustaveris frangens*. Neque fas erat in festivis & solemnibus epulis, ut quisquam convivarum e poculo biberet, nisi postquam Paterfamilias id prælibasset. Citante Cl. *Buxtorfio* expressum e *Talmude* locum quo dicitur, *præceptum optimum & præstantissimum esse, ut (sanctificans, sua benedicens, primo gustet, & postea omnes accumbentes gustent, unusquisque hantsum. vide dictam exercitationem §. 76.* Ita fecit Christus in cœna paschali *Luc. xxii. 15. 17.* Quidni quoque in hac nova Mystica?

Christum  
e Calice  
Cœnæ bi-  
bisse *Mat.*  
*xxvi. 29.*

IV. II. Fortius hæc observatio stringet, si animadvertamus, eadem phrasi qua usus est Christus de poculo Paschali, *non bibam amplius de gemmine vitis, donec advenerit Regnum Dei*, referente Luca *cap. xxii. 18.* usum quoque esse de poculo S. S. Cœnæ, narrante Mathæo *cap. xxvi.*

29. Unde inferimus Christum tunc quoque cum discipulis bibisse.

V. III. Accedit, quod nulla ratio dari possit, cur Christus cœnæ minus quam baptismi particeps esse voluerit, & non utrumque Novi Testamenti Sacramentum in persona sua sacraverit.

VI. IV. Ino exigere illud videtur mutua Christi & Christianorum communio, ac intimæ familiaritatis commercium, quæ mystico hoc epulo inter cætera obsignari constat, quæque sub mutua cœnæ similitudine elegantissime ipse Dominus proposuit. *Apoç. III. 20. Δειπνήσω μετ' αὐτοῦ, καὶ αὐτὸς μετ' ἐμοῦ*

VII. V. Ita Patres quoque senserunt. *Hierony. in Epist. ad Hedibiam Quæst. II. Nec Moyses dedit nobis panem verum, sed Dominus Jesus: ipse conviva & convivium: ipse comedens & qui comeditur. August. Lib. II. de Doctrina Christiana, cap. III. Et Sacramento corporis & sanguinis sui prænato, significavit quod voluit. Chrysost. Homil. LXXXIII. in Math. Ipse quoque bibit ex eo, ne auditis verbis illius dicerent, Quid ergo sanguinem bibimus & carnem comedimus? ... Ne igitur id quoque accideret, primus ipse hoc fecit, &c.*

VIII. Neque hic Sacramentorum usus liberæ observationis Christo fuit, sed pars justitiæ Christi, & ad debitum ipsius pertinuit Ita enim ipse differuit, quum Johannes eum baptizare recusaret. Ἄφες αὐτὸν, ἔγω γὰρ πρέπων ἐστὶν ἡμῖν πληρῶσαι πάσαν δικαιοσύνην. Omitte nunc: ita enim decet nos implere omnem justitiam. *Mat. III. 15. Ubi justitia nomine intelligit debitam mandato Dei obedientiam: quam omnem, & consequenter hanc quoque ejus partem, implere, tam Johannem quam Christum decebat. Christi partes erant se ipsum Johanni baptizandum sistere. Johannis officium erat, Christum a baptismo suo non repellere. Id utrique erat πρέπων. Quod hoc loco non decorum simpliciter notat, quali baptismus non fuerit necessarius: (fuit enim uti jam jecimus, pars justitiæ a Christo implendæ) sed significat debitum officium, cujus præstatio sanctis ornatui est, eosque decoros Deo facit: quemadmodum Psalter canit Ps. xciii. 5. שׁוֹכֵן בְּבֵיתְךָ יְיָ דְּבוֹרָתְךָ דְּבוֹרָתְךָ דְּבוֹרָתְךָ Domui tuæ decora est sanctificas. Hoc sensu Paulus dixit Eph. v. 3. καθὼς πρέπει ἀγίοις sicut decet sanctos. & 1. Tim. II. 10. ὁ πρέπει γυναῖκιν ἐπαγγελλομέναις θεοῦ Ecce quod decet mulieres, pietatem in Deum spondentes. & Heb. II. 10. ἡ ἀρετὴ γὰρ αὐτῷ Decuit enim ipsam. Decentia Dei, qui est ἡ πῶς pradius decentia Ps. LXXXIX. 9. (quam suam decentiam abnegare, & cui contrarium facere non potest) hoc exigebat, ut supremus salutis nostræ ductor per passionem consummaretur. τοῦτο γὰρ ἡμῖν ἐπρέπει ἀρχιερεὺς Talis enim nos decebat Pontifex. Heb. VII, 26. Ex quibus patet, baptismum Christi partem illius officii fuisse, quo se Deo nobisque decorum stitit.*

innuitur.  
Neque  
minus  
Cœnæ  
particeps  
esse debuit  
quam  
Baptismi.  
Quia id  
quoque  
mutua  
Christi &  
fidelium  
unio exi-  
git.  
Patrum  
Auctori-  
tas,

Sacra-  
mentorum  
usus ad  
debitum  
Christi  
pertinuit,  
& pars ju-  
stitiæ fuit.  
Mat. III,  
15. ex-  
plicatur.

Sed præte-  
rea quo-  
que fue-  
runt illi si-  
gilla fœ-  
deris.

IX. Verum enimvero alium adhuc respectum Sacramenta a Christo usurpata habuere. Non solummodo consideranda sunt ut *actus obedientia*, lege præcepti, sed & ut *signa & sigilla fœderis*, quibus mutua paciscentium promissa obsignata sunt. Etenim Sacramenta non ea intentione instituit Deus, ut quis in nudo eorum actuum exercitio virtutem ac sanctitatem collocaret; sed ut spiritualium rerum signacula forent. Neque rite Sacramentis utitur, quisque ea non in istum finem refert. De Christo autem dubitandum non est, quin institutis Dei convenienter intentioni instituentis usus sit, uti perfectissimum illum servum decet, in quo Dominus *ευδένως*. Fuit ergo in Sacramentorum usu confirmatio promissorum, tam a Patre præstitorum Christo, quam a Christo Patri.

Promissio-  
nes Chri-  
sto factæ  
sunt, vel ut  
homini,  
vel ut Me-  
diatori.

X. Porro promissiones Christo factæ non unius generis fuerunt. Quædam ipsi factæ sunt ut *homini* particulari, sancto nato, justificando, & beando, si orsæ sanctitatis curriculum constanter consummaret. Christus enim creatura fuit, & quidem sancta; sanctæ autem creaturæ sanctitatem suam intaminatam servanti, beatitatem addicere, ita bonitati divinæ consentaneum esse, ut vix aut ne vix quidem aliter fieri possit, *Lib. 1. Cap. iv. §. 12.* & sequentibus, fuse demonstravimus. Atque hæ promissiones *Legales* sunt, & ad *fœdus operum* pertinent. Aliæ ipsi factæ sunt ut *Sponsori & Mediatori*, quibus addicebatur ipsi, fore, ut *persona* ipsius qua Mediatrix, & ipsius *officium & opus* Mediatorium, Deo gratum esset, & bene succellurum. Et quod geminus effectus certo secuturus esset, *unus pro ipso*, excellentissima glorificatio, *alter pro electis*, ipsi concorporandis, electorum salus. Atque hæ proprie sunt promissiones hujus, de quo agimus, fœderis, quas delineavimus supra, *Lib. 11. Cap. 111. §. 29.* & seq.

Priores  
quam Le-  
gales sint,  
non viden-  
tur Chri-  
sto per Sa-  
cramenta  
Fœderis  
Gratiæ ob-  
signata  
esse.

XI. Quæri nunc posset, an utriusque generis promissiones, per ordinaria Veteris & Novi Testamenti Sacramenta, quibus usus est, Christo obsignata fuerint. Qua quidem in re nihil temere definire audemus. Quod probabilissimum videtur proponam candide. Nihil quidem obstat, quo minus Christus, ut homo sanctus, atque ita beandus, in fide hujus promissi certis quibusdam Sacramentis confirmari potuerit. Patet id ex Sacramentis fœderis operum Adamo ante lapsum datis. Sed talia Sacramenta eum in usum Christo concessa esse, ex Scriptura non constat. Porro Sacramenta ordinaria, quibus usus est Christus, confirmandæ promissioni legali, & ad fœdus operum pertinenti, inservisse, dicere non ausim. Ratio est, quia sunt Sacramenta Fœderis gratiæ. Neque videtur conveniens, ut per Sacramenta fœderis gratiæ obsignentur promissiones fœderis operum.

Aliud  
per Sacra-

XII. Differere equidem non possum, magnam esse diversitatem in  
cir-

circumstantiis quibusdam significationis Sacramentorum, prout a Christo usurpata sunt, & prout usurpantur a fidelibus. His enim obsignant regenerationem, mortificationem veteris, vivificationem novi hominis, remissionem peccatorum, quæ quum in Christo, sancto Dei, locum non habuerint, neque vero habere potuerint, obsignari illi hoc pacto quoque non potuerunt. Aliter etiam Christus sacramentis se obstrinxit ad obedientiam, aliter fideles. Christus perfectissimam obedientiam pollicitus est, sine ullo defectu, & obligavit se ad portandum maledictionem Dei, idque eo fine, ut Justitiæ Divinæ satisfaceret. Fideles vero sinceram quidem obedientiam in usu Sacramentorum pollicentur, non tamen numeris omnibus absolutam (hoc enim esset data opera mentiri) neque se obstringunt portandæ maledictioni, neque quicquam promittunt, quo justitiæ Dei per ipsos satisfiat. Adeo, ut non eadem omnia, vel saltem non eodem modo, Christo per Sacramenta obsignata sint, quæ fidelibus per ea obsignantur.

men-  
tra  
Christo  
significa-  
tum fuit,  
aliud si-  
gnificatur  
fidelibus.

XIII. Accuratissimus Theologus *Gomarus*, hæc pensitans, generalem aliquam Sacramentorum significationem statuit, quam in Christo locum habuisse contendit. Ea autem est, ipso finitore, *foederis cum Deo & communionis Ecclesie significatio & obsignatio; quod videlicet Deus fuerit ejus Deus & salutis dator: ipse vero ad perpetuam obedientiam gratitudinem ei præstandum obstrictus, & Ecclesie communioni adjunctus*. In *Mat. 111. 13*. Quæ quidem non incommode dicuntur, & sine dubio Sacramentis a Christo usurpatis significata sunt: sed tamen totum Sacramentorum significatum non videntur exhaurire; quum specificè finis proprius, proximus & principalis, atque adeo formale istorum Sacramentorum, sit obsignatio foederis novi. Atque hic obtinet illud quod vulgo in Scholis dicitur, ultimus actus specificat; quemadmodum acute observavit *Magnus Voetius Disput. tom. 11. p. 161*.

Gomari  
& Voetii  
sententia.

XIV. Statuo ergo promissiones Christo *quæ Mediatori factas* per Sacramenta ipsi proxime obsignatas esse. Ex a Christo quidem obtentæ sunt vi meritorum suorum, sive, ut cum Paulo loquamur, quia implevit *δικαιοσύνην legis*: in se tamen, & ad fideles relatæ, sunt promissiones Foederis gratiæ, quibus Christo addicitur, fore ipsum gloriosum Dominum & caput fidelium, eosque satisfactione ejus redemptum, meritis ipsius justificatum, tandemque ita cum ipso perfecte beatum iri, ut cum ipsis & in ipsis tanquam glorioso suo peculio æternum exsultet.

Sacramen-  
ta Christo  
obsigna-  
runt pro-  
missiones  
ipsi quæ  
Mediatori  
factas.

XV. Includitur promissis illis justificatio Domini Jesu: de qua ipse Dominus *Jes. 1. 8. קרוב מצדיקי propinquus est qui me justificat, quis contendet mecum? & 9. מי דוים ירשעני, quis ille est, qui me condemnaturus sit? & Paulus 1. Tim. 111. 16. ἐδικαιώθη ἐν πνεύματι justificatus est in spiritu*. Quæ justificatio non in eo duntaxat consistit, quod declaratus sit insons illo-

Quibus  
includitur  
justifica-  
tio Christi.

rum criminum, quorum falso accusatus & damnatus ab hominibus est; neque quod declaravit ipsum Pater sanctum & justum & favore suo dignum ob perfectam naturæ & actionum suarum sanctitatem; sed & quod declaratus sit qua Mediator omnia præstitisse, quæ ad solutionem debitorum in se susceptorum præstanda ipsi incubuerant. Ita ut is, qui antea apparuerat *in similitudine carnis peccati Rom. VII. 3.* nunc videndus sit *χωρίς ἁμαρτίας sine peccato iis, qui ipsum expectant ad salutem. Heb. IX. 28.*

Quæ non  
potest  
commode  
dici remis-  
sio pecca-  
torum,

XVI. Non ausim tamen dicere cum Theologo, cætera solidissimo, Christo obsignatam fuisse remissionem peccatorum, quæ in se ut Sponsor susceperat. Nam Scriptura nusquam ita loquitur. Tum etiam remissio peccatorum est pænæ iis debitæ omissio vel ablatio. Quæ Christo adscribi non potest, quippe qui pœnas nobis debitas pertulit, & plenissime iustitiæ Dei satisfecit. Nobis peccata nostra remittuntur propter Satisfactionem Christi. Christo ut peccata remissa dicamus neque Scriptura neque ratio jubent.

Sed ad  
promissam  
illa perti-  
nent om-  
nia benefi-  
cia electis  
conceden-  
da,

XVII. Convenienter tamen utrique dici potest, Christo promissam & per Sacramenta obsignatam esse regenerationem electorum, & remissionem peccatorum ipsorum, & sanctificationem, & glorificationem eorum, omnia denique illa beneficia, quæ virtute fœderis gratiæ in eos conferuntur. Nam quum vi mysticæ unionis, fundatæ in decreto Dei, Christus & electi unum spirituale corpus sint, ea dona, quæ electis conferuntur, Christus in ipsis accipit: uti aliquoties ex *Ps. LXVIII. 19.* monuimus.

Eph. I.  
23. expli-  
catur.

XVIII. An non huc quoque referri posset, quod Paulus scribit *Eph. I. 23.* Ecclesiam esse *πλήρωμα τῆς τὰ πάντα ἐν ᾧ πληρωμένης*, plenitudinem ejus, qui omnia in omnibus implet? plenitudinem, inquam, non complendam modo a Christo, sed & complementem suo modo Christum, qui sine corpore suo completo completus ipse non videtur. Adeo ut promissiones, electis factæ, eatenus Christo quoque factæ, atque ita Christo per Sacramenta obsignatæ, censeantur.

Christus  
in Sacra-  
mentis  
quid polli-  
citus.

XIX. Cæterum Christus vicissim Patri in Sacramentorum usu pollicitus est, se omnia, ad quæ se ex pacto obligaverat, fideliter & constanter præstiturum. Est enim in Sacramentorum usu quædam quasi fœderis renovatio, & repetita, ita loqui liceat, solemnisatio. Christus ergo eo actu publice coram Deo & Ecclesia protestatus est: nulla se in parte officio suo defuturum.

Quibus  
non sine  
sapientissi-  
ma ratio-  
ne est usus:  
ut ita con-

XX. Cogitet forte quis, cui usui mutua hæc promissionum per Sacramenta obsignatio: neque enim Christi fides ulla vitiosa infirmitate laborabat, cui tali corroboratione opus erat; neque Pater de bona fide Filii spondentis ullò modo dubitabat. Sed facilis est responsio. I. Sacramentorum institutio & usus ex natura rei non præsupponit peccatum

aut ullam fidei imbecillitatem. Patet id ex Sacramentis ante lapsum institutis. Nec tamen propterea frustra instituta fuisse censi debent. Hoc enim sapientiæ instituentis Dei injuriosum esset. II. Fides Christi, licet intaminata fuerit, humana tamen erat, & dependens ab influxu, sustentatione, corroboratione Deitatis, quæ quum mediis eo a se ordinatis uti soleat, officium Christi hominis fuit consilio huic Deitatis servire, & idonea media ad finem illum ducentia sedulo adhibere. Inter illa media Sacramenta sunt. III. Nemo, credo, negaverit, Christum devotis orationibus, pia verbi divini meditatione, attenta viarum Dei circumspecte aliosque fideles observatione, virtutum divinarum contemplatione, totoque cultus instituti exercitio, fidem suam conservasse, excitasse, corroborasse. Hæc enim uti ab officio hominis pii segregari non possunt, ita conservandæ, & corroborandæ fidei apprime conducunt. Quid ni ergo in Christo id præstitisse credamus, quod sua natura præstare apta nata sunt? Et si istis mediis Christi fides sustentata sit, cur non & Sacramentis? IV. Imo quoties acerbior ingruerat tentatio, vel dirior afflictio, extraordinariis mediis confirmatus est in fide promissionum; qualia erant, apparitio Dei ad Jordanem & descensus Spiritus Sancti. *Mat. i. 16. 17.* Angelorum ministerium. *Mat. iv. 11.* Metamorphosis gloriosa in monte Sancto. *Mat. xvii. 1. &c.* Vox e Cælo audita. *Job. xii. 28.* Et Angelus in agonia ipsum confortans. *Luc. xx. 43.* Ex quo conficio, quum conveniens fuerit, Christum extraordinariis mediis aliquando confirmari in fide, inconveniens nullo modo esse, quod ordinaria media Sacramentorum in eundem fidem adhibita statuamus.

firmaretur  
in fide  
promissio-  
num  
Patris.

XXI. Neque magis inconveniens fuit, Christum promissa sua in Sacramentorum usu tam solemniter iterare, licet Pater de veracitate & fidelitate ejus persuasissimus fuerit. Etenim A. Ad gloriam Patris fecit spontanea illa totiesque iterata Christi ad omnia præstanda alacritatis professio. B. Ipsius Christi zelus, quamvis nunquam vitiose languens, excitatus tamen & accensus fuit, illa obligationis repetitione. C. Admodum utile fidelibus, actionum ipsius testibus *αὐτόπταις*, aut aliunde consciis, illam promptitudinis Christi protestationem attente considerare. Ita enim & in fide Christi corroborabantur, & ad similem zeli alacritatem excitabantur. Unde colligimus, nequaquam vanum cassumque Sacramentorum usum Christo fuisse.

Et fide-  
tatem  
suam testi-  
ficaretur  
Patri.

XXII. Hæc in genere de Sacramentis quibus usus est Christus præfati, singula breviter lustremus. Ubi primo occurrit ejus CIRCUMCISIO, quam Lucas innuit. *Luc. ii. 21.* Ea significabatur & obsignabatur Christo. I. Ipsum a Patre agnosci ut promissum semen Abraham, in quo omnes nationes mundi benedicendæ forent. II. Mortem & abscissionem ipsius e terra

Quid cir-  
cumcisio  
significa-  
verit  
Christo.

e terra viventium *Jes. LI. 8.* fore conservationem & vitam totius corporis sui mystici; quemadmodum abscissio præputii in Judæis ad totius personæ conservationem faciebat. Eam enim negligentibus excisio e gente sua metuenda erat. *Gen. XVII. 14.* III. Ab ipso ad suos derivatum iri circumcisionem ἀρχαιροποίητον, consistentem in exutione corporis peccatorum carnis, inchoanda in regeneratione, promovenda per sanctificationem, & consummanda in glorificatione tam corporis quam animæ. *Col. II. 11.*

Quid in  
ea pollici-  
tus Chri-  
stus.

XXIII. Rursus in Circumcisione pollicebatur Christus: I. In genere, se omnem justitiam consummaturum. confer *Gal. v. 3.* Ita intrans in orbem habitabilem solemniter hac tessera proclamabat, *Ecce venio, ut voluntatem tuam faciam, ô Dew. Ps. XL. 8. 9.* II. Specialius, promptum se paratumque esse ad fundendum sanguinem suum, & obeundas passiones illas, quibus justitiæ Dei satisfieri debebat. Vitam enim suam a dolore & sanguinis effusione, octavo die facta, ordiebatur. III. Specialissime, se jam carnem de carne nostra factum *Eph. v. 30.* lubenter se præstituto tempore morti expositurum, & ad abscissionem e terra viventium oblatum, ut sic Servator corporis sui mystici sit. *ibid. v. 13.*

Baptismi  
significa-  
tus.

XXIV. Affinis est BAPTISMI Christi consideratio. In quo I. Professus est Pater, se Dominum Jesum pro filio suo agnoscere, cujus personam, & officia quam gratissima haberet. II. Impletum iri Jesum donis Spiritus Sancti, adeo ut non ipse duntaxat ad munus suum peragendum sufficientissime ab iis instructus foret, sed & fideles ex plenitudine ipsius abundanter haurire possent. Significabatur id tam aqua baptismi *Ezech. XXXVI. 25. 27.* quam Symbolo descendens columbæ. III. Fore aliquando, ut per resurrectionem gloriosam Christus ex aquis tribulationum emergat, & caput exertet *Ps. cx. 7. & XL. 3.* quemadmodum baptizatus ascendit ex aqua IV, Contra professus est Jesus, In se moram non fore quo minus mergendum se torrentibus inferni traderet, cum certa tamen fide & spe emergendi.

Et pascha-  
tis.

XXV. In PASCHATE significabatur Domino Jesu. I. Agnoscitur illum a Patre ut agnum ἀμωμον καὶ ἁσπλον, & segregatum a peccatoribus. II. Sanguine ipsius certo impetratum iri fidelibus immunitatem ab Angelo exterminatore, uti sanguine Paschatis liberati erant Israëlites in Ægypto. Ex adverso profitebatur Jesus, lubenter se amarissima quæque pro suis subiturum, quod per amaras Paschatis herbas adumbrabatur, & fufurum sanguinem suum, & maceratum, & tostum iri igne Divinæ excandescentiæ adversus peccata nostra, totum denique se nobis impensurum, quemadmodum agnus Paschalis totus consumi debebat.

In eo ele-  
gans cru-

XXVI. Præterire hic non possum quod Cl. *Buxtorfius* laudata exercitatione *S. 54.* observavit, crucifixionem Christi, & mortem in cruce, elegantius

eleganter admodum mactatione Agni Paschalis præfiguratum fuisse, Hujus mactationis forma describitur in *Talmud*, Tractatu de *Paschate* Cap. v. in *Mischna* his verbis. *Quomodo suspendunt & excoriant agnum mactandum? Uncini seu clavi ferrei infixi erant in parietibus & columnis, in quibus clavis suspendebant & excoriabant agnum. Si quis in illis non habebat locum (ob multitudinem mactantium) bacilli tennes & levicati erant illis, a quibus accipiebat, & suo ac socii sui humero unum imponebat, sicque suspendebat & excoriabat.* Quibus affinia sunt quæ *Bochartus* annotavit, in *Hierozyico*, Lib. II. Cap. v. ex *Maimonide* Lib. de *Paschate*, Cap. VIII. Sect. 10. *Quum assant agnum Paschalem, a medio ore usque ad pudenda transfigunt eum veru ligneo, & subjecto igne in medio furni suspendunt.* Illum igitur ut assarent, non versabant in veru ferreo, nostro more, sed veru ligneo transfixum suspendebant, quod Christum in cruce pendentem utcunque referebat. Maxime, si hæc *Iustini* vera sunt, in *Dialogo cum Tryphone Judæo*: τὸ γὰρ ὁ πῶτις προβατον, σχηματίζομενος ὁμοίως τῷ σχηματι τῆ σαυρῆ ὁ πῶται. εἰς γὰρ ὁρθῶς ὁ βέλυσκος διαπερονᾶται διὰ τὴν κατατάτω μερῶν μέχρι τῆ κεφαλῆς, καὶ ἔς πάλιν κατὰ τὸ μετὰ φρενον, ὃ προσαρτῶνται καὶ αἱ χεῖρες τῶ προβάτου. *Agnus enim assus, in figuram cruci similem conformatus, ad ignem torretur. Nam veru unum ab infimis partibus ad caput usque adactum perfigitur, & aliud rursus ad interscapilium, cui appenduntur agni manus, hoc est, pedes anteriores.* Quid ni vero illi hac in parte credamus, viro non solum Sancto, sed & rerum Judaicarum peritissimo, quum Sichemis natus fuerit ex Patre Samaritano? Quandoquidem ergo Pascha tam luculentam crucifixionis imaginem habebat, Christus Paschate utens obedientiam ad crucem usque promittebat.

XXVII. Non multum abludit S. S. COENA significatio. Qua obsignabatur Christo: I. Fore illum electis dulcissimum cibum potumque ad vitam spiritualem & æternam. II. Virtutem meritorum ipsius celebratum iri a fidelibus, donec ad judicium redeat. III. Una ipsum cum fidelibus coelesti convivio nunquam finiendo gravisurum. Christus autem promittebat corporis sui fractionem, & effusionem sanguinis. Atque ita in omnibus & singulis Sacramentis, quibus Christus usus est, sollemnis repetitio & obsignatio fuit foederis ipsum inter Patremque pacti.

Cœnæ  
significa-  
tio.



# O E C O N O M I A


## F O E D E R U M D E I.

### L I B E R I I I.

#### G A P U T. I.

#### De Fœdere Dei cum electis.

Series di-  
cendorum.

I.  o nunc nos deformata pridem tractationis series deduxit, ut de gratioso Dei CUM ELECTIS FœDERE agendum sit, quod Pacto Patrem inter Filiumque superstructum est. Cujus naturam *in genere* primum, mox *specialius* enucleabimus. Atque hoc quidem ordine, ut primo de PARTIBUS CONTRAHENTIBUS loquamur; tum in PROMISSA fœderis inquiramus; porro investigemus, an, & quid, & quatenus aliquid ab electis exigatur, quod in hoc fœdere CONDITIONIS locum obtineat; denique, an fœdus hoc speciales suas COMMINATIONES habeat, disceptemus.

Fœdus  
gratiæ of-  
fert electis  
Deus, ut  
sufficien-  
tissimus.

II. PARTES CONTRAHENTES sunt hinc DEUS, inde ELECTI. Et Deus quidem, I. Ut ad omnem Beatitatem sufficientissimus, non sibi solum ipsi, neque creaturæ duntaxat integræ, sed & homini peccatori. Hoc Abrahamo in renovatione Fœderis inculcavit, quando se emphaticis vocabulis *וַיְהִי כִּי* nuncupabat. Gen. xvii. 1. *וַיְהִי כִּי* Fortem, significat, & aliquando abstracte etiam fortitudinem, ut Prov. i. 27. *וְיִרְדָּךְ* fortitudo manus tuæ. Notat ergo eum, qui tanta pollet virtute, ut possit *ὕπερ πάντα ποιῆσαι ὕπερ ἡ περισσὴ ὧν ἀνέμελα καὶ νοῦμεν* summa cum exuberantia omnia facere, supra ea quæ petimus aut cogitamus Eph. i. 20. Sine quo nihil, in quo omnia possumus. *וַיְהִי כִּי* significat sufficientem, sive illam vocem compositam esse credamus ex *וַיְהִי* relativo, & *וַיְהִי*; quasi dicas, qui sufficit: sive eam derivemus a simplici *וַיְהִי*, quod tam uber, quam vastitatem notat, Quæ singula si jungamus, dicemus, Deum tam fortem tamque sufficientem esse, ut & ipse nullius rei indigeat, & ex ejus ubere omnia esse & vivere & movere trahant, quo ubere subducto omnia ad vastitatem relabuntur. Talem se declarat electis suis in Fœdere gratiæ, quorum bono robustissimam illam omnisufficientiam possidet. Propterea nomen illud sæpius Patriarchis, ut fons benedictionis, ingeminatum est. Gen. xxviii. 3, xxxv. 11, xlii. 13. II. Ut summe

Summe  
Misericors.

Misericors & Gratosus gestiens se communicare cum creatura peccatri-

ca. *Exod. xxxiv. 6. 7.* III. Et simul summe *Iustus*, non contrahens amicitiam cum peccatore, nisi salva sanctitate sua, & postquam iustitiæ suæ de plena satisfactione cautum sit. Nam *תָּרַח נָח תָּרַח סֹנֵם לְפָנָיו* *fontem pro infonte non habebit.* lb. IV. Denique ut summe *Sapiens*, inventa mirabili Misericordiæ & Iustitiæ suæ mixtura, per quam nihil alterutri decederet. Hoc enim modo *ipsis imperiis & potestatibus, quæ in cælis sunt, nota sit per Ecclesiam* *πολυποικιλῶς σοφία* *ἢ* *θεῶν* *multiformis illa Dei sapientia* *Eph. iii. 10.*

Iustus.

Et Sapiens.

III. Homines vero hic veniunt, I. Ut peccatores, miseri, in se perdit, quique non suis viribus, non ulla alia creata ope, in integrum restitui poterant; nihil denique habentes, cujus rei gratia Deo allubescerent, *Exech. xvi. 1-6. Tit. iii. 3. 4.* II. Uta Deo pro absolutissima libertate sua ad gratiam gloriamque *electi*, atque ita hæredes vitæ æternæ scripti, constituentes *parvam illum gregem, cui libuit Patri regnum illud dare.* *Luc. xii. 32.* III. Ut illi, *pro quibus Christus spondit, vel satisfecit.* Hoc enim considerari debet ut necessarium, antequam Deo dignum sit, de gratia sua cum homine peccatore loqui.

Homines hicveniunt ut peccatores. Sed electi

IV. Animadversionem quoque suam meretur Oeconomia Personarum Trinitatis in hoc gratiosi fœderis negotio. PATER proponitur ut princeps illius Auctor, *qui in Christo mundum reconciliavit sibi* *2 Cor. v. 19.* & electos scripsit hæredes sui, cohæredes sui Filii. *Rom. viii. 17.* FILIUS non modo *sequester* est, & executor Fœderis, sed & ipse *Testator*, qui Testamentum gratiæ morte sancivit sua. *Luc. xxii. 29. Heb. ix. 16.* Ac *diribitor* beneficiorum. *Ego de iis vitam æternam.* *Joh. x. 28.* SPIRITUS adducit electos ad Christum, & in Christo ad possessionem bonorum Fœderis, intimat mentibus *τὰ ὅσια* *ἢ* *Δαδιδ* *ἢ* *πιά*, & sigillum est ac pignus consummatæ felicitatis. *1 Cor. xii. 3. & ii. 12. Eph. i. 13. 14.*

Oeconomia Trinitatis in Fœdere gratiæ.

V. Porro quum Fœdus hoc ad *Electos* restringimus, clarum est nos de *interna*, mystica, & spirituali fœderis *communione* loqui. Ipsa enim salus hoc fœdere promittitur, & omnia, quæ sunt *ἐχόμενα ὁ σωτηρίας* & insolubilem cum salute nexum habent; quæ præter electos nemini contingunt mortalium. Alias si *externa* Fœderis Oeconomia spectetur, in *communione* verbi & sacramentorum, in professione veræ fidei, in participatione multorum donorum, quæ, utut eximia ac luculenta, non tamen effecta sunt Sanctificantis Spiritus, neque arrha secuturæ felicitatis; negari non potest, quin eo respectu multi fœderati sint, quorum tamen nomina in Testamento Dei non comparent.

Communio fœderis vel interna vel externa est.

VI. Atque ita de *promissis* fœderis cœpimus aliquid monere, quæ generatim GRATIÆ & GLORIÆ nuncupatione includi possunt, quemadmodum a Psalte fit. *Psal. lxxxiv. 12. GRATIAM & GLORIAM dat Jehovah.*

Promissa huius Fœderis sunt.

Gratia &  
Gloria.

Quæ ita plerumque a Theologis distinguuntur, ut gratia ad hanc, gloria ad futuram vitam referatur; licet & hujus vitæ gratia gloriosa, & futuræ vitæ gloria gratiosa sit. Alias non incommode dicemus, promitti foedere gratiæ & salutem ipsam & omnia media ad salutem ducentia, quæ brevibus complexus est Dominus, *Jer. xxxi. 33. Nam hoc est illud fœdus, quod pangam cum domo Israël post dies hos, dictum Jehova: indam legem meam menti eorum, & cordi eorum inscribam eam. & ero illis Deus & ipsi erant mihi populus. Iterumque Cap. xxxii. 38. 39. 40. Denique erant mihi populus, & ego ero ipsis Deus. Indam enim iis cor unum, & viam unam, ad reverendum me omnibus diebus, ad bonum ipsorum, & filiorum ipsorum post ipsos, Et pangam ipsis fœdus perpetuum, fore ut non avertam me a prosequendis ipsis, bene faciendo ipsis: & reverentiam mei indam animo ipsorum, ut non recedant a me.*

Quæ  
aliter pro-  
mittuntur  
hoc fœdere  
ac promissa  
erant fœ-  
dere ope-  
rum.

VII. Observanda hic est notabilis differentia inter *promissa Fœderis operum* & hujus *Fœderis Gratia*. Utrobique eadem vita æterna promittitur, quæ non nisi una esse potest, in communione & fruitione Dei consistens; sed longe tamen aliter promittitur hoc, aliter illo fœdere. In fœdere operum pollicebatur Deus homini vitam, sub conditione perfectæ obedientiæ, quam obedientiam se ipsum in homine effecturum non pollicebatur. In fœdere gratiæ ita pollicetur vitam æternam, ut simul polliceatur dare fidem, & resipiscentiam, & perseverantiam in sanctitate, sine quibus vita obtineri non potest, & quibus positæ non obtineri non potest. Et hoc quoque sensu dici potest, pactum illud, cujus Mediator est Jesus, *præstantius & præstantioribus promissis sancitum esse. Heb. viii. 6.* quatenus scilicet non suspenditur a conditione incerta, sed, fundatum in sponcione vel actuali satisfactione Christi Domini, certo salutem addicit credenti, neque minus certo fidem promittit electo.

Fœdus  
gratiæ no-  
stræ respo-  
ditur proprie  
dictas con-  
ditiones  
non habet.

Nam con-  
ditio est ac-  
tio, quæ  
præstita  
jus dat ad  
præmium.

VIII. Circa *CONDITIONES* fœderis gratiæ non eodem modo se explicant Theologi. Nos cum iis facimus, qui censent, accurate loquendo fœdus gratiæ nostri respectu conditiones propriæ dictas non habere; quam sententiam ita explicamus, & confirmamus.

IX. *Conditio*, propriè dicta in materia fœderum, est *talis actio, quæ præstita homini jus dat ad præmium*. Ejusmodi autem conditionem in fœdere gratiæ exigia nobis non posse, per se patet: quia jus ad vitam non fundatur, neque vero fundari potest, in ulla actione nostra; sed in sola iustitia Domini nostri: qui quum pro nobis *τὸ δυνάμει τῷ νόμῳ* impleverit perfecte, nihil quicquam a nobis ullo jure postulari potest, quod ad acquisitionem juris, nobis nunc plenissime parti, præstemus. Atque hac quidem in re omnes Orthodoxi facile consentiunt.

Fœdus

X. Tum etiam Apostolus fœdus gratiæ non semel sub nomine *Testamenti*

*statim* proponit; quod est immutabile Dei propositum, a nulla suspensione conditione; & quæ quum innitatur τῷ ἀμεταδέρῳ τῆς χάρις τῆς οἰᾶς, & sanctità sit morte testatoris, uti fieri non potest, ut subvertatur ullā electorum infidelitate, ita etiam firmitatem suam non nanciscitur ab ulla hominis fide: quum hoc ipso Testamento de fide non minus immutabiliter, quam de salute disposuerit Deus. Sic videmus *Gal. III. 15. Fœdus Dei cum Abrahamo Testamentum* vocari; cuius sanctionem quoque talem esse oportuit, qualis est Testamenti. Et fœdus cum *Israële* pangendum *Ser. xxxi.* eodem nomine indigitatur. *Heb. vii. 10.* Uti & *Israëliticum* illud quod Moses narrat *Exod. xxiv.* & declaratio de modo percipiendi amoris Dei per fidem in Christum. *Heb. ix. 15. 20.* Itidemque pactum Patris cum Filio. *Luc. xxi. 39. Quo loco indicatur primo voluntas Dei, qua decrevit ut Filius hereditatem mundi & regnum, Divina Patris potentia obtineret: secundo voluntas Christi, ut Apostoli, aliique ipsi dati, per fidem heredes iustitiæ, & regni celestis & regni mundi fierent. Confer. Gal. iii. 8. Cur autem fœdus Abraham, & illud Heb. vii. 10. indigitatum, TESTAMENTUM VOLUERIT APPELLARE Apostolus, & annon Mat. xxvi. 18. alibique sic accipi debeat suo loco dicendum est. Cocceji. de Fœd. §. 4, Et quid multis? nescio an Paulus de Fœdere gratiæ differens, unquam uspiamve illud alio quam διαθήκης nomine exposuerit. Eo autem tempore (saltem si Coccejo standum sit) neque Græcis neque Judæis Hellenistis neque Hebræis ea vox aliud quam Testamentum significabat. Cocc. ad Gal. iii. §. 134. Quæ non eo a me afferuntur, quod notiones Fœderis & Testamenti confundi velim: sed ut ostendam FœDUS GRATIÆ TESTAMENTARUM esse distinguendum a fœdere quod pacto conventionemque, sive lege nititur. Nec dissimulo me id in Coccejo invenisse. De Fœd. §. 87. Unde miratus sum, repertum esse Virum Doctum, eundemque summum Cocceji admiratorem, qui hæc carperet.*

Gratiæ est  
Testa-  
mentum.

**XL.** Idem accurate observavit Frisiæ quondam Academiæ decus Clar. *Cloppenburgius*, cuius verba ex *Disput. iii. de Fœderibus Thest. 29.* lubet appingere. Altera Fœderis διαθήκη (quæ nos spectat) Testamentaria est, quæ ad nos manat ex Christi sponsoris merito plenissimo Gratia, per quam salvamur. Novo enim fœdere gratia Deo confœderati nos censemur, non superaddita ad fœdus, cum Christo sponsore confirmatum per veterem conventionem inauratam, passionem aliquam simili, qua nobiscum transfigat Deus; sed gratuita vocatione facta ad hereditatem promissionum, quorum Testamentum Christus ratum fecit in morte sua, & quarum iam sequester est in Calis, puta plenam Deo reconciliationis & vitæ æternæ. Junius similiter in *Thestib. Disput. xxv. §. 29.* Per Angelum fœderis conditionibus impletis, per & propter eundem Christum, instigabatur, sine conditione ulla, vitæ æternæ hæres Ecclesiæ Catholica.

Cloppen-  
burgius  
laudatus.

Evangelium stricte dictum meris promissis constat.

Quicquid ut condicio fingi potest universalitate promissionum includitur.

Nemo tamen ad salutem venit nisi via Fidei & Sanctimonie.

Quæ tamen non tam sunt conditiones fœderis, quam ceterarum fœderatorum. Cloppenburgius iterum laudatur.

XII. Præterea, quando Deus formulam fœderis gratiæ proponit, verba ad hoc negotium pertinentia sunt meræ pollicitationes, ut ex *Jer. xxxi. & xxxii.* mox vidimus. Unde nostri quoque qui post strophas Socinianorum ac Remonstrantium cautissime loqui didicerunt, merito determinant: Evangelium stricte sumtum puris promissis gratiæ & gloriæ consistere.

XIII. Neque vero si omnes fœderis gratiæ promissiones ὅλως ὅλως & universim sumantur, ullam aliquis earum conditionem in nobis vel cogitando comminisci potest. Quidquid enim conditionis locum obtinere conciperetur, id omne universalitate promissionum includitur. Si vitam æternam solum polliceretur Deus, non deesset species aliqua dicendi, resipiscenciam, fidem, & similia, conditiones hujus fœderis esse. Verum quum & initium, & progressum, & non intercisam continuationem, & consummationem denique novæ vitæ, eodem quasi halitu addicat Deus, in universalitate hac promissionum nihil remanet, quod totius fœderis conditio censeriqueat. Nos autem de conditione fœderis hic agimus, non de aliqua re in homine, quæ actualem fruitionem consummatæ felicitatis præcedere debet.

XIV. Certum interim est, Deum sapienter admodum & sanctæ ita instituisse, ut nemo ad salutem pertineret, nisi via fidei & sanctimonie, & ita pollicitationes disposuisse suas, ut nemini ulterius & perfectius bonum obtingeret, nisi qui antecedentium promissionum jam factus esset consors. Unde conficitur, neminem se consolari posse, spe non fallaci beatitudinis, qui non fidei ac pietatis praxi se sincere dedit. Et quandoquidem identidem Scriptura inculcat, fieri non posse ut quis sine fide Deo placeat, sine sanctimonia Deum videat, hinc adducti fuere multi, ut fidem & novam vitam conditiones fœderis nuncupaverint: quum accurate & juxta naturam hujus fœderis loquendo, a parte Dei sint executiones anteriorum promissionum, & arrha futuri boni; a parte hominis præstatio eorum officiorum, quæ animæ in Deo deliciantis consummatam perfectionem non possant non antecedere. Aut si omnino has res conditiones vocare velimus, non tam *conditiones fœderis* sunt, quam *certitudinis*, quod in fœdere Dei stemus, & is sit Deus noster. Neque dubito, quin hoc ipsum eruditissimi Theologi voluerint, licet non æque feliciter sese omnes explicaverint.

XV. Audiatur hic rursus *Cloppenburgius* noster, cujus accuratiōni hac in parte nihil habeo superaddere. *Disput. iv. de Fœder. Thef. xxvi. 27.* Neque hanc *Evangelicam* Gratiae *Novi Fœderis* exhibitionem, quam flagitat *Testamentaria donatio, causa mortis facta*, perimunt *Novi Fœderis conditiones*, per *legem* novo fœderi attemperatam *imperata*, τὸ *Resipiscere*, τὸ *Credere*, & *proximis charitatis in Deum & proximum*. Istæ enim conditiones  
Novi

Novi Fœderis Testamento eo pacto insertæ sunt, ut excludantur quidem a promissionum hæreditate non resipiscences, infideles, & impii; tamen minime suspensa sit salutis dispensatio & donatio; aut sit opere nostro, quo obedientiam præstamus legislatori, quærendum jus ad promissionem hæreditatis. . . . . Quid ergo? insertæ sunt Novi Fœderis Testamento conditiones Novæ obedientiæ, *legali* quidem *schemate*, Ad NORMAM PROBATIONIS NOSTRÆ IPSIUS, & gratitudinis debita, ne absque veris Fliorum Dei characteribus exploratis, nobis hæreditatem temere polliceamur: sic tamen ut *aliis* quoque *schemate* ipsa resipiscencia in peccati mortificatione, & bonorum operum studio promittatur, tanquam Dei donum, quod ipse operatus sit in nobis, ut isthoc signo & argumento fas sit, ex quo vere resipimus & credidimus *ταύτης* sperare in eam, quæ ad nos defertur, gratiam in patefactione Jesu Christi. 1 Pet. 1. 13- ut qui habeamus jam in nobis, cum vitæ novæ spiritualis creatione nova a Spiritu Dei, vitam æternam inchoatam. Hactenus *Cloppenburgius*, cujus dissertatione nihil dici potest accuratius.

XVI. Neque existimandum est, per sententiam hanc omnem fœderis rationem everti, quod in *stipulatione* & *restipulatione* consistit. Nam nihil est absurdi si contendamus, illam novi Fœderis *διαθήκην*, quæ *Sponsoris* facta est, propriam Fœderis notionem habere, significantem pactum mutuae fidei *διὰλευρον*, alteram autem dispositionem *Νομῶν* factam ad Testamenti similitudinem propius accedere, & magis *μοιρὰλευρον* esse. Neque obstat vox *πῆρ*, quam *πολύσημον* esse, & sæpe idem valere, quod *πῆρ*, *definitio*, *ἔρμος*, aut certam promissionem significare, eitam si non mutuam, *Lib. 1. Cap. 1. §. 3.* ostendimus.

Fœdus  
Gratiæ  
respectu  
Sponsoris  
magis est  
Fœdus,  
respectu  
nostri magis  
Testamentum.

XVII. Accedit, quod Deus per mirabilem quandam *συγκατάβασιν*, ita gratiosas promissiones suas proponat, quomodo solet promissio fœderatis proponi; ut ostendat se, hoc quod promittit, velle a se peti & expectari non aliter atque si esset promissio remunerationis, & ex fœdere ac pacto proveniret, ac propter jus petentis ejus præstationem, esset irrevocabilis. Quæ quidem stupenda quædam Domini bonitas est, non tamen pro argumento nobis servire debet, ut exinde proprie dictas fœderis gratiæ conditiones conficiamus.

Bonitas  
Dei est  
quod homini  
promissiones  
suas ad  
modum  
fœderis  
proposuerit.

XVIII. Sed quod palmarium est, ita hanc fœderis confessationem optime concipi arbitramur. Fœdus gratiæ, sive Evangelium (sic dictum, quod illius fœderis formula est, quum in meris consistat promissis, nihil proprie præscribit ut officium, nihil exigit, nihil mandat; ne hoc quidem, Crede, Confide, Spera in Dominum, & quæ sunt similia.

Per legem  
subservientem  
Fœderis  
gratiæ  
promissio sit  
*διὰλευρον*.

similia. Sed refert, nunciat, significat nobis, quid Deus in Christo promittat, quid facere velit, & factururus sit. Omnis præscriptio officii ad Legem pertinet, quemadmodum, post alios, optime inculcavit Venerabilis *Voetius-Disput. Tom. IV, p. 24.* & sequentibus. Et hoc omnino tenendum est, si cum omnibus Reformatis perfectionem Legis, omnes virtutes, omnia sanctitatis officia, ambitu suo continentis, constanter tueri velimus. Verum lex attenuata Foederi gratiæ; & juxta illud inscripta cordi electorum, jubet ea omnia; quæ in Evangelio proponuntur, fide non ficta amplecti, & convenienter isti gratiæ ac gloriæ vitam suam instituere. Quando ergo Deus in foedere gratiæ promittit peccatori electo fidem, resipiscenciam & consequenter vitam æternam, tum lex, cujus obligatio nunquam potest solvi, quæque ad omne se officium extendit, obstringit hominem, ut illi veritati assentiatur, promissa illa bona magni faciat, impense desideret, quærat, amplectatur. Porro quandoquidem admiranda Dei Providentia eo ordine promissa disposuit, ut præcedat Fides & Resipiscencia, sequatur salus, homo eadem lege obligatur, ut hanc Dei ordinationem approbet & amet, neque aliter nisi juxta illam salutem sibi polliceatur. Homo autem promissa foederis eo quo proponuntur ordine acceptans, ea acceptatione se ipsum obstringit, ut prius officiis, quæ anterioribus promissis continentur, operam det, quam se ipsum de executione posterioris promissi certum queat facere. Et hac ratione Foedus sit mutuum. Deus promissa sua in Evangelio certo ordine proponit. Homo vi legis, subservientis Foederi gratiæ, obligatur, ut promissa illa eo ordine amplectatur. Dum id facit fides, simul se obligat fidelis, ad vitæ novæ studium, antequam de vita beata præsumat. Et hoc modo conventio *διὰ λευγῆς* fit.

Non omnis ea actio, cui vita addicitur, est conditio proprie dicta.

XIX. Nolim autem hic mihi objici, in Novo Foedere non minus vitam promitti credenti, & resipiscenci, quam in Foedere Veteri ea promittebatur operanti; ut inde concludatur, fidem & resipiscenciam eodem modo nunc esse conditiones Foederis gratiæ, quo perfecta obedientia erat conditio foederis operum. Nam non statim, quando vita promittitur aliquid agenti, conditio proprie dicta intelligitur, quæ est causa petendi mercedem. Vult duntaxat ostendere Deus, qua via, non ad jus, sed ad possessionem beatæ vitæ contendendum sit. Fidem proponit, uti instrumentum, quo Christum Dominum, illiusque gratiam & gloriam, apprehendimus. Bona opera, ut testimonia Fidei, nostræque cum Christo unionis, & ut viam ad possessionem vitæ.

Fides hic peculia-rem *σχέσιν* habet,

XX. Neque enim sine animadversione prætereundum est, aliam plane *σχέσιν*, quoad bona Foederis gratiæ, fidem habere, quam cætera novæ vitæ opera. In eo quidem conveniunt, quod utraque junctim via  
sint

sint ad promissam felicitatem; sed peculiare aliquid fides habet. Nam quum fides sit adstipulatio Divinæ veritati facta, includit in sese acceptationem boni Foedere oblata, & facit promissionem ratam & irrevocabilem. *En filium meum*, inquit Deus, & salutem in eo. *Offero illum cuivis, desideranti, & credenti se in eo salutem reperturum suam.* Quis desiderat illum? Quis credit id? Ego, acclamat fidelis. *Ego magno ipsius desiderio teneor. Ego credo salutem in eo meam repositam esse. Ego illum ita mihi oblatum accipio.* *Sis ita*, ait Dominus. Atque hac ratione acceptatur promissio, obsignatur Dei veritas, donatio Christi, & salutis in ipso, sit irrevocabilis. Unde clarum est, aliam omnino *σχέσις* habere fidem in foedere Novo, atque habuerunt olim opera in prisco foedere. Quantum interest inter dare & accipere, tantum interesse videtur inter conditionem operum & fidei: quod non infelicitur explicuit Celeberrimus *Hoornbeek Socini, Confut. Tom. II. p. 280.*

XXI. Nunc denique de COMMINATIONIBUS, si quæ sint in hoc foedere, videamus. Negari sane non potest, quin in doctrina Christi & Apostolorum plurimæ comminationes identidem occurrant, quæ peculiarem suum respectum ad foedus gratiæ habent, quæque ita proponi non potuissent, si nullum foedus gratiæ exstaret. Exempli causa, *qui non credideris in Christum, qui spreveris consilium Dei adversus animam suam, qui non obdideris Evangelio, condemnabitur.* Quæ comminationes distinguendæ videntur ab iis, quæ plane Legales sunt, qualis est ista: *Maledictus qui non manserit in omnibus &c.* Tamen si accurate rem putare velimus, Foedus gratiæ suas peculiaries comminationes ita non habet, quin illæ ad legem, ex qua omnis maledictio est, referri queant.

commi-  
nationes  
quædam  
Pure lega-  
les sunt,  
aliæ respo-  
dum ha-  
bent ad  
Foedus  
gratiæ.

XXII. Quod quidem ita explico. Nullæ uspiam comminationes audiuntur, quæ non deduci possint ac debeant, ex illa comminatione, quæ sine dubio mere Legalis est, *Maledictus qui non manserit in omnibus &c.* Huic comminationi generalissimæ reliquæ specialiores includuntur. Porro, quando in Foedere gratiæ proponitur Princeps illa veritas, de salute in solo Christo obtinenda, Lex quæ hominem jubet omnem veritatem sibi a Deo propositam firma fide amplecti, obligat ipsum, ut hanc in specie veritatem amplectatur, ametque gloriam Dei in ea resplendentem, suamque salutem cum gloria Dei conjunctam. Si obligationem illam ex lege procedere negemus, statuemus, quod longe absurdissimum est, legem non mandare, ut Deum agnoscamus pro veraci: & dari amorem sanctum Dei & nostri, qui lege non præcipiatur. Pergo. Quando homo juxta præscriptum legis veritatem Evangelii amplectitur viva fide, tum, non lex, sed Evangelium promittit homini salutem. Lex enim aliam promissionem non novit, quam suspensam a conditione perfectæ obedientiæ. Verum si contin-

Omnes  
tamen ex  
Legē sunt,  
& ad eam  
proprie  
pertinent.



gat, hominem veritatem illam sibi propositam insuper habere, & præfracte rejicere, peccans contra Legem incurrit in maledictionem ipsius, juxta regulam generalem aliquoties inculcatam. Et quandoquidem supposito Evangelio, docente salutem, ex sola fide Christi manare, Lex jubet, ut omnes, qui desiderant salutem, eam in sola fide Christi quærant; non potest non maledictionem iis intonare, qui Evangelium rejicientes, in Christum non credunt. Uti ergo infidelitas & rejectio Evangelii est peccatum adversus Legem, quæ unica & perfecta omnium virtutum norma est (peccatum adversus Evangelium dici potest objective tantum) ita etiam omnis intentatio maledictionis & iræ adversus infideles & contemtores Evangelii, ex Lege educi, & ad Legem reduci debet, sed Legem jam subservientem foederi gratiæ.

In concionibus Prophetarum, Christi & Apostolorum, est mixtura Legis & Evangelii.

XXIII. In concionibus Prophetarum, Christi, & Apostolorum, variarum doctrinarum mixtura quædam est, quæ arcto quidem nexu cohærent, & quarum altera alteri commodissime succenturiatur; sed quæ tamen ad summa sua capita singuli debent reduci, ita ut promissiones gratiæ ad Evangelium, omnes præscriptiones officii, & comminationes in maleficos, ad legem pertinere stutnantur.

## C A P. II.

### *De Unitate Fœderis gratiæ, quoad illius substantiam.*

Fœdus gratiæ, quoad substantiam, unicum:

I. **M**aximi res momenti est, ut Foedus Gratæ, vel ut est in *substantia* & essentia, quam vocant, sua, vel ut quoad *circumstantialia*, sub diversis Oeconomiiis, diversimode a Deo proponitur, distincte considerare discamus. Si ipsam Foederis *substantiam* spectemus non nisi *unum* illud unicumque est, neque vero, ut aliud sit, fieri ullo modo potest. Non datur alia via qua Θεοπρεπώς obtingat peccatori salus, præter eam, quæ Evangelio manifestata est. Unde pulchre dixit Apostolus, *non esse aliud Evangelium Gal. 1. 7.* Et Testamentum illud, quod Christi sanguine initiatum est, *æternum* vocat *Heb. xiiii. 20.* quippe quod ante secula definitum, mox a lapsu primi hominis promulgatum, continua veterum κατηχήσει traditum, a Christo ipso & Apostolis uberius explicatum, in omne quoque ævum perennaturum est, ut cujus virtute æternorū bonorum hæreditatem fideles cernent. Sin ad *circumstantias* foederis attendamus, ad demonstrationem τῆς πολυποικίλης σοφίας τῆ Θεῆς, variis illud seculorum Oeconomiiis πολυμερῶς καὶ πολυτρόπως dispensatum est. Qua de re ita nobis in sequentibus agendum erit, ut primo *universalia* illa, quæ ad fœderis *substantiam* pertinent, & omni obtinuerunt ævο, edisseramus: tum diversas *Oeconomias*, & ea, quæ sub singulis nove accesserunt, exponamus. Quod primo generatim faciemus, καὶ ὡς ἐν τῷ πρώτῳ, hoc & sequenti capite; dein ad specialiora paulatim descendentes.

quoad circumstantias, diversimode dispensatum est.

II. Statuimus ergo convenienter sacris literis, Electis omnibus, quocunque tempore degentibus, I. Promissam fuisse UNAM eandemque VITAM ÆTERNAM. II. Propositum fuisse UNUM & eundem SALUTIS AUCTOREM Datoremque Jesum. III. Neque alia via potuisse illos ejus fieri participes, nili vera vivaque in ipsum FIDE. Quæ tria si demonstraverimus, quin simul evicerimus Foedus gratiæ, quod ad rei substantiam attinet, ab ævo unum duntaxat esse, nemini poterit esse dubium. Sienim & salus eadem sit, & idem salutis auctor, neque diversa communionis cum ipso ratio utique Foedus ipsum diversum non erit.

In Foedere gratiæ est una salus, unus Servator, una fides.

III. Promissam ab ævo electis vitam æternam fuisse, tam luculenter sacre literæ docent, ut mirum sit inter Christiani nominis homines reperiri, qui id inficias ire audent. Qui sane Judæis ipsis multo sunt cæciores: quippe de quibus Dominus testatur *Job. v. 39. Scrutamini Scripturas, nam putatis vos in iis habere vitam æternam.* Neque temere ac male eos putasse, æternæ vitæ promissiones, modumque iis potiundi, Scripturis, quas habebant, contineri, validissimis argumentis addicimus. I. Quia non solum Dominus Jesus ne minimo quidem verbulo erroris eos hac in parte arguit, sed ratione ista ad commendandum iis Scripturæ scrutinium utitur. Est autem a magno serio Domini Jesu, & a Divina Scripturæ dignitate, quam alienissimum, eam argumentis non veris commendare, aut ex figmentis Judæorum pretium ei quærere ac usum. Imo si falso sibi Judæi persuassissent, Veteris instrumenti tabulis æternæ vitæ promissa contineri, non debebat præjudicium illud foveri ulla concessione Domini, quod impediabat, quo minus præstantiam doctrinæ, atque adeo Divinitatem personæ ipsius, agnovissent. Sed satius fuisset iis inclamare: frustra scrutamini Scripturas, sub spe æternæ vitæ in iis reperiundæ: ad me potius meamque doctrinam attendite, qui primus æternæ vitæ præco in mundum veni. Quæ quam sint ab instituto D. Jesu alienissima, nemo non videt. II. Accedit, quod Paulus spem suam, in lege ac Prophetis fundatam, cum expectatione Judæorum jungat. *Act. xxiv. 14. 15. Credo omnibus, quæ in lege & Prophetis scripta sunt: & spem habeo in Deo, fore quam etiam ipsi expectant, resurrectionem mortuorum, tum justorum tum injustorum.* Testatur Judæos resurrectionem mortuorum expectare. Eandem se ipsum quoque cum iis credere & sperare profitetur. Neque id facere vanæ innixum præsumptioni, sed Legi & Prophetis, quos ii quoque suo modo sedulo lætabant, & unde una cum ipso hanc expectationem hauserant. III. Tantum abest, ut male hac in parte opinati Judæi sint, ut ex adverso D. Jesus Sadducæos arguerit tanquam Scripturarum ignaros, quia ex iis vitam æternam & resurrectionem non didicerant. *Mat. xxii. 29.*

Promissam ab ævo vitam æternam electis fuisse constat  
Ex *Job. v. 39.*

IV. Sed ex ipsis Veteris instrumenti Libris argumentemur; & primo quidem

Et *Mat. xxii. 31.*  
; 2.

quidem præunte Domino ; qui citato Mathæi capite **XXI.** commatibus 31. 32. in hunc modum fatur. *De resurrectione vero mortuorum nonne legistis , quod vobis , dictum est a Deo , dicente : Ego sum Deus Abrahami , & Deus Isaac , & Deus Jacobi ? Deus non est mortuorum , sed viventium.* Quæ illatio tam evidens ipsi videbatur turbæ , ut perculsa fuerit super doctrina ipsius , & Sadducæis fuerit occlusum os **ŷ.** 33. 34. Et fane si exacta trutina verba Mosisa Christo allegata ponderentur , evidentia hujus demonstrationis attendenti facile patebit.

Deum  
alicui  
Deum esse,  
quando in  
emphasi di-  
citur, vi-  
tam æter-  
nam inclu-  
dit.

V. Etenim I. Phrasis illa *Deum alicui Deum esse , εν εμφάσει* sumpta , vitam æternam includit. Nam quando Deus hominis peccatoris Deus fit , tunc fit illi , quod sibi ipsi est. Quid autē est sibi ipsi ? sine dubio fons æternæ & consummatæ beatitudinis. Deus quum se ipsū ex gratia homini donat ; donat ei omnia. Nam ipse est omnia. Invenit iste homo in Deo , *clypeum* adversus omne malum , & *mercedem amplissimam* **Gen. xv. 1.** Et quid ad perfectam felicitatem amplius desideret ? Unde Apostolus hæc duo jungit , *Deum alicujus Deum esse , & Deum illi præparasse civitatem.* **Heb. xi. 16.** Quumque dona gratiosa Dei , præsertim quando se ipsum alicui donavit , *ἀμεταμέλητα* sint , **Rom. xi. 29.** hinc quoque æternitas hujus felicitatis adstruitur.

Fœdus  
Dei cum  
toto homi-  
ne percus-  
sum , toti  
homini sa-  
lurem pol-  
licetur.

VI. II. Porro fœdus hoc non cum anima , sed cum homine percussum est ; nec animæ modo cultum , sed & corporis obsequium Deus postulat , utriusque Redemptor , ut in utroque glorificetur : uti etiam signum sui fœderis in corpore extare voluit. **Gen. xvii. 13.** Consequenter quando se totius hominis Deum dicit , non animæ soli , sed & corpori salutem pollicetur suam.

Deus se  
Patriar-  
charum  
Deum di-  
cebat , iis  
pridem de-  
functis.

VII. III. Magis hæc stringunt , si attendamus , verba illa , unde argumentatur Dominus , dicta fuisse de Patriarchis jam pridem defunctis. **Exod. iii. 6.** Quum autem Deus non sit Deus eorum , qui ipsi non sunt : conficiebatur primo , animas ipsorum superesse , & beatifica Dei communione frui , & quandoquidem , uti mox jecimus , corpus quoque ipsorum fœdere comprehensum fuit , sequebatur , fore aliquando , ut ipsum corpus ex pulvere suscitatum ad ejusdem beatitudinis communionem cum anima jungeretur.

Deus  
eum , cu-  
jus Deus  
est , ab ho-  
stibus suis  
liberat , con-  
se-  
quenter  
etiam a  
morte.

VIII. IV. Deum alicujus Deum esse significat usu Scripturæ liberationem ab hostibus. confer. **Pf. lxxvii. 7. 8.** Maximus autem postremusque hostium nostrorum mors est. **1 Cor. xv. 26.** Quum igitur Deus eos , quorum Deus est , eripiat de manu hostium , non potest esse Deus eorum , quibus mors superior semper manet : sed necesse est eos omnes , quorum Deus est Deus , absorpta morte triumphabundos Epinicium illud canere , *Ubi , o mors , Victoria tua est !*

Quum  
nihil exi-  
mit quoad

IX. V. Extra controversiam est , Deum præstantissimum aliquid , &  
in

in quod supra ceteros, minus Numinis reverentes, eximii essent, clarissimis illis Patriarchis promississe, quando se Deum ipsorum nuncupabat. Nihil autem supra ceteros homines eximium adeo in hac terra obtinuerunt, quod promissi hujus magnitudinem æquaret. Multi improbi felicius, in terra Canaan, alibique, vixerunt. Restat ergo, ut altius hæc spectarent, & ad æternam cœlestemque vitam pertinerent.

X. VI. Denique propter quem benefacimus aliis, ei multo magis benefacimus si possumus. Deo autem potestas nulla deest. Et dicit, se benefacturum posteritati, propter Abrahamum, Isaacum, & Jacobum. Multo ergo magis ipsis benefacit & benefaciet. Beneficii autem capaces non forent, si non exstarent; neque summi beneficii, si perpetuo sub mortis imperio manerent. Sequitur ergo & tunc quando id dicebatur exstitisse ipsos quoad animam, & restituendos aliquando in vitam, ut eximie Deus eorum *ἐν ἐργείῃς* esse queat. Omnia hæc non admodum difficili sequela ex verbis Moysi deducuntur.

XI. Frustra est *Volkelius Lib. III. Cap. XI.* quando hoc loco pressus, istiusmodi testimonia requirit, *qua apertis luculentissimisque verbis*, ut in nova Scriptura videmus, *nobis hoc beneficium polliceantur*. Ex quorum numero hoc, quo de agimus, nequaquam esse, hinc patere contendit, quod, *antequam Christus illud explicaret, nemo unquam exstiterit, qui vel suspicari auderet, tale quid illo comprehendere. Neque enim credibile esse, Phariseos, legis Divina peritissimos, sapenumero, ut videtur, cum Sadducais de mortuorum resurrectione, acerrimeque concertantes, hunc locum silentio præterituros fuisse, si rei istius testimonium eo contineri animadvertissent.*

XII. Incassum hæc omnia dicuntur. Nam I. Non quæritur, an testimonia de vita æterna in Testamento Veteri tam apertis & luculentis verbis expressa sint, quam in Testamento Novo, quod nemo nostrum asserit, qui Oeconomias has claritatis suæ gradibus plurimum differre fatemur: sed an omnino ulla testimonia de vita æterna in V. T. existent, quod hæretici præfracte negant. Ita enim Volkelius, in ejusdem capituli initio: *Apparet promissionem istam (vitæ sempiternæ) in prisco illo federe factam MINIME fuisse.* Quænam ergo hæc est iniquitas, ut tam aperta a nobis ac luculenta exigant testimonia?

XIII. II. Neque Christo consentit, quando Phariseos uti Legis Divinæ peritissimos laudat, qui eos ut *cacos & fatuos doctores* perstrinxit. *Mat. XXI. 16. 17.* & de clave scientiæ ablata incusavit. *Luc. XI. 52.* & de quibus testatus est Paulus, *velamen cordibus ipsorum impositum esse, ut Moysen & V. T. legentes non intelligant.* *2 Cor. III. 14. 15.*

XIV. III. Neque nostra admodum interest, quomodocunque, & undecunque illi olim argumentati sint: modo Christum, quod ne ipsa quidem negaverit impudentia, solide argumentatum fuisse constet.

Neque

hujus vitæ  
statum Pa-  
triarchæ  
habuerint,  
restat ut  
promissio  
hæc ad fu-  
turam vi-  
tam refe-  
ratur.

Quum  
Deus se  
propter Pa-  
triarchas  
aliis bene-  
facturum  
pollicea-  
tur, multo  
magis iis  
ipsis bene-  
facit.

Volkeli  
prævari-  
catio.

Non  
quæritur,  
an vita æ-  
terna tam  
aperte pro-  
missa sit  
olim ac  
nunc, sed  
an omni-  
no sit pro-  
missa.

Male  
laudantur  
Pharisei  
ut Legis  
Divinæ  
peritissimi.

Non con-  
stat, neque  
nostra in-  
terest, quo-

modo illi  
olim argu-  
mentati  
sint.

Philonis  
aliorum-  
que Judæo-  
rum obser-  
vationes.

Neque ullo pacto probare poterit adversarius, nunquam illos hujus lo-  
ci argumento pugnavisse. Quis enim nobis omnes horum disputationes  
enarravit?

XV. IV. Quicquid de Phariseis sit, ex antiquis certe Judæis, *Phi-  
lo* simile quid in animo habuisse videtur. Cujus verba *Illustis Grotius*,  
non exosum adversariis nomen, in *Commentariis* suis ad *Mat. xxii. 32.*  
in hunc adducit scopum. Τὸ δὲ, Θεὸς αἰώνος, ὅσον ἐστὶ τῷ, ὁ χαρίζ-  
μενος, ὃ ποτὲ μὲν, ποτὲ δὲ ὃ, αἰεὶ δὲ καὶ συνεχῶς. Quod autem ut eter-  
nus proponatur Deus, tantundem est ac si dicatur gratiam præstans, non aliquan-  
do quidem, aliquando autem non, sed semper & perpetuo. Clarissimus *Licht-  
fovus*, spicilegiis in *Exodum*, *Secl. v.* observavit majorem fore argumen-  
ti Dominici claritatem, si referatur ac comparetur ad ipsorum Judæo-  
rum doctrinam ac mentem. Dixit enim *Rabbi Simeon Ben Jochai*: Sanctus  
*Benedictus Deus nomen suum non nominat super vivos vivos, sed mortuos.* Uti  
dicitur, *Pf. xvi. 3.* Sanctis qui in terra sunt. Quando sunt Sancti? Ubi ter-  
ra conditi sunt: neque enim Sanctus Benedictus Deus omnibus diebus quibus vi-  
vunt nomen suum iis accommodat. Cur autem? Quia Sanctus Benedictus Deus  
non confidit iis, ut non mali affectus illos de recto tramite avertant: sed ubi  
jam vita functi sunt, Sanctus Benedictus Deus nomen suum super iis nominat.  
Vide *Tanchum* in *Gen. xxviii. & Menahem* in *Exod. iiii.* Quæ huc reci-  
dunt, Deum excellentiore longe ratione eorum Deum dici qui vita  
functi sunt; quam qui adhuc mortali corpore vivunt. Cujus rei quæ  
potest dici ratio, nisi propter præstantiorem animæ separatæ vitam? Ex  
recentioribus *Aben Ezra* idem vidit, qui ad *Levit. xviii. 4.* illa verba,  
*ego sum Jehova Deus vester*, ita explicat, ut iis contineri dicat promissio-  
nem *וְהָיָה בְּשֵׁנִי חַיִּים* vita in utroque seculo. Et *Menasse Ben Israël*, de  
*resurrectione mortuorum*, *Lib. i. Cap. x.* eodem Domini nostri argumen-  
to utitur.

Pii Vere-  
res vitam  
æternam  
expecta-  
runt  
non nixi  
conjectu-  
ris, sed  
Dei verbo.

XVI. Quid evidentius eo potest esse testimonio, quo Abrahami fi-  
dem decorat Apostolus *Heb. xi. 10.* *Expectavit urbem fundamenta ha-  
bentem, cujus fabricator Deus est.* De cæteris Patriarchis addens, qui  
enim illa dicunt, ostendunt se patriam querere. *ſ. 14, & 16.* jam vero melio-  
rem quærebant, id est, celestem. Hæc ad nudam expectationem, & va-  
nam persuasionem, qua conjecturis tantum nititur, quæ *Smalcii* phrasis  
est, detorquere, est injuriam facere piis istis Heroibus, & Paulo con-  
tradecere, qui hac in re fidem ipsorum celebrat, Non fuisset autem fi-  
des, quæ solo Dei verbo nititur; sed culpabilis temeritas, tanta sibi  
polliceri non pollicente Deo. Optimo hic climace *Franzius* utitur. *Dis-  
put. vii, Th. lv.* Quomodo sperassent, nisi credidissent? Quomodo credidis-  
sent, de quo non audivissent? Quomodo audivissent, nisi prædicatum ipsis fuis-  
set? Quomodo vero prædicassent ipsis aliqui, nisi ad hoc ipsum prædicandum a

Deo

XVII. Ac ne cavillentur ex solo Novo Testamento argumenta nos  
sotra mutuari (quanquam nemo de iis quæ continentur in T. V. cer-  
tius nos docere potest, quam Christus & Apostoli) age, Veteris quæ-  
dam Testamenti loca consideremus, & a detorsionibus adversariorum  
vindicemus. Ubi primo Cygnea illa Jacobi cantio occurrit *Gm. XLIX.*

Huc fa-  
cit Prophe-  
tia Jacobi,  
Cen.  
XLI X,  
18.

XVIII. Iterum hic ex Judæorum gente aliquis Socini affeclas in ruborem det : quibus hanc Hierosolymitani Targumistæ παράφρασιν proponimus, *Dixit Pater noster Jacobus, non expectat anima mea redemptionem Gideonis, Filii Joaz, דהויא פורקן עביר, quippe quæ ad boram duntaxat est : neque redemptionem Simsonis, דהויא פורקן עביר, quia illa est redemptio transiens, אלא לפורקנא דאמרת במיטריך למיתי לעטק בני ישראל ליה לפורקנך סבית נפטי, sed redemptionem quam dixisti in verbo tuo, vel per verbum tuum, in τῷ λόγῳ σου, obventuram populo tuo filiis Israël, illam, inquam, redemptionem tuam expectat anima mea. An non hoc satis luculentum certissimæ persuasionis, & πληροφορίας de salute sua testimonium est ?*

**Targum Hierosolymitanum in eam paraphrasis.**

XX. I. Magnum aliquid esse, quod hic agit Jobus, tum ipsa verborum sacra pompa & majestas evincit, tum id quo præfatur præcæmium; optans, ut sermones hi sui *scriberentur, & sculperentur in libro, & stylo ferreo atque plumbo in perpetuum in rupe inciderentur.* Quo voto nihil erat dignius, quam professio fidei suæ in Messiam, & spes beatæ resurrectionis.

**Jobus  
Cap. 19.  
25. 26. 27.  
de resurre-  
ctione &  
vita æterna  
prophetat.**

XXI. II. Vindicat Jobus innocentiam suam adversus criminationes amicorum, qui eum traduxerant ut *iniquum*, & talem, *qui Deum fortem non agnoscebas*. Cap. XVII. 1. 21. Tantum abest, inquit, ut talis sim, qualem vos me esse calumniamini, ut e contra, spe justorum plenus, & Deum noverim, & redemptorem meum, & majora ab ipso bona expectem, quam quæ vitæ hujus ambitu contineri queunt. Quod sane longe validius erat ad retundendas amicorum criminationes, quam si de nova aliqua hujus vitæ felicitate sermocinatus esset. XXII.

**Pompa  
verborum  
de re ma-  
gna agi  
ostendit.**

Non poterat innocentiam suam melius vindicare, quam professione spei iusto-

Non erat  
certus re-  
stitutionis  
suz in se-  
culo.

**XXII. III.** Loquitur de tali re cujus erat certus, quæque idcirco fir-  
mo Dei promisso niti debebat. Non liquet autem, ullum ipsi promissum  
de restitutione in integrum, durante hac vita, factum esse. Neque gene-  
ralia ulla promissa existant, ex quibus hoc tam certo concludi potest.  
Imo non pauca sunt, quæ persuadeant Jobum id non sperasse. Optat  
enim, ut *placeret Deo expectationem suam*, id est, mortem, dare, & *conser-  
re ipsum*. Nam, inquit, *quæ est vis mea, ut dorem? aut quis est finis meus, ut  
prorogem vitam meam?* Job. VI. 8. 9. II. VII. 7. 8.

Singula  
textus ver-  
ba ad bea-  
tam resur-  
rectionem  
ducunt.

**XXIII. IV.** Omnia textus verba ad beatam resurrectionem, in Chrī-  
sto fidelibus obventuram, autigantur. Loquitur de suo *ἀδελφῷ*, qui ut *ἀδελφῷ*  
*ἀγαπῶν* fidelium, & uti Theodotio hic vertit *ἀγαπῶν*, Proximus eorum,  
consanguinitatis jure eos vindicaturus erat. Hunc dicit *vivere*, quippe qui  
*verus Deus, & vita æterna est*. 1. Joh. V. 20. quique nos a sua vita ad no-  
stram argumentari docuit. Joh. XI. 19. *Ego vivo & vos vivetis*. Qui qui-  
dem moriturus erat aliquando, sed morte illa non obstante dicit: *Ego  
is sum qui vivit. Et mortuus factus eram, & ecce vivens sum in secula seculo-  
rum*. Ap. I. 18. Et hoc est quod Jobus addit. *Postremus supra pulverem sta-  
bit*. Triumphatis omnibus inimicis suis, ipse in pugnae campo supersti-  
tem se & victorem ostendet. Vel, stabit super pulverem, mortis domi-  
cilium, tanquam hostem prostratum sub pedibus, ut 1. Cor. XV. 26. 27.  
*Ultimus hostis aboletur, Mors. Omnia enim subiecit pedibus ejus*. Hanc Christi  
resurrectionem ut arrham considerabat suæ. *Et postquam cum cute corpus  
ipsius, quod digito monstrabat, a vermibus corrosus fuerit: ex carne sua  
Deum visurum dicit, magnum scilicet Deum illum & Servatorem Jesum, tunc  
manifestandum in gloria*. 1. Joh. III. 2. Quem sibi visurus erat, ad sa-  
lutem suam, & consummationem gaudii. Quemadmodum David quo-  
que canebat. Ps. XVII. 15. *Ego in justitia videbo vultum tuum: satiabor cum  
expergiscar similitudine tua*. Alia ergo hæc visio est, atque illa de qua lo-  
quitur Cap. XLII. 5. 6. quæ ipsum dolore percellebat, & ad pulverem  
cineremque humiliabat. Neque poterat fieri, quin tam firma tanti bo-  
ni spes ingens cieret illius potiundi desiderium. Atque hoc est quod ad-  
ditur, *Deficiunt renes mei*, id est consumuntur & languent præ desiderio,  
(confer significatum hunc vocis *רִיב* Ps. LXXXIV. 3. CXIX.) in sinu meo.  
Quomodo etiam Apostolus ardebat cognoscere *vim resurrectionis Christi*,  
*si quo modo deventurus esset ad resurrectionem mortuorum* Phil. III. 10. 11.  
Hæc omnia cum scopo Jobi, cum vi & magnificentia verborum, cum  
totius Scripturæ tenore, exactissime conveniunt, & nisi obstarent præ-  
judicia vix possent alio torqueri.

Hierony-  
mi testi-  
monium.

**XXIV.** Concludimus ergo, verbis Hieronymi ad Pammachium, de er-  
rore Johannis Hierosolymitani: *Quid hac Prophetia manifestius? Nullus  
tam aperte post Christum, quam ille ante Christum, de resurrectione loquitur.*

**XXV.** Adjungamus Danielis Prophetiam, Cap. XII. 2. *Et multi ex dormientibus in terra pulveris expergiscuntur, hi ad vitam æternam, illi ad opprobrium & contumtum æternum.* Ad quem locum hæc sequentia animadverto. I. Universalem resurrectionem omnium, & in iis iustorum ad vitam æternam, vix posse evidentioribus verbis describi. Sub Novo sane Testamento D. Jesus, de hoc ipso loquens mysterio, geminis germanis utitur. *Joh. VI. 28. 29.* Obtestor quamvis conscientiam, si constitutum Danieli fuisset de mortuorum resurrectione vaticinari, potuissetne eam lauculentiori sermone depingere?

Dan.  
XII. 2. de  
eadem bea-  
titate agi-  
tur.

**XXVI.** II. Neque obstat Danielelem dicere, *multos ex dormientibus suscitatum iri.* Ut enim taceam, *multos* aliquando idem valere quod *omnes* (uti *Rom. v. 15. coll. cum. 12.*) clarum est, Danielelem universitatem dormientium in terra pulveris in duas dispescere multitudines, quarum altera ad vitam, altera ad opprobria resurget.

Per mul-  
tos desig-  
natur &  
attributio  
in duas  
multitudi-  
nes.

**XXVII.** III. Nec potest augustissimum hoc vaticinium ita explicari, ut nihil aliud notare censeatur, quam temporalem & corporalem liberationem ab oppressione Antiochi. Quomodo enim post Antiochum transgressores surrexerunt e pulvere, quum tum potius mortui & viles facti sint? Nam Antiocho vivente illi quoque florebant. Quomodo etiam pii & constantes liberati sunt *ad vitam æternam*, quum omnes illi sine dubio mortem rursus oppetierint? Dicetne cum *Volkelio*, hoc de iis intelligendum esse, *qui legi Divina constantes adhaerant, quibusque illa liberatio cessura erat in æternam gloriam?* Ergo, inquam, habemus evidens æternæ vitæ promissum in Veteris Instrumendi libris. *ὅτι οὗτοι οὐ μόνον.* Si autem æternam gloriam iis promissam esse fateamur, cur non quoque, quæ consummatam gloriam antecedit, resurrectionem mortuorum?

Non po-  
test hoc va-  
ticinium  
corqueri  
ad libera-  
tionem ab  
Antiocho.

**XXVIII.** IV. Nec urgeri debet: hæc non convenire cum tempore, de quo vaticinatur Daniel, scilicet Tyrannide Antiochi, & liberatione ex illa. Nam si demus, Danielelem proxime præcedentibus commati- bus de Antiocho esse locutum, non tamen inde conficitur, sermonem hic esse non posse de resurrectione mortuorum. Ostenderet enim Pro- pheta, Deum, postquam tam illustre gloriæ potentie suæ specimen edidisset, perrecturum in magnificis populi sui liberationibus, donec omnia terminentur in beata mortuorum resurrectione. Si insites: illa, quæ hic prædicuntur, *illo tempore* existitura esse, de quo huc usque fuerat sermo; Respondeo: *primo*, hoc in textu non existare. Nescitur quid hic versus per particulam *et* cum præcedenti, ubi verba de *illo tempore* reperiuntur. Sed nihil frequentius in Prophetis est, quam duas res diversis- simo tempore existuras ita jungi. Cujus rei omni exceptione majora exempla *Matt. XXIV.* habemus. Tum etiam observatum est a Viris eruditissimis, particulam *et* idem aliquando valere, quod *tandem*, vel *pa-*

Non in-  
commodè  
ab Antio-  
cho op-  
pressos  
beate re-  
surrectio-  
nis promissum  
consola-  
tur Deus.



*Item, Secundo*, illud quoque dici potest, quod *אחרי כן*, notet *post illud tempus*. Uti *Jos. v. 5.* *אחרי כן* significat, *postquam exiissent*. Neque censeri debet, promissionem resurrectionis alienam esse a temporibus Antiochi. Quia certum est, constantes pietatis sectatores ea se spe in diris istis cruciatibus consolatos esse, uti videre est ex *2. Machab. vii. 9. 11. 14. & Heb. xi. 34.*

Nihil vetat præcedentem Prophetiam de Antichristo, vel Imperatoribus ei servientibus, intelligere. Viri Docti magister

XXIX. Verum nihil vetat, quominus ea, quæ sub finem capitis Daniel vaticinatur, ad Antichristum Novi Testamenti, vel Romanos Imperatores Antichristo fervientes in promotione Mysterii iniquitatis, cum præstantissimis interpretibus referamus. Quam sententiam peculiari tractatu eruditissime exsecutus est *Conradus Græserus*. Atque ita cum destructione Antichristi, concinne mortuorum resurrectio jungeretur, uti quoque fit. *Apoc. xx. 10. 13.*

XXX. Quæ quum ita sint, mirum merito existimari queat, Virum cætera Doctissimum, & in summa quæstionis hujus Orthodoxum, qui in versu primo bella Britannorum cum Batavis, Danorum cum Suecis, Tartarorum in Sina, & Sinensium in Florida, Lusitanorum cum Castellanis, & plura alia ante paucos annos gesta, invenire potuit; in versu secundo non vidisse universalem justorum resurrectionem. Atque hæc sufficient ad demonstrandum, sub Veteri quoque Testamento vitam æternam fidelibus promissam fuisse.

Quo sensu promissiones N. T. meliores sint.

XXXI. Ad ea, quæ in contrarium ab Hæreticis proferuntur, accurate a nostris responsum est. Summa hacredit: Quando *promissiones N. T. meliores* Apostolus vocat, *Heb. vi. 11. 6.* vario id potest intelligi respectu. Si ad vitam æternam referatur, non tam rem promissam spectat, quam ipsam promissionis claritatem, & certitudinem: quæ nunc non umbris quibusdam verborum & ceremoniarum involuta est, sed dilucide proposita: non suspensa ab incerta aliqua conditione, sed plenissime roborata sanguine testatoris. Hanc responsum ipse Apostolus suggerit versu 9. & 10.

2. Tim. 1. 10. explicatur.

XXXII. Quando dicitur, *Christum abolita morte vitam & immortalitatem in lucem produxisse per Evangelium*. 2. Tim. 1. 10. non potest id intelligi de prima vitæ æternæ promissione, nisi cui lubitum sit dicere, eam factam non esse ante resurrectionem Christi, de qua hic sermo est. Id autem nemo dixerit. Sed simplex sensus est, D. Jesum, mortuis excitatum, universo mundo, tam Judæis quam Gentibus, quibus prædicatum est Evangelium, ostendisse, se verum vitæ & immortalitatis auctorem esse. Scilicet ipso e sepulcro prodeunte, lux hujus veritatis latissime diffusa est, etiam inter eos, qui antea in tenebris & umbra mortis sedebant.

& Heb. 11. 3.

XXXIII. Quum idem Apostolus affirmat, *salutem nostram prædicationis initium a Domino suscepisse*. *Heb. 11. 3.* clarum est, ipsum loqui de Evangelio

gelio consummationis & Messia salutis auctore jam exhibito, quod primus annuntiavit Dominus, habito respectu ad Apostolos, Evangelistas, cæterosque ordinarios gratiæ præcones, ipsum insequutos. Nam alias Zachariam Johannis Baptistæ Patrem, & Mariam matrem Domini, & Angelos nativitatis ejus nuntios, & grandævum Simeonem, & Johannem Baptistam, ante Dominum salutis præcones fuisse quis negaverit? De Patribus ipse Apostolus asserit, eos quoque *εὐαγγελισμένους* fuisse, sicut & nos. Heb. 14. 2.

XXXIV. Quum scribitur, *priore tabernaculo stante viam ad sacrarium nondum patefactam fuisse.* Heb. 14. 8. innuit quidem Apostolus, fuisse salutis consequendæ modum aliquo modo reconditum, comparatione facta cum fulgentiori Evangelii jubare. Nam tunc sane via vitæ multo ceremoniarum figurarumque apparatu obnubilata erat: quibus nunc discussis, resecta facie celestia & spiritalia contemplamur, & concupiscimus. Sed nullo pacto hinc sequitur, nullam priscos salutis notitiam habuisse. Non magis quam concludi potest, nihil nos de glorioso nostro statu scire, quia Johannes dicit, *nondum patefactum esse, quid futuri simus.* 1. Job. 11. 2. Simili ferme methodo ad cætera ab Adversariis prolata respondendum est. Neque enim nostri instituti est omnia singulatim exsequi.

XXXV. Nunc ad *secundum* accedamus, quod probandum nobis incumberebat; IN CHRISTO quoque, & virtute sponsonis illius, priscos salutem consecutos esse, quemadmodum & nos. Quod totidem ferme verbis Petrus deprædicabat. Act. xv. 11. *Sed per gratiam Domini nostri Jesu Christi credimus nos servari quemadmodum & illi.* Ubi pronomen relativum *illi* ad Patres, quibus *ἀβράμ καὶ ἰσακ* ceremoniarum jugum impositum fuit, referendum esse, & Grammatica generis ratio, & orationis series, & vis argumentationis Apostolicæ suadent. Etenim quum *καταίτοι* masculinum sit, & *ἰσραήλ*, quorum facta erat mentio v. 7. neutrum, non tam commode ad gentes, quam ad Patres refertur. Neque sine necessitate, quæ hic nulla est, confugiendum est ad generis enallagen. Tum etiam, quæ hæc est commentandi ratio, tam immensum sibi hyperbaton fingere, & ex commate septimo nomen arcessere, cui, tot rebus interjectis, commate demum undecimo pronomen respondeat, quod tamen non respondet: quum proxime antecedentibus verbis nomen reperias, quocum pronomen, de quo quæritur, optime jungi queat? Denique vel nullum, vel dilutum sensum parit, si ita construuntur verba. Quæ enim argumentationis vis est, si fingamus Apostolum dixisse: Gentilibus ceremoniarum jugum imponi non debet, quia nos Judæi & Apostoli credimus, servatum nosiri eodem pacto, quo illi, per solam Domini Jesu Christi gratiam? Nam præterquam quod absonum sit, Gentiles Apostolis & Judæis in servationis exemplum proponi, quum contra

& Heb.  
14. 8.

Priscos  
etiam per  
Christum  
servatos  
esse doce-  
tur Act.  
xv. 11.

faciendum videntur, hoc solummodo ex illa thesi concludi poterat, Apostolos & Judæos non magis ad circumcisionem ceterosque ritus obligari, quam Gentiles. Atqui id non erat in questione. Sed validissime ex nostra interpretatione argumentatur Apostolus: Non debetis rituum jugum discipulis, qui e gentibus accefferunt, imponere, quia ipsi illi Patres, quibus impositum fuit illud jugum, senserunt quidem ejus molestiam, sed non invenerunt in eo salutem. Servati tamen sunt, non virtute istorum rituum, sed gratia Domini nostri Jesu Christi. Neque alia nunc nobis, vel cuiquam hominum, via ad salutem contendendum est. Frustra ergo sunt, qui dicunt discipulis, si servari velitis, oportet vos circumcidi & fervare Moysi legem. Ut ergo rem in pauca contraham, tria hic docet Apostolus. I. *Servatos fuisse Patres.* II. *Eodem pacto*, quo nos servamur. III. *Per gratiam Domini nostri Jesu Christi.* Simul tota illa argumentatione innuens, non posse salutis viam nisi unam esse.

Heb.  
xiii. 8.  
explicatur

XXXVI. Huc quoque facit celebris locus Heb. xiii. 8. *Jesus Christus heri & hodie idem est & in secula.* Anteriore versu admonuerat Apostolus, ut in recenti servarent memoria verbum illud, quod doctores ipsorum illi locuti erant, atque eorum imitarentur fidem. Nunc istius suæ admonitionis hanc dat rationem, quia *Jesus Christus & heri & hodie, & in secula idem est*: ab omnibus veritatis Doctoribus omni tempore prædicatus, ab omnibus creditus, a secuturis credendus, si majorum velint imitari fidem. Eadem ergo doctrina semper retinenda est, quia Christus, qui semper ut salutis auctor & propositus & creditus est, non mutatur. Particulæ autem, *heri, hodie, & in secula*, omnes temporum differentias notant. Neque *heri* hic significat, novitium aliquid, quemadmodum solemus dicere *ἡ ἡμετέρα ἡμέρα*, sed *omne tempus præteritum*: quemadmodum *hodie*, tempus illud gratia sub Novo Testamento. Hoc enim uni alicui diei hodierno comparatur. uti Cap. iiii. 13. *Quamdiu hodie vocatur.* & iv. 7. *Rursus quandam præfinit diem, Hodie apud Davidem dicens.* de quo 2. Cor. vi. 2. *Ecce nunc est præstitutum illud tempus, ecce nunc est dies salutis.* Uti ergo Christus hodie sub Novo Testamento unicus salutis auctor agnoscitur, & talis agnosceatur in æternum, ita etiam heri sub Veteri Testamento, cujus dies nunc præterii, idem fuit, atque uti talis & doctus fuit & agnitus.

& Heb.  
ix. 15.

XXXVII. Addamus & id quod existat Heb. ix. 15. *Propterea Novi Testamenti Mediator est, ut, morte intercedente ad redemptionem transgressionum, qua fuerant sub priori Testamento, vocati acciperent æternam hereditatem.* Ubi aperta declaratio, mortem Jesu Christi fuisse efficacem ad redemptionem transgressionum commissarum sub V. T. Ita enim procedit Apostolus. Supponit Patres V. T. non obstantibus peccatis suis salvos esse factos: quod nec Socinus cum spīs negare aufit. Docet porro, sanguinem juvencorum & hircorum omniumque adeo hestiarum, non potuisse pec-

cata

est vere & coram tribunali Dei expiare, ac mundare conscientias. Quum tamen sine effusione sanguinis remissio non fiat, quemadmodum 1. 22. jactat, concludit, necesse fuisse ut mors Christi intercederet, obeunda quidem ad Novi Testamenti initiationem, sed cujus virtute redeptio anteriorum quoque peccatorum obtineretur. Hic verus Sacri Scriptoris sensus.

XXXVIII. Et sane prævaricatur Grotius, quando Sochnianis gratificaturus, ita in hunc locum scribit. *Mors ejus intercessit cum in finem, ut liberarentur homines ab illis peccatis, quæ in populo Dei dicto ante Christum ἐν τῷ πλείονι valuerant.* Itane vero? Siccine notaret ἀπολύτρωσις ἢ ἐν τῇ πρώτῃ διαθήκῃ παραβάσεων, talem Christi actionem, per quam fieret, ut homines postmodum viventes, caverent sibi a similibus peccatis, qualia olim commissa erant? Ne sicut unquam Deus, ut ita Scripturas pervertamus. ἀπολύτρωσις est ἡ ἐξπίττω peccatorum soluto pretio. Id solvit Jesus pro omnibus electorum suorum peccatis, quocunque vixerint tempore. Ac virtute istius solutionis, præstituto tempore præstandæ, immunitatem consecuti sunt Veteris quoque Testamenti fideles.

Grati  
prævari-  
catio.

XXXIX. Porro, quum constet servatos fuisse veteres pios, simul constare debebat, servatos illos esse per Christum. Ita enim ipse Servator Job. xiv. 6. *Nemo venit ad Patrem nisi per me.* Et Petrus Act. iv. 12. *Nec est in alio quoquam salus: nec enim aliud nomen est sub caelo, quod datum sit inter homines, per quod oporteat vos servari.* Nihil evidentius his verbis esse potest, quæ ipsis solis radiis descripta videntur. Invenit tamen aliquid contradicendi lubido: sed hoc aliquid minus nihilo est.

Nulla  
salus est  
nisi in  
Christo.

XL. Excipiunt adversarii, loca hæc intelligi debere de iis, qui vivunt sub N. T. ideoque tam Christum quam Petrum loqui in præsentis, non in præterito; de nobis, non de antiquis; de temporibus Christi exhibiti, non præteritis seculis. Resp. I. Quum verba utriusque textus universalis sint, non sunt restringenda sine causa & necessitate: qualis hic nulla est. Si enim antea sine Christo salus æque obtineri potuit, atque nunc per Christum, quid nobis adventu Christi fuit opus? Aut quid usque adeo magnum in Christo obtinemus? II. Imo rationes sunt firmissimæ, cur non debeant aut possint ita restringi. Quia, qui fuerunt absque Christo, fuerunt extranei quoad prætorum promissiones, spem non habentes, & absque Deo in mundo. Eph. 11. 12. III. Argutatio super verbis præsentis temporis inanis est. Quia verba istius temporis ex æquo ad omnia tempora referri possunt. Et quæcunque phrasid adhibita fuisset, sive designativa temporis futuri, sive præteriti, semper locus potuisset esse firmitatis cavillæ. Tum etiam causa dici nequit, cur futurum minus excludi debeat quam præteritum, si verbum istud præsentis

Quod  
tam sub V.  
quam N.  
T. verum  
est.

tis temporis ita vexandum sit. Quid est sophisticari adversus supremum numen, & ingenio suo pueriliter abuti, si hoc non est?

Nulla est  
communio  
cum Chri-  
stoni per-  
fidem.

XXI. Denique, quod *tertio*, nos loco probaturos polliciti sumus, nullum aliud fuisse medium communionis cum Christo quam FIDEM, ex notissimo Habakuki loco, toties Apostolo citato, patet. *Iustus autem FIDE SUA*, vel EJUS, nimirum promissi Messiae, *vivet*, Cap. 11. 4. Ex quo identidem Paulus justificationem nostram, qui sub Novo Testamento vivimus, per fidem probat. Tum etiam de Abrahamo Moses narrat, *credidit Abraham Deo, & imputatum fuit ipsi ad justitiam* Gen. xv. 6. Quod eundem in finem ab Apostolo allegatur. Rom. iv. 3. Ita David quoque *beatum* prædicat eum *qui confidit in Filium*. Ps. 11. 12. Et Jesaias suadet, ut peccator *apprehendat Arcem vel Robur Domini*, atque *ita pacem cum eo faciat*. Jes. xxvii. 5. Quid autem est arcem Domini apprehendere, nisi in Dominum credere? Et Paulus denique proluxa exemplorum serie, quæ a priscis desumpsit Patribus, universalem hanc veritatem probatum it, *sine fide impossibile esse ut quis Deo placeat*. Heb. xi. 6.

Præter fi-  
dem gene-  
ralem in  
Deum re-  
quiritur fi-  
des in  
Christum.

XLII. Excipiunt adversarii, allegatis locis agi duntaxat de fide generali in Deum, non de fide speciali in Christum. Neque inficias nos imus, uti Christus tunc obscurius propositus fuit, ita etiam fideles minus distinctam illius habuisse notitiam; habuisse tamen aliquam, & tantam, quanta pro temporis istius ratione sufficiebat, id vero asseveranter statuimus: præeunte Domino, qui dicit, *Abrahamum diem suum vidisse, & gavisum esse*: Job. vii. 56. præeunte Paulo, qui de Mose testatur, quod *opprobrium Christi plaris æstimavit, quam thesauros Ægypti*. Heb. xi. 26. & de cæteris patribus, quod *promissa eminus conspicati & amplexi sunt*. com. 13. præeunte tandem Petro, qui Prophetas *scrutatos esse docet, in quem aut qualem temporis articulum, præsumptus ille, qui in ipsis erat, Spiritus Christi, declararet eventuras Christo perpassiones, & gloriam illas consequenturam*. I Pet. i. 11. Quæ quum de Heroibus istius temporis dicantur, quid de cæteris fidelibus, servata interim proportionem, statuendum sit, collectu non est difficile. Neque enim functi fuissent Patriarchæ ac Prophetæ proborum hominum officio, si tanti pretii talentum, ipsis concreditum, cæteris fidelibus invidi occuluisent.

Quæ  
Gal. 111.  
23. priscis  
non dero-  
gatur.

XLIII. Neque obstat huic veritati, quod Apostolus scribit Gal. 111. 23. *Antequam venisset fides sub Legis præsidio custodiebamur*. Nihil enim minus ibi intendit Apostolus, quam fidem in Christum ante Christi in carnem adventum non viginisse, quippe qui eodem capite Fidem Abrahami luculenter deprædicavit, nobisque omnibus proposuit in exemplum. v. 6. 7. 9. Sed per fidem hic intelligimus vel Fidei objectum, doctrinam Evangelii consummationis, ut Cap. 1. 23. & ipsam D. Je-  
sum

lum creditum mundo 1 *Tim.* III. 16. vel *fidem redemptionis* jam actu *præstata*, prout contradistinguitur *spei* priscorum, qui porrecto quasi collo adventum Domini præstolabantur, *expectantes consolationem Israelis.* *Luc.* II. 25. Atque ita nunc ostendimus, Veteres easdem nobiscum vitæ æternæ promissiones habuisse, obtinendas per eundem Christum, eandemque in ipsum fidem, & consequenter nobiscum quoque habuisse idem foedus gratiæ.

## CAP. III.

*De diversis Fœderis Gratia Oeconomis.*

I. Placuit tamen Deo idem Gratiaæ foedus diversis temporum periodis diversimode dispensare. Quarum Dispensationum delineationem aliquam hoc capite exhibebimus; ea methodo, ut primo simpliciter exponamus, quid in hoc negotio accuratissimum & toti Scripturarum tenori convenientissimum nobis videatur, deinde aliorum Doctorum Virorum considerationes libere, sed placide, expendamus.

Idem  
Foedus  
gratiæ di-  
versimode  
dispensa-  
tum est.

II. Diversitas harum Oeconomiarum duobus summis capitibus comprehenditur, quæ VETERIS & NOVI TESTAMENTI nominibus ab Apostolo designantur. Ubî notandum, per *Vetus Testamentum* nullo nos modo intelligere *pactum legale*, de adipiscenda salute per opera nostra; quod a foedere gratiæ distinctissimum est. Sed Vetus Testamentum nobis, & Paulo, notat Testamentum Gratiaæ sub illa dispensatione, quæ ante Christi in carnem adventum obtinuit, quæque sub typorum quorundam, imperfectionem aliquam illius status connotantium, & consequenter suo tempore abolendorum, involucris, Patribus quondam proponebatur, Vel, uti *Calvinus* noster id optime expressit. *Instit.* Lib. II. Cap. XI. Sect. IV. *Vetus Testamentum fuit, quod umbratili & inefficaciteremoniarum observatione involutum tradebatur: ideoque temporarium fuit, quia in suspenso erat, donec firma & substantiali confirmatione subniteretur. Novum Testamentum, est Testamentum Gratiaæ sub illa Dispensatione quæ successit priori, postquam Christi sanguine consecratum stabilitumque fuit. Unde calicem, quem in coena discipulis porrigit Christus, Novi Testamenti calicem vocat in suo sanguine, Mat. XXVI. 28. Ut significet tum demum Novo Testamento constare suam perfectionem, quum sanguine Testatoris in morte effuso consignatum est.*

Hinc Ve-  
tus & No-  
vum Te-  
stamen-  
tum.

III. Probe est observandum, diversitatem horum testamentorum non in substantia promissæ collocandam esse hæreditatis; quasi Veteri Testamento addicatur hæreditas terræ Canaan, Novo Testamento hæreditas coeli: Nihil cogitari potest, quod minus accuratum sit. Additio hæreditatis cœlestis est ex Testamento gratiæ absolute considerato, quod sub quacunque Oeconomia unum invariatumque manet. Sed eadem

Quorum  
diversitas  
non est in  
substantia  
promissæ  
hæredita-  
tis.  
sed in

promissus  
di modo.

dem hæreditas diversimode proponitur, in Veteri Testamento sub umbris, & in quadam ejus periodo sub pignore terræ Canaan, & ut paranda aliquando morte testatoris: in Novo Testamento dilucide, sine pignore, cui aliquo modo serviendum sit, & ut jam parta Testatoris morte. Promissio communis salutis, quæ in Christo est, siue Patribus olim facta sit, siue nobis fiat hodie, non pertinet ad Vetus vel Novum Testamentum qua talia; sed ad Testamentum gratiæ absolute. Diversitas testamentorum est in diversa dispensatione & propositione ejusdem salutaris gratiæ, & diversis quibusdam adjunctis, ac circumstantiis. Quidquid in illa dispensatione typicum fuit, & connotans imperfectionem, ac confessionem nondum soluti *λύτρω*, id ad Vetus Testamentum pertinet. Quidquid redemptionem actu præstitam significat, id Novo Testamento proprium est. Sine hujus rei proba animadversione fieri non potest, ut utriusque Testamenti naturam accurate cognitam habeamus.

Quod  
paullo  
pressius  
exponitur.

IV. At meditationi huic aliquantulum immoremur, si forte ea dicere contingat, quibus veritas in liquida collocetur luce. Tria distinguenda veniunt. Testamentum Gratiæ, Testamentum Vetus, Testamentum Novum. Singulis sua attribenda est hæreditas. Hæreditas Testamenti gratiæ, est æterna salus, cum omnibus eo pertinentibus, per Jesum Christum; quæ cunctis omnium temporum fidelibus ex æquo communis est. Testamentum Vetus & Novum, quum unius Testamenti gratiæ diversæ Oeconomiz sint, illudque suo ambitu comprehendant; eandem etiam hæreditatem cœlestem supponunt, atque involvunt. At quatenus diversa sunt, hæreditas quoque quæ singulis competit diversificatur. Diversitas autem ista in duabus potissimum rebus consistit: primum in diverso proponendi modo, quem clare me nunc explicuisse confido: deinde in *περιστατικῶς* & circumstantialibus principalis hæreditatis adjunctis. Ea in Testamento Veteri sunt, hæreditas terræ Canaan ut pignus cœli, cum servitute elementorum mundi, & exclusione gentium, & minori spiritualis gratiæ mensura. In Testamento Novo, Hæreditas Gentium cum libertate, & abundantiori mensura gratiæ.

Vetus  
Testamen-  
tum inci-  
pit mox a  
lapsu.

V. Veteris Testamenti Oeconomiam incipimus mox a lapsu, & prima gratiæ promissione, ac finimus in Christo. Ita ut faciamus, & a natura ipsa rei, & a Scriptura, edocti sumus. Ex natura rei sic argumentamur: Quum mox a lapsu habuerint fideles Testamentum Gratiæ, talibus signis propositum confirmatumque, quæ confessionem nondum expiati reatus in se continebant, quæque idcirco aliquando per introductionem Novi Testamenti antiquanda erant; causa dici non potest, cur promissio ita proposita confirmataque Vetus Testamentum esse negetur. Non referimus ad Testamentum Vetus, promissionem de Semine mulie-

*serpentis* conterente caput serpentis, & de firmata inter utriusque semen inimicitia. Hæc enim ad Testamentum Gratiae absolute pertinent. Sed quæ adjunctæ fuerunt victimæ, quarum sanguine Testamentum illud fuit confirmatum, eæ enimvero ad Vetus Testamentum pertinuerunt. Plus quam probabile ex historia Mosaica nobis cum eruditissimis quibusdam viris videtur, mox post promulgatum foedus gratiæ, Adamum, jussu Dei, pecudes mactasse ad sacrificium, quarum pelles, Deo indulgente, ipsi cum conjugē in vestimentum cesserint. Quod mystico non caruit significatu: uti suo loco exponetur. Certe expresse sacrificiorum historia extat *Gen. iv. 2.* & sequentibus: quæ historia, Chronologorum opinione, accidit circa annum Adami cxxix. Quum ergo sacrificia hæc pertineant ad Testamentum Gratiae, & typice obsignent fundendum aliquando Messiae sanguinem, & simul de nondum expiato reatu commonesciant, non possunt alio quam ad Testamentum Vetus referri. Quidquid enim Testamento Gratiae ita adjungitur, neque referri potest ad Testamentum Novum, illud ipsa vocabulorum vis exigit, ut Veteris Testamenti esse dicatur. Adversus argumentum hoc ita insurgit Vir quidam Doctissimus. *Adam, Diluvium, iris, typi fuere, & ante redemptionem actu præstitum, nec tamen signate ad V. T. pertinent. Hoc enim abrogatum est cum omnibus umbris ad id spectantibus: illa tamen res non desinunt nobis esse typi rerum majorum & spiritualium.* At non videtur difficilis esse responsio. Liberatio Israëlitarum ex Ægypto, transitus per mare rubrum, mirabilis eorundem in deserto per mannam & aquam ex rupe sustentatio, casus Jerichuntis, ejectio gentium ex Canaane, Israëlitarum abductio in Babylonem,eductio ex Babylone, multaque id genus alia ( infinitum enim esset singula enumerare ) nonne ad Veteris Testamenti Oeconomiam pertinent? At eadem omnia, certe ex Doctissimorum Virorum hypothesibus, non desinunt Ecclesiæ Christianæ rerum maximarum typi esse. Ipsa civitas Hierosolymitana, ipsum templum cum omni cerimoniarum choragio, licet in rerum natura amplius non essent, æque ac Adamus ac Diluvium, a nobis tamen Christianis quoque uti typi civitatis coelestis, & templi sine manibus facti, considerari debent. Tota denique Lex Mosaica, quamvis quoad observationis obligationem abrogata sit, non desinit quoad doctrinam nobis exhibere typum rerum spiritualium.

VI. Acceditalia ratio ex Paulo desumpta, qui ad Vetus Testamentum omnia illa Dei instituta reducit, *qua antiquantur ac senescunt, tandemque evanescent.* *Heb. viii. 13.* Certum autem est, non ea duntaxat per introductionem Novi Testamenti antiquari, quæ a Mose primum sunt iussa, sed & quæ longe ante Moysen viguerunt, uti Sacrificia & Circumcisio. Quæ non ob eam proprie causam antiquantur, quod, uti Vir Do-

Ho perti-  
nent om-  
nia Dei in-  
stituta,  
quæ anti-  
quantur.



ctus vult, a Mose cum cæteris suis constitutionibus in unum sint redacta umbratile corpus, sed quod ejusdem cum Mosaicis indolis ac naturæ sint; umbræ nimirum cessuræ corpori Christo. Id vero non ex Mosaica repetitione, sed a prima sua institutione habent.

Paulus  
Heb. ix.  
15. omne  
antegres-  
sum  
tempus  
priori te-  
stamento  
deputat.

VII. Neque citra Scripturam loquimur, quando omne illud tempus, quod lapsum infecutum est, usque ad Christi adventum, Veteri, sive priori Testamento, deputamus. Ita enim præit Apostolus Heb. ix. 15. *Ob id Novi Testamenti Mediator est, ut morte ad redemptionem earum transgressionum intercedente, quæ fuerat sub PRIORE TESTAMENTO, qui vocati erant promissam æternam hereditatem acciperent.* Constat autem, morte Christi expiatis esse transgressionibus, non eorum modo fidelium, qui sub Oeconomia vixerunt Mosaica, sed & antiquissimorum Patrum, jam inde a factis mundi fundamentis, quo nos Apostoli retiocinatio manuducit, versu 26. Ergo ad eorum quoque ævum PRIUS TESTAMENTUM pertinet. Neque ulla dari potest ratio, cur specialem mentionem determinatæ alicujus periodi faceret Apostolus, quum efficacia mortis Christi ad omnes retro fideles æque extendatur. Quod & ab ipso pulcre observatum Coccejo est. *Com. in h. l. Ea igitur ipsa peccata quæ fuerunt, & remissa non sunt sub priori Testamento, cum id peccatum quod omnes h. mines habent commune, ea ratione qua dicuntur omnes peccavisse, quum Adamus peccavit Rom. v. 12 & alia omnia peccata, quæ tenebant filios, tum peccata illorum qui Christum expectarunt, ut Testamentum dans remissionem & hereditatem ratum fieret, morte Mediatoris debuerunt ἀπολυτῶσθαι, tanquam lytro expiari.*

Obnitente quidem  
Viro Docto.

VIII. Lubet iterum Doctissimi Viri exceptionem audire atque expendere. Sic ille: *A quo tempore quoniam imputatum fuit peccatum, quippe a quo lex fuit, facta per legem Mosis atque instituta Mosaica, peccati commemoratione atque exprobratione, exatloque chirographo; Heb. x. 3. Gal. ii. 14. hinc omnia precedentia peccata, quæ universo tempore ἀνοχῆς patrata fuerunt, PUISSE peculiari ratione sub Veteri Testamento dicuntur. Non quod V. T. fuerit ab eo tempore quo peccatum fuit, sed quod quæ & ante V. T. erant patrata, tum EXSTITISSE potissimum, peculiari nimirum ratione dicantur, quæ non imputata, commemorata, exprobrata fieri. Neque parum ad exaggerandam mortis Christi virtutem faciebat, id signate notasse, quod peccata non tantum non imputata, quando lex nondum erat, verum & imputata creberrime atque exprobrata, per mortem tamen Christi fuerint sublata penitus; ita ut nulla eorum reliqua sit ἀνάμνησις.*

At frustra.

IX. Tam subtilia hæc sunt (obscura enim & perplexa dicere vix audeo, ne succenseat Vir Doctus) ut fatear me non omnia assequi: conabor tamen. Supponit mecum, & cum Orthodoxis omnibus, virtutem redemptionis Christi se extendere ad tollenda omnia omnium electorum peccata, qui inde a mundi primordiis vixerunt. Id quum ita sit, inquit cur

PAU-

Paulus ea peccata vocet τὰς ἐπὶ τῇ πρώτῃ διαθήκῃ παραβύσεις. Cujus rei rationem non hanc esse vult, quam nos contendimus, quod Vetus Testamentum ab eo tempore fuerit, quo peccatum fuit per Christum expiandum, sed quod omnia præcedentia peccata, ab initio mundi patrata, FUISSE & EXSTITISSE peculiari ratione *sub Veteri Testamento* sive *Oeconomia Mosaica*, dicantur. Quare autem antiquissima illa peccata, sub Veteri Testamento exstiterunt? Quia tunc fuerunt imputata, & exprobrata, facta per legem Moysi peccati commemoratione. Ex quo discursu hoc mihi primum sumo, quod per transgressionem sub priore Testamento commissas intelligantur omnia præcedentia peccata quæ universo tempore ἀνοχῆς patrata fuere. Unde facillima consecutione infertur, tempora ἀνοχῆς, quo sensu ea phrasi Vir Doctus utitur, id est secula quæ adventum Messiae antecesserunt, & τῆς πρώτης διαθήκης, æqualis esse extensionis. Non, inquit. At peccata antiquissima, puta Adami, Henochi, Noachi, *exstisse* dicuntur sub fœdere vel Testamento Mosaico. Ubi, Vir Doctissime? Ubi, inquam, dicitur, peccata quæ ante V. T. patrata erant, introducta demum lege Mosaica peculiari ratione *exstisse*? Non sane in hoc Pauli dicto. Neque enim vel ipsa existendi vox ibi existit, nedum ut eo sensu existat quem tu tibi formas. Credo Virum Doctum in mente habuisse. *Rom. v. 13. Usque ad legem peccatum ERAT in mundo.* Cæterum quo id cunque explicetur modo, nunquam, quod sciam, & nusquam dicit Apostolus, peccata, verbi gratia, a primi mundi incolis patrata, singulari ratione exstitisse sub *Oeconomia Testamenti Mosaici*. Et quo demum sensu tunc exstitisse dicerentur? Quia, inquit, tunc imputata & exprobrata fuerunt. At quibus imputata? Quibus exprobrata? Non utique ipsis; qui morte in fide oblita cœlo recepti fuerunt. Et quomodo imputata vel exprobrata per introductionem Testamenti Mosaici? quum id, ipsorum more & salute tanto recentius, nihil admodum ad pie defunctos & beatos, saltem quoad rigorem suum, pertineat. Non repugno, per legem Mosaicam Israelitas convictos suorum criminum, factamque peccati commemorationem, & in Israelitis universum genus humanum peccati damnatum esse: sed antiquissimorum fidelium peccata tunc imputata, exprobrataque fuisse, & singulari ratione tunc exstitisse, id nec scriptura testatur, nec suadet ratio.

X. Sed & illud considerationem suam meretur, quod idcirco Apostolum Mosaici designate Testamenti meminisse velit, quia id ad exaggerandam mortis Christi virtutem faciebat. Quippe quæ in eo singulariter elucet, quod eorum, etiam peccatorum ἀνάμνησιν omnem sustulerit, quæ per legem imputata creberrime & exprobrata fuerunt. Quod mihi quidem ad eam rem non valde pertinere videtur. Quum enim peccatorum commemoratio & ἀνάμνησις, in repetita ejusmodi sacrificio-

rum quæ peccatum tollere non potuerunt oblatione sit, & sacrificia ejus generis mox post promulgatum Testamentum Gratia usurpari coeperint; ea etiam peccata commemorata & exprobrata sacrificiis fuerunt, quæ Oeconomia Mosaica anteriora sunt. Si vero Lege Moſis introducta exprobratio ea crebrior ac vehementior fuerit; in eadem Lege crebrior etiam fuit & vehementior promissio, significatio, obſignatio remissionis peccatorum per Meſſiam procurandæ. Eadem enim instituta quæ commemorabant peccatum, significabant etiam & obſignabant futuram peccati per Meſſiam expiationem. Si itaque ab una parte mirum videri queat, ea etiam peccata per Chriſtum ablata eſſe quæ toties commemorata & exprobrata fuerunt; ab altera parte minus admiranda videtur eorum peccatorum ablatio quæ toties ſignificata & obſignata eſt. At pia meditatio Redemptionis per Chriſtum partæ non indiget ejusmodi otioſarum diſputationum ſubtilitatibus Suffecerit cum Paulo meminſſe, tantam eſſe mortis Chriſti, qui Novi Teſtamenti mediator eſt, efficaciam, ut omni ævo electis impetraverit earum redemptionem tranſgreſſionum, quæ nullo unquam taurorum hircorumve ſanguine expiari potuerunt. Manet itaque argumenti noſtri vis, perplexi ſermonis ambagibus nequicquam impetita; ἄντι τῇ πρώτῃ διαθήκῃ, παραβάσει peccata ſunt ab antiquiſſima mundi antiquitate commiſſa: ergo ἡ πρώτη διαθήκη ſecula complectitur a prima mundi antiquitate fluentia.

V. T. plures habet periodos, quarum prima incipit ab Adamo.

XI. Cæterum in hac Veteris Teſtamenti Oeconomia plures diſtincte periodi obſervandæ ſunt. Deus enim πολυμερῶς καὶ πολυτρόπως locutus eſt Patribus Heb. 1. 1. *Prima* Periodus ab ADAMO uſque ad NOACHUM eſt, totamque primi mundi ætatem complectitur. In qua omnia ſimplicia admodum fuere. Protevangelium a Deo propoſitum, a Protoplaſtis fide acceptatum, perpetua κατηχήσει filiis inculcatum, Sacrificiis in fide oblatis obſignatum; mors Meſſiæ, Juſti, Deoque chariſſimi, ab invidis fratribus trucidandi, in perſona Abelis a Caino occiſi, præfigurata; ejusdem aſcenſio in cælos, una cum fidelibus ſuis, præmonſtrata in typo Henochi, quietiam, Juda teſte, de ipſius reditu ad judicium cum myriadibus ſanctorum ſuorum prophetavit; *Juda*. 14. & denique ſequeſtratio filiorum Dei a filiis hominum ad cultum Dei intaminatum.

ſecunda a Noach.

XII. *Secunda* Periodus a NOACHO incipit: in quo Pater ipſius Lamechus typum quendam Meſſiæ cernere ſibi viſus eſt, quando dixit, *Hic conſolabitur nos ab operibus noſtris & a dolore manuum noſtrarum*, & propter ea vocavit eum *Noach*, quod *quietem* notat Gen. 9. 29. Fuit hic vir juſtus & integer in generationibus ſuis, ac *Præco juſtitia* 2 Pet. 11. 5. per eum Chriſtus *predicavit ſpiribus, qui nunc in carcere ſunt* 1 Pet. 111. 19. Neque *Hæres* modo fuit *juſtitia fidei*, Heb. x1. 7. ſed & Novi Mundi

di Caput & Instaurator; atque ita eximius Messiae typus. Huc faciebat etiam Arca ab ipso exstructa, Sacrificium grati odoris ab ipso oblatum Numini, Foedus gratiosum Dei cum orbe habitabili post illud sacrificium initum, & iride obsignatum, & quæ plura ejus generis mysticis significatibus, suo tempore explicandis, plena sunt. Pertinet hæc secunda periodus ad Abrahamum usque.

XIII. Hanc *tertia* excipit ab ABRAHAMO ad MOSEN. Maxima sane & pretiosa admodum promissa Abrahamo facta sunt, de multiplicatione seminis sui, de danda isti semini terra Canaan, de Messia ex ipsius lumbis orituro, de hæreditate mundi, & similia, Foedus gratiæ cum ipso solemniter renovatum: novoque circumcisionis sacramento obsignatum. Ipseque omnium fidelium, tam ex posteris ipsius quoad carnem, quam ex gentibus, Pater est constitutus. *Rom. iv. 12.* Ipsi, a debellandis & persequentis hostibus fatigato, occurrit Sacerdos & Rex Melchizedek, rex justitiæ & pacis, qui & benedixit illi, & in se, ceu præstanti typo, Messiam videndum exhibuit. Hinc accensum in Abrahamo desiderium clarius adhuc videndi diem Christi, quem & vidit, & exultavit. *Job. viii. 56.* Continuavit hic Supremi Numinis favor, in Filio ac Nepote Abrahami, Isaac & Jacobo, quibus repetitis sæpe revelationibus se patefecit, confirmans iis promissa magno isti Patriarchæ facta, ipsosque ut Principes foederis sui, secuturis seculis proponens, Atque ita antiquæ foederis gratiæ promissiones multiplici accessione, & uberiori declaratione locupletatæ sunt.

Tertia ab  
Abrahamo.

XIV. Verum alia longe rerum facies, sub *quarta* periodo, MOSES ministerio introducta est. Populus ex Ægypto, extensa manu, tremendisque portentis, liberatus. Filius Dei in totius populi panegyri, ex monte Sinai, medioque tonitruum ac fulgetrorum, Augusta Legislatione Regem Israël is asseruit. Tabernaculum, & Arca Foederis cum propitiatorio, gratiosa Dei sedes, mira arte constructa. Incredibilis ceremoniarum multitudo priscæ simplicitati addita. Tot hominum myriades (mirum dictu) manna e cælo, in horridis torridisque Arabiæ desertis, per quadraginta annos, pastæ, & aqua e rupe, quam virga sua Moyses percusserat, potæ. Rejectæ, & anathemate devotæ gentes. Israël ut charum Deo peculium, plurima hostium strage, in promissam Canaanis hæreditatem introductus; & quis omnia fando enumeret, quibus periodus hæc supra cæteras nobilitata fuit, *de quibus non est nunc dicendum singulatim? Heb. ix. 5.*

Quarta  
a Mose.

XV. Quandoquidem omnia superiorum seculorum instituta, ductu Moysis repetita, plurimisque accessionibus aucta, & in certam cultus formam, ac in unum quasi systema redacta sunt; & foedus solemniter cum Israël tam ad montem Sinai, quam in Moabitide renovatum; hinc

Cuius  
tempori,  
ob insignem rerum  
mutacionem, ali-

quando  
Veteris T.  
pactio at-  
tribuitur.

aliquando in Sacris literis Mosi, ejusque ministerio, & temporibus, Veteris Testamenti pactio attribuitur. *Heb. viii. 9. ex Jerem. xxxi. 32.* Non quod vel tum omnia primum instituta fuerint, quibus Vetus Testamentum nitebatur, vel nullatenus ad anteriora referendum id sit tempora: nam & eadem Religio utriusque fuit temporis, & ante-Mosaici & post-Mosaici; & multi ritus iidem, ut victimæ, distinctio mundarum pecudum ab immundis, circumcisio, & plura alia: sed quod tum confirmatio priscorum simul & novorum rituum in certam sacrorum formam accesserit, & periodus illa solemni foederis renovatione, multisque additamentis, ita fuerit locupletata, ut antegressas omnes quasi absorbere videretur. Alias quoque legimus, id a Mose datum dici, quod longe ante Mosem fuit. *Mosei dedit vobis circumcisionem, non quod ex Mose sit, sed ex Patribus, dicit Dominus Job. vii. 23.* Dicitur quoque Deus in deserto dedisse Israël*i* statuta sua, qua qui faceret homo viveret in illis. *Ezech. xx. 11.* Unde tamen perperam quis concluderet, ex illo demum tempore statutorum illorum originem arcessendam esse: quum constet, ea fuisse homini connata, & ab ævo, docente Dei Spiritu, omnibus fidelibus notefacta. Duravit hæc periodus Mosaica, (licet sub Davide & Salomone Regibus, publico cultui per superbæ *Ædis* structuram & ministerii in ea ordinationem, Augustum accesserit decus) usque ad Dominum Jesum, illiusve præcurtorem Johannem. Ita enim *Job. i. 17.* edocemur. *Lex per Moysen data est: gratia & veritas per Jesum Christum præstita est.* & *Luc. xvi. 16.* *Lex & Propheta usque ad Johannem: ab eo tempore regnum Dei Evangelizatur.*

Novi Te-  
stamenti  
epocha  
non uno  
modo po-  
nitur.

XVI. Veteri Testamento evanescenti successit *Novum*: cujus initium & epocham non in uno temporis articulo Theologi ponunt. Alii initium faciunt Novi Testamenti *die nativitatis* Christi, nixi Apostolico illo effato *Gal. iv. 4.* quo plenitudinem temporis venisse dicit, quando Deus filium suum misit factum ex muliere: cui accedit, quod eo ipso die Angeli prædicarint Evangelium de Christo exhibito *Luc. ii. 10. 11.* Alii inchoant Novum Testamentum ab *Anno Prædicationis Christi*: allegantes *Marc. i. 1.* Ubi Evangelista conferre videtur initium Evangelii in annum illum, quo prædicare cœperunt Johannes & Christus, quod clarus docetur loco mox a nobis citato ex *Luc. xvi. 16.* Alii collocant Novi Testamenti initium *in momento mortis Christi*: pugnantes auctoritate Apostoli asserentis, Novum Testamentum ratum factum fuisse, intercedente morte testatoris Christi *Heb. ix. 17.* Nonnulli denique *in Pentecoste*, sive effusione Spiritus Sancti super Apostolos, qua quasi consignatum Testamentum Novum fuit, illiusque lex exivit ex *Zione, Jes. li. 3.*

Successio  
illius in.

XVII. Verum hæc omnia non difficulter conciliantur, si plenitudi-

ni illi temporis, in qua Veteri Testamento successit Novum, tribuamus aliquam latitudinem. Coepit quidem Deus moliri Novum Testamentum jam inde a nativitate Christi, quo ipso die Evangelium Christi exhibitum coeptum est prædicari pastoribus; sed tenuia admodum ista initiare. Quæ mox luculentius emicuerunt per prædicationem Johannis, annunciantis Regnum Cælorum prope esse, *Mat. 111. 2.* & ipsius Christi, asserentis id jam venisse, & exstare in medio populi Judaici *Luc. xvii. 21.* Non tamen regnum Cælorum mox ἀρχήν suam habuit, sed pedetentim eundo acquisivit vires, donec Christus consummato opere, quod Pater ei dederat ut faceret, omnia morte sua complevit, ac Testamentum Novum ratum fecit. Qua morte Christi Testamentum Vetus de jure abrogatum est. Attamen major Novo accessit solemnitas, quando post mortem & resurrectionem & ascensionem Domini, Spiritu abunde in Apostolos effuso, salutaris Doctrina per totum orbem habitabilem annunciata est, una testimonium præbente Deo signis & prodigiis, variisque virtutibus, & Spiritus Sancti distributionibus; ita tamen ut plena libertate N. T. Ecclesia usa non sit, nisi abdicato a Numine populo Israëlítico, ceremoniis suis mordicus hærente, combusto templo, terraque anathemate percussa. Quod plenæ libertatis tempus ipse Apostolus suo adhuc tempore τὴν ὀικουμένην τὴν μέλλουσαν vocavit *Heb. 11. 5.*

locum Veteris habet aliquam latitudinem.

XVIII. Hinc videmus, Veteris Testamenti sensim evanescantis extrema, & Novi Testamenti sensim vires acquirentis primordia, in unum tempus coaluisse. Etenim uti nascente Christo lætius affulsit seculum, & Cantica piorum de foederis Dei veritate, ipsa promissionum executione comprobata, audita sunt: ita Veteris Testamenti legibus subiectum sese Christus circumcissione sua, & insequentibus eam ritibus, professus est. Et quemadmodum regnum cælorum, quod libertatis est, prædicatum est a Domino, *Joh. 1v. 21. 23.* ita iussit interim purgatum a lepra offerre sacrificium Moysis lege imperatum. *Mat. viii. 4.* Quod Veteris Testamenti adhuc stationem suam obtinentis evidens est indicium. De jure illud plane est abrogatum, quando moriente Christo velum Templi scissum fuit, adytumque sacræ nuper Ædis, quod reconditissimæ sanctitatis erat, omnibus patuit: & sanguine morientis Christi Novum Testamentum subsignatum est. Mansit interim aliquandiu, etiam in Apostolorum mentibus, ceremoniarum præsumpta sanctitas, donec cœlesti visione melius edoctus est Petrus. *Act. x. 11. &c.* Denique cum earum jam morientium observatione luctata est Ecclesia, donec Hierosolyma a Romanis capta dirutaque, & Æde succensa, una cum iis omnes Veteris Testamenti reliquiæ, pridem morti addictæ, plane exspirarunt; locumque fecerunt Testamento Novo, pleno libertatis suæ fulgore tunc demum coruscanti.

Veteris T. extrema & Novi primordia in unum tempus coaluerunt.

Novum  
quoque T.  
suas habet  
periodos.

XIX. Et hic rursus variæ observandæ sunt periodi, Propheticiis literis, & præsertim mystica Johannis Apocalypsi, accurate delineatæ; quarum nonnullas jam experta est Ecclesia, alias in fide & patientia expectat. Periodi, inquam, non novi alicujus cultus a Deo, post prædicatum æternum Evangelium, instituti, vel instituendi: sed diversissimarum in Ecclesia vicissitudinum, & vel tristiorum vel lætiorum temporum, quibus vel pressa jacuit Veritas Pietasque, multisque persecutionibus fessa fauciaque abdidit se in desertis, vel victrix triumphavit de hostibus, & illustri collocata folio, fulgentibus lucis suæ radiis omnium oculos præstrinxit. De quibus omnibus suo quoque loco dicendum erit.

Alii tres  
Oeconomias  
statuunt,

1. Sub  
promissione  
2. Sub  
Lege.  
3. Sub  
Evangelio

XX. Hoc modo nos temporum Oeconomias commode satis, & Sacris Literis convenienter, putare existimamus. Aliter tamen Viris quibusdam Eruditissimis visum est. Quibus, loco receptæ διχοτομία, τριχοτομία magis arrisit, Considerant ergo administrationem foederis Gratiae. I. SUB PROMISSIONE, ante Legem, quam promissionem meræ gratiæ & libertatis fuisse contendunt, sine ullo jugo ac Legis accusantis onere. II. SUB LEGE, ubi volunt incipere Vetus Testamentum. III. SUB EVANGELIO, ubi incipit Novum. Non esse hæc diversitas tanti momenti, ut propterea vadimonium deferere debeamus, si in sola temporum supputatione consisteret. Verum quum immane admodum inter Oeconomias hæc discrimen statuatur, non abs re erit cogitata hæc pensiculus examinare.

Patres  
ante Mo-  
sen non  
sunt gavisi  
plena li-  
bertate.

XXI. Constat utique, Patres ante Legem Mosaicam viventes, longe minori rituum mole pressos fuisse, quam sub Mose & post Mozen Israëlitas: gravissimos tamen illos plena libertate, sine ullo jugo ac Legis accusantis onere, non constat. Ut enim de Lege Naturæ taceam, quæ cum suis appendicibus maledictionum, perpetua κατηχήσει tradita fuit, habuerunt præcepta de victimis, non quidem astringentia ipsos ad certum tempus locumve; sed jubentia tamen victimas, (quæ sane ἱελοθρησκίαι non fuerunt) & distinguentia pecudes mundas ab immundis. Nec putò id a viris doctissimis negatum iri. Saltem Celebrerrimus Coccejus reprehendit Grotium, dicentem oblationem Abelis factam non *allo Dei jussu*, sed *dictante ratione*, & contendit non potuisse Abelen in fide offerre *sine verbo Dei*: nec obtulisse *ex propria voluntate & ingenio*, sed *Spiritu Dei præmonstrante*, procul dubio Adamo interprete & exemplum monstrante. Idem prolixè illud probat *Sum. de Fæd. S. 305. In Gen. IV. S. 14. 19. 20.* Et alius ex iis, quorum sententiam nunc examinamus, in hunc modum scribit. *Sacrificia fidelium fuerunt sine dubio Divina institutionis*: quod postquam variis argumentis probavisset, ita concludit: *Denique si Deus discrimen animalium, ut quadam pura, quadam im-*

Momma  
de tripliei  
Oecono.  
Lib. 1.  
Cap. 3.  
§. 10.

*parababereantur, instituit, ante diluvium, quod factum propter sacrificia, si-  
ne dubio ipsa etiam sacrificia instituit Deus.* In singulis autem victimis fuit  
peccatorum nondum expiatorum ἀνάμνησις, &, ut Athanasius loqui-  
tur, ἐνυδισμὸς, & scriptio chirographi, quod immolantibus subcon-  
trarium erat. Non enim consistit exprobratio peccati in eo solum, quod  
victimarum oblatio ad certum tempus locumque alligata fuerit, quod  
sub Mose factum est; sed in ipsa hostiarum oblatione. Quum enim  
mactaret & combureret homo animalia ipsi a Deo in cibum data, eo  
ipso testabatur, dignum se internecione esse, imo dignum, qui ultricibus  
flāmis æternū periret; & necdū comparuisse eum, qui unica sui oblatione,  
peccata electorū omniū vere expiaret: & quū offerret animalia lasciva, &  
facile a grege aberrantia, nisi a pastore custodiantur, eo significatum esse  
reatū peccati & aberrationis nostræ, ex *Jes. LIII. 6.* viri doctissimi observarunt.

XXII. Unde mirum est, Virum Magnum, ad quæstionem an sacri-  
ficium Abelis fuerit Hilasticum vel Eucharisticum, respondisse: *ante*  
*Mosen non fuisse instituta a Deo sacrificia pro peccatis: quorum est accusare pec-*  
*catum.* Id gratis dictum esse hinc patet, I. Quia tum nulla sacrificia ante  
Mosen instituta forent, quæ typi existerent sacrificiū Hilasticū Christi uti e-  
nim convenientia sit intertypū & antitypū, necesse fuit, ea sacrificia, quæ  
hilasticū Christi sacrificiū obumbrabant, hilastica quoq; suo modo fuisse:  
id est, ita peccatum ad mundationem carnis expiantia, ut simul peccatū  
accusarent, ostenderentque, se illi vere expiando non sufficere, quum re-  
peti identidem debuerint. Neque dubitant Viri eruditi, quin sacrificia  
etiam antiquissimorum Patrum sacrificiū Christi sacramenta typique fue-  
rint: quum disertis verbis scribant; *Patres ante Mosen obtulisse talia, qua-*  
*lia & Moses, & easdem res significare apta.* II. Constat etiam Jobum,  
quem credibile est ante, certum, extra Politiam Mosaicam vixisse,  
*holocausta* pro filiis & amicis suis obtulisse, ad expiationem, quæ  
commiserant, peccatorum. *Job I. 5. & XLII. 8,* Holocausti autem  
hic finis est, *ut sit acceptum pro offerente ad expiandum ipsum. Levit. I. 4.*  
*Et istiusmodi sacrificiis testabantur fideles istius temporis, ( ipso viro Magno*  
*id observante, ) uti agnoscerent Deo deberi satisfactionem pro peccatis, ita a*  
*se præstari non posse.* Quod accusatio erat reatus & impotentiae. Quam  
idem ille Vir Magnus dissimulare non potuit, ubi de holocaustis a Jobo  
pro amicis suis jussu Dei oblati agit, & in hæc verba fatur: *Nam quan-*  
*tumvis multa victima casa essent; & homo quidem oblata pecude inter homines*  
*non amplius pro peccatore sed pro justo haberetur, tamen ACCUSABATUR*  
*CONSCIENTIA A PECCATO, ideoque & cumulanda & repetenda obla-*  
*times erant sine fine.* Confer eundem ad *Job. IX. 28.* Sed maxime ad *Job.*  
*VII. I. Job non queritur, inquit, de ea servitute, qua Deo paremus; sed*  
*de servitute illa, qua Patribus incubuit, quod est grave jugum timoris, &*

Ante Le-  
gem etiam  
fuerunt  
sacrificia  
pro pecca-  
tis.

Coccej.  
ad Gen.  
vi. 9. 11.

ibid 20.

in Job. 1.  
5.

in Job.  
XLII. 8.



terrore Legis, cum maxima molestia rituum .... Quamquam autem Job ante Legem Moſis fuiſſe videatur, & ceremoniis, quot Iſraëlitis impoſita fuerunt, non fuiſſe oneratus; at tamen non fuit melior ipſius conditio. Fuit ergo in ſacrificiis, ab ævo a Deo juiſſis, exprobratio & accuſatio peccati; atque adeo jugum, non conveniens cum illa Patrum libertate, quam ſibi Viri Docti fingunt.

Circum-  
ciſio etiam  
jugum  
fuit.

Burm.  
Synop.  
Lib. 3. C.  
6. §. 19.  
22.

XXIII. Et quid de circumciſione nobis reſpondebunt? An non illa quoque jugum fuit, quum ſine ſanguine peragi non potuerit, & ſummum cum dolore & pudore mixta fuerit. An non fuit in ea accuſatio peccati? quum recens natus infans in ſædas Dei tranſiri non potuerit, niſi libato prius ſanguine ſuo. Unde in genitali membro, ad originis labem ſignificandam, hoc Sacramentum peragebatur; & reſecta carnis particula, totum hominem morte dignum eſſe pronuntiabatur. Agnoſcant verba ſua viri eruditi. Et quid clarius eſt ex ſacris N. T. literis, quam circumciſionem, ut principem difficillimi jugi partem, ab Apokolis conſideratam eſſe? *Act.* xv. 5. *col.* cum 10. Cui tamen ipſi quicquam rigoris per Moſen acceſſiſſe non patet: quum Abrahamo pridem ſub exterminii comminatione primitus juiſſa fuerit. Unde concludimus, nimium extolli priſcorum Patrum ſtatum, ſupra ſtatum Eccleſiæ Iſraëliticæ, quando contenditur, eos in libertate vixiſſe, ſine accuſatione peccati, ſine jugo: licet lubentes demus, ſervitutem creviſſe, & jugum gravius factum eſſe ſub Politia Moſaica. Atque hæc ſunt, quæ dicere habuimus ad primam periodum.

Argu-  
menta eo-  
rum, qui  
Vetus T. a  
monte Sina  
ordiuntur.  
Coccei.  
Sum. Th.  
Cap. 53.  
§. 3.  
Animad-  
verſ. ad  
83. Quæ.  
§. 2. con-  
ſer Præf.  
in Epift. ad  
Ephes.

XXIV. Alteram Periodum Legi deputant, ſub qua *Vetus Teſtamentum* initium ſumiſſe volunt: quod definiunt, *Voluntatem & propoſitum Dei, qua conſtituit filiis quibuſdam Abrahami, ut populo ſuo, dandi hæreditatem terra Canaan, velut terra ſua.* Adduntque, Teſtamentum hoc *initium ſumiſſe ab Exodo ex Ægypto, & monte Sina.* Quod breviter coacervatis argumentis Vir Doctiſſimus ita probare annititur. Scriptura *Jer. xxxi. 32.* dicit, Deum Vetus Teſtamentum erexiſſe cum Patribus, quum eos educeret ex Ægypto: hoc eſt, eos vocaſſe ad hæreditatem terræ, tanquam pignoris &c. Item Paulus *Gal. iv. 24.* dicit, duo Teſtamenta notari per *Agarem & Saram*, & prius quidem eſſe a monte Sina. Idem Paulus dicit *Heb. ix. 18.* prius Teſtamentum non ſine ſanguine initiatum eſſe. Reſpicit ad locum *Exod. xxiv. 8.* Dicit *ἐν καίρις αὐτοῦ*. Ergo tunc ea *ἡ θύκη* fuit *καίρις*, recens. Ergo tum introductum fuit id Teſtamentum. Imo *Dent. v. 2. 3.* dicit: *Jehova Deus noſter ſecuit nobiſcum ſædas in Choreb. non cum Patribus noſtris ſecuit ſædas hoc ...* Quomodo intelligi poteſt, id quod habuerunt Patres, negari Patribus intimatum fuiſſe?

Vetus T.  
non conſi-

XXV. Conſiderationes noſtræ ſuper hoc negotio, quas expendendas eruditis damus, hæc ſunt. I. Arcte nimis Vetus Teſtamentum circumſcri-

scribere videntur, qui id sola destinatione terræ Canaan in pignus cœli definiunt: quemadmodum §. 2. ostendimus. Sane ex V. T. hæreditas terræ Canaan data fuit Israël. Verum non absolvit hoc integram V. T. naturam, quam in propositione typica cœlestis hæreditatis constituisse, & omne illud involvisse, quod servitutem typicam importat, & abolendum introductione Testamenti Novi est, Paulus claresatis docet *Gal. 17. & Heb. 1x.* sine ulla mentione terræ Canaan.

fit in sola destinatione terræ Canaan.

XXVI. II. Quando Viri Docti dicunt, Vetus Testamentum, initium sumere ab exodo ex Ægypto & monte Sina, illudque definiunt voluntatem vel propositum dandi terram Canaan, non intelligunt per illam voluntatem, illudve propositum, consilium vel decretum Dei, quippe quod ab æterno est; neque executionem illius decreti, quæ non est facta ad montem Sina, sed xl. annis post, quum Josua duce introducti sunt in terram: sed intelligunt declarationem consilii Dei per promissionem irrevocabilem. Illa autem non demum facta est ad montem Sina, sed longe ante, 430. annis ante datam Legem, Abrahamo Patriarchæ. *Gen. xii. 4. Semini tuo daturus sum regionem hanc.* Fuitque solemnibus signis confirmata, & cruore victimarum obsignata *Gen. xv. 7.*—Unde conficimus, si Vetus Testamentum sit declaratio voluntatis Dei de danda terra Canaan, non esse illud inchoandum a Mose, sed ab Abrahamo.

Promissio terræ Canaan non est facta ad montem Sina, sed 430. annis ante.

XXVII. III. Hinc patet, quid responderi debeat ad *Jer. xxxi. 32. & Gal. iv. 24.* nempe non agi illic de prima Veteris Testamenti institutione, sed de solemnī illius repetitione, & confirmatione, & accessione multorum novorum rituum: quod §. xviii. jecimus. Etenim ipse Deus non semel, circa illud tempus, testatus est, se omnia illa facere virtute foederis sui cum Abrahamo initi. *Exod. 11. 20. Recordatus est Deus foederis sui cum Abrahamo &c. & Cap. vi. 7. Denique introducam vos in eam terram, quam sublata manu mea juravi me daturum Abrahamo, Isaac & Jacobo, & dabo eam vobis in hæreditatem.* Manet ergo Testamentum de danda terra Canaan, non tum primo promulgatum, sed solemniter repetitum fuisse, quando Deus illius executionem jam moliebatur. Atque id intendunt Jeremias ac Paulus allegatis locis.

*Jer. xxxi. 32. & Gal. iv. 24.* non agitur de prima V. T. institutione, sed de solemnī illius confirmatione

XXXVIII. IV. Quod Apostolus ad *Heb. ix. 18.* dicit: *Prius Testamentum sine sanguine initiatum non esse*, admodum generale est, & extendi potest ad prima sacrificia jussu Dei mandata. Doctissimus Cloppenburgius in *Schola Sacrificiorum Problem. 1. §. 111.* ex eodem Pauli loco contendit, inter primam promissionem de venturo semine mulieris & primum sacrificium nullum temporis intervallum fuisse. *Munit, inquit, hanc sententiam nostram Apostolus docens, Vetus Fœdus absque sanguine deductum non fuisse, & absque sanguinis effusione non fieri remissionem.* Hinc

Initiatio prioris T. referri potest ad prima sacrificia.

enim consequens est, vel cum promissione illa de venturo semine mulieris nullam factam esse Fœderis Dei cum homine spiritualis instaurationem, qua peccatorum remissionem speraret & crederet, vel non esse factam *χωρὶς ἀματεκχυρίας*. Allegat quidem exempli causa Apostolus, quod factum narratur *Exod. xxiv.* Sed inde non sequitur, non posse istius veritatis antea exemplum dari: aut illum aberraturum a ratione, si quis demonstrationi Apostolicæ adderet id, quod de mactatis Abrahamo pecudibus invenitur *Gen. xv.*

Ex voce  
ἐγκαινίας  
non potest  
concludi  
diatύπην  
tum fuisse  
plane  
namp.

XXIX. Neque ita urgeri debet vox *ἐγκαινίας*, quasi inde necessario conficeretur, *διαθήκην* illam, ita dedicatam, tum fuisse plane *καὴν* & recentem. Id enim quoque dici potest *ἐγκαινίζεσθαι*, quod denovo solemniter dedicatur, licet ipsa illa res longe antea exstiterit. Ita de Templo ab Antiocho profanato scribit Auctor Maccabaicorum *Lib. I, Cap. vi.* *καὶ ἐνκαίνισθαι τὸ ἁγίασμα ὡς τὸ πρῶτον.* Et dedicatum est *Sanctuarium uti prins.* Non tamen Antiochus destruxerat Sanctuarium, adeo ut novum plane ædificandum fuerit, sed illud profanaverat solum, quod Judas Maccabæus purificavit. *Cap. iv. 43.* atque ita Deo dedicavit. Hinc τὰ ἐγκαινία *Job. x. 22.* Ad quem locum Grotius: *ἐγκαινίζειν, unde est nomen ἐγκαινία, Hebrais est קָדַשׁ, quod de quavis dedicatione, sive prima, sive instauratione, usurpatur.* Et sane quando dicebat Apostolus, *Heb. x. 20.* quod Christus *ἐνκαίνισε* dedicaverit viam ad cœlum, nihil minus indicatum voluit, quam viam ad cœlum eo usque non fuisse.

Denique  
dari potest  
T. V. tum  
fuisse re-  
cens, non  
absolute,  
sed secun-  
dam quid.

XXX. Sed demus, vetus Testamentum tum fuisse recens; demus, id probari posse voce *ἐγκαινίας*: demus Apostolum de sanguinis effusione loquentem, quo initiatum est Testamentum, non respicere tempus antierius eo, quod describitur *Exod. xxi v.* Nihil tamen conclusum erit pro hypothesi. Nam sane recens erat V. T. eo tempore, non absolute, & in tota sua substantia; sed quoad illas circumstantias, sub quibus proponebatur Israël, promittens terram Canaan jamjam hereditatis jure possidendam, una cum impositione tot novorum rituum. Cavendum est, ne committamus sophisma, quod vocant a dicto secundum quid ad dictum simpliciter. Quæ quum non imperite neque improbabiler ab eruditissimis hominibus observata sint; nollem durum hoc dictum Viro Docto excidisse, eos qui ita instituunt, INVITO SPIRITU SANCTO LOCUM HUNC TORQUERE. Ejusne generis hæc est disputatio ut, sine talibus verborum tonitruis ac fulgetris absolvi nequeat?

Fœderis  
Patribus  
non est ea  
forma ob-  
latum qua  
Israhel.

XXXI. Ad *Dent. v. 2. 3.* multa ab Interpretibus annotata sunt. Nobis nihil simplicius ac solidius videtur eo, quod Doctissimi Belgæ Interpretes observarunt, in hunc sensum: non esse hoc fœdus initum cum Patribus eo modo, cum omnibus suis circumstantiis ac legibus particulari-  
ribus,

ribus, & informa ( ut solemus loqui ) quemadmodum revelatum est Israël in Sina vel Horebo. Nam quod substantiam legis Moralis & Ceremonialis attinet, eam quoque Fideles Patres habuerunt, & juxta eam, per Deigratiam, cultum suum religiosum instituerunt. Quæ expositio duabus potissimum rationibus confirmatur. I. Quod novum non sit in Sacris Literis, rem aliquam antea tacitam dici, & tunc revelatam, quando clarius & nova quadam accessione manifestatur. Ita de mysterio Evangelii scribit Apostolus *Rom. xvi. 25. 26. quod a temporibus secularibus tacitum fuerit, nunc vero manifestum factum sit.* Quum tamen idem Apostolus doceat ante Evangelizatum esse Abrahamo *Gal. iii. 8.* & ceteris priscis Patribus. *Eccl. iv. 2.* Tacitum ergo fuit non simpliciter, sed *κατά τι*, Non prædicatum eo modo, quo nunc. Ipso id Apostolo ita explicante *Eph. iiii. 5. Quod aliis aetatibus non innotuit filiis hominum, nunc uti nunc revelatum fuit sanctis ejus Apostolis.* Ad eundem modum sumi potest, quod Deus hic dicit: non pepigisse se foedus hoc cum Patribus ipsorum, eo scilicet modo, & ea forma, alloquendo ipsos e medio tonitruum & fulgetrorum, dando ipsis legem foederis propria sua manu exaratam, cum additamento tot rituum. II. Nec possunt tantum verba Dei in hunc sensum explicari, sed & eundem exigere videntur. Quum enim Decalogus, quæ principem Præceptorum Foederalium partem facit, quoad substantiam suam priscis quoque Patribus, ut Dei foederatis, in normam gratitudinis ac novæ vitæ datus sit; & summa illius iis verbis comprehensa fuerit, quibus Deus cum Abrahamo quondam paciscens eum affatus est *Gen. xvi. 1. Ego sum Deus fortis omnipotens: Indefinenter ambula coram me, & esto integer:* non potest absolute negari foedus illud, cujus prima ac præcipua Lex Decalogus est, cum Veteribus quoque pactum esse. Neque, ut sæpius nunc monitum, ceremoniæ omnes exordium suum Sinæ vel Horebo debent. Ex quibus omnibus conficio, non posse ex allegatis locis demonstrari, Vetus Testamentum ab exodo ex Ægypto vel monte Sina primum initium sumisse, & probabilius, ac Scripturarum analogiæ convenientius esse, receptæ opinioni insistere. Quantum autem inter Veteris ac Novi Testamenti Oeconomiam interfit, & quibus prærogativis hæc præ illa gaudeat, suo tempore & loco non perfunctorie explicabimus.

## C A P. IV.

## De Electione.

**L** Nunc de iis primum bonis agamus, quæ ad Foedus Gratiæ in se absolute consideratum pertinent, ideoque omnibus foederatis sub quacunque Oeconomia communia sunt. Quæ hoc ordine enumeramus. I. Electio. II. Vocatio efficax ad communionem Christi. III. Regeneratio. IV. Fides. V. Justificatio. VI. Pax Spiritualis. VII.

Bona  
Foederis  
Gratiæ.

Adoptio. VIII. Spiritus Adoptionis. IX. Sanctificatio. X. Conservatio. XI. Glorificatio. Omnium harum rerum devota meditatio non potest, non Deo gloriosa, nobis jucunda, utilis, salutaris esse.

Electio  
est tam  
Christi,  
quam ser-  
vando-  
rum.

II. Initium & prima omnis Gratiae scaturigo ELECTIO est, tam CHRISTI SERVATORIS, quam SERVANDORUM per Christum. Nam Christus quoque a Deo electus, & æterno ac immutabili decreto nobis in servatorem datus est. *Propterea dicitur præcognitus ante jacta mundi fundamenta. 1. Pet. 1. 20.* Eodemque decreto Christo dati sunt quos salvos faceret. *Job. XVII. 6.* Qui idcirco dicuntur, *electi in Christo. Eph. 1. 4.* Id est, non tantummodo, per Christum ut Deum, & consequenter eligentem; sed & in Christo ut Mediatore, & propterea electo, qui uno eodemque actu sic ipsis datus est in Caput & Dominum, ut illi simul ei datifint in membra & peculium, servandi ejus merito & efficacia, & in communione cum ipso. Propterea liber electionis vocatur *Liber Vita Agni. Apoc. XIII. 8.* Non solum quia Vita illa virtute agni maciati obtinenda est; sed & quia Agnus in hoc Libro primam facit paginam, caput cæterorum electorum est, & *primogenitus inter multos fratres ac cohæredes. Rom. VIII. 29. 17.* Sed de hac electione Christi Mediatoris antea quoque egimus *Lib. 11. Cap. III. §. VIII.* Nunc nobis de Electione servandorum dicendum est.

Electio  
definitio.

III. Eam ita describimus. *Electio est æternum, liberum, & immutabile Dei consilium de relevanda gloria gratiæ suæ in certorum quorundam hominum salute æterna.* Cujus descriptionis pleraque membra reperiuntur in verbis Apostoli *Eph. 1. 4. 5. 6.* *Sicut elegit nos ante jactum mundi fundamentum, ut simus sancti & inculpati in conspectu ejus cum charitate, qui prædestinavit nos, quos adoptaret in filios, per Jesum Christum in sese; pro benevolo affectu voluntatis suæ. Ad laudem gloriosa suæ gratiæ, qua nos gratis sibi acceptos effecit in illo dilecto.*

Electio  
cur Consi-  
lium di-  
carur.

IV. Vocamus electionem, *Consilium Dei*, qua voce idem intelligimus, quod vulgo decretum appellant, Paulus in hac materia *πρόθεσις*, propositum aut præstitutum Dei vocat. Exquisitum hoc vocabulum Apostolo videtur, quo utitur frequentissime, & notat certum, firmum, fixum Dei decretum, cujus ipsum nunquam poenitere potest; quodque aliunde non dependet, sed in solo Dei beneplacito fundatum est. Quæ omnia innuuntur *2. Tim. 1. 9.* *Qui servavit nos, & vocavit vocatione sancta, non ex operibus nostris, sed ex proprio proposito & gratia.* Huc facit etiam *Eph. 1. 11.* *Sumus prædestinati secundum præstitutum ejus, qui agit omnia ex consilio voluntatis suæ.* Et alibi quoque idem Apostolus de *πρόθεσις*, præstituto electionis loquitur. *Rom. VIII. 28.* *Ex præstituto ipsius vocati sumus.* & *IX. 11.* *ἡ κατ' ἐκλογὴν πρόθεσις Θεοῦ, præstitutum Dei quod secundum electionem est.* Atque ita electionem hanc internam & consilii distinguimus ab electione externa & facti, quæ significat actualem sequestrationem

nem

nem fidelium ab infidelibus per vocationem efficacem. Quo sensu D. Jesus dicebat Apostolis suis. *Joh. xv. 19. quia ego elegi vos ex mundo, propterea odit vos mundus.* Non poterat autem decretum Dei æternum & internum odii hujus causa esse, nisi quatenus se pandebat eventu & actuali separatione Apostolorum a mundo. Eo etiam videtur referri debere, quod Apostolus scribit. *1. Cor. i. 26, 27. Cernitis Vocationem vestram, Fratres, vos non esse multos sapientes &c. Verum quia stulti sunt mundo ELEGIT, ut pudefaciat sapientes &c.* Ubi vocationem & electionem pro eadem re videtur sumere. Neque aliter electio interna & consilii differt ab electione externa & facti, nisi quod hæc sit illius demonstratio & executio.

V. Clarum porro est, non esse hic nobis sermonem de electione ad dignitatem aliquam *Politicam*, ut *1. Sam. x. 24.* vel *Ecclesiasticam*, ut *Joh. vi. 70.* Neque etiam ad externi cum Deo *fæderis communionem*: quomodo integrum populum Israëliticum elegerat Deus. *Dent. iv. 37. Dilexit majores tuos, elegitque semen eorum.* Confer. *Dent. vii. 6, 7.* Sed de ea electione, quæ est designatio, & scriptio hæredum salutis æternæ: sive, ut Paulus loquitur *2. Thess. i. 13. quia Deus elegit suos ab initio ad salutem, per sanctificationem Spiritus, & fidem habitam veritati.*

Et de qua agimus est ad gratiam & gloriam.

VI. Pertinet huc LIBER VITÆ, cujus aliquoties meminit Scriptura: neque abs re erit, ut, quid eo nomine designetur, hic inquiramus. Deum proprie dictum librum non habere, ex se ipso evidens est. Sed quemadmodum homines ea, quæ scire & in memoria retinere volunt, inscribunt libro; ita liber Dei significat seriem personarum & rerum, quæ Deo exactissime cognitæ sunt. Porro variorum Dei librorum mentio in Sacris Literis fit. I. Habet Deus *Librum communis Providentiæ*, in quo nativitas, vita, mors hominum, omniaque eo facientia, consignata sunt. *Pf. cxxxix. 16. In libro tuo hæc omnia scripta sunt.* II. Sunt & *libri judicii*, in quibus conscripta sunt singulorum hominum vel bene vel male acta, & ex quibus sunt judicandi. *Apoc. xx. 12. Judicatique sunt mortui ex his quæ scripta erant in libris, secundum opera ipsorum.* Hi libri memorantur in plurali, quasi singulis hominibus suis cuique peculiaris liber assignatus esset, ne unius vel bene vel male gesta in alterius rationes referrentur, ullave inde oriretur confusio. Quo exactissima & distinctissima Dei notitia designatur. Alias quia uno mentis suæ intuitu omnia Deus novit, hujus ipsius libri mentio fit in singulari. *Mal. iii. 16. יכתב ספר זכרון לפני* *Scriptus est liber commentarii*, sive memorialis, *coram facie ipsius.* III. Exstat etiam *Liber VITÆ*: atque is rursus triplex. I. VITÆ hujus NATURALIS; de quo Moyses loquitur *Exod. xxxii. 32.* Ubi deprecans faciem Domini, qui dixerat se consumiturum Israël in deserto, Moysen vero ipsum effecturum in gentem magnam, rogat, ut ser-

Deus varios Libros habet:

1. Communis Providentiæ.  
2. Judicii.

3. Vitæ vel Naturalis.

servet populum & in hæreditatem terræ Canaan introducat; se ipsum interim pro populo succedaneum offerens. *Attamen nunc an condonaturus es peccatum eorum? si non, dele me nunc de libro tuo, quem scripsisti.*

Quasi dicat, non accipio oblatam conditionem de me servando in vivis, & amplificando valde post internecionem Israël. Malo ut ipse intempestiva occumbam morte, modo ne deleatur Israël in deserto.

Vel Ecclesiastica,

II. VITÆ FOEDERALIS & ECCLESIASTICÆ; consistentis in communione cum populo Dei. Qui est catalogus non modo interne sed & externe foederatorum. De quo *Ezech. XII. 9. In consilio populi mei non erunt, & in descriptione domus Israël non conscribentur.* & *Ps. LXXXVII. 6. Jehovah annumerabit describendo populos, Hic gentes est ibidem.*

Vel æternæ.

III. VITÆ ÆTERNÆ. De quo *Jes. IV. 3. Dan. XII. 1. Phil. IV. 3. Luc. X. 20. Ap. III. 5. XIII. 8. XX. 12. XXI. 27.* Qui liber significat catalogum destinatorum ad vitam æternam.

Inscriptio in Libro vitæ etiam varia est.

VII. Porro ut liber Dei non semper unam eandemque rem notat, ita inscriptio in aliquo libro Dei non semper eadem est. Est aliqua *putativa*, consistens in fallaci judicio de nobismet ipsis vel aliis, nimis facile vel nostram vel aliorum electionem præsumptious, qualis eorum qui clamabant: *Jer. VII. 4. Templum Jehovah, templum Jehovah, templum Jehovah isti sunt.* Et Sardorum, qui dicebantur vivere, quum revera mortui essent. *Apoc. III. 1. Est alia vera* quidem sed *humana*, inscriptio in libro vitæ Foederalis, facta vel *ab ipso homine*, per fidei professionem quasi *manu sua scribente, Ego sum Jehovah* *Jes. XLV. 5. vel ab Ecclesia ductoribus*, talem professorum catalogo inscribentibus, & pro Ecclesiæ, saltem externæ, membro agnoscentibus. Est denique inscriptio ipsius Dei, æterno & immutabili decreto ejus facta: de qua Apostolus dicit *2. Tim. II. 19. Novit Dominus eos qui sunt sui.* Quarum rerum observatio multis Scripturæ locis lucem foeneratur, & mox quoque nobis usui erit.

Electio est specialis designatio hæredum salutis.

VIII. Electio hæc ad gloriam, non est *generale* aliquod Dei *decretum* de servandis fidelibus ac piis, & in fide ac pietate sua perseverantibus ad vitæ finem: sed *specialis designatio* certorum hominum in individuo, quos Deus hæredes salutis scripsit. Non convenit cum perfectione Dei Generalia & indeterminata decreta ei adscribere, quæ determinationem ac certitudinem aliquam ab hominibus acciperent. Legimus quidem de *ὁρισμένη βελή*, *definito consilio Dei* *Act. II. 23.* nunquam de decreto generali & indeterminato. Tum etiam nunquam Scriptura electionem describit, ut *determinationem* certæ alicujus *conditionis*, perquam, & sine qua non, obtinetur salus. Nullibi dicitur fidem, a Deo electam, aut libro vitæ inscriptam esse, aut aliquid simile; sed quidem homines a Deo esse electos. Sumamus *Rom. VII. 29. 30. Quos præcognovit, eos quoque prædestinavit — Quos prædestinavit, illos & vocavit &c.* Non dicitur in textu,

in, *Quales, Tales*, ut id ad designationem conditionis alicujus referri queat: sed *quos, illos*, quod pro actuum ibi recensitorum objecto certas personas statuit.

IX. Ipsum vocabulum *προορίζειν*, quo sæpius in hac materia Apostolus utitur, non obscure hanc veritatem pandit. Nam uti *ὀρίζειν* significat certum indigitare (*Act. xvii. 31. ἐν αὐτῷ πρὸς ὁρίσειν, in Viro quem nominatim designavit, & indigitavit. & Act. x. 42. ὁ ὠρισμένος ὑπὸ τοῦ Θεοῦ κριτῆς, designatus a Deo Judex. & Rom. i. 4. ὁρισθέντος ὑἱοῦ Θεοῦ, qui definitus est filius Dei, qui a Deo nominatim & singulariter per publicam compellationem id esse declaratus est*) ita τὸ προορίζειν, de hæredibus vitæ æternæ usurpatum, significare debet, certas quasdam personas veluti hæredes æterno Testamento inscribere.

X. Hoc est quod Christus discipulis suis dicebat, *Luc. x. 20. Gaudete, quod nomina vestra scripta sint in cælis*, Ubi eos nominatim compellat, & electionis suæ certiores facit, jubetque eo nomine gaudere. quod sane longe majus est, quam si generatim dixisset, *Gaudete*, quia Deus æterno decreto sancivit, se omnes fideles beatorum cælo, licet devobis nominatim nihil cogitaverit. Quomodo ex sententia adversariorum hæc verba exponenda essent.

XI. Sufficere debet ad quæstionem hanc determinandam quod Apostolus *Phil. iv. 3. de Clemente cæterisque suis cooperariis nominatim testatur; nomina ipsorum in libro vitæ esse*. Quod vix ipsa ausit impudentia ad decretum generale alicujus conditionis torquere. Nam I. Aliud est *nomen personæ*, aliud *conditio rei*. Non inscribit matriculæ militum aliquorum nomina, qui duntaxat decernit in genere, se non nisi viros fortes in militiam lecturum. II. Conditio salutis non nisi una est. De nominibus inscriptis libro vitæ Scriptura semper loquitur in plurali. Ergo aliud est inscriptio nominum, aliud determinatio alicujus Conditionis. III. Certum est, Apostolum aliosque sacros Scriptores, semper, quando dicunt quosdam homines, vel quorundam nomina inscripta esse libro vitæ, illos eo ipso secernere ab aliis non inscriptis. Atqui ex adversariorum sententia designatio hujus conditionis nullum actuale inter homines discrimen importat. Quia non obstante decreto illo de servandis credentibus & obedientibus Christo, fieri posset, juxta ipsorum hypotheses, ut nemo crederet, nemo obediret, nemo servaretur. IV. Magis hæc omnia stringunt, si ad originem metaphoricæ hujus locutionis attendatur. Similitudo desumpta est a catalogo & matricula genealogiarum, præsertim in populo Dei; cui singulorum ad quamque familiam pertinentium nomina inscripta erant: & juxta quem catalogum, tempore Jubilæi, vel alias, quando familiæ alicui hæreditas paterna restituebatur, quisque vel admittebatur, vel rejicebatur;

*ὀρίζω*  
significat  
certam  
personam  
indigitare.

Discipu-  
lorum no-  
mina in  
cælis  
scripta.

Ut &  
Clementis  
aliorum-  
que.



prout nomen ipsius inibi exstabat vel non exstabat. Ejus rei exemplum habemus *Ex. II. 61. 62.* Quum post captivitatem Babylonicam Posterichabaja, & Kotzi & Barzillai ex catalogis genealogicis natales suos probare non possent, a Sacerdotio remoti sunt. Eodem modo liber vitæ continet nomina eorum, qui ad familiam Dei pertinent; cui qui inscriptus non est, quicquid præsumat vel prætendat, abdicatur hæreditate.

Omni-  
scientia  
Dei desi-  
gnationem  
certarum  
persona-  
rum im-  
portat.

XII. Ut absolvam, rogatos adversarios velim, quando Apostolus dicit, *2 Tim. II. 19. Novit Dominus qui sui sunt:* & D. Jesus, *Job. XIII. 18. Ego scio quos elegerim*; an nihil iis verbis Deo vel Christo vindicetur, quam quod minimus in Christi Schola novit, credentes & obedientes Christo, esse Dei ac Christi peculium? An non grandius aliquid iste sermo sonat, innuitque consistere Deo omnium eorum, in quibus ut peculio suo glorificabitur, exactissimam rationem? Accipimus quod dant nobis adversarii in *Compend. Socin. Cap. VI. §. I. ADMISSA INFALLIBILI OMNIUM FUTURORUM PRÆSCIENTIA, REFELLI NON POSSE DOGMA CALVINI DE PRÆDESTINATIONE, QUORUNDAM NOMINATIM AD VITAM, ALIORUM AD MORTEM.* Illa autem præscientia Dei tot habet testes, quot fecit Prophetas. Manet ergo, Electionem Dei esse certorum quorundam hominum designationem.

Designa-  
tio ista fa-  
cta est ab  
æterno.

XIII. Designatio hæc facta est ab ÆTERNO. Uti omnia Dei consilia universim. *Nota quippe ei sunt ab ævo omnia opera sua. Act. XV. 18. Agit autem omnia ex consilio voluntatis sue. Eph. I. 11.* Omnisque futurorum præscientia in decreto Dei fundatur: consequenter ab æterno apud se constituit, quicquid exsequitur in tempore. Id si de omnibus Dei decretis credendum est, comprimis teneri debet de eximio hoc decreto, quo constituit gloriam suam revelare in æterno hominum statu. Adde, quod plenissimam hujus rei fidem facere debet, *electos nos esse in Christo Jesu ante jacta mundi fundamenta. Eph. I. 4.*

Socinia-  
na hæresis.

XIV. Atque hinc patescit gangræna Socinianæ hæresios quæ distinguens inter *prædestinationem*, quam definit decretum Dei generale de servandis omnibus iis qui Christo constanter obediunt, & inter *Electio- nem*, quæ singulorum est; illam quidem ab æterno esse dictat, hanc vero in tempore fieri, quando quis conditionem in generali prædestinationis decreto contentam præstat. Et in eo præstantiam Domini Jesu ac partem Divinitatis ejus constituit, quod ipse nominatim ab æterno præcognitus sit. Verum uti Petrus Christum *præcognitum* scribit *ante jacta mundi fundamenta*, *1. Pet. I. 20.* ita Paulum eadem phrasi, *nos ante jacta mundi fundamenta electos* esse, testantem mox audivimus. Quod ut ad generale aliquod decretum de servandis sanctis torqueamus, neque res finit, uti modo ostendimus, neque verba Apostoli, quæ non describunt *electio-*

electionem sanctitatis, ut conditionis ad vitam, sed electionem certorum quorundam hominum ad sanctitatem; quam virtute istius electionis ex parte jam consecuti, & plenissime porro consecuturi erant.

XV. Explicandum hic est, quod Servator se dicturum ultimi iudicii die pronunciat: *Mat. xxv. 34. Possidete Regnum, quod paratum est vobis ἀπὸ καταβολῆς κόσμου, a jactis mundi fundamentis.* Non dicit ante jacta mundi fundamenta, ut *Eph. 1. 4.* Si per parationem hanc intelligamus ipsum Dei decretum, dicendum est cum multis Interpretibus, phrasin hanc ἀπὸ καταβολῆς κόσμου idem valere quod πρὸ καταβολῆς κόσμου. uti ἀπ' αἰῶνος *Alf. xv. 18.* & πρὸ τ' αἰώνων *1. Cor. 11. 7.* idem sunt. Conferri possunt similes æternitatis expressiones *Prov. viii. 23. מלכת מן, a seculo, פתח מן ab initio, רחוק מן ab antiquitatibus terra.* Vel si malimus hæc distinguere, & phrasin illam a jactis mundi fundamentis ita interpretari, ut non æternitatem, sed primam temporis antiquitatem notet; (quemadmodum ita sumitur *Luc. xi. 50. Sanguis omnium prophetarum effusus a jacto mundi fundamento,* id est, ab antiquissima retro antiquitate, a sanguine Abelis incipiendo. *vers. 51. & Heb. iv. 3.*) dicemus per parationem regni, ipsum conditum cœli, qui thronus gloriæ est, intelligi, & electos invitari ad adeundam istius habitaculi hæreditatem, quod ut æternum ipsorum domicilium foret, in ipso nascentis mundi exordio jam creatum est. Et quis dubitet, quin id, quod Deus in initio creavit, ut beatum electorum habitaculum esset, ab æterno eum in finem ab ipso destinatum sit.

XVI. Neque præteriri debet illustris locus *Ap. xiii. 8. Quorum non sunt scripta nomina in libro Vitæ Agni illius mactati a jacto mundi fundamento.* & *Ap. xiii. 8.* Quorum verborum postrema ita sunt disposita, ut tripliciter cum antecedentibus jungi queant. Primo enim jungi possunt cum proxime antecedentibus, eo sensu ut Christus dicatur *Agnus mactatus a jacto mundi fundamento:* id est, vel ab omni æternitate, in decreto Dei, quod certam, ut Scholastico utar termino, rerum futuritionem importans, facit ut res olim futuræ uti jam exstantes considerari queant: vel a prima mundi antiquitate, non tantum in membris corporis sui mystici, sed & in promisso Dei, in typo victimarum, & Abelis ab invidio fratre trucidati, & denique efficacia mortis suæ ad primos se mortales extendente. Nisi enim mors Christi in consummatione seculi semel obita, virtutem suam extendere potuisset ad primos seculi homines, oportuisset Christum sæpius pati a jacto mundi fundamento. *Heb. ix. 26.* Multa sunt facta a Deo, antequam Christus moreretur, quæ decenter fieri non potuissent, nisi facta fuissent intuitu mortis Christi suo tempore certo seculuræ: & eorum respectu dicitur mactatus a fundatione mundi. Imo ipsa terræ fundatio sine intuitu mortis Christi facta non est. Nam quum

manifestatio glorioſæ ſuæ gratiæ in homine per Chriſtum, ſummus Dei, hominem creantis, finis fuerit; fundatio terræ, ut bonis habitaculum eſſet; mediū ad finem iſtum rationem obtinet. Neque conveniens Deo fuiſſet terram condere in habitaculum hominis peccatoris, niſi eadem illa terra luſtranda aliquando fuiſſet ſanguine Chriſti, ſanctificantis & glorificantis electos ſuos. Propter omnes has rationes maſtatio Chriſti, & fundatio mundi non incommode junguntur. *Secundo* verba illa, *a jactō mundi fundamento* referri poſſunt ad præcedens ſcripta ſunt. Hoc ſenſu quorum nomina, in libro vitæ agni illius maſtati, non ſunt ſcripta a jactō mundi fundamento. Quod Junio, Piſcatori, Gomaro, aliisque maximi nominis Theologis, ſimplicius viſum eſt. Sane non abſimilis trajectionis exemplum videmus *Luc. iv. 5.* Ipſeque Johannes noſter eadem hæc verba ita conſtruere comperitur, ut ea, quæ hic de Agno maſtato inſerta ſunt, plane omittantur. *Ap. xvii. 8.* *Quorum nomina ſcripta non ſunt in libro vitæ a jactō mundi fundamento.* Et tunc hæc phraſis æternitatem decreti Divini notaret, quemadmodum eam explicari poſſe, paragrapho præcedente oſtendimus. *Tertio* denique ita conſtrui verba poſſunt, ut deſignentur homines, qui a jactō mundi fundamento vixerunt, & quorum nomina libro vitæ inſcripta non ſunt. Et tum uſitatus ac maxime vulgaris iſtius phraſios ſenſus retinebitur, ut *ἀπὸ καταβολῆς κόσμου* primam mundi antiquitatem notet.

& 2. Tim.  
1. 9.

XVII. Inquirendum quoque eſt in genuinum ſenſum dicti quod exſtat 2. Tim. 1. 9. & quod pro æternitate electionis adduci vulgo ſolet. *Σεργαπὶς nos κατ' ἰδίαν πρόθεσιν, καὶ χάριν τὴν δοθεῖσαν ἡμῖν ἐν Χριστῷ Ἰησοῦ πρὸ χρόνων αἰωνίων, ſecundum proprium propositum, & gratiam qua data eſt nobis in Chriſto Jeſu, ante tempora ſecularia.* Duo hic comprimis inveſtiganda ſunt. I. Quid per *dationem gratiæ* intelligatur. II. Quid illud valeat, *ante tempora ſecularia*. Gratia ſalvifica Novi Fœderis datur ſervandis, I. In decreto Dei. II. In promiſſione. III. In actuali collatione. Decretum Dei prima eſt gratiæ ſcaturigo. Promiſſio eſt maſtatio decreti. Actualis collatio eſt exſecutio utriuſque. Quoniam autem fieri non poteſt, ut decretum Dei fallatur, aut promiſſio Dei fallat: is, cui boni aliquid a Deo decretum & promiſſum eſt, dationis illius tam poteſt eſſe certus, ac ſi illud actu jam poſſideret. Et propter iſtam certitudinem decreti ac promiſſionis Divinæ, bonum decretum, vel promiſſum, jam ut datum conſiderari poteſt. Planum autem eſt, non loqui hic Apoſtolum de actuali collatione. Ergo intelligi debet de datione vel in decreto, vel promiſſione. Utra autem explicatio hic præferenda ſit, pendet ex ſenſu ſequentis phraſios *πρὸ χρόνων αἰωνίων*.

Quid ſignificet,  
ante tem-

XVIII. Si qui ſint qui per *χρόνος αἰώνος* æternitatem abſolutam intelligunt, illi ſe ipſos refutant. Quum enim Paulus hic aliquid factum

nar-

narret ante tempora secularia, aliquid ipsa æternitate magis æternum absurdissime fingi deberet. Satius est, ut per tempora secularia intelligamus omne illud tempus, quod a condito mundo incepit (quando αἰῶνες ἐκτίσθησαν Heb. xi. 3.) quod inde porro fluxit, fluetque in omne ævum, sine fine ac termino. Quid autem est, ante tempora secularia?

pora secularia.

An id, quod omne tempus antecedit, atque ita æternum est. Sic Theologi plerique, directe hinc concludentes æternitatem electionis nostræ, & dationem hanc interpretantes de datione in decreto. Videndum tamen, an firmiter tueri expositionem illam adversus exceptiones τῆς ἰσχυρίας valeamus. Sane ipse subtilissimus Twissus, in *Vindiciis Gratiae Lib. 1. Part. 1. Digress. xi. Secti. iv. p. 64.* argutatur, necesse non esse, ut quod fuit ante tempora secularia, statim credatur fuisse ante omnia tempora secularia; sed duntaxat ante multa tempora secularia, hoc est, ante multa secula. Verum enim vero videtur vir ille Doctissimus, ut sæpe, ita & nunc, nimium subtilitati suæ indulgisse. Si hæc ipsius interpretatio obtineat, nihil est, de quo non aliquando dici queat, factum illud esse πρὸ χρόνων αἰωνίων, ratione habita sequentium seculorum. Quod est vim & majestatem phrasios Apostolicæ insigniter elidere. Neque tantum concessum adversariis vellem. Quum χρόνοι αἰώνιοι incipiant ab initio illo, quo αἰῶνες ἐκτίσθησαν, id quod πρὸ χρόνων αἰωνίων factum est, omnino factum videtur ante mundum conditum, & consequenter ab æterno; nisi quid obstat, quod nos jubeat phrasin illam restrictius interpretari. Neque quisquam dubitare potest, quin in emphasi sua id valeat. Quidni ergo in Emphasi sua explicetur, si nihil sit quod vetet? Non vetat autem, quod hic dicitur de datione gratiæ; Nam quia Deo sunt omnia presentia, & certo omnino futurum est, quod Deus futurum decrevit; ideo dicitur Deus ab æterno fecisse, quod suo tempore nobis patefit. Quemadmodum bene observavit Venerabilis Beza ad Tit. i. 2. Atque hæc dicta sint pro iis, qui dationem hanc intelligunt de datione in decreto, & phrasin illam πρὸ χρόνων αἰωνίων ita explicant, ut idem valeat quod ab æterno.

Twissus notatur.

XIX. Alii tamen Theologi exponunt de datione in promissione: con-ferentes Tit. i. 2. Adspem vitæ æternæ, quam promisit Deus mentiri nescius πρὸ χρόνων αἰωνίων. Hinc videmus, ait Celeberrimus nostri seculi interpres, promissionem, quæ facta est in initio seculorum, antequam seculum ullum effluxisset, atque ita, quum nullum adhuc tempusulare esset, שָׁמַיִם, quum nondum esset vocata ætas secunda, Jes. xli. 4. dici editam ante tempora secularia. Ergo hic non solum intelligimus dationem per decretum, sive πρὸ θεοῦ, sed etiam dationem per promissionem, h. e. additionem. Quæ data est nobis h. e. cujus gratiæ effectus nobis additus est per promissionem, quæ fere mundo huic coeva est. Hæc multo plausibilia sunt iis, quæ modo ex Twisso audivimus. Sane ex illo ad Titum loco videtur conclu-

Quo sensu promissio vitæ facta sit ante tempora secularia.

di posse, τὸ πρὸ χρόνων αἰώνων, non semper neque necessario absolutam æternitatem notare. Quia enim ibi Apostolus de promissione tractat, non omnia secula comprehendit, ut nos abducat extra mundi creationem, ipso Calvino observante: sed initium seculi primi innuit, quo protoplastis mox a lapsu salutis promissio facta est, quod Belgæ nostri quoque approbaverunt. Unde patet, non omnino absurde eos agere, qui dationem hanc ita explicant, ut promissionem gratiæ, ante ullius seculi effluxum factam, includant. Et tunc in sermone Apostolico tria hæc ordine proponerentur, primo *πρόθεσις propositum* Dei, quod omnis gratiæ fons est, tum *promissio* ab omni retro antiquitate facta, quam *dationis* vocabulo exprimeret, & denique actualis *collatio & manifestatio* per illustrem adventum Servatoris Jesu Christi. Neque admodum refragari velim, si quis ita dictum Apostoli explicet.

Promissio ista æternum propositum cum supponit.

XX. Quocunque modo interpreteris, manet tamen validum in dicto Pauli loco pro æternitate electionis argumentum. Si enim *dationem* de decreto explices, & *ante tempora secularia* idem valere dicas quod *ab æterno*; concludes directe. Et puto utrumque defendi posse. Nam sane πρὸ χρόνων αἰώνων in emphsi sua id valet. Neque valide opponi potest ex *Tit.* 1. 2. Nam diversa ratio est: uno loco loquitur Apostolus de proposito Dei, & datione ex proposito; alio loco de promissione. Idem autem prædicatum sæpius diversimode explicandum est, juxta diversitatem subjectorum. Verbi gratia, quando Petrus dicit *Act.* xv. 18. *Nota sunt Deo ἀπ' αἰῶν* Ⓞ, omnia opera sua, ἀπ' αἰῶν Ⓞ, sine dubio notat, *ab æterno*. Nam si omnia opera, utique & opus primæ creationis, ante quod nihil nisi æternitas est. Verum quando idem dicit, *Act.* 111. 21. *Quæ locutus est Deus per os omnium sanctorum Prophetarum suorum ἀπ' αἰῶν* Ⓞ, nihil aliud istis verbis intelligit, quam antiquissimum illud retro tempus, ex quo Prophetæ fuerunt. Ita etiam nihil obstat, quo minus πρὸ χρόνων αἰώνων aliter explicetur 2 *Tim.* 1. 9. aliter *Tit.* 1. 2. Sed demus, Apostolum per dationem gratiæ ante tempora secularia, intelligere promissionem in initio primi seculi factam; quum illius fontem dicat esse τὴν πρόθεσιν τῆς θεῆς, utique πρόθεσις illa prior fuit. Factam autem fuisse tum, quum Deus hominem creavit, nemo, opinor, dixerit; oportet ergo, ut ab æterno sit. Κατὰ πρόθεσιν τῶν αἰώνων, ἣν ἐποίησεν ἐν Χριστῷ ἡ σωτηρία κυρίῳ ἡμῶν. Juxta propositum æternum, quod fecit in Christo Jesu Domino nostro. *Eph.* 111. 11. Certe πρόθεσις αἰώνων esse debet, cujus effectus est, gratia data πρὸ χρόνων αἰώνων.

Ex. 2.  
Thef. 11.  
13. æternitas electio-

XXI. Addamus & aliam Pauli pericopam, quam æternitati electionis Testimonium dare putamus. Ea exstat 2 *Thef.* 11. 13. *Nos autem debemus Deo gratias agere semper de vobis, fratres dilecti a Domino, quod ἐλετο ὑμᾶς*

ὑμᾶς ὁ Θεός ἀπ' ἀρχῆς ἐς σωτηρίαν, *elegit vos Deus ab initio ad salutem.* nis adstruitur.  
 Electionem illam, de qua agit Apostolus, distinguit a vocatione per  
 Evangelium *ῥ. 14.* Ideoque commodissime illam intelligimus de ele-  
 ctione consilii & intentionis. Eam dicit esse ἀπ' ἀρχῆς, hoc est, ab  
 æterno. Idem eaphralis notare potest, & notat subinde. Quod Jo-  
 hannes dicit in Evangelio, ἐν ἀρχῇ *Cap. 1. 1.* id initio primæ Epistolæ  
 suæ dicit fuisse ἀπ' ἀρχῆς. Fuisse autem jam in principio significat esse  
 ab æterno. Nam quod jam erat *תחלה*, ἐν ἀρχῇ, in initio, quo omnia  
 facta sunt, id ut a se, & ab æterno exstiterit, necesse est. Loquitur autem  
 Johannes de ἀρχῇ τῶν γενομένων, quia loquitur de existentia ejus, per  
 quem mundus factus est, & ille quidem mundus, qui eum non agnovit,  
*ῥ. 10.* ne quis cavilletur, de novo mundo gratiæ hic sermonem esse. Ex  
 collatione vero allegatorum liquet τὸ ἐν ἀρχῇ, & τὸ ἀπ' ἀρχῆς, idem  
 valere. Clarius hanc significationem habemus *Mich. v. 1.* Ubi ad mini-  
 mum duplicem Messiae egressum describit: unum ex Bethlehem, qui  
 secundum carnem est, & nativitatem ex Maria virgine significat: alterū,  
 qui secundum Spiritum est, & generationem ejus æternam notat; de  
 qua dicit, *ימלאונו מן הרוח*. Quod *LXX* transtulerunt, καὶ  
 ἐξ ὧν αὐτὸς ἀπ' ἀρχῆς, ἐξ ἡμερῶν αἰῶν. *Et egressus ejus ab initio, a die-*  
*bus seculi.* Quid evidentius, quam ἀπ' ἀρχῆς ibi æternitatem notare?  
 Siracides etiam *Cap. xxiv. 9.* docere nos potest, quo sensu Hellenistæ  
 hac phrasi uti soleant, quando hæc ut synonyma jungit, πρὸ τῶν αἰῶν  
 & ἀπ' ἀρχῆς. Quandoquidem ergo de electione intentionis agit Apo-  
 stolus, distincte ab electione executionis, quæ per vocationem fit, &  
 ἀπ' ἀρχῆς æternitatem significat, commode ex eo electionis æternita-  
 tem concludimus.

XXII. Rursus hic intercedit *Twissus*, qui confidenter asserit, accep-  
 tionem hujus vocis significatione æternitatis per universam Scripturam  
 non occurrere: imo extra controversiam ponendum arbitratur, eam in  
 sacris literis nunquam ita usurpari, aut secundum rectam rationem ita  
 usurpari posse, *loc. cit. p. 60.* Et electionem, de qua hic sermo, expli-  
 cat de electionis internæ externa aliqua declaratione, putatque Aposto-  
 lum alludere ad promissionem illam celebrem Adamo factam post lap-  
 sum, de semine mulieris contrituro caput serpentis. Exstat enim, in-  
 quit, ibi loci notabilis discriminis inter electos & reprobos a Deo po-  
 siti significatio: *ponam inimicitiam inter te & mulierem, & semen tuum, &*  
*semen ejus &c. p. 63.* Non possum Viri longe Doctissimi confidentiam  
 non mirari. Verum quidem est τὸ ἀπ' ἀρχῆς non semper in sacris literis  
 æternitatem notare, uti *Joh. vii. 1. 44.* & *i Joh. i. 1. 8.* ubi pro subjecta  
 materia explicari debet. Sed patet ex locis supra adductis, quod aliquan-  
 do

ἀπ' ἀρχῆς  
 significat  
 ab æterno.

Twissus  
 iterum  
 notatus.

do alium sensum non admittat. Neque spero, Virum Doctum nobis manibus velle surripere ea loca, quibus omnes nostri pro æternitate τῆς λóγῃς adversus Socinianos feliciter pugnarunt. Malo credere, ipsum ad allegata loca non attendisse. Tum etiam velim, ut vir Doctissimus me doceat, ubi prima promissio gratiæ in Sacris literis *electio* dicatur: quod non opinor ipsum unquam monstraturum. Non licet significationes cudere. Porro etiam si in ista promissione generalis aliqua demonstratio discriminis inter electos & reprobos posita sit; non tamen credibile est, Apostolum id hic loci in animo habuisse; qui non agit Deo gratias propterea, quod quosdam homines elegerit, sed specialissime, quod elegerit istos Thessalonicenses, Electio autem Thessalonicensium non potest ex generali illa Dei declaratione colligi; cui sua potuisset constare veritas, etiam si nemo eorum, qui tunc temporis Thessalonicam incolebant, electus foret. Concludimus ergo, receptam Theologorum explicationem fundatissimam esse.

Alius Viri Docti  
exposito  
examina-  
tur.

XXIII. Est alius Vir Doctus, qui hunc Pauli locum capiendum dicit *de illo initio, quo Deus capit gentes adducere ad hæreditatem salutis, inter quas quum Thessalonicenses fuerint quasi priores, dicuntur electi, separati ἀπ' ἀρχῆς. Aut etiam intelligi potest initium Evangelii, de quo Marc. i. 1. Phil. iv. 15. aut salutis, cujus prædicatio facta est per Jesum Heb. ii. 3. Elegit vos ab initio. Hoc est ab initio prædicati Evangelii, & manifestata ac annunciata salutis.* Verum hæc quoque non satisfaciunt. Nam I. Ostendimus hic Paulum de electione in intentione, non in executione agere. II. Verum quidem est, vocem principii explicari debere, uti convenit subjecto illi, cui attribuitur; sed non existimo, τὸ ἀπ' ἀρχῆς absolute positum, initium prædicati Evangelii, multo minus initium hæreditatis gentium, usquam significare. Neque loca allegata hoc probant. III. Non convenit etiam cum historia, Thessalonicenses fuisse primitias gentium ad hæreditatem salutis adductarum, nam Antiocheni tam in Syria quam in Pisidia, & Lystrenses, & Derbenses, & Philippenes Evangelium jam receperant, & Apostoli conversionem gentium jam narraverant fratribus Hierosolymitanis Act. xv. 3. antequam Paulus Thessalonicæ Evangelium prædicaret, uti ex Actibus Apostolicis liquet. Nec opinor, Virum doctum id ignoravisse; ideoque dixisse, fuisse Thessalonicenses *quasi* priores, quæ diminuendi particula vim τῆς ἀπ' ἀρχῆς non parum infringit. IV. Multo minus dici potest, Thessalonicenses separatos fuisse ab initio salutis annunciatae per Jesum, quod initium Paulus prius fecit confirmatione Evangelii facta per eos qui id ex ipsius Jesu ore audiverant, id est, prædicatione Apostolorum. Heb. ii. 3. Constat enim, Dominum Jesum circumcisionis ministrum fuisse, neque prædicasse Evangelium gentilibus. Nihil ergo simplicius vel solidius videtur ea explicatione, quam supra dedimus.

**XXIV.** De *æternitate* Electionis quantum satis est locuti, nunc **LIBERTATEM** ejusdem videamus. Quæ in eo consistit, quod Deus, uti absolutus omnium creaturarum suarum Dominus, ex omnibus hominibus tot elegerit, & eos elegerit, quot & quos ipsi eligere placuit; & ita quidem, ut nihil boni in ullo homine præviderit, quod electioni præstrueretur, uti ratio, propter quam hunc potius elegerit quam alium. Patet id. I. Quia Scriptura liberrimam hanc Dei voluntatem pro suprema electionis ratione allegat. *Mat. XI. 26. Etiam Pater, ὅτι ἕτοις ἔγενετο σοὶ δακίμα ἐμπροσθεν σου, quia ita placuit tibi. Luc. XII. 32. εὐδόκησεν ὁ πατήρ, placuit Patri dare vobis regnum.* Prolixus imprimis Apostolus est in absoluta hac potestate Dei vindicanda *Rom. IX.* Ubi inter cætera commate 21. ita inquit. *An non habet potestatem figulus in lutum, ut ex eadem massa faciat aliud quidem vas ad decus, aliud vero ad dedecus?* II. Simul etiam removet Scriptura ullius boni in homine præcedaneam considerationem, eique liberrimum hoc & gratiosum Dei beneplacitum opponit. *Rom. IX. 11. Nondum enim natis pueris, quum nihil fecissent boni vel mali, ut præstitutum Dei, quod secundum electionem est, maneret, non ex operibus, sed ex vocante, &c. 2. Tim. I. 9. Non ex operibus, sed ex præstituto suo.* III. Nulla vel fides, vel sanctitas, vel quidquam vere bonum, considerari in homine potest, nisi collatum ex Divina gratia *Phil. I. 29. Gratis datum est vobis in Christum credere. Eph. II. 8. Fides non est ex vobis, Dei donum est.* Collatio autem hujus gratiæ non potest aliunde provenire, quam ex electione gratiæ, & benevolæ affectu voluntatis suæ. Et consequenter non possunt hæc bona Electioni Divinæ præstrui. IV. Docet Scriptura diserte, nos ad fidem, sanctitatem, & perseverantiam in utraque, electus esse: quæ quum Electionis consequentia sint & fructus, non possunt ejus præcedaneæ conditiones esse. *Eph. I. 4. Elegit nos, ut simus sancti & inculpati, inchoate in terris, consummate in coelis. Job. XV. 16. Ego elegi vos, & constitui vos, ut fructum feratis.* Elegi ab æterno, vocavi & constitui præstituto tempore. *2. Thess. II. 13. Elegit vos Deus ab initio ad salutem per sanctificationem Spiritus & fidem habitam veritati.* Electio tam ad media est, quam ad finem. Omnia hæc loca, & plura similia, tam proluxe & solide adversus Remonstrantium exceptiones vindicata sunt a nostris, ut, quod addam, nihil admodum habeam.

**XXV.** Consilium hoc Dei, uti Liberum, ita ab æterno quoque **IMMUTABILE** est. I. Immutabilitas omnibus Dei decretis generatim competit. *Jes. XIV. 27. Dominus exercituum decrevit, & quis irritum faciet? & XLVI. 10. Consilium meum stabit, & omnem voluntatem meam faciam. Rom. IX. 19. Voluntati ejus quis resistet?* Dictare cum Crevellio, intelligenda hæc esse de decretis Dei absolutis, non conditionatis; est principium petere. Negamus enim ulla decreta Dei pendere a conditione. Si res

Electio  
Dei est li-  
berrima.

Et nihil  
boni in  
homine  
supponit.

Sed ipsa  
omnis bo-  
ni fons est.

Et etiam  
immutabi-  
lis.



decreta a conditione suspensa sit, conditio simul decreta est. Nulla Crellianæ distinctionis in textibus mentio, nullum fundamentum est. Et adversatur ratio. Si enim ullum decretum Dei mutaretur, id vel ex eo proveniret, quod Deus non vellet rem decretam effectam dare, vel quod non posset, vel quod posteriores ejus curæ sapientiores forent. Quæ omnia Deo injuriosa sunt. Regeres: vult quidem Deus, quod decrevit, fieri; sed si creatura id quoque velit, cujus libertati nihil præjudicatum vult. Respondeo: Itane vel potentia vel sapientia destitutus est Deus, ut nequeat cum causæ secundæ libertate, quam ei ipse dedit fecitque, ita concurrere, ut quod vult efficiat, libertate illa illæsa salvaque? Nobis alius Deus est, magisque venerandus, quam ut id de ejus potentia sapientiaque credamus. Ipsi hic gentilium Poætæ ac Philosophi, qui castius aliquando de Diis suis locuti sunt, in ruborem dare hæreticos possent. Ita enim apud Homerum Jupiter:

— ου γὰρ ἐμὸν πᾶλιν ἄγρετον ἔδ' ἀπατηλὸν,  
 οὐδ' ἀτελεύητον ὅτι κ' ἐν κεφαλῇ καὶ ἀνεύσω.

— nec enim mutabitur unquam

*Quod capite annuero, nec falsum sine cavebis.*

Et *Maximus Tyrius*, qui hæc *Homeri* verba adducit *Dissert. xxix.* de suo addit, *Dissertatione sequenti*: Μετατίθεσθαι γὰρ καὶ μεταγινώσκον προσήκει μὴ ὅτι Θεῷ, ἀλλ' ἔδ' ἂν ἀνδρὶ ἀγαθῷ. Mutari & præsentia dici non Deo tantum, sed & bono viro indignum est. Et eodem ferme modo, quo nos, argumentatur. II. Specialius immutabilitatem Divinæ Electioni Scriptura adscribit. *Rom. ix. 11.* ἵνα ἡ κατ' ἐκλογὴν θεῷ πρόδεσις μὲνη. *2. Tim. 11. 19.* Firmum stat fundamentum Dei, habens hoc sigillum: Novit Dominus qui sunt sui. *Jes. xlix. 14. 16.* An oblivisci potest mulier factus sui, ut non misereatur filii uteri sui? Etiam si hæc oblivisci possint, tamen ego non obliviscar tui. En in manibus sculpsi te. *Apo. 111. 5.* Neque unquam de ebo nomen ejus ex Libro Vita. *Jes. 14. 3.* Erit ut qui relictus fuerit *Tyrone*, & residuus *Hierosolymis Sanctus* dicatur: quisquis adscriptus fueris *vita Hierosolymis*. Vix quidquam suppetit adversariis, quod ad tam diferta loca excipiant: præter rancidas distinctiones suas, de Electione non peremptoria & peremptoria, similesque, quæ & gloriæ Dei, & Scripturarum simplicitati adversantur.

Quomo-  
do quis e  
libro vitæ  
deberi pos-  
sit exponi-  
tur.

XXVI. Dicendum autem nobis aliquid est ad *Ps. lxi. 29.* Ubi D. *Iesus* pertinacibus gratiæ suæ contemtoribus, ac juratis hostibus suis, *Judæis*, imprecatur: *Deleantur ex libro viventium, ac cum justis non scribantur.* Dubitari autem non debet, quin imprecatio hæc Domini effectum suum sortita sit. Unde conficitur, quosdam ex Libro viventium deleri. Verum multa jam hujus *Capitis* §. 6. & 7. adduximus, quæ lucem non temendam loco huic foenerari queant. I. Etenim, nihil ve-  
tat

tat per *Librum vite* hic intelligere *Catalogum viventium* in terra, vita hac animali. Ex eo enim, tremendo Dei judicio, deleti sunt improbi Judæi, quando postremis bellis ipsorum adversus Romanos plurimæ eorum myriades nefandum in modum trucidatæ sunt: quarum summam collegit Liplius. *De Constant. Lib. II. Cap. XXI.* ad DUODECIES CENTENA ET QUADRAGINTA MILLIA, quæ non totis septem annis interfecta sunt. II. Per librum viventium intelligi posset *Liber Federatorum* Dei, ex quo erasi sunt Judæi, quum publice abdicati a Deo & rejecti sunt; dictumque iis est *Lo-Ruchama*, & *Lo-Ammi*: juxta prophetiam *Hosea* 1. 6. 9. Quod factum est, quando spretum Judæis Evangelium gentibus prædicatum, a videque ab iis exceptum est: & miserabiles Judæorum reliquæ dispersæ sunt inter gentes. III. Si de *Libro electionis* intelligamus, dici potest deletos eos esse ex illo libro, quoad *Scripturam*, qua se ipsos temere ei inscripserant, falso gloriantes se charos & dilectos Dei ac Abrahæ filios; quæ gloriatio ut vana fuisse ipso facto comperiat, justè iis imprecatur D. Jesus. IV. Si omnino de ipsius Dei in libro electionis *Scriptura* deletio hæc intelligenda sit; dicemus, deletionem non privativam esse, sed negativam: & posterius commatis membrum continere explicationem prioris. Sicut deletio sit declaratio non inscriptionis. Id ex Hebræorum Doctoribus *Kimchius* quoque observavit. Qui scribit, *וְשֵׁם שֶׁנֶּחֱמָה בְּמִלָּהּ בְּקֶרֶן* *Versus est geminatus, eadem sententia variantibus vocabulis proposita.* Et addit, *וְיִמְרוּ רִצְוָה לִמְרָה שֶׁלֹּא יִכְתְּבוּ בִּסְפֵר דְּחַיִּים*, *DELEANTUR significat non scribantur in libro vite.* Ex quibus apparet, perperam adversarios ex hoc loco adversus immutabilitatem Electionis Divinæ argumentari.

XXVII. Hæcuti apud Deum fixa est; ita quoque illius certam cognitionem consequi fidelis potest, & ex infallibilibus gnorismatis scire se esse electum. Id ni esset, frustra fideles commonefecisset Petrus, ut *vocationem & electionem suam firmam facerent* 2. *Pet. 1. 10.* Hoc est, ut evidentibus indiciis de eo in animo suo persuasissimi esse allaborarent. Vana quoque fuisset illa Pauli gloriatio 1. *Thess. 1. 4. Scimus, fratres dilecti, electionem vestram a Deo.* Nam quibus indiciis Paulus id scire poterat de Thessalonicensibus, iisdem indiciis Thessalonicenses id scire poterant de seipsis. Denique fieri non posset, ut pro electione sua Deo gratias agerent in fide, nisi illius apud animum suum possent esse certi. Et tamen propter illam agunt Deo gratias. *Eph. 1. 3. & seqq.*

XXVIII. Verum qua ratione electionis suæ certitudinem fideles consequuntur? Quis ascendit in cælum? Quis Divinorum decretorum & secretorum commentarios curioso oculo perlustravit? Quis in ipsum cor Dei introspexit? Nihil quidem hic temere audendum. Cæterum quæ Deus de salute suorum ab æterno meditatus est, ea non fallacibus

Electi  
electionis  
suæ certi  
esse pos-  
sunt.

Certitudi-  
nis illius  
methodus.

indiciis iis in tempore declarat. Binos illis libros concessit, ex quibus de inscriptione sui in libro vitæ, quantum satis est, queant colligere: *Librum* scilicet *Scripturæ*, & *Librum Conscientiæ*. In *Scripturæ* Libro accurate delineata sunt Electionis gnomismata. In *Conscientiæ* Libro legere quisque potest, modo debitam tantæ rei diligentiam adhibeat, an illa apud se gnomismata inveniantur. Docet *Scriptura* indicia Electionis esse, I. Efficacem per verbum & Spiritum Dei vocationem. *Rom. viii. 30.* II. Fidem in Deum & Christum. *2. Thess. ii. 13.* III. Odium & Fugam mali. *2. Tim. ii. 19.* IV. Sincerrum & constans studium Sanctitatis. *Eph. i. 4.* *2. Thess. ii. 13.* Hoc probe perspecto, cognitoque, quid vocatio efficax, quid fides in Deum & Christum, quid fuga mali, quid genuinæ pietatis studium sit; exploranda porro conscientia est, an ea in se comperiat; ac animadverso rem ita se habere, electionis suæ ex indubitatis illius fructibus secuta esse anima fidelis potest. Accedit etiam non raro, quod Deus iis beneficentissimi amoris blanditiis electos suos complectatur, ut dum spiritualibus illis & ineffabilibus deliciis, quas terrestres animæ nec capiunt nec gustant, inebriantur, non minus de electione sua persuasi sint, quam si ipsi Dei manibus nomina sua inscriptione cernerent. Hæc faciunt, ut infernalibus hostibus suis, nequicquam fidei obnitentibus, inclament: *וְיָדָהּ חֲסִידִי לִי כִי הִפְלִיחַ אֶת הַיָּדָהּ, Scitote separatim asseruisse Jehovah sibi eum, quem benigne accipit. Ps. iv. 4.* Præsertim si accedat, quod tunc deesse non solet, Spiritus internum de adoptione testimonium, de quo *Rom. viii. 16.* quodque signaculi vice est. *Eph. i. 13.* Qua de re postea uberius dicendi locus erit.

Interest  
fidelium,  
ut ad hanc  
certitudi-  
nem eni-  
tantur.

XXIX. Interest autem fidelium, ut ad hanc electionis suæ certitudinem annitantur. Nam I. Fieri non potest, ut læti exsultantesque in Domino vivant, quamdiu hujus rei ignari sunt. Nihil impedit, quo minus feliciter in Domino obdormiscant, & media morte ad æternam vitam tendant, etiam si electionis suæ certi non sint. Non enim pendet salus nostra ab ista fidei *πληροφορία*: sed ab unione & communione cum Christo, quæ sine illa facta tecta manere potest. Verum non contingit homini, cui salus sua, uti debet, cordi ac curæ est, in securo gaudio degere, quamdiu de electione sua dubitat. II. Neque ad nostrum modo solatium, sed & ad gloriam Dei apprime hæc certitudo facit. Tum demum divitias Divini amoris rite æstimamus, & in immenso bonitatis suæ oceano salutariter mergimur, quando ad primam omnis gratiæ scaturiginem mente laudibusque assurgimus: & Paulo præeunte celebramus favorem ejus, quo nos *elegit in Christo Jesu, ad laudem gloriosæ gratiæ suæ, qua nos gratis sibi acceptos fecit in illo dilecto. Eph. i. 6.* III. Imo accuratum quoque pietatis studium promovet, ferventemque in ea zelum accendit, quam prædicamus, electionis certitudo. Tantum abest,

ut

ut latas portas impietati & securitati carnali pandat : quod nemo nisi rectorum Dei viarum ignarus, earumve perversor malignus, ausit asserere.

XXX. Hæc est hominis ita *πληροφωρηθέντος* meditatio, hic ad Deum suum sermo: Tune Domine, ab æterno de me, misello homuncione, qui minus quam nihil sum, glorificando cogitasti? & ego te rursus non in oculis semper, non in sinu geram? non oblecter in meditatione tui? non exclamem, *Quam pretiosa mihi sunt cogitationes tuæ o Deus fortis! quam numerosæ sunt summa earum!* Ps. cxxxix. 17. Non sincerissima poenitudine ducar illius temporis, quo tot mihi horæ, dies, hebdomadæ, menses, anni præterierunt, quibus nulla mihi sancta & jucunda tui cogitatio incidit? Tune me ex mera charitate elegisti ad salutem? Et ego te non rursus eligam in Dominum, in Regem, in sponsum meum, in peculium animæ meæ, in summas vel unicas potius delicias meas? Tune me ex totaliis elegisti, quos sibimet ipsis relictos æternum manet exitium! Et ego non omni ope nitar, ut præ aliis in amore, in cultu tuo, & omnibus sanctitatis officiis emineam? Tune me prædestinasti ad sanctitatem, tam amabilem in sese, tam necessariam mihi, ut sine ea nulla obtingat salus? & ego non in ea ambulem? Tecumne candidissime veritatis Doctor ita præsumam sophisticari; ut finem a mediis divellens, finem secure mihi pollicear, uti ad eum prædestinato; media negligam, ad quæ non minus prædestinatus sum? Tuumne propositum de salute mea fixum ac immobile est? Et ego in horas muter, nunc tibi, nunc satanæ meum addicens servitium? Non potius tam firmo proposito tibi adhæream, ut mille mortes opteter malim, quam perfide a te desciscere? Non *stabilis* ero & *immutus*, & *eminens in opere tuo semper*, quum sciam, *laborem meum non esse inanem in Domino?* 1 Cor. xv. 58. Tune me per Spiritum certum facies de amore tuo, qui omnem intellectum superat? Et ego te non omni corde, omni animo, omnibus viribus meis redamem? Tu me certum facies de salute mea? & ego *hanc spem habens non munde me, uti Tu mundus es?* 1 Job. i. 3. Quis, harum rerum intelligens, neget, doctrinam de Electione, uti a nobis est explicata, animæ piæ uberem harum & similium meditationum materiam suppeditare? Et quis neget, in harum meditationum praxi nucleum pietatis sanctitatisque situm esse?

## C A P. V.

## De Vocatione.

I. Proximus Electionis æternæ fructus, princepsque Dei actus, quo destinata homini salus applicatur, est VOCATIO EFFICAX. De hac definitur quæ Apostolus Rom. viii. 30. *Quos prædestinavit, eos etiam vocavit.* Vocatio autem hæc est actus, quo *Electi a Deo, & Redempti per Christum, a statu*

Quæ studium pietatis valide promovet.

Vocatio-  
nis defini-

statu

*statu peccati, ad communionem Dei in Christo, tam externe quam interne, suaviter invitantur, & efficaciter traducuntur.*

Terminus a quo, est status peccati & miseriar.

II. Terminus a quo vocantur, est status peccati & miseriar, in quo post protoplastorum crimen jacent universi; *tenebris obscuratam mentem habentes, & alienati a vita Dei, propter ignorantiam, qua est in ipsis, per obdurationem cordis ipsorum.* Eph. IV. 18. ita enim comparatum nobiscum est, ut profunda miseriar voragine merfi, omnemque veræ felicitatis ideam obliti, & in coeno vitiorum vanitatumque hujus seculi sine fine nos ac modo volutantes, ac Diabolo, cui victi palmas tetendimus, mancipati, a salutari Dei Christique ejus communione exclusissimi simus. *Omnes peccaverunt, & destituntur gloria Dei.* Rom. III. 23. Ab illis autem *tenebris*, ignorantiar, peccati, miseriar, vocat nos Deus ad admirabilem lucem suam. 1 Pet. II. 9. *eximitque ex presenti seculo malo.* Gal. I. 4. Neque committendum unquam nobis est, ut pristini nos status nostri capiat oblivio. *Memento te, vos illo tempore fuisse absque Christo, abalienatos a politia Israelis, extraneos quod ad pastorum promissiones attinet, spem non habentes, & absque Deo in mundo.* Eph. I. 12. Facit hujus rei meditatio, ut profundius coram Deo, qui nos vocat, humiliemur, divitias gloriosæ gratiar ejus carius æstimemus; magisque excitemur ad ambulandum uti vocatione nostra, & vocante nos Deo dignum est.

Terminus ad quem, est communicio cum Christo,

III. Terminus ad quem vocamur, est Christus, & communicio cum ipso. Ita enim clamat Jesh. XLV. 22. *אֵלֵינוּ רְפוּעָה respicite ad me, vel, inclinate vos ad me, & salvi estote omnes fines terra.* In hac communione cum Christo consistit mysticum illud & dulcissimum electæ animæ cum Christo matrimonium, ad quod omnibus Evangelii sui blanditiis eam invitat, & cujus nobilissimum Epithalamium Salomo cecinit. *Summa sapientia adificavit domum suam—Emissis puellis suis invitat per collegia, & loca excelsa urbis, —diversate huc—venite, vescimini cibo meo, & bibite de vino meo, quod miscui.* Pro. IX. 1. 3. 4. 5.

Ex qua fuit communicio omnium bonorum Christi.

IV. Ex communione hac resultat communicio omnium bonorum Christi, tam in gratia, quam in gloria, ad quæ pariter vocamur. *Auscultate indefinenter mihi, & comedite bonum, atque odlectet se hac pinguedine anima vestra. Inclinate aurem vestram, & venite ad me, audite ut vivat anima vestra: & pangam vobiscum sædus perpetuum, benignitates Davidi certissimas vobis collaturus sum.* Jesh. LV. 2. 3. Ita vocat nos ad regnum suum & gloriam. 1. Thes. II. 12.

Et cum tota individua Trinitate,

V. Quumque a Patre & Spiritu suo separari Christus nequeat, simul vocamur ad individuar Trinitatis communionem. *Ut communicio nostra sit cum Patre, & cum Filio ejus, Jesu Christo.* 1 Job. I. 3. cui *communicationem Spiritus Sancti* jungit Paulus. 2 Cor. XII. 13. Hic autem felicitatis nostræ apex est, gloriari in Deo ut nostro; eique accinere, *Mi Deus, dum ipse nobis inclamat, Mi popule.* Hos. II. 23. VI.

VI. Porro quandoquidem omnes electi unius ejusdemque gratiæ participes sunt; omnes etiam ad mutuam inter ipsos communionem vocantur. *Ut & vos communionem habeatis nobiscum. 1 Joh. 1. 3.* Novi Testamenti Fideles cum priscis, Gentiles cum Judæis, quibus *σύντροφος* facti sunt *Eph. 111. 6.* in Christo, qui fecit *τὰ ἀμφοτέρωθεν, utraque unum. Eph. 11. 14.* Imo ii, qui in terra sunt, cum iis, qui in coelo sunt. *Nam omnia relictæ sunt in Christo, tum quæ in cælis sunt, tum quæ in terra: in ipso, inquam, in quo etiam nos in sortem asciti sumus. Eph. 1. 10. 11.* Atque hic est beatus ille status, ad quem vocatione sancta & cœlesti invitamur, communio scilicet cum Christo, & per ipsum cum individua Trinitate, omnibusque adeo Sanctis, tam militantibus quam triumphantibus, ne Angelorum quidem panegyri excepta, ut cum iis in omnium Dei bonorum jucundissima fruitione gaudeamus. Omnes quippe, qui vocationi huic morem gerunt, *acceperunt, ad montem Zion, & civitatem Dei vivi, Hierusalem cœlestem, & myriadas Angelorum, conventum universalem, & concionem primogenitorum, qui conscripti sunt in cælis, & judicem universorum Deum, & spiritus iustorum consummatorum, & ad novi pæcti mediatorem Jesum. Heb. XII. 22. 23. 24.* Quibus rebus quid grandius dici? quid augustius cogitari potest?

Atque  
omnium  
electorum  
socium.

VII. Fit autem ea vocatio partim *externæ*, virtute suasoria, quam moralem vocant, partim *internæ*, efficacitate reali, hyperphysica, vorticordia. Externa vocatio aliquatenus peragitur verbo *natura*, sed plenius verbo *revelationis supernaturalis*, sine quo omne naturæ verbum insufficientis & inefficax esset. Interna ex virtute Spiritus Sancti, intus in corde operantis, procedit: & sine ea omne externum verbum revelatum, licet objective sufficientissimum, quatenus omnia scienda, credenda, facienda laculenter pandit, subjective tamen inefficax est, neque mortalium ullum ad communionem Christi adducet.

Vocatio  
partim  
externæ  
partim  
internæ  
peragitur.

VIII. Natura ipsa muta non est, sed multis modis inclamat homini, ut rerum terrenarum & hujus vitæ animalis nimia cura cultuque abjecto, ad meliora, cœlestia, æterna anhelet. Quando enim illud sublime candens, & universum adeo cœlum, tot stratum sideribus, tot stellis micans, supra quod supremi numinis thronum esse omnium populorum fides præscripsit, attentis oculis lustrat, ingens aliquod desiderium in se excitari sentit, ut relicta hac terrestri facie, altum aliquando petere, in interiorem naturæ sinum admitti, & in consortium Deo venire liceat. Tunc juvat inter sidera cogitationibus suis vagantem divitum pavimenta ridere, & totam cum auro suo terram: non illo tantum, dico, quod egegit, & signandum monetæ dedit, sed & illo, quod in occulto servat posterorum avaritiæ. Tunc discit contemnere porticus, & lacumaria ebore fulgentia, & tonsiles silvas, & derivata in domos flumina,

Natura  
ipsa homi-  
nem ad  
cœlestia  
bona quan-  
rendum  
invitat.

quan-

quando totum circumit mundum, & terrarum orbem superne despicens, angustum, & magna ex parte, opertum mari, etiam qua exstat late squalidum, & aut ustum aut rigentem, sibi ipse ait: hoc est illud punctum, quod inter tot gentes ferro & igni dividitur? Quum te in illa vere magna sustuleris, quoties videbis exercitus subrectis ire vexillis, & quasi magnum aliquid agatur, equitem modo ulteriora explorantem, modo a lateribus affusum, libebit dicere *In nigrum campis agmen*. Formicarum iste discursus est, in angusto laborantium. Sursum ingentia spatia sunt, in quorum possessionem animus admittitur: at ita, si minimum secum ex corpore tulit, si sordidum omne deterfit, & expeditus levisque & contentus modico emicuit. Nisi adhuc admitterer, non fuerat nasci. Quid enim erat, cur in numero viventium me positum esse gauderem? Detrahe hoc inestimabile bonum, non est vita tanti, ut sudem, ut æstuem. Quam contempta res est homo, nisi supra humana se erexerit! Ita naturæ liber, ita cœlorum contemplatio *Senecam* meditari ac loqui docuit. *In Prasat. Quæst. Nat.*

Imo ad  
ipsam Dei  
quæstio-  
nem vocat

IX. Verum quum eadem natura doceat, cœlis ipsis, quæ thronus Dei & opus manuum ipsius sunt, longe præstantiorem Deum esse, cœlorum & Creatorem & Regem, eadem opera ad communionem Dei ipsius supra omnia quærendam hominem invitat. Non enim potest beatitudo incolatu cœli consistere, nisi quis Dei ibi consortio & communione fruatur. Ita naturæ voce invitantur homines, *ut quærent Deum si forte palpando ipsum invenire queant. Aët. xvii. 27. Non enim patitur, se expertem esse testimonii, bona tribuendo. Aët. xiv. 17.* atque ita ostendendo, se honorum omnium fontem, Maximum simul Optimumque esse, cujus communio sola perfecte beat. Ἀρχαῖοι μὲν ἐν τῇ λόγῳ καὶ πατέριος ἐστὶ πάσιν ἀνθρώποις; ὡς ἐκ Θεῶ τὰ πάντα καὶ διὰ Θεῶ ἡμῖν συνέστηκεν. οὐδεμία δὲ φύσις αὐτὴ καθ' ἑαυτὴν αὐτάρκης ἐρημωθεῖσα τῇ τέτρωσθηρίας. *Vetus igitur sermo est, a majoribusque proditus inter homines, universa tum ex Deo, tum per Deum constituta fuisse & coagmentata: nullamque naturam satis instructam ad salutem esse posse, qua citra Dei præsidium sua ipsa tutela demum commissa sit. Sic Auctor Libri de mundo, qui inter Aristotelis opera exstat, Cap. xi. quique aureis hisce verbis concluditur: Cujus ut sit particeps Numinis, jam inde oportet ab initio, qui ad vitam beatam evasurus est atque felicem.*

Et spem  
aliquam  
illius poti-  
endi sup-  
peditat.

X. Neque modum ad quærendum sese Deus per naturam invitat homines, sed & aliquam sui potiundi spem suppeditat. Quorsum enim alias tanta μακροθυμία tolleraret peccatores, nisi quorundam ex iis misereri decrevisset? Dignumne purissimo foret numine, mundum vanitati per humana scelera subjectum, tot jam seculis sustentare, nisi ex humano genere quosdam haberet, in quorum beatitudine ipse se glo-

gloriosum vellet sistere? Propterea, *patientis animo est, quia non vult quemquam perire, sed omnes ad resipiscentiam tendere.* 2. Pet. 111. 9. Atque hæc Divinæ patientiæ ac tolerantia, in tota universi gubernatione elucens, consideratio, uti spem aliquam salutis suppeditat, Dominiq; nostri tarditas ad iram, pro salute duci debet, ibid. com. 15. ita benignitas hæc Dei ad resipiscentiam quemvis debebat deducere. Rom. 11. 4.

XI. Nam & hoc natura docet, fieri non posse, ut quis commercio & familiaritate Dei utatur, qui non puritati sanctitatiq; ex animo studeat, & uti *Marcus Antoninus Imperator loquitur, Lib. 11. §. 5. Θεοῦ ὁμοίωσις βίῳ Deo similem vitam vivere* allaboret: simile enim simili gaudet, eique se communicare gestit. Optime *Plato de Legibus, Lib. 14. Τίς πράξις Φίλη καὶ ἀπόληθ' Θεῷ, Μία καὶ ἓνα λόγον ἔχουσα ἀρχαίων, ὅτι τῷ ὁμοίῳ τὸ ὁμοίον Φίλον ἂν εἴη. Quanam exercitatio amica Deo, & ad ejus imitationem composita est? Una hæc, & quæ antiquam habet rationem, quod simile simili gaudeat.* Ita naturæ ipsius voce invitatur homo ad castissimæ puritatis studium, ut Dei communionem frui queat. Non tempero mihi quin adscribam *Agapeti gradationem, quæ pulchra profecto, & ex vero deprompta est.* Sic ille ad Iustinianum: *ὁ γὰρ ἑαυτὸν γνῆς, γινώσεται Θεόν. Θεὸν δ' ὁ γνῆς, ὁμοιωθήσεται Θεῷ. ὁμοιωθήσεται δ' ἑαυτὸς ἄξιον γίνεσθαι Θεῷ. ἄξιον δ' εἶναι γίνεται Θεῷ, ὁ μὴ δὲν ἀνάξιον πράττων Θεῷ, ἀλλὰ φρονῶν μὲν τὰ αὐτῶν, λαλῶν δ' ὡς φρονεῖ, ποιῶν δ' ὡς λαλεῖ. Nam qui se novit, Deum noscet: Deum noscens Deo assimilabitur: assimilabitur Deo, qui Deo dignus erit: dignus erit Deo, qui nihil Deo indignum admittit, sed cogitat quæ Dei sunt, & quæ cogitat loquitur, & quæ loquitur facit.*

Ad quod animæ puritatem requiri eadem natura docet.

XII. Omnia hæc paucis, sed efficacissime exsequutus, est *Regius Vates Ps. XIX. 2. 3. 4. 5. Cæli enarrant gloriam Dei: nam quum thronus ipse sit, afflabre ab ipso factus, testantur de ejus Potentia, Majestate, Opulentia, & Sanctitate, coram qua ne se ipsos quidem mundos fatentur: interimque præstantia sua homines invitant, ut intra ipsorum ambitum Maximi illius Optimique Numinis communionem frui summa opem concutiant. Et opus manuum ejus indicat expansum: clamans, se non nisi verbo ejus coaptatum esse. Dies ad diem eructat dictum: & vox ad noctem ascendit scientiam. Hæ tenebrarum lucisque vicissitudines, tam exacto, tam constanti ordine sibi invicem respondentes, sapientissimum rectorem arguunt. Nullaque dies est, nulla nox, quin & pro se aliquid de Deo dicat, & attestetur alteri, præcedentis veluti discipulus, & sequentis magister. Non est dictum, & non sunt sermones, non auditur vox eorum.* Si dicere esset, cum dicto desineret institutio. Jam quod narrat coelum, semper dicit & pariter. Si sermones essent, & a rationibus causisque multa subtilitate deductæ sententiæ, obscuritas inesset, Si audiretur vox eorum,

Paraphrasis in Ps. XIX. 2. 3. 4. 5.



obtunderet nos nimio fragore. Nunc coelum & semper, & clare, & saviter docet. Nam licet vox ejus non audiatur, habet tamen vocem, quæ non minus fortiter animam excitare apta est, quam sonus buccinæ vel tonitruui posset. Quandoquidem magnalia Creatoris sui tam clare omnium oculis ingerit, ut neminem latere possint nisi volentem. Vel fortasse hic est senius: *Non est sermo, & non sunt verba, ubi non audiatur vox eorum.* Quamvis inter se populi linguis differant, & Græcus Barbaros non intelligat: tamen ad omnes pariter erudiendos communis cœlis sermo est. Nec quicquam præter socordiam obstat, quominus alienissimi quique ex unius veluti Doctoris ore proficiant. ככל יצאך ויכילך, *in totam terram exivit linea eorum.* Talis est cœlorum institutio ut præceptorum, qui pueros docet literas, figuras nimirum elementorum iis delineando. Ita cœli radiis suis lineas ducunt, & quasi elementa, ex quibus inter se combinatis varieque junctis integer sapientiæ liber componitur. Id notat פ, ut *Jes. xxvi. 11. 10. פל פ. linea ad lineam.* A quo non multum abludit Græcum φθόγγος, quo utitur Apostolus *Rom. x. 18.* quod non tantummodo *sonum*, sed & *literam*, apud *Platarchum in Fabio*, notat: quemadmodum in Lexico suo observavit *Scapula*. Neque necesse est, ut textum hic corruptum, aut LXX כליך legisse asseramus. Ethæc quidem linea in *totam terram exivit, & in extremum orbis habitabilis vocabula eorum.* Omnes homines, sive in habitabili sive in desertissima terra sint, hoc magistro erudiuntur. Nullus est orbis angulus, ubi figuræ cœli, totidem Divinarum perfectionum argumenta, non cernantur. Atque hæc me causa impulit, ut eorum ratiocinationes modo proposuerim, (si solum Agapeti, qui Constantinopolitanæ, Ecclesiæ Diaconus fuit, dictum exceperis) qui præter Naturam magistrum nullum habuerunt.

Naturæ  
tamen in-  
vitiatio ad  
salutem in-  
sufficiens  
est.

XIII. Verum hæc ad Deum querendum per naturam invitatio, licet sufficiat ad eorum, qui illi non auscultant, ἀναπολογησίαν, *Rom. 1. 20.* non sufficit tamen, ne quidem objective, ad salutem. Non enim suppledat spem illam vivam, & nunquam pudefacientem, quæ Evangelio demum revelatur: unde gentiles *absque spe in mundo* fuisse dicuntur. *Eph. 1. 12.* Non docet veram rationem potiundi Deo, quæ præter fidem in Christum nulla est. Non instruit sufficienter de modo, quo Deum colere, eique ιναπεσῇσας, *grata facere* debeamus. Breviter neminem unquam hæc per naturam vocatio ad salutarem Dei cognitionem adduxit: neque adeo adducere potis est. Solum *Evangelium est potentia Dei ad salutem cunctis credenti.* *Rom. 1. 16.*

Contra  
quam non-  
nulli, tam  
antiqui,  
quam re-

XIV. Non impetrant a nobis assensum, sive illi veteres sint, quorum catalogum texiit *Casaubonus Exercit. I. ad Apparat. Annal. Baronii*, & post eum *Possinus Histor. Pelag. Lib. III. Part. III. Thes. XI.* sive recentiores, qui existimant, per vocationem hanc naturæ sine cognitione Christi pro-

bos

bos ex gentilibus ad salutem fuisse deductos. Putamusque nimium natura tribuere eos fratrum nostrorum, quibus scribere lubitum est: *Hominibus, si non sponte cecidivissent, acquirere potuisse per τὸ γνωστὸν τῷ Θεῷ cognitionem aliquam misericordiae Divinae, per quam salutem consequerentur, ea ratione, qua forte nos latet, tamen si illa γνώσις destituta fuisset distincta notitia quorundam mysteriorum, qua per se excogitare nullo modo potuerunt. Admirandus Specim. Animad. in Exerc. de Grat. Univer. Part. II. pag. 133.* Nobis certum est, nullam esse salutem sine Christo. *Act. iv. 12.* Nullam communionem adulatorum cum Christo, nisi per fidem in ipsum. *Eph. i. 11. 17.* Nullam fidem in Christum, sine illius cognitione. *Job. xvi. 3.* Nullam cognitionem, nisi per praedicationem Evangelii. *Rom. x. 14.* Nullam praedicationem Evangelii in operibus Naturae. Est enim illud *mysterium tacitum a temporibus secularibus. Rom. xvi. 25.*

XV. Quorsum ergo, inquires, haec per naturam vocatio? Ut de ἀνατολογισία taceam, de qua modo dixi, & qui finis quidem potest esse vocantis, non tamen vocationis: eo servit ista vocatio, ut viam sternat ulteriori, perfectiori, & magis explicitae vocationi, quae fit per Evangelium, & ut amplioris doctrinae praeludium sit. Nam uti gratia supponit naturam, quam perficiat: ita veritates in Evangelio revelatae sibi pro fundamento substernunt veritates natura notas. Ubi quis sub maligna naturae luce conspiciatus fuerit, esse Deum, & in illius communione sitam esse beatitudinem, & omnia praeter ipso nihil esse, & ipsum remuneratorem esse iis qui ipsum quaerunt, nec quaeri frustra, modo via & ratione quaeratur; is ea jam fundamenta habet, quibus superaedificat Evangelium, docens, quis ille Deus sit, quo modo propitius sit factus mortalibus in Christo, qua via quaeri, qua ratione certo inveniri queat. Atque ita ea cognitio, quam natura docet sanctificata per Spiritum, animum instructiorem reddit ad eas veritates amplectendas, quae licet naturam superent, naturam tamen perficiunt, tantum abest ut destruant. Accedit, quod admodum expediat fidelibus, sub Evangelio viventibus, naturae librum ob oculos semper habere. Qui & lectiones utilissimas suppetit, & continuis convitiis animos flagellat, nisi praesens ubique numen amant, colant, celebrent: quod gentiles ipsi, ut Epictetus alique, suo quodam modo, fecerunt.

XVI. Accedit ergo altera vocatio, per Verbum Dei supernaturaliter revelatum, vel ex ipsius Dei ore immediate, uti factum est olim Patriarchis, Prophetis, Apostolis aliisque; vel mediantibus Dei Ministris, sive illud viva predicaverint voce, sive consignaverint scriptis. Huc pertinet, quod Paulus dicit *Rom. x. 14. Quomodo credent ei, de quo non audierint? quomodo audient absque predicante?* Sunt quidem hic suae partes aliquae Legi, quae convincit hominem de peccato. *Rom. i. 11. 20.* experge-

Non tamen ea per naturam vocatio est inutilis.

Præsertim si accedat altera per Verbum supernaturaliter revelatum: cum Legis,

quam  
Evangelio-  
li.

facit sensum miseriæ, expellit peccatorem ex se ipso, excitat liberationis desiderium, dicit hoc suspirium: *Arduus ego homo, quis me eripiet ex isto corpore mortis? Rom. VII. 24.* Quapropter lex in vigore suo omnino prædicari debet, ut *terrore Domini cognito homines ad fidem adducantur. 2. Cor. v. 11.* Sed præcipuum tamen ab *Evangelio* peragitur, quod Christum revelans, & omnis gratiæ salutisque plenitudinem in eo, blanditiis suis sollicitos peccatores ad communionem Dei pellicit. Nihil est quod majori pollentia intimas cordis fibras penetret; quam blandissima illa Jesu vox. *Venite ad me omnes, qui fatigati estis & onerati, & ego faciam ut requiescatis. Mat. XI. 28. Qui sitit veniat, & qui vult accipiat aquam vitæ gratis. Ap. XXII. 17.* Hoc verbum est potentia Dei ad salutem cuius credenti, *Rom. 1. 16.* Si sola prædicaretur Lex, horrore suo animos ad desperationem adactos in odium Dei, ut severi peccatorum vindicis, obduraret. Sed Evangelio accedente, quod luculentam gratiæ spem affulgere facit, etiam perditissimo cuius peccatori, modo sibi displicens eam ex animo desideret, præfracta corda mulcentur, & liquecunt in amorem Dei Christi que ejus. Ideoque nihil suavius, nihil carius nobis esse debet dulcissimo Evangelii verbo, in quo torrentes rivi mellis & butyri sunt. *Jes. LII. 7.*

Quod in-  
de a primo  
peccato  
sufficiens  
electis  
prædica-  
tum est.

XVII. Verbum illud gratiæ jam inde a primo hominis peccato auditum in mundo fuit, sed dispensatum multo modis. *Heb. I. 1.* Ita tamen, ut seculis omnibus sufficiens fuerit electis ad salutem erudiendis, juxta mensuram illam gratiæ & cognitionis, quam cuique temporis periodo providum Numen ad mensum est. Quando parcius & obscurior erat revelatio, minore scientiæ accuratione contentus Deus, secreta Spiritus sui virtute electos univit Christo, tenuitque unitos, vinculo ferme invisibili, quod tamen nulla vi rumpi quiret. Verum postquam luculentius sese patefecit, scientiam fidemque magis explicitam exigit: & uti suos dilucide docet, *quomodo porrect eos ambulare, & Deo placere*, ita etiam vult, *ut in eo magis excellent.* *I. Thes. IV. 1.*

Neque  
Prophetis  
solum re-  
velatum,  
sed & per  
eos reli-  
quis piis,

XVIII. Non astipulamur iis, qui existimant verbo Dei ἀγνάθως ad salutem per fidem in Christum eos solum vocatos esse, qui Spiritu Prophetico eminuerunt: reliquam vero Ecclesiam fuisse tam ruditer institutam, ut solo legis naturæ adminiculo, absque fidei Spiritu ad Christum ignotum adducerentur. Nam inde ab Adamo Ecclesiæ salvandorum una & ἰσότης cum Prophetis fides fuit, uti communis salus. Non loquebatur Deus Prophetis solum, in usum ipsorum privatum, sed per Prophetas Patribus. *Heb. I. 1.* Perfide egissent Prophetæ, si accensam sibi lucernam condidissent sub modio; concreditumve talentum desider involvissent sudario. Neque cum pietate priscorum patrum convenit, ut ea, quæ ipsi de promisso mulieris semine didicerant, non sedulo

lo & accurate filiis suis ingererent. Ita ut de revelatione Servatoris electis ab ævo facta dubitandum non sit : de modo mensuraque cognitionis nihil temere definiendum.

**XIX.** Vocatio hæc per Evangelium nunquam universaliter ad omnes homines directæ fuit, nisi fortassis in mundi ex Adamo nascentis vel Noacho renascentis, exordio. Quanquam tunc quoque de quorundam a gratia sua seclusionem Deus monuit; distinctione facta inter semen mulieris & semen serpentis: & Chamo dira maledictione a fratribus segregato, priscoque vaticinio de pelliciendis olim Japheti posteris ad tentoria Semi, innuente, fore aliquamdiu Japheti nepotes a communione populi Dei alienos. Postea, plerisque mortalibus sibi relictis, Abramidis, & ne iis quidem omnibus, verbum gratiæ indulgit. Denique quum Israëllem sibi vindicasset in populum, gentes cæteras abdicavit, sivitque eas omnes suis ipsarum viis incedere. *Act. xiv. 16.* Et licet septointergerino contracto Apostoli Evangelium omni creaturæ, sine ulla distinctione, annunciare iussi sint, tamen nunquam ita universaliter prædicatum fuit, quin plurimæ semper extiterint gentes, & adhuc extent, ad quas nulla Evangelii fama permanavit. Frustra ergo sunt, qui universali Christi redemptione, & universali, quam vocant, objectiva gratia conficta, ei statuminandæ universalem ad Christum vocationem similiter confinxerunt.

Nunquam tamen universaliter toti mundo.

**XX.** Continet hæc vocatio mandatum fidei quo omnes omnino homines, quos Deus ista vocatione dignatur, jubentur in Christum credere, ea via ac ratione, quæ revelata est in Evangelio. *Ies. xlv. 22. Respiciite ad me, & servemini, omnes fines terra.* Methodus autem credendi hæc est: *Primo* ut quis ex animo agnoscat omnes omnino homines, & se in iis, propter peccatum obnoxios esse condemnationi: *Tum* amplectatur principes Evangelii veritates, non dari salutem nisi in Christo, neque communionem cum Christo, nisi per veram ac vivam fidem: *Porro* tantam salutem non negligat, sed abnegatis omnibus bonis terrenis rejectisque omnibus falsis malorum remediis, iustitiam Christi unice desideret, eum ut Servatorem acceptet, ei se totum dedat, non dubitans, quin ita faciens in eo animæ suæ requiem inventurus sit. Non ergo jubentur omnes & singuli, quibus annuntiatur Evangelium, mox credere, Christum pro ipsis mortuum esse. Hoc enim falsum est. Sed jubentur ea procedere methodo, quam modo delineavi, neque antea se consolari morte Domini, quam agnita propria miseria, & abnegata, præter Jesum omnibus, ei se sincere commiserint. Non potest ergo ex hac communi vocatione concludi, pro quibus Christus mortuus sit. Sed hoc tantum, nullum esse aliud nomen datum sub coelo, in quo oporteat nos servari: & in ipso, ut sufficienti Servatore, omnem credentem vitam habiturum esse.

Omnes quidem obligantur mandato fidei, sed iusta methodo.

Externa  
vocationi  
internam  
accidere  
necesse est.

XXI. Cæterum *externa* illa vocatio neminem ad communionem Christi adducet, nisi *internam*, quæ non suasoria modo & imperativa, sed & operativa virtute Spiritus peragitur, comitem habeat. Est quædam vocatio Dei, qua ea, quæ vocat, extare facit, eo ipso quod vocat. Tali vocatione *vocat ea, quæ non sunt, ac si essent. Rom. 14. 17.* Quando enim dixit, *Existas Lux*, mox fuit *Lux. Gen. 1. 3.* Huic non absimilis est vocatio illa interna Spiritus; de qua Apostolus scribit *2 Cor. 14. 6. Deus qui dixit, ut in tenebris lux splenderet, is est, qui splenduit in cordibus nostris.* Quando autem electis, hora beatificæ visitationis suæ, dicit, *Excitare qui dormis, & resurge ex mortuis, & illucescet tibi Christus; Eph. 5. 14.* fieri non magis potest, ut diutius in somno mortis maneant, quam fieri poterat, ut Lazarus maneret in sepulchro, postquam Christus ipsi dixerat, *Lazare prodi foras. Job. 31. 43.*

In qua  
vorticor-  
diam vir-  
tutem  
suam  
Deus ex-  
se-  
rit.

XXII. Exerit hic Deus immensam virtutem suam, non minus potenter quam suaviter vorticordiam. Dum externe electis suis proponitur Evangelium, *dat iis oculos mentis illuminatos: ad sciendum, quæ sit spes illa vocationis ipsius, & quæ opes gloria hereditatis ipsius in sanctis. Eph. 1. 18. Aperit corda eorum, ut attendant iis quæ dicuntur. Act. 16. 14.* facitque, *ut sermonem accipiant cum omni alacritate. Act. 17. 11.* Inscribit dictata sua menti. *Ser. xxxi. 33.* Indit reverentiam sui animo eorum. *Ezech. 31. 20.* Et non *vocat* solummodo ex tenebris ad admirabilem lucem suam, sed & *vocando trahit*, non ut in ancipitis deliberationis bivio consistant, sed *ut currant post ipsum. Cant. 1. 4.* Nec in æquilibrio duntaxat statuit, sed *convertit. Ser. xxxi. 18.* Nec suadet modo, sed *persuadet, & fortior est & pravalet. Ser. 22. 7.* Nec sollicitat, sed *transportat. Col. 1. 13.* Nec potentia ordinaria, sed illa immensa, qua Christum ex mortuis suscitavit. *Eph. 1. 20.* Induat se in quamlibet formam humani ingenii vertumnus, hæc totidem Divinæ in hoc negotio omnipotentis radios, totidem in suam superbiam veluti iacta fulmina, fateatur necesse est.

Illibata  
tamen hu-  
manæ vo-  
luntatis  
libertate.

XXIII. Ita tamen cum creatura rationali hic agit Deus, ut voluntatis humanæ libertas illibata plane maneat: quam tantum abest ut hac roboris sui *tyrannia* destruat, ut ex adverso eam vindicet afferatque. *Indidit quidem cordi Titi proficiscendi studium, sed ita ut a se ipso, utro ac sua sponte iter susciperet. 2 Cor. 13. 16.* Vis quidem est, sed cælestis amoris, eo major quo suavior. Coactio quædam, sed blandissimæ amicitiae, eo faciens, ut anima catenis peccati ac Diaboli soluta, in jucundissima libertate delicietur. Non trahit Deus invitos & obtorto collo, sed facit volentes: *Phil. 1. 13.* tam clare veritates suas mentibus ingrens, ut non possint non assentiri, tam efficaciter bonitatis suæ delictis voluntates demulcens, ut non possint eas nolle: sed victi manus dent, &

& quidem lubentissimi, cum gaudio acclamantes, *Pellecisti me, Jebel-va, & pellectus sum, fortior fuisti me, & prevaluisti.* Jer. xx, 7. Hac deum victoria de Diabolo triumpho, quod victum me a te exsultem. Quisquamne est tam tetricus, qui lubentifica hac (ita loqui liceat) pol-  
lentia numinis, humanæ libertati præjudicium creari queratur?

XXIV. Nempe aliquid attentare, quod relinqueretur in ancipiti, nec perduceretur ad exitum; indignum erat potentia Dei & majestate: indignum etiam erat ejus tum bonitate tum sapientia, hominem ratione præditum ac voluntate, ita vexare ac percellere, ut in re longe maxi-  
mi momenti, tamen imprudens aut invitus agat, fatali quodam & sui nescio instinctu. Vim ergo adhibet summam, qua vincatur summa na-  
turæ corruptio: sed vim amicam, viamque sapientiæ, qualis naturam intelligentem ac rationalem decuit: quæ ita libenter vincitur, ut non modo non resistat, quia Deo volenti convertere nihil potest resistere: verum etiam quia, si resisteret, sese infelicissimam arbitraretur. Hic ta-  
men distinguendum inter initium vocationis, & ἀποτέλεσμα: necnon inter objectum vocationis, & terminum. Nam initio vocationis ne-  
cessario resistit homo, nec potest non resistere, quia objectum est incre-  
dulus ac rebellis, & filius inobedientiæ: at in apotelesmate necessario minime resistit, nec potest jam resistere, quia vocationis terminus est  
fidelis, qui victum sese agnoscit & gloriatur per obedientiâ fidei. Ethæc est illa, quam Græci emphatico admodum vocabulo indignant, Dei  
vocantis *πειθαινάγχα*.

Est enim  
Dei vo-  
cantis  
quædam  
πειθαινάγχα

XXV. Neque obsunt huic veritati tot, quibus invitamur, admo-  
nitiones, promissiones, comminationes, quæ uti nos de officio nostro  
instruunt, ita per Spiritum intus operantem efficaces ad conversio-  
nem redduntur. Nec opponi debent Dei Christique de populo nolente  
converti querimoniæ; quia non est ibi de virtute intus conversio-  
nem ipsorum moliente sermo, quasi illam quiverint debellare, sed de  
externo verbi ministerio, adversus quod corda sua improbi obdurant.  
Nec urgenda sunt, quæ de contristato & dolore affecto Dei Spiritu  
alibi occurrunt. Quia distinguendum est inter operationes commu-  
nes Spiritus Dei, & inter operationes speciales Spiritus gratiæ: inter  
actiones Spiritus gratiæ morales, & hyperphysicas: inter impulsus  
quædam debiliores ad certa virtutis pietatisque exercitia, & grande  
illud molimen Spiritus intendentis conversionem alicujus electi. Con-  
tristant Spiritum Dei, quia carnis & Diaboli impulsibus parere malunt,  
quam sacris ejus hortatibus, partim externe propositis per verbum,  
partim animo insinuat per conscientiam. Dolore afficiunt Spiritum  
gratiæ ipsi etiam fideles, qui eo obsignati sunt, quotiescunque sanctis  
ejus monitis non obsecundant, sed nequicquam reluctante conscien-  
tia.

Breviter  
ad secus  
sentien-  
tium  
præcipua  
argumen-  
ta respon-  
detur.

tia, in qua thronum suum erexit Spiritus, a carne mundove transve-  
sos se abripi patiuntur : quotiescunque etiam sacros illius impulsus, in-  
stigantes ipsos ad officium, non ea, qua par est, animi reverentia re-  
cipiunt, foveant, prosequuntur. Unde nihil contra invincibilem Dei  
intus vocantis, & conversionem suorum molientis efficacitatem, con-  
cludi potest.

Plais vo-  
cationis.

XXVI. Ita nos oportet Vocationem Dei, tam Externam per Natu-  
ram & Revelationem, quam internam per Spiritum, attente conside-  
rare, & sedulo auscultare, lubenter obtemperare, ut, ad commu-  
nionem Dei Christique adducti, *celebremus laudes ejus, qui nos vocavit e  
tenebris ad admirandam lucem suam.* 1 Pet. II. 9.

## CAP. VI.

### De Regeneratione.

Quo  
verbo vo-  
camur, eo-  
dem rege-  
neramur.

I. **E**odem illo verbo, que ad communionem Dei Christique ejus  
vocantur electi, regenerantur ad vitam longe excellentiorem  
Ita enim Jacobus insit, *Cap. I. 18. Is quia voluit, pregenit nos sermone ve-  
ritatis, ut essemus primitia quadam eorum qua creavit.* Conveniens itaque  
est, ut a *vocationis* meditatione ad meditationem REGENERATIONIS no-  
stra nos deducat oratio.

Regene-  
ratio plena  
mysteriis  
est.

II. Hic autem abstrusa omnia sunt, plurimisque involuta mysteriis.  
Quis suæ nobis corporeæ nativitatis arcana pandet? Quis, qua ratione  
intra matris suæ viscera sicut lac fusus, tanquam caseus coagulatus sit,  
observate edidisset? Quasi sacro stupore correptus ipse exclamabat  
Vates: *Celebro te, quia tremendis modis mirabiliter factus sum; mirabilia  
sunt opera tua: id quod anima mea perprobe callet. Ossa mea non celata fuerunt  
tibi, ex quo factus sum in abdito, artificiose & quasi phrygionico opere confe-  
ctus in imis partibus terræ. Informem massam meam viderunt oculi tui.* Ps.  
cxxxix. 14. 15. 16. Si autem ea, quæ ad corporis nostri ortum vitæ-  
que hujus animalis initia attinent, tanta se abscondant caligine, ut  
vel sagacissimi cujusque investigando studium frustrentur: quanto  
reconditiora sunt ea, quæ spiritualem nostri regenerationem absolvunt,  
quam totam *μετεμορφωσις* esse nemo ambigit?

Attamen  
ad salutem  
absolute  
necessaria.

III. Ad eo tamen est necessaria, uti sine ea nemini introitum in re-  
gnum coelorum dari Servator asseruerit. *Job, 111. 3. 5.* Digna pro-  
inde in quam inquiramus: ut, si forte indepti simus, eximias Dei Pa-  
tris nostri virtutes in augusto hoc opere emicantes debitis laudibus cele-  
bremus, ac felicitatem nostram rite æstimantes, quemadmodum ea  
dignum est universam vitam nostram componamus.

Ejus de-  
finitio.

IV. Definitionem ejus hanc damus. *Regeneratio est actio Dei hyperphy-  
sica, qua homini electo, spiritualiter mortuo, nova ac Divina vita induitur,  
idque*

*idque ex femine incorruptibili verbi Dei, facundati per immensam Spiritus virtutem.*

V. Per malefuadi venena serpentis mortui sumus in Adamo omnes. I. Cor. xv. 22. Hunc successum habuere molimina ejus, qui *bomicida est ab initio*. Job. viii. 44. ut quotquot nunc existunt homines naturam mortui in lapsibus & peccatis sint. Eph. ii. 1. Hoc est. I. A Deo ejusque Spiritu, qui animæ nostræ anima, & vitæ vita est, remotissime sejuncti, sive, ut Paulus loquitur, *alienati a vita Dei*. Eph. iv. 18. II. Circa spiritualia omnia spiritualiter ἀνάσθητοι, & veri sensus expertes. Neque peccatorum suorum molem bene librantes, quippe quæ in ipsis uti in elemento suo sunt: neque miseriam suam probe agnoscentes, quippe qui *dedoluerunt*; Eph. iv. 19. neque Divinæ gratiæ ullum habentes gustum; quippe quæ donata ipsis necdum est: neque ullum rerum cœlestium desiderium; quum earum pretium ignorent. III. Ad omnes veræ vitæ actus prorsus inidonei. Neque enim idonei sumus per nos ipsos ad cogitandum quicquam, velut a nobis ipsis. 2 Cor. i. 5. Intellectus, atra caligine obsessus, Eph. iv. 18. non proponit sibi Deum: Ps. lxxxvi. 14. non comprehendit ea, quæ sunt Spiritus Dei, neque adeo comprehendere potest. 1 Cor. ii. 14. Voluntas non fertur in incognita. Atque ita omnia, quæ Dei sunt, homini animali sordent. Et si aliquando quid agere videatur, quod speciem aliquam actionum vitalium habeat; non procedit illud ex interno vitæ principio: sed simile est motibus illis automaticis, quibus affabre formatæ statuiæ vivas mentiuntur animantes.

Regeneratio mortem Spiritualem supponit.

VI. Sed sicut cadaver aliquando verminat ex putrefactione ortis animalculis, in quibus vita conspicitur vividissima; licet alterius ordinis ac speciei ab illa vita, quæ antea fuit in cadavere: ita etiam in homine spiritualiter mortuo vita quædam est; sed carnalis, infernalis, Diabolica, a vera vita longissime distans, & quæ, quo vegetior est, eo deploratissimæ mortis evidentius est indicium. Apostolus hanc mortem vitamque eleganter junxit Eph. ii. 1. 2. *Quum essetis MORTUI in lapsibus & peccatis, ambulastis in iis, ut est VITA hujus mundi*. Sic Beza vertit. In Græco est, κατὰ τὸν αἰῶνα τῷ κόσμῳ τούτῳ. Eleganter Philo Alleg. Lib. i. mortem hanc definit: ὅταν ἡ ψυχὴ τῷ ἀρετῆς βίον θηήσκη, τὸ δὲ κακίας ζῇ, quum animus virtutis vitam malitia degit. Haut absurdum est Macarii illud Homil. xii. Ἐπειδὴν ὁ Ἀδάμ κατὰ ἔσχατα διαρρήματα καὶ λογισμὰς, ἀπώλετο ἀπὸ τοῦ Θεοῦ. ἔ λέγομεν δὲ ὅτι ἀπώλετο τὸ ὅλον καὶ ἡ φανέρη καὶ ἀπείθανεν. ἀπὸ τοῦ Θεοῦ ἀπείθανε, τῇ δὲ ἰδίᾳ φύσει ζῇ. hoc est. Adam ubi capit habere pravas cogitationes & commenta, perit a conspectu Dei. Non tamen dicimus, quod prorsus interioret & deletus sit, & mortuus: sed quod, quantum ad Deum, mortuus sit; sua tamen natura vivas. Quod Macarius de Adamo dicit, univérse in singulis locum

In qua morte mortalitas vivitissima est.



habet. Scilicet in homine spiritualiter mortuo naturalis sive animalis vita remansit, quæ quum operosa non sit in bono, dupliciter operosa est in malo. Intellectus sapientiam Dei non assequens habet eam pro stultitia, 1. Cor. II. 14. & quandoquidem tamen in rebus illis quæ Dei sunt sapientiam invenire vult, ita eas insana sua audacia transformat, & ideis ineptiendis suæ *δοκησιοφίας* conformes esse vel invitas cogit, ut, dum impio ausu sapientiam Dei corrigere præsumit, eam in veram stultitiam horrenda *μεταμορφώσει* transmutet. Voluntas in Deo non inveniens quo se oblectet, quærit id vel in creaturis extra Deum; vel, quod tetrius est, in ipsa scelerum perpetratione. Affectus excussis rationis habenis effuso ruunt impetu. Corpus cum omnibus membris suis thronus est vesanarum cupiditatum. Totusque adeo homo a Deo aversus, stultoque sui amore infatuatus, seipsum in idolum erigit. Sua commoda pro summo fine, sua placida pro certissima lege habet. Hæc est vita animæ, quæ *ζῶσα τέθηκε*. 1. Tim. v. 7.

Regeneratio novam vitam indit.

VII. Eo se modo habent electi antequam regenerentur. Per regenerationem autem nova iis vita inditur: resultans ex gratiosa unione cum Deo illiusque Spiritu. Quod enim corpore anima, id animæ Deus est. Porro vita illa spiritalis considerari potest, vel ad modum *facultatis*, & in *actu primo*, quemadmodum in scholis loqui consuevimus; vel ad modum *operationis*, & in *actu secundo*. Priori respectu, est illa intrinseca animæ constitutio, qua virtute Spiritus eam cum Deo unientis, apta nata est eas exserere actiones, quæ Deo in Christo gratæ sunt: sive actiones ejusmodi mox ex isto principio consequantur, sive inibi, uti fructus in semine, aliquantisper delitescant. Posteriori respectu, est illa animæ viventis actualitas, qua convenienter præcepto Dei & exemplo Christi operatur.

Inter irregenitos, & regenitos in actu primo medius status non datur.

VIII. Si ad primum illud vitæ principium attendamus, dubitandum non est, quin regeneratio fiat in momento. Transitus enim a morte ad vitam moras non patitur. Quamdiu quis in statu mortis spiritalis est, tam diu nondum est regenitus. Eo autem momento, quo incipit vivere, regignitur. Idcirco nullus status intermedius regenitos inter & irregenitos vel cogitatione fingi potest, si regenerationem in actu primo intelligamus. Vel enim mortuus quis est, vel vivus; vel spiritum carnis & mundi, vel spiritum Dei se vegetantem habet; vel in statu gratiæ, vel in statu maledictionis; vel Dei, vel diaboli filius; vel in via ad salutem, vel in via ad maledictionem est. Intermedium hic neque datur, neque vero dari potest. Scriptura Sacra mortales universos in duos dispelcit ordines, *ovēs & hædēs*; Mat. xxv. 2. 3. omniumque instituta *duobus* comparat *viis*, quarum altera, quæ lata est, ad interitum, altera, quæ stricta est, ad vitam ducit. Mat. v. 11. 13. 14. nemoque reperitur, quin vel huic, vel

vel illi infistat. Et quid si contingeret, eum, quem in statu intermedio nonnulli esse fingunt, vita hac animali defungi, antequam plene ad vitam spiritualem traductus esset, illene in coelum assumeretur? atqui id non patet nisi actu regenitis, *Job. 111. 3.* vel in tartarum detruderetur? atqui ille non nisi hoedis destinatus est, iisque qui ad vitæ suæ finem in via lata ambulaverunt. Vel fortassis istiusmodi homines in locum aliquem intermedium colligentur, ubi ab inferorū doloribus immunes, & gaudiorum coeli exsortes, nescio qua naturali beatitudine se oblectabunt? Ferme uti Pontificii nonnulli Doctores, in Concilio Tridentino, de infantibus ante baptismum defunctis agentes, hisce cogitationum suavitudiis se ipsos palcebant: quos sine sale & aceto non dimittit auctor Historiæ illius Concilii. *Lib. 11. pag. mibi. 157.* Aut dices fortean, nunquam contingere, ut quisquam in statu isto intermedio moriatur. Sed cedo ejus asseverationis tabulas, quibus intermediis illis de vita tam diu proroganda cautum sit, donec cujus se esse ordinis velint declaraverint. Ego nihil me de ea re in Scripturis legisse memini. Et si status ille intermedius tam insolubilem cum salute nexum habeat, non erit status intermedius, sed status gratiæ. Sola enim gratia est, cui gloriæ consecutio infallibiliter est addicta. Fateor, regenerationis in actu secundo varios dari gradus; semenque ejus sub glebis delitescere nonnunquam, vel etiam tenues quasdam & initiales ac quasi infantiles operationes exserere, plurimum perfectione differentes ab iis operationibus, quas provectior sanctificationis Spiritus excitat: quum tamen priores quoque illæ ex novæ vitæ fonte originem habeant suam, eos, qui illas exserunt, regenitis accensendos esse, liquidum est. Alterutrum enim ut dicamus est necesse: vel procedunt illæ operationes, quæ intermediis ascribuntur, ex virtute naturæ & gratia communi; & sic nihil in illis est, quod non in reprobis planeque irregenitis locum habere queat: vel procedunt ex inhabitante Spiritu gratiæ, & sic effectus regenerationis sunt, cui novæ vitæ initia debentur.

IX. Patet hinc, non dari præparationes antecedaneas ad primum regenerationis initium. Quippe ante illud non nisi mera merissima mors est in homine regenerando. *Nos, QUUM IN OFFENSIS MORTUI ESSE-  
mus, una vivificavit cum Christo. Eph. 11. 5.* Et sane Scriptura iis similitudinibus conversionem hominis describit, quæ præparationes omnes planissime exesse jubent. Nonnunquam novam generationem vocat, ad quam sane nemo quicquam de suo conferre potest: sed quia tamen generatio physica nonnullas in materia dispositiones præsupponit, ne quid tale in nobis imaginemur nisi a Deo, cautum est similitudine resurrectionis, in qua ex materia nullis qualitatibus præparata corpus restituitur: quia tamen materia certe hic locum habet, in animæ

Non dantur etiam præparationes ad regenerationis initium.

autem resurrectione nihil plane suppediatur, typus *Creationis* accessit, *Pf. LI. 12. Eph. II. 10.* quo novam creaturam ex nihilo spirituali, quod est peccatum, existere docetur: at vero, quia in nihilo ut aliquid non erat, quod creationem adjuvaret & sustineret, ita non erat aliquid, quod ei obstreperet & repugnaret, peccatum autem non modo actionem Dei non suscipit, sed ei reluctatur etiam & cum eo inimicitias hostiliter exercet; non implebant nec absolvebant cæteræ imagines ideam & instar actionis hujus admirandæ, nisi tandem *Victoria* Dei diceretur. *Victoria*, inquam, de Diabolo custodiende atrium suum, *Luc. XI. 22.* & efficaciter operante *ἐν τοῖς υἱοῖς τῆ ἀπειθείας Eph. II. 2.* Omnes hæ operationes Dei, quas concinno ordine alteras alteris superstruxit *Alexander Morus, de Victoria Gratiae, Disp. 1. Th. X.* eo spectant, ut omnes præparationes ad regenerationis nostræ initium quam longissime excludantur.

Pelagianorum  
sententia  
refellitur.

X. Frustra ergo sunt Semi-Pelagiani *Massilienses*, qui contenderunt hominem ad gratiam, qua in Christo renascimur, pervenire, per naturalem scilicet facultatem, petendo, quærendo, pulsando: & in nonnullis saltem, antequam regenerentur, præcedere poenitentiam quandam, ac dolorem de peccatis, & commutationem vitæ in melius, & initium fidei, & initialem Dei amorem, & desiderium gratiæ; quos quidem conatus tanti non esse judicabant, ut dici posset, per eos nos dignos reddi gratia Spiritus Sancti; quod Pelagius & Julianus profitebantur: sed tamen existimabant, esse occasionem, qua moveatur Deus ut gratiam suam donet. Nempe tantam esse Dei misericordiam aiebant, ut tantillum boni orsum luculento adeo præmio rependat: quemadmodum hanc eorum sententiam eruderavit *Vossius Histor. Pelag. Lib. IV. Part. 1. Thef. 1* Frustra item sunt *Remonstrantes in Collatione Haglesi editionis Brandiana p. 302.* scribentes: *Præcedit ergo aliquod opus hominis sui vivificationem, nempe mortem suam agnoscere, deplorare, velle, rogare, ut ex ea liberetur, vitam esurire, sitire, quærere. Quod omne, & plus etiam, a Christo exigatur in eis, quos vivificabit.* Verum non admodum accurate hi omnes philosophantur. I. Etenim natura nostra, quum mala arbor post gustatam arborem vetitam facta sit, nullos fructus vere bonos Deoque gratos proferre potest, nihilque agere, quo se præparet ad gratiam regenerationis: nisi quis peccatis se ad gratiam præparare censeatur. II. Eos, qui quam optime ad regenerationem dispositi videri poterant, ab illa tamen quam longissime abfuisse compertum est. Quod juvenis istius exemplum luculentissime demonstrat; qui bonæ, uti videbatur, intentionis plenus, & cæli desiderio flagrans, & vitæ coram hominibus inculpatæ, usque adeo ut Jesus ipse eum intuitus eum diligeret, non obstantibus tamen omnibus illis dispositionibus tristis a

Domi-

Domino recessit. *Marc. x. 21. 22.* III. Contra autem ii, in quibus nihil fuit, quod vel umbram præparationis haberet, ut publicani & meretrices, cæteros civiliter iustos & externe religiosos præcefferunt in regno Dei: quippe hi *Johanni annuncianti viam justitia non crediderunt; publicani autem & meretrices omnino crediderunt. Mat. XXI. 31. 32.* IV. Denique testatur Deus, in primo appulsu gratiæ inveniri se ab iis, qui ipsum non querunt, & de ipso non interrogant. *Jes. LXV. 1.* Optime *Fulgentius: Lib. 1. De Verit. Prædest. p. 62.* Non utique quia volumus gratiam accipimus; sed necdum volentibus nobis gratia data est.

XI. Ex nostris quoque nonnulli fuere, qui de præparationibus ad regenerationem vel conversionem loquuti sunt; sed longe alio quam Pelagianizantes sensu. Constituerunt in regenerandis, I. fractionem naturalis contumaciæ, & flexilitatem voluntatis. II. Seriam Legis considerationem. III. Considerationem priorum peccatorum & offensarum Dei. IV. Legalem metum poenarum ac formidinem, inferni, atque ita desperationem suæ salutis, respectu ullius rei in se ipsis existentis. Hoc enim ordine præparationes eas recenset *Perkins. Casibus Conf. Cap. v. Quæst. 1. Sect. 1.* Neque abludit *Amesius Cas. Conf. Lib. 11. Cap. 17.* in eundem ferme sensum *Britanni Theologi* se explicuere in *Synodo Dordracena p. 139. Edit. Dordrac. A. 1620. in Folio.* I. sunt quadam opera externa ab hominibus ordinarie requisita, priusquam ad statum regenerationis aut conversionis perducantur, quæ ab iisdem quandoque libere fieri, quandoque libere omitti solent; ut adire Ecclesiam, audire verbi præconium, & id genus alia. II. Sunt quadam effecta interna ad conversionem siue regenerationem prævia, quæ virtute verbi Spiritusque in nondum justificatorum cordibus excitantur; qualia sunt notitia voluntatis Divina, sensus peccati, timor poenæ, cogitatio de liberatione, spes aliqua veniæ. In eo autem a Pelagianizantibus differunt: I. Quod hæc non ex natura procedere velint, sed effecta esse profiteantur Spiritus servitutis, sibi ipsi viam struentis ad actualem regenerationem. II. Quod nolint Deum intuitu, & motum occasione harum præparationum, multo minus earundem merito aliquo, regenerationis gratiam largiri; sed existiment Deum sibi ipsi hoc modo aggerem æquare, valles attollere, montes collesque deprimere, quo planiori via ad animam illam ingreditur. Imo addunt Theologi Britannii *Thesi. vi.* Ne electos quidem ipsos in hisce præcedaneis ad regenerationem assibus ita se gerere unquam, quin propter negligentiam & resistantiam suam possint iuste a Deo desereri & derelinqui. Vocant tamen præparationes potius ad gratiam, quam gratiæ fructus & effecta, quia putant reprobam quoque huc usque procedere posse: affirmantque, hos præcedaneos effectus, virtute verbi Spiritusque in hominum mentibus productos, rebellis voluntatis vitio suffocari ac penitus extinguere posse, & in multis solere. *ibid. Thesi. v.*

Ortho-  
doxi non  
nulli, præ-  
parationes  
ad regene-  
rationem  
admitten-  
tes, longe  
tamen a  
Pelagiani-  
zantibus  
abstinent.

270

Verum enimvero accuratius nos eos philosophari opinamur, qui hæc & similia in electis, non præparationes ad regenerationem, sed primæ regenerationis fructus & effecta statuunt; præparationes tamen ad ulteriores & perfectiores generosiores Spirituales spiritualiter attendentis, sup- hæc vitam aliquam animæ, ad res Spirituales spiritualiter attendentis, sup- ponant, & operationes non ea ad Spiritum gratiæ & regenerationis molientis; non possumus quod similia quoque, vel eadem in reprobis referre. Neque obstat, quod similia quoque, vel eadem in reprobis inveniri dicantur. Licet eadem sint materialiter, non tamen eadem sunt formaliter. Reprobi quoque habent aliquam cognitionem Christi; aliquem gustum Divinæ gratiæ & virtutum futuri seculi. Non tamen inde sequitur, cognitionem Christi, prout in fidelibus est, eumque gustum gratiæ & gloriæ, qui ipsis exhibetur, non esse donum Spiritus gratiæ & gloriæ. Et sane ea, quæ memoravit Perkinus, cæteri- que Britanni, in reprobis non sunt præparationes ad regenerationem; neque ex natura rei, neque ex intentione Dei. Non prius. Nam quantacunque illa videantur, manent tamen intra ambitum mortis Spiritua- lis; & tantum abest, ut reprobis per ea ad vitam spirituales disponan- tur, ut e contra illis spirituales vitam mentientibus actibus decepti, magis in vera morte obducentur, sibi que stulte placentes, a quæstione veræ vitæ, quam falso se acquisivisse putant, longius removeantur. Non posterius. Nulla enim Dei intentio frustranea est. Aliter erga in electis, aliter in reprobis ea omnia existare necessum est.

Discrimen Or-  
thodoxo-  
rum magis  
est in ver-  
bis quam  
in sensu.

XII. Si res proprius consideretur, comperiemus, Orthodoxos hic magis in verbis & explicandi modo, quam in sensu & re ipsa discrepare. Nam vox regenerationis ambigui significatus est. Aliquando confundi- tur cum sanctificatione, & per regenerationem intelligitur illa Dei actio qua homo, jam amicus Dei factus, & vita spirituali donatus, ex infu- sis habitibus iuste sancteque operatur. Et tunc certum est, esse quædam Spiritus effecta, quibus solet illos ad completæ fidei ac sanctitatis actus præparare; præcedit enim notitia veritatum Divinarum, sensus mise- riæ, dolor de peccatis, spes veniæ, &c. antequam aliquis fiducialiter Christum apprehendat, & veræ pietati operam det. Non solet Deus uno saltu hominem sanctum facere, antequam de se vel Deo quicquam cogitaverit, vel ullam salutis suæ curam habuerit, Et hoc videntur velle Theologi Britanni: quando in confirmatione secunda Theodosius ita loquun- tur. *Ad statum justificationis, in quo pacem habemus apud Deum per Domi- num nostrum Jesum Christum, non solet gratia Divina homines perducere per subitum enthusiasum, sed multis præviis actionibus ministerio verbi suba- ctos & præparatos.* Quibus verbis satis ostendunt, se per regenerationem intelligere statum justificationis passivæ. Sed aliquando regeneratio-  
notat

notat primam translationem hominis estau mortis ad statum vitæ spiritualis : quo sensu nos eam sumimus. Et eo respectu nemo Orthodoxorum, si convenienter suis hypothesebus loqui velit, opera præparatoria ad regenerationis gratiam statuere potest. vel enim statueret, ea ex natura procedere ; & sic, fatentibus Orthodoxis omnibus, nil sunt nisi opera mortua & splendentia peccata. Peccatis autem aliquem disponi ad regenerationis gratiam, nemo sanus dixerit. Vel statueret, ea procedere ex Spiritu Dei ; qui si non aliter hætenus operetur in electis quam in reprobis, non impedit sua illa operatione, quo minus illa opera mortuis accenseantur. Nam reproborum actiones omnes, quantacunque auxilii Divini eminentia sublimentur, peccata esse omnes tenent Orthodoxi. Sic Britanni Theologi *l. c. p. 143. Mala arbor fructus malos sua natura proferens, prius in bonam ipsa mutetur opus habet, quam fructum ullum bonum proferat. Hominis autem nondum regentis voluntas non modo est mala arbor, sed & mortua.* Subsumo nunc, reprobi nunquam regenerantur, ergo semper manent malæ arbores & nunquam alios quam malos fructus proferunt. Et ne sic quidem in istiusmodi operibus potest præparatio ad regenerationem esse, ob causam supra expositam. Si dicas, aliter se in electis habere opera hæc, quæ præparationes vocas : quæro qua in re sita sit ista diversitas ? nihil responderi potest præter unicum illud, quod procedant a Spiritu gratiæ & vitæ. Recte sane. Verum tum non sunt præparationes ad primam regenerationem, sed illius effecta. Nam regeneratio est primus appulsus Spiritus gratiæ & vitæ efficaciter in electis operantis.

XIII. Quid ergo, inquires, nullæne ad regenerationem primam dantur dispositiones præparatoriæ ? Respondeo confidenter : nullæ. Et subscribo *Fulgentio, libro de incarnat. & gratia Christi Cap. XIX. Sicut in nativitate carnali omnem nascentis hominis voluntatem præcedit operis Divini formatio ; sic in spiritali nativitate, qua veterem hominem deponere incipimus.* Fateor quidem, mortem spirituales suos habere gradus ; sed cum distinctione. Quod in ea privativum est, scilicet carentia vitæ Dei, æquale est in omnibus : neque hic magis minusve habet locum. Sed quod positivum in ea, aut quasi positivum est, videlicet pravi illi habitus, illi valde sunt inæquales. In infantibus sunt tantum pravi habitus connati : in adultis superaccedunt alii, multis vitiosis actibus & peccandi consuetudine acquisiti, ac radicati. Ii rursus in ingenti sunt discrimine, prout arcana Dei dispensatione affectus hominum vel magis vel minus coercentur. Quamvis enim lateat in singulorum pectoribus quædam velut lerna malorum omne genus ; tamen Deus alios indulgere vitiis, & quibusdam veluti furiis agitari patitur : alios pudore, & legum reverentia, ac quodam honestatis amore tangit. Qui eo sensu minus pro-

Faremur  
tamen,  
mortem  
spiritua-  
lem habere  
suos  
gradus.

cul a gratia sanctificante abesse dici possunt, quatenus magis ei adversantur horrenda scelera, quam civilis & externa vitæ honestas. Sed tamen quantumcunque quis ante regenerationem in honestate illa processerit, manet nihilominus intra peripheriam mortis: in qua nulla est ad vitam præparatio.

Neque  
putamus  
hominem  
non aliter  
dispositum  
esse ad re-  
generatio-  
nem quam  
lapidem.

XIV. Neque tamen cum iis facimus, qui tam crude asserunt, non aliter hominem dispositum esse ad regenerationem quam lapis aliquis, aut irrationale animal. Sunt enim in hominis anima per naturam eas facultates, quæ faciunt, ut habile regenerationis subjectum sit; quæque in lapidibus vel brutis non reperiuntur. Hactenus homo regenerari potest; brutum vel lapis non potest. Eo sensu dixit *Augustinus, Libr. de Prædest. Sanct. Cap. v. Posse habere fidem & caritatem, natura est hominum; habere autem, gratia fidelium.* Quod de potentia non proxima, sed remota, intelligendum esse, quatenus homo natura eas facultates habet, quarum subjectum sunt fides & caritas, necessariis argumentis addixit *Vossius, Histor. Pelag. Lib. IV. Part. 1. pag. 418.*

Nec diffi-  
temur,  
electos  
ante rege-  
neratio-  
nem privi-  
legia quæ-  
dam habe-  
re.

XV. Id tamen prætereundum in hoc negotio non est, Electos ante regenerationem suam actualem, variis & iis quidem præstantissimis privilegiis supra reprobos a Deo mastrari, quæ ex consilio Dei eo destinata sunt, ut regenerationi, suo tempore futuræ, promovendæ inserviant. Quum enim Deus eos amplectatur amore benevolentia specialis juxta decretum electionis; & quum sint redempti per Christum, & in statureconciliationis cum Deo, & justificationis, active sumtarum; exinde consequitur. I. Quod Deus eos sæpenumero conservet ab iis flagitiis sceleribusque, quæ communi humanitati repugnant, idque per auxilia quædam luminis, Theologia, Conscientia & Civilis Honestatis, accedente gratia aliqua intus operante, & naturalem vitiositatem coercente. II. Quod omnes & singuli, qui ad agnitionem & communem illuminationem veritatis Evangelicæ traducti sunt, præserventur a peccato in Spiritum Sanctum. III. Quod per ministerium verbi, aliasque operationes specialis Providentia Dei erga ipsos, multa coelestis veritatis axiomata, naturali mente percepta, memoria itidem naturali imprimantur, quorum meditatio, mox postquam renati sunt, roborandæ fidei admodum conducit. Atque ita ignorantes nobilissimos uniones collegerunt, quorum præstantiam & genuinum usum non nisi renati agnoscunt. Quum tamen hæc ex propria sua natura hominem non disponent ad regenerationem, licet ex ordinatione Dei ita sint disposita, ut regeneratio ea secutura certo sit, præparationes dici non possunt nisi remote admodum, actales erunt magis intentione Dei, quam virtute rei.

Nonnun-  
quam Spi-

XVI. Postquam nunc per regenerationem vitæ spiritualis principium animæ electæ infusum est, non eodem semper modo & ordine circalud

Ind Divina procedit gratia. Fieri potest, ut aliquamdiu Spiritus vitæ Christi in quibusdam quasi delitescat, (eo ferme modo, quo vita vegetativa est in semine plantæ, aut vita sensitiva in semine animalis, aut ingenium Poëticum in Poëta nato) ita tamen ut nullæ adhuc ex eo operationes vitales procedant. Quanquam cum Christo veræ vitæ fonte per Spiritum salutariter uniti sint. Id locum habet in infantibus electis ac renatis, quorum est regnum Dei, quique idcirco fidelibus & sanctis accensentur, licet per ætatem idonei non sint, ut actu credant & pietati operam dent.

ritus, uti  
vita in se-  
mine, de-  
litescit.

XVII. Porro contingit quandoque, ut ille Spiritus novæ vitæ suis etiam se vitalibus actionibus exerat, quam primum illi, qui in infantia eum acceperunt, crescente paulatim ætate, supra corpus cogitationibus suis ascendere apti sunt. Ita non semel observatum est, in quinquennibus sexennibusve puerulis pietatis ac devotionis igniculos quosdam scintillare, emicantes in sanctis desideriis, ardentibus precationculis, & eximia quadam conscientiæ teneritudine, nihil erga Deum, vel se, vel proximum audentis, quod Deo displicere edocta est: itemque in sermonibus de Deo & Christo, sanctæ & infusæ caritatis plenæ, & coeleste aliquid, quod verbis non ita exprefferim, spirantibus: quemadmodum Deo quandoque lubet *ab ore infantium ac lactentium fundatam laudem disponere*. Ps. VIIII. 3. Præsertim in moribundis quibusdam puerulis, non sine stupore ingenti circumstantium, hæc animadverta sunt.

Aliquan-  
do opera-  
tiones suas  
exerit sed  
quasi in-  
fantiles.

XVIII. Cæterum ne his quidem jactis fundamentis eodem semper modo Divina gratia superædificat. Sæpe evenit, uti hoc Spiritualis vitæ principium, quod in tenerrima pueritia pro ætatis ratione, vel quandoque supra illam, Deo justam naturalium facultatum maturitatem singulari sua gratia occupante, actuosum se monstraverat, una cum homine paulatim adolescat, ad exemplum Domini nostri, *proficientis sapientia, & statura, ac gratia, apud Deum & homines*. Luc. II. 52. & Johannis Baptistæ, qui *crescebat, & corroborabatur Spiritu*. Luc. I. 80. Tales in via sanctificationis indefinenter procedunt, ac crescunt insensibiliter *in viam adultum ad mensuram plenæ staturæ Christi*. Eph. IV. 13. Ejus rei illustre exemplum habemus in Timotheo, *qui a puero sacras literas noverat*. 2 Tim. III. 15. quique in tenera adolescentia, ad maximum Pauli gaudium, non fuscæ fidei, prorumpentibus subinde blandissimæ pietatis lacrymis, evidentiæ edebat documenta. 2 Tim. I. 4. 5.

Quæ non-  
nunquam  
cum ætate  
proficiunt.

XIX. Ex adverso contingit nonnunquam, ut illi pietatis igniculi, præsertim qui parcius in pueritia emicuerunt, nescio quo mundanarum vanitatum ac carnalium adolescentiæ cupiditatum cinere obtecti, in emortuos ferme carbones abire videantur. Deceptricis illecebræ ear-

Aliquando  
ad tempus  
ferme sus-  
focantur;



cul a gratia sanctorum  
sanctorum.

L I B. III. C A P. VI.

donec  
lingua  
rem illum  
efficaciter  
Deus exci-  
tat.

Nonnulli  
etiam in  
adulte  
tate simul  
ac semel  
regeneran-  
tur actu  
primo, &  
conver-  
tur actu  
secundo.

An nemo  
pro renato  
sit habendus,  
nisi  
qui regenerationis  
sue processum  
narrare  
novit?

XXI. Hinc pendet Problematis illius solutio, an nemo pro renato habendus sit, qui non suæ regenerationis tempus, modum ac processum narrare potest. Nemini quidem hac in parte obtrudendum est palpum, uti sibi secure de regeneratione præsumere licitum esse autmet: sed nec excarnificandæ sunt conscientia fidelium præfracta aliqua scrupulositate. Non sine distinctione negotium hoc expeditur. Varium admodum regenerationis processum esse mox jecimus. Qui jam adulti ex vita plane mundana ad vitam spirituales tracti sunt, illi sane & possunt, & debent initium modumque tantæ suæ mutationis in numero habere. Qui licet in infantia regenti, tamen mundi vorticibus abrepti, aliquamdiu quasi cum exitio luctati sunt, sed deinceps Divina excitati gratia, mundo renunciant, totoque se pietati reddunt, quales Theophylactus XVII. descripsimus: illi non tam primo primæ regenerationis suæ initia, quam pertendentis illius actualis conversionis processum, in mente ac memoria habere possunt, debentque. Qui vero in infantia regenti, simul cum Spiritu eos vivificante adoleverunt, ii ut transitus sui e vita ad mortem, tempus modumque declararent, improbe exigeretur. Sufficient, si non fucatis regenerationis fructibus, & constanti piæ vitæ tenore,

re, se consolentur, alios ædificent. Interim omnium est, Spiritus gratiæ in corde suo operationes non perfunctoria diligentia ad animum revocare: quod & glorificando Deo, nobisque ipsis tam consolandis quam excitandis, apprime utile est.

XXII. Quin regenerationis nostræ auctor Deus sit, nullum potest esse dubium. Ejus enim per regenerationem reddimur filii. *Qui ex Deo nati sunt. Job. i. 12.* Et hac quoque in parte *Filii Dei per gratiam* similitudinem quandam habent cum eo, qui est *Filius Dei per Naturam*: servata interim ea proportionem, quæ inter infinitam Domini *ὁπποσὸν*, & obscurum illius in nobis *ἀποσκίασμα* intercedit. Cur D. Jesus Filius Dei vocatur? Quia a Patre *genitus* est. *Pf. 11. 7.* In quo consistit illa generatio Patris? In eo, quod *sicut Pater vitam habet in se ipso, ita quoque Filio dedit vitam habere in se ipso. Job. v. 26.* Quare nos quoque in communione Christi, filii Dei dicimur? Quia ipsius Pater noster Pater est. *Job. xx. 17.* Quomodo Pater noster factus est? *Progenit nos Jac. 1. 18. 1 Job. v. 4. 11.* In quo generatio illa sita est? *Fecit nos consortes Divinæ naturæ. 2 Pet. 1. 4.* Ita nos quoque ad similitudinem ejus transformamur, neque contemnendam sanctissimæ gloriæ ipsius effulgentiam acquirimus.

Regenerationis auctor Deus est.

XXIII. Specialis autem hic Christi consideratio est. Qui *Theologice* consideratus, una cum Patre & Spiritu, princeps est causa regenerationis nostræ. Sed in consideratione *Oeconomica* ejusdem regenerationis causa est *meritoria & exemplaris*. Etenim quando dissimulata Filii Dei Maiestate, humana se forma induit, & in *similitudine carnis peccati* venit *Rom. vii. 3.* eo ipso meruit, ut omnes electi sui ad augustam illam dignitatem filiorum Dei pervenirent; filiorum, inquam, non per Adoptionem modo, sed & per Generationem Spiritualem & coelestem. Est etiam sancta illa & gloriosa vita Christi nostræ novæ vitæ exemplar perfectissimum, cujus omnis eminentia in conformitate cum vita Christi consistit, qui *primogenitus est inter multos fratres. Rom. viii. 29.* Accedit, quod Christus, uti posterior Adamus, non merito duntaxat, sed & efficacia factus sit *Spiritus vivificans. 1 Cor. xv. 45.* Adeo ut regeniti non tam ipsi vivant, quam viventem in se Christum sentiant, agnoscant, prædicent. *Gal. ii. 20. Phil. i. 21.*

Christus, causa meritoria & exemplaris.

XXIV. Dignum quoque animadversione nostra est, quod de Spiritu Regenerationis auctore concionatur Dominus, *Job. iii. 5. nisi quis fuerit genitus ex aqua & Spiritu, non potest intrare in regnum Dei.* Quærunt hic interpretes, quid per *aquam*, quid per *Spiritum* intelligi debeat? Est qui per *aquam* intelligit, originem nativitatis nostræ naturalis conferens cum hoc loco id quod exstat *Jes. xli. 1.* ubi *Israëlitæ ex aquis Jehuda prodiiisse* dicuntur: & *Pf. lxxviii. 27. ex scaturigine Israël.* & tunc

*Joh. iii. 5. explicatur.*

sensus esset, præter nativitatem illam, qua homines nascimur, aliam adhuc requiri, qua nascimur filii Dei. Quod & simplex videtur & phrasi Scripturæ consentaneum. Est qui per *aquam* intelligat *Christi obedientiam*: quam quidem nos regenerationis nostræ meritoriam causam esse non dubitamus: dubitamus tamen, an unquam aquæ nomine in Scriptura veniat. Nam quæ eum in finem adducuntur *Heb. x. 12. 1. Job. v. 6. 8. Ezech. xxxvi, 25.* id non evincunt. Per aquam ibi commodius Spiritus Sanctus cum operationibus suis intelligi videtur. Atque ita ipsum Dominum explicare patet citato Ezechielis capite, versu 26. Præferenda ergo est communis explicatio, per *aquam & Spiritum* unam eandemque rem intelligi: uti per Spiritum & ignem *Mat. 111. 11.* Nihil enim in sacris literis vulgatus est, quam Spiritum Sanctum sub aquarum emblemate proponi. Vide inter cætera *Jes. xlii. 3. Effundam AQUAS super sitientem, & fluentia super aridam; effundam SPIRITUM meum super semen tuum.* Ubi prior parabolica locutio per sublequentem propriam explicatur.

Semen regenerationis est verbum Dei.

XXV. Semen regenerationis nostræ, est verbum Dei. Ita enim Petrus, 1 *Epist. 1, 23. Regeniti non ex semine corruptibili, sed incorruptibili, διὰ λόγου ζωῆς ὁ Θεὸς καὶ μένοντος εἰς τὸ αἰῶνα*: quod verti potest, per sermonem Dei viventis & manentis in æternum, vel, per sermonem Dei viventem & manentem in æternum. Verum neque semen hoc eodem semper modo operatur. Nam adultos quod attinet, ii renascuntur per verbum Dei, proponens ipsis naturalis vitæ, vel potius vivæ illius mortis, fœditatem & miseriam, itemque præstantiam spiritualis istius vitæ, cuius auctor, fons & exemplar Christus est: instans quoque efficacissimis hortationibus, ut, abnegata omni cupiditate carnali, Spiritui Dei se fingendos formandosque tradant. Et hoc modo verbum iis est instrumentum morale regenerationis, docendo & suadendo. Sed infantum electorum, quum doctrinæ & suasionis capaces non sint, alia ratio est. Si illi quoque ex semine verbi regeniti esse censi debeant, intelligendum illud est, non de verbo externe proposito, quod non assequuntur; sed de veritatibus verbo contentis, quarum virtus per Spiritum Sanctum menti ipsorum imprimitur, quam consequetur actualis earundem cognitio, quum adoleverint. In nemine autem efficaciter verbum operatur, nisi sit fœcundatum virtute Spiritus. Externo verbo internum accedere oportet, quod non minus efficax sit illo Dei dicto, quo lucem ex tenebris oriri iussit.

Quod propter rem sedulo legendum & audiendum est.

XXVI. Hoc ergo cuivis, qui non profanus salutis suæ contemtor audire vult, faciendum incumbit, ut sedulo verbum Dei legat, audiat, meditetur, sacris priorum cœtibus eorumque precibus assiduus intersit. Nam etiam si ante regenerationem suam verbum Dei salutariter audire, lege-

legere, meditari nequeat, qui scit tamen, quænam gratiosæ visitationis futura sit hora; quod sacræ Scripturæ dictum, quam & cujus concionem, hyperphysica Spiritus sui virtute ad regenerationem suam efficacia redditurus sit Dominus? Hoc docet experientia, ibi homines renasci, ubi verbum Dei prædicatur, quod non contingit in illis orbis regionibus, quas Evangelii sui præconio non dignatur Deus. Et etiam si nemini asseverate polliceri audeamus, modo in auditione verbi perseveret, certo fore ut renascatur: hoc tamen merito inculcamus, multo lululentiorẽ optandæ conversionis spem illis affulgere: qui mediis a Deo præscriptis quam possunt optime utuntur, quam iis qui ea proterve negligunt. Ezechiele ad arida ossa prophetante, ecce, emotio in iis cernebatur, & accedebat Spiritus, & vivificabantur. *Ezech. xxxvii. 7. 10.*

XXVII. Nemini absurdum videatur, quod nunc de mediis ad regenerationem loquamur, qui modo omnes præparationes ad eandem præfractæ rejecimus. Neminem ad sui regenerationem conferre quicquam posse, abunde supra probatum dedimus. Jubet tamen Deus, ut quisque sibi formet cor novum, & Spiritum novum *Ezech. xvi. 31. Ut evigilet e somno, & resurgat ex mortuis. Eph. v. 14. Ut fugiat impendentem iram: Mat. iii. 7.* Quid ergo? Nosne homunciones ex adverso responsabimus Deo, quasi sophistica ipsum nostra capere & irretire valeremus? Dicemusne, quorsum hæc nobis præcipiuntur, quorum nihil possumus facere? Nunquid Consilio Dei obstrepemus, inclamabimusque, quandoquidem nihil ad regenerationem nostram valemus conferre, commodissimum esse, ut sepositis in sinu manibus securi expectemus, donec ipse nos regnat? Quid hoc esset aliud, quam vanis carnis nostræ ratiocinationibus adversus Deum disputare, cujus stultitia sapientissima sapientia nostra sapientior semper comperietur? Quanto satius est, ut quis audiens illa Dei præcepta, videns pue simul propriam impotentiam suam, sancte de se ipso desperare discat, & in mœrore, sollicitudine, desiderio ac usu mediorum patienter adventum Divinæ gratiæ expectet?

XXVIII. Porro quando aliquis non fucato miseriæ suæ sensu, & sincero salutis suæ desiderio tactus, cum Commentariensi rogat, *quid me oportet facere, ut server?* *Act. xvi. 30.* tunc jam incipiunt se piæ aliquot emotiones exferere, quæ ex interiori, sed tenero admodum, novæ vitæ principio procedunt: quæque sollicito fovendæ sunt studio. Quam ad rem expedit. I. Ut frequenter, & quantum potest pathetice, ob oculos sibi ponat miserrimam omnium irrogenitorum conditionem, & quomodo sibi quoque, in statu naturæ manenti, præter æternum exitium, Divinæ gloriæ carentiam, intollerandosque tam animi quam corporis cruciatus, nihil expectandum sit. Idque nullo posse pacto

Quo pacto media ad regenerationem præscribi queant.

evitari, si non ad imaginem Dei renascatur. II. Ut ea consideratione motus, omni vi ad Deum clamet, oret, instet, nec vociferando desistat, donec gratiam ipsius impetraverit. Sæpe sibi se ipsum repræsentet, quasi jam ad extremam inferorum orā stantem, cum astante sibi Diabolo, qui, modo supremum annueret Numen, mox ipsum in tartarum præcipitare promptus foret: & in illa trepidantis animi angustia, ardentissimis precibus, suspiriis, lacrumis Deum fatiget, & veniam quasi extorqueat. III. Pergat interim in auditione, lectione, meditatione verbi Divini, exspectans ulteriores spiritus emotiones, quemadmodum ægri præstolabantur Angelum motitantem aquas Bethesda. IV. Jungat se consortiis piorum, & ex eorum institutione, exemplo, precibus, in pietatis studio incallescere allaboret.

## C A P. VII.

## De Fide.

Fides  
salutaris  
plurima in  
se compre-  
hendit.

I. **V**itæ Spiritualis, quæ per regenerationem electis inditur, princeps actus & sequentium vitalium operationum scaturigo, vera in Deum per Christum FIDES est: cujus naturam nunc explicatum imus. Est autem ea non unus aliquis singularis animæ actus vel habitus, neque ad unam duntaxat animæ facultatem restringi debet, sed est aggregatum quid ex variis actibus, se invicem inconfuse permeantibus, & dulci *συζυγία* se mutuo promoventibus juvantibusque, constans totius hominis mutationem importat; totius vitæ spiritualis fons, & denique totius animæ sancta erga Deum in Christo *ἐνέργεια* & operositas est. Ideoque sub uno aliquo conceptu universus ejus ambitus vix distincte comprehendi potest.

Plane  
quemad-  
modum vi-  
ta; quippe  
quæ spiri-  
tualis vitæ  
scaturigo  
est.

II. Neque mirum cuiquam videatur, quod unius virtutis Christianæ nomine tot simul complectamur. Uti enim, quum quis vitam dicit, eo vocabulo id designat, quod se per totam animam, & singulas illius facultates, diffundens, corpori quoque communicatur, & ad omnes viventis actiones se extendit: ita quum de fide loquimur, quæ totius vitæ spiritualis uberrima scaturigo est, id ea voce significatum volumus, quod omnes facultates permeat, iisque cum Christo uniendis, atque ita vivificandis, sanctificandis, beandis, idoneum est.

Neque ad  
unam ali-  
quam ani-  
mæ facul-  
tatem ad-  
stringi de-  
bet, non  
magis  
quam libe-

III. Plura sunt, tam in *naturalibus*, quam in *moralibus*, quæ omnium ferme consensu per universam animam se extendunt, neque uni alicui facultati adstringi sese patiuntur. In *naturalibus* liberum arbitrium; quod qua *arbitrium* ad *intellectum*, qua *liberum* ad *voluntatem* magis refertur: adeo ut, quemadmodum Bernardus nonnullibi loquitur, *homo liber sui sit, propter voluntatem; judex sui, propter rationem*. In *moralibus*, imago Dei, & justitia originalis; quæ neque in solo intellectu, neque in vo-  
lunta-

hantate sola collocanda sunt, sed quæ utraque scultas suo sibi jure vindicat.

IV. Nonne omnis difficultas tolleretur, & universa quæ inter Theologos agitata est de fidei subiecto controversia componeretur, si, quod jure possumus, realem intellectus & voluntatis, tam ab anima, quam a se invicem, diversitatem esse negaremus? Quid enim aliud intellectus est, quam anima intelligens & cognoscens? Quid voluntas, quam anima volens & appetens? Neutiquam licet nobis animam concipere uti rem in sese brutam & irrationalem, quæ aliâ demum re superveniente intelligens & rationalis evadat. Quod quidam dicunt, intellectum ab anima derivari, quadam emanatione, vix concipi potest quæ fiat. Etenim si anima in proprio suo & formali conceptu ratiocinandi vim non includat, non potest illam parere; quum frustra exspectes a causa, quod neque formaliter neque eminenter in se continet. Si anima per sese ratiocinandi virtute polleat, nulla necessitas efflagitat, ut alia aliqua facultas superaccedat virtuti illi, qua anima per sese pollet. Similis ratio voluntatis est, quæ non magis, quam intellectus ab anima, realiter distinguitur. Sed est ipsa anima, quatenus a Deo apta nata est ad appetendum bonum. Ambæ hæ facultates, quemadmodum ab anima, ita a se invicem modaliter distinguuntur. Etenim explicari non potest, si voluntas ita ab intellectu secernatur, ut cæca sit in se, quomodo objectum ab intellectu monstratum ut bonum animadvertere atque ita rationaliter appetere queat. Et quare, quæso, inter utramque reale constitueremus discrimen? An quod objectum varium sit? Sed utriusque objectum reapse idem est, scilicet Verum Bonum: tametsi ratio considerandi varia sit. Intellectus enim Bonum quatenus Verum considerat. Voluntas Vero quatenus est Bonum sese applicat. Et nonne intellectus Contemplantis & Practici objecta longe magis inter se dissident? quos tamen unam eandemque animæ potentiam esse Philosophi ferme consentiunt. An quod actus sint diversi? Sed non omnis actuum diversitas potentiæ diversitatem inducit. Differt sane simplex apprehensio a judicio & discursu: qui tamen ejusdem facultatis actus sunt.

V. Neque nova hæc assertio videri debet. *Scotus* jam pridem contendit, Intellectum & Voluntatem, nec inter se nec ab anima discrepare. In 1. diff. 15. qu. 1. *Scaliger* similiter, cujus verba ex *Exercitatione* 307. §. 15. non molestum erit adscribere. *Intellectus & Voluntas, etsi sunt una res, tamen distinguuntur ratione. Sunt enim affectus animæ proprii, non accidentales, sed una res cum ipsa. Sicut Unum, Bonum, Verum, sunt affectus ipsius Entis: Una sane res, atque eadem cum ipso Ente. Sed & ab eo, & inter se distinguuntur per definitionem: ad hunc sane modum. Quia in prima natura statuitur ipsum ens. Quæ natura quodam modo se ipsam profert, atque efficit, ut sint Unum,*

rum arbitrium, & justitia originalis.

Quod minus minus est, quia facultates animæ rationalis realiter non distinguuntur.

Quæ assertio nova in Scholis non est.

*Unum, Verum, Bonum. Quæ est alia formalitas ab illa prima formalitate. Quæ est alia apprehensio entis, ut est ens; alia, ut est Unum. Hoc enim ex illo sequitur, atque ex eo nascitur; sed non extra ipsum. Una enim res est. Sic una res, Anima, Intellectus, Voluntas. Anima tamen essentiam dicit. Intellectus ea est ipsa essentia, ut apprehendit. Voluntas est idem, quod illa essentia intelligens, atque extendens sese ad illam rem cognitam potiundam. Hactenus Scaliger. Durandus opinabatur, facultates reapse quidem ab anima differre; non tamen re ipsa differre inter se. Quæ opinio imprimis placet Vossio, de Idololatria Lib. III. Cap. XLII. Quod instituto nostro sufficit. Quemadmodum ergo facultatum harum divortium faciendum non est, ita nihil mirum, si in utraque fidem collochemus.*

Attamen  
inter actus  
fidei unus  
aliquis  
præcipuus  
est.

Neque in  
praxi fidei  
tam distin-  
ctus ordo  
est quam  
nos nobis  
in theoria  
proponi-  
mus.

Ad fidem  
pertinet  
cognitio.

VI. Hoc interim monemus, inter eos, quos descripturi sumus, actus, unum aliquem præcipuum esse, in quo ipsam essentiam, & formalem rationem fidei quatenus nos cum Christo unit, & justificat, consistere existimamus. Quod probe observandum, in negotio justificationis, ne quis nonnullos caritatis actus, fidei praxi diversimode implicitos, ad causas justificationis trahat.

VII. Porro id quoque tenendum, ea quæ nos ad majorem ἀκριβειαν distincte singula explanabimus; in ipsa fidei πράξει variis modis sibi invicem innexa esse. Dum universa anima se huic operi Dei impendit, plurimæ actiones confertim ad Deum Christumque tendunt, nulla certa methodo servata, quas singulas suo ordine digerere nec vacat nec lubet sæpe fidei in ipso opere occupato, imo vero quandoque nec possibile est. Expediit tamen, ut ad naturalem fidei processum attendamus, quo tota illius ratio penitus nobis perspecta sit.

VIII. Primum, quod fides vel complectitur, vel supponit, est rerum credendarum cognitio. Patet id contra ineptientes Pontificios. I. Ex disertis S. S. locis, ita de fide loquentibus, ut in ipsius conceptu ac praxi cognitionem involvi manifeste innuant, *Jes. LIII. 11. Job. XVII. 3. col. cum Hab. II. 4. Job. 6. 69. 2. Tim. I. 3.* II. Ex ipsius fidei natura, quæ, quum sine dubio dicat assensum veritati a Deo revelatæ præstitum, necessario præsupponit cognitionem harum duarum rerum. I. Deum aliquid revelasse. II. Quidnam illud sit, cui ut Divinitus revelato assentitur. Ut enim quis assentiri dicatur alicui veritati, quam plane ignorat, & de qua non scit ullum fide dignum testimonium existare, alienum est. III. Ex modo, quo fides in electis producit; quod sit *externæ* per præconium & auditum Evangelii: *Rom. x. 17.* revelantis id quod credi debet, cum demonstratione veritatis ad omnem conscientiam *2 Cor. IV. 2.* & *internæ* per institutionem Dei Patris. *Job. VI. 45.* Si ergo fides per institutionem tam externam, quam internam cordi ingeneretur, oportet ut in cognitione consistat. Nam proprius ac  
proxi-

proximus institutionis effectus est, cognitio. IV. Ex adjuncto consequenti, quæ est confessio & ἀπολογία. Rom. x. 9. 10. I Pet. III, 15. Hæc autem ut sine cognitione sit, fieri non potest. Optime Hilarius: *Nec enim quisquam, quod non sapit, loquitur, aut, quod loqui non potest, potest credere.*

IX. Fatendum equidem est, in hac mentium nostrarum caligine, plurima, etiam a maxime illuminatis, ignorari: multaque, præsertim a rudioribus & pueris in Christo, simplici fide credi, quatenus in genere pro infallibili omnium credendorum principio totam Scripturam admittunt, in qua quam plurima ipsis ignorata continentur, & quatenus κυρίας Christianismi δόξας amplectuntur, in quibus multæ aliæ veritates concentrantur, quæ exinde per evidentem consequentiam deducuntur, quas credunt in suo fundamento. Uti Johannes de fidelibus scribit, eos *omnia scire*. I Joh. II. 20. quia fundamentum illud fundamentorum, docente Spiritu, didicerunt, ad quod omnes salutares veritates reducuntur, & ex quo deducuntur. Ulterius pergam. Fieri potest, ut aliquis, cui parcam cognitionis portionem ad mensus est liber bonorum suorum diribitor Deus, in fide tamen firmissimus sit, ad martyrium usque. Attamen hinc nequaquam sequitur, fidem per ignorantiam melius quam per cognitionem describi: vel, bene eos facere, qui ignorantiam in populo quasi fidei & devotionis matrem foveant, contra Col. III. 16. Nullo quippe modo quis potest credere, quod plane ignorat. Rom. x. 14. Omnibusq; enitendum est, ut fides sua quam minime implicita, quam maxime distincta sit, uti decet eos, qui sunt *πεπληρωμένοι πάσης γνώσεως*. Rom. xv. 14. Nam quo quis distinctius percipit in lumine Spiritus veritatem a Deo revelatam, & in ea splendentes Divinitatis radios, eo firmiter veritatem illam credet. Ipsi illi Martyres, qui cætera rudes erant, clarissime & distinctissime viderunt, veritates illas, pro quibus mortem oppetere non dubitabant, certissimas & Divinas esse; etiam si fortassis non multum disputare pro iis valerent.

Quæ tamen in multis admodum implicita est.

X. Porro ea, quæ homini credituro cognitu sunt necessaria, sunt, in genere, Divinitas Scripturarum, in qua ultima fidei analysis est; specialius, ea, quæ salutem in Christo obtinendam concernunt; quæ summè ad hæc tria capita reduci possunt. I. Ut cognoscas, te per peccatum ab alienato esse a vita Dei, & posteriorem factum gloria Dei: Rom. III. 23. neque fieri posse, ut vel ipse te, vel Angelus e Cælo, vel ulla in mundo creatura, imo ne tota quidem creaturarum universitas, ex hac miseriæ abyssu extractum in felicem statum restituat. II. ut cognoscas Christum Dominum, *plenum gratia & veritate*. Joh. I. 14. qui est unicum illud nomen sub cælo datum, quo possimus servari Act.

Summa eorum quæ cognoscenda sunt.



IV. 12. & in cuius cognitione æterna consistit vita. *Job. xviii. 3* III. Ut cognoscas, necessarium esse, si salutem in Christo obtinere vis, ut Christo uniaris per Spiritum & Fidem, eique te non justificandum modo, sed & sanctificandum, & suo arbitratu regendum, tradas, *probanda qua sit voluntas Dei, bona illa, placens, ac perfecta. Rom. xii. 1.*

Cogni-  
tioni ne-  
cesse est  
accidere  
assensum.

XI. *Cognitioni huic assensus accedat oportet, qui secundus fidei actus est, quo quis ut vera recipit, & agnoscit ea, quæ cognoscit; recipiens testimonium Dei, atque ita obsequans Deum esse veracem. Job. i. 11. 33.* Assensus imprimis fundatur in infalibili veracitate de se ac filio suo testificantis Dei. *1 Job. v. 9. 10.* Cui Testimonio in Scripturis revelato, & Divinitatis suæ radios quaquaversum spargenti, non minus tuto fidelis innititur, quam si ipse rebus omnibus iis præsens interfuisset. Quando enim anima collustrata Spiritus luce, Divinas illas veritates cernit, & in iis eximiam quandam Θεοπρέπειαν, & sapientissimum ac indivulsum omnium nexum, non potest non assentiri veritati tot argumentis se ingrenti: sed tam secure id, quod ita cognoscit, pro certo admittit, quasi ipsa suis id oculis vidisset, vel manibus palpasset, vel in tertium sublimata cælum ex ipsius Dei ore ἀκουσως audivisset. Quicquid ogganniat τὸ Φρόνημα τῆς σαρκός, quicquid contra argutentur vani sophistæ, licet fortassis non omnibus objectionibus diluendis idonea sit, persistit tamen in veritatis hujus agnitione, quam clare nimis vidit, & certo nimis ex ore Dei audivit, quam ut ab ea ullis se sophismatibus abduci patiatur. Neque enim, inquit, arte compositas fabulas sectata sum, quænam credidi Domini nostri Jesu Christi potentiam & adventum, sed in Spiritu ἐπὶ ὁρατῆς τῆς ἐκείνης μεγαλειότητος, & vocem ejus cælitus audivi. *2 Pet. i. 16. 18.* Atqui ita fidei adest ὑπόστασις & ἔλεγχος. *Heb. xi. 1.* & πληροφορία. *Rom. iv. 21.* De quarum vocum significato non inutile erit quædam monere.

Fidelis in-  
est  
πληροφορία

XII. Non semel de πληροφορία loquitur Apostolus. πληροφορίαν συνέσως dicit *Col. i. 2.* & πληροφορίαν τῆς ἐλπίδος. *Heb. vi. 11.* & πληροφορίαν πίστεως *Heb. x. 22.* Juxta etymologiam notat illa vox plenam latine: metaphora, uti videtur, a navibus desumpta, quum ventis implentur vela secundis. Atque ita hic significaret animi, a Spiritu Sancto propulsi, ad assensum perceptæ veritatis vehementem inclinationem. Præstantissimus Græcæ linguæ Magister Hesychius explicat περὶ τῆς ἐπιστάσεως, firmiorem. Atque eo significato πληροφορία πίστεως nihil aliud est quam στερίωμα τῆς ἐκείνης πίστεως uti has phrasas alternat Apostolus *Col. i. 2. 4.* & πεπληροφορημένα πράγματα sunt negotia, de quibus plena fides facta *Luc. i. 1.* Tam firmum ergo esse oportet in fideli Divinæ veritatis assensum.

XIII. *ὑποσάσις* etiam *ὑποσάσις* vocabulum est, quo de fide loquens utitur Apostolus *Heb. xi. i.* Neque Latini vocem ullam habent, quæ hujus vim omnem exprimere sufficiat. I. *ὑπόσαςις* notat *existentiam*, sive, ut non nemo ex veteribus dixit, *exstantiam* rei, quo sensu Philosophi dicunt τὰ πρὸς τὴν *relata* habere *ὑπόσαςιν*, hoc est, *esse revera*, non autem esse τῆς ἡμετέρας *διανοίας ἀναπλάσματα*. *mentis nostra figmenta*. Et sane id facit fides, ut res sperata, quæ actu nondum exstat, exstet tamen in mente fidelis, qui tam firmiter promissionibus Dei assentitur, quasi rem promissam jam præsentem haberet. Hoc Chrysostomus in animo habuit, quando hunc locum ita interpretatur. *ἡ ἀνδρασις ἔπαράγετο, ἡ δὲ ἐστὶν ἐν ὑπόσαςει, ἀλλ' ἡ ἐλπὶς ὑφίστησεν αὐτῇ ἐν ἡμετέρᾳ ψυχῇ. Resurrectio nondum existit in se, sed spes (dicamus nos fides) eam sistit & exstantem facit in anima nostra.* Felicissime idem expressit Scholiastes Græcus, cujus verba Beza adduxit. *Ἐπειδὴ γὰρ τὰ ἐν ἐλπίσιν ἀνυπόστατὰ ἐστίν, ὥς τίς μὴ παρόντα, ἡ πίστις θεία τις αὐτῶν καὶ ὑπόσαςις γίνεται, εἶναι αὐτὰ καὶ παρῆναι τρόπον τινὰ παρασκευάζουσα, διὰ τῆς πιστεύειν εἶναι.* Quoniam enim quæ sunt in expectatione posita, essentia sunt expertia, utpote quæ nondum exstent, fides est quadam ipsorum *substantia & essentia* quod efficiat *quodamtenus ut exstent*, atque adeo ut sint *præsentia*, eo quod illa esse credat. II. *ὑπόσαςις* basim seu *fundamentum* etiam significat, quo sensu Diodorus Siculus, Gomaro citatus, *ὑπόσαςιν* τῆ ταφῆ dixit, h. e. *fundamentum sepulchri*. Atque eo spectat Calvinii interpretatio, *fides est hypostasis*, id est *futura vel possessio, in qua pedem figimus*. III. Notat etiam *subsistentiam*, sive *constantiam*, impetui hostili nullo modo cedentem. Ita Plutarchus in Demetrio, *ἡ δὲ ἐνὸς ὑφίσταμένη τῇ ἐναντίῳ, ἀλλὰ φευγόντων. Nemine hostium subsistente, sed fugientibus omnibus.* Et Polybius in descriptione Horatii Coclitis, metuebant *ἐχ' ἑταίρην δυνάμειν, ἢ τὴν ὑπόσαςιν αὐτῆς*, non tam robur quam constantiam ipsius, nequaquam loco cedentis. Et sane in fide aliquid est, quod omnes tentationum insultus intrepide sustineat, neque ab assensu semel cognitæ veritatis se dimoveri patiatur. Quæ cuncta si jungamus simul, dicemus: fidem tam firmum esse Divinæ veritatis assensum, ut etiam longe post futura quasi præsentia sistat, utque animæ futura sit, in qua pedem figat, nulli insultui cedens.

XIV. Neque præteriri debet, quod Apostolus fidem vocet *ἔλεγχον* *ἐν* *ἡμετέροις* *quia non videntur.* *ἔλεγχον* autem duo notat. I. *Certam demonstrationem.* Aristoteles, *Rhetoricorum ad Alexandrum cap. xiv.* *ἔλεγχον δὲ ἐστὶν ὁ μὴ μὴ δύνασθαι ἀλλῶς ἔχειν, ἀλλ' ὅπως ὡς ἡμεῖς λέγομεν.* Id est, *elenchus istiusmodi ratiocinatio est, quæ aliter se habere non potest; sed ita necessario est, uti nos dicimus.* III. *Convincionem animi per talem demonstrationem*

nem veritatis. Uti *Aristophanes* in *Pluto*, σὺ γ' ἐλέγχει μ' ἔγω δύνασιν  
 περὶ τὰτα; *Nondum me hac de re convincere potes*. Est ergo in fide, si ἐλέγ-  
 χῃ sit, certa animi convictio, propter claram & infallibilem verita-  
 tis demonstrationem. Demonstratio autem hæc veritatis innititur testi-  
 monio fallere nescientis Dei: ex quo ita argumentatur fides: quidquid  
 Deus, qui αὐτοαληθεύει, revelat, id non potest non esse verissi-  
 mum, καὶ πάντες ἀποδοχῆς ἄξιον, etiam si fortassis neque oculis id cer-  
 nere neque mente plane assequi queam.

Unde pa-  
 ter fidei  
 Divinæ  
 non posse  
 subesse fal-  
 sum.

XV. Omnia huc tendunt, ut firmitatem certissimam, assensus qui in  
 fide est doceant; supra quam nulla Mathematicæ demonstrationis cer-  
 titudo ascendere potest. Quapropter incaute admodum loquuntur, qui  
 contendunt, fidei Divinæ posse subesse falsum. Quum proprium fidei  
 objectum sit testimonium Dei; quod necessario verum est, & omni de-  
 monstratione certius. Neque ulla Scripturæ loca adduci possunt, qui-  
 bus aliquid homini credendum proponitur, quod verum non sit.

Circa  
 certissimas  
 veritates  
 fideles  
 quandoque  
 titubant.

XVI. Cæterum alius hic removendus scrupulus est. Si fides tam cer-  
 tus ac firmus assensus est, an ergo illi vera fide destituantur, qui etiam  
 circa fundamentales veritates, quandoque fluctuant? Resp. I. Nos fi-  
 dem describimus in idea consideratam, uti virtutem illam Christianam,  
 ad cujus perfectionem omnes contendere debemus: non uti aliquan-  
 do est in subjecto. II. Possunt quandoque in præstantissimis fidelium,  
 præsertim vehementi alicui tentationi expositis, hæitationes, tituba-  
 tiones, inclinationes in contrarium existere; quod fluctuationes A-  
 saphi, Jeremiæ, aliorum, circa providentiam Dei evincunt: sed hæc  
 fidei quædam deliquia sunt, ex infirmitate carnis oborta. III. Cum  
 tentationibus istis luctatur continuo fides, non assentitur illis injeccio-  
 nibus Diaboli, vel φρονήμασι carnis, neque acquiescit unquam, donec  
 in sacrarium Dei introverit, & informante Spiritu fidei in contempla-  
 tione & agnitione earum, circa quas titubat, veritatum confirmata sit.  
 Ibi demum, neque usquam alibi, plantæ pedum suorum requiem in-  
 venit.

Assensum  
 sequitur  
 amor.

XVII. Assensum hunc sequitur veritatis ita cognitæ & agnitæ amor;  
 atque hic tertius fidei actus est, de quo Apostolus 2. *Thim.* 11. 10. Ete-  
 nim quum in veritatibus salvificis clara gloriæ Dei manifestatio sit, non  
 modo quatenus verax est in testimonio suo, sed & quatenus Sapientia,  
 Sanctitas, Justitia, Potentia, cæteræque virtutes Dei in iis elucescunt,  
 fieri non potest, quin anima fidelis, amabiles has numinis virtutes in  
 veritatibus illis cernens, in amorem illarum exardescat, in iis exsultet &  
 Deum glorificet. Hinc credens dicitur *Deo gloriam dare. Rom.* 14. 20.  
 & *gloriam ejus amare. Job.* 41. 43. Præsertim deliciatur anima in fun-  
 damentis.

damentali veritate de Christo. Eam ut inestimabilem thesaurum & ingentis pretii unionem diligit. Hæc credentibus *τιμή* est *1 Pet. 11. 7.* hoc est *τιμιολάτῃ*. Verum quidem est, caritatem stricte loquendo a fide distinguere; sed tamen utriusque virtutis actus ita sibi invicem impliciti sunt, ut fidem neque explicare neque exercere possimus sine intercurrentibus quibusdam actibus amoris. Qualis hic quoque est, de quo nunc agimus. Quod præstantissimi etiam Theologi ante me observarunt. Ut de aliis nunc taceam, *Chamierus Panstrat. Tom. III. Lib. XII. Cap. IV. Num. XVI. Wendelin. Theol. Lib. 11. Cap. XXIV. ad Thef. VIII.* Uterque pro se Augustinum citat, dicentem: *quid est credere in Deum? Credendo amare.* Videatur item Clar. le Blanc, Sedanensis Theologus, in *Thefibus de Fidei justificantis natura &c. §. xcv.* Si quis autem amorem hunc, scholarum glossemate, actum fidei imperatum vocare velit, per nos equidem licebit: modo id teneatur, fieri non posse, quin anima fidelis, dum fidem exercet suam, veritates, uti in Christo sunt, cognitæ & agnitæ, sincere amet, gaudens hæc talia vera esse, & in veritate ista delicias: longe aliter ac Diaboli & impii, qui quæ vera esse sciunt, vera esse nollent.

XVIII. Hinc exoritur *quartus* fidei actus, *fames sitisque Christi.* Anima quippe fidelis veritates salutares cognoscens, agnoscens, diligens, non potest non optare, ut ea omnia, quæ vera sunt in Christo sibi quoque vera sint, ipsaque, juxta illas veritates, & per illas, sanctificetur & beetur. Serioque desiderat, se propter peccatum alienatam a vita Dei, esse rursus ad gloriam Dei, per gratuitam justificationem, atque in ea per sanctificationem obsignari. Hæc est *fames illa & sitis iustitiæ*, de qua *Mat. v. 6.* Et qua quæso ratione fieri potest, ut is, qui se credit sentitque in se ipso longe miserrimum, qui persuasissimus est se nulla re, neque in coelo neque in terra, e miseria sua liberari posse, qui videt simul plenitudinem salutis in Christo, qui certus est, non posse se salutem consequi, nisi cum Christo uniatur, qui veritatem istam de plenitudine salutis in solo Christo & communione cum eo ex animo diligit, ut is, inquam, non serio & ardentem desideret, Christum habere in se habitantem, hoc quærat, hoc ambiat, & tali quidem desiderio, cui, nisi per possessionem rei desideratæ, satisfieri non potest: uti *fames & sitis* non sedatur, nisi per cibum & potum.

Hinc famemes & sitis Christi.

XIX. Famem hanc sitimque excipit *Christi Domini*, ad justificationem, sanctificationem, plenamque adeo salutem, *receptio.* Qui *quintus*, & is quidem formalis ac præcipuus, fidei actus est. Scilicet, Pater Coelestis animæ ægræ lassæque Filium suum, Christus Dominus se ipsam, cum omnibus beneficiis suis & plenitudine, quæ in ipso residet, salutis, gratis offert, dicens *הוּאֵ אֲנִי הוּאֵ אֲנִי, Ecce me, ecce me, Jes. LXV. 1.* Anima autem suæ jam sibi miseriæ conscia, plenitudinem salutis in Chri-

Hanc excipit receptio Christi Domini.

sto cum gaudio & spe animadvertens, ac impense ejus communionem desiderans, non potest non oblatum illud grande bonum, summa cordis lubentia, apprehendere & recipere, atque ita accipiendum facere. Et hoc demum actu Christus proprium animæ credentis peculiarium fit. Ita quicquid Christi est, una cum Christo oblatum, sibi vendicat, & imprimis justitiam Christi, quæ salutis fundamentum est. Atque hoc modo Christum apprehendendo ei unitur; & unita cum Christo ipsa fecisse, ipsa passa esse censetur, quod Christus, qua sponsor, loco ipsius fecit & passus est. Atque hoc modo facile est intellectu, quomodo per fidem in Christum justificemur.

De qua  
non semel  
S. S. loquitur.

XX. Non semel Scriptura hunc fidei actum disertis verbis repræsentat. Illustris locus est. *Joh. 1. 12. ὅσοι ἔλαβον αὐτὸν*, quod æquipollet *τοῖς πιστεύουσιν ἐν τῷ ὀνόματι αὐτοῦ*. & *Col. 11. 6. ὡς ἂν παρελάβετε τὸ Χριστὸν ἡσῶν τὸ κύριον*; quibus addi potest quod *ἐμφατικωτάτως* dixit Dominus *Jes. xxvii. 5. הָצַק בְּרָחַץ* *firmiter apprehendet robur meum*, vel *arcem meam*: ita ut non dimittat. Etenim *פָּרַחַץ*, & *חָלַץ* *dimisit*, opponuntur. *Proverb. 14. 13.*

Quæ cum  
reclinatio-  
ne in  
Christum  
conjuncta  
est.

XXI. Quia autem anima Christum ita apprehendens ad salutem, simul in ipsum *reclinat*, eique *innititur*, ideo fidei actus hac quoque metaphora frequenter explicatur: ut *Pf. lxxi. 6. תִּבְרַח לְךָ יְיָ* *tibi innixus sum*. *Jes. xlviii. 2. נִסְמְכִי אֵלֵי* *Deo Israël innituntur*, simulant & mentientes veram fidem: & alio vocabulo *פָּרַחַץ*, ut *Jes. l. 19. פָּרַחַץ בְּאֵלֵי* *innitatur Deo suo*. adde *Jes. x. 20. 2 Chr. xvi. 7. 8.* Quem actum animæ fidelis, ita reclinantis in Christum, eique innitentis, si a receptione Christi subtiliter distinguere, eaque posteriorem statuere velis, non improbe pugnabo. Dicamus ergo hunc sextum fidei actum esse.

Explicatio  
vocis  
*פָּרַחַץ*

XXII. Quem significanter admodum expressum existimamus, Hebraica voce *פָּרַחַץ*, quæ proprie significat *gestandum se rejicere* in alicujus veritatem & potentiam, uti infans se gestandum rejicit in nutricis brachia. Derivatur enim ab *פָּרַח*, quod est proprie *gestare*; hinc *פָּרַחַץ*, *gestator*, *nutritus*. *Num. xi. 12. Fer eum in sinu tuo, quemadmodum fert nutricius lactem.* & *פָּרַחַץ* est *gestari*. *Jes. lx. 4. תָּרַחַץ בְּאֵלֵי* *filia tua ad latus (in ulnis) gestabuntur*. Pro eo enim dicitur *Jes. lxi. 12. בְּאֵלֵינוּ* *Ad latus portabuntur*. Et sane Christus credentes in se *פָּרַחַץ* *in sinu suo portat*. *Jes. xl. 11. uti יָרַחַץ, ἐγκολπίως*; nam ea quoque similitudine Moyses utitur. *Deut. 1. 31. Portavit te Dominus Deus tuus, sicut vir filium suum portat*. Suppositis brachiis suis æternis. *Deut. xxxiii. 26. פָּרַחַץ* ergo vi vocis est *gestandum se dare* Christo, atque ita se in sinum & brachia ipsius rejicere. Qua similitudine fidelis animæ erga Christum actuositas elegantissime exprimitur.

Per fidem

XXIII. Porro quando fidelis anima Christum ita recipit, eique in-

nitur, non considerat ipsum ut *Servatorem* duntaxat, sed etiam ut *Domini*. Recipit enim *totum* Christum, & *talem* qualis est. Est autem non minus Dominus quam Servator. Imo non potest esse Servator, nisi & Dominus sit. In eo salus nostra consistit, quod non Diaboli, non nostri, non ullius creaturæ, sed Christi Domini sumus. Fides ergo *Christum Dominum recipit*; Col. 11. 6. Neque aliter se Christus animæ maritum offert, nisi hac quoque conditione, ut eum pro *Domino* suo agnoscat. Ps. XLV. 11. 12. Et, quando anima se gestandam rejicit in Jesum, simul abrenunciat propriæ suæ voluntati, deditque se arbitrio Jesu, ut ab ipso, quo lubitum est, portetur. Hinc in fide quoque est humilis sui deditio & mancipatio, per quam fidelis quantus quantus est se Christo, sibi gratis donato, ex officio reddit. *Ego dilecti mei sum, & dilectus meus meus est.* Cant. VI. 3. 2. Cor. VIII. 5. *ἑαυτοὺς ἑδωκαν τῷ κυρίῳ. dederunt se ipsos Domino.* Ferme uti Amasai cum comitibus suis hac formula se dabat Davidi. 1. Chron. XII. 18. *יְהוָה אִתָּךְ בְּנֵי יִשְׂרָאֵל Tibi sumus, David, & secum sumus, o fili Isai.* Atque hæc nostri deditio Christo facta, quam pro *septimo* fidei actu numeramus, est fons ac scaturigo perennis omnis veræ obedientiæ, quæ propterea etiam vocatur *ὁμολογία πίστεως*, obedientia ex fide promanans. Rom. 1. 5.

XXIV. Postquam fidelis anima Christum ita recepit, eique se rursus dedit, potest & debet exinde concludere, Christum cum omnibus suis beneficiis salutaribus suum esse, seque per ipsum certo beatum iri: juxta hunc infallibilem fidei syllogismum. Christus se plenum servatorem offert omnibus fatigatis, esurientibus, sitientibus, ipsum recipientibus, ipsi se reddere paratis: Atqui ego fatigata sum, esurio &c. ergo Christus se mihi obtulit, meus jam est, & ego ipseus, neque quicquam me ab illius amore separabit. Hic *octavus* fidei actus est, & is quidem *reflexus*, ex conscientia exortus. Gal. 11. 20. 2. Tim. 1. 12. Rom. VIII. 38.

XXV. Hinc procedit denique animæ, quæ suæ jam sibi cum Christo per fidem unionis conscia est, *fiducia*, tranquillitas, gaudium, pax, & animosa quorumvis hostium, quorumvis discriminum provocatio, gloriatio in Domino, gloriatio in adversis. Dum anima *jucunde innititur dilecto suo*, *מִתְרַפֶּקֶת עַל דְּוִדָּה* Can. VIII. 5. Passis brachiis se in illum injiciens, vel cubito dulciter in illum recubans, (*מִרְפָּק* enim Thalmudicè *axillam* significat,) certa de sui cum ipso mutua communione mutuoque amore, dum canit: *Ego dilecti mei sum, & desiderium ejus est ad me.* Cant. VII. 10. pie exultat & deliciatur in Domino suo, inebriatur amore ejus, gaudet *χαρὰ ἀνεκλάλητον καὶ δέδοχα* (incomparabilis inestimabili & gloriosa. 1. Pet. 1. 8. & ad exardescentes reciprocantis amoris flammæ salutariter liquescit, *gloriatur* denique in *specie gloria Dei.* Rom. v. 2.

XXVI. Quæ fusc ita explicata sunt, nunc breviter contraham, uni

quoque anima se Christo ut Domino dedit.

Hinc oritur syllogismus fidei, cuius conclusio est, Christus meus est.

Unde procedit beata animæ tranquillitas.

Compen-

veluti

diuineo-  
rum quæ  
dicta sunt.

veluti obtutui subijciamus. Complectitur fides cognitionem mysterii Dei & Christi in lumine gratiæ, cujus mysterii veritatem fidelis propter auctoritatem testificantis Dei pleno animi assensu agnoscit; nec hoc tantum, sed & amat veritatem illam, in ea exultat, Deumque glorificat: impense quoque communionem Christi desiderans, ut ea, quæ vera sunt in Christo, sibi quoque ad salutem vera sint: propterea, quando in verbo & Spiritu offertur ipsi Christus, summa animi lubentia illum recipit, illi innititur, in illum se reclinat, illi se tradit & mancipat, quo facto eum jam suum esse gloriatur, & in illo quam jucundissime deliciatur, requiescens sub umbra arboris vitæ, & dulcissimis illius fructibus se satians. Hæc est illa *fides electorum Dei*. Tit. 1. 1. inestimabile donum, vinculum unionis nostri cum Christo, scala Paradisi, clavis arcæ fœderis, qua referantur ejus thesauri, fons perennis vitæ sanctæ, tranquillæ, beatæ.

Ex me-  
moratis fi-  
dei acti-  
bus, qui-  
dam ante-  
cedenter  
quidam  
formaliter  
quidam  
conle-  
quenter ad  
fidem per-  
tinent.

XXVII. Si quis se existimet ἀκριβολογεῖν, quando hos fidei actus ita distinguit, ut quosdam fidem stricte dictam antecedere existimet; veluti cognitionem veritatis revelatæ, cui præstantes nonnulli Theologi addunt piam voluntatis erga Deum affectionem: alios ad ipsam fidei formam & essentiam pertinere, ut assensum, famem sitimque justitiæ, receptionem Christi ut Servatoris & Domini, animæque ad illum perfugium: alios actus fidei accidentales esse, qui fidei firmatæ & roboratæ tantum conveniunt; videlicet certitudinem illam, Christum jam meum esse, & suavissimam in Christo ut meo recumbentiam, cum exultatione & gloriatione in eo conjunctam: causam non dicimus, quin ista sua accuratione fruatur, quæ neque nobis displicet. Id tantum intendimus demonstrare, in plena fidei praxi omnia ista concurrere.

Fides Hi-  
storica  
quid sit, &  
an recte ita  
dicatur.

XXVIII. Ex antedictis evidens est, a fide *salutari*, quam hæcenus descripsimus, immenso prope intervallo distare fidem, quam *Historicam* & *Temporariam* nuncupare solent; dubito tamen, an nomenclatione satis congrua. *Historicam* fidem vocant *nudum assensum præbitum illi, quæ in verbo Dei continentur, propter auctoritatem asserentis Dei, sine ullo pio voluntatis motu*. Verum quum assensus ille non tantum præbeatur Sacrarum Literarum Historiis, sed & ad præcepta, dogmata, promissa, minas se extendat, titulus fidei Historicæ angustus nimis esse videtur. Nisi fortassis ita dicatur, respectu modi, quo versatur circa suum objectum. Uti enim qui Historias rerum nihil ad se pertinentium legit, eas nude contemplatur, nec inde commovetur aut afficitur intus; ita qui fidem illam habent, otiose duntaxat speculantur circa ea, quæ verbo Dei docentur, neque referunt ea ad praxin. Quamquam nec hoc universaliter verum est, *Historias, etiam antiquissimas, & alterius mundi,*

mundi, sine affectu, commotione, & applicatione legi. Satius ergo esset, fidem hanc *Theoreticam* vel *nudi assensus*, appellare.

XXIX. Fidem *temporariam* Dominus noster *Mat. XI 11. 21.* eam dicit, quæ, præter illum generalem assensum, in cognita agnitæque veritate exsultat, eam profitetur, multasque emotiones in corde, & actiones in vita ciēt, quæ speciem aliquam pietatis exhibeant, sed ad tempus duntaxat, dum omnia sub Evangelio prospera sunt; deficit autem ingruentibus persecutionum procellis. Hæc sapienter a Domino *ὑποκριται* nuncupatur. Cæterum quum contingere possit, atque adeo contingat frequenter, ut lætis Ecclesiæ rebus, homines in hac fidei professione, & imaginario gaudio, ac tali vitæ instituto, quod ad pietatem sufficere arbitrantur, ad vitæ suæ finem perseverent; minus commode *temporariæ* fidei nomen, quod soli Apostatarum fidei dedit Dominus, huic, non salutari quidem, sed constanti tamen fidei, datur. Melius fortasse eam *Præsumtuosam* fidem diceremus, si Latine lingue puritas id pateretur.

XXX. Interest autem consolationis nostræ, ut sciamus distincte, quibus modis fides hæc a vera, viva & salvifica, cujus speciem audacter mentitur, discriminetur. Et *primo* quidem in *agnitione* revelatarum veritatum non exigua differentia est, quibus quidem ut veritatibus *Præsumtuosa* hæc fides assentitur, sed quum destituta sit vero Spiritus lumine, propriam earum veritatum formam, & prout veritas sunt in Christo, non videt: non animadvertit in iis resplendentes Dei virtutes: non rite æstimat earum pretium: quum primum eas nosse coepit, capta quidem est earum novitate & raritate, sed non exardescit vivo earundem amore: neque laborat admodum, ut eas non modo sibi impressas, sed & in se expressas habeat: & quotiescunque illæ animo obversantur, quæ magna voluptatis vel utilitatis specie blandiantur, facile patitur ideas istarum veritatum, quæ commodo illi inimicæ sunt, obliterari, & parum abest, quin optet, eas non esse veritates, quas invita pro talibus cogitur habere. Hæc autem in vera fide plane sunt contraria, quemadmodum. *Theol. XVI 1.* ostendimus.

XXXI. *Secundo in applicatione promissionum Evangelii* ingens est discrimen. Nam fides præsumtuosa non procedit vera methodo. Temere sibi imaginatur, salutem Evangelio promissam ad se pertinere; vel nullo plane fundamento, vel falso. Quandoque enim hi tales, sine ullo sui examine & scrutinio, quod ut molestum nimis ac rebus suis incommodum refugiant, ipsi sibi stulte blandientes, gratiam Domini nostri fastuose sibi arrogant, ac vano illi somnio secure indormiscunt, non inquirentes, neque volentes inquirere, quodnam hujus suæ imaginationis fundamentum sit. Aliquando pro fundamento confidentiæ suæ

Fides  
tempora-  
ria quid?

Differt  
a Fide Sa-  
lutari 1. In  
agnitione  
Veritatis.

2. In ap-  
plicatione  
promissio-  
num Evan-  
gelii.



ponunt, vel conceptum illum perversum de universali Dei misericordia, & nescio qua facilitate foederis Evangelici: vel opinionem sufficientis sanctitatis suæ, quandoquidem paullo minus mali sunt profligatissimis: vel communionem externam Ecclesiæ & cultus religiosi: vel securitatem dormientis suæ conscientiæ, & suorum suaviludia somniorum, quæ æstimant esse pacem Dei & consolationem Spiritus Sancti. Hisce ac similibus rerum inaniis se ipsos decipiunt; quasi hæc sufficientia gratiæ indicia forent. Sed veri fideles, ex imo miseriæ suæ sensu, ad gratiam D. Jesu anhelantes, illamque trepida humilitate apprehendentes, non tamen de ea, ut jam sua facta, gloriari audent, nisi postquam diligenti scrutinio certa & infallibilia gratiæ gnomismata in se compererint. Cum profunda humilitate, ac sacro quodam horrore, & sincera sui abnegatione, accedunt, gratiam Christi apprehensuri. Et de ea apprehensa non gloriantur, nisi post exactum, primo *κριτικὴν* gratiæ, tum proprii cordis sui, examen. Utrumque in præsumtuosis secus est. Qui temere apprehendunt, quod ipsis eo ordine non offertur (non enim Deus offert peccatoribus securitatem & gaudium, antequam dolore de admittis criminibus, & debita salutis sollicitudine percussus sit animus) tum etiam temere de apprehensa gratia gloriantur, cujus se participes esse factos, nullis necessariis argumentis addicere norunt.

3. In  
gaudio.

XXXII, *Tertium in gaudio*, quod utramque fidem comitatur vel sequitur, discrimen est, & id quidem duplex; I. respectu *ortus*, II. respectu *effectus* istius gaudii. In fide præsumtuosa oritur gaudium partim ex novitate & raritate rerum revelatarum (nam cognitio veritatis rarioris & abstrusioris delectat intellectum, uti fruitio boni voluntatem) partim ex vana illa imaginatione, bona Evangelio oblata ad ipsos pertinere, quorum qualem cunque gustum, sed suprema modo labra afficientem, ex communibus Spiritus Sancti donis percipiunt. Sed in fide viva emergit gaudium multo nobilius ac solidius, ex amore pretiosissimarum illarum veritatum, quarum cognitione se felicissimam factam esse anima a Deo edocta merito arbitratur, ex spe non fallaci, & certa spiritus sui persuasionem, accedente Divini Spiritus testimonio, de præsentis Dei gratia & futura gloria, & denique ex suavissimo præsentis gratiæ sensu, & futuræ gloriæ prægustatione. Et quum tam diversæ utriusque gaudii causæ sint, effectus etiam diversissimos esse non est mirum. Prius illud animam sui plenam facit, amoris Dei vacuum relinquit, & inani sua titillatione securitatis carnalis soporem aggravat. Posterius autem fideles admirabilitate immeritæ Dei *φιλανθρωπίας* incredibiliter percellit, mutua benignissimi Jesu redamatione inflammat, ingeritque sollicitam *ἀντίθεσιν*, ne quid immenso illo Dei favore indignum

gnum admittant, neve Spiritum gratiæ tam comiter ipsos habentem tristitia ac dolore afficiant.

XXXIII. *Quartum* discrimen in *fructibus* situm est. Nam fides præsumtuosa vel profundo securitatis sopore homines obruit, ut carni indulgendo altum stertant: vel externam quandam actuum in melius mutationem importat, facitque, *ut per agnitionem Domini & Servatoris Jesu Christi pollutiones Mundi aliquatenus effugiant: 2 Pet. 11. 20.* vel quando præclarissime operatur, levia quædam & evanida accuratioris pietatis proposita ac tentamenta excitat, sed non purificat ipsum cor, non introducit novos sanctitatis habitus, & quotiescunque vel blanditiæ mundi ac carnis, vel incommoda aliqua Evangelicam pietatem comitantia, solito fortius ingruunt, mox in orsæ probitatis cursu fatiscunt, redeuntque ut *sues lota ad volutabrum cæni*. Per superficialiam illam veritatis Evangelicæ, & boni, tam jucundi, ac utilis, quam honesti, quod Evangelio ostentatur, cognitionem, quæ non alte mentibus ipsorum impressa est, sollicitantur quidem ad vitæ emendationem: sed quando de præsentis alicujus boni acquisitione, vel de evitando imminente malo agitur, ideæ veri & boni, quas Evangelium iis suggererat, adeo oblitterantur, ut præsentem voluptatem utilitatemve, aut evitacionem ingruentis mali, omnibus Evangelii promissis, omni Evangelicæ pietati, antehabeant. Verum viva fides tam profundis characteribus honesti speciem animæ imprimit, ut nihil sibi pulcrius arbitretur, quam ei omni contentione operam dare: tam vividis coloribus Christi Domini nitidissimam sanctitatem depingit, ut anima eam peramanter contemplan, ad illius imaginem transformetur. *2 Cor. 111. 18.* tam pathetice morientis Christi caritatem repræsentat, ut nihil antiquius ducat fidelis, quam ipsi rursus & vivere & mori; *Gal. 11. 20.* tam alte meditationem promissæ beatitudinis inculpat, ut pro ea omnia experiri, omnia sustinere paratus sit. *2 Cor. 14. 16. 17. 18.* atque ita ipsum cor purificat, *Act. xv. 9.* ad sinceram constantemque pietatem; quæ, una cum fide vividiore vel languidiore, vividiior vel languidiior est.

XXXIV. Hæc de vivæ fidei natura, illiusque a præsumtuosa distinctione, commentati, porro nunc inquiramus, quomodo quisque *sua sibi fidei sit conscius*. Posse autem, & solere infidelibus conscientiam fidelis sue esse, non solum exemplo suo Paulus docet, *2 Tim. 1. 12. novi cui crediderim: sed & monitione illa ad omnes directâ, 2 Cor. XIII. 5. Vos ipsos tentate, an sitis in fide, vos ipsos explorate.* Quæ monitio frustra foret, si tentando & explorando ad notitiam rei, quam investigant, pervenire non possent. Imo vero posse, diserte satis innuit, addendo; *an non cognoscitis vosmet ipsos, videlicet Jesum Christum in vobis esse?*

XXXV. Neque difficile intellectu est, quomodo hæc conscientia do ad illius fidei

4. Infratibus.

Potest quis sue sibi fidei esse conscius.

Quomodo

cognitio-  
nem deve-  
rius.

fidei in fidelibus oriatur. Primo enim eos de natura fidei salvificæ bene ex verbo Dei informatos esse oportet. Nec necesse est multis *καταπονήσας* mentes infirmorum fatigare. Explicetur modo iis simpliciter & clare, quinam veræ fidei principes & essentielles actus sint. Inculcetur differentia inter fidem firmam & debilem; vividam & languentem; tranquillam ac multis tentationibus quassatam. Moneanturque, non solum debilem, languentem, quassatam fidem veram esse: sed & in scrutinio sui ipsius fidem debilem non esse exigendam ad ideam fidei firmam; neque languentem ad ideam vividam; neque quassatam ad ideam tranquillam: sed unamquamque cum sua idea contendendam esse. Qua re probe perspecta, quisque se ipsum examinet, an actus iis, quos descripsimus, homogeneos exerat. Quod nemo ad se ipsum attendens potest ignorare. Horum, quæ quisque cogitat & vult, eo ipso, quod illa cogitat & vult, sibi immediate conficius est. Fides autem mentis & voluntatis actio est.

Unde  
nonnun-  
quam ejus  
cognos-  
cenda dif-  
ficultas.

XXXVI. Regerat fortassis non nemo, si tam in expedito sit positum, fidei suæ conscientiam habere, unde ergo contingit, fidelium plurimos tam molestis circa hoc negotium fluctuationibus excruciiari? Sed illius rei non una ratio est. I. Sæpe evenit, ut perversam sibi fidei salvificæ ideam vel ipsi finxerint, vel ab aliis incaute præformatam temere arripuerint. Ita experientia magistra didicimus, afflictas animas non exiguo numero in ea fuisse opinione versatas, essentiam fidei consistere in Divini amoris certa persuasionem, & jucundo sensu, ac salutis suæ *παραποσί-  
για*. Quas res quum in se ipsis non animadverterent, inclementi iudicio se albo fidelium expungebant. Idem tamen de natura fidei melius informati, edoctique hæc potius firmatæ fidei gloriosos fructus, quam veræ fidei essentielles actus esse, paulatim ad tranquillio rem mentem redibant. II. Contingit etiam aliquando, fideles tot tentationum procellis agitari, ut ad proprios animæ suæ actus dignoscendos minus attendant, vel etiam attendere valeant. Nam eo rerum articulo, tam confuse, ac subsultim omnia ab ipsis peraguntur, ut, in ista perturbatione, proprii cordis constitutionem liquido cernere non possint, cogitationibus mentis, & emotionibus voluntatis, mira variationum mobilitate sibi invicem succedentibus adversantibusque. III. Quandoque etiam difficultate sua non caret, præsertim in afflicto animarum statu, contentio illa actuum suorum cum descriptione veræ fidei, sive, ut clarius exponam, collatio regulæ cum eo, quod ad regulam illam exigere debet. Præprimis quando quis ideam fidei vividam sibi proposuit, & in se ipso non nisi languidam fidem apprehendit. Tum fieri vix aliter potest, quin, exiguam harum convenientiam imo maximum inter utramque discrimen videns, sequius de fidē suā arbitretur.

Licet nos. XXXVII. Non quidem præcise necessarium est ad salutem, ut quisque

que se credere norit : nam promissio salutis sinceritati fidei annexa est. *Marc. xvi. 16. Job. i. 16. non cognitioni, quam quis de fide habet. Expediit tamen, ut quis accurato scrutinio in fidei suæ veritatem sinceritatemque inquirat, I. Ut Deo pro inæstimabili hoc dono debitas agat gratias. Si enim Paulus toties Deo gratias agebat pro aliorum fide, Eph. 1. 15. 16. Phil. 1. 3. Col. 1. 3. 4. 1 Thes. 1. 2. 3. 2 Thes. 1. 3. quanto magis id cuique faciendum incumbit pro sua? Non potest autem id facere, nisi fidem se habere sciat. II. Ut valide se ipsum consoletur. Nam conscientia fidei nostræ simul nos certos facit de salute. Uti hæc duo jungit Apostolus 2 Tim. 1. 12. *novi cui crediderim, & mihi persuasum est, eum posse depositum meum in illum diem custodire.* III. Ut alacrius in stadio pietatis decurcat. Nam certus se ex fide operari, certus etiam est, *laborem suum non fore in vanum in Domino*, & hæc certitudo facit, ut fidelis sit stabilis *perpetuus, eminens in opere Domini semper.* 1 Cor. xv. 58.*

præcise ad salutem se necessarium, multifariam tamen expedire, fidei suæ conscientiam habere.

## CAP. VIII.

## De Justificatione.

I. **F**ides, de qua nuper egimus, ut *salvifica* ita etiam *Justificans* in Theologorum scholis dici solet. Et quandoquidem JUSTIFICATIO memorabile imprimis illius effectum est, non abs re erit, ut ea nunc dicamus. Idque eo accuratius, quo totius religionis magis interest, ne in hujus articuli explicatione cæspitemus. Diffundit se Justificationis Doctrina per totum Theologiæ corpus, & prout fundamentum, vel bene, vel male, jacta sunt, eo universum ædificium vel solidius augustiusque ascendit, vel male statuminatum fœdam minitur ruinam. Vero suo pretio articulum hunc pii æstimarunt *Picardi*, uti vocabantur, in *Bohemia & Moravia*, quando in *Fidei suæ Confessione Art. vi. de Justificatione* locuti, ita scribunt: *Hic sextus articulus apud nos omnium maxime principalis habetur, ut qui totius Christianismi ac Pietatis summa est. Proinde eum nostri omni diligentia ac studio docent ac tractant, omnibusque insinuare conantur.* Id nos pro viribus imitemur, a nomine exorfi.

Justificationis Doctrina maximi momenti est.

II. JUSTIFICARE, Hebraicè *צדק*, Græcè *δικαίνω*, frequenter admodum, & ordinarie, declarandi sensu usurpatur, significatque aliquem *justum habere, declarare, probare.* Quod ex iis Scripturæ locis manifestum est, ubi occurrit ut actio judicis, ut *Ps. lxxxii. 3. afflictum & pauperem צדק justify*, præsertim, quando condemnationi opponitur, ut *Deut. xxv. 1. Prov. xvii. 15. Jes. v. 22. 23.*

Vox Justificare plerumque declarandi sensu sumitur.

III. Et procul dubio verbum hoc eam significationem habet, ubi *Deo* dicitur *justify* ut *Ps. li. 6. Ur justifyeris in sermonibus tuis*, id est, ut declareris, comproberis, agnoscaris justus esse, quando pronancias, Similiter *Mat. xi. 19. Justificata est Sapientia a Filiis suis*, Hoc est, qui

Quippe quæ de Deo quoque dicitur.

vere ex Deo, per Evangelium, regeniti sunt, sapientiam Dei, falso a Scribis & Pharisæis pro stultitia habitam, pro sapientia eminentissima, uti est, habuerunt, & ab impacta stultitiæ calumnia abolverunt. Eodem sensu dicitur *Luc vii. 29. Totus populus & publicani justificaverunt Deum.*

& Christo.

IV. Neque potest alium a forensi significatum hæc vox habere, quando *Christus justificatus* dicitur. *i Tim. iiii. 16. & uberius adhuc Jes. l. 8. Ubi ipse Dominus ita loquitur. Propinquus est, qui justificat me, quis contendat mecum? Consistamus una, quis experietur jure contra me?* Ferme quemadmodum Apostolus loquitur de electis *Rom. vii. 33. 34. Quomodo justificatus est Christus?* I. Quando declaravit Pater ipsum ad votum lubitumque suum sine labe sanctum esse, talem denique *ἁγὸς ὡς ἐν δόξῃ Mat. iiii. 17. & xvii. 5.* II. Quando pronunciarit ipsum inson-tem a criminibus, quorum falso postulatus, inique condemnatus est. III. Quando declaravit, justitiæ suæ in solidum satisfecisse, neque teneri amplius reatu istorum criminum, quæ in se qua sponsor susceperat. Priores duo justificationis actus Christum quæ hominem spectant: Postremus qua Mediatorem. Et hoc respectu dicitur *Servus Dei justus. Jes. lxxxv. 11.* non tantummodo in se ipso *ὁσιος ἑαυτοῦ*, sed & qui omnem justitiam illam implevit, ad quam se voluntaria sponsione sua, qua, quæ Filius esset, servus Dei factus est, obligaverat; & per resurrectionem id fecisse declaratus est: atque ita in eum statum sublimatus, ut multos justificare, sive multis justitiam conciliare, virtute justitiæ suæ, queat.

Hoc ne  
ipsi quidē  
Pontificii  
difficilen-  
tur.

V. Verum non est quod existimemus, nos magnam rem præstitisse, quando ostendimus, justificationem sæpe forensi sensu sumi. Vix enim quisquam eorum, qui se Christianos dici amant, tam perfrictæ frontis vel præfractæ mentis est, qui id abnuat. Ipsi certe Pontificii Doctores id vulgo fatentur. *Beccan. Sum. Theol. Tom. ii. Tract. iv. Cap. iiii. Tirin. Controvers. xv. Num. i.* Neque inficias eunt ipsum Paulum de justificatione quandoque eo sensu agere. *Estius in Com. ad Rom. ii. 13.* notat, *justificari* illic idem esse, quod, *justum judicari, declarari, haberi, usitatissima*, inquit, *phrasi Scriptura.* Quam interpretationem quoque probat *Ruardus Tapperus ad Art. viii. p. 32.* Dabo id ENCHUSANO meo, ut verba ipsius hic appingam. *Circa prædicta, inquit, Considerandum est, quod in Scripturis justificari non solum significat, justitia imbuī, donari, & ornari; sed quandoque etiam justum pronuciari, declarari judicari, comprobari ac deputari. Secundum quam significationem interpretatur beatus Augustinus sententiam Apostoli Pauli. Factores legis justificabuntur, id est, inquit, justi habebuntur, justī deputabuntur. Similiter Cornelius a Lapide ad Rom. viii. 33. Dens est qui justificat, ita commen- tatur: Deus est, qui hosce electos, pnta fideles suos, verosque Christianos, a pec- catis,*

*catu, & ab intentapeccati & Dæmonis actione absolvit, justosque pronunciat.* Non est ergo hic controversiæ inter nos & Ecclesiæ Romanæ Doctores status, an justificatio aliquando sumatur in sensu forensi. Id enim utrinque est in confesso.

VI. Quid ergo Siccine formanda erit controversia, an *semper* justificandi vox in Scriptura forensẽ significationem habeat? Sed nec hoc allerunt præstantissimi Protestantium Doctores, quibus eo nomine prævaricationis dicam scribere, durum nimis & inhumanum foret. *Beza ad Tit. III. 7.* ita commentatur. *Justificationis nomen large accipio, ita ut complectatur quidquid a Christo consequimur, tum per imputationem, tum per Spiritus in nobis sanctificandis efficaciam, ut simus æquales, id est, perfecti & integri in eo.* Sic quoque accipitur justificandi verbum *Rom. VII. 30.* Non multũ abludit *Thysius in Synopsi Puri. Theol. Leyden. Disput. XXI. §. III.* Neque tamen diffitemur propter summam & artissimam connexionem, justificationem quoque sanctificationem ipsam, ut consequens, videri nonnunquam completi *Rom. VIII. 30. Tit. III. 7. &c.* Unum adhuc addam, *Chamierum, Panstrat: Tom. III. Lib. X. Cap. I. Num. VI.* in hæc verba loquentem: *Non sumus tam inepti vocabularum astimatores, ut nesciamus, aut tam importuni Sophistæ, ut nolumus, justificationis sanctificationisque voces permutari; imo sanctos hac præcipue ratione scimus appellari, quod in Christo habeant remissionem peccatorum. Et legimus in Apocalypsi, Qui Justus est, justificetur adhuc: quod nisi de profectu inhaerentis justitiæ nequeat intelligi, & aliis forte locis non negamus promiscue venire in usum.*

VII. Et sane non exagitanda hæc maximorum virorum ingenuitas est, qui licet tantum adversariis dederint, feliciter tamen de iis in summæ rei triumpharunt. Verum enimvero nos rationes sufficientes non videmus, quæ ipsos tam liberales esse coegerint. Nulla vis allegatis inferetur locis, si ibi quoque justificandi verbum, sensu, qui Paulo ordinarius est, acciperetur; neque minus commode omnia tunc fluere videntur.

VIII. Quid obstat, quo minus *Rom. VII. 30.* hoc modo explicemus? *Quos prædestinavit, h. e. quos liberrimo & immutabili decreto ad gratiam & gloriam elegit, eos & vocavit, h. e. per verbum & Spiritum suum, e statu peccati, & miseriæ, ad communionem Christi, suaviter invitavit, potenter pellexit, & fide donatos regeneravit: & quas vocavit, hos & justificavit: h. e. quam primum per Spiritum Sanctum, & fidem, cum Christo uniti fuerunt, propter imputata ipsis Christi merita eos absolvit a reatu peccatorum, & adjudicavit ipsis jus ad omnia Christi bona, tam in gratia quam in gloria: quos autem justificavit hos & glorificavit: h. e. non solum tantum iis dedit, sed & in possessione maximorum bonorum collocavit. I. Eos sanctificando, & magis magisque ad imaginem suam transfor-*

Non tamen semper declarandi significationem habere, Præstantes Theologi dant.

Sed iusto liberalius.

Sueto sibi sensu eo vocabulo Paulus utitur *Rom. VII. 30.*

formando, & Divinæ naturæ consortes faciendo, quod sine dubio magna gloria est. II. Eos perfundendo dulcissimis Spiritus sui consolationibus, quæ quasi præludia lætitiæ sunt. III. Eos denique, primum quoad animam, dein in corpore & anima simul, perfecte beando.

Sanctificatio melius ad Glorificationem quam ad Justificationem refertur,

IX. Longe nobis convenientius videtur, *Sanctificationem* sub *Glorificatione* complecti, quam eam ad *Justificationem* referre. Nam familiare Spiritui Sancto est, sub *decoris, ornatus & gloria* nomenclatione *sanctitatem* delineare. Ita *Pf. xcii. 1. 5, Domui tuæ decora est sanctitas. Pf. cx. 3. Populus tuus est velut spontanea oblationes, in dis copiarum tuarum, בְּרוּרֵי קֶרֶן in decoribus sanctitatis.* Imo ipso gloria vocabulo *Sanctitas & Justitia* exprimitur. *Pf. xlv. 14. כְּבוֹדָהּ בַּת מֶלֶךְ פִּיטוּחַ tota gloriosa est filia Regis intro:* quid autem per gloriam illam aliud ibi notatur, quam sincera fidelium sanctitas? sive, ut Petrus loquitur 1. *Epist. cap. i. 11. 4. occultus ille cordis homo, situs in incorruptione lenis ac quieti spiritus, qui est in conspectu Dei pretiosus.* Adde *Jes. lxii. 2. Et videbunt gentes JUSTITIAM tuam, & omnes Reges GLORIAM tuam.* Ubi duæ hæ voces alternantur. Et merito. Nam summus gloriæ nostræ apex in omnimoda cum Deo conformitate consistit. 1. *Joh. i. 11. 2. Sanctitas autem est imago Dei: Eph. iv. 24. adeo ut sancti, imaginem illam accurate exprimentes, eo nomine gloria Christi dicantur 2. Cor. vii. 23. Quidni ergo conformationem nostram cum Deo in sanctitate pro non contemnendis gloriæ primitiis habeamus? Certe paulus progressum in sanctificatione vocat transformationem ex GLORIA in GLORIAM. 2. Cor. xiii. 18. |*

Etiā] Tit. i. 7. justificationem absolutio- nem notat,

X. Æque commode *Tit. i. 7. per justificationem, absolutionem a reatu, & adjudicationem vitæ æternæ, intelligi posse clarum est.* Nam primum opus hominis per Spiritum Sanctum renati est fidei infallibile consequens, remissio peccatorum; hanc vel excipit vel comitatur spes hæreditatis vitæ æternæ. Quæ probabilis ratio suadet, ut ab hoc sensu recedamus? Et si velimus sub aliquo vocabulorum, quibus Apostolus utitur, sanctificationem comprehendere, cur non potius eam referemus ad *regenerationem & renovationem Spiritus Sancti*? Nam sane sanctificatio a prima regeneratione & renovatione non aliter differt quam continuatio actus ab illius initio. Et ἐξαιγώνιον est Apostolum ad sanctificationis progressum Romanos, jam dudum regenitos, hortari, quando scribit: *Rom. xii. 2. transformate vos per renovationem mentis vestræ*: similiterque *Eph. iv. 23. Renovati Spiritu mentis vestræ.* Hujus renovationis initium sicut justificationem stricte dictam præcedit, ita ejus progressus certitudini & sensui justificationis promovendo inservit, & utroque respectu optime dictum est ab Apostolo, electos regenitos esse per Spiritum Sanctum, quem abunde in eos effudit, ut sic per gratiam ejus justificati, i. e. peccatis absoluti, & ejus absolutionis sibi conscii, hæreditatem vitæ æternæ, legitime, imo in ὡληροφασία, sperare possent.

**XI.** Quod attinet *Apoc. xxii. 11. Qui justus est, justificetur adhuc*, non ut & videtur plenior iis verbis sensus dari posse, quam si hoc modo explicentur; Quicumque, per fidem in Christum, justus a Deo reputatus est, id sibi operæ datum existimet, ut illam justificationem suam coram hominibus, & ad propriam conscientiam suam, factis comprobet; atque ita per fidem illiusque exercitium, & per studium verbi Dei, consolationem de justitia magis magisque exuberantem habeat. Et hac quoque ratione forensis hujus vocis usus remanet.

**XII.** Alii quoque allegant *1. Cor. vi. 11. Sed abluti estis, sed sanctificati estis, sed justificati estis, in nomine Domini Jesu, & in Spiritu Dei nostri*. Verum nec hoc testimonium evincit, justificationem sanctificationi æquipollere, sed contrarium potius. Etenim postquam Corinthios ablutos esse dixisset Apostolus, id est, a peccati potestate liberatos, specialius ostendit, quæ in reablutio illa consistat. Scilicet, Potestas peccati in hominem duplex est. I. Ut ipsum cogat ad opera servilia vitiorum. II. Ut ipsum damnet. *Dominium* destruitur per *Sanctificationem*: *Potestas* damnandi, per *Justificationem*. Utrumque confertur electis *in nomine Domini Jesu*, h. e. propter ipsius merita, & ipsius auctoritate atque voluntate: & per *Spiritum Dei nostri*, qui sanctificationis auctor est, & sententiam justificationis animis fidelium suaviter insinuat. Utrumque beneficium obsignatur Baptismo, ad cujus ablutionem hic evidenter alluditur. Neque offendere nos debet, quod Sanctificatio hic Justificationi anteponatur. Nam Scripturam non semper illam ordinis accurationem observare, ut quæ priora tempore sunt primo ponantur loco, non potest sedulum earum scrutatorem latere. Petrus sane vocationem electioni præponit *2. Petr. i. 10*. Tum etiam justificatio varios articulos habet, uti suo loco distinctius docebimus. quo

**XIII.** Dissimulare tamen non possum, duo loca exstare, in quibus vox *δικαιοσύνη* amplius aliquid notare videatur, quam meram justitiæ declarationem, licet ea quoque includatur. Prior locus est *Jes. l. iii. 11. Cognitione sui Servus meus justus יצחק לרבים justificabit multos*. Verum quidem est, Dominum nostrum Jesum Christum a Patre judicem constitutum esse, & consequenter facultatem ipsi datam absolvendi electos suos: sed hic non repræsentatur ut iudex sententiam pronuncians, sed ut causa, quæ tam meritis, quam efficacia, justitiam illam adducit & donat suis, propter quam coram tribunali Dei absolvantur. Et notanda est inutilitas vocis constructio cum *ל*, nota Dativi casus. Idem ergo est ac si Propheta dixisset: *יִשְׁמַח ה' וְיַצְחָק לְרַבִּים, faciet justitiam multis*, id quod ipse justitiæ causa fecit, cum multis communicabit: atque ita *δικαιοσύνη* *αὐτοῦ* redundabit in multos *εἰς δίκαιοσύνην ζωῆς*, quemadmodum Apostolus



loquitur *Rom. v. 18.* quem locum cum hoc nostro conferri velim.

Sicut  
etiam  
Dan, xii.  
3.

XIV. Alterum, de quo monui, testimonium exstat *Dan. xii. 3.* Ubi fidi Evangelii Præcones dicantur *מְצַדִּיקֵי דִרְבֵּי*, *justificantes multos.* Ad officium ministrorum Evangelii pertinere, ut contritis corde absolutionem a peccatis Dei nomine annuncient, nemo ambigit. Sed longe plura ambitu functionis ipsorum continentur. Summa huc redit, ut sermone, exemplo, precibus quam plurimos eo perducant, ut ipsis per fidem & resipiscentiam cum Deo reconciliatis, & sanctitati operam dantibus, remissio peccatorum cum speciali applicatione prædicari queat. Omnia hæc complectitur ministerium reconciliationis, quod ipsis creditum est. Ea sedulo facientes dicuntur *multos justificare*, quia permovent eos ad resipiscentiam, quæ initium justitiæ sive sanctitatis est; ad fidem, quæ justitiam Christi, propter quam absolvantur, apprehendant; ad sanctæ vitæ studium, quod ubi ipso opere comprobant, de justificatione per ministros, Dei nomine, certiores fiunt.

XV. Fusius ista de verbi significatione prosecuti sumus, ut eadem opera efficacitatem variorum Scripturæ testimoniorum ostenderemus, quo studio nihil dulcius & utilius est. Nobis autem, quando de justificatione agimus, semper illa vox *declarandi* notione sumetur. Quo semel monito, nunc ad ipsam rei accuratiorem investigationem accedamus.

Declara-  
tio Dei de  
hominibus  
vel facta,  
concernit  
vel statum.

XVI. Declaratio Dei de hominibus, vel concernit *singularia* quædam eorum *facta*, vel *integrum* ipsorum *statum*. *Facta* hominum considerantur, vel *relate ad normam Divinæ voluntatis*, vel *comparatione in suis cum aliorum factis*, magis vel minus malis. De factis absolute pronunciat Deus, quando ea vel *mala* declarat, hominem in iis *condemnando*; quomodo Dei nomine Davidi dicebat Nathan, *2 Sam. xii. 9.* *Sprevisti verbum Jeshova, faciendo quod malum est in oculis ipsius*: vel *bona*, hominem in iis *justificando*: quo sensu David, oculis intentis in *justitiam causâ suâ adversus hostes*, orat *Pf. vii. 9.* *Judica me, Jeshova, secundum Justitiam meam, & secundum integritatem meam pronuncia pro me.* Sic Jobum justificavit Deus, quando recte illum *de se locutum esse* pronunciat. *Job. xli. 8.*

Pineaz  
quomodo  
factum su-  
am ad ju-  
sticiam im-  
putatum  
sit.

XVII. Memorabile hic admodum est *Pineazi* exemplum. *Pf. cvi. 30. 31.* *Et constitit Pineaz, & judicium exercuit, & coercita fuit plaga illa. Et imputatum est ei ad justitiam, per quamque generationem, usque in seculum.* Factum Pineazi tale erat. Zimri, unus Principum in tribu Simeonis, incredibili impudentia, Cozbi, filiam Reguli Midianitarum, inspectantibus populi sui Primoribus, introduxit in tentorium suum, stupro se illamque polluturus; dum Moses cum universo cœtu flebat ad ostium tabernaculi Dei, deprecaturus grassantem jam Numinis vindictam. Non

Non tulit hanc speciem Pineaz, Eleazari Pontificis Maximi Filius, ipse Sacerdos: sed ingenti inflamatus zelo & indignitate rei permotus, e medio coetus se proripuit, arreptoque spiculo scortantes illos transfixit.

XVIII. Multa huic actui inerant, propter quæ male factum esse videri posset. I. Sacerdos erat Pineaz, cui non conveniebat manus suas humano sanguine polluere. Si enim cadaver tetigisse piaculum sacerdoti erat; quanto magis vivum hominem cadaver fecisse? II. Non erat item ex iudicibus Israël, quibus poenam suspensionis de fontibus sumendam demandaverat Moses, edicente id ipso Deo. *Num. xxv. 4. 5.* III. Non servatus est legitimus iudicii ordo, quod ab executione est orsus. IV. Omnia furentis animi exandescentiam magis spirasse videbantur, quam iusta lenitate temperatum zelum. Propter has rationes censeripotnuisset Pineazus foedo se parricidio obstrinxisse, eoque nomine excidisse honore sacerdotii.

XIX. Sed aliter plane Deo visum est: qui recte ab ipso factum esse pronunciavit, laudans illam zelotypiam, declarans eam sibi eo usque placuisse, ut propter eam exandescencia sua a filiis Israël averfa sit. Tantumque aberat, ut idcirco sacerdotio suo privandus fuerit, ut ex adverso addiderit ei & semini ejus Deus sacerdotium perenne, ex fœdere pacis perpetuum durato. *Num. xxv. 11. 12. 13.* Et hoc est, quod David canit, *Imputatum est ipsi ad justitiam*: i. e. judicatum est, eum rite atque ordine fecisse, & propterea magis laude ac præmio, quam vituperio ac poena dignum esse.

XX. Et sicut hic justificatus est in illo facto suo *absolute*, ita alii justificantur in actionibus suis, *comparatione* instituta cum aliis *pejoribus*. Quo sensu dicitur, *Jer. i. 11. 12.* *Justificavit se ipsam averfa Israël, magis quam perfida Jebuda.* Id est, operibus suis justiore se magisque candidam demonstravit: professâ quid in animo haberet, & non tam hypocritice ac dolose agens, quam prævaricatrix & fallax Jehuda, que videri vult ad me conversa, quum interim nomen meum profanet. Similiter *Ezech. xvi. 51.* *Justificasti sorores tuas omnibus abominationibus tuis quas fecisti.* Ita te gessisti, ut præ te infantes videri queant.

XXI. Hactenus de declaratione Dei super *actionibus* hominum. Declaratio Dei super *ipforum statum*, rursus non uniusmodi est. Vel enim considerat eos Deus, *prout in se ipsis sunt*, juxta qualitates inhærentes, aut *vitiosas* per corruptam naturam, aut *sanctas* & laudabiles, per Reformantem *Gratiam*, vel *prout in Christo Sponsore* censentur.

XXII. Non potest Deus homines aliter considerare, quam reapse sunt. Nam *judicium ipsius secundum veritatem est. Rom. ii. 2.* Qui ergo adhuc sub dominio peccati sunt, & in pravis cupiditatibus suis cum voluptate ambulant; eos irregentos, improbos & Diaboli mancipia esse, uti sunt, judicat & declarat Deus: *neque enim fontem pro*

Nonnul-  
lorum ju-  
stificatio  
in factis  
compara-  
est.

Deus de  
statu judi-  
cans, ho-  
mines vel  
in se ipsis,  
vel in  
Sponsore  
confide-  
rat.  
Tales sem-  
per homi-  
nes decla-

*insonte habet. Exod. xxxiv. 7.* Sed qui per gratiam ejus sunt regeniti, ad imaginem ipsius de novo creati ac sinceræ sanctitati ex animo operam dant, eos quoque a crimine profanitatis & impietatis atque hypocrisios absolvit; & non amplius habet pro mortuis in peccatis, servis Diaboli, filiis mundi, sed pro vere fidelibus, suis filiis, ad imaginem suam restauratis, & vita sua donatis. Hoc modo servum suum Jobum justificabat, declarando, *quod nemo ipsi par fuerit in terra, quodque fuerit vir integer & rectus, timens Dei & recedens a malo. Job. 1. 8.*

Qui vere  
justitiæ  
operam  
dant, eos  
justos esse  
pronun-  
tiant,

XXIII. Eodem modo se adhuc res habet cum omnibus fidelibus. Sæpe contingit, ut accusator fratrum Diabolus fideles apud Deum reos peragat hypocrisios, quasi non sincero animo eum colant; nec apud Deum tantum ita eos accusat, sed & proprias eorum conscientias inquietat, quasi ficta modo & fucata fidei ac pietatis larva sit, qua non aliis duntaxat, sed & ipsi sibi hæcenus imposuerunt. Ut tranquillentur fidelium conscientiæ, ita a calumniatore concussæ, absolvi ab hac accusatione, & justificari a falso hoc testimonio apud Deum, opus habent; quod etiam Deus quotidie facit, Spiritus sui testimonio electos de sinceritate conversionis suæ certiores faciens; atque ita ostendens, *laudem veri Judæi ex se esse. Rom. 11. 29.* Quæ sane justificatio diversissima est ab altera illa, de qua mox agemus. In illa enim absolvitur homo a criminibus, quorum vere reus est, quæ ipsi remittuntur propter Christum. In hac absolvitur a peccatis, quorum non est reus, declaraturque ea non admisisse.

Cujus ju-  
stificatio-  
nis funda-  
mentum  
est justitia  
inhærens.

XXIV. *Fundamentum* hujus justificationis non potest aliud esse quam *sanctitas & justitia inhærens*. Nam quum sit declaratio hominis, qualis est *in se ipso*, attamen per regenerantem & sanctificantem Dei gratiam, pro fundamento suo habere debet, id quod in ipso homine reperitur. *Qui facit justitiam, justus est*, inquit Johannes 1. *Epist. 111. 7.* & Petrus *Act. x. 34. 35.* *Vere deprehendo, in quavû gente gratum esse Deo quemvis, qui enim timeat & operam det justitiæ.* Et Lucas Dei nomine parentibus Johannis Baptistæ hoc testimonium dat, fuisse illos *justos in conspectu Dei, incedentes in omnibus præceptis & constitutionibus Domini inculpate. Luc. 1. 6.* Non tamen inhærens justitia fundamentum hujus justificationis est, propria sua dignitate, aut quia sanctitatem habet ad Legis normam examussitam, sed quia est opus Spiritus Sancti in electis, quod non potest Deus pro suo non agnoscere & exosculari, & quia defectus, quibus in hac vita semper maculata est, remittuntur propter Christum.

De ista  
justifica-  
tione agit  
Jacobus.

XXV. Hoc sensu putamus, Jacobum de Justificatione agere, vexato illo loco. *Jac. 11. 21. 24.* Ubi Abrahamum *non ex sola fide, sed & ex operibus justificatum* esse docet, & quemvis hominem ita justificari debere contendit. Nam scopus Apostoli est, demonstrare, quod non sufficiat homi-

homini Christiano gloriari de remissione peccatorum suorum, quæ revera per solam, sed vivam tamen in Christum fidem, obtinetur: sed quod præterea sanctitati operam dare debeat, ut justificatus ex sola fide, id est, a peccatis suis, quæ commisit, absolutus, propter satisfactionem Christi fide apprehensam, porro justificetur ex operibus suis, i.e. declaratur vere regeneritus, fidelis, sanctus esse; quippe qui ita se gerat, ut regeneritos, fideles, sanctos decet. Ita Pater noster Abrahamus egit: qui jam antea ex sola fide justificatus, i.e. remissionem peccatorum nactus, deinceps quoque ex operibus justificatus est. Nam quum filium suum Deo obtulisset; tunc ipsi dixit Deus: *Nunc expertus sum timentem Dei esse te; quum non subtraxeris filium tuum, unicum tuum, a me. Gen. XXII. 12.* Et hanc posteriorem justificationem tam necessariam fidelibus esse Jacobus inculcat, ut, si illa absit, prior non nisi pro vana & imaginaria haberi debeat.

XXVI. Evidentia hæc ex Scriptura sunt. Ne quis tamen ea, ut mos est seculi, in calumniæ materiam rapiat, imperitiores moneo, non meæ inventioni hæc deberi, sed ante me Theologorum celebratissimos, de ejusmodi justificatione juxta justitiam inbarentem, & ex operibus, locutos esse. Bucerus in altero Colloquio Ratisbonensi p. 313. *Justitiam hanc inchoatam sentimus esse quidem veram & vivam justitiam, Dei præclarum & exitium donum; vitamque novam in Christo hac justitia constare, omnesque sanctos hac ipsa quoque justitia justos esse, & coram Deo & coram hominibus, ET PROPTER EAM SANCTOS QUOQUE A DEO JUSTIFICARI JUSTIFICATIONE OPERUM, id est, comprobari eos a Deo, laudari & remunerari.* Similia docet Calvinus Institu. Lib. III. Cap. XVII. Sect. VIII. quæ his verbis terminatur. *Quæ sunt a fidelibus bona opera, justa censentur, vel (quod idem est) IN JUSTITIAM IMPUTANTUR.* Prolixè hanc sententiam explicuit & probavit Doctissimus Vir, Ludovicus de Dieu, in commentariis ad Rom. VIII. 4. Citatque ut sibi ἐμὸς ὄψων Danielum Coloniam, Collegii Gallo Belgici Leydenfis olim Regentem. Eandem quoque tuetur Reverendus Vir D. Petrus de Witte, fortissimus Veritatis Hyperaspistes, in *Controversia de Justificatione adversus Socinianos*. Et in eundem nobiscum sensum Jacobi locum explicat, eadem justificationis distinctione adhibita, Cl. Triglandius, in *examine Apologia Remonstrantium* Cap. XXI. p. 316.

Eandem Celebratissimi Theologorum nostrorum agnoverunt.

XXVII. Nunc tandem de Justificatione hominis peccatoris agamus, sed considerati in sponsore Christo. Quæ materia uti omnia solidæ consolationis fundamentum est; ita plena est mysteriis, & vexata multis controversiis: clare tamen in Scripturis tradita, modo quis earum simplicitate contentus neque oculos claudat adversus lucem ultro sese ingentem, neque curiosis subtilitatibus ac luxuriantis ingenii περιεργασίας

Justificatio peccatoris in Christo considerati definitur.

indulgeat. Justificationem Evangelicam peccatoris hoc modo definimus. *Est Actus Dei Judicialis, sed Gratosus, quo Peccator Electus, & Credens, a reatu peccatorum suorum absolvitur, & jus vitæ æternæ ei adjudicatur, propter obedientiam Christi fide assumptam.*

Non pos-  
set Deus  
peccatores  
juste justi-  
ficare, nisi  
censores in  
Christo,

XXVIII. Hoc constat, homines omnes, in se ipsis consideratos, fœdos coram Deo peccatores, & mortis æternæ reos esse. *Jam ante Ju-  
daos & Græcos criminatus est Paulus, omnes sub peccato esse: usque adeo, ut  
omne os obstrui debeat, & totum mundum obnoxius sit condemnationi Dei. Rom.  
III. 9. 18.* Quandoquidem autem, uti ante jecimus, judicium Dei  
semper secundum veritatem est, aliter contingere non potest, quin  
Deus eos, qui in se peccatores & mortis rei sunt, etiam in se ipsis pec-  
catores & mortis reos esse declaret. Docet tamen Scriptura, Deum pec-  
catores justificare, i. e. *absolvere* a peccatis & reatu mortis æternæ, iisque  
adjudicare jus vitæ æternæ. Et ni id esset, actum esset de salute & ipe  
omnium quotquot sunt mortalium. Facit autem id Deus indubie con-  
venienter veritati & justitiæ suæ. Ergo necesse est, ut illi qui *in se* pecca-  
tores sunt, justificanti Deo aliter obversentur; scilicet *censu in alio*, cu-  
jus perfecta justitia ita ipsis imputetur, ut ejus virtute justii reputentur.  
Et hoc est mysterium justificationis nostræ in fide Christi.

Christus  
pro electis  
omnia fecit,  
quæ ad  
eos justi-  
ficandos  
requirun-  
tur.

XXIX. Postquam in Adamo omnes peccassent & excidissent gloria  
Dei, Filius Dei Unigenitus Sponforem se Patri obtulit, pollicitusque  
est, se, præstituto tempore, omne jus Legis impleturum pro electis. Id  
quod omni fidelitate accuravit. Natus ex virgine, sine ulla peccati labe;  
conceptus ex Spiritu Sancto, & instructus originali justitia: ut haberet,  
quo reatum peccati Originalis tolleretur, & defectum originalis & con-  
natæ justitiæ in electis sarciret. Præterea ab ipsis incunabulis, totoque  
vitæ suæ tempore, præcipue ad vitæ finem, omne genus perpeffiones tã  
in anima quam in corpore obivit, se ipsum humilians, imo exinaniens,  
Patrique obediens usque ad mortem, mortem autem crucis: ut poenas,  
peccatis electorum suorum debitas, eorum vice sustineret: dignitate pa-  
tientis personæ id abunde compensante, quod durationi poenarum, quæ  
alias æternæ esse debebant, deerat. Denique omne illud, quod Lex exi-  
git, ut quis jus ad vitam æternam habeat, pro suis consummavit. Si ipsi  
id electi in propria persona fecissent, quod pro iis fecit Jesus, dubium  
non est, quin id haberent, propter quod justificari a Deo possent, &  
saltem ex pacto, deberent.

Ea ipsis  
merito  
imputan-  
tur.

XXX. Porro, quandoquidem quicquid hujus generis fecit Jesus, id  
omne fecit voluntaria sponfione, approbante quoque Patre, *vice & loco  
electorum*; merito id ipsis *imputatur*, ac *in ipsorum rationes refertur*; quem-  
admodum in solutum fertur primo creditori, quod loco ejus solvit ex-  
promissor. Divine hoc negotium prosecutus est Paulus in Capite quin-  
to

to Epistolæ ad Romanos: *cujus summa est in v. 19. Sicut per contraventionem unius hominis peccatores constituti sunt multi; ita per unius obedientiam iusti constituentur multi.*

XXXI. Cæterum, ut imputationis hujus fundamentum liquidius sit, animadvertendum est, non modo Christum, pro electis, juxta æternum Patris consilium, hæc omnia spondidisse, & convenienter sponcioni impleisse; sed & electos, antequam ipsis justitia Christi ad justificationem vitæ imputetur, tam arcte cum ipso per fidem uniri, ut *unum corpus*, 1. Cor. XII. 13. &, quod adhuc indivisibilius est, *unus cum ipso Spiritus* sint 1. Cor. VI. 17. nec *uniti* tantum cum ipso, sed & UNUM, & quidem unitate tali, in qua quodammodo adumbratio aliqua est simplicissimæ istius unitatis, qua personæ Divinæ inter se unum sunt Job. XVII. 22. 23. Virtute autem hujus unionis, vel unitatis, quam electi per fidem cum Christo habent, ipsi in Christo fecisse ac tulisse censentur, id quod fecit ac tulit pro iis Christus.

Quando per fidem in unum cum eo corpus coaluerunt.

XXXII. Hoc modo peccatores electi, *desituti propria justitia*, id est, non habentes in se ipsis eam rem, propter quam jus ad vitam æternam iis adjudicari queat, per fidem in Christo *comperiuntur*, habentes eam *justitiam, qua est per fidem Christi, justitiam, qua ex Deo per fidem est.* Phil. III. 9. Scilicet propter voluntarias Christi passiones dirissima morte consummatas a reatu æternæ mortis absolvuntur. Propter purissimam ejus ex Spiritu Sancto & virgine nativitatem, originalis condonatur labes, animaque Deo immaculata sistitur. Propter perfectissimam totius vitæ obedientiam, adjudicatur iis vita æterna, suis quibusdam gradibus communicanda. Hæc mysterii hujus summa est, quam brevibus comprehensam verbis uno velut obtutu contemplandam oculis objicere visum est. Hæc pauca tamen sunt, quæ plenioris explicationem desiderant.

Hinc obtingit absolutio a Poena, & adjudicatio vitæ.

XXXIII. JUDEX hujus causæ *Deus est.* Rom. VIII. 33. *Jes. XLIII. 25.* Nam ille est *Unicus Legislator ille, qui servare potest, & perdere.* Jac. IV. 12. Ille uti jus potestatemque animam peccatricem debitis poenis afficiendi solus habet, ita etiam solus jus habet animam peccatricem absolvendi: quippe qui *Judex totius universi est.* Rom. IX. 6.

Judex Deus est.

XXXIV. Quod de Deo *ὁ ὁρίων* considerato universim dicitur, *ὁ ὁρίων* speciatim appropriatur Patri, *justificanti eum, qui est ex fide Jesu.* Rom. III. 26. Et in Christo *mundum reconcilianti sibi, non imputando ipsis offensam eorum.* 2 Cor. V. 19. Ubi illa distinctio Dei a Christo sufficienter indicat, de Deo Patre inibi sermonem esse. Ratio quoque postulat, ut speciatim Deo Patri Justificatio ascribatur. Nam *Filius Dei*, Jesus Christus, in judicio pro nocentibus intervenit, ut *Sponsus*, ut *advocatus*, & denique ut *suppeditans reis ea documenta*, quibus Divinæ Justitiæ pro se satisfactum esse demonstrare possint. *Spiritus Sanctus*, operans fidem in

Pater.

no.

nocentibus, facit eos apprehendere, & in iudicio repræsentare (ponso-  
rem, ejusque satisfactionem. Et hoc respectu uterque a *parte reorum* stat.  
*Pater* autem *judicis* officio fungitur: propter satisfactionem Filii, apprehen-  
sam virtute Spiritus Sancti, reos juste simul & clementer absolvens.

¶ *Ius.*

XXXV. Temere tamen a non nemine dictum est, *Filium & Spiritum Sanctum*, propter supra allegatas rationes, *non posse Judicis partes tenere*, sententiamque pronunciare. Nam in Oeconomia salutis nostræ personæ Trinitatis varias habent *σχέσεις*, quæ componendæ non opponendæ sunt. Is, qui aliquando ut SPONSOR describitur, alibi proponitur ut JUDEX *Jo. v. 22. 27.* Et sane Christus ipse sibi vindicat *potestatem peccata remittendi Mat. ix. 2.* Atq; in die Universalis Judicii, ipse sententiam *justificatoriam* peremptorie super electis pronuntiabit. Neque repugnat unum eundemque & *causam meritoriam* Justificationis, & *Patronam* Reorum, & simul *causæ judicis* esse. Omnes hi respectus in uno Christo conveniunt; docentque nos plenitudinem illam salutis, quam in ipso invenire est.

& Spiritus Sanctus.

XXXVI. Imo & *Spiritui Sancto* suæ quædam quasi propriæ partes sunt. Quippe qui sententiam illam absolutoriam, in foro Coeli pronuntiata, animæ fideli in foro Conscientiæ insinuat & obsignat, eamque ita tranquillat, & exhilarat: docens, quæ a Deo ipsi donata sint: *1 Cor. ii. 12. testimonium perhibens una cum Spiritu fidelium, Rom. viii. 16.* reconciliatos ipsos esse cum Deo. Hinc patet nullam personarum Divinarum a sententiæ dictione excludendam esse.

Id propter quod justificamur, est Justitia Christi.

XXXVII. Res illa, propter quam justificamur, quam nonnulli MATERIAM justificationis nostræ vocant, est sola perfecta Christi justitia. Hanc pro electis suis Christus consummavit; *sanctificans se pro iis. Job. xviii. 19.* Hanc eandem *imputat* electis Pater, quemadmodum Christo imputavit ipsorum peccata. *Eum, qui non novit peccatum, pro nobis peccatum fecit, ut nos fieremus justitia Dei in ipso. 2 Cor. v. 21.* Explicari autem non potest, quomodo Christus peccatum pro nobis factus sit, nisi eo sensu, quod peccata nostra ipsi imputata sint, ut pro iis lueret; eodem modo nos facti sumus justitia in ipso, quatenus ipsius justitia nobis imputatur, ut propter eam coronemur. Evidens est Christi justitiam in Scripturis *nostram* justitiam dici: nam est *Jehova JUSTITIA NOSTRA. Jer. xxi. 11. 6. Factus est NOBIS a Deo justitia. 1 Cor. x. 30.* Nostra autem est vel *inbasiæ*, vel *imputatiæ*. Tertium enim hic non datur. *Inbasiæ* nostra non est: nam eo sensu nostræ illam opponit Paulus *Phil. i. 11. 6.* nec natura rei patitur, ut actus a Christo præstiti *inbasiæ* nostri sint. Restat ergo, ut nostra sit *imputatiæ*. Deo homini *imputante justitiam sine operibus. Rom. iv. 6.*

XXXVIII. Tricas iuvenes subtilitate sua *Arminii* secuti, quando pugnat

pugnat, Justitiam Christi nobis in justitiam imputari non posse, quum sit ipsissima justitia: hoc pro fundamento ponens, id, quod nobis ad Justitiam imputatur, justitiam proprie non esse. Quod nemo admittet qui consideraverit, omne judicium Dei esse secundum veritatem: unde sequitur, in justitiam nihil alicui imputari posse, quod revera justitia non est. Nobis autem ea imputatur, id est, in nostras rationes refertur, quasi nostra esset: licet enim a nobis non sit præstita, est tamen præstita a Christo pro nobis, ac loco nostro. Neque id faciendo aliter judicat Deus, quam res est: non enim judicat, nos ipsos in propria persona justitiam illam implese, quod verum non est; sed Christum ita illam implese pro nobis, ut nos illius merito juste coronari possimus. Quod tam est verum, ut summa sit totius Evangelii.

imputari  
nobis pos-  
se perpe-  
ram Armi-  
nius negat

XXXIX. Et quandoquidem justitia illa Christi omnibus est numeris absoluta, & Deus juri suo plenissime satisfactum esse fassus est, quando Christum suscitavit ex mortuis, & *Servum suum justum* vocavit; non est necesse, ut quidquam a nobis proficiscatur, quo vel immunitatem a poena, vel jus ad vitam acquiramus. Addo; neque jure id a nobis posse exigi. Uti non potest vel obolus exigi a principe creditore, postquam expromissor pro eo in solidum solvit. Unde patet, injuriosos eos esse, tam in satisfactionem Christi, quam in Dei justitiam, qui aliquid ab hominibus præstari contendunt, quod meritis Christi, ut materia justificationis nostræ, adjungatur. Si enim per Christi satisfactionem jus legis, præscribentis conditionem vitæ, perfecte impletum est, nihil ei adjungi vel potest vel debet; ut gloria soli Christo illibata maneat. Sin vel tantillum satisfactioni Christi defuit, quod lex justitiæ causa exigebat, ne quidem satisfactio dicenda est; neque quicquam Christus vel sibi, vel nobis meruit. Nihil enim in hoc judicio admittitur, nisi id, quod omne postulatum legis implet.

Et quum  
perfecta sit  
nullum  
opus no-  
strum jun-  
gi potest.

XL. Veritatem hanc Scriptura comprobatur, quando gratiam Christi & nostra opera ita sibi e diametro opponit, ut nullam alterius cum altero mixturam fieri posse contendat. *Si per legem est justitia*, inquit Apostolus, i. e. si nostris operibus jus ad vitam æternam acquirere valeamus, *Christus frustra mortuus est. Gal. II. 21. & clarius Rom. XI. 6. Quod si per gratiam, non jam ex operibus: alioquin gratia jam non est gratia. Sin ex operibus, jam non ex gratia: alioquin opus jam non est opus.* Cujus Apostolicæ illationis vim ut evidenter cernamus, animadvertendum est, ad salutis possessionem non nisi duabus viis perveniri posse; juxta duo foedera Deum inter hominesque inita. Vel enim quis jus ad vitam habet, quia ipse legis postulato perfecte satisfecit, juxta foedus operum; & ei ita *operanti merces imputatur ex debito. Rom. IV. 4.* Vel habet jus ad vitam, quia Sponsor melioris Testamenti pro ipso satisfecit, quod ipsi imputatur ex me-

Nam  
Christi  
gratia, &  
nostra o-  
pera e dia-  
metro op-  
ponuntur.



ra merissima gratia, nihil operanti, ut jus illud sibi acquirat, *ibid. vers. v.* juxta foedus Gratiae. Quae foedera quum tota essentia sua differant, & hae in parte, contardictorie sibi opponantur, manifestum est illos ἀσύγκλωτα συγκλῶθειν, qui opera nostra cum gratia Dei, nostram justitiam cum Christi justitia, in negotio justificationis combinata volunt.

Δωρεάν  
quid signi-  
ficet.

XLI. Et sane nihil in nobis esse, quod in censum hic venire queat, diserte docet Apostolus *Rom. III. 24.* Δικαιώμενοι δωρεάν τῇ αὐτῇ χάριτι, *Justificati immerito, per ipsius gratiam.* Dei respectu est *ex parte gratia*, quae uti modo audivimus, operam nostrorum consortium non admittit. *Nostrum respectu est immerito*, sine ulla illius rei causa, quae in nobis existeret. Hoc enim significat δωρεάν. Non tam hic innuens, justificationem esse δῶρημα, *donum gratis datum*, quomodo eam vocat Apostolus *Rom. v. 16.* (hoc enim sequentes voces volunt, τῇ αὐτῇ χάριτι :) quam nihil in nobis esse, quo illam consequamur. Græcum δωρεάν respondet τῷ דָּוָנָא Hebræorum. Hoc autem est, *citra causam*; quæ non nisi falsa fictaque ibi reperitur. Ut *Pf. LXIX. 4.* דָּוָנָא אֶנְשֵׁי אוֹפְרֵי חַיִּים *hostes mei sine causa* idem est, quod קָרָא אֶבְרִי *hostes mei mendaciter*. Prius Græci reddiderunt, μισῶντες με δωρεάν. Plane uti *Job. xv. 25.* ἐμίσησάν με δωρεάν. Similiter *Pf. xxxv. 7.* דָּוָנָא δωρεάν occultarunt mihi foveam retis ipsorum. Ubi δωρεάν non *donationem* aliquam significat, sed omnimodam negationem causæ, quæ hominem dignum reddat tali circa ipsum actione. Quando ergo Apostolus dicit, justificamur δωρεάν, docet nihil in nobis reperiri, in quo gratiosa justificationis sententia fundetur, sive propter quod justificemur. Optime Scholiastes Græcus δωρεάν, τῷ αὐτῷ ἀνευ ὧν κατὰ τὸ δῶμα των, *Gratis, hoc est sine tuis meritis.*

Nihil in  
justifica-  
tione valet  
nisi quod  
perfectum  
sit.

XLII. Accedit hæc quoque ratio, quod nihil in justificationis negotio valeat, nisi quod perfectum plane sit, & legi Dei in omnibus respondeat. Nam in justificatione est ἐνδείξις δικαιοσύνης τῷ Θεῷ *Rom. III. 25.* 26. illa autem exigit, ut δικάσιμα τῷ νόμῳ πληρωθῇ. *Rom. VII. 4.* Non potest impleri legis jus nisi perfecta obedientia. Pulchre in hunc locum Chrysostomus: τί ἐστὶ τὸ δικάσιμα; τὸ τέλος, ὁ σκοπός, τὸ κατόρθωμα. τί γὰρ ἐκείνῳ ἐβέλετο, καὶ τί ποτε ἐπέταττον; ἀναμάρτητον εἶναι. *Quid est δικαίωμα; Finis, Scopus, Recte factum. Nam quid lex vult, quid praecepit unquam? sine peccato esse.* Hoc nemo sibi arrogat nisi vanus & mendax. 1. *Job. 1. 8.* unde concludimus, nullo proprio suo actu justificari hominem peccatorem posse.

Forma ju-  
stificatio-  
nis.

Peccatum  
duplex  
jus in

XLIII. FORMA Justificationis hisce duobus actibus absolvitur. I. *Abjudicatione injustitiæ.* II. *Adjudicatione justitiæ.*

XLIV. Injustitia sive peccatum duplex jus in hominem peccatorem habet. I. *Jus damnandi.* II. *Jus dominandi.* Utrique juri patrocinatur Lex:

*Lex: prius*, declarando eum mortis reum esse, qui peccatum facit. *Rom. I. 32. alteri*, iusta sententia, victum victori mancipando. 2 *Pet. II. 19.* Propterea dicitur, *Legem potentiam peccati* esse 1 *Cor. xv. 56.* Quia peccatum potestatem illam suam a Lege habet, quæ peccatorem maledictum & corruptelæ servum pronunciat. Quin imo ipsa sanctissima Dei Lex, *Lex peccati & mortis* a Paulo vocatur. *Rom. VII. 14.* A. Non quasi peccatum aliquod permetteret, multo minus præciperet; sed quia iusta sua sententia peccatorem & filios ejus, tanquam indignos vitæ Dei tam in sanctitate quam in gloria, mancipat peccato tyrannidem in eos exercenti. Quod facit peccatum, tam propellendo peccatorem in ulteriora mala culpæ. quam urgendo & aggravando ejus condemnationem. Juste hæc omnia in peccatorem a Deo decerni quis ambigat? Quid obstat etiam, quo minus hæc sententia, fundata in Lege fœderis operum; *Lex* dicatur? Et quum peccatum, juxta illam, dominium exerceat in peccatorem, eumque damnet ad mortem, sapienter admodum & ἰμφορικῶς Paulus eam *Peccati & mortis Legem* nuncupavit. Peccatum ergo in judicio Dei duo adversus peccatorem contendit, ut eum damnet, & æternum ei dominetur: allegatque pro se justam Dei legem. Et sane Lex, quamdiu satisfactum ipsi non est, non potest in hac lite peccatum condemnare, id est, accusationem peccati, & petitionem ejus, retundere, infringere, iniquam injustamve pronunciare.

XLV. Sed supposita nunc Christi satisfactione, per fidem apprehensa, qua omne jus Legis impletum est, homo justificatur, & peccatum condemnatur, utraque petitione illi abjudicata. Declarat Deus. I. Nullum esse κατὰ κρίμα iis, qui in Christo Jesu sunt, remissa illis omnia peccata sua esse, neque ullum eorum valiturum ad condemnationem; quia poenas iis debitas plenissime Sponsor persolvit. Atque eo respectu *remissio peccatorum justificatio* dicitur. *Rom. IV. 6. 7.* II. Non dominaturum amplius peccatum in mortali corpore ipsorum, quia quum Christus iis quoque se legibus sponte subjecit, quæ chirographum peccati erant; ipsi non amplius sub lege peccati sunt, sed sub gratia *Rom. VI. 14.* Fundatur hæc sententia justificatoria hominis, & condemnatoria peccati, in eadem Dei lege, quæ uti seposita Christi satisfactione est *Lex peccati & mortis*, ita supposita eadem est *Lex Spiritus vitæ in Christo Jesu*, liberali manu hominem vindicans. Postquam enim Christus semel servivit pro electis ἐν ὁμοϊσµῶτι σαρκὸς ἁμαρτίας, id omne, quod peccatum juxta legem postulare poterat, præstitum esse Deus pronunciat, iisque, qui hanc Christi Domini gratiam fide recipiunt libertatem a peccato addicit, tam quoad *damnationem*, quam quoad *dominium*: uti Divine hæc exsequitur Apostolus. *Rom. VII. 1. 2. 3.*

Sed postquam Legi per Christum satisfactum est, utrumque jus peccato abjudicatur.

Non qui  
immunis  
est a pecca-  
to eo ipso  
jus ad vi-  
tam habet.

XLVI. Liberatio illa a peccati reatu & dominio insolubilem quidem cum beatitudine nexum habet : quamobrem beati declarantur, *quorum remissa sunt iniquitates ; Rom. IV. 7.* sola tamen ad beatitudinem non sufficit. Non enim is, qui jam immunis a peccato est, mox jus ad vitam habet. Liqueat id in Adamo integro, qui quamdiu talis erat, nullam habebat metuendam damnationem, necdum tamen jus sibi paraverat ad vitam æternam. Necessum ergo est, ut illud quoque homini in justificatione adjudicetur. Quod facit Deus propter perfectam obedientiam ; convenienter isti legis promisso, *Qui fecerit ea homo, vivet in eis Lev. XVIIII. 5.* Quod autem Christus pro suis fecit, id, ut sæpius jam dictum, ipsi fecisse censentur. Atque hoc modo *gratia regnat per justitiam ad vitam æternam, per Jesum Christum Dominum nostrum. Rom. V. 21.*

Medium  
quo justi-  
tiam Chri-  
sti appre-  
hendimus,  
sola fides  
est.

XLVII. MEDIUM, quo justitiam Christi, & justificationem ex ea pendentem, accipimus, FIDES est, & quidem SOLA : si enim præter Fidem quicquam esset aliud, id nostra deberent esse opera, ex cæteris virtutibus Christianis procedentia. Ea autem Paulus exclusivissima esse vult. *Gal. II. 16. Scientes non justificari hominem ex operibus Legis, sed per fidem J. C. etiam nos in Christum Jesum credidimus, ut justificaremur ex fide Christi, & non ex operibus Legis : propterea quod non justificabitur ex operibus Legis ulla caro. Rom. III. 28. Colligimus igitur justificari hominem, absque operibus Legis.* Omnes virtutes Christianæ duabus hisce continentur, *Fide & caritate* : quæ omnem piæ animæ affectum exhauriunt. Caritatis est Deo se ac sua dare & offerre. Fidei, Deum se nobis donantem accipere & amplecti. Ideoque sola fides apta nata est, ut accipiat, nostramque faciat, justitiam Christi, propter quam justificamur. Estque hæc tam certa claraque veritas, ut ex Romanæ Scholæ doctoribus non pauci, atque ii quidem præcipui maximæque apud suos existimationis, eam agnoverint, ex iisdem quibus nos scripturæ dictis. *Tiselmannus in Paraphrasi Cap. II. Epistola ad Gal. Quum igitur credamus firmiter, quod ex operibus legis nemo potest coram Deo justificari ; sed TANTUM PER FIDEM in Christum. Estius similiter : Constat voculam NISI frequenter in scripturis adversative sumi, ut idem valeat quod SED TANTUM.* Addens, omnes interpretes, Græcos & Latinos, huic interpretationi consentire ; eamque colligi ex sequentibus, & ex *Rom. III. 28.* Disertus etiam in eandem mentem *Sasbout* est. Contendens phrasin Pauli esse Hebraicam, & Hebræorum more repetendam esse negativam non ex præcedentibus. *Non justificatur homo ex operibus, non nisi per fidem.* Additque : si queras, an ex propositione ista, homo non justificatur nisi ex fide, recte inferatur, ergo SOLA FIDE justificamur ? dicendum quod sic. Paulo post : *Hac nostra tempestate Catholici scriptores multo modo propositionem istam ferunt, putantes venenum esse illa*

*illa vocula sola, & propterea abstinendum. Veteres tamen non ita abhorrent a vocula sola; sed nec Thomas abhorreere videtur. Si qui, inquit, in Veteri Lege iusti erant, non erant iusti ex operibus Legis, sed solum ex fide J. C. Vernus sensus Pauli est, non nisi ex fide, id est nullis meritis. Hæc Sasbout ad Gal. 11. 16.*

XLVIII. Sed inquirendum porro restat, *quomodo fides iustificet.* Non certe eo sensu, quasi Deus, loco perfectæ obedientiæ, quam ex Legis rigore habere debebamus ad justificationem, actum fidei & novæ obedientiæ Evangelicæ ex fide promanantis, gratiose acceptet; quemadmodum Sociniani, eosque hac in parte imitatus Curcellæus, id explicant: per fidem intelligentes *observationem mandatorum Evangelii, qua Deus per Christum præscripsit.* Hoc enim est totum Evangelium irritum facere. In locum perfectæ obedientiæ, quam Lex ad justificationem postulabat, Evangelium non substituit nostram fidem, sed Christi obedientiam, qua jus Legis impletum est. Falsum etiam est, Fidem, novamque obedientiam unam eandemque rem esse. Fateor, fidem virtutem esse Lege Dei præceptam, & credentem, eo ipso quod credit, obedire Deo. Fateor item, nullam fidem pro vera & viva habendam esse, quæ non est bonis operibus foeta. Sed tamen aliud longe fides est, aliud obedientia ex fide promanans, præsertim in hoc, de quo agimus, justificationis negotio, ubi semper Paulus omnium qualiumcunque operum obedientiam fidei contradistinguit. Nam ad certam operum speciem restringere, quod de operibus generatim docet Apostolus, temerarium est. Vis veritatis dictum hoc *Seiblichingio* extorsit: *Fides in stricta & propria sua significatione habet se ad obedientiam, ut causa ad effectum, ut arbor ad fructum, ut mater ad filiam.* contra *Meisnerum* p. 325. Denique neque veritas neque iustitia Dei patiuntur, ut fidem & obedientiam nostram, quæ imperfecta sunt, pro perfectis admittat. Vult enim Deus, ut jus Legis in justificatione nostri impleatur, non ut ei quicquam derogetur, ut §. XLII. demonstravimus.

XLIX. Aliis lubet dicere, fidem hic considerari ut *conditionem*, quam foedus gratiæ postulat a nobis, ut iustificemur. Eruditus aliquis nostrarum partium Theologus, in volumine disputationum nuper edito, in hæc verba fatur: *Nihil ergo probabilius, simplicius, & Scriptura magis congruè dici potest, quam justificationem ideo fidei tribui; quia fides conditio est, quam Evangelium a nobis exigit, ut apud Deum iusti & insones habeamur.* Et post quædam: *Imo quum solam fidem iustificare dicimus, ne id quidem significamus, solum credendi actum præcise sumtum, prout actibus amoris & spei opponitur, & distinguitur a resipiscencia sive penitentia, esse conditionem, quam novum Fœdus sive Evangelium postulat, ut peccatorum nostrorum remissionem consequamur; & propter Christum ab iis absolvamur. Nam venia spes, & Dei dilectio, itemque dolor de peccato, & novæ vitæ propositum, ac uno verbo, actus*

Hæc non est observatio mandatorum Evangelii, neque succedit in locum perfectæ obedientiæ, quam lex exigebat.

Sententia Viri alicujus Docti exponitur.

*omnes ad veram & seriam conversionem requisiti, sunt etiam quiddam necessarium, & omnino prærequisitum, ut aliquis in gratiam Dei recipiatur, & ab eo deinceps habeatur pro iustificato. Imo fides illa viva & per caritatem operans, quam iustificare solam affirmamus, omnia ista includit & involvit. Et hæc putat Vir Doctus talia esse, ut ea tam Romanæ quam Reformatæ Scholæ Doctores agnoscant communi consensu. Addit etiam: Quoties affirmat Apostolus, nos non iustificari operibus, sed fide, non aliud docere intendit, quam nullum omnino iustificari posse per observationem Legis, qualem Fædus Legale postulat, ut per illud vitam habeamus, & vitæ Dei maledictionem: sed Deum pro iustis habere, & remissione peccatorum omnium ex mera sua gratia donare omnes illos, qui corde sincero Evangelium suscipiunt, illique ex fide præstant obedientiam. Merentur hæc animadversionem.*

Sed quæ  
in publicis  
Ecclesiis  
rum no-  
strarum  
scriptis  
non repe-  
ritur.

L. I. Quod pace viri longe Doctissimi dictum sit, dubito, an cuiquam rei Theologicæ non admodum imperito sit persuasurus, hanc, quam exposuit, receptam reformatæ Scholæ sententiam esse. Ego eam in Confessionibus & Catechismis earum non invenio. Sed plurima non multum a Viri Docti verbis recedentia in eorum scriptis invenio, quorum infausa nomina, & hæreticas hypothesen, exosas ipsi esse, plane apud animum meum existimo.

Fides non  
iustificat  
ut actus  
postea a  
Deo iustus.

LI. II. Quando de fidei ad justificationem *σχεσι* sermo est, non satis caute Vir Doctus toties *actum credendi* memorare videtur. Notum enim est, Reformatas Ecclesias in *Arminio* & sequacibus improbasse, quod dixerint fidem in negotio justificationis considerandam venire, ut est *opus* sive *actus* noster: quum Confessio Belgica longe accuratius dicat, *fidem hic instrumenti vice fungi, quo Christo in societatem seu communionem omnium bonorum ipsius copulamur*. Scio id non admodum placere Viro Docto, qui contendit, non alio modo fidem instrumentum justificationis dici posse, nisi quatenus est conditio quædam ad illam a parte nostra prærequisita. Sed quando Remonstrantes Apologistæ benigna sua interpretatione incommodam (scilicet) illam Confessionum locutionem ad iuturi, scribebant: ideo fidem instrumentum justificationis dici, *quatenus opus est ex præscripto, & per gratiam Dei, a nobis præstitutum. Conditio enim, quatenus præstita est, aliquo modo medium, sive instrumentum, fieri dici potest, quo consequimur rem, quæ sub conditione promittitur. Apol. p. 112. a.* Reformati eam sibi explicationem displicuisse sunt protestati. Non negant, quod Magister ipse Christus dicit *Joh. vi. 29*. Fidem opus esse: imo non negant, in ipso justificationis negotio apprehensionem & receptionem Christi actum esse fidei; & fidem hæcenus ut actuosam considerari debere. Negant tamen, fidem nos iustificare in quantum actus est a Deo præscriptus (sic enim eandem rationem haberet cum cæteris operibus Lege iussis) sed dicunt, nos per eum actum iustificari, in quantum

tameo apprehendimus Christum, illi unimur, ejusque justitiam amplectimur. Quod hoc simili solent declarare. Extensio manus mendici, qua ad mandatum divitis, donum misericordiae gratuitum acceptat, est actus mendici a divite praescriptus: non tamen qua actus mendicum dicitur, sed quatenus hoc modo donum sibi applicat & suum facit. Quae evidentiora sunt, quam ut ullis tricis strophisque queant obscurari.

LII. III. Nec illud mihi accurate dictum videtur, fidem esse *conditionem*, quam Evangelium a nobis exigit, ut apud Deum justii & infantes habeamur. *Conditio* justificationis, proprie loquendo, non est nisi perfecta obedientia. Hanc Lex exigit. Neque Evangelium substituit aliam. Sed docet, Legi satisfactum esse per Sponsorem nostrum Christum: fidei porro officium esse, satisfactionem illam sibi oblatam acceptare, & acceptando suam facere. Quod longe aliud est, quam si dicamus (quod Sociniani ac Remonstrantes dicunt, & quod nescio an Vir Doctus velit dicere) loco perfectae obedientiae, quam Lex praescribebat, ut conditionem justificationis, Evangelium nunc postulare fidem, ut ejusdem justificationis conditionem. Etiam si quidam Reformatorum dixerint, fidem esse *conditionem siue qua non justificemur*: non tamen in ea versati sunt opinione, fidem esse conditionem proprie dictam, qua praestita homo, ex gratioso Dei pacto, jus haberet ad justificationem uti ad praemium. Haec a sententia vere reformatorum alienissima sunt. Videantur quae fusc, solide, perspicue, adversus subtilia Remonstrantium nugamenta, disseruit Clarissimus Triglandius in *Examine Apologiae* Cap. xx. & xxi. & Isaacus Iunius in *Antapologia* p. 236.

Neque accurate dicitur conditio, quam Evangelium ad justificationem exigit.

LIII. IV. Neque illud ex Reformatae Ecclesiae sententia statuitur; actus Spei & Caritatis, imo omnes illos, qui ad veram & seriam conversionem requiruntur, in fide justificante, quatenus justificat, includi, & cum fide strictae dicta ad justificationem concurrere. Quando Remonstrantes dicebant in *Confessione* sua, quod *fides totam hominis conversionem, Evangelio praescriptam, ambitu suo contineat*: imo, quod *hic fidei praescriptum non aliter consideretur, quam quatenus proprietate sua naturali obedientiam fidei includit, & tanquam facunda bonorum operum mater est, totiusque Christianae pietatis ac sanctimoniae fons & origo*. Cap. x. §. II. III. Professores Leydenses in *Censura* sua annotarunt, *Adversarios ita scribes sublati velo, fidei tribuere SOCINIANO-PONTIFICIAM justificandi rationem, qua Petro Berto, ejusdem praecipuo assertori, gradus fuit ad Papismum*. Quam suam assertionem solidis argumentis addicunt. Et quum Remonstrantium Apologista effutivisset, sententiam hanc suam a communi Ecclesiarum Reformatarum consensu diversam non esse, Venerandus Triglandius regebat, *lucē meridiana clarius esse; impudenter nimis id ab eo dici*. Summa huc redit, nullam fidem justificare, nisi quae viva & bonis operibus foeta sit.

Neque ceterarum virtutum actus includuntur in fide justificante quatenus justificat.

Actus

Actus dilectionis & sanctimonix requiri, ut fidei fructus, ut testimonium inhabitantis in nobis Christi, ut τεκμήρια regenerationis nostræ, ut antecedanea salutis, & sine quibus nulla salutis πληροφoρία est. Hos tamen caritatis, sanctimonix & conversionis actus, cum fide ad justificationem concurrere, & in fide justificante, qua tali, includi, insolens Reformatis auribus sermo est: neque consentaneus Scripturis, quæ fidem in justificationis negotio omnibus qualibuscunque operibus constanter opponunt.

Omnia  
opera quomodo-  
cunque consi-  
derata, in  
justifica-  
tionis ne-  
gatio fidei  
opponun-  
tur.

LIV. V. Eandem exceptionem, quam Vir Doctissimus facit per opera, quæ Paulus a justificatione excludit, intelligi perfectam observationem Legis, qualem Fœdus Legale postulat, jam dudum in Socino legeram, antequam hæ Viri Clar. Theses in manus venirent meas. Sic enim ille *de Servat. Part. IV. Cap. XI. Opera, quibus fides opponitur, non qualibet opera sunt, nec quovis modo accepta & considerata, sed, ut supra alibi attigimus, ea opera absolutam & perpetuam, per totum vitæ curriculum, Legis Divinæ conservationem, & executionem significant.* Sed nostri Theologi aperte isti expositioni reclamant: contententes omnia opera, quomodo-  
cunque considerata, fidei opponi. Verba Apostoli plana sunt, *Qui non operatur, sed credit.* Et mens ejus, ut erudite observavit *Lubbertus*, ex statu controversiæ, quæ tum agitabatur, considerata. Non autem fuit status controversiæ, an homo ex perfecta legis observatione justificari potest, si quis sit qui eam observet perfecte? quod nemo sanus negaverit: neque an dentur homines quamplurimi, qui, post primum peccatum Adami, toto vitæ suæ tempore nihil mali admiserunt, & omnem perfectionem, partium, graduum, & perseverantiæ, consummarunt: quod nemo sanus dixerit. Sed hoc quærebatur, an Judæi ea legis observatione, quam præstare poterant, justificari possent. Id certe illi opinabantur, posse se justificari, si modo legem Moralem pro virili observarent, & pro delectis suis præstarent eas satisfactiones, quas Lex Ceremonialis præscriperat. Hoc autem negat Apostolus. Innixus illi axiomati, justitiam, quæ valitura sit coram tribunali Dei, debere omnibus numeris perfectam esse: talia vero quum nulla quorumcunque hominum opera sint, concludit, nulla qualiacunque opera ad justificationem consequendam quicquam conferre. Apostolus sine dubio excludit ea opera, quibus illi vulgo innitebantur, qui propriam justitiam suam conabantur stabilire. Ex iis autem non credibile est, quenquam fuisse, qui per totum vitæ suæ curriculum ab omni vel minima peccati labe-  
cula intaminatum sese servasse dixerit. Hæc sunt evidentia.

LV. Nolim autem, in sequiorem hoc partem torqueri, quod Viri Cl. sententiam passim cum sententia Socini ac Remonstrantium contenderim. Non eo id factum sine, ut Virum cætera Orthodoxum & utilem Eccle-

Ecclesiæ Dei operam navantem, istis fidei nostræ perversoribus annu-  
merarem. Quod ab animo moribusque meis est alienissimum: sed ut  
eos, qui curæ meæ commissi sunt, & Doctissimis Viri laboribus cum in-  
signi eruditionis augmento frui possunt, adversus hæc & similia com-  
monefacerem: in quibus tædio controversiarum, & sopiendarum li-  
tium nimio desiderio, plusculum adversariis largiri videtur. Pax qui-  
dem sectanda; sed nullo veritatis dispendio.

LVI. Genuina Reformationum sententia hæc est: Fidem justificare,  
quatenus est vinculum arctissimæ unionis nostræ cum Christo, per quam  
omnia, quæ Christi sunt, nostra quoque fiant, uti § xxxi. exposuimus:  
sive, quod eodem sensu dicitur, quatenus est doni oblatis acceptatio,  
faciens donationem ratam & irrevocabilem. Et hoc voluit Apostolus.  
quando scripsit *Rom. iv. 4. Fidem imputari ad justitiam*, id est, Fidem  
judicari id, cum quo jus petendi mercedem connexum est. Phrasis  
desumpta est a mercatoribus. In libro rationum Dei scriptum est, quid  
dederit nobis, quidque ipsi debeamus. Quumque in altera pagina scri-  
bi non potuerit plena obedientia nostra, & solutio debiti, quid ibi scri-  
bitur? Imprimis *δικαίωμα* nostrum, sive Christi justitia pro nobis  
præstita. Tum etiam fides nostra, qua illam justitiam nobis oblatam  
acceptamus & ut nostram Deo repræsentamus.

Fides ju-  
stificat, in  
quantum  
est vincu-  
lum unio-  
nis nostræ  
cum Chri-  
sto.

LVII. Observandum porro est, justificationem, si quicquid eo no-  
mine comprehendere potest complecti cogitatione nostra velimus, va-  
riis constare *Articulis*, quos quam possumus accuratissime delineabimus.  
Ac primo quidem, sententia Dei absolutoria vel electos omnes *genera-  
tim* spectat, in unum corpus mysticum coactos: vel ad *singulos* in *indivi-  
duo* refertur. *Generalis* istius sententiæ *duos* animadverto *articulos*: quo-  
rum *prior* mox post lapsum incipit; quando Christus, vadimonio pro  
electis peccatoribus obito, sponcione sua, quam optimæ fidei esse cer-  
tus erat Pater, id impetravit, ut in serpente damnetur Satan, & illi  
jus, malis artibus in hominem quæsitum, quoad electos abjudicaretur;  
electi e contra, sub semine mulieris comprehensi, in Christo capite suo,  
declararentur non amici amplius vel subditi, sed hostes & victores Dia-  
boli. Hæc enim omnia *πρωταγγελία* continentur: quod supponit,  
eam Christi sponcionem, qua peccata omnia electorum in se suscepit,  
& propter quam declaravit Deus, non esse sibi animum ea a quoquam  
electorum exigendi. Quippe admissio expromissore princeps debitor a  
satisfactionis obligatione liberatur. Ethic primus sponcionis Christi ef-  
fectus est, declaratio illius consilii Divini, quo statuit justificare im-  
pium: & non imputare peccatum iis, qui Testamento hæredes scripti  
sunt.

Justifica-  
tio varios  
habet Arti-  
culos.  
Mox post  
lapsum  
Deus dam-  
navit Sata-  
nam, &  
Electis sa-  
lutem ad-  
dixit.

LVIII. *Alter* articulus generalis istius justificationis ad illud tempus  
OEC. FORD R r per-

Christo



mortuo  
declara-  
vit, justi-  
tiae suae sa-  
tisfactum  
esse.

pertinet, quo Deus justitiae suae per morientem Christum plene satisfac-  
tum esse declaravit. Qua de re Paulus agit 2 Cor. v. 19. *Deus erat in  
Christo mundum reconcilians sibi, non imputando ei offensas eorum.* Totum  
electorum suorum mundum simul semelque sibi reconciliavit; pronun-  
ciavitque, se non imputaturum cuiquam eorum offensas suas; atque id  
propter Christi consummatam satisfactionem. Nam, quando Christum  
suscitavit ex mortuis, apocham ipsi dedit praestitae solutionis testem,  
& quando velum Templi rupit, scidit etiam Chirographum in ritibus  
consistens, quod, praestitam nondum solutionem esse hactenus, cla-  
maverat. Quis autem dubitat, quin creditor, scindens chirogra-  
phum, & dans expromissori apocham, declaret se nolle, neque adeo ju-  
re posse, a primo debitore ullam satisfactionem exigere?

Id cuique  
credenti  
specialiter  
applica-  
tur.

LIX. Verum non consistit intra hos terminos justificatio. Praeter ge-  
neralem illam Dei declarationem, est & altera, quae cuique credenti in  
*individuo* applicatur. Et haec rursus suos habet distinctos articulos.  
*Primus* est, quando homo electus, redemptus, ac regeneritus, & Christo  
viva fide unitus, declaratur jam actu transivisse a statu condemnatio-  
nis & irae in statum gratiae. Nam peccator electus, etiamsi redemptus  
sit per Christum, & eatenus conciliatus Deo, ut declaraverit, nun-  
quam ipsum actu condemnandum esse; tamen illud jus per Christum  
partum non applicatur illi, donec regeneretur, & per fidem Christo  
uniatur. Usque ad illud tempus est in *praesenti seculo malo*, Gal. 1. 4. *Est  
abalienatus, & hostis, & in potestate tenebrarum.* Col. 1. 13. 21. Sed mox  
postquam fide Christum accepit, in foro coeli declarat Deus, eum  
non esse amplius sub ira, sed sub gratia, etiamsi fortassis ipse, qui justi-  
ficatur, id hactenus ignoret. Et hoc sensu dicitur Deus *justificare im-  
pium* Rom. 1v. 5. qui talis est in se, talis etiam actu fuit usque ad re-  
generationem sui, in qua donatus est fide, per quam mox justifi-  
catur.

Ejusque  
conscien-  
tiae insima-  
tur.

LX. *Secundus* articulus est, quando sententia illa Dei pronunciata in  
foro coeli, *intimatur, & insinuat* conscientiae per Spiritum Sanctum;  
ita ut fidelis sciat, sentiat, experiatur, remissa sibi peccata sua esse. Huc  
collimat David Ps. xxxi. 1. 5. *וְהוֹדוּתִי נִשְׁכַּח מִלִּפְנֵי יְהוָה, & tu abstulisti,  
vel condonasti iniquitatem peccati mei: i. e. tu hoc me fecisti scire & expe-  
riri, quando ad cor meum,*

Qui tam  
porro ad  
familiarē  
Dei com-  
mercium  
admitti-  
tur.

LXI. *Tertius* articulus est, quando peccator active & passive justifi-  
catus, admittitur ad *familiarē Dei commercium*, mutuumque jucundissi-  
mae amicitiae consortium. Potest enim contingere, ut Deus animum  
hostilitatem cum electo peccatori exercendi deposuerit, ejusque rei  
peccatorem certior fecerit quem tamen non mox admittat ad con-  
suetudinem familiaritatis. Ferme quemadmodum David condonave-

erat Absalomo parricidium, & declaraverat id per Joabum, jubendo ut Geschure rediret Hierosolymam, non tamen confestim eum admittebat ad aulam, minus ad cubiculum, minime ad osculum. 2 Sam. xiv. Ejus rei in ipso Davide exemplum habemus. Dixerat ei Dei nomine Nathan: *Jehova transfudit peccatum tuum.* 2 Sam. xii. 13. Et tamen horrendis aliquamdiu doloribus excarnificabatur, clamans ex imo contriti cordis & fractorum ossium sensu; *Gratiam fac mihi O Deus, secundum benignitatem tuam; secundum amplitudinem miserationum tuarum, dele defensiones meas.* Ps. li. 3 Hoc est, uti explicat, v. 14 *Redde mihi gaudium salutis tue.* Hæc admissio ad Deum ut auctorem lætissimæ exultationis suæ, est realis suæ justificationis declaratio. Et notandum, talem declarationem sæpe repeti, quando contingit fidelem in grande aliquod peccatum, vel in torpidum animæ suæ statum incidisse, quo familiaritas cum Deo non parum turbatur. Postquam ex illo peccato, vel torpido eo statu, per prævenientem Dei gratiam excitatus, jam satis conscientia angoribus exercitus est, Deus generalem illam de omnium peccatorum condonatione sententiam, mox à regeneratione pronunciatam, huic quoque speciali actui vel statui applicans. ad redintegrationem dulcissimæ amicitia se exorari patitur.

LXII. *Quartus* articulus est immediate *post mortem*: quando Deus animæ ex corpore emigranti, assignat beatæ habitationis suæ æternum domicilium *Heb. ix. 27. Statutum est hominibus ut semel moriantur, postea vero judicium.*

In morte etiam sententiæ dictio est.

LXIII. *Quintus* denique articulus est *novissimo die*, qui propterea *dies judicii* vocatur. *Mat. xii. 36.* Quo publice justificabuntur electi, & inspectante toto mundo declarabuntur hæredes vitæ æternæ. Quæ quidem justificatio *universalis* dici potest, in quantum omnes justificandi simul comparebunt coram tribunali Dei, sed tamen maxime *particularis* erit, quatenus cuique retribuetur secundum opera sua. *Oportet nos OMNES comparere coram tribunali Christi, ut UNUSQUISQUE reportet in corpore suo juxta ea quæ fecit, sive bonum sive malum.* 2 Cor. v. 10.

Sed quæ maxime sole mnis erit novissimo die.

LXIV. Hujus justificationis, quæ *futuri seculi* est, totam rationem brevibus explicemus. *Judex* Christus, a Patre ad id officii delegatus, *Act. x. 42. xvii. 32.* duo de electis suis pronunciabit. I. Eos vere opibus, justos, sanctos esse. Et hætenus justificatio hæc differt a prima illa, qua *justificatur impius.* *Rom. iv. 5.* Hic autem Deus Angelis citationem alterius partis judicandorum injungens dicit, *Congregate sanctos meos:* *Ps. l. 5.* si quidem, quod multi volunt, ad novissimum judicium hæc pertineant. *Conf. Mat. xiii. 40. 41. 43. 49.* II. Eos jus habere ad vitam æternam. *Mat. xxv. 35.*

Quando Judex Christus.

LXV. *Prioris* hujus declarationis *fundamentum* est *justitia inharens*,  
R r 2 gratiose

Electos

Sanctos  
pronunci-  
abit ex c-  
peribus ab  
ipsis prae-  
stitis.

gratiosè homini per Spiritum Sanctificationis communicata, & bona Opera exinde procedentia. Non enim propter aliam rationem quis vere pius & sanctus declarari potest, nisi quia sanctimoniam habitu est instructus, & pietati operam dat. *Mat. XII. 37. ex verbis tuis justificaberis*, id est, justus declaraberis, quia verba sunt indicia animi, & vel boni vel mali thesauri cordis ταμῆρια. *Quando Dominus in lucem producet occulta tenebrarum, & manifestabit deliberationes cordis, tunc cuique sua laus erit a Deo. I Cor. IV. 5.*

Et hære-  
des regni  
propter  
justitiam  
suam ipsis  
imputa-  
tam.

LXVI. *Posterioris fundamentum* non potest aliud esse nisi *justitia Christi* Domini, ipsis communicata juxta gratuitum electionis decretum, quam consecuta est adoptio jus dans cernendæ hæreditatis. Huc ipsa judicis sententia nos ducit. *Venite benedicti Patris mei*, quos mei causa gratuito complexus est amore (Nam in Christo benedicuntur omnes generationes, terræ. *Gen. XXII. 18. Eph. I. 3,*) κληρονομήσατε, *hæreditario jure possidete*, ut filii Dei adoptivi, qui, *quia filii, etiam hæredes estis Rom. VI. 11. 17. Regnum paratum vobis a jactis mundi fundamentis*; destinatum vobis ab æterno, cujus Regia in initio eum in finem a creante Deo concinnata est.

Opera  
allegabun-  
tur, ut do-  
cumenta  
fidei &  
quæstionis  
regni Dei,

LXVII. Interim, hoc quoque respectu, bonorum operum allegationi suus erit locus: quippe quæ proferentur. I. Uti *documenta fidei*, & unionis fidelium cum Christo, & adoptionis ipsorum, & sanctimoniam illius, sine qua nemo Deum videt, & amicitiam cum Deo, & fraternitatis cum Christo. II. Uti *indicia sanctæ illius famæ & sitis*, qua desideraverunt beatitudinem, & enixi istius studii, quo posthabitis hujus vitæ commodis, & spretis voluptatibus carnis, quæsi verunt regnum Dei & justitiam illius; quam famem sitimque ac quæstionem regni sui frustrari cum sanctissimi Numinis perfectionibus non convenit. III. Uti *effectus Divinae gratiæ*, quibus sapientissima *proportionem* respondebit *communicatio Divinae gloriæ*, quando coronatum propria sua dona veniet. Nam quo quis abundantiorē sanctificationis mensuram obtinuit in hac vita, & talento sibi credito plus lucrificet, eo etiam credibile est, exuberantiorē fore gloriæ portionem, quam Divina ipsi destinavit benignitas. Atque hoc sensu toties in Scriptura dictum existimamus, redditum iri cuique secundum opera sua; non ut ea ullo modo causa juris petendi mercedem sint: sed quatenus sunt documenta adoptionis nostræ, & quæstionis summi boni, & exhibentia proportionem gratiæ, juxta quam futura est proportio gloriæ.

& exhi-  
bentia  
proportio-  
nem gra-  
tiæ ad glo-  
riam.

Erit hic  
quoque  
gratia  
mixta ju-  
stitiæ.

LXVIII. Erit ergo in hoc quoque judicio *Gratia mixta Justitiæ*. *Justitia* erit, quod nemo ad possessionem regni cœlestis admittetur, nisi qui certis documentis se consortem Christi & justitiæ ejus esse demonstraverit. *Gratia* erit, quod beatitudo æterna adjudicabitur illi, qui ni-  
hil

hil fecit ad illius sibi jus acquirendum: quod opera tot infirmitatibus maculata, ut eorum fideles ipsos merito puduerit, tanto judicis encomio ibi celebranda sint. Et sane Apostolus disertis verbis mentionem facit *miseri cordiæ*, die illo exercendæ 2 Tim. 1. 18. *Det ei Dominus, ut inveniat misericordiam apud Dominum in illa die.* Verum quidem est, quod per misericordiam ibi intelligatur *compensatio misericordiæ*, quam Paulo præstiterat Onesiphorus: sed hæc merces misericordiæ nostræ non imputatur *κατὰ τὸ ὀφείλημα ἀλλὰ κατὰ χάριν.* Rom. 1v. 4. Et uti non est *merita a parte impetrantis*, ita nec est *debita a parte dantis*. Quid enim Deus homini debet, nisi in quantum per gratiosa promissa sua se debitorem homini fecit; vel potius bonitati & veritati suæ id se debere voluit, ut homini liceret retributionem sanctitatis ab ipso expectare? qualis debitio gratiæ non opponitur, sed eam supponit. Quippe quæ derivanda est ex *soliis Dei Patris GRATIOSA VOLUNTATE & veritate; qui debito labori obedientia immeritam mercedem promissit, & ex promisso debere vult:* uti ad se redeuntem Doctorem reformatum loqui par est.

LXIX. Unde claret, non bene eos instituere, qui asserunt in *ultima justificatione meram justitiam* habituram locum *citra temperamentum gratiæ*. Dicitur quidem Heb. vi. 10. *ὁ ἁδίκῳ ὁ Θεός, non injustus est Deus, ut obliviscatur operis vestri &c.* Sed remunerationem operum nostrorum ex mera justitia citra temperamentum gratiæ fieri, insolens Reformatis sermo est, & *ἐκ διαμέτρως* repugnans Catechesi nostræ *Quæst. LXVI.* In linguis Hebræa, Syra, & Arabica, una eademque notione veritatem & justitiam denotari, & passim confundi, pluribus docuit Ludov. de Dieu ad Luc. xii. 57. iterumque ad Luc. xvi. 9. & rursus ad Rom. i. 4. Sic *ἡ δικαιοσύνη justitia*, quum de Deo dicitur passim ejus *veritatem* notat. Quin & *ἡ ἀλήθεια veritas*, per *δικαιοσύνην, justitiam* a LXX. vertitur. Gen. xxiv. 49. *Ἰησοῦς xxxvi. 1. 19.* Idem etiam apud antiquos Græcos obtinere, in *LECTIONIBUS Hesiodæis* ostendit Cl. Grævius. Et quid commodius, quam per Mammonem *τὸ ἀδικίαν Luc. xvi. 9.* intelligere opes non veras, quales spirituales & cœlestes sunt, uti *ἡ ἀδικία μαμωνῶν* opponitur *τῷ ἀληθινῷ*. An non ea significatio clara est 1. Joh. 1. 9. *Si confiteamur peccata nostra, πιστός ἐστι καὶ ὁ Θεός, ut condonet nobis peccata.* Id est fidelis est & verax. Quis enim dixerit, Deum per justitiam, citra temperamentum gratiæ, confitenti peccata sua, condonationem eorundem debere? Ita & allegato mox loco. *Non est injustus Deus, h. e. non fallit in gratiosis promissis suis, quibus labori nostro addixit gratuitam mercedem.* Optime in hunc locum Clarissimus Jacobus Altingius his commentatur verbis: *Obligatio remunerandi nititur veritate promittentis; qui sibi ipsi debitor est, ut quod semel placuit in promissione, definiente consequentiam operis & præmii, semper placeat in executione: sic justus Deus remittit peccata resipiscenti.* 1 Joh.

Justitia  
sæpe veri-  
tatem no-  
tat.

**1.9. justificans credentem. Rom. 111. 26.** Et post pauca : *Cessat ergo omnis ratio meriti : manet autem debitum, quod justitia præstari vult respectu Dei promittentis, qui ob veritatem suam penitentiæ nesciam, debitor sibi est ut præstet promissa. Rom. 111. 3. 4. Deut. VII. 9. Hac JUSTITIA SPECTATUR HOC LOCO; negaturque Deum injustum esse, qui obliviscatur operum bonorum; quanquam EX MERA GRATIA ET MISERICORDIA EAM COMPENSATIONEM DECREVERIT, ET PROMISERIT. Judiciose ! solide ! orthodoxe !*

*δικαιοποι-  
σία  
non exclu-  
dit gra-  
tiam.*

**LXX.** Neque validius hæc meræ justitiæ manifestatio ex eo conclu-  
ditur, quia dies ille vocatur dies *δικαιοκρισίας Rom. 11. 5.* Nam. I. Vo-  
catur ibidem *ἡμέρα ὀργῆς*. Neque tamen sola ibi ira exercebitur, citra  
demonstrationem benignitatis. Etiam in justificatione peccatoris, quæ  
hujus seculi est, est *ἐνδειξις τῆς δικαιοσύνης τῷ Θεῷ, Rom. 111. 25.* ubi ta-  
men, diserte id affirmante Paulo, *ῥ. 24.* & fatentibus omnibus, primas  
tenet gratia. Ita & hic GRATIA regnat per JUSTITIAM ad vitam æternam.  
*Rom. 5. 21. III.* Uti Deus juste infliget impoenitentibus poenas, ita &  
convenienter justitiæ suæ præmia distribuet, gratiam faciet piis, uti *5. 68.*  
explicavimus. Justitia & gratia non opponenda, sed componenda  
sunt.

*Uti nec  
προσωπο-  
ληψία.*

**LXXI.** Minus ad sententiæ hujus confirmationem facit, quod *Rom. 11. 11.* afferatur, apud Deum non esse *προσωποληψίαν*. Quid enim?  
An quia Deus *ἀπροσωπολήτως* omnia facit, ideo gratiam non exer-  
cet? Quando Petrus animadversa Cornelii pietate & fide dicebat, *in ve-  
ritate comperio, ὅτι οὐκ ἔστι προσωποληψίας ὁ Θεός, Act. x. 34.* an iis verbis,  
gratiam Cornelio factam esse, negare in animum inducebat? *Ἀπροσω-  
ποληψία* injustitiam quidem excludit, & earum rerum consideratio-  
nem, quæ locum habere non debent in judicio, sed gratiam & miseri-  
cordiam nullo modo excludit. Hæc protrita nimis sunt, quam ut rege-  
ri debuerint.

*Personæ  
justifican-  
dorum  
tunc qui-  
dem perfe-  
ctæ erunt.*

**LXXII.** Opera justificandorum, secundum quæ judicabuntur, *per-  
fecta, imo perfectissima fore, ne quid diei illius δικαιοκρισίας decedat, novum  
εὐρημα καὶ μέγα λίαν αἰτημα* est. Verum quidem est, *personas*, tum ju-  
stificandas, perfectas fore. I. *In Christo*, propter perfectissimam illius  
justitiam ipsis imputatam *Col. 11. 10. 11. In se ipsis*, jam consummate  
sanctificatis: nam, qui jam ante demortui erant, vocantur *justi consum-  
mati. Heb. x11. 23.* & quos vivos illa dies deprehendet, illi *immutabun-  
tur. 1 Cor. xv. 51. 52.* & sine dubio illa sui immutatione eam sanctitatis  
perfectionem consequentur, quam cæteri consecuti sunt morte. Sed ut  
*opera* ipsorum tum perfectissima dicantur, quæ in hac vita præstiterunt,  
neque cum scriptura, neque cum ratione convenit.

*Sed opera  
ex quibus*

**LXXIII.** Scriptura docet, opera fidelium, quando fiebant in hac vita,  
la-

labe non caruisse, quia in hominibus ea operantibus vetus adhuc homo superfuit, qui de suo aliquid admiscuit affricuitque corruptionis. *Rom. VII. 22. 23. 24. Gal. v. 15.* Hoc est ἐξαγώνιον. Aliter autem ea opera comparitura esse in extremo iudicio, quam facta sunt in hac vita, scriptura non docet; imo contrarium docet, quando testatur, quemque iudicatum iri *juxta ea, quæ fecit in corpore*: 2 *Cor. v. 10.* ea autem, quæ quis in corpore fecit, perfecta non fuisse est indubium. Tum etiam cum ratione pugnat, ut actus, qui quamdiu exercebantur, & revera exstabant, imperfecti erant, perfecti esse statuuntur, quando amplius non sunt; & perfecti non solummodo in æstimatione judicantis Dei, sed & per nescio quam sanctificationem, ea, quum amplius non sunt, realiter consummantem. *Habitus* inchoate sanctos per ulteriorem sanctificationem consummari certum est; sed *actus*, qui, quamdiu exstabant, imperfecti erant, postquam esse desierunt, perfectos fieri, est ἀκατάληπτον.

justifica-  
buntur,  
non erunt  
perfecta.

LXXIV. Quæ de consummatione fidelium per progressum in sanctificatione & mortem corporis in scriptura docentur, quum *personas* eorum concernant, de quarum perfectione non est quæstio, perperam ad antegressa ipsorum *opera* trahuntur. Deum opera ista instar auri excoquere, omni stanno scoriisque remotis atque absumtis, ut ita plane defæcata iudicio suo sistantur, ἀγράφον commentum est. Loca *Jes. 1. 25. Zach. xiii. 9. Mal. iiii. 3.* non de *operibus*, sed de *personis* agunt, neque de omnimoda earum perfectione loquuntur, neque ad diem ultimi iudicii, sed ad præsentis vitæ conditionem pertinent, ut cuius ea inspicienti liquebit: adeoque nulla specie huc torqueri possunt.

LXXV. Sequuntur quidem bona opera morientes *Apoc. xiv. 13.* Sed talia quemadmodum hic patrata sunt; & sequuntur non in se ipsis, sed quoad fructus & effectus suos: in quantum Deus intuitu bonorum operum etiam post mortem piis bene facit. Ad quod non requiritur, ut perfecta sint: sufficit ut ex fide, & per Spiritum Christi sint præstita. Resurgere bona opera cum ipsis, scripturam dicere non memini. Qui ita loquuntur, nihil aliud ea phrasi intelligunt, vel saltem debent intelligere, quam in resurrectione iustorum pios gavifuros gratuita sanctitatis suæ mercede. Dicitur quidem eum, qui in fidelibus *inchoavit bonum opus, illud perfecturum usque ad diem Jesu Christi. Phil. 1. 6.* Sed per bonum opus intelligitur ibi communicatio gratiæ Christi revelatæ in Evangelio, ut constat ex *ψ. 5.* quam Deus certis quibusdam gradibus perficit, donec ei colophon imponatur novissimo die. Nihil ibi est de consummatione nostrorum actuum, qui jam præterierunt.

LXXVI. Denique si bona opera ibi *perfecta* comparitura sint, causa dici non potest, cur non sint *meritoria*. Id enim revera *meritorium* est, quod omni postulato legis satisfacit; si meritum sumatur pro tali opere, quod

Quæ si  
perfecta  
essent, es-  
sent etiam  
meritoria.

quod quis faciens in eo victurus est, juxta legem fœderis operum. Non requiritur ad opera meritoria, quo sensu nunc de iis disputatur, ut sint *indebita*, & *propria*, id est, ex nostris viribus, citra Dei gratiam, profecta. Talia enim merita non dari Pontificii ipsi lubentes fatebuntur. Sed per merita, quæ in controversiam veniunt, intelliguntur tales actiones, propter quas præstitas aliquis habeat jus ad vitam. Causa autem, propter quam nostra bona opera meritoria non sunt, hæc vel sola vel certe princeps est, quam Cathechesis allegat, quia imperfecta & peccato inquinata sunt.

LXXVII. Nec quicquam τῇ δικαιοκρασίᾳ istius diei decedet, etiam si fidelium opera, ex quibus judicabuntur, imperfecta sint. Non enim allegabuntur, ut causæ juris petendi mercedem, ad quod requiritur perfectio: sed ut effectus & indicia gratiæ, & unionis cum Christo, & vivæ fidei, & justificationis per fidem, & juris ad vitam: ad quod sufficit ipso- rum infucata sinceritas. Concludimus ergo, justificationem futuri seculi a justificatione hujus seculi tam immenso discrimine distinguendam non esse.

Utilis est  
doctrina  
gratuitæ  
justifica-  
tionis.

LXXVIII. Uti hæc doctrina gratuitæ justificationis, propter justiti- am Christi sola fide apprehensam, luculentis Scripturæ testimoniis in- nititur; ita præstantissimis *usibus* fructibusque suis approbat se cuivis piæ conscientiæ.

1. Ad illu-  
strationem  
gloriæ  
Dei.

LXXIX. I. Admodum facit ad *illustrationem gloriæ Dei*, cujus nobi- lissimæ virtutes in hoc negotio prælustri fulgore splendent. Ostendit im- mensam Dei BONITATEM, qua propensus fuit ad salutem gratis procu- randam homini perditissimo, ad laudem gloriosæ gratiæ suæ Eph. 1. 6. Osten- dit exactissimam JUSTITIAM, juxta quam ne levissimum quidem peccatum condonare voluit, nisi supposita sufficienti sponfione, vel plena satisfac- tione Mediatoris; ut *justus sit & justificans eum, qui ex fide Jesu est. Rom. 1. 1. 26.* Ostendit profundissimam numinis SAPIENTIAM, quæ viam sibi sapuit ad exercitium gratiosissimæ *Misericordiæ* sine læsione *exactissimæ ju- stitiæ* & certissimæ *Veritatis*, quæ mortem peccatori interminata est. Exi- gebat *Justitiæ*, ut anima peccatrix moreretur. *Rom. 1. 31.* Dixerat *Ve- ritas*, *Maledictus qui non manserit in omnibus. Deut. xxvii. 26.* Interim propendebat *Bonitas*, ad vitam quibusdam peccatoribus adjudicandum, sed non alio modo, quam qui sanctissimi, Numinis Majestate dignus erat. Media hic intervenit *Sapientia*. Satisfaciam, inquit, *Bonitati* meæ, dicam- que electis meis, *Ego, Ego sum, qui deleo iniquitates tuas propter me. Jes. xliii. 25.* Nec habebitis quod conqueramini ô *Justitia & Veritas* mea, quibus plene satisfiet per Mediatorem. Elucescit item hinc incredibilis D. Jesu Φιλανθρωπία, qui, quum esset Dominus omnium, *Legi factus est ob- noxijs*, non ad obedientiam solum, sed & ad *maledictionem*: peccatum fa- ctus pro nobis, ut nos essemus *justitia Dei in ipso. 2. Cor. v. 21.* LXXX.

LXXX. Nonne pia anima, devotæ harum rerum mediationi intenta, erumpere debet in laudes justificantis Dei, canens cum Ecclesia: *Mich. vii. 18. Quis est Deus tibi par, condonans iniquitatem & prateriens defensionem?* O pura *Sanctitas* quæ delicta electorum in Unigenito Filio suo punire, quam impunita dimittere maluit! O abyssus *dilectionis* erga mundum, qua carissimo sibi gnato non pepercit, ut parceret peccatoribus! O profunditas Divitiarum impervestigabilis *Sapientia*, per quam *Misericordiam* erga confesum exercet reum, incorrupto Castissimi Judicis honore! O *Thesauri Caritatis* in Jesu, per quam maledictio pro nobis est factus, ut nos a maledictione essemus immunes! Quam decorum est animæ justificatæ, & in amoris hujus sensu liquefcenti, cum pleno jubilo canticum novum, canticum redamationis mutuat, justificanti Deo occinere?

LXXXI. II. Non minus hæc doctrina facit ad *humiliationem peccatoris*: cui omnem gloriationem præscindit, ut ea soli Deo remaneat illibata. Quid habes, ô homo, in quo te jactes? Quid, quocum consistere coram tribunali Dei queas? Bona opera? Sed *omnes justitia tua sunt sicut pannus menstruatus, Jes. xlii. 6.* Si innitaris iis, ipso Papa Hadriano vi. judice, baculus sunt arundineus, qui confringetur & perforabit manum innitentis. Fidem fortasse ostentabis, cujus dignitate Deo placeas? Sed & ea instar arundinis quassatæ est, cui non fidas tuto. Et ea ipsa, qualis qualis est, Dei donum est. *Phil. i. 29. Accepisti. Quid gloriaris, quasi non accepisses?* *i Cor. iv. 7.* Nihil, nihil tuum habes, quod repræsentes Deo. Imo plurimum habes, sed mera peccata, aut saltem ea, quæ peccatis inquinata sunt; quibus meruisti aliquid, sed inferos, aut si quid ipsis inferis dirius exstaret. Et tu, miserrime mortalium, ulla te vanitate jactes? *Rom. i. 27.*

II. Ad  
humilla-  
tionem  
peccatoris.

LXXXII. III. Imprimis conducit ad *consolationem* animæ afflictæ & delicta sua salutariter tristitia lugentis; quam ex doctrinæ hujus genio ita compellere fas est: Sunt sane peccata tua & plura & majora, quam cogitando assequi & fando enarrare valeas: sed *en tibi Agnum Dei, qui tollit peccata mundi.* Quicquid in te est, multis est infectum vitiis: sed Deo gratias, quod in te querendum non sit, propter quod justificeris: *Gratis justificamur, ipsius gratia.* Cum justissimo Judice tibi res est, qui fontem pro infante non habet: sed ecum sponforem Jesum, qui plena expiatione facta effecit, ut sine violatione justitiæ suæ justificare possit impium. Tanto auctore ad judicem eum intrepidus accedito, certus patronum tuum Jesum, ita causam acturum, ne ea cadas. Nondum audes? Quid obstat? Crimina te tua terrent, & nuditas, & spurcicies? Sed abde te post Jesum, reconde te in vulneribus ejus, involve te ejus morti & sanguini, accipe manu fidei oblatam byssum candidissimam, justificationes

III. Ad  
consola-  
tionem af-  
flictorum.



sanctorum. Ipsa fides tua tam est debilis, ut ejus te pudeat pigeatque? Sed iterum Deo gratias, quod non propter fidem & dignitatem illius justificari debeas. Vera modo ac sincera sit, utut languida, vinculum est unionis tuæ & communionis cum Christo. Illi unitus, intrepidus te Deo sistito: intrepidus item Diabolo, & omnibus, quibus cordi est te accusare. Fateri humiliter quicquid tibi obijciatur criminis: sed adde, tum demum eos in judicio triumphaturos, quum probaverint, merita & satisfactionem Christi non sufficere iis luendis ac diluendis, aut non licere tibi ea Christi merita allegare. Provoco Diabolum cum omnibus fociis suis: *Quis intentabit criminationem adversus electos Dei? Deus est is, qui justificat, &c.* Credisne hæc? Crēdis, sed cum scrupulo. Pugna alacriter contra omnes tentationes infidelitatis, & jam jam dabitur tibi calculus ille albus, & novum nomen inscriptum isti calculo, quod nemo novit, nisi qui accipit; & manna absconditum, quo gustato vitam in patientia habebis, mortem in desiderio. Hoc est consolari. Qui hisce fundamentis non inædificant, næ illi cum amicis Jobi molesti consolatores sunt. Memorabile est, quod Venerandus *Voëtius* narrat, *Disput. tom. II. p. 754.* Dux Saxoniae Johannes Fredericus retulit Luthero, Georgium Saxoniae Ducem consolatum fuisse filium suum Johannem agonizantem justitia fidei, jubens, ut in solum Christum respiceret, & seponeret merita propria, atque invocationem sanctorum. Et quum uxor prædicti Johannis (quæ soror erat Philippi Hassiæ Landtgravii) peteret a Duce Georgio, cur hæc non ita publice prædicarentur, respondisse: *O Filia! ista tantum morientibus dicenda sunt.* O vis veritatis, invitis etiam pectoribus erumpentis!

IV. Ad  
promotio-  
nem pie-  
tatis.

LXXXIII. IV. Eximie etiam hæc doctrina valet ad *promotionem pietatis*. I. Quia pro fundamento subternit submissam animi nihil de se præsumentis *humilitatem*, sine qua nulla est veri nominis sanctitas. II. Quia fidem justificare non docemus, nisi quæ foecunda bonorum operum mater sit. Et sane credat aliquis, se, indignissimum peccatorem, nullo suo merito, a Deo in gratiam receptum, ab expectatione inferni liberatum, & spe beatæ æternitatis donatum, qui non omnibus modis tam benevolo Domino obsequentem sese præbeat? Credat, Deum Patrem Filio non pepercisse, ut servo parceret: Deum Filium tot dicta gravia, perpeßu aspera sustinuisse, ut immunitatem a pœna, & jus ad vitam consequeretur reo: Deum Spiritum S. nuncium & arrhabonem tantæ felicitatis, in cor suum intrasse; & tam prolixè se diligentes minus diligit? Patrem inobedientia irritet? Filium sceleribus conculet, sanguinemque ejus profanet? Spiritum Consolatorem moerore afficiat? Næ ignorat, quid sit fides, quicunque eam consistere putat in fortificatione, quæ bonis operibus destituta sit. III. Quia sublimem sancti-

tatem

tatem docet, per quam quis, seposito omni affectu mercenario, Deum & virtutem propter ipsam diligat, omnia ad Dei solius gloriam dirigat, & gratitiam operum suorum mercedem secure ei committat. Obtestamur hic adversariorum conscientiam, quæ via tutior sit, illane, quam nos calcandam nostris monstramus, an quam ipsi premendam volunt? In eo utrinque convenimus, sine bonis operibus neminem servatum iri. Quid nunc tutius, dicere, fac bona opera cum præsumptione meriti; an vero, facea omni diligentia, ac animi nisu; quippe sine quibus fieri non potest, ut serveris: omnibus tamen præstitis, fatere, te servum inutilem, coelumque gratis expecta. Si nihil merentur opera, indubie offendit Deum, qui merita sua jactat. Sin aliquid merentur, ego tamen licet ea diligenter faciens, non audeam de merito mihi quicquam arrogare; quid quæso oberit mihi illa humilitas? Concludimus, non posse non veram illam doctrinam esse, cujus tot ac tam insignes utilitates sunt.

## C A P. IX.

*De Pace Spirituali.*

I. **J**ustificatiōi cohæret *Reconciliatio*, cujus Apotelesma est Spiritu-  
lis, Sancta, ac Beata PAX. *Justificati igitur ex fide pacem habemus  
apud Deum, per Dominum nostrum Jesum Christum. Rom. v. 1.*

Justifi-  
cationem  
sequitur  
pax-

II. Pax illa est *mutua inter Deum & peccatorem, fide justificatum, con-  
cordia, sicut cor Dei ad hominem, cor item hominis ad Deum jucunda amici-  
tia inclinatione feratur. Ecclesiam sibi reconciliatam in hunc modum af-  
fatur Deus: Non diceris amplius derelicta, & terra tua non dicetur amplius  
desolata; sed tu vocaberis delicia mea, & terra tua Maritata, quia delecta-  
bitur Jehova te, & terra tua maritabitur Jesh. LXII. 4. Respondet Ecclesia, &  
ego vicissim ex intimis visceribus diligam te, Jehova fortitudo mea. Ps. XVIII. 2.*

Quæ de-  
finiuntur.

III. Beata hæc pax supponit infaustum illud ac exitiale bellum, quod  
Deum inter ac se male consultus peccator conciverat. De quo Prophe-  
ta, *Iniquitates vestra determinant inter vos & Deum vestrum; & peccata ve-  
stra faciunt, ut occultet faciem a vobis. Jesh. LIX. 2.* Per peccata homo fa-  
vorem amicitiamque Dei amisit, inciditque in justum ipsius odium &  
iram. *Ea calicis manifesta sit adversus omnem impietatem & injustitiam. Rom.  
i. 18.* Eadem intentatur verbo maledicentis legis, *Dent. XXVII. 26.*  
persentiscitur in conscientia, ad quamvis numinis vocem trepidante,  
*Gen. III. 8.* & omnium ærumnarum, quæ æterni interitus prænunciæ  
sunt, amara scaturigo est. Vicissimque homo peccator nefando in Deum  
odio fertur. *Rom. i. 30.* Postquam malum ipsi allubuit, inimicus fa-  
cus est omnis sanctitatis: ac propterea acerbissimus Dei hostis, quippe  
qui purissima sanctitas est. Quicquid sapit, hostilitas adversus Deum est.

Ea sup-  
ponit a-  
trox bel-  
lum inter  
Deum &  
peccatorem

*Rom. VIII. 7. Sociavit se Diabolo, sub cujus signis adversus Deum militat, Intendit adversus Deum fortem manum suam, & contra omnipotentem virum se exhibet. Incurrit adversus eum collo, densitate crepidinum scutorum ejus. Job. xv. 25. 26. Si quid ipsi e lege Dei proponatur, eo audentior contra it. Rom. VII. 8. Quotiescunque Divinæ indignationis effecta experitur, calumniosis dictis purissimam illam justitiam proscindit. Jes. VIII. 21. Ac minimo minus abest, quin optet, vel non esse Deum, vel non esse eum vindicem peccati. Quorum alterum ad destructionem Divinæ existentiae tendit, alterum ad destructionem Divinæ sanctitatis, absque qua (quod cogitatu horrendum est) spiritus nequam foret. Quandoquidem autem Deus major est homine; Job. XXXIII. 12. non potest non hoc bellum homini exitiale esse. Est sapiens animo Deus, & fortis viribus, quis obdurans animum adversum eum prosperitate utitur. ? Job. IX. 4.*

In quo  
omnis spes  
pacis de-  
collasse  
videtur.

IV. In tam atroci bello omnis coaliturae pacis spes plane decollasse videtur. Neque enim excogitari potest, quo pacto vel Deus homini, vel homo Deo reconcilietur. Non finit Dei Sanctitas, ut communionem sui indulgeat peccatori, ne videatur ei similis. *Pf. L. 21. Justitia Dei exigit vindictam. Rom. I. 32. Veritas Dei interminata est mortem. Gen. III. 3. Ac nequaquam expectandum est, ut Deus, in hominis ipsum contemnentis gratiam, pacem faciat, cum ulla virtutum suarum læsione conjunctam. Neque enim fieri potest, ut se ipsum abneget. 2. Tim. II. 13. Non minus a pace alienus pro sua parte homo est. Nam etiam si in isto bello nil nisi exitium, in pace omne genus bona inventurus sit; tam tamen mente captus, tam sibi ipsi inimicus est, ut ad interitum suum insanus obduret. Sub Satanæ ac peccati potestatem redactus, libere ac liberaliter iis servit. Hi oculos mentis ipsius obsessos habent, ne irradiet eum illustratio Evangelii gloria Christi. 2. Cor. IV. 4. Et ita ad libitum captivum tenent, ut ne quidem cogitare queat ausitive, quomodo sanitate mentis recepta, eorum laqueos evadat, & in gratiam redeat cum Deo. 2. Tim. II. 26.*

Cujus  
tamen  
viam Deus  
invenit.

V. Deus tamen, cujus intelligentia non est pervestigatio, *Jes. XL. 28. rationem viamque reperire potuit, qua omnes istæ difficultates superarentur. Filium enim habet, qui in Mediatorem ac Sequestrum datus, Sanctitati, Justitiæ, & veritati suæ satisfecit, atque ita pro sua parte reconciliatus est Deus. 2. Cor. V. 19. Porro Filius ille Spiritum habet, longe valentorem spiritu infernali, qui flexanima ac vorticordia virtute sua odium Dei mentibus expectorare, amoremque Dei iis indere potest. Huic si se homo ducendum flectendumque permittat, mox beata illa pax conciliabitur, de qua nunc porro nobis est dicendum.*

Pater  
decrevit.

VI. Hinc patet, initium pacis illius a Deo esse: unde & pax Dei, & Deus

Deus ipse *Deus pacis*, dicitur. *Phil.* iv. 7. 9. *Pater consilium pacis* *Zac.* vi. 13. statuminavit. Idcirco ipsi primum adscribitur, quod *pace facta omnia sibi reconciliavit.* *Col.* i. 20. Filius consilium illud pacis exsecutus est, Filius meruit. fusoque pretioso sanguine suo impedimenta omnia semovit, ac gratiam favoremque Patris sui, pridem electis destinatum, ipso actu iis impetravit. Propterea hanc pacem *suam* vocat. & *se eam dare* asserit *Job.* xiv. 27. sicuti & ipse *Princeps pacis* appellatur. *Jes.* ix. 5. & *Rex pacis* præfiguratus a Melchisedeco, *Heb.* vii. 2. & *Pax*, *Mich.* v. 5. & *Pax nostra.* *Eph.* ii. 14. Spiritus Sanctus, tantæ felicitatis internuncius, instar columbæ Spiritus S. applicat. Noachicæ cum ramo olivæ, præstituta gratiæ hora, ad electos advolat, & pacem a Patre decretam, per Christum partam, efficaciter iis offert & affert. Hinc *pax per Spiritum Sanctum* esse dicitur. *Rom.* xiv. 17.

VII. Fons hujus pacis, & causa illius proegumena, non potest alia quam immensa Dei misericordia ac *φιλανθρωπία* esse. Atque hæc est ratio, cur Apostoli in Epistolis *pacem* fidelibus exoptantes *gratiam* præponere soleant, tanquam pacis illius scaturiginem. Quod eo est evidentius, quia uti nihil in homine erat, quod Deum ad pacem cum ipso faciendam invitaret (*nam quum inimici essemus, reconciliati sumus Deo per mortem filii ipsius* *Rom.* v. 10.) ita etiam nihil hac pace lucrari Deus poterat, qui sibi ad omnem beatitatem sufficientissimus est. Omnis hujus rei utilitas ad hominem redundat. Gloria tanti operis solius Dei est.

Causa proegumena est Dei gratia.

VIII. Sane non debbat homo minimum de hac pace rumorem audire, quin statim ad eam sibi acquirendam ingenti animi impetu ferretur. Et si necesse foret ad ultimos orbis terminos proficisci, ut de ratione illius comparandæ erudiretur, impigro animo suscipiendum illud iter erat. Sed ecce incredibilem numinis benevolentiam. Non modo de præstantia tanti boni sufficienter homines in verbo suo instruit, sed & copiose eos informat, qua via eo potiri queant: verbum reconciliationis indendo ori servorum suorum. *2. Cor.* v. 19. *Ego creos fructum labiorum, pacem, longinquo & propinquo*, inquit Jehova. *Jes.* lvi. 19. Nec hoc tantum, sed & Legatos pacem oblaturus ipse prior ad homines mittit. Nonne inæstimabilis gratia esset, si multis accuratisque precibus tandem se a nobis exorari pateretur, quemadmodum Herodes Tyriis enixe pacem petentibus vix eam dabat? *Act.* xxi. 20. Verum ipse non modo gratis eam offert, sed & sollicitat homines, & obtestatur pathetice, & *orat* per legatos suos, ne detrectent in gratiam cum ipso redire. *2. Cor.* v. 20. Et licet tremenda illa Majestas, sæpe numero superciliose spreta, diu blandissimis invitationibus suis frustra aures pulsaverit, non tamen desistit, etiam atque etiam instat, iterum iterumque illud pacis negotium urget, tantaque comitate præfractissimos quosque mortalium ad amicitiam suam *cogit.* *Luc.* xiv. 23. Quæ immensa summi Numinis bonitas est.

Deus ipse prior homines ad pacem invitat.

Imo Spi-  
ritu suo  
flectit.

IX. Sed ne hic quidem ille subsistit. Quandoquidem verbum gratiæ, etiam *παθητικοτάτως*, prædicatum, neminem actu pellicit, nisi secreta Divini Spiritus operatione accedente; Spiritum istum clementer homini donat. Hic demum oculos mentis aperit, ut videant miseri mortales, quam male ipsis sit, donec in tetra ista hostilitate perdurant, & quantum contra felicitatis cumulum allatura sit toties oblata pax. Hic fera corda domat, subigitque ad obsequium Dei ac Christi. Primum ea conspectu commissorum a se criminum, & sensu quodam Divinæ indignationis percellens; mox spem aliquam consequendæ pacis e longinquo ostentans; postmodum trepidanti animo de Dei erga se benignitate asseverantius loquens: dein maximum illius potiundæ desiderium excitans: atque ita paulatim interiora mentium disponens, ut, quicquid Deo adversum est, oderint, bellum ejus hostibus indicant, amicitiam ejus submisce ambiant, eam, quando actu offertur, alacriter acceptent, & Spiritui, tantam sibi felicitatem procuranti, sine exceptione ulla regendos sese dedant. Ita tandem in eum statum homo transfertur, ut, deleta omni utrimque inimicitia, Deus veterum offensarum memoriam deponens, nihil hostile adversus eum moliatur, quin imo placatum animum gerens amice cum ipso agat: ipse item, Deum olim a se offensum esse dolens, omni nunc studio ei placere nitatur. Ethæc spiritualis cum Deo pacis primordia sunt.

Pacem  
excipit  
Amicitia:

qua Homo  
cum Deo,

X. Sed primordia tantum. Quam primum enim homo foederatus Dei est, mox socius quoque & *Amicus* magni istius regis evadit. *Jac.* 11. 23. *Joh.* xv. 14. 15. Patent ei cœlestis aulæ fores: & noctu pariter ac interdiu liber in Spiritu accessus datur, Licet Regem gloriæ e propinquo intueri. Licet omnes pressi animi dolores in sinum ejus effundere. Licet balbutientia vota, uberiolem gratiæ mensuram poscentia, confidenter exponere: non modo non prohibente numine; sed & comitate sua ad id audendum animante. *Cant.* 1. 14. Licet eadem sæpius urgere, & amica quadam importunitate, cum Deo, salva Majestate nobiscum quasi ludente, luctari, donec quas desideras benedictiones manibus ejus extorseris. Cujus rei exemplum in Mose habemus. *Exod.* xxxi. 11. a versu 12. & deinceps.

Et Deus  
cum homi-  
ne familia-  
riter con-  
versatur.

XI. Ipse etiam Deus sua nonnunquam gratia e cœlo descendit, & ad animam sibi dilectam, sese diligentem gratiose *invisit*. *Joh.* xiv. 23. blandissimis verbis *ad cor loquitur*. *Hos.* 11. 14. ostendit ei *divitias supereminentis bonitatis sue*, & *qua sit spes illa vocationis sue*, & *qua opes gloria hereditatis sue in sanctis*. *Eph.* 1. 18. Consolatur eam, quando mœsta est, & manu sua *lacrimas* ipsius abstergens, *Ap.* vii. 17. eas ut pretiosum sibi liquorem *in ure suo ponit*, *Pf.* lvi. 9 *Addisque ornatum loco cineris, unguentum gaudii loco luctus, amittum laudis loco Spiritus confracti.* *Jes.*

*Jes. LXI. 3. Osculatur eam osculis oris sui, Cant. 1. 2. & si quando prae amore langueat, sinistra sua sustentat ei caput, & dextra sua amplectitur eam. Cant. 11. 6. Quicquid denique iple in bonis habet, (& quid est quod non habeat?) id omne cum ipsa liberaliter communicat, eo tempore, ordine, gradu, quem pro sapientia sua maxime expedire novit. Quid non daret, qui se ipsum dat in mercedem oppido quam amplissimam?*  
*Gen. xv. 1.*

XII. Quis dubitet, quin ii, quibus incredibilis illa Divinae caritatis dulcedo gustanda exhibetur, amicitiam Dei omnibus aliis rebus immensam anteponant? Hinc grato agnoscentes animo, quæ sibi, nihil tale meritis, tam benigne indulgentur, sollicitè cavent, ne quid admittant, quod indignum tanta sit amicitia, aut quod tam propensum numinis favorem frigore aliquo corrumpat. Ea autem lubentissime præstant, quæ grata Deo esse norunt, & tum demum vivere sibi videntur, quando universo vitæ suæ instituto se Deo approbant. Quum non ignorent, pretium amoris amorem esse, ac veram amicitiam in eo consistere, quod amici idem velint, idem nolint, omnes vires suas ad redemptionem Dei excitant, ac voluntatem suam Divinae voluntati mancipant & quasi absorbendam tradunt, atque ita demum cum Rege Angelorum ducunt suave jugum amoris. *Amor Dei amorem animæ parit, & eam intendere sibi facit, Amat Deus, ut ametur. Quum amat, nil aliud vult quam amari, sciens amore esse beatos, qui se amaverint. anima amans cunctis suis rennunciat affectibus, & tota soli incumbit amor: ut possit respondere amor in reddibendo amore. Et quum tota se effuderit in amorem, quantum illud est ad fontem perenne profluvium? quemadmodum pie Augustinus loquitur, Manual. Capit. xx.*

Hinc oritur sollicitudo Deo se approbandi.

XIII. Dum hæc in animageruntur, & inter ipsam ac Deum quotidianum mutua amicitia certamen redintegratur, non potest illa non jucundissima conscientia pace frui. Quæ quando benevolum Dei de homine judicium agnoscit, & homini intime repræsentat, simulque ei infusæ in Deum pietatis testimonium dat; miram universo animo serenitatem tranquillitatemque inducit. Consequenter pax Dei necessario secum trahit pacem conscientia, multamque apud Deum fiduciam. *Rom. xiv. 7, Eph. 111. 12. Nusquam dulcius cubat anima quam in lectulo illo tranquillitatis; ac in gremio diligentis se, ac dilecti sibi sponsi Jesu, occinens interim adversariis suis: Agnoscite, separatim sibi asservisse Jehovah eum, quem benigne accipit. In pace simul cubabo & dormiam: quia tu, Jehova, solus facis, ut secure habitem. Ps. 119. 4. 9. Ego cubui & dormivi, expergefeci me, quia Jehova sustentat me. Ps. 111. 6.*

Ea parit pacem conscientia.

XIV. Accedit etiam amicitia cum omnibus reliquis Amicis Dei: non solum modo hominibus, qui communione precum, cæterisque germa-

nam committitur Amicitia

etiam cum  
omnibus  
Amicis  
Dei.

nae caritatis officii sibi invicem auxilio ac solatio sunt *Pf. xvi. 3.* & sine invidia dona a communi amico singulis collata mutuo gratulantur; sed & *beatis Angelis*; qui quondam hominis hostes erant, quum ille hostis esset Dei, & protoplastos aditu Paradisi arcebant. *Gen. iiii. 24.* sed nunc summa propensum animi lubentia ei *ministrant Heb. i. 14.* circa eum castrametantur. *Pf. xxxiv. 8.* cum in omnibus viis suis conservant, & ambabus palmis sustinent, ne offendant ad lapidem pedem suum. *Pf. xci. ii. 12.* donec a Deo jussi amicam sibi animam cælicolarum beatis choris inferant. Et sane etiam si visibili specie apparere nunc non soleant, familiariter tamen caput amicorum Dei circumvolitant, plurimorum malorum averterunt, bonorum conciliatores; & conservos se eorum appellant. *Ap. xix. 10.* Quam ob rem Apostolus testatur, fideles, etiamnum in hoc seculo degentes, accessisse ad *myriades Angelorum. Heb. xii. 22.* Et quid homini mortali gloriosius potest contingere; quam post Deum foedus societatis ac amicitiae habere cum nobilissimis illis Spiritibus, quos *Thronos, Dominia, Imperia, ac Potestates* Apostolus vocat? *Col. i. 16.*

Nulla  
creatura-  
rum ami-  
cis Dei  
nocere  
potest.

XV. Addo, pace cum Deo facta, nullam creaturarum hostilitatem cum fidelibus exercere posse, quæ salutem ipsorum obsit. Juxta promissum, *Job. v. 23.* cum lapidibus agri erit fœdus tuum, & bestia agri erunt pacata tibi. Et experieris, pacem inesse tentorio tuo. Quod reperitur *Hos. ii. 18.* Et pangam pro ipsis fœdus die illo cum bestiis agri, & cum avibus celi reptilibusque terra. Quorum locorum hic videtur esse simplex sensus. Saxa & scrupi molles erunt amicis Dei, non offendent in illis pedem. Nulla loca saxosa & horrida infesta ipsis erunt, quæ vel latrones insidere, vel in quibus bestiae agri stabulari solent. Ita enim compescuntur a Deo, ut nocere iis nequeant; sed & cogantur iis se submittere ac inservire. Ipsæ rapaces volucres, ipsa venenata reptilia, & qui sub eorum emblemate intelligi possunt, tam homines quam Spiritus maligni, nulla nocendi vi valebunt. *Pf. xci. 13. Mar. xvi. 18.* Pacem quidem amicitiae cum hostibus Dei, Diabolo & mundo, habere non possunt, & certum est, maxime tunc illorum persecutionibus infestari, quando pacem cum Deo colunt: attamen frustra est, quicquid adversus eos, infernus pariter ac mundus moliuntur. *Enerubescunt & ignominia persundentur, quicunque exardescunt contrate: erunt tanquam nihil, & peribunt adversarii tui. Quarene eos, non invenies eos, qui concertant tecum, erunt tanquam nihil, & tanquam nihilum homines oppugnantes te. Jes. xli. ii. 12.* Adde *Jes. liv. 14. 15. 16. 17.*

Imo om-  
nes, vel  
invicti, sa-  
lutem ip-  
sorum

XVI. Neque frustra modo sunt eorum adversarii, sed ignorantes ac inviti salutem eorum promovent, cogunturque Diaboli amicos Dei propius coelo admove, cujus ipsi æternum extorres erunt. Ita primus superbiae Magister colaphis suis humilitatis Doctor Paulo fuit. 2 *Cor.*

xii. 7. Adeo verum est, iis qui diligunt Deum, omnia simul adiumento esse ad bonum. Rom. viii. 28. promove-  
vent.

XVII. Profluit ex hac pace omnium salutarium bonorum abundantia, quam graphice depingit Psalter. Ps. cxiiv. 13. Et licet contingat sæpenumero, amicos Dei, quod exteriorem hominem attinet, in paupertate, & contemptu, ac morbis vitam vix vitalem exigere; minimum tamen boni, quod in omnibus istis malis habent, quum ex speciali Dei amore ipsis donetur, & fructus sit nobilissimus crucis Christi, gustandam ipsis exhibet infinitam Numinis bonitatem. Et propterea *minimum illud, quod iustus habet, melius est copia multorum improborum.* Ps. xxxviii. 16. Habet enim illud ex & cum favore Dei, qui inexhaustus omnium rerum desiderabilium fons est. Imo ipsa mala illa, quibus premuntur, in commodum ipsorum cedunt, dum iis humiliandis, ad fidem ac patientiam sui que abnegationem formandis, ac a vanitatibus mundi ablactandis & cælum versus evehendis, inserviunt. Hinc in ipsis ad versitatibus lætitiæ ac gloriationis materiam inveniunt. Rom. v. 3. Jac. i. 2.

Fluit  
etiam ex  
hac pace  
omnium  
bonorum  
abundantia.

XVIII. Ex iis, quæ diximus, præstantia hujus pacis facile concluditur, quam describit Apostolus ut *ὑπερῆχυσαν πάντα νῦν, quæ omnem intellectum superat.* Phil. iv. 7. Digna idcirco, quam quis omni ope quærat, partam conserveat, ruptam redintegret.

Unde  
præstantia  
ejus æsti-  
mari de-  
bet.

XIX. Gratiose quidem eam in verbo Evangelii Deus offert: non tamen ita, ut nihil faciendum peccatori sit, antequam illius sensu intus gaudeat. Ad quam rem necessarium est, I. Ut fateatur, se ob plurima ac gravissima delicta pace & amicitia Dei plane indignum esse, ac de ijs serio doleat. Luc. xv. 21. Ps. xxxiii. 5. Prov. xxviii. 13. II. Cum dolore animadvertat, ac declaret, nihil a se præstari posse, quod numini, iuste irato, placando idoneum sit. Mic. vi. 6, 7. sed omnem sibi spem in unius Christi sanguine repositam esse, cujus applicatio ab ipsius Domini arbitrio dependet. III. Humiliter se Deo dedat, ita apud semet ipsum cogitans, quum extra Dei pacem nil nisi perditio sit, accedam ad thronum gratiæ, veniam ac favorem supplex petiturus; si aureum gratiæ sceptrum porrigere mihi dignetur, æternas agam gratias: sin faciem iratus avertat, confitebor justitiam ejus eamque omni laude dignam prædicabo, etiamsi ad interitum meum rigida sit: dicamque, morituum me ad pedes ejus sine murmure. Confer Esai. lv. 16. Quæ absoluta sui resignatio & deditio, non potest non grata Deo, salutaris homini esse. IV. Addat devotis precibus vitæ in melius commutationem: removeat sincere ex corde & actionibus suis quod inimicum novit esse Deo: bellum indicat Dei hostibus: ea velit, amet, faciat, quæ amicos Dei decent, Hac via *appropinquet Deo, & appropinquabit ipsi Deus.* Jac. iv. 8.

Propter  
quam om-  
ni ope  
quærenda.



Et par-  
ta,  
solicite  
servanda  
est.

XX. Non minus sollicita cura opus est, ad pacem hoc pacto partam conservandam, & familiaritatem Divinæ amicitiae in dies augendam. Ad quod requiritur. I. Amoris sui erga Deum quotidiana excitatio, per devotam meditationem, tum perfectionum Divinarum, propter quas in se ipso summe amabilis est, tum immensae illius caritatis, qua nos prior persecutus est, & beneficiorum inestimabilium ex immensa ista caritate manantium. Etenim fieri non potest, ut Deus se ab homine amore superari patiatur. *Job. xiv. 21. Qui diligit me, diligetur a Patre meo; & ego diligam eum, & ei conspiciendum exhibebo me ipsum.* II. Frequens cum Deo conversatio; sic ut seclusa tantisper seculi sollicitudine, & quaesita placida solitudine, repetitis frequenter legendi, meditandi, orandi exercitiis, in familiaritatem Dei modesta te *παρρησία* ingeras. *Job. xx. 21. Assuesce, quaso, cum illo & pacem habe: in his obveniet tibi bonum.* Pulchrum erat Hieronymi consilium ad Eustachium, de Custodia Virginitatis. *Semper te cubiculi tui secreta custodiant: semper tecum sponsus ludat intrinsecus. Oras, loqueris ad sponsum. Legis, ille tibi loquitur. Foris vagentur virgines stultae, tu intrinsecus esto cum sponso: quia si ostium clauseris, & secundum Evangelii praeceptum, in occulto oraveris Patrem tuum, veniet, & pulsabit, & dicet, Ecce sto ante januam, & pulso.* III. Inoffensae & accuratae pietatis praxis, attentaque adversus *ἐν πειραστῶν ἀμαρτίας* vigilia. Quae ex amore Dei consequuntur, & sine quibus nemo familiariter conservari cum Deo potest. *Job. xiv. 23. Si quis diligit me, sermonem meum observabit, & Pater meus diligit eum, & ad eum veniemus, & apud eum habitabimus.* Exercitium virtutum Christianarum torques ille sponsus est, quo Domini animus rapitur. *Cant. iv. 9. Opus iustitiae erit pax: effectus iustitiae, tranquillitas & securitas, usque in seculum. Jes. xxxii. 17. confer. Jes. lxiv. 5.* IV. Quia in hac sanctificationis nostrae imperfectione non omnino evitari potest, quin subinde pii labantur, & vel ad dextram vel sinistram aliquantulum declinent; mox iis a lapsu refurgendum, & ad Deum suum redeundum est, ni familiarem ejus usum plurimum imminutum velint. Illi inclamanti, *Revertimini, filii aversantes, curabo aversiones vestras*, mox respondendum est, *Ecce nos, accedimus ad te, quia tu es Jehova Deus noster. Jer. iiii. 22.* V. Plurimum quoque ad conservandum Divinæ amicitiae sensum confert, si in omnibus te Providentiae ipsius gubernandum committas, semper voluntatem ejus erga te ut justam, sanctam, sapientem, bonam approbes: & cum Jobo dicas, *Insulsi tatem non designat Deus. Job. xxxiv. 12.* in iis, quae tibi obtingunt, qualiacunque illa sint, ei gratias agas, & abnegata omni cupiditate propria, voluntatem tuam illius voluntate absorbendam tradas. *Phil. iv. 6. 7. De nulla re solliciti estote. Es pax illa Dei, quae exsuperat omnem mentem, praesidio custodiet corda vestra, & avertet vestras in Christo Jesu.*

XXI. Licet contingere non possit, ut quis ad pacem & amicitiam Dei admissus, ea plane excidat (nam foedus Divinae pacis, quod montibus collibusque firmitus est, non dimovebitur in aeternum. *Jes. LIV. 10.*) sensus tamen & gustus illius non raro intercitur. Nam I. Non semper amicis suis blandam faciem suam Deus ostentat: *abscondit se nonnunquam Jes. VII. 17. A longinquo stat. Ps. X. 1.* non admittit eos ad familiaritatem, neque perfundit ubertate consolationum suarum: non audit vocantes; *Ps. XXI. 2. 3.* quasi nulla eorum cura tangeretur. II. Imo cum contemptu quodam eos a se repellit, uti si quis Pater contumeliose sputum in faciem filia sua inspuisset. *Nam. XII. 14. & sumat contra orationes eorum. Ps. LXXX. 5.* III. Terret eos plurimis angoribus: non solummodo abscondendo faciem suam, extra quam nullum est gaudium. *Ps. XXX. 8.* sed astibus iracundia sua transcuntibus super ipsos. *Ps. LXXXVIII. 16. 17. 18. Jes. LVI. 17.* IV. Hostiliter cum iis agere videtur: reputat eos ut inimicos sibi, persequitur eos, licet aridae stipulae facti sint similes, rescribit contra eos amaritudinem, ponit in compede pedes ipsorum, & imprimat se eorum radicibus. *Job. XXI. 24.* V. Tradit eos quandoque vexandos, & exagitandos Diabolo. *Job. I. 6.* Postquam lux Divinae faciei occubuit, mox prodeunt adversus animam illam animantia silva juvenes, leones rugientes ad pradam. *Ps. CIV. 21.*

Nam sensus illius non raro intercitur.

XXII. Harum Dei circa amicos suos actionum non una causa est. Quaedam rationes Deum, aliae amicos Dei spectant. Deus ita cum suis agit. I. Ut ostendat, se supremum Dominum, & liberrimum gratiae suae dispensatorem esse. *Mat. XX. 19.* Ita ipse fatetur, se Jobum afflixisse *Job. I. 3.* Non quod nihil a Jobo commissum fuerit, quo has vel majores afflictiones non meruerit: sed quod nihil in ipso invenerit Deus, propter quod supra ceteros amicos suos tam duriter ipsum exciperet. Fuit hoc merae potestatis Dominicae, ut opera Dei in eo fierent manifestata, quemadmodum in simili casu dicitur. *Job. XI. 3.* II. Ut hac quoque parte coelum a terra discriminaret. Hic enim omnia plurimis vicissitudinibus obnoxia esse voluit, suosque ad asperae hyemis gratique veris reciprocaiones assuefacere: quum in coelo constanti gaudio in amicitia ejus exsultaturi sint. *Ap. VII. 17.* III. Ut ita cariores gratiae suae dulcedinem faceret, quae, si per intervalla gustetur, & imprimis post exhaustum amaritudinis calicem, perquam suavissima piae animae est. IV. Ut demonstret supereminentem potentiae & bonitatis suae magnitudinem, quando animam, tot pressam angoribus, nihilominus in spiritali vita conservat, pristinae suae valentiae restituit, de Satana triumphare facit, eoque uberius consolatur, quo ab omni favoris sui sensu longius abfuerat. Hoc est opus mirabile efficere in mortuis: *Ps. LXXXVIII. 11. & spiritum fractum attollere*; quod creaturarum vires superare Salomo docet. *Prov. XVII. 14.*

Illius rationes, a parte Dei.

Et a parte  
hominis,  
tam quoad  
præteri-  
tum.

XXIII. Quæ amicos Dei spectant rationes, eæ rursus in duplici sunt differentia. Vel enim *præteritum* respiciunt, vel *futurum*. Quod præteritum attinet, solet Deus favoris sui radios inhibere. I. Quando amici sui grave aliquod crimen admiserunt. Tunc enim sanctitatis suæ interest, ut paternæ indignationis virgas experiantur, neque liceat iis tam familiariter eo uti. *Pf. LI. 11. 13. 14. Quum vincis eos compedibus, & captivos detinet funibus afflictionis, tum indicat ipsis opus eorum, Job. xxxvi. 8. 9. ipsoque facto inclamat, agnoscite & videte, quod malum & amarum sit relinquere Jehovah Deum vestrum. Jer. 11. 19. Quum rebellavunt, ac dolore affecerunt Spiritum Sanctitatis ejus, mutatur eis in inimicum. Is. LXI. 11. 10. II. Quando bonitate numinis abutentes minus reverenter Majestatem ejus colunt, & in praxi devotionis incipiunt flaccescere. III. Quando obrepfit iis confidentiæ carnalis, & temeraria gloriatio. *Pf. xxx. 2. 8. Ego dicebam in tranquillitate mea, non dimovebor in seculum: sed te abscondente faciem tuam, fui conturbatus. IV. Quando Divinæ gratiæ oblatio per sordiam quandam ac somnolentiam indigne excepta est. Cant. v. 3. 4. 5.**

Quam  
quoad fu-  
turum.

XXIV. Ad futurum hæ rationes referuntur. I. Ut exploret Deus & exerceat eorum fidem. *1. Pet. 1. 6. 7. qua, etiam nihil videntes, debent credere; & amorem, quo Deum propter ipsum diligere tenentur, etiam si non sentiant se dilectos; & sinceritatem cultus, procedentis non ex mero gustu mercedis, sed ex agnitione Divinæ dignitatis; & Pietatis constantiam, qua Deo adhæreant, etiam quum alienum se ab iis exhibet. II. Ut excitet studium precum. Quod in Heman ea occasione fervebat. *Pf. LXXXVI. 11. 2. O Jehova, Deus salutis meæ, interdum clamo, & noctu coram te. vide etiam. Ps. 10. 14. III. Ut ad veram sapientiam suos informet. Hæc enim vexatio eximium intellectum dat. Afflictio & levitiam efficit: tolerantia experientiam. Rom. v. 3. 4. Mature in hanc scholam introductus erat Heman, & injecta ei tam difficilia exercitia, ut pene mente moveretur; attamen tantum tandem profecerat, ut inter sapientissimos sui seculi numeretur. *1. Reg. 1v. 31. IV. Ut sollicitius imposterum Divinum conservent favorem, postquam eum recuperaverunt. Quum sponsa amissum sponsum tandem redinvenisset, apprehendit eum, & firmiter tenuit, neque dimisit, donec introduxisset eum in domum matris suæ, in conclave genitricis suæ. Cant. 111. 4.***

Quomo-  
do rupta  
Dei amici-  
tia re-  
dintegre-  
tur.

XXV. Sed quid nunc faciendum animæ est, ut ruptam Dei amicitiam redintegret? Neque enim existimandum est, Deum æternum suis iratum fore. *Non in seculum contendam, neque in æternum effervescam: nam spiritus a conspectu meo obrueretur, & anima quas ego feci, inquit Dominus Jes. LVII. 20. Confer. cap. LIV. 8. I. Ergo sollicite inquirendum in causam hujus alienationis, ut ea tollatur: plerumque enim vel crimine aliquo, vel negligentia nostra, Deum ita nos tractare coegimus*  
Thr.

*Thr. III. 40. Perscrutemur vias nostras, & peruestigemus, & redcamus ad Jehovah Deum nostrum.* Si contingat, ut quis causam illius abalienationis nequeat reperire, (quod tamen serio ac sedulo investiganti raro accidet) Dei os repetitis precibus consulat, dicatque, *ne condemnes me, necum fac mihi, quam ob rem contendas mecum.* *Joh. x. 2. II.* Fidem ac resipiscenciam instauret: sacramento quasi Deo polliceatur, melius se ejus gratia usurum, & majore eam cura conservaturum, si rursus ea frui liceat. Imo, velle se Deo servire, protestetur, (sed sincere id protestetur) quia Deus dignus est, cui serviatur, & quia sibi gloriosum est servire Deo, etiam si, quod tamen absit, favoris Divini suavitatem nunquam rursus gustaturus esset. Nihil ab homine fieri potest, quo magis Deum demereatur. *III.* Instet continuis precibus, quanto maximo potest ardore, ut ne se abiciat Deus a facie sua, sed gratiam sibi faciat secundum benignitatem suam, & reddat sibi gaudium salutis suæ. *Pf. LI. 3. 13. 14.* Formulas orationis ipse Spiritus Sanctus dictavit, *Pf. LXXXVIII. & CII.* *IV.* Patienter expectet horam illam, qua recipere eum in gratiam Dominus dignetur, non intermissis interim suis adversus Deum officiis. *Thr. III. 26. Bonum est sperare, & acquiescere in salute Jehova.*

**XXVI.** Ita facienti veniet, veniet tandem exoptata illa dies, qua Deus amarum lacrumarum aquas in jucundissimum consolationis vinum transmutabit: eoque familiarius amicum suum excipiet, quo & prolixius & tristius amicitiae suæ suavitate caruit, abunde omnia & cum foenore compensans. Id experti plerumque fideles; quorum triumphalia non minus carmina, quam lugubres questus legisse & audivisse meminimus. Et vix est, ut aliter eveniat. Si tamen accadat, ut ad Divinae amicitiae dulcem usum readmissi in terra non videantur, omnia conferuntur iis danda reservantur in coelis: quorum abundantiam antegressa ariditas, supra quam dici aut cogitari potest, suavissimam faciet.

**XXVII.** Ex antedictis evidens est, pacem hanc spirituales, a securitate carnali plurimum distare. Nam I. Hæc ex mera veri status sui ignorance oritur, in quem nunquam serio inquisivit, vel in cujus æstimatione fallaci ratiocinio se ipsam decepit. Illa autem stabili nititur fundamento, & antecedaneum habet dolorem de peccatis, sensum suæ miseriæ, famem ac sitim gratiæ, sollicitum sui scrutinium, & perceptionem suæ cum Christo unionis. II, Hæc facit, ut homo sibi ipsi placeat, & de imaginario isto bono in sinu gaudeat, Dei cæteroquin negligens. At illa animam in benignitatis Divinae admirationem abripit, atque efficit, ut indignam se tanto honore ac favore fateatur. Hac differunt homines, torpent in bono, & in vita minus castigata male sibi indulgent, cogitantes pacem sese habituros, etiam si ex animi sui sententia

Quod plerumque in hac vita certe in futura fit.

Distinctio pacis spiritualis, a securitate carnali.

*ambulent. Dent. XXIX. 19. Illa autem presidio custodit corda, Phil. IV. 6. ut continuo in timore Dei sint, & sine pietatis anxietate neque comparari, neque conservari potest. IV. Hæc uti falso sibi amorem Dei erga se imaginatur, ita sine vero erga Deum amore est: illa mutua consistit amicitia. Idem Abrahamus, qui Amicus Dei dicitur Jac. II. 23. Amans quoque Dei vocatur יאדביר Je. XLI. 8.*

Pax spiri-  
tualis sub  
V. quoque  
T. locum  
habuit.

**XXVIII.** Quum Pax spiritualis consequens justificationis sit, quam Veteris & Novi Testamenti bonum ex æquo esse, suo loco ostendimus sequitur ejusdem quoque participes priscos Patres fuisse: qui se propter Sponsorem Messiam, ablata inimicitia, quam peccata fecerant, reconciliatos cum Deo esse, fide non fallaci crediderunt, sensu jucundissimo experti, ac frequenter in Domino gloriati sunt. Non diffidentium equidem, Ecclesiæ Novi Testamenti pacem κατ' ἐξοχήν promissam esse, Ps. LXXII. 3. Jes. IX. 5. 6. Hag. II. 10. Zac. IX. 10. Verum id non est intelligendum de pace & amicitia Dei in se, quæ est bonum Fœderis Gratiae, non solius Testamenti novi; sed I. De abundantiori sensu Divini favoris, si fideles universim censeantur. II. De pace Fidelium Israëlitarum cum gentibus, inimicitiis, id est, lege Præceptorum, quæ in ritibus posita est, per Christi carnem abolitis. Ephes. II. 15. III. De Pace Dei gentibus quoque indulta, quod Zacar. IX. 10. diserte dicitur.

### C A P. X.

#### De Adoptione.

Transi-  
tus ad Ad-  
optionis  
doctri-  
nam.

**I.** **Q**UOS AD PACEM & AMICITIAM suam admisit Deus, eosdem quoque **ADOPTAVIT** in filios; ut non solum Amicitiae beneficio, sed & hæreditatis jure, bona tam gratiæ quam gloriæ possiderent. Nulla amicitia familiarior est ea, quæ intercedit inter Patrem ac filios. Aut potius mutua ista *σὺν* familiaritate & suavitate sua superat quicquid amicitiae nomine designari potest. Unum vocabulum, una similitudo, ab humanis desumpta rebus, beatissimo huic amoris nexui exprimendo non sufficit, qui plurimis & coacervatis metaphoris vix tamen exponitur. Ut conscientiae tranquillitatem designaret, PACEM scriptura dicit: ut familiaritatis jucunditatem doceret, AMICITIAM vocat: ut jus hæreditatis inculcarèt, de ADOPTIONE loquitur. De qua nobis hoc Capite agendum.

Fideles  
Filii Dei  
sunt.

**II.** Supponimus, Fideles FILIOS DEI esse. *Videte, quantam caritatem dederit nobis Pater, nempe ut Filii Dei vocemur. Dilecti, nunc Filii Dei sumus; proclamat Johannes I. Epist. III. 1. 2. Hoc est Dei cum iis fœdus: Et ero vobis pro Patre, & vos eritis mihi pro filiis & filiabus; dicit Dominus omnipotens, 2. Cor. VI. 18.*

III. Id vero non eo duntaxat nomine sunt, quod Deus qua *Creator* exstantiam ipsis vitamque dederit. *Mal. i. 10.* & qua *Conservator* foveat, ac de omnibus necessariis prospiciat. *Act. xvii. 25. 28.*

IV. Neque propter *externam* aliquam *prærogativam* solummodo filii Dei dicuntur: vel *Politicam*, quo modo Magistratus filii *Altissimi* vocantur *Pf. lxxxii. 6.* vel *Ecclesiasticam*, externæ communionis *Fœderalis* quo modo nonnulli *Filii Dei*, *Gen. vi. 2.* & *Filii Regni*, *Mat. vii. 12.* appellantur, quo sensu etiam de Israël Pharaoni dici jubebat Dominus, *Filius meus, primogenitus meus est Israël. Exod. iv. 22.* Hoc enim spectabat *nationale* illud *ſœdus*, quod cum Israël posteros pepigerat Deus, juxta quod eximios eos habebat præ cæteris omnibus gentibus, multisque beneficiis, qua corporalibus, qua spiritualibus, mactabat, quæ aliis populis conferre dedignabatur. *Deut. vii. 6.* Ideo eos *filios* suos vocabat, quod non minus sollicita cura res eorum gereret, quam quivis Pater liberorum suorum satagere potest. *Deut. xxxii. 10. 11.* Et quidem *primogenitos* suos, *tum* quod impensius eos diligeret quam cæteros populos, ultra communis providentiæ modum, *verba sua Jacobo datus, & statuta ac jura sua Israël Pf. cxlvii. 19.* sicut primogeniti duplicem portionem in hæreditate paterna habebant. *Deut. xxi. 17. tum* quod destinavisset iis imperium quoddam in alios populos. *Serviant tibi populi, & incurvent se tibi nationes, honorem exhibentes; esto herus fratribus tuis. &c. Gen. xxvii. 29.* Quæ verba Jacobo quidem dicebantur, ita tamen ut in posteris ipsius præcipue verarent. Cujus rei tempore Davidis illustria habemus indicia. *2. Sam. viii.*

V. Verum enim vero, utut eximia hæc fuerint, longe tamen subsidunt infra eam dignitatem, propter quam fideles filii Dei dicuntur. Etenim plurimi eorum, qui Israël & primogenitorum nomine continebantur, tales erant, ut *gratos eos Deus non habuerit*, neque acceperint hæreditatem terræ Canaan, nedum hæreditatem cœlestem, *sed prostrati sint in deserto, 1. Cor. x. 5.* Eundem illum populum, cui dicebat Moyses, *nonne Jehova est Pater tuus; nonne ipse magnificavit te?* vocabat eodem halitu, *populum stultum & insipientem. Deut. xxxii. 6.* Imo sunt ex *filii regni*, qui *projicientur in tenebras exteriores. Mat. vii. 12.* Scilicet nationale illud *ſœdus*, si nihil ultra accederet, non dabat gratiam salvificam, neque jus adeundæ hæreditatis cœlestis.

VI. Sensu itaque longe eminentiori *electi & fideles Filii Dei* sunt: in quo Johannes caritatem nunquam satis deprædicandam observabat. *1. Joh. i. 1.* Gloriosa sane *Angelis* filiorum Dei nomenclatura est: *Job xxxviii. 7.* qua eos dignatur Dominus, non modo quia eos produxit, *sed & quia imaginem & similitudinem sanctitatis suæ iis impressit, Job. iv. 18.* & quia familiariter cum Deo, in domo sua, quod cœlum est, versantur,

Non solum propter creationem vel conservationem.

Nec propter externam aliquam prærogativam.

Quæ nullum hætenus cum salutis nexum habent.

Sed sensu eminentiori. Angeli quoque Dei Filii sunt.

santur, ut filii familias. *Job* 1. 6. Denique quia participant aliquid de dignitate & auctoritate Dei, quomodo Magistratus quoque *Filios Altissimi* vocari mox diximus. Sunt *Throni, Domina, Imperia, Possesses*, *Col.* 1. 16. Imo & אֱלֹהִים nominantur *Pf.* VI 11. 6. col. cum *Heb.* 11. 9.

Et Adam  
id per crea-  
tionem  
eximie  
fuit.

VII. Eodem ferme sensu *Adam* quoque *Filius Dei* vocari videtur. *Luc.* 111. 38. quum enim nomen illud, cui articulus τῷ præponitur, in omnibus præcedentibus versibus patrem notet, uti interpret *Syrus* loco τῷ continuo בִּר posuit; nulla ratio est, cur hic mutata phrasi verteremus cum *Beza*, qui fuit Dei, in quo secutus est *Syrus*, qui transtulit אֱלֹהִים בִּר, qui ex Deo est. Etenim dubitari non potest, quin commodè Adamus Filius Dei dici queat, cujus rei rationes *Philo* eleganter prosequitur, loco quem illustris *Grotius* adduxit ad *Luc.* 111. 38. quomodo & *Josephus* scripsit primos homines ὁ ὁ αὐτῷ τῷ Θεῷ γενομένους. Scilicet Deus Adamum I. Creavit. II. Ad imaginem suam. III. Eximie dilexit. IV. Dominium in animantes cæterasque creaturas dedit. Propter quas causas filius Dei vocari meretur: etiam si nondum ipsum bonorum suorum hæredem Deus declaravisset. Neque videtur sine causa mentionem facere Adami, ut filii Dei, Facit enim id, quemadmodum erudite observavit *Grotius*, ut eo gradu animi attollantur ad credendam Christi genituram. Nam qui ex terra sine patre hominem potuit producere, idem potuit efficere, ut Christus ex virgine sine patre nasceretur.

Sed non  
diu eam  
dignita-  
tem reti-  
nuit.

Quam  
electi præ-  
stantiori  
modo in  
Christo re-  
cuperant.

I. Per  
novam  
generatio-  
nem.

VIII. Sed non diu Adam dignitatem illam, ob quam filius Dei dictus fuit, tuitus est. Negligens sanctitatem, amittens præstantiam, in qua creatus erat, seque ipsum superari a Diabolo passus, servus Diaboli, a quo superatus erat, factus est. 2. *Pet.* 11. 19. Et insimul *filius iræ*. *Eph.* 11. 3. Omnesque posterius ipsius una cum ipso. Sed quod Electi in Adamo perdidierunt, id in Christo recuperant, eandem nempe, imo longe excellentiorem, filiorum conditionem. Quantacunque enim disparitas inter Christum & fideles sit, non tamen erubescit eos fratres vocare. *Heb.* 11. 11.

IX. Hanc autem filiorum Dei conditionem non una ratione electi nanciscuntur. Primo filii Dei sunt per novam & desuper venientem spirituales generationem. De hac Johannes loquitur *Evang.* Cap. 1. 12. Sed quotcunque acceperunt eum, dedit eis ἐξουσίαν τέκνα Θεοῦ γενέσθαι, credentibus in nomen ipsius, qui non ex sanguinibus, neque ex voluntate carnis, neque ex voluntate viri, sed ex Deo nati sunt. Illustris hic locus, varie ab interpretibus habitus, postulat aliquam ἐπιμὴν.

Joh. 1.  
12. expli-  
catur.

X. Genituram illam, qua electi filii Dei fiunt, & ἀπνηλικῶς & ἱερὰς describit Apostolus. Negat, illam esse ex sanguinibus, id est naturalem & ordinariam, qualis ea est, per quam pueri carnis & sanguinis participes fiunt. *Heb.* 11. 14. quæque ex sanguine esse censetur. Non magis est ex voluntate carnis, id est, ex carnali aliquo desiderio quovis modo liberos habent.

habendi, quo fit, ut quis corruptæ carnis suæ ratiocinio nimium indulgendo, cum in finem media adhibeat a Deo non præscripta: quale quid in Sara animadvertere est, quum ex desiderio prolis Agarem Abrahamo dabat. Non est denique *ex voluntate viri*, aliquem præ cæteris ob suas quasdam rationes diligentis, cui præcipuam hæreditatis partem destinet: quemadmodum Isaaci hæc circa Esavum voluntas erat. Nihil humani est, quod spiritali huic genituræ originem dare queat. Sed genitura hæc *ex Deo* est, ab æterno destinante, & præstituto tempore actu regenerante.

XI. Iis, qui ita ex Deo nati sunt, dedit *ἐξουσίαν τέκνα Θεοῦ γενέσθαι*. *ἔξουσία* hic *jus & potestatem* significat: uti *Apo. XXI 1. 14. ut sit ἐξουσία, potestas ipsorum in arborem vite*. Mirum autem videri queat, quomodo illis, qui ex Deo nati sunt, jus demum detur, ut filii Dei fiant: quandoquidem ipsa nativitate ex Deo jam filii Dei facti sunt. Ad quam difficultatem tollendam tria potissimum a viris eruditissimis sunt observata. I. Quum *γενέσθαι* sit aoristus secundus, commode pro præterito sumi potest, hoc sensu, dedit eis eam potestatem, id jus, illam dignitatem, ut filii Dei facti sint, & privilegiis illo statu dignis utantur, fruuntur. II. *γενέσθαι τοῦτον* phrasi Scripturæ notat *esse talem, & gerere se*, uti talem decet. Ita usurpatur *Mat. v. 45. ὅπως γενήσθε υἱοὶ τοῦ πατρὸς ὑμῶν. Ut sitis filii Patris vestri*, ut geratis vos, quemadmodum filiis Dei conveniens est, confer *1 Thess. 11. 7. 10.* III. Possit hoc etiam referri ad perfectum illum statum filialem, qui cum *liberatione corporis nostri* conjunctus erit, & quem nos *expectare* Apostolus auctor est *Rom. 8 11. 23.* Ut sensus sit, Deum iis, qui ex ipso nati sunt, jus concessisse ad hæreditatem cœlestem, & eam eximiam dignitatem, qua quoad corpus & animam, ut filii familias, in Palatio Patris sui gaudebunt: atque ita quidem ut in nullius creaturæ potestate sit, eam dignitatem ipsis eripere, minuere, vel intercidere. Quarum expositionum optionem lectori damus. Nobis ultima non minime arridet. Qua autem in re nova illa generatio consistat *Cap. vi.* hujus libri prolixè exposuimus.

XII. Atque hoc *primum* fundamentum gloriosi hujus status. *Secundo* filii Dei evadimus per *connubium* cum Domino *Jesu*: cujus quando Sponsa facti sumus, transimus cum ipso in familiam Patris ipsius, & Pater nos dulcissimo *Filiæ* nomine compellat. *Pf. XLV. 11.* Et Dominus *Jesus* eandem quam *Sponsam* suam indigitat, *sororem* quoque vocat. *Cant. v. 1. 2.* Caverat lege sua Deus, si quis ancillam filio desponsaverat, ut cum ea ageret juxta jus filiarum. *Exod. XXI. 9.* Eodem modo ipsi cum animabus electis procedere lubuit. Utique natura ancillabantur Satanz & peccato: jacebant projectæ in agro, fastidium sui omnibus præbentes. In-

11. Per  
connu-  
bium cum  
D. Jesu.



terim offert iis gratiose connubium Unigeniti filii sui: illæ oblatam conditionem fide accipiunt, ferme quemadmodum Abigail, quum ad Davidis matrimonium invitabatur. 1 Sam. xxv. 41. Atque ita eodem actu, quando *Sponsa Christi* fiunt, fiunt quoque *Filia Dei viventis*. 2 Cor. vi. 18.

III. Per  
Adoptio-  
nem.

XIII. Accedit *tertio Adoptio*, quæ est Actio Dei Oeconomica, quæ eos, qui ad imaginem suam regeniti, & Unigenito Filio suo in fide desponsati sunt, in familiam suam recipit, & jus ac privilegia filiorum, ipsamque hæreditatem immutabili testamento addicit. *Domestici Dei*. Eph. ii. 19. *si Filii, ergo hæredes*. Rom. vii. 17. Scilicet sola communicatio imaginis Dei jus ad hæreditatem coelestem non dat. Patet id in Adamo integro, qui quidem in via juris acquirendi erat; jus tamen nondum obtinuerat. Unicum juris istius fundamentum est perfecta & constans obedientia, vel ab ipso homine, vel ab ipsius Sponsore præstita. Christus ergo, obito jam vadimonio, omnem iustitiam consummavit, *hæredesque omnium constitutus est*. Heb. i. 2. Electi regeniti per fidem ipsum, & omnia quæ ipsius sunt, etiam perfectam iustitiam ejus, accipiunt, & sibi vindicant: atque ita a Patre adoptati, & fratres ipsius facti, fiunt *hæredes Dei, cohæredes Christi*. Rom. vii. 17. Et hoc potissimum sensu putamus Johannem dixisse: *is qui ex Deo geniti sunt, potestatem datam esse, ut filii Dei fiant*, quemadmodum supra §. xi. exposuimus.

Metapho-  
ræ coacer-  
vantur, ad  
exprimen-  
dam uber-  
tatem spi-  
ritualis  
gratiæ.

XIV. Ut ea, quæ jam dicta sunt, melius intelligantur, observandum est, Spiritum Dei, ut coelestia hæc mysteria explicaret, metaphoris uti, quæ a rebus humanis desumptæ sunt. Hæ autem metaphoræ ita sunt componendæ, non ut una alteram perimat, sed ut una defectus alterius supplere censeatur. Absurdum alias videretur, animam, quæ ex Deo genita est adoptari in filiam, eandemque filio Dei primogenito matrimonio jungi. Sapienter tamen instituit Scriptura, quando omnia hæc de fidelibus asserit. Ut exprimeret originem vitæ spiritualis & imaginis Dei in homine, dicit, eum ex Deo *genitum* esse. Ut significaret jucundissimam, mutuique amoris plenam, nostri cum Christo unionem, *conjugium* illam vocat. Ut assignaret fundamentum & firmitatem hæreditatis nostræ, docet nos in Christo *adoptatos* esse. Et singula hæc talia sunt, ut eo nomine filii Dei appellari queamus.

Adoptio  
commune  
V. & N. T.  
bonum est.

XV. Atque hæc est illa *Adoptio*, quæ pretiosum oppido foederis gratiæ bonum est. Ea autem pro *diversa* foederis gratiæ *oconomia* valde *diffusa* fuit. Indubium utique est, quin omnes omnium temporum fideles filii Dei fuerint. Extra populum Israël Elihu Deum *Patrem suum* vocabat. Job xxxiv. 35. Quod uti sensu tam diminuto intelligatur, quem ad modum Gentiles Joventem Patrem Deorum hominumque appellabant: cum illustri fide ac pietate Viri, ipsi Deo laudati, non convenit. Bene Celeberrimus interpres in hunc locum: *PATER DEUS vocatur, ut*

*Mal.*

*Mal. 1. 6. Filius honorat Patrem, & servus Dominum suum: quod si Pater sum, ubi est honor meus? Et Jes. LXIV. 7. Jam vero Jehova Pater noster es... Hac appellatione indicat affectum Dei in hoc judicio, scilicet paternam sollicitudinem; affectum sui petentis, fraternam charitatem; sinem probationis, filialem reverentiam & fiduciam.*

XVI. Quicquid hactenus de fundamentis gloriosi hujus status diximus, priscis quoque competit. Illi etiam per *regenerationem* nova vita donati, & ad imaginem Dei iterum creati sunt. Illi quoque *desponsati* fuerunt Christo. *Hos. 11. 19. 20. Creator ipsorum conjunx ipsorum erat. Jes. 119. 5. Et diserte Ecclesia Veteris testamenti conjugata vocatur. ibi: versu. 1. Neque Adoptione sua caruerunt. Qui sunt Israëlita, quorum ADOPTIO; Rom. 1X. 4. Et denique hæredes fuerunt omnium. Gal. IV. 1. Hæredes Divinæ gratiæ in hac vita. Ps. XVI. 5. & Divinæ gloriæ in vita æterna. Ps. XVIII. 15.*

XVII. Attamen licet status fidelium Veteris Testamenti admodum illustris fuerit, si conferatur cum statu infidelium, qui filii iræ manent, & hæredes thesaurorum excandescentiæ Divinæ: nihilominus universus ille splendor ad Augustam Majestatem fidelium Novi Testamenti incredibili prope modo offuscatur, uti stellarum lumen ad lucem ætherii solis. Quod ex utriusque collatione patebit.

XVIII. Filii sane erant V. T. fideles, sed filii a patre pædagogorum supercilio, ferulæ, virgis subjecti, qui *onera gravia difficiliaque portatu ligabant, & imponebant ipsorum humeris*, de quibus tamen dixerat Pater, *munia, quæ jusserint vobis ut servetis, servate & facite. Mat. XXII. 3. 4. Quamdiu scilicet nihil jubebant cujus exercitium cum voluntate Patris pugnaret. Cogebantur servire infirmis & egenis mundi elementis, & totam diem puerorum instar in minutiis disciplinæ Mosaicæ, quæ veluti crepundia Ecclesiæ erant, occupari. Dicebatur illis, tanquam infantibus, nondum suo arbitratui permissis, neque ex se gnaris quid conducere. Ne oderis, neque attigeris. Col. 11. 21.*

XIX. Non etiam admittebantur ad tantam familiaritatem Patris, ut intima consilii ipsius penetrarent. *Deus fortis tunc abdebat se. Jes. XLV. 15. nisi quod pædagogi ipsis subinde aliquid de gratioso Dei consilio narrarent, sed rarenter satis, & multa verborum ambage, & quasi sub æigmatibus. Etiam si multi Prophetæ & justi multa desiderarent videre & audire, concessum tamen iis non fuit, Mat. XII. 17.*

XX. Nemini eorum licebat ad Sanctum Sanctorum appropinquare, quod, quasi penetrale Patris erat: imo ad templum ipsum, quæ Domus erat Patris, non patebat accessus, nisi mediantibus altari & hostia & sacrificiis, sine quibus si sustinissent ad Deum venire, loco benedictionis, quam quærebant, in indignationem Patris incidissent. Neque enim unquam fas erat iuge sacrificium mane vel vespere omittere. *Exod. XXXI. 38. 42.*

Sed magna graduum differentia.

Veteres sub pædagogis erant.

Neque tam familiariter se iis Pater præstare faciebat.

Cogebantur procul stare.

Et quo-  
dammodo  
servire hæ-  
reditari  
typicæ,

XXI. Pro hæreditate dabatur ipsis terra Canaan, pignus quidem hæreditatis cœlestis, sed subobscurum, & tale, cui servire aliquo modo jubebantur, & quo ipsi pii cogebantur aliquando carere, quum exulandum ipsis esset. Cujus tamen tanto teneri debebant æstimio, ut etiam, quando extorres carissimæ suæ patriæ erant, in precibus suis eo respererint, neque votis suis in cœlum tetenderint nisi retortis ad hoc solum oculis. 1. *Reg.* vii. 48. *Dan.* vi. 11. In quo notabilis servitus hujus pignoris erat.

Sed N. T.  
fideles a  
pædagogis  
liberi sunt.

XXII. Alia plane ratio est fidelium sub Novo Testamento. Postquam Frater noster primogenitus humana carne indutus, inferiorem hunc mundum visitavit, variamque servitutem sponte pro nobis subivit, asseruit nos in veram libertatem. *Job.* vii. 36. removit pædagogos, deletit chirographum in dogmatibus, ὃ ἦν ὑπεραντίον ἡμῖν, declaravit nos, secum mortuos, ab elementis mundi liberos, ita ut nullum posthæc in nos dominium habitura sint *Col.* ii. 16. 20. noluit nos amplius minutis illis detineri, vocavit ad λογικὴν λατρείαν, *Rom.* xii. 1. fractoque ac levato molesto illo jugo, quod maxillis Veterum impositum erat, *Hos.* xi. 4. suum nobis imposuit, quod facile & leve est. *Mat.* xi. 30.

Docentur  
arcana  
Patris,

XXIII. Intromisit nos in penetralia Patris, & fugens ubera matris nostræ ea docuit, quæ Sponsa ut edoceret tanto opere desiderabat. *Can.* vii. 2. Ea quæ in sinu Patris viderat, ipsumque adeo Patrem, nobis ἐξηγήσατο. *Job.* i. 18. & videndum in sese præbuit, sic ut non amplius necesse habeamus dicere, ostende nobis Patrem. *Job.* xiv. 9. Adduxit illa tempora de quibus Jeremias prophetavit *Cap.* xxxi. 34. Abunde perfudit nos unctiōe a Sancto illo profecta, qua omnia docet. 1. *Iob.* ii. 20. 27. Breviter, non habet nos nunc ut servos, quia servus nescit, quid faciat Dominus ipsius; sed amicos nos dixit, quia omnia, qua audivit a Patre, nota fecit nobis. *Iob.* xv. 15.

Liberum  
ad Deum  
accessum  
habeat.

XXIV. Liberum quoque accessum ad Patrem nobis impetravit, dādicata via recenti & viva, quam calcare licet in πληροφωρία πίστεως. *Hebr.* x. 20. 22. Ruptum est morte ipsius intimi Sanctuarii velum, omnes fideles facti sunt ἐπάτευμα βασιλικόν, 1. *Pet.* ii. 9. nemo arcetur ab adyto, & etiam si Pater in throno adhuc Majestatis confideat, idem tamen ille thronus gratiæ est, ad quem invitamur, ut accedamus μετὰ παρηγοίας, *Heb.* iv. 6. sine hostia, sine sacerdotibus, unica solum oblatione fumam sacerdotis nostri Jesu freti, qua in perpetuum consummavit eos qui sanctificantur. *Heb.* x. 14. Atque hæc est spes illa potior, qua appropinquamus Deo. *Heb.* vii. 19.

Et directe  
vocan-  
tur ad hæ-

XXV. Neque ulla nos hæreditatis typicæ servitute oneravit, sed directe vocavit ad hæreditatem bonorum spiritualium & cœlestium: & pater est nobis τεχνίτης, sicut pater erat ipsi Pater. *Luc.* xxi. 29. Nullus nunc

nunc terrarum angustus est, cujus ceu sanctioris, Deoque carioris, desiderio præ reliquis teneri debeamus. Verum *terra est Domini cum omni plenitudine sua. Ps. xxi v. 1.* Neque altare dedignatur in medio Ægypti, *Ies. xix. 19.* Atque ita *præstantioris nos pacti consortes fecit, quod præstantioribus promissis sancitum est. Heb. vii i. 6.*

reditatem  
bonorum  
spiritua-  
lium.

XXVI. Propter eximias has prærogativas, fideles Novi Testamenti *ἱσχυες καὶ ἐν ἐμφασει filii Dei* dicuntur. 1. *Iob. i i i.* 2. *Dilecti, Nunc sumus filii Dei*: scilicet multo meliori jure quam antea. Huc indubie spectat Apostolus. *Gal. iii. 4. 5. 6. 7.* *Postquam venit plenum tempus*, scilicet *πρὸ θεομίας* illa, quousque sub tutoribus filii esse debuerunt *vers. 2. emisit Deus filium suum, ut eos, qui legi erant subiecti, redimeret*, liberando illos ab infanti ceremoniarum, exercitio, & *ut adoptionem acciperemus*, non eam modo, qua a filiis Diaboli & iræ discriminamur, sed eam etiam, qua excellimus supra infantes non multum differentes a servis. *Nam non amplius es servus*, uti antiquitus, *sed filius* Hanc esse Pauli mentem tota sermonis ἀλλήλῃ, & scribentis scopus evincunt. Huc enim omnia faciunt, ut liberos esse Novi Testamenti fideles ostendat, neque premiamplius debere veteris servitutis jugo, quod cervicibus ipsorum imponere improbo molimine Pseudo-Judæi contendebant.

Propte-  
rea Filii  
Dei di-  
cuntur in  
eminen-  
tia.

XXVII. Præstantissima sane conditio filiorum Dei est. Si tanti faciebat David, generum Regis appellari, qualis Saul erat; 1. *Sam. xvi i i.* 23. quanti nobis faciendum est, quod Filii Dei vivi dicamur? I. *Quam eximia est ista nobilitas*, generis nostri originem non a Principe aliquo vel Monarcha terreno, sed a Rege cœlorum arcessere? II. *Quid pulchrius esse potest Divina illa natura*, quam nova generatione nati sumus? 2. *Per. i. 4.* Ipse Deus filiis suis, ut peculio suo, gloriatur, imo *proventu sui primitias eos vocat Jer. i i.* 3. qui *ipsi in laudem & nomen & gloriam sui. Dent. xxvi. 19.* Fermenti parentès, qui pulcritudine liberorum suorum insignes, eos aliis quoque ostentant. III. *Quid etiam optabilius conjugio illo cum primogenito Filio Dei?* quo nihil pulchrius, ditius: gloriosius denique, ipsa cogitatione fingi potest, qui & *candidus est, & relictus, & vexillarius e Myriade. Cant. v. 10.* Quando David, nondum Rex, missis suis ad Abigaëlem militibus, eam sibi in uxorem petebat, *incurvabat se sapiens illa vidua facie demissa ad terram, dicebatque, servatilla tua in famulam, ad lavandum pedes servorum Domini mei. 1 Sam. xxi. 41.* Et quid animæ dicendum est nostræ, quotiescunque cogitat, p. mpto priore cum Nabale matrimonio, quod non matrimonium, sed adulterium erat, cum cœleste Davide inviolabili connubio junctam? IV. *Denique nihil præstantius esse potest hæreditate ista, quam adoptionis jure filii Dei consequuntur, & quæ irrevocabili ipsis Testamento addicta est.*

Præstan-  
tissima est  
conditio  
filiorum  
Dei.

Ratio  
Divini te-  
stamenti  
exponitur.

**XXVIII.** Non inutile erit huic meditationi aliquantisper immorari, apertoque Patris nostri TESTAMENTO inquirere, QUAE AC QUANTA BONA, & sub quibus STIPULATIONIBUS nobis legaverit. Per TESTAMENTUM intelligimus *Ultimam & immutabilem Dei voluntatem, Sacrarum literarum scriptura consignatam, & morte ac sanguine Jesu confirmatam, qua electos fideles suos ex aetate heredes declaravit.* Dico Testamentum esse *Voluntatem Dei, siue illud voluntatis suae consilium, Eph. 1. 11.* quo hereditatem & haeredes designavit: & de quo Dominus loquebatur *Luc. XII. 32. ἰδοὺ ἔγωγε ὁ πατήρ libuit Patri dare vobis regnum.* addo, esse *ultimam & irrevocabilem Patris voluntatem*: nam uti hoc ad validum testamentum requiritur; *Gal. III. 15,* ita nec huic testamento deest. *Quam in re Deus volens ex abundanti heredibus promissionis ostendere immutabilitatem consilii sui, fideiussit iurejurando: ut per duas res immutabiles, in quibus fieri non potest, ut mentitus sit Deus, validam consolationem habeamus. Heb. VI. 17. 18.* Hac voluntate sua designavit, & hereditatem, tam gratia, quam gloria, de qua mox; & haeredes, non indefinite, quosvis credentes, sed nominatim has & illas personas, *quarum nomina scripta sunt in caelis, Luc. X. 20. & calata in manibus Dei. Jes. XLIX. 16.* eam voluntatem suam sacris utriusque *Instrumenti scriptis* expressit, quae propterea quoque Testamentum dicuntur. *2 Cor. XIII. 14.* Denique, ne quid deesset, cuncta confirmata & obsecrata sunt sanguine ac morte D. Jesu. *Heb. IX. 16. 17.* Quod ut intelligatur, notandum est, Deum Patrem testamento eum honorem Filio suo Jesu dedisse, legavisse, ut caput electorum esset in gloria, & jus haberet omnia sua iis impertiendi. *Ps. 118.* Jesus iterum, ex potestate sibi facta a Patre, testamento de bonis suis cum electis communicandis disponit. *Ego dixi Deum testamento addico vobis, sicut dixi Deo testamentum addixit mihi Pater meus, regnum. Luc. XXII. 29.* Ita ut haec testamenti factio originaliter quidem a Patre, proxime tamen a Christo Mediatore sit; qui mortuus est, non ut morte sua vacuum faceret hereditatem: *vixit enim in aeternum; Apoc. I. 18.* sed ut obsecraret promissa, & jus ad hereditatem suis acquireret. Hinc sanguis ab ipso fusus, *Sanguis Testamenti* dicitur. *Zach. IX. 11. Mat. XXVI. 28.*

Bona Te-  
stamenti.

**XXIX.** BONA Testamento legata eximia sunt; uti dignum est, I. Divitiis & liberali benignitate Patris nostri coelestis, a quo expectare nobis tanta bona licet; quibus paria nec vidit oculus, nec audivit auris, nec ulla hominis mortalis mens affecuta est, *1 Cor. II. 9.* de quibus merito canatur: *O quam multa est bonitas tua, quam recondis reverentibus te! operaris erga eos, qui se recipiant ad te, coram filiis hominum! Ps. XXXI. 20.* II. Gloria primogeniti Fratris nostri, cujus cohæredes nos sumus: *Rom. 8. 17.* & qui in sua sorte exultat. *Ps. XVI. 6.* III. Dignitate illa, ad quam nos evexit Deus, dum adoptavit sibi in filios: tali-  
bus

bus enim *maxima & pretiosa promissa* donat, 2. *Pet. 1. 4.* Ea si singulatim exsequi vellemus, ingens conscribendum esset volumen: nunc ad tria summa capita breviter referemus.

XXX. *Primum est totius mundi possessio.* Hoc enim promissum est Abrahamo & semini ipsius, fore eos *heredes mundi.* *Rom. 14. 13.* In qua loco audire lubet commentarium *Ludovici de Dien.* Sicut peccatum, in ipso quod nos a Deo separavit, ejusque maledictioni subiacet, extorres nos & exheredes fecit, adeo ut non vel in minimam creaturam spirituale ac filiis Dei dignum jus dominiumve haberemus: si contra eo ipso quod Deus sit Deus noster, nosque ipsius benedicti, restituimur tanquam filii in jus & dominium omnium paternorum bonorum: quumque præter Deum & mundum nihil sit, heredes mundi sumus, terrestres, celestes, præsentis, futuri. Adamum quum introduceret Deus in terram habitabilem, mundi ipsam Dominum constituit, & creaturis cæteris ad commodum suum utendi jus fasque dedit. *Gen. 1. 28.* Verum id jus peccato suo Adamus amisit: adeo ut nec ipse, nec quisquam posterorum ipsius, donec in statu peccati sunt, ullam creaturam atrectandi verum ac spirituale, & quod in foro coeli valeat, jus habeant. Christus autem id sibi ac fratribus suis de novo acquisivit. *Pf. 111. 7.* Unde *1 Cor. 11. 21.* *Omnia vestra sunt:* & inter ea omnia nominatur *1. 22. mundus,* & quicquid in eo est, *præsentis & futura.* Nam addit Apostolus *1. 23. vos estis Christi.*

1. Possessio totius mundi.

XXXI. Hæc autem possessio mundi consistit in hisce sequentibus rebus. I. Ut quisque filiorum Dei tantum de bonis hujus mundi possideat, quantum Patris coelestis sapientia ita ad sustentationem vite animalis sufficere sciscit, ne quid spiritualis illa capiat detrimenti: & eo quidem modo possideat, ut in illius usufructu gustet caritatem Patris, id sibi in melioris boni arrham donantis, & Primogeniti Fratris; qui pauper ipse factus est ad ditandos suos. *2 Cor. 11. 9.* Quæ Dei Patris Christi que caritas, quando ad minimam panis micam, vel frigidæ guttam accedit, facit ut illa omnibus divitum hujus seculi cupediis immensum præferenda sint. *Pauculum illud, quod justus habet, plus est capiamulorum improborum.* *Pf. xxxv. 16.* II. Ut creature omnes pro scalis ipsa inservire debeant, quibus ad Creatorem enitantur. In omnibus enim adorandas virtutes ipsius tanquam in lucido speculo contemplantur. *Pf. civ. 24.* & in ea meditatione exsultant. *Pf. xcii. 5. 6.* Imprimis in iis Dei erga se amorem cernunt. Quum solem, quum lunam, quum sidera intuentur, tot sibi faces a Patre suo accensas gaudent, ad quas, quæ filiis Dei digna sunt, operentur: neque minus id admirantur, quam si singulis suis sol, suave luna luceret. *Pf. viii. 4. 5.* Nihilque præter decorum faciunt, quando, sui causa mundum adhuc in statu suo manere, sibi que istius rei gratiam ab improbis deberi, opinantur.

Cujus universalis ratio explicatur.

tur. Nam semen sanctum statumen mundi est *Jes. vi. 13.* III. Ut omnes creaturæ, ac universa Dei circa eas gubernatio, *adjumento iis ad bonum sint. Rom. viii. 28.* Quod tam late se extendit, ut & coelestes & infernales Angeli ministerio huic vacare necesse habeant. Coelestes, nonne sunt *πνεύματα λειτουργικά ministerii munere fungentes spiritus, qui ministerii causa mittuntur propter heredes sanctis futuros? Heb. i. 14. Ps. xxxiv. 8. & xci. 11.* Et infernalis ille, arrogantia doctor, nonne colaphis suis Paulum ad humilitatem erudire, invitus & aliud longe agens, coge-  
batur? *2Cor. 12. 7.* IV. Si hic mundus, qui vanitati propter peccatum sub-  
jectus est, iis non sufficiat; ex cineribus hujus intereuntis alium condi-  
turus est Deus, *novum cælum novamque terram fabricaturus, in quibus iusti-  
tia habitet. 2Pet. iiii. 13.* Nihil horum est, quod non includi possit ge-  
nerali illo promisso, de hæreditate mundi.

II. Spi-  
rituale  
Regnum.

XXXII. Alterum hujus testamenti bonum est spirituale REGNUM. *Pacificor vobis regnum. Luc. xxii. 29.* Ad quod etiam abjectissimi cætero-  
quin filiorum Dei, etiam servi ancillæve, vocantur. *Nonne Deus elegit  
pauperes mundi hujus, ut fierent divites fide & heredes regni, quod promisit iis,  
qui ipsum diligunt? Jac. ii. 5.* Huc pertinet. A. Excellentia filiorum  
Dei, qua cæteris omnibus mortalibus præstant. *Prov. xii. 26.* B. Victo-  
ria de peccato & insanis cupiditatibus carnis, quibus ipsi Reges timendi-  
que Tyranni subsunt ac serviunt. *Rom. vi. 14. 18.* C. Conculcatio Dia-  
boli sub pedibus. *Rom. xvi. 20.* D. Triumphus de superato universo  
mundo, quo ringente æternum servabuntur. *1Joh. v. 4.* E. Inæstima-  
biles divitiæ spiritualium donorum *Ps. xlv. 10.* etiam in media pauper-  
tate. *Ap. ii. 9.* F. Sancta animi pax & gaudium per Spiritum Sanctum.  
*Rom. xiv. 17.* Quæ omnia hic inchoantur in gratia, consummanda in  
gloria.

III. Ipse  
Deus.

XXXIII. Tertium Bonum est ipse DEUS *Rom. viii. 17. Heredes Dei.*  
Mutua hic est hæreditas, Fideles sunt portio Dei, & Deus est portio  
ipforum, quemadmodum hæc recipiuntur *Jer. x. 16. Formator om-  
nium est Jacobi portio; vicissim Israël est tribus possessionis ipsius.* In ista Dei  
possessione inveniunt filii ipsius, n. Protectionem contra omne malum  
*Ps. xci. 2. Dico, in Jehova est receptus meus & propugnaculum meum. Qua-  
re? DEUS MEUS est, cui confido. Vid. Ps. xxvii. 1. 2. Jes. xliiii. 2. 3.*  
2. Communicationem omnis boni. *Ps. xxxvi. 8.* Nam α. Tota illa  
infinitas perfectionum, quæ in ipso Deo sunt, gloriosa & admirabilis  
apparebit in filiis Dei iisque ad consummatam beatitudinem se fruen-  
dam dabit. Et quid anima præter infinitum illud desideret? *Ps. lxxiii. 25.* β. Quid non dabit Deus iis, quibus se ipsum dat? *1Cor. iiii. 22. 23.*

Stipulatio-  
nes Testa-  
menti.

XXXIV. STIPULATIONES in hoc Testamento, si illud integrum,  
una cum omnibus promissionibus suis spectetur, proprie dictæ nullæ  
sunt;

sunt; constat enim absolutis & meris promissis, a nulla conditione, quæ ex nostris viribus præstanda sit, suspensis. Itatamen Divina providentia singula disposuit, ut certum ac sapientem inter sese ordinem habeant, ac priorum bonorum, quæ promissa sunt, praxis, viam sternat ad possessionem ulteriorum bonorum. Qua de re hoc eodem libro Cap. I. §. 8. & sequentibus fusius dixi. Quibus nunc addo *Ameſi* verba ex *Coronide ad Collationem Hagienſem*, Art. v. Cap. II. *Tota dispositio testamentariam habet rationem, ut simpliciter consideratur, sive integra, sive secundum partes: sed si beneficia legata inter se compareantur, tum unum ad alterum est quasi conditio.*

in genere,

Specialius,

XXXV. Iisdem ergo libris, quibus comprehensum est testamentum, jussit Deus, ut quisque se promissa hæreditate consolari vult, is I. Scripta Testamentum exhibentia amet, scrutetur, meditetur, fervetque in corde suo, ut non contemnendam hæreditatis suæ partem, *Deut. xxxiii. 4.* imo *supra penum suam. Job. xxiii. 12. Deut. vi. 6.* II. Promissam hæreditatem magni, uti meretur, faciat. *a.* Illam esuriat, fitiatque, nulla re præter hanc contentus. *Mat. v. 6. b.* Cætera omnia præea pro damno & stercoribus ducat. *Pſ. lxxviii. 8.* Sua omnia lubentianimo venditurus, ut eum inæstimabilis pretii unionem nanciscatur. *Mat. xlii. 46. c.* Deum in ista benignitate glorificet. *Pſ. xxxi. 20. d.* Id, quod modo accepit, diligenti cura custodiat. *Ap. ii. 25. & lxxviii. 11. III.* Ita ambulet, uti dignum est conditione sua, & expectatione tantæ hæreditatis. *I Thes. ii. 12. I Job. lxxviii. 3. IV.* Facilis sit ad impertiendum fratribus suis, ea quæ a Patre accepit, tam in corporalibus, quam in spiritualibus. *Rom. xlii. 13. I Thes. ii. 8.* Id operamans, ut & alii secum ad eandem hæreditatem cernendam adducantur. *Act. xxvi. 29.* Nihil enim cuiquam per multitudinem consortium deccedit: imo accedit potius, gaudio ex abundantia amoris plurimum multiplicato.

## CAP. XL.

## De Spiritu Adoptionis.

**H**isce de *Adoptionis* natura, quantum quidem instituti nostri ratio postulabat, expositis, restat, ut quid SPIRITUS ADOPTIONIS sit, non segnius inquiramus. Is autem *Spiritus Sanctus est, ea in electis operans, quæ filius Dei, Deum diligentibus, & a Deo dilectis, consentanea & digna sunt.*

Spiritus  
Adoptionis  
describitur,

II. Differt hic *Spiritus* a *Spiritu Servitutis* in eo, quod Spiritus servitutis Deum repræsentet ut severum Dominum & terribilem judicem; quo fit, ut ii qui ithoc Spiritu agitantur, quatenus ex eo agunt, non nisi cum quodam trepidantis animi horrore, iussa heri sui exsequantur. *Spiritus*

A Spiritu  
Servitutis  
distinguitur.



tus autem Adoptionis Deum animæ fidei ostendat uti blandum ac indulgentem Patrem, eamque de caritate Dei certior faciens, & spem futuræ hæreditatis suaviter fovens, efficit, ut cum alacritate & generosis pietatis filialis emotionibus, Deo ut dilecto Patri lubens obediat.

Omnibus  
omnium  
temporum  
fidelibus  
communis  
est.

III. Porro quum *omnes* omnium temporum *fideles filii Dei* fuerint; conveniens quoque est, uti *omnibus* illis *Spiritum adoptionis*, suo modo ac gradu, indultum dicamus. Valet enim certe omni ævo illud Pauli *Gal. IV. 6. Quoniam filii estis, emisit Deus Spiritum filii sui in corda vestra.* & *Rom. VIII. 9. Quod si quis Spiritum Christi non habet, is non est ejus.* Ex Spiritu regeni sunt, quotquot sunt regeni. *Job. I. 1. 5. 6. 8.* A Spiritu processit fides *Gal. v. 22.* per quam *ἐξορία* acceperunt, ut filii Dei essent. Et si ulla in iis fuerit caritas, iustitia, pax, sanctitas, & similia, sine quibus vera fides non constat, ea non aliunde quam ab hoc Spiritu esse potuerunt. Et quandoquidem is, quem habuerunt, Spiritus talis sine dubio fuit, qualis ipsorum statui conveniebat; ipsi autem fuerunt filii Dei adoptivi: quid obstat, quo minus eum Spiritum Adoptionis nuncupemus?

Huiusque  
non semel  
sub præsc  
fœdere  
mentio fit.

IV. Non semel illius Spiritus, ut fidelibus jam concessi, in præsc fœdere mentio est. Talis erat generosus ille Spiritus in Calebo, per quem factum est, ut plene sequeretur Deum. *Num. XIV. 24.* Talis, de quo Nehemias dicebat *Cap. IX. 20. Spiritum tuum optimum dedisti ad intelligentiam tribuendum iis;* quod de electis Israëlitarum in perversa illa generatione intelligendum est. Talis ille, qui ut sibi daretur, David orabat: *Pf. CXLIII. 10. Spiritus tuus bonus deducat me per terram planam:* & *Pf. LI. 12. 13. 14. Spiritum firmum renova intra me: Spiritum Sanctum tuum ne recipias a me: Spiritu ingenuitatis sustentato me.* Quid multis? Uti Deus præsc Israël dicit: *utique populus meus sunt: filii non mendaciter assumi;* ita etiam *Spiritum Sanctitatis sue posuit in medio ipsorum. Is. LXIII. 8. 11.*

Operatur  
1. Persua  
sionem de  
summa ca  
ritate ado  
pantis.

V. Cæterum operationes huius Spiritus vel *absolute* spectari possunt, vel *relate* ad distinctas seculorum oeconomias. Quæ in filiis Dei *indiscriminatim* operatur Spiritus adoptionis hæc sunt præcipua. Quum Deus jam inde a protoplastorum primo peccato gratiosum fœdus proposuerit, cujus summa *κατηχήσει* veterum omni ævo tradita fuit, ad Spiritus Adoptionis officia pertinebat, mentem fidelium ad cognitionem, meditationem, apprehensionem salvificæ illius gratiæ, excitare & manu ducere; ea quæ externe exponebantur per traditionem oraculorum, quæ Patriarchis & Prophetis facta erant, animo intimare, atque ita gustum quandam Divini amoris, parcius primum, mox uberius, præbere. Hoc modo horror ille pellitur, quem legis tonitrua, & conscientia peccatorum, & iustus vindictæ Divinæ metus, animo ingeneraverant.

11. Obe  
dientiam  
amoris,

VI. Dum hoc facit Spiritus, una eademque opera, mutua redamatione corda filiorum Dei accendit, qua fit, ut non amplius metu peccati, sed

sed puro honesti amore, & liberali erga carissimum Patrem pietate, sponte & alacriter, ut ingenuos filios decet, Deo se dicto audientes præbeant; cum abnegatione propriæ cupiditatis, & enixò studio nihil committendi, quod glorioso isto statu indignum sit.

VII. Interim quoque ostentat Spiritus promissam hæreditatem, in cuius expectatione per verbum & sacramenta, quorum virtutem, quam vocant moralem, virtute hyperphysica & intus operante comitatur, eos confirmat; facitque, ut eam spe præconciant: imò extollit eos quandoque in altum, ut remoto sipario, subductisque cortinis, visenda quodammodo bona illa exhibeat quæ manent eos in coelesti patria; sic ut læti exultantesque *gloriantur in spe gloria Dei. Rom. v. 2.*

III. Expectationem hæreditatis.

VIII. Tria hæc adoptionem sua sponte sequuntur. I. Persuasio de summa caritate adoptantis. II. Obedientia amoris, componens se ad leges familiæ, in quam quis adscitus est, & ad mores nutumque novi parentis. III. Expectatio hæreditatis. Spiritus ergo hæc in electis operans, merito Spiritus adoptionis dicitur.

Quæ Adoptionem singula sequuntur.

IX. Cuncta illa, gradus tamen terminosque pro temporum ratione sapienter statuente Deo, in priscis etiam fidelibus fuerunt. Exultavit anima ipsorum in Domino, *Pf. iv. 8. Deliciati sunt in fide, spe, & sensu, gustuque Divini amoris Pf. xxxi. 8. li. 14. xxxvi. 8. 9. 10. Pf. lxiii. 6. וְהָיָה כְּמִלְכּוּת דֵּי אֱלֹהִים familiare Dei commercium erat in tentoriis ipsorum Job. xxix. 4.* Ipsi etiam amabant Deum ut Patrem suum *Pf. xviii. 2. cxvi. 1. & ex amore ei obediebant, Pf. cxix. 10. cum lubentia & lætitia in præceptis ejus, ibidem v. 14. 16. Pf. xix. 9. 11. Consolabantur se in adversis, expectatione non fallaci beatæ hæreditatis Pf. xvi. 15. quam, licet e longinquo, contemplandam tamen, & in initiis suis prægustandam, iis dabat Deus. Pf. xxxi. 20. Quæ omnia quum adoptionem consequantur, & Spiritui accepta referri debeant, Spiritus Adoptionis nequaquam ita privum Novi Testamenti bonum statuendus est, ut eum Veteri Testamento derogemus, ipso Paulo nostro disertim docente, eundem Spiritum fidei, per quem nos loquimur (qui utique Spiritus Adoptionis est) in Patribus quoque fuisse. 2Cor. iv. 13.*

Et in priscis etiam fidelibus fuerunt.

X. Neque tamen negandum est, operationes illas Spiritus ingenuitatis fuisse rariores olim & parciore multo quam postea, plurimoque terrore mistas. Vigebat tunc oeconomia legalis. Fœdus Gratiæ uti obfusius, multaque ænigmatum ambage, proponebatur, ita etiam conscientię tanta claritate demonstrationis non intimabatur: interea quoque exigebatur Chiro-graphum, quotidiano victimarum sanguine, quasi totidem subscriptionibus, renovandum; accendebatur meliorum promissionum fitis, nondum tamen sedanda; quibus rebus operationes illæ ingenuæ Spiritus ita obfuscabantur in plerisque, ut, comparatione fa-

Parciore tamen & plurimò terrore mista.

Ita ut  
Spiritus in  
V. T. ne-  
quidem  
existisse  
dicatur.

sta ad lætam N. T. ubertatem, Spiritus sub Veteri ne quidem existisse dicatur *Joh. viii. 39.* Quod non tam restrictè intelligimus, ut sola illa extraordinaria Spiritus dona, die Pentecostis in Apostolos effusa, hic designari existimemus. Promittitur enim aliquid, quod omnibus in Christum credentibus commune est, quodque ante glorificationem non fuisse dicitur. Quid autem illud est? Plena & illustris Spiritus exhibitio, quam Christus ad solemnem regni sui possessionem distulit, quæque in donis istis visibilibus tanquam in speculis apparuit, sed & ad gratiosos adoptionis fructus extendenda est: uti bene ad hunc locum Calvinus observavit.

Et Novo  
demum  
promittitur.

XI. Et sane sæpius videmus in Scripturis, Spiritum sanctum ita Novo Testamento promitti, quasi in Veteri non fuerit. *Jes. xxxv. 6. 7. xliv. 3. Ezech. xxxiv. 26. 27. Joël. ii. 28. Zach. xiv. 8.* coll. cum *Ezech. xlvii. 1.* — Quæ omnia ad tempus regni Messiae, jam patefacti in mundo, pertinent. Huc etiam referendum est, quod Johannes Baptista de Christo dixit, *Mat. iii. 11. Eum baptizaturum filios Abrahami Spiritu Sancto & igne.* Quum enim non Apostolis hæc dicat Baptista, sed confluentibus ad ipsum Judæis, non videtur duntaxat notari miraculosa illa donorum Sp. Sancti in Apostolos effusio, quam ipse quoque Dominus *baptismum* vocat; *Act. 1. 3.* sed & sanctificans illa gratia Spiritus, habentis & exerentis vim igneam in cordibus fidelium, penetrando, illuminando, accendendo, purgando, separando heterogenea ab homogeneis, elevando, & objectum accensum suo igne in se transformando. Et omnino cum hoc loco conferendum esse videtur Jesaiæ dictum, *Cap. 14. 4. Fore, ut Dominus abluit sordes filiarum Zionis, & sanguines Jerusalem lavet, Spiritu judicii יְרוּשָׁלַם בְּרוּחַ דִּיכָרָה & Spiritu combustionis.* Accedit, quod ipsum illud extraordinarium, quod in Apostolis factum est, primitias & arrhabonem impletionis generalium promissionum de Spiritu contineret: uti ex applicatione vaticinii Joëlitici, & explicatione Petri *Act. 11. 38. 39.* constat. Bene ergo Chrysostomus notat, *Homilia xi.* Johannem hæc phrasi significasse τὸ δαψιλίς, καὶ τὸ σφοδρὸν, καὶ ἀκατάλειπτον χάριτος, *ubertatem & vehementiam gratiae, nulla vi majore coercendam.*

Qui  
etiam am-  
plior ejus  
mensura  
indulta.

XII. Hæc uti promissa, ita etiam impleta sunt sub Novo Testamento. Clariorem intelligentiam foederis gratiæ, majorem Divini amoris sensum, lætorem regni Dei libertatem, *παρρησίαν* confidentiorem, consolationes uberiores, firmiorem *πεποίθησιν*, sanctitatem magis spirituales, & quis omnia fando enumeret? tunc operatus est Spiritus Dei: iuxta comparatione facta heroum cum heroibus, & gregariorum fidelium cum sui similibus: juxta prophetiam *Zach. xii. 8.* vide *Tis. 111. 5. 6.*

Et initio  
quidem

XIII. Observandum interim est, in initio N. T. Deum non paullo liberalius cum fidelibus egisse, quam sæpe postea, Certe magnificentius  
nihil

nihil dici potest iis, quæ de se, cæterisque sui temporis fidelibus, Paulus sæpenumero prædicavit. Nam *consolationem* & animi tranquillitatem quod attinet, quid excellentius esse potest, quam quod Philippensibus pollicetur, *pacem ὑπερέχουσιν πάντα νῦν. Phil. 1v. 7.* Cui consonum est quod Petrus scribit, diligentes Christum & credentes in eum *exultare χαρᾷ ἀνεκλαλήτῳ καὶ δεδοξασμένῳ. 1 Pet. i. 8.* Et illud Johannis itidem, quod *perfecta charitas*, qualis gignitur per Evangelium, *excludat omnem metum foras. 1 Job. 1v. 18.* Profecto in tam alta tamque tranquilla pace, ac tam incredibili prope gaudio, æstui, trepidationi, formidini, nullus plane locus esse posse videtur.

major  
quam  
nunc.  
I. Quoad  
consola-  
tionem.

XIV. Ad *sanctimoniam* quod spectat, tam præclara de ea testatur Apostolus, ut nostri seculi captum plurimum transcendere censi queant: quando ita se cum Christo crucifixū narrat, ut ipse non amplius vivat, sed in ipso Christus, quasi ipsius spiritus ac vita, uti inferioris ordinis, absorptus fuerit eminentiore spiritu ac vita Christi, ut stellas omnes præstinguit æthereus sol; totaque illa, quam vivebat, vita ex alio principio non manarit, quam ex fide & caritate filii Dei. *Gal. 11. 20.* Adde, quod se despiciere prædicat ea omnia, quæ cæteri mortales impense æstiment, unum Christum magnificare, & obliviscentem ea, quæ a tergo sunt, magnis passibus ac velocissimo cursu ad perfectionem contendere. *Phil. 111. 7. 8. 14.* Quis nostrum ad hæc tanta se vix eminus aspirare incicias iverit.

II. Quoad  
sanctimo-  
niam.

XV. *Spem & fiduciam* incredibilem futuræ hæreditatis ubique præ se tulit. Et fiduciam certe tam magnificis verbis descripsit, sub finem *Cap. viii.* Epistolæ ad Romanos, nihil ut magis emphaticum excogitari queat. Legatur attente animosa illa in Domino gloriatio, quæ immensam spiritus generoso pectori inhabitantis copiam, & caritatis Dei in corde accensæ rutilantes flammæ, mira verborum pompa celebrat. Spem etiam luculenter ostentat *2 Cor. v. 1. 2. 2 Tim. 1v. 8. Phil. 1. 23.* per quam tantum abest, ut mortem reformidaverit, ad cujus mentionem plerique horrent, ut contra passis eam ulnis amplexatus fuerit, desideraverit, que dissolvi, quo plenius Christo frui posset.

III. Quo-  
ad spem &  
fiduciam.

XVI. Profecto si quis hanc verborum magnificentiam contulerit cum iis, quæ hodie in fidelibus observantur, cogetur fateri, immenso eos intervallo ab eminentia illa abesse; adeo tenuia, macra & evanida sunt præ eximiis illis, quæ in Apostolo cum stupore admiramur. Scilicet Spiritus spirat, uti, ubi, quando, & quantum vult. Non est nostrum ei terminos præscribere. In primordio Evangelii ostendit Deus, quid possit, & quid iterum velit facere, quando reducet quasi vitam ex mortuis. *Rom. xi. 15. ἡ ἐξ ἐχ' ἡ ἐξ ἐχ' ὡς Φύλ' ἡ λίσ.*

Deo pro  
libertate  
sua cuncta  
dispensan-  
te.

XVII. Spiritui huic *divino* potissimum *effecta* attribuit Apostolus, *Rom.*

Speciali-  
ora Spich-

us efficitur VII. 15. 16, quorum prius est, quod faciat *clamare Abba pater*; alterum quod *una cum Spiritu nostro testificetur, nos esse filios Dei*: quæ duo quum præstantissimam contineant consolationem, non absereit ea, quanta possumus accurate, explicare.

Facit ut loquamur,

XVIII. Ubi quæ Spiritus Sanctus est, ibi otiosus non est, ibi cor *רדש דבר טוב*, *ebullit sermonem bonum. Ps. XLV. 2.* Spiritus est mysticum illud mustum, quod *facundas facit virgines, Zach. IX. 17.* efficitque ut loquantur labia dormientium. *Cant. VII. 9.* Qui spiritum fidei habent, quemadmodum credunt, ita etiam loquuntur. *2 Cor. IV. 13.*

Imo clamemus,

XIX. Nec loquuntur tantum, mussitantes ut engastrimuthi, aut vix audentes, quod menti conceperunt, profari, ut illi, quorum tremulam linguam coërcet metus; sed clara voce confidenter *proclamant*. Neque enim frustra est, quod Apostolus & hic & ad *Galatas IV. 6.* *clamoris* vocabulo utatur. Notat id *παρηγοριαν* illam, omnia dicendi facultatem animumque, cum qua accedere ad thronum gratiæ jubemur. *Heb. IV. 16.*

Abba Pater.

XX. Quid autem potissimum clamare docet? *Ἀββᾶ ὁ πατήρ*. Non licuit olim servis aut ancillis Dominos suos Patris nomine compellare: uti ex jure Hebræorum ostendit Doctissimus *Seldenus de successionibus Cap. IV.* Licet autem id servis & ancillis Dei; tam sub Veteri quam sub Novo Testamento: uti supra ex *Jes. LXIII. 16.* *Job XXXIV. 36.* quibus nunc addo *Jes. LXIV. 8.* & *Jer. I. 4.* demonstravimus. Quando Christus Discipulos suos jubebat orare, *Pater noster, qui es in calis*, phrasi Judæis notissima & communissima usus est. Ita *Maimonides*, in *Tephilloth* *אבני שבשמים*, *Pater noster, qui es in calis, sic nobiscum agas, sicut promissisti per Prophetas.*

Geminationis illius emphasis.

XXI. Neque emphasi sua caret illa ingeminatio vocabulorum. *Abba Pater*, quæ & hic & in Epistola ad *Galatas* exstat. Prior vox quum Hebraica origine, altera Græca sit, nonne voluisset nos docere Apostolus, a cujuscunque gentis fidelibus, quacunque lingua, spiritu hoc suggerente, Deum nunc Patrem vocari? Alia enim ratio hujus ingeminatiois heic esse videtur, alia apud Marcum *Cap. XIII. 36.* Ubi summa precum Christi narratur, & posterius a Marco additum credi potest, ut *ἐξηγήσατο* prioris. Quippe Christus Græce locutus non est, quemadmodum Paulus Græce scripsit. Digna memoratu clarissimi *Lichtfooti* observatio est ad *Mar. XIV. 36.* quod *אבי* patrem quidem naturalem denotet, sed & simul patrem civilem, Seniore, Dominum, Doctorem, Magistratum: verum *אבא Abba*, Patrem solum naturalem, aut adoptantem. Ad cujus rei probationem longam exemplorum inductionem adhibet. Sic ergo Christus Deum *Abba* vocat, sensu validissimo. Sed & fideles pariter, pro sua conditione,

XXII. Nisi malimus dicere, geminationem hanc blandæ & familiaris appellationis indicium esse. Etenim *ἄπα* quod non multum abludit ab *Abba*, ne Græcis quidem eo sensu incognitum fuit. Sane apud *Gallimachum*, *Hymno in Dianam*, inducitur *Diana* tanquam virguncula in Jovis Patris sinu ulnisque ludens, & Jovem *ὑποκοριστικῶς* familiariter & blande *ἄπα* vocans. Inde & *Abare*, quod apud *Ausonium* exstat pro *ἀδελφεῖν*, blande compellare quomodo frater fratrem solet. Vide sodes quæ huc spectantia erudite congeffit *Ludovicus Capellus in Spicilio ad Mar. XIII. 36*,

XXIII. Nec consistit hæc appellatio in nudis verbis, quasi labiis solum Deo blandiremur. Sed supponens adoptionis veritatem, innuit fidem illius & *πληροφορίαν* in corde. Eamque profitentes honoramus Deum, celebrantes gloriam gratiæ ejus, qua nos indignissimos mortalium ad tantum honoris fastigium evehit. Profitemur etiam, nos in fide ab eo petere & expectare, quæ filios a benignissimo Patre expectare par est. Simulque eum Patrem appellando, obligamus nos ad obedientiam, reverentiam, amorem tanto Patre dignum. Idcirco quando Apostolus dicit, nos per Spiritum *Abba Pater* clamare, eo ipso docet Spiritum hunc fidei *παρηγησίας*, confessionis, Pietatis, & ingenuæ obedientiæ auctorem esse.

XXIV. Verum alter nunc Spiritus effectus pensandus est, quem in eo constituit Apostolus, ut attestetur una cum Spiritu nostro, nos esse filios Dei. binos heic testes habemus, conspirantes in unum testimonium. Alter inferioris ordinis est, *spiritus noster*; supremi alter, *spiritus Adoptionis*, qui filii Dei est. *Gal. IV. 6*. Uterque hujus rei probe potest esse gnarus, sed suo quisque modo, gradu, ordine.

XXV. Per *spiritum nostrum* intelligitur cujusque fidelis animus, & conscientia, per quam fit, ut earum sibi rerum, quæ intus in corde suo geruntur, conscius sit. Hoc sensu dicebat Apostolus, *quis hominum novit quæ hominis sunt, nisi Spiritus hominis, qui in ipso est?* *1 Cor. II. 11*. Alias vocatur *cor hominis eum damnans vel absolvens*. *1 Joh. III. 20, 21*. vel *συρισθῆναι* *συμμετρῶσα* conscientia una testificans, & cogitationes vicissim sese accusantes vel excusantes. *Rom. II. 15*.

XXVI. Testimonium hujus Spiritus nostri consistit in exacta status nostri repræsentatione per certa gnorismata, & *πληροφορία* fidei, quam sequitur tranquillitas animi securissima, & gaudium inenarrabile. Quum enim Spiritus, qui testatur, & homo, cui id testatur, re ipsa unum sint, aliud testimonium hic fingi non debet, quam animi sibi de felicitate sua non fallacibus indicibus conscii securitas. Ita Apostolus noster, quum dicere vellet, perprobe se scire, quod in sinceritate loqueretur, ait *testari*

Appellatio hæc non in nudis verbis consistit, sed in fidei *πληροφορία*

Attestatur etiam cum Spiritu nostro.

Id est nostra conscientia,

Repræsentante nobis statum nostrum.

Ad quod  
Spiritus  
nostri te-  
stimonium  
requiritur

*testari sibi conscientiam suam. Rom. IX. 1. Cujus testimonium non potest esse aliud, quam representatio veritatis bene perspectæ.*

XXVII. Multum enim vero requiritur, ut testimonium hoc, quod de maximi momenti negotio perhibetur, solidum & ἀξιόπιστον sit. Ad duo vero præprimis attendendum. *Primo* necesse est, ut Spiritus noster ex verbo Dei accurate informatus sit de gnorismatis, ex quibus quis Filius Dei sit dignosci queat. Solum Dei verbum est argentum defæcatum & purgatum septies. Juxta hunc canonem in rebus ad salutem spectantibus sentiendum & loquendum est. Omnia Spiritus nostri dictata ad eum exigenda, neque quicquam in salutis negotio ut fide dignum admittere fas est, quod non cum eo exactissime conspiret. *Tum* accedere debet diligentissimum nostri scrutinium, an ea, quæ Deus uti filiorum suorum gnorismata in Scriptura proponit, in nobis quoque reperiantur.

II. Cogni-  
tio signo-  
rum.  
III. Nostri  
scruti-  
nium,

Gnoris-  
mata fili-  
orum Dei,  
sunt

XXVIII. Gnorismata filiorum Dei duum generum sunt. *Primo* boni quidam habitus animæ, & æquabilis piæ vitæ tenor; *dein* singulares Dei erga Dilectos suos actiones, quibus eos solos dignatur, quos pater-  
no prosequitur amore.

I. Confor-  
mitas cum  
Deo

XXIX. Ad prioris generis gnorismata hæc pertinent. I. Impressio & expressio Divinæ imaginis, & sancta cum Patre & Primogenito Fratre nostro conformitas. Quid enim magis naturale est, quam ut filius patrem suum referat, & frater fratri similis sit? Sicut ergo naturalis Dei Filius est *effulgentia gloria Patris, Heb. 1. 3.* ita & nos nostro ordine ac modo id esse par est. uti Adamus corruptus *filius genuit ad imaginem suam, ad similitudinem suam, Gen. v. 3.* Ita & Deus filios gignens, format eos ad suum instar, *ad justitiam & sanctimoniam veram. Eph. 1 v. 24.* Atque hæc quidem similitudo Dei familiari cum ipso consortio paulatim perficitur: donec eam adoptionem nacti, de qua Apostolus, *Rom. VIII. 23.* perfecte similes ei futuri sumus. *1 Joh. 1 II. 2.*

II. Vita  
Deo digna

XXX. II. Nova vita, quæ Deo digna sit, & effectum Spiritus Adoptionis, qui *Spiritus vitæ* est. *Rom. VI II. 2.* Qualis creaturarum est spiritus, talis quoque earum est vita. Homo naturalis non habet nobiliorem spiritum, neque præstantius vitæ principium, sua anima: unde & vita ipsius non nisi animalis est. Filii autem Dei, quum præditi sint *Spiritu illo ingenuitatis Ps. LI. 14.* qui idem *Spiritus Christi* est, *Gal. IV. 6.* talem suo modo vitam vivunt, qualem vixit olim Christus: ejus exemplum & exemplar pro viribus æmulantes: ut & in ipsos aliquo modo quadret, quod de se sensu longe augustiore Christus prædicabat; *Non potest Filius a semet ipso operari, nisi viderit Patrem operantem: quacun- que enim ille facit, hæc etiam Filius pariter facit. Job. V. 19.* Egrege Paulus *Eph. V. 1. Esete imitatores Dei, ut filii dilecti.*

XXXI. III. Verus ac sincerus Dei amor. Hoc ipsa natura docet, III. Dei  
Amor. Quis enim genuinus filius patrem suum non amat? Est hæc non scripta, sed nata lex. Oritur autem iste amor, partim ex consideratione amabilissimarum Dei virtutum, ad quarum familiarem contemplationem filii ejus admittuntur, *Regem in pulchritudine sua videntes, Jes. xxxiii. 17. Ps. lxi. 3.* partim ex percussis Divinæ erga eos caritatis radiis, quibus fieri non potest, quin inflammentur. *Job. iv. 19.* Caritatem hanc quotiescunque attenta mente pensitant, angustiores universam animæ suæ capedinem esse opinantur, quam ut debitæ redemptioni sufficiat.

XXXII. IV. Reverentia & obedientia filialis. *Mal. i. 6. 1 Pet. i. 17.* IV. Reverentia &  
obedientia. Sequitur ea ex isto, de quo mox locuti sumus, amore. Amor iste vetat quicquam facere, quod ingratum sit Deo, cujus si honorem ab alio quopiam imminui cernat, vix patitur animum suæ spontis esse. *Ps. xlii. 4. 11.* Exadverso ad omnia pietatis officia promptum paratumque sistit. *Job. xiv. 21.* Non sinit hominem quietum esse, si forte maleconsulto facto Deum irritaverit, ac faciem ejus, non uti olim, comem blandamque videat. Impellit eum denique, ut, ad pedes Patris sui cœlestis venerabundus procidens, cum dolore ac lacrumis, delictorum suorum veniam petat, & accuratorem impofterum observantiam polliceatur, *Luc. vii. 38.*

XXXIII. V. *φιλadelphία* minime fucata, qua omnes eos prosequitur, in quibus Dei imaginem, & ejusdem secum gratiæ participationem animadvertit. Uti naturalis ille Josephi erga fratrem suum Benjaminem affectus luculentissimis se patefaciebat indicis; *Gen. xlv. 14. 15.* ita etiam, dum cætera sæpe gnorismata in occulto latent, fraterna ista caritas hæsitanti animæ status sui indicium exhibet. *1 Job. i. 14.* Neque fieri potest, ut amor fratrum ab amore Dei sejungatur. Qui amat prototypum, amabit etiam ectypum. Qui amat Deum, eum quoque amabit, qui Dei est, & in quo virtutes Dei cernit, & quem a Deo amari credit. *1 Job. iv. 20.* Hæc explorata habere spiritus noster debet, antequam quicquam de beato statu nostro testari queat. Tum etiam scire debet, hæc omnia cunctis Dei filiis, & iis quidem solis Inesse: quippe Spiritus regenerantis effecta.

XXXIV. Sed præterea sunt speciales aliqui Divini amoris actus, quibus solos filios suos dignatur. *Bonus quidem Deus est erga omnes, & miserationes ejus sunt super universa opera sua Ps. cxlv. 9.* Accedunt speciales quidam actus Divini erga eos amoris. Verum singularem quandam & eximiam bonitatem electis suis reservat; de qua Psaltes *Ps. lxxi. 1. Sane bonus Israël Deus est, iis qui mundi corde sunt.* Huc pertinet, quod eos Spiritu nonnunquam suo velut in sublime raptos luce sua supercœlesti circumspendeat, facient suam candidissima caritate ooru-



scantem visendam præbeat, osculetur eos osculo oris sui, admittat ad amabilissimam secum mystici amoris reciprocationem, & effundens abunde caritatem suam in corda ipsorum, potest eos torrentibus rivis mellis & butyri, idque sæpe in maxima æstuantis & nihil tale sibi pollicentis animæ ariditate; & quæ plura arcani hujus cum Coelesti Patre nostro commercii secreta sunt; quæ vident, gustant, sentiunt aliquando fideles, sed quæ nullus scholastici exercitii stilus, uti merentur, exponat. Neque harum rerum inexpertum esse par est spiritum hominis, qui ad testimonium de statu ipsius perhibendum admittetur. Licet enim hæc non omnibus Dei filiis, neque semper, imo ne frequenter quidem contingant, ii tamen, quibus unquam contigerunt, certe filii Dei sunt.

Ad gnorismata hæc examinare nos spiritus noster debet.

XXXV. Postquam de omnibus hisce non perfunctorie condocesatus est spiritus noster, oportet ut accuratum porro nostri scrutinium instituat, & quasi sub oculis cuncta cernentis Dei, sine simulatione vel dissimulatione, omnia sollicitè exploret; attendens an ea, quæ gnorismata filiorum Dei esse diximus, in nobis comperiantur: item, an acciderit aliquando, ut in precibus, aliisve devotionis exercitiis, singularem benignissimi Numinis favorem, excitantem, inflammantem, consolantem, coelum versus evehentem torpentia cæteroquin corda nostra, experti simus. Quod ubi evidentibus indiciis compertum habet spiritus noster, tum fidenter testatur, nos filios Dei esse, repræsentat illam veritatem menti, tacitque, ut ejus nobis conscii simus, & dicere queamus, *ה' אלהים כי ירעתי ה' : hoc scio, Deum meum, vel, mecum, esse, Ps. LVI. 10.*

Cui testimonio Dei vini spiritus testimonium accedit.

XXXVI. Hæc quidem ingenti solatio filiis Dei sunt. Verum, quum & Scriptura & Experientia Magistra norint, fraudulentum esse cor nostrum, & a sapientissimo Regum moniti sunt, *factum esse eum, qui propriæ cordi confidit, Proverb. xxviii. 26.* quumque in nulla re minus decipi velint, quam in hac, qua momentosior dari nequit; tunc demum planè acquiescunt, quando *ad testimonium proprii spiritus accedit testimonium Spiritus Dei.* Hoc illud erat, quod David tam accuratis precibus a Deo contendebat. *Pf. xxxv. 3. Dic anima mea, salus tua ego sum.*

Ejus ratio explicatur.

XXXVII. Testimonium illud his præcipue modis datur. *Primo* facit Dei Spiritus, ut sancti illi habitus, quos filiorum Dei gnorismata esse diximus, & qui alias sæpe multa caligine involuti, multo situ tecti sunt, luculenter in ipsorum anima splendeant, ipsique sese mentis, se ipsam scrutantis, contemplationi quasi sua sponte objiciant. *Tum* etiam spiritum nostrum, cæteroquin languentem, ad diligentem eorum. quæ animæ nostræ insunt, atque in ea & ab ea geruntur, observationem excitat, oculos mentis supercoelesti luce irradiat, ne per speciosa

ciosa magis quam solida fallamur, neve ea prætervideamus, ex quorum animadversione consolatio nostra pendet. *Accedit* internus quidam, nulloque humano sermone explicandus, instinctus, immediate dilectos Dei adoptionis suæ certiores reddens, non minus quam si in tertium subvecti coelum: ex ipsius Dei ore, sonoro aliquo oraculo, id accepissent, uti Apostoli quondam *in sacro monte vocem audiebant ex magnifica illa gloria* 2 Pet. I. 17. Denique quum nullum testimonium validius sit eo, quod ipsis factis comprobatur, iis quoque non sinit se *quæpræcipue* Dei Spiritus, ciens in fidelibus generosos motus, dulcissimosque raptus, & demulcens eos tam suavibus; tam blandis, omnemque adeo mentem superantibus consolationibus, ut non possint eas aliter quam totidem adoptionis suæ testimonia considerare.

XXXVIII. Neque metuendi causa est, ne filii Dei imponi heic sibi patiantur, & pro testimonio Spiritus Sancti admittant, quod mendacium ac mera illusio deceptoris spiritus est. Est enim in hac voce Spiritus Dei, tanta claritas, tanta majestas, efficacia tanta, qua ima & intima cordis virtute insuperabili penetrat, ut ii, qui voci illi assueverunt, facili eam negotio ab aliis omnibus discriminant. *Mundus utique hunc Spiritum recipere non potest, non vidit eum, neque novit eum.* Job. XIV. 17. Sed *ovæ Christi norunt vocem Pastoris sui.* Job. X. 4. Et quam primum non tam in auribus quam cordibus ipsorum tinnit, lætabundi ei occinunt: *Hæc est vox dilecti mei, ecce, advenit.* Cant. II. 8. Uti quondam in apparitionibus extraordinariis tam luculentis indiciis majestatem suam sacris vatibus asserebat Deus, ut nulla dubitandi ratio superesset, ita etiam Consolator Spiritus tam candida lucē mentes electorum perfundit, ut facile eum a spiritu tenebrarum distinguant. Verum hæc disci non possunt nisi experiundo, quemadmodum nemini proprius cujusque vocis sonus innotescere potest nisi audiendō.

Notas  
Divinica-  
tis suæ in  
se habet.

XXXIX. Non solet autem Spiritus Dei tam jucundo Evangelio electos oblectare, nisi corda prius proluxa peccatorum suorum agnitione, & profundō miseræ sensu contrita sint. *Is.* LXI. 1. 3. & *LVI.* 15. 18. Præcedit plerumque ventus vehemens, perfringens montes & perumpens petras ante Jehovah, & terræ motus, & ignis, antequam ex placido silentio blandissimæ vocis susurrus audiatur. *1 Reg.* XIX. 12. Non infunditur hoc opobalsamum nisi fracto cordi. *Pf.* LI. 10.

Non solet  
consolari  
nisi corda  
primum  
contrita.

XL. Nunquam etiam dulcissimo Spiritus alloquio electorum animi recreantur, quin simul inflammentur amore Dei, & excitentur ad intentum accuratæ pietatis studium. Idem Spiritus qui consolator est eodem quoque actu est Sanctificator. *Pf.* LI. 14. 15. Neque potest evenire aliter. Quando anima de immensa Dei erga se caritate ipso Spiritu auctore certior fit, exardescit redamatione mutua, erumpensque in effu-

Non mi-  
nus sancti-  
ficat quam  
oblectat.

las gratiarum actiones, mene, inquit, Domine, tam eximio, tam immérito honore decorasti, ut filii loco habeas; id nunc familiariter ipse mihi declaras, amorem tuum in cor meum effundendo per Spiritum Sanctum, quem dedisti mihi: & ego te non vicissim omnibus viribus meis amem, colam, observem, obediam! Utinam omnium rerum vacua sim, ut solo tui amore replear! Atque hoc indubium Sancti Spiritus indicium est, si homo lætificatus animo, simul in caritate erga Deum ardentior, & ad cultum Dei alacrior reddatur. Non hoc, sed alia omnia fallacibus blanditiis suis spiritus carnis & inferorum intendit.

Conclusio.

XLI. Atque hæc quidem balbutiendo de mystica hac materia, quæ medulla interioris Christianismi est, protulimus; quæ ut ipse sacer Spiritus intus Naziræos suos doceat, & audientia, videnda, gustanda præbeat, calidis contendimus votis. Ita sit Domine Jesu! AMEN.

### C A P. XII.

#### De Sanctificatione.

Sanctitas  
decus est  
Filiorum  
Dei.

L **E** Lectos, regenitos, adoptivos Dei Filios, GENTEM SANCTAM esse, magnificis verbis Petrus Apostolus prædicavit 1. *Epiſt.* 11. 9. Quæ quidem Sanctitas, quum eximium domus Dei decus sit, *Ps.* xciii. 5. indicta nobis præteriri non debet. Præsertim, quum Deum Sanctificatorem Israëlitis sui esse, non postremum locum in promissis fœderis gratiæ obtineat.

Cujus  
natura ex  
vocibus  
Spiritui S.  
usurpatis  
disci debet.

II. Illius autem Sanctificationis natura, ut feliciter a nobis explicetur, non tam etymologia & significatio Latini vocabuli, quam Hebræi, *קדוש*, & Græcorum, *ἁγιότης*, *ἁγιασμός*, *ἁγιασμός*, & conjugatarum vocum, quarum creberrimus apud sacros scriptores usus est, considerandæ veniunt. Utileque erit, ut primum, quid Sanctitas, tum quid Sanctificatio sit, pressius inquiremus.

Sancti  
dicuntur  
electi. 1.  
Quia se-  
parati sunt  
a profanis  
mundi  
gentibus.

III. Sanctum in Scriptura dicitur *primo*, quod a promiscuo ac civili usu, & maxime omnium a profanitate, semotum est. Eo etiam sensu sancti vocantur electi: separati quippe a profanis hujus mundi gentibus. *Levit.* xx. 26. *Sed eritis mihi sancti, quia discevi vos a reliquis populis, assistitis mei.* 2 *Cor.* vi. 17. *Quapropter exite e medio eorum, & separamini, dicit Dominus, & impurum ne attingite, tum ego excipiam vos.* Non minus de mystico, quam de externo Israël verum est, eum peculiarem populum esse, *cujus jura diversa sunt a jure omnium populorum.* *Esth.* 111. 8.

Bileam  
de Israël  
testimo-  
nium.

IV. Pulcre de eo cecinit Bileam *Num.* xxi. 13. *En populus, qui solus habitat, & reliquis gentibus se non annumerat, Populus dicitur Israël, I. Ob immensam istam hominum multitudinem. 2. Quis numeret pulverem Jacobi? & quis numerum? quis quartam partem Israëlitis? II. Ob sacra ista, quibus hæc multitudo colligata erat, vincula. Non erat promiscua mor-*

aliqui confluges, sed multitudo habens *πολίτευμα*, unita foedere, recta bonis legibus, habens jus & hæreditatem: & pro capite suo ipsum Deum. Ita Petrus I. *Epist.* I. 10. *οἱ πότε ἡ λαὸς, νῦν δ' ἡ λαὸς Θεοῦ. Qui aliquando eratis non populus, nunc autem populus Dei.* Hoc enim significat *ἔθνος*, *λαὸς* populus, quando in emphasi sua usurpatur, & distinguitur a *ἔθνεσιν*, Gentibus. Et *ἔθνος* *αὐτῶν*, non populus Deum. xxxi. 21. notat multitudinem talibus privilegiis destitutam. De hoc populo testatur Bileam, quod solus, vel seorsum habites, & gentibus se non annumeret. Separatus enim est a toto mundo; lege, moribus, institutis, plurimum ab aliis discretus. Tacitus *Histo. Lib. v. Moses, quo sibi in posterum gentem firmaret, novos ritus, contrariosque cæteris mortalibus indidit. Profana illic omnia, quæ apud nos sacra. Rursum concessa apud illos, quæ nobis incesta.*

V. Quæ Judaici populi separatio, in quantum per Cerimonialia fiebat instituta, Sanctitatem constituēbat Cerimonialem; sed in quantum etiam excellentiâ Legum, quæ moralia præscribunt officia, cæteris multum antestabant nationibus, eatenus omnium seculorum piis communis est. Hinc & Ecclesia Novi Testamenti vocatur *grex possessionis Domini, qui solitarie habitat. Mich. vii. 14.* Et de suis dicit Christus, quod quidem in mundo sint, non tamen ex mundo, quippe ex quo elegit eos. *Joh. xv. 19. eximens illos ex presenti seculo malo, secundum voluntatem Dei & Patris nostri. Gal. i. 4.* Huc pertinet Pauli admonitio *Rom. Μη συσχηματίζετε τὸ αἶμα τῆς γῆς. Ne vos configuret seculo isti.*

VI. Atque hæc est illa, laudata quibusdam, pietatis singularitas. Quæ non consistit in externis *ἰδελοῖς περισσοῦς θεσηκσίας καὶ σκληραγωγίας* minutis, quales fere Phariseorum apud Judæos, & Ascetarum olim apud Christianos Veteres erant: de quibus videri potest *Casaubonus, in Exerc. ad Baron Exerc. i. Num. ix.* quale vitæ institutum Epiphanius significanter nuncupavit *ἰδελοακρέτητα δικαιοσύνης*, sed in vitiatione vitiorum sæculi, qualia sunt fastus, ebrietas, luxuria, & omne genus vanitates. *i. Pet. iv. 3. Sufficit enim vobis præterito vitæ tempore, quæ libent gentibus perpetrasse, incedendo in lasciviis, cupiditatibus, vinolentiis, comestationibus, comotationibus, & nefariis simulacrorum cultibus. Eph. v. 7. Ne estote consortes eorum. & v. 11. Ne participetis opera illa infrugifera tenebrarum. Tertullianus in Apologetico: Nihil nobis diῖον, visu, vel auditu, cum insania circi, cum impudicitia theatri, cum atrocitate arena, cum Xysti vanitate: spectaculis non convenimus. II. In opinionibus & sententiis longe a vulgi judicio diffitis: hoc enim innuit Paulus in sequentibus, sed transformate vos per renovationem mentis vestra, ad hoc ut probetis quæ sit voluntas Dei.* Per vulgus autem intelligo non plebem tantum, de qua Tacitus: *Plebinon judicium, non veritas*; sed & eos, qui admodum in seculo, tam sibi, quam aliis, sapere videntur: quibus plerumque sua Deus arcana occultit, quæ palam facit

Quod quoad Cerimonialia quidem solum concernit Israël. sed quoad excellentiam Legis moralis omnibus piis commune est. In quo consistat vera pietatis singularitas.

facit puerulis. *Mat. xi. 25.* III. In voluntate & affectibus. *1. Pet. i. 14.* Non configurantes vos pristinis, quæ in ignorantia vestra vixerunt, cupiditatibus. IV. In tam generosæ virtutis exercitio, quæ captum viresque cæterorum immensum superet mortalium. *Phil. ii. 15.* Ut sitis irreprehensibiles & simplices, filii Dei inculpati, in medio gentis prava & perversa: in quibus luceatis ut faces in mundo.

Et. Electi  
Sancti di-  
cuntur,  
quia Deo  
sunt dicati.

VII. Secundo Sanctum notat id, quod Deo ejusque servitio dicatum sacratumque est. Ita altare, & quæ ad illud pertinebant, dicuntur sancta sanctarum. *Exod. xxx. 29.* Uti & Aaron cum filiis suis *1. Chronic. xxxiii. 13.* Ita etiam verè pii sunt *peculium Dei præ omnibus aliis populi.* *Exod. xix. 5.* In Hebræo extat *היהוה יי שנתו*. Cui vocabulo affinis est Latina vox sigillum; adeo ut *היהוה* significet rem, quam quis impresso sigillo suo suam esse declarat, & talem quidem, unde homines, regesque ipsi, divites censentur, & qua magnificentiam suam ostendunt. *Eccl. i. 8.* *Acquisivi mihi etiam argentum & aurum, כסף וזהב וכל תבואת המלכות*. Ita elegit Deus Israël *היהוה*, in thesauros sibi asseruendos. *Pf. cxxxv. 4.* De qua voce vide Iodes *Waserum de Nummu Lib. i. Cap. i.* Græci dixerunt *περισιασµὸν ἱαντῶ*. *Deut. vii. 6.* dicitur *היהוה*; *populus asservationis*: quod Paulus, *Lxx.* imitatus, vocat *λαὸς περισίῃ*. *Tit. ii. 14.* Cujus Græci vocabuli significatum Hieronymus negat, se a quoquam secularium perito literarum potuisse discere, verum excitato Deuteronomii loco similibusque eum collegisse. Non male tamen Grotium observasse iudico, *περισίον* a *περιεῖναι* derivatum esse, quod *prestare* significat; unde *περισίῃ* idem est quod *ἐξαίρει* *eximim*. Et *περισία* significat *abundantiam*; quo sensu *Clemens Alexandrinus* in *Admo. ad Gentes*, pag. 5. eo vocabulo utitur. *μισθὸν ἡμῶν τῆς μαθησεως, ἐκ περισίας, βασιλείαν ἑρανῶν, ἐπαγγέλλεται.* *Doctrina mercedem, ex reduntanti quadam copia, nobis regnum cælorum promittit.* Atque iterum p. 69. *Φέρε ὑμῖν ἐκ περισίας τὴν περὶ τῆς λόγου παραθήσομαι πειθῶ.* *Age ex reduntanti quadam copia, vobis adducam de Verbo persuasionem.* Prorsus ut *Demosthenes* *ἐτῶ* ἐκ περισίας *μὲς κατηγορεῖ*. *Polybius Lib. iv. Cap. xxxviii.* *περισίαν* opponit ταῖς ἀναγκαίαις τῆς βίης χρείαις. Sunt ergo pii *eximia Dei possessio*, quam sibi vindicat, & servat, & in qua se ostentat, uti *corona ornata & cidari regia*, *Jes. lxi. 1.* 3. quam pro divitiis suis habet, & alterius esse non patitur: & hoc quoque sensu Sanctitas iis adscribi potest. *1. Pet. ii. 9.* junguntur *ἐν* ἁγίον, *λαὸς ὡς περιποίησιν.* *Gens Sancta, populus; quem sibi Deus ut proprium vindicat.*

Servos  
suos signat  
Deus, ut  
res suas.

VIII. Et sane servos suos signat Deus, ut res suas, quas ipse vult servare ne eas perdat, & hoc quoque sensu Sanctos, id est, inviolabiles habet. *Apoc. vi. 1.* 2. 3. videbat Johannes Angelum, a quatuor angelis ministris distin-

distinctum, iisque imperitantem, qui *ascendebat ob ortu solis*: nam & ipse Christus est *ανατολή ἐξ ὄψεως*, *Oriens ex alto* *Luc. 1. 78.* & Evangelium prædicatum est maxime ex Hierosolyma versus occasum, nempe versus *insulas maris*, hoc est, Europam. Is *habebat sigillum Dei vivi*, nempe Spiritum Dei, qui & *Spiritus Filii* est: *Gal. 1. 6.* & per quem obsignantur electi. *Eph. 1. 13.* Quippe qui characterem sanctitatis Dei, expressum Evangelio, iis imprimit, quo Dei esse cognoscuntur. Is Angelus jubebat cæteris, ne quenquam læderent, *donec*, inquit, *signaverimus servos Dei nostri in frontibus suis.* Quibus verbis non est existimandum, cooperarios Deo in hac obsignatione adjungi; sed Christus hoc de se & Spiritu suo dicit, qui Deum Patrem Deum suum vocare possunt, ut pote a quo uterque mittitur. *Jes. XLVI 1. 16.* *Dominus Jehovi misit me & Spiritum suum.* Sic enim commodissime Hebræa verba verti possunt. Porro sigillum hoc in frontibus servorum Dei erat, quia veritas Evangelii, & efficacia pietatis, cordibus ipsorum per Spiritum Sanctum impressa, se exferit publica confessione, & aperta sanctitatis praxi, quæ in omnium aures oculosque incurrunt, uti frons ea hominis pars est, quæ maxime aliorum obtutui patet. Neque improbabile est, alludi ad morem in Oriente receptum, quo Dominorum nomina servorum frontibus inscribebantur, ut ex Hesychio & Aristophane observavit Grotius. Ita ergo pii peculiū Dei sunt, ut ejus nomen in frontibus præferentes, *Ap. xiv. 1.* illius quoque ministerio se dicatos profiteantur.

IX. Et uti Deus suum illis sigillum impressit, ita illi quoque se non nisi Dei fore propriæ manus subscriptione signant. *Jes. XLIV. 5.* Olim Romani milites, (*Vegetio teste, de remilit. Lib. 11. Cap. 4.*) *viçturis in cunctis punctis scripti*, quum matriculis inferebantur, jurare solebant: unde in Lege Mauritiū, in *Manu signati*, periphrasis militum est. Nam *συμμαχία ἐστὶ τῶν στρατευομένων ἐν ταῖς χερσίν*, *Punctura militum sunt in manibus*: ait *Ælianus*. Hoc ipsum Chrysostomus *σφραγίδα τῷ στρατιώτῃ*, *sigillum militis* vocat ad *Rom. 1. 11.* vide *Grotium ad Apoc. xiii. 16.* Eodem ferme modo a Deo signati fideles, flammantis Spiritus efficacitate, & vere indelebili æternumque victuro caractere, simul sacramento dicunt, fidos se Deo fore, uti Imperatori milites. Nam dum se Dei esse profitentur, illius etiam solius ministerio se addicunt. *Act. xxv 1. 23.* *Κυρίως sum, cui etiam servio.* Breviter, electi & vocati omnes Sancti sunt, quia segregata cætero mundo, non uno nomine Dei esse declarantur. Sed nondum diximus id, quod præcipuum est.

X. *Tertio* notat Sanctitas eam hominis, in natura, inclinationibus, & actionibus, puritatem, quæ imitatio & expressio Divi æ puritatis est. Deus Creaturarum rationalium exemplar est. Voluntas ipsius Lege expressa est veluti instar illud Mosis monstratum in monte, ad quod Sanctuarium

Illique  
rursus sa-  
cramento  
se Deo di-  
cant.

III. Ele-  
cti Sancti  
dicuntur,  
quia ad  
exemplar

Divinæ pu-  
ritatis se  
compo-  
nunt.

arium animæ nostræ componi debet. Sed Divinæ ipsius virtutes sunt exemplar, tanta assiduitate, attentione, devotione nobis contemplandum, ut juxta illud transfiguremur. *1 Pet. 2. 15. 16. Sed sicut is, qui vos vocavit, Sanctus est, ipsi quoque Sancti in omni conversatione reddamini: propterea quod scriptum est, Sancti estote, nam ego Sanctus sum.* Sub variis schesis considerari virtus potest. Quatenus cum præscripto Legis consentit, *Justitia* nuncupatur: sed quatenus est conformatio cum Deo, & expressio puritatis ejus, *Sanctitas* dicitur. Et hoc præcipue significatu de Sanctitate nuncagemus.

Sanctifi-  
cationis  
definitio.

XI. Hisce in antecessum ita expositis, non est difficile collectu, quid per SANCTIFICATIONEM intelligamus; scilicet eam *actionem Dei realem, qua electi, regeniti, & justificati a turpitudine peccati ad puritatem imaginis Dei continuo magis magisque transformantur.*

Ejusdem  
distinctio  
a prima  
Regenera-  
tione &  
Vocatione.

XII. Distinguiamus hanc actionem Dei a prima *Regeneratione*, primaque efficaci *Vocatione* ad Christum. Nam proximus Regenerationis terminus est principium vitæ spiritualis, quod animæ per immediatam Spiritus Sancti attingentiam in momento inditur. Terminus Vocationis est unio & communio mystica cum Christo. Verum Sanctificationis terminus sunt habitus virtutum spiritualium, eorumque excitata actio- sitas. Atque ita Sanctificatio Regenerationem & Vocationem sequitur, saltem ordine naturæ, illasque actiones Dei ut præcedancas supponit.

Uti & a  
Justifica-  
tione.

XIII. Longius adhuc a *Justificatione* distat Sanctificatio: nam justificatio est actio judicialis, cujus terminus est mutatio status relativa; scilicet immunitas a poena, & jus ad vitam. Sanctificatio est actio realis, quæ peragitur influxu hyperphysico, & cujus terminus est mutatio status quoad qualitatem, tam habituum, quam actionum.

Quæ tamen  
distinctio  
non sem-  
per a Theo-  
logis ob-  
servatur.

XIV. Monendum tamen est, non semper apud Theologos Sanctificationis vocabulum tam arcto significatu sumi: nonnunquam eo comprehendunt Regenerationem primamque novæ vitæ infusionem, & pro synonymis habent, Sanctificationem, Renovationem Spiritus, Regenerationem hominis, Novam Creaturam, Resurrectionem primam: uti *Professores Leidenses in Synopsi Disput. xxxiii. §. 2.* Nonnunquam etiam eodem vocabulo Justificationem complectuntur. *Notum est, Justificationis Sanctificationisque voces permutari, inquit, Epitimator Chamieri p. 860. Gomarus similiter in 1 Pet. 1. 2. Sanctificatio generatim sancta regenerationem & justificationem complectitur.* Imo est quando Sanctificationis nomen tam late usurpatur, ut totam hominis ad beatitatem traductionem suo significatu involvat. *Polanus in Syntagma Lib. v. Cap. xxxvii. Interdum utrumque nomen, & Regenerationis & Sanctificationis latiore signifi- catu accipitur pro tota nostra salvatione, seu (ut ita loquar) beatificatione, veluti Heb. x. 10. Nobis tamen eorum ἀπελογία perplacet, qui termi-*

nos hos eo, quem explicui, modo distinguunt: præsertim quum Scriptura frequenter beneficia ea distinctim memoret, & Sanctificationem describat ut actionem continuam Dei, paullatim electos ad perfectionem deducentis, quomodo eam de Regeneratione loqui non memini me observare.

XV. Neque id prætereundum est, quandoque Sanctificationem proponi ut *beneficium Dei in hominem*. 1 *Thess.* v. 23. *Deus pacis sanctificet vos totos*. quandoque ut *officium hominis erga Deum*. 1 *Thess.* iv. 3. *Nam hæc est voluntas Dei, nempe sanctificatio vestri*. Prius Deus potenter in nobis efficit, juxta voluntatem gratiosi decreti sui. Posterius juste a nobis exigit, per voluntatem sancti mandati sui. Quatenus Sanctificatio notat primam infusionem habituum spiritualium, merum Dei beneficium est, ad quod nos habemus non ut cooperantes, sed ut recipientes. Quatenus significat actuositatem ex infusis habitibus, eorumque corroborationem & profectum, eatenus nos quoque agimus; sed acti, sub Deo, & dependenter ab ipso. Neque contingit unquam, ut hæc divellantur.

Sanctificatio aliquando proponitur ut beneficium Dei, aliquando ut officium hominis.

XVI. *Terminus a quo* in Sanctificatione est turpitudine peccati. Adamus a præscripta sibi linea deflectens, pulchritudinem imaginis Dei ad quam conditus erat, sibi posterisque omnibus amisit; & dum via avia vetitam Numini æqualitatem affectat, Diabolo factus est simillimus, & maligni Spiritus in altis suo ipse malefacto in sese deformavit. Quo nihil tetrius foediusve cogitari potest. Peccatoris anima est monstrum horrendum, informe, ingens, cui lumen ademptum. Mera inibi caligo, mera confusio, lacera disjectaque omnia; nihil rite locatum, anteriora postremum locum occupant, summum infima. Si quis sibi ipsi, uti intus dispositus est, in non fallaci speculo clare intuendus objiceretur, a se ipso, ut ab immani terribilissimo, summo cum horrore refugeret. Et sane, si sanctitas pulcherrimus ornatus Divinarum perfectionum est, necesse est illud foedissimum esse, quod non modo pulchritudini illi quam dissimillimum, sed & eidem e diametro oppositum est. Hæc est illa Jacobo memorata *πυρρίαι καὶ περιρροία κακίας*, *Sordes & excrementum malitie*. *Jac.* i. 21. Per quam fit, ut homo abominabilis Deo sit, qui candidissimæ sanctitatis suæ fulgentes oculos ab ipso non avertere non potest. *Hab.* i. 13.

Terminus a quo est turpitudine peccati.

XVII, Hanc porro foedam Diaboli similitudinem in posteros suos propagavit Adamus, ne iis quidem exceptis, quos sanctificavit Divina Gratia. Nam Sethum quoque *ad similitudinem suam, ad imaginem suam genuit*. *Gen.* v. Quod non præcipue ad similitudinem naturæ humanæ refero, multo minus ad similitudinem sanctitatis, quam in Adamo gratiose reparaverat Deus, quod *Chrysostomus*, *Lyranus*, *Clarius* contendunt. Nam I. Sanctitas & Justitia non est imago hominis alicujus, sed Dei. II.

Ab Adamo ad posteros propagata.



Nunquam Adamus nobis in Scriptura proponitur ut typus auctore sanctitatis, sed ut ille, per quem peccatum in mundum intravit. *Rom. v. 12.* III. Imago sanctitatis, in parente restituta per gratiam, non propagatur in filium per generationem naturalem. Naturalia propagantur, supernaturalia solius *miserentis Dei* sunt. *Rom. ix. 16.* Sed per similitudinem hanc Adami intelligo vitiolam naturæ corruptionem. I. Quia imagini Dei, ad quam creatus est Adam, diserte satis opponitur imago Adami, ad quam generatus est Sethus. II. Quia Apostolus similiter *1 Cor. xv. 49.* imaginem Adami terreni, ut consistentem in peccato & vilitate, opponit imagini Adami coelestis, quæ sita est in sanctitate & gloria. III. Quia ex immundo mundum non nasci, sed nasci ex carne carnem, tota Scripturarum analogia evincit. vid. *Job. xiv. 4. Job. iiii. 6.*

Quæ Ve-  
tus Homo  
vocatur,  
Homo,  
quia uni-  
versum  
hominem  
corrupt.  
Intelle-  
ctum cæci-  
tate;

XVIII. Ea peccati turpitudine a Paulo *Vetus homo* nuncupatur. *Eph. iv. 22. Col. iiii. 9.* Homo dicitur, quia per universum sese hominem diffundit, & animam simul cum corpore polluit. In anima tam Intellectum, quam Voluntatem cum affectibus occupat.

XIX. Intellectui induxit horridam caliginem, meramque rerum Divinarum ignorantiam. *Eph. iv. 18.* Adeo ut ἀνθρώπου ὁ νοῦς, id est, qui nullum spiritum præter suam animam habet, Spiritum autem Dei non habet, *Jud. v. 20. non percipiat ea, quæ sunt Dei, neque ea possit agnoscere. 1 Cor. ii. 14.* Et quandoquidem non animadvertit in iis quæ Dei sunt sapientiam Deo dignam, intolerabili audacia, rebus Dei alienas ideas, pro stulta sua δόξα, excogitatas, affingit; & dum corrigere conatur sapientiam Dei, quæ assequi non valet eam, quantum in se est, in veram stultitiam transfigurat. & hoc est quod dicitur *Rom. i. 22. 23. Quum se distitent sapientes, stulti facti sunt. Mutarunt enim gloriam incorruptibilis Dei, &c.*

Et cæci-  
tatis istius  
amore.

XX. Neque cæcitate modo laborat homo peccator; sed & amore cæcitatis suæ. Gloriatur se videre, quando maxime cæcus est. *Job. ix. 40. 41.* Ac veræ luci, per opera Divinæ Providentiæ, per verbum Dei, per scintillantes quosdam Spiritus radios blandissime se ingerenti, omnibus viribus resistit. *Tenebras pro luce amat: odit lucem, neque venit ad illam. Job. iiii. 19. 20.* De talibus Job testatur, quod sint inter rebellantes luci. *Job. xxiv. 13.* Omnem lucem averfantur, tam physicam illam, quæ impedit, quo minus clam hominibus sua patrent scelera, quam moralem, quæ convincit eos officii, præstandi quidem, sed scelerate neglecti. Eam suffocare nituntur, disceptantes tam adversus verbum Dei, quam suam ipsorum conscientiam. Hinc impiæ nonnullorum voces, optantium, hanc illamve veritatem, quæ cupiditatibus ipsorum adversatur, in verbo Dei non reperiri.

Cui scilicet  
dixit summa

XXI. Idem tamen illi, qui adeo circa ea, quæ bona sunt, desipiunt

unt, astutissimi sunt in malo. *Jer. 17. 21.* illud ex arte patrant, ut cum ideis inferorum examissim conveniat. Emphatica in hoc negotio Michæ phrasise est, *Cap. VII. 3.* על דרך כפים להיטיב, *utraque manus super malum est, ut bene illud faciant.* Non segniter laborant in malo, sed utraq manu, omni ope. Et id student, ut bene illud faciant, secundum regulas Satanicæ illius artis, *μεθοδὸς εἰας* omnes nequitix cum cura observantes; imo tam artificiose illud fingere ac plasmare didicerunt, ut incautis specie boni illudat.

in malo sapientia.

XXII. Non minus corrupta Voluntas est. Quæ I. Ab omni vero bono est averfa. *Job. XXI. 14.* *Dicunt Deo forti, recede a nobis: nam notitia viarum tuarum non delectamur.* Et quando documenta amplissima Divinæ legis iis præscribuntur, reputant ea pro rebus exteris, non magni oppido momenti, nihilque admodum ad se pertinentibus. *Hof. VI. 11. 12.* Et qui fieri posset aliter? Quum enim veræ virtutis excellentiam præ cæcitate sua non cernant; & ex adverso multa in illius deprehendant exercitio, quæ impotentibus ipsorum cupiditatibus contraria sunt, averfam ab ea mentem gerunt. *Bonum odio habent. Mic. I. 11. 2.*

Voluntas averfa est ab omni bono.

XXIII. I. Ad malum ingenti impetu fertur. *Amant malum. Mic. I. 11.* 2. Itaque idem, ut non aliquid, sed *omne figmentum cordis humani*, non aliquando, sed *omni die*, non aliquatenus, sed *tantummodo malum sit.* *Gen. VI. 5.* Quod non modo de primi ævi gigantibus intelligendum esse, evincit contentio hujus loci cum *Cap. VII. 11. 21.* ubi eadem fere verba de postfuturis hominibus redduntur. *Nam addam*, inquit Dominus, *maledicere terræ propter hominem, quia, vel quanquam, figmentum cogitationum ejus malum est a pueritia.* Quo innuitur, illud *צר דרך* commune omnium mortalium vitium esse. Pertinet huc etiam quod Paulus scribit, *Rom. VIII. 7.* τὸ φρόνημα τῆς σαρκὸς, *id quod sapit caro*, quod in sapientia se concupiscere autumat, vel factio illa, quam caro molitur, est inimicitia adversus Deum. *Lepi enim Dei non subjicitur. Nam ne potest quidem.*

Et ad malum effusis habitibus ruit.

XXIV. II. Quin imo tanta est illa mali cupiditas, ut per ipsam Dei legem, id vetantem, acuatur; & ad interdicta, eo ipso quia interdicta sunt, feratur impotentius. Sine legis inculcatione peccatum quasi torpet ac mortuum est: veniente autem præcepto peccatum reviviscit ac lacertos movet, & occasione sumpta per præceptum omnem concupiscentiam efficit, usque adeo omni moderamine nocente, ut peccatum fiat κατὰ ὑπερβολὴν ἁμαρτωλον admodum peccans per præceptum. *Rom. VII. 8. 9. 11.* 13. Pulcre Chrysostomus: ὅταν τινὸς ἐπιθυμῶμεν, εἴτα καλυπόμεθα, ἀφεται μᾶλλον τῆς ἐπιθυμίας ἢ φλόξ. *Si quid concupiscamus, & postea inhibeamur, acrius exardescit concupiscentia flamma.*

Ad quod impotentius cupiendum ipsa Dei lege accenditur.

XXV. In affectibus mira est miseraque perversitas. Nam I. Quum

Affectu-

um etiam  
mira est  
perver-  
tas.

mentem ad Sacra, Spiritualia, Cœlestia, Æterna ducem non habeant, circa Corporalia, Carnalia, Caduca, Vitiosa turpiter insaniunt: omni- que sua vehementia circa illa abutuntur quæ homine inferiora & indig- na sunt. II. In omnibus motibus suis furiose tumultuantur, non expecta- to mentis imperio, rejectisque rationis habenis, cæco pravoque impe- tu, qua, data porta, ruunt, animumque fœde lancinant; nunquam illi quietem, &, quæ proprium alias animi bonum est, *εὐθυμίας*, nun- quam illi concedentes, sed continuo clamantes *ἰναὶ τῶν ἀδελφῶν*, *præbe præbe. Prov. xxx. 15.* Hinc improbos eleganter Deus propulso mari comparat, quod quiescere non potest, & cujus aquæ lutum ac coenum expellunt. *Jes. lvi. 24.* III. Adversus voluntatem Dei tam decernentem quam jubentem impotenter lasciviunt; semper diversa ab illa concupiscentes; idque tanta ferocia, ut ægre ferre audent, quod non Deus & orbis suo serviant desiderio, quod non omnes honesti regu- læ ad suum compositæ sint placitum. Hæc sunt illa *πάθη ἀνθρώπων*, *affectus ignominia*, de quibus *Rom. 1. 26.* qui etiam si non æque in om- nibus grassentur, stabulantur tamen in anima, & nequicquam retenti ferocius aliquando erumpunt.

Corpus  
quoque  
peccati  
arx est.

XXVI. Ne ipsum quidem corpus a tyranidem exercentis peccati dominio immune est: ac tam inordinato sanguinis spirituumque metu membra agitantur, ut facile mentem, suæ oblitam dignitatis, in avia rapiant. Et sane dulcedo illa, qua afficiuntur membra in peccando, aut quæ in membris per peccatum quæritur, plerorumque peccatorum, etiam spiritualium, & ratiocinationis contra Dei legem causa est. Hanc perversitatem vocat Apostolus *Legem in membris*, id est, eam pec- cati in corpore stabulantis potestatem ac potentiam, quæ identidem ipsum ad nefarium obsequium cogebat, *& belligerabatur adversus legem mentis suæ*, id est, adversus legem Dei, quæ menti per naturam & gra- tiam insculpta est, & cui mens condelectatur: *& captivabat ipsum*, in- jecta manu missum eum non faciens, *Rom. viii. 23.* Certe membra seducunt & scandalizant. Cujus rei metuens Jobus *scelus fecerat cum oculis suis, ne aspicerent virginem. Job. xxxi. 1.* Et David orabat, *averte oculos meos, ne videant vanitatem. Ps. cxix. 36.* Et sapientia monet, *ap- pone gladium gula si laborat cupiditate. Prov. xxiii. 1.* Quæ omnia perri- culum, quod pietati ex membris oritur, diserte docent.

Cur cor-  
ruptio ista  
Vetus ho-  
mo dica-  
tur.

XXVII. Quum ergo corruptio hæc per omnes hominis partes facultatesque longe lateque grassetur; Hinc *Homo* dicitur. *Vetus* autem homo vocatur. I. Quia in ipso jam Paradiso *ἀπ' ἀρχῆς*, ex malefuadi veneno serpentis orta est; & antiquo illi Draconi *Ap. xii. 9.* nativita- tem suam debet. II. Quia cœva cuivis homini est. *Ps. li. 7.* & si non semper temporis, semper tamen naturæ ordine, hominis gratiosam re- gene-

generationem præcedit. III. Quia ut id, quod obsoletum, & antiquatum, longoque usu detritum ac turpatum est, abrogari, rejici, fastidiri a nobis debet: ut iis quæ vetera sunt prætereuntibus, nova fiant omnia. 2 Cor. v. 17.

XXVIII. Hæc autem corruptio aliquando proponitur sub emblemate vestis indecentis, foedæ, turpis; & tunc dicitur per sanctificationem *exui. Col. 111. 9. & deponi. Eph. 1v. 22.* Aliquando sub emblemate monstri horrenda strage omnia in homine vastantis; & tunc dicitur *mortificari. Col. 111. 5. & crucifigi. Gal. v. 24.* Quæ exutio & mortificatio veteris hominis nihil est aliud, quam destructio domini peccati, & expurgatio vitiorum: sic ut I. propter ea admissa animo angamur, ac doleamus; quemadmodum sine dolore & angoribus nihil moritur. II. ab iis abhorreamus uti a putrido cadavere. III. ea nobis execrationi sint, ut cruciarii Deo & hominibus erant. IV. eorum motus omnes, quantum pote, in animis & corporibus nostris comprimamus, neque ea reviviscere unquam patiamur. *Rom. vi. 6. Illud scientes, veterem nostrum hominem una cum illo crucifixum esse, ut aboleatur corpus peccati,* non solum quædam illius facta & partes, sed integrum illud compositum, ex pravis habitibus, cogitationibus, concupiscentiis, dictis, factis, constans, uti corpus ex suis membris, *ne nos amplius serviamus peccato.*

XXIX. Alia phrasi pii dicuntur *mortui esse peccato. Rom. vi. 2.* Quod eum sensum habet: quemadmodum corpus mortuū non est habile animæ domicilium, quum destitutum sit iis organis eaque partium dispositione, per quam anima operatur: ita fideles respectu peccati & emotionum ejus sunt corpora mortua, organa inutilia & immobilia, in quibus hospitari, vivere, & efficacitatem suam exercere amplius non potest.

XXX. Non multum abludit illa Pauli locutio *Gal. vi. 14.* qua mundum sibi, se mundo crucifixum esse asserit. Innuens, non magis se delectari mundi vanitatibus, quam honestus quisquam delectaretur foetido cadavere hominis scelerosi ad malam crucem merito damnati: & mundum vicissim non majori efficacia circa ipsum posse operari, cumve afficere, quam objecta sensuum afficiunt hominem mortuum.

XXXI. Exutionem & mortificationem hanc Veteris hominis comitatur semper *indutio; sive vivificatio Novi hominis,* quo notantur novæ illæ qualitates, in quibus præstantia imaginis Dei sita est. Hæc *hominis* nomine veniunt propter eandem rationem, quam mox de pravis qualitatibus adduximus: quia nimirum per universum hominem sese diffundunt; ita ut nihil in homine sanctificato sit, nulla pars, facultas nulla, quæ Spiritui Sanctificanti intacta maneat, quæque novis habitibus non exornetur. Et quandoquidem virtutis arx & thronus in mente &

Quid sit  
veterem  
hominem  
exuere ac  
mortifica-  
re.

Quid sit  
mortuum  
esse pecca-  
to.

Et cruci-  
fixum  
mundo.

Novus  
homo quid.

interioribus est, ideo *de interiore homine* Paulus, *Rom. VII. 22. & de occulto cordis homine* Petrus i *Epist. III. 4.* loquitur.

Intellectus hominis sancti præstantissima luce illustratur: per quam fit, ut veritates Dei in propria forma sua cernat.

XXXII. Intellectui novus gratiæ splendor affulget, & illuminati mentis oculi donantur, *Eph. I. 18.* quibus veritates Divinas, non sub commentitiis maleque congruentibus ideis, sed in nativa sua forma videat, *sicuti veritas in Jesu est. Eph. IV. 21.* & ita quidem, ut homo sanctus in veritatibus illis cernat multiformem Dei sapientiam, & abyssos perfectionum ejus, & impervestigabiles illas opes Christi; neque cernat tantum, sed & ineffabili modo persentiscat penetrantes se in intima cordis; & ardenti pietatis affectu amplectatur, & in iis exsultet; & desideret, in se quoque verum esse, quod verum est in Christo; & ad instar illarum veritatum componatur, ac in typum earum quasi transfundatur. Talis demum agnitio Dei, quæ non in solo ludit cerebro, sed omnis boni operis *fructum profert, ex quo dis vere quis audivit & cognovit Dei gratiam*, novi hominis pars est. *Col. I. 6. 9. 10.* Altera illa, quæ sese effert & jactat, & sapientiam Dei insipientiæ ream peragit, vana est; & quo audacius novum hominem mentitur, eo magis *Terrena, Animalis, Dæmoniaca* esse arguitur. *Jac. III. 15.*

In quibus nihil videt quod aliter se habere velit.

XXXIII. Inter cætera hominis sancti intellectus tantam in Deo, qui creaturæ rationalis exemplar est, puritatem, tantam in Dei lege, quæ omnium virtutum norma est, æquitatem, tantam in Christo Jesu qui se vivam nobis legem exhibuit, sanctitatem, tantam in ipsa virtute, quæ nativa quasi Numinis effigies est, decentiam videt; ut nihil pulcrius esse existimet, quam illi exemplari, normæ, effigiei, exacte similem esse. Nihil in hisce omnibus videt, quod corrigat, nihil quod aliter statutum esse optet, aut aliter statui melius posse arbitretur, atque ita *consensit legi, quod bona sit. Rom. VII. 16.* Hoc vocat Paulus, *impletum esse agnitione voluntatis Dei, cum omni sapientia, & intelligentia spirituali. Col. I. 9.*

Et quarum meditatione delectatur.

XXXIV. Ac quemadmodum oculi a jucundo spectaculo difficulter abstrahuntur, ita menti luce Sacri Spiritus collustratæ nihil optabilius, nihil dulcius, nihil jucundius contingere potest, quam contemplationi Dei ac meditationi rerum Divinarum immorari. Noctæ diei iugere gestit *Pf. I. 2.* & tunc pascit sese, tunc deliciatur, tunc exsultat, tunc coelum ipsum occupare sua sibi sedulitate videtur, quando sacræ huic meditationi se immergens, ac sui ipsius interim obliviscens, in immensa perfectionum Divinarum & mysteriorum ipsius voragine quasi absorbetur.

Quasque voluntati iterum iterumque præsentis sistit.

XXXV. Neque sibi sola sapere contenta est, vel invida thesaurum istum in abdito seponit; sed monstrat sanctas hæc veritates voluntati, cui illas iterum iterumque præsentis quasi sistit, uti res pretiosissimas, quæ aurum argentumque, & quicquid carum supra uniones æstimari solet

solet, valore suo immensum superent, ut voluntas quoque indissolubili amoris vinculo iis sese uniat, omnemque suam promptitudinem sacro iis obsequio mancipet. Hæc intellectus sanctificati operositas est.

XXXVI. Fieri autem non potest, ut Voluntas tantum bonum, ab intellectu sub specie boni constanter sibi monstratum, respuat. Amore illius corripitur. *Pf. CXIX. 7. Quam cara mihi lex tua est! Rom. VII. 22. Condelectatur legi Dei. Pf. XL. 9. Facere voluntatem tuam, Deus mi, delector.* Nam quod verum est in Christo, verum quoque fit, suo ordine ac gradu, in iis, qui Christi sunt. Nunquam secura voluntas est, nunquam sibi placet, quando Deo se displicuisse, & ab illius voluntate recessisse, animadvertit.

Et mox istarum amore corrigitur.

XXXVII. Hinc oritur firmum fixumque animi propositum, in omnibus se Deo conformandi. *Pf. CXIX. 106. Cui totam sese voluntas dat, ut illius voluntate quasi absorbeatur: hanc sibi legem inviolabilem ac sacrosanciam figens, idem cum Deo velle, idem nolle, Hac in re verâ Numini reverentiam sitam esse, Deus ipse docet. Prov. VIII. 13. Reverentia Jehova est odisse malum, fastum, elationem, viamque mali. Os pervertitibus deditum ego quoque odi.* Qui Deum vere timet, id odio habebit, quod exosum videt esse Deo, & contra. *Pf. CXXXIX. 21. 22.*

Unde oritur propositum animi in omnibus se conformandi Deo.

XXXVIII. Et quandoquidem voluntas inferioribus quas vocant facultatibus, ipsique etiam intellectui, suo modo, imperitat, hinc omnia Deo Christoque promptissima alacritate ad nutum præsto esse facit. Sic ut anima hominis sanctificati sit instar aciei bene dispositæ, in qua quicquid est, suo loco & ordine, ad primum imperium nutumque protinus se motitabit. Hæc est illa *πρόθυμία*, qua *ἐνπρόσδεκτοί* Deo sumus

Et cæterarum facultatum ad ipsius servitium promptitudo.

2 *Cor. VIII. 12.*

XXXIX. Intellectu & Voluntate tam bene dispositis ferocientium Affectuum tumultus paullatim compescitur, qui in ordinem coacti rationis imperium exspectare discunt, priusquam sese moveant, & pro objecti ratione vel intensius vel remissius agunt; circa spiritualia etiam & cœlestia, quibus affici antea vix aut ne vix quidem solebant, iusto se modo exserunt; breviter Spiritui Sancto placide se moderandos tradunt, ab ipso motus quietisque legem prona observantia acceptantes. Quum olim aurigante furiosa concupiscentia circa mundana, carnalia vitiosa, insanire soliti fuerint, nunc pro rei exigentia duci se patiuntur & ad excelsiora sublimati ac generosiores moderatores nati, torpentem cæteroquin animum insita sibi vehementia, ad ea quæ sancta, cœlestia, ac homine Christiano digna sunt, fortiter impellunt, vel rapiunt.

Affectus etiam in ordinem rediguntur.

XL. Hæc interim monela continuo iis inculcatur; non debere eos in consilium vocari, quoties de amplectenda Dei voluntate, tam de-

Quibus merum

cer-

Indicatur  
silentium  
quoties de  
ample-  
stenda Dei  
voluntate  
agitur.

cernente, quam præcipiente, agitur. Illic enim merum iis indicatur silentium. Non tantum sibi sumit Vir Sanctus, ut pro desiderii, spei, metusve sui ratione, Deum vel præcepta vel consilia sua disponere jubeat. Illa, quæ primum discenda est in Christi Schola, sui abnegatio, affectus omnes silere facit, & cæca obedientia Deo mancipat. Non licet homini Christiano, ullum Dei factum dictumve aliter factum dictumve desiderare; & quoties stultus ille nostri amor, nondum plane expectoratus, insanis suis concupiscentiis & vana ægritudine in alia a Deo ire occipit, toties facultas mentis superior, Spiritum Magistrum sequens, pium illud ingeminat, & *Tu, Anima mea, Sile Deo. Ps. LXII. 6. Hoc est animam sedare ac quietam tenere; Ps. CXXXI. 2. ut adversus Dei voluntatem nec concupiscere nec hiscere fas sibi ducat.*

Corpus  
quoque ip-  
sum san-  
ctificatur.

XLII. Porro sancta illa animi dispositio cum Corporis quoque membris se communicat, quæ, quum antea *arma fuerint peccato ad injustitiam*, nunc *se se sistant Deo arma justitiae. Rom. VI-13.* In homine sanctificato non modo continentur oculi, lingua, aures, manus, pedes, ne habeant occasionem animum illectandi ac perturbandi; quomodo Paulus dicebat, se *corpus suum sugillare, ac in servitutem redigere, I Cor. IX. 29.* sed & parata ac prompta sunt ad obsequium Dei, cui se sistant ad exercitium *justitiae*, & quidem ut *arma*, quibus regnum peccati ac Satanæ valde impugnatur. Etenim vel præstantissimæ virtutes, quamdiu in interiori mentis recessu latent, proximum ædificare, & ab improbitate ad sanctitatem traducere, non possunt: sed quando per corporis membra exercentur, & lingua se laudibus Dei, & commendationi virtutis, manus pedesque proximo juvando, cæteræque corporis partes, prout aptæ natæ sunt, sanctitatis se praxi impendunt, tunc ad extirpationem vitiorum, & promotionem virtutis, fortiter dimicatur. Neque dubitare fas est quin ea emphasis in phrasi Apostolica sit.

Unde pa-  
ter, per  
sanctifica-  
tionem  
universum  
hominem  
immutari.

XLII. Hinc jam clarum est, Novum quoque hominem, non minus quam Veterem, universum hominem, tam quoad corpus quam quoad animam occupare: juxta Pauli dictum *I Cor. VI. 20. Glorificate Deum in corpore vestro, & in spiritu vestro, qui sunt Dei: & ejusdem votum I Thess. V. 23. Deus pacis sanctificet Vos TOTOS, & integer vester SPIRITUS & ANIMA & CORPUS inculpatè in adventum Domini nostri Jesu Christi conserventur.* Priora duo quomodo distinguantur, & quid quaque voce significetur, variant interpretes. Nos cum iis facimus, qui per SPIRITUM mentem intelligunt, illud nempe *ἡγέμενικόν*, quod est *ἐξ αἰσθητῶν ἀνθρώπου γέρας*, uti Philo de Mundo loquitur, in quo præcipua hominis præ cæteris animantibus præcellentia est, & quæ alibi Apostolo *vñ* dicitur, *Eph. IV. 17.* per ANIMAM vero reliquas inferiores facultates. Non quasi duæ sint animæ, sed quod, more apud Philosophos recepto, unius ejusdemque ani-  
mæ

mæ facultates Paulus distribuat. CORPORIS denique nomine satis constat animæ domicilium notari. Tum demum igitur homo integer sanctificatus fuerit, quum nihil cogitabit Spiritus, nihil appetet Anima, nihil exsequetur Corpus, quod cum Dei voluntate non consentiat.

XLIII. Hæ autem spirituales hominis qualitates Novus Homo dicitur. I. Quia succedunt decedenti Veteri. 2 Cor. v. 17. *Vetera praterierunt; ecce nova facta sunt omnia.* II. Quia longe aliæ & diversissimæ sūt a prioribus. Quo sensu Christus de Apostolis dixit: *Mat. xvi. 17. Linguis loquuntur novis*; id est aliis, *Act. ii. 4.* diversis a materna, & iis quas antea didicerant. Et certe non diversæ solum hæ bonæ qualitates ab antecedentibus sunt, sed & plane iis contrariæ. *Quod enim consortium iustitia cum legis transgressione? Et qua communio lucis cum tenebris?* 2 Cor. vi. 14. III. Quia raræ, præcellentes, & eximie sunt. Nam quum nova allicere soleant & cara esse, quum res nova præstantior censeatur veteri, quæ longo usu est attrita, hinc quod eximium & præstans est, novum quoque dicitur. Eo significato *novum nomen* piis Deus pollicetur. *Jes. lxi. 2. Ap. ii. 17. & iii. 12.* hoc est, conditionem longe præcellentiore[m] ea, quam hactenus habuerunt. Et sane nihil excellentius novo hoc homine est, quem *pretiosum esse in conspectu Dei*, Petrus testatur. 1 *Epist. i. 1. 4.*

Cur laudabilis ista dispositio  
Novus homo dicatur.

XLIV. Aliquando sanctificatio *inductio Novi hominis* vocatur, ut *Eph. iv. 24. Col. i. 10.* aliquando *vivificatio* ejusdem. Scilicet laudabiles illæ qualitates considerari possunt, vel ut pretiosus animæ ornatus; 1 *Pet. iii. 3. 4. Ps. xlv. 14. 15. & xci. 1. 5. & cx. 3. Prov. i. 9. & tunc dicitur indui*: vel ut Nova Creatura ad exemplar Christi conformata, plena omni aëtuositate, & tum dicitur in nobis vivere. Quæ phrasæ notant productionem novarum istarum qualitatum in nobis, & continuum earum augmentum, & excitationem ad actiones; quæ omnia in hoc negotio *termini ad quem* rationem habent.

Quid sit  
inductio &  
vivificatio  
Novi hominis.

XLV. Partes sanctificationis nostræ hunc habent ordinem. I. Si totum illarum complexum spectes, tempore simul sunt. Nam eadem opera expellitur peccatum & introducitur virtus; quemadmodum quis eodem tempore, motu ac gradu recedit a termino a quo, & accedit ad terminum ad quem. II. Si initium attendas, vivificatio novi hominis ordine naturæ prior est. Omnis enim virtus & efficacia adversus peccatum procedit ex principio novæ vitæ spiritualis. Mors non tollitur nisi per vitam: neque tenebræ nisi per lucem; neque paupertas nisi per divitias; neque nuditas nisi per vestitum; neque deformitas nisi per pulcritudinem; neque odium Dei nisi per caritatem. III. Si singulos actus consideres, multiformi ordinis variatione inter se discursitant. Illuminatio intellectus, quæ ad vivificationem novi hominis pertinet, præcedit indubie displicentiam de nobis ipsis, & dolorem de peccatis,

Ordo  
partium  
sanctificationis.



quæ ad mortificationem veteris hominis referuntur. Et hic dolor noster præcedit sanctam animi in Deo gestientis alacritatem. Atque ita cæteris. IV. Si ad consummationem respicias, finalis abolitio veteris hominis, quæ fit in abolitione corporis peccatorum, id est, corporis cuius concupiscentiæ nos inquinant, & in quo peccamus, Rom. vi. prior est perfecta integri hominis sanctificatione.

Sanctificatio non in sola actu emendatione, sed in collatione novorum habituum consistit.

XLVI. Hinc patet, sanctificationem non consistere in sola actu emendatione, quod Sociniani & Pelagianizantes, qui naturæ nostræ corruptionem ingenue non profitentur, velint: sed in collatione novorum habituum, qui veteribus paulatim loco cedentibus succedunt. Hæc Petrus inter pretiosa illa, quæ sortimur, promissa, *communicationem Divine naturæ* numerat, ingentem illarum virtutum cumulum, quæ si nobis adsint, non inertes nos nec infructuosos efficiunt in Domini nostri Jesu Christi agnitione. 2. Pet. 1. 7. 8. Et Paulus Gal. v. 22. *De fructibus Spiritus* dicens, dicit, eos esse *Charitatem, Gaudium, Pacem, iræ cobibitionem*, &c. quæ omnes virtutes habituales sunt, animæ inhærentes, & in ea permanentes 1 Cor. xii. 13. *Nunc vero manet, Fides, Spes, Charitas, tria hæc.* Imo est, ubi Apostolus ipso habitus vocabulo utitur. Heb. v. 14. *Qui dià τὴν ἐξὺν propter habitum sensus exercitatos habent.* Cujus quidem habitus incrementum crebris actionibus, & studii contentione acquiritur; ita tamen, ut ejus initium a Spiritu Sancto infusum sit, qui *implet electos agnitione voluntatis Dei cum omni sapientia & intelligentia spiritali.* Col. 1. 9.

Sanctificationis auctor Deus est.

XLVII. Auctor & Efficiens sanctificationis Causa Deus est: Increata, Infinita Sanctitas, creatæ & finitæ fons. Exech. xx. 1. 2. *וַיֹּאמֶר כִּי אֲנִי יְהוָה מְקַדְּשׁ וְלֹא יֵדְעוּן* ut cognoscant, me esse Jehovah, qui sanctificat ipsos. 1. Thes. v. 23. *Ipsæ autem Deus pacis sanctificet vos totos.* Jes. lxiii. 11. *וְהוֹשִׁיעַ בְּקִרְבִּי אֶת יְהוָה קֹדֶשׁ* Qui posuit in medio ipsius Spiritum sanctitatis sue, sanctificationis auctorem.

Attamen speciali appropriatione ea Spiritui S. attribuitur.

XLVIII. Nam speciali appropriatione, juxta œconomiam Divinarum operationum, Spiritui Sancto proxime hæc actio attribuitur. 2. Thes. ii. 13. *Per Sanctificationem Spiritus.* Tit. 1. 1. 5. *Renovatio Spiritus Sancti.* Atque ita passim. Quod non propterea fit, quasi solus Spiritus Sanctus immediata attingentia ad ipsum sanctificationis effectum pertineret, Pater & Filius non nisi mediate per Spiritum nos sanctificarent. Nam virtus illa, qua sanctitas producitur in electis, individue Trinitati communis est. Nec minus immediate per eam Pater & Filius quam Spiritus Sanctus operantur. Atque uti singularum Divinarum Personarum virtus eadem est, ita & una omnium actio. Illud *ὁ θεὸς ὁ πατήρ καὶ υἱὸς*, æque est Patris & Filii, ac Spiritus Sancti. Neque una persona agit per aliam ut *mediam*. Sed hujus appropriationis hæc videtur esse ratio. Quia sanctificatio Peccatoris sequitur gratiam & meritum Christi; & quum Spiritus Sanctus in hypostatico subsistendi & operandi ordine Filium sequatur,

hic datur, & propterea etiam *Spiritus Filii dicatur*; *Gal. iv. 6.* cui potius applicatio gratiæ & meritorum Filii adscribetur, quam illi, qui ordine a Filio proximus est? Sanctificatio est talis Divina operatio, quæ supponit voluntatem Patris, Testamentum facientis de semine, quod dandum est, & datur Filio; & voluntatem Filii, suo jure sanctum illud semen sibi postulantis: qualis operatio cui potius vindicabitur, quam Spiritui Sancto, qui est a Patre & Filio, & qui omnia quæ dat, *ex his quæ Filii sunt capit?* *Job. xvi. 14.*

**XLIX.** Interim & *Christo Mediatori* hic quoque suæ speciales partes sunt, tum quoad *impetrationem*, tum quoad *applicationem*. Impetravit id suo merito Christus, ut sanctificarentur electi. Ideo ipse venit in similitudine carnis peccati: *Rom. vi. 11.* 3. ideo ipse peccato onustus visus est hominibus: *Heb. ix. 28.* ideo ipse peccatum factus est, *2. Cor. v. 21.* ut sanctificaret Ecclesiam suam. *Eph. v. 26.* Fieri non poterat, ut imago Dei male habita, ac perdita, homini peccatori restitueretur, nisi is, qui imago Dei Patris personalis est, imaginem hominis, & quidem peccatoris, ac servi prius assumere, atque eum in modum se objiceret injusto hominum odio, & justissimæ Dei vindictæ, quasi scelerosissimus fuisset omnium. Atque ita factus est nobis suo merito *Sanctificatio*. *1. Cor. i. 32.*

**L.** Sed & id, quod impetravit, applicat. Facit, ut electi suo sibi Spiritu uniantur; & tum virtus mortis ac resurrectionis suæ ex ipso ad illos dimanet: *sic ut cum ipso una planta facti coalescant assimilatione tam mortis quam resurrectionis ipsius, & vetus ipsorum homo una cum ipso crucifixus sit, & illi Christo commortui etiam ipsi convivant.* *Rom. vi. 5. 6. 8.* Scilicet cruce Christi ipsis mundus, illi mundo crucifiguntur. *Gal. vi. 14.* Id meditatio crucis Christi efficit. Et vis resurrectionis ipsius *Phil. iii. 10.* novam vitam in iis producit. Nam ipse ex mortuis excitatus non modo novam & gloriosam vitam pro se ipso accepit: sed & novæ sanctæ vitæ fontem pro omnibus suis: ex quo continuo influxu ad singula sua membra dulcissimi rivi profluunt. Unde ex sua vita suorum vitam indubia argumentatione colligebat. *Job. xiv. 19.* *Quia ego vivo, vos etiam vivetis.*

**LI.** Porro operatio illa Dei sanctificationem nostri producentis peragitur efficientia reali, hyperphyfica, validissima, ad ipsum effectum pertinente, quod supra etiam de Vocatione & Regeneratione agentes monuimus. *Nam ipsi sumus πόνημα, factura, conditi in Christo Jesu ad opera bona.* *Eph. ii. 10.* Qua virtute opus creationis antiquæ molitus & executus est, eadem virtute suos ad bona opera format, sive quod idem est, sanctificat. *Dat iis mentem ad cognoscendum, oculos ad videndum, aures ad audiendum.* *Deut. xxxix. 4.* *Ponit Spiritum suum in medio eorum, quo facit, ut in Statutis suis ambulent, & jura sua observent.* *Ezech. xxxvi. 27.* *Indit iis cor unum, & viam unam ad reverendum se omnibus diebus suis.* *Jer. xxxii.*

Christo Mediatori hic quoque suæ partes sunt: tam quoad impetrationem,

Quam quoad applicationem.

Sanctificatio peragitur efficientia reali, pertinente ad ipsum effectum.

39. Et sane nemo imaginem Dei in homine refingere idoneus est, nisi qui prius hominem ad imaginem Dei fecit. Quum posterius illud non minoris virtutis & excellentiæ opus sit, quam prius.

Quam  
male Soci-  
niani infi-  
diantur.

LII. Patefcithinc gangræna Theologiæ Socinianæ, juxta quam modo obtingat homini plena Divinæ voluntatis patefactio, qualis est in Evangelio, id est, cum vitæ æternæ promisso, jam habebit homo, unde possit vires sumere ipsius Dei voluntatem perficiendi. Auxilium interius, quod dicis causa nonnunquam nominant, in eo solum collocant, quod promissiones Dei mentibus inscribantur, & obsignentur : atque id nemini contingere volunt, nisi exteriori illo prius recte usus fuerit. Influxum Dei physicum & efficientiam realem plane ignorant. Adeo eos infatuavit stolidi sui admiratio, & quam de naturæ viribus sumere arrogantis animi jactantia.

Deterio-  
res hac in  
parte non-  
nullis Gen-  
tium.

LIII. Melius certe de Divina ope Gentilium nonnulli locuti sunt; licet excellentiam sanctitatis Christianæ perspectam non habuerint. *Plutar. de Stoi. contradiçt.* 'ἐπερ ὁ Θεὸς ἀρετὴν μὲν ἐ δίδωσιν ἀνθρώποις, ἀλλὰ τὸ καλὸν αὐθαίρετόν ἐστι, πλῆτον δ' ἐκὼς ὑγίειαν χωρὶς ἀρετῆς δίδωσιν, ἐκ ἐν χρησομένους δίδωσιν, ἀλλὰ κακῶς. Deus si non virtutem hominibus largiatur, sed eam suo sibi ipsi arbitrio tribuant mortales; (male hæc verba Xylander vertit, sed bonam ultro expeti ab eo possit) opes vero corporis-que valetudinem citra virtutem largiatur; non bene usuris dabit utique, sed male. Addit Plutarchus: ἐκ μὲν δύνανται ἀρετὴν παρέχειν οἱ Θεοί, ἐκ ἐνὶ χρηστοί, μὴ παρέχοντες. ἐκ δ' ἐνὶ μὴ δύνανται ποιεῖν ἀγαθὸς, ἐκ δ' ὠφέλει δύνανται, μὴ δ' ἐνὸς τε τῶν ἄλλων ὄντος ἀγαθῷ, μὴ δ' ὠφελίμῳ. Si Diï possunt largiri virtutem, neque hoc faciunt, boni & benigni non sunt, si id non faciunt. Si bonos facere non possunt, nec prodesse quidem queunt: quum extra virtutem nihil bonum sit, nihil utile. Affinis huic *Maximi Tyrii Dissertatio xxii.* cujus inscriptio est, ἐκ γένετό τις Θεία μοῖρα ἀγαθὸς. An aliquis Divinitus bonus fiat, in qua plurima occurrunt lectu dignissima, sed prolixiora quam ut adscribantur. Hauserat sua ista ex *Platone* magistro: cujus in *Menone* hæc exstat notabilis dissertatio: Εἰ δ' ἐνὺν ἡμεῖς παντὶ τῷ λόγῳ καλῶς ἐξετήσαμεν τε καὶ ἐλέγμεν, ἀρετὴ ἀνείη ἕτε φύσει, ἕτε διδάκτον, ἀλλὰ Θεία μοῖρα παραγινομένη. Si itaque toto hoc sermone bene inquisiverimus, & disputaverimus, virtus neque ex natura est, neque per doctrinam comparatur; sed Divina sorte contingit. Vide sis *Clementem Alexandrinum Stromat: Lib. v. p. 588.*

Natura  
ipsa no-  
stram im-  
potentiam  
& Dei om-

LIV. Scilicet duo hæc natura ipsa hominisque conscientia docet: I. Nostram ad virtutem impotentiam, II. Illam Dei omnifufficientiam per quam omnis veri boni fons & auctor est. De priori *Epictetus apud Arrianum Lib. i. l. Cap. xi.* 'ἀρχὴ φιλοσοφίας παράγει τοῖς ὡς δεῖ, καὶ κατὰ

τά τὴν θύραν ἀπτόμενοι αὐτῆς, συναϊσθῆσις τῆς αὐτῆς ἀδελφείας καὶ ἀδυναμίας. *Initium Philosophia, apud eos quidem, qui sicuti decet, & per januam, adeam ingrediuntur, infirmitatis & impotentia sua conscientia est.* De polteriori *Maxim. Tyrii dicta Dissert. xxi.* ὥς ἔδ' ἔμ' μὴ ἄλλο τι ἀγαθὸν εἰς ἀνθρώπους ἔλθῃ μὴ παρὰ Θεῶν ὁρμηθεῖν. ἀλλὰ μὴν ἔσθ' ἐν ἄλλο ἀνθρώποις ἀγαθὸν ὃ μὴ παρὰ Θεῶν ἔρχεται. *Ut non sit existimandum aliud, quam quod proficiscitur a Deo, bonum hominibus obtingere: quum revera nullum sit bonum, quod non ab eo originem trahat.*

nisuffici-  
entiam ali-  
quatenus  
docet.

LV. Ex generalibus hisce tria magis particularia ipsi Gentiles confecerunt. I. Ad virtutis acquisitionem atque exercitium homines Divina indigere ope & gratia. *Hierocles, ex Pythagorica schola Philosophus, præclare id his verbis docuit: οὐτε γὰρ μόνον προθυμῶνται δ' εἶ τα καλὰ ὡς ἴφ' ἐαυτοῖς ὄντα κατορθῶσαι καὶ χωρὶς τῆς Θεῆς, ἐπικηρίας χρῆζωμεν πρὸς ἀποφυγὴν μὲν τῶν κακῶν, ἀνάγκησιν δ' ἐκ τῶν ἀγαθῶν. Nam ne animo quidem præconcupiscenda sunt honesta, tanquam ita in nostra potestate sita ut sine Divina ope ea præstare valeamus. Auxilio Dei indigemus ad malorum fugam & bonorum acquisitionem.* II. Eam ex impotentia nostræ conscientia a Deo petendam esse. *Epict. apud Arrian. Lib. II. Cap. xviii. Μέγας ἰσχυρὸς ἐστὶ Θεὸς τὸ ἔργον, ὑπὲρ βασιλείας, ὑπὲρ ἐλευθερίας, ὑπὲρ ευροίας, ὑπὲρ ἀταραξίας. τῷ Θεῷ μέμνησο, ἐκείνου ἐπικαλῶ βοηθὸν καὶ παραστάτην. Ingens est certamen, Divinum facinus, regnum agitur, libertas agitur, felicitas agitur, vacuitas perturbationum agitur, Dei memento. Illum Adjuvorem advocato, & commilitonem. Videatur etiam Seneca Epist. x. & xli. & Marc. Anton. Lib. ix. §. xl. III. Propter eam Deo agendas esse gratias. Epict. apud Arri. Lib. iv. Cap. iv. τότε καὶ ἐγὼ ἡμάρτανον, νῦν δ' ἐκτί. ΧΑΡΙΣ ΤΩ ΘΕΩ. Tunc & ego peccabam: nunc vero non isem. GRATIA SIT DEO.*

I Unde ipsi  
Gentiles  
confecerunt.  
1. Virtutem a Deo  
dari.

II. ab eo  
petendam  
esse.

III. Propter  
eam  
agendas  
gratias.

LVI. Illud autem Divinum auxilium non existimabant consistere in sola morali suasionem, vel oblationem istiusmodi objectorum, quibus ad virtutem excitari homo queat; sed ἐν ταῖς θεοῖς διαδόσεσι, καὶ συλλήψεσι, καὶ ἐπινοίαις, in suggestionibus, adjutationibus, inspirationibus Divinis professis, quomodo *Marcus Imperator loquitur Lib. i. §. xvii.* qui eodem loco, se παρὰ τῶν Θεῶν a Divis bonam animi affectionem habere, eamque ipsorum εὐποία acceptam ferre, pronunciat. *Lib. ix. §. xl. cooperationem memorat. πάντως γὰρ εἰ δύνανται συνεργεῖν ἄνθρωποις, καὶ εἰς ταῦτα δύνανται συνεργεῖν Si quidem enim omnino cooperari possunt; etiam ad hæc (virtutis exercitia) possunt cooperari.* Si cui lubeat excipere, ea esse ἐκ τῶν ἐφ' ἡμῖν, ex iis quæ in nostra posita sunt potestate, respondet, τίς δ' ἐσσι πῶς, ὅτι ἔχῃ καὶ εἰς τὰ ἐφ' ἡμῖν οἱ θεοὶ συλλαμβάνουσιν; ἀρξαι περὶ τούτων εὐχεσθαι, καὶ ὁψεί. *Quis dixerit, Deos nobis ope-*

Auxilium  
illud Dei  
non in so-  
la morali  
suasione,  
sed in effi-  
caci inspi-  
ratione  
constitue-  
bant.

*ram non cōferre ad ea etiam quæ in nobis sita sunt? Ista ergo Deo prece poscere incipias, videbis quid futurum sit.*

Quo  
etiam op-  
time con-  
stitutas a-  
nimas ca-  
rere posse  
negabant.

LVII. Idemque Divinum auxilium tam necessarium esse ad virtutem sciscabant, ut etiam optime constitutæ animæ eo carere non queant. *Maxim. Tyri. dicta Dissert. p. 228. αἱ δὲ ἀρισταὶ ψυχῆς φύσεις, ἀμφο-  
βητήσιμοι ἐν μετρίῳ τῆς ἀκρας ἀρετῆς. πρὸς τὴν ἐσχάτην μοχθηρίαν κα-  
θωρμισμένοι, δεόνται ζυγαγωνισθῆναι καὶ συλλήτωρ* ① *τῆς ἐπὶ θάτερα  
τὰ κρείττω ῥοπῆς καὶ χειραγωγίας ὁ μὲν γὰρ καὶ ἐπὶ τὰ ἀισχρὰ ὀλιῶ* ② *αὐτοφύως ἀσθενείας ἔργον ἡ καὶ ἰσὺς ἐπιεικίης. ψυχὰς κολακεύσασθαι διὰ τὴν  
δονῶν καὶ ἐπιθυμημάτων, εἰς τὰς αὐτὰς ὁ δὲ τῆς μοχθηρίας συγκαθέλ-  
κει. At vero quæ naturam meliorem sortita sunt anima, in medio virtutis sum-  
mæ summæque improbitatis constitutæ, auxilio subsidioque Dei opus habent,  
qui ad alteram illam meliorem partem ducat eas & impellat. Nam ut facile in  
deteriorem labantur semitam, ab innata sibi infirmitate habent; quæ probis qua-  
que animabus voluptatam cupidinumque abblanditur illecebris, secumque in  
easdem flagitiorum vias abripit.*

Quæ in  
ruborem  
dare Pela-  
gii sequa-  
ces de-  
bent.

LVIII. Pudendum profecto est, Gentiles Scriptores de naturæ nostræ infirmitate & ad bonum impotentia humiliter, de Divina auxiliante gratia præclarius sentire, de ea precibus imploranda pulcrius loqui, iis qui Christianæ profitentes excellentiam religionis veræ virtutis sanctitatem rite æstimare debebant. Ita qui ex Pago sunt adversus Pseudo-Christianos illos, ingratos gratiæ Divinæ hostes, surgent in die iudicii, non minus illos condemnaturi quam Regina Austri incredulos Judæorum.

Sanctitas  
electorum  
omnes cæ-  
terorum  
virtutes  
longe su-  
perat.

LIX. Porro quum Spiritus Dei, Sanctitatis auctor, Generosus admodum sit, & propterea Davidi נִרְבָּה רִיחַ *Spiritus ingenuus* dicatur: *Pf. LI. 14.* hinc ea, qua electos donat, Sanctitas talis etiam est; ut omnem fucatam Gentilium virtutem, utut sese ostendantem, omnem Pharisæorum & Scribarum scrupulosam accurationem, immenso intervallo superet. Ni faciat, ne pro vera quidem sanctitate a Christo Domino agnoscitur. *Mat. v. 20.*

*Pf. XLV.  
14. expo-  
nitur.*

LX. Filii Dei, gloriosæ suæ e coelo nativitatis memores, excellere præ reliquis & animæ ornatu & vitæ instituto nituntur. *Pf. XLV. 14. Filia Regis*, id est Patris cœlestis, quæ eadem Sponsa Regis filii est, quævis anima fidelis, *est tota gloriosa*, ea exornata sanctitate, quæ non sibi tantum, sed & Patri & Sponso in gloriam cedat, quæque cœlestis gloriæ initium sit: & id imprimis *intro*, non solummodo quando foras prodit & contemplandam se hominibus exhibet, sed & quando in interiori sedet thalamo, in secretis pietatis suæ exercitiis, quibus Patri Sponsoque clam placet; qui quum ad interiorem præcipue hominem respiciant, eum ante omnia mundum castumque servare annititur. *Ves-  
tes*

*Res ejus autem sunt*, præ quibus, quicquid animales homines præcellens unquam habuere, nil nisi fulgidum nihil est. Et quidem *ocellata*, variis imaginibus affabre pictæ, quæ ipsius Dei perfectiones repræsentant: & versicolores, propter diversa, eleganter tamen sibi invicem respondentia, Sancti Spiritus *χαρίσματα*: sive *acquistæ opere Phrygionico*, vel potius opere *arsificis* ejus, de quo *Cant. VII. 1.* Neque intus modo pulcra est Sponsa, sed & exterius. *Præfert sermonem vita. Phil. II. 16.* Caritatem exercet. Christum glorificat. Proximum ædificat. Atque ita *deducitur ad Regem, digna quæ ipsi sistatur.* Hæc sola via est, qua ad familiaritatem ipsius, & jucundissimum castissimi amoris commercium, & in terra, & in cælo obtinendum, contenditur.

LXI. Non multum ab hoc testimonio abludit id quod *Pf. cx. 3.* *exstat.* *עץ תאנה* *Populus tuus*, Christe Jesu, tibi a Patre datus, a te emtus ac vindicatus, te pro Domino suo agnoscens, tibi sacramento militari obstrictus, *Spontaneus admodum* est, maxima animi lubentia, alacritate, promptitudine, & obedientia voluntaria, tuo addictus servitio. Neque voluntarius modo, sed & ipsa *εὐσυνέτης*, *Lubentia*, in abstracto; imo *lubentia* in plurali, excellentissima lubentia: quæ cuncta ad emphasin valent. Et talis est *ביום הדין* *in die strenuitatis tuæ*, quo Spiritus tuus generosus eos invadens, ad magnanimum aliquid & strenuum facinus peragendum impellit. Tunc prodeunt *שירי הדין* *in ornamentis sanctitatis*, quibus Diabolo terrori, Deo & Angelis oblectamento, sibi invicem ædificationi sint.

&amp; Pf. cx. 3

LXII. Non carent hi strenui Christi milites sua *φιλοτιμία*, quam Paulus describit *2 Cor. v. 9.* *Διὸ καὶ φιλοτιμέμεθα εὐάρεστοι αὐτῷ εἶναι.* *Propterea in exo studio, & quasi ambitiose, contendimus, ut grati ipsi simus.* Deus nunquam non se ipsum contemplatur cum summa sui complacentia; præcipue virtutibus suis delectatur, & quæ ipsarum decus est sanctitate. Hujus quando deformationem aliquam in creaturis videt, subsistit ibi, pascit oculos suos tam jucundo spectaculo, & verbis factisque declarat, nihil sibi gratius accidere posse. Et hæc est sancta fidelium ambitio, ita se in universo vitæ instituto gerere, ita dispositum habere animum, ut in utroque Deo placeant. Pravam olim ambitionem parentibus nostris iniecit Satanæ, ut via avia ad similitudinem Dei contenderent, ea attendendo, quæ interdicta ipsis erant. Sed Cœlestis Spiritus generosioris *φιλοτιμίας* auctor est, eo hominem impellens, ut sese in animæ suæ habitibus, & vitæ suæ actionibus, ad exemplar Dei conformans, aliquid in terra videndum Deo exhibere queat, in quo, ceu viva sui imagine, se oblectet. Qua sancta ambitione nihil dari potest magnificentius.

&amp; 2 Cor. v. 9

LXIII. Memorabile est, quod dicitur *Cant. I. 9.* *Equisio junctio curvibus*

Cor  
canti

comparen-  
tur equis.

*ribus Pharaonis comparo te, amica mea.* Ad cujus loci intelligentiam elucidandum est, I. Cur *Equo* comparatur Ecclesia. II. Cur *Equo Aegyptio*. III. Cur *Equo juncto curribus Regis*. Quo ad primum. I. Equus facile se duci, & non solum calcaribus & freno, sed & virgula, regi patitur. Ita *Massæsylos* & *Lybes* scribit *Strabo Lib. xvii.* equis uti ὅξεσι καὶ ἰσχυροῖς, ὡς ἀπὸ παλῶν ὀπισθενέας, *velocibus & docilibus, ita ut sola virgula gubernentur.* Hinc *Martialis Lib. ix. Epigr. xxi.* Et *Massyleum* virga gubernet equum. Quamobrem Hebraicum עֵשֶׂה ad verbum Arabibus usitatum, quod moderari, & regere significat, Doctissimus *Bochartus* refert, *Hierozoici Lib. ii. Cap. vi.* Confer. sodes, quæ de Equorum ingenio, Fide, Pietate, congestit *Lipsius. Centur. iiii. ad Belgas. Epistola lvi.* Tales etiam pii sunt. Nam quum propriæ renunciaverint voluntati ad minimum Dei jussu dociles ductilesque se præstant, dicentes, loquere modo, Domine, nam audit servus tuus. II. Equus Robustus admodum est: inde Hebræis אֲבִיר Potens dicitur *Jer. viii. 16. & xlviii. 3.* Unde Epirum, equis celebrem, nomen suum sortitam esse, quasi dicas terram אֲבִירִים fortium equorum, sagaciter Vir Doctissimus conjectat. Ita pii quoque eunt in omnimoda fortitudine Domini Dei. *Pf. lxxi. 16. Omnia valent per eum, qui illos corroborat, Christum. Phil. iv. 13.* Eaque faciunt in superando mundo ac debellando peccato, quæ cæterorum hominum valentiam longe excedunt. III. Equus Generosum est animal, & ut fortitudinis bellicæ emblemata illustri encomio ab ipso Deo exornatur. *Job. xxxix. 22. &c.* Cujus loci luculentissimam explicationem mox laudatus, sed omni laude superior, *Bochartus* nobis dedit *Libro citato, Cap. viii.* Et certe Heroicum quippiam piis inest, quod quotiescunque Christi, & salutis ac pietatis negotium agitur, iis se prodit indicis, quæ in stuporem dare alpectantes potuere. Etenim emeriti senes, & imberbes pueri, & imbelles puellæ, tam fortiter sæpe pro Christo dimicare, tantoque animo dirissimas quasque mortes pro pietate obire visi sunt, ut majorem homine spiritum agitare eos constaret. Fueruntque similes potentibus, conculcantibus lutum platearum in bello, quum præliabantur, quia *Jehovacum* ipsis erat, & pudescerunt eos, qui insidebant equis. *Zach. x. 5.*

Et quidem  
Ægyptiis.

LXIV. Porro celebris olim *Ægyptus* equis suis fuit, quorum frequens in Scriptura mentio est. 1. *Reg. xviii. 24. Jes. xxxi. 1.* Quin ipsa Lex Judææ Reges vetat equorum numerum nimis multiplicare, ne ea occasione populum reducant in *Ægyptum. Deut. xvii. 16.* Salomo tamen equos inde suos plurimum habebat. 1. *Reg. x. 28. 29. 2 Chr. ix. 28.* Unde colligere est, eximios eos præ cæteris fuisse. Talibus autem equis *Ægyptiacis* Ecclesia comparatur ad indicandam generositatis suæ præcellentiam. Ejus enim symbolum *Ægyptius* Equus erat, quem in insignibus  
Leoni

Leoni eos prætulisse *Clemens* auctor est. *Stromat. Lib. v. p. 167.* Quippe  
*αλεως μὲν ἔχ' ῥώμης σύμβολον αὐτοῖς ὁ λέων; ἀνδρείας δ' ἔχ' παρρησίας*  
*ὁ ἵππος. Roboris quidem & virium Leo ipsis symbolum erat; Fortitudinis*  
*autem & Audacia Equus.*

LXV. Neque hoc tantum, sed & *Equis curulibus Regis* Pharaonis, qui Quia imo  
curulibus  
Regis.  
 sine dubio non nisi præstantissimos, & ex universo regno suo selectos  
 habuit. Nam quemadmodum currus Regius eminebat, ita & equos Re-  
 gios cæteris omnibus præstitisse quis ambigat? Omnia ad exaggeran-  
 dam Christianæ pietatis generositatem comparata sunt.

LXVI. Imo ne hic quidem subsistit Deus. Quasi justo minus esset  
 electos suos equitio Curuli Pharaonis comparare, pollicetur se eos Denique  
equi Divi-  
næ Maje-  
statis.  
 dispositurum *וְיִהְיֶה כִסֵּאָם כִּסֵּא עֲרֻלָּתוֹ* *sicut EQUUM MAJESTATIS SUÆ in pralio. Zach. x.*  
 1. Quo nihil dici potuit augustius. Homo sanctus revera est Equus dis-  
 positus ad prælium Jehovæ, & Equus summi imperatoris, Divinæ Ma-  
 jestatis, qui propter fortitudinem generositatemque suam ab ipso dignus  
 est insideri Coelorum Rege. Quapropter etiam is, qui in veste ac femo-  
 re suo scriptum habebat nomen, *Rex Regum & Dominus Dominantium*, vi-  
 sus est Johanni insidens *Equo Albo. Ap. xix. 11.* quo denotantur verita-  
 tis candidi professores, & sanctitatis sinceri sectatores, quibus pugnat Je-  
 sus, & in quibus requiescit ac glorificatur.

LXVII. Hæc autem virtutum Christianarum præcellentia ut eviden-  
 tius patefcat, tria distincte consideranda sunt; Earum I. *Origo.* II. *Norma.*  
 III. *Finis.* In quibus τὸ περισσὸν earum supra hominum non sanctifica-  
 torum virtutes consistit.

LXVIII. Quod *Originem* attinet, virtutes Gentilium, & opera inde Quam  
virtutes  
Gentilium  
originem  
suam ha-  
beant ex  
natura,  
excitata  
auxilio  
communis  
Providen-  
tiæ.  
 procedentia, ortum habent ex reliquiis quibusdam imaginis Dei, quæ  
 post lapsum quoque in homine residuæ sunt, quales sunt insitæ notiones,  
 & qualiscunque honesti amor, & naturalis conscientiæ stimuli; qui-  
 bus accessere in nonnullis sollicita educatio, & studium Philosophiæ;  
 nec non speciales quidam communis Providentiæ Divinæ actus, com-  
 primentes, coercentes, refrenantes corruptionem innatam, & contra  
 excitantes eos ad *πράξιν* vitæ longe honestioris ea, quam communis  
 plebs degebat. Adeo ut virtutes illæ præstantiorem originem non ha-  
 buerint quam *Naturam*, excitatam communis providentiæ auxilio. *Rom.*  
 11. 14. 15. *Gentes natura, quæ legis sunt faciunt, & ostendunt opus legis scrip-  
 tum esse in cordibus suis.*

LXIX. Sed praxis sanctitatis Christianæ ortum habet I. *Ex Spiritu* Virtutes  
Christianæ  
oriuntur  
1. Ex Spi-  
ritu Gra-  
tiæ.  
*Gratiæ*, quem electis suis meritis est & donat Jesus, *quem mundus non potest*  
*recipere, quia non conspiciunt, nec novit eum: Joh. xiv. 17.* qui, quum sit  
 Spiritus Christi, eosdem etiam motus, & animi inclinationes in electis  
 excitat, quæ in Christo sunt, totamque vitam Christi in ipsis fingit ac



format: sic ut non agant propria sua virtute, neque ex innato vitæ naturalis principio, sed ex *supernaturali gratia*, & virtute Jesu I Cor. xv. 10. *Non ego, sed gratia Dei, qua mecum est.* & Heb. xi. 28. *Retineamus GRATIAM, δι' ἧς ἐναρέσωμεν ᾧ Θεῷ, per quam Deum ita colamus, ut ei grati simus.*

II. Ex  
Fide.

LXX. II. Ex Fide, sine qua ἀδύνατον ἐναρεσῆσαι, impossibile est placere sive grata facere Deo. Heb. xi. 6. *ἐναρεσῆσαι* enim hic est ambulare coram Deo: ut ex versu antecedente patet, ubi dicit Apostolus, Enochum ante translationem suam testimonium habuisse, quod placuerit Deo. Quibus verbis respicit indubie ad id quod exstat Genes. v. 24. *Et ambulavit Enoch cum Deo, & non erat, quia abstulit eum Deus.* Nam ambulare cum Deo LXX. passim vertunt ἐναρεσεῖν ᾧ Θεῷ: qui etiam alicubi ἰδὲ τῷ ministrare per hoc verbum explicant. Eorum phrasia Apostolus hic imitatur: quemadmodum & Tit. 11. 9. Ubi servos jubet ἐν πᾶσιν ἐναρέσας εἶναι, hoc est, id agere, ut in omnibus faciant ea, quæ grata dominis sunt.

Sine quæ  
nihil boni  
præstari  
potest.

LXXI. Fides autem, sine qua nihil quod Deo gratum sit agitur, est ea virtus, quæ vitæ spiritualis initium est, sive primum Spiritus Sancti nos Christo unientis opus. Sine ea nihil ab homine boni posse peragi, variis demonstratur modis. I. Quum fides omnem meritorum Christi efficaciam apprehendat sibi que applicet, virtutem habet *corda purificandi.* Act. xv. 9. Quamdiu autem fons ille cordis impurus est, nihil mundi ex eo scaturire potest. *Nam polluta est eorum & mens & conscientia.* Tit. 1. 15. *Contra finis mandati est caritas, ex puro corde, conscientia bona & fide non simulata.* 1. Tim. 1. 5. II. Per fidem justificamur, atque ita in gratiam redimus cum Deo. Necessè est autem personas peccatorum antea Deo gratas esse in Christo, priusquam opera ipsorum grata illi esse queant. Nam qui placeat Deo opus illius, qui ipse Deo horrore & execrationi est? Prius Deus Abelem respexit, tum oblationem ejus. Gen. iv. 4. *August. Lib. iv. contra Julianum Cap. 111. Absit, ut sit in aliquo vera virtus, nisi fuerit justus. Absit autem, ut sit justus vere, nisi vivat ex fide. Justus enim ex fide vivet.* III. Fieri non potest, ut quis Deum vere diligat, & ex amore grata illi facere studeat, nisi eum talem cognoscat, qualem se exhibet in Mediatore Christo. Deum autem in Christo contemplari, proprium fidei opus est; atque ita *fides efficax est per caritatem.* Gal. v. 6. IV. Fides uti primum nos unit Christo, ita continuo ex Christo spirituali suctione & attractione virtutem, efficacitatem & vitam trahit, qua sancte operemur. *Vitam meam vivo per fidem Filii Dei.* Gal. 11. 20.

Cui adesse  
debet

LXXII. Verum præter communem illam fidem, quæ totius vitæ spiritualis fons est, ad actionum nostrarum bonitatem alia specialior fides requi-

requiritur, consistens in certa animi persuasione, opus illud, quod agredimur, bonum, & sanctum, vel saltem licitum, nullibique vetitum esse. Etenim qui aliquid facit, de quo non sit certus id Deo gratum esse, is eo suo facto ostendit, non tangi se debita numinis reverentia, neque uti par est satagere, ne in displicentiam & indignationem Dei incurrat. Atque huc puto Apostolum spectare *Rom. xiv. 23. Qui vero dubitat*, id est, qui non persuasus est in conscientia, licere sibi quibuslibet cibis vesci, *si ederit condemnatus est*, hoc est, judicatur male agere, *quoniam non edit ex fide: quicquid vero ex fide non est, peccatum est*. Id enim hic urget Apostolus, quod versu 5. jecerat, *Unusquisque in animo suo plene certus esto*.

certa animi persuasio, id, quod facimus, bonum vel saltem licitum esse.

LXXIII. Sanctitatis Christianæ Praxis ex amore Dei scaturit, & consistit in illa *φιλοτιμία* id, quod Deo gratum est, faciendi, quam supra laudavimus ex *1 Cor. v. 9*. Atque hac in re Christiana sanctitas cuncta omnium nationum honeste facta superat; cum quibus præclare admodum agebatur, si ex virtutis illius, quam cognoscebant, amore procederent: qui quum non ad Deum ipsum adscenderet, sed in re creata, eaque defectuosa admodum, qualis eorum virtus erat, terminaretur, non erat sancta caritas, sed vitiosa cupiditas, quæ in obliquo ad ipsum hominem respectu male desinit.

III. Ex amore Dei.

LXXIV. Accurate & prolixè hæc edisseruit. *Janssenius Lib. iv. de statu Naturæ lapsæ, Cap. xi. & sequentibus: ubi in hæc verba fatur. Hoc ergo proprium Philosophicæ virtutis, quando erat etiam defæcatissima, fuit malum, quod virtutis quadam celsitudine ruinosa delectati, illam ideo expeterent, ut in oculis suis excelleret, sese oblectarent, sibi placerent, qui per illam Deo, sem, ut Augustinus loquitur, veritati, placere debuissent. Quod sibi placendum ita arte adhaeret iis, qui neque Deo neque hominibus placere desiderant, ut fieri omnino non possit, quin in illud incidant. Quibus mox subjungit: qui non levat oculos suos ad Deum, ut ei de pulcritudine virtutis placeat, sed ipsam unice, velut finem boni, pulcherrimam celsissimamque miratur, impossibile est, ut eam vel appetens non inde sibi placeat, vel non inde sibi placere volens, appetat. Quum necessarium omnino sit, ut aliqua remens humana delectetur, quo quaso alio oblectari potest mens aliena a Deo, ceterasque viliores contemnens creaturas, ut supponimus, quam illo, quod in rebus creatis præstantissimum credit? Hoc autem est mens ipsa virtute jam decorata, quem ipsius ornatum omnium pulcherrimum arbitratur. Sibi ipsi ergo necessario de virtute placet qui per eam Deo vel aliis hominibus placere non cupit. Quæ sana sunt & solida.*

Gentiles non nisi ex amore proprio operatos esse, eleganter demonstrat Janssenius.

LXXV. Profundior ergo melioremque scaturiginem Christiana virtus habet, quam qualemcunque honesti amorem, & in propriis actionibus suis complacentiam. Sed fides Deum animæ repræsentans ut infinite Bonum, & consummate Sanctum, & boni operis Liberalissimum

Quomodo Amor Dei in Sanctis operetur.

Remuneratorem, nec non Leges ipsius ut æquitatis & justitiæ plenæ, facit, ut anima amore Optimi Numinis & æquissimarum legum ipsius exardescat. & nihil prius, nihil antiquius habeat, quam ad illas leges se conformando, ipsi in sanctitate pro suo modulo similem esse, & in similitudine ista placere: ut Deus quasi extra se ipsum & de cœlo prospiciens, in terra quoque reperiatur, in quo se ut sui ectypo oblectet. Quæ summa animæ sanctæ voluptas est. Adeo ut virtutem non propter illam solam diligat, sed propter Deum, cujus imago est, & cui in virtutis exercitio placet. Ex hac adversus Deum caritate veræ sanctitatis praxis nascitur.

Eximii  
Clementis  
loci.

LXXVI. Non possum, quin eximium *Clementis Alexandrini* locum in hunc sensum adscribam, qui, *Strom. Lib. v. p. 532.* virtutem sanctam ita depingit. Ὁ δὲ φιλή κλησὶ καὶ ὁ κληταὶ ὑπακύν, ὅτε διὰ φόβον, ὅτε διὰ ἡδονήν, ἐπὶ τὴν γνώσιν ἵεται. Οὐ γὰρ περισκέπτεται εἰ τι λυσitteλές ἐξωθεν ἔσται κέρδιον ἢ ἀπολαυσις αὐτῶ. ἀγάπη δὲ τῷ ὄντως ὄντι ἐρασὲ ἐλκόμενον, καὶ πρὸς τὸ θεὸν ἀγόμενον, θεοσεβεῖ. ὅθεν, ὅς ἐστι καὶ ὑπόθεσιν ἐξουσίαν λαβοὶ παρὰ τῷ θεῷ πράττειν τὰ ἀπηγορευμένα, ἀτιμώρητον τε ὢν. ὅς ἐστι μισθὸν τὰ μακάρων ἀγαθὰ λήψασθαι ἐπὶ τοῖς δὲ ἐπαγγελίαν προσλάβοι. ἀλλ' εἰ καὶ λήσασθαι τὸν θεὸν ὃς οἷς πράττει πεισθεῖν, ὅπερ ἀδύνατον πράξαι, παρὰ τὸν λόγον τὸν ὁρῶν ἐδελῆσαι πᾶσι ἂν, καὶ ὄντως καλὸν καὶ αἰρετὸν ἐξ αὐτῶ, καὶ ταύτη ἀγαπῶν ἵνα αἰῶνα ἐλκόμενον. *Qui nuda vocatiori, quatenus vocatus est, obedit, is neque propter timorem, neque propter voluptatem tendit ad cognitionem. Non enim considerat, an aliquid utile lucrum, vel delectatio aliqua extrinsecus consequatur, sed tractus amore ejus quod revera est amabile, eoque ad officium actus, prius Dei cultor est. Unde nec, si singamus potestatem sibi a Deo factam esse agendi ea quæ prohibita sunt, citra ullam penam: neque si propterea beatorum bona accepturum esse promissum ei fuerit: sed nec si persuasum habuerit, fore ut Deum lateant ea, quæ gerit (quod quidem fieri non potest) in animum inquam induitur, ut aliquid agat præter rectam rationem, quum id, quod est vere honestum & ex se ipso eligendum, & ea ratione expectandum amandumque, semel elegerit. Quo quid dici potuit sublimius?*

Eodem  
Lib. v.  
p. 511.

LXXVII. Virum sanctum ex *Caritate* omnia sua agere vult. ἀγάπην ἔν ἀσκειν ἢ τελειον χρη, καὶ θεὸν ἐπὶ τὴν θεῖαν φιλίαν σπεύδειν, δι' ἀγάπην ἐντελεῖν τὰς ἐντολάς. Oportet igitur eum, qui perfectus est, caritatem exercere, & hinc ad Divinam tendere amicitiam, per caritatem exsequendo mandata. Hæc autem caritas pro objecto ipsam virtutem habet. & eam nudam quidem: non celebritatem nominis, non aliud qualecunque commodum. Sic ut μήτε διὰ δόξαν ἔτι, ἢ, ὡς φασι οἱ φιλόσοφοι, τὴν εὐκλειαν, μήτε διὰ μισθόν, εἴτε παρὰ ἀνθρώπων, εἴτε ἐκ θεῶ, κατ' εἰκόνα, καὶ ὁμοίωσιν τῷ κυρίῳ ἢ εἰς ἐντελείῃ; neque propter gloriam amplius, aut ut Philosophi dicunt εὐκλειαν, neque propter mercedem, fore

p. 529.

ibid p. 529

*sive ab hominibus, sive a Deo, secundum imaginem & similitudinem Domini vitam peragat.* Porro id, quod virtutem amabilem ipsi facit, non est philosophica illa cum recta ratione convenientia; sed quod in ea similitudinem Dei cernat, qua nihil fingi potest amabilius. Ita enim describit illud, quod ὄντως καλὸν vere bonum ὄντως ἱρατὸν vere desiderabile vocat, dicens: καλὸν εἶναι τὴν πρὸς τὸ θεῖον ἑξομώωσιν ἀπαθῆ καὶ ἐνάρσιον γενέσθαι. Bonum esse per Dei assimilationem impatibilem fieri & virtute præditum.

LXXVIII. Non tamen hæc ita sunt intelligenda, quasi nullam nostri commodi rationem in sanctitatis exercitio habere liceat, & omnis nostri ipsius amor hic plane exulare debeat. Non licet tantum, sed & iustum nos ipsos amare. Neque ad amorem proximitenemur, si non ad amorem nostri. Et hæc non scripta, sed nata lex est, quam non aliunde didicimus, sed ex natura ipsa hausimus: *Nullus unquam suam ipsius carnem odio habet, imo nutrit ac fovet eam.* Eph. v. 29. Hoc quoque nostri amore sanctitatis studium accendi in nobis fas est. Ipse Deus isto illicio suos invitat, promittens, *non vanum fore ipsorum laborem in Domino.* 1 Cor. xv. 58. Et quo, quæso, spectant omnes illæ promissiones, quibus sua nobis mandata commendavit, nisi ut earum desiderio incitati alacrius ipsi obediremus? Bona promissa non amare, est bonitatem promittentis Dei contemnere. Illorum amore non incitari ad pietatem, est iis alio abuti, quam quo a Deo sunt proposita. David ipse fatebatur, præcepta Dei eo quoque nomine desideratissima esse præ auro, & quidem auro purgatissimo quam plurimo, ac dulciora melle, ac quidem aceto melle, quia in observatione eorum est emolumentum magnum. Ps. xix. 11. 12. Et Moïsis fides propterea laudatur, quod intueretur in præmii retributionem. Hebr. xi. 26. Imo in omnibus ad Deum accedentibus ea fides ut necessaria existitur, qua credant, Deum præmia largiri iis, qui ipsum requirunt. ibi. v. 6.

LXXIX. Verum hic quoque amor nostri ex amore Dei scaturire, ei subordinari, & ad ipsum referri debet. Non licet nobis Deum amare nostri causa, sic ut nos ipsos ut finem consideremus, Deum ut medium, cujus fruitione redderemur beati. Sed quoniam nos res Dei sumus, quem ante omnia debemus amare ideo etiam nos ipsos diligere tenemur, cum illo ad Deum respectu. Bonum nostrum idcirco querendum est, ut in eo suavitatem gustemus Domini, & ut peculium Dei tanto reddatur auctius meliusque. Ita Oceano illo Divini amoris nostri amor tandem absorbetur. Qua de re mox quoque aliquid monendum erit.

LXXX. Nunc sanctitatis normam consideremus. Eam Philosophi statuerunt Naturam Hominis, Rationem Rectam, & præstantium virorum Exempla: pauci Præceptorum Dei meminerunt, & Exempli, quod

Non tamen illicitum est nostri quoque commodi rationem in sanctitatis exercitio habere.

Sed subordinate ad Deum.

Normam virtutum suarum Philosophi

statuerunt.  
Naturam,  
Rationem,  
& præstan-  
tium viro-  
rum Ex-  
empla.

Eipſetus  
addit, Præ-  
cepta Dei.

Alii  
etiam Dei  
Exem-  
plum.

Pag. 403.

Quæ ta-  
men om-  
nia admo-  
dum defe-  
ctuosa  
sunt.

Christia-  
næ sancti-  
tatis nor-  
ma est.

quod nobis ipse dat, atque id quidem admodum tenuiter. De *Natura* Hominis ita Marcus Imperator: *Lib. VII. §. II.* τὸ εὖ ζῆν πᾶ ἔν ἐστὶν; ἐν τῷ ποιεῖν ἃ ἐπιζητεῖ ἡ τῆς ἀνθρώπου φύσις. *Vita bona, beataque in quo consistit? In eis faciendis, quæ exigit Natura Humana. Rationem Rectam* ubique crepant. De præstantium Virorum *Exemplis* vide *Senecam. Epist. VI. & XI. & XXV.*

**LXXXI.** De *Dei præceptis* sublimiora aliquanto *Epictetus* habet, quam expectari a Gentili possent. Apud *Arrianum Lib. III. Cap. XXIV.* non procul a fine, protestatur, coram Deo se victurum & moriturum ὡς συήθεός τις, inquit, ὡς ἐλευθερῶ, ὡς ὑπηρέτης σός; ὡς ἡδημέ- νου σου τῶν προσαγμάτων καὶ ἀπαγορευμάτων. *Quemadmodum tu voluisti: ut liber, ut minister tuus, mandatorum tuorum intelligens, & interdictionum.* Post aliqua: οὐχὶ δὲ ὅλον πρὸς τὸ θεὸν τέταμαι, καὶ τὰς ἐκείνου ἐντολάς καὶ τὰ προσάγματα; *Nonne totus ad Deum tendo, & ipsius præcepta ac mandata? Et Lib. IV. Cap. VII.* ἡλευθερώμαι ὑπὸ τῷ θεῷ, ἔγνων αὐτῷ τὰς ἐντολάς. *Libertate sum donatus a Deo: novi ejus mandata.* Et eodem libro, *Cap. III.* ἐλευθερῶ γὰρ εἰμι, καὶ φίλος τῷ θεῷ, ἵν' ἔκων πείσθωμαι αὐτῷ. *Libert enim sum, & amicus Dei, ut ultro ei paream.* Paullo post. διὰ τῆτο ἐδὲν δύναμαι παραβῆναι τῶν ἐντολῶν. *Propterea nullum ejus mandatum negligere possum.* Et denique, τὰντα τὰ διατάγματα, τέτων ἡξηγητὰ δεῖ γενέσθαι, τέτοις ὑποτεταγμένοις ἐ τοῖς Μασουρίαι καὶ Κασίαι. *Hæc sunt edicta, horum interpretem esse decet, his parere, non Massurii & Cassii præceptis.*

**LXXXII.** Nonnunquam etiam de imitatione Dei locuti sunt, & similitudine cum illo. *Seneca de Benefic. Lib. VII. Cap. XXXI.* *Imitemur Deos.* *Marc. Antoni. Lib. V. §. XXVII.* συζῆν θεοῖς. *Vivendum est cum Diis.* *Et Lib. II. §. V.* θεοδῆ βιώσαι βίον. *Deo similem vitam vivere.* *Clemens. Strom. Lib. II.* Πλάτων δὲ ὁ Φιλόσοφος εὐδαιμονίας ἰδέσθαι ἡμεῖς, ὁμοίωσιν θεῶν φησὶν αὐτὸ εἶναι, κατὰ τὸ δυνάσθαι. *Plato autem Philosophus beatitudinis finem ponens, dicit eam esse assimilationem Deo; quantum quidem ejus fieri potest.* Vide *supra Cap. V. §. 2.*

**LXXXIII.** Hæc magnifice satis dicuntur; sed tamen quum alias Dei leges ignorarent præter eas, quas Natura dicat, & quæ Conscientiæ inscriptæ sunt; quæ non nisi generatim, confuse & imperfecte admodum sanctitatis officia præscribunt: quum etiam verus Deus in virtutibus suis ipsis fuerit ἀγῶς, neque unquam eum contemplati sint in sanctuario; ea, quam virtutum suarum normam habuere, admodum defectuosa fuit.

**LXXXIV.** Christiana autem sanctitas normam longe præcellentiorē habet; sive *Præcepta*, sive *Exempla* spectes. Præcepta illius ex perfectissima Dei Lege petita sunt; non illa modo, cujus rudera, & quasi  
fu-

fugientis imaginis tenues umbræ, in conscientia hominis naturalis sup-  
 perstitant: sed & illa, quam tanta Coelestis gloriæ magnificentia, in  
 frequentissima populi sui panegyri olim publicavit Deus, quam suis ip-  
 se digitis tabulis lapideis insculpsit, quam Prophetarum & *ἱεροδιδάκτων*  
 virorum luculentissimis commentariis auxit, quamque secreta Spiritus  
 sui efficacitate electorum inscribit animis: quæ non modo sanctissimæ  
 suæ voluntatis, sed & naturæ & virtutum suarum, in quantum imita-  
 biles homini sunt, accuratissima expressio est: neque solum externas  
 actiones, & dicta aliis audienda componit & ordinat; sed & in pene-  
 tralibus suis hominem sequitur, intima cordis regit, imasque vitiorum  
 fibras, usque ad primo-primos nascentis concupiscentiæ motus, evel-  
 lit; quæ denique hominem ad perfectionem Deo dignam extollit.

1. Perfe-  
 ctissima  
 Dei lex.

LXXXV. Hæc est illa lex, quam Israël in depositum dedit Deus:  
*Pf. cXLVI. 1. 19. quæ eum יְהוָה יִגְדִּילֵךְ magnum & gloriosum fecit, Jes. XLII.*  
*21. ut ad stuporem usque reliquis gentibus præstaret. Deut. IV. 6. 7.*  
*in qua sunt רַב־מִעֲלָאִים amplissima documenta: Hos. VII. 12. cujus*  
*præstantiam, nec præstantiam tantum, sed & exactissimam perfectio-*  
*nem magnifice deprædicavit Psaltes, Ps. XIX. 8. &c. & perfectio-*  
*nem quidem tantam, ut in ea terminos non invenerit, quos in cæteris*  
*animadvertit perfectionibus. Ps. CXIX. 96. Et sane quo quis attentiore*  
*animo profundæ legis hujus meditationi se immergit, eo accuratius*  
*intelliget, nondum sese plenam sanctitatis istius ideam animo suo con-*  
*cepisse. Omnia paucis dixit, totamque legis summam comprehendit*  
*D. Jesus, inclamans suis (sed quis vim istorum verborum assequa-*  
*tur?) Estote perfecti, sicut Pater vester, qui in celis est, perfectus est.*  
*Mat. v. 48.*

LXXXVI. Præter sanctissimas has leges, augusta virtutum, quæ  
 imitetur, *Exempla* fidelis habet; eaque non unius generis, neque Or-  
 dinis. Primo hic *sancti* occurrunt, *qui in terra sunt, & gloriosi illi, in*  
*quibus omnis ipsius Domini voluptas est. Ps. XVI. 3. Non est quod Socra-*  
*tem aliquem, vel Zenonem, vel Catonem, aut Lælium, quos hoc fi-*  
*ne Seneca commendat, ob oculos nobis ponamus. Habemus viros ge-*  
*nerosiore Dei Spiritu agitados, Patriarchas, Prophetas, Apostolos, si-*  
*milesque in utroque sexu Heroas, quos suo commercio, elogio, com-*  
*mendatione ipse dignatus est Deus, quorum vitæ institutum sacratissi-*  
*mis religionis nostræ voluminibus graphice describi curavit, quorum-*  
*quæ tanta est abundantia, ut nubem testium Paulus memoraverit, quo-*  
*rum exemplo ad constanter decurrendum pietatis stadium excitemur.*  
*Heb. XII. 1. Hi nobis ad imitationem propositi sunt. I Cor. IV. 16. &*  
*XI. 2. Phil. III. 17. Jac. IV. 10. Heb. XII. 1. 7.*

11. Præ-  
 sanctissima  
 Exempla  
 1. Sancto-  
 rum, qui  
 in terra  
 sunt.

LXXXVII. Cæterum quum excellentissimi quique sanctorum in  
 ter-

In quo-

rum tamen  
imitatione  
requiritur  
prudencia.

terra suos etiam habuerint naves, prudentia hic opus est, ut ea solum ipsorum facta imitemur, quæ ad normam Divinæ legis examulitata sunt; ubi descivere a linea, eorum commonefacti errore discamus *ὁρθοποδοῦν*. Hæc sine Salomonis exemplum sapienter Nehemias urget. *Cap. xlii. 26.* Neque sine insigni utilitate, sanctorum Dei virorum deviationes in Sacris Literis memoratæ sunt. Nusquam turpiores apparent maculæ, quam quando in facie cæteroquin pulcherrima, vel veste nitidissima, conspiciuntur. Expediit autem, ut turpitudinem peccati probe cognitam habeamus. Discimus quoque ex iis humiliter de nobis sentire, a Dei gratia dependere, ad nos ipsos ἀκριβεστέρως attendere, ne forte in eadem vel graviora prolabamur crimina. *Gal. vi. i.*

II. San-  
ctorum  
cœlicola-  
rum.

LXXXVIII. Noluit tamen Dominus noster, perfectis exemplis nos destitutos esse, ideoque meditationes suorum ad Cœli incolas extollit, choros Angelorum, & spiritus iustorum consummatorum, quorum in Oratione etiam quotidiana *πολύτειαν* commendat. Sicut Et IN COELO. Hi candidissima luce perfusi, & purissima caritate flagrant, & faciem Dei contemplantes jugiter, & ad illius exemplar plane conformati, nunquam non Creatoris sui decantant laudes, illiusque iussa incredibili alacritate exsequuntur. *Jes. vi. 2. 3. Ps. ciii. 20. Ap. iv. 8. 9. 10. 11.* Hoc de iis sacræ testantur literæ. Hoc non credit solum, sed & videt fides, quæ Lynceis instructa oculis intra cœlestis aditivelum penetrat, & quasi cœlicolarum mista choris ea consummatissimæ sanctitatis exercitia cernit, quorum amore fieri non potest, quin anima fidelis inflammetur.

III. Chri-  
sti Domini.

LXXXIX. Verum tamen quum desiderabile admodum sit perfectæ sanctitatis exemplar in terra quoque habere; ne hoc quidem deesse nobis Deus sivit: Filium suum Jesum cœlitus mittens, qui omnium, sine exceptione, virtutum nitidissimum nobis exemplar reliquit, *ut in vestigiis ipsius ambularemus. i Pet. ii. 21.* Pars fuit Prophetici muneris, quo functus est Jesus, non sermone solum docere, sed & vitæ exemplo; atque ita & ore & opere dicere, *Discite a me. Mat. xi. 29.* Huius imitatio frequenter ab Apostolis commendata est. *i Cor. xi. i. i Thes. i. 6. i Joh. ii. 6.*

Aliud est  
μίμησις,  
aliud  
ἀκολουθῆσις  
Christi.

XC. Pulcrea Viro Docto observatum est, distinguendum esse inter imitationem, vel *μίμησιν*, a qua *μιμηταὶ* imitatores Christi dicuntur: *i Cor. xi. i.* & inter *ἀκολουθῆσιν* sive obsequium, quo jubemur Christum sequi: *ἀκολουθεῖτω μοι. Mat. xvi. 24. & ἀκολουθεῖ ὁπίσω μου. Mat. x. 38.* Prius enim notat conformationem ad exemplar: posterius obsequium servorum euntium post Dominos. Quæ a vernacule scribentibus plerumque sunt confusa, quum confundenda non sint.

**XCI.** Porro quum in triplici *σχίστι* considerari Christum debere, *Qui imitandus est, quarens homo sanctus fuit.* scilicet jam inculcaverimus, qua *Hominem*, qua *Mediatorem*, qua *Deum*; inquirendum restat, qua *σχίστι* nobis in exemplar datus sit. Et primo quidem dubitandum non est, quin in humana sua natura imaginem Dei, ad quam conditus erat primus Adam, perfecte representans, omnesque virtutes creaturæ rationali debitas sine ullo defectu possidens & exercens, eatenus nobis quam accuratissime imitandus sit. Scilicet hoc post protoplasti fatalem lapsum mundo hactenus defuerat, hominem habere, qui intactus vitiis, *ὁσιος, ἀναγιγνώσκων, ἀμύμων*, quasi viva spiransque lex, in medio fratrum suorum versaretur. Eum nobis in Christo Deus exhibuit. Dulce est sanctitatis amatori, ejus accuratissimam delineationem in scripta Dei lege contemplari. Sed delineatio ista quid, nisi pictura, est? accurata quidem illa, nativisque expressa coloribus; sed pictura tamen, sine carne & succo, sine vita & motu. Quanto ergo dulcius, eandem sanctitatem, quæ in lege depicta est, quasi vivam & animatam in Christo cernere?

**XCII.** Quod ad Officium ejus Mediatorium spectat, ea quæ illi singularia sunt & priva, ut gratia Mediationis, qua reconciliamur Deo, & eminens illud fastigium, quo Christus singulariter Propheta, Sacerdos & Rex salutatur, in summa quicquid ad *διαφορώτερον* illud nomen pertinet, quod Christo concessum præ consortibus; illud omne nec imitabilis est, nec imitatores fingere, qui æmulentur. *Unus est Mediator Dei & hominum, homo Christus Jesus. 1. Tim. 11. 5.* *Quæ officio ejus Mediatorio singularia sunt, ea imitari nemo potest, debere.*

**XCIII.** Hoc tamen ad exemplum Christi, & ex communione unctionis ipsius, fideles habent, quod Prophetæ, Sacerdotes & Reges sint. *Jod. 11. 28. 1. Pet. 11. 5. Apo. 1. 6.* Et consequenter iis incumbit in spirituali munerum istorum functione ad exemplar se Christi conformare. In quo tamen tam ingens est differitas, ut præter communionem nominis, & tenuem aliquam analogiam, vix ulla convenientia cernatur. Alius enim longe generis Christi Prophetia, & Sacerdotium, & Regnum a nostris est. *Attamen ad Exemplum Christi Fideles, Prophetæ, Sacerdotes & Reges sunt.*

**XCIV.** Sed virtutes illæ, quas in obeundis muneribus suis Christus demonstravit, omnino nobis ad imitationem propositæ sunt. Uti Humilitatis, & Fidelitatis, & Caritatis, & Patientiæ, & Zeli, & Constantiæ in universa munerum suorum functione demonstratio: item quod non absque vocatione se ingesserit: *Heb. 7. 4. 5.* quod fidelis fuerit ei, qui ipsam constituerat: *Heb. 111. 2.* quod neque commodum, neque lucrum suum quæsierit: *Pbl. 11. 4. 5.* quod non succubuerit opprobriis & contradictionibus improborum *Heb. x11. 2. 3.* quod Zelus domus Dei ipsum consumserit: *Job. 11. 17.* quod in omnibus non suam sed Patris sui gloriam quæsierit: *Job. vii 11. 49. 50.* & quæ plura huc pertinent. *Et virtutes, quas in obeundis muneribus suis Christus demonstravit, propositæ nobis sunt in exemplum.*



Qua Deus,  
cum Patre,  
& S. S. pu-  
rissimæ  
Sanctitatis  
exemplar  
est.

XCV. Denique etiam *qua Deus*, una cum Patre & Spiritu Sancto, purissimæ nobis sanctitatis exemplar est. *Levit. xi. 44. & xix. 2. Mat. v. 48. Eph. v. 1. 1. Pet. i. 15. 16.* Sanctitas Jehovæ tantum cæterarum perfectionum ejus ornamentum est, ut sine illa omnes reliquæ Deo futuræ essent indignæ. Hinc dicitur *קדשך יגדלך*, *glorificatus in sanctitate. Exod. xv. 2.* jubemurque singulariter *celebrare memoriam sanctitatis ejus Ps. xxx. 5. & xcvi. 1, 12.* præeuntibus Seraphinis, qui, postquam ternam sanctitatis Divinæ laudem repetivissent, addiderunt totam terram gloriæ ipsius plenam esse. *Jes. vi. 3.* Ad hujus sanctitatis imitationem invitat suos Deus. Hanc is in verbo suo contemplandam objecit, ut pulcritudinem ejus admirantes, amore illius accendantur, & ad imaginem istam paulatim transfigurentur.

Finis vir-  
tutum  
Christia-  
narum est.

XCVI. Tertio loco de fine virtutum Christianarum dicendum esse monuimus; qui non potest non excellentissimus esse. Non propterea sanctitati operam dat vere fidelis, ut gloriam famamque apud homines aucupetur, quod Gentilium fuit ac Phariseorum vitium, quos *retrahisse mercedem suam* testatur Dominus *Mat. vi. 5.* Non mercenario sui amore ad propria vel hujus vel futuræ vitæ commoda solum collimat: quod illi omnes faciunt, qui suam conantes stabilire justitiam, omni pietatis incentiva removeri clamitant, ubi operum merita exploduntur. Non eam modo animi in suo sibi facto placentis tranquillitatem sectatur, quam cultoribus suis præstare reverenter habita virtus solet. Sublimior longe sanctiorque piorum est intentio: qua & in Deum, & in se ipsos, & in proximum feruntur.

i. Dei  
gloria.

XCVII. Ante omnia *Dei gloriam* quærunt. Hanc amant, hujus amplificationem expetunt, omnique suo nisu promovent. *Dicant jugiter, magnificetur Jehova, amantes salutis tue. Ps. xl. 17.* Huc omnibus suis exercitiis tendunt, inoffenso cursu pergentes, ad diem usque Christi; *repleti fructibus justitiæ, qui sunt per Jesum Christum, ad gloriam & laudem Dei. Phil. i. 10. 11.* Quorum operum scaturigo & principium est amor Dei, eorum finis non potest non esse ejusdem Dei gloria. Qui enim Deum impense amat, id quoque supra omnia amat, quod Deo est amatissimum. Deus autem ita suam diligit gloriam, ut ejus gratia faciat quodcunque facit: ideo omnia sunt *ex ipso*, ut sint rursus *ad ipsum*, & *ipsi gloria sit in secula. Rom. xi. 36.* Hac quoque in parte Deo similes sancti sunt, quod in omnibus actionibus suis Dei gloriam præ oculis habeant. *Sive editis, sive bibitis, sive quid facitis, omnia in Dei gloriam facite. 1 Cor. x. 31.*

Cui in  
omnibus  
pæno-  
vendæ  
universali

XCVIII. Quæ tamen non ita sunt intelligenda, quasi in omnibus & singulis, minutissimis etiam vitæ nostræ actionibus, explicitam eam intentionem habere necesse sit, ut Deum per eas glorificemus. Hoc enim per rerum naturam fieri non potest. Verum id universaliter firmum si-

rum-

zumque filiis Dei esse debet : Deo se esse consecratos ac dedicatos , ne quid posthac cogitent, loquantur, meditentur, agant, nisi in quo expressio quædam virtutum Dei, & manifestatio ipsius gloriæ sit. Sacrum enim non sine insigni in eum injuria ad profanos usus applicatur. Sui non sunt : idcirco hunc sibi finem statuere, ut unice ea quærant, quæ expedire sibi secundum carnem arbitrantur, nefas esto. Sui non sunt : ergo , quoad licet, obliviscantur se ipsos & omnia sua. Dei sunt : illi ergo vivant, & moriantur. Dei sunt : cunctis ergo actionibus ipsorum præsideat ejus sapientia. Dei sunt : ad illum igitur tanquam solum legitimum finem contendant omnes vitæ ipsorum partes. Atque in hac sincera nostri abnegatione, & traditione Deo, ut firmiter proponamus cum sancto ad ipsum respectu omnia nostra peragere, consistit, hæc de qua agimus, Dei glorificatio.

firmoque  
decreto pñ  
se tradunt.

XCIX. Verbi gratia, tum quis edit ac bibit ad Dei gloriam, quando se indignum confessus, qui vita hac illiusque commodis fruatur, eam Dei beneficentiam laudat, quæ omnia abunde ipsi largitur, & præcipue miratur immensum illum D. Jesu amorem, qui laetitias omnibus lubens caruit, & aceto se ac felle potari passus est, ut iis, qui sui sunt, in favore numinis pingua comedere, ac dulcia bibere daretur : quando etiam non tam in creaturis ac donis deliciatur, quam in ipso creatore ac datore, summa sua cum voluptate gustans, quam suavis sit Dominus : quando vitam suam, quæ hisce mediis prorogatur, facultatesque omnes, quæ ita continuo restaurantur, Dei, qui eas dedit & conservat, ministerio fideliter impendere, ex animo sibi proponit : quando denique ex naturalis hujus vitæ jucunditate ad futuræ ac cœlestis vitæ incredibiles prope delicias meditando adscendit ; easque cogitationibus ac fide prælibans, grata mente, canticum amoris Deo occinit, Domine, si tanta nobis facis in carcere, quid ages in palatio ?

Quid sit  
ad Dei  
gloriam  
edere ac  
bibere.

C. Lubet hic quædam adscribere ex Catechesi Judaica Rabbi Abraham Ben Chanania Jagel, quæ sub titulo שו"ת אברהם יאגל edita primum est Venediis, Anno 1717, id est Christi MDXCV. deinceps recusa Amstelodami MDCLVIII. denique Christianis exhibita, cum versione sua Latina, a Johanne Benedicto Carpzovio, *Introductione in Theologiam Judaicam. Cap. IX. p. 74.* Ubi Hebræus Catechista his verbis suum erudit discipulum : *Omnia opera tua fiant ad gloriam nominis Divini, & in honorem Creatoris Benedicti ; in omni via tua cogita de eo, quando ambulas in via ; quando surgis & cubas. Verbi gratia, quando edis, scito, Deum benedictum creasse cibum reborescentie sue, ac dedisse ipsi vires ut convertatur in substantiam ejus qui nutriendus est. Quando cubitum is ad capiendam somnum, perpende tecum, quod Deus somnum creavit in gratiam hominis, ut corpus quiescat, & restaurentur vires ejus, ut quæ sanus ad colendum Creatorem. Et sic in omnibus reliquis actionibus*

Pia Hebræi Catechistæ observatio.

*corporalibus attende, ut Deo gloriam ac laudem tribuas, hoc enim modo opera tua erunt nomini Divino gloriosa: cujus Providentia tibi adharebit, omnesque actiones tuas diriget.*

II. San-  
ctorum &  
in hac &  
in futura  
vita sa-  
lus.

CI. Post hanc Divini nominis gloriam, licet quoque viro sancto sui ipsius rationem in virtutum suarum exercitio habere: atque id intendere. 1. Ut suæ sibi a Deo electionis æternæ, vocationis internæ & fidei ac communionis cum Christo sit conscius. 2. *Per. 1. 10.* II. Ut in inoffensæ conscientiæ testimonio, eaque, quæ illud consequitur, tranquillitate exsultet. 2. *Cor. 1. 12.* III. Ut sinceritatem suæ erga Deum caritatis operibus sanctitatis comprobans, vicissim illo Dei amore ac familiaritate fruatur, quam amantibus sese blande pollicitus est Jesus *Job. xiv. 21. 23.* IV. Ut in animæ suæ habitibus, & actionibus inde profectis, summo numini similior, atque ita gloriosior, ac beator paullatim evadat. 2. *Cor. 1. 1. 18.* V. Ut isthac sanctimoniam via ad æternam contendens gloriam, salutis suæ certus ac securus queat degere. 1. *Cor. 12. 24. 25. 26. 27.*

In qua  
Dei gloria  
eximie  
eluces.

CII. Hæc tamen omnia ita expetere sanctitas Christiana docet, non ut nos tanquam ultimo fine subsistamus; sed ut ea quoque ad Dei gloriam referamus. Quanto enim quis ea quæ mox attigimus abundantius consequitur, tanto fulgentius Divinarum perfectionum splendor in eo coruscat. Bonitas & Liberalitas Dei magnifice se in hac virtutis remuneratione ostendunt. Dilecta Christi Sponsa, quam aliquando intaminatam & gloriosam Deo Patri sistet, sit ornatior. Pretium satisfactionis ac meritum ejus ex beatitudine sanctis concessa rite æstimatur. Sancti ipsi, iis virtutum suarum præmiis aucti, ad Dei sui laudes decantandas instructiores meliusque comparati sunt. Atque hoc modo contingit, ut pii ad promissam sibi beatitudinem collimantes, suam gloriam modo atque ordine quærentes, simul *gloriantur in spe gloria Dei. Rom. v. 2.* Nam tum illi redduntur beati, *quando Deus in eis gloriosus & admirabilis fit. 2. Thes. 1. 10.*

III. Pro-  
ximi edificatio.

CIII. Denique & ad proximum Deo lucrificandum pietatis opera comparata sunt. Nunquam sibi in glorificatione Dei sancta anima satisfacit. Plurimos eidem intentos operi sodales habere exoptat. Id ut consequatur, *lucem suam lucere facit coram hominibus, ut illi bona ista opera cernentes, Patrem, qui in celis est, glorificent. Mat. v. 16.* Accedit, quod, proximi salutem ex animo desiderans, ei in viam antiquam bonamque reducendo, omnem suam operam lubentissime impendat. Quam ad rem quam vita sancta nihil sit efficacius, hoc sine ipsas Christianas foeminas ei studere Petrus vult; *ut si qui non assentiantur sermone, per earum conversationem absque sermone lucrifaciant. 1. Pet. 3. 1.* Et sane quicumque ingentis istius gratiæ Dei facti sunt participes, ut e tenebris traducti sunt ad admirabilem ejus lucem, per repercussos Divinæ carita-

ter ra lios alios quosque illuminare , accendere , & ejusdem secum beatitudinis confortes reddere allaborant. Quo studio quid sanctius laudabiliusve excogitari potest ?

CIV. Hæc est generosa illa sanctitas, quam Spiritus gratiæ potenter operatur in electis : quamque variorum *mediorum* exercitio jugiter promovet. Usus istorum *mediorum* exigitur ab homine, ita tamen ut eorum efficacia a sola Dei benedictione dependeat. Imo ne hoc quidem sine numine est, quod mediis istis homo salutariter uti possit velitve. Quam enim circa ea torpere soleamus, ubi afflatus Spiritus cessat lentiorve est, omnes quotidie experimur. Inter ea sanctificationis media, frequentia nobis debent esse commendatissima.

Media  
promo-  
venda san-  
ctitati ido-  
nea.

CV. *Primo* loco merito collocamus Dei Verbum, ejusque devotam meditationem. Sanctificat nos Deus in veritate sua, verbum autem ejus est veritas. *Joh. xvii. 17.* Id quum a Spiritu Sancto sit profectum, impressos sibi Divinæ Sanctitatis characteres habet, & suavissimum ubique sanctimonix odorem exhalans, pio illum lectori inspirat, etiam si non omnia fortassis, quæ legit, assequatur: quod *Chrysostomus* quoque observavit *Oratione III. in Lazar. Μαλιστα μὲν καὶ μὴ εἰδὴς τὰ ἔγκείμενα, ἀπ' ἀντὶς τ' ἀναγνώσεως πολὺς ὁ ἁγιασμὸς γίνεται.* Imo vero etiam si contenta non usque quaque intelligas, ipsa lectio plurimam sanctificationem gignit.

Medita-  
tio Divini  
verbi.

CVI. Quicquid autem Verbo Dei continetur, in hunc finem directum est. *Præcepta* Legis accuratissimam sanctitatis deformationem exhibentia ejusdem amore animum inflammare sunt idonea. *Pf. xix. 8. 9. 10. Comminationes* Legi additæ, & commemorationes iudiciorum, quibus Deus in scelera vindicavit, totidem a peccato validissima dehortamenta sunt. *I Cor. x. 6. 11. Promissa* amplissima virtuti facta, & benedictiones, quibus pios sui cultores larga numinis bonitas locupletavit, totidem sunt ad sanctitatem stimuli. *Jes. Lii. 2. 3. Exempla* sanctorum ita docent, ut simul trahant. *Heb. xii. 1. Timbationes* ipsorum & lapsus, commonefaciunt nos de infirmitate nostra, inculcant humilitatem, docent ad nos ipsos attendere, monstrantque a quibus rebus cavere nobis debeamus. *Neb. xiii. 26.* Nihil autem efficacius pietatem suadet, quam doctrina Gratia revelata evangelio, *Tit. ii. 12.* qua qui abutuntur ad ἀσέλειαν, illi nunquam veritatem cognovere, sicut veritas in Jesu est. Nam sermo veritatis Evangelica in toto mundo fructum profert, ex quo die homines vere audierunt & cognoverunt Dei Gratiam. *Col. i. 5. 6.*

Quod re-  
rum eo di-  
rectum est

CVII. Usquis autem hanc sanctificationis fructum ex Dei verbo percipiat, illud I. Sedulo, quotidie, animo attento, & quemadmodum *Chrysostomus* ait, μετὰ μετρίτης ἡσυχίας legendum est. *Joh. v. 39. II.* Diligenter audiendum: habet enim publicum verbi præconium promissiones præstantissimas. *Rom. x. 14. 15. 17. III.* Lecta & audita in

Idcirco  
cum cura  
usurpan-  
dam.

animæ penitissimo ærario recondenda sunt, ut ibi veluti pretiosissimus thesaurus custodiantur *Job. XXI. 11. 12. Ps. CXIX. 11. Luc. II. 19. IV.* Non tamen ita, ut in remoto aliquo memoriæ angulo reposita, ibi sita & squalore computrescant; sed identidem inde reproducta sanctæ meditationi objiciantur. Qua vividum illum & alibilem Divini verbi succum anima masticando, ruminando, & sugendo quasi attrahit, ac in substantiam suam convertit. *Ps. 1. 2. Jos. 1. 8. V.* Expediit in promptu semper habere Scripturæ quædam efficacia dicta, quibus adversus peccati te insultum munias, & ad officia excites. Hoc volebat Dominus, quando jubebat Israël verba sua in signum alligare manui, & pro frontalibus habere ante oculos. *Deut VI. 8.* Cur ante oculos? Ut vivendi norma menti continuo obversaretur. Cur alligata manibus? Ut theoriam ad praxin dirigendam esse moneamur.

Imprimis  
expedit  
efficacia  
quædam  
Scripturæ  
dicta ad-  
versus pec-  
catum in  
promptu  
semper  
habere.

CVIII. Sapienter admodum sibi ipsi imperator Antoninus dicebat. *Lib. III. §. XIII. Ὁ Κύριος διὰ τοῦ ἀνίστα ὄργανα καὶ σιδήρια πρόχειρα ἔχει πρὸς τὰ ἀνιδρία τῶν θραυσμάτων, ὥστε τὰ δόγματα οὐ ἔτοιμα ἔχει, πρὸς τὸ θεῖα καὶ ἀνθρώπινα εἰδέναι.* Quædam instrumenta & ferra sua ad curationes subitaneas semper habent ad manum: ita dogmata in promptu apud te habeas, quorum ope res quam Divinas tam humanas dignoscas. Quibus affinia sunt, quæ Seneca habet, de beneficiis, *Lib. VII. Cap. 1.* Egregie hoc dicere Demetrius Cynicus ..... solet: plus prodesse, si pauca præcepta sapientia teneas, sed illa in promptu tibi & in usu sint, quam si multa quidem didiceris, sed illa non habeas ad manum. Et *Cap. 11.* Hac Demetrius noster utraque manu tenere proficientem jubet, hac nusquam dimittere, imo affigere, & partem sui facere, eoque quotidiana meditatione perducere, ut sua sponte occurrant salutaria, & ubique ac statim desiderata præsto sint. Quod illi de sapientiæ suæ præceptis distabant, quæ πρόχειρα βοηθήματα appellabat Epictetus, id nos de Divinarum literarum efficacibus quibusdam sententiis dicamus, quas ita in promptu habere expedit, ut qualibet occasione sponte animo obversentur.

11. Accen-  
ta D. Jesu  
confidera-  
tio. In  
quo appa-  
ret,  
1. Peccati  
fœditas.

CIX. Secundo. Attenta D. Jesu consideratio validissimum sanctificationis medium est. Nusquam clarius apparet, quam fœda ac tetra res peccatum sit, quam in vilitate, inanitione, passionibus Christi. Quid enim Dominum gloriæ contemptibili forma servi circumvestivit? Quid magnanimum e tribu Juda Leonem tantis horroribus angoribusque prellit, ut sub iis propemodum fatisceret? Quid sævas inferorum copias adversus ipsum incitavit? Quid celestium consolationum affluentiam in tristissimam vertit ariditatem? quid amaros illos amarissimos in calice Divini furoris miscuit, quibus Filius dilectionis Dei tantum non exanimabatur? Peccatum certe causa horum omnium est, *Mat. 23. 34. Id. qui cogitat, nonne irreconciliabili illius odio flagrat?*

nonne

nonne vindictam sumere conabitur de immani illo monstro, quod dilectissimum sibi Dominum tam crudeliter afflixit, quodque nisi prius interimatur eadem feritate in omnes eos desaviet, a quibus committere exceptum est? Quisquamne in animum inducet eise tyranno rursus mancipare, ex cuius catenis inferorum igne cadentibus, liberari sese non potuisse nisi maledicta morte Filii Dei, serio credit ac meditat? Ita meditatio passionum Christi facit, ut *ταῖς ἀμαρτίαις ἀπογενόμενοι, τῇ δικαιοσύνῃ ζήσομεν, peccatis mortui, iustitiis vivamus.* 1 Pet. II. 24.

CX. Nusquam etiam se incredibilis Dei erga miseros mortales caritas evidentius conspiciendam præbuit quam in Christo Jesu, quæ vel glacie congelata corda liquefacere, & ardentibus mutæ redamationis flammis accendere apta est. *ἡ γὰρ ἀγάπη τοῦ χριστοῦ συνίχει ἡμᾶς. Caritas enim illa Christi confringit nos &c.* 2 Cor. v. 14. 15. Qui huic se immergit meditationi, nonne mirabundus exclamabit, Tune, Jesu amantissime non minus amoris tui erga me quam furoris Divini adversus peccata mea flammis tostus es; & ego in tui redamatione teperem? Tu ad salutem meam moreris; & ego ad tuam gloriam non vivam? Tu mei causa ad inferos descendis; & ego te id jubente, viam ad coelum non alacriter calcabo? Tu te pro me doloribus inferorum excrucians trades; & ego me non reddam tibi, ut portem jugum tuum, quod lene, onus tuum, quod suave est? Dici non potest, quantopere sibi pia anima, meditationi huic intenta, in tepore suo displiceat: exoptans mentem sibi centuplo capaciore dari, ut tota amore Christi repleatur.

2. Incredibilis ejus  
φιλανθρωπία.

CXI. Nusquam etiam pulciori facie ipsa nobis arridet virtus quam in Christo, quæ ut supra quoque monuimus, in lege picta, hic viva spiransque cernitur: & ita quidem, ut sæpius mentis oculis usurpata contemplantem ad eandem imaginem transformet. 2 Cor. III. 18. Postquam Moses ad familiaris Dei commercium in sacro monte admissus quadraginta ibi dies exegisset, cutis faciei ejus tanto coruscabat fulgore, ut ferre eum Israëlitarum oculi nequiverint. Exod. xxxiv. 29. 30. Idem iis contingit, qui Regem gloriæ Jesum, resecta facie in pulcritudine sua intuentur. Coelestis Spiritus radii, copiose ex ipso emanantes, penitus animæ partes permeant, novumque iis spiritualis vitæ vigorem conciliant. Quam ad rem plurimum confert intentio D. Jesu contemplatio. Quo læpius eum fidelis in spiritu intuetur, eo clarius perfectiones ejus, quarum ornamentum sanctitas est, cognoscit. Quo clarius eas cognoscit, eo ardentius illas diligit. Quo ardentius eas diligit, eo similior iis evadere cupit. Nam amor tendit ad similitudinem amati. Immo in ipsa caritate jam magna similitudo est: nam *Deus est caritas* &

3. Eximia  
virtutis  
pulchritudo.

Job.

*Job. iv. 8.* Porro quo ardentius Deum diligit, eo & sapius & libentius & attentius eum intuetur: atque ita istum intuendi & diligendi orbem, continuo in se redeuntem, sæpe percurrens, quovis actu novum gloriosissimæ hujus imaginis lineamentum nanciscitur.

115. Studium pro-  
cum.

CXII. *Tertio.* Contemplationi huic D. Jesu devotarum precum studium accedat, quibus ex plenissimo, & ad impertiendum paratissimo, Christi uberi, gratiam pro gratia fugendo haurire licet. Omnia se Deus juxta voluntatem suam rogantibus daturum esse promisit. *1 Job. v. 14.* Nihil autem magis secundum voluntatem Dei petere possumus, & quod libentius dat, quam Spiritum suum. *Luc. xi. 13.* Qui uti sanctorum nostræ princeps causa, ita ejusdem auctor consummatorque est. Hæc igitur quotidiana nostra oratio sit, *Docce me facere beneficientium tuorum, quia tu Deus meus es; Spiritu tuo bono deduc me per terram planam. Ps. cxlii. 10. A contumaciis subtrahere servum tuum, ne dominantur in me; cum integer & insonsero a defectione magna. Sint accepti sermones oris mei, & meditatio animi mei coram te, Jehova rupes mea & redemptor mi. Ps. xix. 14. 15.*

116. Sedula  
observatio  
operatio-  
num S.S.

CXIII. *Quarto.* Spiritui Dei in omnibus se regendum ducendumque tradat oportet, qui serio studet proficere. Quotiescunque ille suggestionibus, impulsibus, emotionibus suis intus operari occipit, cum cura & sollicitudine illa sunt observanda; & opera imprimis danda, ne spiritum contemnere, tristitia afficere illiusve operationes suffocare conperiamur. *Eph. iv. 30. 1 Thes. v. 19.* Nam delicata res est Dei Spiritus: ita nos tractat, uti a nobis tractatur. Si ductum ipsius sedulo & alacriter sequamur, lætior se ac serenior nobis ostendet, ad ulteriora impellet, Deo cœloque propiores faciet, gaudiaque sua largiter nobis indulgens, efficiet ut sine lassitudine propositum nobis stadium hilares decurramus. At si influxus ipsius desides negligamus, eam non ferens contumeliam, cum dulcissimis illis suggestionibus suis recedet, nobis ipsis nos relinquet, Satanae carnisque vexationibus juste exponet, terroribus ipse suis inquietabit; donec animadverso, quam male nobis hac socordia consuluerimus, & quam nihil sine illo valeamus, supplicibus eum votis reddiderimus nobis placatum. Flante igitur hac ætherea aura, vela promte danda sunt; ne forte brevi subsidente prospero illo vento, vel ingruente procella, navigatio nostra ad pulchros Salutis portus intercipiatur.

117. Repeti-  
tio Fœderis  
cum Deo.

CXIV. *Quinto.* expedit etiam, ut fœdus nostrum cum Deo repetentes, iteremus eas promissiones, quibus jam pridem nos ad sinceram mandatorum Dei observationem obstrinximus: dicentes subinde, *Juravi (& præstabo) me observaturum jura iustitiæ tuæ. Ps. cxix. 106.* Præclare Episternus apud Arrianum, *Lib. I. Cap. xiv. Ἰω. θεῷ ἰδὼν καὶ ὑπὸς ὁριζῶν ὁρῶν*

ἐπαίωται τῷ Καίσαρι Deo vos dare tale iusjurandum oportebat, quale milites Casari. καὶ τί ὁμολογεῖτε, μὴ ἀπειθήσειν μηδέποτε; μηδ' ἐγκαλέσειν, μηδ' ἐμίμνησθαι τί τῶν ἀπ' ἐκείνου δεδομένων. Et quid iurabitis? Vos nunquam non dicto illi fore audientes: nunquam eum incusaturos: nunquam reprehensuros quidquam ab illo datum, &c. Si nihil aliud, hoc certe repetitum illud iusjurandum proderit, ut I. animum, recentis promissi memorem, a peccando inhibeat. II. ut torpentem, ad cælum acuat. III. ut lapsum erigat, & crimina sua, quibus jam perfidiæ ac perjurii crimen accessit, amarioribus lacrumis deffere doceat.

CXV. *Sexto.* Valide promovetur sanctitas, si accuratum subinde VI. Ac-  
conscientiæ examen instituens, facta dictaque, imo & cogitata tua reco- curatum  
las, ut, quod vel omnino perperam, vel non satis recte a te gestum est, conscien-  
Deo cum pudore & dolore confitearis, & imposterum corrigere con- tiæ exa-  
eris: vel ob bene gesta Deum glorificans, & conscientiæ ferenitate gau- men.  
dens, ad alacriter coeptum pietatis cursum consummandum animeris.  
Ita, se cum eximio sanctimonix fructu fecisse, David narrat *Pf. CXIX.*  
*59. Reputavi vias meas, & refero pedes meos ad testimonia tua.*

CXVI. Ipsi gentiles scrutinium hoc conscientiæ commendarunt &, Quod  
nisi de se ipsis mentiantur, exercuerunt illud non indiligenter. *Anton.* ipsi Gent-  
*Lib. v. §. XXXI. Recole tecum, quo modo te hactenus gesseris erga Deos, pa-* les com-  
*rentes, fratres, conjugem &c. nunquid hactenus adversus horum aliquem, quod* menda-  
*minus deceat, quicquam vel factu, vel dicto etiam admiseris. Idem Lib. VII.* runt.  
*§. 2. In omni actione interroga te, quomodo ista mihi sese habet? Num futu-*  
*rum est, ut ejus pœniteat me? Seneca Lib. III. de Ira Cap. XXXVI. Quotidie*  
*animus ad rationem reddendam vocandus est. Faciebat hoc Sextius, ut consu-*  
*mato die, quum se ad nocturnam quietem recepisset, interrogaret animum suum*  
*Quid hodie malum tuum sanasti? cui vitio obstitisti? qua parte melior es? ...*  
*Quid ergo pulchrius hac consuetudine excutiendi totum diem? qualis ille somnus*  
*post recognitionem sui sequitur? quam tranquillus, altus ac liber, quum aut*  
*laudatus est animus, aut admonitus, & speculator sui censorque secretus cogno-*  
*scit de moribus suis? Cætera, quæ de se Seneca addit, Lector ex ipso pe-*  
*tat. Aurea sunt, & ætherea. Verum opera danda est electo Dei populo,*  
*ne hac in parte ruborem ei Gentiles incutiant.*

CXVII. Denique (nam si in singula me diffundere vellem, in spif- VII. To-  
sum volumen hoc caput excreceret) qui proficere in sanctitate vult, lerantia  
lubens gratusque moneri se ac reprehendi patiatur. Τὸ μὲν γὰρ μὴ ἀμαρ- reprehen-  
τεῖν ὄντως ὑπὲρ ἀνθρώπων, & μόνον Θεῷ. Etenim nunquam peccare, revera sionis.  
supra hominem, & solius Dei: inquiebat olim Nazianzenus *Orati. xv.* quæ  
est in plagam grandinū. Huic autem malo curando nullum salubrius re-  
medium est sapienti & amica admonitione. Velut monile aureum, & or-  
namentum.



*unguentum ex insigni auro, est reprehensor sapiens apud aurem auscultantem. Proverb. XXI. 12. Hinc gratapiis fida reprehensio fuit. Retundat me iustus, benignitatis erit; & corripiat me, unguentum erit præstantissimum; יִתְּנֵנִי לְחַיִּי ne irritum faciat a capite meo, vel, non rumpet caput meum; quo amplius fecerit, eo amplius erit oratio mea in malis eorum. Ps. CXLI. 5. Præclare quisquis ille sit, sive Nazianzenus, sive Methodius, (nam de auctore non conveniri observavit Gatakerus ad Antoninum Lib. VI. §. XXI.) Μείζον αγαθόν τὸ ἐλεγεῖν αὐτὸν τῷ ἐλέγξει νομίζω, ὅσω μείζον ἐστὶ τὸ αὐτὸν ἀπαλαγῆναι τῷ κακῷ, τῷ ἄλλον ἀπαλλάξαι. Majus bonum existimo reprehendi quam reprehendere, quanto majus est ipsum liberari a malo, quam alium liberare,*

Ad perfectionem  
lege præscriptam  
nemo in  
hac vita  
pervenit.

CXVIII. Hanc quisquis sedulo insistit viam, eum in sanctimonia plurimum profecturum, & ad exemplar sibi propositum indies magis magisque examussitatum iri, dubitandum non est. Neque tamen existimandum, contingere unquam in hac vita, ut quis eam consequatur perfectionem, quam lege sua Deus exigit, ut ab omni vitio immunis, ea puritate, eaque omnium virium suarum intensione, totus se impendat Deo, ut nihil in ipso Divina offendant puritas, quod aliter factum desideret. Contrarium patet. I. Ex disertis Scripturæ testimoniis, quibus neminem in terra vivere asseritur, qui non impingat, labatur ac peccet. 1 Reg. VIII. 46. Eccl. VII. 20. Prov. XX. 9. Jac. III. 2. 1 Job. I. 8. II. Ex humili, neque minus vera, confessione sanctorum, qui nævos lapsusque suos passim fatentur. Ps. XIX. 13. Rom. VII. 18. 19. Phil. III. 13. 14. Jes. LXIV. 6. III. Ex inductione Exemplorum. Nemo enim vel excellentissimorum inter sanctos est, cujus actiones paullo prolixius describuntur, quin & nævi quidam ejus memorentur, quibus pulcherrimarum virtutum lumen aliquatenus obfuscatur. Notiora ea sunt, quam ut hic repetere necesse sit. Neque lubentes de iis loquimur. Tantum enim abest, ut infirmitatibus præstantissimorum virorum Dei delectemur, aut eas aliquando memorando heroicis ipsorum virtutibus quicquam detractum cupiamus; ut ex adverso animus meminisse horreat, meritoque ad nostræ considerationem imbecillitatis trepidemus, quippe qui digni non sumus corrigias ipsis calceorum solvere.

Causa  
hujus imperfectionis  
est inhabitans  
caro.

CXIX. Causa hujus imperfectionis præcipua, & proprie dicta in nobis ipsis quærenda est. Estque inhabitans adhuc caro: domita quidem virtute Spiritus, hætenus ut non regnet: Rom. VI. 14. infestans tamen pios, & ut infelix pondus Atalantæ, ita fideles in cursu pietatis plurimum retardans, dum continenter adversus Spiritum concupiscendo, impedit electos, quo minus alacriter ea faciant, quæ cæteroquin impense vellent. Gal. V. 17. Rom. VII. 15. 16. Per Spiritum certe homo renatus sursum nititur. Sed mox magno molimine caro deorsum trahit. Quasi

Quasi coelesti aviculæ quis ponderosum saxum ad pedem ligaverit. Ingentibus ausis fideles omnia omnium virtutum exercitia occipiunt. *Pf. cxix. 128. Añ. xxiv. 16.* & procedentes in omnimoda potentia Domini Dei sui, *Pf. lxxi. 16.* ea aggrediuntur, quæ captum facultatemque hominum naturalium longe superant, atque adeo grandibus passibus ad perfectionem contendunt, quasi qui feram aliquam non sine potiundi spe venando insequuntur. *Phil. iiii. 14.* Sed inhærens caro innataque perversitas, tot vitiosis actibus aucta, *ἡ ἐν πειρασῶ καὶ ἀμαρτία*, *Heb. xii. 1.* omnia rursus foedat vitiatque. Hæc autem ad mortem usque in homine stabulatur. *Habitat, sed non regnat: manet: sed non dominatur aut praevalet: evulsa quodammodo, necdum tamen expulsa: dejecta, sed non prorsus ejecta tamen:* uti eleganter Bernardus, in *Pf. xc. Serm. x.* Juxta legem Moysi vas testaceum semel cerimonialiter sordidatum impurum manebat, donec frangeretur. *Lev. xi. 33.* Talia testacea vasa nos sumus. *2 Cor. i. 7.* Postquam taminati peccato sumus, perfectam puritatem non nanciscimur, usque dum figulinum corporis nostri vasculum mortis impetu rumpatur.

CXX. Quando de Spiritus & carnis lucta in homine sanctificato loquitur Apostolus, non est existimandum, luctam illam ex eo solum oriri, quod glandula pinealis possit pelli ab una parte per animam, ab altera per spiritus animales, quodque illæ duæ impulsiones sæpe sint contrariæ; ita ut tum caro prævalere censeatur, quando spiritus animales in impulsione mirificæ istius glandulæ potentiores sunt; spiritus autem prævaleat, quando anima determinato judicio in impulsione pinealis glandulæ est valentior: etenim licet verissimum sit, inordinatos spirituum animalium motus plurimas cogitationes & appetitiones pravas in anima excitare, non tamen lucta Spiritus & carnis in lucta animæ cum corpore consistit. Uti animæ novi habitus per Sanctificantem Spiritum inditi sunt, ita & in ipsa anima veteris hominis reliquiæ supersistant: quæ duo distincta agendi principia sunt. Aliquando autem contingit, ut homo sibi relictus ex pravo illo principio cogitet, ratiocinetur, concupiscat; aliquando Spiritu Dei excitatus ex novo gratiæ principio operatur, quod quum nondum peccati vim omnem exterminaverit, ex contrariis istis principiis, & utriusque actuum reciprocatione, ista, de qua loquimur, pugna exoritur, quæ in ipsa præcipue anima pugnatur, prout vel ad terrena deprimitur per inhærentem sibi pravitatem, vel ad ætherea sublimatur per principium nobilioris vitæ excitatum a Spiritu. Neque quum de Carne Scriptura loquitur, corpus hominis intelligit, sed omnem residuam pravitatem, suo quidem modo in corpore ejusque membris ex parte stabulantem, præcipuam tamen sedem in ipsa mente habentem, quæ proprium proximumque tam virtutis

Lucta Spiritus & carnis non consistit in contrariis motibus glandulæ pinealis.

quam vitii subjectum est. Hostes ergo in hac pugna, non sunt Anima & Corpus, sed Gratia Sanctificantis Spiritus, & Reliquiæ Naturalis Pravitatis.

Deo etiam non lubet reliquias carnis in hac vita plane expellere.

CXXI. Deo autem facti sui rationes constant, propter quas operationes Spiritus gratiæ ita in fidelibus dispensat, ut reliquiæ carnis in hac vita non omnino expellantur. Nam I. Terram & Coelum, tempus militiæ & triumphus; locum laboris & quietis, ita discriminare vult, ut eo ardentius desideremus translationem nostri ex hac valle peccati & miseriorum in coelestem Patriam, ubi omnia perfecta erunt; mortemque ad eam perfectionem nos introducturam passis ulnis amplexemur: exclamantes cum Apostolo: *Ærumnosus ego homo: quis me liberabit ex isto corpore mortis!* Rom. VII. 24.

I. Ut terram a Cœlo discriminet.  
II. Ut suos exerceat.

CXXII. II. Exercere suos vult, & ad patientiam, humilitatem, condolentiam assuefacere. Quemadmodum olim Amorrhæos & Philistæos in terra Canaan residuos manere passus est, ad exercitium Israëlitarum, ne ignavo otio torpescerent, nimiae felicitate ac quiete diffuerent: ita etiam per reliquias carnis exercet sanctificatos suos. Nihil enim est, quod humilior eos de se ipsis sentire doceat, quam quotidianus tot infirmitatum sensus. Nihil, quod efficacius eos ad patientiam componat, quam assiduus nequissimorum horum hostium insultus, a quibus identidem insigni suo dolore & plagas & vulnera inflicta sibi experiantur. Nihil denique, quod circa aliorum lapsus, & in iudicio de eorum statu, & in universo convictu, clementiores faciat, quam suorummet defectuum conscientia. Gal. VI. 1.

III. Ut ostendat, salutem suæ gratiæ deberi.

CXXIII. III. Valide hoc pacto omnes convincit, salutem suorum meræ merissimæ gratiæ suæ deberi. Quis enim infirmitatis sibi suæ & quotidianorum lapsuum conscius, fateri non cogitur, vitam sibi a Deo, non ut meritorum æstimatore, sed ut veniæ largitore, concedi? Rigor Legis omnes cæcos, mancos, luxatos membris, similive laborantes vitio, a sacerdotio arcebat. Lev. XXI. 18. Quid ergo restat, nisi ut immeritam Evangelii gratiam dicamus, quæ eos, qui pejus quoad animam affecti sunt, ad coeleste admittit sacerdotium, neque accessum intercludit ad Sanctum Sanctorum, quod sine manibus factum est? In tanta imperfectione vix, ac ne vix quidem, meritorum arrogantia ex Ecclesia exterminari potest: quid foret, si perfectionem possibilem esse doceremus?

IV. Quia sapientia sua dignum est paulatim suos ad

CXXIV. IV. Denique sapientia Dei dignum est, paulatim suos ad summum sanctitatis apicem evehere. Sicut in creatione primi mundi a rudi Chao indigestaque mole orsus est, quam sex dierum successione in hanc pulcritudinem efformavit, donec ultima imposita manu sabbatho quiesceret: Gen. 1. 2. ita in Creatione novi mundi Gratia, a nihilo

lo incipiens, paulatim suos ad ulteriora deducit, donec decurso terrestribus hujus septimanæ spatio, ad Auroram Coelestis Sabbathi, Sanctitatis simul & gloriæ colophonem suis imponat.

perfectio-  
nem ma-  
nu ducere,

CXXV. Negari sane non potest, Scripturam quandoque nonnullos memorare, qui etiam in hac vita *perfecti* dicuntur. Sed notandum est perfectionis vocem non eodem semper sensu usurpari. Nam. I. Est perfectio aliqua SINCERITATIS, quæ in eo consistit, quod quis corde non fucato sine regnante hypocrisis Deo serviat. Hoc sensu de Jobo dicitur, quod fuerit *ישר וישר* *perfectus ac rectus, timens Deum, & recedens a malo* Job. 1. 1. Eadem mente Hizkias protestatur, se ambulasse coram Deo *באמת ובלב שלם*, in veritate & perfecto corde, & quod rectum est in oculis ipsius fecisse. Jes. xxxvi 11. 3. Est perfectio aliqua PARTIUM, eaque tam *subjectiva* respectu totius hominis, in quantum ille *integer sanctificatur*, quoad Spiritum, & Animam, & Corpus 1 Thess. v. 23. quam *objectiva* respectu totius legis, quando omnia, & singula officia Divinitus præscripta sine exceptione observantur. De ea David loquebatur, Ps. cxix. 128. *Omnia mandata tua de omnibus recta agnosco, & omnem semitam falsitatis odi.* Et de Zacharia ac Elisabetha dicitur. Luc. 1. 6. *Incedentes in omnibus preceptis & constitutionibus Domini inculpate.* III. Est perfectio COMPARATIVA, quæ adultis in cognitione, fide, sanctificatione adscribitur, *κατὰ σύγκρισιν*, comparatione instituta cum iis, qui adhuc infantes sunt ac rudes: quomodo Johannes distinguit, *Puerulos, Adolescentes, & Patres.* 1 Joh. 11. 12. 13. Eo sensu de *perfectis* loquitur Paulus. 1 Cor. 11. 6. & Phil. 111. 15. IV. Est & perfectio quædam EVANGELICA, sive cum velamento gratiæ, juxta quam illi perfecti censentur, in quibus est sincerum perfectionis studium, Deo propter Christum prompti animi conatum clementer acceptante, & omnia facta deputante, quia, quod factum non est, ignoscitur. Qua de re Apostolus agit 2 Cor. vi 11. 12. *Etenim si prius adsit promptus animus, aliquis acceptus est, pro eo, quod habet, non pro eo, quod non habet.* Ita in Christo *perfecti sumus.* Col. 11. 10. ipsius consummatissima justitia omnes defectus nostros tegente. Quod tamen probe est intelligendum. Nam judicium Dei semper est secundum veritatem. Ita de nobis & actionibus nostris judicat, uti sunt. Et quum nos ipsi una cum actionibus nostris imperfecti simus, non potest nos aliter quam imperfectos censere. Hoc tantum cum Scriptura volumus, Deum propter perfectissimam Christi obedientiam, sinceritatem suorum gratiose gratam habere, neque minus munifice mercedem ei rependere, quam si omnibus numeris absoluta sanctitas foret. V. Denique est etiam perfectio GRADUUM, qua quis omnium virium intensione, sine ullo defectu, radicitus excisa omni prava cupiditate, omnia mandata præstat. Hanc lege sua Deus exigit. Et hæc proprie est, quam sanctis in hac vita abrogamus; quum ceteras perfectionis species libenter in iis agnoscamus.

Perfectio  
in scriptu-  
ra varia  
significat.

Toto corde &c. ali-  
quando perfectio-  
nem gra-  
duum, ali-  
quando perfectio-  
nem sinceritatis in  
gradu excelso, licet  
non summo notat.

CXXXVI. Verum quidem est, quando lege sua Deus præcipit, ut eum diligamus *toto corde, tota anima, & omnibus viribus nostris*, istis phrasibus tum designari omnimodam perfectionem, tam graduum, quam partium. Neque enim aliam quam perfectissimam obedientiam exigere ab homine, etiam peccatore potest, quemadmodum ostendimus *Lib. 1. Cap. IX. §. XII. & seqq.* Sed quando de Josia dicitur, *2 Reg. XXI. 25. Similis illi non fuit ante ipsum Rex, qui reversus sit ad Jehovam toto corde suo, & tota anima sua, & totis viribus suis, juxta universam legem Moysi*, intelligendum id est sensu non nihil imminuto. Ita ut denotet sinceritatem ipsius, & initium atque conatum debitæ perfectionis, & connotet gratiosam Dei æstimationem in Messia. Eodem sensu jurabant Judæi tempore Asæ, se requisituros Deum majorum suorum, *ex toto corde suo, & ex tota anima sua. 2 Chr. xv. 12.* quod & omnes præstitisse narrantur *v. 15.* Neque tamen quisquam dixerit, populum Judaicum omnem sanctitatem lege præscriptam consummate implexisse: quum excelsa ex Israël amota non fuerint. *v. 17.* Tum etiam quis existimaverit, conditionem perfectæ plane obedientiæ exactam fuisse a Filiis Davidis, antequam promissionum ipsi factarum consortes fieri possent? Ita tamen Dei verba sonant. *1 Reg. II. 4. si observabunt filii tui viam suam, ambulando coram me in fide, ex toto corde suo, & ex toto animo suo.* Neque posse Josiæ elogium in omni sua emphasi explicari, patet ex collatione cum *2 Reg. XVI. 5.* ubi de Hizkia dicitur, *Non fuit ei similis inter omnes Reges Jebuda, qui post eum, aut qui ante eum fuerunt:* quæ verba si utrobique in rigore sumantur, neque benigna interpretatione concilientur, manifestam involvunt contradictionem. Unde evidens est, in utroque loco esse quandam hyperbolen: vel utriusque Regis laudem non absolute intelligendam esse, sed *κατὰ τὴν*, in ordine ad reformationem cultus publici: in qua diverso respectu alius alio majus quid fecisse dici potest.

Quo sensu oramus, ut voluntas Dei in terra fiat sicut in cælis.

CXXXVII. Petimus quidem in oratione Dominica, ut voluntas Dei in terra fiat, quemadmodum fit in cælis, qua in re summa pietatis perfectio est: neque frustra D. Jesus eam nobis orandi particulam præscripsit: & Johannes ait *1 Ep. III. v. 14. quicquid petierimus secundum voluntatem Dei, id nos accepturos esse:* sed tamen ne inde quidem omnimoda sanctitatis in hac vita perfectio evinci potest. Nam particula *sicut* non notat in hac petitione omnimodam paritatem in gradibus, sed similitudinem in re & modo rei, in sinceritate, promptitudine & alacritate submissionis sub voluntate Dei, tam imperante, quam decernente: quemadmodum & in quarta petitione, & *Mat. v. 48.* eodem significatu usurpatur. Licet quidem piis, imo jussi sunt ad perfectionem aspirare, & operam dare, ut quam proxime ab ea absint: gratum etiam Deo est, ut eum perfectionis amorem precibus suis exprimant: interim tamen, quum  
Deus

Deus differtis verbis declaraverit, non dare se suis omnimodam perfectionem in hac vita; incumbit omnibus in hac Divinæ voluntatis dispositione acquiescere, neque licet iis Deum orare, ut istam iis perfectionem hic concedat, quam norunt, eum non huic, sed alteri vitæ destinasse.

CXXVIII. Non nescimus, Dominum nostrum *Luc. xv. 9.* loqui de *mo peccatore resipiscente, & de nonaginta novem justis, qui resipiscencia non indigent.* Verum neque hoc præsentis hujus vitæ perfectioni patrocina-  
tur. Duplex enim est resipiscencia: Prima & Universalis, qua homo peccator, a Dei cognitione & cultu, omnique vera pietate alienus, ad Deum & virtutis exercitium se confert: altera Renovata & Particularis, ad quam tanquam ad sacram anchoram renati ipsi sæpe confugere necesse habent. Atque hæc rursus in triplici differentia est. Nam I. Fieri potest, ut ii qui sanctificati sunt, in grande aliquod peccatum prolabantur, quod maximi doloris, & memorabilis admodum resipiscentiæ necessitatem ipsis imponit. II. Fieri item potest, ut tales in languorem ac torporem quendam spiritualem ad tempus incidant, & aliquamdiu in eo versentur *Statu*, qui plurimis eos peccatis expositos faciat. Unde resurgendum iis est per renovationem resipiscentiæ. III. Etiam si id non accadat, sunt tamen in optimis quibusque peccata quotidianæ incursionis, quæ factis, dictis, cogitatis ipsorum adjacent, a quibus immunem se nemo profiteri audebit, qui se ipsum accurate examinat. Applicemus nunc distinctiones has præsentī instituto. Quando de peccatore per resipiscenciam suam gaudium coelitibus creante Dominus loquitur, clarum est, eum de prima illa & universali resipiscencia agere: vel de renovata ex graviore aliquo lapsu & statu non bono. Hac non indigere justos, dicit, quippe qui prima jam defuncti sunt: & a posterioris necessitate solícite sibi cavent. Non tamen ab omni resipiscendi necessitate liberos eos esse pronunciat. Nam etiam si fortasse justī aliquot dentur, qui ad notabile aliquod tempus ita ad se ipsos attendunt, ut a gravioribus peccatis sese servant; neque in torpidum illum, quem mox descripsimus, statum prolabantur, sic ut iis quoque resipiscentiæ modis non indigeant: nemo tamen in terra reperitur, qui non propter quotidianos defectus quotidie resipiscenciam suam renovare teneatur. Bre-  
viter, huc dicti hujus Dominici sensus recidit: majus in cœlo gaudium esse, propter ingentes peccatores, quando primum convertuntur, vel propter renatos, quando post scandalosam aberrationem revertuntur; quam propter eos, in quibus, ob constans accuratioris pietatis studium, tam notabilis & in omnium oculos incurrens mutatio locum non habet.

Quinam  
designen-  
tur per ju-  
stos, qui  
resipiscen-  
tia non in-  
digent.

CXXIX. Quæri hic non immerito posset, cur majus in cœlo gaudium esse dicatur ob unius peccatoris resipiscents conversionem, quam ob nonaginta novem justorum in sanctitate constantiam; quum majus bonum

Cur resi-  
piscens  
peccator  
majus in

cælo gaudium crees,  
quam novem ju-  
sti.

bonum merito majus gaudium excitet, & sine dubio melius sit, æquabilem pietatis tenorem tenuisse, quam, postquam longe aberraveris, postliminio ad viam redire? Respondeo: I. Dominum parabolis utentem, & quemadmodum solet, Auditorum se captui accommodantem, de Divinis rebus humano more loqui. Constat autem, bona ex inopinato obvenientia majus gaudium creare, quam alia, licet majora, quæ quis tranquille jam aliquamdiu possedit: & redinventionem rerum deperditarum longe vehementius animum afficere, quam aliarum conservationem non interruptam. Idem hic quoque suo modo obtinet. Justos ad felicitatem contendere, gaudent sane Angeli: verum ii jam dudum Diaboli laqueis erepti fuere. At quando improbus aliquis recens e cassibus ejus liberatur, conversio illa, eamque consequens conversi salus, quanto insperatior, tanto etiam gratior esse debet. II. Sequitur hic Dominus antiquam Judæorum Theologiam. I. dicebant, *Hebræi peccante Angelos flere*: Dominus dicit, hominē quocunque se convertente Angelos gaudere. Hebræi dicebant: גויה מעלה של בעלי תשובה, מצדיקים גמורים, *major est dignitas pœnitentium quam perfecte justorum*: Et, in loco ubi stant pœnitentes, ibi non stant perfecte justī. Qualia testimonia *Drusus*, & *Ludovicus Capellus*, & *Grotius* pridem produxere. Cujus rei hæc est ratio: quia difficilior est vitiorum consuetudinem abrumpere, quam postquam ad probabile vitæ genus fato delatus est, insistere non offenso gradu. Lætius est, quoties magno sibi constat honestum. III. Magis adhuc elucet gloria Sapientiæ, Potentiæ, Misericordiæ Divinæ, & efficacitas meritorum Christi, in conversione peccatoris desperati, quam in conservatione eorum, qui in via justitiæ ambulant. Quemadmodum ergo magis ringitur Diabolus, quando ea sibi eripitur præda, quam æternum se constrictam habiturum autumabat: ita etiam merito magis gaudent cœlites, quando tam ægre sit ipsorum & Domini sui hosti. IV. Accedit, quod plerumque ardentiores sint in recti studio, quos antea actæ vitæ dolor stimulat. Equabilis ille virtutis tenor ut plurimum remissior est; sed qui a pessima via ad optimam potenti Dei brachio repente traducuntur, velociori cursu reliquos prævertere solent. Magis horrent peccatum, qui eo profundius immergi fuere. Vehementius amant virtutem, quibus pulchritudo ejus insperatior affulsit. Nullique pluris Dei erga se gratiam æstimant, quam qui ea se omnium mortalium indignissimos esse norunt. Et fieri non potest, quin hic tanti amoris sensus ardentissimas redamationis flammæ accendat. Uti ex exemplo Pauli & peccatricis illius scœminæ *Luc. vii. 40. — 48.* evidens est. Quæ omnia uberius gaudii materiam cœlitibus suppeditant.

Μετανοίας  
& μεταμέ-  
λησις

CXXX. Quandoquidem nunc crebra μετανοίας, sive resipiscentiæ, facta est mentio, lubet mantissæ loco de illius vocis proprio significato non

nonnulla addere. Doctissimus Interpres Beza, vel primus vel inter primos, observavit, ad *Mat.* 111. 2. verbum μετανοεῖν proprie nūquam poni nisi in bono: semper cum μετανοία coherere τὸ σωφρονισμόν. At vero μεταμέλειται declarare, *postrem aliquam factam sollicitum esse & auxilium*. Pro quo Latini dicunt, *pœnitere*: atque id usurpari etiam in vitio, quum significet simpliciter sollicitudinem quandam, καὶ δυσἀρέτησιν, id est, *displacitam*, quæ facit, ut rem factam, seu bona seu mala sit, infectam esse velimus, etiam quum non est novo consilio locus relictus. Hinc putat, τὸ μεταμέλειται Hebræis declarari vocabulo חָנַן, quum μετανοεῖν potius significetur voce נִשְׁוּ unde נִשְׁוִיתָ, id est *conversio*. Itaque Petrus *Act.* 111. 19. quum μετανοήσατε dixisset, statim subjunxit, καὶ ἐπιστρέψατε, ut illud explicaret. Idem facit Paulus, *Act.* xxv. 20. Venerabilem Bezam hac in parte plurimi Commentatores secuti sunt, præsertim quando de Judæ Proditoris μεταμέλεια agunt.

CXXXI. Dubitare tamen licet, an hæc vocum distinctio solido fundamento nixa sit. Neque enim ex utriusque originatione arcessi potest, neque probatorum auctorum usu confirmari, neque ex constanti Scripturæ stilo demonstrari, nec denique ex Hebraicis, quibus respondent, vocabulis asseri. Quod ordine nunc demonstratum imus.

CXXXII. Originationem quod attinet, μετανοία vox est composita ex μετά post, & νοέω, *intelligo*, & ut *Henricus Stephanus* in *Thesauro* exposuit, significat *post-intelligo*: atque ita opponitur voci προνοέω, id est, *ante rem intelligo*. Eleganter admodum *Clemens Stromat. Lib.* 11. ἐν ἧ ὁ οὐκ ἤμαρτεν μετενόησεν, ἐν σύνεσιν ἐλάβεν ἐφ' οἷς ἐπταίσε, καὶ μετήγνων, ὅπερ ἐστὶ, μετὰ ταῦτα ἔγνω. Βραδεία γὰρ γνῶσις μετάνοια. Si recitationum suorum dulcius est pœnitentia, si attendit ad ea, in quibus impegit (ita enim malo vertere, quam cum *Gentiano Herveto*, si propter ea, in quibus lapsus est, cum remordet conscientia) & errorem recognovit, id est, postea cognovit. Nam μετάνοια est tarda cognitio, qua post rem perpetratam venit. At μεταμέλεια, virtute etymologiæ suæ, significat sollicitudinem, postquam aliud commissum vel omissum est. Atque ita μετάνοια, quæ proprie est actus mentis, in se ac gesta sua reflectentis, ordine naturæ præcedit τῇ μεταμέλειαν, quæ magis ad voluntatem & affectus pertinet.

CXXXIII. Usus utriusque vocis apud præstantissimos auctores talis est, ut utraque indifferenter pœnitentiam animi notet, sive in bono, sive in malo. *Hesychius* μεταμέλειαν per μετάνοιαν exponit. *Suidas* similiter, μεταμέλει, μετανοεῖ, Et in *Etymologico Magno*, μεταμέλωμαι, μετανοῶ, μεταγινώσκω, promiscue usurpantur. Memorabilem locum ex *Plutarcho*, περὶ ἐνθουσίας, produxit *Gomarus* ad *Mat.* xi, 20. ubi voces μεταμέλειας & μετάνοίας tanquam ejusdem significationis al-

multi ita distinguunt, ut illa proprie non ponatur nisi in bono, hæc secus.

Sed dubitare licet, an satis solide.

Originatione vocum nihil tale importat.

Usus utriusque vocis apud probatos auctores promiscuus est.



ternat, & Μετάνοιαν describit, ut δ' ακνομένην 'σύν' ἁίσχυνή' τῆς ψυχῆς καὶ  
 πολλαζομένην ὑφ' αὐτῆς quæ a se ipsa cum pudore animæ mordetur ac punitur;  
 quod ἡ μεταμέλεια proprium esse Venerabilis Beza vult. Imo est ubi  
 μετάνοιαν simplicem displicentiam notare observavi: ut apud Marcum  
 Imperatorem Lib. VII. §. 2. καθ' ἐκάστην πράξιν ἐρώτα σεαυτὸν, πῶς μοι  
 αὐτὴ ἔχει, μὴ μετανοήσω ἐπὶ αὐτῇ, In omni actione interroga te, quomodo  
 ista se mihi habet? *nunc futurum est, ut ejus poeniteat me?* ibidem §. 10.  
 ἡ μετάνοια ἐστὶν ἐπίληψις τις ἐαυτοῦ, ὡς χρησίμὸν τι παρεικότῳ. *Pœni-*  
*tentia est sui ipsius reprehensio quedam, ut qui utile aliquid omiserit.* Contra  
 μεταμέλεια aliquando consignificat τὸ σωφρονισμόν. Quo sensu Plutar-  
 chus dixit, πάνν γάρ ἡ μεταμέλεια σώτεια δαίμων. *Plane enim ἡ μεταμέ-*  
*λεια salutaris quidam genius est.*

In Scrip-  
 tura simi-  
 liter.

CXXXIV. Neque abludit Scripturæ usus. Nam & μεταμέλεια ibi  
 aliquando sinceram resipiscentiam notat: ut Mat. XXI. 29. ὕστερον δὲ με-  
 ταμελήθεις, ἀπῆλθες: & X. 32. quando Dominus Judæis defectum ve-  
 ræ resipiscentiæ exprobat dicit: ὑμεῖς δὲ ἰδόντες ἔμεταμελήθετε ὕστερον,  
 τῷ πισεύσαι αὐτῷ. Ubi μεταμέλεισθαι respondet invitationi Johannis,  
 expresse per μετανοεῖτε. Et contra Μετάνοια nonnunquam significat me-  
 ram poenitudinem. Sic Christus Luc. XVII. 3. de quavis offensæ in fra-  
 trem admittæ poenitentia agens, dicit εἰν μετανοήσῃ. & ὃ. 4. si dixerit,  
 μετανοῶ, poenitet me, nollem factum. & Mat. XI. 41. Μετανοεῖν affirma-  
 tur de Ninivitis, & eorum poenitentia, quæ externa tantum fuit, non  
 interna; civilis, non spiritualis; temporaria, non perseverans.

Neque  
 universale  
 est μεταμέ-  
 λειν re-  
 spondere  
 τῷ ὀμνῇ,  
 μετανοεῖν  
 τῷ βῶπ.

CXXXV. Præterea illud quoque universaliter verum non est,  
 Μεταμέλειαν respondere Hebraico *חָנּוּן*, Μετάνοιαν vero τῷ βῶπ. etiam-  
 si enim fortassis Syrus Novi Testamenti interpres τὸ μετανοεῖν con-  
 stanter reddiderit per βῶπ: septuaginta tamen τὸ *חָנּוּן* promiscue tran-  
 sfulere per μεταμέλεισθαι vel Μετανοεῖν. Utriusque ex plurimis pau-  
 cula quædam exempla dabo. 1 Sam. xv. 35. *Jehova חָנּוּן poenitudine affe-*  
*ctus fuit, quod Saulem Regem constituisset.* LXX. καὶ κύριος μεταμελήσῃ. Eo-  
 Cap. ὃ. 29. *חָנּוּן* ἔσται. LXX. καὶ δὲ μετανοήσῃ. Rursus Ps. cx. 4. *חָנּוּן* ἔσται.  
 LXX. καὶ ἡ μεταμέλεια ἔσται. Ex adverso Joel. II. 14. *חָנּוּן* ἔσται. LXX.  
 Ἐπιστρέψῃ καὶ Μετανοήσῃ. Similiter Jon. III. 9. Jer. IV. 28. & VI. 6.  
 & xxxi. 19. & plurimis in locis *חָנּוּן* per Μετανοεῖν transfulere. Unde  
 evidens est, ipsos voces hæc Græcas pro synonymis habuisse.

Act. III.  
 & xxvi.  
 non μετα  
 νοεῖν sed  
 ἐπιστρέφειν

CXXXVI. Denique nec ex Act. III. 19. vel xxvi. 20. probari pot-  
 est, quod Μετάνοια constanter respondeat τῷ ἡβῶπ quum contrarium  
 potius inde eliciatur. Nam ἐπιστρέψατε exprimit Hebraicum *חָנּוּן*, ut  
 ex Joëlis II. 14. mox ostendimus. Μετανοεῖν quum proprie mentis sua  
 facta

facta recognoscentis actionem notet, ordine naturæ conversionem præ-  
cedit, ac merito ei a Petro & Paulo præstruitur. Atque hæc de vocibus  
hisce monuisse sufficiat. Si quis plura desideret, adeat *Grotium* ad  
*Mat. XXV. 1. 3. Scultetum, Exercitationum Evangelicarum Cap. XIX.*  
*Thomam Garbakerum, Advers. Misc. Cap. XXIX. Suiceri Thesaurum.*

## CAP. XIII.

## De Conserve,ione,

I. Quos vera fide & sanctimonia donavit Deus, eos etiam tam sol-  
licita cura CUSTODIT ut *ἐκ τῶν ἀδυνάτων* sit, quenquam vere  
fidelium ab orsa semel sanctitate totaliter ac finaliter desciscere, atque  
ita salute sibi destinata excidere. *Fidelis est Deus, qui STABILIT vos*  
*& CUSTODIET* ab illo maligno. 1 *Thef. III. 3.*

Fideles &  
sanctos  
Deus con-  
servat.

II. CONSERVATIO illa est *Assio Dei gratiosa, qua electos, Redemptos,*  
*Regenos, Fideles ac sanctificatos, ut ut in sese debiles & desciscere ido-*  
*neos, ita custodit, interne, potentissima Spiritus sui virtute, externe, mediis*  
*ad id sapienter ordinatis, ut insitarum sibi virtutum habitus nunquam plane*  
*amittant, sed per stabilem perseverantiam ad salutem aternam certo deduc-*  
*antur.*

Conser-  
vationis  
illius de-  
finitio.

III. II, quos conservat Deus, sunt Homines ELECTI, id est, immu-  
tabili Dei consilio, non modo ad externam aliquam nationalis foederis  
communione; *Deut. VII. 6.* sed & ad internam gloriam destinati.  
*Eph. I. 4. 5. REDEMPTI*, per Christum. Non solummodo *ἐν τῷ*  
*δουλώσει* ab Hero illo, qui aliquos magnis quidem, sed communibus ta-  
men, beneficiis acquirit, & fervorum instar in familiam suam  
adsciscit; qui tandem *in magna illa domo* comperiuntur esse *vasa ad deduc-*  
*endos*; 2 *Tim. II. 20.* de qualibus Petrus loquitur, 2 *Pet. II. 1.* sed liberi  
facti a servitute peccati, pretio sanguinis Christi, *τῷ Κυρίῳ Domini.* 1 *Pet.*  
*1, 18. 19. REGENITI*, qui non modo externis quibusdam actionibus  
spiritualem vitam mentientibus, famam vitæ acquisiverunt, qua aliis  
& sibi ipsis imponunt *Ap. III. 1.* sed quibus per Spiritum vitæ, quæ  
in Christo est, *Rom. VIII. 2.* spiritualis vitæ principium est inditum.  
FIDELIS, non ea duntaxat fide, quæ in nudo assensu consistit, neque  
ea, quæ temporaria a Domino vocatur & radicem non habet; sed ea,  
quæ *ἀνυπόκριτος* est. 1 *Tim. I. 5.* & penitam mentem imbuat, & ra-  
dicata in Christo fructus sanctitatis profert. SANCTIFICATI, non sancti-  
monia solum *federali*, quæ in Ecclesia visibili jus dat ad sacramenta: 1  
*Cor. VII. 14.* neque *externa* illa, qua quis *per agnitionem Domini & Serva-*  
*toris J. C. pollutiones mundi effugit*, 2 *Pet. II. 20.* retenta tamen spurca  
sua canina & porcina natura: *1. 22.* sed *vera & penetrante*, qua intro-  
ducitur in animam iustitia *καὶ ὁσιότης τῆ ἀληθείας*, *Eph. IV. 24.*

Obje-  
ctum,

Ex ejus  
accurata  
confidera-  
tione, mul-  
tas adver-  
fario-  
rum ratio-  
nes alie-  
nas esse,  
liquet.

IV. Quæ omnia probe observanda sunt. Ne quis nobis objiciat vel FOEDIFRAGOS ex Israele, qui quidem *electi* fuere ad communionem *externi fœderis*, sed distinguuntur tamen ab *electis ad gloriam*. Rom. xi. 7. vel PSEUDOPROPHETAS *abnegantes Herum*, qui eos *mercatus est*, quippe qui longe alii sunt ab iis, quos non *ὁ δεισπότης*, *Herus*, sed *ὁ κύριος*, non solum qualibuscunque beneficiis *ἡγόρασε*, *mercatus est*, sed pretioso sanguine suo *ἐλύτρωσε* *redemit*. 1 Pet. i. 18. vel eos Christi PALMITES, qui *in ipso non manent*, sed *abjecti extra vineam arescunt*. Joh. xv. 6. Etiam si enim dici possint in Christo fuisse, quoad illius agnitionem, & professionem, & externam communionem cum Ecclesia, mystico Christi corpore, & eatenus cum ipso Christo; semper tamen caruerunt vivifica Christi communione, & succo vivificantis Spiritus: vel ΠΡΟΣΚΑΛ. ΡΟΥΣ illos, de quibus Mat. xii. 21. quorum fides quanquam vera suo sensu dici queat, quia nos circumposita duntaxat fucatæ professionis larva, id mentiuntur, quod in corde non habent, sed ex animo profitentur id, quod de Christo credunt; non est tamen illa vera, κατ' ἐξοχὴν dicta fides, qua gratiam Dei agnoscit ἐν ἀληθείᾳ Col. i. 6. & quæ sola veros Christi Discipulos facit. Joh. vii. 31. Vel denique eos, Qui CONCULCANT *sanguinem fœderis*, per quem *sanctificati fuerant*. Heb. x. 29. Si enim illa sanctificatio ad Prophanos illos homines referri debeat (quod tamen necesse non est, utialibi ostendimus) omnino intelligenda erit de sanctificatione fœderali, & sacramentali, & qualicunque externa, qualis etiam in canibus & suis Petro memoratis reperitur. Hæc ita præmonenda fuere, de genuino conservationis gratiosæ objecto, quia eadem opera occurrit multis adversariorum objectionibus, ex mala ἐγχειρήσει ortis.

Fideles  
in se debi-  
les sunt.

V. Sane Electi Fideles, si in *se ipsis*, & principijs suis internis, considerentur, debiles sunt, & desciscere possent; neque mundi & Sata-næ insultibus superandis soli sufficiunt. Stabulatur adhuc in membris ipsorum inhabitans peccatum, quoad *circumcingendos ipsos proclive est*. Heb. xi. 1. Tentantur frequenter blandiente concupiscentia carnis. Gal. v. 17. Ipsi insitarum virtutum habitus in hac vita admodum imperfecti sunt. Neque raro contingit, ut socordia quædam ac somnolentia prudentius quoque virginibus, & castæ Domini sponsæ, obrepit. Mat. xxiv. 5. Cant. v. 2. Quibus rei gerendæ occasionibus intentus Diabolus, vaser simul & potens hostis, non difficulter eos sibi solis relictos, in potestatem suam redigeret. Quod ergo hi, in se ipsis tam debiles, perseverent, id partim debent *interno* immortalis vitæ principio, quo gratiose a Deo donati sunt: partim *externæ* accedenti Divinæ protectioni, custodia, & statuminationi, quam ipsis perpetuo, licet non æquabiliter, adesse, facit Divini fœderis constantia.

VI. Id, quod Deus in suis conservat est **ESSENTIA VITÆ SPIRITUALIS**, & **HABITUS** virtutum **CHRISTIANARUM**. Nam quod *Æstus* attinet, fate-  
mur sane, fieri posse, ut vere fidelis in tam torpidum paulatim prola-  
batur statum, quo eminentis istius vitæ operositas ferme cessare videatur,  
atque ipse similis sit arboribus sæva ac diuturna hyeme tantum non ene-  
catis. Nam & Ecclesia Dei habet suas hyemis & æstatis reciprocationes.  
*Cant. 11. 11.* Neque obstat huic assertioni, quam toties experientia  
comprobavit, insignis illa Dei apud Jeremiam promissio, *Cap. XVII. 8.*  
*Erit tanquam arbor plantata secus aquas, & quæ juxta rivus mittit radices*  
*suas; & non videbis quum venerit æstus; eritque folium ejus viride, & annos*  
*prohibitionis pluvia non timebit, nec desinet facere fructum.* Nam promissio  
illa non est universalis, neque omnibus fidelibus competit, in quocun-  
que spiritali statu collocatis, quum certum sit, eos aliquando *arundini*  
*quassata* similes esse *Jes. XLIII. 3.* quæ plurimum sane a tam felici arbo-  
re distat. Neque per *æstum* & *prohibitionem pluvie* intelligitur hic *ariditas*  
*spiritalis*, orta ex inhibitione mystici illius influxus, qui causa vigo-  
ris in fidelibus est. Nam ex adverso supponitur istius influxus abun-  
dantia, quando arbor hæc plantata dicitur *secus aquas, & radices, suas mit-*  
*tere juxta rivus*; quo innuitur, non deesse illi alluentis aquæ irrigationem,  
a qua radix humorem suum succumque trahere queat. Continent ergo  
Dei apud Jeremiam verba descriptionem hominis fidelis, qui Spiritus  
Divini gratia plenus, in mediis adversitatibus, rerumque externarum  
defectu, fructus justitiæ abundantissime profert.

VII. Addimus, fieri posse, ut homo sanctificatus actus aliquos com-  
mittat, qui vitæ spiritali, & habitibus Christianarum virtutum directe  
adversantur. Et cum Scriptura experientia comprobavit, non raro ac-  
cidisse, ut eminentissimi virorum Dei in grandia ac atrocita peccata in-  
ciderint: quæ non solum merentur desertionem Dei omnimodam, &  
exhæreditationem, & mortem spiritualem; sed & ipso actu Spiritum Gra-  
tiæ admodum contristant, vitam spiritualem lædunt; & fidei *ωραπιστία*  
plurimum imminuunt: quin imo vitæ principium plane suffocatura  
erant, nisi reatu per sanguinem Christi ablato, vivificus ejusdem Spiritus  
hanc eorum mortiferam vim gratiose retunderet.

Nam fi-  
deles ipsi  
bonis acti-  
bus quan-  
doque de-  
stituuntur,  
& malis le-  
thaliter  
læduntur.

VIII. Neque diffitemur, habitus ipsos, quoad facilitatem & prom-  
titudinem operandi, quandoque imminui, & vitam ipsam spiritualem  
tam vehementem aliquando syncopen pati, ut quam proxime a morte  
abesse videatur. Qualis Hemani status Practicis quibusdam fuisse cre-  
ditur, quum quiritaretur: *Pf. LXXXVIII. 16.* עָנִי אֲנִי וְיָדַי מְנוּחָה, *Pauper,*  
*vel afflictus, sum & moribundus a concussione, vel, a juventute, perferens*  
*terrores tuos animi pendeo.*

Habitus  
ipsi quan-  
doque im-  
minuan-  
tur.

IX. Quando ergo de Conservatione loquimur, hoc volumus: Non ta-  
Ecc 3 Deum men plane

intendi-  
dunt.

Deum semel infitum vitæ spiritualis principium, concessosque virtutum Christianarum habitus, gratioſo influxu ſuo ita continuo fovere, ut licet variis tentationibus & graviffimis nonnunquam peccatis, multimodis concutiantur, nunquam tamen plane intercitant; ſed reſumtis ſubinde viribus, ac renovata fide & reſipiſcentia, de omnibus hoſtibus ſuis tandem triumphent, & ad mortem uſque ſtabiles perdurent.

¶ Qui co-  
talem fi-  
dei deſe-  
ctum con-  
cedunt, li-  
cet finalem  
negent

X. Neque enim iis aſſentimur, qui quidem electorum ſalutem ita in tuto collocatam eſſe docent, ne mors ſupervenientiſ eos fide deſtitutos occupet, exiſtiant tamen in nonnullis ſpiritualem vitam aliquando plane perimi quæ deinceps nova quadam & ſingulari Dei gratia reſtituatur: defectum *Totalem* vitæ ſpiritualis in regentis quandoque concedentes, *Finalem* tamen defectum juxta nobiſcum negantes. Qui quidem in eo laudandi ſunt, quod ſalutis certitudinem electis non abrogent: ſed & in eo culpandi quod fidei ſtabilitatem everſum eant.

Pluri-  
mum ſal-  
luntur.

XI. Sententiæ hujus abſurditas, ut alia taceam, hinc patet: ſi fidelis a fide ſua plane deficeret, nihil jam amplius commune haberet cum Chriſto, cui ſola fide unimur, rediret in Diaboli poteſtatem, ejus filius evaderet, & a Dei communionem ad iſtud tempus in totum rejiceretur. Quæ ingentis iræ Divinæ erga fidelem magno ſe flagitio obſtringentem effectus & indicia forent. Jam vero ſi tanta potuit eſſe ira Dei erga liberos ſuos, etiamnum fideles, ut eos fide & jure liberorum privare vellet, quæſo, poſtquam erunt prorſus impii & Diabolo mancipati, quæ res eos reducet in gratiam, ut de integro adoptati ac reſtituti fide donentur? Si enim ita offeſus liberis ſuis fuerit, ut ad condignam caſtigationem vitam iis ereptum iverit, & a communionem Domini Jeſu, in quo ſolo placari poteſt, prorſus eos ſeparaverit, (quæ tamen Bonitati ac Clementiæ Patris Coeleſtis minime conveniunt) cauſſa dici non poteſt, cur eoſdem nihilo meliores factos, & necdum de admiſſis flagitiis dolentes, (hoc enim ſine præveniente ipſius gratia facere non queunt) favore rurfus ſuo complectatur. Quid enim illud eſſet, propter quod illi ita exhæreditati reciperentur in gratiam? Nulla probabilis cauſſa allegari poteſt præter ſatiſfactionem & interceſſionem Chriſti. Sed ſi illa filiis jam domo ejeſtis, exhæreditatis, Diabolo mancipatis, reſtutionem in integrum impetrare queat; cur non potius impetrabit, ut condonato peccato nunquam ejiciantur, vel exhæredentur, vel in Diaboli poteſtatem redeant, ſed modice potius, pro ratione delicti, a Clementiſſimo Patre caſtigentur? Quod & credibilius multo, & Deo longe dignius eſt.

Pater  
1. Immu-  
tabili de-

XII. Ad eam, quam ſupra deſcripſimus, conſervationem fidelium, tota adoranda TRINITAS CONCURRIT. PATER eos certo & immobili decreto ad æternam ſalutem deſtinavit: quod Cap. IV. §. XIV. & ſeq. fuſe proba-

probatum dedimus. Non possunt autem pervenire ad salutem, nisi in fide & sanctimonia perseverantes. Neque perseverare possunt, nisi sustentati potentia Dei. Hinc ipse Christus ex electione τοῦ ἀδύνατον seductionis electorum colligit. *Mat. xxiv. 24. Edent signa magna & miracula; ita ut seducant (si fieri possit) etiam electos.* Planum est, D. Jesum de electis post vocationem suam, & veritatis agnitionem, agere; & de seductione non qualibet, sed totali & finali loqui, qua relicto Christo vanissimis deceptoribus habent fidem. Prædicit porro, tantam fore Pseudo-Prophetis illis fallendi efficacitatem, ut non modo eos seducturi sint, in quibus duntaxat levia quædam fidei tentamenta sunt, sed & ipsi electi sint imposituri, si (quod non est) tanta foret ullius seductionis vis, ut in electis fides labefactari possit. Illa autem verba, ἐν δυνάτει, hic veram impossibilitatem, ex hypothesi Divini decreti, innuere, hinc palam est; quia si possibile esset quosvis electos seduci, quod adversarii volunt, contingeret etiam, juxta dictum Domini, ut quivis electi actu a Pseudopropheta seducerentur: quod & intentioni Christi, & experientiae & omni sanæ rationi repugnat.

XIII. Instant tamen adversarii dictitantque phrasin, ἐν δυνάτει, non absolutam semper impossibilitatem, sed sæpe rei gerendæ difficultatem notare: adductis eum in finem variis Scripturæ locis; ut *Act. xx. 16.* ubi Paulus dicitur festinasse, *ut festo Pentecostis die Hierosolymis esset.* ἐν δυνάτει ἢ αὐτῶν. & *Rom. xii. 18.* ἐν δυνάτει, τὸ ἐξ ὑμῶν, cum omnibus hominibus in pace viventes. *Gal. iv. 15.* Testimonium vobis reddo, vos, ἐν δυνάτει vestros oculos effossos daturos mihi fuisse. & *Mat. xxvi. 39.* Pater mi, ἐν δυνάτει ἐστίν, transcat a me hic calix.

XIV. Sed responsio est in promptu. I. Si quidem res de qua agitur contingat, τὸ ἐν δυνάτει, magnam rei gerendæ difficultatem; si non contingat, veram impossibilitatem notaret. Ambigebat Paulus, an possibile foret, in tanta locorum intercapedine, festo die Hierosolymis esse: quod difficile admodum, imo & impossibile erat, nisi solito magis festinaret. Impossibile est, in tanta humanarum mentium perversitate, cum omnibus hominibus in pace semper vivere. Impossibile erat Galatis, effossos oculos suos ita Paulo dare, ut ipsius oculi essent, vel ipsi prodesse. Fieri etiam non poterat, ut oculos sibi effoderent, nisi & eos fatuos fingamus, qui sine ullius utilitate ita in suum corpus sæverent; & Paulum male sanum, qui id in sui honorem permetteret, ac laudaret. Impossibile denique erat, ut calix iste, nisi epotus, a Christo transiret. Impossibile, inquam, non absolute, quo sensu Christus dicit. *Pater mi, omnia sunt tibi possibilia;* sed ex hypothesi Divini decreti, & vadimonii a Christo suscepti, & Prophetiarum ac Typorum. Satisfaciendum enim erat Christo ad ultimum quadrantem, Quæ satisfactio

ctio bibitione calicis designatur. Si daremus adversariis, quod improbe contendunt, ἵδ' αὖ δ' ὑναῖον nonnunquam notare id, quod difficile est, ἵδ' ὑναῖον id quod facile est; tamen is sensus huic loco non conveniret. Si quis enim ita transformaret Christi sermonem: Edent signa & miracula, adeo ut seducerent (si id facile esset) electos etiam ipsos; is eum sapientissimum sermonem ineptum ac joculari efficeret.

11. Christo dedit, in hæreditatem, quæ alienari non potest. Joh. x. 29.

XV. Deinde, Pater fideles Christo dedit, Joh. xvi. 6. ut essent ipsius hæreditas, ac merces laboris & operæ pretium. Ps. 11. 8. Non patietur autem Pater, ut hæreditas unigeniti Filii sui alienetur, aut is operæ suæ pretium amittat. Ejus rei securus erat Christus, quum diceret Jes. xlix. 4. אֲנִי יְהוָה וְפָעַלְתִּי מֵאֵת מִשְׁפָּחִי מֵאֵת אֱלֹהֵי, Certe *jus meum est apud Dominum, & merces laboris mei apud Deum meum.* Adde Joh. x. 29. *Pater ille meus, qui dedit eas (oves meas) mihi, major omnibus est neque quisquam potest eas eripere e manu Patris mei.* Id est, neque Satan, neque mundus, neque caro, quæ tres ovium Christi hostes sunt, tantum unquam valebunt, ut voluntatem ipsarum in salutari protectione Patris manendi pervertant. Nam non possunt eripi invitæ. Ereptio in sola voluntatis mutatione consistit. Unde patet, nugas eos agere in re seria, qui hanc conditionem subintellectam volunt, nisi ipsæ sua voluntate se Deo subducant. Eo enim Christi sermo tendit, ut certi sint fideles, nunquam hostes effecturos, ut stolido se furto Deo surripiant. Attendendum est ad Christi argumentationem, quæ hoc modo procedit: Ego do ovibus meis vitam, neque peribunt in æternum, quia nemo eas e mea manu, vel e manu Patris mei, rapere potest. Si autem verum esset, quod respondent οἱ ἐξ ἐναντίας, posse eas desinere oves esse, & spõte per peccata transfugere e manibus, quamvis non rapiantur: tum argumentationis Christi sequela infirma, atque adeo nulla esset. Absurditatem omnem superat, hæc verba Christi restringere ad eos, qui in fide mortui sunt: & rapere ex manu Christi ita explicare, ut sit in morte ac damnatione retinere, & efficere, quo minus ex morte in æternam vitam a Christo suscitantur. Nam. I. Loquitur hic Christus de ovibus, quæ audiunt vocem ipsius & sequuntur ipsum, vocem autem alieni non audiunt, sed fugiunt ab eo: quæ omnia ad hujus vitæ statum pertinent. II. Planum est Christum hic consolari fideles adversus eas tentationes, quibus plurimum infestantur. Quis autem fidelium ea cogitatione multum vexatur, se, postquam in fide Christi mortuus, & quoad animam, in cœlestia tecta receptus est, in morte & damnatione detentum iri? Quis dubitat, quin beatitudinis suæ firmitas tunc in tuto collocata sit? III. Nihil etiam crudius dici potest, quam *mortuos in fide Christi, in morte ac damnatione detinere*: quomodo vaniloquo Remonstrantium Apologistæ loqui libuit. Quid? an mortui in fide Christi in damnatione sunt, in qua metuere possunt, ne detineantur?

XVI. *Tertio*, immutabili foedere ac testamento pollicitus electis est Pater, se effecturum, ne ab ipso, ad æternam perniciem suam, desciscant. Dei autem promittentis, & Testamento addicentis, fidem in dubium vocare, blasphemum est. Pertinet huc *Jes. LIV. 10. Montes recedent, & colles dimovebuntur, attamen benignitas mea a te non recedet, & sedus pacis tua non dimovebitur, ait miserator tuus Jehova.* Quibus verbis non solum generatim testatur Deus, se promissionibus suis in rem filiorum suorum fideliter staturum: sed innuit stabilitatem foederis gratiæ, quod foedus pacis vocat, præ foedere operum. Certe in foedere operum etiam staturus fuerat promissis suis Deus, dummodo homo in obedientia perseveraret; atin foedere pacis absolute promittit, ut benignitas sua non recedat a foederatis, quippe quæ eos conservatura erat in sanctitate, atque ita perductura ad felicitatem. Et hoc quoque sensu de novo Foedere dici potest, quod *præstantius & præstantioribus promissis sanctum sit: Heb. VII. 6.* absolutis nempe, neque ab incerta conditione suspensis.

XVII. Uberius idem inculcatur *Jer. XXXI. 38. 39. 40. Denique erunt mihi populus, & ero ipsis Deus.* *INDAM ENIM EIS COR UNUM & VIAM UNAM AD REVERENDUM ME OMNIBUS DIEBUS... Et pangam ipsis FOEDUS PERPETUUM, scilicet, ut non avertam me a PROSEQUENDIS IPSIS, benefaciendo eis: & reverentiam mei indam animo ipsorum, UT NON RECEDANT A ME.* Quibus gemina germana exstant. *Cap. XXXI. 31. 32. 33.* Ad quæ testimonia notandum est. I. Deum hic exponentem gratiosum foedus suum, id proponere ad modum *Testamenti*, dum absolute promittit, quæ ipse facturus est; nullas conditiones, ut ab homine præstandas, stipulatus. II. Dicit hoc Foedus sive Testamentum *perpetuum*, cum diserta oppositione alterius foederis, quod a mutabili conditione suspensum, ab homine ruptum, a Deo antiquatum est. *Jer. XXXI. 32.* III. Non modo promitti constantem Dei erga eos affectum, quo ab iis beneficio prosequendis nunquam se avertat, cui promissioni conditio aliqua subintelligi posset: sed & talem numinis reverentiam, qua ipsi non recedant ab eo. Quæ posito nihil ulterius exigi potest. IV. Non dicere Deum, se eos verbo suo, & maximis promissis, & plurimis beneficiis ad tam constantem sui reverentiam invitaturum, atque ita morali suasionem animos, quantum in ipso erat, flexurum; quod post Socinorum Remonstrantes dicunt: sed se ipso facto, & insuperabili Spiritus sui efficacia *INDITURUM* sui reverentiam animis ipsorum, unde hic sequatur effectus, *ut non recedant ab ipso.* Possetne clarioribus verbis hæc omnipotens fidelium conservatio promitti?

XVIII. *Omnipotens*, inquam: Nam, quod *quarto* observandum est, supereminentem potentiam suam in executione illorum promissorum, ad conservationem suorum, exerit Deus. Illam potentiam, qua *major*

XII. Scabillitatem  
lis est pol-  
licitus  
Jes. LIV.  
10.

Jer.  
XXXI. 38  
&c.

IV. Im-  
mensam  
suam po-  
tentiam in  
est



eorum  
conserva-  
tione exe-  
rit. 1 Pet.  
1. 5.

est omnibus, uti prædicantem modo audivimus Jesum. De hac Petrus 1 Epist. 1. 5. τὰς ἐν δυνάμει Θεοῦ φραγεμένους διὰ πίστεως, *Qui virtutis Dei præsidio custodimini per fidem, ad salutem paratam revelari tempore ultimo.* Testatur ibi Petrus, I. Electos servari ad salutem Divina potentia. Ergo fieri non potest, ut pereant. II. Eam potentiam firmo præsidio comparat, quod non modo omnem vim externam fortiter repellat, sed & omnes intestinæ rebellionis motus facile compescat. Nam utrumque præsidiorum militum officium est. III. Medium conservationis indicat, nempe fidem, qua conservari non possumus, nisi & illa conservetur in nobis. Hactenus de Patre.

FILIUS  
Electos ca-  
re nimis  
emit, quam  
ut eos pa-  
ciatur pe-  
sare.

XIX. Nunc de FILIO videamus. Et primo consideremus, quanti electos emerit: non auro, neque argento; sed pretioso suo sanguine; sed diris animi horroribus, corporisque cruciatibus; sed morte maledicta, quam & spiritualis & æternæ mortis dolores comitabantur. An probabile cuiquam esse potest, passurum esse Christum, ut, quos tam care emit, ipsi subducti, in alterius, & quidem infensissimi sibi hostis, potestatem prolabantur? Quid? an non vult D. Jesus eos jam peculium suum factos tueri? Cur ergo tanti sibi constare voluit, ut acquireret? Cur vocantur λαὸς ἰς περιποίησιν, *populus, quem sibi ut proprium vindicat?* 1 Pet. 11. 9. & λαὸς περιποίησις. Tit. 11. 14. *populus peculiaris?* Nam περιποίησις & περιποίησις sunt interpretamenta vocis Hebraicæ מַלְכוּת, quo significatur proprium peculium, & κερμήλιον, hoc est, res labore sumtuque suo acquisita, ideoque omni alieno juri ac potestati exempta, ut ab acquirente curate asservetur, ejusque perditio pro ingenti damno ac jactura habeatur. Eleganter Moses Gerundensis, ad Exod. XIX. 5. וְהָיָה בְיָדֵי פֶגֶלְהָ כֶּבֶד. 5. *Eritis in manu mea περιποίησις, ut res amabilia, quam non tradit in manum alterius.* Confer ea, quæ fusius de his vocibus diximus, Capite præcedente §. VII. Aut vero non potest asservare, nisi & ipsi velint? Sed qui lubentifica virtute sua tam potenter in voluntatem ipsorum agere potuit, quum undique eos oblectos teneret Diabolus, ut plena animi inclinatione in ipsum, per fidem & caritatem, in ipsum recubuerint: quid ni eadem lubentifica virtute efficere poterit, ut, postquam incredibilem ipsius suavitatem pleno ore gustarunt, immobili animi proposito apud ipsum permaneant? Imo & vult, & potest suos servare, & præstat id revera. Quos dedisti mihi, eos custodivi, & nemo ex iis perivit. Joh. XVII. 12. Ex eo, quod addit Dominus, nisi filius perditionis, non licet concludere, Judam eodem modo datum esse Christo, quo reliqui Apostoli, scilicet redimendum, & salvandum. Noverat enim Christus qui sui essent: noverat pridem, Judam esse Diabolum. Joh. XIII. 18. & VI. 70. Unde planum est, ex interitu Judæ non posse col-  
lig

Joh.  
XVII, 12.

ligi perditionem eorum, qui Christo redimendi dati sunt, & quos revera suo sanguine redemit.

XX. *Secundo*, constat D. Jesum in omnibus, imprimis in iis, quæ qua Intercessor noster petit, a Patre suo exaudiri. *Joh. xi. 42.* Rogat autem Patrem pro omnibus credentibus, ut *conservet eos ab impio illo. Joh. xvi. 1. 15. 20.* Inepta subtilitate invincibile hoc argumentum invertere adversarii conantur, dicentes; nusquam Christum orasse absolutam perseverantiam fidelium in fide: imo non tam solícite oraturum fuisse, ut perseverarent, si Deus absolute statuisset, id ita fore. Quæ assertio una cum adjecta ratione temeraria admodum, & falsissima est. Assertio est temeraria. Nam I. Ubi in hac Domini petitione minimum conditionæ orationis est indicium? Non licet nobis conditiones fingere pro lubitu. II. Tum, quæ conditio subintelligitur, quum Christus dicit, *conserva eos ab impio*? Hæccine, nisi ipsi velint a partibus impii illius stare? Sed in eo ipso consistit conservatio, ut constanter nolint. III. Remonstrantes ipsi non negant, Christum pro Petro petiisse absolutam perseverantiam: *Luc. xxi. 32.* Eam autem immunitatem a defectione, quam pro Apostolis rogavit, rogavit etiam pro omnibus eorum opera credituris. *Joh. xvi. 20.* Ratio est falsissima: quia supponit, neminem solícite orare eam rem, quam novit certo a Deo esse decretam. Contrarium patet in Davide *2 Sam. vii. 27. 28. 29.* Tu enim, *Jehova*, revelasti in aurem servi tui, dicendo, domum adificaturus sum tibi: idcirco invenit servus tuus cum corde suo, orandus te esse oratione hac. Et in Daniele, qui ubi cõpererat ex prophetiis Jeremiæ, definitum tempus Captivitatis Babylonicæ esse septuaginta annos, mox *adhibuit faciem suam ad Dominum Deum quarendum oratione & deprecationibus*: ut eam rem faceret, quam Daniel, ex Jeremia, sciebat, certo a Deo decretam esse. *Dan. ix. 2.* III. Et denique in ipso Christo; qui utique non ignorabat, fixum stare, glorificandum sese esse ea gloria, quam habuit apud Patrem, antequam mundus esset: & tamen non minus solícite hac ipsa oratione id rogat, quam conservationem suorum. *Joh. xvi. 5.*

II. Eorum perseverantiam validis precibus cogat.

XXI. *Tertio*. Christum Jesum Ecclesiam uti domum suam construxisse, Paulus auctor est, *Heb. iiii. 3.* De ea autem structura ipse ita loquitur, ut insuperabilem ejus firmitatem validissimis rationibus adstruat. *Mat. xvi. 18.* Super hanc Petram edificabo Ecclesiam meam; & porta inferorum non superabunt eam. Ex quo loco tripliciter argumentamur. I. Edificium Christi ex vivis lapidibus compositum, *1. Pet. ii. 5.* congruenter coagmentatum, & commissuris suis compactum est. *Eph. iv. 16.* Si autem contingeret, (quod non raro contingere adversarii jactant) vivos aliquos lapides intermori, & mortuos loco suo moveri; penderent opera interrupta, minæque murorum ingentes, & ædificium maximi ar-

III. Ecclesiam suam Petre inadi-  
ficatam insuperabilem fecit.  
*Mat. xvi. 18.*

tificis multis hiatibus foedum esset. II. Domus inædificata Petre, adversus omnem nimborum, fluminum, procellarum impetum in tuto est *Mat. VII. 25*. Quænam porro illa petra est? Hic statim nobis in mentem veniat illud Apostoli *I Cor. X. 4*. ἡ δὲ πέτρα ἣν ὁ χριστός. *Quis est rupes præter Deum nostrum? Ps. XVIII. 32. Utique nulla est rupes, nullam novi. Jes. XLIV. 2.* Christus ergo simul, sub diversa metaphora, & architectus & fundamentum hujus domus est, *I Cor. III. 11*. Et quum ipse sit *רֹאשׁ הַבַּיִת* *caput domus*, *Jes. XXVI. 4.* non solum, quia ipse ab æterno & in æternum est, sed & quia beatam æternitatem, & æternam firmitatem dat iis omnibus, qui ipsi spiritualiter uniuntur; fieri non potest, ut ulla vi, ullove astu, a rupe illa avellantur, qui illi inædificati sunt.

Ipsi inferorum  
portis ne-  
quicquam  
contra ni-  
tentibus.

XXII. III. Illud imprimis emphaticum est, quod addit Dominus. *Et porta inferorum non superabunt eam.* Inferi, Græce ᾗδης, Hebraice *האש*, ex Scripturæ stilo *locum & statum mortuorum* significant. ᾗδης proprie notat τὸ ᾗδῃ τόπον, in quo qui sunt, non apparent. *האש* eum locum significat, in quo qui est, in quæstione est; quem quæras, sed non invenias. Hunc locum Scriptura in infimis collocat, & excelsis cælo opponit. *Mat. XI. 23.* Quandoque non tam locum, quam statum significat, ut *Gen. XXXVI. 35*. Ubi Jacob dicit, *descendam lugens ad filium meum* *האש*, *eis ᾗδης*: quum tamen filium suum a bestiis devoratum arbitraretur. Similiter *Psal. XLIX. 15*. *וְיוֹ הָאֲשׁוֹתָא כַּחַד, וְכִסּוֹתָם בְּאֵשׁ* *in ᾗδῃ* *ἐν τῷ ᾗδῃ*, *sicut oves in inferno collocantur*. Quæ tamen neque sepulcro conduntur, neque in locum æterni cruciatus abducuntur. Notat ergo *statum mortuorum*. Sic etiam Theophylactus in *Luc. XVI. τὸ ᾗδῃ* ex multorum sententia definit, *τὴν ἀπὸ τῶ ἐμφανῆς εἰς τὸ ἀφανὲς καὶ ἀειδὲς μετάστασι, τὸ ψυχῆς, translationem animæ ex statu, quo apparet* (operationibus scilicet suis) *in eum, quo non apparet neque videtur*. Porro, tam locus quam status demortuorum, considerari potest, vel quoad corpus, vel quoad animam. Uterque infernus dicitur. De priori dicebat Hizkias, *Jes. XXXVIII. 10*. *הָאֲשׁוֹתָא בְּכַחַד, וְכִסּוֹתָם בְּאֵשׁ* *in πύλαις ᾗδης*: *proficiscar ad portas inferni*. Et in sacris frequentissime. Omnes animas, tam justorum, quam injustorum, ἐν ᾗδῃ collocant *ἐν ᾗδῃ* Scriptores. *Diodorus Siculus* τὴν ἐν ᾗδῃ μυθοποιάν explicat per ἀσεβῶν τιμωρίαν καὶ εὐσεβῶν λειμῶνας, *impiorum penas, & piorum floride præta*. Et *Jamblicus*, τὸ δικαιοσύνης, *ὡς φασὶν οἱ σοφοὶ τὸ ποιῆσθαι, ἐν ᾗδῃ κομισάμεθα τὰς δαρείας*. *Justitia præmia, ut sapientes Poetarum docent, in inferno consequemur*. Plurima huc facientia congestit *Gronius ad Luc. XVI. 23*. Non memini tamen, Sacras nostras literas piorum animas ἐν ᾗδῃ unquam locare. Restat ergo, ut *האש* vel ᾗδης, ubi de animabus dicitur, τόπον τὸ βασάνων designet. Quod

Quod non video cur viri eruditissimi negandum sibi fumerint. Neque enim eo solum nos ducit *Luc. xvi. 23.* sed & *Prov. v. 5.* Ubi de adultera Salomoe, *סלל צעדיה קדמוי* *Orcum gressus ejus tenent*: non ad vitam, quæ vere vita est, gressus ejus tendunt, sed ad locum trititiæ æternæ, & *Prov. vii. 27.* *רכי סלל ביתה*, *via inferni viæ domus ejus.* conf. *1 Cor. iv. 10.* & *Ap. xxi. 8.* Ubi scortatores vi a regno coelorum excluduntur, & detruduntur in locum, qui ardet igne & sulphure. Huc quoque facit *Prov. xv. 24.* *סלל סלל סלל סלל* *Iter vite sursum est intelligenti*, *סלל סלל סלל סלל*. Græci, *ἡ ἀκλίνας ἐκ τῆ ἀδ' ὁ σκαθῆ*, *ad recedendam ab infernis deorsum*. Id intendit vir sapiens, ut coelestia tecta scandere possit, ubi vera vita est, neque unquam deveniat ad inferos, æternæ mortis locum. Habemus ergo, quid infernus in Sacris significet; in genere scilicet, statum locumque demortuorum; & specialius, statum & locum animarum spiritualiter mortuarum, quæ associantur Diabolis.

XXIII. Sed quid *Porta inferorum* significant? Puto id melius longe ex Scripturæ, quam ex prophanorum poetarum phrasi disci posse. I. Portæ sunt munimenta civitatis, in quibus militum manus, & arma, & quicquid erumpentibus ad vim adhibendam necessarium est, præsto esse solent. Hinc legimus de *דסר דער*, *porta bene fundata* *2 Chr. xxi. 11.* 5. quæ *2 Reg. xi. 6.* *סר דער*, *porta receptum* vocatur, ad quam quis tuto secedere queat. II. In portis olim jus dicebatur. *Amos v. 15.* *constituite in porta judicium*. III. In portis erat solemnitas civium conventus, ubi de rebus arduis deliberabatur, & seniores prudentia suggerebant consilia. Hinc *Rut. i. 11.* *Novit omnis porta populi mei*, id est; universus coetus, qui in porta convenire solet. & *Thi. v. 14.* *Seniores de porta cessant*. Portæ ergo inferorum significant. I. Potestatem omnem mortis, & ejus, qui imperium mortis habet, id est, Diaboli. II. Dira edicta, crudelesque mortis sententias, instigante Diabolo, ab rerum dominis timendisque tyrannis in Christianæ veritatis confessores latas. III. Omnem caliditatem malignorum spirituum, ad decipiendos pios se mutuo acutentium.

XXIV. Dubitandum non est, quin hisce inferorum portis magnum robur, *ισχυς*, adsit; non tamen *κατισχυσει* *prævalebunt* adversus Ecclesiam. Nulla, quantumvis valida, vis Diaboli, cum copiis suis e portis inferorum adversus fideles erumpentis, nulla Cæsarum, Regum, Principumque, quantumvis crudelia, adversus eos edicta, nullæ fraudes ac technæ in ipso inferorum concilio cusæ, debellandis & a fide ac unione Christi abducendis sanctis sufficient. Atque hinc est, quod nulla mors, neque *ὁ ἴο κρατ' ἔχων τῆ θανάτου*, eos in potestatem suam redigere, aut sub ea retinere possit. Hæc nobis plenissima hujus dicti sententia videtur.

rv. Tam  
arche sibi  
jungit fi-  
deles, ut  
membra  
exportis  
sui sint.

XXV. *Quarto*, Christus fideles ita sibi jungit, ut ipse caput sit; illi simul sumti, corpus; singuli, membra corporis. *Eph. v. 23.* Unde iterum duplex exsurgit argumentum. I. Sicut impossibile est, a corpore Christi naturali, jam glorificato, membrum aliquod avelli; ita non minus impossibile est, id fieri in corpore Christi mystico. Quia sicut Christus humiliationis suæ merito impetravit, ut ab omni læsione immunis perennaret in gloria; ita & eodem merito impetravit, ut universum suum corpus mysticum, (i.e. veram Ecclesiam, & singula ejus spiritualia membra) *sisteret sibi gloriosum. Eph. v. 7.* Non posset autem id facere, si aliquod ejus membrum plane avelleretur. II. Quemadmodum spiritus, qui motus in membris cient, mediantibus nervis, ex capite in partes inferiores perpetuo commeant; sic vis illa, & efficientia, qua vita spiritualis & continetur & exercetur, continuo a Christo in fideles manat: & si inæqualiter eos moveat ad actiones spirituales edendas, saltem vitam illam conservat, neque patitur eam omnino præfocari.

David  
per adulte-  
rium plane  
a Christo  
avulsus  
non fuit.

XXVI. Nec est quod quis Davidem objiciat, quasi stupro se polluens cum Batseba, eique adhærescens, *suffulerit membrum aliquod Christi, & id fecerit membrum scorti*, juxta *1. Cor. vi. 15.* Nam I. Certum est, Davidem non finaliter a Christo avulsus fuisse: addo, neque totaliter. Nam Spiritus vitæ, qui e Christo indefinenter manabat, plurimo peccati veneno pressus, ac tantum non suffocatus, suo tempore potenter se in demonstratione sinceræ resipiscentiæ exseruit. Hinc petebat a Deo *ne auferret a se Spiritum suum: Ps. li. 13.* ostendens, eum quidem admodum turbatum ac pressum, non tamen plane ablatum esse. II. Pauli verba ita habent: *ἄρας ἐν τῷ μέλει τῷ χριστῷ, ποιήσω πόρνης μέλη*; verbum autem *ἄρω* non semper significat *auferre*, sed & *sumere* sibi ad aliquid eo aggrendum & inceptandum. Et hic sensus est, num summam mihi membra Christi ad tam foedum abusum? III. Non dicit Apostolus, uno stupri actu aliquem ita alienari a Christo, ut unum cum scorto sit; sed id affirmat de eo, qui *κολλᾷται τῇ πόρῃ*, ita erga eam affectus, uti erga legitimam uxorem, ex præcepto Dei, maritus. In summa, *docet*, quid *ex scortatione sequatur secundum naturam rei*, & quid fieri soleat iis, qui a scortatione non desistunt: sed non statuit limites gratia & misericordia Dei, quæ non possit aliquamdiu continuari conjunctio vel unio illius cum Christo, qui scortose adjunctis: utor verbis *Amosii* in *Anti-Synodalibus*, De Persever. Sanct. Cap. v.

SPIRITUS  
S. S. 1.  
manet in  
electis,

XXVII. SPIRITUS SANCTUS, sedem sibi a Christo assignatam, hoc est corda electorum, invincibili virtute occupans, superato expulsoque spiritu maligno, solus ibi regnum constanter tenet, neque unquam domicilium suum plane relinquit. Juxta illud Christi, *Joh. xiv. 16. 17.*

Ego

*Ego vero rogabo Patrem, & alium Advocatum dabit vobis, ut MANEAT VOBISCUM IN ÆTERNUM. Nempe Spiritum illum veritatis, quem mundus non potest recipere, quia non conspicit eum, nec novit eum: vos autem nostis eum, quia apud vos MANET & in vobis ERIT.* Non solis Apostolis facta est hæc promissio, neque de eo duntaxat Spiritus effectu agit, quo in prædicatione Evangelii constituebantur infallibiles; sed omnes fideles concernit. Nam I. Proponitur ut fructus adscensionis Domini in coelum, & intercessionis Sacerdotalis; quarum rerum utilitas ad omnes electos redundat. II. Non agitur de Spiritu, ut auctore infallibilitatis in docendo, quod in Apostolis, & paucis præter eos Evangelistis erat: sed ut *Paraclete* & Consolatore, quod in omnibus Fidelibus est. III. II, quibus Spiritus promittitur, non opponuntur reliquis fidelibus, ut Doctores plebi; sed mundo reproborum, qui Spiritum non conspicit nec novit, & propterea etiam recipere non potest. Neque existimandum est, hanc continuam Spiritus immanfionem ita promissam esse universæ Ecclesiæ, ut non singula ejus membra eam sibi arrogare valeant: nam singulos discipulorum suorum hisce verbis consolatur Dominus; quibus, quum solliciti essent de ipsius discessu, talem Spiritus præsentiam pollicetur, qua nemo eorum ullo unquam tempore plane destituatur. Quam diu autem Spiritus Christi in quoquam habitat, tam diu illum Christi esse, neque Diaboli esse posse, per se est evidens. Fatemur sane, Spiritum S. male habitum, & tristitia affectum a fidelibus, secedere nonnunquam quoad influxum consolationum suarum, & concessionem alacritatis in vita spirituali; remanet tamen, ut fons vitæ, & vinculum unionis ipsorum cum Christo.

**XXVIII.** Neque est quod opponas Davidis orationem *Pf. LI. 13.* tam solícite rogantis, ne Deus Spiritum Sanctum suum a se auferat: quod non fecisset, si certus fuisset, nunquam eum auferri ab electis. Nam I. Falsam esse illam hypothesin, neminem cum cura eam rem rogare, quam certus est sibi concessum iri, supra demonstravimus *S. xx. II.* Postquam fidelis in tam horrendum peccatum incidit, non parum fides & *πληροφωρία* illius concuti solet, ut non semper sibi in isthoc statu Divinæ gratiæ continuationem secure polliceri ausit. Hinc illi gemitus, & anxias animæ ad Deum suum exæstuationes. III. Quando petit David, ne Spiritus Dei ab ipso auferatur, intelligi id potest. A. De Spiritu Sapientiæ Regiæ, & Fortitudinis Imperatoriæ; cujus rei triste exemplum in Saule viderat. B. De Spiritu Prophetico, qui antea per os ipsius locutus erat. *2. Sam. XXI. 11. 2.* C. De illa Spiritus operatione, quæ impeditura erat, ne alia peccata in administratione Regni committeret, quibus ira Dei adversus Israël accenderetur. D. De istis Spiritus emotic nibus, quibus cor suum nunc compungi sentiebat, quas non suffocari iterum, sed

Cui non  
repugnat  
Davidis  
oratio de  
non auferendo Spiritum.

novis accessionibus auctas ad veram solidamque resipiscenciam pertinere, ex animo optabat.

Neque illa inimicitia Spiritus adversus rebelles. *Jes. LXIII. 10.*

*LXIII. 10.*

**XXIX.** Alia ratio est illius, quod legitur *Jes. LXIII. 10.* *Et ipsi rebelles fuerunt, & dolore affecerunt Spiritum Sanctitatis ejus; & versus est ipse in inimicum, ipse pugnavit in eos.* Non enim ibi agitur de electis fidelibus, sed de rebellibus Israelitis. Posuerat Deus in medio istius populi Spiritum Sanctum suum loquentem per prophetas, & sanctificantem electos. Isti Spiritui rebelles se opposuerunt; in istum ut feræ bestię irruerunt. *Act. VII. 51.* pessime habentes fidos Dei ministros, & caros filios *Jes. LXVI. 5.* Ita dolore affecerunt Spiritum Sanctum, non in ipsis, sed in Prophetis aliisque sanctis habitantem: id est, occasionem ei dederunt talia faciendi, quæ sunt iræ, & quæ solet is facere, qui injurias suas ulciscitur. Vel si de Spiritu in ipsis rebellibus operante id explicemus, intelligendum id erit de conscientię naturalis, per spiritum excitatę, convictionibus, quibus se impie opposuerunt. Hinc factum est, *ut versus sit ipse in hostem*, & populum illum abjecerit, ac regnum suum ab iis abstulerit, eosque induravit: *Et ipse adversus eos praeliatus sit*, tam externe per exercitus suos, qui ipsos trucidarunt, & urbem ac politiam eorum destruxerunt, quam interne per conscientię terrores & angores. *Deut. xxviii. 65.* Quæ nihil faciunt ad evincendum totalem Spiritus S. a fidelibus discessum.

II. Est in electis fontis perennis vitę.

**XXX.** Spiritus iste uti continuo in fidelibus manet, ita & perennis vitę in iisdem fœturigo est. Nam est *Spiritus vitę. Rom. viii. 3.* Vita mentis, est illius *ἐνέπνευστα* sancta & jucunda. Nam in mente cæca & mala regnat mors. *Joh. xvii. 3.* *Hæc est VITA ÆTERNA, ut cognoscant te solum verum Deum, & quem misisti, Jesum Christum.* In Dei Patris & Christi Gratia & Veritate cognoscenda, amanda, reverenda, & in lætitia, quæ inde oritur, consistit *vita* Spiritualis. Quæ *ÆTERNA* dicitur, quia inchoata in hoc seculo continuatur per continuum influxum Spiritus, & consummatur in futuro seculo. Alibi vocatur *Radix insita. Mat. xiii. 12.* *Unctio manens. I. Joh. ii. 27.* *Semen inmanens. I. Joh. iiii. 9.* & *Fons aquę salientis in vitam æternam. Joh. iv. 14.*

Quæ longe diversa est a vita Adami integri.

**XXXI.** Longe alia ratio hujus vitę est, quæ electis per regenerationem inditur, atque illius, quæ in Adamo integro erat, licet & illa sancta, & a Spiritu Sancto esset. Nam I. In illo statu homo sibi ipsi relinquebatur, neque ullum promissum de continua Spiritus inhabitatione habebat: qualem promissionem electos nunc habere, modo probavimus. II. Quæ ratio est primæ ingenerationis hujus vitę, eadem & perseverantię in illa esse videtur. Infusa autem hæc vita est homini renitenti, & placenti sibi in morte spirituali, & omni nisu se opponenti Deo: infusa, inquam, virtute illa invincibili Spiritus, quam tot elogiis deprecavit

dicavit Paulus *Eph. 1. 19.* Quemadmodum ergo efficacia illa Spiritus resistentes ac reuitentes aduersus operationes suas, pervicit tamen-  
atque subegit; sic etiam, postquam semel mentibus ita victis atque  
superatis infedit, locum a se occupatum tenet constanter: & si  
quid vel intus oriatur, vel extrinsecus accedat, quod eam labefactare  
conetur, quanto impetitur acrius, tanto diligentius vires suas colligit,  
& sese comparat ad repugnandum. Et quid eam superare posset in pro-  
gressu, hostibus jam subactis, quum nihil vim ejus sistere potuerit initio,  
quando omnia se ei opponebant?

XXXII. Accedit, III. quod vita illa profluat ex vita Christi *Gal. 11.*  
20. *Vivo autem, non amplius ego: sed vivit in me Christus.* Porro Christus  
morte sua impetravit, ut semper viveret. *Ap. 1. 18. Ego sum qui vivo,*  
*sed fui mortuus, & ecce vivo in secula seculorum.* Vivit autem Christus non  
modo in gloria apud Patrem, quoad personam suam; sed & per Spiritum  
in electis. Spiritus vitæ, in ipso, ut in fonte, residens, profluit in-  
de in suos, & in iis ejusdem gloriosæ vitæ, sed suis quibusdam gradi-  
bus perficiendæ, auctor est. Unde a sua vita ad nostram argumentatur,  
*Joh. XIV. 29. Quia ego vivo, vos etiam vivetis.* Alia ergo est hæc vita  
Christi in nobis, a vita Adamo per creationem implantata. Ea enim  
ipsi data erat, ad explorationem constantiæ, ideoque erat amissibilis.  
Nam probata demum constantia sua confirmationem in vita sancta &  
beata exspectandam habebat, qualis obtigit beatis Angelis. Sed vita  
Christi in Fidelibus est fructus satisfactionis & meritorum ejus, & idcir-  
co perennis ac æterna esse debet, ne operæ suæ pretium amittat. Et con-  
ferenda est, quoad perennitatem suam, non cum vita Adami in statu  
explorationis constituto; sed cum ea vita, quam obtenturuserat, si ex-  
plorationis suæ curriculum feliciter absolvisset.

Profluat  
quippe ex  
vita Chris-  
ti.

XXXIII. Memorabile imprimis Pauli dictum est, quod exstat *Col.*  
*111. 3. Mortui enim estis, scil. Diabolo, Mundo, Peccato, Vobis ipsis,*  
*ἡ ἡ ὡς ὁ μὲν κήρυτται σὺν τῷ Χριστῷ ἐν τῷ Θεῷ, & vita vestra recondita est*  
*cum Christo in Deo.* Cujus sententiæ singula verba efficacia sunt ad peren-  
nitatem hujus vitæ comprobendam. *Vita* notat hic sanctam ac beatam  
fidelium ἐνέργειαν, ex communicatione Spiritus Christi resultantem,  
cujus initium in hoc ævo est, complementum in futuro. Ea vita *abscun-*  
*dita* est. I. Ipsi fidelibus, qui non omnem ejus rationem assequuntur, uti  
nunc in iis operatur Spiritus: & magis adhuc ignorant illam inexplica-  
bilem cognitionem, illam perfectam sanctitatem, illum amorem incon-  
cussam, illam lætitiā incredibilem, quæ parata sunt ut revelentur  
tempore ultimo. *1 Pet. 1. 5. 1 Joh. 111. 2.* II. Mundo. Nam uti Chri-  
stus, qui nostra vita est, non conspicitur a mundo, ita, quomodo nos  
vivamus in Christo, & Christus in nobis, mundus non cognoscit; sed  
hæc Christianismi nostri mysteria pro melancholicis, deliramentis habet.

Et cum  
Christo in  
Deo re-  
condita.



III. Diabolo. Cui ea ad lethiferos ictus & victoriam nequaquam patet. Vita Filiorum Dei, tanquam thesaurus pretiosissimus, in loco recondito reposita est, unde suffurari eam nulla vi vel arte spiritus nequam potest. Quo sensu dicitur. *Ps. LXXXIII. 4. וְיִתְּנֵם לְיָ צַדִּיק & consulant adversus reconditos tuos*, quos tu in sinu protegis. Recondita hæc vita est cum Christo, cui ejus cura ac custodia commissa est, & qui *δυνατός ἐστι depositum, sibi creditum, custodire in illum diem. 2 Tim. I. 12.* Quem admodum ergo Christus licet mundo invisibilis, vere ad dextram Dei sedet, & vere revelabitur; ita etiam vita nostra apud Christum est, & vere nobis servatur. Denique recondita eadem vita in Deo est. Hoc est, in decreto Dei & amore ejus continetur, qui suo tempore manifestum faciet, ad quid dilexerit nos in Christo. Ipse sinus Dei, sanctissimum illud ærarium est, in quo thesaurus ille asservatur.

III. Si  
gillum  
creden-  
tium est.

XXXIV. Idem ille Spiritus, perennis istius vitæ auctor, sigillum est, quo *οἱ πιστεύοντες* obsignantur. *Eph. I. 13.* Comparat Apostolus fideles *Epistola, inscripta non atramento, sed Spiritu Dei vivi. 2 Cor. I. 1. 3.* In illa autem Epistola continetur Testamentum Dei, cujus promissiones quum primum viva fide acceperunt electi, tunc illas animis suis a Spiritu Sancto inscribi quodammodo fiverunt. Porro inscriptionem istam sigilli sui obsignatione Deus munit. *Sigillum* illud, Spiritus promissionis Sanctus est, non solum respectu donorum extraordinariorum, quæ olim in Ecclesia vigeant (hæc enim neque omnibus, neque solis vere fidelibus concedebantur, neq; in iis arrha coelestis hæreditatis erat) sed vel maxime respectu donorum salutarium. Vocatur autem *Spiritus promissionis*, vel quia ipse promissus erat, vel quia ipsius est promissiones Evangelii intimare, inscribere, obsignare in cordibus fidelium. *Obsignatio*, est imaginis, quæ in sigillo est, in re obsignata impressio, quæ & eum, ad quem scribimus, de auctore certum reddimus; & quod in epistola vel testamento continetur magis magisque confirmamus, ut de rei veritate non dubitetur. Consistit ergo obsignatio mystica per sigillum Spiritus, in communicatione efficaci Divinæ illius lucis, puritatis, sanctitatis, justitiæ, bonitatis, beatitudinis & gaudii, quæ in Spiritu Sancto reperiuntur. Quarum rerum prima lineamenta ducuntur in regenerationis initio; & hæc est conscriptio cordium per Spiritum. Sed postquam fides in Christum coepit esse efficax, ea omnia confirmantur, roborantur, augentur, penitus imprimuntur per eundem Spiritum. Atque in hac penitiori impressione consistit obsignatio: per cujus contemplationem ac sensum fideles certi redduntur, se filios Dei esse.

Cujus  
obsignatio  
firmitatem  
eorum in-  
conculsam

XXXV. Porro ista obsignatio Spiritus ad comprobendam inconculsam fidelium firmitatem facit: Apostolo ipso confirmationem obsignationi jungente. *2 Cor. I. 21, 22. Quinos CONFIRMAT vobiscum in Christi-*  
*sum,*

*sum, & qui unxit nos, Deus est. Qui etiam* OBSIGNAVIT nos. Et merito. *facit.* Nam I. Confirmantur & muniuntur nobis isthoc sigillo promissiones æterni testamenti. Miranda & incredibilis prope Dei bonitas in hoc negotio elucet. Non solum pollicetur electis, se nunquam ab iis discessurum, & effecturum, ne unquam a se discedant. Sed & idem sacris ac inviolabilibus utriusque instrumenti literis consignat. Neque hoc tantum, sed & easdem promissiones digito Spiritus sui cælat in cordibus electorum. Et ne hic quidem subsistit. Addit ejusdem Spiritus sigillum, quo de horum tam præstantium promissorum donatione oppido quam certissimi reddantur. II. Obsignatio illa notat firmam ac indelebilem impressionem virtutum Spiritus S. Quis enim ipsius Dei sigillum, æterno testamento appensum, & penitus suorum cordibus impressum, delere queat? III. Per obsignationem illam inviolabiles constituuntur signati. Declarat per illam Deus, eos esse suum peculium, quod alienari nunquam patietur. *Ap. VII. 3.*

XXXVI. Omitti hic non potest illustris locus. *2 Tim. II. 19. Solidum tamen fundamentum Dei stat, habens hoc sigillum, Novit Dominus eos, qui sunt sui: & Abscedat ab injustitia, quisquis nominat nomen Christi.* Chrysostomus per *solidum Dei fundamentum* intelligit, τὰς στερεὰς ψυχὰς, αἱ τινες ἐσθλαὶ πεπηγυῖαι & ἀκίνητοι, *Animas solidas, qua firma & immobiliæ sunt.* Quæ expositio & huic loco, & phrasi scripturæ congrua est. Huic loco, opponitur enim firmum Dei fundamentum iis hominibus, qui se κακοφυνίας ac deliriis deceptorum, quales Hymenæus & Philetus erant, a veræ fidei doctrina seduci patiebantur. Et Scripturæ phrasi. Nam ea fidelem vocat יסוד עולם, *Fundamentum seculi, sive, perpetuum Prov. x. 25. & columnam in templo Dei, qua nunquam exit foras. Ap. III. 12.* Posset huc quoque referri *Jes. xxvi 11. 16.* Ubi Christus vocatur פֶּתֶר יָקָרָה יִסּוּד שִׁיחַ: quod verti potest, *Angulus lapis angularis, pretiosus fundati fundatissimi.* Christus enim lapis angularis Ecclesiæ suæ est, quæ quum sit inædificata rupi, est fundatum fundatissimum. Ergo Ecclesia fidelium, est fundamentum. Et quum fundamentum tam stabile a nemine nisi a Deo poni possit; hinc vocatur *fundamentum Dei. Dei edificatio estis. 1 Cor. III. 9.* Fundamentum illud Dei *firmum, & adversus omnes tentationes inconcussum stat.* Porro, quænam istius firmitatis ratio ac causa est? Non habent eam fideles a se ipsis, sed a Dei sigillo. Cujus sigilli usus hic duplex proponitur. I. Signare electos, uti eos, qui Deo noti & dilecti sunt, & quibus ut peculio suo, quod carum habet & servat, notas, Dominii ac proprietatis suæ testes, impressit. De eo dicitur: *novit Dominus, qui sui sunt.* II. Imprimere iisdem similitudinem ejus sanctitatis, quæ in sigillo, id est, in Spiritu Sancto est, per quam fit, ut ipsi sibi sollicitè ab iniquitate & defectione caveant. Huc spectat, *Abscedat ab injustitia, quisquis nominat nomen Christi.* Nam qui in corde

corde suo gerit hanc legem ei inscriptam, & legem propriam cordis factam, quam sibi ipsi identidem dicat, is, uti ex eo scire potest, se electum & dilectum Dei esse, ita etiam curate se Deo, cujus est, custodit.

xv. Est  
arrhabære-  
ditatis ip-  
sorum.

XXXVII. Denique ille Spiritus est ἀρραβὼν κληρονομίας ἡμῶν. Eph. 1. 14. Erudite observavit ad hunc locum Grotius, vocem ἀρραβὼν non Græcam esse origine, sed Syriacam, inquit ille; dicamus nos, *Hebraicam*: ut apparet ex Gen. xxxvi 11. 17. ubi Thamar a Juda petit דבר, *pignus*. Credibile est, Græcos a Phœnicibus, quibuscum plurimum negotiabantur, hanc vocem accepisse. Est autem arrhabo, sive, ut Latini brevius dicunt, arrha, pars pretii data in antecessum, ut de toto pretio secuturo fides fiat. ὁ ἀρραβὼν μέρους ἐστὶ τῷ παντός, *Arrha pars est integri*, inquit Chrysostomus. Ita illa dona Spiritus, de quibus mox locuti sumus, pars sunt futuræ felicitatis, & rei principalis secuturæ. Ac plane instar habent illius arrhæ, quam dat sponsus sponsæ in testimonium communionis omnium bonorum. Nam quis non facile credat respectum esse ad desponsationis ritum? ad quem etiam alluditur. Hos. 11. 21. 22. Porro, bonum illud, cujus arrha Spiritus est, vocatur *Hæreditas Filiorum Dei*; quia perpetuum est, neque a possessoribus alienatur. Cujus est, illius semper est; a primo possessionis articulo in omnem æternitatem. Unde concludimus, fieri non posse, ut illi, qui semel Spiritum Sanctum acceperunt, cœlesti hæreditate excidant. Nam alias, quod absit, Spiritus Veritatis arrha falsa ac fallax esset.

Ad Con-  
servatio-  
nem hanc  
adhibet  
Deus, &  
hyperphy-  
sicam vir-  
tutem,

XXXVIII. Hactenus ostendimus, universam adorandam Trinitatem operam suam ad conservationem fidelium conferre: unde liquet, salutem ipsorum, tantis custodibus, in tuto collocatam esse. Nunc porro in rationem illam inquiramus, qua Deus in conservatione suorum utitur. Et primo quidem immensam illam suam ac *hyperphysicam virtutem*, adhibet, qua primum olim vitæ spiritualis initium electis animabus infudit, ut non minore efficacia ad perennitatem foveatur, quam principio producta est. Huc ea faciunt, quæ de potentia Dei in hoc negotio se exferente *Thesi* xvi 11. produximus.

Et media  
moralia.

XXXIX. Sed quandoquidem Deo dignum est, cum creatura rationali ita agere, uti naturæ illius convenit; hyperphysicæ illi efficacitati, media aliqua, moraliter, uti vocant, agentia, superaddit, quibus ipsi electi ad se ipsos sub Deo solícite custodiendos excitentur. Utitur hic ministerio verbi sui, quod est *semen incorruptibile*, & *sermo Dei vivens*, & *manens in æternum*. 1 Pet. 1. 23. Proponit *fidei pietatisque præstantiam*, confirmans ita suorum animos, hortansque, ut in fide permaneant. Act. xiv. 22. Addit *promissiones* ingentis præmii, perseverantibus, & iis quidem solis, concedendi. Mat. xxiv. 13. Ap. H. 10. 11. Subjungit *comminationes* diræ vindictæ in defectores & apostatas. Ezech. xxxi 11, 13. 14.

25. Et torpentes animas *castigationum* suarum flagello subinde excitat, atque officii sui commonefacit. *Pf. CXIX. 67. אֲנִי טָרָא אֶתְּמַח אֶתְּמַח* *Antequam affligerer, ego errabam, nunc autem sermonem tuum observo.* Tantum abest, ut ex ejusmodi monitis, promissionibus, comminationibus, similibusque Dei circa electos actionibus, quicquam adversus eorum perseverantiam concludi possit; ut e contra valida media ad eorum conservationem sint.

XL. Nam quando Deus virtute Spiritus sui mentem ad hæc omnia attente consideranda excitat, ingeneratur homini sacer quidam timor tremorque. *Phil. 11. 12.* Quo fit, ut a carne, mundo ac Diabolo, omnibusque eorum insidiis anxie sibi caveat, ne fraudibus illorum circumventus salutis suæ obesse comperiatur. Si autem contingat, ipsum foedo aliquo crimine secessionem a Deo fecisse, sensus vulneris, quod conscientiae infligit, quodque, nisi tempestive curetur, in mortem denique æternam exiturum erat, tranquillum eum esse non patitur: donec renovata resipiscencia ad Deum redierit, multisque lacrymis admissi veniam ab infinita illius clementia impetraverit. Et quandoquidem suæ sibi imbecillitatis quisque fidelis conscius est, hinc fit, ut humiliter a Divinæ gratiæ auxilio dependens, continuum illius ad sui conservationem ac corroborationem influxum devotis precibus sollicitet: orans ex præscripto Domini, *Ne nos inducas in tentationem, sed libera nos a malo.* Atque hoc modo, omnes vere fideles a Deo excitati & adjuti, se ipsos quoque conservant. *Scimus, quod quisque natus est ex Deo, non peccat: sed qui genitus est ex Deo conservat se ipsum, & Improbis ille non attingit eum. 1 Joh. v. 18.* Et sane qui foeditatem peccati, & tormenta inferorum, & gravitatem Divinæ excandescentiæ rite æstimat; qui virtutis pulcritudinem, jucunditatem gratiæ, decus futuræ gloriæ, & amoris Dei incredibilem suavitatem extremis labris libavit; fieri non potest, quin exclamet: *Ecce, qui longinqui a se sunt pereunt, excindis quicumque adulterando deficit a te. De me itaque, propinquum esse Deo mihi bonum est. Pf. LXXIII. 27. 28.* Hoc est τῇ προσέσει καὶ καρδίᾳ προσμένειν τῷ Κυρίῳ. *Act. XI. 23.*

Quibus fideles excitantur, ut se ipsos conservent.

XLI. Hinc patet falsum esse, quod *οἱ ἐξ ἐναντίας* calumniantur, per doctrinam hanc de omnipotente Dei conservatione latam portam pandi profanitati & securitati carnali. Utilissimam eam esse & efficacissimam ad consolationem fidelium, modo vera sit, ne illi quidem inficias iverint, qui eam veram esse negant. Nihil autem efficax esse potest ad consolationem sanctorum, quod non eadem opera efficax sit ad promotionem sanctitatis. Nam in omni consolatione est demonstratio beneficæ caritatis Dei erga miserum & salutis suæ anxium peccatorem; & quæ illa Divini amoris demonstratio clarior, & applicatio specialior est, eo etiam consolatio est validior. Porro, nihil potentius est ad corda

Doctrina nostra non minus ad pietatem quam ad consolationem utilis est.

nostra amore adversus Deum incendenda, quam agnitio & sensus & gustus Divini amoris in ea effusi. Qui ergo in consolationibus suis potentem Dei gratiam maxime amplificat, quod nos facere ne ipsa quidem neget impudentia, is valentissima amoris cœlestis, & eorum, quæ ex amore sequuntur, incentiva sanctis proponit.

Quippe  
quæ i. Di-  
vinam glo-  
riam ma-  
xime illu-  
strat.

XLII. Sed specialius ostendamus, doctrinam nostram promovendæ pietati longe magis idoneam esse ea, quam adversarii de instabili fidelium felicitate propugnant. Et primo quidem nostra Divinam gloriam maxime illustrat, quam adversa offuscatur. Nos celebramus immensam Numinis POTENTIAM, qua non modo externos hostes nostros coercere potest, ne salutem nostram intervertant, sed & mobilem arbitrii nostri mercurium ita figere, ne a constanti sanctitatis amore defleat. Et VERITATEM in promissis fœderis gratiæ, cui tuto ac secure innitimur, certum, qui promissit, etiam facturum esse. Et BONITATEM, per quam fit, ut filios suos etiam in grave aliquod peccatum lapsos, non abdicet plane, neque exhæredet, aut communione Christi privet, sed paterne castigatos clementer e lapsu erigat, & ad resipiscentiam excitet. Et SANCTITATEM, qua fit, ut faciem suam avertat a filiis suis, si quando ad tempus aliquod nimium peccato indulgere videantur, non concedendo iis familiarem ad se accessum, neque consolationum suarum influxum, sed potius acriter pungendo & perterrefaciendo animum indignationis suæ sensu, ne videatur peccatori similis esse, vel peccatum in suis modice ferre posse. Et EFFICACIAM MERITORUM & PRECUM CHRISTI, qua sibi acquisivit & servat hæreditatem nunquam alienandam. Et denique insuperabilem VIRTUTEM SPIRITUS SANCTI, mysticum suum templum ita custodientis, ne vel destruat, vel in habitaculum impurorum spirituum transeat. Quum vero in glorificatione Dei pietatis nostræ summa consistat, id, quod ita gloriam Dei illustrat, pietatem maxime promovet.

Quam ad-  
versa of-  
fuscat.

XLIII. Adversa autem doctrina, quum liberi nostri arbitrii immutabilem ad bonum flexionem efficacitati Divinæ gratiæ subtrahat; quum Deum non semper facere contendat, quod promissit; quum filios Dei in grave aliquod peccatum lapsos non virgis castigari, sed exhæredari, & spirituali morte mulctari velit; quum impetrationem salutis per Christum perfectam & omnibus numeris absolutam esse posse pugnet, etiam si nemo fortasse actu per eam servaretur; quum Christum in precibus suis non semper exaudiri asserat, & Spiritum Sanctum eo nonnunquam variabilitate humani ingenii adigi, ut domicilium suum spiritui maligno cedat; in Potentiam, Veritatem, Bonitatem Dei Patris, in merita & preces Dei Filii, & insuperabilem virtutem Spiritus Sancti, multifariam injuriosa est.

**XLIV. Secundo.** Potens admodum doctrina nostra est ad pellicien-  
 dos nondum conversos, ut conversioni ac resipiscentiæ sedulo operam  
 dent. Nam quo stabilius est bonum illud, quod resipiscentibus promit-  
 titur, eo efficacius est argumentum movens a consideratione istius bo-  
 ni desumptum. Scriptura passim dehortatur homines a quæstione bono-  
 rum hujus mundi, & adhortatur ad quæstionem bonorum spiritualium,  
 eo argumento, quod illa pereant, hæc autem maneant in æternum.  
*Joh. vi. 27. Operamini non cibo, qui perit, sed cibo illi, qui manet ad vitam*  
*æternam. 1 Joh. ii. 15. 17. Ne diligite mundum. Nam mundus præterit, &*  
*cupido ipsius: qui vero præstat voluntatem Dei manet in æternum.* Et sane  
 quid validius esse potest ad excitandum resipiscentiæ studium, quam hæc  
 cogitatio? Quamdiu anxii hujus seculi curis distineor, etiamsi vel opti-  
 me res succedat, nil nisi perituros thesauros coacervare potero, quo-  
 rum fortasse usu in hac ipsa vita privabor, quorum certe memoria tor-  
 quebor in futura. Sed si conversionis meæ negotium diligenter urgeam,  
 jam a primo illius momento istum Dei in Christo amorem consequar,  
 a quo nulla me unquam res separare iterum poterit. Et quo prius illo  
 potior, eo maturius summum illud bonum acquirō, quod citra ullum  
 novæ miseriæ discrimen possidetur.

IV. Po-  
 tens ad  
 pellicien-  
 dos non-  
 dum con-  
 versos.

**XLV. Adversa** autem doctrina, ad procrastinandum resipiscentiæ  
 studium idonea est. Quando enim illud homini inculcatur, non modo  
 posse contingere, sed & contingere frequenter, ut aliquis per regene-  
 rationem jam filius Dei factus, postquam sanctitati aliquamdiu operam  
 dedit, iterum desciscat, filius Diaboli fiat, exhæredetur a Patre Coelesti,  
 & eo difficilius renovetur ad resipiscentiam, quo ultiores in sanctitate  
 progressus fecerat: facile iis, qui hortationes ad resipiscentiam audiunt,  
 hæc cogitatio obrepit, non expedire sibi in tenera juventute conver-  
 sionis negotium adeo urgere, ne fortasse in tanta inconstantis ætatis  
 mutabilitate magno circumventi crimine longe deteriorem conditio-  
 nem suam faciant, quam fuit ante; satius esse, ut eos exspectent annos  
 (nam plerumque nobis omnes prolixum vitæ spatium pollicemur)  
 quibus & judicium maturius est, & animus eam rem, cui semel se ap-  
 plicuit, constantius sectari solet; fruentes interim hujus mundi deli-  
 ciis. Qua cogitatione, quam tamen hæc doctrina suggerit, nihil potest  
 esse pestilentius.

Quorum  
 conversio-  
 nem adver-  
 sa remo-  
 ratur.

**XLVI. Tercio.** Validissima quoque doctrina nostra est ad electos jam  
 conversos in spirituali vita roborandos, & ad constantem pietatis pra-  
 xin excitandos: quod variis modis demonstrari potest. I. Argumenta  
 omnia, quæ a possibili sanctorum apostasia deducuntur, desumpta sunt  
 a metu pœnæ, & terrore horribilium comminationum. Ea autem,  
 quæ petuntur a potentissima conservatione Dei, nil nisi caritatem ejus,  
 &

III. Vali-  
 da est ad  
 conversos  
 in spiritua-  
 li vita ro-  
 borandos.

& incredibilem Divinæ gratiæ suavitatem spirant. Porro certum est. filios Dei, *qui non acceperunt spiritum servitutis iterum ad metam, sed spiritum Adoptionis, per quem clamant Abba Pater. Rom. viii. 15.* potentius trahi funibus amoris, quam pelli flagello terroris. *Caritas enim illa Christi constringit nos. 2 Cor. v. 14. II.* Omnis nostra pietas vix aliud quam gratitudo est. Claret autem, illum gratitudinem efficacius promovere, qui bonum ex gratia concessum, ejusdem gratiæ ope pereanne fore validis argumentis comprobatur, quam is, qui illud magnum quidem, sed amissibile esse disputat. III. Æquum est, eo intensius pietatis studium esse, quo & majus & certius est operæ pretium. Nam consideratio mercedis inter ea est, quæ dulcia faciunt mandata Dei. *Ps. xix. 12.* Nos autem jam ab orso sinceræ pietatis curriculo certam mercedem fidei Dei cultoribus ex ipsius ore addicimus: inclamantes cum Apostolo, *1 Cor. xv. 58. Itaque Fratres dilecti, stabiles estote, immoti, eminentes in opere Domini semper, QUUM SCIATIS. laborem vestrum non esse invanum in Domino.* Adversarii autem dum docent, nescire nos, an labor, quem nunc impendimus, inanis futurus sit; quum fieri possit, ut desciscientes, nullo operæ pretio hætenus laboraverimus, laborandi industriam infelicitè remorantur.

## C A P. XIV.

*De Glorificatione,*

Dei Gloria & glorificatio sanctorum conjuncta sunt.

I. **U**ti actiones Dei omnes ad suam gloriam, ita & ad GLORIFICATIONEM electorum suorum tendunt. Scilicet hæc est Dei gloria, ut talem se in electis ostendat, qualis sibi ipsi est, fons consummatæ felicitatis. Id quum facit, *glorificatur in sanctis suis, & admirandus fit in credentibus. 2 Thes. i. 10.* In hac spe salutis suæ, quæ tam conjuncta est cum Dei gloria, ut eo ipse nomine in sacris literis veniat, exsultant fideles. *Gloriamur sub spe gloria Dei. Rom. v. 2.* Glorificatio nostri, Dei gloria dicitur, non solum quia a Deo est, & donatur nobis: sed & quia nusquam Divinæ Majestatis magnificentia illustrius se ostendit, quam in isto beatitudinis fulgore, quem coruscare in dilectis suis facit.

Exponitur 2 Pet. i. 3.

II. Ad eam nos vocari a Deo probatur a nunnulis ex *2 Pet. i. 3. qui vocavit nos ad gloriam & virtutem.* Verum græca verba sonant, *διὰ δόξης & ἀρετῆς, per gloriam & virtutem.* Quod vel de nostra, vel de Dei ac Christi gloria & virtute, intelligi potest. Si de nostra sumamus, sensus erit, quod Deus nos vocaverit ad communionem sui, per tam dilucidam gloriæ in sanctis revelandæ, & veræ virtutis propositionem, quæ facta est in Evangelio, ut nemo eas nosse queat, quin earum desiderio incendatur. Sed præstiterit hæc ad Deum referre, quemadmodum

dum Petrus alibi quoque narrat τὰς ἀρετὰς τῆ καλῆς αἰῶνος ἡμῶς. 1 Pet. 11. 9. Et nonnulla Manuscripta habent, ἰδίᾳ δόξῃ καὶ ἀρετῇ. Et tunc sensus erit, vocavit nos per gloriosam suam virtutem. Sive, quod plenissimum esse existimo, Christus Dominus vocavit nos per gloriam, videndam in se exhibens gloriam tanquam unigeniti a Patre, & virtutem, dum vitam ostendit virtutibus plenam, quæ, uti in præconio Evangelii exponuntur, clare demonstrant, eum Filium Dei & Salvatorem mundi esse. Atque ita retinemus propriam significationem particulæ διὰ, quam idem valere quod eis, nullo adhuc exemplo probatum vidi. Affert quidem Venerabilis Beza Rom. vi. 4. Ubi Christus dicitur suscitatus ex mortuis, διὰ τῆ δόξης τῆ πατρὸς. i. e. inquit, ad gloriam Patris. Sed nihil opus est tali explicatione. Dicamus nos, uti verba habent, per gloriam Patris. Quod duplicem, & utrumque convenientissimum sensum admittit. Primo ut per gloriam intelligatur robur, & potentia Dei gloriosa; quemadmodum aliquando Græcum δόξα respondet Hebraico כֶּחֶץ Jes. xlv. 24. Ita Deus dicitur Jesum excitasse διὰ τῆ δυνάμεως αὐτῆς 1 Cor. vi. 14. eodem sensu. Deinde si per gloriam intelligamus demonstrationem Divinæ præcellentiæ, dicemus, Christum per gloriam Patris suscitatum esse, quia gloriæ Patris intererat, ut Filius Dei unigenitus & iustus viveret vitam gloriosam in se, & sanctam in membris suis.

III. Sed quicquid sit de mente Petri; id constat & vocatos & iustificatos nos esse ad gloriam: eumque in finem potenter a Deo conservari. De vocatione Paulus testatur, 1 Thes. 11. 12. vocat nos ad regnum suum & gloriam. De Iustificatione idem, Rom. viii. 30. Quos iustificavit, eos etiam glorificavit. De Conservatione, Petrus 1 Epist. 1. 5. Qui virtutis Dei præsidio custodimini, per fidem ad salutem, paratam revelari præstituto tempore ultimo.

IV. GLORIFICATIO ista, est gloriosa Dei actio, qua electos & Redemptos e statu infelici & vili, re ipsa transfert in statum beatum & gloriosum. Et considerari potest vel ut est inchoata in hac vita, vel ut est consummata in futura. In hac quoque vita Primitia Spiritus, Rom. viii. 23. qui Spiritus gloria est, 1 Pet. iv. 14. filiis Dei conceduntur, non modo ut iis sese consolentur in adversis, sed & ut ex iis aliquo modo colligant, quale ac quantum futurum sit illud bonum, quod asservatur in coelis; & prælibata magna illa, quam expectant, mercede, in cursu fidei & pietatis alacriores sint. Primitiæ autem illæ in hisce sequentibus rebus consistunt.

V. Primo, in eximia illa Sanctitate, qua donantur electi, & quam Cap. xii. delineavimus. Nam uti peccato summa turpitudine inest, in quantum adversatur iustissimæ & æquissimæ legi Dei; ita & eidem

Fideles ad glorificationem vocantur, Justificantur, conservantur.

Glorificatio partim hujus partim futuræ vitæ est.

Ad illam pertinet. 1. Sanctitas, inest



ineſt ſumma vilitas & miſeria, in quantum hominem Deo Glorioſo & Beatiffimo diſſimil i num facit. Hinc junguntur illa duo, *Peccaverunt, & deficiuntur gloria Dei. Rom. III. 23.* Et peccatum vocatur *Pudendum iſtud. Jer. III. 24* E contra in iuſtitia & ſanctitate non eſt ſolum bonitas aliqua Moralis, quatenus cum lege & cum Exemplari ſuo Deo conveniunt; ſed & excellens Gloria, quatenus in iis ſimilitudo eſt Dei Beatiffimi; quem decantat Moſes ut *בְּקִרְיָו מְגִלָּה Magnificum*, vel *glorioſum, in Sanctitate. Exod. xv. 11.* Hinc conjunguntur, *imago & gloria Dei. I Cor. XI. 7.* Confer quæ diximus *Cap. VII. §. IX.* Ut nihil nunc dicam de incredibili illa ſuavitate, & *παρρησία* apud Deum, quas ſanctimoniz conſcientia illis conciliat, qui ei dant operam. Quo nomine David mandata *Jehove* deſcribebat ut *latiſcantia animum, & dulciora melle, & quidem melle aceto. Pf. XIX. 11.*

II. Viſio  
Dei in lu-  
mine gra-  
tiz.

VI. *Secundo*, In viſione illa Dei, qua Deus ſanctos in hac quoque vita dignatur. In perfecta Dei viſione futuræ vitæ conſummatam beatitatem ſitam eſſe mox audiemus. Ea ergo, quæ hic obtingit fidelibus, iſtiſ quoddam rudimentum eſt. Videndum autem hic ſe exhibet Deus. *1 Per fidem*, quæ quidem *mera* calligo eſt, ſi conferatur cum lumine gloriæ, eoque reſpectu ab *adſpectu* diſtinguitur *2 Cor. v. 7.* & earum rerum eſſe dicitur, *qua non cernuntur. Heb. XI. 1.* attamen ſplendida lux eſt, ſi contendatur cum ignorantia infidelium, in quibus *Dens huius ſeculi excavit mentes. 2 Cor. IV. 4.* Hinc Moſes eum, qui inviſibilis eſt, per fidem vidiffe narratur. *Heb. XI. 27.* Per fidem etiam nos omnes *reſectæ facie gloriæ Domini, quaſi in ſpeculo, intuemur. 2 Cor. III. 18.* Neque in genere modo perfectiones Dei fides contemplatur, prout in Deo ſunt; ſed & intuetur eas ut ad ſe pertinentes, & ſuas factas propter Chriſtum. Quod certe non parum momenti ad ſalutem noſtram confert. Qui credit, & in fide Deum videt, & quidem ut ſuum, non exſpectat modo, ſed & habet jam vitam æternam, & iſta ſua fide ſalvus factus eſt. *Eph. I. 8.* Juxta illud Domini, *Joh. v. 24. Amen amen dico vobis, qui ſermonem meum audit, & credit ei, qui miſit me, habet vitam æternam.* II. Videtur quoque Deus per *experimentalem ſenſum* bonitatis ſuæ, in ſancto creaturarum uſu intime ſe animæ inſinuantis. Ita ut Deum bonum eſſe non ſcias ſolum per mentis ſuæ *ratiocinium*, non credat modo propter *auctoritatem* inſallibilis teſtimonii; ſed & viſu, ſenſu, guſtu *experietur*, ipſo Deo mediantibus creaturis ſuis animam mirabiliter oblectante. Huc facit invitatio *Pſaltis, Pf. xxxiv. 9. Guſtate, & videte, bonum eſſe Jehovah.* III. Magis adhuc *immediate* videtur, quando animæ ſanctis meditationibus, precibus, aliisve devotionis exercitiis intentæ, ſe ipſum ut vitæ fontem, ac lucis ſcaturiginem, revelat: ſic ut immediato ſuorum in eam radiorum illapſu mirifice eam afficiat, Id Davidem deſide-

desiderasse arbitror, quando petebat *amanitatem Domini videre & inquirere in templo ejus. Ps. xxvii. 4.* Idque obtigisse ipsi puto, quando canebat *בְּקֶדֶשׁ דְּרִיתִיךָ כֵּן, ita in loco sancto te intuitus sum, videndo robur tuum & gloriam tuam. Ps. lxi. 3.* IV. Singulare quid aliquando conceditur ægris ac moribundis, in quorum *phantasia* Deus lucidissimas rerum cœlestium *imagines* ita nonnunquam distincte depingit, ut eas oculis coram cernere videantur, neque aliter iis affecti sint, quam si rebus ipsis præsentibus interessent. Quo anima propior cœlo est, eo etiam liquidioribus supercœlestis luminis radiis collostratur, emanantibus ab eo, qui, quum *αὐτοφῶς* sit, lucem habitat inaccessam. Cujus rei in historiis vitæ ac mortis piorum non infrequentia exempla, & quotidiana ægrorum visitatione plurima experimenta sunt. Hic est quidem cœlini anima descensus, antequam anima in cœlum suscipiatur.

VII. Tale quid in animo habuisse videtur sapientissimus Judæorum *Maimonides*, quando in *More Nevochim, Part. III. Cap. li. sub finem*, in hæc verba fatur: Quo magis facultates corporales debilitantur, ignisque cupiditatum extinguitur, tanto magis intellectus roboratur, lumen ejus augetur, apprehensio purificatur, & de eo, quod apprehendit, lætatur, ita ut quum homo perfectus ad maturam ætatem pervenit, & morti appropinquat, supra modum Apprehensio, Læticia ex Apprehensione orta, & Amor rei apprehensæ augeantur, ut anima, a corpore quasi separetur tempore voluptatis illius. Huc respexerunt sapientes nostri, dum de Morte Moïsis, Aharonis & Mirjam ajunt, quod isti tres mortui sint *בְּנִשְׁקָה*, hoc est, in Osculo, vel, per Osculum. Ajunt enim; quod dicitur, *Et Mortuus est ibi Moïses, servus DOMINI, in terra Moab וְעַל פִּי יְהוָה, Ad Os DOMINI, Deut. xxxiv. 5.* id docet nos, quod in deosculatatione mortuus sit, *בְּנִשְׁקָה*. Et sic dicitur de Aharone, *Ad Os DOMINI, & mortuus est ibi Num. xxxi. 11. 38.* Sic dicunt de Mirjam, quod *בְּנִשְׁקָה*, hoc est in deosculatatione mortua sit: sed tamen de illa non dicitur in Scriptura, *Ad Os DOMINI*, eo quod fuerit mulier, atque ita parabolica ista locutio ei non convenerit. Sensus autem ejus est, quod præ nimio amore mortui sint, in voluptate apprehensionis illius. Phrasin quod attinet, desumserunt eam sapientes nostri ex Cantico Canticorum, ubi Apprehensio Creatoris cum summo amore Dei conjuncta vocatur *נִשְׁקָה*, Osculatio, *Osculetur me Osculis oris sui. Cant. i. 2.* Hactenus Doctus ille Hebræus.

VIII. *Tertio. In possessione ac fruitione Dei gratiosa*, Deo se juxta promissum foederis cum iis communicante, & non videndum modo, sed & possidendum fruendumque exhibente, quemadmodum explicuimus *Cap. x. §. xxx.* Atque ea in re consistit salus. *Beata illa gens, cui ita est, אשרי הָעָם שִׁיתָה אֱלֹהֵי, beata illa gens cujus Deus est Jehova. Ps. cxliv.*

Egægius  
Maimonidis locus,  
de morte  
per Osculum Dei.

III. Fruitio Dei gratiosa.

15. Non injuria de divitiis gloriatur, qui in tanti boni possessionem admissus est. *Jeboraportio pradii mei & poculi mei, tu sustentas sortem meam. Funiculi ceciderunt mihi in locis amœnissimis; etiam possessio elegantissima est, qua obsigit mihi. Ps. xvi. 5, 6.* Illa autem Dei fruitio in eo sita est, quod anima ei ut thesauro suo suavissima assiduitate incubet, *Ps. lxxiii. 28.* ejus opulentia ditetur, ejus ubertate pascatur, ejus potentia custodiat, ejus sapientia dirigatur, ejus bonitate refocilletur, denique ejus sufficientia repleatur: sic ut præter ejus perfectam fruitionem, cujus nunc nil nisi primitias habet, nihil desiderabile cognoscat. *Beatus, quem elegeris; appropinquare feceris tibi, ut habitet in atriis tuis: saturabitur bono domus tua, sancto palatii tui. Ps. lxxv. 5.*

xv. Salu-  
tis certitu-  
do.

IX. Quarto. Tam augusta gloriæ initia gignunt *Opulentiam plenam certiorata intelligentia. Col. i. 2.* & firmissimam certitudinem consummatæ felicitatis suo tempore potiundæ. Nam quando quis primitias Spiritus adeptus est, & tot ac tam evidentia suæ cum Deo & Christo communionis indicia habet; quid ni cum Paulo dicat, *Novi, cui crediderim, & mihi persuasum est, eum posse depositum meum ad illum diem custodire. 2. Tim. i. 12.* Iterumque, *mihi persuasum est, neque mortem, neque vitam — posse nos separare a charitate Dei, quæ est in Christo Jesu Domino nostro. Rom. viii. 38. 39.* Qua quidem fidei nostræ, conscientiam plane tranquillantis, & ineffabili consolationum dulcedine mulcentis, *πληροφορία*, nescio an quid jucundius beatiusque in hac vita optari possit.

5. Gaudi-  
um ineffa-  
bile.

X. Quinto. Tot tantaque bona simul juncta pariunt *gaudium ineffabile & gloriosum, quo nondum videntes, credentes tamen exultare, Petrus testatur i. Epist. i. 8.* Deus enim ille, cujus consortes facti sunt, est *אל שמחת גיל, Deus latissima exultationis eorum. Ps. xlii. 4.* Nihil hoc gaudio fortius: nam penetrat se in intima mentis, & omnibus amarissimis etiam amaritudinibus dulcorandis solum sufficit; maximasque animæ ægritudines facile dispellit: adeo ut illius suavitate gustata, fidei Christi Martyres ad immanissima tormenta, tanquam ad lautissimas epulas, læti cantantesque iverint. Nihil eo purius. Non enim turbat mentem, nisi salutariter & sapienter & sancte; ut sui impos, sed Dei plena, coeloque proxima, supra hominem & sapiat & loquatur. Quo quis de spirituali hoc nectare liberalius hausit, licet aliis harum deliciarum ignaris insanire videatur, eo & castior, & sapientior, & beatior est. Nihil denique eo constanter. *Gaudium æternum super caput eorum erit. Jes. xxxv. Gaudebit cor vestrum, & gaudium vestrum nemo tollet a vobis. Joh. xvi. 22.* si non quoad effectus & actus, quos vocant, secundos, saltem quoad fundamentum & actum primum. Nam etiam si Deus in hac vita, pro immensa sua sapientia dulcedinis suæ communicationem plurima amaritudinis mixtura temperet: manet tamen illud in fidelibus, quod subinde ebullientis gaudi-

dii, & postmodum in omne ævum perennaturæ lætitiæ, inexhausta scaturigo est. Neque semper parvus hujus gaudii distributor est Deus. Tanta illud nonnunquam copia suis concedit, ut parum absit, quin impares se hilaritati tam cœlesti in terris sustinendæ fateantur; & cum *Ephremo Syro* dicant, *secede paulisper, Domine, ne debile cordis mei vitrum iusto fortius fulgentibus favoris tui radiis rumpatur*. Si tanta Deus suis facit in carcere, quid non dabit in palatio? Si primitiæ tam uberes, quam abunda messis erit?

XI. *Futura vitæ glorificatio* suos rursus gradus periodosque habet: estque vel *anima a corpore suo separata*, ante extremum iudicium; vel *totius hominis*, post resurrectionem. Notanda hic Socinianæ Theologiæ gangræna est; cujus mentem (ita se involvunt pessimi hypocritæ) difficulter assequaris. Propria eorum verba dabo ex *Compendiolo*, quod ipsi concinnarunt, & quod refutandū sibi sumsit Venerandus *Cloppenburgius*.

Futura  
vitæ glori-  
ficatio, vel  
animæ se-  
paratæ,  
vel totius  
hominis  
est.

Sociniana  
Sententia.

XII. *De statu animarum post mortem ita sentiunt*. HOMINEM MORTE PENITUS DISSOLVI ITA UT NIHIL PLANE SIT: nisi quod ejus spiritus (UTI ET BESTIARUM SPIRITUS) instar alicujus venti redit ad Deum, qui ipsum dedit. *Eccl. XI I.* — quippe cujus VIRTUS ET EFFICACIA QUÆDAM SIT spiritus ille — Porro hinc colligunt, Animas post mortem NIHIL SENTIRE, imo nequidem IN SE RE IPSA SUBSISTERE, velut personas. Summa huc redit. I. Quum animam non substantiam, sed virtutem & efficaciam quandam, uti sunt vires, valetudo, ingenium, solertia, similiaque, esse contendunt: subsistere eam per se ullo modo, negant. II. Quum ad Deum redire dicunt, nihil illi tribuunt, quod non commune habeat cum spiritu bestiarum: somniantes scilicet auram quandam Divinam, cujus particulam habeant singuli homines, & singulæ bestię, qua corpora ipsorum inflat, vegetat, agitatque Deus, & quam a morientibus efflatam recipit, ut virtutem atque efficaciam quandam suam. III. Ille interim reditus ad Deum nihil impedit, quo minus homo post mortem plane nihil sit, uti bestię nihil sunt post mortem suam: eo solum discrimine, quod anima hominis rationalis sit, & spem habeat vitæ æternæ; sicuti animæ justorum re ipsa æternum vivent. Sed æternam vitam eam tunc intelligunt, quæ initium sumit a resurrectione, qua anima non minus quam corpus de novo reproduceretur: animabus interim impiorum ejusdem conditionis existentibus cum animabus brutorum animantium, quæ nulla resurrectione reproducendæ sunt. IV. Quando animas post mortem superstites, substantias esse negant, multo magis eos negare, quod præmii poenæve capaces sint, manifestum est. Quæ merus Epicurismus sunt.

XIII. Nobis ergo hæc tria ordine sunt probanda, I. Animas humanas post mortem vere *superstites* esse. II. Easdem vivere, & cogitare: in eo enim vita, quæ animæ essentialis est, consistit; atque adeo vel beati-

Et opposi-  
ta Ortho-  
doxa.

fica Dei communione frui, cum summo gaudio, vel conscientia ver-  
me & horribili expectatione iudicii torqueri, cum summo dolore. III.  
Piorum animas (nam de earum gloria agimus) mox post discessum a  
corpore, in *cœlestia* non gaudia solum, sed & *habitacula* suscipi.

Animæ  
post mor-  
tem super-  
stites sunt.

XIV. Quo ad *primum* attinet, exstare animas, a corpore solutas, ne-  
que hominem post mortem nihil esse, tam evidenter sacræ literæ testan-  
tur, ut vix quicquam evidentius. Abrahamum, Isaacum, Jacobum ex-  
stitisse, quando, diu post mortem ipsorum, Deus se *eorum Deus* testaba-  
tur, invictè probat D. Jesus. *Mat. xxii. 32. Confer. Luc. xx. 38.* Quo-  
modo enim *eorum Deus* esset, qui ne ipsi quidem sunt? Et si anima a cor-  
pore separata subsistere nullo modo posset, infrunite dubitasset Paulus,  
an in corpore an extra corpus in cœlum raptus fuisset. 2. *Cor. xi. 2. 3.*  
Frustra etiam dixisset: *Phil. i. 23. Cupio dissolvi & esse cum Christo.* Sane  
*dissolvi* ait, non *extingui*: nec esset negandus, qui *esse* dicitur *cum Christo*.  
Et quomodo quæso nos accessimus, non ad *myriadas modo Angelorum*,  
sed, & ad *spiritus iustorum consummatorum*, qui in *cœlesti sunt Hierusalem*, si  
tales nulli existant? *Heb. xii. 23.* Quo etiam directæ est notissima illa  
Divitis & Lazari parabola, nisi ut de existentia animarum separatarum,  
& diversa earum conditione nos condoceretur? *Luc. xvi.* Quorsum  
illæ fidelium & Christi ipsius preces, quibus spiritum suum e corpore  
migrantem Deo commendabant? *Pf. xxxi. 6. Aë. vii. 59.* Denique  
quem Christus verus homo fuerit, ac fratribus suis per omnia similis,  
quem illi merum esse hominem calumniantur, rogò, quid ipsius ani-  
mæ triduo mortis factum esse opinentur? an illa quoque in tenues au-  
ras evanuit, & Christus post mortem plane nihil fuit, donec anima  
ipsius una cum corpore suscitaretur? Alterutrum dicendum est; vel  
animam Christi alterius plane naturæ fuisse atque nostra est, quam nul-  
lo modo subsistere posse contendunt; & sic Paulo contradicatur, qui  
eum *in omnibus similem fratribus fuisse docet, excepto peccato*; *Heb. ii. 17. &*  
*iv. 15.* vel Christum mortis triduo nihil omnino fuisse; & sic contra-  
dicatur ipsi Christo, qui latroni præsentiam suam in Paradiso mox post  
utriusque mortem pollicebatur. *Luc. xx. 43.*

Exponi-  
tur Eccl.  
xii. 7.

XV. Pervertunt etiam hæretici mentem Ecclesiastæ, dicentis *Cap.*  
*xii. 7. Redit pulvis ad terram quem admodum fuerat: & redit Spiritus ad*  
*Deum, qui dedit illum*; quasi reditio illa nihil esset aliud, quam nescio  
cujus virtutis, quam Divinæ particulam auræ dicunt, a Deo profectæ:  
in Deum resolutio, quæ ita ferme apud Deum sit, jam recepta e cor-  
pore, quemadmodum apud ipsum erat, antequam in corpus migra-  
ret. Quæ portenta opinionum sunt. Tam contra naturam Dei, quam  
nostram est, vel animam nostram aliquid Dei esse, vel Deum aliquid  
animæ. Sensus Ecclesiastæ non est obscurus. Post mortem hominis  
aliam

aliam plane corporis, aliam Spiritus conditionem esse docet. Corpus anima destitutum, *pulverem* nuncupat: quia animæ cum corpore conjunctio vinculum est, & quasi gluten, quo fit, ut partes corporis coagmentatæ maneant. Post discessum animæ, cadaver nihil aliud est quam terrearum particularum acervus, in quas etiam lapsu temporis dissolvitur; sicut olim ex terra formatum fuit. Alia autem longe Spiritus ratio est. Is non interit, neque dissolvitur, uti corpus; sed *ad Deum abiit*, uti ad judicem, qui ei suum vel præmii vel poenæ locum assignaturus est. Imo vero *redit ad Deum*, non quasi actu apud Deum fuisset, antequam immergeretur corpori, (nam Deus בָּרַךְ אֶת הָרוּחַ וַיִּבְרָא *format Spiritum hominis in medio ipsius*, Zach. XII. 1.) sed quia ordine naturæ & efficientiæ prius Dei fuit quam hominis. Deus enim illum homini dedit & fecit. Mirifice cum hoc Ecclesiastis dicto conveniunt, quæ *Enripides* eleganter cecinit, laudatus *Philoni*, libro de *Mundi Immortalitate*.

Χωρεῖ δ' ὁπώρα, τὰ μὲν ἐκ γαίας  
 Φυντ' εἰς γαῖαν, τὰ δ' ἀπ' αἰθερίας  
 Βλαστόντα γονῆς, εἰς ἑράνιον  
 Πύλον ἦλθε πάλιν.

Hoc est, Interprete Grotio:

*Retroque meant, qua terra dedit,  
 Iterum in terram. Quod ab ætherio  
 Venerat ortu, cæleste poli  
 Repet i Templum*

Geminum est illud *Epicharmi* apud *Plutarchum*, ad *Appolon*: Συνεκρίθη  
 ἔ διεκρίθη ἔ ἀπῆλθεν ὅθεν ἦλθε πάλιν. γὰ μὲν εἰς γᾶν, πνεῦμα δ' ἄνω.  
*Concretum est, & discretum est, eodemque revenit unde venit, ad terram terra,  
 sursum Spiritus.*

XVI. Neque opponi huic testimonio debet comma 19. capitis III. R. III.

*Dixeram ego cum animo meo — eventum filiorum hominis similem esse even-* 19.  
*tui ipsius bestia, & eventum eundem illis esse; ut moritur hac, ita mori il-*  
*lum; & Spiritum eundem omnibus ipsis esse: itaque præstantiam hominis præ*  
*bestiis nullam esse: nam omnia ista esse vanitatem.* Evidens enim est, simi-  
 litudinem hominum cum bestiis, in eo solum collocari, quod exter-  
 num est in oculos incurrit; in quantum homo non minus quam bestię  
 vita ista privatur, qua hujus seculi commoditatibus frui posset. Non  
 considerat hic futuri seculi conditionem, quæ fide apprehenditur. Ne-  
 que posse hæc verba absolute ietelligi, sed solummodo cum σχίσαι  
 ad privationem vitæ animalis, ex eo liquet, quia alias Spiritum eundem  
 homini & bestiis esse, nullamque esse præcellentiam hominis præ be-  
 stiis

stius, nemo dixerit nisi insanus, & qui ejurata omni bona mente se sponte in bestiam convertit.

Quo sensu mortui non esse dicantur,

XVII. Quando Scriptura mortuos *non esse* ait. *Ps. xxxix. 14. Jer. xxxi. 15.* nequaquam docere vult, nihil eorum amplius superesse, anima quoque isthac conditione involuta, quod vix profiteri ipsi audent adversarii: sed non esse *id*, quod antea fuerunt, vivos scilicet homines, corpore ac anima junctis consistentes; neque *ibi*, *ubi* antea fuerunt *בארץ חיים* *in terra viventium*; & quum omnis eorum conservatio cum viventibus rupta sit, istius commercii respectu tantundem esse ac si plane non existerent. Confer *Gen. v. 24.*

Animas post mortem vivere & sentire tam ratio docet,

XVIII. Nunc quod *secundo* loco nos demonstraturos recepimus, aggrediamur: animas post mortem non superstites modo esse, sed & *vivere*, intelligere, sentire, vel favorem Dei, vel vindictam. Id non scriptura solum, sed & ratio persuadere debebat. Nam usque adeo facultas cogitandi, in qua vita animæ consistit, essentialis ei est, ut sine ea anima non sit. Non quidem eorum phrasin probamus, qui animam *cogitationem* esse dicunt; cogitationem tamen ita de essentia animæ esse rationalis evidens est, ut quæ cogitare non valet anima, ea ne pro anima quidem sit habenda. Et quum anima vixerit in corpore, vitam tamen a corpore non habeat; quid ni viveret corporis ergastulo soluta? Num ad Deum accedens, vitæ fontem, vitam suam perdet? Imo contra, quo propius ad Deum accedit, eo magis eam vivere meliusque, consentaneum est. Multo sanctius de animabus ex Gentilibus Philosophis nonnulli locuti sunt, quam hæc Christiani nominis propudia ac dehonesta. *Plato* animam *αυτοκίνητον* esse dixit. Qua voce quid voluerit, optime exponit *Alcinous de Doctrina Platonis, Cap. xxv. αυτοκίνητον δὲ φησὶ τὴν ψυχὴν; ὅτι σύμφυτον ἔχει τὴν ζωὴν, αἰὶ ἐνεργῶσαν καθ' αὐτὴν.* Per se mobilem ait animam, quia innatam habet vitam sua vi operantem. *Aristoteles* similiter *Lib. 111. de anima, textu septimo. τὸ μὲν αἰσθητικὸν ἐκ αἰνῶ σώματος, ὁ δὲ νῦν χωριστός.* Sentiendi actus non est citra corpus; sed mens ab eo est separabilis. Item textu *xix & xx. χωρισθεὶς δὲ ἐστὶ μόνον τῷ ὅπερ ἐστὶ, καὶ ἴσθ' οὐ μόνον ἀθάνατον καὶ αἰδίων.* Animus solus est separatus, quidquid est; & hoc solum est immortale & sempiternum. Vide *Fossium de Idololat. Lib. 1. Cap. x.* Ita Philosophi animæ etiam separatæ vitam tribuunt, & facultatem agendi a corpore independentem. Sed nihil ab homine Gentili augustius dici potest in verbis, quæ exstant in *Maximi Tyrii Dissert. 1.* juxta versionem *Heinsianam.* Ex hoc ergo mari quomodo emerges ac videra Deum poteris? Plane quidem & perfecte quum ab eo vocaberis quod paulo post futurum est. Tu modo mane, & expecta, dum vocet. Jam senectus aderit, quæ eo te deducet: jam mors aderit, quam imbelles deplorant, cu-

*jus adventum tremunt: quisquis contra Deo jungi amat, cum gaudio expectat, forti animo excipit. Iterumque Dissert. xxv. Ὁν γὰρ καλῶσιν οἱ πολλοὶ θάνατον, αὐτοὶ ἴδὼ ἢ ἀθανασίας ἀρχὴν, καὶ γένεσις μέλλουσι εἶναι. Id, quod vulgus mortem vocat, nihil aliud est, quam immortalitatis exordium & futura vitæ natalis. Quandoquidem sua lege, suoque tempore corpora quidem intereunt, & δὲ ψυχῆς ἐπὶ τῷ αὐτῆς ὅπον καὶ βίον ἀνακαταλαμβάνεις, anima vero ad locum suum, suamque vitam revocantur. Videatur idem Dissert. xxviii. Nam prolixum est omnia describere.*

XIX. Sed scripturæ testimonia videamus. Abrahamum, Isaacum, & Jacobum, postquam mortui sunt, *omnes Deo vivere*, disertim docet D. Jesus *Luc. xx. 38.* Quod non solum de vita illa beata totius compositi intelligendum est, quam consecuturi sunt per resurrectionem ex mortuis; sed de vita felici animæ separatæ, quam in præsentī iis adscribit Dominus. Qui resurrectionem probaturus ita procedit, ut primo, animam superstitem esse & vivere, concludat, deinde ad corporis resurrectionem argumentetur: quoniam fœdus Dei non cum animabus, sed cum integris personis pactum est. Et quid clarius eo Pauli testimonio? *Rom. viii. 10. Porro si Christus in vobis est, corpus quidem mortuum est, propter peccatum: SPIRITUS autem VITA EST, propter justitiam.* Opponit spiritum corpori. Huic mortem adscribit ex peccato venientem. Illi, etiam dum mortuum est corpus, vitam, fluentem ex vita Christi. Adde quod non Elias solum, qui citra mortem in cœlum sublatus est, sed & Moses, quem mortuum esse constat, visi fuerint discipulis, cum Christo colloquentes: *Mat. xvi. 3.* quod sine vita animæ fieri non potuit. Quodnam autem & quale corpus illud fuerit, quo Moses visus est, Spiritu Sancto tacente, nobis non est dicendum.

XX. Et cur cupiebat Paulus *dissolvi, & esse cum Christo*, atque id sibi *multo melius* arbitrabatur? *Phil. i. 23.* cur *mori lucrum* sibi esse reputabat? *ἔ. 21.* Cur fideles eodem Spiritu acti *ἐνδοκῶσι μᾶλλον ἐκδημῆσαι ἐκ τῆς σῶματός, καὶ ἐκδημῆσαι πρὸς τὸ κύριον*; malunt potius abesse ex corpore, & adesse apud Dominum? *2 Cor. v. 7.* si, qua in hac vita fruuntur, sanctissima & suavissima Dei in Christo communionē, post mortem plane iis carendum sit? An vero existimandum est, nullam felicitatem expectasse fideles, præter eam, quam novissimo demum die erant consecuturi? quod *Smalcus* nugatur. Ad quid necesse erat, ut propterea mortem expeterent, quæ nihil eos ab isthoc die propiores faciebat? Mortem desiderabat, & pro lucro existimabat Paulus; a corpore abesse fideles malebant. Dic tu, Smalci, cur id expediverit Paulus, maluerint fideles, si nihil expectandum sit ante diem mundi novissimum? Certe tum non lucrum mors, sed inæstimabile damnum est, tot tantaque iis, quæ nuper descripsimus, bona demens, & nihil utilitatis afferens.



Ap. xiv.  
13.

**XXI.** Quanam autem cavillatione eludent, quod exstat *Ap. xiv. 13.* *Beati, qui in Domino moriuntur ἀπαύρι, ab hoc tempore. Imo, inquit Spiritus, ut requiescant a laboribus suis: opera eorum sequuntur post eos.* Multa hoc testimonio continentur. I. Demortuos in Domino beatos esse. Beatitudinem autem fingere, quæ sine cognitione & sensu sit, eorum demum est, qui omni cognitione & sensu spirituali carent. II. Beatos esse mortuos ἀπαύρι, ab hoc tempore. Quod intelligendum est vel de eo tempore, quo vox illa e cœlo a Johanne audiebatur, & Johannes hæc jubebatur scribere; vel de eo tempore, quo fideles in Domino moriuntur. Sed quæ, sodes, nova rerum mutatio circa mortuos introducta est, ab eo tempore, quo Johanni sua contigit Apocalypsis; ut tunc morientes beatiores facti sint iis, qui paulo ante itidem in Domino exspiraverant? Nisi fortassis doceatur quod quo tempore æternum rursus Evangelium prædicabitur, v. 6. post convictum antichristianismum, & repurgatam Ecclesiam, ab eo tempore prædicandum scribendumque in Ecclesia esse id quod nos de felicitate demortuorum fidelium contendimus, expolo purgatorii commento. At simplicius videtur, το ἀπαύρι momentum mortis ipsorum denotare, ut ab eo tempore perfectior animæ ipsorum beatitudo incipiat. III. *Requiescere tunc eos a laboribus suis:* quæ quies non in somno omni eos sensu privante, sed in immunitate ab omnibus vexationibus, & placidissima ac nunquam interrompenda Divinæ gloriæ participatione, & continua denique conscientie serenitate, consistit. IV. *Opera eorum eos sequi.* Hoc est, percipere eos gratuitum præmium ac mercedem recte factorum, quæ non magis tunc sine ullo intelligentis animæ sensu esse possunt ac postea.

Objeſtio.

**XXII.** Nihil plausibilius ab adversariis adversus veritatem hanc profertur ea Pauli argumentatione, qua probat resurrectionem mortuorum ex eo, quia alioqui, qui in Christum credunt, frustra periclitarentur omnibus horis, frustra tot calamitates propter Christum sustinerent: & quia Christiani omnium hominum essent miserrimi. *1. Cor. xv. 19. 30. 31. 32.* Certe, inquit, hoc falsum esset, si pii statim a morte secundum animas cœlesti fruerentur felicitate; impiique cruciatum sentirent. Non si ustra enim illi calamitates tolerarent; nec impune isti voluptates carnis sectarentur. Essentque pii impiis longe feliciores, etiam si corpora ipsorum nunquam resuscitarentur. Sed observandum est. I. Eos, quos refutat Paulus, non solum resurrectionem corporum negasse, sed & immortalitatem animarum: quemadmodum etiam faciebant Sadducæi, adversus quos de resurrectione disputabat Christus. Atque hæc est ratio, cur & Dominus & fidus illius servus ita argumententur, ut utrumque simul concludant. Patet id ex hypothesibus, quas refutandas sibi sumit Apostolus: *v. 18. 19. Qui obdormierunt in Christo perierunt.*

refutata.

*Si in hac solum vita speramus in Christum. & v. 23. Edamus, bibamus: cras enim moriemur.* Quæ omnia eo tendebant, ut post mortem nihil vel metuendum vel sperandum superesse hominibus persuaderetur. Quæ si vera sint, inquit Apostolus, si morientes omnes pereant, si spes nostra intra hanc vitam conclusa sit, si neque anima superstes est, neque corpus suscitabitur; frustra tot calamitates propter Christum sustinentur, & Christiani omnium hominum infelicissimi sunt. Quæ non fallax, sed firma, & Apostolo digna, argumentatio est. II. Quum pericula illa & calamitates, de quibus hic loquitur Apostolus, corpus præcipue tangant, merito arguit, videri posse, quod corpus frustra se impenderit pro Domino, nisi illud quoque ad participationem præmii suo tempore resuscitetur. Unde nihil adversus immortalem animæ vitam inferri potest.

XXIII. Nunc denique ostendamus, animas piorum, corpore solutas, non solum in *caelestia gaudia*, sed & *coelestia habitacula* suscipi. Eo nos ducit Apostolus 2. Cor. v, 1. *Scimus enim nos, si terrestrius hujus domus nostra tabernaculum dissolutum fuerit, ædificium ex Deo habituros, domicilium videlicet non manu factum, æternum in cælis.* Duplex animæ receptaculum tribuit, unum terrestre, hoc est corpus, quod durante hac vita animali incoluit, & ex quo per mortem migrat; alterum coeleste, quod deserto priori mox occupat. Agitur enim hic de tali hominis æterno domicilio, ad quod per mortem ipsi via sternitur, & id æternum esse dicitur in cælis. In eadem *Cælesti Hierosolyma spiritus justorum consummatorum* collocat: ubi *myriades Angelorum* sunt, & *novi pæcti mediator Jesus.* Heb. xii. 22. 23. Ita & Johannes *Thronum* videbat *in cælo positum, & in circuitu Throni viginti quatuor Seniores*, qui Patriarchæ sunt tam veteris quam novæ Ecclesiæ, totidem Thronis insidentes. Ap. iv. 2. 4.

Animæ  
piorum in  
cælum re-  
cipiuntur.

XXIV. Neque dubitandum est, quin hoc voluerit Christus, latroni converso dicens: *Amen dico tibi, hodie mecum eris in Paradiso, Luc. xxiii. 43.* Exacte hæc respondent petitioni latronis. Rogaverat latro, ut Christus sui memor esset: respondet Christus, non memor modo tui ero, ut absentis; sed & præsentiam tibi meam polliceor in æviterna gloria. *Mecum eris.* Determinabat latro tempus, quo petitioni suæ satisfieri cupiebat: *quando in regnum tuum veneris.* Instruit eum Christus, & de loco ubi regnaturus esset, quem *Paradisum* vocat, id est, *cælum tertium*, confer 2 Cor. xii. 2. 4. Phrasi apud Hebræos receptissima, qui piorum defunctorum animas locant *גן עדן*, in horto Eden; & de tempore, quo gloriosi istius regni sui capelliturus initia: *HODIE.* Erat autem quasi hora sexta, diei meridies, ante cujus finem, morte utriusque interveniente, hæc ei gaudia promittit Dominus. Quia autem tam subita conditionis mutatio, res mira & propemodum incredibilis videbatur; firmat

Quod  
Christus  
latroni  
promisit.



mari, conditionem piæ animæ post mortem tranquillo portui comparant, qui *sinus* nomine designaretur. Uti & in Virgiliano illo,

*Nunc tantum sinus, & statio male fida carinis.*

Et observavit *Jacobus Capellus*, id quod Latini dicunt navem appellere id Græcos dicere κέλλειν. Porro a κέλλειν *Eustathius* notat fieri κόλπον παρὰ τὸ ἐν αὐτῷ κέλλειν ἰδέσθαι αὐτοῦ. Eo autem vocabulo hic Lucas utitur. *Ludovicus* autem *Capellus* existimat, sinum Abrahamæ hic dictum esse a more Parentum, qui puerulos sibi carissimos in sinu sive gremio foveant, in quo etiam suaviter interdum quiescunt, & dormiunt. Pii nempe dormire dicuntur quando moriuntur, & quiescere a laboribus suis: ubinam autem quiescere & dormire potius dicantur, quam in gremio sive sinu spiritualis sui Patris Abrahami? Cui expositioni firmandæ addi potest, puerulos tam blande habitos ἐγκολπίδια ἑρέφει Græcis dici. Conferri etiam potest *Joh. i. 18.* ὁ μονογενὴς υἱὸς, ὁ ὢν εἰς τὸν κόλπον ἡ πατρὸς. Hoc est, qui Patri intimus & familiarissimus est, & mirifice ab ipso diligitur. At omnium, nisi fallor, convenientissime hanc locutionem explicant, qui arbitrantur hic quoque, ut & *Mat. vii. 11.* & alibi sæpius, beatitudinem æternam per similitudinem lautalicujus & opipari convivii exponi. Fuit autem moris, ut qui convivarum in principis sinum recumberet, is honoratissimus haberetur. Ita *Johannes*, ὁ ἡγάπα ὁ Ἰησοῦς, ἣν ἀνακείμενος ἐν τῷ κόλπῳ αὐτοῦ. *Joh. xiii. 23.* Porro dubium non est, quin inter pios omnes Judæi Abrahamo, τῷ ἑθνοπατορί, principem attribuerint locum. Indicatur ergo hic summus Lazari honos, qui in illa beata sede proximus hæret Abrahamo. Vide *Cameronem* & *Grotium* ad hunc locum. Concludo verbis *Augustini Lib. 11. de Origine animæ, Cap. 14.* Nam illud, quod re-  
*ste & valde salubriter credit, judicari animas, quum de corporibus exierunt, antequam veniant ad illud judicium quo eos oportet jam redditus corporibus judicari, atque in ipsa, quæ ab hac vixerint carne, torqueri sive gloriari, itane tandem nesciebas? Quis adversus Evangelium tanta mentis obstinatione obscuravit, ut in illo divite, cujus æternus cruci tus exponitur, ista non audiat, vel audita non credat? Quænam veterum de sinu Abrahamæ sententia fuerit, erudite & prolixè exposuit Martyr. Classis Tertiæ Loc. xvi. §. vii. & sequentibus.*

XXVI. Quando animabus a corpore separatis non solum *status* sed & *loci mutationem*, & nova habitacula sive receptacula adscribimus, facimus id cum sacris literis, quæ coelo *μονὰς* & *τόπων* tribuunt *Joh. xiv. 2. 3.* & *tabernacula æterna Luc. xvi. 9.* & *domicilium. 2 Cor. v. 1. 2.* Non tamen existimamus, animas eodem modo in loco esse, quo corpora: neque concipimus eas ut subtilissima quædam corpuscula, quarum particule commensurate sint partibus spatii, cui includun-

Animas  
locum  
quoque  
mutare  
quo sensu  
creden-  
dum sit.

tur: in qua opinione plurimos Veterum fuisse, invictis testimoniis Doctissimus *Parkerus* ostendit, de descensu ad inferos p. 106. 107. Sed putamus, eas quoad substantiam suam, & non solummodo quoad operationes ad extra, ita in ista creati mundi parte esse, ubi Christus est cum suo corpore, ut non sint in terra. Distinguimus essentiam animæ, quæ substantia spiritualis & immaterialis est, ab illius operationibus quibuscunque, sive ad intra sive ad extra, uti agens distinguitur sua actione. Neque quærimus modo de actionibus animæ, ubi illæ deprehendantur, sed & de substantia animæ, ubi ista existat. Quum non omnino non sit, alicubi esse debet. Quum infinita non sit, ubique esse non potest. Est ergo in loco aliquo, verbi gratia parte aliqua cœli vel inferni, non quidem localiter, quasi partes habeat partibus spatii commensuratas, sed ut naturæ spirituali convenit, ita ut dum hic est, alibi esse non queat. Neque hic est, quia hic operatur; sed e contra hic, & non alibi, operari potest, quia hic est. sic ut præsentia animæ quoad substantiam ordine naturæ prior sit ejusdem præsentia quoad operationem. Et quando Scriptura, animas in cœlo esse docet, id intelligendum de earum substantia, etiam seposita omni consideratione operationum ad extra. Hac simplicitate contenti esse malumus, quam ut dicamus cum nonnullis: *Non potest mens, si in se spectetur, citra operationem extra se terminatam, concipere in Ubi quodam sive loco*: unde sequitur, negandum esse animæ Ubi & omnem loci mutationem post mortem, si extra se non operatur. An vero, & quid tum extra se operetur, nondum meminimus a quoquam expositum esse. Affine est illud *πρόσιμα* quando de conditione animæ separata agitur, *per cælum & infernum* TANTUM INTELLIGI STATUM FELICITATIS ET CONTRA. Quæ cruda sunt.

De Ubi  
animarum  
mox re-  
unienda-  
rum cor-  
pori.

XXVII. De Ubi animarum separatarum, sed corpori suo mox reunendarum per resurrectionem miraculosam, non est quod admodum solliciti simus. Non nimium indulgendum curiositati nostræ est. Neque licet nobis *ἐμβατεύειν ἃ μὴ ἐώρακαμεν*. Col. 11. 18. Nihil distinctum ea de re sacræ nos literæ docent. Tutissime tales animas Deo commitimus: cui sapientiæ abunde est, ut ad tempus illud commodum ipsis quietis locum assignet: & a cujus bonitate & justitia metuendum non est, ne ullam iis injuriam faciat. Hæc earum gloria, hæc salus est, ut ubicunque sunt, ad Dei gloriam & in ipsius favore ac gratia sint. Hæc modestè dicuntur, cætera sine temeritate non definiuntur,

Animæ  
fidelium  
sunt apud  
Deum &  
Christum  
in gloria.

XXVIII. Videamus nunc, qua beatitate animæ piorum corporibus suis solutæ in cœlo fruuntur. Et primo quidem hoc habent, ut apud Deum Christumque sint in gloria. Joh. XII. 26. *Ubi ego fuero, illic & minister meus erit.* Joh. XVII. 24. *Pater, quos dedisti mihi, velim ut ubi sum ego,*

*ego, & illi sint mecum.* Hic sane fideles etiam adsunt Christo per fidem & amorem : *Christus cum Patre ad eos venit, & conspiciendum exhibet se ipsum.* *Joh. XIV. 21.* atque in ista gratiosa Dei Christique præsentia incredibilem animæ suæ quietem inveniunt. *De me itaque, propinquum esse Deo mihi bonum est.* *Pf. LXXI. 11. 28.* Verum proxima hujus vitæ propinquitas mera longinquitas a Deo est, si cum futuro animæ statu contendatur. *Deum adsumus in corpore, peregre absumus a Domino 2. Cor. v. 6.* Atque hinc erat, quod Paulus cuperet dissolvi, ut cum Christo esset. *Phil. 1. 21.*

**XXIX. Secundo.** Præsentes Deo, eum quoque *videbunt, in lumine gloriæ.* Id est, eam beatissimi Dei cognitionem consequentur, quæ esplendo & tranquillando intellectui sufficiat, & ad quam ea, quæ hic ipsis obtingit, Dei visio, mera caligo sit & cœcitas, uti supra quoque monuimus. De hac visione Dominus loquitur, *Mat. v. 8. Beati mundo corde, quia illi Deum videbunt.* Videbunt autem Deum, I. In operibus gloriæ, quæ jam in cœlo ostenduntur, in quibus eminentissimæ illius virtutes longe luculentius elucent quam in operibus tam Naturæ quam Gratia. II. In facie Jesu Christi, quem præsentes præsentem jugiter contemplabuntur, & familiariter admodum atque intime cognoscent. *Joh. XVII. 24. ut spectent gloriam illam meam, quam dedisti mihi.* III. Magis ἀμείως, in se ipso : qua homini Deum adire fas est ; eo modo ac gradu, quem non assequimur.

Eumque  
vident in  
lumine  
gloriæ.

**XXX. Tertio.** Visionem hanc Dei, qui Essentialis Veritas est, comitabitur amor sanctissimus simul & suavissimus ejusdem Dei, qui etiam Perfecta Bonitas est. Neque fieri potest, ut aliter sit. Nam quando intellectus Deum ipsum, & desiderabilissimas illius perfectiones, non sub fallaci specie, neque sub obscuris ac confusis ideis, uti hic, sed in nativa luce sua, cernit & assidue contemplatur, fieri nequit, quin flagrantissimo earundem amore sancta voluntas exardescat. Beata illa mens, præterquam quod in lumine Dei Deum ut fontem luminis intueatur, Divinæ caritatis flammis undique circumdatur : quibus mutua caritate jugiter respondeat. Facitque ista caritas, ut in præsentia, contemplatione, ac fruitione Dei, nullum tædium, lassitudinem nullam sentiat ; nova identidem voluptate, ex summi boni summo opere amati intima possessione, & indeclinabili ejus complacentia, animam demulcente. Non enim amor iste amor desiderii, sed exoptatæ pridem fruitionis est. Atque hæc est illa Caritas, quam semper manere, etiam Fide ac Spe pereunte, testatur Apostolus. *1. Cor. XIII. 8.*

Et amant  
suavissimi  
me.

**XXXI. Quarto.** Perfectæ caritati juncta est omnimoda animæ cum Deo in sanctitate & gloria *conformitas.* Si ex familiari Dei commercio in monte, quod tamen vix comparari potest cum illa intimæ admissionis amicitia, qua beati in cœlo gaudent, hoc consecutus est Moses, ut in-

Rique  
conformes  
sunt in  
gloria.

solitæ lucis radii in facie ejus splenderent ; quantum existimamus illam Divinæ gloriæ fulgorem esse, quem cum dilectis sibi, & se perfecte diligentibus animabus, immensa Numinis Bonitas communicat ? Quod Filius Dei primogenitus est modo eminentissimo, & sibi plane peculiari, ἀπαύλασμα τῆ δόξης τῆ πατρὸς, *effulgentia gloriæ Patris* ; Heb. i. 3. id ipsi suo quoque modo erunt : perfecte quidem, pro isthoc statu, sed in quantum meris creaturis fas est ut Jesus *primogenitus sit inter multos fratres*. Rom. viii. 29.

Unde oritur gaudium plus quam ineffabile.

XXXII. *Quinto*. Ex omnibus hisce simul sumtis exoritur gaudium plus quam ineffabile, plus quam gloriosum : cujus illud gaudium, quod supra §. v. delineavimus, tenuis duntaxat & fugiens imago est. Nam uti bona gratiæ immensum superantur a bonis gloriæ, ita anima etiam in statu gloriæ potiorum capax est de iis longe melius judicat, iis multo perfectius fruitur : unde etiam gaudium ex iis emanans multo præstantius esse necesse est. Mat. xxv. 21. vocatur *gaudium Domini*. Quia I. A Domino proficiscitur, illiusque donum est. II. Dominum pro objecto suo habet. Ps. xvi. 11. *Satietas gaudiorum est in conspectu tuo ; amantates ad dextram tuam, in aternitatem*. III. Denique excellentissimum Domino dignum est.

Plura tamen exspectanda sunt ultimo die.

XXXIII. Quin eximia ea sint, quæ hætenus diximus, dubitari non potest : non tamen sunt universa rei plenitudo ; neque exhauriunt abundantiam illam felicitatis atque gloriæ, quam Evangelium sperare jussit. Atque hinc est, quod sacræ literæ frequenter consummationem nostræ beatitudinis in illustrem Domini adventum differant : ut 2 Tim. i. 12. *Mihi persuasum est, eam posse depositum meum in illum diem custodire*. & 7. 18. *Det ei Dominus invenire misericordiam apud Dominum, in die illo*. 2 Tim. iv. 8. *Reposita est mihi corona justitiæ, quam reddet mihi Dominus in die illo*. 1 Pet. i. 5. *Salus parata revelari præstituto tempore ultimo*. Et Cap. v. 4. *Quum manifestus factus fuerit ille Pastorum princeps, reportabitis amarantinam illam gloriæ coronam*. adde Col. iii. 4. & 1 Job. iii. 2. Ex quibus testimoniis nequaquam concludendum est, piorum animas ad illud usque tempus omni felicitatis sensu carituras esse ; sed duntaxat, id quod hætenus ipsis indultum est, non aliam habere rationem quam rudimentorum quorundam, donec opus salutis omnibus suis partibus ac numeris absolvatur. Non enim certe negandum est, quin magnopere intersit inter mensuram illam beatitudinis, qua animæ fidelium a corporibus separata fruuntur, & illam gloriæ consummationem, quæ revelanda est ultimo die. Etenim præterquam quod beatitudo partis non debeat æquiparari cum beatitudine totius ; ne pars illa quidem, quæ jam coelo recepta est, eam perfectionem est adepta, quam promisit nobis Evangelium, Quod mox fusius ostendemus.

Hinc

Hinc Veteres etiam dixerunt, animas fidelium habere quidem gaudium, sed *μερικὴν ἀπόλαυσιν, fruitionem quæ ex parte est*; quemadmodum peccatores habent tristitiam, & *μερικὴν κόλασιν*, dum carcere clausi in adventum judicis custodiuntur; *Αὐτοῦ ὁ κλάσις & Responsum quæ tribuuntur Athanasio, ad Quaestionem Vigesimalam.* Et Chrysostomus eas animas quasi in *προθύρι* quodam locat. *Ατρίον* dixit *Bernhardus, Sermone III. de Sanctis*: distinguens tres hominum vel animarum status, *primum in tabernaculo, secundum in atrijs, tertium in domo Dei.* Quæ tamen caute intelligenda sunt, non ut cælo ac visione Dei animæ fidelium excludantur; sed ut perfectissimam beatitudinem tunc demum consequi censeantur, quando suis reunitæ erunt corporibus.

XXXIV. Ea, quæ novissimus dies ad consummationem felicitatis allaturus est, tribus potissimum capitibus comprehendimus. *Primo* Corpora fidelium in gloria suscitata animabus suis restituentur. Quod Caput fusc pertractavit Apostolus 1 Cor. xv. Eadem quidem erunt corpora, quæ fideles in hac vita, uti par erat, carefoverunt, in quibus ut templis Sanctissimo Numini dicatis Deum glorificaverunt, & tot sæpe molestias Christi ac pietatis causa sustinuerunt. Nam eadem ut sint, & Dei justitia, & piorum consolatio, & ipsa vox resurrectionis, quæ non nisi ei, quod per mortem lapsum est, applicari potest, exigunt. Sed eadem licet futura sint quoad substantiam; ita tamen immutabuntur quoad qualitates, ut diversa plane videri queant. *Οportet enim τὸ θάνατον τῆτο Corruptibile ISTUD induere incorruptibilitatem, & mortale ISTUD induere immortalitatem. Postquam autem Hoc corruptibile induerit incorruptibilitatem, & mortale ISTUD induerit immortalitatem, tunc fiet illud, quod scriptum est, Absorpta est mors ad victoriam. 1 Cor. xv. 53. 54.* Magna itaque futura est corporum mutatio, remanente tamen eodem subiecto. Quod indicat Apostolus voce *τῆτο*, Hoc, quasi suū corpus digito monstravisset. Et quod eandem particulam quater repetit, quo pertinet, nisi ut ambiguitatem tollat, omnemque hæsitandi materiam? Et denique, qui potest aliter dici *mors in victoriam absorpta*? Nonne potius dicendum esset, mortem corpora nostra absorpisse *ὡς νίκην*, vel ut est apud Prophetam *נצח*, quod & verti potest, in æternum, si non eadem numero corpora reviviscunt?

XXXV. Cæterum mirari hic subit incredibilem prope numinis bonitatem. Volebat Divina misericordia corpora quoque nostra cælestis felicitatis participatione beare. Verum uti nunc constituta sunt, incapacia erant tantæ gloriæ. Sicuti herbæ & flores nimio radiantis solis fervore arent ac flaccescunt, ita & corpora nostra, qualia nunc ea circumgestamus, imparia sunt cælesti gloriæ ferendæ. *Caro & sanguis non possunt regni Dei hereditatem consequi. 1 Cor. xv. 50.* Ubi caro & sanguis

Quo corpora fidelium suscitabuntur in gloria. Eadem quoad substantiam.

Sed multo præstantiora quoad qualitates.



non denotant naturam nostram, quatenus per peccatum corrupta est, sed ipsam corporis humani substantiam, cum iis vitæ animalis infirmitatibus, quæ eam naturaliter consequuntur. Caro nostra est a sanguine; sanguis a cibo & potibus. Et in sanguine est illa  $\psi\upsilon\chi\eta$  unde corpus dicitur  $\psi\upsilon\chi\eta\delta\nu$ .  $\psi$ . 44. Significatur ergo per carnem & sanguinem natura corporis humani, prout in hac vita cibi potusque assumptione, & sanguinis circulatione, nutritur ac conservatur. Talis autem caro & sanguis incapax est cœlestis gloriæ. Quid ergo? num cœlestem gloriam imminutum ibit Deus, ut ad eius qualemcunque communionem corpus quoque nostrum admitti possit? nihil minus. Corporis potius nostri qualitates immutabit, illudque ex terrestri cœleste, ex animali spirituale efficiet, ut ita ad gloriam, qua donabitur, convenientem habeat proportionem.  $\psi$ . 40. & 43. Sed quis, dum adhuc terrenus est, cœlestem hunc sermonem capit? Quis ideam spiritualis illiusmodi corporis deformare potest? Quale tamen piis concessum iri, indubitatis sacrarum literarum testimoniis constat. Expectandum id a Servatore Domino Jesu Christo est, *qui transfigurabit corpus nostrum humile ut conforme fiat ejus corpori glorioso, pro vi illa efficace, qua potest etiam subicere sibi omnia: Phil. III. 21. ut non quoad animam duntaxat, sed & quoad corpus fulgeamus sicut sol in regno Patris nostri. Mat. XXI. 43.*

Et anima  
Deum ad-  
huc clari-  
us cernet.

XXXVI. *Alterum*, quod novissimus dies ad consummationem felicitatis nostræ afferet, est tanta Divinarum in operibus gloriæ effulgentia, ut illustrior eaneque mente concipi, neque animo desiderari queat. Plurima certe in Deo & de ipso spiritus hominis, mox postquam cœlo receptus est, distinctissime videt, quæ obscura solum fide in terra acceperat: attamen plenam gloriæ suæ manifestationem in eum diem Deus distulit. Idcirco visio illa Dei, quam animæ separata vindicamus, licet evidentior sit, quam nunc valeamus cogitare, non tamen tam perfecta est, quin major novæ lucis mensura superaddiqueat. Quum enim cognitio pendeat vel maxime ex revelatione objectorum, non potest ea cognitio ad complementum suum deduci, quamdiu magna pars objectorum delitescit. Delitescit autem magna pars objectorum, in quorum contemplatione mens nostra verabitur; donec factum sit novum cœlum, nova terra, in quibus iustitia habitat. Sane quo illustriora sunt Dei opera, quibus cinctos se beati vident, eo majorem cum voluptate Dei in iis gloriam contemplantur. Quid autem illustrius, quam cernere ingens hoc universum a servitute corruptionis vindicatum in libertatem gloriæ filiorum Dei, quam mundus hic conditus quasi exserto capite observans expectavit? *Rom. VIII. 19. 21. quid augustius universali illo judicio, in quo non se*

se modo absolvi, non hostes tantum suos damnari audient, sed & ipsi in Christo capite suo Angelos judicabunt? 1 Cor. vi. 3. Quid splendidius panegyri illa electorum omnium, qui a primordiis conditi orbis ad ultimum usque diem fuere, & qui cœlestibus superinduti corporibus singuli fulgebunt sicut sol in regno Patris? Et quam grato cum stupore opinamur adspecturam esse animam corpus illud suum, quod non nisi plurimis ingentibusque infirmitatibus obnoxium antea cognoverat, tunc autem tanto fulgore coruscum cernet, ut glorioso corpori Christi non par quidem, sed simillimum tamen videatur? Et quum in omnibus hæc nihil miretur, nisi Divinæ gloriæ effulgentiam, nonne, dum hæc cernit, Deum ipsum eminentissimo modo cernere dicenda est? Hinc Johannes 1 Epist. Cap. i. 2. *scimus autem fore, ut, quando ipse factus fuerit manifestus, similes ei simus: nam videbimus eum, sicuti est.* Et David similiter eam Dei contemplationem, quæ plenissime satiat, non nisi post resurrectionem sibi est pollicitus. Ps. xvi. 15. *Et in justitia videbo vultum tuum: Satiabor, quum expergiscar, imagine tua.* Huc quoque referendum illud Pauli, *Videmus enim adhuc per speculum & in anigmate, tunc autem de facie ad faciem. Nunc cognosco ex parte, tunc vero cognoscam, ut & sum cognitus.* 1 Cor. xiii. 12. Id est, modo perfectissimo & plane Divino, quo excellentior in creaturam cadere non posse videtur. Nam & objectum clarissime repræsentabitur, tam in gloriosissimis operationibus suis, quam immediato nobisque nunc inexplicabili in mentem illapsu; & subjectum optime constitutum erit, ad illud omne in Deo cernendū ac animadvertendum, quod felicitatem suam consummare potest.

XXXVII. *Tertio.* Adducet iste dies beatos ad eam Dei fruitionem, quæ multo perfectior, & immediata magis erit, omnia ea, qua antehac gavisi sunt. Quamdiu adhuc fideles aliquot in ærumnosa hujus seculi conditione degunt, quamdiu corpora electorum mortis carcere detenta in pulvere delitescent; quin plurimæ adhuc reliquæ supersint illius potestatis, quam sibi peccatum in hominem fecit, cœlites ipsi ignorare non possunt. Atque hinc ad plenitudinem abundantissimam gaudii deesse aliquid necesse est. Et quandoquidem peccati effecta & reliquæ, in corporibus suis, & in fidelibus nondum consummatis, qui una cum ipsis ejusdem corporis mystici membra sunt, nondum sunt abolita, hinc cum ipsis non communicat sese Deus, nisi interventu Mediatoris. Cæterum per resurrectionem *mons ipsa abolebitur, qui ultimus hostis est.* 1 Cor. xv. 26. & *conjicietur in stagnum ignis & sulphuris* Ap. xx. 13. nusquam posthac nisi in hostes Dei & fidelium potestatem ullam habitura. Nihil etiam erit in toto mystico corpore Christi, quod non plane sanctum, & absolute ipsi subjectum futurum sit. Et postquam omnes peccati reliquæ, omniaque ejus effecta omni modo absorpta erunt, nihil impe-

Et tota  
Ecclesia  
Deo perfe-  
ctius &  
magis im-  
mediate  
fruetur.

diet, quo minus Deus se *ἀμείων*, sine interventu Mediatoris, hominibus communicet, sicut sanctis Angelis se communicat. Hanc esse Pauli mentem, cum præstantissimis interpretibus opinamur, 1 Cor. xv. 28. *Postquam vero subiecta fuerint ei omnia, tunc & ipse Filius subicietur ei, qui subiecit ipsi omnia, Ut Deus sit omnia in omnibus.*

Idque  
in æter-  
num.

XXXVIII. Et huic quidem beatitudini interminabilis, & immutabilis *Æternitas* competit. Sine qua ne beatitudo quidem esset. Nullum enim bonum, quantumcunque illud sit, quod cum amissionis metu possidetur, perfectum solidumque gaudium, quale ad beatitudinem requiritur, sui fruitione conciliare potest. Propterea beatitudo *Vita æterna* vocatur. *Mat. xxv. 46. Rom. 11. 7. & Amarantina corona gloria. 1. Pet. v. 4. & Corona incorruptibilis. 1. Cor. ix. 25. & de piis testatur Apostolus 1 Thess. iv. 17. eos semper cum Domino fore.*

Probabilis  
est gradu-  
um in fu-  
tura beati-  
tudine dif-  
paritas.

XXXIX. Quæri hic solet, an ulla graduum disparitas in beatis sit habitura locum. In qua quidem quæstione (licet fastuosam Romanensium doctrinam, de disparitate gloriæ inæqualitati meritorum superstructa, procul esse jubeamus) potiora nobis eorum argumenta esse videntur, qui Deum disparem donorum gratiæ mensuram disparitate donorum gloriæ coronaturum esse, autumant. Huc faciunt illa Scripturæ effata. *Rom. 11. 6. Reddet cuique secundum opera sua. & 2. Cor. v. 10. Ut quisque ferat, quæ per corpus facta sunt, secundum quæ fecerit.* Quibus verbis non nude significatur qualitas mercedis gratuitæ, piis, convenienter ipsorum operibus, concedendæ; sed & ejusdem mercedis quantitas, certa proportionem operibus eorum respondens. Quod disertim exponitur ab Apostolo. *2 Cor. ix. 6. Qui serit parce, parce etiam metet; qui autem serit cum benedictione, cum benedictione & metet.* Porro messiem istam, illiusque diversitatem, perperam ad hanc vitam restringi, liquet ex contentione hujus loci cum *Gal. vi. 8. Qui seminat carni suæ, ex carne metet interitum: qui vero seminat Spiritui, ex Spiritu metet vitam æternam.* Eodem pertinet *1 Cor. 111. 8. Is, qui plantat, & is, qui rigat, unus sunt: unus quisque vero suam mercedem accipiet secundum suum laborem.* Ubi, proportionem mercedis ad proportionem laboris mensuratam fore, clare satis docetur. Neque abludit illa de resurrectione mortuorum disputatio. *1 Cor. xv. 40. 41. Et sunt corpora cælestia, & sunt corpora terrestria: sed alium quidem cælestium decor, alius vero terrestrium. Alium decor solis, & alius decor lune, & alium decor stellarum: stella enim stella præstat decore.* Ubi primo conferuntur corpora morte deposita cum iis, quæ in resurrectione assumuntur. Deinde ea quoque, quæ cælestia sunt, plurimum a se invicem gloria distare dicuntur. Sicuti sol, luna, stellæ, omnes quidem cælestia corpora sunt, sed in magna decoris disparitate. Et quorsum distincta illa solis, lunæ, stellarumque, & inæqualis singulorum fulgoris, mentio;

tho; si nihil nisi diversitatem corporum terrestrium a coelestibus docere instituerit Apostolus, coelestibus interim omnibus eundem gloriae gradum obtinentibus?

XL. Id saltem nullo colore negari posse videtur, præcipuis Veteris ac Novæ Ecclesiæ Ducibus, Patriarchis, Prophetis, Apostolis, Martyribus, ac sedulis Ecclesiæ Doctoribus, majorem aliquam gloriam fore. Non omnibus dictum est, quod dictum est Apostolis *Mat. XIX. 28. Quum sederit Filius hominis in throno gloriae suæ, sedebitis vos etiam in thronis duodecim, judicantes duodecim tribus Israël.* Quorum verborum sententiam optime, si quid judico, explicuit Illustris *Grosius*. Tantundem est, quasi dixisset Dominus, proximum mihi Regi honorem occupabit, *Κρίνειν, judicare*, hic tantum valet, quantum præesse, *μεταληπτικῶς*, quia plerumque Præsides juri dicundo vacant. Unde *תקריב* Hebræis *præfutura* dicta est. *Gen. XLIX. 16. Zach. III. 7.* Sumta est tralatio a veteri statu Regni Israëliti, in quo *οὐ φυλάρχαι* proxime ad Regiam Majestatem accessisse, & in publicis coetibus juxta ejus solum in sellis curulibus sedisse creduntur. Quam Apostolorum gloriam ita intramilitantis Ecclesiæ limites arctare, ut in triumphante, ubi plena demum laborum merces est, eos thronis suis discessuros esse pugnes, a ratione alienum videtur. Neque convenit cum visione Johannis, qui in cœlo viginti quatuor thronos videbat, & insidentes eis viginti quatuor Seniores, id est, Veteris & Novæ Ecclesiæ Patriarchas, *ἀμφὸς vestibus albis, & habentes impostas capitibus suis coronas aureas. Ap. IV. 4.* Atque hæc tam evidentis veritatis sunt, ut illi ipsi, qui cæteroquin disparitati gloriae coelestis contradicunt, distinguendum esse fateantur inter eam beatitudinem, quæ fidelibus obtinget, qua fideles sunt, & laudem, quæ in ultimo die *γενήσεται ἐκᾶς*, quatenus in promovendo Christi regno sedulo & cum fructu laboraverit, quæque videtur esse inæqualiter distribuenda. Quia vero laudem talem ex ipsius Christi ore ferre gloriosum est, testimonii autem illius memoria in fidelium animis hærebit in æternum; negare non sustinent, quin in regno Cœlorum graduum disparitas in eo genere gloriae inter beatos futura statui possit. Haut enim certe putandum est, multos fore tum Christi servos, qui Apostolo Paulo queant eatenus æquiparari. Vide *Theses Amyraldi de Vita æterna. S. XXXIV.*

Saltem  
Veteris ac  
Novæ Ec-  
clesiæ Du-  
ces cæteris  
majorem  
habebunt  
gloriam.

XLI. Cætera, quæ de futuri seculi conditione justo curiosius quæ-  
runtur, præcidisse S. Johannes videri debet, quando dixit. *1. Epist. Cap. III. 2. Dilecti, nunc sumus Filii Dei, sed nondum manifestum factum est, quod erimus.* Quapropter multo satius sanctiusque est operam dare, ut gloriosæ istius vitæ consortes aliquando evadamus, quam frigidis & evanidis speculationibus curiosum animum pascere. Hoc interim pro cer-

Cætera  
non sunt  
curiose in-  
quirenda.


to habendum est, *neque oculum vidisse, neque aurem audivisse, neque in mentem hominis venisse, qua paravit Deus iis, a quibus ipse diligitur.* 1. Cor. II. 9.

D E  
O E C O N O M I A  
F O E D E R U M D E I.  
L I B E R I V.

G A P U T. I.

*De Doctrina Salutis in prima mundi aetate.*

Delineatio eorum, quæ exponenda sunt.

I.  Actenus ea explicuimus bona, quæ FOEDERI GRATIÆ ESSENTIALIA sunt. Nunc de duabus OECONOMIIS, sive Varietate Dispensationum, quibus Fœdus illud administratum est, specialius videamus. Ubi, juxta delineationem, Capite. III. anterioris libri factam, primum VETERIS, dein NOVI TESTAMENTI ratio pressius enucleanda est. In VETERI Testamento QUATUOR summa Capita distincte considerabimus. I. DOCTRINAM de communi salute, prout ibi tradita est. II. BONA illius Testamenti. III. Illius DEFECTUS, sive, ut Paulus loquitur *Heb. VII. 18. τὸ αὐτῆς (διαθήκης) ἀσθενὲς καὶ ἀνωφελές*: quorum nomine Fœdus illud non fuit ἀμεμπτον *Heb. VIII. 7.* IV. Illius ANTIQUATIONEM. DOCTRINA rursus considerari potest, ut exposita VERBIS, figurata TYPIS, confirmata SACRAMENTIS.

Πρωτεύων γένειον

II. Primam Gratiae Doctrinam mox a lapsu homini misero Divina proposuit clementia: ita quidem ut paucis verbis, iisque fere ænigmaticis, totius Evangelii summa contineatur. Exstat istud *πρωτεύων γένειον Gen. III. 14. 15.* Quapropter dixit Jehova Deus Serpenti illi, *quum feceris istud, maledictus esto præ omni jumento, & præ omni bestia agri: super ventrem tuum ito, & pulverem comedito omnibus diebus vitæ tuæ. Præterea inimicitiam pono inter te & mulierem hanc, similiterque inter semen tuum, & semen hujus: hoc conteret tibi caput, tu autem conteres huic calcæeum.* Conquestus olim Lutherus est, neminem e veteribus Patribus & Episcopis, qui sanctitate vitæ & doctrina pollebant, locum hunc pro dignitate explicuisse. Eo diligentior opera danda est posterioribus, ut id sedulo præstent. Quod eruditissimi interpretes feliciter sane fecerunt. Nos eorum vestigia le-

gen-

gentes, præcipuos Evangelicæ doctrinæ articulos summamim hoc textu expositos fuisse, ostendemus.

III. Supponimus, condemnari hac sententia *Diabolum*, quem *serpentis* nomine, quia eo animali ad fraudem homini faciendam abusus erat, Dominus alloquitur. Ita enim magnificum illum Numinis sermonem arctare, ut in solo animali bruto omne complementum suum habere censeatur, frigidum ac frivolum est. Nam præterquam quod indignum summo Numine videri possit, brutum omnique ratione destitutum pecus tam grandibus verbis affari; multa, quæ hic serpenti dicuntur, si ad litteram interpreteris, bestię isti naturalia sunt: ut *in ventre incedere, ac pulverem vorare*. Neque enim extra scripturam dicendum est, serpentem, quod Judæi nugantur, pedibus incesisse, vel erectum ambulasse, aut alios cibos olim habuisse, atque nunc habet: neque putandum, serpentem solo pulvere nunc vesci, quum serpentes in *πανφάγους omnivoris* numeret Aristoteles, & carnem & herbas edere, & *λυχνοτάτης τῶν ζωῶν, cupediis deditos præ cateris animantibus esse*, testetur. *Pulvis cibus serpentis* dicitur, quia, quum humi repat, non potest quin pulverem una cum reliquis cibis in os ingerat. Quemadmodum David in luctu queritur, se *comedisse cinerem sicut panem*. Ps. cii. 10. quia pronus in cinere jacens pane in terram projecto vescabatur. Saltem quod hic serpenti dicitur, de incesu in ventre & esu pulveris, multis lumbricis ac vermibus commune est: uti ostendit Doctissimus Bochartus, *Hierozyici Lib. 1. Cap. 14*. Quomodo autem serpenti in maledictionem cedit, quod aliis animantibus, quibus non ita abusus est Satanas, est naturale? Tum etiam quod homini abominabilis est, ex eo procedit, quia venenum habet insidiosum. Atque id quoque commune habet cum aliis belluis, quæ post peccatum homini horrore ac terrori sunt. Sed & sunt ex serpentibus, qui laudantur ob *φιλανθρωπίαν*. Vid. Voss, *de Origin. Idolol. Lib. vi. Cap. LVIII*. Nonnulli etiam esculenti sunt, & pro regiis habentur deliciis. *Ibid. Cap. LXII*. Accedit, quod hominis non admodum interfit, an animal aliquod pedibus, an ventre incedat, an herbis, vel carne, an pulvere vescatur. Certum autem est, Deum hac condemnatione serpentis, miseros protoplastos solari velle. Quorsum ergo ita verba interpreta- bimur, ut vel nullam plane, vel admodum exiguum consolationem, homini infelicitatem suam serio deploranti, asferre idonea sint?

IV. Quod palmarium est, Scriptura ipsa *Diabolum τὸ φιν serpentem* 2 Cor. xi. 3. & *τὸ φιν τὸ ἀρχαῖον, serpentem illum antiquum*, diserte nominat Ap. xii. 9. Illiusque debellationem vocat *contritionem sub pedibus nostris*. Rom. xvi. 20. Et etiam si demus, primo & literaliter hæc organo animali dici, per quod locutus est Satan, ex rei natura evidens est, magis hæc dici & potuisse, & debuisse principi seductori. Nam,

In Ser-  
pente  
damnatur  
Diabolus.

Quem  
Scriptura  
serpentem  
nominat.

uti

uti bene Chrysostomus argumentatur, si is, qui instrumenti vicem obit, tantam expertus est indignationem; quale supplicium verisimile est Diabolum incurrisse?

Etiā  
Satanæ sua  
mors præ-  
parata est.

V. Neque obtendi potest, id, quod serpenti dicitur, *omnibus diebus vitæ tuæ*, Satanæ applicari non posse, quem immortalem perennemque spiritum esse constat. Nam & Satanæ sua mors præparata est, nempe iudicium novissimæ diei: quo conjicietur una cum morte in locum ignis & sulphuris. Ap. xx. 10. Vivit Diabolus, quando efficaciter operatur in filiis inobedientiæ, atque ita se demonstrat ὁ κοσμοκράτορ, principem huius mundi. Mortuus erit, quando in regno Dei, & contra illud, nullis amplius instrumentis utetur. Ita Dominus Iesus דַּשְׁבִּית חַיִּים וְנִתְּנָהם cessare facit hostem, & eum, qui se ipsum vindicat Ps. viii. 3, & καταργεῖ τὸν τὸ κράτος ἔχοντα τῷ θανάτῳ, abolet eum penes quem est mortis robur. Heb. 11. 14. Ergo dies vitæ Diaboli sunt dies antecedentes iudicium. Quod utilem doctrinam præbet, ut mox videbimus.

Cur ea,  
quæ ad  
consola-  
tionem  
hominis  
pertinent,  
Diabolo  
dicta sunt.

VI. Placuit autem Deo ea verba, quæ homini misero omnis consolationis scaturigo sunt, Diabolo dicere, præsentem tamen & auscultante homine. I. Ut ægre faceret spiritui isti nequam ac arroganti, qui condemnationem suam audire cogebatur, præsentibus fragilibus illis hominibus, quos tam facile in potestatem redegerat suam, & quibus æternum se dominaturum esse opinabatur. II. Ut suavissima consolatione mulceret protoplastos, quibus non modo gratissima esse debebat iusta vindicta illa, quam Deus, se ab hoste ipsorum exspoliturum, pollicebatur; sed qui etiam in condemnatione Diaboli suam absolutionem audiebant. III. Ut pateret, sententiam hanc ultimæ voluntatis rationem habere. Nam uti Deus, Diabolum, in ipso crimine deprehensum, quod neque negare, neque in alium transferre poterat, sine ulteriori inquisitione condemnat, iudicio peremptorio & irrevocabili; ita bona illa, quæ in hac condemnatione Diaboli electis addicuntur, addicuntur iis ultima ac immutabili Dei voluntate, quæ ab incerta conditione suspensa non est.

Summa  
ἀγαθὰ  
ἀπο-  
δοτε-  
ται.

VII. Nunc ea, quæ sententia hac continentur, pressius videamus. Sunt autem sequentia. I. BONA homini promissa. II. AUCTOR istorum Bonorum. III. Ipsorum CAUSSA MERITORIA. IV. MODUS ACQUIRENDI. V. HÆREDES. VI. MEDIUM acquisitionis.

Primum  
Bonum,  
quod pro-  
mittitur.

VIII. MALA, quæ Deus in serpentem pronuntiat, sunt BONA homini. Ea vero sunt Quatuor. PRIMUM est *Maledictio serpentis*, *Quum feceris istud, maledictus esto præ omni jumento & præ omni bestia agri*. Bestiæ omnes interitui sunt obnoxie. *Animantia rationis expertia, quæ naturali impetu feruntur, facta sunt ad eum finem, ut capta intendant.* 2 Pet. 11. 12. Et propter peccatum hominis, bestię, ut res hominis, factę sunt misero-

res. Nec excludi possunt, a mundo isto condito, qui non sua sponte vanitati subjectus est. Rom. viii. 20. Et sunt inter eas, quæ דְּמִימַת מְלָכִים bestia mala dicuntur. Serpenti autem talis maledictio denuntiatur, qua bestiis omnibus inferior vilior ac miserior evadat. Importat hoc I. Stultitiam ac malitiam invincibilem: ut nec sapiens nec bonus esse queat: deterior equo & mulo, intelligentia expertibus. Ps. xxxii. 9. II. Vilitatem summam, qua is, qui Deo par esse improbe conatus fuerat, & dominium sibi in præstantissimam creaturarum Dei, hominem, acquisivisse videbatur; infra jumenta deprimitur. III. Miseriam nunquam terminandam, Bestiæ moriuntur & occidunt, neque in judicium veniunt: serpens autem præ bestiis maledictus, judicium effugere non potest. Ignis æternus paratus est Diabolo & Angelis ejus. Mat. xxv. 41. Non potuit non gratissimum homini esse, sententiam istam audire, qua maledictioni addicitur hostis ille, qui ipsum maledictioni obnoxium fecerat.

IX. SECUNDUM Bonum est *Destructio potestatis illius*. Quæ tribus phrasibus exprimitur. Prima est, *super ventrem tuum ito*. Hoc est, cogeris humi repere, nec licebit tibi amplius in hominem insilire, eumque implicare, & venenatis amplexibus tuis necare. Judiciose PAREUS: *Cogitur & ipse super pectus suum serpere; quia de calo semel præcipitatus nunc damnatur, ut perpetuo humi in sordibus terrenis repat, nec caput amplius ad caelestia levare queat. Ita Ap. xii. 9. judicium antiqui serpentis, Diaboli, quo nunc confringitur, vocatur projectio in terram, ibi persequitur mulierem humiliter, sed nequit opprimere.*

Secundum bonum. Quid sit super ventrem ito.

X. Altera Phrasis est: *Pulverem comedito*. Sine dubio id notat summam dejectionem. Nam Scripturæ phrasi *pulverem lingere* dicuntur triumphati hostes qui ad victoris pedes prostrati jacent. Ps. lxxii. 9. מְלָכִים יֹאכְלוּ עֹפָר מִיְּמֵי הַמָּוֶת. *Inimici ejus pulverem lingent.* Mic. vii. 17. מְלָכִים יֹאכְלוּ עֹפָר כְּנֹשׁ *Lingent pulverem sicut serpens.* Jes. xlix. 23. אֲפִים אֶרֶץ יִשְׁדָּרוּ וְכָל בָּשָׂר וְעֹפָר רִגְלֵיךְ יֹאכְלוּ *Vultu in terram demisso incurvabunt se tibi, & pulverem pedum suorum lingent.* Sed major adhuc emphasis iis verbis inesse videtur, quando serpens jubetur *pulverem vorare*; uti & Jes. lxxv. 25. dicitur מְלָכִים יֹאכְלוּ עֹפָר מִיְּמֵי הַמָּוֶת, *& serpentis cibus pulvis erit.* Quod, nisi fallor, tria in universum significat. I. Restrictionem potestatis Diaboli, ad homines terrenos, glebæ addictos, & in rebus hujus terræ bonum ac felicitatem suam quærentes. Eos solos devorare poterit; in reliquos nihil habebit juris. Et hoc ipsum in magnum oppido Ecclesiæ bonum cedit, Nam quando improbi a Diabolo devorantur, scandalæ via justitiæ tolluntur, Ecclesia ab illorum vexationibus liberatur, & ipsum Diaboli regnum in hoc mundo minuitur. II. Quod ad electos attinet, significat restrictionem potestatis Diaboli ad corpus eorum, quod, propter peccatum, pulvis, & in pulverem rediturum dicitur. Illud corpus

Et pulverem comedere.



uti bene Chrysostomus argumentatur, si is, qui inflexissimam tantam expertus est indignationem; quale supplicium verum incurrisse?

Etiā  
Satanæ sua  
mors præ-  
parata est.

V. Neque obtendi potest, id, quod serpenti *vita tua*, Satanæ applicari non posse, quæ quædam ex eo percipit, spiritum esse constat. Nam & Satanæ eterna perniciem pel-  
judicium novissimæ diei: quo conjiciuntur *libus*, id est, deliciae, Do-  
& sulphuris. Ap. xx. 10. Vivit *ipsam*: & homines con-  
in filiis inobedientiæ, atque *pro deliciis* habet Satan ad  
pem hujus mundi. Mortuus *Dei vexare*. Quod uti maxima  
nullis amplius instrum.

cessare facit fastidiose ut novam inauditamque  
καταργεῖ τὸν τὸ κ. PAREI commentarios. FAGIUS ita anno-  
tis robur. Heb. *illum serpentem*, Satanam inquam,  
judicium. *vocant*, qui in serpente bruto animante tan-

Cur ea,  
quæ ad  
consola-  
tionem  
hominis  
pertinet  
Diaboli  
dicitur.

VI. PAREI *regit*, referamus, ut certe debemus, significant, Ve-  
lationem illum adversarium nostrum dejectum & consternatum esse,  
hæc autem *sublimis incedebat*; pulveres edere, hoc est, terrenos homi-  
nes, qui affectibus dediti sunt; consumere. Nihil enim potest in piis,  
qui, neglectis terrenis, cœlestibus dediti sunt. Satan Spiritus est; talem  
ergo oportet habeat cibum: hic sunt peccata, quibus illi sedatur fames.  
Utenim serpens terra repit, terra vivit, terræ incumbit; sic ingenium  
Satanæ est ad terram trahere, ad terrena rapere homines, & a supernis  
avocare. Hactenus FAGIUS. A quo non multum abludit PAREUS; cujus  
hæc sunt verba: Damnatur quoque, ut terram comedat, hoc est, ter-  
renis pascatur sordibus scelerum & nequitiarum, sicut immundus porcus  
pascitur excrementis. Id fit, quum impurus ille spiritus non modo ipse  
se inquinamentis mundi conspurcat & oblectat, ut sus in volutabro:  
sed & reprobos iisdem secum immergit ac perdit. Hic est suavissimus  
Satanæ cibus. Quo quis enim delectatur, id pro cibo ac deliciis habet:  
sicut dicitur, *Optimus cibus Invidia*: Item, *Pascitur in vivis livor*, &c,  
AUGUSTINUS non in elegantem affert doctrinam. Terra, inquit, est pec-  
cator. Datus est ergo Diabolo in cibum peccator. Ne simus terra, si nolu-  
mus vorari a serpente. Hæc PAREUS. AMBROSIIUS Lib. 1. de Penitentia,  
Cap. XII. citatus Riveto, Exerc. xxxv. in Genes. pulverem exponit ho-  
minum carnem, & contendit, a Deo permitti Diabolo vesci his carni-  
bus, hoc est, fidelium corpora torquere & lacerare, sed animæ po-  
testatem nullam ei esse permissam.

Quid  
contritio  
capitis  
Serpentis,

XII. Tertia phrasis, qua destructio Diaboli innuitur, est *contritio ca-  
pitis ejus*. In capite serpentis est Virus, Astutia, Robur, & Vita. Caput  
ergo serpentis notat callidam Diaboli versutiam, vim venenosam, to-  
tum.

umque illud tyrannicum regnum, quod per peccatum in hominem  
 quiverat. Contritio capitis, est abolitio omnis potestatis: explican-  
 id Apostolo, Rom. XVI. 20. Porro Deus pacis conteret Satanam sub pedes  
 troscito. Cujus contritionis symbolum erat vis illa mirifica Christi  
 omnis concessa, de qua Luc. x. 19. Ecce, do vobis potestatem calcandi  
 & scorpiones, & supra omnem vim inimici: & nihil vos laedet. Et  
 XVI. 18. Serpentes tollent, sine noxa scilicet, ut liquet ex historia  
 3. XXVII. 1. 5. Quam virtutem serpentes veneno suo exuendi,  
 eorum sine noxa frangendi, suo tempore in Christianis non-  
 ctam fuisse, Tertullianus testatur, Grotius citatus ad Luc. x. 19.  
 aculum licet in fano Isis apud Aegyptios æmulatus fuerit  
 quemadmodum ex Eliano Bochartus annotavit, Hierozoi-  
 v. in fine, tamen destructionem imperii illius eo significatam  
 in Dominus docet, quando serpentibus & scorpionibus  
 inimici jungit. Ita suo ipse interitui præcludere præstigiis  
 ascoactus est,

XIII. TERTIUM BONUM, quod Deus hic promittit, est *Positio Inimi-*  
*citiae inter serpentem & mulierem atque semen ejus.* Quæ verba includunt  
 sanctificationem hominis. Nam quando homo inimicus est Diaboli,  
 tum adversatur & fugit omnem communionem cum ipso, odit ac dete-  
 statur opera ipsius, conatur illum & regnum illius in se ipso & aliis de-  
 struere, ac lubentissime id facit, quod novit ægre esse Diabolo. Et etiam  
 si cum Diabolus hostiliter propterea persequatur, quia pietati operam  
 dat, tantum abest, ut idcirco se a bono dimoveri patiatur, ut e contra  
 alacrior adversum eat. Quamdiu homo nondum sanctificatus est, tum  
 pacem colit cum Diabolo, ac tranquille se ejus dominio submittit. Ini-  
 micitia & hostilitas adversus Diabolum non potest nisi ex infuso sancti-  
 tatis principio procedere. Hoc pollicetur homini Deus, quando dicit,  
*Ponam inimicitiam &c.* Non solum ponit mulieri legem, ne deinceps  
 Satanz colloquium vel amicitiam admittat, nec quicquam cum jurato  
 hoste commercii habeat: neque solum sanctione hac januam resipiscen-  
 tiæ parentibus iterum aperuit, quæ Pater hic annotavit: sed & pro-  
 mittit, se insuperabili virtutis suæ efficacitate id præstiturum, facturam-  
 que, ut existat: *Positum* eam inimicitiam adversus Diabolum, quæ si-  
 ne amore Dei non potest. Bene Rivetus Exerc. XXXVII. 1. in Genes. *Quam*  
*inimicitia prædicuntur, eadem opera prædicuntur, homines redituros ad eam ani-*  
*ma reparationem, ut grave illud Diabolica tyrannidis jugum illis displiceat,*  
*quarantque illud excutere: illoque semel feliciter excusso, deinceps continua ad-*  
*versus eum pugna advigilans, ne illud iterum subeant.* Sed plenissime Clop-  
 penburgius, Schol. Sacri. p. 75. Non poterat mulieri intercedere inimicitia  
 cum Diabolo, nisi abolita inimicitia cum Deo, quam Diabolus mulieri & poste-  
 ritati

Tertium  
 Bonum.

Diabolus vorabit, id est, ad mortem rediget, & sub ea ad novissimam resurrectionem retinebit. In animam electorum nihil poterit. Et illa quoque pulverei corporis destructio fidelibus utilis est: una enim destruitur vetus homo, qui in illius membris hactenus stabulatus fuerat. III. Notat pravam illam Diaboli voluptatem, quam ex eo percipit, quod reprobos ad scelera, & consequenter ad æternam perniciem pelliciat, & piis, quantum pote, ægre faciat. *Cibus*, id est, delicie, Domini Jesu erat, *facere voluntatem ejus, qui misit ipsam*: & homines convertere ad Deum. *Job. iv. 34.* E contra pro deliciis habet Satan ad malum improbos impellere, & dilectos Dei vexare. Quod uti maxima nequitia, ita summa quoque miseria est.

**Fagius**  
**Pareus,**  
**Augusti-**  
**nus, Am-**  
**brosius**  
**laudari.**

XI. Ne quis expositionem hanc fastidiose ut novam inauditamque exhibilet, adscribam FAGII & PAREI commentarios. FAGIUS ita annotavit: Hæc si jam ad spiritualem illum serpentem, Satanam inquam, quem Hebræi נָח קְרִמָּי vocant, qui in serpente bruto animante tanquam instrumento egit, referamus, ut certe debemus, significant, Veneratorem illum adversarium nostrum dejectum & consternatum esse, qui antea sublimis incedebat; pulveres edere, hoc est, terrenos homines, qui affectibus dediti sunt; consumere. Nihil enim potest in piis, qui, neglectis terrenis, coelestibus dediti sunt. Satan Spiritus est; talem ergo oportet habeat cibum: hic sunt peccata, quibus illi sedatur fames. Ut enim serpens terra repit, terra vivit, terræ incumbit; sic ingenium Satanæ est ad terram trahere, ad terrena rapere homines, & a supernis avocare. Hactenus FAGIUS. A quo non multum abludit PAREUS; cujus hæc sunt verba: Damnatur quoque, ut terram comedat, hoc est, terrenis pascatur sordibus scelerum & nequitiarum, sicut immundus porcus pascitur excrementis. Id fit, quum impurus ille spiritus non modo ipse se inquinamentis mundi conspurcat & oblectat, ut sus in volutabro: sed & reprobos iisdem secum immergit ac perdit. Hic est suavissimus Satanæ cibus. Quo quis enim delectatur, id pro cibo ac deliciis habet: sicut dicitur, *Optimus cibus Invidia*: Item, *Pascitur in vivis livor*, &c. AUGUSTINUS non in elegantem affert doctrinam. Terra, inquit, est peccator. Datus est ergo Diabolo in cibum peccator. Ne simus terra, si nolumus vorari a serpente. Hæc PAREUS. AMBROSIIUS *Lib. 1. de Penitentia, Cap. XII.* citatus Riveto, *Exerc. xxxv. in Genes.* pulverem exponit hominum carnem, & contendit, a Deo permitti Diabolo vesci his carnibus, hoc est, fidelium corpora torquere & lacerare, sed animæ potestatem nullam ei esse permissam.

**Quid**  
**contritio**  
**capitis**  
**Serpentis,**

XII. Tertia phrasis, qua destructio Diaboli innuitur, est *contritio capitis ejus*. In capite serpentis est Virus, Astutia, Robur, & Vita. Caput ergo serpentis notat callidam Diaboli versutiam, vim venenosam, to-

tamque illud tyrannicum regnum, quod per peccatum in hominem acquisiverat. Contritio capitis, est abolitio omnis potestatis: explicante id Apostolo, *Rom. xvi. 20. Porro Deus pacis conteret Satanam sub pedes vestros cito.* Cujus contritionis symbolum erat vis illa mirifica Christi discipulis concessa, de qua *Luc. x. 19. Ecce, do vobis potestatem calcandi serpentes & scorpiones, & supra omnem vim inimici: & nihil vos laedet.* Et *Marc. xvi. 18. Serpentes tollent, sine noxa scilicet, ut liquet ex historia Pauli Act. xxviii. 5.* Quam virtutem serpentes veneno suo exuendi, & capita eorum sine noxa frangendi, suo tempore in Christianis nondum extinctam fuisse, *Tertullianus* testatur, *Grotio* citatus ad *Luc. x. 19.* Quod miraculum licet in fano Isidis apud Ægyptios æmulatus fuerit Diabolus, quemadmodum ex *Aliano Bochartus* annotavit, *Hierozoi Lib. 1. Cap. 1v. in fine*, tamen destructionem imperii illius eo significatam fuisse, disertim Dominus docet, quando serpentibus & scorpionibus omnem vim inimici jungit. Ita suo ipse interitui præcludere præstigiis suis Diabolus coactus est,

**XIII. TERTIUM BONUM**, quod Deus hic promittit, est *Positio Inimicitia inter serpentem & mulierem atque semen ejus.* Quæ verba includunt sanctificationem hominis. Nam quando homo inimicus est Diaboli, tum adversatur & fugit omnem communionem cum ipso, odit ac detestatur opera ipsius, conatur illum & regnum illius in se ipso & aliis destruere, ac lubentissime id facit, quod novit ægre esse Diabolo. Et etiam si eum Diabolus hostiliter propterea persequatur, quia pietati operam dat, tantum abest, ut idcirco se a bono dimoveri patiat, ut e contra alacrior adversum eat. Quamdiu homo nondum sanctificatus est, tum pacem colit cum Diabolo, ac tranquille se ejus dominio submittit. Inimicitia & hostilitas adversus Diabolum non potest nisi ex infuso sanctitatis principio procedere. Hoc pollicetur homini Deus, quando dicit, *Ponam inimicitiam &c.* Non solum ponit mulieri legem, ne deinceps Satanz colloquium vel amicitiam admittat, nec quicquam cum jurato hoste commercii habeat: neque solum sanctione hac januam resipiscentiæ parentibus iterum aperuit, quæ *Parens* hic annotavit: sed & promittit, se insuperabili virtutis suæ efficacitate id præstiturum, facturumque, ut existat: *Positum* eam inimicitiam adversus Diabolum, quæ sine amore Dei non potest. Bene *Rivetus Exerc. xxxvi. 1. in Genes. Quam inimicitia prædicuntur, eadem opera prædicuntur, homines redituros ad eam animæ reparationem, ut grave illud Diabolica tyrannidis iugum illis displiceat, quarantque illud excutere: illoque semel feliciter excussis, deinceps continua adversus eum pugna advigilent, ne illud iterum subeant.* Sed plenissime *Cloppenburgius, Sæbol. Sacrifi. p. 75. Non poterat mulieri intercedere inimicitia cum Diabolo, nisi abolita inimicitia cum Deo, quam Diabolus mulieri & poste-*

Tertium  
Bonum.

ritati ejus pepererat seductione sua, per Justificationem: & victo & superato in muliere peccati dominio per sanctificationem. Ponens ergo illas Diabolo inimicitias, disponit mulieri fœdus pacis atque amicitia, quo illi pollicetur Justificationis & Sanctificationis gratiam.

Quantum  
Bonum.

XIV. QUARTUM bonum, est *resurrectio Corporum*, in pulverem redactorum per eum, qui mortis imperium habet: quæ obscurius innuitur, quum dicitur, serpentem *pulverem voraturum omnibus diebus vita sua*: quos esse dies antecedentes judicium supra. §. v. ostendimus. Ex quo concluditur, tempus potestatis Diaboli, & devorationis, certo limite circumscriptum esse, & finem habere. Eoque elapso, corpora piorum e pulvere suscitanda, omnesque effectus ac reliquias potestatis Diaboli, &, per quod Diabolus potestatem acquisivit, peccati, penitus abolenda esse, ne detineat sub imperio suo pulverem corporum nostrorum, quæ templa Dei ac Spiritus Sancti, in sanctitate gloriosa, esse debent. Ne hoc quidem plane inobservatum FAGIO fuit; qui ita commentatur: *Dies vite Satanae sunt omne tempus usque ad consummationem seculi & adventum Christi. Tunc enim precipitabitur cum omnibus ministris suis in ignem æternum. Mat. XXV. 41.*

Auctor  
horum Bonorum.

XV. AUCTOREM omnium bonorum istorum ipse se JEHOVA DEUS laudat, qui serpenti loquitur, & qui sese eam, de qua diximus, inimicitiam positurum declarat. Non est quidem negandum, universæ Individuæ Trinitati tanti boni effectiorem tribuendam esse. Attamen in œconomia salutis nostræ, Pater, qui primus ordine est, principem etiam locum tenet. Et quandoquidem æterna Filii sponsio, juxta pactum inter Patrem Filiumque, posito peccato mox virtutem suam exferere incipiebat, non male hæc verba primo & immediate ad Patrem referuntur, qui propter sponsonem Filii gratiam suam peccatori addicit; quique a Mediatore, sive Semine Mulieris, satis diserte se distinguit. Et sane *Deus erat in Christo mundum reconcilians sibi: 2. Cor. v. 19.* hoc est, Pater in Filio Mediatore.

Causa me-  
ritoria.  
Semen  
mulieris  
videt

XVI. CAUSSA MERITORIA horum bonorum est SEMEN MULIERIS *κατ' ἐξουίαν* ita dictum. Non equidem inficias eo, quando semen mulieris femini serpentis opponitur, & inter utrumque inimicitia stabiliatur, utrumque semen collective intelligendum esse: per serpentis semen, omnes improbos designari, qui *γεννηματα ἐχιδνῶν*, progenies viperarum, dicuntur: *Mat. III. 7.* per mulieris semen, electos fideles, una cum capite suo Christo. Attamen in semine isto aliquem eximium esse, cui istud nomen *καπίς*, competat, & cujus virtute reliquum semen ea, quæ hic prædicta sunt, exsequatur, extra dubium ponendum est. Quemadmodum & Abrahami semen, modo latius, modo strictius intelligendum est. Aliquando posteros ipsius ex Isaac & Jacobo

bo notat: ut *Gen. xvii. 8. Dabo femini tuo terram peregrinationum tuarum.* Aliquando specialius fideles ex ipsius posteris, qui ambulant in vestigiis fidei Patris Abrahami, & quibus facta est promissio hæreditatis mundi per iustitiam fidei. *Rom. iv. 12. 13.* Aliquando specialissime, eximium illum in semine Abrahami, qui fons futurus erat omnis benedictionis: ut *Genes. xxi. 18. In semine tuo benedicta erunt omnes gentes terra.* ὅς ἐστι *Xp̄stos. Quod semen est Christus. Gal. iii. 16.* Ita etiam ea, quæ hic dicuntur, suo modo communia sunt omnibus fidelibus: ita tamen ut quædam effecta primo ac præcipue adscribenda sint ei, qui in hoc semine eximius est, nempe Christus. Sicut Apostolus quoque distinguit semen *sanctificans, & sanctificatum*; quod utrumque ex uno est. *Heb. ii. 11.*

XVII. Rationes autem, cur Christus semen mulieris esse dicatur, duæ potissimum esse videntur; quarum altera Christo est peculiaris, altera ei cum reliquis hominibus communis. Communis hæc est: ut intelligeremus, eum fratrem & proximum nostrum esse, eodem nobiscum sanguine cretum. Homines enim Scripturæ phrasi vocantur ילדי אשה *nati muliere. Job. xiv. 1. & xv. 4. & xxv. 4. γεννητοὶ γυναικῶν. Mat. xi. 11.* cui peculiaris altera accedit, quod Christus mulierem quidem matrem habeat, *factus ex muliere. Gal. iv. 4.* nullum tamen virum Patrem; quippe ἀπατόρ. *Heb. vii. 3.* Conferri potest, *Jer. xxxi. 22. נקבה גבר, mulier circumdabit virum.* Etiam si enim ea hujus denominationis ratio locum non habeat in fidelibus, qui etiam semen mulieris dicuntur, sed ob aliam causam, mox explicandam; quum tamen Christus in hoc semine primas teneat, uti alio sensu ipse Diabolo caput conterit, alio fideles, ita & diverso ab iis significato semen mulieris vocatur. Verba quidem eadem de utrisque usurpantur; sed quia Christus longe reliquis præstantior est, ideo etiam Christo applicata sensum multo angustiores habent.

Cur Christus semen mulieris dicatur.

XVIII. Verum quidem est, Christum Adami quoque semen esse, cuius filius etiam dicitur, *Luc. i. 38.* quemadmodum & semen Abrahami, & filius Davidis, quoniam ex Virgine ab ipsis oriunda natus est. Magna tamen causa fuit, cur hic semen *mulieris* potius, quam *Adami* diceretur. Adamus enim in Scriptura proponitur ut origo peccati & mortis. Eva quidem prior peccavit: quum tamen non Eva, sed Adamus nominatum constitutus fuerit caput foederale totius generis humani, per Adamum peccatum & mortem in mundum introivisse dicitur. *Rom. v. 12. 14.* Idcirco is, qui nos a peccato & morte salvos facit, non considerari debuit, ut subordinatus Adamo, & ut ipsius filius: sed opponi debuit Adamo, ut secundus Adam, & caput alterius πατριᾶς. Quum tamen idem proximus & frater noster esse debuerit, nasci debuit ex muliere: & Adamus ipsi subordinari debuit tanquam filius ipsius per Spiritum

Non Adami?

& fidem. Etenim quum Deus hic, se inimicitiam positurum, dicat; inter mulierem cum semine suo, ac serpentem cum suo semine, sine ulla Adami mentione; necesse est, vel promissione hac excludi Adamum, vel sub semine mulieris comprehendi. Primum ut dicamus vetat pietas erga parentem, qui posteris suis veræ religionis auctor doctorque fuit. Neque secundum dicendum esse videtur, quia mulierem sub viro comprehendi & in eo cenferi, non contra virum sub muliere, rationi consentaneum est. Restat ergo, ut tertium dicatur: Adamum, quatenus origo peccati & mortis est, opponi Christo; quatenus salvus factus est, accenferi semini mulieris, cujus caput Christus est, atque ita Christo subordinari. Mulieris ergo semen Christus dicitur, quia Adamo, ceu corruptæ propaginis radici, tanquam melioris stirpis origo opponitur. Innuiturque, Adamum ipsum mulieri propter semen suum debere, quod salvus fiat.

1. Cor. XI.  
11. & 12.  
exponitur.

XIX. Huc, ni fallor, Paulus nos ducit, 1 Cor. XI. 11. 12. *Neque vir est absque muliere, neque mulier absque viro, in Domino. Sicut enim mulier ex viro est, ita & vir per mulierem: omnia vero ex Deo.* Cujus loci plenior commentarium eo, quem ex Viri alicujus eruditissimi Thesibus dabo, non memini me audivisse. Ut vir & mulier IN DOMINO sint, gratiæ & redemptionis per Christum partæ participes, mutuum sibi aliquid debent, neque id alter sine altero unquam consequutus fuit, aut consequi potuit. Uti enim mulier est *ἐκ τῆς ἀνδρός*, Ex VIRO, ex cujus costa formata fuit, quæ in Domino esse nequivisset sine viro, absque quo ne fuisset quidem in rerum natura; sic Vir in Domino est *διὰ τῆς γυναικός*, PER MULIEREM, quandoquidem mulier prior constituta fuit serpenti inimica, & Messias dictus semen mulieris: Vir autem eodem felicitatis pervenit per mulierem, quatenus Messiam, vi promissionis ab ipsa descendantem, fide apprehendit. Mulier est Ex VIRO, materialiter & naturaliter: non ita Vir Ex MULIERE (quod tamen dici posset, si tantum ordinaria nativitas intelligeretur, quomodo filii ex muliere sunt, Mat. 1. 3. 5. 6. & ipse Christus, Gal. IV. 4.) sed PER MULIEREM, quia non materialiter, sed spiritualiter, & supernaturaliter, per gratiam & fidem. Sic itaque Vir mulieri origo est *τῆς εἰκασ*, mulier viro *τῆς ἐν εἰκασ*. Verumtamen ne mutuo exinde superbiant, sibi que aliquid arrogant, additur, *τὰ δὲ πάντα ἐκ τῆς θεῆς*, OMNIA VERO EX DEO: cujus sapientia ac liberrima voluntate ordinatum fuit, ut mulier ex viro naturalem originem consequuta sit, vir ex muliere supernaturalem; sintque sibi mutuo debitores: gloria autem utriusque beneficii uni soli Deo, causæ summæ, in solidum maneat.

Quomo-  
do Chri-

XX. Patet hinc, eum Sospitatore promitti, qui homo & filius hominis futurus sit. Quum tamen idem hic describatur, ut fortior  
Dia-

Diabolo, qui per peccatum jus in hominem acquisiverat; consequens est, eum quoque verum Deum esse. Attribuitur enim ei, quod contritus sit caput serpentis. Id facit, I. Merito Satisfactionis suæ: & propterea tantæ eum dignitatis esse necesse est, ut conveniens λύτρον pro omnibus electis queat solvere. II. Efficacitate sui Spiritus omnem Diaboli potestatem paullatim abolens: atque ita se demonstrans ισχυρότερον esse τῷ ισχυρῷ.

stus caput  
serpentis  
conterat

XXI. MODUM, quo Sospitator hic salutem acquisiturus erat, exprimit Deus dicendo Serpenti, *Tu conteres ei calcaneum*. In quibus verbis est, I. Denunciatio passionum, Christo per Diabolum & instrumenta illius infligendarum, quibus ad tempus dejiciatur. Dum ipse caput serpentis pede suo conterit, omnique eum potestate exuit, serpens venenato morfu graviter sauciabit posticam pedis ejus partem, cogetque eum vacillare ac cadere. Nam calcaneis homo erectus insistit; iis graviter vulneratis, dejicitur. II. Prophetia resurrectionis ipsius. Neque enim caput ejus conteretur, aut cor vulnerabitur, aut ulla pars graviter afficietur in qua officina vitæ est; sed calcanei tantum lædentur, imo ne calcanei quidem, sed calcaneus alter tantum. Ergo sic dejicietur, ut mox resumtis viribus exurgat, victoremque se esse, universo mundo manifestum faciat.

Quomodo  
Diabolus  
ei con-  
terat cal-  
caneum.

XXII. Passiones hic denunciatae non solum BELLICAE sunt, uti eas non nemo vocat, quibus Serpens cum semine suo, ex odio sanctitatis & justitiæ, Christum impetivit; sed & JUDICIARIE, justissimo Dei Patris judicio Filio sponsori impositæ, ad demonstrationem justitiæ suæ, quæ prohibebat, ne peccata sine debita satisfactione dimittantur. Etenim Deus hic judicis personam agit. Sententiam dicit in Diabolum; pronuntiando eum aliquando perimendum esse. Sed & eadem Sententia Sponsorem hominum damnat ad eas Diaboli vexationes subeundas, quas jure victoris hominibus peccatoribus infligere Diabolus poterat; Malis quidem artibus dominium sibi in hominem acquisiverat. Postquam tamen homo, legitimo Domino suo, Deo, deserto, Diabolo se mancipaverat justitiæ Dei omnino exigebat, ut diabolo tanquam Dei commentariensi & carnifici, ad vexationem, poenam, damnationem subesset. Quo sensu Diabolus *potentiam mortis habere* dicitur; Heb. 11. 14. & quidem ex lege ac sententia Dei: *nam aculeum mortis est peccatum*, id est, peccatum mortem introduxit, & telum mortis, & telum mortis acutum fecit, ad hominem lethaliter vulnerandum: ἡ δὲ δύναμις τῆς ἀμαρτίας, ὁ νόμος, *Peccati autem vis, Lex est*. Hoc est, quod peccatum potestatem habeat hominem morte afficiendi, hoc habet vi Divinæ legis, quæ mortem peccatori interminata est. 1 Cor. xv. 56. Unde consequitur, quum Diabolus potestatem mortis

Passiones  
iis verbis  
Christo  
denun-  
tatae non so-  
lum Bellicae  
sed &  
Judiciae  
sunt.



in hominem obtineat; mors autem potentiam suam a peccato habeat peccatum a lege; potestatem istam Diaboli in hominem peccatorem hactenus omnino legitimam esse. Ea autem lex quum iustissima sit; non potest in ejus præjudicium vita peccatori concedi. Necesse ergo est, ut ei aliunde satisfiat: & Diabolus potestatem illam mortis, quam per peccatum acquisivit, vel in peccatorem ipsum, vel in sponsozem ejus exercent. Ita tamen, ut dum sponsozem morte afficit, suam sibi ipse mortem consciscat, & imperium omne in electos amittat, quippe quum mortis sponsozis justitiæ isti Divinæ, qua Diabolo potestatem in peccatorem concesserat, plene satisfactum sit. Ostenditur ergo his verbis, quomodo convenienter Divinæ justitiæ omnis potestas in electos Diabolo adimenda sit, quam tamen Divina justitiæ in peccatores dedederat: quia scilicet eam potestatem exerciturus erat in sponsozem hominum, ei mordendo calcaneum, sive eum afficiendo morte. Adeo ut passiones eæ, quæ hic Christo obventuræ prædicuntur, quam maxime Judiciariæ ac Satisfactoriæ sint. Confer ea, quæ notavimus *Lib. II. Cap. VI. §. XXIII. XXIV.*

Hæredes  
sunt  
1 Ipsa mul-  
lier.

XXIII. HÆREDES horum Bonorum constituuntur, I. *Ipsa mulier*, cum He demonstrativo, illa nempe foemina, quam priorem impugnauerat & expugnauerat serpens. Illius hic mentio fit, non cum exclusione mariti: sed quia illa, blanditiis Satanæ pellecta, majorem cum eo familiaritatem contraxisse videbatur; ideoque illius cum Diabolo hostilitas admirabilissimum Divinæ Potentiæ & Bonitatis effectum futurum erat. Tum etiam insignis est contumelia superbissimo spiritui non a viro dumtaxat vinci, sed a foemina, & ea quidem ipsa foemina, quam tam facile fraudibus suis superaverat. Denique hoc pacto clarissime elucescit, totum salutis nostræ opus Divinæ gratiæ deberi; Nam si Adamus hic diserte serpenti oppositus fuisset, quia & natura robustior ac prudentior erat, & ultimus a Diabolo superatus est; facilius hæc humano generi obrepisset cogitatio, per reliquias virtutis ac sapientiæ, quæ in Adamo erant, factum esse, ut novum cum serpente, sibi que felicitis, certamen aggressus sit. Sed quum hostilitatis initium in Eva, foemina, collocatur, quæ & per naturam infirmior, & prior superata fuit; liquido die liquidius est, solam Dei gratiam hic omnia facere.

II. Semen  
mulieris.

XXIV. II. *Semen mulieris*. Quo non omnes homines, sed electos fideles solum designari, distinctio illa docet, qua semen hoc opponitur *semini serpentis*. Serpentis autem semen improbos homines esse constat, qui sunt ex Patre Diabolo, *Joh. VIII. 44. 1 Joh. III. 8. & Filii illius mali. Mat. XIII. 38.* Mulieris ergo semen, est pia Evæ posteritas, Filii scilicet promissionis, qui λογίζονται eis σπέρμα, pro semine reputantur.

*patitur. Rom. ix. 8.* Atque hæc fortasse ratio est, cur pii semen *mulieris* vocentur, non semen *virii*; quia uti promissioni gratiosæ in solidum debebat mulier, quod opponeretur serpenti, tanquam cum ipso, non sine optato successu, dimicatura: ita etiam, non illi generationi filii, quos juxta legem naturæ, ex congressu matrimoniali, paritura erat, sed illi solum, quorum mater futura erat ex eadem promissione gratiæ, pro semine ejus hic censentur. Scilicet Eva, in quantum matrimonio juncta fuit Adamo, est naturalis mater omnium in universum hominum, etiam eorum qui semen serpentis dicuntur. Eadem tamen Eva, in quantum per hanc promissionem Dei, Serpenti, ut futura illius debellatrix, opponitur, solius seminis benedicti mater est, quod ex ipsa, non secundum legem naturæ, sed secundum promissionem gratiæ nascitur: quodque idcirco semen mulieris dicitur; illius nimis mulieris, quæ & quatenus opponitur serpenti.

XXV. MEDIUM, quo designati hæredes promissorum bonorum actu participes evadunt, est *Fides* in Sponsorem, quæ duplici ænigmatate innuitur. I. Quum omnes hæredes designantur communi nomine *Seminis*. Hoc enim notat unionem & communionem mysticam seminis, quod sanctificatur, cum eo, quod sanctificat; adeo ut, quod posterius fecit vel passum est, prius in ipso fecisse vel Passum esse censeatur. Istius autem unionis vinculum fides est, qua Christum accipimus, ei adhærescimus, & unus cum ipso Spiritus simus. *1 Cor. vi. 17.* II. Quum semini adscribitur conterere caput serpentis: quod quidem Christus solus facit obedientiæ suæ merito, & immensa spiritus sui virtute; sed & electi, in Christo, & virtute Christi, per fidem. Dux hujus certaminis Christus est, semen mulieris, κατ' ἑξοχήν, qui hostem prosternit & triumphat: sed post Christum & sub ipso fideles quoque militant, & virtute ipsius vincunt. Καὶ αὐτοὶ ἐνίκησαν αὐτὸν διὰ τὸ αἷμα τοῦ ἀγνίου. *Et ipsi vicerunt eum propter sanguinem Agni. Apoc. xii. 11.* Hoc est, idcirco quia sanguis Agni pro iis effusus est. Effusionem sanguinis Agni, qui semen Evæ est, non potest non sequi victoria, quam reliquum semen a serpente reportat. Porro ea victoria non obtinetur nisi per fidem. *Quicquid natum est ex Deo vincit mundum:* (consequenter Principem & Deum mundi hujus Diabolum *Eph. vi. 12. 2 Cor. iv. 4.*) & hæc est victoria, qua vicit mundum, nempe *fides nostra. 1. Job. v. 4.*

XXVI. Non debet nobis improbable videri, brevi sermone tot ac tam grandia fidei mysteria proposita esse. Nam & verba apta sunt significare, alibique in Scriptura significant, ea quæ diximus; & sapientia Dei dignum fuit, primitivæ Ecclesiæ succinctum aliquod compendium exhibere, quod artificiosa brevitate summam credendorum

Medium  
commu-  
nionis.

Car my-  
steria hæc  
breve &  
ænimasti-  
ce propo-  
sita sunt.

complecteretur ; & nostrum denique est, augusta omnia de sermone Dei cogitare, Neque præter rationem est, quod omnia quibusdam verborum ænigmatibus involuta fuerint. Neque enim primo die gratiæ crepusculo tam fulgidæ lucis claritas conveniebat, quanta reservata erat meridiei. Accedit, quod ne tunc quidem primis parentibus apparitiones suas Deus subduxerit: sed frequenti institutione, & gratiosa mentis illuminatione, ea quæ ad fidem & pietatem pertinent, iis exposuerit. Et hanc præcipue salutis promissionem eos uti pretiosissimum thesaurum sollicitè custodivisse, accurate meditados esse, mutuisque sermocinationibus sibi invicem liberisque suis explicasse, vero admodum consentaneum est. Huc nonnulla pertinere videntur, quæ Moysi breviter narrata, ulteriori commentario exponenda nobis sunt.

**Evæ no-  
men muli-  
eri post  
lapsum est  
imposi-  
tum.**

XXVII. Postquam Moses ea, quæ Serpenti, Foeminae, Adamo, dixit Deus, ordine recensuisset, subiungit Gen. 111. 20. אָדָם וְחַוָּה שָׁם אֶשְׁתּוֹ וְהָיָה כִּי יִקְרָא אִתָּהּ אָדָם כָּל הָיָי. *Et vocavit Adam nomen uxoris suæ EVA, quia illa fuit, vel facta est, Mater Omnis Viventis.* Non est necesse, ut hic *πρότερον ὕστερον* cum nonnullis fingamus, quasi hæc nomenclatura ante lapsum facta sit; eodem tempore, quo adiutorium recens sibi datum אָדָם Adamus vocabat. Causa enim dici non potest, cur eodem tempore facta esse pugnemus, quæ diversa occasione, aliisque interpositis historiis, narrat Moses. Fatemur quidem, fieri nonnunquam, ut aliquid Posterius narretur, quod prius gestum est; verum id non solet fieri, nisi propter materię affinitatem cum antecedentibus vel sequentibus. Quæ affinitas hic nulla est; nisi statuamus, nominationem hanc respectum aliquem habere ad sermones Dei antea Mosi memoratos, eo sensu, quem mox indicaturi sumus. Nec possumus probare, quod verbum אָדָם exponatur in plusquamperfecto, & *vocaverat*, ut sensus Mosi sit, longe fuisse deceptum Adamum, qui vitam sibi & posteris promiserat ab uxore; quam postea sensit esse mortiferam. Nam I. Verba sequentia, quæ rationem denominationis hujus explicant, non Adami sunt, in suo *σοχασμῷ* decepti; sed Mosi, rei veritatis ostendentis. II. Si Adami fuisse verba velimus, debemus וְהָיָה, *existit*, transformare in וְהָיָה, *erit*; & subintelligere, opinabatur, vel simile quid, hoc sensu; vocaverat Adam nomen illius Eva, quia opinabatur, illam fore matrem omnium viventium; quod tamen ex eventu secus esse didicit. Nos non sumimus nobis, ut tantum in sacrum textum audeamus. Valeat ergo illud nulla bona ratione nixum *πρωτὶ ὕστερον*.

. Ejus ridi-  
cula Origi-  
natio apud

XXVIII. Cur autem dicta fuit רַחֵם? Ridicule Rabbīnorum aliqui id nominis a רַחֵם derivant, quod in Piel *significare* vel *indicare* notat.

על שם שרשון, *eo quod loquacula fuerit, ut Baal Hatturim alt. Fagus, Rabbinos.* Hebræos ita id efferre, scribit: על שרשון דברנית ומצאפת, *Eo quod loquacula & garrula fuit, locutaque est cum serpente verba inutilia, donec comprehensa fuit in verbis suis, atque ita peccavis. Simul atque peccare fecit maritum suum vocavit eam שרשון.* Sed hæc Spiritui Sancto, longe aliam nominis rationem afferenti, repugnant. Non enim a שרשון sed a שרשון, vivere nomen hoc deducendum esse docet. Jod autem in vau mutatum esse, ut differitas aliqua esset inter nomen mulieris & bestię, quæ שרשון Hebraice dicitur, non male observavit *Aben Ezra.*

XXIX. Inepte *Lyranus*: *Eva in Hebræo sonat vitam, sed penalitatibus subjacet.* At omnium putidissime Historię Scholasticę Magister, *Petrus Comestor*: *tunc Adam deplorans posteritatis suę miseriam, vocavit uxorem suam Evam, quasi alludens ejulatui parvulorum. Masculus enim recens natus dicit A, Fœmina vero E, quasi diceret, Omnes dicent Evel A, quotquot nascentur ab Eva.* Condonari hoc misero Comestori, & infaulto illius ævo fortasse posset: sed absurditatem omnem superat, quod in tanta eruditionis luce ejusmodi nœnias pias contemplationes appellare in commentariis suis *Cornelius a Lapide* non erubuerit. Nihil enim in voce שרשון est, quod ærumnam vel poenalitatem connotet. Nos seria sectemur.

Ut &  
Lyranus  
ac Come-  
storem.

XXX. Rationem denominationis his verbis exponit *Moses*: *quia illa est, vel facta est, mater omnis viventis.* Per *Omne vivens*, כל חי, aliquando intelliguntur generatim omnes homines; ut, *Pf. CXLIII. 2.* Et certum est, excepto Adamo, quotquot unquam vixerunt, jam vivunt, & sæculis ætatibus vivent mortales, ex Eva matre ortum suum trahere. Sed si id solum hic spectaretur; quæri posset, I. cur Adamus uxorem potius omnium viventium Matrem, quam se eorundem Patrem dici voluerit, quum naturalis omnium ortus utrique pariter debeatur? II. Cur, ut ex serie narrationis Mosaicę ostendimus, post lapsum demum id nominis uxori indiderit, quando, si ad naturalem solum generationem attendas, non tam vivorum quam mortuorum parens facta erat? III. An totum illud negotium atque adeo notatu dignum esset; quum per se clarum sit, ex ea, quæ sola erat in mundo mulier, nasci debere, quotquot postea existituri erant?

Quo san-  
tu mater  
omnis vi-  
ventis di-  
catur.

XXXI. Satiusergo videtur, & tam Adami fide ac pietate, quam Divini Spiritus, hæc curate narrantis, spientia dignius, ut per omne vivens & Christum Dominum intelligamus, qui vitę fons est, & electos, qui cum ipso uniti per illius Spiritum vivificantur. Horum viventium mater שרשון, *עֵינֶיכֶם, facta est, scemina, per verbum promissionis, quo ipsi nominatim additum erat semen contritum caput Serpentis. Propterea Adam, qui peccando pater factus fuerat omnium morientium, 1. Cor. xv. 22. uxorem suam vocavit שרשון, ex fide promissionis Divinę, cre-*

dens juxta Dei verbum, neminem hominum veram vitam habiturum esse, nisi quæ ab ipsa dimanasset; cujus tamen principium non in ipsa muliere, sed in capite seminis ex ipsa nascituri, quærendum erat. Continet ergo hæc nomenclatio, confessionem fidei, quæ in Adamo erat, & testatur, quid Adamus filios suos docuerit, & ad quam spem eos per verbum Dei formaverit: qui in ipso nomine uxoris suæ, quoties illam compellaret, voluit exstare *μνημόσυνοι* promissionis Dei, & suæ spei.

Martyr  
& Fagius  
laudaci.

XXXII. Jam dudum hæc vidit & docuit præstantissimus Sacrarum Literarum interpres, PETRUS MARTYR: qui ita in hunc locum commentatur. *Adam cognito de illius semine contrituro Diabolum & mortem, jure & merito hoc nomine illam voluit appellari, quo semper ei occurreret hæc salubris Dei promissio.... Jam spem conceperat Adamus vita per Christum, quumque uxorem jam novisset ejus futuram matrem, & omnium illorum, qui per eam erant vivificandi, Evam appellavit, quod esset Mater viventium.* FAGIUS similiter: *Nec dubium est, quin Adam imponendo uxori id nominis, ad promissionem de semine caput serpentis conculcaturo respexerit, qua spem animo conceperat, suam illam conjugem eam fore. Ideo eam יוֹדָה, quod nos Eva dicimus, nominavit, quasi dicas vivificatricem, quod mortuum genus hominum per ipsius partum vivificandum erat.* Vide etiam PAREUM, aliosque in eadem omnia euntes.

\*Origen  
Jus  
Kaini ex-  
ponitur.

XXXIII. Eandem spem testata fuit Eva, quando primogenitum suum enixa exclamabat יוֹדָה אֵת שֵׁם אֱלֹהֵי יְהוָה, Gen. IV. I. Quæ verba non uno modo ab interpretibus redduntur. Nobiscum Reuchlino, Pellicano, Fagio, Forsterio, Luthero, Clario, Scindlero, aliisque compluribus, simplicissimum videtur, אֵת hic sumere, uti solet pro nota quarti casus, ut sensus sit, *acquisivi virum Jehovaham*. Notabilis est Chaldaica Jonathani paraphrasis. אֵת יוֹדָה אֵת שֵׁם אֱלֹהֵי יְהוָה דְּרֵיהּ חַסִּידָהּ לְמִלְכָּא יְהוָה. Et Adam cognovit Evam uxorem suam, qua desiderio istius Angeli tenebatur, & concepit, & peperit Kainum, & dicit: *Acquisivi virum Angelum illum Domini.* Scilicet pia mater continuo animo suo versans promissionem illam Dei, quæ omnis consolationis fundamentum erat, simulatque puellum peperisset, in illius genitura argumentum præstandæ promissionis animadvertit. Læta ergo exclamat, se jam acquisivisse semen illud promissum: non quod existimaverit, Kainum illud semen esse, sed quod in nativitate Kaini primam generis humani multiplicationem cerneret, & in ista multiplicatione argumentum suæ spei de semine κατ' ἐξοχήν suo tempore oriundo. Quod quum magna fidei ἀλλοφροσύνη apprehenderet, & ut præsens sibi fisteret, ita nunc loquitur, quasi re ipsa in nativitate Kaini id obtinisset, quod, argumento ab ista nativitate desumpto, certa fide præstolabatur. Nam si existimasset, ipsum Kainum promissum Messiam ipsumque Jehovaham esse, eum, licet filium suum, religioso cultu venerata fuisset, &

hoc

hoc pacto reatus se fecisset horrendæ idololatricæ; donec, vel ex pueri indole, vel aliunde monita, errorem suum agnovisset. Quæ ut de communi parente credamus, non finit pietas. Porro eximiam confessionem edit de persona Messiae, quem agnoscit *ῥαδὺς ῥωπῶν*. Hominem eum esse declarat, quando *Virum* nuncupat; ita tamen ut præstantiam illius supra cæteros mortales connotet: nam ita opponi solent *אִישׁ* & *אִשָּׁה*, ut hoc præstantiam, illud vilitatem significatu suo involvat. Fuit sane Christus in exinanitione sua *אִישׁ וְלֹא יָדָהוּת*, *vermis & non Vir*, Ps. xlii. 7. attamen in se consideratus est *אִישׁ יְמִין יְדִידָהוּת* *Vir dextra Domini*, Ps. lxxx. 18. & *אִישׁ יְמִין דָּוִד* *Vir Socius ejus*, Zach. xiii. 7. Sed & Deitatem Messiae profitemur, quando eum *Jehova* nuncupat; & utramque naturam in una persona unitam fore significat, quando hæc duo jungit, *אִישׁ אֱלֹהִים*. Paulus vocat *θεὸν φανερωθέντα ἐν σαρκί*, *Deum manifestum factum in carne*. 1. Tim. iii. 16.

XXXIV. Adversus explicationem hanc tria præcipue obijciuntur. Objectio-  
nes.  
I. Si hoc voluisset Eva, dixisset *אִישׁ אֱלֹהִים*, nota accusativi casus geminata: versu sequenti *אִישׁ אֱלֹהִים* *אִישׁ אֱלֹהִים*, *ἄδελφόν αὐτῆς* *ἀδελ.* II. *אִישׁ* sæpe idem valet quod *אֱלֹהִים*, cum; *אִישׁ אֱלֹהִים* ergo est *cum Domina*, *σὺν θῆῳ*: quo significatu Jonathan operatus dicitur *אִישׁ אֱלֹהִים*, *cum Deo*. 1. Sam. xiv. 45. i. e. Deo duce & auspice, vel Deo juvante & opitulante. III. Pietas suadet de fide matris Evæ recte sentire, eam nempe scivisse & credidisse Messiam non tantum *ῥαδὺς ῥωπῶν* fore, sed & semen mulieris, i. e. filium Virginis. Absque hoc enim fides error fuisset, non fides: neque fuisset solatio. Non potuit igitur existimare, se Kainum acquirendo Messiam acquisivisse, quum, Kainum filium Virginis non esse, exploratissimum haberet.

XXXV. Respondemus: AD PRIMUM. Geminationem illam particulæ frequentem quidem, sed universalem tamen non esse. Exempli in contrarium exstant. 1. Reg. xi. 23. *אִישׁ אֱלֹהִים* *אִישׁ אֱלֹהִים*. *Jes. vi. 11.* 2. *אִישׁ אֱלֹהִים* *אִישׁ אֱלֹהִים*. *Ezech. iv. 1.* *אִישׁ אֱלֹהִים*. 1. Sam. xv. 4. *אִישׁ אֱלֹהִים* *אִישׁ אֱלֹהִים*. Ubi nota accusativi casus sine geminatione inter duo nomina collocatur. AD SECUNDUM. Non imus inficias, quod *אִישׁ* sæpe æquipolleat *אֱלֹהִים*; verum nullo exemplo probari potest, id, quod Græci dicunt *σὺν θῆῳ*, Hebræos sua lingua dixisse, *אִישׁ אֱלֹהִים*, vel *אֱלֹהִים אִישׁ*; quum constet, eos id dicere solere *בְּיָדָהוּת* & *בְּאֱלֹהִים*. Quod ex 1. Sam. xiv. 45. adducitur, huc non pertinet. Non enim ibi exstat *אִישׁ*, sed *אֱלֹהִים*. Quæ particulæ, etiamsi aliquando æquipolleant, confundi tamen non debent. Tum etiam, *cum Deo* non tam significat Dei auxilio, quam Deo non improbante. Confer. *Jes. xxxvi. 10.* Majori specie urgetur *אֱלֹהִים*, 1. 2. *אֱלֹהִים אֱלֹהִים* *אֱלֹהִים אֱלֹהִים*. *Es ego plenus sum*

*sum virtutis a Spiritu Jehova*, id est, ope illius Spiritus. & *Habac.* 111. 13. *יצא לי ששן עמך לי ששן עמך*, *Egressus es ad salutem populi tui*, ad salutem cum Christo tuo, id est, illius opera procurandam. Verum prior locus commodissime exponitur, *Plenus sum virtutis cum Spiritu Jehova*: ut non minus virtutis quam Spiritus plenus dicatur. Et posterior ita interpretandus videtur, ut Deus cum Christo egressus ad salutem dicatur. Ad TERTIUM. Responderi posset, nihil eum absurdi facturum, qui existimat, non omnia ea, quæ ad Messiae conditionem pertinent, æque explorata Evæ fuisse. Quis asseret, scivisse eam, fore ut Messias ex Virgine nasceretur, quum ipsa beata Virgo de eo non cogitaverit, quando, se Messiae matrem fore, ex Angelo audiebat; uti ex his illius verbis constat, *quomodo futurum est hoc, quum virum non cognoverim?* *Luc.* 1. 34. Non negamus, Messiam semen mulieris *κατ' ἐξοχήν* eo quoque nomine dici, quia ex virgine nasciturus erat: quod postea Sacer Spiritus clarius prædixit. Sed nefas non est dubitare, an mater Eva ex illis vocabulis id collegerit; quum lingua sancta illi quoque nati muliere dicantur, qui ex matrimonio concepti sunt, ut §. XVI. ostendimus. Qui id dicit, non peccat adversus pietatem communi Matri debitam; quum certum sit, Deum suos in cognitione Messiae gradatim promovisse: neque fidem Evæ evertit, quæ vera & salutaris esse potest, etiam si hac imperfectione, ignorantia, & errore laboraret; uti veram, id est, salutarem, non hypocriticam, de Christo fidem habebat Petrus, etiam si male existimaret Christum Sospitatore suorum fore sine passionibus. *Mat.* XVI. 22. Sed nulla nos cogit necessitas, ut quicquam horum omnium dicamus. Non enim asserimus, quod Kainum pro ipso Messia amplexa mater sit. Verum in Kaini nativitate argumentum præstandæ promissionis Dei, & stabilimentum fidei suæ eam animadvertisse opinamur, quod ista *ὁνομαθεσία* declaratum & memoriæ consecratum voluit. Ac propterea totum illud argumentum nos non tangit.

'Ονομα-  
θεσία  
Sethi.

XXXVI. Prætereundum etiam non est, quod postea, alium Filium enixa, SETHUM eum appellaverit, *πῶ*, quia, *πῶ posuit mihi Deus semen aliud pro Abel, quem occidit Kain.* *Gen.* IV. 27. Et hoc verbum spiritualis fiduciæ & prophetiæ plenum est. Vocat eum *Semen*, respiciens ad promissionem, & prædicens, non modo fore, ut ipse inimicitias cum serpente gerat, sed & ex eo eximium illud semen prodeat, cujus virtute serpentis caput conterendum sit. Hoc semen a Deo datum prædicat, quippe quod non solius naturæ, sed & gratiæ ac promissionis filius sit, & a Deo ipso reputetur *αἰς σπέρμα*. Neque datum modo a Deo testatur sed & posuit, id est firmatum Dei consilio, ut non trucidetur, sed fundamentum sit Ecclesiæ subsequenti, quæ in huius posteritate, serie non interrupta, propagetur, & servetur usque ad Christum. Nam verbum

humponere destinationem & firmitatem significat, ut *Job. xv. 16. Blessi vos, & posui ut euntes fructum feratis.* Agnoscit ergo Sethum pro electo semine, & parente illius in quo electi sunt, quotquot sunt electi.

Henochi  
vaticinium

XXXVII. Viguit Doctrina ista salutis in ore & animis fidelium, qui coeperunt *חנני שבב נרבי*, id est, ut Aquila transtulit, *καλιδιαται εν ονέματι κυρις*, vocari nomine Domini, *Gen. iv. 26.* & dicebantur *חנני בני*, filii Dei, opposite ad filios hominum. Imprimis memorabile est Henochi vaticinium, quod Judas Apostolus, non ex libro aliquo Apocrypho neque ex mera traditionis *ἀγράφου* auctoritate, neque per sagacem ex historia Mosaica conjecturam, sed ex instinctu ejusdem illius Spiritus, qui prophetare Henochum fecit, in Epistola sua his verbis refert, comate 14. 15. *Prophetauit autem etiam de istis septimus ab Adamo Enochus, dicens, ecce venit Dominus cum sanctis millibus suis: Ut ferat judicium adversus omnes, & redarguat quicumque ex ipsis sunt impii &c.* Dominus ille, de quo Enoch loquitur, Messias est, in unitate essentiae idem cum Patre & Spiritu Sancto Jehova, cui etiam omnis potestas data est in coelo & in terra, & cujus speculum singulari ratione electi sunt. Illius adventus prædicit, verbo præteriti temporis, ad exprimendam indubitatam rei certitudinem, & fidei suæ *πληροφορίαν*. In adventu isto *myriadibus angelorum* comitatum Messiam fore vaticinatur. Quod factum est, quando veniebat in Sinai daturus legem, *Dent. xxxiii. 2.* item quando veniebat in carnem, ad visitandos suos: nam tum quoque multitudo exercituum coelestium, nativitatem ejus nuntiantium, in tractu Bethlehemitico videbatur, atque audiebatur. *Luc. ii. 13.* Sed illustri imprimis modo futurum est, quando *veniet cum nubibus cali, & omnes Angeli sancti cum illo. Mat. xxv. 31.* Finis hujus adventus erit, *ad faciendum judicium de omnibus: nam Pater omne judicium Filio dedit. Job. v. 22. & redarguendum omnes impios*, famendo de iis debitas impietati poenas. Hæc seculi sui hominibus prædicavit Henoch, qui, cupiditatibus suis indulgentes, adventum Domini futurum esse improbe negabant. Et quum prophetia illa universalem veritatem contineat, in omnes eos quadrat, qui secundum concupiscentias suas ambulant. Atque hæc illa sunt, quæ de doctrina salutis, in prima mundi ætate, tradita esse, Sacræ Literæ testantur.

## C A P. II.

### De doctrina Gratia sub Noacho.

I. **N**OVI mundi caput NOACHUS fuit, cujus ævo quid de doctrina salutis fuerit traditum, nunc nobis exponendum est. Quum primum natus esset, parens Lamechus nuncupavit eum *חנן Noach*, dicens

NOACH.



וְיִנְיָ יְיָ הִic cōsolabitur nos de opere nostro, & de dolore manuum nostrarum, de terra, cui maledixit Jehova. Gen. v. 29.

Hic nominis significatio & etymologia.

II. Notandum hic primo, nomen puero impositum, illiusque *ετυμολογία*, tum ratio *ενομαθισίας* a pio parente allegata. Nomen est *יְיָ Noach*, quod, si Grammatices regulas sequamur, derivatur a radice *נָח*, *quiescere*, cui vocabulo & literis & notatione affinis est vox *נָח* *cōsolatus est*, qua in ratione etymologias assignanda Lamechus utitur. Qui in literarum apicibus & minutis hærent, verba textus corrigere nituntur: voluntque melius esse, ut loco *וְיִנְיָ* legamus *וְיָי*, sicut & LXX, ut propius accederent ad vocis etymon, & nomen *יְיָ* vertunt, *ἐν ὁ ἀναπαύσει ἡμᾶς*. Sed quum Hebræi codices, & Paraphrastes Chaldæus, & Hieronymus cæterique, constanter legant *וְיִנְיָ*, ingenio nostro tantum non audemus tribuere, ut quicquam immutatum velimus. In nominibus propriis a verbo deductis frequens est, ut litera aliqua vel addatur, vel dematur, vel transponatur: neque accurata semper etymologiæ Grammaticæ ratio observatur: quod variis exemplis ostendit Cl. Buxtorfius, in *Vindictis Veritatis Hebraicæ* p. 267. Unde Hebræi Doctores eo fere inclinant, ut statuant *יְיָ* derivari a *נָח*, resecta ultima litera. Sed probabilior nobis *Merceri* sententia esse videtur, afferentis, hic tantum allusionem esse vocum, non rationem ex etymo nominis petitam: quia verbum *נָח* & voce & simul significatione vicinum est nomini *יְיָ*, quod *quietem* sonat, *ac cōsolationem*: & ut doctè docet Aben-Ezra, *etiam cōsolatio, est quies a dolore cordis*: solentque Hebræi magis habere rationem sensus, quam verborum & vocum. Quum ergo ratio nominis ita effertur, *וְיִנְיָ יְיָ*, *Hic cōsolabitur nos*, perinde prorsus est, ac si dixisset, *וְיָי יְיָ*, *Hic faciet nos quiescere*, quia sensus eodem recidit, & qui solatur, quietem facit a molestia. Sed hæc minutiora sunt: observanda tamen, ut fartam tectam Hebræorum Codicum integritatem tueamur. Hoc constat, voluisse Lamechum in filii sui nomine voti ac spei suæ *μνημόσυνο* extare.

Quid per nativitatem Noach sibi pollicitus sit Lamech.

III. Videamus ergo, quid eo sibi nomine proposuerit. *Hic*, inquit *solabitur nos de labore, sive de opere nostro, & de dolore manuum nostrarum, & de terra, cui maledixit Jehova*. Tria hoc sermone continentur. I. *Malum*, sub quo cum cæteris piis ingemiscebat. II. *Bonum* illi malo oppositum, quod spe præconcepibat. III. *Boni istius Auctor*.

Malum de quo queritur.

IV. *Malum*, de quo conqueritur, constituit in *opere nostro. & dolore manuum, & terra a Deo maledicta*. Carnales Judæi fere restringunt ad illam corporis molestiam, quam in terræ cultu ex maledictione Dei sustinere homines coguntur, voluntque, hæc verba nil nisi prophetiam continere de agriculturæ modo faciliore, quem reperturus Noachus erat. Sed non tam delicatæ & vitæ hujus commoditatibus addicti pii parentes

rentes fuerunt, ut in illis corporis molestiis miserie sue maximam partem constituerint. Altius hæc spectant. Per *וַיַּעַן*, *opus nostrum*, præcipue intelligenda sunt opera illa mala, quæ moerorem angoremque animo afferunt. Nam illa sunt *nostra* opera, opposita *operi Dei* in nobis. Illa incredibilem molestiam ac lassitudinem piis creant, ut *onus grave graviora in sunt, quam ut ferre queant*. Ps. xxxviii. 5. Illa tunc tubivis in fumano nequitie gradu conspiciebantur. Unde homines illius ævi *ἀνθρώποι ἀρεβών, mandam impiorum*, Petrus nuncupat. 2 Pet. ii. 5. Sed accessit operibus istis malis, *dolor manuum*. Huc refero omnem laborem miseriam ac ærumnam huius vitæ, quæ in sudore vultus nostri toleranda est. Hunc comitatur incolatus *terra maledicta*, in qua quamdiu degit homo, fieri non potest, ut plena sanctitate animæque tranquillitate fruatur, & lucem faciei Divinæ in gloria videat. Nam donec in corpore *ἐνδύμενοι, ἐνδύμενοι ἀπὸ τῆς Κρίσεως*. 2 Cor. v. 6.

V. Bonum malo huic oppositum, quod voto ac spe præconcepibat, vocat *Consolationem*. Quæ consistit in allatione efficacis alicujus remedii adversus illa mala, vel in ipsa malorum ablatione. *Consolatio* adversus *opera nostra* vitiosa, sita est in eorum expiatione & remissione, in intimatione sententiæ illius gratiosæ, quæ propter Messiam condonantur, & denique in eorundem expurgatione per Spiritum Sanctificationis. *Consolatio* a miseriis hujus vitæ, sive a *dolore manuum nostrarum*, partim est ærumnæ illius imminutio per concessionem rerum prosperiorum lætiorumque, partim animæ in interiori Divinæ bonitatis gustu delictio, per quam fit, ut ex amore Dei alacriter ac lubenter omnes eos dolores sustineat, quibus exercere suos vult. *Consolatio de terra, cui maledixio Deus*, consistit in initis ac præludiis coelestis gloriæ, quæ hic quoque electis indulgentur; sed præcipue in liberatione a corpore mortis, & translatione animæ in meliorem conditionem ac sedem. Ad hæc bona Lamechus anhelabat, hæc volebat, hæc sperabat: & hujus voti ac spei monumentum in nomine filii sui exstare volebat.

Bonum  
quod ex-  
spectat.

VI. Verum, quem tanti boni *Auctorem* indigitabat, quam filio suo nato diceret, *Hic consolabitur nos?* Sunt qui putent, ipsum, in persona deceptum, in Noacho Messiam sibi promississe. Et sane quum fideles ejus ævi maxima certissimaque spe ad promissionem in Paradiso factam contenderent, eamque desiderii suis præoccuparent, atque interim de tempore impletionis nihil certi haberent; non est admodum incredibile, quod, præ vehementia desiderii sui, in filiis sibi natis, semen promissum polliciti sibi sint. Sed obstant ea, quæ de Matris Evæ expositione nuper monuimus. Tutius ergo videtur, ut credamus, quod occasione hujus filii erexerit se in spem maturantis adventum suum Messie, eumque ut Messias antambulonem & typum, ac eximium præ-

Illius Auct.  
Auct.

Onc. Foss,

Nam

præ-

præconem consideraverit. Pulchre MARTYR : *Ego potius crederem, eos agnovisse, ejusmodi filios suos futuros umbram Christi, & idcirco eos talibus nominibus voluisse insignitos. Nobis autem non solum fuit umbra Christi &c.* Licet vera & realis consolatio a Messia ejusque Spiritu unice proficiscatur; de Noachó tamen vere vaticinatus est Lamech, fore, ut ille quoque solatium miseris mortalibus afferat. Id fecit, I. cum insigni zelo prædicando justitiam fidei: de quo mox. II. Precibus suis, & præcipienti vitæ probitate, dilationem imminentis exitii impetrando, donec exstructa foret arca. Nam ut deprecationibus suis plurimum valentem Danieli & Jobo eum annumerat Ezechiel, Cap. xiv. 14. 20. III. Servando pereuntis mundi reliquias in arca, quam Dei jussu struxerat, plurimaque peragendo, in quibus typum Messiae, ac spiritualium & celestium beneficiorum, per Messiam obtinendorum, cernere licebat. De quibus rebus plenius posthac erit differendum.

Noach  
Præco Ju-  
sticie.

VII. Diximus modo, Noachum fuisse *Præconem justitie*. Id a Petro habemus, qui eum *κέρυμα, ὁ δειμασιούνης* nuncupat. 2. Pet. 11. 5. Significat autem justitia non modo virtutem hominis, hoc est, rectitudinem, & convenientiam cum norma: sed & eam Messiae obedientiam, qua justificatur impius; *justitiam, quæ ex Deo est, & propria justitia nostra* opponitur. Rom. x. 3. Utriusque præco Noachus fuit. Non modo seculi sui homines ad vitæ probitatem ac pietatis studium pathetice hortabatur, ut effugerent imminentem iram: sed & eam Messiae justitiam prædicabat, quæ uti ratione efficacitatis suæ heri & hodie & in secula eadem est, ita etiam *testimonium habet a Lege & prophetis*. Rom. 111. 21. & cujus ipsum hæredem fuisse, Paulus auctor est, Heb. xi. 7. Nam quum tantum bonum non ignoraret, imo ipse eo frueretur, a pietate viri, & zelo, quo in gloriam Dei & salutem fratrum suorum ferebatur, oppido alienum est, ut iis id occulerit.

Exponi-  
tur 1. Pet.  
111. 19.  
20.

VIII. Exponendus hic est & alius Petri locus, 1. Epist. 111. 19. 20. Ubi de Christo, qui vivificatus est per Spiritum, ita loquitur. *Ἐν ᾧ (πνεύματι) καὶ τοῖς ἐν φυλακῇ πνεύμασι προεβλήθη, ἅπειθ' ἤσαντο πότε. In quo etiam spiritibus, qui sunt in carcere, profectus predicavit, qui olim non obedierunt, quum semel expectabat ille Dei patiens animus in diebus Noæ, quum construeretur arca.* Quam varie hic locus ab interpretibus habitus sit, nihil attinet dicere; quum tamen bene inspectus sensum fundat facilem ac planum. Christus Dominus, inquit, qui ex mortuis immensa Spiritus sui virtute suscitatus est, jam olim, *προεβλήθη, profectus est*, prodiit e cælis, non quidem in assumpta & personaliter sibi unita carne, sed in demonstratione ejus *Spiritus*, quo prophetas formavit, & inter eos quoque Noachum. Horum prophetarum, Spiritu suo excitatorum, ministerio ipsa predicavit. Nam non tam propheta loque-

loquebantur, quam, *qui in ipsis erat, Spiritus Christi, 1 Pet. I. II.* Isto præconio ad fidem & resipiscenciam invitavit *spiritus*, id est, eas hominum animas, quæ nunc a corpore separatæ sunt, quales *spiritus* dici solent, *Heb. XII. 23.* qui nunc sunt *in τῇ φυλακῇ, in carcere, in ὕψω*, ut habet interpres Syrus, *in inferno*, confer *Ap. XX. 7.* quippe qui fuerunt *immorigeri*, & rejecerunt præconium Christi per Noachum, quando Divina bonitas ac patientia ad poenitentiam illos vocabat. Docet ergo Petrus, Christum olim, & speciatim in diebus Noë, prædicasse suo Spiritu per prophetas; & quid nisi se ipsum, & fidem ac resipiscenciam, quibus ad eum itur? Quo sensu etiam *Cap. IV. 6.* scribit, *mortuis prædicatum esse Evangelium*, olim scilicet quando vivebant. Uti eadem intentione Naomi nupibus suis dicebat, *Rut. I. 8.* *Sicut fecisti cum mortuis, & mecum.*

IX. Neque *αὐτοῖς*, & sine auctoritate, Petrus præconium prophetarum, & nominatim Noachi, ad Christum refert. Nam Christus ipse, qui se *Jehovam redemptorem vocat*, diserte proclamat, *πρὸς πάντας τοὺς αἰῶνες, non ab initio in occulto locutus sum. Jes. XLVII. 1. 16. 17.* Quod quid aliud est, quam, jam inde ab initio publice prædicavi? Et omnino credibile est, Petrum respexisse ad *Gen. VI. 3.* *Et dixit Jehovah* *ἐγὼ εἰς τὴν γῆν ἢ οὐκ ἀντιτεταται, non contendet, disceptabit, vel rixabitur Spiritus meus cum homine in æternum*; id est, non semper frustraneis hortationibus & increpationibus per prophetas Spiritu meo agitados adversus vitia ipsorum pugnabo; sed, determinato centum & viginti annorum tempore, patientia mea atque itæ dilatione invitabo eos ad poenitentiam; quo elapso, diluvio omnes perimam. Unde liquet, *Jehovam* tempore Noë cum hominibus per præconium Spiritus disceptasse. Spiritum istum cujus instinctu verbum vitæ annuntiatum est, merito Petrus *Spiritum Christi* dicit: non solum quia non minus Spiritus Filii est, quam Patris; sed & quia fructus sponsonis Christi est, quod verbum gratiæ homini peccatori proponatur. Spiritus ergo id verbum prædicans singulari appropriatione Spiritus Sponsoris Christi indigitari potest. Omnia huc tendunt, ut sciamus, eandem doctrinam salutis, de eodem Christo, & per eundem Christum, mediantibus prophetis, ab omni retro antiquitate prædicatam esse.

X. Non possum hic intactam præterire insignem GROTII *εἰς βλαστον*, qua luculentum hoc Petri testimonium corrumpit. Invidere nobis videtur, quod Christum illiusque opera in præcis ætätibus inveniamus idcirco ea, quæ temporibus Noë a Christo peracta dicuntur, torquet ad res ab Apostolis Christi gestas, & ad Evangelium, quod Gentibus prædicatum est. Per *spiritus, qui in carcere sunt*, intelligit *animas hominum in corpore, velut in vagina, contentas*. Scin, quomodo id pprobet? Petrus inquit, *similitudinem sumit a temporibus Noë*. His dicebat

De Christi præconio per Noachum Moyses quoque testatur. *Gen. VI. 3.*

Grotii *εἰς βλαστον*

Deus, *אֵל בְּרַחֲמֵי יְיָ* id est, si proprietatem vocum sequimur, non est  
 ut in vagina detentus sit Spiritus meus in homine: h. e. non erit inutilis ani-  
 mus, quem ei dedi (*Sapient. XII. 1.*) sicut ensis in vagina, qui nihil ef-  
 ficat ejus, ad quod factus est. Pergamus. *Carcere* solet dici *φυλακή*. Est  
 autem vagina velut *carcer gladio*, Chaldaei *רִגְלָא*, vagina. Eodem modo  
 corpus hominis Chaldaei vocant, ut *Dan. VII. 15.* & in Thalmudicis saepe.  
 Ad ea autem verba, qui olim immergeri fuerunt &c. notat. *Quales*  
*animi olim Noe temporibus non obtemperarunt. Loquitur quasi iidem fuissent*  
*& fuerant iidem spiritus, sive animi, non ἀνθρώπων, ut Aristoteles loquitur, sed*  
*genere, id est animi pariter Deo inutiles, illi scilicet, qui Noe praedicationi*  
*non obdixerunt. Homines a Deo plane abalienati Noe non crediderunt, Christo*  
*crediderunt.* Si intricatas Illustris ceteroquin Viri fermocinationes pro-  
 be intelligo, summa sententiae ipsius huc recidit. Christus, per Spiri-  
 tum missum in Apostolos, praedicavit Evangelium gentibus, quorum  
 animi in corpore, velut carcere, ac vagina, reconditi erant, quique  
 iidem merito censentur cum immergeris hominibus, qui tempore  
 Noe vixerunt, iidem, inquam, non numero, sed imitatione impro-  
 bitatis. Horresco haec talia legens, & videor in iis videre animum,  
 qui non vult, Spiritum Sanctum id dixisse, quod revera dixit, & qui  
 eruditione sua turpiter abutitur. Id nunc ostendamus.

*Refuta.*

XI. I. Absurda est explicatio verborum Dei *Gen. vi. 3.* licet ex Heb-  
 raeis & Christianis Doctoribus approbatores nonnullos habeat. Videat-  
 ur inter alios *Buxtorfius in Fundic. Veris. Hebra. p. 639.* Nusquam enim  
 in Sacris literis anima hominis dicitur Spiritus Dei. Est quidem a Deo  
 in homine formatus: *Zach. XII. 1.* non tamen Spiritus Dei, sed *רוּחַ*  
*בְּנֵי אָדָם, Spiritus filiorum hominis Eccl. I. 21.* & *πνεῦμα τῶ ἀνθρώπου*  
*τὸ ἐν αὐτῷ* vocatur. *1 Cor. II. 11.* Frustra in contrarium allegatur *Ezech.*  
*XXXVII. 14.* & *Ps. CIV. 30.* ibi enim Spiritus Dei non animam aut vi-  
 tam creaturarum, sed vitae istius auctorem notat. Nec patitur analogia  
 Gramatices ut *רוּחַ* *Jalon* a *רִגְלָא* derivetur: tum enim mutari deberent  
 puncta. Litera *Dalet* deberet habere *Dagesch forte*, propter exclusum  
*Nun*, & sub *Jod* deberet esse *Chirek*. Ut taceam, nec apud Thalmudi-  
 stas, nec apud Chaldaeos, nedum in Sacris Veteris instrumenti libris,  
 verbum exstare a nomine *רִגְלָא* derivatum, quod *desineri in vagina* no-  
 tet: sicut, praeter rationem, & auctoritatem omnem, haec explicatio  
 temere urgeatur. II. Absurdior est illorum verborum ad verba Petri appli-  
 catio, quasi, quid sint *τὰ ἐν φυλακῇ πνεύματα*, inde intelligi queat.  
 Nam aliud certe est *spiritus* Dei, aliud sunt *spiritus hominum immergeri-  
 rum*. Et ut demus, in Hebraeo verbum exstare a *רִגְלָא* vagina deriva-  
 tum, quod tamen non damus, aliud sane est *רִגְלָא* vagina, quod lex-  
 vertunt *καλὸν*, *1 Paralyp. XXI. 27.* aliud *φυλακή*, quod Venerabili

Bene observante, ubi *quarta natiis pariter* non significat, pro *carere* semper accipitur. Quænam denique hæc est commentandi methodus? Petri verba, τὰ ἐν φυλακῇ πνίματα, explicari debent ex Gen. vi 3, πττ ρτ. Porro ρτ explicari debet ex τττ. Rursus τττ est φυλακῇ, quia vagina est carcer gladio. Denique φυλακῇ animæ est corpus. Ergo τὰ ἐν φυλακῇ πνίματα apud Petrum notant animos corpore velut in vagina contentos. Quam longe petita, incerta & vana sunt omnia? III. Otiosum absurdissimum est, Gentiles, quibus prædicarunt Apostoli, eosdem, statuere cum iis immorigeris, qui vixerunt tempore Noæ, qui non modo alterius seculi, sed &, plurimorum seculorum interstitio, alterius, mundi homines fuere. Ablegat quidem nos Grotius ad librum suum secundum de jure belli & pacis. Cap. ix. 3. ubi probat, populum eundem hoc tempore putari, qui abhinc centum annis fuit, quamvis illa, quæ populum facit, & mutuis nexibus vincit, communio, jus unitatis suæ servat. Quod utique verum est, sed ad rem propositam nihil facit. Nam illi, quibus Apostoli prædicarunt, Gentiles nullo mutæ unionis vinculo ad eandem societatem cum Noë contemporaneis conficti fuere. Qui fuerunt immorigeri, quum arca apparabatur, illi omnes diluvio funditus deleti sunt, neque ex eorum ullo quisquam inter gentes originem duxit: ut, quomodo in unum cum gentibus populum coire potuerint, capi animo nequeat. Quid quod Petrus adeo non in unum corpus compingat sui seculi infideles cum iis, qui tempore Noë erant, ut contra κόσμον illorum ἀστῶν, ἀρχαῖον κόσμον vocet, 2 Pet. ii. 2. 5. & τὸ τότε κόσμον τῶ νῦν κόσμῳ opponat. Cap. iiii. 6. 7. Morum similitudo non sufficit, ut pro uno populo censeantur. Quisquamne, qui ad verbum Dei contremiscit; Divino Apostolo tam insulsum sermonem attribuat quo fingatur dicere: Apostoli dum hominibus suo tempore viventibus Evangelium prædicabant, prædicaverunt iis, qui olim immorigeri erant tempore Noë? Absit ut ita cum sacris literis ludamus. Vide sis, Lector solidissimas hujus loci vindicias, in Disputationibus *Placai, Disput. xv.*

XII. Memorabilis etiam est benedictio illa, qua piis filiis suis benedicebat Noachus, continetque multa veræ religionis dogmata. Gen. ix. 26. 27. *Benedictus sis Jehova, Deus Semi, & sis Canaan servus illi.* עֲבָדָה יְהוָה עַם שֵׁם, Dilatet, vel Alliciat Deus Japheth, & habitet in tentoriis Semi. Dum Jehovah Deum Semi vocat, fœdus illud insuit, quod inter Supremum Numen & posteros Semi præ cæteris mortalibus futurum erat. Ex Semo enim natus Abraham, & totus Israël; quem Deus sibi in populum peculiarem elegerat: unde eum insigni elogio Sema dicitur *Pater omnium filiorum Eber*, Gen. x. 21. hoc est Hebræorum. Prædicat etiam pietatem Semi, qui veri Dei cultu

Semi benedictio exponitur.

tui constanter adhaerens, ac gliscenti idololatriæ pro virili obstitit erat; verbis & exemplo suo docens, se neminem pro Deo agnoscere præter Jehovah. Passim etiam observant interpretes, indicari his verbis, fore, ut ex Semi nepotibus Messias oriatur. Quando non tam Semum ipsum pietatis suæ nomine celebrat sed totam laudem ad Deum transfert, dicendo, *Benedictus sit Jehova*, docet, Deum omnis probæ animi inclinationis & piarum actionum auctorem esse; cui idcirco omnis earum gloria debeat. Reo in propria persona maledixerat propter admissum scelus: quia fomes & scaturigo mali in ipso homine est. At Semi pietate delectatus, Deo maluit benedicere: ne vel filio nimium tribuere, vel suo reti sacrificare, ac bonæ educationi suæ quicquam acceptum ferre videretur. Deo gratias agit, qui vota sua exaudiverat, & labori suo in formandis filii moribus cumulate benedixerat. Neque mysterio caret, quod, quum Japhet triam filiorum primogenitus esset, Noachus tamen Semum Spiritu prophetico ei præferat: ut doceret, Deum in electione non habere respectum ætatis, nec eundem esse gratiæ ordinem, qui naturæ. Merito igitur *עבדך* dictus est, id est, *celeber ac magni nominis*, quia tot tantisque privilegiis eminebat supra fratres: & præcipue quia penes ipsum ipsiusque posteros *עבדך יהוה*, *collocavis Jehova nomen suum*, ut est, *Deus*, xii. 5. Addit Noachus, *& sit Canaan servus ejus*. De servo illi prospiciens, postquam prospexit de Domino. Quæ prophetia impleta est post annos demum octingentos, quum oriundi e Semo Jsraëlitæ terram Canaan invadentes, Chananæorum Reges plus triginta debellaverunt, & incolarum maxima parte deleta ad internecionem, reliquos servituti manciparunt, gravi tributo illis imposito. Et Gabaonitarum opera usi sunt ad ligna cædenda, & aquas comportandas ad ministerium tabernaculi, usque ad Davidis tempora, qui mutato nomine, *נֶתִינִים*, *Nethinaos*, id est *dedititios* appellavit, *Ezra* viii. 20. quod sponte se dedidissent. Vide *Bocharti Phaleg. Lib. II. Cap. I.*

Japhet an  
a dilaran-  
do, an ab  
alliciendo  
dictus sit?

XIII. Quæ Japheto dicta sunt, non uno modo exponuntur. Verbum *פָּתַח*, unde *Japhet* derivatum est, uti & illud *Japhe*, quo eleganti paranomasia hic Noachus utitur, Chaldaïs *dilatare* significat. Hinc in Chaldaea paraphrasi *Pf. civ. 25. יָמַח פְּתִיחַ מַרְאֵה* *mare latum*: & *1 Reg. xv. 29. פָּתַח לִבָּא*, *latitudo cordis* dicitur. Hebræis autem idem verbum in *Kal* est *pellici*, in *Piel* *pellicere*, & plerumque in malam partem sumitur, ut notet *pellicere in errorem*, sive *seducere*; nonnunquam tamen in bonam partem, *Jer. xx. 7. פָּתַחְתִּי וּמַסַּרְתִּי*, *persuastisti mihi & persuasus sum*. & *Hof. II. 13*, vel juxta aliam divisionem *16. וְהָיָה אֲנִי כִּי אֶפְתָּח*, *ecce ego persuado illi, vel allicio illam*, utraque significatio a Viris magnis loco huic applicatur,

**XIV.** Qui *dilatandi* notationem urgent, his pugnant argumenta. Primo, quia Noachus utitur conjugatione *Hiphil*, qua in *alliciendi* significatione nemo unquam est usus. Neque alibi in *Hiphil* occurrit præterquam apud Chaldaeos, quibus *ܕܠܬܐ* est *dilatare*. Secundo, *דלתי* verbum ita medium est, ut tamen fere semper sumatur in malam partem, uno alterove loco exceptis. Græci *ἀπατάω* plerumque reddunt; allusione manifesta, sed quæ vim verbi recte exprimit. Tertio *דלתי* quum in *alliciendi* significatione sumitur, semper regit *Accusativum*: at hic *Dativo* jungitur, *Dativi* enim nota est *Lamed* litera voci Japhet præfixa. Itaque quum dici non possit, *Alliciat Deus Japheto*, necessario reddendum, *Dilatet Deus Japheto*, supple locum aut habitationem. Hebræi enim sic loquiamant. Ut *Gen. xxvi. 21.* *דלתי יי אלהים, Dilatetis Dominus nobis*: & ad eundem modum alibi passim. Accedit, quod eventui hæc explicatio admodum consentanea sit. Etenim in terræ divisione amplissima portio Japheto habitanda obtigit. Nam præter Europam, quanta quanta est, ad Japheti portionem pertinet Asia minor; & Media, & Armeniæ pars, & Iberia, & Albania, & vastissimæ illæ regiones ad Boream, quas olim Scythæ, hodie Tartari obtinent. Ut de novo orbe nihil dicatur, in quem per fretum Anianis migrasse Scythas olim, vero non abfimile esse prolixè ostendit *Fullerus Miscellæ Sacr. Lib. 11, Cap. 14.*

Prioris  
Sententiæ  
argumen-  
ta.

**XV.** Alii vero, qui pro *alliciendi* significatu certant, his uti possunt rationibus. I. Noachum non Chaldaice locutum esse, sed Hebraice. Hebræis autem *דלתי* vix, aut ne vix quidem, aliam quam *alliciendi* notationem habere. II. Non sine ratione Noachum conjugatione *Hiphil*, licet alibi in sacris literis non occurrat, usum esse: scilicet ut parano-masia esset elegantior, quæ in *Piel* tam prope accedere ad nomen Japhet non potest. Neque mutationem conjugationis necessario mutationem significationis inferre. III. Ex exemplis supra allatis constare, quod *דלתי* etiam in meliorem partem sumatur; neque referre, an id rarius vel frequentius sit. Et fane vox *πειθω*, qua de doctrina Evangelii loquens utitur Apostolus *2 Cor. v. 11.* longe majorem convenientiam habet cum *דלתי*, quam altera illa *ἀπατάω*. IV. Enallagen *Dativi* pro *Accusativo* cum verbis activis frequentem esse, multis exemplis ostendit *Buxtorfius*, *Thesa. Gram. Lib. 11, Cap. XII.* Et specialius, quod verba *mandandi* sæpius quidem cum *Accusativo* construantur, sed & nonnunquam cum *Dativo*. ut *Nam. ix. 8.* *דלתי לך, Jesh. xxxviii. 1.* *דלתי לך, Uti etiam seducendi verbum דלתי, alias cum Accusativo construitur, Jer. xlix. 16. alias cum Dativo Jer. iv. 10.* Quidni idem obtineat in verbo *דלתי*? V. Neque huic explicationi disconvenit eventus, quam, rejectis Judæis, Japheti imprimis posteris,

Posterioris  
expositi-  
onis ra-  
tiones.



& quidem Japhetidarum lingua, expositam sit Evangelium, quo ad communionem Dei in Christo alliciuntur. Quod, quum multo majus beneficium sit quam totius terræ possessio, Cur non malamus, id iis verbis prædictum esse, quæ id commodissime significare possunt.

Deus  
quomodo  
habitaverit  
in tentoriis  
Semi.

XVI. Jam quod sequitur, *& habitet vel habitabis, in tentoriis Semi*, vel ad Deum referri potest, vel ad Japhetam. Qui ad Deum referant, ut e veteribus *Theodoretus*, in *Gen. Quæst.* LVIII. e recentioribus *Fulsius* in *Miscellaneis sacris*, Lib. II. Cap. IV. Musculus in commentariis, alique, attendunt vocabulum שֶׁכֶן, unde שֶׁכֶן, סְכָנָא: quibus vocibus passim inhabitatio Divinæ Majestatis designatur. Fuit ista שֶׁכֶן in Tabernaculo Israelitarum, fuit in monte Sion, & templo inibi extructo; de quo Deus יְהוָה שֶׁכֶן לְכָל בְּנֵי יִשְׂרָאֵל dixit inhabitaturum illis in caligine, id est, in admiranda nube, signo Divinæ gloriæ replentis domum, I Reg. VIII. 11. 12. Et urbe, ubi vel tabernaculum vel templum erat, vocatur locus quem elegit Deus לְשֶׁכֶן שְׁמִי, ubi habitare faciat nomen suum. Deut. XIV. 23. sed præcipue est illa שֶׁכֶן in Christo in quo natura habitas omnis plene Deitatis corporaliter: Col. II. 9. & per quem manifestantem sese Israelitis, & pede terram ipsorum perambulantem, Deus in tentoriis Semi habitavit. Ad quod alludere videtur Johannes Cap. I. 14. Verbum caro factum est, & סְכָנָא habitaculis in nobis. & Apoc. XXI. 3. Ecce ἡ σκηνή τοῦ Θεοῦ tabernaculum Dei est apud homines, & σκηνώσω habitabis cum eis. Hanc expositionem nostris prævit Chaldeus Onkelos. qui ita habet: Dilates Deum Japheto, & habitet שֶׁכֶן Majestas ejus in tabernaculis Semi. Hinc Arabs Isperianus, & habitet שֶׁכֶן lux ejus, id est, Dei gloria, in tabernaculis Semi. Quæ certe pulchra explicatio est, continetque prophetiam de ambulatione Christi & habitatione in terra Semi nepotibus data.

Quomodo  
in istam  
habitaverit  
Japhetus.

XVII. Qui non de Deo, sed de Japheto, in Semi tentoriis habitaturo, prophetiam hanc explicant, partim literaliter, partim mystice eam impletam esse docent. Literaliter, quia constat, Græcos & Romanos, a Japheto oriundos, magnam Asiæ partem invasisse, quæ Semo obtigerat; sicut & Bileam vaticinatus est, fore, ut Cisthai, posterii Japheti, affligant Assur & Eber, id est, Assyrios & Hebræos, Semi posteros. Num. XXIV. 24. Mystice: quia Japheti posterii per præconium Evangelii eo adducti sunt, ut habitent in eadem Ecclesia cum Judæis qui crediderunt, vel incredulis ejectis eorum locum occupent. Ecclesia autem tabernaculis comparatur, non solum quia Patriarchi in tentoriis habitaverunt ut peregrini: Heb. XI. 9. sed & quia fidelium omnium in hac vita eadem est conditio. 2 Pet. I. 13. 2 Cor. V. 1. Porro tabernacula hæc Semi esse dicuntur, quia Ecclesia usque ad adventum Messie fami-

**familia** Semi affixa fuit. *Iisque fideles ex Gentibus adunantur, per eum, qui fecit τὰ ἀμφοτέρω ἐν. Eph. 11. 12.* Denique posterī Japheti præcipuam partem constituunt Ecclesiæ gentium. Quamvis enim neque Semi neque Chami liberos ab Ecclesia excludat Deus; in qua *nec Græcus est, nec Judæus, aut Barbarus, aut Scythæ, sed Christus omnia in omnibus Col. 111. 13.* certum tamen est, Christi fidem jam inde ab Apostolorum ævo in Europa maxime viguisse, & iis Asiæ partibus, quæ in Japheti sortem ceciderunt.

**XVIII.** Verum enimvero quum duæ hæ res, scilicet habitatio Dei per Christum in tentoriis Semi, & habitatio Japheti in iisdem tentoriis, non tantum tempore junctæ fuerint, sed & posterior consequens & effectum prioris sit, nihil obstat, quominus utramque in verborum latitudine includi dicamus. Ut sensus sit, fore aliquando, ut Deus per Christum in Ecclesia a Semo oriunda visibiliter habitet: quæ tanta gratia per totum orbem habitabilem ea persuadendi efficacitate prædicabitur, ut plurimæ gentes, & in iis præcipue Japetionidæ, cum Ecclesia Israëlitarum vera fide uniantur.

Utraque explicatio commode jungi potest.

**XIX.** Additur denique, Japheti quoque servum Canaanem futurum esse. Et hoc historiæ testantur: eas Asiæ partes, quibus Cananæi dudum potiti erant, a Græcis Romanisque superatas esse. Et sicubi Cananæorum reliquiæ superfuerant, puta Tyro a Sidoniis, & Thebis a Cadmo, & Carthagine a Didone conditis, id omne vel a Græcis vel a Romanis excisum est. Iterum hic Lectori commendo *Bocharti Phaleg. Lib. 111. Cap. 1.*

Japheto quoque Canaan in servum datur.

**XX.** In summam nunc contrahamus ea dogmata, quæ in ista Noachi prophetia innuuntur. I. Omnis virtutis omnisque bonæ actionis laus Deo ut supremo illius auctori est attribuenda: cui idcirco propter filii pietatem Noachus benedixit. II. Deus speciali foedere Semum & illius posteros in peculium sibi vindicavit, ut eorum Deus diceretur. III. In electione ad gratiam & gloriam, & collatione spiritualium beneficiorum, externæ prærogativæ nihil quicquam valent. Nam Semus, qui minor erat Japheto, majori præponitur. IV. Ingentia crimina parentum in nepotes & abnepotes longa serie quandoque vindicantur. Canaan enim cum posteris propter Chami delictum Semitis & Japetidis in mancipia addicitur. V. Pietas non modo futuræ, sed & hujus vitæ, promissa habet; nec animi solum sed & corporis bona pro mercede reportat. Promittitur enim Japheto latissima terræ portio in sortem, si a dilatando nomen illius arcessamus: & utrique tam Semo quam Japheto amplum in Chananæos dominium. VI. Verbum gratiæ, quod in Evangelio proponitur, magnam alliciendi & persuadendi vim habet. VII. Ea Ecclesiæ in his terris conditio est, ut instar habeat tabernaculo-

Dogmata his benedictionibus contenta.

rum, expectans fixum domicilium sine manibus factum in coelis. VIII. In Semi tabernaculis Divina Majestas, elucens in Messia ex Semi posteris oriundo, aliquando habitatura erat. IX. Tunc quoque Gentiles, præcipue Japheti nepotes, qui antea alieni erant a foederibus promissionis, per præconium Evangelii ad communionem Ecclesiæ Israëliticæ alliciendi erant.

Veræ doctrinæ propagandæ & conservandæ inservit Patriarcharum longævitas.

XXI. Notanda etiam hac ætate Patrum longævitas est, per quam fiebat. ut doctrina gratiæ per Patriarchas & commode & tuto admodum propagari potuerit. Solus enim Noachus noster, ut de reliquis nuntitarem, antediluvianos omnes, tribus tantum prioribus exceptis, attigit. Filiusque ejus Semus, qui etiam primum mundum viderat, ad annum Jacobi quinquagesimum primum pervixit. Atque hæc quidem de doctrina præcæ Ecclesiæ testimonia, quia & obscuriora & parviora ea ætate fuerunt, fusius prosecuti sumus. In reliquis, ubi Divinæ Gratiæ splendor uberius se & luculentius exseruit, compendio magis studbimus.

## CAP. III.

*De Doctrina Gratia sub Abrahamo usque ad Moysen.*

Summa  
Capitis.

I. **A**D ABRAHAMAM nunc ætatem perventum est, cui quum πολυμερῶς καὶ πολυτρόπως se revelaverit Deus, ne in immensum noster hic labor excrescat, summa duntaxat rerum capita libabimus. Primo de *Apparitionibus* Abrahamo factis, tum de *federe* inter Deum ipsamque solemniter icto & aliquoties repetito acturi. Utrumque enim eo facit, ut doctrinam Ecclesiæ istius temporis perfectiorem habeamus.

Apparitiones  
Abrahamo factæ.

II. Octies Deum Abrahamo apparuisse, Sacræ Literæ testantur. I. In Ure Chaldæorum, quando jubebat eum patria & necessitudinibus suis relictis alio proficisci. *Gen. xii. 1.* col. cum *Ab. vii. 2.* II. Prope Sichemum, ad quercetum Mamre. *Gen. xii. 6. 7.* III. In Bethel. *Cap. xiii. 3. 4.* IV. Quando promittebat ipsi filiū & hæredem. *Cap. xv. 1.* V. Quando dabat ipsi circumcisionem. *Cap. xvii. 1.* VI. Quum hospitio ab eo exciperetur. *Cap. xviii. 1.* VII. Quando sententiam Saræ de ejicienda Hagar & Ismaële comprobabat. *Cap. xxi. 12.* VIII. Quando injungebat mastrationem Isaaci. *Cap. xxii. 1.*

Modus  
istarum  
apparitionum.

III. Fuit in istiusmodi apparitionibus tam luculenta Divinæ Majestatis ad conscientiam demonstratio, ut eas pii a malignorum spirituum illusionibus non minus facile discreverint, quam homini sobrio facile est a somno distinguere vigiliam. Qua autem forma visus Abrahamo Deus sit, non semper a Scriptura definitum est. Constat, id aliquando factum esse specie humana, in præludium, uti videtur, & symbolum futuræ olim incarnationis. Neque male existimant, qui credunt, plerumque Filium Dei fuisse, qui se videndum Abrahamo exhibuit, uti deinceps

ceps cæteris Patriarchis & Mosi. Quo referri etiam posset, *Job. vii. 16.* *Abraham Pater vester exultavit, ut videret diem meum, & vidit, & gavisus est.* Vidit eum diem in promissione seminis, in illustribus apparitionibus, in Isaaco typo & oblide venturi Messiae, & denique fide, cujus est futura quasi præsentia sistere: in omnibus his *τὴν ἐνσάρκωσιν* Filii Dei prospectavit.

IV. Inter cæteras apparitiones illa eminet, quæ narratur *Gen. xvi. 1.*

1. Ubi dicitur, *Jehovam visum esse Abrahamo, & v. 2.* mox subjungitur, vidisse eum *tres viros*: unde pia antiquitas collegit, apparuisse Abrahamo in specie visibili adorandam Trinitatem. *Ambrosius, Præmio in Lib. 11. de Spiritu Sancto*, ita loquitur; *Sed nec Abraham ignorabat Spiritum Sanctum, Denique tres vidit, & unum adoravit: quia unus Deus, unus Dominus, & unus Spiritus. Et ideo unitas honoris, quia unitas potestatis.* Prolixus in hanc rem *Augustinus* est *Lib. 11. de Trinit. Cap. xi. & xii. itemque Lib. 111. contra Maximinum, Cap. xxvi.* Consentit *Paschasius Diaconus Romanus, Lib. 1. de Spir. Sancto, Cap. v.* aliique citati *Forbesio, Instruct. Histor. Theol. Lib. 1. Cap. xiv.* Confer sodes *Christiani Schotani Bibliothecam: in historia Abrahami p. 155. & seq.* *MUSCULUS*, licet diversum sentiat, scribit tamen in commentariis: *Consuevit iste locus citari in Ecclesia, ubi de mysterio S. Triadis & unitatis agitur.* *MUNSTERUS* postquam *Aben Ezrae*, Christianorum doctrinam nequicquam incessentis, verba recensuisset, addit: *Id certum est, Abraham tres vidisse, & unum allocutum, Domine si inveni gratiam in oculis tuis; quicquid garriant Judæi. Si Abraham non agnovisset mysterium, dixisset, Domini mei, si inveni gratiam in oculis vestris, &c.* *Offendunt Prophetæ in Deo pluralitatem personarum &c.* *FAGIUS* id commune nostrorum argumentum esse innuit, quando scribit: *Nostri ex apparitione Angelorum Trinitatis mysterium colligunt.* *MARTYR* licet cum *Musculo* sentiat, non tamen sibi dissimulandum putat, quum *Veteres Latinos*, tum etiam *Græcos*, hunc locum ad Trinitatem comprobendam consuevisse adducere; additque, piis hominibus, dum ista inculantur, non plane insuavia esse.

V. Fatemur equidem, non deesse Ecclesiæ fortiora argumenta, quibus capitalem hanc fidei nostræ veritatem firmet; non tamen existimamus, pium Patrum zelum in hoc quoque argumento explodendum esse. Habent ex textu, quibus se tueantur. Et cur tantum gratificabimur adversariis, ut non contemnendas pro veritate rationes ipsi eversum eamus? Primo observandum est, quod postquam *v. 1.* dixisset *Moses* *וַיֵּרָא אֵלָיו יְהוָה*, & apparuit ipsi *Jehova*, mox addat *v. 2.* & elevavit oculos suos, & vidit, *וַיֵּרָא אֵלָיו יְהוָה* & ecce tres viri adstant illi. Quæ verba omnino videntur continere explicationem modi, quo visus est Deus Abrahamo. Neque absolum videri debet, Patrem etiam

*Gen. xvi. 1.*  
Trinitatem Abrahamo apparuisse, multi credunt.

Nec male.

Nam & alibi pater & S. S. humana forma apparuerunt.

& Spiritum Sanctum humana forma visos esse: quum Jelâas universam Trinitatem instar Regis alicujus solio insidentis conspexerit, quæ quidem visio de Filio explicatur *Job. xii. 41.* sed & de Spiritu S. *Ab. xxviii. 25.* Nec Patrem, ut opinor, quisquam excluserit. Daniel etiam vidit Antiquum Dierum insidentem Throno, & alium sicut Filium hominis, qui accedebat ad ipsum. *Dan. vii. 9. 13.* Quod de Patre & Filio communiter, & ut ego existimo bene, exponunt Interpretes.

Et tres  
illos quasi  
unum  
Abrahamus  
compellat.

VI. Adde quod tres illos, quasi unus fuissent, Abrahamus alloquitur, in singulari numero dicens. *Domine, si inveni gratiam in oculis tuis, ne quasi a servo tuo transeas.* Suetus fortasse in simili forma Deum videre: vel per Spiritum Sanctum ea de re edoctus; ideoque in Trinitate Unitatem mox animadvertens. Nam quod nonnulli opponunt, unum tribus ab Abrahamo compellatum esse, quia augustiore specie sua cæterorum se Dominum ostentabat, gratis & extra textum dicitur. Imo ita composita Patriarchæ verba sunt, ut non civilem duntaxat ac proletariam humanitatem, sed religiosam observantiam exprimant. Utitur enim nomine אדוני, *Adonai*, cum Kametz sub litera Nun, quod ita punctatum (nisi fortasse propter accentum Patach in Kametz mutetur) inter summi Numinis epitheta esse, Orthodoxi consentiunt. Nec obstat, quod hospitio eos exceperit ut homines. Nam quum ut tales sese gererent, humanitatis officia, personæ, quam sustinebant, debita, denegare non voluit. At supra vulgarem humanitatem erat, quod iis comedentibus ipse sub arbore ut famulus astiterit. *v. 8.*

Cur unus  
istorum  
trium Je-  
hova, re-  
liqui duo  
Angeli di-  
cantur.

VII. Accedit, quod quum tres viri Abrahamo apparuerint, unus eorum constanter Jehova vocetur, *v. 13. 17. 20.* &c. alteri Angeli dicantur, *Cap. xix. 1.* a Jehova ad perdendam Sodomam missi *v. 13.* Quia Angeli nomen Patri, qui nunquam mittitur, competere non potest: Filio & Spiritui Sancto, qui mittuntur a Patre, potest competere. Bene hactenus *Augustinus Lib. ii. de Trinit. Cap. xiii. Quanquam Spiritum Sanctum alicubi Angelum dictum non recolam, sed ex opere possit intelligi. Dictum enim de illo est, quæ ventura sunt, ANNUNCIABIT vobis. Et atque Angelus Græcæ, Latine nuncius interpretatur. De Domino autem Jesu Christo evidenter legimus apud Prophetam, quod magni consilii Angelus dictus sit; quum & Spiritus Sanctus & Dei Filius sit Deus & Dominus Angelorum.* Nec ablu-  
dit *Epiphanius in Ancorato §. 70. ὡς γὰρ ὁ υἱὸς μεγάλῃς βουλῇς ἀγγέλῳ, ἔτο καὶ τὸ πνεῦμα τὸ ἅγιον. Sicut enim Filius Magni consilii Angelus est, ita & Spiritus Sanctus.* Hos autem Angelos, Lotho conspectos, ministrato-  
rios spiritus non fuisse, colligi potest ex religioso, quo eos prosequitur, honore: *Gen. xix. 18. 19.* &c. & responso, quod dant, Auctoritatis & Majestatis Divinæ pleno. *v. 21.* Quod nonnulli excipiant, accessisse interim tertiam personam, quæ apud Abrahamum remanserat, & cui hæc

hæc verba applicanda sint, illud in textu non est; nec video, quomodo probari possit.

VIII. Non repugnat huic interpretationi, quod Angeli hi a Jehova expresse distinguantur. *ψ. 13.* Distinguuntur sane a Jehova Patre, non *ἰσχυροῦς*, uti ostendimus, sed *ὑποτακτικῶς*. Neque infra dignitatem increati Angeli est dicere, *לֹא אֶכָּל לַעֲשׂוֹת דָּבָר*, non potero quicquam facere, donec eo veneris: *ψ. 22.* quia id dicitur ex hypothefi gratiosi decreti, & promissionis jam Lotho factæ. Et conferri hæc phrasis debet cum *Joh. v. 19. 20.* Et denique invalide opponitur *Heb. xiii. 2.* ubi Apostolus hospitalitatem eo nomine commendat, quod quidam ignorantes Angelos hospitio exceperint, quum, si Deus ipse hospitio exceptus esset, id potius urgendum fuisset. Nostrium enim non est Spiritui Sancto præscribere, quibus argumentis vel phrasibus uti debeat. Si libuisset Apostolo dicere, Jehovam ipsum hospitio exceptum fuisse, potuisset sane id facere, quum Moyses id diserte testetur. Nunc quum de Angelis loquitur, Moysen itidem imitatur, qui Angelos ad Lothum divertisse narrat. Quum autem Angeli nomen homonymum sit, & tam increato quam creato applicari possit, ex nuda Angelorum voce probari non potest, de creatis solum Angelis sermonem esse. Porro quod, nonnullos inscios Angelos exceperisse, testetur, iterum Lothum respicit, qui, quum eos ad tectum suum subeundum invitaret, honoratos hospites esse credidit, donec ex colloquiis, vel Spiritus instinctu, quinam in rei veritate essent, animadvertit. Neque obstat, quod pluraliter dicat Apostolus, *Quosdam* Angelos hospitio exceperisse. Nam & enallage numeri in istiusmodi locutionibus frequens est: & credibile est, pluribus idem contigisse, quod contigit Lotho. Atque hæc quidem pro explicatione Veterum, & præstantissimorum Ecclesiæ reformatæ Doctorem, dicta sunt. Nec puto, vitio nobis ab æquis rerum æstimatoribus versum iri, quod viros pios atque eruditos, neque insipienter locutos esse, neque piæ causæ argumentis suis fraudem fecisse, ostendere conati simus. Si cui tamen secus videatur, non est nostrum contra litigare. Nos cum illo fortioribus quoque argumentis utemur.

Quia a  
Jehova  
distincti  
sunt, non  
*ἰσχυροῦς*,  
sed  
*ὑποτακτι-  
κῶς*.

Excutitur  
Heb.  
xiii. 2.

IX. Nunc Fœdus illud, quod cum Abrahamo pepigit Deus, videamus. Ejus initium Paulus quadringentis & triginta annis Legem datam antecessisse memorat. *Gal. iii. 17.* Qui anni unde inchoandi sint, variantibus calculis disputant Chronologi; tanta veri invenendi difficultate, ut *Scaliger* eam rem inter *ἀπορροα* reposuerit. Quod vero proximum esse videtur, scite, ut solet, exposuit *Fridericus Spanhemius* in *Introductione Chronologica ad historiam Vet. T.* Cujus canon ita habet. Ab anno 78. Abrahami, quo egressus Charane est, *Gen. xii. 4.* ad natum Isaacum anno patris centesimo sunt anni 28. A nato Isaaco ad natum illi Jacobum,

Fœderis  
cum Abra-  
hamo  
Tempus.

Dei, atque illud, quo eam nactus est Abraham. Is autem eam nactus est per fidem. Porro, quum prædictum sit, in ipso benedicendas esse omnes familias terræ: oportet ut illæ ipsi uniantur, & in ipso ut in spiritali suo parente censeantur. Ad eam autem unionem non sufficit, vel associatio ad naturale ipsius genimen per communionem ceremoniarum legumve politicarum; sed requiritur ejusdem fidei communio. Et quandoquidem hæc promissio ad omnes familias terræ, & idcirco gentes quoque, extenditur; merito conclusit Apostolus, gentes quoque Abrahamo, imitatione fidei ipsius, jungendas esse, & per eandem fidem ejusdem cum ipso benedictionis consortes fore.

II. Ut habeat Semen.

XVI. *Secundo*, Specialiter promisit ipsi Deus SEMEN. Id non significat promiscue quemvis quoad carnem ex Abrahamo natum. Nam & Ismaël *semen ipsius* erat. *Gen. XXI. 13.* Et illi quoque propterea magnæ promissiones, sed carnales, factæ sunt. *Gen. XVI. 10. & XVII. 20.* Sed per Semen intelligitur I. ISAACUS, ex patre fere emortuo, & matre sterili ac effoeta, natus. Nam *in Isacco vocabitur tibi semen. Gen. XXI. 12.* Porro fuit Isaacus ille, non solum stirps, sed & typus nascituri olim Messiae; qui proditurus erat e virgine, quæ si non minus, certe non magis idonea erat, quam Sara, ad edendam prolem. Ideoque Semen. II. Etiam notat CHRISTUM, semen in Paradiso quondam promissum. *Non dicitur de seminibus, quasi de multis, sed de semine tuo, qui est Christus. Gal. III. 16.* Præterea quum Isaacus non virtute carnis, sed virtute promissionis, natus sit, typum etiam gerit omnium FIDELIUM, qui verbo promissionis Evangelii spiritualem nativitatem suam debent. Et hi quoque III. per semen significantur. *Non qui filii carnis, ii filii Dei; sed qui sunt filii promissionis, reputantur in semen. Rom. IX. 8.*

Illustratur Gal. III. 16.

XVII. Solvenda hic venit difficultas aliqua, quæ præteriri non posse videtur. Quum semen, non solum aliquando, sed & plerumque, multitudinem hominum notet, & speciatim Abrahamo promissum sit, semen ejus fore ut pulverem terræ: & nunc ostensum sit, per promissum Abrahami Semen, & Isaacum & omnes fideles, intelligi; qua ratione potuit Apostolus urgere numerum singularem, ut exinde conficeret, per semen intelligi debere Christum? Quod eo minus stringere videtur, quia Sacri V. Instrumenti Scriptores voce *παιδες*, quando de hominibus agitur, nusquam in plurali numero utuntur. Tanti hæc difficultas Hieronymo visa est, ut, quum solvere nodum nesciret, eum non satis pie dissecare ausus sit. Subnotat, Paulum hoc argumento abusum apud crassos Galatas; quod sciret alioquin non præbatur iri prudentibus aut eruditis: atque ob id præmonuisse prudentem lectorem, *Fratres secundum hominem dico.* Verba Hieronymi hæc sunt: *Unde manifestum est, id fecisse Apostolum, quod promisit, nec reconditis usum esse sensibus, sed quotidianis ac vilibus,*

*libus, & qua possent (nisi praevisisset, secundum hominem) prudentibus displicere.* Atqui hoc est Scripturarum contemtoribus & irrisoribus victas manus dare. Certe nihil minus Apostolus, phrasi ab Hieronymo allegata, innuere voluit, quam se, Galatarum stupore abusum, minus accurate atque solide argumentari. Id gravitate Apostoli, id Divini Spiritus, cujus instinctu hæc scribebat, imperscrutabili sapientia, oppido indignum est. Neque crassis modo Galatis, si ita eos vocare liceat, sed & universæ Ecclesiæ, in fidei cynosuram, epistola hæc exarata est. Hoc tantum voluit dicere, se a rebus humanis similitudinem ducturum esse ad res Divinas explicandas, atque ita magna parvis compositurum.

XVIII. Mihi quidem sapientissime, ut omnia, ita hæc quoque, ab Apostolo observata esse videntur. Certum quidem est, voce seminis sæpe multitudinem notari, sed multitudinem in unitatem aliquam collectam; saltem ratione primæ stirpis atque originis. Quando ergo de semine Abrahami sermo est, ut semine promissionis, *ὡς ἐπαγγελται*, cui eadem bona ex eodem fonte obventura sunt, oportet illud ut unum corpus considerari. Nisi fallor, quum dicit Apostolus, promissiones factæ sunt Abrahamo & semini ejus, digitum intendit ad formulam fœderis, quæ exstat *Gen. XVII. 7. Ero tibi in Deum & semini tuo post te.* Hac occasione declarat Apostolus, quandoquidem omnes familiæ terræ, suo tempore, benedictionis hujus futuræ erant participes, necesse esse, ut semini, Abrahami accenseantur, eique in unum corpus adunentur, &, uti *Eph. 1. 10.* loquitur, *in Christo summatim recolligantur.* Id autem non fit per circumcisionem aliasve ceremonias Judaicas. Nam præterquam quod Abrahamo promissio facta sit nondum circumciso, & 430. annis ante datam legem; ceremoniæ istæ sunt paries intergerinus, Israëlitas a Gentilibus determinans; ac propterea vinculum unionis esse non possunt. Sed peragitur ista *συσσωματωσις*, per Spiritum fidei, qui fideles cum capite Christo, qui primarium semen est, & secum invicem, insolubiliter unit: atque ita omnes simul absolvunt unum spirituale semen Abrahami, totum Christum, una cum corpore suo mystico. Ita enim hic Christum intelligimus, quemadmodum & *1 Cor. XII. 12.* Quum ergo, ut constat, soli spirituali Abrahamæ semini factæ sint promissiones, cæteris omnibus exclusis; illud autem semen spirituale, eandem etiam spirituales stirpem ac originem habere debeat; necesse est, ut unum corpus mysticum constituat, cujus caput indubie Christus est, a quo cætera membra honoris causâ denominantur. Bene ergo urfit Apostolus, seminis nomine unitatem designari; non præcisè personæ, sed corporis alicujus mystici, uniti per fidem sub Capite Christo. Vide in hunc locum *Drusium, Cameronem, Gomarum, Deodatum*, aliosque, qui



'Aliter est  
benedictio  
in Abraha-  
mo, aliter  
in Christo.

eum de Christo una cum corpore suo mystico interpretantur.  
XIX. Prætereunda etiam non est notabilis, quæ hic occurrit, locutionis diversitas. Abrahamo identidem dicit Deus, *in te ברכי, benedicentur omnes familia terre. Gen. xii. 3. & xviii. 18.* Sed de semine Abrahami dicitur, *והברכתי, & benedicent sibi in eo omnes nationes terre. Gen. xxii. 18.* quod de semine Isaac repetitur, *Genes. xvi. 4.* Scilicet alio modo benedicimur in Abrahamo, aliter in ipsius semine, Christo. In Abrahamo ut typo & exemplari: in Christo, ut benedictionis causa meritoria, & vero datore. *Eph. i. 3.* Neque solum benedicimur, sed & *benedicimus nobis* in Christo, eum ut benedictionis ad nos dimanantis fontem ac scaturiginem agnoscentes & celebrantes. *אשר דמתברך בארץ. יתברך באלהי אמן. Jesh. lxxv. 16.*

Corporales  
promissio-  
nes.

XX. *Corporales* promissiones Abrahamo factæ præcipue tres sunt. I. *Multiplicatio seminis* ipsius per Isaacum. *Gen. xiii. 16. & xv. 5. & xvii. 2. & xxii. 16.* II. *Hæreditas terre Canaan.* *Gen. xii. 7. & xiii. 15. & xv. 17. & xvii. 7.* Impleta ea est in duodecim tribubus Israël, præcipue sub Davide & Salomone, & deinceps stantè Templo secundo, quando tota Palæstina & Idumæa domita ac Judæis subjecta est. III. *Eductio e servitute Ægyptica.* *Gen. xv. 13. 14.* Notandum tamen, promissiones hæc Corporales typos fuisse Spiritualium & Cœlestium. Nam multiplicatio seminis carnalis notabat multitudinem spiritualium filiorum, tam ex Judæis, quam ex gentibus fidei addictis. *Ap. vii. 9.* Et Canaan erat pignus Cœli; & liberatio ex Ægypto, significabat liberationem Ecclesiæ a peccato, mundo, Diabolo, & ex Babele.

Quibus  
tamen spi-  
rituales fi-  
gurabantur.

Abraham  
per fidem  
justificatur

XXI. Omitti non debet fundamentalis doctrina de justificatione per solam Fidem, quæ Exemplo Abrahami, & Divina de ipso declaratione, isthoc tempore plurimum illustrata est. Ita enim dicitur, *Credidit Abram Jehovah, & imputavit ei illud in justitiam Gen. xv. 6.* Quod testimonium eo magis observandum est, quia frequenter eo utitur Apostolus ad justitiam fidei asserendam *Rom. iv. 3. Gal. iii. 6.*

Fidelis  
ob-  
jectum.

XXII. Fides Abrahami in genere pro objecto habuit omnes promissiones sibi factas. *Tribuebat gloriam Deo, ac plane persuasum habebat, eum, quod promiserat, posse etiam efficere. Rom. iv. 20. 21.* Credidit ergo & fide amplexus est promissiones cœlestis ac æternæ beatitudinis, nativitatem filii ex uxore sterili, multiplicationem seminis sui, tam spiritualis quam corporalis, vocationem gentium &c. Sed specialius fidem isti promissioni adhibuit, qua Deus, se ipsi clypeum & mercedem amplissimam fore, pollicitus erat, *Gen. xv. 1.* Id est, in Deum recubuit, ut omnis mali averruncum, omnisque boni conciliatorem. Specialissime credidit promissioni de semine, in quo benedictio, ut in causa, est; & exspe-

expectavit Filium Dei se manifestaturum in carne ex ipsius posteris assumpta, atque ita fides ipsius in Christum fuit. Nam *gestivit videre diem Christi & vidit ac gavisus est. Job. VIII. 56.*

XXIII. Hæc autem fides, illud credere, imputatum ipsi fuit in justitiam. Non quod fides Abrahami, per gratiosam æstimationem, in rationibus Dei censita sit loco perfectæ obedientiæ, quam foedus operum exigebat: sed quod fide sua apprehenderet, sibi que spiritualiter uniret, promissum semen, cujus unionis virtute omnis istius feminis justitia ipsius justitia reputabatur. Scilicet in libro rationum Dei, una pagina scribuntur magna Dei beneficia, ut totidem talenta in homines collata. Itemque peccata hominum, pro tantis beneficiis non condignas gratias Deo agentium, ut totidem debita. Et denique sententia damnatoria, qua æternæ mortis rei declarantur. Altera autem pagina quum scribi non queat propria hominum justitia, scribuntur satisfactio & merita Christi pro electis: scribitur item fides, Dei quidem gratuitum donum, sed quo electi Christo uniuntur, & totius justitiæ ejus participes evadunt. Atque ita, subductis omnibus rationibus, ex fide eorum concluditur, expuncta esse omnia illorum debita, neque deesse iis id, quod requiritur ad jus vitæ æternæ. Eo modo fides imputatur ad justitiam. Confer, quæ supra fusc disputavimus. *Lib. III, Cap. VIII. §. XLI.*

Quæ ipsi  
imputata  
est in justitiam,

XXIV. ISAACO, Abrahami filio, non solum confirmatæ sunt, promissiones patri factæ, & imprimis illa de semine, in quo sibi benedicturæ essent omnes nationes terræ: *Gen. XXVI. 4.* sed & doctrina gratuitæ reprobationis, ac liberrimæ electionis, in oraculo super filiis ejus, Jacobo atque Esau, luculenter declarata est. Jehova enim dixit Rebecca, quum binos utero gereret, *Dne gentes sunt in ventre tuo, & duæ nationes ex visceribus tuis separabuntur, quarum natio una robustior erit altera, Et Major serviet minori. Gen. XXV. 23.*

Doctrina  
prædestinationis.

XXV. Prophetiæ hujus duplex complementum in sacris literis invenimus, alterum Historicum, alterum Mysticum. Utrumque tam stirpes ipsas, quam gentes ex iis oriundas respicit. Quod stirpes attinet & Capita Gentium, Major servivit minori, id est Jacob dignior apparuit Esau, I. Jure primogenituræ, quam ei Esau vendidit. II. Hæreditate terræ Canaan, a qua exclusus est Esau, ut antea Ismaël, cæterique filiorum Abraham. III. Communione foederis Dei, cujus se exortem esse, profanitate sua Esau ostendit. Gentes si spectes, cæ sæpe inter se conflixerunt, fuitque quum Edomitæ Israëlitis superiores viderentur. *Edom persequutus est gladio fratrem suum, corrumpens miserationes suas. Amos. I. 11. vide Num. xx. 18. 19.* Sed tamen victores tandem comperti sunt Israëlitæ, quando David in tota Edomæa stationarios posuit, & Edomæi

Oraculi  
de Jacobo  
& Esau  
comple-  
mentum  
Histori-  
cum,

omnes servi Davidis facti sunt. 2 Sam. viii. 14. Quod manserunt usque ad Regem Joram, sub quo jugum rursus excusserunt. 2 Reg. viii. 20. Juxta vaticinium Isaaci Gen. xxvii. 40. Postea tamen sub secundo templo iterum victi, & Israëlitis plane subjecti sunt. vid. *Joseph. Antiq. Lib. xii. Cap. xvii.*

Et mysticum.

XXVI. Sed altius etiam hæc spectabant: nam uti hæreditas terræ Canaan typus erat hæreditatis coelestis, & nationale foedus involvebat spirituale foedus gratiæ, ita etiam exclusio a foedere nationali & hæreditate typica, signum erat exclusionis a foedere gratiæ & hæreditate coelesti. Adeo ut Esavus atque Jacobus hic occurrant, ut Exempla liberrimæ reprobationis, & gratiæ electionis Divinæ. Et, hunc mysticum hujus oraculi sensum fuisse, Apostolus docet, *Rom. ix. 10. 11. — & sequ.*

Promissiones Jacobo & Judæ factæ.

XXVII. JACOBO easdem promissiones, quæ Patri & Avofactæ erant, Deus iteravit. *Gen. xxviii. 13. 14. 15.* Jacobus earum hæredes dixit duodecim filios suos, Patriarchas; attamen Spiritu Dei ductus tribui Judæ eam præ cæteris prærogativam dedit, ut non modo ex ea Reges, sed & regum omnium Princeps, Messias nasceretur. *Gen. xlix. 10. Non recedes sceptrum a Juda, neque Legislator, e medio pedum ejus, usque dum veneris Sebilo, cui erit aggregatio populorum.* In quem locum illustres præstantissimorum virorum commentationes exstant, quas hic repetere nihil attinet. Nobis hic simplex sensus esse videtur. Prædicatur Judæ, fore, ut illius tribus supra cæteras plurimum emineat, tam sceptri ac summi imperii decore, quam sede religionis, Templo, Scholisque, ubi *למורי* *Legis Doctores* celeberrimi futuri erant. Prædicatur item fore, ut ex ea nascatur *שליט*, quod verto *Tranquillator, Sospitator*, a radice *שליט* *tranquillum, & salvum esse*. Ut sono ita & sensu convenit Hebræum *שליט* & Latinum *Salvus*. Hic indubie Messias est. Cui promittitur *aggregatio, vel obedientia populorum*, qui in eum credituri, & ejus præceptis se submissuri erant. Explicationem hanc eventus confirmat. Plurimis enim in rebus tribus Judæ reliquas supergressa est: ex ea domus regnatrice exorta, in ea tam imperii, quam religionis longo tempore sedes fuit, denique de ejus nomine univèrsa Israëlitarum natio fuit nuncupata. Notum item ac *πρόδλον* est, ex *Juda exortum esse Dominum nostrum*. *Heb. vii. 14.* Circa cujus nativitatem ex mente oraculi sceptrum paulatim desiit. I. Judæa Pompeji victoriæ subacta, captisque Hierosolymis. II. Herode Idumæo ad solium evecto. III. Judæa in provinciam Romanam redacta & Syriæ attributa. IV. Denique Urbe ac Templo per Vespasianum dirutis, totaque republica everfa. Interim ex univèrso orbe condito plurimæ gentes ad erectum salutis vexillum certatim confluxere, Christoque sua dedere nomina.

XXVIII. Non alienum erit, ut inquiramus in benedictionem tribus NEPHTALI, an fortassis & ea quoque aliquid contineat quod Christum spectat. Gen. XLIX. 21. נִפְתָּלִי אֵלֶּיךָ שְׁלִיחוֹ דִּנְתָן אֶמְרֵי שֹׁפָר. *Nephtali est cerva emissa : qui profert verba elegantia.* Eo enim sensu vulgo vertuntur verba. Quid hic interpretes tam Hebræi, quam nostri cogitaverint, videat cui lubitum. In tam obscuris qui bene conjecerit, vatem hunc perhibebo optimum. Hieronymus, postquam nonnulla narrasset, melius esse dicit, *Si ad doctrinam Servatoris cuncta referamus, quod in portione Nephtali maxime docueris.* Sed non ostendit commode, quomodo verba eo referri debeant. Nos id conemur. Supponimus, partem Galilææ in sortem Nephtali cecidisse, eoque pertinuisse lacum Gennesarum, & in Gennesaritide sitam fuisse Capernaum, quod probat *Lichtfootus, Centuria Chorographica Matthæo præmissa, Cap. LXXI. & LXXX.* & patet ex *Mat. IV. 13* ubi dicitur *urbis maritima, in finibus Zabulon & Nephtalin*, id est, in ea regione Nephtalitica, quæ contermina est, Zabulonitidi. In ista urbe Christus habitavit, & prædicavit primo Evangelium, uti & in regione circumjacente : juxta Jesaiæ prophetiam, quam dicto loco Matthæus allegat. Ibi plurima turba, sedibus suis excita, rebusque suis relictis, ad Christum audiendum summa alacritate confluit. Videamus nunc, an ea veritas non commode significata sit hoc Jacobæo oraculo. *Cerva dimissa* cujus rei convenientius emblemata est, quam turmæ alicujus maxima animi alacritate aliquo accurrentis ? eo præsertim, ubi fontes aquæ vivæ ad diuturnam sitim restinguendam reperit. Nam insolens Spiritui Sancto non est, fideles *Cervis* comparare. Vide *Cant. II. 7. Hab. III. 19. Jes. xxxv. 6.* Et Nephtalitæ *dimissa* cerva dici possunt, quia antehac aliis rebus distenti, quæ sitim sedare non poterant, nunc per Evangelium, quod præconium libertatis est, excitati, perruptis mundanarum occupationum retibus, ad Dominum Jesum accurrebant. Per eum autem, *qui dat verba pulchritudinis & decoris*, quem convenientius intelligemus quam Christum, in cujus labia gratia effusa est, *Pf. XLV. 3. cujus palatum intra dulcedo est, Cant. V. 16. cujus λόγοι τῆς χάριτος*, hoc est ferme ad verbum אֶמְרֵי שֹׁפָר, in stuporem auditores dabant. *Luc. IV. 22.* Porro frequenter fit ut status absolutus pro constructo in Hebræo sermone ponatur: quod multis exemplis probat *Buxtorfius. Gram. Lib. II. Cap. IV.* Unde nihil obstat, quominus verba ita construamus: *Nephtali est צִדְקָה לְבָרָה cerva dantis, sive ejus, qui dat verba decoris*: id est, addicta dulcissimo D. Jesu & pendens a suaviloquo ipsius ore. Et favet huic explicationi, quod alias duo hemistichia non videantur inter se cohærere; quum cervæ non sit pulchre loqui. Verum, si ita, ut dixi, construas, nihil in textum intruditur, nihil vile eo oraculo designari statuitur, nihil a genio Hebræi ser-

Benedictio  
Nephtalitæ.

monis alienum fingitur, & verbis singulis is significatus attribuitur, qui & proprius ipsis & maxime emphaticus est. Quum indubie benedictionem Nephtalitarum designent, cur non de spirituali potius cogitamus, quæ per Messiam iis contigit, quam de corporali ac momentanea sub Baracho & Debora, in qua nihil speciale Nephtalin supra Zebulon habuisse probatur? Non est etiam certum, Nephtalitas, quod quidam ex hoc loco colligunt, cæteris Israëlitis fuisse disertiores. Ex adverso, Galilæa, cujus partem ea tribus occupaverat, sermonis fuit adeo impuri, & conversationis adeo inurbanæ, ut eo nomine ab Hierosolymitanis derisa sit: uti multis probat *Buxtorfius* de ea imprimis parte Galilææ, in qua Nephtalitæ habebant. *Lexico Palm. voce* נִפְתָּלִי. At Nephtalita, inquit, fuit Barac, qui profligatis Siseræcopiis una cum Debora insignine carmen ἐπὶ νύκτιος cecinit, quod hodieque legitur, *Judicum quinto*. Quasi sequatur, Nephtalitas sermonis elegantiae studuisse, ex hoc uno carmine; cujus auctor non fuit Barac, sed Debora Prophetissa, oriunda non ex tribu Nephtali, sed Ephraim: quemadmodum erudite observavit *Bochartus. Hierozoici Lib. III. Cap. XVIII. Masius* etiam in commentariis suis ad Librum *Judicum Cap. XIX. Num. xxxv.* variis rationibus probat, hæc Baraco & Deboræ applicari non posse: cui ad stipulatur *Rivetius* in hunc locum. Neque applicatio ista ad doctrinam Christi fastidiose, uti nova, rejicienda est; quum præter *Hieronymum* eam habeant *Ambrosius* & *Pro opius* citati *Cornelio a lapide*. Quibus adde *Eucherium Lugdun. sem Episcopum: & Petrum Martyrem*. Et si de Christo in portione Nephtali prædicaturo *Jesaias* prophetavit, cur, de eadem re *Jacobum* filiorum fata canentem prophetasse, nolumus?

Doctrinæ  
salutaris  
reliquiæ  
suerunt  
apud non-  
nullos ex  
Gentibus.

XXIX. Hæc doctrinæ salutaris dogmata, a Patribus tam solícite sibi tradita, pios Patriarchas in Ægypto custodivisse, & liberis suis inculcasse, dubitandum non est. Sed præterea in posteris Lothi, Ismaëlis, Esavi, aliisque, quamdiu gentes non plane repudiatae erant, ejusdem veritatis reliquias scintillasse, ex *Jobo* illiusque amicis, & *Bileamo* liquet.

Iobi  
נִצָּר.

XXX. *JOBUS* fiduciam suam in Deum contestans vocat eum נִצָּר, *Custodem vel Servatorem hominum*, *Cap. VII. 20.* Eadem voce Christus utitur, quando solícitam Ecclesiæ suæ curam exponit, *Jes. xxv. 1. 3.* אֲנִי יְהוָה נִצָּרָה, *Ego Jehova custodio eam*. Et electi, quos Christus quasi in oculis & manu gerit, vocantur נִצָּרִים *custoditi*, & *salvi facti ex Israël. Jes. xli. 6.* Proxime ad hoc vocabulum accedit cognomentum Nazareni, Hebraice נִצָּרִי, quod etiam si Christo datum sit occasione habitationis suæ in urbe Nazaret, mysticum tamen fuisse, & ad alicujus prophetiæ complementum pertinuisse, *Matthæus* auctor est. *Mat. II. 23.* Prophetiam illam non uno in loco quærant Interpretes.

Mat. II.  
23. expo-  
nitur.

Sunt

Sunt qui ad Naziræos veteris Testamenti eunt. At illi non dicuntur נִצַּר per tzade, quomodo constanter Nazarenorum nomen Judæi scribunt, sed נִיר per zain. Alii observant, Messiam *Jes. xi. 1. & lx. 21* vocari נִצַּר, *germen*, unde oppido Nazarethi nomen quoque sit. Sed mirum est, in tanta opinionum diversitate, paucis oppido hujus loci in mentem venisse, ubi expresse satis de Messia sub nomine נִצַּר *Natzer* sermo est. Saltem non minori probabilitate hoc Jobi, & quod cum eo contulimus, Jesaïæ testimonium, eo applicatur, quam quidvis aliud, quod apud interpretes inveni. Idem Jobus egregia de Christi persona, officio, & beneficiis profitetur *Cap. xix. 25. & seq.* Verum eum locum supra excussimus *Lib. III. Cap. II. §. XIX.*

XXXI. Adjungamus ELIHU de Messia præconium *Job. xxxiii. 23.* *Elihu de Messia præconium.*  
 24. *Si fueris apud ipsum מַלְאָךְ כְּלִיךָ Angelus interpres, unus e mille, ad indicandum homini rectitudinem suam: tum miserebitur ejus, & dicet, redime eum, ne descendat in foveam: inveni λύτρον satisfactionem.* Agit hic Elihu de homine afflictionibus & morbis prope ad mortem redacto: ostenditque, quomodo is servari possit, a morte tam corporis, quam animæ. Si ullam cognitionem Messia Elihu habuit, certe hic locus erat de illo loquendi. Et quum verba omnia ita composita sint, ut in nullum commodius, quam in Messiam quadrent cui potius quam illi applicabuntur? Compendiose exponit Elihu, I. *Præstantiam* Messia. II. *Officia.* III. *Beneficia.*

XXXII. *Præstantiam* Messia prædicat, quum eum vocat מֵאֵד מֵאֵד *unum ex mille.* Ubi mille est numerus finitus pro infinito; quasi dicas, unus ex reliquis omnibus, quotquot illorum sunt. Plurimi quidem sunt, qui Angeli, plurimi, qui interpretes dici possunt. Etiam si millenis attribui ea nomina queant, hic tamen ex classe mille reliquorum eximendus est, præ reliquis omnibus excellens alterius longe naturæ, dignitatis, efficacis, אֵד, *Unicus* ex omni reliquorum tanto numero.

Messias est unus e mille.

XXXIII. *Officia* Messia primum generali nomine proponit, tum specialius exponit. In genere vocat eum מַלְאָךְ, *Angelum* Quia Christus missus est a Patre, & nomine Patris dicit & agit apud homines. *Mal. iii. 3.* vocatur *Angelus faderis.* Ita tamen *Angelus* est *Jehova*, ut simul ipse *Jehova* sit. *Zach. i. 1. 2.* quippe *in cujus medio est nomen Jehovæ, Exod. xxxiii. 21.* quique cæteris omnibus *Angelis* tanto *præstantior* est, quanto *præstantius* præ iis est sortitus nomen. *Heb. i. 4.* Angelus dicitur Christus, etiam antequam veniret in carnem, quia ita sæpe tunc apparere, quomodo Angeli apparere soliti sunt: & quia ea jam tum peragebat, quæ a futura in carnem missione dependent.

Est etiam Angelus.

XXXIV. Sed & specialius designatur. Officium illius propheticum, quum

Et interpretes.

quum vocatur מליץ, *Interpres*, Doctor, confer *Jes.* XLII. 1. 27. quia scilicet est מדרבן. *Jes.* LII. 6. *Is qui loquitur*, ὁ λόγος τοῦ Θεοῦ, cujus est Patrem ἐξηγήσαι *Job.* 1. 18. Imo is, qui *diserte loquitur*, & *enigmata explicat*. Hoc enim notat מליץ, *sermo perspicuus*; cui opponitur מידה, *enigma*. *Prov.* 1. 6. Porro ad officium Christi Propheticum pertinet, ut *indiceret homini*, per verbum externe, per Spiritum interne וְיָשִׁיב רֵשִׁיטוֹ *rectitudi-*

*Indicans* nem suam : quod intelligi potest, vel de rectitudine Dei, exigentis satisfactionem pro peccatis, & castigantis etiam electos suos propter ea : vel de rectitudine ipsius Christi, id est, iustitia sua satisfactoria, quæ unica salutis nostræ meritoria causa est : vel denique de rectitudine hominis, id est, praxi fidei & resipiscentiæ. Nihil horum omnium est, quod suos Christus non doceat.

*Et redemptor.* XXXV. II. Officium Redemptoris : quum adscribitur ipsi מַדְרִיבֵנוּ vel מַדְרִיבֵנוּ, (nam מַדְרִיבֵנוּ & מַדְרִיבֵנוּ idem sunt) & כּוֹפֵר. Prior vox מַדְרִיבֵנוּ significat *liberationem a reatu*, nexu & potestate alterius : proprie quidem eam, quæ fit intercedente pretio, ut *Pf.* XLIX. 8. פְּרִיץ & כּוֹפֵר *redemptionis pretium* junguntur : improprie eam, quæ fit majori potentia opposita potentie injusti detentoris : ut *Deut.* IX. 26. פָּרִיתָהּ בְּגִדְךָ, *redemisti in magnitudine tua* : hoc est, ut exponitur *Neh.* 1. 10. בְּכֹחַ חֲזָקָתְךָ וּבִידְךָ דַּוָּקָה, *vi tua magna & manu tua forti*. Utraque liberatio Mellisæ competit, qui soluto pretio libertatem suorum acquirit, & manu forti eandem iis applicat. Vox כּוֹפֵר plerumque notat pretium, quo quis propitiatur & poena redimatur, Id Christus solvit, dans animam suam λύτρον ὡς ἵνα πολλῶν. *Mat.* XX. 28.

XXXVI. Non convenit autem inter interpretes, an verba ista, *Redime enim*, sint verba Christi intercedentis apud Patrem ; an verba Patris ad Christum. Qui prius tuentur, ita exponunt : Redime ipsum, id est, immensa virtute libera eum a malo, quo premitur, & quod cæteroquin ei imminet ; nam ego in me recepi, ut iustitiæ tuæ satisfacerem, & in ea satisfactione est λύτρον : quod ego *inveni*, hoc est, plane & perfecte habeo ; vel quod ego *inveni*, id est, quod comperi ab eo, pro quo intercedo, fide apprehensum esse. Confer *Heb.* IX. 11. Ἀιώνιον λύτρωσιν ἐυράμεθα, *quum æternam redemptionem invenisset*. Qui posterius eligunt, hunc existimant verborum sensum esse : Tu, Christe, redime miserum hunc hominem, applica illi meritorum tuorum efficaciam, per me amplius non stat quo minus felix evadat : nam inveni lytrum, consideravi & examinaui tuam pro homine præstitam satisfactionem, & inveni eam talem, qualem iustitia mea exigit, id est sufficientissimam. Utrovis modo verba sumantur, sensum fundunt commodum.

*Qui suos in gratiam* XXXVII. Beneficia duo memorantur. I. Misericordia Dei. Si fuerit *apud eum Angelus Interpres*, hæc est πρῶτασις, *Et siue Tuum miserebitur ejus* : hæc

hæc est ἀπόδοσις. Docet, fieri aliter non posse, ut homo misericordiam cum Patre  
apud Deum consequatur, nisi Angelus aliquis intercessor existat, qui reduct.  
propitiatione & intercessione sua eum cum Deo in gratiam reducat :  
imo nisi Angelus iste sit ὅς, apud ipsum, præsentia sua gratiosa, & ope  
atque auxilio. Nam ὅς sæpe idem est quod apud. ut Genes. xvi. 8. Jud.  
i. 16. & alibi : & hic commodissime videtur referri ad hominem, de  
quo sermo est. Inter innumeros qui ægri lectum circumstant, & nil  
profuturis pharmacis, vel futilibus sermonibus decumbentem foveat ;  
si hictalis unus e mille præsto sit, suo consilio, auxilio, intercessione ; & a fovea  
tunc Divinæ fructibus misericordiæ egregie refocillabitur. *Evasio fovea,*  
sive corruptionis, id est, mortis tam temporalis, quam æternæ.

XXXVIII. Nec est quod quis hæc ut nove inventa spernat. Nam Gregorii  
certe Gregorius eadem prolixè ad Christum refert. *Quis enim, inquit, est*  
*iste Angelus, nisi ille, qui per Prophetam dicitur magni consilii Angelus ? Quia*  
*enim Græca lingua Evangelizare denunciare dicitur, semet ipsum nobis annun-*  
*cians Dominus Angelus vocatur. Clarins etiam notat, sunt qui per Angelum*  
*intelligunt Christum magni consilii Angelum, per quem justificati sumus. Videat-*  
*ur imprimis Commentarius Sebastiani Schmidii, Theologi Argentora-*  
*tensis.*

XXXIX. Adjungamus hisce Bileami de Messia prophetiam, quam Bileami  
magnificis verbis profert. Num. xxiv. 15.—19. *Dictum Bileami Filii*  
*Bibar, dictum viri aperti oculis. Dictum audientis sermones Dei fortis, & no-*  
*scens notionem Excelsi, qui visionem omnipotentis videt, cadens, sed reiectus*  
*oculis ; Video illud, non tamen nunc, contempler illud, sed non propinquum : pro-*  
*cedit stella ex Jacobo, & exsurgit Sceptrum ex Israël, quod frauet latera Moa-*  
*bitarum, & destruet omnes filios Seth. Et erit Edom possessio, eris, inquam,*  
*Seir possessio hostibus suis : nam Israël faciet strenue. Dominiumque obtinebit*  
*aliquis ex Jacobo, qui perdet superstitem e civitate.*

XL. Auctor hujus prophetiæ Bileamus est, quem ex Veteri He- Bileami  
bræorum traditione Hieronymus & Eucherius eundem esse volunt  
cum Elihu, cujus testimonium de Christo mox exposuimus. Sed fu-  
tilem illam traditionem, nihilque Elihu cum Bileamo commune esse,  
erudite ostendit *Fridericus Spanhemius Filius in Historia Jobi, Cap. xv. §.*  
*xviii. xix.* Magnifice se hic Bileamus effert, ut prophetiæ suæ ma-  
jorem conciliaret auctoritatem. Etsi autem non sine ambitione efflarit  
superba hæc sui elogia, Deus tamen illis sancire voluit, quod per os pro-  
phetæ docere constituerat. Vocat se *Virum oculis apertum*, i. e. propheti-  
columine præditum, ad ea cernenda, quæ aliis clam erant. *Audientem*  
*sermones Dei fortis*, cui familiariter Deus secreta sua patefaciebat. *Noscen-*  
*tem notionem Excelsi*, ea ex Dei revelatione scientem, quæ cæteroquin  
Deus



Deus solus novit. *Videntem visionem omnipotentis*, prophetam veri Dei, juxta illud Num. XII. 6. *Per visionem me ipsum notum facio ei. Cadentem, sed relictum oculis*, qui in somnum prolabitur vel in ecstasin, & tamen oculos mentis apertos habet. Quicquid de reliquis ipsius vaticiniis sit; dubitandum sane non est quin hanc prophetiam Divino instinctu protulerit.

Cur se de rebus longe post futuris vaticinari dicat.

XLL. Præfatur, *propinquum* non esse, quod in Spiritu prospicit: *Vides illud, sed non nunc, contempler illud, sed non propinquum*. Præmonet id partim ad prophetiæ suæ decus, quæ ad tam longinqua sese extendebat, partim ad declinandam invidiam, & ad solatium Balaci: cui, quantum poterat, gratificari conabatur. Interim hic quoque accedit ad Sanctorum Prophetarum stilum; qui, quæ de Messia vaticinantur, ad *אחרית הימים* *extremum dierum* rejicere solent.

Quid per Stellam & Sceptrum intelligatur.

XLII. Quid autem illud est, de quo canit? *Stella*, inquit, *procedit ex Jacob, & exsurgit Sceptrum ex Israël*. Possent hoc literaliter, & sensu diminuto de Davide intelligi, qui fuit quasi lux quædam in tenebris micans, & in cujus manus sceptrum Israël mirabilibus viis devolutum est: qui etiam Moabitas percussit, eosque sibi tributarios fecit. 2 Sam. VIII. 2. Hinc dicit, *Moab est pollubrum meum*: Ps. LX. 10. id est, vilissimum mihi præstat ministerium, est subjectus pedibus meis, uti vas, in quo pedes lavare soleo. Sed altius hæc spectant. Et David hac in parte *Stella* ergo & *Sceptrum* non nisi ut præstantioris personæ Typus considerari potest. Christum Dominum significant, qui & lux populi sui est, per demonstrationem veritatis & multijugam consolationem in verbo & Spiritu, *ὁ ἀστὴρ ὁ λαμπρὸς καὶ ὀρθρινός*, *Stella illa lucida & matutina* Ap. XXII. 16. & *σκηπτὴν βασιλεὺς*, *Rex Regum & Dominus dominantium*. Ap. XIX. 16. Hic processit ex Jacobo & surrexit ex Israël. Nam Prophetam istum excitavit Deus e medio fratrum Deut. XXXIII. 15. & *Magnificus Israël ex ipso est, & dominator e medio ipsius prodiit*. Jer. XXX. 21. *qui quidem Deus est super omnia benedictus in secula*, sed tamen ex patribus quod ad carnem attinet. Rom. IX. 5.

Messias frangit angulos Moabi,

XLIII. Opera ipsi duo adscribuntur. I. *Fractio laterum*, sive *angulorum Moabi*. Hoc est, debellatio eorum, qui antea jurati Ecclesiæ suæ sui que hostes erant. Ea autem duplex est; vel *Gratia*, quando per verbum & Spiritum suum eos ad obedientiam fidei domat, ut lubentes sceptro ipsius pareant, *eversa omni sublimitate, qua se extollit adversus cognitionem Dei*, & in captivitatem reducta omni cogitatione ad obediendum Christo. 2 Cor. X. 5. vel *Iustitia* ac *Vindicta*, quando refractarios subigit, ut inviti potestatem ac supereminentiam ejus agnoscere cogantur, *confringens eos virga ferrea, ut vas vigulinum dissipans eos*. Ps. II. 9. Moabitæ autem hic exempli gratia memorantur: quia iuscum tunc Bileamo res erat. Il.

Dei.

*Destructio omnium filiorum Sethi.* Hoc est, triumphus de omnibus hominibus, quos sibi, vel in gratia vel per justam vindictam, subjecit. Quia omnes hujus mundi homines a Setho propogati sunt. Progenies Cain, & cæterorum filiorum Adami, diluvio interiit. A Setho oriundus est Noachus, a Noacho totum genus humanum: sic ut omnes simus filii Sethi. Omnes autem subjiciemur Christo, *qui tradet regnum Deo ac Patri, quam ut inane sustulerit omne imperium, & omnem auctoritatem & potestatem.* 1 Cor. xv. 27.

Et destruit  
omnes fi-  
lios Sethi.

XLIV. Denique *tempus & qualitatem* Regni Christi indicat. Quando *Israel aget strenue*, adversus hostes suos, tyrannicum Antiochialiorumque jugum excutiendo: quando *Edom, & Seir*, qui mons Idumææ celeberrimus erat, possessio Israëlitis facta fuerint: quod contigit sub tempore secundo, quum Idumæi domiti sunt, &, circumcissione ritibusque Judaicis susceptis, Reipublicæ Israëlitis sunt additi: uti non *Josephus* modo, sed & *Strabo* refert, qui *Geographia Lib. xvi.* de Idumæis scribit: *προσσεχθῆσαν τοῖς Ἰσραηλῶσι, καὶ τὸ νομίμων τῶν αὐτῶν ἐκείνοις ἐκοινάρισαν.* *Judaïsæ adjunxerunt, & leges eorum amplexi sunt.* Quando, inquam, hæc omnia facta fuerint, tunc *dominium obtinebit aliquis ex Jacobo*: magnus scilicet ille Dominator, ille *אביר יעקב, Robustus Jacobi* *Jes. lx. 16.* *אשר לי דומשע, cuius est ad coronam, & cui dabit eam Deus.* *Ezech. xxi. 27.* *Is perdet superfluum e civitate.* Urbem & potestatem humanam, quæ se ipsi opponet, profligabit, ad minimas usque reliquias. *Nam depellit habitatores loci alti, urbem editam: dejicit eam usque in terram, deturbat eam in pulverem usque: Conculcat eam pes; pedes pauperum, vestigia tenuium.* *Jes. xxvi 5. 6.* Atque ita doctrinam salutis continua serie ad Mosi usque tempora deduximus.

Tempus  
& Quali-  
tas Regni  
Christi.

## C A P. IV.

## De Decalogo.

I. Sub Mose longe alia rerum facies fuit. Ea, quæ sparsim dicta, & viva tantum voce tradita erant, nunc plurimis argumentis locupletata, in unum syntagma digesta, jussuque supremi numinis nunquam interituris monumentis consignata sunt; quæ nec hostium ira, nec ignes, nec poterit ferrum, nec edax abolere vetustas. Ut autem omnia huc pertinentia fuse exsequamur, instituti nostri ratio, & brevitas studium haud sinunt. Hoc capite de *Legislatione* agemus, & *Fædere* Dei cum *Israëlis* legi inædificato.

Sub Mose  
facta Le-  
gislatio.

II. Præ cæteris nationibus hoc peculiare populus Israëliticus habuit, quod illius fuerint *αἱ διαθήκαι καὶ ἡ νομοθεσία, fædera & Legislatio.* *Rom. ii data.*

Lex tri-  
plex Israël.  
ii data.

IX. 4. *Leges autem iis latæ non unius generis fuerunt. Tres omnino Theologis recensentur. MORALIS sive DECALOGICA, CEREMONIALIS, & POLITICA, sive FORENSIS. Scilicet tripliciter considerari Israëlitis populus potuit I. Ut Creatura rationales, a Deo, uti suprema ratione, tam Moraliter, quam Naturaliter, dependentes. Et sic data fuit ipsi Lex Decalogica, quæ, quoad substantiam suam, cum Lege Natura, homines quales obligante, una eademque est. II. Ut Ecclesia Veteris Testamenti: exspectans Messiam promissum, & lætiora per ejus consummationem tempora. Atque eo respectu acceperunt Legem Ceremonialem, quæ ostendit quidem, nondum venisse Messiam, & satisfactione sua omnia consummasse, fore tamen, ut veniat, & omnia faciat nova. III. Ut Populus peculiaris, Rempublicam, genio ac indoli suæ convenientem, habens in terra Canaan. Quæ Respublica non tam exacta fuit ad eas formas, quas Philosophi delinearunt, quam sua peculiari quadam ratione Θεοκρατία, ut significanter eam Josephus nominat, Deo ipso imperium in ea tenente. Jud. VII. 23. Sub ea σχέσει præscripsit iis Deum Leges politicas.*

Legislator Deus est.

III. De DECALOGO illiusque promulgatione primo nobis dicendum est. Accurate eam Moses descripsit Exod. XIX. 20. LEGISLATOR, nisi malis, ut Nomothetam dicamus, ipse Deus est. *Unicus ille Legislator, qui servare potest, & perdere. Jac. IV. 12. Qui jus imperii in conscientias habet. Qui, uti suprema Ratio, omnium Creaturarum Rationalium norma, uti summus Dominus, omnium etiam Rector est, & Israellem sibi in populum assumendo singulari ratione illius se Deum esse demonstrabat. Is Divinitatem suam primis Legis verbis asserit, proclamando, Ego sum Jehova Deus tuus.*

Et specialiter ratione Filius.

IV. Quin de Universa individua Trinitate, cujus in una Deitate parem Majestatem omnes agnoscere & colere tenemur, id intelligendum sit, dubitare nefas ducimus. Attamen quum tum quoque *filius Dei*, sua quadam peculiari σχέσει, populi Israëliti, & Ecclesiæ illius temporis, Rex fuerit; illi etiam hæc Legislatio singulariter attribuitur. Nam Angelum locutum esse cum Mose & Patribus in monte Sinai, & eum quidem Angelum, qui apparuerat Mose in rubo, & se Deum Abrahami, Isaaci, ac Jacobi esse dixerat, disertis verbis testatur Stephanus. Act. VII. 38. col. cum. 35. Hunc autem Christum fuisse, nemo Christianus est qui neget. Et Christus utique is est, *qui ascendit in sublime &c. Ps. LXVIII. 19. collat. cum Eph. IV. 8. Is autem ipse processit coram populo suo in solitudine, quando terra movebatur & celi distillabant a præsentia Dei; ipse Sinai, a præsentia Dei, Dei Israëlitis, id est, in datione legis. Ps. LXVIII. 8. 9. Apostolus certe, Heb. XII. 26. eum, qui de caelis locutus est, & cujus vox*

tunc

tum: (scilicet quum daretur lex) *terram concessit*, ait fuisse Dominum nostrum Jesum Christum, qui nunc quoque nobis audiendus est: uti erudite observavit *Zanchius*, *Tom. IV. lib. 1. Cap. XII.* Qui, Filium Dei eum esse, qui legem promulgavit, ex professo & multis probat, de *tribus Elobim Lib. II. Cap. III.*

V. Notatu dignissima sunt, quæ *Jacobus Altingius* Vir Clarissimus ex Hebræorum veterum *κατηχῆσαι* observavit ad *Deut. v. 6.* Dicunt Hebræi: *Tres Spiritus sunt colligati in unum, Spiritus infimus, qui dicitur SPIRITUS SANCTUS. Spiritus medius, qui INTERMEDIUS est, & vocatur SAPIENTIA & INTELLIGENTIA; & hic est Spiritus qui egreditur e medio pulchritudinis consummatissima, cum IGNE ET AQUA: Spiritus summus, qui absolute est in silentio, in quo consistunt omnes Spiritus sancti, & omnes persona lucida. Rabanas. fol. 132. col. 3.* Dicunt etiam *אני, & אתה, & אני*, Ego & Tu & Ipse, esse nomina Dei, quæ tres personas connotant, & in festo Tabernaculorum omnes suis id precibus profitentur: *אני ואתה ואתה אני*. Ego & Ille *juva queso*. Dicunt præterea quum promulgaretur lex, duas fuisse personas. Etenim usque ad finem præcepti secundi, sermo est in prima persona, *Ego Dominus Deus Tuus, &c. Nam ego Dominus Deus &c. fororum meorum, &c. diligentium me &c.* In tertio præcepto, & deinceps agitur de Deo in tertia persona. *Non sumes nomen Domini Dei tui &c. Sabbathum est Domino Deo tuo.* Quibus observatis sic instituunt: *Duo prima verba Spiritum summum esse locutura; sed reliqua elocutum esse per gloriam suam, qua dicatur ELSCHADDAI, notus Patribus, per quam propheta vaticinatus sunt, qui appellatur Jah, in quo nomen Dei est, & dilectus Dei qui habitavit in templo, & os Domini, & facies Domini, & Rups, & bonitas illa quam vidit Moses, quum Deum videre non posset. Bechai fol. 88. col. 3. 4.* Alibi eundem vocant *שכינה* *Scbekina*, per quem acceditur ad Deum, per quem preces ad Deum funduntur: qui est Angelus ille in quo nomen Dei, qui & ipse Deus ac Jehova dicitur. Non inquiri nunc quam solida sint omnia hæc Hebræorum ratiocinia. Suffecerit annotasse tam insignia veteris Catecheseos monumenta de personarum Divinarum pluralitate; cujus in ipso quoque indicia existent Decalogo.

VI Christo Domino in Legislatione ut *ministri* adstiterunt *Angeli*; unde Stephanus dicit, *Act. VII. 53.* *Israëlitas accepisse legem eis διαταγὰς ἀγγέλων* in dispositionibus Angelorum. *Grotius* notat *eis* hic poni pro *inter*, & *διαταγὰς* significare *turmas*, ordine militari dispositas: ut sensus sit, legem magnifice datam esse inter multas Angelorum turmas, & respiciatur locus *Deut. xxxiii. 2.* Quæ non sunt inconcinna. Alii tamen malunt *διαταγὰν* pro *mandato, ordinatione, & functione* accipere: ut *Rom. xiii. 2. eis* interpretantur ad, quo sensu fi-

Antiqua  
de hac re  
Hebræo-  
rum Cate-  
chesis.

Cui ut  
ministri  
astiterunt  
Angeli.

lius dicitur facere *ad nutum Patrio*. Sensem istum erudite expressit *Lude vicus de Dieu*, cujus verba, quia non unius loci explicationem continent, non pigebit adscribere. Ita ergo ille: Sanctus Stephanus supra *ψ. 39.* dixit, Angelum locutum esse cum Mose in monte Sina, eundem nempe, qui in rubo ipsi apparuerat, *ψ. 35.* qui quamvis in se Deus, hic tamen κατ' οἰκονομίαν tanquam Angelus Dei, ceterorumque Angelorum præfectus, consideratus, e medio Angelorum, qui eum undique stipabant, legem in monte Mosi dedit. Cujus rei figuram expressit Sanctuarium, ubi inter Cherubim sedens Deus, e medio Cherubim oracula dabat... Hinc *Pf. LXVII. 8.* quum dixisset, curruum Dei esse viginti millia, iterata millia Angelorum, in quorum medio sit Deus, addit, סיני בקרש, *Sinai est in Sanctuario*: ut doceret, sicut olim in Sinai Deus myriadibus Angelorum cinctus, iisque tanquam curribus vectus, legem dedit, ita adhuc eandem montis Sinai rationem in Sanctuario obtinere, ubi Deus vehitur curru Cherubim. Quandoquidem ergo Lex prodiit e senatu Angelorum, cujus Præses erat summus ille Angelus Jehova, merito dixit Apostolus, *prolatam esse, & ordinatam per Angelos*, Stephanus, *acceptam esse a populo ad ordinationes Angelorum*. Idem hic est διαταγή ἀγγέλων, quod *Dan. IV. 14.* גזרת עירין, *decretum vigilum*, ומאמר קרישין, *& mandatum Sanctorum*. Intelligitur decretum mandatorumque Senatus Angelici, cui præerat summus Dei Filius, respectu cujus idem illud decretum dicitur *ψ. 21.* גזרת עילי, *decretum Altissimi* Hactenus de *Dieu*.

Eorum  
ministe-  
rium.

VII. Verum quid ministerii in Legislatione Angeli Deo præstiterunt? *Primo*, certum est, eos coelestibus suis choris montem cinxisse, & ad augendam Legislatoris Majestatem ei adstitisse, testes etiam fuisse eorum omnium, quæ gerebantur. Cujus rei consideratio non tantummodo terrorem incutere Israëlitis poterat, sed & reverentiam eorum animis ingenerare debebat, ne Angelos, in quorum comitiis lata Lex erat, perfidiæ suæ testes haberent. Huc facit *Dent. xxxiii. 2.* *Jehova prodiit e Sinai, ... venit ex myriadibus sanctorum, a dextra ipsius erat ignis, Lex ad ipsos. Secundo*, non est improbabile, sonum verborum illorum, quibus concepta fuit Lex, in aëre formatum fuisse opera Angelorum. Deus enim proprie voce non utitur: hoc imperfectionis est: sed tamen vox Dei dicitur quæ extraordinaria quadam ratione ad mentem Dei exprimendam in aëre fit, quem in finem Angelorum utitur ministerio. Nempe tonitru & procella lex data est, & quidem tonitru faciente materiam vocis, quæ verba legis proclamabat; ad quem accedere necesse fuit articulationem, quam vocant; quæ concinnata fuit opera Angelorum. *Philoni, in enarratione Decalogi*, dicitur Deus locutus

ius esse non per se ; sed ψυχὴν λογικὴν ἀναπλέων σαφηνείας καὶ τρανότη-  
 τος, ἢ τὸ ἄερα σχηματίσασα καὶ ἐπιτείνασα καὶ πρὸς πῦρ φλογοειδὲς με-  
 ταβαλῶσα, καθ' ἃπερ πνεῦμα διὰ σάλπιγγος φωνὴν τοσαύτην ἐναρθρον  
 ἐξήγησεν, *mentem quandam rationalem implens perspicua cognitione, qua æ-*  
*tem formans atque attenuans in ignis flammantis speciem, tanquam spiritus per*  
*tubam vocem edidit distinctam.* Nescio, an idem, quod nōs, dicere vo-  
 luerit. Nos nihil aliud volumus, quam quod Paulus dixit, quando le-  
 gem vocat τὸ δι' ἀγγέλων λαληθέντα λόγον *Sermonem per Angelos dictum*,  
*Heb. 11.2.* Non quod creatus aliquis Angelus fuerit, qui dixit ego sum  
 Jehova Deus tuus. Hæc enim Dei verba sunt; sed quod tonitru illud,  
 in quo locutus est Deus, Angelorum opera productum, & in verba  
 homini intelligibilia articulatū fuerit. Qui illud δι' ἀγγέλων, de so-  
 la præsentia & stipatu Angelorum exponunt: ut *1. Tim. 11.2.* διὰ πό-  
 λων μαρτύρων, nimis imminuunt vim comparationis Apostolicæ, qua  
 Evangelium eo nomine Legi præfert, quod hæc promulgata sit mini-  
 strantibus Angelis, illud annunciatum ministerio Filii Dei revelati in  
 carne. Vide *Cameronem & Mestresat in hunc locum.* Tertio, Credibile est  
 tabulas testimonii, quibus digito Dei inscripta lex erat, intervenien-  
 tibus Angelis Moysi traditas esse: & huc refero *Gal. 111.19.* νόμος  
 διαταγῆς δι' ἀγγέλων ἐν χειρὶ μεσίτης, *Lex ordinata per Angelos in manu*  
*Mediatoris.*

VIII. Alter Dei in Legislatione minister Moses fuit. *Legem* Ministe-  
rium Mo-  
sis.  
*præcepit nobis Moses, hæreditatem congregationi Jacobi. Dent. xxx111.*  
 4. Lex per Moſen data est. *Johannis. 1. 17.* Et Moſes est ille  
*Mediator*, in cujus manum per Angelos Legem ordinatam  
 fuisse, mox ex Paulo intelleximus. Non impetrat assensum Vir  
 Doctus, qui, Moſen legis Moralis internuncium fuisse negat, & per  
 Moſis legem nil nisi legem ceremonialem intelligendum esse conten-  
 dit: existimatque, historiam promulgatorum decem verborum adeo  
 Moſen a munere internuncii remove, ut in eodem cum populo or-  
 dine & loco constituat. *Exod. x1x. v. ult. descendit Moſes ad populum &c.*  
 & *Exod. xx. 1. Et locutus est Jehova &c.* Sed nisi fallor, fugit hic Vi-  
 rum Doctissimum ratio. Descendit quidem Moſes a monte admonitum  
 Israëlitas, ne perirumperent terminum ascendendo ad Jehovam. Sed ea  
 admonitione facta, ex præcepto Dei, una cum fratre Aarone rursus as-  
 cendit saltem aliquouſque, *Exod. x1x. 24.* Et propius affuit, quum  
 Deus promulgaret leges. Quo facto rursus locutus est cum Israëlitis.  
 Ut ita hæc digeramus, plurima nos movent. Consideremus primo ver-  
 sum 9. *Tunc dixit Jehova Moſi, ecce ego venturus sum ad te in densa hac nu-*  
*be,*



2. *Exod. I. 1.* aliquando etiam *mons Dei*, *I Reg. XIX. 8.* *Lex in montem data*, inquit Beda ad *Exod. XXIV.* *ut ex altitudine loci colligatur, quam velle, quamve ab humanis doctrinis secreta lex, quam Moses accipit.* Situs mons iste in desertis Arabiæ, loco inculto ac sterili, procul a Cax adverso respondens monti Zion, culto admodum ac jucundo. *XLVII. 1. 3.* & in meditullio promissæ terræ sito, unde exivit *Lex* *Ps. II. 2. 3.* Nam *Lex* homini peccatori vitam dare, eumque civitatis feracem reddere, & in cœlestem patriam introducere, ut Evangelio id competit, *quod est potentia Dei ad salutem.* Contemnenda non est *Ludovici Cappelli* observatio, ad *Gal.* ai montem dictum esse a voce סנה, quæ & Hebraice & Arabicè, *Rubum*, & *Senticetum* significat. Deus enim est hic סנה, Mosen allocutus est. Mons item Horeb, חורב, *siccitatem* & *ariditatem* notat. Deus nempe ejusmodi loca & nomina certo consilio in danda Lege delegit, ut rebus nomina, & typis suis res τυπωθῆναι responderent. *Lex*, si in se sola consideretur, homini peccatori quovis saxo vel fabuloso deserto *aridior est*, a qua ne gutta quidem veræ pietatis in corde humano exprimi posset; horrendam etiam *vastitatem* & desolationem minis suis & maledictionis interminatione facit, quibus, *sen spinis* quibusdam, conscientiam peccatoris fodiat, & pungit. Sed & adscribi meretur quod *Præstantissimus Lichtfootus* annotavit. *Miscellan. Cap. LIX.* *Lex ceremonialis*, quæ ad solos Judæos pertinuit, data fuit (saltem quoad magnam sui partem) Mose privatim in Tabernaculo. *Levit. I. 1.* & simul cum Tabernaculo concidit; quando aulæum fuit disruptum. *Lex Moralis* spectat totum mundum; & in mundi totius conspectu fuit edita, in montis videlicet cacumine: & perdurare debuit, quamdiu mons ullus loco suo staret. *Lex Judicialis*, quæ magis indifferens est, stareque aut cadere potest prout reipublicæ maxime videtur expedire, neque adeo propalam edita fuit quam una, neque adeo privatim quam altera.

XI. Imo ne ad istum quidem montem populo, etiam externe suo modo sanctificato, liber accessus fuit. Terminis montem populumque coerceri Deus jussit, poenamque mortis iis comminatus est, qui in montem ascendere, aut partem ejus tangere sustinerent, *Exod. XIX.* *Mons certis terminis circumscriptus.* 13. Quod durum adeo edictum videbatur, ut Paulus testetur, eos *id ferre non potuisse.* *Heb. XII. 20.* Et sane quam suave & bonum est propinquum esse Deo: *Pf. LXXIII. 28.* tam durum est ac triste ab accessu illius arceri. Ostendebatur isthoc præcepto, Israëlitas impuros, ac præsentia Dei indignos esse. Ipsa animalia, iis inservientia, impura reputabantur. Et propterea edicebatur, *si vel fera tetigerit montem, lapidabitur,*



*aut jaculis confodietur.* Adeo per & propter hominem peccatorem omnia in servitutem corruptionis redacta sunt. *Rom. 11. 21.*

Signa  
horribilia.

XII. Accesserunt *signa* horribilia, vehemens tonitruum fragor, internitentium fulgetrorum vibrationes, spissæ caliginis nebula montis cacumen obsidens, fumi in coelum ascendentis atrii vapores, terræ motus, montisque ipsius adventum Dei sentientis tremor, & quæ plura recensentur. *Exod. xix. 16. 18. Deut. iv. 11. Heb. xii. 18.* Quorsum omnis ille apparatus? I. Ad indicandam tremendam Legislatoris Majestatem, reverentiamque animis erga legem ipsius ingenerandum. *Deus ipse venit, ut sit timor ejus ante faciem vestram, ne peccetis. Exod. xx. 20.* II. Ad patefaciendum legis genium, quæ exactione perfectæ obedientiæ, additisque terribilibus minis, peccatores mire percellit, & si sola sit, sine temperamento Evangelii; ad desperationem ducit, estque iis *ministerium mortis, & condemnationis 2. Cor. iiii. 7. 9.* secus atque Evangelium, quod hac in parte legi opponitur. *Heb. xii. 18. 22.* III. Ad fidem & constantiam Israëlitarum explorandum: an eo Dei terrore ad humilitatem & obedientiam subigerentur; an vero per proterviam eum contempturi, vel per desperationem ei recalcitraturi essent. *Exod. xx. 20. Ut tentaret vos.*

Nulla Dei  
species  
visa.

XIII. In tantâ Majestatis demonstratione nullam tamen Dei formam speciemve oculis suis Israëlitz usurparunt. *Deut. iv. 12. 15.* Consulto id factum, ne terrenas de coelesti numine opiniones foverent, neve *corrumpere se, & facerent sibi sculptile, similisudinem ullius simulacri: formam maris aut famina. 7. 16.* Eccui enim formæ assimilare eum sustinerent, cujus nullam formam viderant? *Jes. lx. 25. Cui ergo assimiletis me, & aqualis essem? ait Sanctus.*

Decalogi  
argumen-  
tum.

XIV. Lex, a Deo ita publicata, *decem verbis* constat. *Exod. xxx. 18. 28. Deut. iv. 13.* Unde etiam Græcis Theologis *δεκάλογος* dicta est. Ea porro, quæ decem istis verbis continentur, non unius omnia generis sunt. Est in iis, I. Præscriptio certorum officiorum; & in eo proprie ratio legis, quatenus lex est, consistit. II. Interminatio Divinæ vindictæ adversus transgressores: uti in verbo secundo & tertio. Hæc pertinet ad Sanctionem foederis operum, unde omnes comminationes derivantur, uti fuse explicuimus. *Lib. iiii. Cap. i. §. xxii.* III. Propositio Divinæ gratiæ atque favoris: quæ quum peccatoribus fiat, & quidem sub conditione, non perfectæ, sed sinceræ obedientiæ, utique ex foedere gratiæ procedit.

Est Lex  
Caritatis.

XV. Officia omnia lege exacta unius *Caritatis* ambitu comprehenduntur: quæ propterea *πλήρωμα, impletio legis, Rom. xiii. 10.* & *vinculum perfectionis Col. iiii. 14.* dicitur. Porro Caritas ista quum vel ad Deum

Deum ascendat, qui, uti Summum Bonum, supra omnia, omnibusque viribus amandum est; vel ad proximum se extendat, quem, uti Dei nobiscum peculium, juxta nos ipsos diligere tenemur; hinc in duo ista Capitalia præcepta universam legem dispecit Christus.

Mat. xxii. 37. 38. 39.

XVI. Non contentum fuit Summum Numen leges suas sonora voce Israël in augustissima totius populi panegyri publicare: ipse eas, propriis digitis, tabulis lapideis, eum in finem ab ipso dedolatis, insculpsit. *Exod. xxiv. 12. & xxxi. 18. Dent. ix. 10.* Scribere legem suam voluit, ut eo minus oblivioni traderetur, & memoria illius datæ acceptæque in Israël perennaret. Hinc tabulæ istæ vocantur *לוחות הברית, tabula testimonii. Exod. xxxi. 18. & xxxiv. 29.* Tum quia continebant contestationem Divinæ voluntatis, tum quia, asservatæ & asservandæ ab Israëlitis, testimonium iis erant legis in Sinai datæ, & ab ipsis acceptatæ. Significabat etiam scriptio ista propositum Dei, de lege cordibus electorum suorum inscribenda, juxta promissum foederis gratiæ. *Jer. xxxi. 33.*

Lex cur scripta?

XVII. Neque de nihilo est, quod ipse Deus scriptionis hujus auctor esse voluerit, sine ullius hominis ulliusve Angeli interventu. Hoc enim vult Spiritus Sanctus, quando dicit tabulas conscriptas fuisse *באצבע ה' digito Dei. Exod. xxxi. 18. & Scripturam fuisse Scripturam Dei. ib. xxxii. 16.* Hujus rei hæc erat ratio. I. Ut indicaretur *τὸ διαφωρότερον* legis hujus, non solum præ humanis omnibus, sed & præ reliquis Divinis Legibus, quas a Mose conscribi passus est. II. Ut innueretur, solius Dei opus esse, legem mentibus inscribere. id non potest ipse homo, non possunt Dei ministri. Solus Dei Spiritus id efficit. Atque ita fideles sunt *Epistola Christi, inscripta non attramento, sed Spiritu Dei vivi. 2 Cor. iii. 3.*

Cur ab ipso Deo?

XVIII. Notatu quoque dignum est, quod scriptio illa Dei non fuit delineatio aliqua literarum in plano, sed *ככתב ה' scriptura sculpta*, per incisionem & excavationem. *Exod. xxxii. 16.* Vox illa *ככתב*, quæ nullibi præterea occurrit, videtur, per commutationem affinium literarum *ת* & *ט*, esse a *חרט*, quod significat *calam*, sculptorium instrumentum: sic ut *חרת*, sit *calo*, vel *stilo sculper*, uti R. Salomo observavit. Notabat id non solum perpetuitatem legis, respectu obligationis suæ, (nam characteres ita sculpti difficiliter longe delentur, quam literæ in plano pictæ) sed & altam illius cælaturam in penitis electorum cordibus, quam omnibus viribus artibusque suis ne quidem ipse eradat Satan. Si nos ipsos spectemus, uti natura corrupti sumus, *peccatum nostrum scriptum est stilo ferri, & scalpello lapidis*

Cur sculpta five incisa?

*perdiunturmi & exaratum in tabula cordis nostri. Jer. xvi. 1.* Verum istam peccati scripturam delebit Divina gratia, illiusque loco, scalp pro Sacratissimi Spiritus sui, in eadem cordis nostri tabula cælabit legis suæ characteres.

Et qui-  
dem Ta-  
bulis La-  
pideis.

XIX. Nec illud prætereundum est, quod non papyro vel perga-mento, imo ne ligno quidem inscribere, sed *tabulis lapideis* inculpe-re legem suam Deus voluerit. Factum id, uti bene notavit *Abarbe-nel*: נציחית החרה על חפסר דויה מורה על נציחית החרה *ut fundamen-ta legis permanerent semper incorrupta; docetque hoc de perpetuitate legis.* Cæteræ leges, quæ permansuræ duntaxat erant ad tempus *διορθώσιμος*, & quarum *ἀβέτησις* instabat, *διὰ τὸ αὐτῶν ἀσθενὲς καὶ ἀνωφελὲς* Heb. vii. 18. inscriptæ sunt a Mose materiæ minus durabili. Hæc autem Lex, quæ æternæ est obligationis, ab ipso insculpta est lapidi. Et quid-ni liceat nobis hac occasione cogitare de lapidea cordium nostrorum duritie, quibus tamen per Spiritum Sanctificationis legis Divinæ for-ma imprimitur? *Musculus in locis communibus de Decalogo.* Non erat sa-tis audisse vocem Dei, nisi & monumentum literarium digito Dei conscrip-tum exstaret, quo posteritati consuleretur, & duri populi veluti saxea con-scientia convinceretur. Ideo lapidea usurpata sunt tabula, non chartacea. Vi-deatur etiam *Johannes Gerhardi in locis communibus De Lege, Sect. v. §. xxxii.*

Binis &  
ab utraque  
parte con-  
scriptis.

XX. Tabulæ istæ Binæ erant, Sanctificationem tum animi tum corporis, amorem tum Dei tum proximi, præcipientes. Etiam *אשרי עבריהם מזה ומזה הם כתיבים* a duobus lateribus suis hinc & hinc erant scriptæ. *Exod. xxxii. 15.* Quod vel ita intelligendum est, ut ta-bulæ clausæ fuerint ad modum tabularum libri, & a binis suis pagi-nis conscriptæ; vel, quod simplicius videtur, ut singulæ ab utraque sui parte scriptura plenæ fuerint, uti illa, quæ Græci *ὁπιδόγραφα* vocant. Ita ipso facto cavebatur, ne quid legi isti vel demi, vel addi posset. Quod etiam diserte suis mandavit Deus. *Deut. iv. 2. & xii. 13.* Neque nefas est cogitare, adumbratam hoc pacto fuisse integri hominis sanctificationem. Sicut nihil in istis tabulis exstabat non consignatum Scriptura Dei, ita nulla hominis fidelis pars est, quam sanctificatione sua Spiritus non permeet. *1 Thess. v. 23.*

Quot  
præcepta  
inscripta  
fuerint  
singulis,  
non con-  
stat.

XXI. Quot autem præcepta singulis tabulis a Deo inscripta sint, definiri a nobis non potest. Etenim, quando priora præcepta, de amore Dei agentia, ad priorem tabulam referimus, sex sequentia, quibus de amore proximi agitur, ad posteriorem; non ad modum Divinæ signaturæ, sed ad ipsam rerum naturam respicimus, quem-admodum & Christus fecit. *Mat. 22.* Tabulas hinc & inde scriptas fuisse

fuisse mox audivimus: æquales fuisse admodum probabile est. Præcepta autem quatuor priora prolixitate sua sex reliqua nimium quantum superant; unde conficitur, vix esse credibile, quod ea unica tabula contenta fuerint.

XXII. Quum Moses tabulis a Deo exaratis instructus a monte descenderet, & appropinquans ad castra Israëlitis videret vitulum, ipsorum jussu ab Aarone fustum, sancta indignatione percitus, abiecit e manibus suis tabulas & fregit eas. *Exod. xxxii. 19. Deut. ix. 16. 17.* Omnino statuendum est, Mosen, zelo Dei accensum, pro officii ratione, tabulas has confregisse. Faciebat enim illud I. Ad pudorem terroremque Israëlitis incutiendum, quos rupti foederis tremenda hac actione longe efficacius convincit, quam ulla verborum vehementia fieri potuisset: privando ipsos inæstimabili isthoc thesauro, quo cæteroquin supra cæteras totius universi nationes eminuissent. II. Ad demonstrandum, quod per violationem sacratissimi foederis indignos se Divinæ præsentiae Symbolo fecerint. Nam verba foederis eo fine tabulis inscripta erant, ut ponerentur in arca, & ut Deus super arca habitaret in tabernaculo. Igitur per Mosis indignationem, Deo ita volente, factum est, ut nihil esset, quod in arca poni posset, atque ita nec tabernaculum strui posset, & propitiatorium in medio Israëlitis non esset.

XXIII. Attamen Deus, a Mose exoratus, ruptum foedus instauravit. Jussit Mosen duas tabulas instar priorum dolare, in quibus ipse Deus eadem verba scriberet. *Exod. xxxiv. 1.* Ita suam quidem gratiam ostendit, ut voluerit tamen aliquod poenæ vestigium restare: ne torporem induceret veniæ facilitas. Nullum in prioribus tabulis hominum artificium intervenerat: & tabulæ Dei erant, & Scriptura erat Dei. Nunc pars illius tantæ dignitatis imminuitur, dum jubetur Moses lapides afferre, manu hominis politos, in quibus Deus decem verba scribat. Docemur interim, ne sanctissimos quidem quicquam Deo offerre posse (modo id possint) præter tabulas raras. Omnis delineatio sanctitatis Deo auctori in solidum adscribenda est.

XXIV. Quum hæc fierent, iterum Deus Israëlitas a monte arcuit, imo ne oves quidem bovesque in prospectu montis pasci permisit. *Exod. xxxiv. 3.* quandoquidem idololatria sua abominabiles se Deo fecerant. Videtur quidem nobis hominibus, illustrius futurum esse miraculum, si in conspectu omnium momento apparuisset scriptura in nudis tabulis: sed uunc secreto, solo Mose teste inscriptio hæc peracta est, ut locus aliquis daretur fidei, etiam ea, quæ non videt, am-

Priores  
tabulas  
Dei inscrip-  
tu Moses  
fregit.

Qui alias  
iterum  
priorum  
instar do-  
lavit.

Eas dum  
scriptura  
sua inscri-  
bit Deus,  
rursus Is-  
raël a  
sacro  
monte ar-  
cetur.

amplectenti. Interim quoque carnis obliterationem satis compescuit Dominus: quum constaret, Mosen neque scalpellum neque graphium secum sumsisse, vel in monte reperire potuisse. Sic enim Deus coelestis suæ doctrinæ dispensationem temperat, ut probet fidelium obsequium & docilitatem, nec tamen quicquam reliquum faciat dubitationi: sicut acute *Calvinus* noster observavit.

Fulgor  
faciei Mo-  
sis,

XXV. Verum & alio modo legis suæ Auctoritatem Deus adstruxit: nimirum ingenti illo fulgore, qui coruscabat in facie Mosis, quando instructus tabulis Testimonii descendebat a monte, ita quidem ut intueri eum Israëlitz non valerent, sed velum faciei suæ imponere coereretur, quando loquebatur cum iis. *Exod. xxxiv. 30.* — Hoc quoque ad decus & gloriam legis pertinebat, monente Apostolo *2 Cor. iiii. 7.* Si enim Moses ipse, qui Minister erat, conspiciebatur in tanta gloria, id, quod ministrabat, minus gloriosum esse non potest. Quod autem Israëlitz fulgorem illum perferre non poterant, indicio ipsis erat, quam præcul sua ingratitude recessissent a Deo, qui ad servi conspectum expavescebant. Hoc igitur discrimine fuerunt humiliati, quod Mosis ipsius Dei gloriam prope intueri dabatur & gloriæ istius effulgentiam in cute faciei suæ habere: ipsi autem metu attoniti refugiebant ad hominis mortalis conspectum. Porro quod Moses Israëliti loquens velum faciei suæ imponebat, documento erat maxima legis mysteria, & verum ejus finem, qui est *Christus, ad justitiam cuius credenti Rom. x. 4.* testis iis fuisse. *2 Cor. iiii. 13.* Denique observat Apostolus, gloriam illam faciei Mosis ut inutilem sublatam esse. *ibid. 7.* Fieri potest, ut non diu ei affuerit coruscans iste cutis fulgor: saltem in morte evanuit. Hoc notabat, ministerii Mosaici gloriam interituram aliquando fuisse, ut locum faceret supereminentiori gloriæ ministerii Christi.

Velum ei  
impositum

Tabulæ  
sepositæ in  
arca sub  
propitia-  
torio.

XXVI. Tabulæ illæ seponebantur in arca foederis sub propitatorio. *Exod. xxv. 16. Deut. x. 5. 1 Reg. viii. 9.* Non solum ut ibi tanquam pretiosissimum *κειμήλιον*, & foederis Divini symbolum, aservarentur; sed præcipue ut denotaretur, Christum, cujus typus arca erat, legem Dei habiturum in medio viscerum suorum *Ps. xl. 9.* eamque pro suis perfecte impleturum: itemque apud Christum non solum propitiatorium esse, quo peccata nostra teguntur, sed & legem, quæ reconciliatis cum Deo regula vitæ, & norma gratitudinis sit.

An Lex  
quarenus

XXVII. An Leges istarum duarum tabularum, quatenus per Mosen populo Israëlítico datæ sunt, perpetuæ sint obligationis, quæ ad nos Christianos quoque extendatur, & olim disputatum est, & adhuc

adhuc dam disputatur in Ecclesia. *Hieronymus Zanchius operum Tom. IV. Lib. I. Cap. XI.* prolixè multisque argumentis pugnat, leges Morales, quatenus per Moſen traditæ fuerant Iſraëlitis, nihil ad nos Chriſtianos pertinere; ſed eatenus tantum, quatenus & cum lege naturæ omnibus gentibus communi, conſentaneæ ſunt, & per Chriſtum, quem pro Rege noſtro agnoſcimus, confirmatæ fuerunt. In eandem ſententiam quoque ſcribit, *Muſculus, in locis communibus, Titulo de Abrogatione legis Moſaica.* David autem Parens, dum iudicium ferret de pugnantibus ſententiis Dominici a Soto & Belarmini, quorum ille negabat, nos ſubjectos eſſe legi Decalogi, quatenus a Moſe tradita fuit; hic autem contra, legem illam, quatenus eſt a Moſe tradita, etiam nos obligare affirmabat; etſi præmittat (*ad Libr. Bellarmini de Juſtificatione. IV. Cap. VI.*) parum referre, de miniſterio Moſis, quo olim promulgata fuit, contendere, modo vigeat lex & obedientia legis in Eccleſia; dicit tamen, ſententiam Bellarmini ut potiorẽ & tutiorem eſſe retinendam. *Rivetius, in explicatione Decalogi,* exiſtimat, in re ipſa non eſſe aliquod diſcrimen, ſed tantum in loquendi modo. Quum apud omnes conveniat, moralia omnia, quæ in lege habentur, eſſe perpetuæ obſervationis inter Chriſtianos quatenus ſunt præcepta naturalia, ab auctore naturæ Deo omnium mentibus indita: & quæ magno, imo neceſſario adjumento imbecillitati noſtræ & ignorantia, per modum doctrinæ, ſcripta lege comprehenſa ſunt. Magis tamen inclinare videtur in ſententiam Zanchii & Muſculi. Nos noſtram ſequentibus Theſibus includimus.

XXVIII. I. Quum Decalogus contineat Legis Naturalis ſummam, & quoad ſubſtantiam cum lege naturæ una eademque ſit, eatenus univerſalis & perpetuæ obligationis eſt. Et haſtenus omnes Theologi conveniunt, ne Socinianis quidem exceptis. *Vide Volkel: Lib. IV. Cap. V.*

XXIX. II. Non ſolum opera danda eſt officiis, de quibus inibi edocemur, quia rationi rectæ conſentanea ſunt; & abſtinendum a vitiis, quia ratio dictat ea turpia eſſe; ſed etiam ſub eo formali, quia Deus ea officia juſſit, ea vitia vetuit; ut agnoſcatur ipſius poteſtas legiſlatoria, & probitas noſtra habeat rationem obedientiæ, quæ qua talis in ſola præcipientis Auctoritate fundatur. Et quis dubitet, ad officium Creaturæ rationalis pertinere, ut Deum pro ſupremo Domino & Rectore agnoſcat, cujus voluntati, ſine ulteriori rationum examine, ſubmittere ſeſe debeat, inclamans ei, Domine, quid me vis facere.

XXX. III. Gentiles, qui de legiſlatione in deſerto nihil ſando audiverunt, obligati non fuerunt ad obſervationem legis, quatenus publicata

per Moſen  
data per  
petuæ ob-  
ligationis  
ſit.

Decalo-  
gus quate-  
nus ſum-  
mam legis  
naturalis  
continet,  
omnes &  
ſemper  
obligat.  
Non ſo-  
lum quia  
præcepta  
ejus ratio-  
ni conſen-  
ſanea ſunt  
ſed &  
Propter  
Auctorita-  
tem juben-  
tis.

**Gentiles**  
qui nihil  
de lege  
scripta au-  
diverunt,  
tenentur  
tamen le-  
ge, quæ  
inscripta  
est eorum  
conscien-  
tiis.

Præcepta  
communis  
honestatis  
omnes ob-  
ligant, ad  
quorum  
notitiam  
deveni-  
unt.

Communia præ-  
cepta sin-  
gularibus  
rationibus  
urgeti  
possunt.

Lex Ec-  
clesiæ se-  
mel data  
semper vi-  
gorem  
suum in  
Ecclesia  
servat, do-  
nec a Re-  
ge abro-  
getur.

licata erat Israëlitis, sed tantum quatenus inscripta erat suis conscien-  
tiis. Hinc Apostolus dicit, *eos qui sine lege*, scilicet scripta, *peccarunt, sine lege perituros: Rom. 11. 12.* Hoc est, non condemnatum iri vir-  
tute legis quatenus Israël scripto tradita est, sed ob violatam legem  
naturalem. Interim si qui ex Gentilibus cognitionem aliquam hu-  
jus Legislationis nanciſcebantur, ii, præcepta legis sibi non minus  
quam Israël dicta esse arbitrari debebant, neque poterant ea negli-  
gere sine Dei contemptu, & salutis suæ dispendio.

XXXI. IV. Præcepta communis honestatis, etſi peculiari ali-  
qua ratione, & cum peculiaribus quibusdam circumſtantiis, ad pe-  
culiarem aliquem cōſum primitus deſtinata ſint, non deſinunt ta-  
men eos omnes auctoritate Divina obligare, ad quorum notitiam per-  
venit, ea olim a Deo proximis ipſorum injuncta eſſe. Verbi gratia:  
ea, quæ Romanis ſcripſit Paulus, nos non minus quam ipſos obli-  
gant. Ratio eſt, quia fundamentum obligationis eſt manifeſtatio Di-  
vinæ voluntatis. Quando ergo Deus uni alicui homini dixit, hoc vel  
illud officium ei uti creaturæ rationali, quæ imaginem ſuam referre  
debet, incumbere; omnes alii homines id audientes non minus ad id  
officium obſtringuntur, quam ille, cui id primo eſt propoſitum;  
non ſolum quia materiale illius præcepti rationi conſentaneum eſſe  
judicant; ſed idcirco quia Deus id præceptum, nihil refert cui pri-  
mum, ſed dedit tamen.

XXXII. V. Communia præcepta, omnes, quibus innotescunt,  
propter auctoritatem præcipientis, obligantia, ſingularibus rationi-  
bus apud nonnullos urgeri poſſunt. Verbi gratia, Præceptum de con-  
ſtantia in fide Evangelii, aliter urgeri poterat apud Judæos, aliter  
apud Gentiles: manebat tamen commune utriſque præceptum. Ita  
Deus Decalogum Israëlitis proponens rationes quasdam addidit, quæ  
ſecundum literam eos ſolos ſpectabant: quia, quod commune omni-  
bus erat officium, iis ſpeciatiim commendare volebat. Eo tamen modo  
pro ſua ſapientia eas rationes expoſuit, ut analogice, & in ſignificatu  
ſuo myſtico, alios quoque tangant.

XXXIII. VI. Quum populus Israëliticus Eccleſiam illius tempo-  
ris conſtituerit, & Filius Dei Jeſus Chriſtus, ut Eccleſiæ Rex, De-  
calogum ei præſcripſerit, ſequitur, eandem legem in Eccleſia vigorem  
ſuum obtinere, donec a Rege Eccleſiæ iterum abrogata ſit. Non eſt  
exiſtimandum, Eccleſiam veteris Teſtamenti, quæ ex Israëlitis con-  
ſtabat, & Eccleſiam Novi Teſtamenti, licet maximam partem ex  
Gentilibus conſtet, diverſos plane populos eſſe. Conſiderari debent  
ut unum regnum Chriſti, qui fecit τὰ ἀμφότερα ἐν, Eph. 11. 14  
&

& qui nos, quum oleastri essemus, pingui isti oleæ inseruit. *Rom. xi. 17.* Ideoque quæ Leges a Christo Rege Ecclesiæ semel datæ sunt, eæ Universam Ecclesiam semper obligant; nisi declaraverit Christus, se alio instituto eas abrogasse. Absurdum autem cogitatu est, Christum Legem Moralem, quatenus mediante Mose eam Israëliticæ Ecclesiæ dedit, abrogasse, & mox eandem legem Ecclesiæ Christianæ confirmasse. Nam quum eadem Lex sit, ab eodem Rege, in uno eodemque Regno, licet novis accessionibus novisque privilegiis aucto, cur momento eam abrogatam fingimus, & eodem ferme momento rursus sanctam? Imo vero datam fuisse legem Decalogi, ut eo modo, quo data est, perpetua Ecclesiæ Regula foret, multa, ut credamus, suadent.

XXXIV. Nam quum hæc præcepta in totius Ecclesiæ panegyri omnibus audientibus promulgata sint, reliqua autem Mosis soli in sacro secessu data: quum hæc ipso Dei digito lapideis tabulis insculpta sint, ut, quemadmodum Calvinus notat, doctrinæ illius perpetuitas omnibus seculis vigeret: quum eadem, & quidem sola, arcæ foederis imposita fuerint, ut sub ipsius Dei alis custodirentur; tot prærogativis liquido ostendit Deus, aliam longe horum præceptorum rationem esse, aliam eorum, quæ ad tempus tantum Ecclesiæ imposita sunt.

XXXV. Unde patet nuperi Catechistæ temeritas, asserentis, decem verba lapideis tabulis inscripta fuisse, ad indicandum, ea duratura esse, donec tabulæ istæ durarent, tabulis autem amissis legem iis inscriptam quoque abrogandam esse: imposita autem fuisse arcæ foederis, ad denotandum, quod ejusdem naturæ sint cum ista arca, istoque foedere, id est, evanida. Quæ si vera sint, sequetur, Israëlitas, jam inde a devastatione primi templi, quo tempore deperdita est arca cum tabulis legis, a Decalogi obligatione immunes fuisse: nullamque esse differentiam inter Decalogum & reliquas Ceremonias, quum Ceremoniarum quasi centrum arca fuerit, imo vero Decalogum in eo cæteris ceremoniis inferiorem fuisse, quod, quum cæteræ ad Christi mortem usque perstitissent, ille per Captivitatem Babylonicam abrogatus sit. Singula autem hæc tam falsa, & ab omni sana Theologia tam aliena sunt, ut propemodum impia sint.

XXXVI. Accedit, quod Christus dixerit, *non venisse se, ut legem solveret, sed ut eam adimpleret. Mat. v. 17.* Solvere significat ibi abrogare, & ab illius obligatione homines eximere, uti patet ex *v. 19.* Loqui autem Christum de lege decalogica, colligitur ex sequentibus, ubi Christus præcepta illius legis explicat, & discipulis suis commendat, Paulus etiam *Rom. xiii. 9.* & Jacobus, *Cap. ii. 8. 11.* præcepta Legis, iisdem verbis, quibus per Moysen Israëliti tradita fuerunt, hominibus Christianis inculcantes, non eam rationem urgent, quod cum

Alia Decalogi, alia cæterarum legum ratio est.

Nuperi Scriptoris temeritas notata.

Decalogi observatio sub N. quoque T. urgetur, quia & quomodo illa olim a Deo jussa est.



dictaminere recte rationis convenient, vel quod per Christum iterum confirmata sint, sed quod a Deo ita olim promulgata & scripta sint. Imo ad *Eph. vi. 2.* non solum promissionem præcepto quinto additam, sed & ordinem præceptorum urget, eo argumento observantiam parentum commendans, quod id præceptum *primum sit cum promissione.* Si autem Decalogus, quomodo olim Israëliticæ Ecclesiæ traditus est, Christianos non concerneret, imbelles (quod absit) argumentum illud Apostoli apud Christianos foret.

Neque  
uspiciam il-  
lius abro-  
gatio me-  
moratur.

XXXVII. Denique si Decalogus, quatenus olim Ecclesiæ datus est, nunc Ecclesiam non obligaret; necesse est, eum a Deo revocatum, & a Christo abrogatum fuisse. Atqui utrumque absurdum est. Quis enim Deo talem sermonem affingere ausit? Ego quidem volo, vos servare præcepta naturalia, quæ præcepi olim in lege solenniter Israëlitis publicata; sed deinceps nolo, vos ad illa obligari propter meum præceptum, sed quia natura ita postulat. Cur Christus etiam abrogaret præcepta Ecclesiæ Israëliticæ data, ut eadem mox Christianæ daret? Ne dicam, abrogationis istius nec volam nec vestigium in sacris literis reperiri.

Attamen  
Lex Fœde-  
ris operum  
abrogata  
est in sua  
origi-  
ne fœderali.

XXXVIII. Non diffitemur interim, legem fœderis operum per Christum abolitam esse in sua *σχέσι fœderali*: I. *Quoad rigorem*, in quantum ab ipso homine exigit obedientiam omnibus partibus & gradibus perfectam uti conditionem justificationis: idque sine ulla promissione Spiritus & gratiæ sanctificantis. II. *Quoad maledictionem*, quam omnibus iis intentat, qui vel minimum ab ea deflexere. Atque hoc sensu Paulus dicit, *nos non esse sub lege, sed sub gratia. Rom. vi. 14.* Attamen quoad *σχέσιν* suam *normalem*, in quantum est regula vitæ ac morum, ne per momentum quidem a Christo abrogata vel abolita est. *Legem igitur inutilem reddimus per fidem? Absit, imo legem stabilimus. Rom. 111. 31.* Eo respectu nos Christiani Decalogo non minus subsumus, quam olim Judæi: idque non eo solum nomine, quia præcepta ejus iusta & sancta sunt, sed etiam quia sunt præcepta, tanta cum maiestate olim promulgata: sive, quod ferme idem est, non modo propter doctrinam, sed & propter auctoritatem summi Rectoris.

Ufus le-  
gis absolu-  
tus,

XXXIX. Nunc usum hujus legis, quem omnibus seculis habet, expendamus. Is autem considerari potest, vel *absolute & in se*, vel *relative ad certam hominum conditionem statumque*. In se, lex est, I. Icon veræ virtutis, delineatio internæ & externæ probitatis, & exemplar sanctitatis, quæ Deo digna sit. II. Demonstratio unicæ illius viæ, qua creatura rationalis ad gloriosam Dei communionem pervenit. *Qui fecerit ea homo, vivet in iis. Lev. xviii. 5.* *Præceptum quod ad vitam est. Rom. vii. 10.* Nemini obtingit vita nisi juxta hanc legem, vel

vel per ipsum hominem, vel per sponforem ipsum, implendam. III. Jussum summi Rectoris, quemvis obligans ad obedientiam, sub comminatione mortis æternæ. *Lev. XVIII. 2. 3. 4. Deut. XXVII. 26.*

XL. Status hominis, ad quem peculiare suas *σχίσαι*, lex habet, In statu instituto. triplex est, *Instituto*, *Desitutus*, *Restitutus*. In statu *instituto*, erat homini Norma naturæ, & omnium actionum suarum: ad quam sua sponte summaque animi lubentia se conformabat. II. Eximium pulcherrimumque ornamentum, quatenus ipsius Dei creatrice menti illius indita atque impressa erat. III. Conditio fœderis operum ab ipso homine præstanda ad acquisitionem consummatæ beatitudinis.

XLI. In statu *desituito*, inservit, I. Ad detegendum & notificandum homini peccatum suum. *Rom. III. 20. Per legem est agnitio peccati.* Huc faciunt præcepta legis, idque dupliciter. Primo ad modum speculi ostendentis homini animæ suæ & actionum suarum fœditatem. *Jac. 1. 23.* Dein virtute illa sua, qua per accidens pravitate humanæ, peccatum cæteroquin torpens excitant, adeo ut freenum mordeat, & quo districtius prohibetur, eo vehementius contra nitatur, ipsis moderaminibus nocentibus. Hoc egregie exsequitur Apostolus, *Rom. VII. 7. 13.* II. Ad denuntiandam homini maledictionem. Id facit suis *comminationibus*, *Scimus autem, quæcumque lex dicit, iis qui in lege sunt dicere, ut omne os obturetur, & obnoxius fiat totus mundus condemnationi Dei. Rom. III. 19.* IV. Ad refrenandos homines, & ad externam aliquam morum honestatem formandos, ut politiz conservari queant, & genus humanum per adulteria, rapinas, latrocinia, & similia nefanda scelera, non perimatur. Hoc officium videtur Apostolus proprie attigisse, *1. Tim. 1. 9.* quum dicit, *Legem iusto non esse positam, sed sceleratis, ac subiecti nesciis, impiis & peccatoribus &c.* Indicat enim, esse exsultantibus, & sine modo alioquin vagaturis carnis libidinibus, retinaculum. IV. Ad deducendos peccatores ad Christum. Nam *finis legis est Christus ad justitiam cuius credenti. Rom. x. 4.* Et *Lex est pedagagus ad Christum. Gal. III. 24.* Quod non modo verum est de lege Ceremoniali, sed & de lege Decalogica. Quæ ad Christum ducit dupliciter: primo in quantum hominem electum quidem, nondum tamen actu conversum, aliquo modo in officio retinet, ne omnem justitiæ ac animæ suæ curam procaciter rejiciat. Ubi enim nondum regit Spiritus Dei, illic sic ebulliunt interdum libidines, ut periculum sit, ne animam sibi obnoxiam in oblivionem contemptumque Dei demergant: & facerent, nisi Dominus hoc legis suæ remedio contra iret. Sed præcipue lex ad Christum ducit, quatenus hominem omni propriæ virtutis ac justitiæ fiducia exuit, & miseræ

suæ agnitione ad humilitatem subigit, quo ita præparetur ad expectandum, quod sibi antea deesse non putabat.

*Restituro.*

XLII. In statu *Restituro*, docet fideles, I. Quam accuratam pro iis obedientiam præstiterit Christus, & quantum ei debeant, qui, quum Dominus legis esset, sed legi pro iis subiecit, non modo ad obedientiam, sed & ad maledictionem, ut eos a lege redimeret. *Gal. IV. 4. s.* II. Quam longe adhuc absint ab ea sanctitatis perfectione, quæ lege exigitur, ut eo melius formentur ad humilitatem, & abnegationem omnis propriæ iustitiæ, *Phil. III. 8. 9.* & desiderium beatæ consummationis. *Rom. VII. 24.* III. Quæ sit norma gratitudinis ipsorum; & scopus, ad quem tendere debent. *Phil. III. 12. 1. Tim. I. s.* IV. Denique attestatur initiis sanctificationis, eaque approbat & laudat, & consolatur eos tanquam sinceros Israëlitas, qui condelectantur lege Dei quoad interiorem hominem. Id facit lex non ex auctoritate potestatis suæ, quæ nil nisi perfecte sanctum admittere potest, damnatque omne illud, quod vel minima labe taminatum est; sed ex auctoritate gratiæ Christi, cui nunc ancillantur, & cujus iussu imperfecta etiam fidelium opera laudat, sincera esse declarat, & eatenus ea tanquam sibi conformia approbat: atque eo sensu *δικαιωμα* legis impletur in iis, qui non secundum carnem, sed secundum Spiritum ambulant. *Rom. VIII. 4.*

*Super  
Decalogo  
pactum  
est fœdus.*

XLIII. Super decem istis verbis pepigit Deus *fœdus* cum Israël. *Jehova Deus noster pepigit nobiscum Fœdus in Horeb. Deut. v. 2.* Ita quidem ut decem verba *verba fœderis* dicantur. *Exod. XXXIV. 28.* Et *fœdus* ipsum, *Deut. IV. 13.* uti & tabulæ, quibus ea inscripta erant, tabulæ fœderis appellantur. *Deut. IX. 9.* Initium hujus fœderis est contractus ille inter Deum & Israël paullo ante latâ legem initus. *Exo. XIX. 5. 6. 8.* Solennis illius confirmatio facta est iis signis, quæ memorantur *Exo. XXIV. 3. & seq.*

*In quo  
Deus stipulatur  
sinceram  
obedientiam.*

XLIV. *Stipulatio* a parte Dei his verbis proponitur: *Exod. XIX. 5. 6. Si sedulo attendetis voci meæ, & servabitis fœdus meum, utique eritis mihi peculiū præ omnibus aliis populis: nam mea est tota terra. Vosque eritis mihi regnum sacerdotale & gens sancta.* Non est existimandum, Deum iis verbis ab Israël stipulari obedientiam omnibus partibus gradibusque perfectam, uti conditionem fœderis. Nam tum tota hæc propositio nihil aliud fuisset, nisi intimatio inevitabilis maledictionis. Quandoquidem istiusmodi perfecta observantia homini peccatori, imo etiam regnito & sanctificato, plane est impossibilis. Enunciatio autem conditionata, sed conditionem habens impossibilem, æquipollet absolutæ neganti. Verum quidem est, legem, in sua consideratione normali, non posse non injungere sanctitatem omnibus numeris absolutâ: quod alibi ex professo demonstramus. Sed alia ratio est, quando aliquid

exigitur ut conditio foederis. Manet quidem homo obligatus ad perfectam sanctitatem, haecenus ut minima deviatio peccatum sit : attamen supposito foedere gratiae, inter cuius bona remissio peccatorum est, Deus ita cum populo suo pacificatur ; si vos sincero animo praecepta mea observetis, & ex lapsibus vestris renovata identidem resipiscencia surgatis, ego, me Deum vestrum esse, ipso facto comprobaturū dabo. Stipulatur ergo hic sincerè, licet nos omnimodo perfectè, praeceptorū suorū observantiam.

XLV. Sub ista conditione promittit iis non solummodo temporalia bona, possessionem terræ Canaan, & vitam in ea quietam, omni-  
que rerum desiderabilium copia affluentem : *Exod. xx. 12.* sed etiam spiritualia & aeterna : quando, se eorum Deum fore, dicit, & eos suum populum, eo sensu quo id pollicitus erat piis patribus. *Ut statuas se bo-*  
*dic tibi in populum, & ipse sit tibi Deus, quemadmodum dixit tibi, & quem-*  
*admodum juramento promisit majoribus tuis, Abrahamo, Isaaco, & Jacobo.*  
*Deut. xxix. 13.* Confer *Jer. vii. 22. 23.* Iis autem verbis vitam æternam & resurrectionem corporis comprehendendi, a Christo Domino didicimus. *Mat. xxii. 32.*

Et sub  
illa con-  
ditione  
promittit  
temporalia  
atque æ-  
terna bona

XLVI. Stipulationi Dei adstipulati sunt Israelitæ. *Exod. xix. 9.*  
*Cui respondentes totus ipse populus, una dixerunt, quicquid dixerit Jehova,*  
*faciemus.* Quod repetierunt publicata jam lege, *Exod. xxiv. 3.* *Respon-*  
*dit populus una voce, dixeruntque, omnia hac verba, qua edixit Jehova,*  
*faciemus.* Pii in Israël, suæ sibi impotentiae plurimarumque infirmi-  
tatum conscii, humiliter pollicebantur, per fidem a gratioso Divinae  
virtutis influxu pendentes, obedientiam, non quidem perfectam (hoc  
enim fuisset mentiri) sed sinceram tamen, minimeque fucatam. Reli-  
qui, uti neque ad spirituales legis perfectionem, neque ad naturalem  
suam impotentiam, rite attendebant, ita temerarie ac confuse ad om-  
nium se edictorum observantiam adstrinxere. Haecenus tamen bona  
Deoque grata ea verba erant, quatenus iis qualemcunque animi sui  
promittitudinem testificabantur. *Deut. v. 33. 34. 35.*

Gui ad-  
stipulari  
sunt Israël-  
itæ.

XLVII. Quæritur nunc de foedere super decem verbis facto, an  
illud *sedus operum*, an vero *sedus gratia* sit? Nos quædam præmonen-  
da ducimus, antequam ad determinationem quæstionis illius venia-  
tur. Et primo quidem observamus, in ministerio Moysis fuisse repe-  
titionem Doctrinae de Lege Foederis operum. I. Nam & eadem præ-  
cepta inculcata sunt, quibus foedus operum inædificatum est, & quæ  
conditionem istius foederis faciebant : & repetita est illa sententia,  
*qui feceris ea, homo vivet in iis. Lev. xviii. 5. Ezech. xx. 11. 13.* qua  
formula describitur iustitia quæ ex Lege est *Rom. x. 5.* Crebrisque comi-  
nationibus ingeminatus est terror foederis operum : & audita est ea vox,  
*Maledictus, qui non præstiterit verba legis huius, faciendo ea. Deut.*

Doctrina  
Foederis  
Operum  
ministerio  
Moysis re-  
petita fuit:

XXVII. 26. quam esse maledictionem legis, quatenus fidei live foederi gratiæ opponitur, Apostolus docet. *Gal. III. 10. 12.* Quia imo, quum exactio obedientiæ sub ministerio Moſis rigida fuerit, promiſſiones ſpiritalis & ſalutaris gratiæ rariores atque obſcuriores, diſpenſum Spiritus Iſraëlitici conceſſi parcum & modicum, *Deut. XXIX* \* & contra intentatio maledictionis frequens ac diſerta; hinc miniſterium Moſis, *miniſterium mortis ac damnationis dicitur. 2. Cor. III. 7. 9* quia nimirum commemoravit damnationem peccatoris, & coëgit Iſraëlitæ ut ei ſubſcriberent.

Et qui-  
dem legis-  
latione ad  
montem  
Sinai.

XLVIII. *Secundo.* Specialius quoque notamus in legiſlatione, pro-ut facta eſt de monte Sinai vel Horeb, ingeminationem foederis operum fuiſſe. Nam terrifica illa tonitruum ac fulgetrorum, terræ motus, ac ſpiſſi fumi, atræque caliginis ſigna, ad incutiendum Iſraëli ingentem terrorem comparata erant. Et diſterminatio ac circumſcriptio montis, qua Iſraëlitæ a Dei præſentia arcebantur, exprobrabat ipsis ſeparationem illam, quam peccata inter ipſos Deumque effecerant. Breviter, *quæcunque Exod. XIX. legimus, huc ſpeſtant* (inquit Calvinus ad *Heb. XII. 19.*) *ut ſciat populus, Deum tribunal conſcendere, quo ſeverum judicem ſe oſtendat. Si innoxium animal propius forte acceſſiſſet, jubebat illud confodi; quanto durior pœna imminebat peccatoribus, qui ſibi male conſcii erant, imo qui ſe noverant reos mortis æterna agi per legem?* Vide eundem ad *Exod. XIX. 1. & 16.* Atque hac in parte montem Sinai monti Sionis, Legis terrores ſuavitati Evangelii, Apoſtolus opponit. *Heb. XII. 18.---22.*

Non ta-  
men fœ-  
dus ope-  
rum cum  
Iſraë-  
le erectum  
eſt, ut in  
eo juſti-  
tiam ſuam  
quærerent

XLIX. *Tertio.* Non eſt tamen exiſtimandum, cum in finem repetitam fuiſſe doctrinam foederis operum, ut tale fœdus de novo cum Iſraële erigeretur, ad juſtitiam & ſalutem in iſto fœdere quærendam. Fieri enim non poſſe per Dei Juſtitiam & Veritatem, & per naturam foederis operum, quod omnem peccati veniam excludit, ut eo modo cum peccatore inſtauretur, ſupra probavimus *Lib. 1. Cap. IX. §. XX.* Videatur etiam *Hornbeck Theol. præſ. t. II. p. 10.* Accedit, quod ſi Iſraëlitæ edocti fuiſſent ſalutem ſuam in operibus legis quædere, tunc lex contraria fuiſſet promiſſioni ante multa ſecula patribus factæ. Jam autem *paſſionem a Deo prius ratam habitam, reſpicientem in Chriſtum, lex, qua poſt annos quadringentos & triginta exiſtit, non reddit inutilem, ad abolendam promiſſionem,* inquit Apoſtolus, *Gal. III. 17.* Facta ergo eſt hæc commemoratio foederis operum, ad Iſraëlitæ peccatorum & miſeriæ ſuæ convincendos, ex ſeipſis expellendos, de neceſſitate ſatiſfactionis edocendos, & ad Chriſtum compellendos. Atque ita ea ipſa commemoratio foederis operum inſervit promotioni foederis gratiæ. *Rom. X. 4.*

**L. Quarto.** Affuit etiam huic legislationi repetitio quorundam quæ ad fœdus gratiæ pertinent. Nam quod Deus pactionem amicitiae homini peccatori offerat, quod se Deum illius dicat (saltem quo sensu id electis in Israël dicebatur) quod populum aliquem a cæteris discretum in peculium sibi adsciscat, quod terram Canaan ut pignus coeli addicat, quod gratiam suam diligentibus se & præcepta sua custodientibus polliceatur, quod vindictam in contemptores certis limitibus circumscribat, & si quæ hujus generis plura sint, ea fœdus gratiæ manifesta arguunt: & nisi sponso Messiae supponatur, homini peccatori, convenienter Divinæ Justitiæ & Veritati, proponi non possunt. *Judiciose Calvinus ad Exod XIX. 17. Docemur his verbis, non edita fuisse prodigia, qua populum fugarent a Dei conspectu, nec timorem fuisse incussum, qui exacerbaret animos in odium doctrinæ; sed fœdus Dei non minus fuisse amabile quam metuumdum. Jubentur enim obviam ire Deo, ut promptu affectu se ad obtemperandum sistant. Hoc autem fieri non poterat, nisi aliud in lege audirent quam præcepta & minas. Videatur etiam Tilenus Syntag. part. 1. Diss. xxxiii. §. 18. 19. 20. 28. 29.*

Affuit etiam legis-  
tationis  
repetitio  
quorundam  
quæ ad fœdus  
gratiæ  
pertineat.

**LI.** His in antecessum observatis, respondeo ad quæstionem: fœdus cum Israël ad montem Sinai pactum, non fuit formaliter fœdus operum. **I.** Quia illud instaurari cum peccatore non potest eo sensu, ut peccatori dicatur; tu, si porro omnem obedientiam perfecte præstes, peream, juxta fœdus operum justificaberis. Ita enim supponeretur antegressorum peccatorum remissio, quam fœdus operum excludit. **II.** Quia Deus non est pro conditione fœderis hujus, ab Israël stipulatus perfectam obedientiam, ut causam juris petendi mercedem; sed sinceram obedientiam, ad demonstrationem reverentiæ & gratitudinis. **III.** Quia non conclusit Israël sub maledictione, eo sensu qui fœderi operum proprius est, omni spe veniæ sublata, si vel minimum peccaret.

Fœdus  
Israeliti-  
cum non  
fuit forma-  
liter fœdus  
operum.

**LII.** Interim carnales Israëlitiæ, ad consilium Dei non, uti oportebat, attendentes, a vero hujus fœderis sensu aberrarunt, & amplexi illud sūt, ut fœdus operum, atque ex eo quæstiverunt justitiam suam. Docet id Paulus, *Rom. IX. 31. 32. Israël prosequens legem justitiæ ad legem justitiæ non pervenit. Quamobrem? Quia non ex fide, sed quasi ex operibus legis. Offenderunt enim in lapidem offensionis. Eodem spectat quod Gal. IV. 24. 25. Israëlitas in desertis Arabiæ, quæ Ismaëliarum terra erat, commorantes Ismaëlitis comparet, qui ex Matre Hagare, sive pactione montis Sinai, ad servitutem nati sunt, & veræ justitiæ exsortes, cum Ismaële, e domo coelestis Patris tandem ejicientur. Non enim considerat ibi Paulus pactionem montis Sinai, uti in se erat, & quemadmodum ex intentione Dei electis offerebatur; sed quomodo*

Carnales  
tamen Is-  
raëlitiæ id,  
ut fœdus  
operum  
amplexi  
sunt.

do ea homines carnales & hypocritæ abutebantur. Iterum hoc dicit Calvinus : *Apostolus per filios Sina , hypocritas , qui tandem exterminantur ex Ecclesia Dei , & abdicantur hereditate , se intellexisse exponit. Quæ igitur ista generatio in servitutem , de qua nunc disputat ? nempe eorum , qui perperam abutuntur lege , ut nihil ex ea nisi servile concipiant. Non sic pii patres , qui vivebant sub Veteri Testamento. Non enim impediēbat servilis legis generatio , quin matrem haberent Jerusalem in Spiritu. Sed qui in nuda lege habent , neque pedagogiam esse agnoscunt , quæ ad Christum ducantur , sed potius obstaculum ex ea sibi faciunt , ne ad Christum perveniant , illi sunt Ismaëlita ( sic enim , & , uti opinor , bene , legit Marloratus ) nati ad servitutem. Non ergo vult Apostolus ibi docere , pactiōem montis Sinai nil nisi fœdus operum fuisse , pactiōem Evangelicæ plane oppositam ; sed tantum , crassos Israelitas mentem Dei perperam intellexisse , fœdere Dei turpiter abusus esse , quemadmodum omnes illi faciunt , qui iustitiam ex lege quaerunt vide iterum Calvinum ad Rom. x. 4.*

Neque  
fuit forma-  
liter fœdus  
gratiæ.

LIII. Non fuit etiam formaliter fœdus Gratiae : quia id non solum exigit obedientiam , sed & vires ad obediendum promittit & confert. Ita enim fœdus gratiæ exponitur , *Jer. xxxi. 31. 39. Indam illis cor novum , & viam unam , ad reverendum me omnibus diebus.* Talis autem promissio in fœdere , quod ad montem Sinai pactum est , non compareret. Imo vero Deus fœdus novum , quod gratiæ est , a fœdere Sinaitico hoc ipso nomine distinguit , *Jer. xxxi. 31. 32. 33. Et Moses inclamat , Deut. xxix. 4. Non dedit vobis Jehova mentem ad cognoscendum , & aures ad audiendum , usque in diem hunc.* Certe electi ex Israël hæc consecuti sunt. Attamen non virtute huius fœderis , quod stipulabatur obedientiam , non dabat. Verum virtute fœderis gratiæ , quod ad ipsos quoque pertinebat.

Sed fœ-  
dus natio-  
nale , quod  
utrumque  
suppone-  
bat.

LIV. Quid ergo ? Fuit nationale fœdus inter Deum & Israël , quo Israël Deo promittebat sinceram omnium edictorum ipsius , & imprimis decem verborum , observantiam : Deus vicissim promittebat Israël , observantiam istam gratam sibi fore , neque mercede sua , tam in hac , quam in futura vita , tam quoad animam , quam quoad corpus , carituram. Quæ promissio utrinque fœdus gratiæ supposebat. Neque enim sine auxilio fœderis gratiæ homo sinceræ observantiam polliceri potest. Et quod Deus observantiam , quæ perfecta non est , gratam tamen habeat , id totum ex fœdere gratiæ est. Supposebat item doctrinam fœderis operum ; cujus terrore , tremendis istis signis ingeminato , moveri debebant ad illud Dei fœdus amplectendum. Est ergo hæc conventio consequens fœderis tam operum , quam gratiæ ; neutrum fœdus formaliter. Similis conventio & renovatio fœderis inter Deum & pios frequens est ; tam nationalis , quam indi-  
vidua.

vidualis. De illa vide *Jes. xxiiv. 22. 2 Cbr. xv. 12. 2 Reg. xxiii. 3. Neh. x. 29.* De hac *Pf. cxix. 106.* Certum est, allegatis locis commemorari foedus aliquod inter Deum & populum suum. Si quis me roget, quale, an operum, an gratiæ? Respondebo, neutrum formaliter: sed foedus sinceræ pietatis, quod utrumque illud supponit.

LV. Hinc decidi potest quæstio, quæ plurimum hodie agitur: *An Decem verba nihil aliud sint, quam formula fœderis gratiæ?* Id ego puto nequaquam accurate dici. Nam quum foedus proprie dictum in mutua conventionem consistat, id, quod proprie formula fœderis est, mutuam illam conventionem continere debet. Sed decem verba habent duntaxat præscriptionem officii, munitam, hinc comminationibus, quæ desunt ex foedere operum; illinc, promissis, quæ ad foedus gratiæ pertinent. Hinc Scriptura, quando proprie loquitur, dicit, super decem illis verbis factum esse foedus, sive כפי, *ex præstitione illorum verborum. Exod. xxxiv. 27.* Foedus ipsum, quod mutua pactione constat, a decem verbis, quæ conditiones fœderis continent, distinguens. Formula fœderis iis verbis exponitur, quæ antea adduximus ex *Exod. xix. 5. 6. 8.* Non inficior, frequenter in Sacris Literis decem verba *Fœdus Dei* vocari. Sed & nemo ignorat, vocem fœderis, ברית, Hebræis esse πολυσχημον, & sæpe nihil aliud significare nisi *præceptum*, ut *Jer. xxxiv. 13. 14.* Ita se ipse Moses in hoc negotio explicat *Deut. iv. 13.* לעשות עשרת הדבריו יגור לכם את בריתי, *Et indicavit vobis FOEDUS SUUM, QUOD PRÆCEPIT VOBIS FACERE, Decem verba hæc.* Foedus ergo dicuntur synecdochice, quia præcepta illa continent, quorum observantiam Deus, foedus offerens, exigebat, & ad quam Israelitæ se per foedus obstrinxerunt.

LVI. Non sunt ergo decem verba *formulae proprie dicti fœderis*; sed *norma officii*. Multo minus sunt *formula fœderis gratiæ*: quia id in stricta sua significatione meris promissis constat, & relate ad homines electos potius Testamenti, sive ultimæ voluntatis, a nulla conditione suspensæ, quam proprie dicti fœderis rationem habet: uti illud fusc explicuimus probavimusque *Lib. III. Cap. I. §. VIII. &c.* Et formulam fœderis gratiæ, absolutis illius modi promissis constantem, Jeremias nobis exhibet *Cap. xxxi. 33. 34. & xxxii. 38. 39. 40. & Jesaias Cap. liv. 10.*

LVII. Omnium minime dici potest, decem verba *nihil aliud esse quam formulam fœderis gratiæ*; quum cujuscunque fœderis considerationem ingrediantur. Dupliciter enim considerari possunt, I. Præcise qua *Lex. II. Qua instrumentum fœderis.* Qua *Lex* sunt regula naturæ & actionum nostrarum, præscripta ab eo, qui imperandi jus habet. Hoc fuerunt ab initio, hoc sunt etiamnum, hoc erunt porro, sub quocunque foedere, in quocunque hominis statu. *Qua*



*instrumentum fœderis* viam monstrant ad æternam salutem ; sive continent conditionem potiundæ beatitudinis. Idque tam sub fœdere gratiæ , quam sub fœdere operum. Verum hoc discrimine : quod sub fœdere operum exigatur hæc conditio præstanda ab ipso homine : sub fœdere gratiæ proponatur , ut præstanda vel præstita per Mediatorem. Quæ ne ipsi quidem illi negaverint, quibuscum nunc disputamus.

## C A P. V.

*De Doctrina Prophetarum.*

Tota Prophetarum  
cohors testimonium  
dat Jesu.

**I.** **P**ostularet nunc institutus ordo , ut ex Mose ipso , eumque insecutis Prophetis. ea libaremus , quæ de Messia persona ac naturis, statibus, officiis, beneficiis præconiaverunt. Et facile esset ostendere , nihil notabile Jesu nostro accidisse, nihil magnum ab ipso dictum factumve esse, quod non ita futurum vaticinati erant Prophetæ. Prophetæ, inquam, qui *de ventura in nos gratia prophetarunt, scrutantes in quem aut qualem temporis articulum, prævincius illi, qui in ipsis erat Spiritus Christi, declararet eventuras Christo perpeffiones, & gloriam illas consequenturam.* 1 Pet. I. 10. 11. & qui uno ore omnes Jesu testimonium perhibent, remissionem peccatorum accepturum per nomen ejus quemvis , qui crediderit in eum. Act. x. 43. Paulus Apostolus , qui protestabatur, nihil se subterfugisse , quo minus annuntiaret totum Dei consilium, Act. xx. 27. simul protestatur, nihil se quicquam dicere extra ea , quæ Moyses & Propheta prædixerunt futura. Act. xxvi. 22. Et oportebat sane corpus ipsum examussum convenire cum delineatione illa , quæ pridem Veteris Ecclesiæ oculis exposita erat. Uti etiam sapientem Dei bonitatem decebat tam accurate Messiam cum omnibus suis notis depingere, ut a quovis animo rite advertente agnosci, & ab impostoribus quibuscumque, nomen ejus impie mentientibus, dignosci posset. Verum hæc materia a viris eruditis & pridem & nuper occupata , tantaque accuratatione pertractata est, ut mihi, quod addam, nihil restet. Si quis compendio studeat, videre poterit Prologum Novi Testamenti, a Nostratibus summo judicio concinnatum.

## C A P. VI.

*De Typis.*

In sacris  
litteris non  
verba solum,  
sed &  
res ipsæ  
significant  
aliquid.

**I.** **E**A sacrarum literarum inexhausta ubertas est, ut non modo verba sint significativa rerum ; sed & res primum verbis significatæ dein alias res significant, quibus, longe antequam evenirent, adumbrandis destinatæ fuerunt. Id Christus imprimis, & Paulus nos condocesceant, plurima ex iis, quæ sub Veteri Dispensatione acciderunt, ad Messiam & melioris Testamenti oeconomiam applicantes. Et sane nisi prisca  
numi-

numinis instituta *μυσικὰς δηλώσεις* suas habuissent, puerilia ac ludicra, Deoque indigna, non immerito censerentur. Hæc non solum Christiani sibi postulant, sed & antiquis Hebræis in confesso fuere, qui præter *משפּ*, *sensum literalem ac nudum*, etiam *מסר*, sive *mysticum* in Scriptura quæserunt. Et apud quos recepta ac constans fuit opinio, omnia in lege Mosis esse typica, ac proinde mystice exponi posse.

II. Mystica illorum significatio *Christum* respicit, in *persona, statibus, officiis, operibus, & corpore suo spiritali*, sive Ecclesia. *Christus* enim *finitus Legis est*, *Rom. x. 4.* *Corpus* umbrarum ceremonialium, *Col. 11. 17.* & centrum Prophetiarum. *Act. x. 43.* Doctrina Christi est *clavis cognitionis*. *Luc. x1. 52.* qua sublata nihil in Mose ac Prophetis salutariter intelligi potest. Uti in Pharisæis olim, & Socinianis hodie, liquet; qui falsis de Messia opinionibus imbuti omnia fere testimonia de communi salute agentia impuris interpretationibus suis foedant. Optime dictum est a subtilissimo *Bistelfeldio*, *D. Jesum Christum spiritum & animam esse totius Veteris & Novi Testamenti. De Scriptura Eminentia. §. 40.*

Christus  
anima est  
torius V.  
Testamen-  
ti.

III. Indubium est, priscos fideles, eos præcipue quibus cumulatior indulta erat Spiritus mensura, singulari industria investigandæ mysticæ typorum significationi incubuisse: quo in studio a Prophetis & Divinitus edoctis Sacerdotibus plurimum adjuti sunt. Ita David testabatur, *se in sanctuario Deum conspexisse Ps. LXIII. 3.* id est, per Levitici cultus figuras, sacris suis meditationibus, ad ipsam rerum veritatem penetrasse. Hinc illa fidelium in externo cultu alacritas; non quod corporalibus illis minutiis admodum caperentur, sed quod *amantatem Jehovah viderent, & inquirerent in templo ejus. Ps. XXVII. 4.* Non pascebant se meris umbris, sed *saturabantur bono domus Dei, rebus sanctis templi sui, &* licet per ænigmata, audiebant eum *res reverendæ injustitia proloquentem. Ps. LXV. 5. 6.*

Eum in  
typis prisci  
fideles  
quæse-  
runt.

IV. Quando Christus & Apostoli ad veritatis Evangelicæ elucidationem & demonstrationem ex typis argumentati sunt, fecerunt id quidem *θεοπνεύτως*, & infallibili Spiritus ductu: ita tamen ut argumentorum illorum vis non niteretur nuda eorum, quippe *θεοπνεύτων*, auctoritate (ea enim auctoritas subinde in dubium vocabatur, eaque supposita omnis argumentatio fere superflua videri posset) sed evidenti veritatis ad conscientiam deductione, quæ palam faciebat homini attendenti, Deo dignum esse talem veritatem talibus typis significare.

Ex typis  
Christus  
& Aposto-  
li verita-  
tem de-  
monstra-  
runt ad  
conscien-  
tiam.

V. Vis illorum argumentorum huic hypothesei superstruitur Quod Deus in memorabilibus Veteris Testamenti personis, quibus notabilia nonnulla extra ordinem acciderunt, & in universo cultu suo instituto, elegantem, tantique artificis accurratione dignam, picturam exhibere voluerit, qua Christus una cum cor-

Suppo-  
nentes me-  
morabiles  
Veteris Te-  
stamenti  
Historias

& Cere-  
monias  
omnes, pi-  
etatem  
Messiæ  
continere.

pore suo mystico delinearetur. Hoc Apostolus in Epistolis ad Galatas & Hebræos cum Judæis disputans tanquam ἐξ αὐγώνιον supponit. Eoque fundamento jacto mox ad applicationem typorum Divina quadam arte pergit. Nam quando in antitypo aliquid reperitur, in quo cum typo similitudinem habet, merito asseritur, Deum, qui omnia ab initio novit, typum ita disposuisse, ut eam, quæ in antitypo est, veritatem præsignificaret. Nisi quis statuere mallet, similitudinem, quæ inter artificiosam picturam & rem depictam intercedit, casu potius quam ex artificis intentione esse: quod ab omni ratione est alienum.

Etiam  
Doctori-  
bus non  
θεοπνεύ-  
σις  
typorum  
explicatio  
incumbit.

VI. Doctoribus etiam non θεοπνεύσις eandem viam insistere, eademque methodo, Veteris Testamenti typos exponere, non licet modo, sed & incumbit. Non enim existimandum est, vel infallibili auctoritate ad expositionem typorum opus esse, vel omnes V. T. typos in Novo esse expositos. Non prius. Cur enim magis infallibilis auctoritas in typorum, quam in prophetiarum aliorumque Scripturæ ænigmatum interpretatione exigitur? quum constet, Deum etiam per typos Ecclesiam docere voluisse; & typorum explicatio sæpe nunc longe facilius sit ob distinctam cognitionem antitypi, quam multarum prophetiarum, quæ quo spectent, longe difficilius determinatu est. Non posterius. Cur enim malumus credere, omnes typos Christi explicatos esse, quam omnes prophetias de Christo? Præsertim quum Apostolus testetur, se de omnibus singulatim non dixisse. *Heb. ix. 5.* Tenendum ergo, Doctores θεοπνεύσις viam nobis methodumque monstrasse, qua in typorum elucidatione procedere debeamus, & clavem tradidisse ab abdita ista referenda.

Canones  
de explica-  
tione Ty-  
porum.

VII. Hac autem via tuto procedemus. Quando accurate consideramus prototypum, D. Jesum, qui nunc sine involucris oculis nostris expositus est, & inde conversa mentis acie ad typum tendimus, quo majorem, uberiolem, specialiolem utriusque convenientiam animadvertimus, & indicamus; eo majorem gloriam tribuimus Dei sapientiæ & veritati, qui typum formavit, ei, qui typo figuratus est, tam exacte respondentem. Eo enim præjudicio Scripturæ legendæ sunt, ut tum demum eas nos recte intelligere arbitremur, quando sapientiam ἀνεξιχνίαστον, Deoque dignam, in iis animadvertimus

II.

VIII. In omnibus caute agendum est μετὰ φόβου καὶ τρόμου, ne mysteria fingamus ex proprio corde nostro: horsumve obtorto collo trahamus, quæ alioversum spectant. Injuria Deo & ipsius verbo fit, quando nostris inventis deberi volumus, ut sapienter aliquid dixisse vel fecisse videatur. Attamen, licet modus in rebus sit, tolerabilius eum peccare existimē, qui Christum se videre arbitratur, ubi fortasse sese non ostendat, quam qui eum videre renuit, ubi se clare satis offert. Alterum enim

enim indicium est animi Christum diligentis, plurimumque, & vel minima, vel fortasse nulla data occasione, de eo cogitantis: alterum segnem animum arguit, & qui tardus ad credendum sit. Qualis se in Socinianis, & Magno cæteroquin Grotio, prodit, plurima passim ita torquentibus, ut nihil cum Christo commune habere videantur.

III.

IX. Ubi jam constat, personam aliquam vel rem typum Christi esse, non est existimandum, omnia, quæ in ista vel persona vel re inveniuntur, rationem typicam habere. Fieri enim potest, ut in eodem contextu quædam soli typo propria sint, quædam soli antitypo, quædam utrique communia. Verbi gratia, 2 Sam. vii. Salomo ut typus Christi proponitur. Sed Salomoni, non Christo convenit; *quum perverse egeris, corripiam eum virga hominum, & plagis humanis.* v. 14. Christo, non Salomoni in pleno significato convenit, *stabiliam solium regni ejus usque in seculum.* v. 12. Nam regnum Israël in posteris Salomonis per captivitatem Babylonicam extinctum est. Utrique convenit, *ipse ædificabit domum nominis mei.* v. 13. Eodem modo quoque alibi.

IV.

X. Sufficit aliquando, ut in typo tenuis admodum imago sit rei præstantissimæ, quæ in antitypo eminentissimo modo reperitur. Imo quo res significata augustior est, eo tenuiorem necesse est illius esse imaginem: propter immensam illam distantiam, quæ intercedit inter Christum & *ψαλψς κτισιν*. Exempli causa: quod Melchisedechi neque ortus neque interitus in Scriptura memoretur, sufficiebat ad adumbrandam Christi æternitatem. Heb. vii. 3. Semelque id fixum animo esse debet, quæ de typo & antitypo simul dicuntur, longe excellentiori modo in hoc, quam in illo vera esse, adeo ut veritas rei in sua emphasi in solo antitypo reperiatur. Hinc explicandum est illud Apostoli, Heb. i. 5. *Cui unquam Angelorum dixit, Ego ero ei Pater, & ipse erit mihi Filius*: quum constet, id Salomoni quoque dictum esse 2 Sam. vii. 14. sed sensu tam diminuto in Salomone, ut, quando tota illa dignitas cum Christo confertur, plane evilescat: sensu tam amplo in Christo, ut dignitas illa omnem Angelorum dignitatem superet, & cum nulla creatura communicabilis sit.

V.

XI. Denique id quoque observatum est Viris Doctis, aliquando variationem aliquam significationis typo accidere, ut certa aliqua *σχέσις* ad Christum, alia ad Ecclesiam, quæ corpus ipsius mysticum est, referri debeat. Pro exemplo sit, oblatio Abrahami. Isaacus ligna portans, ligatus a patre, paratus ad sustinendam mortem, ut patri & Deo obsequeretur, typus est Christi, bajulantis crucem suam, ligati, Patri ad mortem usque obedientis. At quando aries Isaaci loco offertur, mutato schemate aries iste Christum, Isaacus Ecclesiam repræsentat, quæ morte Christi a morte liberatur. Hæc generatim præmonere consultum duxi, quia universæ Theologiæ typicæ faciem præferunt, & nobis in sequentibus usui erunt.

Typi vel  
naturales,  
vel Histo-  
rici, vel  
Legales  
sunt.

Prima  
Creatio est  
typus No-  
væ,

XII. Porro typi non sunt unius generis. Non incommode in tres classes dispescuntur: ut alii sint **NATURALES**: alii **HISTORICI**: alii denique **LEGALES**. Singulorum e multis paucula exhibebimus specimina, juxta dispositas antea temporum periodos.

XIII. Per **NATURALEM** typum intelligo adspectabilis hujus mundi creationem, prout ea a Mose narratur, quæ typus fuit novæ creationis fidelium, & constitutionis Ecclesiæ. Hinc *novus homo secundum Deum creatus* esse dicitur. *Eph. 1v. 24.* Et fideles dicuntur Dei *ποίημα κτισθέντες ἐν Χριστῷ Ἰησοῦ ad bona opera. Eph. 11. 10.* totumque corpus Christi mysticum, *novæ Creatura, 2 Cor. v. 17.* Et universa restitutionis nostræ ratio phrasibus & similitudinibus a prima creatione desumptis plurimum exponitur. Tametsi Adamus integer nihil ea de re cogitare potuerit; quippe cui nihil de suo lapsu & reparatione secutura revelatum erat: ita tamen a Deo opera sua sapienter in prima creatione disposita sunt ut ea secundæ creationis quasi exemplar sit, & id esse, cuius attendenti sit manifestum. Quod ex specialiori utriusque collatione palam fiet.

Quod ge-  
nerationem  
ostenditur  
de creatio-  
ne mundi.

XIV. Prima mundi creatio ex nihilo facta est. Novæ quoque nihil præstruitur, nihil boni, nihil virtutis, nullæ præviæ dispositiones in subiecto: imo præstruitur aliquid, quod in veteri non erat, sed rebellio, & inimicitia omnipotenti Dei gratiæ se vehementer opponens. Prima solius Dei jussu & voluntate est peracta *Ap. 1v. 11.* Altera similiter. *Βαληθεὶς ἀπεκύησεν ἡμᾶς λόγῳ ἀληθείας, Quia voluit, progeniuit nos sermone veritatis ut essemus primitiæ quadam eorum quæ creavit. Jac. 1. 18.* Primæ rudimentum indigesta moles erat. *Terra erat res informis & inanis, & tenebræ erant super facie abyssi. Gen. 1. 2.* Ita etiam in anima, per novam creationem exornanda, omnia foede confusa jacent: pravæque voluptates nullo ordine quaquaversum impetu suo feruntur; quæ superiorem locum occupare debebant, ad inferiora depressa sunt. Mira illic omnis boni inanitas. *Rom. vii. 18.* Neque spissis modo ignorantiae tenebris omnia obsessa sunt; sed universa illa anima nil nisi tenebræ. *Eph. v. 8.* Quum exornare Deus mundum a se conditum vellet, coepit a productione lucis. Eadem methodo in altera hac creatione procedit. *Deus, qui dixit, ut in tenebris lux splenderet, is est, qui splenduit in cordibus nostris: ad præbendum lucem notitia gloria Dei in facie Jesu Christi, 2 Cor. 1v. 6.* Post lucem formavit Deus expansum, ut aquas unas ab alteris discrimaret: aridam etiam discrevit ab aquis. Ita & in anima suo quæquæ ordine paullatim disponit. Rationem, antea pressam affectibus, sublimi solio locat, affectus ad rationis scabellum stare jubet: ita tamen, ut idem ille Spiritus, qui olim aquis incubabat, omnia hic quoque

que moderetur. Quum arida ex aquis se exfereret, mox flores, herbæ, arbores cum fructibus suis prodibant. Postquam suis singula sedibus in novo homine locata sunt, fructus fide & resipiscentia digni conspiciuntur: & Ecclesia Dei *Paradisus malegranatorum est. Cant. iv. 14.* Postquam pluvia prateriit, florentia conspiciuntur in terra, ficus profert grossulos suos, & vites ipsæ prima uva edunt odorem. *Cant. 11. 11. 12. 13.* Sed uti Deo lubitum est, ingentem lucis massam in inæqualia frustra discerpere, ut temporibus suis annos diesque distinguerent, certaue luminis ac caloris proportionem cuncta commodius foverent: ita etiam in Ecclesia lumen suum diversimode dispensat. Habet ea stellas Prophetiarum in mediis tenebris micantes. Habet lucidiorem Evangelii phosphorum, lætum plenæ diei anteambulonem. *2 Pet. 1. 19.* Ipsa Ecclesia veluti luna in cœlo hujus universi est, eo lucidior, quo radios sui solis, Jesu, abundantiores excipit. *Cant. vi. 10.* Habet ea denique, pro solis sui accessu vel recessu, mysticas diei & noctis, æstatis atque hyemis, reciprocationes. *Cant. iv. 6, & 11. 11.* Cœlo tot astris interstincto, inferiora creaturis repleta sunt, aër avibus, aquæ piscibus, terra animantibus, tam reptilibus, quam quæ pedibus incedunt. Eodem modo gratia Divini Spiritus Sanctis emotionibus animam ciet, quarum quædam quasi in aqua piarum lacrumarum degere videntur; aliæ tenuibus se accomodantes humi repunt; aliæ leonum instar constantem gressum tenent; aliæ denique sicut aquilæ in sublime evolant, agilibusque pennis supra omnes se cœlos evehunt.

XV. Sed quæ successit hominis creatio nova iterum Mysteria pandit. Ad eam tota se Trinitas mutuo hortatu accinxit. Quæ sane singulari modo in novæ creationis opere se manifestam facit. Pater ab æterno opus illud molitus est in Filio. Filius humana carne indutus impetravit, ut ad similitudinem Dei mutaremur. Spiritus Sanctus consilium Patris exsequitur, & merita Filii in nova ista creatione electis applicat. *DEI opus sumus, conditi in CHRISTO JESU, Eph. 1. 10. & regeniti ex SPIRITU. Job. 1. 11.* In prima creatione donatus est homo pulchritudine imaginis Dei. Eadem in secunda ei restituitur; primum quidem maculis adhuc quibusdam turpata, sed tamen inamissibilis, & paulatim ad plenam Dei similitudinem consummanda. Dormiente Adamo ex ipsius costa formabatur Eva, quam carnem ex carne sua, & os ex ossibus suis esse agnoscebat. E mortualis somnus Christi vitam directæ sponsæ suæ contulit. *Mysterium illud Adami & Evæ magnum est, respiciens Christum & Ecclesiam. Eph. 5. 23.* Primo homini dominium in omnia concessum est. Idem ipsi per gratiam gloriosius longe redditur. *1 Cor. 11. 22.* Etsi fortasse hic mundus vanitati subiectus dominio ipsius indignus videri posset, alium Deus in ipsius gratiam fabricavit, in quo nil nisi justitia habitet, *2 Pet. 1. 11. 13.*

Et specialius de  
creatione  
hominis.

Uti &  
de quiete  
Dei post  
formatum  
hominem.

XVI. Postquam Deus ita omnia creaverat homini, hominem sibi, & Adamo dormienti Evam formaverat, quievit ab omni opere suo, & in eo acquievit tanquam bono, & ad virtutes suas prædicandas idoneo. Ita adhucdum in opere gratiæ pergit Deus, donec cœlesti nostro Adamo sua Eva, sua Ecclesia, perfecte exornata erit, & universitas electorum in unam summam recollecta: & tum labore omni finito intrabit in beatissimam requiem, & in novo mundo gloriæ suavissime deliciabitur. Atque uti eo die, quo Deus quiescebat, homo simul in quietem Dei introibat, ita in ista quiete Dei, Ecclesia, omnibus laboribus suis feliciter defuncta, sanctissima & jucundissima quiete in æternum pariter fructur. Hic est *Sabbatismus ille, qui reliquus est populo Dei: ut ingrediatur in requiem Dei, & requiescat ab operibus suis, quem admodum & a suis Deus.* Heb. iv. 10. Hæc de Naturalibus Typis breviter monuisse sufficiat.

HABEL  
typus  
Christi  
exinaniti.

XVII. Nunc binos HISTORICOS, qui in prima mundi ætate fuerunt, lustremus. Et primo quidem occurrit HABEL ab invido Fratre Kaino trucidatus. Gen. iv. 1. Habel Hebraice *vanitatem & inanitatem* notat: & id nominis portavit, tametsi carus parentibus suis filius, carus Deo servus esset, & primus quidem ex omnibus hominibus, quem cœli gloria donatum esse legimus. Ita etiam Jesus, quanquam rapinam non duxerit æqualem esse Deo, se ipse *inaniturus* erat, assumpta forma hominis, qui *vanitati similis est.* Ps. lxi. 10. Imo infra hominem se gerens uti *vermis.* II. Habel Pastor erat ovium. Messias bonus ille pastor κατ' ἐξοχήν Job. x. 14. III. Habelis cultus gratus erat Deo. Christus τὰ ἐνάρετα αὐτῶ ποιεῖ πάντοτε. Job. viii. 29. IV. Habel optima, quæ habebat, Deo obtulit, de primogenitis gregis sui & de adipe eorum. Christus, quum nihil haberet melius, per Spiritum æternum *se ipsum* inculpatum Deo obtulit. Heb. ix. 14. V. Habelis victimam Deus gratiose adspexit. Christi oblatio fuit Deo in odorem bonæ fragrantiae. Eph. v. 2. VI. Adversus Hablem Kain, germanus licet frater, exarsit impotenti invidia. Eodem cæstro adversus Christum perciti fuere Judæi, licet fratres ipsius non uno nomine. VII. Kain cum Habele *locutus est*, id agens, ut suis eum dictis irretiret. Quoties Pharisei insidias & tendiculas Christo struxerunt fucatis suis alloquiis? VIII. Habel tandem a fratre trucidatus sanguinolenta morte in ipso juventutis flore occubuit. Et Judæi non destiterunt, donec Christum cruci affixum maledicto fato peremissent. IX. Parricida Kain maledictus & in exilium missus est a facie Domini. Eandem maledictionem Deicide Judæi etiamnum experiuntur, cœli solique sui pariter extorres: & fusus ab iis Christi sanguis vindictam inclamat, quam sibi quoque suisque posteris vesano furore imprecati sunt. Licet alioquin sanguis Christi meliora loquatur, quam Abel. Heb. xii. 24.

XVIII. Uti Habel typice representavit Christum in statu *exinanitionis*: ita HENOCHE typus fuit *glorificationis* Christi. I. Henoch *חַנוך*, *initiatum*, typus *deuotum*, qui Deo facer, & a prima iuventute pietatis doctrina imbutus est significat. Confer *Prov. xxii. 6.* *חַנוך לְנֶפֶשׁ יְלֵדִים*, *initia puerum pro ratione via ipsius*, imbue eum primis coelestis sapientiae elementis. Talis, si quisquam, Christus fuit. Sacer ac devotus Deo, & quum vix duodecennis esset maximorum in Israël Doctorem Doctor. II. Henoch *cum Deo ambulavit*, hoc est, uti Apostolus interpretatur, *Heb. xi. 5.* *Εὐαρίστησεν τῷ Θεῷ*, *Deo grata fecit*. Idem perfecte praestitit Christus, *ὃς ἑωδύνησεν ὁ πατήρ*. III. Henoch vaticinatus est de illustri Domini adventu cum sanctis millibus suis. *Jud. 14.* Eundem toties & disertim admodum praedixit Christus, etiam quando blasphemiae postulatus coram tribunali stabat. *Mat. xxvi. 64.* IV. Henoch, postquam cum Deo ambulasset, & consilium Dei sui seculi hominibus praedicasset, corpore animaque in coelum susceptus est, vivus, ne videret mortem; *Heb. xi. 5.* non enim eam ad aliorum salutem debellaturus erat. Christus autem morte pro electis obita, & purificatione peccatorum nostrorum per semet ipsum facta, excelsior caelis evasit, & sedit ad dextram Majestatis illius in locis excelsissimis. V. Henoch septimus fuit ab Adamo; Christus septuagesimus ab Henoch: uti ex genealogia ejus apud Lucam patet. VI. Henoch tertius eorum erat, quos ex mundo decessisse legimus. Christus tertius eorum, qui ascenderunt in coelum. VII. Uti in Habel exemplum est mortis violentae, in Adamo mortis naturalis; ita in Henoch transmutationis illius supernaturalis, cujus compotes erunt electi novissimo die viventes. VIII. Denique placuit Deo ante legem exemplum ascensionis in coelum exhibere in Henoch; sub lege in Elia; sub Evangelio in Christo: ut clarum esset, ejusdem salutis participes fieri cujuscunque temporis fideles.

XIX. Sub *secunda periodo* iterum binos ejusdem generis typos explicemus: NOACHI primum; tum ISAACI. NOACHUM novi mundi caput, & arcam, quam exstruit, aquasque diluvii, mysticum significatum suum habuisse, Petrus testatur. *1. Pet. iii. 20, 21.* Ubi baptismum antitypum esse docet earum rerum quae sub tempore Noachi, & illius auspicio facta sunt. *Ἀντίτυπον* notat ibi typum alteri alicui typo in eadem significatione respondentem. Ut ordinem servemus, tria distincte considerabimus. I. NOACHUM ipsum. II. ARCAM. III. DILUVIUM.

XX. NOACHUM quod attinet. I. Nomen ejus significat *quietem*, Typus quae uti non omnino in cassum ab ipso expectabatur, ita plena & suo nomine digna conferri per ipsum non poterat. Hanc Christus omnibus iis largitur, qui peccatorum onere pressi ad ipsum se recipiunt:



cupiunt: *Mat. xi. 29.* & sedata Divinæ iracundiæ capitibus nostris incumbentis tempestate, per medios adversitatum nimbos ac procellas in optatum quietis portum Ecclesiam deducit. II. Noach fuit *Vir iustus in generationibus suis*. Christus est ὁσος, ἀναξ, ἀπιαρ, separatus a peccatoribus, non novit peccatum, neque fraus inventa est in ore ejus, imo est Jehova justitia nostra. III. Noach fuit *præco justitiæ*. Christus multo disertius prædicavit, tam eam justitiam, qua nos coram Deo justificari oportet, quam eam, cui ad testandam animi gratitudinem operam dare par est. IV. Noach arcam ædificans suis tutum receptum parabat adversus ingruentes diluvii aquas. De Christo dictum est; *Jes. xxxii. 2.* *Et erit vir ille tanquam absconditus a vento, & latibulum ab inundatione*. V. Noach familiam suam, octo solum animabus constantem servabat. Christus servat pueros, quos dedit ei Deus, qui ad ingentem pereuntium numerum comparati pusillus grex sunt. VI. Uti Noach secundi mundi Princeps fuit; ita Christus novi mundi Caput est, formati per ruinam & destructionem prioris. Nam sicut, quicquid ad priorem mundum pertinebat, Noachi tempore extinctum est: ita, quidquid a primo Adamo ortum habet, aboleri debet, ut locum faciat novæ creaturæ, quæ ex Christo est. VII. Noach offerebat Deo victimam grati odoris. Christus eam bonæ fragrantiae hostiam offert, cujus virtute Deus mundo placatus est. VIII. Postquam Deus odoratus erat nidore oblatæ a Noacho hostiæ, promisit, nunquam fore, ut mundus novo diluvio absorbeatur: sed solummodo se eam vaporum copiam in aëre collecturum, qui solaribus radiis eleganter picti diversicoloris iridem in cælo formarent. Virtute sacrificii a Christo oblatis Deus electis suis reconciliatus pollicetur, se nunquam eos in ira sua puniturum; sed duntaxat levioribus paternisq; plagis castigaturum, in quibus gratiæ suæ radii intermicent.

ARCA  
Noachi  
& Christi  
significabat.

XXI. ARCA a Noacho exstructa, tam *Christum*, quam *Christi Ecclesiam* significabat. Nam I. Sicuti arca omnes, qui in eam intraverant, tutos præstabat ab imbris superne depluentibus, & aquis magnarum abyssorum inferne erumpentibus: ita Christus omnibus, qui ad ipsum confugiunt, securum receptum præstat tam adversus iram Dei, quæ revelatur e cælo, quam adversus infernalium hostium furorem. II. Sicut ridiculum impio & in exitium suum obdurato mundo videbatur, in arca istiusmodi novi universi semina conservatum fuit; ita Evangelium de salute in solo Christo querenda, Judæis scandalum, Græcis stultitia est. III. Sicut Arca justam longitudinem, latitudinem, & profunditatem habebat, & eam denique capacitatem, per quam tot animantibus una cum pabulo recipiendis idonea erat; ita etiam in Christo Jesu est illa salutaris amoris longitudo, latitudo, profunditas & sublimitas, quæ omnibus electis æternum servandis abunde sufficiat.

IV. Pix illa, qua juncturae arcae intrinsecus & extrinsecus ex praecepto Dei illatae fuerunt ad omnem aquarum ingressum excludendum, Hebraice dicitur כִּיפֹר, quae vox *expiationem* quoque & *redemptionis pretium* notat. Nonne eleganter hoc modo significatum est, soli nos expiationi & redemptioni Christi debere, quod a diluvio Divinae vindictae immunes simus?

XXII. Sed & *Ecclesiam* eadem haec arca figurabat. I. Sicut arca omnis *Et Ecclesiam.* secundi mundi spes continebatur; ita etiam Ecclesia complectitur panegyrim illam primogenitorum, qui novi mundi haeredes futuri sunt. II. Sicut in arcam cum piis profanus quoque Chamus intraverat, & cum mundis pecudibus plurimae immundae: ita in externam Ecclesiae communionem multi impuri hypocritae irrepunt. III. Sicut arca adversus omnes procellas ac nimbos, adversus excelsa aedium, praerupta montium, durarupium, illaesa manebat & infracta: ita adversus Ecclesiam ne ipsae quidem inferorum portae praevalebunt. IV. Sicut arca nullis velis, nullis remis, nullo gubernaculo, sola numinis providentia, etiam dormiente Noacho, tuta in aquis fluctuabat: ita Ecclesia omni humana ope destituta, dormitantibus saepe iis, quorum curae commissa erat, vigili Christi oculo gubernatur, tandemque in salutis portum feliciter deducitur. V. Sicut arca, aquis iterum in abyssos suas receptis, subsistebat in montibus Ararat, ubi Noachus sicco pede egressus Eucharistica offerebat Deo: ita etiam Ecclesia seculi hujus certaminibus defuncta, quiescet in Zione coelesti, ubi continuis gratiarum actionibus magni Dei & Sospitatoris sui Jesu laudes decantabit.

XXIII. AQUAE DILUVII iterum respectum suum habent tam ad *Christum*, quam ad *Ecclesiam*. I. Sicut aquae tam e caelo procidentis, quam e fundo erumpentes arcam premebant, eamque undiquaque cingebant: ita Christo etiam luctandum fuit cum ira Patris coelestis, cum effusis inferorum copiis, & cum malevolorum hominum pertinaci crudelitate. Breviter, *circumdederunt eum dolores mortis, & torrentes Belial perterrefecerunt eum.* Ps. xviii. 5. II. Sicut aquae illae premebant quidem arcam, sed non mergebant; imo, quo profundiores erant, eo illam magis sublimabant, coeloque propiorem ferebant: ita etiam Christus *morte quidem affectus est carne, sed vivificatus Spiritu.* 1 Pet. i. 18. Et quo asperiores fuerant illius perpeffiones, in eo superiorem sublimitatem extulit ipsum Deus. Phil. ii. 9. III. Sicut aquae diluvii mundum quidem impiorum perdebant, arcam tamen servabant. 1 Pet. i. 20. quam in sublime elevatam, supra aedium turriumque, quibus allidi potuisset, cacumina locabant, disiectis interim omnibus humanae artis machinis: ita afflictiones a Deo immixtae impios quidem consumunt, & in tartarum praecipitant, piis tamen mundandis, & ad salutem praeparandis, ne cum

cum mundo pereant, destinatae sunt 1 *Cor.* xi. 32. IV. Sicut aquae diluvii peccatores submergendo veteris mundi crimina eluebant, ut Ecclesia scandalis illis liberata castius serviret Deo, (qua re idem significatur quod aquis baptismi, 1 *Pet.* iii. 21.) ita per sanguinem & Spiritum Christi peccata nostra eluuntur, vetus homo mortificatur, ut novus alacrius se impendat Deo.

Et CO-  
LUMBÆ.

XXIV. Denique de nihilo non est, quod de COLUMBA a Noacho emissa, & cum decerpto olivæ folio vespertino tempore redeunte, memoratur, Nam I. Uti Noachus typus erat Christi; ita Columba illa erat typus Spiritus Sancti, qui super Christum descendebat, quum tingeretur aquis Jordanis. II. Uti Columba illa ramum olivæ iis qui in arca erant afferebat, unde colligi poterat, siccitas jam esse aquas; ita & Spiritus Sanctus eos, qui in Ecclesia sunt de pace Dei, cujus symbolum olivæ ramus est, certiores facit. III. Uti illud olivæ folium ore suo columba gestabat; ita Spiritus Sanctus mysticam illam pacem ore prophetarum, Apostolorum & Evangelistarum annunciat. IV. Uti vespertino tempore Columba ad arcam veniebat, ita sub mundi vesperam Spiritus Sancti dona abundantiora & locupletiora sunt.

ISAA-  
CUS typus  
Christi.

XXV. Omisso nunc illustri MELCHIZEDECHI typo, quem accurate Paulus explicuit. *Heb.* vii. ISAACI Historiam breviter illustrabimus: qui typum Christi gessit. I. In persona sua. II. In oblatione. III. In liberatione & glorioso eventu.

In perso-  
na sua,

XXVI. Quoad personam. I. Dictus fuit Isaac a *ridendo*, quia filius gaudii & exultationis parentibus suis fuit. *Gen.* xxi. 6. Christus autem gaudium totius mundi est, eoque nato Angeli pastoribus lætitiā magnā evangelizabant, quæ universo Dei populo futura erat. *Luc.* ii. 10. II. Isaac erat *filius promissionis*, miraculose ex Abrahamo sene, & Sara sterili atque effoeta, ortus, sola Divini verbi virtute, qua *vocat ea quæ non sunt, tanquam sint.* *Rom.* iv. 17. Christus non ordine naturæ, nec virtute illius generalis benedictionis, *Crescite & multiplicamini*, sed virtute gratiæ promissionis, ex matre virgine, inaudito miraculo, prognatus est. III. Isaac *Unicus* fuit Abrahami *Gen.* xxi. 2. scilicet ex legitima & libera uxore, & in quo *vocandum ipsi esset semen.* *Gen.* xxi. 12. licet & Ismaëlem haberet, & deinceps filios gigneret ex Cetura. Christus est unigenitus Patris Filius *Job.* i. 16. tametsi fratres quoque habeat, sed longe inferioris ordinis & conditionis. *Rom.* viii. 29. IV. Isaac caput erat familiæ Abrahami, & suo modo, hoc est typice, origo benedictionis. Christus est caput familiæ Dei. Ex *eotota familia in cælis & in terrâ denominatur.* *Eph.* i. 15. & in eo *benedicimur omni benedictione spirituali.* *Eph.* i. 3.

XXVII. In *Oblatione* hæc est analogia. I. Non poterat Abrahamus caritatem suam erga Deum luculentiori iudicio comprobare; quam filium suum, unicum, quem diligebat, Isaacum, in quo omnes sibi spes repositæ erant, offerendo ad mortem. Neque Deus *φιλανθρωπίαν* suam illustrius exercere poterat, quam dilectum & unigenitum Filium suum pro hominibus ad dirissimos non unius mortis cruciatus dedendo. *Job. 111. 16.* II. Eximia erat Isaaci obedientia, patri in tam duro negotio sine murmure morem gerentis. Et quis pro merito deprædicet Christiana-lacritatem, Patri obedientis ad mortem, mortem autem crucis? *Phil. 11. 8.* III. Isaacus domo paterna egrediebatur ad eum locum, quem destina-verat Deus. Christo exeundum fuit Hierosolymis, ut extra portam pateretur. *Heb. x. 11. 11.* IV. Isaac portabat ligna, Christus bajulabat cruce-m suam. V. Isaaco ligabantur manus. Christo similiter. VI. Isaacus im-ponebatur ligno. Christus affigebatur cruci. VII. Isaaci oblatio fiebat in monte Moria, qui vel idem erat, vel certe vicinus Calvaria, ubi cruci-fixus est Dominus.

In obla-tione,

XXVIII. In liberatione hæc est notanda convenientia. I. Isaacum jam patris opinione mortuum, similitudine quadam ex mortuis Abra-ham recepit. *Heb. xi. 19.* Christus vere mortuus vitæ restitutus est. II. Mortuus fuerat Isaacus in animo patris, ex quo mandatum de ipso ma-ctando acceperat, ad tertium usque diem, quo manum puero immit-tere prohibitus est. Tertio quoque die Christus resurrexit. III. Isaacus Abrahamo redditus patri cohabitabat, & innumerabilis seminis factus est parens. Christus ex mortuis suscitatus in domum patris sui intravit, & vidit semen. *Jes. LIII. 10.*

In Libe-ratione.

XXIX. Quando Isaaco alioquin mactando substituitur aries, inver-soschemate Isaac *Ecclesiam*, aries Christum significabat. I. Isaac jussu Dei ad immolandum adductus est: & parum admodum aberat, quin Abraha-mi cultro mactaretur. Sic adumbrata est judicii Divini adversus pecca-tum severitas, qua, nisi intervenisset Christi satisfactio, pereundum fuisset universo generi humano. II. Aries iste non ex caula Abrahami erat, sed insigni Divinae providentiæ dispensatione ex improvise ad istum u-sum aderat. Ita Christus etiam singulari Dei dono datus est nobis, qui ho-stiam piamento idoneam in bonis nostris æternum non invenissemus. III. Aries iste cornibus in veprium perplexitate detinebatur. Eo notari videntur omnes illæ calamitates, quibus Christus toto vitæ suæ tempo-re implicatus fuit; & quidni cogitemus de corona ista spinea, quæ capi-tis eius circumposita est? IV. Arietē non vidit Abrahamus nisi a Deo voca-tus. Christum nemo fide aspicit nisi virtute vocationis Evangelicæ. Arie-te mactato, liber erat Isaacus. Christo pro electis mortuo, illi æter-num vivent.

Sed & idem ty-pus est Ec-clesia.

**MOSES.** XXX. Sub *Mosaica periodo* illustriores personæ non sunt, quam ipse MOSES cum fratre AARONE. Moses autem duplicem *σχεσίμ* habuit. I. Ut *μοιμα*, *Legulator*, cujus erat legem cum suis appendicibus rigide inculcare. II. Ut *Interpres & Doctor promissionum* patribus factarum de Servatore & Salute. Priori respectu Christo opponitur, & est typus *Legis*. Posteriori respectu *Christum* insigniter repræsentat.

Et legem  
repræsen-  
tat.

XXXI. Ad priorem *σχεσίμ* pertinent sequentia. Impediti oris illius difficilis loquela *Exod. iv. 10.* significabat, doctrinam legis homini peccatori insuavem ac duram esse, (secus ac doctrinam gratiæ, quam Christus annunciat, cujus palatum idcirco *vera dulcedo* dicitur *Cant. v. 16.*) neque posse hominem pleno ore justificare, sed eo potius facere, *ut omne os obturetur. Rom. 111. 19.* II. quod sacri montis accessu sub pœna capitæ interdicto, populoque a familiari commercio Dei depulso, ipse solus numini vicinior esset, notabat, legale suum ministerium nequam peccatores Deo unire, sed potius divortium illud testari, quod inter Deum & illos est. III. Quum tabulas foederis sacro furore actus rumperet, & foedifragos Israëlitas in mutuas cædes animaret, ipso actu ostendit, ministerium suum *ministerium mortis & condemnationis esse. 2 Cor. 111. 7. 9.* IV. Quod velo faciem obnuberet locuturus cum filiis Israël, figurabat, gloriosam gratiæ doctrinam ceremoniarum suarum involucris apud carnalem populū non parū obscurari, qui toti in velum intenti, ad gloriam, quæ pone erat, non penetrabant. V. Quod inter tot miracula per ipsum patrata, plurimæ quidem mortes sint hostibus suis inflictæ, nullius tamen mortui resuscitatio, nonne confirmat id, quod modo diximus, legem esse *literam occidentem. 2 Cor. 111. 6.* oppositam *legi Spiritus vitæ, qui est in Christo Jesu. Rom. vii. 2.* VI. Denique quod ipse in deserto mortuus sit, & populum in promissam terram non potuerit introducere, sed lampada istam Jesu filio Nun tradere coactus fuerit; annon manifeste demonstrat, ex lege salutem non esse? quæ a solo Jesu nostro expectari debet, qui etiam finis legis est a Mose promulgatæ, & quem longe supra Josuam populo audiendum commendavit.

Et Christi-  
tum: tam  
in persona,

XXXII. Verum uti eo respectu oppositus Christo fuit Moses, ita alio respectu luculenter eum præfiguravit; tam in *Persona* sua, quam in *Officiis*. Personam quod attinet, I. tam Mosis, quam Christi nativitas tyrannica infantum strage nobilitata fuit. II. Uterque mox a nativitate sævam hostium persecutionem passus, non sine singularis Divinæ providentiæ miraculo evasit. III. Moses quum aulæ Ægyptiacæ deliciis frui posset, renuit filius Regiæ filiæ vocari, maluitque ignominia fratrum suorum consors esse. Christus quum rapinam non duceret gerere se ut par est Deo, dissimulata Majestate, ut suos honore opibusque auget, vilitatem ac Pauperiem elegit. IV. Moses parem sibi mansuetudine ex hominibus

minibus habebat neminem. *Num. xii. 3.* Christus consummatissimæ mansuetudinis exemplar suis reliquit. *Mat. xi. 29.* V. Moyses a Dei commercio in sacro monte veniens Divina quadam faciei suæ radiatione intuentium oculos perstringebat. Christus est *effulgentia gloria* Patris. *Heb. i. 3.* & *speculavimus gloriam ejus, gloriam ut unigeniti a Patre.* *Joh. i. 14.* Et quum transformaretur coram discipulis suis, *fuit facies ejus ut sol.* *Mat. xvii. 2.*

**XXXIII. Officium triplex Mose obtigit. I. LIBERATORIS. II. MEDIATORIS. III. PROPHETÆ.** In singulis typum Messiae gessit. **LIBERATOR**, *Λυτρωτής*, dicitur *Ab. vii. 35.* Liberavit enim Dei virtute populum ex servitute Ægyptiaca, perimendo primogenitos Ægyptiorum, servando Israelitas sanguine agni Paschalis, ditando eos spoliis hostium, & denique submergendo Pharaonem cum omnibus copiis suis. Ita etiam Christus redemit electos a tyranide Diaboli, subvertit omnem potestatem quæ se libertati fratrum suorum opponit, talem ab hostibus exposcens vindictam quæ disertam culpæ exprobrationem in se contineat: suo ipsius sanguine corda electorum aspergit, & ab exterminatore Angelo vindicat: gloriam atque honorem gentium in Ecclesiam infert. *Ap. xxi. 26.* denique exspoliata imperia ac potestates traducit palam, & de iis triumphat. *Col. ii. 15.*

Quam in  
officiis.  
Qua  
Liberator.

**XXXIV. MEDIATOREM** ipse se fuisse testatur *Deut. v. 11.* *Ego stabam inter Jehovam & vos tempore illo.* Et duplici quidem respectu Mediatorem se gessit. I. Dum internuncius erat foederis, Dei jussa ac promissa proponens populo, & populi verba referens ad Deum. *Exod. xiv. 7. 8.* & solenni ritu utriusque partis nomine foedus sanciens. *Exod. xxiv. 8.* II. Dum pro populo apud Deum intercedit, petens, ut, si aliter sibi satisfieri Divina justitia non patiatur, ipse potius deleatur e libro Dei & populus salvus maneat. *Exod. xxxii. 32.* Nihil horum est, in quo Christum non repræsentet, qui longe excellentiori modo Mediator Dei & hominum est. Non solum Angelus foederis, & nuncius æterni testamenti; sed & fidejussor ac sponzor melioris foederis, quam illud Mosaicum erat. *Heb. vii. 22.* qui non modo Dei nomine spondit hominibus salutem cum omnibuseo pertinentibus; sed & nostro nomine spondit Deo, se debita nostra ad ultimum usque quadrantem morte sua expuncturum, & a Deo ad id officii admissus, morte & intercessione sua duraturæ pacis conciliator extitit.

Qua  
Mediator.

**XXXV. Denique uti Moyses maximus populi Dei PROPHETA** fuit, cui parem nulla secula tulerunt, *Deut. xxxiv. 10.* ita Christus in eo quoque Mose similis, *Deut. xvi. 28.* imo Mose tanto major, quanto filius major est servo, & is qui domum adificavit, domo a se structa. *Heb. iii. 3. 5. 6.* Specialius. I. Quum cæteris prophetis notum se faceret Deus

Qua  
Propheta.

Deus per visionem vel per insomnium, Moſen in os alloquebatur; adeo ut ſpeciem ſimilitudinemque ſui inſinuandæ ei exhiberet *Nam. XII. 6. 7. 8.* Quis autem clariuſ unquam Deum aſpexit, quam unigenitus filius ejus, qui in ſinu Patris eſt, ideoque ſolus Patrem nobis ἐξηγήσασθαι idoneus, *Job. I. 18. II.* Nemo prophetarum tot miraculis prodigiisque clarus fuit atque Moſes. Chriſtus ſuis miraculis in ſtuporem quoſvis dedit, & vel invitis pectoribus hanc vocem extorſit nihil iis ſimile ac ſecundum viſum unquam eſſe in Iſraële. *Mat. IX. 33.* III. Moſes externam cultus πολιτείαν plurimum immutavit, multisque acceſſionibus ex mandato Dei auxit. Chriſtus iterum, ejusdem Dei voluntate, antiquatiſ prioribus, novam Eccleſiæ faciem exhibuit; & ea verba locutus eſt, quæ Deus ſibi dicenda ultimis temporibus reſervaverat. IV. Moſes fidelis fuit in tota domo Dei, ἐς μαρτύριον τῶν λαληθηſομένων, in teſtimonium eorum, quæ poſtea dicenda erant. *Heb. III. 5.* ea omnia breviter & ænigmatice proponens, quæ ſingulis temporum periodis in univerſa domo Dei dicenda & docenda erant. Chriſtus autem cum ſuis Apoſtoliſ ea dixit, quibus ut olim dicendis teſtimonium Moſes præbuit *Job. V. 46. Añ. XXVI. 22.*

AARON  
quomodo  
Chriſtum  
præfigura-  
verit.

XXXVI. Moſi AARONEM jungamus: cujuſ tamen typicam rationem explicare hic non poterimus, quin nonnulla ex legalibuſ typiſ intermiſceantur. I. Iſ, frater Moſiſ primogenitus, mandato Dei ſanctificatus eſt, ut ſummus populi Sacerdoſ eſſet, in iſ quæ apud Deum peragenda ſunt. *Exod. XXVII. 1. XXIX. 1. Heb. V. 1.* ita & Chriſtus primogenitus inter multoſ fratres, & unigenitus filiuſ Dei, Pontifex profeſſioniſ noſtræ eſt, *Heb. III. 1. qui non ipſe ſibi hunc honorem tribuit, ſed iſ, qui dixit ei, filiuſ meus eſ, ego hodie genui te. Heb. V. 5.* II. Aaron muneri inaugurandus ungebatur oleo fragrantiffimo, & ſoliſ ſacratiffimiſ ſacriſ deſtinato. *Exod. XXIX. 7. & XXX. 31. 32.* quod tam copioſe effundebatur in ejus caput, ut proſlueret in barbam & oram veſtimentorum. *Pſ. CXXXIII. 2.* Chriſtum Deus unxit Spiritu Sancto & potentia, *Añ. X. 38. οὐκ ἐκ μετρεῖ. Job. III. 34.* illiuſque dona ad omneſ electoſ ſuoſ ubertim deſcendunt. *I Job. II. 20.* Unde nomen ejus eſt velut argenteum diſſuſum; *Cant. I. 2.* ſed electiſ ſoliſ: profanuſ enim munduſ hunc Spiritum non accipit. *Job. XIV. 7.*

Sacræ  
veſteſ.

XXXVII. III. Sacriſ etiam veſtibuſ Aaron induebatur. A. In capite habebat Cidarim, ſive Tiaram, ex byſſo candidiſſima, cui cum vitta hyacintina appoſita erat bractea aurea, in qua cælatum erat SANCTITAS JEHOVÆ. *Exod. XXVII. 36. 39.* Quo puriſſima Chriſti Sanctitaſ, tam Divinæ, quam humanæ naturæ, ſignificata fuit. *Heb. VII. 26.* Itemque Chriſtum eum eſſe, qui portat iniquitateſ rerum ſacrarum, *1. 38.* id eſt, expiat peccata, quibuſ ſanctiſſimæ cæteroquin actioneſ noſtræ

nostræ inquinatæ sunt. B. Indutus quoque erat *pallie hyacinthino*, in cuius fimbriis erant malogranata, & tintinnabula aurea inter illa circumquaque. *Exod. xxvi. 11. 31. 33.* Notabat illud *pallium iustitia*, quo indutus est, & suos induit Christus, *Jes. lxi. 10.* & gratissimum sonum Evangelii, ab ipso prædicandi, quaquaversum se moveret, una cum suavissimis & odoratissimis fructibus illius. C. Habebat etiam *Ephod*, sive amiculum operis artificiosissimi, in cuius humeralibus juncti erant duo lapides sardonyches, insculpti nomina filiorum Israël. *Exod. xxvi. 11. 6. 9.* Quo significabatur, caros admodum Pontifici nostro Christo electos suos fore, quos humeris quasi suis portaturus erat in coeleste sacrarium *Jes. xl. 11.* & quidem portaturus cum cura, uti lapidem pretiosum, *תלזב*, peculium, & hæreditatem suam. D. Accedebat sacrum *pectorale iudicii*, insertos habens duodecim lapides pretiosos, quorum singulis singula nomina filiorum Israël iterum insculpta erant. *Exod. xxvi. 11. 15. 17.* qui multis *Urim & Thummim* dici videntur. *Lev. vii. 11. 8.* Id notabat, Christum eum esse *אשר לי דין*, *cujus est iudicium*, *Ezech. xxi. 17.* cui Pater auctoritatem dedit iudicium exercendi. *Joh. v. 27.* apud quem lux plenissimæ sapientiæ, & perfectiones consummatissimæ sanctitatis sunt, quique electos suos in corde gerit, eosque nominatim intercessione sua apud Patrem repræsentat. Neque sine ratione a Viris Doctis observatum est, quod, quando sub novo testamento itidem duodecim pretiosi lapides memorantur, is, qui postremo loco in veteri ponitur, *Jaspis*, primo locetur in Novo: *Ap. xxi. 19.* quasi utriusque Testamenti vinculum, docens, utrumque eodem colimare; ad Christum scilicet, cuius alma & nunquam deficiens gratia per virorem jaspidis eleganter adumbrata fuit. E. Denique, ut alia prætermittam, fluxum cæteroquin Aaronis amiculum adstrictum erat cingulo, facto ex auro, hyacinthino &c. & xylino internexo, opere artificiosissimo. *v. 8.* Quod notabat alacritatem & promptitudinem Jesu in capeffendo munere, sed promptitudinem consideratissima prudentia comitatam.

XXXVIII. IV. Aaronici sacerdotii auctoritas confirmata fuit miraculosis gemmis, floribus, fructibus, virgæ, quæ ex amygdalo succisa, e cæteris virgis sola repente fronduerat. *Num. xvii.* Significat ea virga Christum, qui non modo *e trunco succiso* *Isai oritur* est: *Jes. xi. 1.* sed & *succisus e terra viventium*. *Jes. lii. 8.* mox tamen a morte refronduit, & factus est arbor vitæ, simul gemmas, flores, fructus habens, singulis quippe mensibus novos fructus proferens. *Ap. xxi. 2.* Notatur item perpetuus vigor, & viror efficaciz sacerdotii Christi, qui sacerdos est *ex vi indissolubilis vitæ*. *Heb. vi. 16.*

Virga  
frondens.

XXXIX. V. Aaron sacrificiis secundum legem institutis peccata populi expiabat, intercedebat etiam precibus suis pro populo *Num. xvi.* Sacrificia  
& interces-



ſio Aaro-  
nis-

45. præcipuè feſto propitiationis die, quando cum ſanguine maſtate hoſtiæ intrabat in ſanctum ſanctorum. Ita quoque Chriſtus *per Spiritum æternum ſeipſum inculpatum Deo obtulit, ingreſſusque eſt non in manu- factum ſacrarium, quod ſit exemplar vero ſacrario reſpondens, ſed in ipſum co- lum, ut compareat apud faciem Dei pro nobis: idque non cum ſanguine alieno, ſed ſuo proprio, æternam redemptionem naſtus.* Heb. ix. 14. 24. 25.

ARGA  
FOEDE-  
RIS.

XL. *Typorum Hiſtoricorum* hæc e multis exempla ſint: quibus per LEGALIU M TYPORUM, itidem e plurimis, ſubnectemus. Et priori quidem loco myſterium ARCÆ FOEDERIS expendamus, quæ ceremoniarum om- nium quaſi centrum ac compendium eſt. Arcæ hujus ſtructura deſcribitur Exod. xxv. 10. Materia ejus erat ex ligno *Sittim*, id eſt, ut plerique exi- ſtimant, cedrorum præſtantiffimarum. Lignum iſtud, in arcæ formam adaptatum, extrinſecus & intrinſecus puriſſimo auro obductum erat. Cinctæ erat arcæ limbo aureo. Impagibus inditi erant quatuor annulli aurei. Iis inferebantur duo veſtes, e ligno quidem cedrino facti, ſed ob- ducti auro, ut iis quaquaverſum arcæ ferretur. Hi nunquam annullis exi- mendi erant, etiam arcæ quieſcente. In arcæ collocatæ erant tabulæ testi- monii. Sed & operculum propitiatorium ex puro auro (ſuperimpoſitum erat arcæ. Et duo Cherubini aurei continente opere, ex ipſo operculo fa- cti, obtegebant illud alis ſuis, ita faciebus ſibimet invicem obverſis, ut ſi- mul proni ſpectarent propitiatorium. De forma horum Cherubino- rum magna lis inter Scriptores eſt. Non male *Joſephus* eos definit, *Antiq. Lib. 111. Cap. vi. ζῶα πτερυγία, μορφῇ ἑδενὶ τῷ ὕμῳ ἀνθρώπων ἐοικραμένων παρά τλῆσια, animantia velucris, nulli eorum, quæ ab hominibus viſa ſunt, ſimilia.* Ad bovis formam proxime eos acceſſiſſe, colligitur ex *Ezech. 1. 10.* collato cum *x. 14.* Nam in poſteriore loco כרוב פני כרוב facies Cherubini vocantur, quæ in priore פני כרוב facies bovis. Accedit, quod כרוב, unde Cherubinorum nomen deducitur, Chaldaïs, Syris & Arabi- bus, arare ſignificet, cui rei boves olim plurimum adhibiti ſunt. In oper- culo propitiatorio, in medio duorum Cherubinorum, erat thronus Divinæ Majestatis, unde oracula conſulentibus dabat. Locus arcæ ordinarius erat intra velum, in ſancto ſanctorum. Exod. xxvi. 33. ita tamen, ut conſpicerentur ſummitates veſtium e ſancto, verſus partem anteriorem adyti. 1 Reg. vii. 8. Stante tabernaculo arcæ inde eximebatur, quando proficiſcendum Iſraëlitis erat, ut exploraret ipſum locum quietis. Num. x. 33. & ipſis ceu Divinæ præſentis ſymbolum, ſolatio, hoſtibus terrori eſſet. 3. 31. Poſtquam autem in templum in- troducta fuit, non niſi vaſtato templo inde exemta eſt. Pf. cxxxix. 13. 14. 2 Chr. v. 9. Nunc δῆλωσιν videamus.

Typus  
Chriſti.

XLI. Arcæ hæc Chriſtum præcipue ſignificabat. I. *Materia illius, partim*

partim lignea, partim aurea, utramque naturam Christi figurare idonea est; lignum notare potest humanitatem ejus: juxta quam est fructus terræ. *Jes. iv. 2.* sed tamen ἀσῆπτῳ, ab omni putrefactione immunis, etiam quum mortuus & sepulcro conditus esset *Pf. xvi. 10.* quemadmodum *Cedris aternitatem* adscribit *Plinius Lib. xiii. Cap. v.* Aurum Divinitatis symbolum censetur: respectu soliditatis, puritatis fulgoris & τμῆς, denotans æternitatem, sanctitatem ac gloriam Christi; simulque docens, quo loco nobis esse debeat; eo nimirum, ut omnia præ illo damnatum & stercore esse reputemus. *Phil. i. 8.* Quod autem aurum solum videretur, lignum intrinsecus & extrinsecus auro obductum non videretur; nonne significabat, Christum eo tempore nondum conspicuum factum esse in carne, sed ἐπιφανείαν ejus pretiosissimis Dei promissis hactenus involutam feliciore seculo reservari? II. *Forma arcæ*, per quam ingenti thesauro custodiendo idonea erat, notabat, Christum illum esse, in quo omnes thesauri sapientie & scientie & omnigenæ felicitatis reconditi sunt: ex cujus abundantia gratiam pro gratia sumere electis liceat. III. *Limbus aureus* arcam cingens, typus coronæ & regni Christi esse videtur. IV. *Tabula foederis* arcæ impositæ significabant Christum Deilegem in medio viscerum suorum habiturum, & omne ejus δικαίωμα pro electis impleturum esse.

XLII. V. Sed imprimis OPERCULUM PROPITIATORIUM Christum designabat, in quantum reatum peccatorum nostrorum aufert. Nam *Deus in Christo mundum reconciliat sibi. 2. Cor. v. 19.* Olim quidem propitiatorium illud, in intimo tabernaculi vel templi adyto pone velum locatum, secretum ab omnium oculis erat, quia expiatio nondum erat facta: nunc autem Deus προέβητο, coram omnium fidelium oculis exposuit, & palam videndum exhibuit Christum ut ἱλαστήριον in sanguine suo. *Rom. i. 11. 25.* Quod propitiatorium ex mero auro erat, sed arcæ lignæ impositum; docet, quidnam illud sit, quod obedientiæ & passionibus Christi hominis pretium & valorem addiderit, videlicet infinita Deitatis suæ dignitas. Propitiatorio, testæ erant legis tabulæ: quas ubi remoto vel tantillum operculo intuebantur Betsemitæ, horrendæ sibi stragis auctores erant. *1. Sam. vi. 19.* Christi propitiatione omnes nostræ ἀνομίας teguntur *Pf. xxxi. 1.* & si citra illam legem intueri sustineamus, nil in ea nisi æternæ condemnationis sententiam inveniemus. In propitiatorio Majestatis suæ præsentiam ostendebat Deus, & inde gratiosa populo responsa dabat. In Christo thronus gratiæ erectus est, ad quem cuivis fideli μετὰ παρρησίας fas est accedere, certo, nihil se, secundum voluntatem Dei orantem, frustra oraturum, sed reperturum ibi εὐκαριστὸν βοηθείαν. *Heb. iv. 16.* Habitabat ibi Deus in nube. *Lev. xvi. 2.* in cujus caligine Divini splendoris radii intermicabant: quam

Opercu-  
lum propi-  
tatorium.

inhabitationem famoso vocabulo שכינה Hebræorum Doctores expref-  
ferunt: quid illud fignificat, nifi plenitudinem Deitatis in Chriſto ho-  
mine corporaliter inhabitaturam, & per Chriſtum gratioſe in nobis?  
*Col. 1. 9. Sermo caro factus eſt, καὶ ἰσκηνώσεν* (nota alluſionem elegan-  
tem ad vocem Hebræam) ἐν ἡμῖν. *Joh. 1. 14.*

**Cherubini**  
Angelo-  
rum Em-  
blema.

**XLIII. VI. CHERUBINI** in propitiatorio ſanctos Angelos notabant,  
qui deſcenderunt in Chriſtum ipſi inſervituri, dum in terra erat. *Joh. 1.*  
*52.* Et quorum myriadibus nunc cinctus eſt, dum ſedet in Throno glo-  
riæ. *Dan. VII. 10. Jeſ. 1v. 2. Pſ. LXVI. 18.* Erant illi continente ope-  
re ex propitiatorio facti, quia Chriſtus propitiatione ſua electos ex ho-  
minibus in unam cum Angelis cœleſtem rempublicam facit coaleſcere.  
*Acceſſimus* enim, ejus beneficio, *ad Hieruſalem cœleſtem & myriadas Angi-*  
*lorum.* *Heb. XII. 22.* Pronis faciebus Cherubini arcam intuebantur, deſi-  
derantes in myſteria redemptionis noſtræ *παράδοχαι.* *1 Pet. 1. 12.* Bini  
erant numero, facie ſibi invicem obverſa, ita tamen, ut ſinguli quoque  
arcam adſpectarent. Iſta ſui conſtitutione officium fidelium, tam Vete-  
ris, quam Novi Teſtamenti, adumbrantes, qui fidei *ἰσότης* & caritatis  
mutuæ oculis ſe invicem quidem, ſed junctim Chriſtum adſpiciunt.  
Sæpe enim Angeli nobis in exemplum proponuntur.

**Non ho-**  
**minum.**

**XLIV.** Non ſuſtineo cum quibusdam dicere, Cherubinos directe  
emblema eſſe fidelium. Certum enim eſt, iis in Scriptura Angelos no-  
tari. Cherubinis Deus cuſtodiam Paradifi commiſit. *Gen. 1. 24.* Inſi-  
dens Cherubinis volat. *Pſ. XVI. 11.* Fideles autem Cherubinos dici,  
nullo Scripturæ teſtimonio evictum vidi. Unicum, quod aliqua ſpecie  
adducitur, eſt ex *Ap. v. 8, 9, 10.* ubi exiſtimant, quatuor animalibus, quæ  
ſunt Cherubini, una cum viginti quatuor ſenioribus idem canticum ad-  
ſcribi, quo ſe ex omni tribu Deo redemptos eſſe ſanguine agni prædicant.  
Quod non de Angelis, ſed de fidelibus verum eſt. At reſpondeo:  
I. Si per quatuor animalia fideles hic intelligantur, velim mihi ex-  
plicari, ob quam rationem quatuor animalia viginti quatuor ſeniori-  
bus, qui univerſalis Eccleſiæ Patriarchæ & Anteceſſores ſunt, paſſim  
præponantur, imo eorum duces & anteceſſores in ſacris canticis ſint:  
uti videre eſt *Apocal. 1v. 9, 10.* Quum omnis ratio jubeat, Eccle-  
ſiæ univerſalis Patriarchas promiſeuo cætui præponi, & in Divinis  
laudibus præire. Item, quomodo Eccleſia fidelium Johannem ad  
viſionem & cognitionem rerum futurarum introduxerit, quæ nihil uti-  
que de iis niſi per Johannem ſcivit: quod tamen, animalia illa ſeciſſe,  
narrantur. *Apocal. vi. 1. 3. 5. 7.* Certe id officii non homines, ſed  
Angeli Prophetis præſtare ſolent. II. Prior pars commatis 8. *Qua-*  
*tuor animalia & viginti quatuor ſeniores prociderunt coram Agno,* de  
utriſque junctis dicitur, *Sed quæ ſequuntur, habentes quiſque ci-*  
*tharus,*

*ibatis*, &c. *ψ. 9.* *Et cantant canticum novum &c.* non est necesse, ut de aliis, quam de viginti quatuor senioribus intelligamus. Non dicam nunc cum Viro eruditissimo, evinci id ex constructione Græca, quia, quum *ἰχθυες ἕκαστος* masculini generis sit, referri id non possit ad *ζῶα*, quod neutrius generis est: scio enim, id invalidum esse. Sed inductione locorum plane similium expositionem hanc firmatum ibo. *Neb. XII. 1, 2,* dicitur, *inventum est scriptum, ut non veniant Hammonita aut Moabita in congregationem Dei, propterea quod non occurrerant Israëlitis pane & aqua, sed conduxerant contra eos Bileamum &c.* Prius illud, quod non occurrerint Israëliti, tam Moabitis, quam Hammonitis commune est; sed posterius, de conductione Bileami, solis Moabitis competit: patet ex *Num. XXII. 3*—. Similiter *Jer. XXI. 7.* *Tradam Zedekiam Regem Juda, servosque ejus, & populum ipsam &c. in manum Nebucadnetzaris Regis Babylonia &c. qui percutiet eos acie gladii.* Quod initio dicitur, de Traditione Zedekiae & servorum ejus & populi in manum Nebucadnetzaris, verum est de omnibus: sed quod deinceps additur, qui percutiet eos acie gladii, de servis & populo Zedekiae intelligendum est, non de ipso, quippe qui sicca & sua morte periit. *Jer. LII. 11.* Ita etiam hic tam de animalibus, quam de senioribus verum est, quod prostraverint se coram Christo, quem tam Angeli, quam homines venerantur. Sed citharæ, & phialæ fuffituum, & canticum, sunt seniorum, non animalium. Saltem id ex hoc loco demonstrari non potest. Verum ad Arcam redeamus.

**XLV.** VECTES quatuor annulis aureis inserti ad portandam arcam, significabant, Christum præconio Evangelii cum omni sua gratia & gloria portatum quasi iri ad quatuor mundi plagas. Fidis Evangelii præconibus *Χριστοφóρων* nomen competit. Vectes isti annulis nunquam eximendi erant, etiam quum arca suo loco reposita quiesceret. Vox Evangelii nunquam plane conticuit: & nulla in terris regio est, quæ secura esse potest, non fore, ut Christus cum Evangelio suo inde discedat. Quies arcæ erat in Sancto Sanctorum intra velum. Quies Christi est in Sanctuario *ἀχυροποιήτω. Heb. IX. 24.* Postquam ingressus est in ea quæ sunt intra velum. *Heb. VI. 19. 20.* Quod autem summitates vectium in sancto conspicerentur, notabat, Christum quidem oculis corporis nostri subductum in cœlo esse, oculis tamen fidei se ipsum revelare manifestatione multifariæ suæ gratiæ. Quod, tabernaculo stante, arca nunc huc nunc illuc ferebatur, templo autem, nisi cum illius destructione, exempta non fuit: nonne significare potuit fidelibus, fore quidem aliquando, ut Christus ex adyto Divinorum decretorum & promissionum atque ipso adeo cœlo prodeat, & Israëlitem permeans nunc hic nunc illic conspiciatur;

tur; at, postquam iterum cœlo receptus fuerit, inibi maneat ad illud usque tempus, quo cœli ipsi cum stridore prateribunt, & elementa estantia solventur. 2 Pet. III. 10. Oportet enim, ut cœli ipsam capiant, usque ad tempora restitutionis omnium. Act. III. 21.

In templo  
secundo  
cur non  
fuerit  
arca?

Quam ta-  
men Jo-  
hannes ite-  
rum in cœ-  
lo vidit.

XLVI. Non sine Divinæ sapientiæ manifestatione factum est, ut arca aliquando non fuerit in domo Dei, scilicet sub templo secundo: quemadmodum Jeremias quoque prædixit, fore, ut non dicant amplius arca faderis Jehova, neque veniat in animum. Jer. III. 11. ut ea ipsa re monerentur, aliam expectandam esse Dei inhabitationem, & quidem longe nobiliorem; aliud hilasterium, longe præstantius, cui prius illud loco cedere iussum est, ut umbra corpori. Interim mysterio non caret, quod Johannes iterum viderit templum Dei in cœlo apertum, & quod arca faderis ipsius visa sit in templo ejus, Ap. XI. 19. idque eo tempore, quo regna mundi Domini nostri & Christi ejus facta sunt. 7. 15. Johannes hæc in cœlo vidit, quia cœlum locus erat, ubi hæ visiones ipsi obtingebant. Cap. IV. 1. Non quod ea, quæ videbat, in cœlo omnia accidere deberent. Non enim certe prælium illud, quod describit Cap. XII. 7. 8. in cœlo factum est, sed in Ecclesia in terra. Quid autem nunc vidit? Templum apertum. Significat id, nisi fallor, liberum, non impeditum, omnibus patentem, introitum in Ecclesiam Christi. In quam nationes mundi, sive, ut Paulus loquitur Rom. XI. 25. plenitudo gentium introiverat: & cujus valvæ Judæis, quibus diu clausæ fuerant, nunc apertæ stabant. In isto templo videt iterum arcam, quæ symbolum erat foederis olim cum Judæis init: quo notatur nova Christi in natione Judaica inhabitatio, non per externum symbolum, sed per internam & spiritualem gratiam: quam quum gavisuri sunt, faciles & læti corporali symbolo carebunt. Vide fodes, quæ Jonas Le Buy, quem Bochartus Hierozolici Lib. III. Cap. VI. Virum eximium & harum rerum callentissimum vocat, in hunc locum commentatus est.

Urna  
Mannæ.

XLVII. Circa arcam reposita erat URNA MANNÆ Exod. XVI. 34. & Virga Aaronis, quæ fronduerat, Num. XVI. 35. Ut indicaretur dulcedo incredibilis & permanens pastus illius spiritualis, quem suis largitur Christus, quemque ipse tot nominibus mannæ, quæ per Moysen data est, præponit Job. VI. 48. &c. & qui, aperta ad hujus urnæ contentum allusione, massa absconditū dicitur. Ap. II. 17. Simulq; perpetuus viror, æternusq; vigor Sacerdotii Christi, cujus virtute e nostris quoque nodis flos germinet, & viles virgulæ balsama sudent. Hæc de Arca foederis sufficiant.

Ceremo-  
niæ dis  
propitiæ

XLVIII. In exemplum alterius typi legalis ea consideremus, quæ festo EXPIATIONIS DIE Pontifici Maximo peragenda erant, quorum ceremoniæ describuntur Levit. XVI. Induendæ Aaroni erant vestes lineæ,

hircæ, propriæ huic diei, & tantum in iis ministeriis quæ intra velum rationis ob-  
 secundum peragenda erant. v. 4. Et postquam juvenco subrumo servanda.  
 expiationem pro se & familia sua facere jussus erat, jubetur a coe-  
 tu filiorum Israël accipere duos hircos e capris pro peccato, &  
 arietem in holocaustum. v. 5. Hirci illi communi omnium sumtu  
 parandi erant, ex thesauro destinato sacrificiis aliisque rebus ad cul-  
 tum Divinum necessariis. Uterque pertinebat ad unum sacrificium  
 pro peccato, hostiæ unius loco. Uterque erat pecus piacularis, vica-  
 ria Israël peccatori, ejusque peccatum ferens. Deo illi hirci sistendi  
 erant coram Jehova ad portam tentorii conventus; Deo sacri, & cultui  
 ipsius destinati. v. 7. Super utroque jacienda erat fors, forsuna Jehovæ,  
 altera Azazeli. v. 8. Id ita factum narrant Hebræi: Pontifex, medius in-  
 ter Sagan, sive sacerdotem summo proximum, & Principem familiæ  
 potissimæ, consistebat ante hircos: sortesque extrahebat ex capsula,  
 initio ligneas, sub secundo templo aureas; quarum alteri inscriptum erat,  
 JEHOVÆ, alteri, AZAZEL. Quam dextra extraxerat, ea impone-  
 batur capiti hirci dextræ suæ adversi; & quam sinistra extraxerat, ca-  
 piti illius qui adversus erat sinistræ. Vide *Ainsworth & Alvingium*. Qui  
 Jehovæ cesserat, parandus erat pro peccato: quod mox fiebat, non ma-  
 ctando, sed declarando. Nam sorte ei imposita, pontifex vocabat  
 eum PECCATUM DOMINO, id est destinatum in hostiam pro peccato: &  
 offerebat eum, id est constituerebat eum in locum mactationis, ad sep-  
 tentrionem altaris. Qui vero Azazeli cesserat, rursus vivus sistebatur  
 coram Jehova, לפנ יהוה, ad faciendum expiationem super eum, con-  
 fessione & impositione peccatorum v. 9. 10. Deinceps is qui Jehovæ  
 erat, jugulari debebat pro peccatis populi, & sanguis illius inferri in-  
 tra velum, quo sanguine adspargendum erat operculum propitiatorium,  
 & ea quæ ante illud operculum erant. Sic expiatio facienda erat pro  
 loco sancto & pro tentorio conventus ab immunditiis filiorum Is-  
 raelis. v. 15. 16. Tum rursus admovendus erat hircus ille vivus,  
 qui per sortem cesserat Azazeli: cujus capite Pontifex ambabus  
 manibus nixus confitebatur super illum omnes iniquitates filiorum  
 Israël; hoc fere, ut Hebræi ajunt, carmine: *Obsecro Domine, deli-*  
*querunt, rebelles fuerunt, & peccarunt coram te populus tuus, domus*  
*Israël. Obsecro, Domine, remitte nunc delicta, & rebelliones & pecca-*  
*ta, quæ deliquerunt, & in quibus rebelles fuerunt, coram te populus tuus,*  
*domus Israël, sicut scriptum est in lege Moysi servi tui, quia in die hoc ex-*  
*piabit vos, ad mandandum vos ab omnibus peccatis vestris. Jona. Cap. vi.* Et  
 sacerdotes & populus qui stabant in atrio, quum audiebant nomen תתן  
 prolatum ore summi sacerdotis, flexis genibus adorantes proni in faciem  
 dicebant: *Benedictus sis Dominus, gloria regni ipsius sit in æternum.*

Hoc

Hoc modo omnes iniquitates filiorum Israël, omnesque defectio-  
nes eorum cujuscunque generis, majores, minores, scienter vel ig-  
noranter factæ, imponebantur hirc: qui בִּיד אִישׁ עֲוֹנֵי, *per manum vi-  
ri opportuni*, dimittebatur in desertum, portans super se iniquitates fi-  
liorum Israël אֶל אֶרֶץ גִּזְרֵה in regionem inhabitabilem. 7. 21. 22. Juven-  
cus autem ille, quem pro se Aaron obtulerat & hircus, quem obtule-  
rat pro populo, efferendi erant extra castra, ut ibi pelles & caro & fi-  
mus eorum comburerentur 7. 27. Antequam inquiramus in mysteri-  
um, expediendæ primum difficultates nonnullæ sunt.

Azazel  
juxta quod-  
dam hirci  
nomen est.

XLIX. Et primo quidem obscurum satis est, quid intelligatur per  
אֶזָּזֵל AZAZEL. Quatuor potissimum eruditorum super isto vocabulo  
sententias reperi. Prima est, per Azazelem ipsum illum hircum in-  
telligi, qui in desertum emittebatur. Idque ex vocis etymo arcessi  
posse autumant, quam compositam esse dicunt ex עָז caper, & זָל  
abiis. Et ex illorum mente verba Mosis ita interpretanda sunt. Sors  
una Jehovah, id est, in hircum Jehovah mactandum. Sors altera in  
Azazelem, id est, in hircum in desertum abiturum. Verum licet He-  
bræa vox caprum vel capram abeuntem significet, non tamen con-  
cludi inde potest, eo nomine ipsum hircum denotatum fuisse: quum  
fieri possit, ut, occasione abeuntis hirci, locus, ad quem deduce-  
batur, ita vocatus fuerit: quod Kimchi in radicibus contendit. Lo-  
cus ille ita vocabatur, inquit, לְפִי שְׂדֵהוּ דִּיהָ דְּחִילָא לֶשֶׁת, quia caper  
eo ibat. Et quod palmarium est, explicatio illa de fortibus admo-  
dum est implicata: quum verba Mosis clara sint, sortes jactas esse  
super hircis, uter cessurus esset Jehovah, uter Azazeli. Neque vide-  
tur hircorum unus Azazel posse dici, nisi supponatur, hircorum al-  
terum dictum fuisse Jehova; quod alienum est.

Juxta  
nonnullos  
asperum  
montem in  
deserto  
notat.

L. Secundæ sententiæ auctores volunt, Azazelem fuisse asperum &  
præruptum in deserto montem. Ita Jonathan, Saadias Gaon, Jar-  
chius, Kimchius, & Hebræorum plerique. Sed bene ab aliis obser-  
vatum est. I. Quod nusquam Moses dicat, mons Azazel, uti dicit,  
montes Ararat, mons Albarim, mons Ebal, mons Gerizim, &c. II. Quod  
non videatur verisimile, neminem esse, qui in regione toties peragrata,  
& tam accurate descripta, meminerit montis Azazel, & situm illius  
indicaret. Nam quod anonymus aliquis apud Abenezram monet, esse  
montem Sinai, id persuaderi non poterit iis, qui norunt, quam vastæ  
sint interjectæ solitudines inter Hierosolymam & Sinai, quum tamen  
quotannis hircus ab urbe ad Azazelem deduceretur.

Juxta  
alios, Dia-  
bolum,

LI. Tertiæ sententia eorum est, qui pugnant, Azazelem esse Dia-  
bolum: voluntque, hircorum alterum Diabolo cessisse, non quasi  
Diabolo offerretur (erat enim Deo sacer, & ad tentorium coram  
facie

facie ejus adductus) sed quod volente Deo exponeretur vexandus Diabolo. Hujus sententiæ hæc sunt firmamenta: L. Recepta Hebræorum opinio est, *Azazel* dæmonis nomen esse, sicut & *Sammael*, *Azael*, *Machazeel*. Similiter Poëta Christianus in Marcum Valentini discipulum, qui præstigiis suis spectatoribus illudere credebatur, ita cecinit.

Α' σοι χορηγῆ σὸς πατὴρ Σατὰν αἰεὶ,  
Δι' ἀγγελικῆς δυνάμεως Ἀζαζήλ ποιεῖν.  
*Hæc tu illa Satanæ fretus auxilio Patris*  
*Azazelique mira designas ope.*

Versus illos citat *Epiphanius Hæresi xxxiv. 11*. Suffragatur etymologia: Nam *קפרא* est *קפרא* *capra*, *quæ ivit*; id est, creatura, quæ principium suum non tenuit & a Deo descivit. Alibi in Scriptura dæmones *קריטו* *Hirci* vocantur: ut *Levis. xvii. 7. 2 Chr. xi. 15*. Rationem reddit *Kimchi* in *Lexico*. *Hirci*, inquit, *appellantur, quia in forma hircorum apparent credentibus sibi*. Non ab similia habet *Maimoni* filius in *More Nebuchim Lib. 111. Cap. xlvi*. Refer huc veterum Theologiam, de Pane, Fauno, Satyris, qui & ipsi hirci dicti sunt. Si ergo alibi dæmones citra controversiam vocati sunt hirci, quid ni & hic in emblemate per *Azazel*, id est, *Capram, quæ abiit*, Diabolus notaretur? five, ut *Nachmanides* loquitur *במקום ה' ש' ר' Princeps, qui dominatur in locis deserti?*

LII. Quarta sententia *Bocharti* est; qui, licet nihil certi se habere fateatur, conjecturam tamen suam affert. Ea sic habet. Arabicum verbum *Azala* *removere & separare* significat. Quod multorum exemplorum inductione probat. Inde putat derivatum *Azazel*, quod *χωρισμὸς* vel *ἀναχωρήσεις* *separationes & secessus* notaret. Hircus ergo, cui fors est *Leazazel*, πρὸς ἀναχωρήσεις, is esset, qui sorte destinatus erat ad secessus, ut in locum deserti separatim deduceretur, qui *נ. 27. תרומה* *terra excisa*, vel *divulsa*, dicitur.

Bochartus ex Arabismo interpretatur Secessus.

LIII. Fruatur quisque suo judicio. Tertia sententia mihi non minime aridet: nam & firmissimis rationibus niti videtur, atque ingentis mysterii *δύλοσι* continet: & vix video, quid opponi illi queat, nisi hoc unum, quod *Bochartus* habet. Quod *קדש* & *קדש* genere non conveniant. Illud enim foemininum, hoc masculinum est. Proinde, inquit, vox non potuit ex utroque conflari. Sed ratio ista non est magni ponderis. Nam I. In nominibus compositis ad analogiam Grammatices non semper attenditur. Verbi gratia in voce *קדש*, quæ plena esset *קדש*, *regatus a Deo*, Literæ *ק* & *ל* & *ל* *elise* sunt, & *ק* jungitur cum *ל* per *Schurec*, quum analogice ei jungi deberet per *Tzere*. Innumera sunt talia. II. Enallage

Tertia sententia cæteris præfertur.



generis apud Hebræos frequentissima est. Simile exemplum exstat *Gen.* xxx. 38. וַיִּזְכֹּר דָּוָא, in foeminino; & 39. וַיִּזְכֹּר דָּוָא, in masculino. Exempla plurima in Syntaxi congeffit Buxtorfius. III. Licet וַיִּזְכֹּר significatione foemininum sit, terminatione masculinum est, uti & plurale וַיִּזְכֹּר, ideoque non est mirum, si cum verbo masculinae terminationis jungatur, quod & fit *Levit.* xxi. 27. וַיִּזְכֹּר וַיִּזְכֹּר : ubi duplex masculinum jungitur voci וַיִּזְכֹּר. At nec temnenda *Spenceri* observatio est, וַיִּזְכֹּר exponi posse *fortis abiens*. Nam וַיִּזְכֹּר *fortem* notat. Et sicut Deus verus וַיִּזְכֹּר *Fortis & potens* audiit *Pf.* xxi. 8. ita & Diabolus Phoenicibus *Azizos* dictus est, in Evangelio ὁ ισχυρὸς, *validus ille*. *Luc.* xi 21.

Manuum  
impositio,  
quid?

LIV. *Secundo* dignum est investigari, quid impositio manuum Aaronis in caput hirci significaverit: quod non hic tantum factum, sed & alibi, *Lev.* i. 4. & iii. 2. & iv. 4. quod etiam Aegyptiis in usu fuisse narrat *Herodotus*. *Lib.* ii. *Cap.* xxxix. *Vid. Outram. de sacrif. Lib.* i. *Cap.* xv. §. xviii. & *Cap.* xxi. §. v. & seq. Optime, nisi fallor, hujus rei rationes *Bochartus* explicuit. I. Victimam offerens eam hoc ritu Deo tradebat, & quasi manumittebat, professus se renunciare juri, quod in animal istud habebat, seque illud dominio suo eximere & cultui Divino dicare. Quemadmodum Romani olim servum in libertatem asserendum manu tenebant, dicentes, hunc hominem liberum esse volo. II. Hoc eodem ritu iram Dei peccator deprecabatur, eamque immitti petebat in illius victimæ caput, quam suo loco ponebat. In hircum ergo hunc isthoc ritu peccata totius Israël conjiciebantur, ut ea typice ferret, & longe ab Israël auferret.

Quid  
terra exci-  
sionis?

LV. *Tertio* quaeritur, quid sit אֶרֶץ חֲרָבָה, *terra excisionis*, in quam deducendus erat iste hircus. Non puto unum aliquem locum præcise significatum fuisse: non enim credibile est, quod eodem loci hircus deductus sit, quum sacra Hierosolymis peragebantur, quo deductus est, quum Aaron illa primum obijt in deserto. In genere ergo notat locum ab hominum frequentatione remotum, אֶרֶץ חֲרָבָה *Locum desolatam*, inquit *Jonathan*; אֶרֶץ חֲרָבָה *terram inhabitabilem*, dicit *Onkelos*; Græci, ἄβατος. *Aberbenel* exponit, *terram decreti*: qua quidem terra designari vult regionem illam, de qua latum decretum erat Israëlitas captivos in illam abducendos.

Quid  
אִישׁ זָמַן.

LVI. *Quarto* quaeritur, quis sit ille אִישׁ זָמַן, cujus erat hircum deducere? Hebræa vox אִישׁ alibi non exstat. Græci transtulerunt, ἐτόιμος, *parati*. Scilicet זָמַן *tempus* significat, idem quod Chaldaice זְמַן. Hinc collegerunt, זָמַן Hebræis idem esse, quod Chaldaeis זְמַן, *paratus*, in *fructibus*. Non male verteretur αἰρίμῳ vel εὐκαιρίῳ, *opportunitas*. *Aberbenel* vult esse אִישׁ זָמַן *Virum magna dignitatis sua astate ac tempore*, saltem in applicatione typi. Quicquid sit, satis patet, Deum ad nullum

nallum certum genus hominum hoc officium alligavisse. Rabbinī narrant, quem libet ad id muneris idoneum fuisse, modo Pontifex illum designaret, & vix olim ad id adhibitum fuisse præter alienigenam.

LVII. Denique inquirendum est, quid tandem isti hircō fieret. Iudeorum Doctores constanter tradunt, sacerdotem frustum panni in linguae formam cocco tinctum, ponderis duorum siclorum in capite hirci emissarii ligavisse, quod ductor hirci, postquam ad destinatum locum pervenisset, dividebat, & partē xupi, in quam hircum impulerat, parte altera hirci cornibus alligata, eum a tergo deturbabat, qui præceps ruens membratim discerpebatur, priusquam dimidiam præcipitii partem attigisset. Jonathan autem detrusum eum vult vi quadam Divina. Porro quum hæc coccinea lingua exalbescebat, quod passim contigisse referunt, habebant id pro fausto omine; conjectabantq; inde, remissa sibi esse peccata; juxta illud *Jes. l. 18. Si rubra ut coccinum fuerint peccata vestra, tanquam nix albescent.* Verum hæc vel falsa, vel certe, quod falso proximum esse nemo negaverit, incerta sunt. Alii ergo existimant, eum libere dimissum esse in desertum, ut pasceret, ubi libitum esset: qualia animalia Deo sacra, quæ ἀφ'ετα ζῶα dicebantur, priscos tam Græcos quam Romanos habuisse, *Bocharius* probat. Et favent verba textus *ŷf. 22. וְשָׁחַתְהוּ אֶת הָחִירָא בַּמִּדְבָּר, & dimittes hircum in desertum.*

Quid hircō emissario fieret?

LVIII. Nunc mysticum sensum indagemus. Repræsentat nobis sollemnis iste dies Christi mortem, resurrectionem, adconsensionem in coelos, & imprimis reconciliationem nostram cum Deo, virtute satisfactionis & intercessionis illius. Quod lineis vestibus, vilioribus quidem, attamen candidis ac purissimis, indutus Aaron, sacris hisce operaretur, humiliationem Christi indicat, quæ nunquam fuit depressior, quam quando in peccatorum nostrorum expiatione cum maxime verfabatur: sed & testatur sanctissimam ejus puritatem, ne minimi quidem vitii labe taminatam. In eo certe major Aarone cæterisque omnibus pontificibus Dominus noster est, quod pro suis met ipsius peccatis, quæ nulla plane habebat, oblatione non indiguerit. *Heb. vi 1. 26. 27.* Quum Aaronem pro sua primum iniquitate offerentem conspiciebant Israëlitz, facile concludere poterant τὸ ἀσθενὲς καὶ τὸ ἀνωφελὲς terreni illius sacerdotii. Quid enim verorum bonorum populo præstare sacerdos ille poterat, qui una cum populo in reorum numero se esse solemni piamento publice testabatur? Jesum autem nostrum, quum nihil pro se ipso offerendum haberet, ex mera caritate se pro suis tradidisse, manifestum est.

Ceremonia istius diei Christi sum spectabant.

LIX. Hirci emblemate hic repræsentatur Christus, qui alias plurimum agni nomine designatur. Nam sicut propter simplicitatem, patientiam, sanctitatem, agnus dici meretur; ita propter nostra peccata, quæ qua sponsor in se suscepit, veniens in similitudine carnis peccato

Hircus figurabat humiliationem ejus.

obnoxia, *Rom. viii. 3.* petulantis ac petulci hirci symbolo figuratur. Hircus iste a populo Aaroni dabatur. Christus quidem a Deo datus est hominibus; attamen id, quod offerret; humanam suam naturam, ab hominibus assumpsit, excitatus a Deo *& medio fratrum suorum. Dent. xviii. 15.* Christus etiam triginta argenteis, ex gazophylacio, uti videtur, emptus est, ut piaculum pro toto esset populo. Hircus uterque sissebatur Domino ad ostium tentorii conventus. Christus se ipsum lubens Deo stitit, *Ecce venio, voluntatem tuam facere, Dent. mi, delector. Ps. xl. 8. 9.* & oblatio ipsius peracta est inspectante tota Ecclesia, & urgentibus illam iis, qui tabernaculi principes erant. Hircus ille jugulabatur in quem fors ceciderat pro Jehova. In sorte autem Divina providentia citra controversiam sola dominatur. *Prov. xvi. 33.* Christus etiam non nisi *determinato Dei consilio* traditus est ad mortem. *Act. ii. 23. & iv. 28.* Hircus jugulatus igne sacro cremabatur. Christus similiter tostus, & ustus est, tam igne Divinae excandescentie adversus nostra, quæ susceperat, peccata, quam suæ erga nos caritatis, & zeli pro Dei gloria, flammis. Crematio carnis & pellium hujus hirci extra castra facta est. Christus etiam passus est extra portam: & nobis quoque ad eum exeundum est extra castra, probrum ejus portaturis. *Heb. xii. 11. 12. 13.* Nimirum, animose nobis ferendum est, si propter Christum seculi hujus commoditatibus mulcetur. Ita hoc *hircus* adumbrata est Christi *humiliatio*.

Aaron in  
Sanctua-  
rium in-  
trans,  
exaltatio-  
nem,

LX. Sed & typum *exaltationis* ipsius videamus. Aaron sanguine hirci, qui a populo & pro eo datus erat, fuso, intrabat in sanctuarium. Christus oblatione pro peccatis nostris facta, ingressus est in coelum, & *sedit ad dextram majestatis in excelsis. Heb. i. 3.* Ingressus est Aaron intra velum cum thuribulo & suffitu. Christus in coelum ascendit, *& intercederet ibi coram facie Dei pro nobis. Heb. ix. 24.* Non patebat Aaroni ingressus sine sanguine victimæ expiatoriæ. Neque Christus sine sanguine intravit in sacrarium, sanguine, inquam, non hircorum, vel juvencorum, sed suo proprio, quo æternam redemptionem nactus est. *Heb. ix. 12.* Neque nobis alius in sanctuariū aditus est, nisi per sanguinem Christi, quo recentem & vivam ad illud viam nobis initiavit. *Heb. x. 19. 20.* Velum quod sacerdoti factam expiationem repræsentaturo cesserat, eodem exeunte ad locum & usum pristinum redibat: quia sic non vere, sed in figura solum expiatur peccatum. *Heb. x. 4.* Christo autem in sacrarium coeleste ituro, non ad tempus cessit velum, sed manu Divina laceratum fuit. *Matth. xxvii. 50. 51.* æternum valitura redemptione impetrata. Sanguine hirci adspersendum erat ipsum propitiatorium, & ea quæ ante illud erant: atque ita manebat ille sanguis in adyto. Christus in coelo semper cum san-  
gui-

guine suo comparet, qui est *sanguis adspersionis meliora loquens Abele. Heb. xi. 24.* Hinc est, quod Johannes coram throno viderit *agnum stantem tanquam mactatum. Ap. v. 6.* Licet enim Christus semel mortuus vivat in omnia secula; *Ap. i. 18.* tamen ut mactatus repræsentabatur in cælo, propter virtutem & efficaciam mortis illius, quæ semper recens est. Neque aliud est intercessio Christi pro nobis, nisi continua repræsentatio meritorum & mortis suæ coram Patre. Quod pro ipso loco sancto, & pro tentorio conventus, expiatio facienda erat sanguine, id significat, Dei inhabitationem in homine peccatore sine sacrificio & sanguine Christi sanctam esse non posse: & coelum ipsum impuratum iri, si quod fieri non potest, peccatores sine expiatione in illud intromitterentur. Itaque Paulus dicit *Heb. ix. 13. celestia melioribus sacrificiis purificari.* Non quod in cælo ulla sit impuritas, sed quod non conveniat Divinæ sanctitati, peccatores non expiatos sanguine Christi admittere ad communionem gloriæ suæ, & in iis habitare. Hæc de priori hircō satis sunt evidentiæ.

LXI. Major difficultas est circa mysterium hirci emissarii: de quo quid vero proximum arbitemur, liceat nobis citra cujusquam præjudicium modeste exponere. Duas hinc Theologorum sententias reperio, quæ consideratione nostra non sunt indignæ. Non enim operæ pretium est, ut in eorum opinione refellenda nos fatigemus, qui per hircum emissarium *Barabbam* vel *Anti-Christum* intelligunt, licet, eos *distinctius* aliis & *aptius ad tropologiam loqui*, Cornelius a Lapide nugetur. Sed sunt Viri eruditi, qui per hircum emissarium *rebelles Judæos* præfiguratos esse existimant: alii, eum *Christi* typum fuisse, contendunt.

Mysterium hirci emissarii.

LXII. Priores hoc modo sua digerunt. Quandoquidem dimissio hirci in desertum fit jam absoluta purificatione tabernaculi; & is sorte non est vindicatus Domino, non videtur per hircum propulsum denotari Mediator testamenti, sed populus immorigerus. Improbi enim *hirci* vocantur. *Mat. xxv. 33.* Illi Christo controversiam fecerunt de jure *προσαγωγῆς πρὸς τὸ θεόν.* Inter utrosque Divina sorte facta est decisio. Christus enim per sanguinem suum in sanctuarium cæleste introductus est. Reliquis incubuit illa maledictio *Deut. xxix. 21. Et separabis eum Jehova ad malum ex omnibus tribubus Israël.* An non etiam dimissi sunt Judæi & dispersi per gentes? Traditi etiam sunt *Azazel*, sive, ut Veteres Magistri dixissent, *Sammaeli* cesserunt pro portione (habet enim pulverem, quem comedit serpens *Gen. iii. 14.*) Uno verbo, traditi sunt in potestatem Diaboli. *Et quam recte dicantur illi, qui sunt σκῆπη ὄργης FERRE PECCATA POPULI FIDELIS, patet.* Nam etiamsi in illis non sit causa justificationis, tamen in illis conspicitur Dei severitas, sic vindicatur omnis sanguis fusus ab initio

Sunt, quæ id ad rebelles Judæos referunt.

*mundi ; atque adeo omne peccatum , quod unquam commissum est. PECCATA ENIM OMNIA OMNIUM FACIUNT SUA , QUI SUA CONFITERI NON VOLUNT , ut se submittant iudicio Dei. Quod dicitur de hirco propellendo , statuendam esse coram Domino , why not , ad expiandum illum , significat , eos quoque a Christo sacerdote sisti Deo , ut sanctificatos in radice , ut etiam ex illis semen sanctum Jes. vi. 13. & filii promissionis proveniant : breviter , fore aliquando , ut Israël totus salvetur , & ita per sacerdotem Christum expiatus cernatur aliquando. Rem. xi. 26. 27.*

Ceterum  
id ab illius  
instituto  
diei alie-  
num est.

LXIII. Mirum mihi semper visum est, & post longam sollicitamque meditationem etiamnum videtur, viros eruditos serio animum suum induxisse, ut talibus assensum præbeant commentationibus; quibus vix quicquam alienius a ceremoniæ istius mysterio dici potuisse arbitror. Quippe quæ fini atque intentioni sacræ hujus diei prorsus adversæ sint: eccui enim probabile sit, festo propitiationis die, totius populi peccatis omnibus explandis dicato, tam solemniter ejusdem populi repudiationem anniversario symbolo inculcatam fuisse? Jejunat populus universus, affligit animam suam, confitetur peccata, petit eorum remissionem. Pontifex in eo totus est, ut expiationem procuret: Deus promittit TOTI CONGREGATIONI ISRAELIS; AB OMNIBUS PECCATIS VESTRIS CORAM JEHOVA MUNDABIMINI. Credibilene est eodem tempore, iisdem sacris ceremoniis, iussu esse pontificem & fideles ex populo, diris ritibus peccata sua imponere pecudi repræsentanti longè maximam partem fratrum suorum secundum carnem, ut ea in ipsis vindicentur, severissimo Divinæ maledictionis exemplo, cui post natos in terra homines nihil unquam simile visum est? Non nego, rebellium Israëlitarum poenam gravissimis oraculis esse prædictam. Neque abnuerim, exstitisse instituta quædam Mosaica eam perfigurantia. At quo tempore, quibusve ritibus, procuranda fuit typica totius Israëlitis ab omnibus peccatis suis expiatio; eodem tempore iisdemque ritibus repræsentatam fuisse horribilem Dei maledictionem, propter peccata omnium, maximæ Israëlitis parti incubituram, idque secundum pontificis expiantis, & fidelium expiationem quærentium, imprecationem, quæ ab impositione peccatorum sejungi non potuit: id enim vero mihi ab omni veri similitudine tam repulsum videtur ut quod longissime. Audio quidem, piis, qui in hoc populo impiis permixti erant, consolationi esse potuisse, meliori sortis suæ, præ immerigeris, hoc quoque die, argumentum coram contueri. At nemo mihi, credo, inficiabitur, maximum quoque ex hac consideratione oriri in iis debuisse dolorem, qui lætitiā ex peccatorum suorum remissione conceptam valde temperaret; & maluisse pios pro pereuntibus intercedere, quam  
sua

sua ipsis peccata cum imprecatione imponere. Ipse certe Jesus instantem perditissimæ civitatis interitum amaris lachrymis deploravit. Paulusque non conscientiam modo suam, sed & Christum ac Spiritum Sanctum testatur, magnam sibi tristitiam, & sine intermissione cordi suo cruciatum esse, quoties deploratum illum fratrum suorum secundum carnem statum animo contueretur: tantumque abesse ut ipsos pro se, peccatorum suorum impositione, anathemata facere cupiverit, ut ipse potius anathema pro iis esse optaverit separatum a Christo. *Rom. ix. 1. 2. 3.*

LXIV. Cæterum uti interpretatio ista quam examinamus a fine atque intentione istius diei aliena est, ita ritus propemodum omnes tunc adhibendi vehementer eam dissuadent. I. Utrumque hircum a cœtu filiorum Israël accipere Aaron jubetur, & quidem *in peccatum*, id est, ad peccatum expiandum & auferendum *v. 5.* *Hircus autem a populo datus, ostendit, ex populo esse, qui pro populo se offert*; ut ipsi viri eruditi, & recte, loquuntur. Id si de uno hirco verum est, cur non & de altero dicetur, eum significare, quod e populo sit, qui peccata populi aufert? Hactenus enim pares erant: uterque ex populo, uterque communi sumtu emtus, uterque pro peccato: nulla hactenus distinctio in typis. Quid jubet tam immane discrimen cogitare in significatione? An conveniens rationi est, eorum quoque sumtu, id est ipsis consentientibus ac volentibus, eum esse emtum, qui repræsentandæ ipsorum æternæ maledictioni destinatus erat? Et an rebellis Judæorum natio cæteris *מזבח*, *in peccatum* data est, ut hac in parte Christo Domino jungantur? Absit, inquit Vir Doctus, ut ita jungantur Christo, *de cujus honore nimis solliciti sumus, quam ut talia effusiamus.* Pie hactenus. Deo gratias. At negat hircorum alterum sumtum esse *מזבח*, *in peccatum*. *Dicitur de utroque quod verat tantum in uno. Quamdiu sorte distributi non erant, de utroque collectim id dici poterat, quod, post sortem, in uno tantum habiturum erat locum.* At mihi videtur, non esse recedendum a simplicitate verborum; neque de altero solum intelligendum quod dicitur de utroque. Quamvis intelligendum sit cum aliquo discrimine; quod sequentia legis verba innuunt. Nimirum uterque hircus erat *in peccatum*, quod diserte dicit lex: attamen hac differentia; alter peccatum erat, quia pro peccatis mactabatur, alter quia peccata populi ferens ea auferebat. Verbo ut absolvam, integrum hoc sacrum hilasticum duabus constabat partibus; primo mactatione unius hirci, cujus sanguis fusus est ad expianda populi peccata; dein dimissione alterius hirci, qui imposita sibi peccata auferebat virtute sacrificii mox oblatis. Uterque igitur ad sacrum hilasticum, suo loco & ordine, concurrebat.

Et ritus  
propemodum omnes  
valde  
dissuadent.

LXV. II. Jubetur Aaron utrumque hircum sistere coram Jehova  
ad

ad portam tentorii conventus *7. 7.* Qua re uterque Deo pariter sacer esse declarabatur. Citra controversiam Aaron hic figura Christi qua sacerdotis est. Hircus jugulandus significat Christum qua victimam. Nam se ipsum Deo stitit, quum *iret Hierosolymam, ut perficerentur omnia, quæ scripta sunt per Prophetas, de Filio hominis. Luc. xviii. 31.* At quomodo eodem tempore rebelles Judæos, qui Diabolo tradendi erant, pontifex noster, expiationem facturum, coram Deo stituit? Quod dicant, eos coram Deo statutos esse, in quantum sanctificati erant in radice, & ut patres filiorum promissionis, plane alienum est. Nam rebelles Judæi, traditi diabolo, omnino distinguendi sunt a sancta radice, unde degeneres illi palmites ortum habent, & a filiis promissionis ex iis suo tempore oriundis. Hos certe quotidie Deo stitit sacerdos in nominibus duodecim tribuum, quæ in pectore gestabat: eosdem & nunc Deo stitit, quamvis sine illo symbolo. Illos vero, si serpentis portionem eos fore hoc hirco significatum est, quomodo pontifex expiationem faciens Deo stiterit, explicari non potest.

LXVI. III. Postquam uterque hircus communi totius populi sumitu Deo acquisitus, & per adductionem coram Jehova ad portam tentorii conventus Deo consecratus esset, jubetur Aaron sorte explorare, uter *Jehovæ*, uter *Azazeli* esset; quia ignoratum hoc erat populo, ignoratum sacerdoti donec sorte decideretur. Id autem vix commodum patitur sensum, si is qui Azazeli cessit figura sit rebellium Judæorum. Sortitio enim illa vel ad figuram referenda erit, vel ad rem significatam. Ad rem significatam referri non posse, palam est. Neque enim dubium esse debuit, aut potuit Israël, uter Diabolo cederet, an Christus, an rebelles Judæi, sic ut sorte explorandum foret. Cujus pli hominis aures non offenderentur, si quem dicentem audiret, Pontificem ex mandato Dei sortem jecisse inter Christum & rebelles Judæos, an ille, an hi offerendi essent Domino? Non puto quemquam super hac re moturum mihi controversiam. Quamvis impii quidam Hebræi Christo controversiam moverint de sacerdotio; non debebat ea lis sorte inter ipsos decidi, sed, uti revera factum est, demonstratione sacrarum literarum. Restat ergo ut sortitio ad ipsos hircos pertineat, quum ignotum esset quis cujus rei figura futurus foret. Cæterum quum uterque in commodum totius populi Israëliti communi ære emtus, uterque etiam Deo ad ipsius cultum consecratus esset; neuter idoneus esse videtur, ut symbolice representet eos qui mancipandi sunt Diabolo. Nam quamvis sorte Azazeli cederet, non desinebat tamen esse Jehovæ. Bene Doctiss. *Frismuthus*, de *hirco emiss*: *Dissert. II. §. XIV. Cogitandum non est, priorem hircum solum Deo*

consecratum fuisse. Quam enim uterque coram eo statui solitus sit, eo ipso liquet, cum qui sortem *הַחִירָץ* nactus erat, isidem Domini fuisse; veluti R. Nachman quoque largitus est. Quod vero unus, *הַחִירָץ* sortem nactus, peculiaviter & speciali jure in sortem Domini cessit, id inde factum est quod super altari mactabatur. Cujusmodi victima, in honorem Dei immolata, Ebraorum loquendi modo, Dei cibus appellatur Lev. XXI. 6. Quo nomine alter, *הַחִירָץ* mittendus, vocari quitus non est, ut pote ad id destinatus, ut a grege seductus ad loca remota deduceretur, dentes fortasse ferarum experturus. Qui ergo hircus Deo sacer est, & in toto ritu manet, is non videtur idoneus ut sorte destinetur in symbolum eorum qui omni ratione futuri sunt mancipia Diaboli.

LXVII. IV. Magnum etiam argumentum est in impositione manuum sacerdotis, & peccatorum Israël, cum ejusmodi precibus Pontificis, & applausu populi qualia memoravimus §. XLVI I. quæ facillime applicantur Christo, ferenti ex voluntate Patris & sua, ac voto piorum omnium, peccata totius Israël mystici. Si quidquam repræsentari Judæis expiationis die debuit, certe hoc erat; quod veræ expiationis unicum fundamentum est. At difficulter admodum, imo, meo quidem judicio, nullo modo id quod impositio manuum & peccatorum in sacris significat, ad rebelles referri Judæos potest; quos nunquam vicarios sibi & succedaneos constituit populus fidelis. Illine, mortalium nequissimi, qui Deo non placent, & omnibus hominibus adversantur, 1 Thef. II. 15. portant omnes iniquitates totius Israël a sacerdote ipsis impositas in terram inhabitabilem, longe eas ab Israël auferentes? Cur tantum pestilentissimis Socinianis largimur, ut argumentum pro satisfactione Christi ex hoc ritu feliciter hætenus defensum, ipsi hoc commento eversum eamus.

LXVIII. Denique quis cujus stomachus durum hoc dictum concoquat? PATET QUAM RECTE VASA IRÆ PECCATA POPULI FIDELIS FERRE DICANTUR. Quis hoc unquam Prophetarum, vel Apostolorum dixit? Hoc cine est cum scriptura loqui? Quis ad hunc usque diem audivit, EOS OMNIA OMNIUM PECCATA SUA FACERE, QUI SUA CONFITERI NON VOLUNT? AUT OMNE PECCATUM, QUOD UNQUAM COMMISSUM EST, IN REBELLIBUS JUDÆIS VINDICARI? Hæc est nova peccati imputatio, hætenus in scholis Theologicis ignota. Non est certe modestiæ nostræ, ut disputemus adversus jus illud Dei, quo peccata parentum in filiis & nepotibus vindicant, quod tamen ipse pro sua clementia ad tertiam & quartam generationem eorum qui ipsum odertunt restringere solet. Neque fas est negare, quin ulterius quandoque excandescentiæ Divinæ severitas ardeat, si delicta supra modum atrocia sint; & nepotes abnepotesque longa serie majorum scelera non exæquant modo, sed

Neque  
Judæi dici  
possunt  
ferre pec-  
cata popu-  
li fidelis,  
uti typice  
ea ferebat  
hircus.



& superent. Illius rei exemplum in scelerosis Judæis exstare Deus voluit, juxta minacem Christi prophetiam *Mat. xxiii. 35. & Luc. xi. 50. sic ut eo exemplo ira ipsius flagrans ab exordio mundi in hypocritas, bestes justitia, homicidas, conspiceretur*: ut bene alibi Vir Doctus loquitur. Sed omnia omnium hominum peccata in uno aliquo vel homine vel populo puniri, id ego hactenus me vel legisse vel audivisse non memini. Ut nec illud, quod improbi peccata fidelium ferant. Non nescio, quod Deus amorem suum erga Israëllem pathetico sermone commendans *Jes. xlii. 3. 4.* declaret, se Ægyptios, Cuschæos & Sabæos pretium redemptionis pro iis dedisse, aliosque homines & nationes pro anima ipsorum. Sed, ut judiciose *Calvinus* noster observat, hanc locutionem a communi hominum more mutuatus est propheta: ac si diceret, Ægyptii, Æthiopes, Sabæi, subierunt vicem tuam, & quasi permutatione facta cladem, quæ tibi impendebat, sustinere coacti sunt: ut enim te servarem, illos perdidisti: & impetum hostis tibi imminens ad eos converti. Aut ut viro Docto sua verba reddam: *sensus illius loci est: tanti es apud me, ut maxima & florentissima imperia in mundo sim in nihilum redacturus, ut tibi detur ἀνάψυξις.* Hoc certe longe aliud est, quam fere peccata populi fidelis; uti typice ea ferebat hircus.

by  
aliquando  
instrumen-  
tum notat.

LXIX. Fore aliquando, ut, postquam plenitudo gentium introierit, totus Israël salvetur, læti ex Paulo audimus. Verum id ex iis verbis concludi posse, *hicus sistor vivus coram Jehova.* וְיֵשׁוּעַ הַחִירָא, non existimamus. Ipsi viri erudite docent, by aliquando *instrumentum* notare, ut *Gen. xxvii. 40, & Deut. xii. 3.* quidni & hic? ut sensus sit *ad expiationem faciendam per eum.* Quæ quomodo per hunc vivum hircum facta sit, mox explicabitur.

Probabilius est, eum quodque Christi typum fuisse.

Non ut ex mortuis suscitati;

LXX. Alii ergo, & si quid judico, melius, hunc hircum ἀπαρχήν, non minus quam alterum illum, qui mactabatur, Christi typum fuisse docent. Sed & hi rursus in diversa abeunt. Alii duas hic naturas Christi, alteram humanam, quæ vexetur, alteram Divinam, quæ, ἀπαρχή quum sit, libera manet, & vivit in æternum, connotari contendunt: quod *Theodoro, Iſychio, & Cyrillo* visum esse, *Cornelius a lapide* refert. Alii, duos Christi status notari volunt, ante & post resurrectionem. Ita hircus immolatus Christi in crucem sublatus, sed is qui vivus emittebatur ejusdem Christi ex mortuis suscitatus, & in omnia secula viventis, typus esset. Quod post *Augustinum & Procopium Bocharto* quoque, aliisque maximi nominis Theologis placuit. Duo tamen sententiæ huic admodum obviare videntur. I. Quod hirco vivo peccata Israëllem imponerentur. Christus autem a mortuis suscitatus & in gloriam introductus sine peccato est. *Heb. ix. 28.* II. Quod idem ille hircus, ut peccatis onustus, impurus censeretur, adeo

adeoutis, quicum in desertum duxerat, mundationis indigeret. **v.**  
**26.** In Christo autem resuscitato nulla impuritas vel cogitatione  
 fingi potest.

**LXXI.** Alii itaque, quibus ego quidem lubens assurgo, duplicem *σχίσιν* Christi Mediatoris significari arbitrantur, unam erga Deum  
 judicem, cui satisfaciendum erat per meritum mortis, alteram ad-  
 versus Diabolum hostem, cum quo luctandum fuit efficacia vitæ.  
 Respectu prioris hircus jugulandus cedebat Jehovah. Posteriori res-  
 pectu hircus vivus cedebat Azazeli. Accedit quod in hirco mactato ve-  
 ra peccati expiatio notaretur, quæ per sanguinis effusionem & pœ-  
 næ lationem fit: in altero autem effectus hujus expiationis, ex latio-  
 ne scilicet ablatio & remotio peccati, hæcenus ut nunquam in con-  
 spectum Dei adversus nos veniret. Atque hæc videtur esse ratio or-  
 dinis, cur post jugulatum priorem hircum, alteri peccata longe  
 auferenda imponerentur. Quia ablatio peccati fieri non potest *χωρίς*  
*ἀματην χυσίης*. Utrumque quidem præstabatur in sacrificiis ordinariis:  
 sed quia posterius non ita conspicuum erat in cæteris, peculiari sym-  
 bolo Deus adumbrare illud voluit in solemni hoc festo, ad majo-  
 rem populi consolationem. Atque ita divitiæ Divinæ bonitatis ac  
 sapientiæ luculenter se exserunt; quando sub diversis typis omnes  
 Christi redemptoris *σχίσιν*, quæ una pictura distincte representari  
 non poterant, suis ob oculos ponit.

**LXXII.** Sed specialius analogiam lustremus. I. Hirco huic por-  
 tanda imponebantur peccata totius Israël. Christus vere fert, & fe-  
 rendo aufert, peccata totius mundi. Et quemadmodum Aaron utraque  
 manu capite hirci innitebatur: ita manus Dei gravis admodum fuit su-  
 per Sponsore nostro. II. Hircus hic sorte destinatus erat Azazeli: non ut  
 malo dæmoni hæc devota Deo pecus offerretur, sed ut Diabolo in locis  
 solitariis plurimam agenti *Mat. xii. 43.* vexandus exponeretur. Chri-  
 stum etiam Divina voluntate tradendum fuisse serpenti, qui Evam sedu-  
 xit, prima promissio ostendit, *Gen. iii. 15. Tu vero ei conteres calcaneum.*  
 Et Christus ipse dicit *Joh. xiv. 30. 31. Venit princeps hujus mundi, & in*  
*me quidem nihil habet, sed ut cognoscat mundum, quod diligo Patrem,*  
*& quemadmodum injunxit mihi Pater, ita facio.* Id est: nihil quidem  
 juris in me, qui & qua perfecte sanctus sum, habet Diabolus, neque  
 unquam me poterit superare: venit tamen adversus me proeliatum, ve-  
 xatum, &, quia pro morte dignis me interposui, trucidatum quoque.  
 Ego autem ei alacriter obviam procedo; eo fine, ut obedientia mea &  
 amor erga Patrem mundo fiat manifesta. III. Hircus mittendus erat in  
 terram desertam & incultam. Talis mundus universus, talis imprimis Ju-  
 dæa fuit, quum Christus in eam ad patiendum veniret. Nulla ferme ibi

Sed ut  
 pugnantis  
 cum Dia-  
 bolo &  
 auferentis  
 peccata.

Utrius-  
 que analo-  
 gia.

messis fidei, veritatis, pietatis. Cuncta infrugifera, ubique cardus & spinis forgit paliurus acutis. Et quidni huc referamus, quod de Christo per Spiritum in desertum abducto, ut ibi a Diabolo tentaretur, Matthæus narrat? *Cap. iv. 1.* Non enim minus desertum, in quod hircus propulsus est, figurare potuit desertum, in quo tentatus est Christus, quam lignum in quo sublimatus est serpens, figuravit lignum in quo exaltatus est Christus. IV. Manus hominis oportuni, per quam hircus deducebatur, quod non minus per alienigenam fieri potuisse, quam Israëlitam, constanter Hebræi tradunt, denotare videtur potentiam eorum, qui adversus Christum insurrexerunt; nimirum *gentes & populi Israëlitis. Act. iv. 27.* & imprimis Pilatus, qui Christum, cruce, maledictionis symbolo, onustum, extra portam duci curavit, ubi ultimum cum Diabolo certamen certaturus erat.

Turretius, Coccejus, Momma laudant.

LXXIII. Hæc ego me didicisse fateor partim a TURRETINO, partim ab ipso COCCEJO. Quorum ille copiosa oratione sententiam istam exponit, & argumentum inde desumptum pro satisfactione Christi adversus Socinianos fortiter ac feliciter tuetur. *De Verit. Satisfact. Chris. Part. III. §. xxii. xxiii.* Hujus autem verba, quæ exstant in *Comment. ad Hebr. Cap. ix. §. xxv. & seq.* dignissima sunt, quæ, ex parte saltem quatenus nostro serviunt instituto, & hic legantur. Christum, inquit, debuisse venire ad Israël, quum esset Israël quasi *in deserto*, patet ex *Ezech. xx. 35.* Id autem factum est, quando Judæa fuit provincia Imperii Romani, & Procuratorem Cæsaris habuit. Tunc enim fuit pars *deserti populorum.* Romanum populum per DRACONEM significari *Ap. xii.* satis apertum est. Is se paravit ad Christum, quum natus esset, devorandum. CHRISTUM PORRO TRADENDUM FUISSE IN MANUM DIABOLI, qui *Evam sub specie serpentis seduxit* (id SAMMARLI tribuunt *Judæi*) *prima promissio dicit Gen. iii. 17.* Ut igitur *maledictio* minus *hirci mortem Christi & fusionem sanguinis ipsius significat*: ITA ALTERIUS HIRCI SEDUCTIO IN LOCUM SCABRUM ET DESERTUM, NOTAT CHRISTI TRADITIONEM IN MANUM DIABOLI HABENTIS IMPERIUM MORTIS; AD IPSUM EXAGITANDUM: & quidem per manus peccatorum, & talium hominum, quibus subiecta terra sit inflat reliqui deserti populorum, & pars ejus, *Sorte Dei*, & ipsius voluntate, id factum esse, Christus indicat *Joh. xiv. 30. 31.* Q. D. Princeps mundi, qui nihil habes in me, venit, ut *savitiâ suam in me exercent*; idque fiet eo fine, ut *mea obediensia fiat mundo manifesta.* Habemus itaque figuram duplicis traditionis, qua Christus traditus est. Primo illius, qua se ipse tradidit, ut *secerdes.* Secunda illius, qua traditus est in manus peccatorum, sive gentium. Hæc Coccejus: similiter Doctissimus MOMMA *Oeconom. Temp. Tom. i. Lib. ii. Cap. xi. §. xxxvi. & seq.* Ubi quum eandem sententiam concinne niti-  
deque

deque exposuisset, atque ex scripturis probasset, subjungit tandem: *Potramus hisce contenti pergere ad alia.* Nulla itaque mihi invidia sit, quod hisce contentus, quæ doctrinam sanam certamque exhibent, reliqua omittam, in quibus neque sanitatem istam, neque certitudinem invenio.

LXXIV. Prodierunt nuperrime VARIA SACRA Clariss. Viri JOHANNIS VAN DER WAEYEN, in quibus sunt Dissertationes duæ de Hirco Azazel; quarum prior mihi potissimum est opposita. Nolim autem lectorem meum, nolim & ipsum illum Virum Clarissimum ignorare, quid ex Dissertationis illius lectione profecerim. Per eam certe necessitas mihi quædam imposita est de toto hoc negotio anquisitius meditandi. Quod & facere conatus sum animo adeo defæcato ac præjudiciis omnibus exuto, quasi nihil unquam de isthac materie commentatus forem. Neque dissimulo, occasionem hinc mihi natam esse, nonnulla clarius, alia & accuratius exponendi, & argumentorum meorum aciem fortius instruendi, quam prioribus hujus libri editionibus factum erat. Atque eo ipsi nomine, si eas a me admittere velit, ago gratias. Verum id quoque sibi dici patiatur, non invenisse me in ipsius Disputatione rationes satis urgentes, quæ vel suam mihi sententiam probabiliorem, vel meam improbabiliorum redderent. Meam dum impugnat, multisque sibi incommodis premere videtur, impugnat eam quam ipse *D. Coccejus* dextre explicuit, & scripturæ dictis firmavit; neque, quod sciam, damnavit aut improbat unquam: licet addiderit aliam. Unam autem eandemque ceremoniam significare restanto intervallo distitas, probabile mihi fieri hætenus nequivit. Per me quidem integrum de hac controversia æquo lectori judicium esto: qui, nisi utroque nostrum sapientior sit, ex utriusque scriptis proficiat. Sed de modo disputandi, quo utitur V. C. gravissimas me habere puto conquerendi rationes. Iniquis sane conditionibus certant, quotquot cum ipso committi contingit. Dum omnia sibi in omnes licere vult, ne minimi quidem duriusculi dicti veniam dissentienti facit: eaque sibi sumens quæ soli Deo competunt, non modo in animos & intima cogitationum principia inquirat, sed & audacter de iis pronunciat quod visum est. Equidem ridiculus forem si invidiam adversus Coccejum conceptam ut principium causæ hujus dissensionis serio a me amolirer. Omnis pagina mea loquitur quo loco mihi Vir iste Celeberrimus sit. Cui licet non per omnia inconsiderata credulitate adstipuler, hæresios dicam ne per somnium quidem scripsi; nedum in hac causâ, ubi non tam de dogmate quam de instituti alicujus Mosæici mystica significatione controvertitur; salva utrinque constanti fide. In quo rerum genere si dissentire mihi per J. v. W. non liceat, ubi tandem licebit? Ego vero libertate ista a nullo me mortalium fraudari patiar.

Verbum de  
Wayenio.

Quoties autem disputandum erit, tunc meas scribendi rationes atque diversissimas esse cupio, Vir Clarissime. Dum tu lapides loqueris, ego byssina verba reponam. Uti & nunc ea dicta quæ vel umbram habebant duritiei ex hac commentatione delevi, substitutis mollioribus. Atque hæc de typis exempli causa dicta sufficiant.

## CAP. VII.

*De Sacramentis Gratia, usque ad Abrahamum.*

Etiam  
foederi  
gratiæ suæ  
sacramen-  
ta sub qua-  
cunque  
oeconomia  
sunt.

Atque ea  
quidem in  
multiplici  
differentia.

Quibus  
tamen ma-  
le accense-  
tur ejectio  
ex paradiso.

I. **Q**Uam sapienter & benigne Deus foederum suorum promissiones sacris quibusdam symbolis confirmatum & consignatum primum a nobis expositum est. Id uti fecit durante foedere operum, ita & imprimis facere voluit introducto foedere gratiæ. Cui sub quacunque oeconomia sua quædam quasi signa & sigilla appendi, quæ Ecclesia jam a multis retro seculis SACRAMENTA vocitare assuevit. Erat sane etiam in quibusdam eorum quos exposuimus, aliisque similibus typis, sacramentale aliquid, quatenus præfigurabant Messiam, & quæ ille suis conciliaturus erat spiritualia beneficia: attamen ea specialius sacramenta dicere solemus, quæ cum in finem a Deo hominibus data sunt, ut foederis sui sigilla, sive arrhæ & pignora amicitia suæ essent.

II. Atque hæc quidem rursus in multiplici differentia sunt. Velenim in rebus NATURALIBUS consistunt, quibus eam notam Deus insculpsit, ut documenta ac sigilla testamentorum suorum essent: quo Arcus Noë refertur a *Calvino. Inst. Lib. IV. Cap. XIV. §. XVIIII.* Vel in rebus MIRACULOSIS quales erant manna coelitus depluens & aqua ex rupe, cibus potusque miraculosus Israëlitarum in deserto: Vel in CEREMONIIS quibusdam sacrisque ritibus a Deo ad res spirituales significandas institutis. Nonnulla etiam *extra ordinem*, pro certis quibusdam hominibus, & ad breve tempus fuerunt: alia *ordinaria*, in usum universæ Ecclesiæ data, & non nisi cum ipsa illa foederis oeconomia finem habitura. Atque hinc est, quod in enarratione sacramentorum Veteris Testamenti Theologi non conveniant: prout vel latius eam vocem extendunt, vel arctius adstringunt. Nobis non placet, ut in nimias nos angustias induamus. Sed quid quaque temporum periodo sacramenti rationem habuerit, pro captu nostro libere & placide differemus.

III. Sunt, qui primum foederis gratiæ sacramentum esse volunt, *Ejectionem hominis ex Paradiso*, & interseptum ei aditum ad Arborem Vitæ, ne scilicet manum suam ad eam extenderet, & de ea comederet, putans, eam sibi conciliaturam vitam æternam. Adempto enim homini hoc operum sacramento, simul ei ostensum fuit, iustitiam ex alio foedere querendam esse; atque ita a foedere operum manuductus fuit ad foedus gratiæ. Verum

Verum hæc satisfacere nobis non possunt. I. Quia ejectio hominis ex paradiso, & exclusio ab Arbore vitæ, effectus fuit Divinæ iracundiæ & vindictæ adversus hominis peccatum : quod ex sancta quidem illa sed aculeata Dei ironia patet ; *Ecce factus est homo sicut unus ex nobis*. Sacramenti autem institutio summæ benignitatis ac clementiæ actus est. Non diffitemur, hætenus in gratiam receptum fuisse hominem, ut spes æternæ salutis ei facta sit : nonnulla tamen ipsi propter peccatum imposita sunt, ex quibus peccati diritatem, & Dei adversus peccatum odium, suo incommodo experiretur. Inter ea quoque erat ignominiosa illa ejectio ex Paradiso. Gratia & favoris erat, quod Deus eum recens creatum in Paradiso collocaverat. Iræ, quod post peccatum expelleret. II. Docebat quidem hæc ejectio, non posse hominem ex foedere operum salutem nunc indipisci ; eumque, qui re significata exciderat, indignum esse, qui signo uteretur ac frueretur, atque eo, licet vane ac inaniter, se oblectaret. Sed nequaquam docebat, aliud foedus dari, ex quo iustitia quæri & inveniri possit. Hoc aliunde scire debuit & scivit Adamus. III. Non omne illud, quod, supposita gratiosi foederis promissione, hominem suæ impotentiae convincens ad isthoc foedus manuducit, sacramentum foederis gratiæ est. Alias omnis demonstratio iræ Dei e cælo adversus peccatores, & omne signum, quod intimandæ maledictioni foederis operum idoneum est, omnis denique castigatio, quum electis ad Christum pellendis destinata sint, sacramenta foederis gratiæ dici deberent.

IV. Multo, si quid iudico, probabilius Viri Docti hoc modo institissent : primum, quod Deus circa sacramenta cum Adamo lapso egit, hoc est ; quum subligacula ex ficulneis foliis ab ipso homine consuta propudiosæ nuditati ejus tegendæ nequaquam sufficerent, ipse Adamum cum uxore pelliceis tunicis vestiverit. *Gen. 111. 21*. Eas pecudum ad sacrificia mactatarum exuvias fuisse, admodum probabile est. Frustra enim est, quod nonnulli de materia tunicarum controversiam movere voluerint : quum Hebræum vocabulum *רִמָּוִת* in Scriptura nusquam alia significatione quam pro externa animalium pelle usurpetur. Accedit, quod hoc vestimenti genus uti simplicissimum, ita etiam antiquissimum sit. Vide *Job. xxxi. 20*. *Prov. xxv. 11. 26*. Inde prisca Græcorum Heroës, apri, aut tygridis, aut leonis exuviis induebantur, aut pelle Lybistidis ursæ, aut Bacchæ nebride, aut bassari, id est, vulpis pelle. Et quis nunc pellitos Romanorum patres & rustica corda ignorat ? Vide sodes *Vossium, de Idololatria Lib. 111. Cap. LXX*. Erudita sane D. *Cloppenburgii* observatio est : hic videri, primam originem esse illius legis, quæ exstat *Lev. vi. 11*. 8. qua sacerdoti holocausti victimam offerenti victimæ illius pellis addicitur. Hunc autem Dei, parentes nostros amicientis, actum sym-

Mellus  
huc refer-  
rentur pel-  
licæ tuni-  
cæ homin-  
ibus conces-  
sæ a Deo.

Schola  
Sacrificio-  
rum. p. 12.

symbolicum fuisse, quis negaverit? Nonne clare satis huc alludunt ipsa Christi verba? *Ap. 111. 18. Consulo tibi, ut eras a me vestimenta alba, quibus induaris, ne appareat dedecus nuditatis tuae. Confer Job. Henrici Ursini Analecta Lib. VI. Cap. xv.*

Eorum  
mysterium.

V. Analogia hæc est: I. Quem ipse sibi homo excogitaverat amicus, ita eum tegere non poterat, ut oculos Dei sustineret. Quicquid suae industriae & falsi nominis sapientia moliatur peccator, nihil efficiet, quod conciliare ipsi queat justam ac bene fundatam fiduciam, qua coram tribunali Dei compareat. *Tela eorum uti araneorum sunt; non erunt pro panno, neque operient se factis suis. Jes. LIX. 5. 6.* II. Idoneæ vestes Divinae clementiae donum erant. Justitia, qua peccata nostra teguntur ex Deo est. *Phil. 111. 9.* a Deo adinventâ, a Christo Deo consummata, a Spiritu Dei per fidem nobis applicata. III. Ex spoliis mortalitatis, & exuviis macularum animantium teguntur corpora protoplastorum. Vestis gratiae, qua corpus peccati tegitur, ex ipsa morte Christi est. Neque sine illius mortis interventu constare potest justitia illa, quæ acceptos nos facit Deo. IV. Rudis ille primi hominis vestitus suo tempore cum commodiore ac comptiore mutandus erat. Et mutabitur aliquando vestis hæc, quæ a Deo nobis data est, dum sub cruce sumus & mortis Christi participes, quæque externa specie vilis est. Nam quum resurrectionis Christi, non spe amplius, sed re ipsa, erimus participes, vestis, quæ nunc videtur sordida, nitidissima erit, ac digna, quæ nuptialis censeatur. Videantur MARTYR & MUSCULUS.

Sacrificia  
mox a promissione  
instituta  
sunt.

VI. Alterum Sacramentum primæ illius periodi in SACRIFICIIS fuit. Quæ inde a prima foederis gratiæ annunciatione, jussu Dei, peracta fuisse, hinc patet. I. Quia Abel *fide obtulit. Heb. XI. 4.* Id est, scivit, se cum victima sua gratum Deo esse, & in sua oblatione oculos fidei convertit ad futuram Messiae oblationem. Atqui talis fides jussum Dei de sacrificiis, & verbum de eorum significatione manifeste supponit. II. Quia Deus *testimonium perhibuit* priscorum sacrificiis, quo declaravit, ea sibi accepta esse. *ibid.* In negotio autem religionis nihil ei placet, nisi quod ipse jussit. Omnis *θελοκρατία* damnatur. *Col. 11. 23.* III. Quia ante diluvium discrimen fuit animalium purorum & impurorum; quod non ex natura, sed ex mero Dei beneplacito est, & imprimis ad sacrificia respectum habet. Hæc autem sacrificia omnis generis fuisse, credibile est; etiam hylastica, quibus promissiones foederis gratiæ clarius & efficacius quam cæteris omnibus obliuabantur. Nam dum exponit Moses, talia patres obtulisse, qualia & ipse obtulit, & easdem res significare apta, nostrum non est id quod generatim dicitur ad certas species cum aliarum exclusionem restringere. Certe Jobus obtulit *חֲלָבִי הֶעֱלֵאנָא* pro liberorum &

& amicorum suorum peccatis; *Job. 1. 6. & xlii. 8.* quæ hylastica fuisse non potest esse dubium.

VII. Sacrificia autem ista sigilla Divini fœderis fuerunt. Nam et si Sacrificia & Sacramenta formali sua ratione differant; quod Sacramenta a Deo dentur hominibus, Sacrificia ab hominibus offerantur Deo: nihil tamen impedit, quo minus in una eademque re Sacramenti & Sacrificii ratio diverso respectu convenire possit. Nam sacrificia quoque a Deo hominibus data, id est, Divina auctoritate instituta sunt, ut adventus Filii Dei in carnem, & mors ejus sanguinolenta, & remissio peccatorum per eam, iis ceremoniis significarentur & obsignarentur fidelibus. Et fideles in earum exercitio cultum & venerationem Dei protestabantur. *Augustinus de Civitate Dei, Lib. x. Cap. v. Sacrificium visibile invisibilis Sacrificii Sacramentum, id est, sacrum signum est.* Quæ ut evidentiora sint, distincte consideremus. I. Sacerdotem offerentem. II. Pecudem, quæ offertur. III. Oblationis ritum. IV. *ἑμπύριον*, accensionem igne cœlesti. V. Expiationem quæ sacrificii consequens est. VI. Sacrum epulum sacrificiis adjunctum.

Quæ etiam Sacramenta fuerunt.

VIII. Sacerdotes typici Sponsores suo modo erant, quatenus pro populo ad Deum appropinquabant, *pro hominibus constituti in iis, quæ apud Deum agenda sunt. Heb. v. 1.* Spondebant autem, quoties victimas se pro peccato oblatores esse recipiebant. Ista enim oblatione præstabant id, quod Deuseo tempore exigebat ad expiationem peccatorum. *Lev. 1. 4. & iv. 26. &c. & xvi. 34.* Atque ita certi reddebantur fideles, Christum æterni testamenti Sponsorem esse, qui jam inde a primo hominis peccato, recepit se præstituto tempore omnem Dei voluntatem consummaturum, eamque victimam oblaturum esse, quæ non typicæ, uti olim, sed veræ & salvificæ expiationis causa sit. Qua Dei Christique voluntate nos sanctificati sumus. *Heb. x. 10.*

Sacerdotes typici Sponsores.

IX. In pecude, quæ offertur, considerari debet, I. Quod sit animal mundum, sine labe ac vitio: ad significandam purissimam illam Christi munditiam quippe agni inculpati, & incontaminati. *1. Pet. 1. 19.* II. Quod sit homini in cibum datum; cujus cibi usu manet homo id, quod est. Ideoque tale animal substitui potest pro homine ipso, &, in significatione typica, pro ejusdem carnis ac sanguinis nobiscum particeps sponse. III. Quod sit homini dilectum. *Prestitum agri sunt birci. Prov. xxvi. 1. 26.* In pecore olim vel unicæ vel præcipuæ divitiæ erant. Unde *Columella* conjicit in *Præfatione Lib. vi. 1.* nomina pecuniarum & peculii tracta videri a pecore, quod non solum veteres possederunt, sed adhuc apud quasdam gentes usurpatur unum divitiarum genus. Eo notabatur,

Victimæ symbolum Christi.



Christum pro hominibus offerendum, uti est dilectus Patris, & sanguis ejus omni auro & argento nimium immensum pretiosior, ita nobis quoque *qui credimus, pretiosissimum* esse debere. I. *Ps.* 11. 4. 6. 7. IV. Quod sit animal obmutescens coram vulfore ac mactatore suo: ut possit esse hieroglyphicum incredibilis illius patientiæ, quæ in Christo elucescit. V. Quod gratissima Deo fuerint primogenita: quæ propterea offerebat Habel, & sub lege exegit Deus. *Exod.* 22. 1. 12. Ex quo emblemate Christi illa præ eminentia noscitur, qua ipse primogenitus est inter multos fratres, tam hæreditate, quam dignitate. Nemo enim ad hæreditatem venit nisi per ipsum, neque ad aliam, quam quæ ante est ipsius hæreditas.

Oblationis mysterium.

X. Ad ritum oblationis hæc pertinebant. I. Sacerdotes victimis hilasticis imponebant peccata eorum, pro quibus offerebantur: quod evincunt nomina *חטאת* piaculum, *זבח*, *zebus*, quibus ipsæ victimæ notari solent. Et res ipsa id arguit; sicut enim rei veritate nemo punitur nisi nocens: ita etiam in typo, id quod pro peccato morti destinatur typice peccati reatu tenetur. Atque hætenus sacerdotes Deum representabant, & peccata conjicientem in Christum; victimæ vero figurabant Christum ea suscipientem. II. Victimarum sanguis in mactatione fundebatur. Symbolum id erat Christi mactandi & cruoris ipsius effundendi. III. Victimæ mactatæ cremabantur in altari. Id notabat, Christum flammis suæ erga Patrem & electos pietatis, simulque flammis Divinæ adversus peccata a se suscepta iracundiæ consumtum iri. IV. Una cum flammis ac fumo gratus nidor ascendebat coelum versus, cujus gratia Deo accepta fuisse, sacrificia, imo & cibus Dei dicuntur. Ad id brabat illud fragrantissimam illam fragrantiam sacrificii Christi, cujus virtute omnis Divinæ vindictæ severitas in indulgentissimū electorum amorem transmutatur.

ἑμπύσμιος.

XI. ἑμπύσμιος; sive inflammatio sacrificiorum miraculosa, coram sacrificiis esse videtur: admodumque probabilis ea præstantissimorum Theologorum opinio est, Deum eo modo ad Habelis munus respexisse, ut illud inflammaverit, Kaini munus non item. Eo enim tempore, quo sacrificia vignerunt, solebat Deus igne coelesti attestari, grata ei sibi esse, quando in fide offerebantur. *Gen.* xv. 17. Ignis lampas transit per medias victimas. Vide etiam *Lev.* ix. 24. *Jud.* vi. 21. 2 *Chr.* vii. 1. Atque ille sacrificiorum per ignem coelestem ἑμπύσμιος, tanquam certissimum Divinæ acceptationis signum, postulatur *Pf.* xx. 4. *Reverdetur enim oblatio tua*, *והשיבך* & holocaustum tuum redigat in cinerem. Ignis ille coelestis Spiritum Sanctum notabat, cujus flammis quod non accenditur, id grata Deo hostia esse non potest: & quo ipse quoque Christus se inculpatū Deo obtulit: quo denique suos baptizat, ut & ipsi & ipsorum actiones Deo placeant. Conferri potest, quod Johan-

nes dicit: *ipse baptizabit Spiritu Sancto & igne. Mat. III. 11.* Fuit enim omnino *ἑμψυρισμός* ille sacrificiorum, de quo agimus, typicus baptismus ignis superveniens coelitus, post alterum typicum baptismum aquæ quo accedentium ad altare manus & pedes lavabantur. *Exod. XL. 30. 31. 32.* uti acute observavit *Cloppenburgius. Schol. Sac. p. 65.*

XII. Sacrificium rite peractum sequebatur *expiatio*: quæ in eo sita erat, quod Deus sacrificio propitius acceptato quiescebat, & quod peccati, victimæ impositi, reatu una cum victima typice abolito, ira Dei placaretur, grassans plaga sisteretur, & Deus favoris sui indicia peccatori monstraret. Hinc victimis purificatio animarum adscribitur *Lev. XVII. 11.* typica videlicet, & sacramentalis. Confer ea, quæ adduximus *S. VII. 1.* Sacramentalis dico, quia typica illa expiatio sacramentum erat veræ istius expiationis, quam fideles omnes in Christo obtinent. Typisq; illis adumbratum fuit, Deum inde a prima Evangelii notificatione acquiescisse illi sponcioni Christi, de satisfactione pro peccatis in plenitudine temporis præstanda, qua vere illa expiarentur. Eoque sensu Paulus testatur, sanguinem Christi conscientiam mundare ab operibus mortuis: sicut sanguis taurorum & hircorum sanctificabat olim ad carnis puritatem. *Heb. IX. 12. 13.* Nam hæc illius præfiguratio, & supposita offerentium, fide oblationis erat.

XIII. Accedebat denique sacrum *convivium* coram Jehova, ex oblationis donis & sacrificiis, quæ igne non in solidum cremabantur: quod sub lege mosaica obtinuit speciatim in iis sacrificiis, quæ *עֹלָה* dicebantur. *Lev. VII. 15.* Quam vocem Græci verterunt, *εὐχαριστία*, Latini *Pacifica*: alii malunt *ευχαριστία*. Sed *confessio*, *ἵππυ*, sive *Eucharistia*, est una ex speciebus sacrificii hujus generis: *Lev. VII. 12.* & hæc quoq; sacrificia *Ephraïma* fuere; ut patet ex impositione manuum, quæ impositionem peccatorum significat. *Lev. XXI. 2. 8. 13.* Propterea non male a Viro Docto observatum est, rationem & notationem nominis hanc esse videri, quod in hoc sacrificio esset quodammodo *τελείωσις*, *perfectio*, *consummatio*. Nam holocausta in totum consummebantur, & de iis nemo comedebat: de cæteris comedebat Sacerdos: de his quilibet etiam privatus, cujus erat victima. *Dent. XXI. 6. 7.* Quo Apostolus respicit *1 Cor. X. 18.* *Nonne, qui edunt victimas, consortes sunt altaris?* Fuit hoc sacramentum communionis, quam habent accedentes ad Deum cum altari & Sacerdote vero: & symbolum *κοινωνίας*, quam habent omnes fideles in Christo inter se, per quam Christus & omnia illius beneficia, & omnia singulorum charismata tanquam in eodem corpore omnium sunt. Huic Epulo ut *ἀντίπαιον* signum, sacrum coenam respondere, Paulus innuit *1 Cor. X. 16. 17. 18.* Hoc modo Dei gratia & Christi beneficia significabantur & oblationibus fidelibus in sacrificiis.

Erat etiam in sacrificiis confessio peccati & reatus.

XIV. Sed non minus in iis erat *communis confessio officii*, quod sibi Deo debent, & ad quod se sacrificiorum usu obstringebant. *Præ*erat in sacrificiis confessio peccati & reatus. Nam neque sacrificia ante lapsum locum invenerunt: & animalia, quæ offerrentes sibi substituebant, boves, oves, capri &c. vitii significationem habebant. Bos enim, ignorantiae *Jes.* 1. 3. Ovis aberrationis, *Jes.* 6. Capræ, petulantiae & improbitatis, *Mat.* xxv. 33. emblemata sunt. Et mactatio ac combustio victimarum extorquebat hominibus confessionem, dignum se esse, qui aeterna morte periret, & Divinae pietatis flammis torreretur.

Ex excitatio ad studium pietatis.

XV. *Secundo* est etiam in sacrificiis excitatio ad studium pietatis, & veræ probitatis. I. Fas non erat Deo quicquam offerre ex animantibus mundis, homini in cibum datis. Ita *religiosus cultus, mundus & incontaminatus apud Deum & Patrem hic est, immutabilis se conservare a mundo.* *Jac.* 1. 27. II. Nihil offerre licebat, nisi quod integrum, sine vitio ac defectu ullius partis esset: non cæcum, laudum, mutilum, claudum, languens atque ægrotum. *Mat.* 1. 12. Ita etiam quod Deo gratum erit, omnibus suis facultatibus, intentione & intentione omni, judicio recto, בלב תמים *corde integro*, voluntate lubentiae plena, Deo servire, & omnia membra ipsi consecrare debet. Nempe requirit Deus τελειότητα *Mat.* 5. 48. III. Animalia victimis destinata habebant aliquid proprium, quod aptum est ad eas virtutes adumbrandum, quæ accedentibus ad Deum inesse debent. Et in bobus patientia laboris, & pugnacitas adversus infesta. Oves & capri noscunt pastorem suum, & vocem ejus, alienum non audiunt. *Job.* x. 4. 5. Cujus rei de capris historiam memorabilem *Polybius* narrat *Lib.* xii. non procul initio. Deinde in murmure & clamore ducuntur ad macellum *Jes.* lxi. 7. *Per* omnia spiritualiter iis omnibus inesse oportet, qui devoti Deo sunt.

XVI. *Tertio* per oblationem victimarum significatur, I. In honorem Dei mactandum esse veterem nostrum hominem cum omnibus suis concupiscentiis. II. Equum esse, ut totus homo, qui Deo placere nititur, per fidem & caritatem se ei, sistat, totum inflammandum vel inflammatum zelo sui spiritus: *in hostiam vivam, sanctam, placentem Deo.* *Rom.* xii. 1. III. Sicut displicebant Deo victimæ alieno igne accensæ: ita ingratus est omnis cultus, qui Spiritum Dei auctorem non habet, neque ex coelesticariate profisciscitur. Qui ipsi *sunt accendunt ignem, & cingunt se scintillis, ibunt in focum ignis sui, & in scintillas, quas succenderunt.* *Jes.* l. 12. *Etiamsi quis corpus suum comburendum traderet, & caritatem interim non haberet, nihil hoc ipsi prodesset.* *1 Cor.* xiii. 3. IV. Non nos ipsos solū sed & nostra Deo consecranda esse: nam ut supra monuimus,

in pecoribus olim præcipua opulencia consistebat, & Paulus monet  
 vobis in beneficiis & communicationis Deum delectari, Heb. xiii. 16. V.  
 Nam ipsam nostram caram nobis esse non debere, quin eam, ad id a  
 Deo vocati, lubenter pro gloria ipsius impendamus. Phil. ii. 17. *Quin  
 animi, si pro libramento offerat super sacrificio & ministerio fidei vestra, gau-  
 deat & gratuletur omnibus vobis.*

XVII. Nunc de IRIDE dicendum, quam in foederis Noachici signant IRIS.  
 Deus dedit. Gen. ix. 12.—16. Ubi primum expendendum, quale hoc  
 foedus fuerit: tum quomodo arcus iste fuerit signum foederis.

XVIII. De Fodere hæc observamus. I. Non fuisse illud formaliter  
 præcipue foedus gratiæ. Nulla enim hic spiritualis ac salutaris bene-  
 ficii mentio est: & promissa foederis non Noacho solum & electo illius  
 homini, sed omnibus hominibus, omni omnino animæ viventi, & ali-  
 mentis, & pecudibus, & feris terræ facta sunt; qualis universalitas a  
 fodere gratiæ aliena est. Dicit quidem Deus, de fodere gratiæ cum  
 Ecclesia loquens Jesh. liv. 9. *Nam ut aqua Noachi hoc mihi &c.* Non  
 tamen iis verbis docet, foedus cum Ecclesia plane ejusdem naturæ esse  
 cum fodere universali de non perdendo mundo per diluvium. In-  
 stituit solummodo utriusque comparisonem quoad firmissimam sta-  
 bilitatem: sicut eodem nomine foedus suum cum Israël comparat  
 fodere de die ac nocte. Jer. xxxiii. 25.

XIX. II. Non tamen Divinis virtutibus dignum fuisset tale foe-  
 dus pacisci cum omnibus creaturis, nisi supposito fodere gratiæ, &  
 cum respectu ad illud. Tota enim illa Dei patientia in conservatio-  
 ni mundi tot sceleribus sædatis, hominumque ultrici eluvione plus  
 quam dignissimorum, ordinatur ad electos, quorum salutem Deus  
 intendit, & quorum gratia cætera omnia conservantur, ut promo-  
 vendæ saluti ipsorum inserviant. 2 Pet. iii. 9. PAREUS: *Quæritur, an  
 sit passum aliud a priore Gen. vi. 18. & a fodere gratia?* Responsio:  
 Sane aliud quoad promissionem terrenam, communem hominibus brutis ac  
 terræ; & quoad signum peculiare. Idem tamen quoad originem & gratiam.  
 Neque enim Noachi Filios adoptaret in hoc fadus, nisi prius in Fodus  
 gratia recepisset. Est ergo Fodere gratia hac appendix de promissione ter-  
 rena.

XX. III. Imo est in hoc fodere confirmatio & adumbratio foede-  
 ris gratiæ. Dicat id pro me MARTYR: Hoc diligenter annotabimus,  
 hoc fodere est homines promittatur a Deo liberandos quoad corporis vitam,  
 ne aquis praefocentur, tamen hic subesse umbram liberationis ab aeterna  
 morte, ne scilicet aeterna damnatione obruamur. Est præterquam quod  
 umbra istud ostenditur, argumento etiam a fidelibus ita colligi debet: Si Deus sibi  
 scientibus ita prospicit, ut velit certos esse nec dubitare de liberatione ab aquis,

Fodus  
 iride ob-  
 signarum  
 non fuit  
 formaliter  
 Fodus  
 gratiæ.

'Attrament'  
 fadus gra-  
 tiæ suppo-  
 suit.

Illudque  
 confirma-  
 vit atque  
 adumbra-  
 vit

quanto magis animos illorum, eorundem potiores partes, liberabit non a momentanea, sed perpetua morte? si in his, quæ minoris ponderis, ita est sollicitus, meritis circa id, in quo nostra felicitatis summa versatur? Confer *Ornamenti Theologumena Lib. III. Cap. 1.* Et quum antea in Diluvio & Arca Noë, in qua universalis quasi totius mundi semina contenta fuere, symbolum gratiosi foederis observari debuerit, cujus antitypon signum baptisimus est. *1 Pet. III. 21.* Quid ni confirmationem foederis gratiæ animadvertemus in promissione de diluvio non iterum terræ immittendo?

Iris non  
est stricte  
dictum  
sacramen-  
tum.

XXI. De *Iride* hæc notamus. I. Quum foedus illud, in cuius signum iris data est, non fuerit præcise ac formaliter foedus gratiæ, inter sacramenta proprie ac stricte dicta iridem referri non debere: eamque supra modum inepte tertium novi quoque Testamenti sacramentum dici. Quæ tamen fuit ratio iridis in obsignando hoc foedere, eadem est ratio signorum foederis gratiæ, servata analogia: ideoque efficaciter ex hoc loco argumentantur nostri adversus Belarminum præfractæ negantem, sacramentis promissiones foederis obsignari.

Attamen  
hierogly-  
phicum  
Divinæ  
gratiæ in  
Christo  
symbolum  
Exercit.  
IX. in  
Genesin.

XXII. II. Quum tamen foedus hoc præsupposuerit, & sua universalitate involverit foedus gratiæ, negandum non est, illius promissa iride quoque fidelibus obsignari. Hinc in *circuito throni & capitis Christi* iridem a Johanne visam esse memoratur. *Ap. IV. 3. & X. 1.* *Uti agnoscamus*, inquit RIVETUS, *thronum Christi misericordia esse circumdatum, eamque etiam in vultu suo præ se ferre, quando se manifestat: præsertim autem in ipsius facie nos habere iridem illam, qua certi sumus, non solum aquas non amplius terram in universum inundaturas; sed præterea, & præsertim, non metuendum nobis esse iræ Divinæ diluvium, quando Christus Patrem placavit, quem dum respicit Deus, recordatur misericordia sua, & promissionum, quæ in ipso sunt Etiam & Amen. Apparet igitur coronatæ iridis Christus, tanquam gratiæ & pacis nuncius. Est enim Princeps pacis, & pax nostra. Jes. IX. 6, Eph. II. 14.*

Cujus si-  
gnificatio  
ex institu-  
tione quid-  
dem Di-  
vina est:  
sed natu-  
ralem ana-  
logiam  
supponit.

XXIII. III. Omni signo analogiam aliquam cum re signata inesse oportet. Quæ quidem in sacris istiusmodi signis, ex instituto Divino significantibus, præcipue ab instituentis arbitrio dependet; ita tamen ut naturalem aliquam convenientiam cum re spiritali significata plerumque supponat, uti ex omnium ordinariorum sacramentorum inductione liquet. Quæ naturalia sunt iridi, ante diluvium quoque fuere: sed vis significandi & promissiones obsignandi ex institutione Divina illi superaccessit. Ea ergo in iride notanda sunt, quæ patientiam & gratiam Dei significare sunt idonea. Quæ vel *generalia*, vel *specialiora* sunt.

XXIV.

## XXIV. Generales analogias judiciose observavit MUSCULUS.

Quæ tam  
in genere,

I. Pactum hoc volebat Deus esse *ברית עולם*, *fædus sempiternum*, quod ad mundi usque finem duraret. Et propterea tale quoque signum erexit, quod non solum Noë cum suis in præsentī cerneret, sed & posterī toto fœderis tempore ob oculos habere possent. II. Fœdus illud rationem testamenti atque ultimæ voluntatis habet, absolutum est, nulla nostræ justitiæ & pietatis conditione nititur. Itaque & signum illi tale adjecit, quod a nobis celebrari ac frequentari nequeat, sed solo cœlestium tempestatum cursu feratur: & ab ipso formatum nostris duntaxat oculis videndum, & menti meditandum proponatur. III. Considerandum etiam, *ubi* arcum fœderis sui signum locarit, & *quando* eum producat. Ibi eum locavit, ubi videri potest ab omnibus, in cœlo scilicet. Neque in quovis cœli loco, sed in nubibus. Non producit eum nisi tempore pluvio, quando terræ nubes densæ imminet, & imbres vel minantur vel effundunt. Cogimur hic singularem Dei providentiam agnoscere. Cujus benignitas ex ipsis aquosis nubibus cuique inclamat, non est quod diluvium ex iis proventurum formides: ecce in iis ipsis iridem, symbolum favoris mei, & signum fœderis inter me & universam carnem. Id, quod olim iræ meæ instrumentum fuit, nunc perpetuæ gratiæ meæ exhibebit indicium.

XXV. Sed & specialiorem analogiam MARTYR ex Hebræis Doctoribus assignat, tam in *figura* quam in *coloribus*. Arcus, inquit, instrumentum militare est. Ictis fœderibus, pace confecta, in eo neque sagittas aut nervum intentum videas, sed illum gestant milites, ut cornua terram spectent: dum vero pugnant, sit secus, cornua ad se contrahunt versus faciem, ut acie oculorum collimantes jacent in hostes sagittas. Deus omnibus pacatus nervum illi dēpsit, sagittas abstulit, & ejus cornua versus terram dejecit. His fidem nobis facit placatæ suæ iracundiæ.

Quam  
specialius  
assignatur  
in figura,

XXVI. De *Coloribus* hæc tradit. Ex materia, quæ est aquæ & ex natura colorum, qui cum lucem tum aquæ obscuritatem referunt, congruum esse symbolum evincitur. Nam Deus hoc promittebat, ita se posthac aquas temperaturum, ne omnia perderent: at quid magis aquas reprimit calore, qui in luce & comprehenditur & significatur? Habet hoc signum admixtum aquæ ejus frenum, lucem, inquam cœlestem, qua Deus ejus impetum cohibet. GROTIUS notat, tres iridis colores significare Dei Severitatem, Clementiam, & Beneficentiam. Alius Vir Doctus existimat, colores Iridis, Rubrum, Igneum, & Viridem, significare, quod per sanguinem fiat mixtura Sanctitatis & Misericordiæ, ut utraque manifestata per sanguinem fufum Deum faciat nobis & Venerabilem & Amabilem ob utramque. Qui idem

Et coloribus.

ali bi

alibi jubet nos in iride observare colorem Ignis & Sanguinis & Graminis Virentis, & in illis cogitare de Zelo Dei, & Sanguine Christi, & Misericordia sive Vita: nam Zelus Dei per sanguinem Christi est ad vitam. Est etiam, qui observavit, iridem, qua Johannes thronum Dei circumiectum videbat, unius coloris fuisse, *aspectu similem smaragdo. Apoc. iv. 3.* Ut indicaretur, fœdus Dei gratiosum cum Ecclesia diversum esse à fœdere generali post diluvium cum omnibus hominibus pacto. Hoc enim fœdere promisit quidem Deus, se totam terram aquis operiturum non esse, attamen universas quandoque regiones ultricibus flammis cineravit: propterea fœderis hujus symbolum diversis coloribus pictum fuit, inter lucidum ac viridem rubro sive igneo intermicante. Verum signum gratiosi cum Ecclesia fœderis unius coloris est, viridis nempe ac smaragdini; ut significetur, fœdus illud semper unum esse, semperque vere fœderatos lætificans. Nam in Regno Dei nihil est nisi pax & gaudium per Spiritum Sanctum. *Rom. xiv. 17.* Hæc subtiliter & prospicienter a Viris Doctis observata sunt, & pie cogitari possunt. Dubito tamen, an difficilia ingenia cogere queant ad assensum. Sufficiat retulisse. Sapiens & Pius Lector judicet.

## C A P. VIII.

## De Circumcisione.

Circumcisionis

**N**unc de CIRCUMCISIONE dicamus. De qua observanda sunt sequentia. I. Ritus externus. II. Institutio Divina. III. Subjectum. IV. Necessitas. V. Minister. VI. Tempus. VII. Significatio Spiritualis. VIII. Abrogatio.

Ritus,

II. RITUS Circumcisionis ex voluntate Dei hic erat. Acuto cultro amputabatur extrema pudendi virilis cuticula, quæ Hebræis *לִּפְתָּח*, *Gen. xxxiv. 14.* propter naturalem suum usum, a verbo *לִּפְתָּח*, *claudere, obturare*; Græcis Veteris Testamenti Interpretibus & Novi Scriptoris, eleganti voce *ἀκροβυστία* dicitur: quia *τὸ ἀκρον τῆς θαλάμης ἐστὶν*, *extremitatem glandis tegit*: de qua voce multa erudite annotavit *Gomarus ad Luc. 11. 21.* Latini *præputium* vocant, vocabulo incertæ originationis. Propter quam rem Judæi contemptim ac per ludibrium *Apella* & *Recutiti* dicti sunt, quippe pellicula & cuticula illa carentes. Placuit autem Deo, ad confundendam omnem sapientiam carnis, & explorandam fidem atque obedientiam suorum, ritum adeo erubescendum ac propemodum pudendum in fœderis sui signaculum dare: sicut & universam salutem nostram fundavit in re, quæ non minus pudenda carni esse videtur, nimirum Cruce Christi.

Instrumentum.

III. INSTRUMENTUM Circumcisionis erat novacula, quam sibi comparare poterant ex qualibet materia, quæ modo ad sectionem apta sit; Lapide

Lapide nempe, Vitro, vel Ligno: plerumque tamen ferream, eamque acutissimam, qualis solet esse Chirurgorum, adhiberi, in *Synagoga Judaica* docet *Buxtorfius*. Olim lapideos cultros usurpatos fuisse, colligunt nonnulli ex eo, quod instrumentum circumcisionis *Exod. iv. 25.* צור dicatur; eaque vox *Ezech. i. 9.* Lapidem notet: Uti & *Jos. v. 2.* cultri circumcisionis חרבות צור, gladii lapidei indigitantur. Verum ista collectio non est satis firma. Nam צור non solum lapidem, sed & aciem notat; uti manifestum est ex *Ps. lxxxvi. 44.* תשיב צור חרבו *re-tundes mucronem gladii ejus*. Neque enim lapideis olim gladiis pugnant. Hinc Chaldaeus Paraphrastes *Jos. v. 2.* interpretatur צור חרבו *Scalpella acuta*.

IV. Prima Circumcisionis INSTITUTIO facta est *Gen. xvi. 1.* in domo & familia Abrahami, circa annum mundi bis millesimum. Non fuit autem data Circumcisio, ut mox publicum ac universale sacramentum totius Ecclesiae illorum seculorum esset; sed adstricta fuit ad familiam Abrahami. Reliquiae priscorum patrum sacramentis suis sacrificialibus contentae, fidem suam exercere, Deoque placere poterant in praepotio, neque ad circumcisionem obligabantur. Verum post quatuor circiter seculorum spiramentum, quum Ecclesiae visibiles extra familiam Abrahami sensim ad Gentilismum defecissent, piis reliquiis ad coelestem panegyrim evocatis; quumque Respublica Israelis mire interim sobolesceret, & mensura iniquitatis gentium plena esset, reiectis reliquis, Ecclesia in Israele quasi conclusa est, cujus communioni, in eorundem rituum participatione, se jungere omnes Numinis reverentes tenebantur. Bene *Maimonides in Issure Bia, Cap. xiii.* Quandoque quis Ethnicus ad fadus Israeliticum se vult recipere, & sub alis Divinae Majestatis se reponere, jugumque legis in se suscipere, Circumcisio, Baptismus, & Oblatio voluntaria requiruntur. Ex eo tempore Universale Ecclesiae Sacramentum facta est Circumcisio. Ita D. Jesus eam distinguit, in quantum ex Patribus erat, iis domestica, & in quantum a Mose data est, ut universale Ecclesiae constituendae sacramentum. *Johannis vii. 22.*

Institutio  
primo in  
usum do-  
mesticum  
Abrahami-  
darum.

dein totius  
Ecclesiae.

V. Porro imperata fuit Circumcisio, non uni Abrahamo & Isaaco, sed etiam Abramidis omnibus, sive ex Sara, sive ex Agare, sive ex Ketura oriundis, omnibusque adeo domesticis ejus, etiam emptitis & alienigenis. *Gen. xvi. 25. 26. 27.* Nam, etiamsi jam tum Deo certum esset ex Isaaci solum posteris, & ne iis quidem omnibus, populum sibi peculiarem formare: nondum tamen illud tempus aderat, quo intra unius populi septa continere Ecclesiam suam vellet. Nec dubitandum, quin in reliquis Abrahami filiis ac nepotibus suos quoque electos habuerit. Nihilque certius est, quam intra quatuor illa secula, Circumcisionem,

Ea omnes  
Abramidae  
teneban-  
tur.



& cum Circumcisione visibilem Ecclesiam, propagatam esse, in omnibus Orientalibus istis populis, qui ex Ismaële, & Keturæ filiis, & Elavo, ac profelytis, qui in domo Abrahami circumcidebantur, ortum traxere. Keturam autem, ut hoc in transitu moneam, ipsam Hagarem fuisse, magistrorum plerique volunt, aliis nunc reclamantibus, nunc dubitantibus: uti videre est apud *Seldenum de Synedr. Lib. II. Cap. III.* Hæ ergo Ecclesiæ, quæ ex Abrahami posteris circumcisione signatæ erant, juxta Ecclesias præputiatis ex aliorum patrum piis reliquiis, una cum Israëlitis, quos propius sibi asserere occipiebat Deus, universalem illorum seculorum Ecclesiam constituebant. Neque tantisper haberi debebant ut extranei a foedere Dei, quod cum Abrahamo in Christo confirmatum est, sed fratres censerī debebant, & unius religionis focii. Quo referri potest, *Deut. XXI. 7. Non abominaberis Idumæum, quia frater tuus est.* Et quod alienigenis etiam in Abrahami familia imposita primitus circumcisio est, admonere postmodum Israëlitas debuit de futura vocatione Gentium.

Quorum multi circumcissionem diutius quam veram Religionem retinuerunt.

VI. Interim in gentibus ex Abrahamo oriundis longe diutius Circumcisio quam vera religio permanfit. Paullatim enim a Deo patrum suorum desuiscentes ἀθεμίτοις ἰδολολατρίας se polluerunt, & a Deo rejectæ, ac foederis ipsius extorres factæ sunt. Circumcisionem tamen retinuerunt. Hinc plurimæ gentes circumcisæ, præter Israëlitas, cujuscunque generis scriptoribus memorantur. Catalogum earum texiit *Grotius, in notis ad libr. I. De veritate Religionis Christianæ.* Multaque huc pertinentia habet *Seldenus*, loco mox citato.

Aliæ quoque Gentes circumcissionem suscepunt.

VII. Certum interim est, alias quoque gentes præter Abrahamidas circumcisas fuisse: uti de Ægyptiis & Æthiopibus & Colchis testatur *Herodotus in Euterpe.* *Grotius* quidem asserit, Æthiopas illos ex Keturæ posteris esse oriundos, & Colchos eorumque vicinos ex decem tribubus, quas transtulit Salmanassar. Sed utrosque, tam Æthiopas, quam Colchos, Ægyptiis originem suam debere, magnis argumentis addixit *Bochartus, Geographia Sacra Lib. IV. Cap. XXV. & XXXI.* Et ab Ægyptiis circumcisionis ritum ad eorum ἀπείρους, & antiquam sebolem, uti Colchos (a) *Ammianus* vocat, transivisse, *Diodorus* tradit, cujus fidem frustra hac in parte *Grotius* sollicitat. Idem de Colchis statuendum. Memorabile simul & mirabile est, quod de Ægyptiis narrat *Ambrosius, de Patriarcha Abrahamo, Lib. II. Cap. XI.* Ægyptii, inquit, quarto decimo anno circumcidunt mares; femina apud eos eodem anno circumciduntur. Quod eo scilicet anno incipiat flagrare passio virilis & faminarum menstrua sumant exordia. Sed bene monuit (b) *Gomarus* De ista narratione (nisi de suo, ut videtur, tempore loquatur) ob

disca-

diffidentem priscam historiam, merito dubitari posse. Porro Ægyptios ab Israëlitis, in medio ipsorum commorantibus, & gratis primum hospitibus, circumcisionem didicisse vix dubitari potest.

VIII. Postulat hic locus, ut de Æthiopum circumcisione, quam, etiam Christianismo suscepto, adhuc dum retinent, nonnulla addam. Ejus primam originem *Zaga Zabe*, Episcopus Æthiops, & Regis sui in Lusitaniam legatus, Regiæ suæ Maquedæ adscribit. Hanc eandem esse vult, quam Sacrae literæ memorant ad Salomonem accessisse, fama incredibilis sapientiæ illius emotam. Eam dicit a Salomone imprægnatam, filium enixam esse, nomine *Meilech*, quem jam adultum Hierosolymas ad patrem miserit, in lege Dei instituendum. Quod quum curate a Salomone factum esset, filium hunc suum coram arca solemniter unxit in Regem Æthiopiæ, priori ejus nomine in nomen *Davidis* commutato. Hoc postea reverso in patriam cum magno comitatu, in quo & fuerit Azarias, Tzadoki filius, (qui accingens se itineri ex Arca clam surripuerit, & in gratiam novi Regis secum absportaverit genuinas legis tabulas, adulterinis perfidiose substitutis) *γυναικοκρατίαν* omnem fuisse abolitam constitutumque, ut impostero soli masculi, ab hoc Davide per rectam lineam descendentes, scepro potirentur, & circumcisionem introductam, addita per Maquedam Reginam mulierum Circumcisione. Hanc autem se retinere protestantur, non ulla adductos religione, sed in gentilitium & politicum nobilitatis suæ symbolum.

IX. Cæterum quis non videt, futilia ista & inepta esse? Ut alia taceam, quorum absurditas & mendacium cuivis patet, superbe id sibi sumunt, Reginam, quæ ad Salomonem accessit, suam Reginam fuisse, quum probari facile possit, eam fuisse Reginam Felicis Arabiæ. I. Dicitur in Scriptura *Regina Saba*, 1. Reg. x. 1. Hanc autem *μεγάλην τὴν Ἀραβίαν καλεῖσθαι, καὶ εὐδαίμονα πρὸς τὴν ἑλλήνων*, *Philostorgius* auctor est. Alias *Homeritis* Arabico vocabulo nuncupatur. Ibi regnasse Reginam hanc, quam *Belkis*, & uxorem Salomonis vocat, *Geographus Nubienfis* tradit. II. Christus eam *Reginam Ausrî* dicit. Saba autem, sive Arabia felix non modo est australis terræ Israël, sed & lingua Arabica *إثيوبيا* *Alieman*, id est, *australis* vocatur, quemadmodum ex Salmanticensi judæo & Abenezra notavit (a) *Drusius*. Et *Benjamin* in itineralio, (b) *إثيوبيا* *Alieman*, *Saba* est *Alieman*. Christus ergo, eam indigitans *Βασιλισσὰν Νάτῃ*, quod est Syriace *ἡ βασιλισσὴ τῆς γῆς*, cum vulgo locutus est, ita ut facile a quovis posset intelligi. III. Addit Christus, venisse eam Reginam *ἐκ τῶν περὶ τὴν γῆς*, *e finibus terra*, quod longe convenientius de Sabæis quam de Æthiopibus dicitur. Quia quum in Africa ultra Æthiopiam metropoli Meroën sint regiones amplissimæ; Sabæi, Arabiæ, adeoque ter-

Quam  
Æthiopes  
adhuc  
Christiani  
retinent.  
Eadem ex  
ore Abyssi-  
ni Sacer-  
dotis refert  
Petrus  
Della Val-  
le. Itiner.  
Part. 1.  
Cap. 32.

Sed nulla  
probabili  
ratione.

Quæ ad  
Salomo-  
nem acces-  
sit, non  
Æthiopia  
sed felix  
Arabia  
Regina  
fuit.

a ad Mat.  
xii. 42.  
p. 73.

rarum extrema occupant ad Oceanum. IV. Auri & Aromatum, quibus Reginam camelos suos onerasse narratur 1. Reg. x. 2. multo vilior annona in Arabia quam in Æthiopum solo est, quippe quæ propterea Græcis ἀρωματοφόρος dicitur. V. Quæ de Æthiopum Regina, & illius Regia urbe, antea Saba dicta, postea Meroë, (a) Josephus habet, non solum incerta esse, sed & plurima ἀνιστηρία laborare, invicte ostendit (b) Bochartus, qui videndus est. Quum ergo Regina Austri Æthiopum Regina non sit, inepte, se occasione istius Reginæ circumcisionem, ac cum ea Judaismum suscepisse, hodierni Æthiopes gloriantur. Probabilius multo est, quod eam longe ante ista tempora ab Ægyptiis, quorum soboles sunt, acceperint. Sabæos autem, quos itidem octavo die circumcidi Philostorgius refert, verisimilius est, eam a Regina sua, quæ Salomonem addiit, edoctos esse.

a Antiq.  
Lib. 8. C.  
2. b Geograph. Lib.  
2. C. 25.

Pessime  
circumci-  
sio femi-  
nis obtru-  
sa est.

X. Intolerandum est, a quocunque illud introductum sit, quod nonnulli humano consilio circumcisionem aliquam, aut aliquid ei analogum, foeminis obtrudere annisi sint: uti de fictitia illa Maqueda Æthiopum Regina, & Ægyptiis modo audivimus. Deus enim diserte solis masculis circumcisionem injunxit: foeminæ in viris censentur, atque in & cum iis foederatæ æstimantur. Neque mysterio id suo caruit. I. Admoniti ita sunt, a sacramento non pendere salutem. II. Indicata fuit oeconomiz istius imperfectio, quæ loco aliquando cessura erat consummationi oeconomiz, initiandæ faciliiori ac comuniiori sacramento, cujus ipse quoque foeminæ futuræ erant participes.

Circum-  
cisionis ne-  
cessitas.

XI. Cæterum in omnibus gentibus a vero Dei cultu alienis, circumcisiō nisi mera superstitio, & sacramenti a Deo foederatis suis dati xana. ἡγλία fuit. Foederatos autem suos illius religione impense obstrictos esse voluit. Gen. xvii. 14. *Præputium autem meum, qui non circumciderit carnem præputii sui, נכרתה חנפשו דת מציטו, excindetur anima illa e populis suis, fœdus meum irritum fecit.* Non lubet nunc describere, quæ de כרת sive excissione anima e populis suis pridem Viri Docti commentati sunt. Videri inter cæteros possunt, Fagius ad Exod. xii. 15. A. mama in Antibarbaro, ad Calcem Lib. 111. Seldenus, de Synedriis, Lib. 1. Cap. vi. & de jure naturali Lib. vii. Cap. ix. L'Empereur in notis ad Bertramum de Republica Hebræorum Lib. 1. Cap. 11. & Henricus Ainsworth ad Num. xv. 30. 31. Hottingerus ad Juris Hebraici Præceptum ccxxvii. Owenus in Prolegomenis ad Hebr. p. 289. Et novissime Johannes a Mark, Exercit: Juvenil. Disp. 1. & 11. Mihi non videtur improbabile, excisionem animæ e populo significasse seclusionem ab Ecclesia, & a sacris, prærogativisque populi Dei, cui opponitur דת בקרל דת venire in catum, sive ecclesiam Jehova, Deus. xxiii. 2.

Quid ex-  
cisio Ani-  
mæ e po-  
pulo suo.

Huc

Hoc facit *Exod. XII. 19. Et excindetur anima illa* אִנְשׁוֹ מִצֵּיתָא, *ex caetu* *Israëlis*, id est, tolletur ex consortio sanctorum. *Exsch. XII. 9. בסד ומי* *in consilio*, vel mystico conventu, *populi mei non erunt*, & *in descriptione domus Israël non conscribentur*. Scilicet qui אִנְשׁוֹ irritum facit foedus, quod יָכַרתי *pepigi* cum ipso, is יִכָּרֵת *excindetur* e medio populi istius foederati, neque de prerogativis ejus gaudebit. Cui morti Ecclesiasticæ accebat aliquando etiam mors ex sententia judicis infligenda. *Lev. XX. 6. col. cum. ול. 27.* aliquando mors θανάτου, aliaque gravissima mala a Deo inflicta, confer *Exod. IV. 24 25.* nonnunquam ἀθανάτεια *Levit. XVII. 1. 29. col. cum, XX. 20. 21.* & denique, nisi resipisceret peccator, æterna animæ perniciēs. Non male *Aberbenel*, cujus verba *P. Empereur* adduxit: *Anima excindetur ab isto fasciculo vite supremo, neque splendorem Divinitatis oblinebit, id est, voluptatem ac mercedem anima.* Quid obstat, quominus omnia isthæc in universalitate hujus phrasios includamus? Hac autem comminatione munire Deus circumcisionis præceptum voluit, ne sacramentum, alias pudoris dolorisque plenum, in vilipendium neglectumve veniret. Tanti foedus suum esse voluit, ut alacriter illius quoque jugum, licet difficile, subiretur. Annotavit *Aben Ezra*, se in tota scriptura Sacra invenire viginti tres locos, in quibus Deus כָּרַת *extremum* comminatur his, qui transgrediuntur præcepta negativa! sed in affirmativis tantum reperiri כָּרַת circa præcepta Circumcisionis & Paschatis rite celebrandi. Ex quo liquet, Deum arctissima sacramentorum istorum religione populum suum obstringere voluisse.

XII. Quæ tamen nequaquam ita intelligimus, quasi omnes infantes, qui post octavum diem incircumcisi moriebantur, damnationi fuerint addicti: quod post pontificiorum aliquos *Chawiero* nostro placuisse miror. *Lib. III. De Sacram. Cap. II. Sed sententia est*, uti bene scripsit *Perkinsius* (in Traët. de Sacram. Baptismi) *qui enimque in pueritia sua non fuerit circumcissus, si ad annos discretionis & scientia pervenerit, & tunc circumcisionem repperit, illius anima ex suo excindetur populo.* Quare hoc dictum de adultis loquitur, non de infantibus, qui foedus infirmare nequeunt. Explicationis hujus hæc sunt rationes. I. Quia verba textus originalis activa sunt, אִנְשׁוֹ אֶת בֶּשֶׂר לֹא יָכַר *qui non circumciderit carnem præputii sui.* Ubi אֶת, nota accusativi casus, ostendit, vocem יָכַר non esse hic formæ Niphal a כָּרַת, sed formæ Kal a כָּרַת. Unde concludo, verba hæc non ad eum dirigi, qui in circumcisione sua inscius aliquid patitur: sed qui potest curare circumcisionem suam, eamque deliberato animo negligit. II. quia additur אֶת בְּרִיתִי דֹּפֵר, *foedus meum irritum fecit.* Ubi eidem tribuitur actio culpabilis, cui antea tributa fuerat culpabilis carentia. Infans autem, nulla sua culpa circumcisione carens, foedus Dei eo ipso irritum non facit. III. Occasio & finis sanctionis hu-

Hac comminatione non tenentur infantes, sed adulti.

juseo nos ducit. Scilicet circumcisio injungebatur Abrahamo jam 99. annorum seni, servis & domesticis suis adultis, Ismaeli tredecim annorum puero. Quia autem difficile fuisset adultis hominibus præcisionem illam ac mutilationem, tanto cum pudore ab dolore conjunctam, persuadere; hinc addita ista comminatio, ut gravioris jacturæ metu jussu Dei obsequibiles susciperent. Quod uti a solis adultis perpendi potest, ita eos solos quoque spectat. IV. Accedit illud incommodum: si infantes post octavum diem in præputio morientes, ut foedifragi, eo nomine, damnationi addicantur; causa dici non potest, cur idem statuendum non sit de infantibus Christianorum ante baptismum morientibus. Quia baptismus non minus quam circumcisio foederis signum est. Hanc quoque constantem Hebræorum sententiam esse, vide apud *Seldenum de Synedriis Lib. 1. Cap. vi.*

Minister.

XIII. MINISTER circumcisionis fuit quivis Paterfamilias *Gen. xvii. 23. & 21.* Vel alius quivis ad id officii idoneus, & Patri substitutus. Neque enim videtur Zacharias, utut Sacerdos, ipse filium suum Johannem circumcidisse. *Luc. 1. 59.* Saltem non constat, Deum illi hominum ordini circumcisionis administrationem alligavisse. Nontamen illam mulieribus permissam fuisse, ex Zyporæ exemplo *Exod. 15. 24. 25.* colligi potest. Quia in trepidatione ista, ex præsentaneo periculo, neque ipsa neque Moses satis attendisse videntur, a quo circumcisio filii facienda esset, modo fieret. Deum autem circumcisionem quidem probasse constat, circumcidendi modum probasse non constat.

Dies.

XIV. DIES circumcisioni dictus octavus a nativitate erat. Cujus rei summa quidem ratio est præcipientis voluntas, attamen & aliæ non improbabiler adduntur. I. Ut ita infantum teneritudini consulatur, qui vix ante octavum diem sustinendis circumcisionis doloribus pares videntur, quibus adulti prope succumbunt. *Gen. xxxiv. 25.* II. Quia infantes a matre recentes una cum matre ad octavum usque diem immundi censentur. Hanc rationem dat *R. Simeon filius Jachi in Pesikta, fol. 16. col. 3. Quare instituit lex circumcisionem die octavo? Differtur. circumcisio, donec transseat puerpera ab immunditia sua, ad munditiam.* Et videtur ea ratio fundata esse in *Lev. xii. 2. 3.* Scilicet per circumcisionem infans initiatur, & libato sanguine suo quasi offertur Deo. Deus autem etiam e brutis animantibus nisi post septimum diem victimas non admittit. *Exod. xxi. 30. Lev. xxii. 27.* III. Facit etiam ad institutionem, ne arbitremur ab externo signo salutem pendere, cujus usus cæteroquin a sapiente ac benigno Numine in octavum diem, cum quem plurimos mori necesse fuit, dilatus non fuisset. Quamobrem & ipse Pater Abraham justificatus est in præputio. *Rom. 15. 10. XV.*

Lichtfoot  
ad Luc. 11.  
21.

XV. Non addo cum quibusdam, ( quos tamen non diffiteor se-  
 tueri posse auctoritate *Cypriani*, & sexaginta sex Episcoporum in Con-  
 cilio a *Cypriano* convocatorum. Vid. *Epistolas Cypriani Lib. III. Epist. VIII.* quæ in *Pameliana* editione LIX ) resurrectionis Christi  
 diem, qui in ordine dierum octavus est, & in quo vera circumci-  
 sio ac salus nostra prorsus expleta & consummata fuit, hoc myste-  
 rio præfiguratum esse. I. Quia Christus nusquam dicitur octavo die  
 resurrexisse, sed vel tertio a morte, vel primo hebdomadis. Hic  
 autem relate ad circumcisionem non magis est octavus, quam qui-  
 vis alius. Neque a primo anterioris hebdomadis octavus dici solet,  
 quum hebdomas septimo die claudatur : a quo numeratur novæ  
 hebdomadis primus. II. Quia circumcisio non tam resurrectionis  
 quam passionum, & mortis Christi typus fuit ; uti mox ostende-  
 mus. III. Non videtur etiam id accurate dici, veram circumcisio-  
 nem ac salutem nostram die resurrectionis Christi, prorsus expletam  
 & consummatam fuisse. Nam quod impetrationem salutis attinet,  
 ea consummata est Christi morte. Consummata impetratæ salutis  
 applicatio, non solum resurrectionem Christi ex mortuis exigit ; sed  
 ejusdem adscensionem in cælum : & reditum ad universale judicium  
 expectat. Nulla ergo ratio est, cur hi dies minus præfigurari de-  
 buerint quam dies resurrectionis. Cavendum est, ne in allegoriis  
 nimii simus.

Non con-  
 stat eo præ-  
 figuratum  
 fuisse re-  
 surrectio-  
 nis Christi  
 diem.

XVI. Spiritualis SIGNIFICATIO circumcisionis tam præstans est, quam  
 signum ipsum contemptibile ac prope pudendum videtur. In genere  
 fuit *signum fœderis Dei* cum Abrahamo. *Gen. XVII. 11.* Unde phrasi  
 sacramentali ipsum *fœdus* dicitur. *ŷ. 10. 13.* Neque signum modo,  
 sed & *sigillum*. Quod non Paulus solum noster dixit *Rom. IV. 11.* ve-  
 rum etiam Judæorum Magistri. Quorum verba ex *Talm. Hierosolym.*  
*Tract. Berachot* ita habet *Benedictus sis, qui sanctificavit dilectum ab utero, &*  
*signum posuit in carne ejus, וְצִמְצָמָא דְּחַיִּים בְּרִית קָדִישׁ, & filios suos*  
 SIGILLAVIT SIGNO fœderis sancti. Pollicitus erat Deus Abrahamo &  
 semini ejus, imo ex semine ejus, Messiam, & cum Messia bene-  
 dictiones omne genus, terrestres, spirituales, cœlestes. Stipulatus ab  
 Abrahamo erat, ut coram facie sua ambularet. Hujus fœderis signum  
 ac sigillum erat circumcisio : quam qui rite ex præscripto Dei suscipie-  
 bant, illi solemniter ab ipso Deo declarabantur consortes promissionum  
 Abrahamo factarum : simulque protestabantur, se viva fide recipere pro-  
 missum Messiam, & ab ipso omne genus benedictiones expectare. At-  
 que ita fiebat illis circumcisio *sigillum justitiæ fidei. Rom. IV. 11.* Et circum-  
 cisus dicebatur *לְדַכְּכֵם יְהוָה וְלִדְּוָרָתוֹ וְלִדְּוָרָתוֹ כְּכַפֵּי וְשִׁבְרֵי*, intrare & tunc habere  
 stationem sub alis Majestatis Divinæ. Verum eodem quoque actu se  
 ipsos

Significa-  
 tio in ge-  
 nere.

Lichtfoot  
 ad Mat.  
 XXVIII. 19

Buxtorf.  
Syna. Juda  
Cap. 2.

ipſos obligabant ad ſinceram totius religionis, omniumque adeo præceptorum Dei, obſervantiam, uti ſupremi Numinis foederatos decet. Non eſt dubitandum, quin ex priſcæ pietatis reliquiis ſit oratio illa, quæ hodierni adhuc Judæi in infantum ſuorum circumciſione utuntur. *Ut hunc puerulum ingredi feciſti, ſeu recepiſti in ſadus Abrahami patris noſtri: ita ingredi facias in legem Moſis, in matrimonium, (לויית), (Seldenus de jure Naturali Lib. II. Cap. II. vertit, in proteſſionem, ſeu ſalutem,) & in Bona opera.*

Specia-  
lior,

XVII. Specialius tria ſumma capita univerſæ religionis noſtræ circumciſionis figura exponuntur: noſtra videlicet MISERIA, REDEMPTIO, & GRATITUDO.

Per Cir-  
cumciſio-  
nem expo-  
nitur ho-  
minis Mi-  
ſeria.

XVIII. MISERIA hominis partim peccato, partim peccati pena conſtat. Utrumque circumciſione ſignificatur. Nam præputium id eſt, extrema pellicula membri ad generationem deſtinati, quæ circumciſione abſcindenda erat, notat eam totius hominis vitioli- tatem, quæ jam inde a primo ortu ei ineſt, & in Scriptura præputium cordis, vel cor incircumciſum, frequenter dicitur. *Dent. x. 16. Jer. iv. 4. Levit. xxvi. 41. Jer. ix. 26.* Et dolorifica illa particulæ carnæ abſciſſio ſignificabat, dignum eſſe hominem univerſum, qui a communione Dei ſanctorumque omnium æter- num ſeparetur, cum ingentibus ac intolerandis, tam animi, quam corporis, cruciatibus.

Redem-  
tor ac Re-  
demptio.

XIX. Non minus perſpicue ſe hic pandunt REDemptor ac REDEMPTIO hominum. Nam ſignificabatur & obſignabatur hoc ſacramento, I. Ex Abrahamo jam circumciſo naſciturum Iſaacum *Gen. xvi. 1. 16.* patrem ſeminis iſtius benedicti, ſive Meſſiæ, qui omne peccatum, omnemque reatum noſtrum in ſe recepturus atque expiaturus eſſet. II. Meſſiam il- lum ſanguinem ſuum pro hominibus fuſurum, ſine quo nulla foederis gratiæ obſignatio eſt: & ab ineunte ætate paſſiones ſuas inchoaturum. III. Eum ejusdem nobiſcum carniſ ac ſanguinis participem factum, *Heb. ii. 14.* exciſum iri e terra viventium: *Jeſ. li. 1. 8.* idque ad conſervationem corporis ſui, quod eſt eccleſia: *Eph. v. 23.* ſicut in carnali circumciſione particula corporis abſcindebatur, ne totus homo excinderetur e po- pulo ſuo. IV. Eum nobis donaturum abſciſſionem & exutionem carniſ peccati, per regenerationem & ſanctificationem, quæ in gl'orificatione conſummantur. *Col. ii. 11.* Hoc puto antiquos Hebræorum doctores voluiſſe, quando dicebant, *וְהָיָה כְּשֶׁן שֶׁנִּשְׁחַט לְפָנַי בְּיָמַי, Proſelytus ſis, ex quo proſelytus ſis, infanti recens nato ſimilis eſt.* Quod quum pervulgatum fuerit apud magiſtros, merito Nicodemo, de *παλιγγενεσία* tam inepte rogan- ti reponerat Chriſtus, *Σὺ εἶς δὲ δόξα καὶ τὴν ἰσραήλ, & hæc ignoras?* *Joh. ii. 7.* Docebant, in eum qui circumcidebatur, novam animam quæ

quæ alas Divinæ Majestatis subierat, & osculo a supremo numine excepta erat, e cœlesti aliquo palatio illabi. Quibus ambagibus antiquos spirituales regenerationem descripsisse, credibile est; quæ a recentioribus non intellecta in futes nœnias conversa sunt. Vide sodes *Seldenum, De Jure Natur. Lib. 11. Cap. 11.*

XX. Denique in usurpatione hujus sacramenti de officiis debitæ GRATITUDINIS admonebantur. I. Ut internæ, mysticæ, ac spiritali pietatē operam darent, sicut circumcisio in secreto ac tegendo corporis membro peragebatur. *Rom. 14. 28. 29.* II. Ut mortificarent membra sua terreftria *Col. 111. 5.* id est, renunciarent etiam suavissimis nuper ac dilectissimis sibi cupiditatibus. III. Ut cum mundo, qui in pravo jacet, nulla amplius communia amicitie fœdera haberent, sicut Abrahamidæ, per circumcisionem ab aliis gentibus secreti, earum amicitiam aspernabantur: uti ex protestatione filiorum Jacobi liquet *Gen. xxxiv. 14. 15.* Malo quidem animo hoc ab iis dicebatur; id tamen quod dicebant, rectum erat. Confer *Act. x. 28.* Circumcissus, inquiunt Hebræi, *יֵצַא מִכָּלל הַגִּיּוֹת*, *gentium universitate exiit.* Et sane magna pars, ac quasi fundamentum, muri intergerini, circumcisio erat. IV. Ut nihil tam difficile, tam grave, tam dolorificum, nihil tam alienum, stultum ac ridiculum mundo, in cultu Dei sit, quod non alacres ac lubentes, Dei jussu, & ad ipsius gloriam, subeant: ne famam, ne vitam quidem præ ea caram habentes.

XXI. DURATIONEM circumcisionis hisce verbis definivit Deus: *Gen. xvi. 13. Et erit fœdus meum in carne vestra* *בְּבָרִית עִוְלָא* *in fœdus seculi.* Quod tamen non est intelligendum de duratione perpetua ad mundi usque finem. Nota est distinctio *עוֹלָם הַזֶּה*, *Seculi hujus,* uti olim loquebantur, quod complectebatur universam Veteris Testamenti Oeconomiam, & *עוֹלָם הַבָּא*, *Seculi futuri,* quod *ὁ μέλλων αἰών*, vel *ἡ ὀκυμένη μέλλουσα* Apostolo dicitur *Heb. 11. 5.* ad quod seculum pertinent *יְמֵי הַמָּשִׁיחַ* *dies Messia.* Quod autem institutum est in fœdus seculi prioris, id extendi non debet ad seculum posterius, cujus aliam faciem, aliam prorsus oeconomiam fore, constanter prophetiæ loquuntur.

XXII. Porro, abrogandam fuisse circumcisionem diebus lætioris Testamenti, hoc modo evincitur. I. Quia pertinet ad umbras illas, quæ, quum præfigurarent venturum corpus, corpori jam præsentī loco cedere debuerunt. *Col. 11. 17.* II. Quia magna pars erat parietis illius intergerini, qui Judæos a gentibus discriminabat, & cujus septum morte Christi solvi debuit, inimicitis, id est, lege præceptorum, *quæ in ritibus posita est, per carnem ipsius abolitis: ut ex duobus illis conderet in semetipso unum novum hominem, faciens pacem,* *Eph. 11. 14.* Illud utique prædictum



ctum antiquitus est, gentes cohæredes Israël, & concorporës, & confortes ejusdem promissionis fore *Eph. III. 6. vide Deut. xxxii. 43. Jes. xix. 24. 25. & LX. 3. &c.* Ea vero *συνσωμάτων* non debuit fieri inclusione gentium cum Israël intra idem septum ritum, (id enim separationi & inimicitiae stabiliendæ destinatum erat) sed septi istius destructione. *Nam in Christo Jesu neque circumciso quicquam valet, neque præputium: sed fides per charitatem efficax. Gal. v. 6. Et quicumque ex fide sunt, sive circumcisi, sive non, illi sunt filii Abrahæ. Gal. III. 7.* III. Quia in circumcissione notabatur, nondum esse fufum novi Testamenti sanguinem, necdum natum esse ex Abrahami semine Messiam, vel saltem necdum excisum ad salutem corporis sui mystici. Quæ postquam facta esse orbi per præconium Evangelii innotuit, id quod ea nondum facta esse testabatur, abrogari necesse fuit: ne ullum Dei institutum adversus veritatem testari comperiretur. Huc pertinet illud Pauli *Gal. v. 2. 3. 4. Ecce, ego Paulus dico vobis, si circumcidamini, Christum nihil vobis profuturum. Testor enim rursus omni homini, qui circumciditur, eum esse debitorem totius legis servanda.* Sensus est; qui circumcisionem, ut necessariam cultus a Deo instituti partem, vel ut medium justificationis suscipit, is se ipsum abdicat Christo. I. Quia id signum adhuc necessarium esse vult, quod testatur necdum per Christum omnia consummata esse. II. Quia, quum circumcisio a cætera lege ceremoniali, ad quam veluti introitus est, separari non possit, circumcisionis susceptione ad totius legis ceremonialis observantiam se obligat. Hoc autem est abnegare adventum Christi, & tempus *διόρθωσης* ac libertatis. III. Quia, quum justitia hominis coram Deo aut tota ex propriis operibus esse debeat, aut tota ex Christo, & hæc duo jungi non queant, *Gal. II. 21. & III. 12. 18.* qui in circumcissione, ut opere suo, justitiam quærit, justitia Christi excidit; atque ita, si salutem sit consecuturus, necesse est, ut totam legem observet: quod quum facere non valeat, norit omnem sibi salutis spem præcisam esse.

Quod tamen paulatim & circumspice fieri oportuit.

XXIII. Hujus autem, primum languescens, dein morientis, denique mortuæ, ac mortiferæ, circumcisionis abrogatio, suos habet gradus. I. Languere cœpit in circumcissione Christi, qui legi se pro electis subiciens, eamque subjectionem suscepto circumcisionis symbolo solemniter testans, probabat, se electum illud Abrahami semen esse, cujus futuræ nativitati præsignificandæ circumcisio primitus destinata erat. Ab eo ergo tempore amisit circumcisio magnam significationis suæ partem: eo jam præsentem, quem venturum significabat. II. Magis debilitata fuit, postquam Christus trigésimo ætatis suæ anno se patefecit Israël, & a Johanne monstratus est ut Agnus Dei qui tollit peccata mundi,

& a Patre palam agnitus pro dilecto suo Filio ab omnibus audiundo. Tunc enim Evangelium libertatis ac regni prædicari cœpit, & Baptismus, Circumcisioni ex adverso respondens signum, usurpatus est, ut sacramentum initiationis in præstantius fœdus, quò multum dignitatis circumcisioni decedebat. III. Mori cœpit, moriente Christo. Quando enim e medio populi sui excisus est ad salutem totius corporis mystici, & sanguine suo Novum Testamentum obsignavit, impletum illud omne est, quod circumcisio de futuro Messia præsignificaverat, & ad quod sua se circumcissione Christus obligaverat. Atque ita chirographum illud, quod Christo Sponsori ac fidelibus subcontrarium erat, in cruce illius ruptum est *Col. 11. 14.* Plane mortua fuit, postquam Christus e mortuis suscitatus, apocham, plenissimæ solutionis testem, a Patre accepit, & universo quasi mundo videndam exhibuit. Ita tamen ad partam oblatamque sibi libertatem fideles cœcutiebant, ut Petrus ipse cœlesti visione de ea edoceri opus habuerit. *Act. x. 28. 34. 35. 47.* V. Necdum tamen mortifera erat: sed quamdiu de libertate sua nondum satis edocta erat ecclesia, poterat quandoque, ad evitandum infirmorum scandalum, prudenter usurpari, libere tamen, non ex conscientia religionis, sed ex dictamine caritatis & prudentiæ, ne Judæi, patriorum rituum nimis tenaces, a Christiana religione abalienarentur: quomodo circumcisus est Timotheus matre Judæa natus. *Act. xv 1. 1. 3.* VI. Verum postquam Judæorum natio, spreto Evangelio, a Deo rejecta fuit, & circumcissionē, ut necessariam religionis, imo justitiæ, partem, pervicaciter urgere perrexit, & ecclesia de sua libertate sufficienter edocta fuit, mortifera facta est circumcisio, quippe character superstitionis & tessera infidelitatis Judaicæ, & abnegatio libertatis Christianæ, ut ex *Gal. v. 2. 3.* ostendimus.

XXIV. Non difficilis nunc est istius quæstionis determinatio, an Judæorum natio, postquam novissimis temporibus *παμπληθὲς* natio, postquam ad Christum conversa fuerit, circumcissionem infantium suorum religiose retentura sit? Mihi quidem, quin ad quæstionem hanc negative respondendum sit, propter rationes allegatas, ne dubitandum quidem esse videtur. Tales enim ex sunt, ut non gentes modo, sed & Judæos, in libertate Novi Testamenti, a circumcissione, quæ vinculum totius jugi erat, liberos esse evincant. Et omnino utrorumque eadem plane debet esse ratio. *τὸ περισσὸν ἰσχυαίς*, quod antea magnum erat, nunc nullum est. Nemo sub Christo habet quod in carne glorietur. Paulus id pro damno & stercore reputabat. *Phil. 111. 7. 8.* In Christo non est discrimen Judæi & Græci, circumcissionis & præputii: sed Christus ipse est omnia in omnibus: *Col. 111. 11.* omni nationis cujuscunque præeminentia funditus sublata. Nos, inquit Apostolus, post hac neminem

Judaica  
natio, postquam ad Christum conversa erit, circumcissionem infantium suorum non retinebit.

*novimus secundum carnem*, id est, majoris æstimamus ob genealogiam fratrum patrum, quod si etiam Christum novimus secundum carnem, id est, si in carnali cognatione cum Messia aliquam collocavimus prærogativam, nunc tamen non amplius novimus, omnem felicitatem nostram unice nunc collocamus in spirituali unionem cum Christo per fidem. 2. Cor. v. 16. Et quum Deus nunc προσωπολήπτης nullo sensu sit, Αθ. x. 34. nunquam erit, ut nobis liceat habere fidem Domini nostri Jesu Christi τῆς δόξης ἐν προσωπολήψια Jac. 1. 1. aut Abramidas, quatales, in regno Christi pluris æstimare Barbaris aut Scythis, ισότιμοι αὐτοῖς λαχῶσι πίσιν 2. Pet. 1. 1. Verbo concludam, circumcisio fidelium Israelitarum novissimis temporibus, vel prærogativa futura esset, vel onus & jugum. At neutrum esse potest. Non posterius, quia id repugnat libertati per Christum partæ: quam felici isthæc ævo eximie gloriosam esse par est. Non Prius, quia Evangelium regni, omni præeminentia sublata, fecit τὰ ἀμφοτέρα ἐν. Eph. 1. 14.

Jacobi  
& Pauli  
de Cir-  
cumcisio-  
ne senten-  
tia.

XXV. Duas tamen rationes in contrarium audiavi, quæ speciem aliquam haberent, sed speciem tantum: quarum altera ex Novo Testamento desumpta erat, altera ex Veteri. Ex Novo expendenda mihi a Viro docto data est illa Jacobi & Presbyterorum ad Paulum oratio Αθ. xx. 21. *Audierunt autem de te ex aliorum sermone, te defectionem a Mese docere omnes, qui inter Gentes sunt, Judæos, & dicere, eos non debere circumcidere filios, neque secundum ritus ambulare.* Hoc autem quum ingentem commotionem inter zelotas legis, credentes tamen in Christum, ciceret, auctor Paulo Jacobus est, ut ea faceret, ex quibus omnes scire possent, nihil esse eorum, quæ auditione de Paulo acceperant, sed ipsum quoque Paulum ita incedere, ut legem observet. ὧ. 24. Cui consilio Paulus morem gessit. Unde concludi videtur, hanc veram Paulinæ doctrinæ mentem esse, ut gentiles quidem ad circumcisionem cæterasque ceremonias non teneantur: attamen Judæi, etiam accepta fide Christi, filios suos debeant circumcidere, & secundum ritus ambulare; quoniam Paulus, suadente Jacobo, contrariæ doctrinæ suspicionem ipso facto a se amolitur.

XXVI. Cæterum tria hic distincte observanda sunt. I. Vera Pauli doctrina. II. Calumnia ei odiose impacta. III. Consilium prudentiæ ipsi a Jacobo & presbyteris suggestum. Revera Paulus, Christianæ libertatis eximius præco, tam Judæos, quam Gentiles Evangelio additos, a circumcisionis cæterarumque ceremoniarum necessitate emancipabat. Omnibus inclamans, *Circumcisio nihil est, & præputium nihil est, sed observatio mandatorum Dei.* 1. Cor. vii. 19. Legemque tutori comparat, sub cujus custodia vetus ecclesia fuit, quasi in ætate puerili: nunc autem, regno coelorum in terris erecto, eandem ecclesiam adole-

viffe

vise testatur, quæ, tutoris non amplius indiga, sub primis istis mundi elementis in servitutem iterum dedenda non est. *Gal. IV.* Quod certe tam Judæos, quam Gentiles complectitur. Illud novi testamenti bonum libero ac rotundo ore ubivis promulgabat. Non tamen intercedebat, quo minus aliquid indulgeretur infirmitati fratrum Judæorum in libertatis illius exercitio, modo *Φιλονεικία*, & opinio necessitatis ac justitiæ, a ceremoniarum praxi abesset. Hæc alio torquebat calumnia: quasi ab ipso in contumeliam legis fierent, & apostasiam a Mose doceret, neque cum reliquis Christianæ fidei proceribus in hac doctrinæ parte consentiret. Quod, utique secus erat. Non enim contumelia legis est, docere, ei satisfactum esse per Christum; uti nec cedit in contumeliam chirographi, quod solutione præstita scindatur. Neque apostasia est a Mose, Christum libertatis datorem prædicare, quem ipse Moses audiri jussit. Nec male Paulo cum cæteris Apostolis conveniebat: quum & illi juxta Hierosolymitanæ Synodi decretum immunitatem a jugo docerent, & Paulus, in exercitio illius libertatis caritatem & prudentiam in consilium adhibendam esse, nequaquam diffiteretur. Attamen invenit calumnia patulas aures: multique fratrum, de Apostoli doctrina non ex vero informati, sequius de eo suspicabantur. Hinc illud consilium, ut & ipse omnibus inspectantibus certas quasdam ceremonias observaret: non uti præjudicium aliquod crearetur juri aut libertati Christianæ, quam prædicaverat; sed uti palam faceret, nihil a se proterve, & quod justæ indignationis causam daret, peragi: ac fœdam esse calumniam, qua, minus reverenter de Mose sentire, Judæosque contemptum legis docere, trahebatur. Ei consilio paret Apostolus, non quod zelotarum istorum impetum probaret, sed ut dilueret calumniam, & infirmis se prudenter & officiose accommodaret. Ita factus est Judæi ut Judæus, ut Judæos lucrifaceret: iis, qui sub lege sunt, ut si esset sub lege, ut eos, qui sub lege sunt, lucrifaceret. *1 Cor. IX. 20.* Quibus rite perpensis, evidens est, nihil ex hoc loco, pro perennatura in converso Israël circumcissione, concludi posse.

XXVII. Ex Veteri Testamento objicitur *Ezech. XLIV. 9.* Ubi Dominus, describens statum Ecclesiæ post conversos Israëlitas, ita inquit: *Ullus alienigena, præputiatus corde, & præputiatus carne, non venito ad sanctuarium meum.* Quibus verbis remotio præputii, tam carnis, quam cordis, distincte exigitur ab omnibus, quibus jus est intrandi in sanctuarium. Si in genere de præputio ageretur, planum esset id de prava irrogeniti animi dispositione explicare. Etiam si præputium carnis exerte diceretur, nihil obstaret, quo minus prophetica phrasin, ex Veteris Testamenti ritibus desumptam, spiritualiter intelligeremus. Nunc autem quum

Quid præputiatus: Corde & Carne apud Ezechielum.

distincta mentio fiat præputii, tam carnis, quam cordis, omnino necesse videtur, ut alterum quidem spiritualiter, alterum vero literaliter intelligamus.

XXVIII. Argumentationi isti has considerationes oppono. I. Totum contextum Ezechielis, de novi templi exstructione, mysticum & allegoricum esse, similitudinibus ex Veteri Testamento transsumtis, quæ omnes, uti statui Testamenti Novi conveniens est, spiritualiter exponendæ sunt. II. Præputium carnis & cordis distinctum esse, utrumque tamen mysticum. Scilicet præputium quamcunq; pravam hominis dispositionem mystice significare. Hinc de *præputio labiorum*, Exo. VI. 11. & *aurium*, Jer. VI. 10. *Ab. VII. 51.* legimus. Imo quævis immundities, etiam fructuæ, quorum esu Deus interdixerat, præputium vocatur Lev. XIX. 23. Præputium ergo cordis in mystico Ezechielis sermone notat imunditiam mentis & interiorum affectuum: præputium carnis imunditiam externarum actionum, quæ corpore exeruntur, juxta distinctionem Pauli 2 Cor. VII. 1. Utraque imunditia deponenda est ei qui communioni populi Dei accensibitur. *Quis ascensurus est in montem Jebora, & quis staturus in loco sanctitatis ejus? Innocens manibus, & purus animo. Ps. XXIV. 3. 4.* Imprius animadvertendum, non esse hic sermonem de Israëlitis, sed de alienigenis admittendis ad sanctuarium. Illis certe in novo hoc templo suus erit locus *Jes. LVI. 6. 7.* neque erit, quod dicant, *omnino me discrevit Jebora a populo suo. V. 3.* Iis autem circumcisionis necessitatem novissimis diebus imponere, a qua intermedio tempore immunes fuerunt, doctrinæ Apostolicæ e diametro, uti ostensum est, adversatur.

## CAP. IX.

## De Paschate.

Summa  
eorum,  
quæ dicen-  
da sunt.

UNIVERSAM PASCHATIS doctrinam, supra quam dici potest, erudite & copiose enucleavit diligentissimus Vir, SAMUEL BOCHARTUS, *Hierozyici sui Lib. 11. Cap. L.* Verum quia præstantissimus & pretiosissimus ille liber rarus est in manibus juventutis, quæ nobis operam dat, visum est, quæ ille fuse est prosecutus, in summam contracta hoc capite exhibere. Ita tamen, ut in methodo nostrum quandoque sequamur judicium, & ea subinde inferamus, quæ aliunde nobis observata sunt. Levi ergo calamo septem hæc perstringemus. I. Paschæ Nomen. II. Tempus. III. Locum. IV. Ministros. V. Convivas. VI. Ritus. VII. Mysterium.

Pascha  
quid signi-  
ficet.

II. PASCHÆ NOMEN est Chaldaicum, ut recte notat *Philo.* Hebraice dicitur פסח *Pesach*, veteribus *Phase* & *Phasec*. Radix פסח est *diaβαivai*, transgredi. *Josephus* υπεβαivαι reddit. *Philo* διαβαivαι. Quo-

Quomodo etiam Lacedæmone dicebantur *sacrificia pro transitu*, id est, pro felici expeditionis progressu. Ita autem vocatur Pascha, quia *πῶς transit*, vel *transiit*, Deus, dum Ægyptiorum primogenitos necabat, præter ostia Israëlitarum, videns postes eorum sanguine agni tinctos. *Exod. xii. 13.* Sic *Jes. xxxi. 5.* Deus Jerusalem liberat, *πῶς ὑπερβαίτων*, *transiliendo*, quum de reliquis populis commeritas poenas exposcit. Cæterum Pascha vocabulum *πολύσημον* est; & notat. I. Transiitum Angeli, qui Ægyptiorum primogenitos percutiens Israëlitarum domos transiliebat. II. Agnum, qui in hujus liberationis memoriam immolabatur. *Exod. xii. 21. Jugulate Pascha. Luc. xxi. 7. Venit dies Azymorum, quo oportebat mactari Pascha.* III. Sacrificia una cum agno tum temporis Deo offerri solita. *Deut. xvi. 2. Offeres Pascha Domino Deo tuo, oves & boves.* IV. Festos dies, quibus hæc celebrabantur. *Luc. xxi. 1. Prope erat festum Azymorum, quod dicitur Pascha.* Quo tempore quum Christus Dominus noster passus sit, hinc Veterum nonnulli, sed Hebrææ literaturæ ignari, a Græco *πάσχω*, Paschæ nomen derivarunt.

III. TEMPUS differtim notatur *Lev. xxi. 1. 5. Primo mense, die mensis decima quarta, inter duas vespervas, erit Pascha Domino.* Ubi observa I. Mensis. II. Diem. III. Horas. MENSIS Abib dicitur *Exod. xii. 4. Alibi Nisan. Neh. ii. 1. Esh. iii. 7. אביב Abib*, Hebræis *spicam* adhuc recentem sonat. Inde mensi nomen, quia in calidioribus istis regionibus, ac nominatim Judæa, eo mense, qui partim martio, partim Aprili nostro respondet, segetes ad vitam necessaria, Philone teste, maturescunt; & Israëlitz eo tempore falcem incipiebant immittere in segetem *Deut. xvi. 9.* ac solemnitatis Paschalis secundo die offerebant Deo primarum frugum manipulum. *ניסן Nisan* autem cur idem mensis Chaldæis dicatur, non ita constat. Conjicit Vir magnus, scribendum esse *Nissan*, quemadmodum Josephus facit, vel Dages exclusum ex litera *ו* suppleri per vocalem longam: ut sæpe *ניסין Nisin* ponitur pro *ניסן Nissin* id est, *vexilla*. Ita mensis Nisan nomen erit percommodum a bellicis signis, vel vexillis, quæ illo mense primum educuntur. Quippe hoc ipsum tempus Hebræi intelligunt designari 2 *Sam. xi. 1. Et factum est vertente anno, quo tempore Reges solent ad bella procedere.* Pari de causa verni menses priores duo Bithynis dicti sunt *στρατεῖον*, & *ἄρειον*, ut Romanis MARTIUS, a Marte. Primus autem hic mensis dicitur, scilicet anni sacri, ab exitu ex Ægypto, quum alias septimus sit anni civilis, cujus initium erat circa autumnum, cujusque primus mensis vocabatur *Tisri*. Huc pertinet expressum Dei præceptum, *Exod. xii. 2. Hic mensis, scilicet Abib, conf. Exod. xii. 4. erit vobis principium mensium. Primus ille sit vobis inter menses.*

Mensis  
Paschalis,

Abib,

vel Nisan.

Primus  
mensis  
anni sacri.

IV. Hujus primi mensis Dies Paschæ sacer, erat decimus quartus: Dies 14.  
HORÆ

inter duas  
vesperas.

**HORÆ diei**, inter duas vespervas, quarum altera meridiei, ex quo coepit sol descendere, altera occasui propior erat. Non ita solum vespervas suas distinguebant Hebræi, quorum sententia videri potest apud *Buxtorfium* in *lexico ad vocem* ערב, sed & aliqui Græci, fidem faciente *Eustathio*. Ad *Lib. xvii. Odys.* Δίττη κατὰ τὰς παλαιὰς ἡ δαίη, ἡ μὲν γὰρ ὁψία δαίη, τὸ τελευταίων φασι τῆς δαίης μέρη· τὸ περὶ ἡλίου δυσμῶς. ἑτέρα δὲ δαίη πρωία, τὸ πρῶτον φασι, τῆς δαίης, τὸ εὐδυσίε· μεσημερίας. *Juxta veteres duplex est vespera: sera enim vespera est, ut ajunt, vespera pars extrema; altera vero matura vespera, cujus initium statim a meridie.* Videatur & *Hefychius* ad vocem Δαίη. Intra illud tempus ergo, quo sol declinare incipit, & quo occidit, mactari & assari Pascha debuit, ut initio diei decimi quinti, qui ab occasu solis incipit, manducari queat. *Josephus* dicit, mactatos fuisse agnos Paschales, ἀπὸ ἐνάτης ὥρας μέχρι ἐνδεκάτης, a nona hora usque ad decimam, id est, a tertia pomeridiana usque ad quintam. *De bello Judai. Lib. vii. Caput. xvii.*

Locus  
mactandi  
Paschatis.

**V. Locum** quod attinet, primo Pascha celebratum fuit in *Ægypto*. *Exod. xii. 21.* dein in deserto Sinai. *Num. ix. 5.* & in *Ægypto* quidem quisque in propria domo mactavit: quum nullum commune altare, nullus locus Deo sacer ibi esset. At post exitum ex *Ægypto* non licuit alibi Pascha mactare quam in loco quem Deus elegerat: ut expressim sancitur *Deut. xvi. 5. 6.* Locus autem ille erat non solum Hierosolyma, postquam ibi templum ædificavit Salomo, sed & ipsum templi atrium, ubi reliquas victimas mactare moris erat. Non enim tamen tota urbe, quam in templo, Deus nomen suum collocavit, & habitare fecit. *Judæi* hic consentiunt. *Non mactant Pascha, nisi in templi atrio, ut reliqua sacra: inquit Maimonides. Lib. de Pasc. Cap. i. Sect. 111.* Quod apud *Karaitas* quoque, seu *Scripturarios Hebræorum Doctores*, in confesso esse, *Doctissimus Anglus* docuit.

Nam Pascha veri  
nominis  
sacrificium  
est.

**VI. Et in promptu ratio est.** Nusquam enim nisi in templi atrio mactare licuit sacrificia: ut omnibus constat. **PASCHA** autem veri nominis **SACRIFICIUM** fuisse, hisce argumentis evincitur. I. Quia Scriptura id disertis verbis עֶדְוֶה, *Sacrificium* vocat. *Exod. xii. 27.* *Hoc est sacrificium Paschatis Jehova.* Quæ vox licet alibi notet qualecunque epulum ex mactatis animalibus instructum, ut *Prov. xvi. 1.* hic tamen in vulgatissimo suo, & sacro significato sumendam esse, ex eo colligimus, quia עֶדְוֶה sacrificium Paschale, typus fuit verissimi sacrificii Christi, de quo *Paulus. I Cor. v. 7.* *Pascha nostrum pro nobis ἐθὶθὴ sacrificatum est*, sicut & *Josephus* ac *Philo* passim agnos Paschales θυσίας vel θύματα vocant, id est, *Ruffino interprete, hostias.* II. Quia celebrantes Pascha

Pascha dicuntur קרבן יהודה, חקריב מז, oblationem offerre Domino. Num. 15. 7. 13. III. Quia sanguis agni Paschalis, ut veri sacrificii, offerebatur Domino. Quod colligere est ex verbis Moſis, Exod. 22. 18. Non offeretis sanguinem וְכֹרֵי Sacrificii mei cum pane fermentato: nec adeps festi mei remanebit usque mane. Sacrificii mei, id est Paschatis mei, uti & Onkelos habet, וְכֹרֵי פֶסַחֵי sanguinem Paschatis mei; & Jonathan, וְכֹרֵי פֶסַחֵי Libamini Paschatis mei. Adde locum parallelum Exod. 23. 18. Non immolabis cum pane fermentato sanguinem sacrificii mei, nec remanebit usque mane וְכֹרֵי דֶגֶם הַפֶּסַח SACRIFICIUM FESTI PASCHATIS. IV. Quia sanguine agni Paschalis fiebat asperſio, sicut sanguine reliquarum victimarum, 2 Chr. 35. 16. De Paschate agitur, diciturque, sacerdotes sparsisse sanguinem e manu Levitarum acceptum. Itemque Cap. xxxv. 11. Et mactarunt Pascha, & sparserunt Sacerdotes e manu ipsorum. Quod ad sacrificium pertinere nemo nescit. Bene hac occasione monet Maimonis Filius, asperſionem magni momenti esse, quippe עֵקֶר דְּקִרְבָּן, fundamentum oblationis. Et Petrus, eodem alludens, electos nos esse, dicit, οἱς πατισμοὺν αἱμάτων Ἰησοῦ χριστοῦ 1 Pet. 1. 2. Ut ergo luculentior in Paschate sacrificii Christi adumbratio sit, tot argumentis accedentibus, omnino nobis dicendum videtur, Pascha veri nominis sacrificium fuisse. Quod si fuerit, non poterat alibi quam in templo atrio rite mactari.

VII. Temporis & loci angustia frustra objicitur: quasi inter duas vespervas non potuerint tot agnorum millia (de quorum numero in numero prodigiosam vel historiam vel fabulam vide apud Lichtfoot, ad Job. 31. 12.) ad unum altare sisti & offerri. Templi enim atrium latissime patuisse, docent viginti duo millia boum, & ovium centum viginti millia, in Templi encenii a Salomone ibi oblata. 1 Reg. 7. 16. 63. & a reliquo populo sacrificia sine numero. 2 Chr. 35. 6. Porro offerendis hisce agnis vacabant plurimi & expediti sacerdotes, per horas quatuor, si res ita postularet. Et ipsi illi, qui tam imensum agnorum Paschalium numerum fuisse docent, simul docent, non constituisse illum numerum, nisi ex calculo a sacerdotibus in atrio offerentibus inito.

VIII. MINISTRI hic erant 1 Plebei. 2 Levitæ 3 Sacerdotes. PLEBEJORUM erat non solum victimas Paschales ad Sacerdotes adducere, sed &, si volebant, mactare. Quod Philo Oratorum more exaggerat, quum scribit, Lib. De Decalogo. Paschatis festo singulos passim sacrificare, lege quotannis sacerdotium universa genti una die eximia concedente, ut sacrificia per se faciat. Deus ipse toti populo id concessisse videtur. Exod. 12. 6. Eum mactabunt וְכָל קָהָל יִשְׂרָאֵל קֹדֶשׁ יְהוָה, tota congregatio synagoga Israelis. Ne-

Neque temporis neque loci angustia obſticit, quominus in atrio Pascha mactari potuerit.

Vide Joseph. de Bello Jud. Lib. 7. 11. Cap. 7. 11.

Ministri, Plebejis licebat Pascha mactare uti & reliqua omnia sacrificia.



que id fuit peculiare Paschati, uti Philo rhetoricatur, sed in quovis alio sacrificio idem fuit plebejis hominibus concessum; ut ipsi victimas suas mactarent, etiam sanctissimas, sive sint privati hominis, sive totius congregationis; uti accuratius Philone observavit *Maimonides*, *De ingressu Sacerd. in Sanct. cap. ix. §. xiv.* Et res clara est ex sacris literis. Vide de holocausto, *Levit. i. 3. 4. 5.* De sacrificio pacifico, *Lev. iii. 2.* Et de sacrificio pro peccato, *Lev. iv. 24.*

Iis tamen  
substitu-  
bantur  
quando-  
que Levi-  
ta.

IX. Quando autem mactatio Paschatis privatis hominibus non ita libebat, vel propter defectum munditiei non licebat, substituebantur iis in hoc opere LEVITÆ, hujus rei propter assuetudinem peritiores, atque expeditiores. Exemplum habemus. 2 *Chr. xxx. 17.* *Quia plerique a congregatione non se sanctificaverant, idcirco Levitæ vacabant mactationi Paschatum pro omni immundo, ut eo Domino sanctificarent.* Geminus germanus huic locus est. *Ex. vi. 20.*

Sacerdo-  
rum erat,  
sanguinem  
ad altare  
spargere:  
& adipem  
adolere.

X. SACERDOTUM erat sanguinem, vel a plebejis, vel a Levitis acceptum, ad altare spargere, uti supra docuimus ex 2 *Chr. xxx. 16.* & *xxxv. 11.* Soli item adipem in altari adolebant, uti constanter Hebræi asserunt. Pro omnibus unus audiatur *Maimonides*, *De Pascha. cap. i. §. xiv.* Is, postquam longam sacerdotum seriem circa altare descripsit cum aureis & argenteis pelvibus, addit, quum quis Pascha mactaverat, sanguinem in pelvi fuisse exceptum a sacerdote vicino, qui eum alteri traderet, & sic deinceps, donec pervenerit sanguis ad sacerdotem altari vicinum, qui eum unica effusione ad altaris basin effunderet, & quam pelvim plenam acceperat, vacuum redderet. Post sanguinem effusum, ut alibi testatur, *§. vi.* Paschalem magnum pelle denudant, & ex ejus ventre diffisso extorunt adipem educunt, & eos adolent, in unoquoque sacrificio sensim. Quod facere fas est tota nocte, donec ascendat columna auroræ. Quæ iterum confirmant, Pascha verum sacrificium fuisse.

Convivæ  
Omnes  
Circumci-  
si, qui non  
erant im-  
mundi.

XI. Quantum ad CONVIVAS, ii erant *Primo* omnes genuini Israëlitarum, modo legali immunditie non impedirentur. Nam *Exod. xii. 6.* *47. omnis cæterus Israël jubetur celebrare Pascha.* Tum etiam Adscititi, qui circumcidebantur & *Judæi fiebant*, ut habetur *Esst. vii. 1. 17.* Sive fuerint vernæ, vel servi domi nati, sive empti, sive mercenarii, sive inquilini terræ Canaan, nulli servitio addicti, sive denique illi, quos profelytos justitiæ vocant; postquam circumcisionem suscepissent, jus comedendi Paschatis habebant. *Exod. xii. 48.* *Quod si peregrinabitur apud te peregrinus, qui facere voluerit Pascha Jehovæ; circumciditor ei omnia membra, tunc demum accedit ad faciendum ipsum; & esto sicut indigena terræ; at nullus præputiatus vescitor illo.*

**XII.** Quæritur, an, qua lege excluduntur præputiati, eadem excludantur etiam fœminæ; maxime quum in lege soli mares ad tria festa se conferre jubeantur. *Exod. XXI. 17. & XXXIV. 23. Dent. XVI. 16.* Videtur id esse negandum. I. Quia fœminæ præputiatis annumerari non possunt, neque pro incircumcisis haberi, quum ad eas circumcisio non pertineat, sed in circumcisis, vel parentibus, vel maritis suis, censentur. II. Quia universus coetus Israël, ut mox ostendimus, Pascha celebrare jubetur. Ad coetum autem istum fœminæ quoque pertinent *Dent. XXIX. 11.* III. Fœminas una cum viris solemnia hæc festa celebrasse, patet ex exemplo Elkanæ, qui quotannis ambas uxores cum filiis & filiabus secum ducebat Siluntem ad solemnia festa *1 Sam. 1. 3. 4.* Joseph item & sancta virgo Hierosolymam festo Paschatis annuatim se conferebant. *Luc. 11. 41.* Unde idem concludendum videtur de omnibus eorum temporum piis mulieribus. IV. A pari. Quia in aliis sacrificiis eucharisticis, *וישחט*, portionem suam fœminæ quoque habebant. Ita Elkana uxori suæ Peninnæ, ejus filiis & filiabus omnibus, dabat sacrificii partes; Annæ autem, quam amabat, portionem honorariam, duplam. *1 Sam. 1. 4. 5.* David quoque, oblatiis sacrificiis eucharisticis, horum partem impertiit omnibus Israëlitis, a viro ad mulierem. *2 Sam. vii. 18.* Et sacerdotum filiæ sacris cibis vesciebantur. *Num. XVII. 11, 19.* Quidni igitur credamus, etiam mulieres Paschatis participasse, quod eucharistici sacrificii fuit genus? V. Accedit *Maimonidis* testimonium, qui, non solum mulieres in Paschalibus conviviis admissas esse docet, sed & aliquando contubernium factum, quod ex solis mulieribus constaret. *De Pasc. Cap. 11. §. v.*

**XIII.** Non tamen prætermittenda hic est Magistrorum observatio, qui distinguunt inter præceptum de Paschate, & de non comedendis Azymis. Hoc omnes omnino teneri volunt, tam fœminas, quam masculos. Hæc lex, ne comedatur fermentatum, *Exod. XII. 3.* obtinet, inquit, *בכל מקום ובכל זמן בזכרים ונקבות, omni tempore & loco, masculos obligans & famellas.* Vide *Hottingeri Jus Heb. Sect. 14. §. XXII.* Præceptum autem de comparitione fœminarum Hierosolymis ad faciendum Pascha disertim non exstat. Hinc dictum in *Thalm. Hieros. Traß. Kidduschim. fol 61. col. 3.* *פסחן של נשים רשות, Pascha fœminarum arbitrarium est.* Quæ tamen religionis zelo ducebantur, sistere se Deo ad sacrificii hujus participationem solebant. *Lichtfoot ad Luc. 11. 43.*

**XIV.** Convivæ agni Paschalis per domos convenire jubentur *Exod. XI. 3.* Accipiant sibi quisque agnum pro domo patrum, agnum pro unaquaque domo. Si tamen minor esset domus, quam ut agno

Quarum  
tamen Pa-  
scha erat  
arbitrariū

Conviva-  
rum nume-  
rus.

absumendo par foret, advocandi vicini erant, donec justum numerum facerent. *ib.* v. 4. Caverunt Magistri, ne convivarum numerus infra decem sit, vel supra viginti excrescat. Quod *Jonathanis* Paraphrasis in *Exod.* xii. 4. & *Josephus*, de *Bello Jud.* Lib. xvii. Cap. vii monent. In his contuberniis, *Φατρίαις* *Josephus* vocat, Hebræi *חבירי*, simul accumbebant viri & mulieres, senes & pueri, sani & ægri, domini & servi, Judæorum denique quotquot poterant comedere carnis ossulam, ne infantibus quidem excludis.

Immundi excluduntur.

XV. Qui legaliter immundi erant, five ex contactu mortui, five ex lepra, five ex gonorrhœa, vel alio quovis casu, uti & mulieres menstruis laborantes, Paschate arcebantur. *Num.* ix. 6. Ita pollutis, donec purgationis tempus esset elapsum, non licebat vel agni Paschalis, vel ullius sacrificii eucharistici carnem morfu libare, sub pœna excisionis. *Levit.* xxii. 3. &c. Ideoque Judæi prætorium ingredi noluerunt, ne Pascha comefuri polluerentur. *Job.* xviii. 28. At sub Hezechia Rege legem hanc violaverunt multæ tribus Israël, quarum pars magna se non ut par est sanctificaverat. Tamen vere conversis ignovit Deus, pii Regis oratione paccatus. *2 Chr.* xxx. 17. &c.

In quorum gratiam secundum Pascha institutum est: quo etiam tenebatur is qui in via remota erat.

XVI. Ne tamen illi, qui Paschatis tempore immundi erant, tam eximio sacramento per integrum annum destituerentur, iis alterum Pascha Dei jussu in secundum mensem indictum est: quo etiam tenebatur is qui in via remota erat, ut stato Paschatis tempore Hierosolymam venire non posset. *Num.* ix. 10. 11. *Viam remotam* Magistri definiunt quindecim milliaribus extra Hierosolymitana moenia, adeo ut qui decima quarta die mensis tantum ab urbe abesset, secundum Pascha licite celebrare potuerit. Sed cur talis non pridie potius discessit, ut festo interesset, nec pateretur se a tempore intercipi? Nam si quem, qui in viam se dedit, remoretur jumentorum tarditas indomita, aut morbus pedum, aut similis casus, is non censetur esse in via longinqua, sed *עון*, *per vim detentus*. Melius itaque *Philo de Vita Moysis* Lib. iii. legis mentem assecutus esse videtur, quando hæc iis applicat, *qui longinqua peregrinationis ergo prohibiti sunt, ne cum reliqua gente sacrificarent. Neque enim, inquit, qui peregrinantur, & alibi terrarum degunt, illum peccatum admittunt, cur bonore cum ceteris communi priventur. Maxime quum una regio gentem tam populosam non capiat, sed colonias in multa loca mittat.* De secundo hoc immundorum Paschate pulcra habet *Seldenus, de Synedris* Lib. ii. Cap. i.

Ritus,

XVII. In præscriptis a Mose *RITIBUS* quinque sunt observanda. 1. Pecudis Paschalis designatio. 2. Illius præparatio. 3. Mactatio. 4. Assatio. 5. Manducatio.

XVIII.

**XVIII.** *Pecus* Paschalis debuit esse פֶּסַח, *parva pecus*, *agnus vel hœdus*. *Exod.* xii. 3. Nam utrique nomen illud commune est. *Dent.* xiv. 4. Comedetis פֶּסַח כֶּבֶשֶׂם וְעֵז, *parvam pecudem ovium*, & *parvam pecudem caprarum*. Ita etiam *Exod.* xii. 5. Signanter additur, *Ex ovibus & ex capris eam accipietis*. Qua tamen libertate pios sic esse usos credibile est; ut agnum frequentius obtulerint, tanquam victimam Deo gratiorem, quia major est in ovibus mansuetudo, docilitas, innocentia. Hinc quoque est, quod, quum Christus tot locis nobis proponatur sub agni typo, ne semel quidem hœdi nomine insigniri eum videas, Non male ergo Legislatoris mentem exposuisse *Theodoretus Quæst.* xxiv. In *Exod.* videtur, ἡ γὰρ ὁ πρόβατον ἔχων θύσῃ τὸτο, ὁ δὲ σπαιζὼν πρόβατον τὴν ἐμφορὴν. Ut qui ovem habet, eam immolet; & qui ovis caret, hœdum.

*Pecus Paschalis agnus vel hœdus.*  
*Frequentius, agnus.*

**XIX.** Non est existimandum, ad victimam Paschalem, stricte sic dictam, boves quoque pertinuisse, quia illi quoque sub nomine פֶּסַח in sacris literis veniunt: uti *Dent.* xvi. 2. *Maſtabis Paſcha Domino Deo tuo, boves, & oves.* & *2 Chr.* xxxv. 1. *Sacerdotibus dederunt פֶּסַחִים, ad Paſchata, bis mille & ſexcentos* (supple agnos & hœdos; quod ex prioribus repetendum) & *boves trecentos*. Iterumque *ſſ.* 9. *Largiti ſunt Levitis ad Paſchata, quinquies mille* (agnos vel hœdos) & *quingentos boves*. Paschatis nomen, quando sub eo boves comprehenduntur, latius sumitur, & notat tum pacifica illa sacrificia, quæ Paschalibus feriis maſtabantur, ut ex iis læta epula coram facie Jehovæ instituerentur. Sic in ſolemni Paſchate ſub Hezechia Rege, *comederunt ſeptem diebus ſolemnitatis, immolantes victimas paſificorum*, *2 Chr.* xxx. 22. Huc quoque referendum videtur, quod Johannes narrat, *Cap.* xvi. 11. 28. noluiſſe Judæos prætorium ingredi, ne polluerentur, *ſed ut Paſcha manducarent*: non utique agnum Paſchalem, quem eodem cum Chriſto tempore pridie manducaverant, ſed ſacrificia per ſeptem feſti dies offerri ſolita, quæ inde quoque Paſchata dicta ſunt. Manet ergo, propriam Paſchati victimam ſolo agno vel hœdo conſtituiſſe.

*Non boves.*

**XX.** In agno vel hœdo maſtando, Legislator tria requirit, ut ſit *integer, maſculus, & anniculus*. *Exod.* xii. 5. *Integer* cum ſignificat, qui omnis vitii & labis expers eſt. *Lev.* xxi. 19. 20. 21. Quæ autem ſint in victima vitia, pluribus exponitur. *ſſ.* 22. *Maſculum* Deus voluit, quia præſtantiora ei immolanda ſunt: mas autem præſtat ſœminæ. *Mal.* i. 14. Denique פֶּסַח בֶּן, *ſilium anni*, ſive anniculum cum eſſe oportuit. Qua locutione agnum non intelligunt, qui primum annum attigerit, ſed qui nondum ſuperaverit. Nam quævis pecudes jam ab octavo die ſacrificio puræ erant. *Exod.* xxii. 30. *Lev.* xxi. 27. Ab octavo igitur

*Paschalis victima requiſita.*

igitur die, si generalem hanc legem spectes, offerri potuit agnos, usque ad primum annum impletum. Quo exacto a sacrificio eum Magistri arcant. Simplicius tamen mihi videtur, per anniculum agnum eum intelligere, qui jam circum circa annum attingit, quo tempore justam magnitudinem, & gratissimam sapiditatem habet. Neque priscos fideles in exigendis temporum minutiis tam fuisse accuratos putaverim, ut prima statim hora anni secundi ineuntis existimaverint agnos hoc ipso profanos fieri: vel pecorum natalia ephemeridibus suis inscripsisse, ne vel momento aberrarent.

Erat ea  
quadriduo  
ante ma-  
ctationem  
seponenda.

XXI. PRÆPARATIO pecudis Paschalis in illius separatione consistebat, quæ fiebat die decimo, usque ad decimum quartum, quo mactandus erat. *Exod. xii. 3.* Cujus mandati has causas Judæi afferunt. I. Ne in ipso discessu, si eo usque curam distulissent, negotiorum turba obruti, id oblivioni traderent. II. Ut accuratius observarent, an forte aliquis defectus in agno esset. III. Ut ex agni aspectu occasionem haberent inter se colloquendi de sua ex Ægypto redemptione. IV. Ut se mature accingerent ad futurum festum celebrandum.

Mactatio-  
nis modus.

XXII. Agni sepositionem sequitur MACTATIO. *Exod. xii. 6. Et mactabunt eum omnis congregatio filiorum Israël.* Sanguis excipiendus erat pelvi; eique intingendus fasciculus hyssopi, quo aspergantur superliminare, & duo postes ædium. *v. 22.* Superliminare, inquam, non limen, ne sanguinem sacrum, quique tam sacrificii, quam sacramenti loco fuit, transeuntes pedibus conculcarent. Quid ni enim in illis vera religio præstiterit, quod in Azotiis superstitio, qui a calcando templi sui limine diu abstinerunt, postquam in eo Dagon cernuus cecidisset? *1 Sam. v. 5.* Rationem adspersionis ipse Deus pandit *Exod. xxii. 13.* *Erit sanguis ille pro vobis in signum, super illas domos ubi eritis, ut videns sanguinem illum transeam præter vos: sic non erit in vobis plaga exitialis, quum cadam primogenita in terra Ægypti.* Non quod in agni sanguine ulla naturalis vis esset, aut Deus signo ad suos dignoscendos indigeret: *2 Tim. ii. 19.* Sed signum hoc Hebræis datum est, ut eo confirmati de liberatione certi essent. *Heb. xi. 28.* *Per fidem Moses fecit Pascha, & affusionem sanguinis, ne qui perimebat primogenitos ipsos tangeret.*

Affatio.

XXIII. De ASSATIONE præcepit Deus *Exod. xii. 9.* *Non comedetis ex eo crudum quicquam, aut coctum aqua, sed assum igne.* Primo vetat Deus crudum comedi. Quod non de plane crudo duntaxat intelligendum est: id enim per se norant Israëlitiæ, qui non tam voraces erant, ut incoctis plane carnibus vesci solerent: sed de eo, quod non est coctum vel tollum כל צרכו, quantum satis est, uti bene id explicant Magistri. Quippe in tanta festinatione, quanta primum Pascha urgebatur, tantaque ag-  
norum

norum Paschalium multitudine, fieri cæteroquin facile potuisset, ut nonnulli semicosti vel ustulati solummodo fuissent, nisi expresso id edicto cavisset Legislator. Quod non caret mysterio, uti mox videbimus. Sed agnum perfecte coquere non sufficiebat, nisi & coqueretur eo modo, quem Deus præscripserat: nimirum *assando*, non *elixando*. Contra quam reliqua sacrificia pacifica, quorum carnes tam a populo, quam a sacerdotibus, comedendas, elixare moris erat, etiam ipso Paschali festo. Proinde 1 *Chr.* xxxv. 13. hæc accurate distinguuntur. *Et Pascha igne coxerunt juxta morem, reliqua vero sacrificia coxerunt in lebetibus & cacabis & ollis.* Ubi nota, utrobiq; adhiberi vocē *בש*, ut eam scias tã ad assationē, quã ad elixationē referri, pro ratione subjecti.

XXIV. Assationem excipit MANDUCATIO. Ubi primo notandus est manducantium habitus: ut lumbis essent succinctis, calceatis pedibus, & cum baculo in manu. *Exod.* xii. 11. Qui viatorum est habitus, & eorum, qui operosum aliquid moliantur. Orientalium enim vestes, quum longæ ac fluxæ fuerint, & plerumque discinctæ, eas oportuit *succingi*, quum vel ad iter se parabant, vel ad opus laboriosum, ne impedimento essent. 2 *Reg.* iv. 29. Neque raro *accinctus* sumitur pro homine *industrio*, qui Græcis *ἐνζωντός ἀνὴρ*, & Hebræis *יָחִיד* dicitur. *Baculum*-quoque ad iter pertinere nemo nescit, quum eo viatores fulciantur in locis lubricis, & ab aggressoribus ac feris se tueantur. vide *Gen.* xxxii. 10. *Marc.* vi. 8. Neque aliud fuit virga Moysis tam decantata, quam iter facientis baculus. *Exod.* iv. 2.

Manducantes in Ægypto erant. Accincti.

Baculo instructi.

XXV. Eodem videtur facere, quod *calceati* Pascha comedere jubebantur. Credibile enim est, Israëlitas in Ægypto ut plurimum calceis caruisse, saltem eorum usum in dura ista servitute quotidianum iis non fuisse. Nam florentibus Judæorum rebus *ἀνυποδησίας* exempla in ipsa Judæa exstant. Ea discalceatio quum Israëlitis in Ægypto minus fuisset periculosa, iisdem, longum, asperum, ac fenticolum iter aggressuris, voluit Deus de calceis prospici. Alias *γυμνοποδία* signum submissionis ac devotionis erat. *Exod.* iii. 5. Hinc illud Pythagoricæ scholæ effatum, *Nudis pedibus rem sacram facito, & adorato.* Et Berenice, Regis Agrippæ soror, Florum, immanem in modum adversus Judæos sævientem, *γυμνώσας πρὸς τὴ βήματι* *ἐκέντευσε*, *nudipes coram tribunali deprecata est.* *Joseph. de Bel. Jud. Lib. ii. Cap. xv.* Non pertinuit ergo ad religionem hæc calceorum indutio, sed symbolum fuit instantis itineris.

Et calceati.

XXVI. Non pigebit, ob materiæ affinitatem, subungere, quæ *Zaba Zago*, apud *Damianum a Goes*, de moribus Æthiopum refert. Negat, potestatem iis esse adeundi templum nisi nudis pedibus. Quia, inquit, Ecclesiæ Æthiopice non sunt similes terræ illi,

Æthiopes cur templum ingressuri calceos exuant, ubi

ubi populus Israël commedit agnum Paschalem, decedens ab ~~Egypto~~, in quo loco Deus iussit eos comedere indutos claceamentis, & ~~zoni~~ accinctos, propter terræ pollutionem; sed similes sunt monti Sinai, ubi loquutus est Dominus Mosi, dicens, *Moses, Moses exue calceamenta tua, quoniam terra, quam pedes tui premunt, sancta est.* Et hic mons Sinai parens nostrarum Ecclesiarum est, ex quo suam acceperunt originem, ita ut Apostoli ex Prophetis, & Novum Testamentum a Vetere. Hactenus ille. Quæ quidem otiosa mihi atque oppido frigida observatio videtur, qualibus Orientales illi nimium dediti sunt.

Pascha  
comeden-  
dum cum  
Azymis  
& herbis  
amaris.

XXVII. E diverticulo in viam. Præterea voluit Deus *Exod. XII.* 8. ut Pascha ederetur cum *Azymis*, & *herbis amaris*. Apud Romanos quoque Flaminii Diali fermenti usu interdictum fuisse, *Plutarchus* memorat: *In Quæst. Roman.* quia sicuti fermentum ipsum ex corruptione natum est, ita & massæ admixtum eam corrumpit. Neque solum agnus Paschalis cum Azymis edendus erat, sed integrum septiduum Israëlitas fermento abstinere Deus iussit. *Exod. XII. 15.* E septem illis diebus quum quinque intermedii fuerint *ἱεράριον*, primum & ultimum pro festis haberi voluit Deus; quia ut primo ex tam dura servitute in libertatem asserti fuerant, ita septimo Pharaonem cum omnibus copiis suis mare Erythræum absorpserat. Cujus rei memoriæ in populo suo perennandæ hoc institutum Dei inserviit. Quænam autem specificæ amaræ istæ herbæ fuerint, non admodum nobis lubet inquirere: neque multum refert. Qui Magistrorum placita super hoc negotio scire avet, ipse magnum Auctorem nostrum adeat. Nos ad alia properamus.

Os in eo  
frangere  
nefas erat.

XXVIII. Interdixit etiam Deus, ne os in agno Paschali ullum frangeretur. *Exod. XII. 46. Num. IX. 12.* Videri poterat hæc lex eo quoque pertinuisse, quod raptim edere iussi fuerant. Neque enim qui properant, in emedullandis ossibus tempus terunt. Sed & in ea lege latebat mysterium, de quo mox.

Nihil re-  
linquen-  
dum erat  
in crasti-  
num.

XXIX. Addita fuit & alia lex, ne quid relinquerent ex agni carne usque ad matutinum tempus, sed quod reliquum esset comburerent. *Exod. XII. 10.* Cujusmodi fuere leges in omnibus sacris conviviis. Vide *Exod. XVI. 19. Lev. VII. 15. & XXII. 30.* excepta solum votivi & voluntarii sacrificii carne. *Lev. VII. 16. 17.* Ratio harum legum est, ne sacri cibi corrumperentur, & in profanos usus cederent. In agno imprimis cavendum fuit, ne aut illius reliquæ discessuros Israëlitas morarentur, vel onerarent; aut *Ægyptiis* essent ludibrio, vel canibus prædæ. Fortasse etiam ne cederent in obiectum idololatriæ, uti serpens æneus.

Nec nocte

XXX. Iussit præterea Deus, ne quisquam foribus domus suæ exiret, usque

usque mane. *Exod. xii. 22.* ne in percussorem Angelum incideret: qui quidem potuisset etiam extra ædes Israëlitas dignoscere; sed docendi erant, salutem suam in eo esse sitam, ut se continerent velut sub custodia sanguinis agni, quo ædium suarum postes aspersi erant. Quod salutis suæ sacramentum si rejecissent, hoc ipso, gratia quoque, eo signo significata, indignos sese redidissent.

ista exen-  
dum do-  
mo.

XXXI. Denique constitutum est, ut in una domo edatur, nec de carne ejus quicquam efferatur foras. *Exod. xii. 46.* Quæ lex jungenda videtur cum *7. 4.* in quo familiæ minores, quam ut totum agnum comedere possint, jubentur cum vicina societatem inire. Hic autem ne quis putet agnum posse dimidiari, ita ut ad absentem familiam alteram partem deferre fas sit, lex monet, ut, duabus familiis in unam coeuntibus, agnus in domo una edatur, nec ex ejus carne quicquam efferatur. Quia non potuit dividi victima tam salutaris: nec nisi integer agnus in unaquaque domo potuit domesticos imminenti cladi eripere.

[ In una  
etiam do-  
mo totum  
erat abse-  
mendum,

XXXII. Notandum autem est, horum rituum alios fuisse perpetuos, ut agni immolationem, assationem, manducationem cum azymis & herbis amaris, absque ulla ossium fractione, &c. alios, semel tantum, neque alibi quam in Ægypto usurpatos. Huc referenda videtur, I. Lex de agni quatrduana ante tempus maçtationis depositione. Id enim in Ægypto fieri voluit, ne forte inter infensos populos agni Israëlitis deessent, si non nisi extremo tempore iis conquirendis incumbere. At in Judæa non fuit cur id timeretur. Nec iis qui e longinquo in urbem veniebant facile fuisset eo præcise tempore sibi de agno prospicere. Plerique non veniebant nisi festi *παρηνῆ*, vel ad summum *προπαρηνῆ*, & tum demum agnos sibi comparabant ab iis, qui eos in templo genum exponere consueverant. *Joh. ii. 13. 14.* Patet etiam ex historia Paschatis Christi *συνάγωγῃ*, discipulos primo demum *Azymorum* die Magistrum rogasse, *ubi vis? ut profecti paremus, ut edas Pascha?* *Mar. xiv. 12.* Non ergo quatrduo ante jam agnum sibi seposuerant. II. Lex de superliminari & postibus sanguine agni aspergendis. Quia Deus, hoc jubens, eam addit mandati sui rationem, quæ solam Ægyptum respicit. *Exod. xii. 12. 13.* Et ex *2 Chr. xxx. 15. 16.* & *Cap. xxxv. 5. 6. 10. 11.* docemur, in Judæa Paschales agnos in atrio templi fuisse cælos, ibique effusum eorum sanguinem. Neque apparet, in privatas domos fuisse illatam ullam hujus sanguinis partem, qua postes ædium aspergerentur. III. Lex de Paschate non edendo nisi accinctis & calceatis, cum baculo in manu, & raptim. Quia hæc respiciebant longum illud atque operosum iter, quod post paucas horas suscepturi erant eo autem emenso, quietos & discinctos, nec stantes, sed sedentes, nec raptim, sed pacate, comedisse, ex Exemplo Christi; in

Horum  
rituum alii  
perpetui  
fuerunt, alii  
non nisi in  
Ægypto  
usurpati.



strato coenaculo cum discipulis suis discumbentis, liquidum est. IV. Lex de non egrediendo ex ædibus, ne inciderent in Angelum percussorem. Quod itidem ex exemplo Christi & Apostolorum patet, qui ea ipsa nocte, qua celebraverant Pascha, in montem oliveti se contulerunt *Mat. xxvi. 30.*

Paschate  
duo bene-  
ficia ad-  
umbrata  
sunt.

XXXIII. Superest nunc, ut MYSTERIUM Paschatis explicemus, breviterque doceamus, quo tantus ceremoniarum apparatus collimaverit. Et in genere certum est, duo beneficia eo adumbrata fuisse; quorum alterum temporarium fuit & genti Israëliticæ peculiare; alterum æternum, omnibusque vere in Christum credentibus commune est. De priore obiter nonnulla monebimus: in altero accuratiores erimus.

Quorum  
alterum  
peculiare  
fuit Israël-  
itis.

XXXIV. Et I. Quidem ipsum Paschatis nomen, quo præteritio- nem significari diximus, monebat Israëlitas, Angelum domos suas inta- ctas præterisse, qua nocte in Ægyptios ita grassatus est, ut eorum nulla domus a cæde esset immunis. *Exod. xii. 30.* II. Herbarum amararum cum agno comedendarum, *vitam amaram* significabant, quam in Ægypto egerant, in *servitute dura, in luto & lapidibus. Exod. i. 14.* Ita ut exclamare merito po- tuerint, quemadmodum deinceps in captivitate Babylonica. *Thi. i. 11. 15. se amaritudine fuisse satiati, & absinthio inebriati.* Id testabantur in Paschate, dicentes sibi invicem, uti refert *Maimonides de Pasce. Cap. 11. §. iv. Amarum istud comedimus, quia amaritudine affecerunt Ægyptii vitam Patrum nostrorum in Ægypto, prout scriptum est, Exod. i. 14.* III. Panis quoque azymus, qui palato parum gratus est, eodem fine comedeba- tur. Proinde Pater familias, ejus fragmenta domesticis distribuens, in hæc verba eos alloquebatur: *Hic est panis miseria, quem comederunt Pa- tres nostri in terra Ægypti.* Sic nempe vocatur ab ipso Mose *Dent. xvi. 3.* Azyma itaque non apponebant nisi frustulatim divisa, quia pauperi- bus frustra panis dantur, non panes integri. IV. Plerique alii ritus fig- nificabant Israëlitis, ut ad libertatem a Deo vocati, quam citissime pos- sent, ab isthac se servitute eriperent. Ideo enim stantes, & accincti, & cal- ceati, & baculis innixi, & raptim comedere jussi sunt, tanquam illo ip- so momento discessuri: nec elixo cibo, sed albo vesci, quia hic probabili- or est: & azymis panibus, ne discedendi occasio e manibus elaberetur, si tantillas moras necerent, dum fermentaretur massa. V. Tamen, quia multa signa per verbum explicare necesse est, liberis rogantibus, quid hic cultus significaret, respondere jubentur, *Hoc est sacrificium Pasche Domini, qui transiens præter domos Israëlitarum in Ægypto, tuum, quum per- cussit Ægyptios, domos nostras liberavit. Exod. xii. 27.*

Alterum

XXXV. Verum & profundius mysterium his suberat, de quo  
nunc

nunc nobis dicendum. Quod ut fiat anquisitius, ostendemus, hoc sacramento quatuor nobis depingi. I. Ipsam Christi personam. II. Passiones, quas pro nobis sustinuit. III. Passionum fructus. IV. Quomodo illorum fiamus participes.

omnibus  
fidelibus  
commune.

XXXVI. PERSONAM Christi sub AGNI typo frequenter proponunt Sacre Literæ *Job. i. 29. 36.* Propter mansuetudinem & humilitatem. *Mat. xi. 29.* Morum simplicitatem. *i. Pet. i. 19.* Patientiam egregiam. *Jes. lxi. 7.* Quæ tanto erat in eo mirabilior, quod, quum virum expers ad se vindicandum non esset, ipse se voluntarie submiserit, ex Leone tribus Judæ mira metamorphosi agnus factus. Sicque ænigma Samsonis in Christo impletum est. *Ex edente exivit cibus, & ex acri dulcedo. Jud. xiv. 14.* Idem ille agnus carne sua nos alit: sanguine potat, lana denique sua induit. *Rom. xiii. 14. Gal. iii. 27.* Sed & specialia fuerunt in Paschali agno.

Agnus  
personam  
Christi  
repræsen-  
tat.

XXXVII. Nam, I. Ut agnus e grege sumtus est, ita Christus etiam e fratribus suis. *Deut. xviii. 15. Particeps carnis & sanguinis, iisque per omnia sumitis. Heb. ii. 14. 17.* II. Agnum integrum esse oportuit; Christus itidem est agnus immaculatus, & incontaminatus. *i. Pet. i. 19. qui per Spiritum æternam se ipsam Deo ἀμωμον & immaculatam obtulit. Heb. ix. 14.* III. Idem agnus masculus debuit esse. Quod vigoris ac roboris & præstantiæ erat symbolum. Ita & Christus est ille זכר, Vir *Jer. xxxi. 32. אִישׁוֹ, masculus, Ap. xii. 5.* IV. Debuit esse annicu-  
lus, id est, brevis ætatis, gratissimi saporis, maximi vigoris; ad denotandum, A. Christum non diu futurum esse inter homines, sed in ipso juventutis flore excindendum. B. Esse eum animæ cibum suavissimum, præ omnibus hujus mundi cupediis. *Cant. v. 16.* C. Sacrificium ipsius continui maximique vigoris esse. V. Nec frustra est, quod agnus per quatrimum a caula segregatus fuerit. Id etiam in Christo obtinuit, si modo Prophetarum dies pro annis putentur. Vide *Ezech. iv. 6.* Quum enim a materna domo, tanquam ex caula, in qua natus & educatus erat, anno ætatis trigesimo discessisset, quarto post anno crucem subiit. Sed & id notatu dignum est, Christum illa ipsa die Hierosolymam ad festum & Pascha suum *σάββατον* venisse, qua Deus agnum in Ægypto seponi jusserat: nempe decima mensis Nisan. Etenim sex ante Pascha diebus venit in Bethaniam. *Job. xli. 1.* Id est, die nono mensis Nisan. Postero die profectus est Hierosolymam *vl. i. 1.* ut offerendum se sisteret Deo.

Et spe-  
cialim Pa-  
schalis ag-  
nus; infig-  
ni analo-  
gia.

XXXVIII. Nunc de PASSIONIBUS Christi videamus, quarum Modus, Locus, Tempus, Paschate significata fuerunt.

XXXIX. *Modum* quod attinet, I. Mactari debuit agnus, & quidem a tota multitudine congregationis Israël. Ad Christi mactationem

Figuram  
etiam ha-  
bet passio-  
nem Chri-  
sti.

Quoad  
Modum.

conspiraverunt Sacerdotes, Scribæ, Pharisei, & universus populus, qui non ludificationibus, non alapis, non flagris Christi satiati, quiescere renuerunt, donec neci dederetur. *Luc. XXIII. 18. Exclamaverunt autem πικταλῆβι, simul universa turba, dicentes, tolle hunc.* II. Genus quoque mortis convenit. Nam ut agni, ita & Christi sanguis effusus est. Uterque pro populo. Neque agni sanguis humi fusus est, sed tanquam quid pretiosi pelvi exceptus: quia significabat *pretiosum illum sanguinem agni immaculati.* 1 *Pet. 1. 19.* Ille enim sanguis perpetuus est Ecclesiæ thesaurus, quem Patri hodieque offert, & in æternum oblaturus, sive representaturus, est Christus. III. Non licuit agnum comedere crudum, id est, non satis coctum. Christus etiam serio, non perfunctorie pati debuit. Fas non fuit, calicem ejus transire, nisi funditus epotum. IV. Agni ad ignem affatio iræ Divinæ ardorem exprimit in peccatores merito accensæ, quo eum torreri oportuit, qui peccatorum se vadem præstiterat. Hinc querelæ illæ. *Pf. XXII. 15. 16. Cor meum coram instar est, liquefcit in visceribus meis. Aruit ut testa virtus mea, & lingua mea adhesit faucibus meis.* Vide, quæ de speciali hujus affationis modo notavimus *Lib. 11. Cap. x. §. XXVI.*

**Locus.**

**XL.** *Locus* mactati Paschatis & Christi prorsus idem est. Nam inde a Davidis ævo Paschales agni mactari debuerunt Hierosolymis, quem sibi locū Deus delegerat, ut ibi habitare faceret nomen suū. Ibi autē Christus passus est, prout ipse prædixerat, *non contingere ut Propheta moriatur extra Jerusalem.* *Luc. XXI. 33.* Adde *Luc. XVII. 31. Ecce ascendimus Hierosolymam, & perficientur omnia, quæ scripta sunt per Prophetas, de filio hominis.*

**Tempus.**

**XLI.** *Temporis* etiam manifesta analogia est. Nam mactabatur Pascha medio mense Nisan, in plenilunio, inter duas vespervas, id est, Josepho interprete, ab hora nona usque ad undecimam. Quo ipso mense, die, hora, Christus e medio sublatus est. Quod non de nihilo annotavit Matthæus. *Cap. XXVII. 46. 50.* Sunt, qui observant, mense Nisan præterito æquinoctio, dies noctibus fieri longiores; ut significetur novam lucem mundo tum affulxisse, pulsus per Christum erroris & ignorantie tenebris. Nec desunt qui per plenilunium volunt plenitudinem temporum, & per duas vespervas, mundi vesperam, & novissima tempora adumbrari, quibus Christus se ipsum in sacrificium obtulit, juxta illud Apostoli: *Heb. 10. 26. Semel in consummatione seculorum patefactus est, ad peccatum per sui ipsius immolationem abolendum.* Quæ si non solida, saltem subtilia sunt.

**Fructus  
hujus Sac.**

**XLII.** Sequitur nunc, ut hujus sacrificii consecraria & **FRUCTUS** videamus: qui sane sunt præstantissimi atque uberrimi. *Primo* enim  
hujus

hujus agni sanguine aspersi sunt Israelitarum postes & superliminaria, <sup>crifici.</sup> ut communem cladem evaderent, ab Angelo percussore tuti: ut sciamus, justitiam Dei iis omnibus parcere, quorum conscientia Christi sanguine aspersa sunt. *Jes. LII. 15. Ille asperget gentes multas.* Hæc est illa *aspersio sanguinis* Christi, hic ille *sanguis aspersio*nis, de quo Petrus & Paulus scripserunt. *1 Pet. 1. 2. Heb. XII. 24.* Non est igitur quod timeamus amplius ultoris Angeli gladium. Sive enim tenebrarum is fuerit Angelus, *Deus nos eripuit e potestate tenebrarum per sanguinem Filii sui. Col. 1. 13. 14.* Sive fuerit coelestis Angelus, *Pace per sanguinem ejus facta reconciliavit omnia sibi, tam quæ in terra, quam quæ in caelis sunt. ibi v. 20.*

**XLIII. Secundo.** Qua nocte cæsus est agnus, data est Israëlitis plena potestas ab Ægyptiaca servitute in libertatem se asserendi: ut sciremus, Christum sanguine suo nos ex Diaboli, mundi, & peccati servitute redemisse, ut vocaret in libertatem gloriæ filiorum Dei. *Heb. II. 14. 15. 1. Libera-  
tas.*

**XLIV. Tercio.** Hac eadem nocte in Ægyptiorum Deos judicia exercuit Deus Israëlitis *Exod. XII. 12. Num. XXXIII. 4.* Judicia nempe quatuor, si Jonathani fides, cujus in Paraphrasi hæc sunt verba: *Idola fictilia liquefacta sunt; idola lapidea succisa sunt; idola fictilia in frusta contrita sunt; idola denique lignea in cinerem sans redacta.* Quæ ut ut vera esse præstare non valeamus, Scriptura tacente; certum tamen est, minas Dei effectu suo non caruisse. Et quicquid illæ significant, illustre earum implementum in morte Christi conspiciamus; per quam factum est, ut rupto parietis intergerini septo, quo a Judæis dividebantur, plurimæ gentes, ad veri Dei cognitionem vocatæ, talpis & vespertilionibus idola sua abjecerint. *Jes. II. 20.*

**XLV. Quarto.** Quum mensis Abib, ante Paschæ institutionem, in numero mensium anni Judaici septimus fuerit; Deus, instituto Paschate, jussit ut deinceps pro primo haberetur, & ex eo Judæi sacrum annum ordirentur. Mensi huic initium cum vere fuit; quo, quum Deus emittit spiritum suum, omnia recreantur, & renovatur facies terræ. *Pf. CIV. 30.* Et hoc quoque ad Christum referri potest, qui novum induxit seculum, & vetera abolevit, ut ea mutaret in melius. *Ecce, inquit, nova facio omnia. Ap. XXI. 5.* Sic ut merito tempora nunc putemus, non a prima mundi creatione, quæ in Tifri, primum anni civilis mensem, incidisse videtur, sed ab exortu lætioris fideris in illustri ἐπιφάνεια Servatoris nostri. Nam nova ista Divinæ bonitatis miracula faciunt, ut præterita præ iis non commemorantur, neque veniant in mentem. *Jes. LXV. 17.*

**XLVI. Docendum nunc porro, QUA RATIONE** Israelitæ eorum  
Ecce 3 bono-

Modus

confe-  
quendi ista  
beneficia.

bonorum facti sint participes, quæ per agnum consequerentur. Duo autem hic requirebantur. I. Ut agni sanguine superliminare & postes ædium suarum aspergerent. II. Ut ejusdem carnem ederent. Nam si quis Israëlitarum alterutrum neglexisset, eo ipso respuisset gratiam, quæ his mandatis erat annexa.

Quid si-  
gnificet  
aspergio  
postium,

XLVII. Per postes ædium corda nostra significantur: quia hæc aspergit Deus sanguine Filii sui. *Heb. x. 22. Aspersis cordibus a conscientia mala.* Et corda hominum Deo æque patent, quam nobis postes ædium. *1 Sam. xvi. 7.* Cordiumque nostrorum fores aperiendæ sunt, ut per eas Rex gloriæ ad nos intret. *Pf. xxiv. 7. Ap. iiii. 20.* Cordibus autem sanguinem Christi aspergimus, quum firma fide amplectimur doctrinam crucis, & merita passionum ejus nobis applicamus. Cavendum interim, ne, quod superliminari & postibus jubemur inspergere, inspergamus limini, tanquam proculcandum pedibus: ne nos feriant Apostoli fulmina in eos, qui *Filium Dei proculcant, & sanguinem fuderunt, per quem sanctificatus est, profanum ducunt.* *Heb. x. 29.*

& superli-  
minaris.

Manduca-  
tio fide  
peragitur.

XLVIII. Eadem fide etiam carnes agni comeduntur. Quid paradescentes & ventrem? Crede, & manducasti. Manducatio ista omnino ad salutem necessaria est. *Joh. vi. 53. Amen, Amen dico vobis, nisi ederitis carnem Filii hominis, non habebitis vitam in vobis.*

Et conco-  
ctionem  
assidue  
meditatio-  
nis exigit.

XLIX. Cruda autem agni caro edi non debuit, nec semicotta. Cujus criminis rei sunt, qui hæc mysteria non concoquunt assidua meditatione. Meditatio enim animo est, quod stomacho concoctio & digestio. Hinc, apud *Petronium*, cruda adhuc studia in vulgus propellere, est ea proferre quæ nondum attenta meditatione concocta ac digesta sunt.

Torus  
Christus  
recipien-  
dus est fi-  
de.

L. Debuit item agnus totus comedi, ut nihil esset residuum. Non sufficit etiam Christum ex parte recipere: ut si quis ejus gloria potiri velit, nec passionum ejus esse particeps: aut illum habere pro Redemptore, non pro Legislatore, ac Domino: aut si quis, Christi meritis non satis fidens, in propriis operibus, aut aliorum intercessione, ac mediatione, salutis fiduciam ex parte ponat.

Cur nihil  
reservan-  
dum esset  
in crasti-  
num?

LI. Residuum, quod ob convivarum paucitatem consumi non poterat, nefas erat reservare in crastinum. Comburendum id erat igne. Potest id pertinere partim ad typum, partim ad rem significatam. Typus reservari non debuit ad alterum tempus. Ex quo dies Evangelicæ lucis advenit, cessare & abolere debuit id quod ad umbras pertinebat. Quod rem significatam attinet, qui Christum vera fide comedit, crastino non reperietur vacuus, nec famelicus; neque novo Christo, vel nova illum oblatione opus habet. Nam sicuti *unica oblatione in perpetuum consummavit*

eos qui sanctificantur. *Heb. x. 14.* ita qui venit ad ipsum, nequaquam esuriat, & qui credit in ipsum, non sitiet unquam. *Job. vi. 35.* Unde nihil necesse est, quicquam reliqui tibi servare, quo defectum Christi, semel fide apprehensi, sarcias.

LII. Interim carnes agni sic edendæ erant, ne ossa confringerentur. Agni ossa confringere, est ea rimari & scrutari, quæ captum nostrum superant. Quasi fidem obviis pasci non sufficiat, nisi conemur ea indagare, quorum cognitio vetita est, & investigatio periculosa. Qualia vel le scrutari, est in ossibus genuinum frangere. Hic igitur succurrat illud Moïsi, *Deut. xxix. 29.* *Quæ occulta sunt, penes Dominum Deum nostrum sunt; at quæ revelata, nobis sint, & filiis nostris in seculum.* Et eximium illud Hieronymi, *Prov. xxv. 27.* quamvis cum Hebræo minus congruum, *Qui scrutator est Majestatis, opprimetur a gloria.*

Cur non frangenda ossa?

LIII. Herbæ amaræ, cum quibus agnum oportuit comedi, significant, necessariam esse communionem passionum ipsius, *Phil. iiii. 10.* si desideremus communionem gloriæ ipsius. Spinea corona nobis cum Christo ferenda est, ut succedat corona gloriæ. *Si sustinemus, etiam cum illo regnabimus. 2 Tim. iiii. 2.* Neque modo ad externas corporis afflictiones hæc referenda sunt; sed & ad internos animi æstuantis, & ob peccata sua dolentis, & iram Dei pie reformidantis, dolores; sine quibus suavissimæ Domini Jesu consolatione, neque gustari, neque sentiri solent, quas non adhibet nisi lugentibus Zionis. *Jes. lxi. 3.*

Manducando herbæ amaræ notat communionem passionum Christi.

LIV. Neque frustra est, quod iis, qui ad agni manducationem vocantur, fermentum toties, & tam diserte prohibetur. In scriptura enim fermentum corruptionis est symbolum, & speciatim hypocritæ. *Luc. xii. 1.* Paulus oppido ad hanc materiam apposite scripsit, *1 Cor. v. 7. 8.* *Pascha nostrum pro nobis sacrificatum est, nempe Christus. Itaque festum agitemus, non fermento veteri, nec fermento malitia & nequitia, sed infermentatis panibus sinceritatis & veritatis.* Posset & fermentum ad superbiam referri, quia massa fermentata statim intumescit: vel ad odia & similitudines, quibus acescunt animi. Ab his certe vitiis expurgari debet, quisquis cum Christo communicat. Quum hypocritas non ferat is, in cujus ore non est repertus dolus; *1 Pet. ii. 22.* nec superbos, qui se demisit usque ad mortem crucis; *Phil. ii. 8.* nec contentiosos, qui pax nostra est, *Eph. ii. 14.* & ideo se ipsum obtulit, ut nos & Deo & nobis invicem reconciliaret.

Et remotio fermenti ad mores pertinet.

LV. Sed & a Paschali agno excludebantur polluti, peregrini, incircumcisi: quia nullam est consortium justitiæ cum iniquitate, nec communio lucis cum tenebris, nec concordia Christi cum Belial. *2 Cor. vi. 14, 15.* Ita tamen, ut, qui suæ sibi immunditiæ conscius ad Dei in Christo gratiam humiliter confugit, animum propterea despondere non debeat.

Impuri exsortes sunt Christi.

debeat. Etenim *Jehova optime expiationem facit pro eo*, qui animam suam comparavit ad querendum Deum *Jehovam*, Deum majorem suum; quamvis non sit prout mundities sacra postulat. 2 Chr. xxx. 18. 19.

Et in habitu manducantium mysterium est.

LVI. Rursus, Israëlita in Ægypto jussi sunt agnum comedere acincti, calceati, baculis nitentes. Ad quos ritus frequenter in Scripturis alludi videas. Lumbis succinctos esse jubet Christus, *Luc. xii. 35.* Paulus, *Eph. vi. 14.* Petrus, 1 *Epist. i. 3.* Nempe animus fidelium debet esse cinctus veritate & sobrietate, ut expeditus sit ad iter coeleste, ad opus Domini, ad luctam cum spiritualibus nequitis *ἐν τοῖς ἐσωτεραίοις*, cui rei impedimento sunt fluxæ ac laciniosæ vestes. De pedibus calceatis *ἐτοιμασία* sive promptitudine Evangelii patris, loquitur Paulus, *Eph. vi. 15.* Alacriter enim Evangelium prædicandum & confitendum, ac inoffenso pede in eo ambulandum est. Scipio homini fideli est ipse Deus, cui innititur, & cui animam suam commendat. Fides etiam pro baculo est, quia ea dicitur *stare Rom. xi. 20.* 1 *Cor. xvi. 13.* Sed notandum imprimis, hunc viatorum esse habitum, quæ omnium eorum est conditio, qui Christi sunt participes. Illi enim in hac vita peregrini sunt, & tendunt ad patriam meliorem. *Pf. xxxix. 13.* 1 *Pet. ii. 11.*

Properandum est ad Christi communionem.

LVII. Etiam raptim jubebantur edere Israëlita, quia mox, uris discessum Ægyptiis, periculum erat in mora. Quod ipsum quoque ad nos pertinet; quia multi hostes imminet, & iter longum est, & tempus breve, nosque infirmi sumus, & facile fatiscimus. Proinde, uti Lot e Sodoma, & Israëlita ex Ægypto exituri, properare jubemur, & magna vi contendere, ut e Diaboli faucibus eripiamur, violentos illos æmulantes, qui rapiunt regnum cælorum *Mat. xi. 12.* memoresque uxoris Loti, quæ cunctatione sua periit *Luc. xvi. 32.*

Nulla est communio Christi nisi in Ecclesia.

LVIII. Denique prætereundum non est, quod agnus in una domo edi debuit, ex qua nefas erat egredi, ne in Angelum mortis inciderent. Hæc domus est Ecclesia, extra quam nulla est salus, nulla cum Christo communio. Quod Pseudo-nicodemita notent, qui inter Ægyptios putant se tuto posse latere, & sufficere, si corde crediderint, etiamsi ore suo non confiteantur Dominum Jesum, divellentes, ea quæ conjunxit Apostolus. *Rom. x. 9.* Itaque si sapient ne deferant congregationem nostram. *Heb. x. 35.* Et in hanc domum semel ingressi, ex ea nunquam excedant, ne incidant in iudicium apostatarum; de quo Paulus *Heb. vi. 4. 5. 6. & x. 38. 39.* Petrusque 2 *Epist. ii. 20. 21.*

## CAP. X.

*De Sacramentis Extraordinariis in deserto.*

I. **P**Ræter Ordinaria atque Universalia Circumcisionis ac Paschatis Sacramenta, *Extraordinaria* nonnulla Divinæ gratiæ symbola Israëlitis in deserto concessa sunt, quæ in Novo Testamento ad Christum illiusque beneficia referuntur, & eandem cum nostris sacramentis significationem habere perhibentur. Ea autem ordine hæc sunt : I. TRANSITUS in Nube PER MARE RUBRUM. II. MANNA e Coelo depluens. III. AQUÆ RUPE profluens. IV. SERPENS ÆNEUS ad medelam Israëlitarum a Mose erectus.

Extraordinaria sacramenta in deserto.

II. Quomodo Israëlitas, recens Ægypto egressos, &, uti existimabat, errore viæ inviis desertis undique implicatos, furens animi Pharaon, ingenti exercitu, persecutus sit : quomodo Hebræos metu trepidos, & coelum inclamantes, miraculosa primum nubes, inter ipsos Ægyptiosque media, protexerit : dein Algosi sive Rubri maris vada, cedentibus in latera aquis, virga Mosis, & vehementi euro fissis, velut in continenti pervia facta sint : quomodo denique Ægyptius Rex, non cunctatus cedentibus insequi, mare, qua patebat, ingressus, mox coeuntibus aquis, cum omni exercitu deletus sit, sacra historia fassus memorat *Exod. xiv.* Ad cuius meliorem intelligentiam hæc quinque Capita breviter explanabimus. I. Cur mare illud, quod *ἡ θάλασσα* sive *mare Algosum*, Mosis vocatur *Exod. xiii. 18. & xiv. 4.* Paulo, *Heb. xi. 29.* omnibusque passim scriptoribus, *ἡ ἰσχυρὰ θάλασσα*, *Mare Rubrum* dicatur ? II. Naturalis ne, an plane miraculosa ea aquarum exsiccatio fuerit ? III. An Israëlita mare illud in latitudine sua transiverint, expositi in litus Arabiæ, Ægypto oppositum ; an vero aliquo usque, quantum satis erat ad Ægyptios perdendos, progressi, via semicirculari in idem litus repedaverint ? IV. Quo sensu Apostolus dicat, *Israhelitas in Mosem baptizatos esse, nube & mari.* *1 Cor. x. 2.* V. Quænam sit harum rerum significatio mystica.

Transitus per mare rubrum.

III. Cur *Algosum* hoc mare vocetur, illius rei ratio in obscuro non est : nempe ob algæ copiam, cujus acervi prope litora, montium instar, aggesti, & continuo solis ardore constipati accolis, qui, a piscium esu, Ichthyophagi nominantur, ædium usum præbent. Hornmenim nonnullos degere, *ὁπὸ λαῖς τῆ ἰχθύων πλευραῖς. Φυκία ἐπιβαλόντας αὐταῖς*, sub piscium costis, quibus alga inferuntur, *Agatharchides* auctor est. Videri hac de re *Bechartus* potest in *Phaleg. Lib. iv. Cap. xxii.*

Cur mare illud Algosum vocetur.

IV. Cur idem *Rubrum* sive *Erythraum* dictum sit, non ita pridem constitit. Veteres plerumque ad aquarum colorem retulerunt : quem

Rubrum alii dicunt.



non ab a-  
quarum  
colore,

alii a radiorum solarium percussione, alii a circumjacentibus montibus ex adustione rubentibus, ex quibus provoluti in mare imbres confimili illud colore tingant, alii denique ex litoris vel fundi ipsius rubro fabulo arcessunt: ut nihil nunc de Persei fabula dicam, quem, postquam cetum interemisset, cui exposita fuerat Cephei filia, eodem loci sanguinem, quo resperfus erat, abluisse ferunt. Sed indubitata nautarum experientia sententiam hanc falsitatis convincit. *Ludovicus Vartomannus*, qui totum illud æquor, ab intimo fere sinus recessu ad ipsas freti fauces, pernavigavit, *Satis est*, inquit, *in confessio omnibus, quod dictum æquor non est, rubrum, sed instar reliqui æquoris, Navig. Lib. 1. Cap. XXI.* Idem testatur *Petrus Della Valle*, Nobilis Romanus, *αυτόπτης*, qui aquas claras, & pelucidas esse docet, ac cœruleas, arenam autem soliti coloris imo candidiorem nostra, *Itiner. part. 1. cap. xxx.* *Diodorus Siculus* scribit, mare istud *τῇ χροῖα παντελῶς ὑπάρχειν χλωρόν*, colore prorsus virere; non quod talis sit aquæ natura, sed propter copiam musci & algæ super aquis exstantis. Illud ergo de rubro colore nil nisi fabula est, præjudicio ex mala nominis interpretatione orto.

Sed ab  
Edomo,  
qui Ery-  
thras ve-  
terum est.

V. Propius a vero absunt, qui ab Erythra vel Erythro Rege, sub cujus imperio hoc mare fuerit, illius nomen derivant. Verum quis ille Erythras sit, omnes de seculo scriptores juxta cum ignorantissimis ignoratum habent. Solæ nos id Sacræ literæ docent: ex quibus se primum hoc eruisse, *Nicolaus Fullerus* gloriatur, *Miscellan. Lib. 17. Cap. xx.* Scilicet Erythras ille fuit Esau, cui cognomentum Edomi five Rubri hæsit, tam a frequenti pilo, eoque rufo, cum quo ex utero materno prodiit: *Gen. xxv. 25.* quam a jusculo illo rufo, quo jus primogenituræ vendidit, *ib. v. 30.* Hic Edomus, cui, pro illius seculi captu, summa omnia aderant, regioni in ditionem ac potestatem suam redactæ nomen dedit, ut & *terra Edom*, atque adeo simpliciter *Edom*, genere scilicet foeminino, diceretur. *Jer. XLIX. 17.* Hujus posterius, tanto gentis auctore superbi, maris, de quo agimus, accolæ fuere. Atque hinc illi nomen. Sola igitur lingua differunt, Hebræum *Edomi* five *Idumæum* mare, Græcum *ερυθραϊον*, & Latinum *Mare Rubrum*. Vide inter cæteros *Vossius de Idololatria, Lib. 1. Cap. xxxiv.*

Fissura  
aquarum  
plane fuit  
miraculo-  
sa,

VI. Nequaquam existimandum est, ea, quæ maris rubri aquis hic accidisse, narrantur, vel plane, vel maximam certe partem, naturalia fuisse: quasi Moyses physices peritissimus, ordinariæ reflexionis occasione captata, quæ Euro flante & impetuosior & diuturnior solito erat, in præsentissimo discrimine vadum tentare ausus, Israelitas ad idem audendum auctor fuerit; Pharaon autem harum rerum ignarus, & longiores moras neccens, redeunte æstu fuerit submersus. Etenim tota hæc historia miraculorum plena est. Quod præter *Scripturatum oses*,  
uti

ut merito eos vocat *Scaliger*, *De subtilitat. Exercit. LII.* nemo in dubium vocare potest. I. Miraculum fuit, quod prodigiosa illa aubes, quæ antea præcedendo viam monstraverat Hebræis, nunc mediam se inter illos Ægyptiosque locaverit. *Exod. XIV. 19.* II. Miraculum fuit, quod ad sublatum Mosis baculum, & extensam illius manum, mare non recesserit solum, sed & fissum sit, atque hinc & inde recedens, tutum Israël in medio aquarum iter præstitit: *ψ. 16. & 21.* quod nullo naturali refluxu unquam factum est, vel fieri potest. III. Miraculum est, quod aquæ, natura sua fluidæ, in præcellas acervos stipatæ, muri instar a dextra & sinistra Israëlitarum steterint. *ψ. 22.* IV. Miraculum miraculorum erat, quod Mose iterum manum baculumque suum mare versus extendente, qua parte Ægyptii eos persequerentur, aquis ad vim suam naturalem redeuntibus, Ægyptii omnes submersi sint; dum Israëlitz in medio mari per aridam iter suum vel jamjam perfecerant, vel adhuc prosequerentur. *ψ. 26. 27. 29.* Quemquamne mortalium tam esse impudentem, ut hæc cum quotidiano maris fluxu ac refluxu componere ausit? Verum quidem est, Deum hic vento usum esse: sed & liquidum est, eundem Deum vim extraordinariam exseruisse, tam excitando ventum tempore tam opportuno, quam per eum talia exsequendo, quæ nulla naturalis causa vi sua præstare potest. Ideo merito Israëlitz in hoc opere admirati sunt *אֲתֵּדָרִיד דְּגִירֵי הַיָּם, Ma-*  
*gnam illam magnam Dei sui. ψ. 31.*

VII. Ipsi accolæ Sinus Arabici, Barbari licet ut qui maxime, prodigii hujus memoriam post multa secula conservarunt. Fidem facit *Diodorus Siculus, Lib. 111.* ubi in hæc verba scribit. *Apud vicinos Ichthyophagos, veteri fama, quam a majoribus acceptam tradunt, fertur, magno quodam maris recessu, omnibus locis ejus sinus arefactis, & mari in oppositas partes relabente, fundum coloris viridis apparuisse; & rursus immenso aestu mare restitutum in priorem locum esse restitutum.* Quibus verbis miraculum hoc Mosaicum describi, cujus, utut subobscuram, memoriam Barbari hi ad posteros propagabant, quis non videt?

Barbari  
 accolæ  
 prodigii  
 hujus me-  
 moriam  
 conserva-  
 runt.

VIII. Cæterum intricatior quæstio est, quæ hodieque inter eruditos agitur, an Hebræi recta pertransierint mare rubrum, ex litore Ægypti, usque ad litus Arabicū ei oppositum; an, via semicirculari in medio maris facta, in idem litus, ex quo profecti sunt, reverterint? Prior sententia longe est receptior. Ea nititur his argumentis, quæ collegit *Rivetius in Exod. XIV. 21.* I. Historiæ verba id præ se ferunt; & ad miraculi magnitudinem plurimum facit. Scriptura dicit, *transivisse* Hebræos *per mare rubrum*; at is, quem dicunt alii, non fuisset transitus, sed circuitus. II. Ex Chorographia patet, ita oportuisse fieri. Ut enim

An Israëlitz  
 recta  
 mare  
 transie-  
 rint ab  
 uno litore  
 ad aliud?

ex Ægypto quis perveniat in montem Sina, quum inter montem illum & Ægyptum interjaceat mare rubrum, necessario id transire debuit. Nam licet ex Ramesses ad Sina pedestris sit via directa, qua relinquit ad latus mare rubrum, est tamen illa rupibus undique in obsepta atque prærupta, ut apta non fuerit itineri tanti populi. III. Idem concluditur ex *Num. xxxi. 11. 8. Deinde profecti ex adverso Chirotarum transiverunt per medium ipsius maris in desertum*, quod longe aliud sonare videtur, quam rediisse eos per circuitum in desertum. IV. Acedit auctoritas Josephi, qui Hebræos in adversum litus transivisse testatur, *Antiq. Lib. 11. Cap. ult.*

An vero  
via circu-  
lari ad  
idem litus  
redierint.

IX. Sed & contraria sententia magnos auctores, neque contemnenda argumenta habet. I. Jubent animadverti finem transitus maris, qui erat, ut absorberentur aquis Ægyptii, eaque ratione gentibus, circumstitis patefieret Dei Gloria. Ideo, in illam partem proximilitoris ejectos esse, probabile est, quod proximum erat Ægypto, ut Dei judicium regno illi manifestum redderetur. II. Observant, Mare rubrum, ubi ab Israëlitis transibatur, ab opposito litore ad minimum sex leucis, (alii dicunt, quindecim) distare: quod iter a tam ingenti exercitu, una cum pueris, foeminis, & impedimentis, breviculæ noctis spatio (uti hic factum *7. 21. 23.*) non videtur posse confici. III. Patet ex *Exod. xiii. 20.* ante ingressum maris, castrametatos fuisse Israëlitas in deserto Etham, in fine ipsius deserti. Attamen post egressum ex mari iterum perrexerunt in desertum Ethami. *Num. xxi. 8.* Ergo in idem litus, sed remotiores ab eo loco, ex quo profecti erant, redierunt. Cui argumento responderi non potest, nisi dicendo, vel duplex fuisse desertum, cis & ultra mare Rubrum, ejusdem nominis, quod *Lyranus* facit, vel totam eam regionem usque ad montem Sinai eodem nomine insigniri; uti *Riveto* placet. Quod an probari queat, dispiciendum est. IV. Addunt inter Ægyptum ac montem Sinai non medium interjacere mare rubrum, sed directum iter terra confici cum camelis aliisque jumentis; qua de re videri potest *Itinerarium Della Valle Part. 1. Cap. xxvii. xxviii.* V. Argumentum pro contraria sententia ex eaphrafi desumptum, qua Israëlita dicuntur transivisse per mare rubrum, parum firmum esse videtur Nam Historia sacra utitur verbis generalissimis, וַיָּבֹאוּ וַיַּעֲבִדוּ in medium maris. *Exod. xxiv. 22.* וַיָּבֹאוּ, iverunt per aridam in medio maris. ib. *7. 29.* *Num. xxxi. 11. 8.* dicitur quidem וַיָּבֹאוּ & transiverunt; sed præterquam quod וַיָּבֹאוּ simpliciter aliquando pergere significet ut *Gen. xxxi. 3.* וַיָּבֹאוּ לְפָנֵיהֶם, & ille perrexit cavariis; commodissime Israëlita per marinas aquas transivisse dici possunt, etiam si via semicirculari ad idem litus redierint. Nam in omni pro-

fectione

fectione, a termino a quo, ad terminum ad quem, est transitus per medium. Neque necesse est, omnem transitum fieri ad lineam rectam. VI. Nihil magis urget, quod dicantur ivisse בְּתֵיךְ דִּי־יָם in medio maris, licet alii ea quoque ratione pugnent. Nam certe qui a Dextra & sinistra mare habebant, quacunq; vel quocunq; viam instituerent, in medio mari ambulabant. Adeo, ut ex scriptura pro adversa sententia nihil certi afferri videatur. Decisio quæstionis pendet præcipue ab exacta Chorographia. Qui plura desiderat, adeat *Fagium in Exod. iv. Et Christianum Schotanium, Virum Clarissimum, in Academia Frisia Decessorem meum honorandum, Biblioth. Sacr. Tom. 11. p. 142. Adde Genebrardum in Chr. p. 66. Gregor. Turon. Histor. Lib. 1. Cap. x. Abulensem & Grotium in h. l. & qui in hanc rem prolixius est, Ludovicum de Tena, ad Hebr. xi. difficult. xix. denique Usserium Epist. cv.*

X. Ad historiam hanc alludens Apostolus. 1 Cor. x. 1. 2. dicit: *Patres omnes sub nube fuisse, & omnes per mare transivisse, & omnes in Mosen baptizatos esse nube & mari.* Tres hic difficultates expediendæ sunt. Primo quæritur, quomodo Apostolus scribat, eos fuisse sub nube, quum historia sacra testetur nubem fuisse מֵאַחֲרֵיהֶם a tergo eorum: Exod. xiv. 19. sed hoc leve est. Ita enim a tergo eorum erat, ut longe super eos eminaret, &, in vastam se extendens latitudinem ac altitudinem, eos protectione sua amplecteretur: quemadmodum huc alluditur. *Jes. 1v. 5. Creabitque Jehova super unumquodque habitaculum montis Zionis, & super convocationis ejus nubem interdiu.*

Quo sensu Israëlitarum sub nube fuisse dicantur.

XI. Altera difficultas paulo major est, quomodo in nube & mari baptizati fuerint Israëlitarum, quum nec aqua maris tincti fuerint neque nube madefacti. Verum sciendum est, I. Apostolum hic figurate baptismi vocem adhibere. Quia enim Corinthii de baptismogloriabantur, nomen baptismi indit Apostolus iis rebus, de quibus æque licuisset Israëlitis gloriari, ac Corinthiis de baptismogloriabantur; quæque ipsis baptismi vicem gerebant. II. Non deest etiam in signo externo convenientia quædam. Nubes paululum distat ab aqua, mare autem jam aqua est. Nubes impendebat eorum capiti; sic & aqua iis, qui baptizantur. Confer ea, quæ mox ex Gregorio Nysseno de nube proferemus. Mare circumdabat eorum latera; sic & aqua eos, qui baptizantur. III. Eadem hujus signi, quæ baptismi, significatio est. Atque ita Baptismus est illius ἀντίτυπον, ut in simili materia Petrus dicebat, 1 Pet. 111. 21. Confer Cameronem in 1 Cor. x. Sane singularem fuisse in Israëlitarum baptismis, columnæ nubis rationem, veteres quoque Hebræi observarunt. In Pirke R. Eliez. Cap. XLIV. R. Zacharias ita loquitur: *Columna nubis circumambiebat Castra Israëlitarum, ut murus urbem cingit. Neque potuit hostis seu inimicus ad eos pervenire.*

Et nube & mari baptizati.

*venire. Sed vero cuicunque opus erat baptismo, cum nubes conservabat, etiam extra castra, qua sancta erant. Quem locum cum hoc nostro Apostolico Gulielmus Vorstius scite comparat. Ea autem, quæ de transitu Israëlitarum per mare, & baptismo in eo exposuimus, multo probabiliora nobis videntur erudita cæteroquin Seldeni κείνῃ, qui per mare hic quodvis aquarum receptaculum intelligit, & transire per mare tantundem esse vult quam aquis tingi. De Synedr. Lib. I. Cap. III. Quæ verborum ambages cum simplicitate Apostoli non videntur convenire.*

Idque in  
Mose.

XII. Tertio quæritur, quo sensu *in Mosen baptizati* dicantur, quum honor iste major esse videatur, quam ut in ministrum ac nudum hominem cadere possit? 1 Cor. I. 13. Resp. aliud est baptizari *in aliquem*: aliud baptizari *in alicujus nomen*. In cujus nomen baptizamur, illius auctoritate ac jussu baptizamur; cum pro Rege nostro agnoscimus, cui soli publica sigilla instituere fas est; ei obsequium ac cultum nostrum addicimus, ut imposterum ab eo denominemur; ab eo gratiam illam spiritualem, quæ baptismo obsequatur, fide expectamus. Hunc honorem uti homine majorem, tam sollicite Paulus a se ipso removel. In aliquem baptizari multo minus est. Vel enim simpliciter significat, baptizari alicujus opera: vel ita ut baptismi susceptione aliquem pro fido Dei ministro agnoscas. Utrumque hic commode jungi potest. *ὡς τὸν Μωσῆν ἐβαπτίσαντο*, id est, uti Syrus habet, *בִּיד מֹשֶׁה, manu Mosis*, vel uti Augustinus legit in *Ps. LXXVII. per Mosen*. Moses enim precibus suis hanc protectionem nubis & transitum per mare iis impetravit. Moses exporrecto baculo suo aquam fidit. Moses fundum maris primus intravit, reliquisque ut idem secum auderent dux & auctor fuit. Atque ita Mosis opera baptizati sunt. Cæterum plura hac locutione involvuntur. Uti miracula hæc vero & spiritali Israël sacramenta erant Divinæ gratiæ, ita etiam symbola erant, quibus Deus confirmavit ministerium Mosis, & probavit, eum esse liberatorem & mediatorem typicum. Itaque eo loco, ubi fit mentio transitus per mare, dicitur populus credidisse in Deum & in Mosen. *Exod. XIV. 31.* Quod recte hætenus a populo factum est. Nam & *Exod. XIX. 9.* Deus ipse sic loquitur, dum commendat auctoritatem, quam Mosis tribuerat, *Ecce ego veniam ad te in crassa nube, ut populus audiat, quum ego te alloquar, אֲנִי אֶבְרָכָה בְּךָ, utque credant in te in perpetuum.* Atque ita in Mosen baptizati sunt, quia hoc signo a Deo edocti sunt. Mosen pro fidei propheta, & eximio Messiae typo agnoscere, cujus interventu ea ipsis beneficia præstarentur, quæ & in se magna erant, & maximorum beneficiorum per Messiam præstandorum arrhæ. Et hic singulare aliquid Moses pro cæteris ministris habuit.

XIII. Ipse nos hic Pauli locus ad mysterium hujus signi meditandum ducit: docet enim, id significatione sua baptismo nostro respondere. Tertullianus: *Lib. De Baptismo. Primo quidem, quam populus de Aegypto expeditus, vim Regis Aegypti per aquam transgressus evadit, ipsum Regem cum totis copiis aqua extinxit. Qua figura manifestior in baptismi sacramento. Liberantur de seculo nationes, per aquam scilicet, & Diabolum dominatorem pristinum in aqua depressum derelinquunt.* Sed ad specialiora descendamus.

Mysterium.

XIV. NUBES hæc miraculosa, erat I. Symbolum gratiosæ præsentiae Dei. *Dans enim erat in nube. Exod. XII. 21. & Angelus Dei Cap XIV. 19. Angelus scilicet faderis, Angelus facierum, qui apparuerat Mosi in rubo, & ducebat Israëlitas per desertum. Jes. LXII. 1. Præfigurabat futuram ἐνσαρκωσιν Filii Dei.* Sicut enim Filius Dei immensum majestatis suæ decus hac nube condebat, ex ea loquebatur, miracula patrabat, & tuebatur populum suum; ita etiam dissimulaturus aliquando majestatem suam erat sub assumpta forma servi, *Phil. II. 7.* eo tamen pacto, ut gloriæ suæ radii, in Divinis concionibus & miraculis, quibus simile & secundum nulla ætas vidit, intermicarent. *Job. I. 14.* III. Significabat protectionem Dei erga electos, & monstrationem viæ per desertum hujus mundi ad coelestem Canaan. Nam, ut pulcre de nube hac *Gregorius Nyssenus, De Vita Moysis: τοῦτον τὸ θαῦμα, ὡς καὶ τὴν ἡλιακὴν ἀκτίνην θερμῶς ἐπιλαμπέσῃς, διατείχισμα πρὸς τὸ λαὸν εἶναι, σκιάζουσιν τὸ τὸ ὑποκειμενον, καὶ λεπτῇ δρόσῳ τὸ φλογῶδες τῷ αἵρι ὑπονοτίζουσιν. καὶ διὰ τὴν νυκτὸς πῦρ γίνεσθαι, ἀφ' ὑπερσείας εἰς ὄρθρον τῷ ἰδίῳ φωτὶ τοῖς Ἰσραηλίταις ἀδελχεύσαν τὸ φέγγος.* Tale miraculum apparebat, ut *dans ardentes solis radii fulgerent, populum quasi septe interjecto protegeret, atque umbra tenuique rore diffuso, aëris illi ardorem mitigaret; noctis vero tempore in ignem versa, jam inde a vespere usque ad solis ortum suo lumine Israëlitis facem praeferret.* Talem protectionem ducatumque in Christo habemus, qui umbra sua adversus excandescentiæ Divinæ favorem nos protegit. *Jes. IV. 5. 6.* nosque verbo & spiritu suo illuminat, ut *lux mundi, quam qui sequitur, in tenebris ambulare non potest. Job. VII. 17.* qui denique est ἀρχηγὸς καὶ τελειωτὴς τῆς πίστεως ἡμῶν. *Heb. XII. 2.* IV. Uti nubes hæc se mediam interponebat inter Israël & Aegyptios: ita in se ea mala Christus excipit, quæ intentata suis erant, & gloria Jehovæ extremum agmen eorum agit. *Jes. LVIII. 8.*

Nubes.

XV. In TRANSITU per mare rubrum hæc notanda. PHARAO & AEGYPTII sunt figura Diaboli & peccati, qui omni opere electos in fervore virtute sua retinere, & quotiescunque ad libertatem generose aspiciunt, retrotrahere conantur. Sed ludent operam, scelerumque suo-

Pharaonis  
cum Aegypto.

rum pœnas luent, quæ delictis respondeant. Quia Pharaonis aquis mergi Israëlitarum infantes iusserat, *Exod. 1. 22.* ipse talionis lege cum omnibus copiis mergitur ponto. Similem Divini juris processum Angelus aquarum prædicat, *Ap. xvi. 6. Quoniam sanguinem sanctorum & Prophetarum effuderunt, & sanguinem eis dedisti ad bibendum: digni enim sunt.*

XVI. Moses Typum gerebat Christi Liberatoris ac Sospitatoris nostri. A. Moses precibus suis pro populo intercedebat, & impetrabat iis salutem hanc maximam. Christus Paracletus noster apud Patrem est; illiusque intercessionem debemus, quicquid nobis obtingit boni. B. Moses baculo suo, uti instrumentum morali, findebat aquas. Christus ligno crucis suæ viam vivam ac recentem ad coelum initiavit. C. Moses dux erat populi, & prævit iis vada nullius ante trita pede. Christus etiam in passionum via nobis prævit, *relinquens nobis exemplar, ut subsequeremur vestigia illius: 1 Pet. 11. 21.* D. Quo baculo Moses findebat aquam ut transitum daret Israël; eodem fluxum aquarum procurabat ad submergendos Ægyptios. Eadem crux Christi, quæ iis, qui vocati sunt, est potentia Dei, Judæis est scandalum & Græcis stultitia. *1 Cor. 1. 23. 24. Iis quidem odor mortis ad mortem, illis vero odor vitæ ad vitam. 2 Cor. 11. 16.*

Aquarum.

XVII. Aquæ maris rubri afflictionem, ipsamque adeo mortem significant, sicut & aquæ baptismi, communionem in passionibus, morte, & sepultura Christi. *Rom. vi. 3. 4.* Sicut autem Israëlitz per medias aquas, uti per mediam mortem, ad salutem contendebant; ita & passionem propter Christum obitæ excellenter excellentis gloriæ pondus nobis conficiunt. *2 Cor. 1 v. 17.* & mors ipsa transitus ad vitam æternam est. *Joh. v. 24.* Aquæ, quæ saluti erant Israël, extinguebant Ægyptios. Mors corporis nostri, quæ animas sistit munda Deo, uti gregem recens tonsarum ovium, quæ ascendunt e lavacro; *Cant. 1 v. 2.* omnes Diaboli ac peccati reliquias funditus in nobis perimit, adeo ut posthac ne quidem oculis nostris visuri simus hostes illos, quorum infestus insultus ad finem usque sumus experti.

Venti.

XVIII. Vehemens ille VENTUS ex ORIENTE, impetu suo aquas in commodum Israëlitarum propellens, Spiritum Christi notat, *Joh. 111. 8.* Christi, inquam, qui est, *oriens ex alto, Luc. 1. 78.* & virtutem mentorum suorum Spiritus sui efficacia nobis applicat; impedimenta omnia removendo, imo ea ad salutem suorum dirigendo. *Non virtute, neque vi, sed Spiritu meo, ait Jehovah exercituum. Zach. 1 v. 6.* Eodem Spiritu oris sui abolebit aliquando sceleratum illum, qui se regno suo opponit. *2 Th. 2. 11. 8.*

XIX. ISRAELITÆ recens ex Ægypto egressi, figuræ sunt fidelium, qui postquam abjurato Diabolo, Christi ope, in libertatem se affer-

rue-

merunt, mox persecutioni Satanae ac mundi, ad servitutem eos retrahere conantium, expositi sunt. Illis primo jam discrimine feliciter superato, ingens adhuc mare transfretandum, excelsa montium cacumina superanda, & invia denique deserta emetienda sunt, antequam optatam salutis metam contingant. Quum conclamatum videbatur, nullusque patebat exitus: tunc Deus Israël aderat, & medio mari aperiebat viam. Ita Ecclesiae tum imprimis gratia sua adest, quando omne humanum auxilium deest, & nil nisi certissimus interitus impendere videtur. *Jes. xlii. 1. 2. Quum transis per aquas; tibi adsum, & per flumina, ne inundent te.* Salus hæc obtingebat Israël nili omnino operanti. *Exod. xiv. 14. Jebova pugnabit pro vobis: vos autem quiescite:* sed credenti duntaxat, & spectanti magnam Domini manum. *Heb. xi. 29. Per fidem transgressi sunt rubrum mare.* Ita & Deus æternam salutem nobis conficit, nobis, inquam, non operantibus, sed credentibus in eum, qui justificat impium. *Rom. iv. 5.* Israelitæ superato mari, & deletis hostibus, lætum ἐπὶ νίκῃ Deo Liberatori cantabant. Ita & Johannes in Apocalypsi *Cap. xv. 2. 3.* vidit sanctos, qui emenso mari vitreo, quod mixtum erat igni, cantabant canticum Moïsi servi Dei, & canticum Agni. Atque hæc quidem de Transitu per Mare Rubrum.

XX. Porro de MANNA dicendum, ubi consideranda veniunt. 1. Manna. Nomen. 2. Res ipsa. 3. Origo. 4. Adjuncta. 5. Israëlitarum circa eum officia. 6. Eorundem peccatum. 7. Mysterium.

XXI. *Nomini* originem dedit Israëlitarum admiratio. Quum primitus illum animadverterent, sibi invicem dicebant. *Exod. xvi. 15.* מַן הוּא, MAN HU, *Man illud est, quia non sciebant Ma hu, quid esset.* & *v. 31. Vocavit autem domus Israël nomen ejus MAN.* Non impetrant a nobis assensum, qui מַן interpretantur, *quid hoc est?* Nunquam enim apud Hebræos מַן significat *quid*, & hic diserte satis distinguitur a מַד. Imo ne apud Chaldæos quidem id frequentatum: illi enim מַן de persona dicere solent, non ita de re. Nolo tamen dissimulare, iusto liberalius eos loqui, qui absolute negant, מַן apud Chaldæos de re querere. Contrarium exemplis aliquot ostendit *Drusianus ad Job. vi. 31.* Verum Israelitæ Hebraice tunc locuti sunt, non Chaldaice. Qui asseverant, מַן esse vocem Ægyptiacam, & pronominis interrogativi vim habere, ii an verum dicant nescio; & etiam si verum dicerent, non videtur probabile, Hebræos rem tam sacram invisæ gentis vocabulo non solum in primo illo stupore, sed & postea constanter, exprimere voluisse. Adde, quod omnino frigidum sit, cibum Israelitis a Deo datum semper vocatum esse

OEC. FORD, G g g g Quid,



QUID, quia initio, quum nondum eum cognoscerent, rogabant,  
*Quid hoc est?*

Sed signi-  
 ficat por-  
 tionem de-  
 stinatum  
 & præpa-  
 ratum,

XXII. Multo convenientius est vocem hanc deducere a מַן, *præparavit, constituit, definiuit*; Hinc nomen מַן *Manna*, portio, etiam esculenta, quæ alicui attributa est. 1. Sam. 1. 4. 5. *Neb.* VIII. 10. 12. & alibi passim. A *Manna* autem per Apocopen, præcipue in admirantium exclamatione, & sequente litera He in proximo vocabulo, facile fit *Man*. Idque eo credibilius est, quia pluries similis apocope in verbo *Manna* occurrit: semel in imperativo, מַן מַן מַן, *Benignitatem & veritatem constitue*, vel *præpara*. Ps. LXI. 8. iterumque in futuro, Jon. 11. 1. מַן & *paraverat Jehova piscem*; & quod proxime ad hoc negotium accedit, quando de præscriptione cibi sermo est, Dan. 1. 5. מַן, *Et constituerat iis Rex diemsum diei cujusque*. Quum ergo & forma vocabuli conveniat, & significatio apprime idonea sit; quid restat, nisi ut cum doctissimis Hebræorum dicamus, Man notare cibum a Deo Israëlī destinatum, præparatum, & pro portione sua datum? Tale nomen miraculoso hoc cibo dignum erat. Neque obstat quod additur, Israëlitas nescivisse quid esset. Sciebant enim in genere ex prædictione Moysi, se pane a Deo satiandos esse v. 12. Hinc conjectabant, illud, quod viderent, portionem esse sibi coelitus destinatum: atque id nomine Man exponebant. Quid autem illud esset, distincte non sciebant, neque speciale aliquod nomen habebant, quo illud exprimerent. Huc videtur alluisse auctor libri Sapientię, quando Cap. XVI. 20. vocat *Manna ετοιμασμενον ἀπ' οὐρανό* panem præparatum a celo. Adeoque hoc nomen invaluit, ut in omnibus linguis invariaturum maneat, & iis etiam rebus attributum sit, quæ cum isto Hebræorum cibo analogiam quandam habent.

Manna  
 Vulgaris  
 quid?

XXIII. Rem quod attinet, norunt studiosi Physices, aqueis meteoris tria hæc annumerari, Rorem, Mel, & Manna. De origine autem Mannæ inter eruditos non convenit. *Christophorus Vega* apud *Jonstium de admirandis Meteororum* Cap. x. censet, Manna officinarum esse opus parvarum quarundam apum, culicibus crassis similem, a quibus, gregatim arboribus insidentibus, guttatim quasi sudor defluat. *Vossius Physiologia Christiana* Lib. v. Cap. XXI. dicit, esse succum Laricis arboris aut Fraxini, idque primum omnium docuisse Matthiam Lobelium. Communior sententia est, esse æreum quoddam roscidumque mel, quod æstivis mensibus, fervescente interdiu sole, nocturno frigore in grumos coit, atque

in ramenta conglobatur, ex defluxu rorulenti humoris, ac mado-  
re aëreo; omnibusque passim arboribus, herbis & lapidibus incum-  
bit: quomodo illud describit *Lemnius de Herbis Biblicis Cap. 111*.  
Habet autem medicamentosam quamdam facultatem, qua ventrem  
emollit, & leniter purgat.

XXIV. Quæritur nunc, an manna Israëlitarum ejusdem spe-  
ciei ac naturæ fuerit cum vulgari? In eo quidem satis convenit,  
accesse Hebræorum mannæ circumstantias quasdam miraculosas;  
verum inde non satis valide concluditur, rem ipsam plane novam  
fuisse, nec alias vel alibi per naturales causas productam: quum  
Deus potuerit rorem aliunde copiosissime advectum, tanquam ma-  
teriam productioni Mannæ idoneam, ita multiplicare, ut immen-  
sæ illi multitudini quotidie sufficeret; eundemque ita disponere,  
uti mirabilia illa adjuncta haberet, de quibus postea erit dicendum.  
Certe Josephus arbitratus est, naturalem eam Mannam fuisse, te-  
staturque, suo adhuc tempore circa montem Sina ubertim plue-  
re consuevisse. *Antiq. Lib. 111. Cap. 1. Et Franciscus Vallesius Phi-*  
*losophia Sacra Cap. LVII. multis contendit, Mannam Israëlitarum*  
*eandem omnino rem esse cum vulgari. Cardanus etiam, de Sub-*  
*tilitate Lib. XXI. refert, in deserto Traga populorum Libyæ,*  
tantum singulo die ex ea colligi, maxime juxta Agadez urbem,  
ut libra, viginti & octo unciarum, duobus assibus veneat: addit-  
que, incolas illius usu incolumes vivere, etiamsi aër sit pestifer.  
Observant quoque qui ita sentiunt, se non elevare beneficium Israë-  
litis extra ordinem concessum, quum naturales rerum causas in-  
vestigant; sed laudare infinitam Dei sapientiam, qui ita omnia di-  
sponit, ut etiam, quæ sunt portentosissima, videantur bona ex par-  
te secundum naturalem rerum ordinem evenisse: quemadmodum  
Vallesius loco citato loquitur. Alii contra existimant, Manna Israë-  
litarum fuisse aliquid extraordinarium, nunquam antea visum, nec  
etiam, postquam cessavit, repertum: & quum cibus Angelorum  
appelleretur, & singulari Dei opera præparatus in sacra Scriptura  
ubique prædicetur, causam naturalem pie ac religiose removen-  
dam censent. Ita *Rivetius in Exod. XVI. v. 13.*

XXV. *Επίκρισις* nostra hæc est. Nihil vetat, quo minus statua-  
mus, Deum in productione hujus Mannæ naturalibus causis usum  
esse, sicut etiam usus est vento in exsiccatione maris rubri. Et  
omnino verisimile est, Mannam hanc ex iisdem, vel similibus cau-  
sis ortam esse, ex quibus ordinaria producitur: & hætenus natu-  
ralis dici posset, Miraculosus tamen, ac plane extra ordinem, fuit  
ille

An Il-  
raelita-  
rum Man-  
na ejus-  
dem fuerit  
speciei?

Habuit  
quidem  
causas na-  
turales,  
sed extra  
ordinem  
operantes.

ille causarum naturalium, ad productionem mannae, in tanta quantitate, tam diuturnus ac quotidianus concursus. Et haecenus miraculosa est. Addimus, nullam hodie Mannam cognitam esse, quae ejusdem omnino cum Israëlitarum Manna conditionis sit. Nam, ut cetera omittam, Israëlitarum Manna consistentis erat substantiae, frumenti vicem praestabat, & in cibum dabatur populo. Vulgaris Manna, medicamentum, non alimentum est; neque ordinarius populi cibus, nisi per miraculum, esse potest.

Proxime  
ad illam  
accedit  
nova Man-  
na Polo-  
nica.

XXVI. Proxime ad Israëlitarum Manna accedit Polonicum illud, quod non ita pridem invenerunt ruri prostratum, subtile, ac saccharo simile, quod butyro modicoque saccharo decoctum, cum Italarum delicatissimis jusculis & ferculis facile certare posset; uti *Keckermannus* illud describit, *Physic. Lib. VI. Cap. x.* Prolixius de eodem agit *A. lapide ad Exod. xvi. 21.* qui testatur, ex constanti Polonorum relatu, illud, mense Junio & Julio, noctu depluere, herbisque instar rosis, incumbere, Antefolis radios cribro colligi, excuti, tundi, aqua misceri, pulvisque ex eo confici. Si enim sol incalescat, folliculum dissolvit, & granum Mannae eo inclusum deperditur. Addit, se vidisse grana, atque ea esse instar milii, sed longiora & rubicunda, saporem autem se deprehendisse, qualis est ex panico. Verum & haec manna ab Israëlítica distabat. I. Figura. Haec enim oblonga est, Israëlítica rotunda instar seminis Coriandri. II. Colore. Haec rubicunda est, altera erat alba. III. Haec folliculo includitur. Hebraeorum erat sine folliculo. IV. Hebraeorum manna ad solem liquecebat; & evanescebat; hujus autem folliculus duntaxat sole solvitur, ipsum autem granum durum est, & in terram decedit.

Sed nota-  
bili tamen  
discrimi-  
ne.

Circum-  
stantiae  
miraculo-  
se.

XXVII. Accedunt interim multae circumstantiae, quae miraculum hic omnino concedendum esse clamitant. Nam I. Manna, quae vulgo cognita est, solummodo certis anni temporibus colligitur: haec autem quotidie depluebat. II. In tanta temporis longinquitate Sabbato non cadebat: sed pridie Sabbati dupla. III. Tanta quotidie copia inveniebatur, ut tot hominum myriadibus alendis sufficeret. IV. in crastinum servata corrumpebatur: excepta portione Sabbati. V. Id tamen, quod de ea seponi Deus jusserat, corruptionis per aliquot secula manebat expers. VI. Ubique cadebat, ubicastametabantur Israëlitae. Vicinis autem gentibus incognita, non certe pro cibo, nedum quotidiano, usurpata erat. VII. Cessabat, postquam Jordanem transivissent, & ordinarii panis facta iis fuisset copia. Et si quae plura ejus generis sunt.

Manna

XXVIII. Origo Mannae a Deo, ut a causa principali, est. Ei enim tan-

tanquam singulare beneficium, quod in populum suum Israël con-  
tulit, passim adscribitur. *Exod.* xvi. 4. 8. 16. *Deut.* viii. 3. 16. *Neh.*  
ix. 15. 20. 21. Formavit autem Deus hunc panem in aëre ex vaporibus  
sive exhalationibus, a sole, & si quid cætera astra conferant, pro-  
bæ excoctis. Unde dicitur, *nubibus præcepisse superne, & januas calorum ape-  
ruisse, & frumentum calorum Israël dedisse.* *Pf.* lxxviii. 23. 24. Cælum  
autem dicitur aër, qui meteororum sedes est: ut, *volucres celi*, &  
apud Lucretium, *Cælum qui dicitur aër*. Et quandoquidem Angeli  
sunt spiritus administratorii, *Heb.* i. 14. quorum opera Deus in tota  
Veteris Testamenti oeconomia frequentissime est usus, quique alias  
quoque servis Dei cibum subministrarunt. *1 Reg.* xix. 5. 6. 7. non vi-  
deo, cur Celeberrimus nostri seculi interpres, qui cæteroquin illius  
xvi Ecclesiam Angelis subjicit, ab Angelis cibum hunc præparatum  
neget. *Suidas* Μάννα ἡ ἀναθεν χορηγούμενη τροφή. Et ἀρτοῦ ἀγγέλων  
λέγεται, ὡς ὑπ' ἀγγέλων χορηγούμενον. *Manna est cibus superne datus.*  
*Panis Angelorum dicitur, quia ab Angelis suppeditatus.*

origo  
Deo est,  
ex vaporibus.

Ministerio  
Angelo-  
rum.

XXIX. Dubito tamen, an validum fatis pro Angelorum opera ar-  
gumentum ex *Pf.* lxxviii. 24. petatur. Dicitur quidem ibi מַלְאָכֵי  
אַבְרָהָם, quod septuaginta transtulerunt, ἄρτον ἀγγέλων, panem An-  
gelorum: quemadmodum & auctor Libri sapientiæ, eam τροφήν Ἀγγέ-  
λων vocat. *Cap.* xvi. 20. Et *R. Salomo* similiter מַלְאָכֵי אֱלֹהִים. Sed pri-  
mo nihil nos cogit, per מַלְאָכֵי id est, robustos, Angelos intelligere.  
Nam generale illud nomen est, & de viris fortibus inter homines,  
sive de heroibus usurpatur. *Jer.* xlvi. 15. & *Thi.* i. 15. Dicatur ergo pa-  
nis fortium, quia robustos Israëlitas faciebat, supplens videlicet ordi-  
narii panis, quo corda fulciuntur, vices, etiam si Primo adpectu gu-  
stuque levis videretur: vel, quod mallet, panis Heroum, id est,  
talis, ut ipsi magnates in deliciis eum habituri fuissent. Deus quoque  
vocatur אַבִּיר *Heros Jacobi, vel Israël.* *Gen.* xlix. 24. *Jes.* xlix. 26.  
Neque inusitatum est Scripturæ, quum de Deo loquitur, uti plu-  
rali numero: quod vel mediocriter eruditi non ignorant. Quidni  
ergo liceat illud exponere de pane Dei, quem Heros Jacobi iis præ-  
buit, & qui ipsum quoque spiritualiter significabant? Quod & *Dru-  
sius* observavit ad *Job.* vi. 31. Dein, etiam si daremus, de Angelis  
hæc exponenda esse (quos tamen מַלְאָכֵי in Scriptura vocari non  
memini, bene כֹּהֲנֵי אַבְרָהָם, fortes viribus. *Pf.* ciii. 20.) tamen necdum  
confecta res esset. Panis enim Angelorum diceretur propter præ-  
stantiam suam, & spiritualem significatum. Significabat enim, Deum,  
qui est vita & lætitia Angelorum, descensurum de cælo ut pariter  
fieret cibus, id est, lætitia & vita hominum.

Intercessit  
Mosis mi-  
nisterium.

Qui ca-  
men non  
fuit causa  
meritoria.

XXX. Suae quoque hic partes Mosis fuerunt : quem omnino credibile est precibus suis apud Deum intercessisse , ut famelico populo cibum indulgeret, quas Iosephus in alta specula fufas esse narrat : de suo addens, mannam primum ad palmas a Mose ad coelum extensas concrevisse, quum Deo gratias ageret. Ac Mosen, quod rei erat suspicatum, gustasse, laetumque, re deprehensa, indicasse populo Dei beneficium. Nam populum, defluentem coelo alimoniam conspiciat, existimasse, quod coelum ningeret, tempestate anni id ita ferente. Quae neque cum ratione conveniunt; ( extra omnem quippe verisimilitudinem est, quod mense Majo, quo haec gesta sunt, in fervente isto climate ningat ) neque cum Scriptura, quae diserte narrat, eos, qui surgente die castris exierant, primum mannam animadvertisse. *Exod. xvi. 15.*

XXXI. Ultra quam par est procedunt Gemaristae, quum scribunt in *Taanith*, *Fol. 9. col. 1.* *Tres Pastores boni erant Israël, Moses, Aaron, & Mirjam : & tria bona exhibita sunt per eorum manus. Fons, & Nubes, & Manna. Fons, propter meritum Mirjam. Columna nubis propter meritum Aaronis. וְיָמֵן בְּיָמֵי מֹשֶׁה. Et Manna, propter meritum Moysis.* Cui asserto opponimus Christi dictum *Joh. vi. 32. Amen amen dico vobis, nequaquam Moses dedit vobis panem illum caelestem; sed Pater meus dat vobis panem illum caelestem verum.* Neque panis typicus a Mose fuit, sed a Deo. Moses solum Divini doni internuncius, non causa meritoria erat. Et multo minus panis antitypus, Christus cum sua gratia, panis qui e tertio coelo venit, a Mose est. Id interim Moses praestitit, ut, gratia Dei precibus suis impetrata, populo, Dei nomine, quid futurum de eorum cibo esset, praedixerit, totamque Mannae rationem exposuerit. Prudenter *Philo* observavit, Deum populo quidem solamen indulgisse, sed Mosis id primum aperuisse: *τὸ τοῦ μὲν, διὰ τὴν σύμφοτον ἐπιείκειαν καὶ φιλανθρωπίαν, τὸ τοῦ δὲ ἐκλόμενου ὅτι ἐχειροτόνησεν ἡγεμόνα τιμῆσαι. Illud quidem propter naturalem sibi benivinitatem & affectum erga homines; hoc vero, quia ducem, suo arbitrato constitutum, honorare volebat.*

Figura  
Mannae.

XXXII. ADJUNCTA Mannae vel Interna sunt, vel Externa. Ad priora, pertinent, Figura, Color, Sapor. De FIGURA narratur, I. Quod fuerit tenue quoddam sicut pruina super terram : *Exod. xvi. 14.* parvum quidem primo adpectu, pretiosum tamen in se, maximaeque virtutis; uti solet Deus stupendam potentiam suam in rebus minimis exserere. II. Quod fuerit *ספסלם ibidem.* Quae vox nusquam nisi hic in Sacris occurrit, & propterea diversimode exponitur. Vulgatus habet, *quasi pilo insum*, id est, ita minutum, ut videri posset arte qua-

quadam, & quasi in mortario, ad istam minutiam redactum fuisse. Alii vertunt *decorticatum*; Junius, *Rotundum*, quomodo & Erpenianus Arabs habet, & Kimchi dicit idem significare, quod רגלי, *rotundum*. Hebræorum alii *resectum* transferunt: & existimant, Mannam rore, tanquam arcula quadam, superne & inferne, conclusam fuisse, & superiori rore ascendente, per solis supra horizontem elevationem paulo proveciorem, conspectui fuisse datam. Sed hoc, ut mollissime loquar, incertum est. III. Quod fuerit *quasi semen Coriandri*. v. 31. Non colore, nam semen coriandri nigrum est; sed figuræ minutia, & rotunditate. Bene Talmudistæ in *Joma*, Cap. VII. Folio. 73. col. a כמרגלית ולבן כגירא רגלי, *Rotundum sicut Coriandrum, & album sicut Margarita*.

XXXIII. De COLORE dicitur *Exod. XVI. 31.* quod fuerit *Albus*, & *Nam. XI. 7.* ויטע כעין חבוליה, *Et color ejus sicut color Bedola*. Quæ quid fuerit, non consentiunt interpretes. Hebræi constanter volunt; fuisse lapidis pretiosi genus. Quibus *Junius*, & *Marcus Marinus Brixianus* obloquuntur, eo quod *Gen. 11. 12.* dicatur, *ibidem est Bedola & lapis Sardonix*; unde, quum posteriori voci lapidis nomen distinctionis causa addatur, Bedolam lapidem non esse, concludunt. Alii existimant, *Crysalum* fuisse, & consequenter Mannæ colorem fuisse lucidum ac pellucidum. Recentiores plerique, Josephum sequuti, ex vocis affinitate contendunt. esse *Bdellium*; de quo *Serapion* citatus *Druasio*. *Bdellium Judaicum est gummi arboris, quæ nascitur in terris Arabum. Et melius ex eo est, quod odoris boni, tenax interius, citæ dissolutionis, ad albedinem declinans, non habens in se ligna, neque sordities aliquæ* &c. *Plinius* addit, esse *translucidum, simile cera*. *Lib. XII. 9. Vide Salmasium Exercit. Plin. p. 809. & de Homonymis hylæ latrecq. Cap. CIX.* Unde conficitur, Mannæ grana translucida, & subalbidi coloris fuisse. Quod puritatis magnæ, & exactæ concoctionis argumentum est. Mihi tamen, ne quid dissimulem, *Bochartus Hierozoici Part. II. Lib. V. Cap. V.* argumentis suis persuasit, *Bedolam esse margaritam* sive *unionem*, quorum adhuc frequentissimam piscationem esse eo loci, quem Moyses descripsit *Gen. 11. 12.* ארבעתים Petrus Texeira, & Benjamin in *Itinerario*, p. 105. testantur. Accedit, quod & color conveniat, qui tam in Manna, quam in margarita albus est: & figura, utrobique rotunda. Neque ullius in contrarium valoris est Junii aut Brixiani observatio. Non enim sequitur, quia sardonix lapis dicitur, Bedolam lapidem non esse. Ne dicam nunc, Jurisconsultum etiam margaritas excipere ex lapillorum & gemmarum censu. *Lego, Quum autem 19. §. Gemma autem 17. & seq. ff. De auro & argento Legato. Et vero*

Color.

vero etiam si margaritæ lapides Hebræis dici soleant, toto tamen genere distant ab iis lapidibus, qui in terra gignuntur, quales sunt gemmæ proprie dictæ. Qui pro Bdellio pugnant, vix ullum argumentum habent præter affinitatem nominis, quæ sæpe fallit: cætera Bdellio cum Manna non ita conveniunt.

Sapor.

XXXIV. Hinc Sapor quoque laudatissimus, *Exod. xvi. 31.* כַּצִּיִּית בִּרְבָּב *sicut Epichyti ex melle*, quemadmodum Junius, vel, *quasissimile in melle*, ut vulgatus habet: & *Num. xi. 8.* כִּטְטָם לִשְׂרֹחַשְׁתָּן *sicut sapor humoris præstantissimi ex oleo*. Quæ quum Scriptura de sapore ita definiat, ineptissima sunt Judæorum commenta, a pontificiis ad transubstantiationis monstrum incrustandum avide nimis arrepta, in manna omnimodos sapores fuisse, & unumquemque Israëlitarum in ea, quodcunque voluit, gustasse, adolescentes panem, senes mel, pueros oleum: ut in *Schemoth Rabba*, *Secl. xxv.* Magistri nugantur: quibus auctor Libri Sapientię *Cap. xvi. 7. 20.* ad stipulari videtur. Mirum quam curiose hac de re disputent Pontificii: an id piorum duntaxat fuerit privilegium, an iis cum improbis commune? Prius cum *Augustino*, *Abulensi*, *Hugone Cardinali*, *Tirinus* tenet: reclamante tamen a *Lapide*. Hoc posito, aliæ quæstiones agitantur: inter cæteras, an manna non tantum saporem, sed & substantiam ad comedentium votum mutarit, ut in ovum, gallinam, vel agnam conversum sit, quotiescunque hæc desiderabantur; an vero mutatio facta fuerit in solis qualitatibus? Utrovis modo transubstantiationis suæ præsidium in Manna inveniunt. Si enim prius dicatur, quod magni nominis Doctoribus commodum visum est, manifestum habes transubstantiationis typum. Sin posterius cum Jesuita a Lapide tuearis, colligitur saltem, accidentia manere posse sine sua substantia: quia quum sapor alius aliam substantiam comitari soleat, manente substantia Mannæ, sapor mutabatur pro lubitu, & nutrebat: unde consequitur, accidentia panis etiam manere & nutrire posse in crustulo transubstantiato. Sed hæc delira suaviludia sunt hominum ingenio suo turpiter abutentium, quæ tribus argumentis Scriptura evertit. I. Quum specialem Mannæ saporem accurate describit. II. Quum Israëlitarum industriam, in Manna variis modis sibi ad convenientiorem usum præparanda, memorat. III. Quum eorundem nauseam narrat, *Num. xi. 6.* quæ non potuisset habere locum, si Manna homini, quem vellet, sui gustum exhibuisset.

Quomodo  
Manna  
& Mellis  
& Olei sa-  
porem ha-

XXXV. Necdum tamen omni difficultate defuncti sumus. Etenim, quum diversus sit sapor mellis a sapore olei, quæritur quomodo Manna utrique in sapore comparari queat? Difficultati autem huic

huic occurri potest tripliciter; primum, si dicamus, diversum paulo Mannæ saporem fuisse, quando simpliciter comedebatur, ab eo, quem illi Israëlita varia sua coctione ac præparatione dabant: alterum igitur de crudo, alterum de cocto posse intelligi. Deinde, quod præferrem, diverso respectu, & cum melle & cum oleo potuisse comparari: neque enim per omnia saporem similem fuisse oleo, neque per omnia melli, sed traxisse aliquid ex utroque; & mellis habuisse dulcedinem, & pinguedinem olei, & generatim saporem ex utroque mixtum. Addi posset: quum mel sit ἀρχὴ γλυκυμάτων, *principium dulcedinum*, ut dicitur Sirachidi; inde esse, quod quæcunque gustui dulcia sunt, cum melle conferantur. Hinc & Mannæ sapor sicut mellis dici potest, id est, generatim eximie suavis. Quapropter Auctor libri Sapientiæ Cap. xvi. 20. eam vocat εὐτηλο γένος ἀμ-  
 βροσίας τροφῆς.

XXXVI. Externa Adjuncta sunt Locus & Tempus. Locus, in quo Deus Manna cibavit Israëlitas, fuit desertum. Supplebat ipsis favor cœli, quod soli sterilitas negabat: & quum pane ordinario ex terra prodeunte destituerentur, pane e cœlo depluente satiati sunt. Pulcre Josephus: οὕτω θεῖον ἦν τὸ βρῆμα καὶ παράδοξον. ἀμύνει δὲ τοῖς ταύτην νοσημένοις τὴν ἐκ τῶν ἄλλων ἀπορίαν. Ita Divinus & admirabilis cibus erat. Eoque passis supplebat aliorum defectum. Scilicet ubique fideles præeuntem Deum tuto sequuntur, etiam per desertum & terram non satam. Jer. II. 2. Juvenes leones pauperantur & esuriunt; quærentes autem Jehovah non indigent ullo bono. Ps. xxxiv. II.

LOCUS.

XXXVII. Circa Tempus datæ Mannæ hæc sunt observanda. I. Non potitos ea esse Israëlitas, antequam Ægyptum reliquissent. Tum demum cucumeres, pepones, & allium, & quicquid servilis cibi erat, cum cœlesti pane & Angelorum deliciis feliciter commutavere. II. Eo primum tempore panem hunc cœlo depluisse, quum sedandæ famis nulla ratio suppeteret in terra. Ita solet Deus tempestive suis prospicere; & ubi ordinaria media deficiunt, extraordinaria adhibere. Grassante ubique fame rapaces corvi quotidianum demensum suum ad Eliam deferunt. I Reg. xvii. 6. III. Quotidie Manna pluuisse, excepto Sabbato; quo non videbatur in terra: at pridie Sabbati dupla portio colligebatur in perendium. Adeo Dei benignitas singulis diebus recens est: nec cuiquam observatio mandatorum ejus, & speciatim mandati de Sabbato, damnosa erit. IV. Continuasse per quadraginta annos, donec venissent Israëlita in Canaan; ubi ex frugibus terræ comedere potuerunt. Jos. v. 12. Neque enim ubi media ordinaria præsto sunt, extraordinaria expeti vel expectari debent.

TEMPUS.



**Isræliticum erat, Colligere Mannam in diluculo.** XXXVIII. OFFICIA Isrælitarum circa Manna hæc erant. *Primo.* Colligere illud primo mane: quum sole provectiore liqueceret. Adeo exosam habet Deus inertiam, ut quum suis, citra laborem, panem e cælo pluit, cum sole tamen eos ad illius collectionem surgere jubeat. Ne in Paradiso quidem otiosum esse hominem sivit.

**Idque ad certam mensuram.** XXXIX. *Secundo.* Colligere illud ad certam mensuram, Homer pro singulis capitibus: quantum hominibus etiam robustissimis maximeque edacibus suffecisse credibile est. Homer enim ampla mensura erat, de quo videri potest *Waserus de Antiq. Mensur. Lib. II. Cap. III.* ubi docet, Homer tantum capere, quantum testæ ovorum quadraginta tres, & quinta ovi pars. *Tirinus* supputavit, singulorum demensum fuisse circiter quinquaginta unciarum nostratum. Ad mensuram eos astrixit Deus, ut nimie cupiditati modum poneret. Tantam autem mensuram indulgit, ut notas faceret divitias beneficentiæ suæ.

**Circa quam difficultates quædam expediuntur.**

XL. Meretur autem hic considerationem suam, quod Moses narrat, populum Isræliticum, alios plus, alios minus collegisse: post autem dimensos esse mensura Homer, ita ut non abundaret, qui plus collegerat, & qui minus, non laboraret penuria. *Exod. XVI. 17.* Nonnulli bina hic miracula concipiunt, alterum circa collectionem Mannæ, alterum circa absumptionem illius. Existimant enim, si quis minus destinato collegisset, antequam ad dimensionem veniretur, quod deerat, miraculose per Angelum additum fuisse: sin justo plus collectum esset, ablatum illud ab Angelo, aliisque invisibiliter fuisse appositum. Existimant item, ab unoquoque homine integrum Homer Mannæ quotidie fuisse absumtum: quod quum in tanta ætatis ac valetudinis diversitate sine miraculo fieri non potuerit, audacter pronunciant, Deum vim nutritivam Mannæ in æquali quantitate dispariter admodum attemperasse viribus & appetitui cujuscunque: ac præterea pro edacioribus Mannam constipasse in Homer, pro debilibus autem & parvulis eam rarefecisse.

**In collectione Mannæ non videtur ea miraculose aucta vel diminuta fuisse.**

XLI. Sed gratis hæc omnia finguntur; neque multiplicanda sunt miracula citra necessitatem. Quod collectionem attinet, illius hæc videtur fuisse ratio. Colligebant omnes quantum poterant: &, ut fieri solet, alii plus, alii minus, prout alii aliis erant diligentiores. Quæ autem collecta erant ab omnibus, qui sub eodem tabernaculo degabant, illa omnia in unum acervum videntur fuisse congesta, ex quo pater familias, sumpta mensura destinata, unicuique portionem suam ita erogabat, ut ratio non haberetur laboris insumti vel diligentie, sed ordinationis divinæ, ita ut cuique æqualis portio distribueretur. Facile enim ab omnibus junctim tantum colligi potuit, ut cuique  
Homer

Homer pro portione sua cederet. Hæc mihi sapienter a præstantissimo *Riveto* animadversa videntur: & firmari possunt ex 2 Cor. viii. 14, 15. Ubi Paulus ditiores hortatur, ut ex sua abundantia succurrant pauperum inopiæ, hoc argumento, quia scriptum est, qui multum habebat, ei nihil superfluit: & qui paullum habebat, is nihilo minus habuit. Quasi diceret, quemadmodum olim Deus voluit inter Israëlitas, eos, qui plurimum collegerant Mannæ, supplere eorum defectum, qui minus collegerant, ut fieret æquabilitas: sic æquum est inter Christianos, ut illi, qui, Dei munificentia, copiam bonorum possident, succurrant inopiæ eorum, quibus minus prospectum est.

XLII. De manducatione Mannæ cum eodem *Riveto* sic censeo: talem quidem mensuram cuique fuisse concessam, quæ etiam edacioribus sufficeret; liberum tamen cuique fuisse ex ea vesci, quantum libebat: plerosque igitur plus habuisse cibi, quam vel necessitas postulare, vel quam possent comedere. Reliquum autem, quum in crastinum reservari nefas fuerit, sub noctem licuisse abjicere, ut ita profiterentur suam in Deum fidem, quem sequenti die novum cibum datum credebant. Neque enim talis abjectio superfluxæ Mannæ erat signum contemptus; non magis quam combustio illius, quod residuum erat de Agno Paschali: sed indicium potius veræ in Deum fiduciæ.

XLIII. *Tertium* officium erat, nihil de Manna reservare in crastinum v. 19. Non quod singuli coacti fuerint mensuram suam quotidie consumere, stomachoque etiam fastidienti ultra appetitum ingerere: id enim, uti modo monui, cum Dei sanctitate, sapientia & bonitate non convenit. Sufficiebat, si nihil in sequentis diei usum asservaretur. Reliquum vel igne poterat comburi, vel terræ infodi, vel jumentis dari, vel alia quavis ratione aboleri. Voluit autem Deus hac ratione experiri eorum obedientiam, *Exod. xvi. 4.* & exercere quotidianam sedulitatem, & docere *αυτάρκειαν*, & inculcare fidem, ut ab illius providentia unice pendentes crastini curam in solidum illi committerent. *Mat. vi. 25, 31.*

XLIV. *Quarto*. Pridie Sabbati colligendum erat duplum, v. 7. Et quicquid abundabat, licebat deponere asservandum in crastinum. v. 25. Illud autem non foetebat, sicut reliqua cæteris diebus asservata, neque vermis in eo fuit. v. 26. Ita Deus voluit, ut Sabbato, omni labore, qui ad hujus animalis vitæ curam pertinet, omisso, sibi soli vacarent. Ipsoque facto ostendit, se quærentibus regnum & justitiam suam cætera esse adjecturum, ac nemini damno fore, quod cura corporis seposita, stato tempore se impendat Deo. Item, durante vitæ hujus sexiduo ea colligenda esse, quæ usu veniant Sabbato; nam septimo

Neque omnes ad æqualis mensuræ manducationem adstricti fore.

Nefas tamen erat quicquam in crastinum servare.

Pridie Sabbati colligendum erat duplum.

timo die, id est, post hanc vitam, non erit amplius laborandi tempus. *Quicquid assequitur manus nostra ut faciamus, illud faciendum est, omni facultate nostra: nam nullum est opus, aut ratiocinium, aut scientia, sapientiaue in sepulcro, quo eundum est. Eccl. ix. 12.* Non existimamus, hic esse primam Sabbati institutionem, sed potius illius jam ab ipsis mundi incunabulis instituti, per captivitatem autem Ægyptiacam forte interrupti, solemnem renovationem, & per miraculum Mannæ confirmationem. Moses enim de Sabbato, ut re pridem nota Israël, ita differit *ψ. 25. Illud est, quod edixit Jehova, quies, Sabbathum Sanctum est Jehova cras &c.* Non ignoramus ea, quæ prolixè, & erudite sane, contra disputat Magnus Seldenus, *De jure Naturali & Gentium &c. Lib. III. Cap. ix. & sequentibus*: tanti tamen non sunt, ut assensum impetrent.

Asservandum ali-  
quid erat  
ad perpetuam rei  
memo-  
riam.

XLV. Quinto denique, jussit Deus, Homer Mannæ in urna aurea, ad perpetuam rei memoriam, asservari, & ante conspectum, suum, per ætates Israël, collocari. Quod & factum est ab Aarone suo scilicet tempore, tabernaculo & arca exstructis. Hæc enim per evidentem prolepsin, occasione hujus historiæ, hic narrantur: *ψ. 33.* quum tamen postea demum facta esse res ipsa loquatur. Nolumus sane Deus tantæ rei memoriam in Israëlita natione intermori. Idcirco non solummodo conscribi prodigia illa curavit; sed reliquias tanti miraculi, omni exceptione majores, cunctosque in stuporem dare idoneas, superstare voluit. Ne tamen ad superstitionem vel idololatriam traherentur, in loco sacratissimo, & a vulgi usibus remoto, seponi sapienter jussit.

Paulus  
cum Mose  
concilia-  
tur.

XLVI. Obiter hic tollendum ἐναρτισθῆναι. Moses narrat *Exod. xvi. 36.* urnam cum manna, convenienter Divino mandato, ab Aarone collocatam fuisse CORAM TESTIMONIO ipso asservendam. Testimonium autem vel arca est, ita dicta, quia tabulæ testimoniales foederis illi inclusæ erant, vel ipsæ illæ tabulæ in arca. Paulus autem scribit, *Heb. ix. 4. In qua (arca,) erat urna aurea habens manna, & virga Aaron, qua germinavit, & tabula illa pacti.* Ubi urnam cum manna non minus in arca collocat, quam tabulas foederis. Quæ difficultas major est, si contendamus: *Reg. viii. 9. & 2 Chr. v. 10.* ubi diserte dicitur, nihil in arca fuisse præter duas tabulas legis. Multa a Viris Doctis subtiliter inventa sunt, ad apparentem hanc pugnam tollendam. Mihi præ cæteris placet Drusii observatio, ad *Exod. xvi. 34.* particulam *IN* Hebræis & Hebraizantibus nonnunquam valere AD, PROPE, JUXTA, cui probando adducit. *Jos. x. 11 & Jud. xviii. 12.* Alius Vir Doctus appositi-

me

me addit, *Jos. v. 13. 1 Reg. xvii. 3. Jer. xiii. 5. Col. i. 1. Ergo, in qua, etiam hic sit, ad vel juxta quam arcam.* Movet tamen ipse Drusus difficultatem, cui tollendæ se fatetur esse imparem. *Omnia placent, inquit, nisi sequeretur, tabulæ foederis. Nam illa erant intra arcam.* In autem duo significare uno loco, non est admodum probabile. *Cave igitur hoc sequaris.* Sed non tam cito despondendus est animus. Hoc saltem habemus, quod In aliquando tantam loci latitudinem notet, ut & ea complectatur, quæ *Juxta & prope* sunt. Porro arca ita fabricata erat, ut quædam extrinsecus lateribus ejus imponi possent, uti patet ex volumine Legis a Mose conscripto quod collocatum est in latere arca Domini *Deut. xxxi. 14.* Omnia ergo Paulo memorata fuerunt in arca, id est, in ambitu arca, licet alia aliis intimius. Neque minus ita Paulo dicere licuit, quam nobis, verbi gratia, in corpore humano esse cutem, & carnem, & ossa & intestina: ubi in eodem significato, sed quadam tamen latitudine, usurpatur.

Peccata  
Israelita-  
rum circa  
manna.

XLVII. PECCATUM Israëlitarum circa manna triplex memoratur. I. Quod nonnulli contra expressum Dei mandatum aliquid asserverint in crastinum. *Exod xvi. 20.* Adeo adversa fronte id *φρόνημα* & *σαρνός* in Deum petulanter incurrit, etiamsi prodigiosa bonitate amabilem se simul ac venerabilem præstet: neque ullis miraculis ista corruptæ naturæ pervicacia domabilis est. Id autem, quod servatum erat, scatere cœpit vermibus, & computruit. Ut doceamur, omnia, quæ contra Dei præceptum injuste & averse conservantur, fœtere coram Deo & hominibus, & hinc nasci vermes, id est, varia malorum genera, imprimis vermem conscientiæ: quum contra perennia & incorrupta sint, quæ cumulantur in Sabbatum futurum. *Mat. vi. 20. 1 Tim. vi. 19.* II. Quod etiam Sabbato exiverint ad quaerendum: quo tamen nihil invenerunt, *Mat. 27.* Merito Deus eorum desideria frustratur, ac labores inutiles reddit, qui adversus præceptum illius aliquid aggrediuntur. Neque est, quod benedictionem Divinam operæ suæ polliceatur, qui, die quietis Dominicæ, in iis, quæ ad victum faciunt, omisso Dei cultu, laborat. *Jes. lvi. 13. 14.* III. Quod Manna, ut ut præ cæteris cibis suavissimum ac saluberrimum, fastidiose tandem contemserint, idque præ cucumeribus, & peponibus, & porris, & cepis, & aliis. *Nam. xi. 5. 6.* Sic solent homines carnales quisquilias hujus sæculi thesauris cœlestibus, si quas terræ deliciis Angelorum anteferre. Nihilque in hac terra tam jucundum est, quod non sui aliquando fastidium pariat. Etiam præstantissima Dei dona, tam naturalia, quam spiritualia, in hac mentium nostrarum perversitate assuetudine vilescunt.

Manna  
Sacramen-  
tum fuit.

**XLVIII.** Nunc MYSTERIUM Mannæ videamus. Sacramentalem fuisse hunc cibum, Paulus docet 1 Cor. x. 3. ubi *spiritualem escam* vocat: talis autem erat, non natura sua, quippe animali vitæ sustentandæ destinatus; sed significatione, in quo respondet coenæ nostræ mysticæ. *Spiritualem*, inquit *Augustinus ad Ps. LXXVII. 1. id est, spirituale aliquid significantem*. Et Christus, se esse verum illum panem qui e cælo venit, & per Manna præfiguratus est, prædicat, *Joh. vi. 32.* Judæi ipsi quantumvis cæci, novum sibi Manna per Messiam dandum pollicentur. Ita enim in *Midras Cobelet. Fol. 86. col. 4. Redemptor prior descendere fecit pro iis Manna, sic & Redemptor posterior* מן הים מן descendere faciet Manna: sicut scriptum est, & erit particula frumenti in terra. *Ps. LXXI. 16.* Quæ carnalia quidem & corrupta, sed antiquæ tamen & spiritualis *κατηχησως* rudera sunt. Sic & in *Midras Cantici Fol. 16. c. 4. Redemptor posterior revelabitur iis. Et quoniam eos ducet? Sunt, qui dicunt, in desertum Judæ; sunt, qui dicunt in desertum Sihoni & Og.* מן הים מן descendere faciet iis Manna. Notandum autem, Christum frequenter in desertis Judææ, imo in ipso deserto Ogi, verbi sui pabulo, quod omni Manna præstantius est, turbaspavisse; &, ubi res ita ferebat, pane, non minus miraculose multiplicato, quam Manna olim, corporis famem sedassa. Alia Judæorum testimonia vide apud Viegam ad *Ap. 11. 17.* Cæterum juxta ordinem præstitutum ad specialiora veniamus.

Analogia  
Mannæ  
cum Chri-  
sto.

1 Quoad  
Erymolo-  
giam.

2 Dabatur  
indignis.

3 Licet  
promissa,  
non tamen  
cognita  
fuit.

4 E cælo  
descendit.  
& simul

**XLIX.** Manna cibum notat a Deo *destinatum, præparatum, & Israëlitis pro sua portione*, ad vitæ sustentationem, a Deo datum. Christus est *ὁ ἀρετὰ τῶ Θεῷ. Joh. 14. 10. Donum illud* eximium, a Deo *προσγενοσµένον, 1 Pet. 1. 10.* & incredibili illius bonitate vero Israël concessum, in *portionem suam Jer. x. 16. per quam viveret.* Ipso Jesu edicante *Joh. vi. 51. Ego sum panis ille vivus, qui e cælo descendi. Si quis ederit ex hoc pane, vivet in æternum.* Manna Israël dabatur, quum minime sollicitus esset de bonis Dei, & pluris faceret bona Egypti, & Deum iterum tentaret. Christus in mundum venit, quum corruptissimus esset: & spiritualia bona sua obtulit, quum etiam optimi quique vix supra terrestria & carnalia ascenderent. Mannam licet a Mose promissam, quum primum dabatur, Israël non cognoscebat. Christus, licet toties a Mose ac universo sacrorum vatum choro promissus, & ad vivum delineatus, tamen quum veniebat in mundum, a mundo non est agnitus *Joh. 1. 10.*

L. Mannæ Origo e cælo erat, ita tamen ut vapores sive exhalationes illæ, ex quibus coagulabatur, virtute solis e terra elevatæ sint. Christus se e cælo descendisse, ut vitam daret mundo, aliquoties inculcat

inculcat, *Joh. vi. 1.* Idem, qui est ἀνατολή ἐξ ὕψους *Luc. i. 78.* est etiam *fructus terra. Jes. iv. 2.* Circa Mannam descendentem occupatus fuisse Angelos, supra jecimus. Christo primum in mundum venienti ingens multitudo exercituum coelestium genethliacum cecinit. *Luc. ii. 23.* Moses quidem Manna, & illius conditionem edocuit. Ita nec veræ salutis Auctor fuit, sed de Christo testatus est, docuitque, in illius communione esse vitam animæ *Joh. v. 46.*

LI. Forma ac figura sua Manna tenuis erat atque minuta, nihil grande primo obtutu præ se ferens: ita & Christo, si solis carnis oculis conspiceretur, neque decor aderat, neque species, ob quam desiderabilis esse videretur. *Jes. liii. 2.* Color tamen Mannæ albus, & qualis margaritarum esse solet, summam D. Jesu puritatem, & in assumpta servi forma resplendentem Divinæ Majestatis gloriam notabat. Sapor Mannæ suavissimus, instar mellis & olei præstantissimi, incredibiles gratiæ illius, quam per Christum consequimur, delicias significat, cujus dulcedinem nisi gustando nemo discit. *Pf. xxxiv. 9.* Ut commodior Israëlī cibus esset, molebatur molis, aut tundeatur tudiculis, aut coquebatur cacabis *Num. xi. 8.* Christus etiam variis passionibus præparatus est in cibum animæ nostræ, tam dulcissimum, quam saluberrimum.

LII. In deserto pluebat Manna: & Christus in mundum venit, & ad populum Israëliticum, quum deserti instar carduis ac spinis horreret, & bonarum frugum sterilissimus esset: & adventu suo *consolatus est vastitates Zionis, & disposuit desertum ejus tanquam Hedenem, & solitudinem ejus tanquam hortum Jehova. Jes. li. 3.* Tum demum Mannam consequebantur Israëlītæ, quando consumtis iis omnibus quæ ex Ægypto attulerant, sentiebant sibi fame pereundum esse, nisi inopino coeli favore sublevarentur. Gratiam suam iis solis largitur Christus, qui suæ sibi inopiæ conscii, omnique mundano solamine abnegato, salutem suam ipsi unice debere volunt. *Luc. i. 53. Famelicos implevit bonis, & divites ablegavit inanes.* Neque fas cuiquam est Divinæ gratiæ consolationes expectare, nisi prius Ægypto hujus mundi, & ergastulo peccati relicto, ac rubro mari lachrymosæ poenitentiae transmissio, Spiritui Sancto in via ad coelestem Canaan se ducendum regendumque tradat. *Jes. xxxii. 16. 17.*

LIII. Quotidie depluebat Manna, & primo diluculo recens semper se offerebat Israëlītis. Sic & gratia ac miserationes Domini novæ sunt singulis matutinis. *Thr. iiii. 23.* Ita tamen sex diebus dabatur hic panis, ut septimo non conspiceretur in terra. Eo significatum videtur, Christum suo tempore apparituum inter Israël-

originem  
e terra ha-  
buit.

5. Circa  
illam oc-  
cupati  
fuisse An-  
geli.

6. Testi-  
monium  
habuit a  
Mose.

7. Figura  
minuta.

8. Colore  
alba, &  
Margaridis  
similis.

9. Sapore  
suavissima.

10. Tufa  
& cocta.

11. Plue-  
bat in de-  
serto.

12. In ex-  
trema pe-  
nuria.

13. Post  
exitum ex  
Ægypto.

14. Sin-  
gulis dilu-  
culis.

15. Septi-  
mo tamen  
die non

conspiciebatur.

16. Desit post adventum in Canaan.

17. Obtinebat Israël sine labore, nisi quod colligerent.

18. Idque primo mane.

19. Extra castra.

20. Ad certam, sed amplam mensuram data

21. Cum his, qui minus habebant, li-

Israëlitæ, & quotidie cum ipsis loquuturum; deinde vero non visum iri ab ipsis, & de cætero non esse quærendum, vel ut alicubi videatur in terra, vel ut credatur, esse hic aut illic. Quia autem is dies septimus fuit hebdomadæ, ita significatum est, futurum, ut die septimo desineret conspici ab hominibus: die autem primo hebdomadæ e sepulcro redux una ferme cum sole conspiciendum se præberet suis. Quum in Canaan venissent Israëlitæ, definebat Manna. Ea quæ ad statum Ecclesiæ in mundi deserto oberrantis pertinent, omnisque adeo medicinalis gratia, ac quæ, defectum aliquem supponens, a Christo, ut Mediatore, ad nos defluit, cessabunt post novissimum diem, quando Ecclesiæ, in coelestem patriam introductæ, Deus ipse erit omnia in omnibus. 1. Cor. xv. 28.

LIV. Non satum cultive, non ulla hominum industria, Manna obtingebat Israël; solius Divinæ benignitatis gratuitum donum erat: id tantummodo exigebatur ab Israël, ut donum illud Dei acceptaret, colligeret, & in usus suos converteret. Ita & vita illa ac salus, quam in Christo Domino habemus, non est volentis, neque currentis, sed misentis Dei. Rom. ix. 16. Et gratia illius est sicut ros a Jehova, & ut tennes pluvia super herbam; qua non exspectat virum, neque prestolatur filios hominis. Mich. v. 6. Id interim nostri est officii, ut oblatam gratiam accipiamus fide, nobisque applicemus. Atque hoc voluit Servator, quum dixit Job. vi. 27. Operemini non cibo, qui perit, sed cibo illi, qui permanet ad vitam æternam, quem filius hominis dabit vobis. Et quidem primo mane id faciendum, non prætermissa temporis oportunitate. Jes. lv. 6. Requiritte Jehovah, quum præsto est. Ps. lxxiii. 2. O Deus, Deus fortis meus, tempestive requiro te. Extra castra eundum Israëlitæ erat, si Manna potiri vellent. Qui Christum invenire satagit, commoditati carnis nimium ne studeat. Sponsa in cubili suo dilectum quærens non inveniebat. Cant. iii. 1. inveniebat autem, quum exivisset paululum. v. 4.

LV. Ad certam mensuram dabat Deus Manna, tantam tamen quæ cuivis, etiam edacissimo, sufficeret. Et gratiæ suæ demensum singulis partitur Christus, atque ita quidem, nequid cuiquam ad salutem desit. 2. Cor. xii. 9. Omnibus interim electis gratia ipsius pariter exposita est, ut singuli ad satietatem de ea sumant. Cant. v. 1. Modo aperiant ac dilatent os suum, replebitur bonitate Domini. Ps. lxxxii. 11. Ps. xxxvi. 8. 9. Non sane nimium potest esse Divinæ gratiæ æstimum ac desiderium; neque cuiquam vetitum ad majora eniti: singuli sibi dictum existiment, 1. Cor. xii. 31.

Ass.

*Affectate dona posteriora.* Attamen contentos nos esse oportet liberri-  
ma ac sapientissima Patris nostri dispensatione, humiliter confiten-  
tes, ne minima quidem mica nos esse dignos. Si quis autem, Divina benedictione, plus cæteris collegisse deprehendatur, illius  
est, abundantiam suam in commune conferre, & donorum suo-  
rum ubertate aliorum inopiæ succurrere.

LVI. Manna servata in diem sequentem corrumpebatur, neque  
amplius panis usuarius nedum sacramentalis erat. Sic & panis Eu-  
charisticus, qui Manna antitypus est, extra usum temporis illius,  
quo distribuitur ad manducandum, amittit vim sacramenti: & si  
adversus præceptum Dei retineas, loco spiritualis cibi, pravae su-  
perstitionis vermes reperiēs. Pridie Sabbati colligebatur duplum,  
cujus usus in diem quietis erat; eodem hebdomadae die, duplica-  
to animæ Christi labore, tanta electis gratiæ ubertas parta est, ut  
iis æterno quoque Sabbato satiandis beandisque sufficiat. Neque  
metuendum est, ne, quæ in eum diem reposita sunt, spiritualia  
dona ulla corruptione vitientur. Denique conservatio Mannæ in  
urna aurea, & sepositio ejusdem in tabernaculo, coram Jehova &  
testimonio, significabat, eum, qui de coelo descenderat, ut panis  
vitæ homini peccatori esset, iterum in coelum assumptum iri, &  
in sanctuario sine manibus factō, ac vita perpetua, coram Deo  
fore: unde & communio cum Christo in gloria, *Manna absconditum*  
nuncupatur. *Ap. II. 17.* Interim cavendum nobis ante omnia, ne  
cum ingratis Israëlitis ad incomparabiles coelestis gratiæ delicias nau-  
seantes, iisve mundi hujus filiquas anteferentes, in justissimam con-  
tempti numinis vindictam incurramus.

LVII. Sed quandoquidem ἡ ἐπὶ τροφῇ χάρις, ὅτε μὴ παρόν-  
τος, ἔδεν ἐστὶ, *cibi gratia, potu destituta, nihil est*, uti Moſen  
Deo dicentem introducit *Josephus*; & quia plenitudo satietatis,  
quæ in Christo est, veteri populo non minus quam nobis adum-  
brari debuit: hinc potum æque miraculosum quam cibus erat,  
Israheli, iterum murmuranti, Divina indulſit clementia. Quum  
enim siti populus tentaretur, neque aquam sibi filiisque suis, ne-  
dum pecori, in torrido deserto reperiret, Moſes, Dei jussu, ru-  
pem, quæ in Horeb est, in cujus summitate præſentis Numinis  
gloriosa Majestas conspiciebatur, baculo suo percutiens, largas a-  
quarum venas aperuit. *Exod. XVII. 1—6.* Celebratur in literis  
Sacris passim id miraculum. *Pſ. LXXVIII. 15. 16.* *Fiderat rupes in*  
*deserto, ut potum præberet in abyſſis plurimum. Educens fluentia e petra,*  
*& demittens tanquam flumina aquas.* Quidam rupem ipsam  
in aquarum latices vertisse arbitrantur, *ex Pſ. CXIV. 8.* Ubi vul-  
gatus,



gatus, *Qui convertit petram in flagna aquarum, & rupem in fontes aquarum.* LXX. τῇ τρεῖς πηγῶν. Sed hyperbole poetica est, uti si quis coelum ipsum in imbres solvi dicat. Nihil stultius, quam hæc ad Transubstantiationis monstrum trahere. Cæterum, an Deus tunc primum aquam ibi miraculose produxerit, an quæ jam antea exstabant, sed hætenus clausæ fuerant, aquarum venas, ad percussione baculi Mosaici derepente aperuerit, Scriptura tacente, nostrum non est definire. Quæ Hebræi fingunt, baculum Moïse ex adamante fuisse, atque hinc petram ictu perforasse, quapropter Moïse dicatur percussisse non על צור, *super petram*, sed בצור *in petra* ψ. 6. ipsa glacie frigidiora sunt.

Quæ simili-  
liter fuit  
mythica.

LVIII. Quum historica hæc narratio nihil admodum difficultatis habeat, ad considerationem mysterii properamus. Id a Paulo indicatur I. Cor. x. 4. *Et omnes eundem potum spirituales biberunt.* Spirituales scilicet, uti & de esca monuimus, non natura, sed significatione. *Bibebant enim ex sequente spirituali petra*, id est, aqua petra, quæ ipsos copioso flumine in deserto sequebatur. *Petra vero illa erat Christus*, id est, uti bene *Tertullianus*, *De Patientia*, significabat Christum. Cui consentit *Augustinus Quæst 57. in Leviticum.* *Petra erat Christus, non per substantiam, sed significationem.* Analogiam videamus.

Christus  
petra ob  
non unam  
causam  
dicitur.  
Verum hic  
duntaxat  
ob aquæ  
scaturigen-  
iam.

Analogia.  
1. Rupes  
ab Ariditate  
nomen  
habebat.

LIX. Certum est, sæpe Christum in Scriptura rupem nuncupari: propter æternam firmitatem. *Jes. xxvi. 4.* & inexpugnabilem fortitudinem. *Pf. xxxi. 3.* &, quod inde sequitur, tutissimum receptum. *Pf. lxxi. 3.* Non tamen existimo, ea nunc in considerationem venire. Christus enim hic rupe figuratur eo solum respectu, in quantum ea aquas dabat ad restinguendam Israëlitis sitim.

2. Non  
dabat a-  
quas, nisi  
percutsa.

LX. Hæc ergo est vera analogia: I. Rupes hæc ab *arida vastitate* nomen habet, (id enim Hebraice notat Horeb) nihilque minus polliceri videbatur, quam quod dabat, fluenta nimirum, adquando tam numerofo cum jumentis suis populo. Christus itidem nonne est *כשרש מואץ צידה* *sicut radix e terra arida* *Jes. liii. 2.* & nonne plus quam prodigium est, eum, qui ipse in cruce de siti quiritabatur, aliis inclamare: *Si quis sitit, veniat ad me, & bibat. Qui credit in me, sicut Scriptura dixit, flumina aqua viva e ventre ipsius fluent.* *Joh. vii. 37. 38.* II. Aquam non dabat rupes nisi percussa. Ita quoque decebat Deum, ut *Principem salutis nostræ per passiones consummaret.* *Heb. ii. 10.* Quum latus illius lancea transfoderetur, statim exivit sanguis & aqua. *Joh. xix. 34.* Atque isthac ratione factus est *fons apertus domui Jebuda & habitatoribus Hierosolymæ, pro peccato & pro separatione ex immunditie.* *Zach. xiii. 1.* III. Neque alio instrumento rupem percutere fas erat, nisi

3. Et qui-  
dem bacu-

bacu-

baculo Legislatoris: ut innueretur, Christum easdem perpeſſiones, eandemque maledictionem ſubiturum eſſe, quas lex interminata erat homini peccatori. *Gal. 111. 13.* IV. Percuſſio rupis inſpectantibus populi murmurantis ſenioribus peragebatur. Ad vociferationem ſævientis plebis, & poſtulatam ſeniorum, multis quoque eorum adſtantibus, cruci affixus Chriſtus eſt. *Mat. xxvii. 41.* V. In ſummitate rupis conſpiciendam ſe dabat ſupremi Numinis Majeſtas. Ne tum quidem, quum pateretur Chriſtus, ita ſe diſſimulabat exinaniti Divina gloria, quin conſeſſio illius etiam invitis peſtoribus erumperet. *Mat. xxvii. 54.* VI. Non modo tanta aquæ copia e rupe promanabat, quæ ſedandæ Iſraëliitarum ſiti ſufficeret, ſed & ſequebantur eos fluentia, quaqua verſus in deſerto proficiſcerentur. *Pſ. lxxviii. 15. 20. & cv. 41.* Ita quoque abundantia gratiæ, quæ in Chriſto eſt, facit, ut, *poculum noſtrum ſit exuberans, & bonum ac benignitas Jehova noſ proſecutura ſit omnibus vita noſtra diebus. Pſ. xxi. 5. 6.*

LXI. Diverſa ab hac hiſtoria, attamen & ea quoque myſtica eſt, quæ narratur *Num. xx. 8.*—Ubi Moſes jubetur, non quidem petram percutere baculo ſuo, ſed eam ante oculos Iſraëliitarum alloqui, ut aquam ederet. Quo notari videtur, ſemel tantum Chriſtum debere pati, & unicam illius oblationem ad conſummationem fidelium ſufficere, *Heb. ix. 27. 28. & x. 14.* Cujus virtus per præconium Evangelii diſpenſanda electis fuit. Moſes autem contra voluntatem Divini præcepti, licet juxta voluntatem decreti, rupem bis percutiens, typus eſt eorum, qui peſſime quidem, attamen ex determinato Dei conſilio, Chriſtum, ſemel in carne paſſum, iterum perſequuntur, ac male habent, in corpore ſuo myſtico. *Act. ix. 4. Col. i. 26.* Uti ex petra bis percuffa exiverunt aquæ multæ, & bibit coetus: *Num. xx. 11.* ita & afflictiones fidelium in commodum ceſſerunt Eccleſiæ: *Phil. i. 12.* ſanguis martyrum, inſtar ſœcundæ pluviz Paradifum Dei rigavit: & favillæ ex rogis ipſorum quaquaverſum volantes novam fidei lucem, novas caritatis flammæ, longe lateque accenderunt. Atque adeo nunquam ampliorem Divinarum conſolationum ubertatem experta eſt Eccleſia, quam quando validiſſimos perſecutionum icſus coacta eſt ſuſtinere. Nemo tamen perſecutorum temeritatem ſuam impune feret. *Pſ. cv. 14. 2 Theſſ. i. 6.* quandoquidem ipſe Moſes, tam fidus cæteroquin, tam carus Deo, propter hoc factum Cananitide excluſus eſt. *Num. xx. 11.*

LXII. Reſtat nunc ſacramentum SERPENTIS ÆNEI, cujus hiſtoriam, *Num. xxi. 6.*—memoratam, luculentiffima commentatione expoſuit Bochartus, *Hierozyoici Part. 11. Lib. 111. Cap. XIII.* Summa hiſtoriæ huc redit: Iſraëlitæ murmurantes adverſus Deum & Moſen, & con-

lo Legisla-  
toris,

4. Inſpe-  
ctantibus  
Senioribus  
murmuran-  
tis po-  
puli.

5. In ſum-  
mitate ru-  
pis ſtabat  
Deus.

6. Fluen-  
tia Iſraë-  
lem in de-  
ſerto ſe-  
queban-  
tur.

Alterius  
hiſtoriæ,  
quæ huic  
gemina  
eſt, myſtica  
explicatio.

Serpentis  
Ænei hi-  
ſtoria.

gatus, *Qui convertit petram in fagna aquarum, & aquarum.* LXX. τὴν πέτρην ὕδωρ. Sed hyperbole quis coelum ipsum in imbres solvi dicat. Num ad Transubstantiationis monstrum traheret. primum aquam ibi miraculose produxerant, sed hactenus clausæ fuerant, ac baculi Mosaici derepente aperuerunt, non est definire. Quæ Hebraice serpente fuisse, atque hinc petra dicatur percussisse non est. ipsa glacie frigidiora sunt.

Quæ similiter fuit mystica.

LXVIII. Quum his tribus habeat, ad confirmationem dicatur 1. Cor. X. ritualement scilicet purificationem. & eventus luculenter committitur, quæ 1. Miseria populi. 2. Beneficentia Christi.

Christus petra ob non unum causam dicitur.

LXIII. In Miseria populi, & peccatum & peccati poena expendenda est. Peccatum erat, contemptus Mannæ, & murmuratio in Deum ac Mosen. Vix usquam se illustrius vitiosa naturæ nostræ corruptio ostendit, quam in populo Israëlítico; qui tot beneficiis a Deo maculatus, toties paternis virgis castigatus, identidem ad ingenium redit. Neque in Mosen solum insurgit, quo auctore tot pericula evaserat, sed & in ipsum Numen, tam portentosis majestatis suæ indicijis præsens: Et Mannam, coelestem, inquam, Mannam, tam avidè nuper exceptam, vesana protervitate fastidit. Nonne id indomabilem naturæ nostræ pravitatem, & incredibilem Divinæ beneficentiæ, in homine, qui sibi ipsi relictus est, abusum; evidentissime arguit? & quum ejusdem figmenti omnes simus, perversitatis nostræ specimèn in Israëlitis cernimus.

In poena, potestatem Diaboli in peccatores.

LXIV Poena, peccatum consequens, erat urentium serpentum morsus: quibus pravas Diaboli, ad desperationem tentantis, suggestiones, quas *ignita Satana tela* Paulus nuncupat, *Eph. vi. 16.* quæque virus suum in omnes partes diffundunt, adumbratas esse, non inepte creditur. Sunt enim Diaboli vere *Scraphini*, qui, sicut in prima fui creatione candebant flammis Divinæ caritatis, ita post peccatum horridi torridique serpentes facti, uti igne Divinæ excandescentiæ ustulantur, ita odio adversus Deum & Dei populum flagrant. Et sane merito Satanae vexandi traduntur, qui verbum Evangelii, & Dei

Christo gratiam quavis manna dulciorem, contumeliose respuunt, in Deum ipsum blasphemari sunt, ut Hymenæus atque Alexander.

1. 20.

7. Sed ut Israëlitarum illi, quibus, de medicina non sollicitum morsus sunt lethiferi, figura sunt impoenitentium, qui, gratia, in peccatis moriuntur: ita qui ad Moysen confuscati confitentes, & Dei gratiam implorantes, eos aperte quos peccatorum sensus, & Divini judicii metus, ad faciunt: quales erant, qui compuncti corde dicunt ad quos Apostolos, *Quid faciemus Viri Fratres? Act. 11. 37.* respondit ille. *Act. xvi. 29. 30.* In horum autem gratiam et serpentem æneum perticæ imponere, & promissu sanarentur, quotquot a serpentibus morfi fuerant, dubium non est, quin serpens ille Christum ad se ipse asserit. *Joh. 111. 14. Sicut Moses extulit serpentem tolli oportet Filium hominis.* Typi ratio hic assi-

In remedio, Christi adversus poenitentes gratiam.

Quoad Formam. Serpentem, non Christi, sed Dia-

bolum fuisse, nulla probabili ratione a Viro Docto asseritur. Quia serpentes, qui Israëlitas venenatis suis moribus trucidabant, figura erant Diaboli, ita æneum illum serpentem, jussu Dei factum, & moribus aliorum medendis destinatum, Christi sacramentum fuisse, omnia clamant. Neque inconvenientius est, Christum serpentis figura repræsentari, quam, quod Vir Doctus aliquoties inculcat, figura lascivi hirci. Analogia in hisce consistit. I. Quod Christus, licet ipse omnis peccati expers, venerit in similitudine carnis peccatricis. *Rem. viii. 3.* II. Quod voluntaria sponfione substituerit se in locum eorum, qui natura, sicut & cæteri, sunt *progenies viperarum, Mat. 111. 7.* III. Quod virtute illius sponfionis, peccata eorum bajulando, factus sit *peccatum & execratio. 2 Cor. v. 21. Gal. 111. 13.* Atque ita figuram quidem serpentis habuit, sed venenum non habuit.

Serpens Æneus Typus fuit Christi, 1. Quoad Formam.

LXVII. Secundo. Quoad Materiam, qua diverso respectu & humanæ naturæ vilitatem, & Divinæ præstantiam, & Evangelii efficaciam adumbratam esse, Viri Eruditissimi observarunt. I. Æneus fuit Serpens, e viliori metallo conflatus, non aureus: ut nobis Christum exhiberet, in quo non fuit forma, neque decus, neque ulla species ob quam desideremus illum. *Jes. LIII. 2.* II. Divinum Christi robur significari potuit æris firmitate ac perennitate. Unde *Joh. vi. 12. An vis mea est vis lapidum? An caro mea est area?* Et apud Poëtam, monumentum ære perennius dicitur. III. Inter omnia metalla æs maxime est sonorum. Unde Paulus *1 Cor. xiii. 1. γέγονα χαλκός ἢ χαλῶν. Factus sum as*

2. Quoad Materiam.

temptim loquentes de coelesti Manna, in ingentem Numinis indignationem incurrerunt. Hinc immissi iis serpentes, qui morderent populum, & foeda strage plurimos confestim interimerent. Serpentes hos שרפים *Seraphim* scriptura nominat: quod nomen, ab *Uisione* factum, cum nobilissimis Angelorum commune habent. Ita autem vocantur, quia flammam ex ore suo spargunt, & venenoso suo habitu urunt. Sane & Græci *φασγῆρας* & *καύσωνας* quosdam serpentes ab ardore appellant. An vero per *Saraph* hic Hydrus vel Cherfydrus, quod Bœchartus vult, an alia serpentum species indigitetur, neque admodum est certum, neque, ut sciamus, nostra multum interest. Utilius est considerare, quomodo Divina clementia populi querelis, ac delicti confessione, & precibus Moſis exorata, præſens tanto malo remedium attulerit. Ex præſcripto Dei exſtructus a Moſe, & perſicæ impoſitus Serpens Æneus eſt: eo ſine, ut, quiſquis illum ita in ſublime erectum intueretur, adverſus mortiferos ſerpentum morſus certiffimam inveniret medelam. Quod & eventus luculenter comprobavit. Tria hic diſtincte obſervanda. 1. Miſeria populi. 2. Beneficium Dei. 3. Officium hominis, ad participationem iſtius Beneficii requiſitum.

In peccato  
populi  
ſpecimen  
perverſita-  
tis noſtræ  
cernimus.

LXIII. In Miſeria populi, & peccatum & peccati poena expendenda eſt. Peccatum erat, contemptus Mannæ, & murmuratio in Deum ac Moſen. Vix uſquam ſe illuſtrius vitioſa naturæ noſtræ corruptio oſtendit, quam in populo Iſraëlitico; qui tot beneficiis a Deo maſtatus, toties paternis virgis caſtigatus, identidem ad ingenium redit. Neque in Moſen ſolum inſurgit, quo auctore tot pericula evaſerat, ſed & in ipſum Numen, tam portentofiſis majeſtatiſ ſuæ indiſciis præſens: Et Mannam, coeleſtem, inquam, Mannam, tam avide nuper exceptam, veſana protervitate faſtidit. Nonne id indomabilem naturæ noſtræ pravitatem, & incredibilem Divinæ beneficentiæ, in homine, qui ſibi ipſi relictus eſt, abuſum; evidentiffime arguit? & quum ejusdem figmenti omnes ſumus, perverſitatis noſtræ ſpecimen in Iſraëlitis cernimus.

In poena,  
potestatem  
Diaboli in  
peccato-  
res.

LXIV Poena, peccatum conſequens, erat urentium ſerpentum morſus: quibus pravas Diaboli, ad deſperationem tentantis, ſuggeſtiones, quas *ignita Satana tela* Paulus nuncupat, *Eph. vi. 16.* quæque virus ſuum in omnes partes diffundunt, adumbratas eſſe, non inepte creditur. Sunt enim Diaboli vere *Seraphini*, qui, ſicut in prima ſui creatione candebant flammis Divinæ caritatiſ, ita poſt peccatum horridi torridique ſerpentes facti, uti igne Divinæ excandefcentiæ uſtulantur, ita odio adverſus Deum & Dei populum flagrant. Et ſane merito Satanæ vexandi traduntur, qui verbum Evangelii, & Dei

in

in Christo gratiam quavis manna dulciorem, contumeliose respuunt, aut in Deum ipsum blasphemii sunt, ut Hymenæus atque Alexander. 1 Tim. I. 20.

LXV. Sed ut Israëlitarum illi, quibus, de medicina non sollicitis, serpentum morsus sunt lethiferi, figura sunt impœnitentium, qui, spreta Dei gratia, in peccatis moriuntur: ita qui ad Mosén confugiunt, peccata confitentes, & Dei gratiam implorantes, eos aperte significant, quos peccatorum sensus, & Divini iudicii metus, ad saniora consilia incitant: quales erant, qui compuncti corde dicunt ad Petrum & reliquos Apostolos, *Quid faciemus Viri Fratres?* Act. II. 37. & Commentariensis ille. Act. XVI. 29. 30. In horum autem gratiam Deus Mosén iussit serpentem æneum perticæ imponere, & promisit fore, ut ejus adspectu sanarentur, quotquot a serpentibus morfi fuerant. Mihi quidem dubium non est, quin serpens ille Christum adumbraverit. Ita enim ipse asserit. Job. III. 14. *Sicut Mosés extulit serpentem in deserto, ita extolli oportet Filium hominis.* Typi ratio hic assignatur varia.

In remedio, Christi adversus poenitentes gratiam.

LXVI. *Primo.* Quoad *Formam*. Serpentem, non Christi, sed Diaboli, typum fuisse, nulla probabili ratione a Viro Docto asseritur. Uti serpentes, qui Israëlitas venenatis suis moribus trucidabant, figura erant Diaboli, ita æneum illum serpentem, jussu Dei factum, & moribus aliorum medendis destinatum, Christi sacramentum fuisse, omnia clamant. Neque inconvenientius est, Christum serpentis figura repræsentari, quam, quod Vir Doctus aliquoties inculcat, figura lascivi hirci. Analogia in hisce consistit. I. Quod Christus, licet ipse omnis peccati expers, venerit *in similitudine carnis peccatricis.* Rom. VIII. 3. II. Quod voluntaria sponsione substituerit se in locum eorum, qui natura, sicut & cæteri, sunt *progenies viperarum,* Mat. III. 7. III. Quod virtute illius sponsionis, peccata eorum bajulando, factus sit *peccatum & execratio.* 2 Cor. V. 21. Gal. III. 13. Atque ita figuram quidem serpentis habuit, sed venenum non habuit.

Serpens Æneus Typus fuit Christi, 1. Quoad Formam.

LXVII. *Secundo.* Quoad *Materiam*, qua diverso respectu & humanæ naturæ vilitatem, & Divinæ præstantiam, & Evangelii efficaciam adumbratam esse, Viri Eruditissimi observarunt. I. Æneus fuit Serpens, e viliori metallo conflatus, non aureus: ut nobis Christum exhiberet, *in quo non fuit forma, neque decus, neque ulla species ob quam desideremus illum.* Jes. LI. 2. II. Divinum Christi robur significari potuit æris firmitate ac perennitate. Unde Job. VI. 12. *An vis mea est vis lapidum? An caro mea est area?* Et apud Poëtam, *monumentum ære perennius* dicitur. III. Inter omnia metalla æs maxime est sonorum. Unde Paulus 1 Cor. XII. 1. *γέγονα χαλκός ἢ χάλιν.* Factus sum æs

2. Quoad Materiam.

*resonans.* Ita per æs recte designari videtur Christus crucifixus, & prædicatio crucis illius, *cujus sonus exiit in omnem terram.* Rom. X. 11.

3. Quo-  
ad Exalta-  
tionem.

LXVIII. *Tertio.* Quoad *Exaltationem.* Nam exaltatio serpentis in pertica præfigurabat exaltationem Christi, non eam, quæ in cælo est, & gloriæ, sed quæ est ignominia, in cruce. *Job. 111. 14.* Quomodo ipse Johannes eam phrasin explicat. *Cap. xii. 32. 33.* Ex Syriacæ enim & Thargumicæ linguæ usu *Exaltare* significat ex ligno suspendere: utramque actionem eadem voce אָרַב denotant. Et, uti erudite oppido observavit *Bochartus*, orta videtur ista locutio ex edicto Darii Regis; saltem ex eo confirmari potest, *Ezr. vi. 11.* *Quisquis hoc mutaverit, tollatur lignum de domo ejus, וְיוֹקִיף יִתְמוּדָא עֲלָיו, & sublatus in eo deleatur. Sublatus, id est, suspensus.* Sed & holocausta, quæ Hebraice מִלְחָה, id est ὁλοκαύτω, dicebantur, quia sursum attollebantur, significabant, fore, ut Christus, pro peccatis se offerens, exaltaretur in cruce. Neque de nihilo est, quod exaltationem serpentis per *Mosen* Deus fieri voluerit. Nam virtute maledictionis, quam lex per *Mosen* lata intonat, cruci affixus Christus est.

4. Quo-  
ad Bene-  
ficium.

LXIX. *Quarto.* Quoad *Beneficium.* Sicut enim a serpente habebant Israëlitarum curationem lethiferorum morsum: ita in aliis Christi est *sanatio*, *Mal. iv. 2.* *Sanat omnes infirmitates nostras.* *Pf. ciii. 3.* Proinde ut Judæi, tam præsentis auxilio freti, anguium morsum & aculeum parum timebant; sic fidelis, qui Christo nititur, dæmonum insultus nihil faciens, cum fiducia exclamat, *ubi est victoria tua, ô mors?* 1. *Cor. xv. 55.*

Incurtus  
Serpentis  
Fidem in  
Christum  
notat.

LXX. Ad tanti beneficii communionem obtinendam, nihil ab Israëlitis exigebat Deus, nisi ut serpentem æneum intuerentur. Nempe a Dæmone inflicta vulnera, Christi, in crucem sublato, solus adpectus perfecte sanat: adpectus scilicet fidei, per quem *Moses* vidit eum, qui est invisibilis. *Heb. xi. 27.* Ita Christus ipse explicat. *Job. 111. 14. 15.* *Prout Moses extulit serpentem in deserto, ita extolli oportet filium hominis, ut quisquis credit in eum non pereat, sed habeat vitam æternam.* Si qui igitur in Israël cæci erant, aut oculos ultro avertebant, iis salutis nulla erat spes: ut neque hodie incredulis, aut rebellibus adversus lucem *Job. xxiv. 13.* & iis quorum hujus sæculi Deus mentes occavit, ne fulgeat eis lumen Evangelii gloriæ Christi. *2. Cor. iv. 4.* Tamen ut saluti esse potuit visus etiam imbecillus: ita ex morte nos eripit fides adhuc infirma, modo sit vera atque sincera. Atque ut semel morsus, & viso serpente sanatus, si iterum morderetur, ad idem remedium confugiebat; ita, si post restitutionem denuo in peccata labimur, eadem succurrit fides, quæ prius.

## C A P. XI.

*De Bonis Veteris Testamenti.*

**Q**UUM Vetus Testamentum nihil aliud sit quam Fœdus Gratiae, prout ante Christi in carnem adventum dispensatum est, necesse est, ut omnia ea bona, quæ Fœdere Gratiae, qua tali, promittuntur, in Veteri Testamento suum quoque locum habeant. Porro, bona Fœderis gratiæ sunt ipsa Salus æterna, & quicquid cum Salute necessarium habet nexum: qualia sunt, Regeneratio, Vocatio per Verbum Gratiae & Spiritum, Fides, Justificatio, Pax Spiritualis, Adoptio, & ea denique omnia, quæ superiore Libro exposuimus. Quorum pleraque licet eminentiam aliquam in Novo Testamento habeant, universa tamen, quoad rei substantiam, in Veteri quoque Testamento viguerunt. Quod quum ex ipsius rei natura atque ex iis, quæ antea demonstrata sunt, clarum sit; hoc loco de iis tantum bonis agendum est, quæ Veteri Testamento sunt propria, & præsertim quidem sub Oeconomia Mosaica.

Quicquid ad Fœdus gratiæ quæ tale pertinet, sub V. quoque Testamento obtinuit.

II. Ea autem sunt quinque. I. Electio populi Israëliti in populum peculiarem. II. Hæreditas Terræ Canaan. III. Familiaris Divinæ Majestatis demonstratio, & inhabitatio. IV. Mysteriorum Divinorum adumbratio, & quotidiana obsignatio per religionem ceremoniarum. V. Prophetarum *ἑσπέρων* continua ferme series.

Bona V.T. propria.

III. Ingens certe beneficium erat, quod Deus nationem Israëliticam, præ cæteris omnibus mundi nationibus, ELIGERET ad arctissimi secum fœderis communionem. Ipse Deus id his verbis deprædicat, *Deut. VII. 6. Nam populus sanctus es Jehova Deo tuo. Te selegit Jehova Deus tuus, ut sis ei populus peculiaris præ omnibus populis, qui sunt sub universo calo.* Virtute hujus electionis factum est. I. Ut Israël dicatur, *filius Dei primogenitus. Exod. IV. 22.* Id est, præ cæteris omnibus populis, quorum animam idem Deus fecit, & quibus vitam atque halitum & omnia denique dat, eximius, unice carus, cæterorum Dominus, duplam benedictionis portionem habens, hæreditatem non terrestrem modo, sed & spiritualement. II. Ut sit Dei peculium, *θησαυρία*, thesauri, & quasi regiæ divitiæ, quas ostentat in mundo, & quibus gloriatur. *צִיּוֹן*, de cujus vi vocis vide, quæ diximus *Lib. III. Cap. XII. §. VII. & Cap. XIII. §. XIX.* III. Ut illi iterum in Deo tanquam in sua portione gloriari potuerint. Nam quando Deus eos sibi in populum assumsit, simul iis jus dedit, illum Deum suum vocandi, & pro portione sua habendi: quemadmodum hæc junguntur *Deut. XXVI. 17, 18. A Jehova stipulatus es sponsonem bodie, fore tibi Deum. Jehova vero stipulatus est*

I. Electio Israëlita.

*spon-*



*sponsionem a te hodie, te fore ei populum peculiarem. Et Jer. x. 16. Formator omnium est Jacobi portio; vicissim Israël tribus possessionis ipsius. IV. Ut e medio sui, tanquam fratrum suorum unum, expectare Messiam jus habuerint. Deut. xviii. 15. 18.*

Quæ  
quidem  
magna  
erat præ-  
stantia:  
per se ta-  
men ad sa-  
lurem non  
sufficiens.

IV. In hisce certe magna est præstantia Judæi, & multa circumcisionis utilitas, multa, inquam, per omnem modum, Rom. iii. 1. Hinc illud *περισσὸν* Judæorum gravibus verbis Apostolus exaggerat, Rom. ix. 4. 5. *Quæ sunt Israëlita, quorum est adoptio, & gloria, & pæctæ & legis constitutio & cultus, & promissiones. Quorum sunt patres, & ex quibus Christus est quod ad carnem attinet.* Attamen nihil eorum, imo ne universa quidem simul, si externam duntaxat confederationem spectes, ad salutem tis sufficit. Neque enim omnes, qui sunt ex Israël, sunt Israël; neque quia sunt semen Abrahami, ideo omnes sunt filii. Rom. ix. 6. 7. Plurimi eorum, non obstante quod filii regni essent, projecti sunt foras. Mat. viii. 12. Fuit tamen in illa electione totius populi, ad communionem arcti quidem, sed externi tamen, fœderis, typus quidam *κρυφῶς* electorum ad gratiam & gloriam: & pii in Israël non solum præter externa ista privilegia, sed & in iis, ac per ea, gravissimi sunt salutifero Dei favore, ac communionem fœderis mystici.

2. Terra  
Canaan.

V. Secundum Veteris Testamenti bonum est TERRA CANAAN. Hanc Deus Abrahamo & semini ejus promisit. Gen. xii. 7. & xiii. 15. & xv. 7. imo jurejurando addixit. Gen. xxvi. 3. 4. Ex. xxxiii. 1. Ezech. xx. 6. Promissionem istam jurejurando firmatam vocat Deus *ברית*, *Pactum διαθήκη Testamentum*, id est, ultimam & irrevocabilem voluntatis suæ dispositionem. Gen. xv. 18. *Hoc die pepigit Jehovah cum Abrahamo fœdus, dicendo, Semini tuo dedi terram hanc.* Et quia virtute hujus testamenti semen Abrahami terram istam possessurum erat, ideo terra ista dicitur ipsius HÆREDITAS. Th. v. 2. & Heb. xi. 8.

Quæ ne-  
quaquam  
absolvit  
hæredita-  
tem V. T.

VI. Quod tamen nequaquam ita est intelligendum, quasi typica hæc hæreditas omnem V. Testamenti hæreditatem absolverit, aut Vetus Testamentum definiri debeat, Voluntas dandi terram Canaan. Multo minus dicendum est, illos, qui id negant, aut nulum constituere Vetus Testamentum, aut illud cum Novo confundere. Nam Vetus Testamentum, ut aliquoties inculcavi nihil aliud est, quam ipsissimum Testamentum Gratiae, in quantum sub involucris typorum, aliquando antiquandorum, proponitur. Hæreditas autem filiorum Dei, ex Testamento Gratiae, est Coelum, & Salus, & ipse Deus: & quum Testamentum illud invariabile sit, non potest substantia hæreditatis alia esse sub Veteri, alia sub Nova ejusdem Testamenti œconomia. Diversitas œcono-  
miarum

miarum in eo sita est, quod eadem hæreditas aliter atque aliter proponatur : in Novo Testamento sine involucris, ac nude ; in Veteri, involuta typis ac pignoribus terrenis, inter quæ, post foedus cum Abrahamo factum, excelluit typica hæreditas terræ Canaan : in Veteri Testamento conjuncta fuerit cum servitute ; in Novo cum libertate ; cui etiam accessit hæreditas gentium.

VII. Typicam hanc hæreditatem fuisse, & ratio dictat, & Scriptura attestatur. Quum enim totus orbis habitabilis neque animæ bonum esse queat, & per peccatum vanitati subjectus sit, nulla terra, in se considerata, tanti est, ut hæreditas populi Dei dici mereatur. Et sane amplius aliquid foederati Dei ab ipso expectare habent, quam quod etiam improbi possidere possunt. Nectam immensum discrimen inter Syriam, Ægyptum, ac Canaan est, si solum regionum fertilitatem ac amoenitatem spectes, ut, nisi quid altius sublit, Israëlitarum possessio tam invidiose prædicanda sit. Denique si tota ipsorum felicitas in agellorum suorum possessione consistebat, quid iis piis factum est, qui, periclitantes de hac vita & hæreditate terrena, vitam suam propter amorem Dei libenter profuderunt? Et quæ tandem ratio erat, cur Moses, jam morti vicinus, tanto terræ illius, saltem oculis usurpandæ, desiderio teneretur *Deut. 111. 25.* nisi quia illud coeli pignus, cujus introitu ipsi interdictum erat, quovis modo libare avebat?

VIII. Sed & Scriptura id ipsum manifeste fatis docet. Quum murmurationibus suis ingrati Israëlitarum numen provocassent, juravit in iracundia sua, *Ne vivam ego, si viderint terram illam, quam juramento promisi patribus ipsorum. Num. XIV. 21. 23.* Id *Pf. xcv. 11.* ita exprimitur. *Quibus juravi in ira mea, eos non ingressuros in requiem meam.* Quod Paulus *Heb. IV. 1. --- 11.* ad regnum Messiae, & quietem spirituales ac coelestem, per Christum partam, refert. Innuens, quietam possessionem terræ Canaan, ad quam rebellium istorum liberos introduxit Jesus Filius Nun, typum fuisse spiritualis quietis, quæ electis parta est per Jesum Filium Dei & Mariæ.

IX. Analogia in hisce consistit. 1. Terra Canaan eminebat situ, amoenitate, fertilitate, ac præstantia frugum præ plurimis aliis mundi regionibus, unde toties *terra bona, terra fluens lacte & melle*, phra- si Poëtis etiam, qua Græcis, qua Latinis, usitata, *terra desiderii, Pf. CVI. 24. Zach. VII. 14.* & denique *decus omnium regionum Ezech. XX. 15.* dicitur : ubi fugere incolis dabatur *mel & petra, & oleum e rupe adaman- tina, & butyrum ex armento, & sanguinem uvarum, merum præstantissi- mum. Deut. XXXI. 14.* Figurabat illud lætam amoenitatem uber- tatem-

OEC. FOED.

K k k k

tatem-

tatemque spiritualium bonorum in regno Christi, tam Gratiae, quam Gloriæ. De quibus Jeremias vaticinatus est *Cap. xxxi. 12. Tunc venientes cantabunt in excelsis Zionis, & confluent ad bonitatem Jehovæ, cum frumento, & cum musso, & cum oleo, & cum fœtibus gregis & armenti, eritque anima eorum similis horto irriguo, neque pergent marere amplius. Confer. Joël. i. 11. 18.*

Terra  
Jehovæ.

X. II. Terra Canaan singulari modo terra Jehovæ erat. *Hos. ix. 3.* nubi ipse constituerat habitare. *Pf. lxxxiii. 13.* Unde vocatur locus, quem ad habitationem suam operatus erat Jehova. *Exod. xv. 17. & decorum habitaculum sanctitatis suæ. ib. v. 13.* Ita autem nuncupatur, non tantum quia Deus in ista terra habiturus erat templum, & singularia quædam præsentiae suæ symbola exhibiturus, sed & quod in eadem illa terra ad ipsos missurus esset Filium suum, eumque uncturus in medio ipsorum Regem ac Dominum, effuso Spiritu suo Sancto. Habuerunt ergo Israëlites in terra sua, quæ speciali modo Dei terra erat, pignus revelationis Messiae in medio ipsorum. Illa *יהוה, σκηνωσις*, inhabitatio Dei in Canaan, symbolum erat illius rei, quam Johannes describit. *Ap. xxi. 3. Ἰδὲ ἡ σκηνὴ τῆς Θεῆς, Ecce tabernaculum Dei est cum hominibus, & σκηνώσει μετ' αὐτῶν, & habitabit cum eis.* Et denique Hierosolyma, quæ in terra Canaan erat solium gloriæ, *Jer. i. 19.* pignus erat coeli, quod est habitaculum sanctitatis & ornatus Dei *Jes. lxi. 15.*

Gratis &  
ex Testa-  
mento Is-  
raëli data.

XI. III. Terra Canaan virtute gratiosi testamenti dabatur Israël, non ullo ipsorum merito vel dignitate, sed mera dignatione Dei. *Deut. vii. 8. Non eo quod plures essetis reliquis omnibus populis, — Sed eo quod diligit Jehova vos, & eo quod servat juramentum illud, quod juraverat majoribus vestris, eduxit vos Jehova manu forti.* *conf. Deut. iv. 37. 38. Ezech. xvi. 60. & xxxvi. 32.* Ita & coeli hæreditas ex mera merissima Dei gratia, & liberrimo Dei Patris ac Christi Testamento, obtingit fidelibus. *Luc. xii. 32. Eph. ii. 8.* Attamen immensum Israël desertum peragrandum, ac varia & difficilia prælia cum Cananæis subeunda erant. antequam in possessionem promissæ sibi terræ intromitterentur. Iis quoque, quibus plenum coeli jus per Christi gratiam donatur, angusta illa, & sentibus vepribusque obsita via terenda est, atque acriter adversus salutis suæ hostes pugnandum, & vis afferenda regno cœlorum.

Non ta-  
men sine  
multo la-  
bore ac-  
quirenda.

Ad eam  
Moses, sed

XII. Denique Moses quidem ex Ægypto educebat Israël, non

non tamen introducere poterat in terram promissam. Id officii Josuæ servabatur. Et valet certe lex, quando subservit foederi Gratiae, ad electos ex se ipsis, per agnitionem foeditatis ac miseriae suae, expellendos. Veruntamen in Gratiam nisi per Jesum non introducimur. Mosis fuit, ordiri opus, & præparare animos & circumducere populum per desertum. Jesu est, ultimam manum operi imponere, dicere *Consummatum* est, & veram animarum quietem suis conciliare. *Mat. XI. 28.*

*in eam Jo.  
sua popu-  
lum du-  
xit.*

XIII. *Tertium* Veteris Testamenti bonum, est familiaris ac clara DIVINÆ MAJESTATIS DEMONSTRATIO: qualis facta est in apparitionibus Angelorum voluntatem Dei edocentium, imo ipsius Dei, se sub specie visibili conspiciendum præbentis Patriarchis ac Prophetis. Imprimis memorabilis est gloriosa ista Dei epiphania in totius populi panegyri, quando legem suam datum, & foedus firmatum veniebat. Quæ sane prærogativa Israëlitis tanta est, ut similis ei nulli unquam genti contigerit. *Dent. IV. 32. 33.* *Nam interroga nunc a temporibus præcis, quæ fuerunt ante te, inde ab eo die, quo creavit Deus hominem super terram, ab una extremitate cæli usque ad alteram extremitatem cæli; num facta fuerit res cujusmodi hæc maxima, aut audita fuerit similis ei: num audierit ullus populus vocem Dei loquentis e medio ignis, ut tu audisti, & vixit?* Accesserunt conspicua Divinæ præsentiae symbola, in Columna nubis ac ignis, in sacro ac coelesti igne, in Nube Sanctuarii, & quæ id genus plura erant: quo nomine dicitur Deus *ignem Zionæ, & furnum Hierosolymis habuisse* *Jes. XXXI. 9.* Quæ visibilia Divinæ familiaritatis symbola, post manifestationem Christi in carne, cui figurandæ destinata erant, paulatim cessaverunt.

*3. Divinæ  
Majestatis  
Demon-  
stratio.*

XIV. *Quartum* V. T. bonum in CEREMONIIS, earumque quotidiano usu erat. Fateor, certo respectu ceremonias fuisse grave jugum, & ad ἡττήματα V. T. pertinere: sed & in iis fuit insignis pictura Christi ac gratiæ per ipsum impetrandæ. Et quoniam Deo libebat mysteria sua illis temporibus non nisi per ænigmata, parabolas, & figuras proponere; insignis erat felicitas Israëlitis, quod aliis gentibus sibi relictis, has Divinæ bonitatis, ac venturi Sospi-tatoris, picturas, continuo ante oculos haberent; Eo magis, quod electi per Patriarchas, Prophetas, & qui ab iis edocti erant, de mystico eorundem significato, pro modulo istorum temporum, erudirentur. Et in iis non præfigurationem modo, sed & obli-gnationem adventus Messiae haberent, ad quem omnes manduce-bant, & sine quo ludicræ ac Deo indignæ gesticulationes fuissent,

*4. Cere-  
moniar.*

*1. Pet. I. 10. 11. 12.*

Quarum concessio, certo respectu, in gens Israël beneficii fuit.

XV. Atque hinc est, quod Scriptura toties hujus rei meminerit, uti ingentis beneficii Israëlitis concessi. *Pf. CXLVII. 19. 20. Indicat verba sua Jacobo, statuta sua & jura sua Israël. Non ita fecit ali- genti. Jef. XLII. 21. Jehova delectabatur eo, propter justitiam suam,* id est, propter suam ipsius veritatem & bonitatem, *עַל־יִשְׁרָאֵל וְיִרְדָּה וְיִאֲרִיר, magnificabat illum lege & faciebat gloriosum. Hes. VIIII. 12. Prascribo ei רַבִּי תִירְדֵּה documenta amplissima legis meae.* Quæ non solum, immo au- sim dicere, non præcipue, de lege morali vel etiam forensi, in- telligenda sunt, sed imprimis de Doctrina gratiæ, quæ figurata fuit lege Ceremoniali. Etenim moralis legis, homini increatæ principia adhuc in conscientia hominum superstint; etiamsi non superaccedat nova revelatio. Et ad Reipublicæ incolumitatem mul- ta feliciter a viris sapientibus inventa sunt. Cæterum quod my- steria legis Ceremonialis attinet, ea privum populi Dei bonum fue- runt: & in iis se reliquis omnibus nationibus anteferre Israëlitis potuerunt.

Quibus- que pii summa cum ala- critate ad- stiterunt.

XVI. Propter eandem rationem, tanta cum voluptate, animi- que alacritate, Ceremoniis istis pii adstiterunt, maximamque ex adverso infelicitatis suæ partem existimarunt, si quando contin- geret, ut, patriæ suæ extorres, procul a sacris degere cogerent- tur, continuis votis expetentes, ut in domo Dei ætatem sibi age- re liceret. Vide *Pf. XXIII. 6. XXVII. 4. XLII. 2. 5. LXXXIV. 2. 3. LXXXIX. 16.* Scilicet uti immunditiem suam ac reatum ad salutarem animi humiliationem ex ceremoniis istis discebant, ita & in iis- dem contemplabantur expiationem reatus, & sanctificationem a peccatis, absolutionem conscientiæ, typicam quidem illam per ce- remonias ipsas, sed veram ac Spiritualem, per eum qui ceremoniis istis præfigurabatur.

Et prop- terea non solum considera- ri debent, ut onus, sed & ut sigilla gratiæ.

XVII. Quæ quum ita sint, nimium salubria hæc Dei instituta deprimere illi videntur, si qui ea vix aliter contemplantur, quam qua parte sunt onus *ἀβάσχυτον*, & Chirographum cultoribus suis contrarium, & poena scædifragii; iisque applicandum pugnant, quæ Deus apud Ezechielem, *Cap. xx. 25.* de datis Israël STATUTIS NON BONIS, & juribus, per quæ non viverent, concionatur. Sed illius loci vindicias ita occupavit, Clarissimus & Conjunctissimus quondam Collega noster, D. JOHANNES a MARCK, ut solidum hic nobis otium fecerit. Non diffitemur, fuisse aliquid in ceremo- niis, quod & durum fuit, & de earum imperfectione, & peccati expiatione nondum peracta testabatur; de quibus rebus suo lo- co dicturifumus. Sed & id contendimus, habuisse eas *εὐαγγέλιον* Evan- ge-

gelicam, & picturam Christi & beneficiorum ejus, & fuisse sigilla gratiæ: neque ita effecta iræ suæ in Israël, ut non pro iudiciis singularis favoris isti populo concessi censi debeant. Ita sane ipsi Judæi senserunt, & etiamnum hodie sentiunt, qui, etiam si se rationem ceremoniarum non assequi fateantur, secretiorem tamen sapientiam iis contineri prædicant. In hunc modum *Abarbanel* de iis scribit: *Ecce radix intentionis in istis est, ut sint ספר דכבוד עלינו, כפי יימור אליו* sicut liber sapientia excelsa & Doctrina, quam contemplantur studiosi legis, donec perficiant animas suas per apprehensiones & notitias illas.

In legem  
Fol. 197.  
col. 2.

XVIII, *Quintum* atque ultimum V. T. bonum est continua ferme SERIES VIRO-  
RUM *Θεοπνεύτων*, per quos in dubiis suis, citra deceptionis periculum erudiri eorum temporum Ecclesia potuit. Primis enim ætatibus Patriarchæ adiri poterant, quibus se Deus immediate patefecerat, & qui in tanta longævitate plures plerumque simul erant, vel saltem alter alterum attingebant. Post successit Moses. Eum secutus est Prophetarum longus ordo, usque ad tempus captivitatis Babylonice, si paucula quædam & breviuscula interstitia excipias, qualia memorantur. 1 Sam. 111. 1. & 2 Chr. xv. 3. In captivitate Babylonica excelluerunt Ezechiel & Daniel. Post eum Haggæus, Zacharias, Malachias, ut nunc de Nehemia & Ezra nihil dicam. Et postquam desiit Spiritus Sanctus verba in canonem Ecclesiæ Israëlitiæ scribenda dictare, non tamen usque ad Christi adventum cessavit quorundam mentes Divino afflatu supra vulgarem modum commovere, uti in Simeone, Zacharia Baptistæ patre, & Anna Prophetissa palam est. Cæterum sub Novo Testamento, postquam Scripturarum Canon Apostolicis libris consummatus est, Prophetici illi Enthusiasmi paulatim exspirarunt.

5. Series  
Viro-  
rum  
Θεοπνεύ-  
των.

## C A P. XII.

*De Imperfectionibus V. T. non ex vero attributis.*

I. **N**ON fuisse V. T. tale, ut nihil in eo potuerit requiri, vel inde patet, quia alias haudquaquam secundo esset quæsitus locus: uti apodictice argumentatur Apostolus *Heb. vi. 7*. Postquam ergo de illius testamenti bonis differuimus, consequens est, ut nunc de illius IMPERFECTIONIBUS ac defectibus agamus. Non ut quicquam Divinæ gratiæ, prout antiquis temporibus demonstrata fuit, detrahamus (quippe quam ad salutem sibi suffecisse, & agnoverunt, & re ipsa experti sunt prisci Patres) sed ut immensas Divinæ benignitatis opes, faustiori N. T. secula reservatas, tanto rectius æstimemus.

V. T. de-  
fectus suos  
habet.

In his  
affiguan-  
dis duo  
scopuli  
vikandi.

Fratrum  
quoque  
σφάλ-  
ματα  
sed mode-  
ste notan-  
da.

Est qui  
vera &  
permanen-  
tia bona, &  
salutem ip-  
sam, pri-  
cis colla-  
ta, & pa-  
tefacta  
negat.

Phrafi  
non pro-  
banda.

II. In hac autem tractatione duo prudenter præcavenda. I. Ne ad nostram conditionem plus iusto extollendam, illam præscorum nimis deprimamus. II. Ne, prærogativas nostras minus agnoscentes, ingrati Divinæ gratiæ æstimatores comperiamur. Quia utrinque a nonnullis peccatur, eum nobis disputandi ordinem proposuimus, ut hoc capite ea, quæ a Viris, cæteroquin eruditis ac Orthodoxis, minus caute in Vetus Testamentum dicta esse videntur, discutiamus: tum, quæ vere ei defuerint, ex Sacris literis definiamus.

III. Non moramur hic Socinianorum hæresin, perfricta fronte asserentium, in Vetere foedere nullum vitæ æternæ promissum exstare. Jesum autem Christum primum & solum tantæ rei fuisse præconem. Quam blasphemiam supra confutatam dedimus. Nunc nobis res est cum Fratribus, quos æstimamus in Domino; ita tamen, ut potior semper sit sacra veritas. Litem ex lite sine causa ferere, bene vel tolerabiliter dicta in sequiorem sensum torquere, atque ita torta invidiose traducere, nostrum non est: neque cuiusquam Christiani esse debet. Non est id faciendum in hostes, nedum in Fratres. Omnibus interim incumbit operam dare ut quantum fieri potest cautissime atque explicatissime loquantur: neque cuiquam ferendum est ægre, si ea quæ incommode, & dure, minusque ex vero dicta sunt, modeste, ac placide, sine partium studio, notentur, & corrigantur: maxime si Celebribus in Ecclesia Viris exciderint, & impetu non bono a quibusdam urgeantur, quasi defæcatoris alicujus & sublimioris sapientiæ laude communionem Ecclesiæ Reformatæ doctrinam antecellant; ut vix pro erudito & præiudiciis exuto Theologo haberi debeat, qui non per omnia iis adstipuletur.

IV. PRIMO igitur non immerito Magnis Viris displicuisse arbitror hæc Celebris Interpretis verba: *Scopus horum est ostendere, Quam maxima temporalia bona Israëlitis collata sint, nondum tamen, ante ultima tempora, ipsis collata esse VERA ET PERMANENTIA BONA, IPSAMQUE SALUTEM non fuisse ipsis RE IPSA PATEFACTAM.* Cocceji. *Ult. Mos. 5. 386.*

V. Quis est qui hæc verba legens audiensve non ipso illorum tinnitu in eam inducatur opinionem, gavisos quidem Israelitas esse bonis temporalibus, qualia fuere possessio terræ Canaan, pacata Respublica, florens regnum, civium prosperitas, vita longa, & si quæ his similia; interim caruisse eos bonis veris ac permanentibus, per quæ vix est ut non intelligas communionem cum Messia & participationem beneficiorum ejus, qualia sunt reconciliatio cum Deo, pax conscientiæ, reformatio ad imaginem Divinæ

vinæ puritatis, prælibatio gaudii cœlestis, & beata animæ ex hac vita ad immortalem transmigratio? Hæc enim, si quæ alia, vera ac permanentia bona, ipsaque salus, dici & merentur & solent. Qui ergo maxima temporalia bona Israheli collata affirmat, eodemque halitu vera ac permanentia bona collata & salutem ipsam patefactam negat; is ita loquitur ut lectori eam cogitationem injiciat, spiritualia animæ bona, & vitam æternam Israhelitis neque collatam, neque patefactam esse.

VI. Fieri etiam vix potest, quin in ista lector suspitione valde confirmetur, si alibi legat, unicam Israhëitarum oblectationem in eo constituisse, quod meditationibus suis ad posteriorum temporum felicitatem se extenderent, quam tamen ipsi visuri non erant. Id autem meditata oratione inculcat ejusdem auctoris in Psalmos præfatio, haut procul initio. *Fuit sane illis hæc unica oblectatio. Nam dum plerosque Psalmos canebant, vel in Davidis typo angustias Christi atque ejus exaltationem præcinebant, vel etiam se ad posteriora tempora extendentes, præsentemque suam ἀγωνίαν deplorantes, in futuri temporis lætitiā eam cenabantur mutare, imo induebant affectum, lætitiā, zelum, pugnas, victorias eorum, qui visuri erant, quæ ipsi non videbant, audituri, quæ non audiebant.* HÆC, INQUAM, UNICA EORUM FUIT RECREATIO. NAM EA QUÆ VIDEBANT, NON POTERANT. EOS OBLECTARE; QUIA ERANT UMBRÆ: QUÆ AUDIEBANT; QUIA ERAT IN IIS PARTIM PROMISSIO DUNTAXAT, PARTIM ACCUSATIO PECCATI AC REATUS, CUM QUO HOMO NASCITUR, NONDUM ABOLITI ET DELETI: QUÆ POSSIDEBANT; QUIA ERANT RELINQUENDA, VEL ETIAM CUM IMPROBIS POSSIDEBANTUR, DENIQUE QUIA NON ERANT VERA BONA, QUÆ ANIMAM SATIARE POSSUNT. Quis non hinc colligat, in Psalmis Davidis non prædicari, laudari, celebrari, adeoque Israhëlitas non habuisse præsentia bona salutiferæ gratiæ, quæ non solum spe præcepta, sed & ipsa re possessa, omni ævo χαρὰς ἀνεκλάλητος materia caussaque sunt? Si enim suis David carminibus ea quoque spiritualia bona & cum æterna salute nexum habentia, quibus ipse cæterique cum ipso fideles jam tum fruebantur, celebret; qua mente dici potest, unicam ipsorum oblectationem & recreationem in meditanda futuri temporis lætitiā sitam fuisse, eaque quæ ipsi possidebant bona vera non fuisse, nec satianda animæ idonea? Quis hæc legens crediderit se præ manibus & oculis Reformati Doctoris scripta habere.

Maxime si addatur unicam præcorum fidelium oblectationem constituisse in meditanda felicitate futuri temporis.

VH. Cave tamen credas, Virum longe Doctissimum dum ita instituit, in Socinianorum castra transfugam esse factum, quæ in omnibus fere scriptis suis fortiter oppugnavit, feliciter expugna-

Non tamen hinc fovenda Socinianismi suspicio.

VIT.



vit. Millies inculcat, validisque argumentis adversus pestilentissimos hæreticos illos evincit, spiritualis & coelestis hæreditatis promissionem V. T. patribus factam, illiusque possessionem virtute Testamenti gratiæ iisdem concessam esse. Et eo ipso quem primum allegavimus loco §. 885. scribit: *Jehovam fuisse Patrem istius populi, quippe qui eam acquisiverit, & fecerit, & omnibus bonis instruxerit. Quod non modo de figura, & in externo beneficio; sed de beneficio Redemptionis, Nova Creationis, & donationis omnium, quæ ad vitam & pietatem faciunt, quibus in veritate ostenditur Pater illius populi (ratione electorum filiorum ejus, qui in ipso populo, ut seminario, omnibus temporibus, sed in tanta multitudine Israëlitarum illius ætatis infrequentius, continebantur) intelligendum est. Hactenus bene. Utinam hic substitisset!*

Quamvis difficile sit hæc cum bene dictis conciliare.

Quod tamen vir Doctus conatur.

VIII. Sed duo hæc dicta adeo diversa sunt, ut & adversa esse videantur. Quum enim beneficium Redemptionis, Novæ creationis, & donationis omnium, quæ ad vitam & pietatem necessaria sunt, ac denique Deum non in figura sed in veritate Patrem habere, citra contradictionem vera ac permanentia bona, ipsaque adeo salus sint: qui hæc Israëlitis collata ac patefacta docet; & tam vera ac permanentia bona illis collata ac patefacta negat, is aperta contradictione se ipsum implicare videtur.

IX. Quid ergo? Num memoria, num judicium, num mentis sanitas Virum Doctissimum defecit, quum hæc sibi tam pugnancia commentaretur? Enimvero non patitur explorata Viri eruditio ut tam absõna de eo suspicemur. Dicamus quod res est. Per vera & permanentia bona quæ Patribus V. T. collata negat, intelligit Bona Novo Testamento propria, quatenus veritas opponitur typo, & id quod permanet umbræ perituræ. Salus autem ipsi notat salutem consummatam. Interpretem & Apologistam nactus est celeberrimi nominis Theologum, qui magna fiducia dicat, assertionem istam maximam partem Scripturæ ipsius verbis constare; quæ melius a Theologis potuissent intelligi, si tantum operæ impendissent legendis ac meditandis Dei scriptis quam hominum: conaturque ostendere, nonnulla eorum, quæ Novo Testamento, qua tali, propria sunt, aliquando nomine salutis, & verorum ac permanentium bonorum insigniri. Hoc fine adducitur *Heb. 11. 3.* ubi *salus* dicitur *primum enarrari co- pisse per ipsum Dominum*: id est, opus salutis, quod Christus jam incipiebat perficere, vel etiam clara illa & efficax doctrina Evangelii, quæ nos ad salutem vocat. Observatur etiam, *vera* bona ea quandoque dici, quæ opponuntur *typicis*: ut *Job. 1. 17.*

*Lex per Moſen data eſt : gratia & VERITAS per Chriſtum praſtitaeſt.* Et ut vera bona narrantur expunctio chirographi, quod erat nobis ſubcontrarium, & glorioſus ille gradus *υιοθεσίας*, de quo *Gal. 1v. 5.* Eadem *permanentia* bona merito vocari aſſeritur, *ἐν ἀντιδιαβολῇ* foederis gratiae, quatenus pactum erat cum Iſraēlitis, quod non fuſt *ἀμεμπτον*, neque permanens. *Hebr. viii. 7. 9.* Unde concluditur, cum Scriptura eum locutum eſſe, qui vera ac permanentia bona & ſalutem ipſam Iſraēli collata atque patefacta eſſe negavit.

X. Merentur hæc ſuam diſcuſſionem. Mea ſic eſt ratio, & ſic animum induco meum: prudentius longe ac generoſius facturos fuiſſe Viros eruditos, ſi eos, quos partium ſuarum Duces conſtituere, aliquando in gratiam veritatis deſererent: fatentes eos & homines fuiſſe, & negligentius aliquando meditados atque commentatos eſſe: neque omnia utut incaute dicta, primum excuſare, dein ut optimæ monetæ, & ad Scripturæ ipſius phraſes accuratiſſime examuſſitata, inſigni confidentia, ſed peſſimo ſucceſſu, cum Fratrum ſuorum *ἐξουσιομῶ*, defenderent.

Quamvis  
honestior  
forte fuiſ-  
ſet retra-  
ctio.

XI. At nos perpetuum Sacrarum literarum tenorem conſideremus. Illæ Spiritualia animæ bona vocant *τὸ ἀληθινόν*, VERUM ILLUD *Luc. xvi. 11.* oppoſite ad injuſtas, id eſt non veras, hujus ævi divitias. Et gratiam electis qua talibus conceſſam, *τὴν ἀληθὴ χάριν τῷ Θεῷ*, *Veram gratiam Dei, in qua ſent. 1 Pet. v. 12.* Sive illud de doctrina veritatis gratioſæ, ſive de ipſa illa ſalutari gratia, quæ per doctrinam illam electis offertur & confertur, quam *ψ. 10.* *æternam Dei gloriam* vocaverat, intelligi velimus, palam ſatis eſt, veram gratiam falſæ cuicunque de ſalute perſuaſioni oppoſitam eſſe. Eadem etiam PERMANENTIA bona expreſſim nuncupantur. *Heb. x. 34.* *Scientes, vos habere apud vos κρείττονα ὑπαρχόν ἐν ἔργοις, καὶ μένουςαν*, potiore ſubſtantiam in calis & quæ PERMANEAT. quæ non typis & umbris, ſed caducis & rapinæ obnoxiis hujus ſæculi bonis opponitur. *Γ' παρχὴς μένουςα* reſpondet vocibus Hebraicis *תִּשְׁתִּי & תִּי*, quæ ſubſtantiam veram, ſolidam ac permanentem ſignificant. Talem autem ab ævo cultoribus ſuis & pollicita eſt, & contulit ſuprema Sapientia *Prov. 11. 7.* *יִצַף לְיִשְׁרָאֵל רֵפוּסוֹ*, *Repoſitum habet pro reſtis quicquid revera eſt.* Et *viii. 21.* *לְדָוִד אֲדָוָה*, *Efficiendo, ut poſſideant amantes mei id quod eſt.* Hæc eadem bona vocat Dominus *Theſauros in celo*, ubi neque tineæ neque erofio corrumpit, neque fures perfodiunt, neque furantur. *Mat. vi. 20.* in quorum poſſeſſionem fideles Iſraēlitæ indubie admiſſi ſunt. Ipſe vir Doctus alibi (c) ſcribit, *habuiſe ſanctos, qui crediderunt promiſſioni, & ſalutem exſpectarunt, τὸ ἀφθαρτος*

Quid  
Scriptura  
per vera,  
ac perman-  
entia bo-  
na & ſalu-  
tem ipſam  
intelligat.

c Indagat.  
Natur.  
Sab. 5. 4.

πράξις καὶ ἡσυχία πνεύματος, incorruptionem mansueti & tranquilli Spiritus. Quæ, quin permanentia sint, nemo ambigit. Denique SALUS IPSA quid communius significat, quam illam animæ felicitatem, quæ inchoatur hic in terra, consummanda in coelis, & fidei finis est? De qua 1. Pet. 1. 9. *Reportantes mercedem fidei vestra, Salutem animarum.* Salus animæ est illius liberatio a peccati potestate damnante & dominante, & delictatio in Deo ut fonte beatitudinis. Atque hæc est finis fidei, non illius solum quæ sub Novo, sed & quæ sub Veteri Testamento obtinuit. Quæ sane patefacta Jacobo, erat, & per Jacobum filiis ipsius, quum diceret, *Salutem tuam exspecto, Jehova. Gen. XLIX. 19.* Quum ergo spiritualia bona vera, permanentia & salus ipsa, in Scripturis dicantur, ea autem priscis Israëlitis concessa & patefacta esse, Fratres inficias ire non audent: nonne fatendum est, cum Scriptura eum non loqui qui vera ac permanentia bona ipsamque salutem Israëlitis concessa ac patefacta negat?

Particularia non sunt enuncianda universaliter.

XII. Porro, si daremus, esse aliquot bona Novo Testamento propria, quæ κατ' ἐξοχήν, vera ac permanentia atque ipsa salus dicantur: non tamen ex eo sequitur, vere illum & prudenter, Logice ac Theologice loqui, qui sine ulla restrictione, vera ac permanentia bona Israëlitis concessa negat, quum præter illa priva N. T. bona, alia quoque vera ac permanentia atque salutaria sint. Enuntiatio universalis negans, non unam aliquam speciem, sed omnes tollit. Aliud est, gradum aliquem aliquamve modificationem verorum ac permanentium bonorum defuisse Israëlitis, aliud bona ipsa. Qui prius, quod verum est, docere vult, non debet iis verbis uti, quæ posterius, quod falsissimum est, significant.

Salus Hebr. 11. 3. non opponitur temporalibus bonis sed promissioni salutis.

XIII. Sed propius videamus, quam bene se Scriptura tueantur Fratres. I. Non diffitemur, Apostolum Hebr. 11. 3. per σπουδαίαν intelligere magnam illam beatitudinem, cujus causa jam præsens est. & Evangelium consummationis, quo salus jam impetrari coepit, & mox plene impetranda, exponitur. Certumque est, salutem, sive salvationem, eo sensu ante Christi ἐπιφάνειαν non fuisse neque ea gavisos fuisse Israëlitas. Sed qui id docere vult, is debet salutem, qua impetrata est, in distinctione sua opponere saluti, prout est impetranda, vel salutem promissioni salutis: non vero, uti noster auctor facit, salutem bonis temporalibus. Nam certe æterna salus data & patefacta est Israëlitis, licet causa salutis, ut jam existans, & opus salvationis, ut jam coeptum, ei prædicari non potuerit. Quia ad patefaciendam & conferendam salutem sponso & vadimonium a Christo obitum isto tempore sufficiebat.

Non typica

XIV. II. Vera bona typicis aliquando opponi, nemo iverit inficias.

ficias. Sed ea observatio ab hoc instituto plane aliena est; nisi hæc sit mens Fratrum, Israëlitas typica solum bona habuisse, veris, id est, spiritualibus ac per typica significatis, fuisse destitutos: quo aurigari videntur ea quæ ex præfatione in Psalmos modo adduximus, & ego mihi non satis intellecta fateor. Verum transeant ista. Nos quæ perspicua sunt exsequamur. Moses quidem, qui Minister fuit, vera illa dare non potuit. Attamen Christus, qui idem fuit heri ac hodie, etiam sub Mosaica Oeconomia, vera bona, in & cum typicis, fidelibus largitus est. Neque quum vera bona Israël collata negant, remissionem peccatorum, & redemptionem & novam creationem &c. quæ collata Israël fatentur, inter typica eos numeraturos arbitror. Quorum ergo verorum & typicorum bonorum distinctio hic inculcata? Atqui, inquirunt, vera bona sunt, expunctio chirographi, & gloriosus ille gradus *ἰσθ-  
σίας*. Itane vero? An non & ipsa remissio, nondum deletio chirographo, ipsaque adoptio, licet non eo gradu, inter vera bona sunt? An Israëlitarum typi eam solum gratiæ modificationem figurarunt, quæ N. T. priva est: non ipsam gratiam salutarem, quæ utrique oeconomiae est communis? An eorum sacramenta hujus duntaxat gratiæ signa erant, quæ nobis donatur, non etiam illius, cujus ipsi facti sunt participes? Dicant mihi, quæso, Viri Docti, an Nova Creatio, & Redemptio, & Remissio peccatorum, & Adoptio, & Amicitia Dei, & Salus animæ, tam in cælo, quam in terra, & similia Bona Spiritualia, quibus gavisi, sunt Israëlites, ad legem pertineant, & per Moysen data sint, an vero ad veritatem & gratiam, quæ per Christum præstita est? Si posterius dicant, uti facturos eos auguror, iterum eos quæso, exponant, quid citatus Johannis locus ad præsentem quæestionem faciat; quum ex eo clarum sit, Vera bona, Typicis opposita, Israël quoque collata esse. Quod tamen verba, quæ nunc examinamus, negant.

XV. III. *Ἐξαγώνιον* est, Oeconomiam Testamenti V. permanentem & stabilem non fuisse, qualis est Oeconomia T. N. In illo est *τὸ σαλευοµένον μετάθισις*, ut hic *μείνη τὰ μὴ σαλευόµενα*. *Heb. XII. 27.* Sed perperam hinc infertur, sub Oeconomia mutabili, & suo tempore mutanda, non esse data, vel patefacta bona permanentia. Quia collatio & patefactio bonorum permanentium non procedit ex his circumstantiis, quæ mutabiles sunt, sed ex ipso fœdere gratiæ, quod est testamentum Dei æternum. Tum etiam, demus, esse sub T. N. bonum aliquod permanens, quod non fuit sub V. non propterea licet mihi indeterminate dicere, bona permanentia

Sub oeconomia non permanentia bona conferri possunt.

Israëli collata non esse. Dabo instantiam palpabilem. Dicit Apostolus etiam N. T. fidelibus, dum in hac terra peregrinantur: Heb. XII. 14. *Non habemus hic μένουσαν πόλιν, manentem civitatem.* Bene in hunc locum celeberrimus interpres: *Peculiare id Christianum est, & Christo se adjungentium, non habere hic civitatem, sunt ἀνιδες in mundo.* Dicit aliquis, Apostolus non negat eos civitatem habere, sed manentem. Imo negat nos habere civitatem hic, quia nulla civitas manens est. An idcirco fas mihi erit asserere, nequidem N. T. fidelibus permanentia bona collata esse? Non putem. Concludo: Satis fuisse futurum, si facti fuissent Fratres, Virum Doctum, dum hæc scripsit, humani aliquid passum, & incaute locutum esse, quam ut undique conquisitis coloribus ea defenderent, quæ pro suis Ecclesia Reformata nunquam agnosceret.

Circumcisio cordis  
V. T. fidelibus derogatur:

a De Eccl.  
§. 352.

b Sum.  
Theol.  
Cap. 53.  
§. 7.

c Ultim.  
Mos. §. 334

d §. 336.  
337. 338.

Iterumque  
hædem af.

XVI. SECUNDO. Nimis deprimitur V. T. præstantia, quando asseritur, CIRCUMCISIONEM CORDIS, de qua agitur *Deut. xxx. 6.* primum N. T. bonum esse. Operæ pretium est audire, quomodo se Vir Doctus explicet. Primo jubet observari, hunc versum agere de tempore Messæ, cujus signa prænuncia in anterioribus expolita sint. Ideoque circumcisionem cordis hic memoratam inter Bona N. T. numerat (a.) Consequenter monet, *promitti hic a Deo quandam circumcisionem cordis, quam usque ad illud tempus non dederit* (b.) Porro, quænam illa Circumcisio cordis est, quæ hic promittitur? Audiamus virum Doctum; ubi ex professo in hunc locum commentatur. *Per Circumcisionem Cordis omnia hic debent intelligi, quæ Circumcisioni, ut figura, respondent, & in federe Dei continentur, exceptis eis, quæ non sunt hujus vitæ.* (c.) Et clarius. *Ut summatim dicamus, Circumcisio Cordis hic promissa. §. 6. est Regeneratio per Spiritum Filiationis. Ante omnia significat Regenerationem sive Sanctificationem per Spiritum Fidei & Amoris Dei. Secundo notat Consolationem in spe vitæ æternæ, per Expiationem Christi* (d.) Ex allegatis, si rite jungantur, hoc exsurgit argumentum. Quæ Circumcisio Cordis *Deut. xxx. 6.* promittitur, ea est bonum N. T. eamque Deus ad illud usque tempus non dedit. Atqui Regeneratio per spiritum Filiationis, sive Sanctificatio per spiritum Fidei & amoris Dei, & consolatio in spe vitæ æternæ per expiationem Christi, est Circumcisio Cordis ibi promissa. Ergo talis Regeneratio, sive Sanctificatio, & consolatio in spe vitæ æternæ est Bonum N. T. quod Deus ante illud tempus non dedit. Conclusio hæc ex præmissis rite dispositis necessario sequitur. Præmissæ autem ipsissima Viri Docti verba sunt.

XVII. Conclusionem tamen non admittit. Sed contra protestatur,

tur. *Utramque habuerunt & Patres. Neque enim sine Spiritu Dei* 1. *Cor. XII. 3. & Creatione cordis puri : Ps. LI. 12. & Circumcisione Cordis, potuerunt Christum Dominum dicere : ut David Ps. CX. 1. Et habuerunt spem & gaudium Salutis. Gen. XLIX. 19. Ps. LI. 14. Ps. XVII. 15. XLIX. 16. (e) Conciliet hæc, qui potest. Ego fateor, me non posse. Unica est evadendi ratio : distinctio nimirum Regenerationis, Sanctificationis, & Consolationis in spe vitæ æternæ. Ut aliqua Regeneratio sit per Spiritum Filiationis ; alia aliunde quam ex isto Spiritu : aliqua sanctificatio per Spiritum fidei & amoris Dei ; alia quæ non sit per Spiritum fidei & amoris Dei : aliqua consolatio in spe vitæ æternæ per expiationem Christi ; alia consolatio & spes vitæ æternæ, aliunde arcessenda. Quarum illæ quidem N. T. priva bona sint ; hæc vero & Veteri competant. At ignoscant mihi Viri eruditissimi, si confidenter dixerim, nullam me ex sacris literis Regenerationem didicisse, nisi quæ ex Spiritu Filiationis est ; nullam sanctificationem, nisi quæ est ex Spiritu fidei & amoris ; nullam spem vitæ æternæ nisi per expiationem Christi, sive faciendam, sive factam.*

XVIII. Quid ergo sibi vult negata Patribus Circumcisio cordis? Nescio an, quod dicam, totum sit : sed malo in hanc partem peccare, ut non omnia dicam, quam ut auctori non dicta, aut a me non satis intellecta, imputem. *Argeret, inquit, hic significari gratiam spirituales, aliquatenus communem hominibus V. T. & N. in plenitudine vero hisce propriam : atque ita promitti superaddendum acceptis aliquid proprium N. T. (f.)* Habuerunt ergo Regenerationem, & Sanctificationem, & Consolationem, sed aliquatenus. Quid jam est, quod acceptis superaddendum ? illud tertium est, quod Circumcisio cordis notat, scilicet, *ablatis veli ab oculis, & jugi a conscientia, ad serviendum Deo sine timore mortis in libertate & latitia. Nam in circumcissione ablatis substantia carnalis significat procul dubio liberationem a jugo talis legis (g.)*

XIX. Conceptibus tam intricatis sequentes considerationes distincte opponimus. I. Circumcisio Cordis est bonum fœderis gratiæ qua talis, & Veteris ac Novi T. fidelibus ex æquo competit. Quod ita ostendimus. Præputium cordis in Sacris Literis constanter significat impuritatem illam ac vitiositatem, quæ animæ natura inhæret, & crebris malis actionibus adaucta est. Circumcisio autem cordis nihil aliud est, nisi istius præputi, id est, vitiositatis, ablatio, quæ fit per Regenerationem & Sanctificationem. Id nos Moses docet, *Deut. x. 16. Circumcidetis ergo præputium cordis vestri, & cervicem vestram ne obduretis amplius. Et Paulus similiter, qui Col. III. 11. circumcisionem*

1. *seritur ; non sine contradictione.*

es, 339.

Circumcisio cordis dicitur notare ablationem veli & jugi.

es, 335.

es, 340.

Male. In Scripturâ nil notat nisi sanctificationem.

Quæ om-  
nium secu-  
lorum fi-  
delibus  
commu-  
nis est.

cordis, quæ sine manibus fit, definit *Exactionem corporis peccatorum carnis*. Hanc vero in omnibus omnium seculorum fidelibus locum habuisse, hinc patet, quia sine ea nemo *verus Judæus* esse potest, *cujus laus ex Deo sit. Rom. 11. 28.* Quales tamen virtute fœderis gratiæ semper fuisse, nemo negaverit. Et quum Circumcisio cordis ipsissima Regeneratio ac Sanctificatio sit; sine qua nemo Deum videre potest, necesse est, eam omnibus illis attribuere, qui unquam salvi facti sunt. Major vel minor sanctificationis gradus speciem non variat. Neque puto, quenquam hujus ævi fidelium tantum sibi arrogatum esse, ut se in sanctificatione Davidi, vel Mosi, vel Abrahamo anteferat. Quisquamne ergo sibi circumcisionem cordis adscribens, eam heroibus istis, & qui cum illis ejusdem gratiæ, licet dispari mensura, participes erant, abroget?

Nunquam  
significat  
ablationem  
jugi.

XX. II. Porro per circumcisionem cordis intelligere ablationem veli ac jugi, sive, quod idem est, abrogationem ceremoniarum, ab omni sana Theologia ac ratione est alienum. Nam I. Cedo unum Sacrarum Literarum testimonium ubi Spiritus Sanctus ita explicet. II. Ex adverso docemur, circumcisionem quasi introitum fuisse ad observantiam istius legis, in qua est jugum. *Gal. v. 3.* Quomodo ergo Israëlitis eam suscipientibus abrogationem istius jugi significare potuit. III. Circumcisio ipsa magna pars jugi fuit. *Act. xv. 5. coll. cum 10.* Quid porro absurdius est, quam ut jugi susceptio significet jugi ablationem? Quænam hic sacramentalis analogia? IV. Quum circumcisio & præputium relata sint, si circumcisio cordis sit abrogatio ceremoniarum, necesse est, ut ceremoniæ ipsæ sint præputium cordis, quo quid a stilo Scripturæ alienius dici potest? V. Si istes, lex Ceremonialis *Præceptum Carnale* dicitur, *Heb. vii. 16.* Ergo illius abrogatio commode præfigurata fuit per abscissionem particulæ carnis. Invertam ego argumentum, concludamque, Ergo illius confirmatio est in eo actu, qui, si quisquam, inter carnales, quum in carne peragatur, censeri debet; quam ob rem & *Fadus Dei in Carne* Abrahamidarum dicitur. *Gen. xvi. 13.* Nam Carnale illud præceptum vocat Apostolus, quod, quoad externos ritus, non spiritu aut mente, sed corporis membris præstatur. Alias eodem jure diceres, mactationem & combustionem victimarum præfigurasse ceremoniarum carnalium abrogationem. Quæ viris Theologis indigna sunt. Fuit quidem in circumcissione, uti & in reliquis ceremoniis, quod imperfectionem testaretur, & spem faceret lætioris temporis, & præsignificaret illud quo exstante ceremoniæ abrogandæ sunt: non tamen res significata ceremoniarum est earundem abrogatio.

Et Deut.

XXI. III. Etiam si quandoque circumcisio cordis tantundem esset  
ac

ac ablatio veli & jugi ; non tamen eo sensu promittitur *Deut. xxx. 6.* Aliter enim ipse Deus id explicat in sequentibus. Verba ita sonant : *xxx. 6.*  
*Et circumcides Jehova Deus tuus animum tuum , & animum seminis tui ; omnium*  
*ad diligendum Jehovah Deum tuum , ex toto corde tuo , & ex tota anima minime.*  
*tua , ut vivas.* Ergo de ea Circumcisione agitur cujus proximus effectus est, sincerus amor Dei, & remotior, vita sive salus. Quæ quid aliud nisi Regeneratio, vel Sanctificatio, sine qua neque Amor Dei, neque Vita esse potest. Potest autem utrumque esse, ubi velum & jugum Ceremoniarum necdum ablatum est. Hebræi quoque Doctores consentiunt, de Sanctificatione hic sermonem esse ; licet id plus iusto extendant, & perfectam sanctificationem hic promitti opinentur. Non pigebit paucula ex Gerundenſe describere. *לא ידארה ליהוה דולב למד שמי ראי כלל . והיא חמילה הנכרד כחן . כי החמדה והחמדה*  
*עורה ללב . ומיל דולב דוא שלא ידמד ולא ידארה .* *Non appetet iis cor nisi*  
*quod plane honestum est.* Atque hæc est circumcisio, cujus hic loci mentio fit. Nam concupiscentia & appetitus est præputium cordis. Cor autem circumcidere est ab appetitu illo & concupiscentia immunem præstare.

XXII. IV. Si demus, hic aliquid promitti, quod electis Israëlitis tempore Messæ præstandum sit : nequaquam tamen inde conficitur, bonum illud isti tempori proprium esse, neque datum antea majoribus ipſorum. Non abibo longe, ad sequelæ illius debilitatem demonstrandam. Versu 8. pollicetur Deus ejusdem temporis Israëlitis conversionem, quo auscultent voci Jehovæ & faciant omnia præcepta ejus. Non tamen conversio talis proprium bonum N. T. est. Quippe quam iisdem ferme verbis Judæis in Captivitate Babylonica adscribit Dominus *ψ. 2.* Unde concludimus, nequaquam eos cum Sacris Literis loqui, qui Circumcisionem Cordis, quocunque id fiat sensu, sub V. T. obtinuisse negant.

Non quicquid posteris promittitur, majoribus defuit.

XXIII. Tertio. Ex eadem mala *ἐγχαρίσται* procedit, quod INSCRIPTIONEM LEGIS IN CORDE, bonum proprium N. T. faciant: quia *Heb. viii. 10.* ex *Jer. xxxi. 34.* dicitur. *Quam ob rem hoc est pactum, quod paciscar domui Israël post dies illos, dicit Dominus, Indam Leges meas menti eorum, & cordi eorum inscribam.* Id est, inquit noster Auctor, (a) *Faciām, ut Legem meam recipiant, ea delectentur, & ejus non obliviscantur.* Quæ verba si sumantur, uti jacent, consequitur, priscos fideles, qui ante N. T. tempora vixerunt, Legem Dei non recepisse, ea non delectatos, ejus oblitos esse. Ea autem aperte falsissima esse, vel unus Davidis exemplo palam est. Qui, recepisse se Legem, profitetur, quum dicit. *Pſ. cxix. 11.* *In animo meo recondo sermonem tuum.* Additque versu 16. *In Statutis tuis me ipsum OBLECTO, NON OBLIVISCOR verbis tui.* Quomodo ergo bonum N. T. proprium est, quod totidem verbis sibi adscribit David?

Inscriptio Legis in corde, N. T. bonum dicitur.

(a) In Jer. 31. §. 61.



Sensu  
novo.

XXIV. Verum aliud subest. Agitur hic, ait Celebratissimus Interpres, de Lege Amoris Dei. Illud autem præceptum, *Amabis Dominum Deum tuum*, Deut. vi. non poterat sub V. T. vigorem suum obtinere in cordibus fidelium. Quia *ubi est formido* (qua non poterant carere, qui nihil differebant a servis, Gal. iv. 1.) *ibi non est charitas consummata*. 1. Job. iv. 18. Et quando *charitas Dei in cordibus effunditur per Spiritum Sanctum*, Rom. v. 5. & charitas Dei datur non cum tristitia, ut olim, sed cum *laetitia filiorum*, eximie dicitur & quasi proprie, *Lex Dei scribi in cordibus*. Hæc omnia reperire est in *Sum. de Fæd. §. 352.*

Et impro-  
bando.

XXV. Sed non reperio ea in sacris literis. Illæ enim testantur, priscos quoque fideles Deum *amasse* Ps. xvi. 1. & cxvi. 1. Et quidem *ut Patrem suum*. Jes. lxi. 16. idque cum *laetitia filiorum*, Ps. xli. 4. Et *sine formidine*, quæ filiis Dei indigna sit. Ps. xli. 3. & xxi. 4. Sensisse etiam *cum laetitia* amorem Dei *effusum* in cordibus suis. Ps. iv. 8. Et audivisse Deum *dicentem anima sua, salus tua ego sum*. Ps. xxxv. 3. Et denique *oblectasse se in præceptis Dei, quæ diligebant*. Ps. cxix. 47. Quid jam restat, quod ad inscriptionem legis in corde requiratur.

Quænam  
pacta Heb.  
viii. 10.  
opponan-  
tur.

XXVI. Attamen, inquires, promittitur hic aliquid virtute Novi pacti obtinendum, quod Vetus, cui Novum propter defectus illius subrogatur, præstare non potuit. Respondeo. Apostolus non opponit hic foedus gratiæ, quemadmodum dispensatur post adventum Christi, eidem foederi gratiæ, quemadmodum dispensatum fuit antea: sed opponit foedus gratiæ, prout vigorem suum in N. T. habet, foederi nationali cum Israëlitis pacto ad montem Sinai; ut Spirituale foedus foederi typico. In quo foedere populus quidem promittebat Deo obedientiam: & Deus populo, se eam obedientiam, si præstaretur, acceptam habiturum, ac remuneraturum; sed non promittebat Deus populo, se ei daturum cor ad obediendum ipsi: uti videre est in prima foederis pactione Exod. xix. 5. 6. 8. illiusque solemnii confirmatione. Exod. xxiv. 7. 8. ubi nulla promissio novi cordis exstat. Ergo virtute hujus foederis lex cordi populi Israëlitiçi inscripta non est. Atque hinc factum est, ut foedus illud apostasia sua ruperint, atque irritum fecerint: Deusque eorum Deus dici, atque illos pro populo suo agnoscere, recusaverit, & contempnim eos Moïsi potius, quam suum populum vocaverit. Exod. xxxii. 7. Illi foederi Israëlitiçi, quod non est formliter foedus Gratia, & hic duntaxat quod ad umbratilem suum apparatus consideratur, præstantius foedus opponitur, cujus effectum sit inscriptio legis in cordibus, & communio cum Deo ut fonte salutis. Porro foedus illud ad Messiaë dies refertur, non quod tunc demum cum effectibus illis suis exstiturum sit: sed quod eo tempore maxime futu-

futurum esset gloriosum, & effectus oppido conspicuos producturum. Interim electi ex Israël, priscis etiam temporibus, præter foedus Sinaiticum, juncti Deo fuerunt foedere Gratiae, quod solemniter cum Abrahamo repetiverat. Et ex eo foedere habuerunt illud omne, quod inscriptio legis in cordibus complectitur, Deumque ipsum pro Deo suo, id est, fonte salutis. Ut foedus gratiae, sub quo prisci fuerunt, non est confundendum cum foedere Sinaitico, ita nec est ab eo divellendum. Neque existimandum, fideles iis omnibus caruisse, quæ non promittebantur foedere Sinaitico, & quæ foedus typicum δια τὸ αὐτῶν ἀποδείξαι καὶ ἀποφελῆς præstare non poterat, quum præterea participes essent foederis Abrahamici, quod erat purum foedus gratiae. Atque hinc bona Israëlitarum spiritalia ac salutaria.

XXVII. QUARTO. Non sine causa etiam offensi sunt pii veritatis zelotæ, quum disertis verbis scriptum legerent, *Justificationem in Scriptura promitti, ut rem non prisci temporis, sed posterioris.* (a) *Remissionem promissam esse ut donum Novi Testamenti.* (b) *Ante Christi adventum REMISSIONEM NON FUISSE.* (c) *Et denique, nullum peccatum proprie remissum fuisse sub V. T.* (d.)

XXVIII. Sed qui ita loquitur, per remissionem peccatorum & justificationem tunc amplius aliquid intelligit, quam voluntatem non puniendi peccatum, & vitam æternam dandi propter Mediatorem fide receptum. Vult, iis vocabulis tum *excludi voluntatem peccatum castigandi, injungendo sacrificio pro peccato: & comprehendere annunciationem & testificationem, quod peccatum deletum & expiatum sit:* uti se explicat in animadv. ad Quæst. LXXXIII. Clarius id dixit Sum. Theol. Cap. LI. §. 9. *Quod attinet eam justificationem, quæ est conscientiae absolutio & consummatio, sive consolatio de justitiæ causa jam exstante, ea ante ... non fuit.* Accurate & breviter totam animi sui mentem explicuit, in Comment. ad Col. II. §. 110. *Summatim differentia remissionis peccatorum secundum tempora est hæc.* 1. *Fuit remissio peccatorum cum confessione quidem peccati necdum expiati & justitia nondum adducta, sed citra servitutem & jugum; idque ante legem: antequam non fuit imputatum peccatum.* 2. *Fuit remissio peccatorum cum servitute & jugo & placitis, quæ flagitarent Chirographum contrarium ipsis, evidens & luculentum; idque sub lege.* 3. *Est remissio peccatorum cum annunciatione justitiæ adductæ & mortis Christi* ἐς ἀθέτησιν τῆς ἀμαρτίας, atq; ita deleta Chirographo, idque sub N. T.

XXIX. Quibus oppono sequentia. Quum Scriptura priscis patribus remissionem peccatorum & justificationem disertis verbis adscribat, non est bonum neque prudens factum, id totidem verbis negare. Nam quocunque id sensu facias, speciem saltem præ se fert, quasi Deo obloqui, & sermonem ejus corrigere nitaris. Quod ab animo

Remissio

&amp; Justifi-

catio Y. T.

negatur.

a Sum.

Theol. C.

69. §. 3.

b De foed.

§. 353.

c Indag.

Nar.

Sabb. §. 3.

d Sum.

Th. C. 69.

§. 26.

Sed in

sensu re-

stricto.

OEC. FOED.

M m m m

Deum

Deum amante ac reverente debet esse alienissimum. Porro Scripturæ dicta evidentissima sunt. De remissione *Pf. cxxx. 4. Nam. apud Te est remissio. Exod. xxxiv. 7. Condonans iniquitatem; & defectionem, & peccatum.* Atque ita passim. De justificatione. *Jac. ii. 21. Abrahamus pater ille noster justificatus est. & Rom. iv. 2. 3. Quorum igitur attinet, iis remissionem & justificationem denegare, quibus eam Deus attribuit? Dices, id a te fieri alio sensu. Sed videamus, an recto, & bono.*

An justifi-  
catio &  
remissio  
præcise  
significent  
absolutio-  
nem pro-  
pter satis-  
factionem  
actu præ-  
stitam?

XXX. Per remissionem peccatorum & justificationem intelligis eam absolutionem, quæ sit propter solutionem actu præstitam, & conjunctam habet omnimodam immunitatem a Chirographo; qualem certum est sub V. T. non existisse. Sed vocabulum *justificationis* eo significatu uspiam in Scriptura usurpari, ut contradistinguatur illi absolutioni, quam habuerunt veteres, nondum memini probatum. Nam quod *Act. xiii. 39. dicitur ab omnibus, a quibus non potuistis per legem Moysi justificari, per hunc credens quivis justificatur*, huc non pertinet. Ostenditur ibi, nos veritatem in grâtiâ salutifera Christi habere, cujus umbra duntaxat in externis legis Mosaicæ ceremoniis erat. Non est ibi oppositio T. V. & N. sed internæ communionis Christi & externarum ceremoniarum. Illius autem etiam sub V. T. participes fuisse fideles, extra controversiam est. *Ἀφίεως*, vox eo sensu semel exstat *Heb. x. 16.* sed semel duntaxat, quod sciam. Alias frequenter, uti mox ostendemus, *ἀφεσις*, antiquis Patribus adscribitur. Quum ergo Scriptura frequenter doceat, veteres patres remissione peccatorum gavisos esse, &, vel *semel*, vel *raro*, remissionem, cum annexa quadam limitatione, N. T. contradistincte a V. adscribat, non videtur prudentiæ Christianæ esse, toties negare, *remissionem* sub V. T. fuisse. Præstitisset offensionem prævenire, & clare ac distincte dicere, non eum *modum* remissionis sub V. T. fuisse, qui sub N. est. Neque est, ut quis se excuset similibus Scripturæ phrasibus, ubi ea in V. T. fuisse negantur, quæ non erant tanta copia, ut *Joh. vii. 39.* Hæ enim phrasæ rariores sunt. Et qui commentationes suas eo dirigit, ut Scriptura minus exercitatis melius intelligatur, non debet locutiones suas ad illud instar componere, quod & rarius & obscurius est, sed ita cum ordinario Scripturarum tenore loqui, ut obscurioribus locis & phrasibus lucem foeneret.

A patribus  
ante Mo-  
saicis  
etiam exa-  
ctum est  
chirogra-  
phum,

XXXI. Denique non probatur nobis, quod ante legem Moysi chirographum a Patribus exactum neget. Nam sacrificia, & circumcisio, quæ non est ex Mose sed ex patribus *Joh. vii. 22.* ad dogmata pertinent, & typi erant venturi Christi, & involvebant confessionem reatus nondum expiati, & abolita sunt Christi cruce. Et nisi ad Chirographum pertinerent, quid causæ dici potest, cur sub N. T. eo sal-

tem

tem modo observari non possint, quo observata sunt ante Moſen? Nimis ſervilem Iſraëliticæ Eccleſiæ ſtatum Fratres faciunt, præ cæteris periodis, tam antegreſſa, quam ſequenti. Verum hæc ad hanc controverſiam proprie non ſpectant.

XXXII. Offenſioni etiam multis fuit, quod Pſalmos xxxii. li. ciii. ſimileſque remiſſionem peccatorum, & juſtificationem peccatoris graphice deſcribentes, prophetiam de N. T. continere velint, Pſalte ea occasione *ſe oblectante præſumptione latitia N. T. Sum. Th. Cap. lxi. §. 24.* & alibi ſæpius, præcipue in commentariis ad eos Pſalmos. Hæc aliena admodum videntur, neque putantur poſſe proficiſci, niſi ab eo, qui remiſſionem peccatorum, cum ea animi in Deo deliciantis ſancta ſecuritate conjunctam, patribus abrogat. Non eſt diffitendum tamen, alibi Fratres alta voce proteſtari, ſe antiquis patribus eam peccatorum remiſſionem attribuire, quæ parrheſiam ſpei de beatitudine, & conſolatione, & gloriationem in ipſa morte gignat. Quæ ab iis ex animi ſententia dicta eſſe ut credamus, jubet charitas, quæ malum non cogitat. Interim tamen illum interpretandi modum, quo ea, quæ didaſcalica ſunt, neque reſpectum ad diverſam temporum oeconomiam habent, in prophetias de N. T. temere tranſmutantur, oppido indecorum eſſe exiſtimo. Nihilque in iis Pſalmis invenio, ſaltem in quantum gratiam Dei in remiſſione peccatorum deprædicant, quod non Davidi, eique *συγχρόνοις* fidelibus, applicari queat. Nihil etiam in N. T. occurrit, quod ultimi temporis fidelibus hæc ſibi præ cæteris arrogandi poteſtatē facit. De ſingulis videamus.

XXXIII. In Pſalmo xxxii. nihil plane eſt, quod prophetiam redeat. Titulus docet, eſſe *oden didaſcalicam*, continentem doctrinam de vera peccatoris beatitudine, quæ omni ævo communis eſt. Hanc conſiſtere teſtatur in remiſſione peccatorum. Quibus ea beatitudo obtingat, & qua via obtineatur, porro ſuo docet exemplo. Id *ψ. 6.* cæteris imitandum proponit, & *ψ. 8.* ac ſequentibus, graviffimis verbis urget. Quis hinc prophetiam extundat, niſi occupatus præjudiciis? Et ſane, quum David *beatum* illum prædicat, *cui non imputat Jehova iniquitatem &c.* velim ſcire, an ſe eo *μακαρις* includat. Si ſe includat, non eſt prophetia N. T. *ὁπερ ἰδεὶ δεῖξαι.* Sin ſe excludat eo *μακαρις*, excludit ſe etiam beneficio juſtificationis iſtius, quæ obtinetur per fidem, ad quam probandam Paulus hunc *μακαρις* Davidis adducit *Rom. iv. 6.* & cujus participem factum Abrahamum docet. Hoc autem non puto quenquam Fratrum dicturum eſſe. Opto etiam doceri, quænam perſona verſu 3. & 4. loquatur. Eſtne *προσωποποιία* aliqua repræſentans nobis N. T. fidelem? Sed quodnam ejusmodi fictionis argumentum eſt? Qua demonſtratione jubemur id credere? An vero David ipſe loquitur? Certe titulus Pſalmi

Pſalmi Did  
daſcalici  
male inter  
Propheti-  
cos refe-  
runtur.

Quod  
oſtenditur  
de Pſ.  
XXXII.

eo nos ducit. Et nihil est iis verbis contentum, quod in Davide non veret: quodque non alibi etiam de se narret. conf. *Pf. vi. 3, 4.* Si autem, quæ de dolore & anxietate animi nondum propitium Deum sentientis hic narrantur, de se ipso narret Propheta, utique & de se ipso loquitur *ψ. 5. & tu condonabas iniquitatem peccati mei.* Hæc enim ab antegressis divelli non possunt. Obtestor pium lectorem, ut novum hunc commentarium, quo Psalmus tam simplex in nescio quod drama vertitur, ubi sub larva Davidis longe aliæ personæ latent, cum luculento & succulento Calvinii commentario contendat, & fallorni, disparere eam scenam, liquido cernat.

Et LI.

XXXIV. Eadem ratio *Pf. LI.* est: cujus inscriptio & occasio inibi memorata, eum tam clare Davidi convenire, demonstrant, ut supervacaneum sit, vel verbum addere. Multa etiam in commentariis Davidi applicatum it Vir Doctus. Quin ad titulum Psalmi rotunde dicit, *est precatio Davidis ad Deum, secuta colloquium cum Nathane Propheta.* Et ad *ψ. 3. Tenentur omnes confugere ad gratiam & eam apprehendere, ac consequenter gratiam Dei cum DAVIDE sibi applicare.* Cur ergo ea alibi ad tempus N. T. torquet? An quia *ψ. 9.* dicit, *Expiabis me hyssopo*, qua ceremonia Christi sacrificium hilasticum significabatur? Sed ipsa illa phrasim an non talis est, ut convenientior sit fideli sub V. T. quam sub N.? Quomodo efficacius exprimi potuit priscæ fidei per spissam ceremoniarum nubem in venturum Servatorem eminus prospectantis operofitas? *Sciebat vir Dei, peccati expiationem figuratibus actionibus non constare, sed magis gratia & Spiritu Dei in Christo venturo*, inquit *Musculus.* An quia *ψ. 20.* sacrificiorum justitiæ meminit, post reedificatam Hierosolymam offerendorum; quod est sacrificium Christi, quo justitiæ Dei plenissime satisfecit; sed quæ hic est sequelæ species? An non potuerunt V. T. fideles de beneficiis in se collatis canere & simul meminisse futuræ satisfactionis Christi, cujus virtute ea obtinebant. Tum etiam, quid vetat per hæc sacrificia, cum *Bucero & Musculo* spiritualia illa intelligere, de quibus Petrus loquitur. *1. Pet. 11. 5.* & quæ affatim Deo offeruntur, quotiescunque benefacit Zioni &c. h. e. Ecclesiam suam spirituali gratia sua ditat, tam sub V. T. quam sub N.? Nisi cum *Calvino, Møllero, Piscatore, Belgis*, aliisque, hoc explicare malis de ipsis sacrificiis legalibus, sed rite, juxta præscriptum Dei, & ex fide oblatis; quod longius adhuc a Cocceji mente recedit.

Et CIII.

XXXV. *Pf. CIII.* Itidem nihil habet, quod solum N. T. respiciat. Et frustra huc adducuntur *ψ. 19. & 22.* quasi ibi de regno libertatis & gratiæ, extendente se per totum mundum, ageretur. Nam non est certum, hæc ad regnum coelorum sub T. N. referri debere. Nihil in iis verbis est, quod regno potentiæ applicari non queat, *Conspicuum est,*

est, ait *Musculus*, *cani ista non de Regno Gratia, sed de Regno Potentia, Juris ac Domini Dei*. Quid enim? an sub V. quoque T. verum non fuit, *Jehovam solum suum in caelis stabilivisse, & regnum ejus in omnia potestatem obtinere*? An N. T. status Michæ repræsentabatur, quando videbat Jehovam insidentem solio, & circumstantem ei exercitum coelorum? 1 Reg. xxii. 19. An Nebucadnezar etiam de N. T. vaticinabatur, quando Deum *Regem caeli* vocabat eique *regnum æternum* adscribebat, *in omnes habitatores terra*? Dan. iv. 36, 37. An sub solo N. T. dici potest, *Benedixit Jehova omnia opera ejus*? Atqui sub V. quoque quidquid in coelo & in terra est, ad id officii invitabat Psaltes. Ps. cxlviii. Cætera mitto, ne in re tam liquida superstitionæ nimis diligentia arguar. Nolo interim diffiteri, ea, quæ de regno potentia Dei, extendentis se per universam terram, & de Majestate ejus eminenti super omnes creaturas, hic narrantur, illustri modo micare in regno libertatis & gratia, quod *Mollerus* quoque observavit. Sed tamen, ut in meram prophetiam futuri temporis transformentur, nulla suadet ratio. Bene *Amyraldus* in Psalmi hujus argumento. *Atque adeo nihil hic occurrit, quod proprie typicum sit, aut quod, mystica aliqua interpretatione, ad complementum temporum referri debeat*. At si demus, Vatem Divina gratia ubertate perfusum, illius gustu impulsus fuisse, ut sub finem Psalmi de regno libertatis & gratia caneret; an exinde sequitur, ea quæ antea de Dei erga se benignitate, & omnium peccatorum suorum condonatione cecinerat, non ipsi, sed solis Novi Testamenti fidelibus convenire?

XXXVI. Turbavit etiam nonnullos operosa illa, totiesque inculcata *παρέσeweς καὶ ἀφέσeweς* distinctio, quam insignem in Theologia utilitatem habere prætendi solet. Eam autem ita passim explicant. *Πάρεσιν* notare volunt *transmissionem, pratermissionem, dissimulationem*, per quam fit, ut Deus non puniat peccata, neque animum ea exigendi a peccatore habeat, ita tamen, ut non declaret, sibi esse satisfactum, sed contra reservet sibi jus compellendi peccatorem, hoc est, comonefaciendi de debito nondum expuncto, & exigendi ab ipso chirographum, quo reatum nondum deletum expiatumque esse, quasi propriæ manus subscriptione, fateatur. Hoc scriptura vocaret *παρίεναι*, cui respondet *וְרָחַם*, *silere* Ps. l. 21. & *Esth.* vii. 4. Eam autem *πάρεσιν* in duplici volunt esse differentia, I. Ante legem Mosaicam, quando Deus plane siluit, & peccatum non fuit *ἠλλογόμενον*, reputatum per exactionem chirographi. II. Post legem, quando compellavit Deus peccatorem; & chirographum exegit. Per *ἀφέσιν* autem, *φερανύμωσ* ita dictam, intelligunt eam peccati condonationem, qua Deus satisfacti

Distinctio  
Paresios  
& Aphesios.

suæ justitiæ per Christum declarat, & causam juris ad vitam actu jam exstare pronunciat, peccatum deletum dicit, Chirographum discerpit, & denique apocham dat, quasi diceret, *Accepi, non pignorabo*, hæc omnia reperire est, de *Fad. §. 339. Sum. Theol. Cap. LI. §. XI. Animad-versi. ad LXXXIII. Quæst. LXVIII. ad Rom. III. §. 72. More Nebo p. 65. &c.*

Realem  
contro-  
versiam  
non facit :

XXXVII. Ad quæ observo. In summa rei non posse esse controversiam, modo id constat, reatum peccatorum non ita incubuisse fidelibus, ut illi, supposita Christi sponcione, ad eum in propria Persona luendum compellari potuerint. Hactenus quidem potuerunt compellari, ut commonefierent I. *se juxta legem* debendi reos esse. II. Etiam si propter sponcionem Messiz absoluti sint a poena, tamen sponcioni illi nondum actu satisfactum, & eatenus reatum suum nondum expiatum esse : sed *incumbere* eum adhuc *Sponsori*, quem ad passiones & mortem exigit; & quatenus *ipsi* juxta electionis decretum *unum* corpus mysticum *cum Sponsore* sunt, eatenus *ipsis incumbere*, ut, non in propria persona, sed per Sponsorem satisfaciant. Quemadmodum & Catechesis loquitur; Nos *debere* PER ALIUM *solvere*. Si ita, uti reor, id intelligant Fratres, neminem habebunt dissentientem. Sed vana tunc videbitur illa de distinctionis suæ insigni utilitate jactatio. Quippe qua nihil dicunt, præter id, quod omnes aut dixerunt, aut dicere voluerunt Theologi Orthodoxi.

Neque  
fundamen-  
tum habet  
in Scriptu-  
ra,

XXXVIII. Addo, ex verbis *παρέσεως καὶ ἀφείσεως* distinctionem illam demonstrari non posse. Nam certum est, *ἀφείσιν* adscribi fidelibus ante actualem peccati expiationem. *Lev. v. 10. καὶ ἀφεθήσεται αὐτῷ*, & sic passim. Et ne quis cavilletur, dici hæc de remissione typica, (quæ tamen veræ symbolum est, & cui augusta *ἀφείσεως* vox minus applicanda videtur, quam reali illi, qua gavisi sunt Veteres) addo ex *Ps. LXXXV. 2. Ἀφῆκας τὰς ἀνομίας τῶ λαῶ σου*. Non nego, illum Psalmum cantatum iri ab Israëlitis convertendis ad Christum Dominum, sed non esse cantatum a fidelibus reducibus ex captivitate Babylonica, cum applicatione ad præsentem statum suum, id vero probari non posse existimo. Ut alia prætermittam, exceptione omni caret, quod Christus ante satisfactionem suam *ἀφείσιν* quibusdam donavit. *Mat. IX. 2. ἀφείλαντο σοι οἱ ἁμαρτίαι σου*. Similiter *Luc. VII. 47.*

Vel proba-  
tis Aucto-  
ribus.

XXXIX. *Πάρεσιν* autem *prætermissionem*, *dissimulationem*, *silentium*, notare, probatum nondum videmus. Docet quidem *Budans* in *Comment. ling. Græc. p. 286. Παρίεναι* aliquando esse *transmittere*, sed sensu longe diverso, adducto *Xenophontis* loco ex *Lib. IV, Helleni*: *ἑπὶ τῶν αὐτῶν μέ-δενά παρίεναι εἰς ἀκρόπολιν*, jussu illo, *ne quenquam transmitteret in arcem*. Cæterum *παρίεναι* dicit esse, *indulgere*, *promittere*, *CONDONARE*. *Hefychius*

*chius eodem modo.* Παρήμι, συγχωρῶ, ἀφίημι: & πάρεσιν exponit ἀφε-  
σιν, συγχώρησιν. Adeo non distinguuntur hæ voces, ut una explicetur  
per alteram. Scio, non neminem scribere, non turbari se auctoritate Hesychii,  
quippe qui ante oculos habuerit hunc Pauli locum, eumque interpretatum  
sit ex re ipsa, de qua is loquitur. Mor. Nebo. p. 29. Sed neque puto, Virum  
Celeberrimum voluisse, ut nos illius auctoritate turbaremur. Non est  
contemnendus auctor Hesychius. Audiatur Danielis Heinsii iudicium Ari-  
bar. Sac. p. 9. Edit. in 8. In Hesychio non Græciæ totius modo, sed ex parte &  
Orientis eruditio conclusa jacet p. 14. Mira & profunda eruditionis Gramma-  
ticus. p. 18. Abyssus eruditionis veteris Grammaticus. p. 116. Hesychius non  
levi auctor, cujus certe glossæ maxima ex parte ad explicandos Hellenistas, ac  
precipue τὰς ἑβραϊκὰς comparata. Et si Hesychius hunc Pauli locum  
ante oculos habuit, eumque ex re ipsa & ex usu linguæ quæ vernacula  
sibi erat, interpretatus est, certe non est eum male interpretatus.

XL. Dicit quidem Vir Doctus, τὸ παρίεναι respondere τῷ ὤριον, *silere.* Παρίεναι  
Verum id non probat. Adducit Est. vii. 4. sed ibi vox παρίεναι non re-  
peritur in iis, quæ ego habeo, exemplaribus. Waltonianum, & Lon-  
dinenſe in 8. A. 1653. habent παρήκυσσα. In alio tamen exemplari, ne  
quid dissimulem, exstare intellexi. At da, exstare in omnibus, quid ad  
hanc rem facit? Nam *siluisse* ibi non significat, impunitam dimissem  
istam injuriam: sed tacitam submissem indignitati illi, neq; ulla peti-  
tione mea Regi faceſſivissem negotium. Quo nostra hæc πάρεσις nihil  
juvatur. Tum etiam quando Deus Ps. L. 21. improbo dicit, *hæc fecisti & si-  
lui*, quod LXX. tranſtulerunt ταῦτα ἐποίησας, καὶ ἐσίγησα, nihil minus eo  
verbo indicare vult, quam talem πάρεσιν, qualem Paulus nobis descri-  
bit, & qualem Fratres urgent. Ea enim est absolutio fidelium a poena  
propter sponſionem Christi. Hoc autem silentium est dilatio poenæ im-  
probiorum, ut tarditas gravitate compensetur: quæ toto coelo differunt  
Intelligere non possum, quo iudicio Vir Celeberrimus ea huc adduxerit,  
in quibus si vel vox πάρεσις exstaret, non certe ipsa res invenitur  
quam ea voce significatam vult.

XLI. Oportuisset etiam plenius a Viro Docto explicari, *Nec expli-*  
*quomodo* antegressis temporibus *siluerit* Deus, Non enim *siluit de*  
*peccato*, quando Chirographum exegit a peccatore, & compul-  
lavit ipsum de reatu nondum abolito, quod ex Viri Cl. sen-  
tentia factum est per legem Moſaicam, ex mea per primam  
institutionem sacrificiorum, quæ si typi fuerint sacrificii Christi, ut  
fuerunt sine dubio, simul significarunt, verum sacrificium expia-  
torium nondum exstare. Non *siluit* etiam Deus de *venia*, sed  
promulgavit Testamentum Gratia, quo certiores fecit fideles, se  
nunquam ab his luitationem criminum suorum exposciturum, propter  
sponſio-

non re-  
spondet  
τῷ  
ὤριον.

Nec expli-  
catur satis  
quomodo  
Deus ante-  
gressis  
tempori-  
bus si-  
luerit.



sponſionem Meſſiæ. Quodnam ergo eſt magnum illud ſilentium, cuius gratia illa actio Dei erga Veteres *παρεσις* dicatur.

Propter  
pareſin &  
apheſin  
non eſt  
turbanda  
Eccleſia.

XLII. Concludimus, tanti non eſſe decantatam illam ἀφείσεως & *παρέσεως* diſtinctionem, ut illius cauſſa & Academica pulpita & ſuggeſtus Eccleſiaſtici, & typographorum præla, tot jam annos caleſceri, & incertum vulgus in contraria ſtudia ſcindi debuerit. Quum negari non queat, eam remiſſionem, qua gavifi ſunt Patres, ex uſu linguæ Græcæ dici poſſe, & ab Helleniſtis dictam eſſe ἀφείσεω : & nullus proferatur locus, ubi illa *παρέσις* dicatur, eo ſenſu, qui nunc obtruditur.

Altingii  
explicatio  
laudata.

XLIII. Enim vero conſiderationem ſuam meretur Clariffimi Viri Jacobi Altingii commentatio : qui *Heptade* 11. *Differt.* 11. §. 92. & ſeq. hoc fere modo inſtituit. Ad plenariam & conſummatam ἀφείσεω requiruntur tria, nempe peccati, ABLATIO, TRANSLATIO & EXPIATIO. *Ablatio peccati* eſt, qua reatus tollitur a delinquente, ut quamvis peccarit, obligatio ad poenam tamen ab ipſo removeatur. Indicatur verbo, *אָפּהַר*, quando *tollere* & *auferre* denotat. *Exod.* xxxiv. 7. *Pſ.* xcix. 8. xxxii. 5. lxxxv. 3. xxv. 18. *Translatio peccati* eſt, qua reatus a delinquente ablatuſ, transfertur in Sponſorem, ut illi incumbat luendus : quemadmodum fiebat in hoſtiam per manuum impoſitionem, quæ tunc ferebat geſtabatque reatum. Eam indicari putat verbo *הִסְרֵהוּ עֲוֹנוֹ* *transfire fecit, tranſtulit.* 2 *Sam.* xii. 13. dicente Davide, *Peccavi*, ſeu reus factus ſum, *Domino* : Nathan reſpondit, *גַּם יָדִידוֹ הִסְרֵהוּ עֲוֹנוֹ*, *Etiam Dominus tranſfire fecit peccatum*, reatum, *tuum* : non morieris. Et Angelus Dominus *Zach.* i. 4. *Ecce ego mitto ad te angelum meum, & tranſfire fac tibi iniquitates tuas.* Quæ dicta Deo ceu *Creditori*, & Chriſto ceu *Sponſori* translationem iſtam tribuunt. Competit autem etiam *Debitori* : unde David eam efflagitat precibus. 2 *Sam.* xxv. 10. *Et nunc, Domine, הִסְרֵהוּ עֲוֹנוֹ* *tranſfire fac, quaſe, iniquitatem ſervi tui.* Jubetque Salomo *Ecl.* x. 10. quia de omnibus Deo in iudicio reſpondendum eſt, *הִסְרֵהוּ עֲוֹנוֹ* *tranſfire fac malum a carne tua.* Quod aliter præſtari non poteſt (quum malum quod factum eſt infectum fieri nequeat) quam transferendo, ſeu transportando peccatum. Atque hanc translationem *παρέσεω* Apoſtolo dici exiſtimat. *Expiatio peccati* eſt, qua reatus a delinquente ablatuſ, & in fidejuſſorem tranſlatuſ, a fidejuſſore expiatur, ferente omnem poenam, ad quam delinquens obligabatur, ut juſtitia Dei non habeat quod ultra exigat, nedum inſtigat. Indicatur verbo *כָּפַר*, *expiare, tegere* ſanguine ſolutionis, ut ſcriptura peccati deleatur, ne amplius exiſtet. Hunc poſtremum actum ſequitur demum conſummata ἀφείσεω *remiſſio*, abſolvens ab omni exactione abſolute, non tantum quoad debitorem, ſed & quoad ſponſorem ; adeo ut poſt illa non amplius opus ſit hoſtia pro peccato, *Heb.* x. 18. omni penitus memoria peccati abolita.

abolita. v. 3. *col. cum.* 17. Quibus ita expositis, Doctissimus auctor sic pergit: In Veteri Testamento defuit fidelibus postremus ille gradus *expiationis*, quoniam tempus præstitutum nondum venerat, eoque etiam *ἀφέναι* quæ illum consequitur. Peccata ipsorum non fuerunt expiata, & chirographum mansit in suo vigore non expunctum, viguit transgressionum memoria sæpius repetita &c. quæ omnia demum morte, cruce & sanguine crucis Christi abolita sunt. Verum tamen non defuit illis fidelibus V. T. gradus uterque prior, Ablationis & Translationis: qui eleganter conjunguntur a Jobo. *Job. VII. 20. 21. Peccavi, quid faciam tibi & custos hominum: quare me constituisti tibi in occursum*, in quem incurres, *ut mihi ipsi sum oneri*, וַיִּבְרָא לִי מִשְׁמַרְרִים וַיִּתֵּן לִי אֶתְּמוֹנִים, & *quare non tollis pravicationem meam, & transire facis iniquitatem meam?* ut auferas a me reatum, cujus sub onere alioquin fatiscam deficiamque: & transferas in alium qui ferendo sit, sponsores nempe; quandoquidem satisfaciendum omnino est. Pluribus hæc prosequitur Vir Doctissimus quæ legisse neminem poenitebit. Mihi quidem res ipsa, sic exposita, vera sanctaque semper visa est; quod & testatus sum. Dubitabam solummodo an tam clara & disertæ doctrina de translatione peccati in rationes Messiae, cum simplicitate T. V. conveniret, & priscis fidelibus passim ita cognita fuerit; itemque an ea solide probari possit verbo דַּעְבִּיר. Si quis in ista me dubitatione justo scrupulosiorem fuisse arbitretur, non lubet nunc improbe repugnare. Cæterum eone nomine meritis eram tam inclementibus a Viro Docto verbis excipi, qualia videri possunt *Heptad. III. Dissert. IV. §. 27. & Heptad. IV. Dissert. III. §. 14.* Doleo equidem tantas animis cœlestibus iras esse; operam interim mihi dandam esse existimone ulli vel aliorum vel mei affectus mentem meam in veritatis dijudicatione obnubilent. Sancte candor! illabere animis nostris, ut quæ bene dicta sunt, etiam ab iis qui nobis sunt infensi, alacri lubentia suscipiamus; quæ a nobis ipsis non satis accurate disputata, ea pari facilitate inducamus.

XLIV. QUINTO. Non audemus improbare, quod Adoptio certo respectu, & in quadam eminentia, Bonum N. T. statuatur: in quantum scilicet eam importat conditionem, non qua fideles discriminantur a filiis Diaboli & iræ, & constituuntur hæredes Divinæ gratiæ & gloriæ (quæ dignitas omnibus omnium temporum fidelibus communis est) sed qua fideles N. T. excellent supra infantes, non multum differentes a servis. Quosens Apostolus *ἰσοθεοῦσιν* plenitudini temporum *ἐξ ὅχλου* attribuit. *Gal. IV. 4. 5. 6. 7.* Ubi Calvinus ita: (a) *Nam & de Adoptione sua sub V. T. certi erant patres: sed nondum jure suo ita plene fruebantur. Hic ergo adoptio capitur sicut Rom. VIII. 23. Redemptio pro ipsa possessione. Nam sicuti ultimo die percipiemus redemptionis nostræ*

Quam  
quam ad-  
optio in  
quadam  
eminentia  
Bonum N.  
T. dici  
possit.

a Ad  
vers. 5.

*fructum : ita nunc percipimus fructum adoptionis, cujus sancti Patres ante Christi adventum compotes non fuerunt. Et ad versum 7. Itaque non amplius es servus, sed filius. Hoc est, in Ecclesia Christiana non amplius est servitus, sed liberalis conditio filiorum. Iterum ergo de discrimine V. & N. T. loquitur. Filii Dei etiam fuerunt veteres, & barodes per Christum : sed nos aliter : quia presentem habemus Christum, idque ejus bonis fruimur. Confer quæ prolixius enucleavimus Lib. III. Cap. x. Et, nisi fallor, illud ipsum sibi volunt Fratres, quum*

b ad Gal. ita commentantur. (b) *Tantum observetur, non ita asseri ut Servitus Novo Testamento, ut penitus negetur de Veteri. Nam Apostolus præsupponit, etiam eos, qui sub elementa mundi fuerunt mancipati, fuisse ἀλαφρόνους.*

Non tamen pri-  
scis fide-  
lis deno-  
gari debet  
is affectus,  
qui Deo ut  
Patre di-  
gnus est.  
e De Fœd.  
§. 352.  
Spiritus  
Servitutis  
non fuit  
solius T. V.

XLV. Cæterum illud oppido durum est, quod alibi dicitur : (c) *Etiam si Sancti in V. T. acceperint Spiritum Sanctificantem, is tamen non operatus est in iis cum affectum, qui Deo, ut Patre, & ipsis, ut Filiis, dignus esset ; sed fuit in ipsis Spiritus Servitutis ad formidinem. Contra, qui pertinent ad N. T. statim atque credunt, accipiunt promissionem Spiritus Sancti. Gal. III. 14. hoc est, Spiritus Filiorum, qui promissus erat, cujus est clamare, Abba Pater. Rom. VIII. 15.*

XLVI. Ad quæ observo. I. Gratis supponitur, Spiritum Servitutis solius V. T. fuisse. Nam etiam in N. T. ea spiritus effecta cernuntur quæ ad formidinem & servitutem referri debent. Nunc quoque ingenerat electis terrorem, eo quod pessime sibi esse videant, donec in peccatis vivant, neque posse nisi pessime esse, donec bona fide cum Deo in gratiam redierint. Luc. xv. 17. Porro eodem terrore eos impellit, ad arcem salutis in Christo apprehendendam. 2 Cor. v. 11. Eodem quoque terrore eos a peccando refrænât, ac peccandi desiderium extinguit. Denique terrorem illum sæpius quandoq; ingeminat, angoribus & doloribus conscientiam eorum excrucians, eaque via, quasi juxta ripam inferorum, illos deducens, quâ, raro cum gaudio & exultatione, plerumque cum anxietate quadam trepidantis animi, sincere tamen, Deo suo serviant. Quomodo etiam num affectos fideles sæpissime illi comperiunt, quorum officium est in eorum statum familiariter inquirere. Negari nequit, in hisce omnibus esse formidinem, esse etiam aliquid, quod a servitute trahat, & a liberali officii præstatione, quæ ex mera amantis animi alacritate profiscitur, quadantenus diversum sit. Quidni ergo Spiritus, hæc sub N. quoque T. operans, Spiritus servitutis ad formidinem dicatur ?

Neque af-  
fectus,  
quos ope-  
ratus est in  
sanctis, fi-  
liis Dei in-  
digni sunt.

XLVII II. Perperam quoque asseritur, eos affectus, quos Spiritus servitutis olim operatus est in sanctis, indignos fuisse Deo, ut Patre, & sanctis, ut filiis. Quum enim affectus illi sancti fuerint, & effectus Spiritus sanctificantis, quem Deus Pater nemini nisi filiis suis largitur, imo quum certissima τακτική fuerint adop-  
tionis

tionis ipsorum ac juris ad hæreditatem, indignum Deo Patre ac filiis ipsius est quod utrisque indigni censeantur. Verum quidem est, in affectibus istis sanctorum fuisse *σχιςιν* quandam quasi servorum ad suum Dominum, quæ tamen nequaquam peremit, etiamsi aliquo modo modificaverit, *σχιςιν* filiorum ad Patrem. Uti nunc quoque sub utraque *σχιςει* obversatur nobis Deus.

XLVIII. III. Spiritus sanctificans, qui in priscis fuit, qua absolute sanctificans, distinguere debet, a Spiritu servitutis, quatenus ille præcise ingenerat formidinem. Licet ergo affectus a Spiritu servitutis, qua tali, producti, liberalissima filiorum Dei conditione indigni forent: attamen effecta Spiritus sanctificantis in omnibus electis, sunt amor Dei sincerus, & obedientia ex amore profecta, cum libentia & gaudio in præceptis ejus; quæ, quid obstat, quominus sanctis, ut filiis Dei, dignissima prædicentur?

XLIX. IV. Præter omnem rationem negatur priscis-Spiritus filiorum, cujus est clamare, Abba Pater. Neque enim ille ita opponendus est Spiritui servitutis, quasi in una sede morari nequissent. Cujus contrarium supra ostendimus. *Lib. III. Cap. XI. §. 9.* Hic ergo Spiritus, uti convenienter conditioni suæ, semper operatur, ita etiam in V. T. fidelibus, eos affectus operatus est, qui Deo ut Patre digni erant, ut etiam eos docuit clamare, *Pater Mi.* *Joh. xxxiv. 36. Jes. lxxiii. 16.*

L. QUINTO. Non convenit cum Divina gratia, quæ priscis etiam facta est, quod CONSCIENTIA TRANQUILLATA iis negetur. Qua de re ita scribitur: (a) *Conscientia acquiescere non potest, antequam homo per sacrificium, cum quo & per quod nos ad Deum accedere deceat, expiatus sit, & sciat, se in fiducia illius sacrificii ad Deum accedere. In hoc enim demum est conscientia tranquillata & consummata. Et huc usque necessario habet homo conscientiam peccati, eumque ut accusantis apud Deum, & ab omni ejus communionem separantis.*

LI. Is tamen, qui id dicit, priscis fidelibus se parrhesiam spei, & conscientiæ in Deo gloriantis lætitiæ nequaquam eripere, protestatur. Ita enim alibi: (b) *Hæc sapientia Dei est, quod hominem peccatorem non sinit perire . . . . atque eo fine peccatori testimonium justitiæ dat, & parrhesiam spei de beatitudine æterna, ut cum gaudio perpetuo omnes cruces & afflictiones sustineat, & Deum glorificet, eique gratias agat, in vita & in morte . . . . Hanc sapientiam Dei, ut Nathan ei (Davidi) verbo notificaverat, ita Deus in recondito ipsi obsignaverat.*

LII. Hæc sane difficulter admodum conciliantur, si quo modo conciliari possunt. Ubi enim est conscientia peccati hominem accusantis apud Deum, & ab omni ejus communionem separantis, quomodo

Sp. sancti-  
ficans qua-  
tal, a Sp.  
servitutis  
distinguen-  
das est.

Prisci quo-  
que habue-  
runt Spiritum  
cum filio-  
rum.

Priscis  
fidelibus  
conscien-  
tia tran-  
quillata  
negatur.  
a Ad Heb.  
x. §. 15.

Et tamen  
parrhesia  
spei illidem  
attribui-  
tur. b In  
Ps. 51. §.  
15.

Quæ  
difficulter  
concilian-  
tur.

do ibi potest esse testimonium iustitiæ peccatori a Deo datum? Atque iterum, ubi est parrhesia spei de beatitudine æterna & gaudium perpetuum, quid ibi deest ad conscientiam tranquillatam ac consummatam? Sed nos quid de priori asserto statuendum sit, exponamus.

Scriptura  
his tran-  
quillæ  
conscien-  
tiæ testi-  
monium  
dat.

LIII. I. Nusquam dicunt S. Literæ, priscos fideles non habuisse conscientiam tranquillatam; sed bene: eos de Dei erga se favori securos confidenter dormivisse. *Pf. i i i. 6.* cum parrhesia fidei gloriatos esse de præsentī gratia. *Pf. iv. 4.* eademque parrhesia spei expectasse futuram gloriā, *Pf. xv i i. 15.* II. Nusquam item dicunt, habuisse fideles V. T. conscientiam peccati, ut eos apud Deum accusantis, & ab omni ejus communione separantis. Sed contra, conscientiam ipsis testimonium perhibuisse de peccato condonato *Pf. xxx i i. 5.* & *ci i i. 3. 10. 12.* Et quomodo potuit eos peccatum accusare apud Deum, & ab ejus communione separare, quum impactum esset in Sponsorem, & ab ipso exigendum? III. Eadem sacræ Literæ testantur, egisse V. T. fideles, quæ agunt redempti, & gloriatos & lætatos fuisse in Deo *Pf. cxvi. 7. 8.* *Redi anima mea in requiem tuam, quum Jehova beneficus sit erga te. Eripisti animam meam a morte, oculos meos a lachrymis, pedem meum a lapsu.*

Quam  
non ha-  
buerunt  
ex ceremo-  
niis.

LIV, IV. Male huc trahitur *Heb. x. 1.* Neque enim negat ibi Apostolus, priscos fideles habuisse conscientiam *τετελειωμένην*: sed negat, *τελειώσιν* ex lege esse, quæ umbram duntaxat futurorum bonorum habebat, negat, sacrificia, quæ quotannis indefinenter offerebantur, potuisse accedentes *τελειῶσαι*, hoc est, ut bene Pareus, *perfectos reddere, sanctificare, & salvos facere.* Quod autem Lex non poterat, id poterat & faciebat actu gratia Sponsoris Christi, cujus illi quoque erant compotes. V. Conscientia peccati, de quo *v. 2.* non est peccati qua accusantis apud Deum, & arcentis ab omni illius communione (id enim ne posset peccatum, obstabat sponso Christi, fide apprehensa) sed est conscientia peccati, nondum actu expiati, neque expiabilis per brutorum sacrificia: quæ ideo iterabantur, ut fideles testarentur, se iis quidem uti, ut symbolis a Deo institutis, veram tamen remissionem non habere, nisi ex sponione, & futura oblatione Messiae.

Sed ex  
Sponione  
Christi.

LV. VI. Non habuerunt quidem eam conscientiae tranquillitatem V. T. fideles, quæ ex *λύτρω* a Sponsore plene soluto oritur, neque data fuit talis apocha, qualis est in suscitatione Christi ex mortuis. Habuerunt tamen quantum ad conscientiam, non vere tantum, sed & plene tranquillandam, satis erat, in sponione Christi. Per eam enim certi esse poterant, peccata sua omnia e suis rationibus expuncta, & in rationes Christi relata esse, qui ea quoque in se susceperat, & pro iis sese debitorem

torum luendæ poenæ constituerat : atque ita quidem, ut nullo unquam tempore a fidelibus exigi potuerint, neque unquam *in Deo possit esse voluntas puniendi peccatum ipsorum in ipsis*, uti ipse Vir Doctus alibi loquitur. Quæ quidni sufficiunt ad generandam tranquillitatem similem, imo supparem, ei, quæ ex λύτρω soluto procedit? quum ab obligatione omni ad personalem satisfactionem æque immunes sint fideles, sive solvendum sit λύτρω, sive solutum a Sponsore.

Sum.  
Theol.  
Cap. 35.

LVI. SEPTIMO. Ad deprecationem veteris Ecclesiæ id quoque facere videtur, quod speciali modo ANGELORUM DOMINATIONI subiecta fuisse dicatur. Qua de re ita dissertur: (a) *Prior habitabilis, hoc est, populus terra Canaan, Angelis subditus fuit; qui fuit subditus sermoni, qui factus est per Angelos, & ad dispositiones & ordinationes Angelorum, non minus celestium, quam illorum, qui in Cathedra Moysi sederunt, &, quemadmodum illi, Dii vocati sunt. Nam Angeli caelestes, qui affuerunt promulgationi Legis, vindices ejus, ut tutores auctoritatis Seniorum existerent* Duplices ergo Angeli statuuntur, coelestes, spiritus, & terrestres, homines in Cathedra Moysi sedentes. Utrisque subiectus fuisse statuitur populus terræ Canaan. Coelestibus. I. In quantum per eos publicata lex. II. In quantum constituti sunt legis vindices. III. In quantum erant tutores auctoritatis Seniorum. Terrestribus, in quantum populus coactus fuit ad eos accedere, ad requirendum verbum & legem, & iis obedire, non aliter atque si Deus ipse præsens sua voce imperia dedisset. Et propter hanc dominationem, tam terrestres, quam coelestes Angeli, Dii dicti essent.

Sententia  
de domi-  
natione  
Angelo-  
rum in fi-  
deles V. T.  
a Ad Heb.  
11. §. 39.

LVII. Respondeo : I. Fons erroris hujus est παραμυθία dicti Apostolici, Heb. 11. 5. Ubi negatur quidem, hunc orbem habitabilem subjectum esse Angelis, sed nequaquam id asseritur de priori. Neque ex negatione unius, alterius affirmatio concludi potest. Eo totus Apostoli sermo directus est, ut doctrinæ Christi summam auctoritatem conciliet. Hoc fine personæ illius præstantiam magnificis elogiis præcedenti capite descripserat. Deinde magnam Evangelii præ Lege eminentiam adstruxit. Nunc urget, obediendum Christo esse, quia illi Pater totius orbis imperium contulit, a quo honore præcul sunt Angeli. Futuri autem orbis mentionem facit, non contradistincte ad præteritum, quasi in illo dominatum exercuissent Angeli, sicuti in hoc Christus: sed quia ad dignitatem Christi pertinet, eum a Deo constitutum esse illius mundi Dominum, qui mundus longe præstantior antegressus est. Hoc ergo est argumentum Apostoli. Maxima reverentia auscultandum est verbo Christi: quia totius mundi constitutus est Dominus, & quidem eo imprimis tempore,

Male fon-  
datur in  
Heb. 2. 5.

quo status omnium rerum, & præcipue Ecclesiæ, est perfectissimus. Talis autem honor nulli unquam Angelo contigit. Quibus fidei hinc extorseris subjectionem Veteris Ecclesiæ sub Angelis?

Vix quicquam de  
iis respectu  
Ecclesiæ  
V. T. de-  
monstra-  
tur, quod  
& nunc  
non obli-  
near.

LVIII. II. Lex per Angelos publicata est Decalogus : quem nos non minus quam Israëlita pro obedientiæ norma agnoscere debemus. An ergo & nos propterea Angelis subiecti? III. Angelorum opera in promulganda Lege mere ministerialis fuit; ideoque nullam dominationem importat: uti non idcirco Johannes subiectus fuit Angelo, quia per Angelum Apocalypsis ei missa ac significata fuit. *Ap. x. 1.* IV. Vindicationem Legis injunctam Angelis sub V. T. speciali aliquo mandato fuisse, quod sub N. T. revocatum sit, nescio, qui probari queat. Verba *Pf. xxxv. 5, 6.* ad Novi quoque Testamenti tempora, & Christi hostes pertinere, Fratres ipsi non negaverint. Punizio rebellium, castigatio piorum lapsantium, defensio injuste oppressorum, ministerium quidem Angelorum arguunt, *Heb. i. 14.* imperium non arguunt. Et quid hic notabile habet V. T. cui simile non queat ostendi in Novo? Nam & hic observantiam honestatis in Ecclesia urget Apostolus propter præsentiam Angelorum *1 Cor. xi. 10. 1 Tim. v. 21.* At ipsum operæ pretium est audire *Coccejum* in hæc verba commentantem ad *Job. i. 52.* Porro Angelos adesse Ecclesiæ Christianæ, apparet ex conservatione & amplificatione & repurgatione Ecclesiæ Christianæ, & eorum qui egressi sunt ex Babylone admirabili defensione. Paulo post. *Quemadmodum nostra voluntati subijcit membra, & inspirat nobis bonam voluntatem; ita etiam Angelis suis aperit voluntatem suam, & eorum voluntatem sanctificat, & aliquid, quod ad bonum hominis pertinet, subijcit voluntati eorum. Ita dum regnat in Ecclesia, regnat in Angelis; & idem Spiritus est in Angelis, qui in Ecclesia: quemadmodum in visione Ezechielis, idem Spiritus erat in rotis, qui in animalibus Ezech. i. 2.* Adde quæ habet *Disp. in Mat. xxiv. Thes. xxxviii.* Angeli adjuvant prædicationem Evangelii non minus, quam in eo sæculi fuerunt, ut per definitum tempus lex observaretur. V. Angelos olim singulari officio tuitos fuisse auctoritatem Seniorum, nescio quo fundamento tam secure asseratur; nisi fortassis generali illo, quod Deus eorum opera uti soleat, ad ordinem, quem in terris constituit, conservandum, quod neque sub N. T. facere desinunt. VI. Dii dicti sunt propter naturæ suæ & officii præstantiam, & in ea imaginem Dei: non propter imperium aliquod in populum Dei, quod nunc iis ademptum sit: nam & suo tempore Paulus eos vocavit *Thronos, Imperia, Domina, & Potestates. Col. i. 16.*

Terrestres  
Angeli.

LIX. VII. De hominibus in Cathedra Moysis sedentibus, qui terrestres Angeli dicantur, vix opus est quicquam monere. Nam Deum  
in

in republica Israëlita, quæ Sacerdotium Regale erat, instituisse Magistratum Politico-Ecclesiasticum, cum debita auctoritate, ad legis suæ observantiam rite procurandam, quis iverit inficias? Fuisse etiam illi Magistratui potestatem factam severius aliquanto cum Ecclesia agendi, quamdiu hæres infans sub tutoribus & curatoribus erat, quam nunc adultæ & liberiori ætati conveniat, facile concessero. Sed de iis Apostolum in citato ad Hebræos loco sub Angelorum nomine agere, non video qui probari possit: præsertim quum in tota hac disputatione per Angelos constanter intelligat spiritus illos ministratorios quos dilectis suis ad officia præsto esse jubet Deus. *Cap. i. 14.* Tum etiam N. T. Ecclesia suos Angelos habet, de quibus in Apocalypsi: an eam quoque propterea Angelis subjectam dicemus? VIII. Denique Deorum nomen cuicumque Magistratui Politico, Dei nomine jus dicenti, etiam in controversiis pecuniariis, commune est: uti patet ex *Exod. xxi. 6. & xxi. 28. Deut. xix. 7.* Cadit ergo opinio ista de Ecclesia V. T. peculiari modo Angelis subjecta.

LX. OCTAVO. Disquisitionem etiam meretur, an inter V. T. defectus numerari debeat continuus METUS MORTIS temporalis, cui illius temporis fideles per totam vitam obnoxii fuerint. De isto metu ita philosophantur Fratres. Distinguunt inter metum mortis bonum, & malum. Hic cum horrore & odio sanctitatis Dei ex conscientia mala est in omni peccatore non regenito, qui novit & cogitat Deum esse judicem. Ille iterum duplex est: vel communis, vel specialis in piis V. T. Communis est in omnibus iis, qui reputant, hanc vitam, & carere miseria, esse insigne Dei donum, & quod utile, quum sibi, tum aliis esse possit. Hic metus non dedecet pios, neque ipsos miseros facit. Specialis erat in Israëlitis, incolis terræ Canaan, ortus ex causis, quæ iis erant propriæ. Scilicet. I. Ex amore terræ Canaan, quæ data ipsis erat, cum promissione longævæ vitæ in ea, ut pignus hæreditatis cœlestis. Ideoque necesse erat, fideles cupere, hoc pignore uti. II. Ex desiderio & spe videndi aliquando Servatorem in illa terra. III. Ex servitute elementorum mundi, ad quam ea lege adstringebantur, ut si dedita opera eam neglexerint, tanquam transgressores foederis, obnoxii sint temporalibus & æternis poenis, si vero per infirmitatem & incogitantiam contra dogmata fecerint, mortem *θνήσκον* metuere habeant. Cujus terribilia nonnunquam exempla iis ob oculos versata sunt. Hic metus bonus erat, profectus ex amore bonæ conscientiæ & gratiæ Dei: faciebatque, ut servitutem ceremoniarum diligenter ac cum cura obirent. Aderat enim piis per totam vitam. De eo autem liberati sunt per mortem Christi. Atque hoc existimatur Paulus docuisse

Metus  
mortis  
quo sensu  
in V. T.  
regnasse  
dicatur.

*Heb.*



*Heb. 11. 15.* Hæc est summa eorum, quæ ubique fere ingeminantur: & contractius exposita sunt, in *Animadv. ad Quæst. de V. & N. T. Quæst. xxxi.*

Revera  
fuit ali-  
quid in  
Politia  
Mosaica,  
quod mor-  
tis metum  
incuteret.

LXI. ἡ ἡμετέρα, nostra hæc est. Nolim diffiteri, fuisse aliquid in rigore Politia Mosaicæ, quod horrorem diræ mortis incutere idoneum erat. *Heb. x. 28.* Qui aspernatus fuerit Moysi Legem, absque misericordia, ex duorum aut trium testimonio, moritur. Jusserat ipse Deus, ut in tales morte animadverteretur. *Lev. xxiv. 16. Num. xv. 34.* Et ipse aliquando, morte plane extraordinaria, exempla in eos statuit, qui circumstantialia quædam non satis prospicienter observaverant. *Lev. x. 2. 1. Sam. vi. 20. 2. Sam. vi. 7. 8. 9.* Hoc, præsertim quando præsens aut recens erat, non poterat non terrorem incutere, & excitare diligentiam piorum, ne impingerent. Non tamen credibile est, eos, qui in bona conscientia coram Deo ambulabant, & sciebant, sibi cum clementissimo Patre rem esse, continuo mortis metu per omnem vitam exagitatos fuisse. Nam exempla tanti rigoris rara erant: indulgentiæ autem paternæ specimina quotidiana, & luculentissima.

Non ta-  
men me-  
tuenda res  
est pignus  
amittere,  
ut majore  
bono fru-  
aris.

LXII. Verum est, longævam vitam in terra Canaan fuisse pignus vitæ æternæ in coelis; & necessarium fuisse, hoc pignus amare, quamdiu a Deo concedebatur. Sed concipere non possum, qui piis cœlestis hæreditatis, mox post mortem, imo per mortem, consequendæ certis, ut metuenda res obversari debuerit, externi & perituri pignoris ablatio, ut illius loco æternum bonum, cujus arrham duntaxat in pignore habuerant, nanciscantur. Neque enim metuenda est permutatio hæreditatis typicæ cum hæreditate vera ac cœlesti, sed desideranda potius, atque expetenda.

Cur pii  
aliquando  
mortem  
deprecari  
sint.

LXIII. Quicumque ex piis V. T. immaturam mortem deprecati sunt, non leguntur id fecisse ex amore pignoris terrestris, sed ex desiderio Deum glorificandi inter viventes. *Psf. vi. 5, 6. Jes. xxxvi. 11. 18, 19.* Illud pietatis exercitium vitam ipsius jucundam ac vere vitalem faciebat. *Psf. cxvi. 11. 17.* Tum etiam personæ publicæ erant, qui non tam sui respectu, quam Regni & Ecclesiæ, quorum commodis invigilabant, diuturnioris vitæ desiderio tenebantur. Interim dubitandum non est, quin sancti omnes, quotiescunque ad se solos respiciebant, & hujus vitæ ἡμετέρα cum futuræ perfectionibus contendebant, desideraverint dissolvi, & cum Deo esse in gloria. Hoc enim, utinobis nunc, ita iis tunc, multo fuit satius.

Desideri-  
um Christi  
in terra  
videndi  
meram  
moris in  
prisca

LXIV. Christum in sua terra videndi spes quidem facta erat populo Israëlítico in communi, non tamen singulis in individuo. Neque fas fuit iis, qui multis ante Messia adventum seculis in Canaanitide vixerunt, tam diuturnam sibi lucis usuram polliceri, ut Christi diem adpicerent, vel ad cogitationem mortis, eam forte spem præsciuræ, haberent.

Qui

Qui sublimiori Spiritu agitati supra vulgus sapiebant, desideraverunt <sup>excitasse,</sup> quidem ea, quæ discipulis Christi visa sunt videre, *Mat. XII. 17.* & <sup>non probatur-</sup> scrutati sunt, in quem aut qualem temporis articulum prænuncius futurorum Spiritus ea eventura prædiceret: *1 Pet. 1. 11.* existimasse tamen singulos, quos metui mortis subjiunt Fratres, vel plerisque eorum, & fideles passim, ipsis fortasse viventibus, Christum venturum. atque hinc mortera horruisse, nescio unde habeant Fratres. Contrarium Petrus dicit, *1. 12. revelatum ipsis fuisse, eos non sibi sed nobis ea administrare.* An vel unum ullius exemplum norunt Fratres, qui eo nomine mortem timuisse narretur?

LXV. Male hypotheses istæ inædificantur Pauli dicto *Heb. 11. 15.* <sup>Heb. 11. 15. non</sup> ubi fructus mortis Christi dicitur *liberatio eorum*, <sup>agitur de</sup> quotquot metu mortis <sup>solis Israël-</sup> per omnem vitam damnates erant servitutis. Nam I. Quæ ratio suadet, <sup>litis in</sup> imo quæ permittit, ut fructus illius mortis, ad quam obeundam necesse fuit Christum hominem fieri, ad solos Judæos Canaanitidis incolae restringatur? <sup>Canaan,</sup> Quum beneficium mortis Christi ad omnes electos jam inde a mundi primordio ad finem usque pertineat, & Apostolus hinc omnibus iis agat qui per Christum sanctificantur, quos Christus fratres suos vocat, & pueros sibi a Patre datos.

LXVI. II. Gratis sumitur, eos, qui hic describuntur considerari ut jam fideles: quum convenientius sit existimare, delineari miserimum statum electorum, quamdiu in se ipsis, extra Christum sunt. <sup>Neque de iis, qui ut actu fideles considerantur</sup> Omni enim eo tempore necesse est, eos metu mortis horrendum in modum torqueri, quotiescunque Deum judicem cogitant ac, nisi intercessisset Christi mors, durasset metus ille per omnem eorum vitam.

LXVII. III. Non est necesse, per servitutem hic intelligere servitutem elementorum mundi, sed quum paullo ante, Diabolum per mortem Christi abolitum esse, dixerit Apostolus, quid proclivius est, quam id, quod nunc de servitute differit, de misero illo hominum statu sub tyrannide Diaboli explicare? Et sane longe majus beneficium est, liberari a servitute Diaboli, quam a servitute elementorum mundi: & quum utrumque fructus mortis Christi sit, cur excluso eo, quod maximum est, arctabimus sententiam Apostolicam ad id, quod multo minus est? Neque metus mortis & servitus Diaboli tam male conveniunt, ut improbable sit, eodem sermone jungi. Nam alterum altero fovetur. Servitus Diaboli producit metum mortis. Et metus mortis in conscientia nondum sanctificata auget odium Dei, & consequenter servitutem peccati ac Diaboli.

LXVIII. IV. Præter omnem rationem mortis vocabulum ad mortem temporalem restringitur. Apostolus ita argumentatur: Christus <sup>Nec de morte temporali</sup> debuit

vel sola  
vel præci-  
pue.

debnit homo fieri, quia debuit mori. Debuit mori: I. ut morte sua aboleret Diabolum mortis potestatem habentem. II. Ut suos a morte ipsa & a mortis metu liberaret. Quid manifestius est, quam omnem eam mortem hic intelligi, in quam potestatem Diabolus habet, tam temporalem, quam æternam, & hanc quidem præcipue. Metus mortis temporalis, qualem nobis describunt Fratres, in se bonus ac sanctus erat, sed non nihil molestus tamen: & credibile cuiquam est, Apostolum de effectibus mortis Christi differentem, magnificis admodum verbis exponere liberationem a re per se bona & sancta, quia molestiam aliquam creabat, quæmissa liberatione ab eo, quod malorum & miseriarum omnium est compendium? Interimque ita sermonem suum instituere, ut id, quod maximum est, potius dixisse videatur, quam minimum illud, quod tamen solum intendit?

Non satis  
explicatur  
quinam il-  
li sint,  
quos Chri-  
stus a metu  
amittendi  
pignoris  
liberave-  
rit. Ad  
Heb. 2.  
§. 86.

LXIX. V. Denique velim etiam, mihi explicari, quænam illa universitas sanctorum (voce *ὅσος* denotata) sit, quam Christus a metu pignoris per mortem amittendi liberaverit. An sancti ante Christum mortui huc quoque pertinent? Non videtur. Iis enim supponitur metus mortis per omnem vitam molestus fuisse. A quo tamen, nisi fallor, morte semel obita liberati sunt. Quid ergo iis hac in parte mors Christi profuit? An ergo, illi sancti intelligendi, qui Christo moriente vixerunt? Id videntur Fratres velle, quum scribunt: *Quotquot illo animo servitatem tolerarunt, quum Christus mortuus est, per illum liberati sunt.* At quinam sunt illi? Non fideles ex Gentibus, quippe quibus nulla terra pignori data erat. Judæi ergo. Et ne hi quidem omnes. Plurimi enim voluntario exilio extra terram vivebant, neque pignore isto potiebantur. Quantum ergo hic fructus mortis Christi arctatur? Sed ponamus, eos, qui post mortem Christi in terra Canaan Christum fide recipiebant, constituisse universitatem hanc. Quomodo autem hi liberati sunt a metu amittendi pignoris? An quia post mortem Christi terra pignus esse desinebat, & brevi tradenda erat Gentilibus ad *πανολεθρίαν*? Hoc cene est, quod Fratres volunt? Frigide profecto, atque tenuiter. Bene celeberrimus interpretes in Zach. ix. §. 23. *Ipsi ultro hereditatem terra Canaan abdicabant, eamque cum Hierosolyma celestis communionem, & hereditatem mundi communabant.* Sed neque sic omni difficultate defuncti erunt. Paulus enim de iis loquitur, qui *per omnem vitam* obnoxii erant metui mortis, quod ipsi fratres alias urgent, at hi, quos liberatos per Christum ponimus, non desinunt vivere, quum metu mortis liberantur. Obtestor Viros Doctos, iterum iterumque considerent, in quam se perplexa dumeta induant, dum viam tritam ac planam sine probabili causa deferunt.

Patres sub

LXX. Nono. Longe omnium gravissimum est, & vel mansue-  
fissi.

tiffimo bilem movit, quod *Fideles V. T. sub ira & maledictione fuisse*, irā & maledictione fuisse, sæpius & proluxe dicatur. Et sane horridum hoc dictum teneris auribus, & insuetum Ecclesiæ Reformatæ est. Occasionem ita loquendi sumserunt sibi fratres ex *Gal. III. 10. Qui ex operibus legis sunt, sub maledictione sunt.* Quam pericopam ita explicandam putant, quasi dictum esset, quicumque legi Ceremoniali serviunt, illi testimonium exhibent maledictionis nondum per Christum ablatae, & benedictionis nondum actu impetratae. Licet enim ab execratione improborum immunes, & benedictionis filiorum Dei participes sint, tamen ceremoniarum usu profitentur, nondum extare veræ benedictionis causam meritoriam. Sed ipsorum verba audiamus. In com. ad *Gal. III. 9. 104. Veteres hic non nihil deviarunt a mente Apostoli. Non enim animadverterunt, quomodo fideles, & Sancti V. T. dici possint fuisse sub maledictione. Putant enim necessario sequi, si quis sit sub maledictione, eum salvum fieri non posse ... In quo falsi sunt. Apostolo enim, sub maledictione esse, non significat hic, esse extra fœdus gratiæ; sed aliquid pati propter maledictionem, quæ nondum pretio soluto expuncta sit: sive teneri ad editionem chirographi contra se propter peccatum & maledictionem ei adhaerentem, atq; ita ad Deum, qui non puniebat, neque puniturus erat eorum peccata, tanquam si uteretur *ἡ ὥρα*, & qui promiserat credentibus vitam, sanctificandum testimonio iustitiæ ejus, quam manifestaturus erat in Christo.*

Quo sensu a quibusdam dicitur.

LXXI. Verum enimvero licet hac explicatione salutis Patrum satis consulatur, dura tamen mihi illa, & a scopo Apostoli & stylo scriptura longe remota videtur. Scopus Apostoli est, refutare dogma, quo Pseudopostoli Ecclesias Galatiæ turbabant, quasi ad justificationem non sufficeret sola in Christum fides, sed necessarium ipsis gentilibus esset ceremonias Mosaicas observare, tanquam partem iustitiæ & sanctitatis lege mandatae. Nam certe in ea hæresi Judæi erant, & etiamnum sunt, facere ceremonias ad justificationem. Falso isti dogmati veritatem summam opponit Apostolus *Cap. II. 16.* Quam variis demonstrationibus confirmat. Post multa, hoc quoque argumento utitur. Quia quum omnibus Dei legibus annexa sit ea sanctio, qua maledictio intentatur earum transgressoribus, & nemo sit, qui non, se qualem cunque Dei legem aliquando transgressum esse, fateri debeat; tantum abest, ut quis ex ulla ullius legis observantia vitam sperare possit, ut ex adverso omnes, qui ex operibus sunt, h. e. ab eorum parte stant, qui per opera justificari volunt, sub maledictione sint. Hæc illatio solida, clara, & Paulo fueta est. Vide eum eodem modo argumentantem. *Rom. III. 19. 20.*

At præter mentem Apostoli.

LXXII. Non posse autem hic per maledictionem aliud intelligi, quam maledictionem fœderis operum, & quæ excludit hominem a

Qui de maledictione

communione Dei, & opponitur maledictioni foederis gratiæ, multa probant. I. De ea maledictione agitur, non quæ incumbit piis, quia & quatenus in observatione legis ceremonialis Chirographum sibi subcontrarium scribunt, sed quæ incumbit superbientibus transgressoribus legis. Non enim dicit Apostolus, pii veteres, quia legem ceremonialem observabant, sub maledictione se esse fatebantur; sed qui ex operibus sunt, iustitiarum operarii, qui propriam iustitiam conantur stabilire, quum non observaverint ex præscripto legem, sub maledictione sunt.

De qua  
Moses  
Deut.  
27. 26.

LXXIII. II. Eandem maledictionem hic intelligit Paulus, quam intelligebat Moses, cuius locum thesi suæ statuminandæ adducit ex *Deut. xxvii. 26*. Ea autem formula Mosaica, quum indubie contineat sanctionem foederis operum, de illa maledictione loquitur, cui peccatores omnes naturaliter subsumunt, eo quod non manserint in iis quæ lege iusta sunt, quæque Divino favori & gratiæ salvificæ opponitur. Si aliam maledictionem intelligeret Apostolus, non argumentaretur, sed luderet, quod absit.

A qua  
Christus  
suos libera-  
vit.

LXXIV. III. De ea maledictione hic sermo est, a qua Christus suos liberavit, Liberavit autem suos, non solum ab exhibitione chirographi de nondum soluto pretio, sed ab omni reatu & condemnatione, ab omni illa maledictione, qua propter peccatum eramus digni. Mali moris est, quem merito passim in Socinianis Celeberrimus Coccejus reprehendit, augusta Scripturæ verba ita torquere, ut in tenuem ac exilem sensum exeant. Nonne id fit, quando Divina illa sententia, *Christus nos redemit ab execratione legis*, ita attenuatur, liberos nos fecit a iugo ceremonialium. Hoc certe inter minima eorum est, quæ ex redemptione Christi fidelibus obtingunt.

Et quam  
ipse sub-  
ivit.

LXXV. IV. Adde, quod ejusdem generis sit execratio, ex qua liberati sumus, cum ea, quam subivit pro nobis Christus. Ideo enim illam pro nobis, ut victima piacularis nobis succidanea, subivit, quia ea nobis propter peccatum incumbebat. Non autem *κατάρα* factus est Christus, in quantum legem ceremonialem observavit, sed in quantum iram, furorem, excandescentiam Dei adversus peccata nostra pertulit, a Patre se desertum esse conquestus est, cum diris animi horroribus & angoribus, ipsisque inferorum copiis conferta manu conflictavit, omnem denique maledictionem quam lex minitabatur transgressoribus, pertulit; non *κατάρα* modo, sed & *κατάρα*, quod crucifixione ut symbolo demonstratum est.

Non vere  
fideles, sed  
hypocritæ

LXXVI. Denique, non puto, ullo Scripturæ loco alterutrum horum probari posse; vel quod veri & spirituales filii Abraham ii dicantur qui ex operibus legis sunt: vel quod ii, qui in fide & bona conscientia præ-

præcepta legis ceremonialis observant, eo ipso dicantur, *sub maledictione* esse. Ad prioris probationem video adduci *Rom. IV. 16. Quo firma sit promissio universo semini, non ei solum quod ex lege est, sed etiam quod est ex fide Abraham, qui est pater omnium nostrum.* Sed dispar admodum ratio est. Nam I. Phrasis non est plane eadem, *ex lege esse*: & *ex operibus legi esse*. Nam *ex lege esse* illi simpliciter dici possunt, *quorum fuit legislatio Rom. IX. 4.* id est, gens Judaica, cui lex Domini tradita fuerat, quique virtute ejus legislationis, & foederis quod ei super ædificatum est, facti sunt id quod sunt, populus Dei peculiaris. Quandoquidem autem opera in justificationis negotio, de quo inter Galatas disputabatur, semper fidei contradictorie opponuntur, ii, qui ex operibus legis sunt, ex fide justificante esse non possunt. Si instes, legem similiter fidei opponi: respondeo, habere eam duplicem *σχέσις*, *Legalem*, stricte sic dictam, quatenus continet conditionē justificationis, per obedientiam personalem & propriam: & *Evangelicam* quatenus typis suis & umbris ad Christum ducit. Qui juxta priorem *σχέσις* ex lege sunt, hæredes non sunt. *Rom. IV. 14.* at qui ita ex lege erant, ut in ea promissiones gratiæ Evangelicæ agnoscerent, ad semen illud Abrahami pertinebant, cui dicta est promissio. Et juxta diversam hanc legis *σχέσις* diverso sensu Apostolus, aliquos ex lege esse dicit: alios qui, quia ex lege esse volunt, hæredes non sunt; eos nimirum qui opera sua Deo imputant ut conditionem justitiæ, vel ad purificationem aut satisfactionem; alios qui ex lege sunt, & tamen sunt hæredes, eos scilicet qui se lege ut pædagogo ad Christum duci patiuntur. Sed opera fidei contradistincta in justificatione non possunt aliam *σχέσις* habere quam contrariam.

justitiam  
ex operi-  
bus legis  
sunt,

LXXVII. Hæcego in istum sensum olim commentatus eram: cum plerisque interpretibus, ipsoque etiam Coccejo, Pauli verba ita exponens, ut omne illud semen cui promissionem firmam esse contendit, in duas partiatur classes, quarum altera *ex lege* esse dicitur, altera *ex fide Abrahami*; altera Israelitarum, quorum est νομιθεσία, altera fidelium ex gentibus, qui sine circumcissione, sola fidei imitatione, Abrahami semen evadunt. At postea in Jacobi Altingii commentarios incidi, observantis Græcum Pauli sermonem, παντὶ τῷ σπέρματι, & τῷ ἐκ τῆ νόμου μόνον, ἀλλὰ καὶ τῷ ἐκ πίστεως Ἀβραάμ, non necessario sic verti, *omni semini, non illi solum quod ex lege est, sed & illi quod est ex fide Abraham*; sic ut particula restringens solum referatur ad semen; verum commodius verti, *omni semini, non illi quod ex lege solummodo est &c.* Sicut restrictionis particula jungi debeat legi, non semini. Putatque hoc comma conferendum esse cum *com. 13. Est pater circumcisionis, iis qui non solum sunt ex circumcissione, sed qui etiam incedunt per vestigia: &c.* Ut mens sit, eosdemum Abrahami semen esse ad quos promissio pertineat, non qui circumcissione solum aliove

quocunque præcepto carnali, in quo temere gloriantur, Abrahamo quomodocunque similes sint; sed qui similes ei sunt in fide. Sic utrumque membrum ad Judæos pertinet, & excluduntur illi a participatione benedictionis qui tantum ex lege sunt, *vers. 14.* Iis solum admittis qui sunt ex fide Abrahami. Ex lege autem, & quidem solum ex lege, sunt illi Abrahamidæ, qui foedus sibi a Deo propositum acceperunt tanquam foedus operum, & circumcisionem ut talis foederis sacramentum. Quæ copiose & accurate a Viro Doctissimo deducuntur. Hæc vero interpretatio si obtineat, adeo nihil in hoc loco præsidii Fratres inveniunt, ut omnia potius adversa iis sint.

Neque  
qui legem  
ceremoni-  
alem ob-  
servant, eo  
ipso sunt  
sub male-  
dictione.

LXXVIII. Ad posterioris probationem affertur, tempus V. T. dici tempus *ἡν ira & severitatis. Jese. 25. Dan. vii. 19. & Molen, ministrum legis dandæ, ministrum mortis & condemnationis* appellari. 2. *Cor. iiii. 7. 9. & legem iram operari. Rom. iv. 15.* hoc est, aliquid imponere, quod a peccato & reatu, & sic ab ira proveniebat. Verum hæc aliena sunt. Nam I. Nihil illic de maledictione, vel execratione, quæ constanter in Sacris Litteris lugendam improborum sortem notat, præsertim si quis sub ea esse dicatur. II. Apud Jesaiam & Danielem non est sermo de tempore V. T. oppositæ ad T. N. sed denotatur ea temporum periodus, qua Deus severiori flagello populi sui crimina castigabat: quod sub N. quoque T. subinde facit. III. Moses *minister mortis & condemnationis* appellatur, quia ministerium ejus magnam partem peccatori perterrefaciendo, ac peccati & maledictionis suæ convincendo faciebat. IV. Eodem sensu *lex iram* dicitur *operari*, quod non est de sola lege ceremoniali intelligendum, sed etiam, & quidem præcipue, de lege morali, quæ exactissimis præceptis suis detegit peccatum, horrendisque Divinæ excandescentiæ adversus transgressores comminationibus iræ sensum in anima excitat. Quæ nihil faciunt ad probandum, fideles V. T. sub maledictione fuisse.

## C A P. XIII.

*De iis qua vere V. T. defuerunt.*

Defectus  
V. T. nihil  
arguunt,  
quod Deo  
indignum  
sit.

I. **H**Abuit tamen V. T. in rei veritate suos quosdam defectus, quorum nomine *μέμφεται, incusatur, Heb. vii. 7. 8.* & propter quos locus debuit fieri Novo. Neque id dicentes injuriosi sumus in Divinam sapientiam, quasi ea indignum foret, tale primum foedus cum populo suo pacisci, quod postmodum correctione indigeat. Nam sicut Deus in primi mundi creatione a rudioribus exorsus & paulatim exalciavit, expolivit, examussitavit, donec eam pulcritudinem consecuta sunt, in qua acquievit: ita etiam in formatione Ecclesiæ suæ initia rudiora esse voluit, quæ euntibus ordine fatis, in pulcristi-

pulcriorem concinnitatem lapsu temporis assurgerent, donec in consummatione seculi ultima iis manus imponeretur. Et si indignum Deo non sit, in Regno gratiæ aliquid imperfectum fecisse, quod numeris omnibus absolutum erit in Regno Gloriæ: indignum quoque Deo non est, Veteri Testamento aliquid parcius concessisse, quod novo liberaliter admodum indulserit. Imo vero eo ipso multiformem sapientiam suam testatam fecit, quod temporum diversitatem aptis & congruentibus notis distinxerit. Judæos pueris similes statuit Paulus, Christianos adolescentibus. Quid in hoc Dei regimine est inordinati, quod illos rudimentis detinuerit, quæ pro ætatis modulo ipsis congruebant; nos firmiore & quasi viriliore disciplina instituat?

II. Ea autem, quæ T. V. defuerunt, speciatim ordine enarremus. PRIMUM hoc est, quod non habuerint sub V. T. Patres CAUSAM SALUTIS PRÆSENTEM, nedum CONSUMMATAM. Habuere Christi figuram in variis apparitionibus, futuræ incarnationis præludiis, in Columna Nubis & Ignis, in tabernaculo, in Templo, in picturis Ceremoniarum, Ænigmatibus prophetiarum; præsentem autem eum conspici datum illis non est. Prophetæ illorum temporum *de ventura in nos gratia prophetarunt. Et revelatum ipsis fuit, eos non sibi, sed nobis ea administrare, quæ nunc annunciata sunt nobis, de Christi perpeffionibus, & gloria illas consecuta.* 1. Pet. 1. 10. 11. 12.

1. Sub V. T. non fuit causa salutis consummata.

III. Et quum causa salutis non exstaret, scilicet Deus revelatus in carne, non exstabat etiam *δικαίωμα*, sive id, propter quod justificamur. Quia *Princeps salutis ipsorum per passiones nondum consummatus* erat, Heb. 11. 10. nondum exstabat id, in quo est peccati nostri expiatio; & consequenter, nondum adducta erat *justitia seculorum* Dan. 12. 24. Quia lytrum necdum solutum erat, non erat etiam actualis debitorum expunctio: non illuxerat adhuc *ille dies*, quo Deus *amovit iniquitatem terræ.* Zach. 111. 10. Habebant quidem patres peccatorum remissionem veram ac sufficientem: non tamen habebant id, propter quod peccata iuste, & uti Deo dignum est, remittuntur, nimirum satisfactionem & expiationem Christi. Bene PAREUS. (a) *Oblatio expiatoria nondum facta erat, in qua peccatorum remissio, quæ ipsis contingebat, fundata erat.*

Neque id propter quod justificamur.

a Ad Heb. 8. 18.

IV. Hoc respectu nō absurde dicitur, peccata fideiū *remansisse*, & adhuc *existisse*, donec per Christi satisfactionem deleta sunt. Existebant enim in rationibus Sponsoris, cui incumbebant luenda, neque expuncta fuerunt, nisi solutione præstita. Non est cogitandum, illa incubuisse fidelibus, quasi illi peccatorum suorum reatu onusti coelum intrarent: quo nihil dici potest absurdius. Non etiam statuendum est, ea plane ex libro rationum Divinarum fuisse deleta: nam tum supervacanea

Ideoque peccata fidelium manebant.



nimirum  
ut debita  
expromis-  
soris.

b. Instit.  
Lib. 2.  
Cap. 7.  
§. 17.

II. Defe-  
ctus, Ob-  
scuritas,

Ceremo-  
niæ fue-  
runt ve-  
lum.

canca fuisset Christi pro iis satisfactio. Sed manebant uti debita Expromissoris, cui pro iis solvendum erat. Ideoque Deus, qui jam plurima peccata in antecessum remiserat, ea statuto tempore a Christo exegit *Jes. LIII. 7. ad demonstrationem justitiæ suæ, propter peccatum peccatorum, quæ antecesserunt. Rom. III. 25.* Pareus iterum l.c. *Interim ergo peccata, etiam remissa sine expiatione vera, MANEBANT, donec morte Mediatoris tandem expiarentur: quæ expiatione facta, peccata, tam ipsorum, quam nostra VERE demum fuerunt ABOLITA in Dei judicio.* Eadem phrasi Calvinus utitur. (b.) *Quæ ratione scribit Apostolus mortem demum Christi intercedente, redemptionem pravariationum esse peractam, quæ MANEBANT sub V.T.* Hic ergo primus V.T. defectus, quod non habuerit causam salutis consummatam, ideoque nec veram peccatorum expiationem.

V. SECUNDUS defectus est Oeconomix Veteris OBSCURITAS. Hic sequitur ex priori: nondum exorto sole, quid ad summum potest esse præter crepusculum? Sic ergo verbi sui lucem illis Dominus dispensavit, ut eam eminus adhuc & obscure cernerent. Eleganter id Petrus exposuit, dum Propheticum sermonem comparat *lucerna splendens in obscuro loco. 2 Pet. 1. 19.* Dum lucernam vocat, innuit abfuisse solem: quum de obscuro loco disserit, eam priscorum conditionem repræsentat, quæ inter medias tenebras, lucidæ facis, sed facis tamen, cujus nocte usus est, non pleno die, intermicantes flammulas haberet. Huc quoque Christi dictum pertinet. *Mat. XI. 13. Legem & Prophetas fuisse usque ad Johannem: ex illo tempore Regnum Dei evangelizari.* Quid lex & Prophetæ sui temporis hominibus prodiderunt? nempe gustum præbebant ejus sapientiæ, quæ olim ad liquidum manifestanda erat, & procul emicantem præmonstrabant. Ubi digito ostendi potest Christus, referatum est regnum Dei.

VI. Fuit certe in ceremoniis institutio de Christi Persona, Officiis, Beneficiis: ideoque insignita gratia fuit, quod, ex cæteris omnibus populis ea disciplina solum Israëllem Deus dignaretur, uti supra monuimus. Sed quum ceremoniarum ritus immensum augerentur, atque interim repetitio promissionum gratiæ parca ac infrequens esset, maxima ista rituum copia veli instar habuit, quo nuda priscæ promissionis simplicitas plurimum involuta fuit. Et eventus docuit, maximam Israëlitarum partem in ceremoniis ipsis hæsisse, in iis justificationem & expiationem peccati quæsisse, neque mentis ac fidei oculis penetrasse ad spiritualia mysteria, quæ sub velo recondita erant: suo quidem id vitio, sed cui corrigendo ista docendi ratio minus idonea atque efficax erat. Hoc quoque typo Mosis figuratum est qui imponebat velamen faciei suæ, ne oculo, defigerent filii Israël ad faciem ejus, quod nunc ut inutile tollitur, *2 Cor. III. 13.* Mosis personam

allegorice ibi preponit Apostolus, ut representantem oeconomiam T. V. Habebat quidem illa lucem promissionum gratiæ, sicut Mo-  
sis facies eximium splendorem ꝑ. 7. Sed splendorem illum, Moses,  
dum cum Israëlitis loquebatur, obtexit velo ceremoniarum a se in-  
troduciarum, quarum finis quidem erat Christus cum sua gratia, sed  
quarum contemplationi intentus Israël, in iis substituit, atque obli-  
tus est eo respicere, quo, modo ut par erat, animum adverisset,  
per ipsas ceremonias fuisset deductus. Atque hoc est *velamen illud*,  
*quod in lectione veteris pacti non resectum, adhuc manet Israël ꝑ. 12.*

VII. Eodem faciebat velum Tabernaculi ac Templi Israëlitas ab *Cui respon-*  
introitu ac intuitu sacrarii arcens. Quæ duo vela ita sibi invicem *des velum*  
comparare licet. Per velum templi monebantur, esse aliquid, quod *sacrarum.*  
necdum ipsis liceret videre, propterea quod aliquid obstaret, nem-  
pe reatus, qui in carne Christi sublatus fuit, *Heb. x. 19.* & non-  
dum patefactam ipsis esse viam ad sacrarium coeleste. *Heb. ix. 8.*  
Per velum impositum faciei Mo-  
sis monebantur, oculos mentis ipso-  
rum infirmiores esse, quam ut ferre possint nudam veritatis indica-  
tionem. Si enim id in Apostolis adhuc Christi obtinuit, *Job. xvi. 12.*  
quanto magis in antiquo Israël?

VIII. Memorabile est, ipsum D. Jesum in diebus carnis suæ *166 D.*  
doctrinam suam isti obscuriori oeconomiae accommodasse: ac pro- *Jesus saps*  
miscuæ turbæ vix aliter quam sub parabolarum involucris mysteria *per Para-*  
regni coelorum, conjectanda potius, quam perspicienda, proposuif- *bolis do-*  
se. Cujus rei ipse hanc rationem dat, *Matth. xiii. 10, 11.* Quum *cut.*  
discipuli eum interrogarent, *quare per parabolas loqueris ei?* respon-  
dit, *quia vobis datum est nosse mysteria regni coelorum: illis autem non est*  
*datum.* Et ꝑ. 13. *Propterea per parabolas loquor ei, quia videntes, non vi-*  
*dent, & audientes non audiunt, nec intelligunt.* Quo autem tempus  
consummationis ipsius propius aberat, eo clarius, & nihil ultra  
circuitione usus, salutares veritates prædicavit. *Job. xvi. 25.*  
Quod discipuli ipsi observabant. ꝑ. 29.

IX. TERTIUS defectus est magnus istius oeconomiae RIGOR, *III. De-*  
ac præfacta severitas, ob crebro intercurrentes conciones legales, *fectus, Ri-*  
& rarius obscuriusque repetitas promissiones gratiæ. Huc pertinet, *gor.*  
quod habetur. *Heb. xii. 18.* non accessisse nunc fideles ad corpo-  
reum montem, & incensum ignem, ac turbinem, & caliginem,  
& procellam, ubi nihil audiatur, aut videatur, nisi quod terrore  
mentes percellat, adeo ut ipse quoque Moses expavescat, ubi  
vox terribilis insonat, quam audire omnes deprecentur: quibus  
rebus suavitatem montis Zion, & Jerusalem coelestis opponit.  
Neque abs re ille rigor terrorque erat. Vix enim aliter edomari

poterat Israëliticæ gentis protervitas, cui toties duram cervicem, ac cor adamantinum Moses cæterique Prophetæ exprobrarunt.

IV. Servi-  
tus Cere-  
moniarum.

X. QUARTUM V. T. ἡ ἑρση, est SERVITUS ELEMENTORUM MUNDI: de qua Paulus. Gal. IV. 3. 9. Per Elementa mundi, Veteris oeconomiz ceremonias intelligit. Quæ στοιχῶν, elementa vocat, διὰ τὴν ἀντιλήψιν αὐτῶν, propter earundem ruditatem, atque imperfecti-  
nem: translatione duplici; altera a natura, altera ab arte petita. Natura sua elementa habet, id est, corpora simpliciora ac rudiora, ex quorum varia compositione ac mixtione, cætera perfectiora generantur. Et artium rudimenta, sive prima, faciliora, tyronibusque accommodata præcepta, elementa dici assolent: ipso Paulo hoc vocabulum eodem sensu usurpante. Heb. v. 12. τὰ στοιχῶν οὗς δεχόμενοι τὸν λόγον τῷ Θεῷ. Elementa initii eloquiorum Dei. Addit, elementa mundi, vel quia terrestria erant, e mundo petita, iisque rebus, quas mundani quoque homines cum piis communes habent, quæque non continent in se benedictionem, & bona hereditatis: vel quia Deus mundum, id est, mundi incolas, erudire volens, a tenuibus illis principiis exorsus est, inferiori primum schola, in uno duntaxat mundi veluti angulo, aperta. Elementis hisce Israëlitz erant διδασκαλίας, in servitutem subjecti. Nam & Deus iis hæc elementa dederat, cum severa interminatione, ne negligenterntur, vel aliter, ac ipse jusserat, usurparentur: & additi fuerunt Principes ac Seniores, potestatem habentes, in Cathedra Moysis sedentes, qui ad observationem rituum eos tenerent ac adigerent: atque ipsa denique observatio servile quid referebat, quod plenam libertatem filiorum dedecet.

In qua  
Servitutis  
fuit iugum.

XI. At specialius, quæ in hac servitute dura fuerint, videamus. I. Fuit in immensa illa rituum multitudine, cum tam severa interminatione Israëlî injecta, onus grave & iugum difficile portatu. Act. xv. 10. quod Apostolus iugum servitutis vocat Gal. v. 1. Circumcisio, quæ quasi prima jugi susceptio erat, tantos ciebat dolores, ut vel adulti inde graviter decumberent. Gen. xxxiv. 35. Cæterarum ceremoniarum numerus mire populum fatigabat, & implicabat scrupulis. Non licebat ignem accendere Sab-  
bato: non serere anno septimo. Ter quotannis singulis masculis adeun-  
da erant Hierosolyma. Scrupulose observanda primitiarum ac decimarum collatio. Tot sumtus faciendi in omne genus victimas. His adde tot lotiones, tot ciborum distinctiones, tot pollutiones legales, ex contactu cadaveris, & cujuscunque rei immundæ, & ἐξουσιονοµῶν. Accedebat, quod omnia hæc, quibus fatigabantur, nil nisi infirma ac egena elementa essent, Gal. IV. 9. quæ non poterant

τῆς προερχομένης τιμῆς. *Heb. x. 1.* & in quorum observatione per se non erat sanctitas, neque imago Dei, neque *cultus rationalis. Rom. xii. 1.* Interim mystica harum rerum significatio, & respectus, quem ad Messiam & illius gratiam habebant, faciebant, ut fideles jugum illud, in se grave, seorsim a Christo egenum ac inutile, alacres susciperent, læti portarent.

XII. II. Fuit etiam in servitute ista *exprobratio pueritiæ*: quum tota *exprobratio pueritiæ.* effusæ pædagogica, *Gal. iv. 3.* quæ minutulis præceptis ac dogmatis constabat, qualia præscribuntur puerilis, *Ne edoris, neque gustavis, neque attigeris Col. ii. 21.* Ad quem locum eleganter THEOPHYLACTUS: Ὅρα ὃ καὶ πῶς ἡρίμα αὐτοῖς διακουροῦν, δογματίζοντες αὐτοὺς. ὡς γὰρ παῖδια ἀνεπίστα καθεσθῆναι, φρεῖν, δογματίζονται, καὶ νουθετοῦνται τὸ δὲ αὐτοῖς. *Quin & illud vide, ut illos tacite taxat, dicendo, δογματίζοντες: Siquidem, ut pueri, inquit, qui nuper discere ceperunt, sedetis, vobisque prætur ac præscribitur, quid factu sit opus.*

XIII. III. Inerat quoque τὸ μεστόειχον τῷ φεγγαῖ, *septum parietis intergerini.* non modo eos ab aliis nationibus discriminans, & lætitiā, quæ ex communione Gentium cum Deo cæteroquin oritura erat, adimens, sed & ipsos quodammodo semovens a familiari accessu Dei. *Eph. ii. 14. 15.* Alludere videtur Apostolus ad duplex templi septum: quorum exterius, intra quod Judæi, qui mundi erant, religionis causa conveniebant, loricam habebat, in qua paribus intervallis dispositæ erant columellæ Græcis ac Latinis literis inscriptæ, quibus significabatur, nemini alienigenæ licere, sub capitis poena, loricam istam transgredi, & irrumpere in interius septum. Pariter in interiori septo alia fuit isti similis loricā, qua populus a templi ingressu & Atrio Sacerdotum, qui sacris in eo operabantur, discludebatur. Quod ex Josepho observavit LUDOVICUS CAPELLUS, ad hunc locum. Confer ea, quæ habet *Const. L'Empereur ad Titul. Middoth. Cap. ii. §. iii.* & *Selden. de Jure Natu. Lib. iii. Cap. vi.* Cum utroque illo pariete sive loricā, scite comparat Apostolus ceremonias, quæ Gentiles a Judæis submovebant, (quo nomine similes erant prioris septi loricæ) & Judæos ipsos quodammodo a Deo, ac familiari ad ipsum accessu. Ipsi enim procul stare jubebantur, & cum Deo, se in interiori adyto recondente, de expiatione peccatorum, non nisi per sacerdotem agere. Atque hac parte cum posteriori septo conferuntur ceremoniæ.

XIV. IV. Adde, quod legem præceptorum in ritibus *inimicitias.* vocet Apostolus, quia certo respectu erant symbolum inimicitias. *Es inimicitias.* tam inter Deum ac homines, quam inter Israëllem ac Gentes.

Nam in *exiis* sua legali ceremoniæ erant signaculum odii, quod Deus hominem peccatorem ex naturali iustitia sua persequitur: quatenus reatus noster iis significabatur, opusque erat hominem ritibus illis *plari* ac purgari, priusquam cum spe veniæ ad Deum accedere fas erat. Gignebant etiam mutuum Judæorum adversus Ethnicos odium ac contemtum. Judæi ritibus a Deo institutis superbi, Gentes humanis, vel etiam Diabolicis superstitionibus mancipatas, contemnebant. Ethnicis vicissim exolæ erant, & ridiculæ atque absolæ videbantur, multæ Judæorum ceremoniæ, ut ex Tacito aliisque constat. Atque hinc mutua nationum odia, atque inimicitia: nequaquam iustæ (absit) sed tamen quasi stabilitæ ista rituum discriminantium lege. Atque hæc alienatio animorum tanta erat, ut pii ipsi nefas Judæo esse duxerint, propius adiungere se, aut accedere ad alienigenam. *Act. x. 28.*

Denique  
chirographum.

XV. V. Denique in ceremoniarum religione *chirographum* erat, cultoribus suis *oppositum*, ex parte contrarium. *Col. 11. 14.* Qua de re erudite comprimis disseruit Calvinus, quem alibi, tum etiam in *Institutionibus Lib. 11. Cap. VII. §. XVII.* Neminem sibi in hujus rei explicatione satisfecisse testatur in *Commentario ad Col. 11. 14.* Ego autem confido, inquit, me germanam intelligentiam affecutum, si tamen mihi verum esse conceditur, quod alicubi verissime ab Augustino scriptum est, imo quod ex claris Apostoli verbis hausit, in ceremoniis Judaicis confessionem magis delictorum extitisse quam expiationem. Quid enim sacrificium aliud agebant, quam quod se mortis conscios fatebantur, qui in suum locum catharmata substituunt? Quid purificationibus, nisi quod se immundos testabantur? Ita renovabatur ab illis subinde piaculi & impuritatis suæ *chirographum*: solutio in illa testificatione non erat. Merito ergo *chirographa* vocat Apostolus, suis cultoribus adversa: quando per illa suam damnationem ac immunditiam palam consignabant.

Quod tamen non  
nisi ex parte  
Israëlis contrarium  
erat.

XVI. Quæ tamen nequaquam ita sunt intelligenda, quasi fideles exactione hujus *chirographi* obligarentur, ad justitiæ Divinæ in propria persona satisfaciendum. Id enim repugnaret promissioni gratiæ, quæ fundata erat in irrevocabili sponione Christi, a Patre acceptata, cujus individuus fructus est principis debitoris immunitas. Sed scripture hujus *chirographi* duo ferebantur: I. Immundos se esse, & omni perditione dignos, si in se ipsis considerentur: neque posse interitum effugere, nisi Divinæ satisfiat justitiæ. II. Illam satisfactionem nondum esse præstitam; expiationem veram, cujus virtute justificari debeant, non esse factam. Hactenus *chirographum* illud ipsis *contrarium* erat. Sed quia, ut sæpe monui, ceremoniæ, præter *exiis* legalem *exiis* etiam Evangelicam habebant, simul earum usu confirmabantur fideles in fide

fide venturi, & satisfacturi pro ipsis, Messiae. Et ita chirographum erat iis duntaxat ex parte contrarium, *incurritis*. Quippe uti ostendebat, nondum esse factam satisfactionem; quod contra ipsos erat: ita certiores eos faciebat, satisfactionem nunquam ab ipsis exactum, sed a Sponsore certo peractum iri; quod sane admodum pro iis erat.

XVII. QUINTUM, in quo Vetus T. minus est Novo, est Spiritus Oeconomiae servili attemperatus, quem Paulus SPIRITUM SERVITUTIS vocat, scribens Romanis *Cap. VIII. 15. Non enim accepistis Spiritum Servitutis rursus ad timorem.* Ubi particula RURSUS notat antiquitatem, qua praesens Ecclesiae Christianae conditio antegressae conditioni Ecclesiae Israeliticae opponitur, uti passim observant interpretes. Sed non ita omnem istius particulae vim exponunt. Ego sic existimo: Romani jam fideles facti in unum cum fidei Israele corpus coaluerant. *Eph. III. 6.* In Christo enim est *ἀνταρραχία* omnium. *Eph. I. 10.* Is fecit *τὴν ἀποστολὴν* in, *Eph. II. 14.* voluitque, fideles ex Judæis, & fideles ex Gentibus pro uno semine Abrahami reputari. *Gal. III. 16.* Et propterea id quod Israele antiquitus datum erat, etiam ipsis datum esse censebatur. Et si post promulgatam laetioris Testamenti libertatem, Gentiles in priscae Israelitarum compedes se induerent, redire ad servitutem dicebantur. *Quomodo ἐπιστρέψετε πάλιν convertitis vos retrorsum,* vel RURSUS, ad infirma & egena elementa, quibus πάλιν ἄντετε, AD SUPERIORA REGRESSI servire vultis? inclamabat Galatis Paulus *Gal. IV. 9.* Hoc ergo sensu Romanis quoque dici poterat: Vos jam fideles, sub N. T. viventes, non accepistis rursus Spiritum Servitutis, vel Spiritum Servitutis rursus ad timorem, qualem fideles V. T. quibus *ἐν φόβῳ*, facti estis, habebant, & qualem consequenter vos in & cum iis habebatis.

XVIII. Porro Spiritus ille Servitutis, prout nunc a nobis consideratur, est Spiritus Dei bonus, operans in iis, qui ad V. T. pertinebant, sicut servili illius oeconomiae erat conveniens. Constat, sub V. T. ea, quae ad legem illiusque terrores spectant saepissime & clarissime ingeminata, & ingentibus portentis, ac tremendis & in omnium oculos incurrentibus judiciis, confirmata esse: cætera autem, quae ad Evangelium pertinent, & *παύσιμος* atque alacritatem filialem parere possunt, parcius, & quidem sub enigmate proposita est. Spiritus ergo, cujus partes sunt verba Dei externe proposita ad animum appellere, & intus efficacia reddere, isti se oeconomiae accommodavit, & communiter magis terrorem operatus est, per legem, quotidie auribus insonantem,

quam alacritatem, per doctrinam gratiæ, parcius & obscurius prædicatam.

*Faciebat  
quo, ut pii  
jugum præ-  
cepti Car-  
nalis in Fi-  
de subirent.*

XIX. Præterea, quum magna servitus sit in lege præcepti carnalis curate servanda se fatigare, Spiritus, qui faciebat ut servitutem hanc lubenter & in fide subirent, singulari ratione Spiritus Servitutis dici meretur. Operationes autem ejus in fidelibus hæ erant. I. Docebat eos, justum, ipsis bonum, Deo gloriosum, oeconomiaæ fœderis Dei conveniens esse, servitutem elementorum mundi a Deo jussam lubenter subire. II. Impellebat ut mysterium istius servitutis rimarentur, neque hærent in cortice ceremoniarum. III. Flectebat voluntates fidelium, ut libenter & in fide ita servirent, anhelantes interim ad felcioris seculi libertatem.

*Spiritus iste  
bonum Dei  
donum e-  
rat, minus  
tamen Spi-  
ritu plena  
libertatis.*

XX. Qui quidem Spiritus, hæc in his operans, insignis Dei donum erat, isti ætati conveniens; donum tamen multo minus, quam est Spiritus ille meræ gratiæ ac libertatis, docens jugum esse fractum, chirographum scissum; atque excitans ad rationalem cultum, quem solum injungit, cum læta alacritate, observandum.

*Cautela.*

XXI. Iterum monemus, non ea mente hæc a nobis dici, quasi Spiritum Dei in V. T. fidelibus nil nisi Spiritum Servitutis fuisse velimus: vel quasi nihil, quod servile suo modo dici queat, in N. T. fidelibus nunc quoque operetur; contra quam superiori capite accurate disputavimus. Non existimamus etiam, omnes Spiritus Servitutis operationes, iis, quas nunc recensuimus, quia hæ solum ad institutum nostrum faciebant, absolvi. Hoc tantum volumus: operationes Spiritus Dei in T. V. collatas cum ejusdem Spiritus operationibus in T. N. *communiter* magis servile quid sapere, quam quod plenæ libertati filiorum Dei conveniens sit: breviter, accommodatas fuisse isti conditioni, qua hæres infans non multum distabat a servo. Liceat hoc Calvinii verbis concludere, quibus plane subscribimus. *Huc autem summa redit, Vetus Testamentum pavorem & trepidationem incussisse conscientiis: Novi beneficio fieri, ut in lætitiis solvantur. Illud iugo servitutis conscientias adstrictas tenuisse: hujus liberalitate in libertatem manumitti. Quod si ex populo Israëlítico Sancti Patres obijciuntur, quos quum eodem fidei Spiritu nobiscum præditos fuisse constet, sequitur ejusdem & libertatis & lætitiæ fuisse participes: respondemus, neutrum a lege fuisse. Deinde negabimus, ita libertatis & securitatis Spiritu fuisse donatos, ut non expecti sint aliqua ex parte & timorem ex lege & servitutem. Vide cætera.*

*d Inst. Lib.  
2. Cap. 11.  
§. 9.*

*¶ De-  
fuit. Par-  
tior gratia  
mensura.*

XXII. SEXTO. Fuit etiam in V. T. PARCIOR donorum GRATIÆ MENSURA: tam quod *Extensionem*, quam quod *Intensionem*. *Extensionem* valde arctam fuisse, hinc patet. I. Quia cum sola

sola gente Israëlita se communicabat Deus, qui cesserat ei in possessionem & funiculum hereditatis ejus. Deut. XXXII. 8. Interea gentes alias, quasi nihil secum haberent rei ac commercii, in vanitate ambulare sinebat. Act. XIV. 16. Adeo ut alienata quum essent a civili statu Israël, extraneæ quoque forent, quoad pactorum promissiones attinet, spem non habentes, & absque Deo in mundo. Eph. II. 12. Tenebræ operiebant terram, & caligo nationes; quum super Israël solo oriretur Jehova. Jes. LX. 2. II. In ista una gente Israëlita perpauci salutaris gratiæ consortes erant. I. Cor. X. 5. plerosque eorum non habuit gratos Deum. Propterea universo populo dicebat Moses, habito respectu ad numerosissimam eorum multitudinem, Deut. XXIX. 4. Non dedisti vobis Jehova mentem ad cognoscendum & oculos ad videndum, & aures ad audiendum: illi enim, quibus indulta erat ista gratia, cum cæteris collati numerum non faciebant.

XXIII. Intensionem si spectemus, communiter, minor erat gratiæ mensura; I. In cognitione spiritualium mysteriorum. Conveniebat enim, sole justitiæ nondum exorto, nec tantum esse revelationis fulgorem, nec tantam intelligendi perspicaciam. Ideo hanc intelligentiæ tenuitatem pueritiæ vocabulo Paulus notat. Spectamina crassi stuporis in ipsis Domini Discipulis passim obvia sunt. Jes. XLI. 19. Quis est cæcus, nisi servus meus? & surdus sicut nuncius meus, quem mitto? quis cæcus, ut donatus pace, cæcus, inquam, ut servus Jehova? II. In ubertate consolationum spiritualium. Quod ex iis, quæ de oeconomia modo, & Spiritus, isti se oeconomiaæ attemperantis, operationibus, supra diximus, necessariò sequitur. III. In sanctimonia. Et hoc quoque a prioribus pendet. Ubi enim est minor lucis spiritualis copia, minor amoris Dei in cordibus effusi abundantia, minor cum Deo amicitia familiaritas, ibi minorem etiam sanctimoniam gradum esse consentaneum est.

XXIV. Quæ tamen nequaquam eo a nobis dicuntur, quasi gregarios N. T. fideles priscis illis heroibus vel anteferre, vel etiam æquare sustineamus. Quotus enim quisque in Ecclesia Christiana reperitur, qui fidei præstantia sit cum Abrahamo componendus? cognitionis luce cum Prophetis, qui hodieque orbem universum illuminant? consolationum ubertate & sanctimoniam excellentia cum Davide, qui & vir secundum cor Dei fuit, & toties animo in Deo exultante lætissimas odas cecinit? Non enim, quid in paucos gratiæ contulerit Dominus, hic quaeritur: sed quam in universo populo ordinariam dispensationem secutus sit. Ecclesiam cum Ecclesia, Prophetas cum Apostolis, Priscos Heroes cum Novi Foederis Martyribus, & gregarios fideles cum sui similibus contendere par est.



*Unguentum  
hoc in regno  
coelorum  
Matth. xi.  
ii. non si-  
gnificat  
beatum coe-  
lestem.*

XXV. Non abs re erit, hac occasione illustrare dictum Domini, *Math. xi. ii. Amen dico vobis, non est suscitatus inter genitos & mulieribus quisquam major Johanne Baptista: sed qui est minimus in regno coelorum, major est eo.* Nihil magni dicunt, qui cum veterum nonnullis per Regnum coelorum intelligentes statum Ecclesiae militantis, hunc esse verbum Christi sensum volunt: minimus beatorum in coelo major, id est, beator, perfectior, excellentior, gloriosior est Johanne, ut pote adhuc mortali & viatore. Quis enim ignorat, conditionem coelestis patriae praestantiorum esse peregrinationem in terra? Quod quum per se clarum esset, nihil opus erat Dominum tam assermate, & quasi mirum aliquid assereret, id praedicare.

*Sed potius  
minimum  
Apostolo-  
rum; vel  
Ministro-  
rum N. T.*

XXVI. Propius ad mentem Domini accedunt, qui per minimum in regno coelorum indigitatum putant minimum Ecclesiae Christianae ministrum, cui datum est Evangelium consummationis praedicare. Hic componitur cum Johanne, non ratione scientiae, sanctitatis, similiarumve donorum; sed ratione ministerii, uti Johannes ipse cum antecessis eum Prophetis. Iis enim omnibus major fuit Johannes, quod Messiae proximus anteambulo & paranympus esset, eumque praesentem digito monstraret. Johanne rursus major eo respectu est quivis Euangelii praeco, qui Jesum non natum modo, sed & mortuum, & suscitatum, & in coelos evectum, & ad dextram Dei sedentem, & regnum libertatis feliciter ab eo erectum praedicat. Non est ergo tam comparatio personarum in qualitatibus suis absolutis, quam ministerii. Moysi caeterorumque Prophetarum ministerium non absurde quis nocti simile faciat, multis de Christo vaticiniis quasi sideribus quibusdam interlucentibus distinctae: ministerium Johannis diluculo, quum nondum exorto sole, attamen annitente ad horizontem, luce quadam coelum albescit: Evangelium autem diei, quum sol exortus omnia purissimo splendidissimoque lumine complet.

*Vel ipsum  
Christum.*

XXVII. Mirum tamen videri potest, quod Dominus Jesus, qui toto hoc sermone suo praecleara omnia de Johanne praedicat, mox ubi nihil minus expectaveris, eum minimo discipulorum suorum minorem faciat. Ideoque Veterum aliquot existimant, comparationem potius institui inter Johannem & Christum: qui se ipsum vocet *μικρότερον*, minorem in regno coelorum, vel quia talis erat opinio hominum; vel potius quia minor erat aetate, & posterior in ministerio. Quo sensu Jacobus Alphaei vocabatur: *μικρὸς*, parvus; *Mat. xv. 40.* id est, junior, respectu Jacobi Zebedaei, qui major dicitur. Hoc ergo voluisset dicere Christus, Johannem longe quidem caeteris omnibus Prophetis majorem esse; non autem magnum illum Prophetam.

phetam, non Messiam, quod nonnulli, sed perperam, opinabantur. *Luc. III. 15.* Se autem illum esse, qui licet minor esset Johanne ætate, posterior etiam in præconio regni cœlorum dignitate tamen plurimum ei præcelleret. Atque ita hoc Christi dictum cum Johannis de se & Christo testimonio optime conveniret, *Joh. I. 15. Is, qui pone me venit, antepositus est mihi; quia prior me erat.* Ita fere Epiphanius adversus Gnosticos, Chrysostomus, Theophylactus, Euthymius, Clarus, Zegerus, Salmero, Jansenius, alii: a quorum sententia fateor me non esse alienum.

XXVIII. SEPTIMO. Omnia hæc simul juncta excitabant in Ecclesia Veteri ardens DESIDERIUM & FAMEM quandam ac SITIM melioris conditionis, quam cum adventu Messie pollicitus erat Deus. Quum enim pleraque omnia, quæ ipsis hætenus collata erant, imperfectionis suæ testimonium ipsa perhiberent, atque interim meliora e longinquo iis ostentarentur, non potuerunt sine contemptu Divinæ gratiæ ea non desiderare. Quicquid hætenus in eos contulerat Dei clementia, præsertim accedentibus pretiosioribus promissis, siti movendæ potius, quam restinguendæ idoneum erat. Abrahamus ipse, cui tam familiariter se patefaciebat Deus, *gestivit videre diem istum Christi. Job. VIII. 56.* Universa Ecclesia clamabat, *Utinam lacerares celos, & descenderes! Jes. LXIV. 1. O si quis daret, te ut fratrem esse mihi, sugentem ubera matris meæ! Cant. VIII. 1.* Id est, utinam carnis & sanguinis particeps factus, familiariter, in medio cœtus nostri, videndum te, in communione ejusdem cultus, exhiberes! Non possumus meliorem hujus voti interpretem habere ipso Domino: *Mat. XIII. 17. Amen dico vobis, multi Prophetæ & justî desiderarunt videre, quæ videtis, & non viderunt: & audire, quæ auditis, & non audierunt.* Tranquillo quidem & læto animo prisci patres Divina gratia fruebantur, gnari, eam sibi ad salutem sufficere; atque propter eam Deum glorificabant, eique gratias agebant: attamen, quum potior conditio eminus ostentaretur, ad eam quoque suo se desiderio superextendebant. *Secundum fidem mortui sunt isti omnes, ideoque tranquille ac beate: attamen promissa non adepti, sed omnino ea conspicati, postquam ipsis fuissent persuasa, amplexi sunt. Heb. XI. 13.*

XXIX. Non ausim huc trahere *Deut. XXIX. 19. לָנוּן סִמָּת דִּירוּךְ אִם הַצִּמָּה*, ad addendum ebriam, sive irriguam sitienti: quasi nunc innueretur duplex Ecclesiæ status, Sitis, sub Veteri, & Irrigationis, sub Novo Testamento: & irriguam sitienti addere, sit Ecclesiam promissionis exhibitione satiatam redigere in ordinem Ecclesiæ sitientis; fideles N. T. onerare priscis ceremoniis: & ex alia significatione vocis סִמָּת perdere satiatam cum sitiente, operam dare, ut foederati

7. Defectus.  
Sitis melio-  
ris conditio-  
nis.

Nova ex-  
pli catione  
phrasî Mo-  
saica, Ad-  
dere ebriam  
sitienti.

Dei aboleantur, primo dum expectant salutem Dei, deinde quum Evangelium salutis receperint. Quibus interpretationibus tertia additur, hoc sensu, *Ut satura perdat sitientem*: id est, ut ii, qui falso sibi saturi videntur, in tempore expectationis sitientes opprimant, deinde saturatos vexaturi. Atque hæc ita junguntur, ut simul sumta integrum verborum sensum absolvant. Vid. *Ult. Mosi* §. 121-138. Et *Lexicon ad vocem* מִן. Ego vero hæc, uti plane nova sunt, ita & aliena esse a mente Mosi, propter has rationes existimo.

Qua impro-  
bamus.

XXX. I. Quia his verbis describit Moses sermonem hominis idolatræ, cujus animus se avertit a Jehova Deo, ut eat ad colendum Deos gentium, & qui abjurato numinis metu, adjurationes fœderis fusque deque habet, ac, non obstantibus iis, pacem sibi pollicetur: *vs. 18. & 26.* quales erant illi, de quibus *Jer. XLIV. 17.* Istiusmodi autem idololatram nulla cura minus sollicitat, quam ut liberos N. T. fideles ad jugum servitutis Mosaicæ adigat, quod ipse excussit & odit. II. Is, quem Moses repræsentat, profligatæ impietatis est, quam ne ipse quidem dissimulat, & manifestus Numinis ac religionis contemptor: ii autem, qui a Celebris interprete hic censentur notari, magnam sanctimoniam speciem præ se ferebant, & in omnibus actionibus suis religionem obtentui habebant: uti notum est ex historia Evangelica. III. Si *sitient* Ecclesiam V. T.; notet, *Irrigua* Ecclesiam N. T.; *irriguam sitienti addere* nihil aliud notat, quam *Ecclesiam N. T. addere Ecclesiæ T. V.*, & utramque jungere. Id, Scriptura testatur, factum esse per Christum. *Eph. 11. 13. & 111. 6.* Aliud autem sonat, *Exsatiatam sitienti addere*, aliud, *Exsatiatam in sitientis conditionem redigere*. Refractarii ceremoniarum zelotæ nusquam dicuntur adjunxisse sibi liberos Christianos, sed bene, eos separavisse a se, & ἀπορριψάμενοι fecisse. *Jes. I. xv. 5. & LXVI. 5.* IV. Quum unus duntaxat literalis sensus sit, contra omnes rectæ explicationis regulas dicitur, verbum מִן in eadem hac enunciatione posse sumi, partim pro *perdere* sive *consumere*, partim pro *jungere* & *copulare*: & particulam תָּא, partim pro *cum*, partim pro nota accusativi. Aliud est, sub generali unius vocis significato plura ad eundem significatum pertinentia completi, quod in explicandis Scripturis sæpe locum habet; aliud eidem voci disparatas vel contrarias significationes simul attribuere, quod præter omnem rationem est. Si מִן hic significet *adjungere*, non significat *verdere*. Si תָּא significat *cum*, non est nota accusativi. V. Quid alienius est, quam ubi multis adstruxeris, *Saturam* notare *Ecclesiam N. T.* per *Sitientem* eam intelligi, quæ *pressa* est *ceremonia*, mox orsa retexere, atque in hunc sensum verba vertere, ut *satura* *perdat*

perdat sitientem, hoc est, ut Judæi emeritarum ceremoniarum zelotæ, qui sibi saturi videntur, persequantur eos, qui ad Christum anhelant. Quid est candida vertere atris, si hoc non sit? Potestne quicquam alienius fingi, quam ut unum verbum simul significet Ecclesiam Christianam, quæ persecutionem patitur, & coetum malignantium Judæorum, qui eam persequuntur? Et tamen in ejusmodi commentis sibi viri eruditi placent!

XXXI. Quænam ergo, inquires, genuina verborum Mosis sententia est? Equidem simplicem eam & obviam esse arbitror. Quando quis destinatum animo scelus cum voluptate exsequitur, proverbiali locutione *injustitiam sicuti aquam bibere* dicitur. Job. xv. 16. Anima improba molimina mente volvens, & ad occasionem eorum perficiendorum intenta, est veluti sitiens mali. At quum meditata exsequitur, se ipsam Diabolicis deliciis ingurgitat, & quasi satiata vel ebria fit. Pulcre Celeberrimus Coccejus in Zach. ix. §. 14. *Insanabiles homines dicuntur sitire sanguinem, & dum eum effundunt cum voluptate, dicuntur eum bibere.* Apoc. xvi. 6. *Id, quo quis delectatur, dicitur cibus ejus, & dicitur id bibere velut aquam.* Job. iv. 34. Job. xv. 16. & xxxiv. 7. Itaque ebriam sive satiatam addere sitienti, est non solummodo ardere male agendi desiderio, sed & illud nefandis actibus explere; animoque perversa cupienti ad satietatem indulgere. Hoc faciunt contemptores Numinis, qui in sceleribus suis securi, superbos felices prædicant, & effrenatis cupiditatibus suis in omnibus obsequuntur. Tales autem hic describit Moses. Si cui hæc minus satisfaciant, ei præ cæteris commendo commendationes LUDOVICI DE DIEU, Viri Doctissimi, qui in hunc locum prolixus est.

XXXII. Non minus a Zachariæ mente aberrare videntur, qui existimant, ipsum conditionem Patrum V. T. comparare *fovea*, in qua non est aqua. Cap. ix. 11. Nam I. Ipsi illi Patres cecinerunt Ps. xxiii. 2. *In caulis herbidiis facit ut recubem, secundum aquas lenes deducit me.* Quod a fovea, in qua aqua non est, longissime distat. II. Pro certissimo interpretationis canone admittimus, quod Fratres ingeminare solent, verba, nisi quid obstat, in omni sua emphasi sumenda esse. Atqui emphasis longe major est, si per foveam sine aqua intelligamus conditionem irrogeniti peccatoris, qui, quamdiu in se ipso, extra Christum est, omnibus iis, quæ consolationem afferre, sitimque beatitudinis restinguere possunt, omnino caret. Et nihil obstat, quo minus id ita interpretemur. Agitur enim de eo, quod impetratum est sanguine Christi, qui est sanguis foederis, sive N. Testamenti, & effusus est non solum

Genuinus  
sensus.

Zach. ix.  
11. Expo-  
nitur.

ad auferendum jugum ceremoniarum, sed vel maxime ad abolendam servitutem peccati. Cur ea, quæ dicuntur, restringemus ad id, quod minus est, quum verba non modo patiantur, sed & suadeant, imo ferme cogant, ut interpretemur de eo, quod majus est? III. Propheta hic solatur lugentes Zionis, ac promittit eis liberationem ab isto malo, quo potissimum premebantur, & cui remedium a venturo Messia expectabant. Illud autem non erat servitus ceremoniarum, quæ parum vel nihil solaminis afferebant; sed potius abyssus miseriæ spiritualis, in quam præcipitaverat eos peccatum. Cujus jugum, sub exactore Diabolo, infinito gravius est jugo rituum, quod a Deo impositum est. IV. Etiam ceremoniæ, quando in se considerantur & abstracte a Christo, ne guttam quidem veri solaminis afferre potuerint: non tamen patres propterea in fovea sine aqua fuerunt. Nam quod e ceremoniis haurire non poterant, id bibebant ex fluentis Divinæ gratiæ manantibus e perenni fonte, nimirum Christo, in quem eorum fides prospiciebat. Non audemus ergo dicere, priscam conditionem patrum fuisse foveam sine aqua: licet cum Scriptura statuamus, eos fitim habuisse meliorum bonorum, ita tamen, ut aquæ salutari gratiæ ad necessariam consolationem iis non defuerint.

## CAP. XIV.

*De Antiquatione Veteris Testamenti.*

*Summa  
dicendo-  
rum.*

I. **R**estat nunc, ut de V. T. ANTIQUATIONE dicamus, sive de abrogatione earum rerum, quæ olim fœderi gratiæ, ut umbratiles, ac typicæ, & venturi Messiæ symbola, superacceserunt. In cujus materiæ *ἱεργικῆς* hoc ordine procedemus: I. Ceremonias veteres ejus esse naturæ ostendimus, ut *ἀπὸ* Deo antiquari potuerint: II. Demonstrabimus, futurum fuisse, ut re vera atque ipso actu antiquentur. III. Docebimus, debuisse aliquando antiquari, neque potuisse fieri, ut aliter sit. IV. Processum ipsum, *variousque* antiquationis gradus enucleabimus.

*Leges Mo-  
rales fun-  
dantur in  
Naturali  
Numinis  
Sanctitate,  
Ceremonia-  
les in libera  
Voluntate.*

II. Ut a PRIMO ordiamur. Aliam longe legum Moralium, quarum perpetuitas ac immutabilitas *ἱεργικῆς* est, aliam institutorum Ceremonialium rationem esse, hinc patet: I. Quia istæ fundantur in naturali ac immutabili Dei sanctitate, quæ non potest non creaturarum rationalium exemplar esse; ideoque aboleri nequeunt, quin aboleatur Dei imago: hæc vero fundata sunt in libera ac indifferenti Legislatoris voluntate: & ideo tantum bona, quia

quia præcepta; ideoque pro diversa temporum ratione, vel præscribi, vel aliter præscribi, vel omnino non præscribi possunt. Non latuit Hebræos Doctores hoc discrimen; atque hinc nata Maimonidi distinctio in מצות השכליות, *Præcepta intellectualia*, quorum æquitas intellectui humano per se evidens est, & התורות השמעות, *Legis auditu perceptas*, quarum omnis ratio resolvitur in auditum, eas ab ore Dei excipientem. De illis dixerunt Sapientes שארו לא נכתבו, *si non scripta essent, æquum fore, ut scriberentur*. De his asserit Maimonides, שארו לא התורה לא היו רעות כלל, *Si lex non exstaret, ea, quæ iis adversantur, omnino mala non forent*.

In Prefat.  
Abbot Cap.  
6. fol. 23.  
col. 3.

III. II. Quia ipse Deus Ceremonialia præcepta Moraliſibus multis nominibus frequenter postponit, &, ut sapienter idem Maimonides observavit, per Prophetas sæpiſſime homines reprehendit ob nimium studium & nimiam diligentiam in adducendis oblationibus, illisque inculcat, quod non principaliter, neque per se intendantur, neque ipse iis opus habeat. Sic ait Samuel, 1 Sam. xv. 22. *Nunquid voluntas Domino est in holocaustis & victimis, ut in obtemperando voci Domini?* Item Jes. i. 11. *Ad quid mihi multitudo sacrificiorum vestrorum? dicit Dominus.* Et Jer. vii. 22. *Non sum loquutus cum patribus vestris, nec præcepi eis, die quo educa eos e terra Egypti, de holocaustis & victimis. Sed verbum hoc præcepi eis, dicendo; obtemperate voci meæ, & ero vobis in Deum, & eritis mihi in populum.* In quem locum observat Maimonides, mirum videri, qui Jeremias ita loquentem introducat Deum, quum maxima pars præceptorum circa sacrificia & holocausta occupata sit; sed respondet, hunc verborum Dei esse scopum: Prima intentio utique est, ut apprehendatis me, neque alii serviatis, ut ego sim vobis in Deum, & vos mihi in populum. Hoc autem præceptum, de oblationibus & de domo mea, datum est vobis in hunc finem, ut exinde ad utilitatem vestram illud disceretis. Loca parallela plurima sunt, Ps. l. 9, 10, 11. Jer. vi. 2. Hof. vi. 6. Am. v. 22. Si itaque Deus, quum adhuc in vigore essent præcepta illa, propter nimium eorum studium homines reprehendit; nihil Deo indignum attribuiſimus, asserentes, propter gravissimas rationes fieri potuisse, ut eas plane abroget.

Ita iſtis  
plurimum  
postponuntur  
More  
Nove.  
Part. 3.  
Cap. 32.

I V. III. Accedit, quod Ecclesia, salva tamen religione, multis seculis maxima ceremoniarum parte caruit: ut Judæi ipsi bis mille annos ante legem datam numerant. Quidni ergo, sine religionis detrimento, iisdem ceremoniis, in quarum exercitio per se non est sanctitas, neque pars imaginis Divinæ, imposterum carere posset? Hoc saltem inde liquet, quod ad essentiam religionis non faciant, & quod meræ potestatis Dominicæ sit, eas vel pau-

Ecclesia  
diu multis  
ceremoniis  
carnis.

ciores imponere, vel augere, adstrictis etiam earum vinculis, vel omnino iterum abolere.

*Ea, quæ u-  
no tempore  
sapienter  
instituta  
sunt, alio  
tempore sa-  
pienter ab-  
rogari pos-  
sunt.*

V. Neque ob stare debet præjudicium illud, conveniens quidem esse, ut novas aliquando ceremonias instituat Deus, quo cultior, ornatior, & locupletior reddatur religio; sed non ita esse conveniens, ut semel a se instituta abroget: nam & institutionem eorum rituum, qui postea sapienter abrogantur, & abrogationem rituum, qui sapienter instituti sunt, pariter defectum aliquem sapientiæ arguere. Cæterum longe aliter hæc concipienda sunt. In eo πολυπειρασ quidem, sed constantem tamen, semperque sibi simillimam, sapientiam demonstravit Deus, quod cuius Ecclæ siæ suæ ætati se accommodaverit. Primam ac tenerrimam infantiam simplicior ac faciliior cultus decebat. Proveciori pueritiæ, sed pueritiæ tamen, & petulanti satis, adstrictior disciplina, magisque pædagogica convenientior erat. Adulta & virilis ætas ingenuam ac decoram libertatem exigit. Nihil ergo sapientia sua indignum facit cœlestis Pater, si remoto pædagogo, quem tamen filio im-uberi sapienter dederat, adultum filium liberalius haberi velit.

*Maxime si  
caussa, pro-  
pter quam  
instituta  
sunt, cesset.*

VI. Porro, quum non propter se institutæ sint ceremoniæ, sed propter aliud, uti fatentem modo habuimus *Maimonidem*; eadem sapientia, qua institutæ sunt, exigit, ut, institutionis causa cessante, & ipsæ cessent. Messia autem exhibito, causas illas cessare, propter quas institutæ sunt ceremoniæ, invictis argumentis suo loco addicemus. Jam in eo adhuc sumus, ut ostendamus, posse ceremonias abrogari sine ulla, vel minima, sapientiæ & constantiæ Divinæ labe.

*Ceremonia  
auti genti,  
cum limita-  
tione ad cer-  
tum locum  
ac tempus,  
data sunt.*

VII. Verum; ad SECUNDUM nunc caput pergamus; plane VOLUISSE Deum ut suo tempore cessarent. Quod sequentibus argumentis evincitur. *Primo.* Ipsa ceremoniarum institutio eo nos ducit. Nam quum datæ fuerint Uni Populo, cum limitatione ad certum illius statum, certamque Terram, Urbem, Templum, non fuit mens Legislatoris, ut omnes, quos salutari sui communione dignatur, & Semper, & Ubique obstringerent. Ita autem plane res se habet. Suæ solum genti legis Mosaicæ corpus datum esse, מורשה קהלת יעקב, hereditatem ac peculium Ecclesiæ Jacobi, Deut. xxxii. 3. passim Hebræi gloriantur. Et id quidem limitavit Deus עדות, ad generationes ipsorum. Gen. xvii. 7. Levit. vii. 36. & xxiv. 3. Quæ generationes quum jam confusæ sint, nulloque certo indicio Levitæ a reliquis tribubus, Aaronidæ a cæteris Levitis dignosci queant; consequens est, legem eam cessare, quæ distinctioni generationum adstricta erat, quæque a tribu Levitica & familia sacerdotali ferme

ferme tota pendebat. Certam etiam terram ceremoniarum observationi Deus destinavit. *Deut.* IV. 14. & VI. 1. 11. 31. 32. Certam urbem, & domum. *Deut.* XII. 5. 13, 14. 16. Quum ergo Prophetæ passim prædixerint, fore aliquando, ut Ecclesia magna plurimarum gentium accessione augeatur, quæ uti non pertinent ad generationes Israëlitis, ita nec in eadem cum ipsis terra habitare, nec in eandem urbem, multo minus domum, convenire possunt; evidens est, non fuisse intentionem Legislitoris, ut ea tempestate populus suus ceremoniarum religione constringatur. Nam, uti in sequentibus fufius probabimus, non poterit tum Israëlitarum conditio a cæteris gentibus diversa esse: quum omnes cum Israëlitis in unum corpus coalituræ sint.

VIII. Fortius hoc argumentum stringet, si observaverimus, rationes plerarumque ceremoniarum plane peculiares fuisse, & desumptas esse ex speciali consideratione istorum temporum, & visinorum Abramidis populorum, a quorum erroribus & cultu suos quam longissime abesse, supremum numen voluit. Ex Zabibis egressus erat Abrahamus, primum gentis Israëlitiæ caput. Idcirco Deus ita ferme ceremonias omnes constituit, ut Zabiorum ritibus e diametro opponerentur. Centies id inculcavit Maïmonides, qui multarum legum rationes sibi innotuisse, ex sola cognitione fidei, rituum, & cultus Zabiorum, fatetur. Verbi gratia; Idololatriæ isti panem fermentatum solum offerebant: res dulces ad oblationes suas eligebant, easque melle inungere consueverant, sale autem non utebantur. Ideo Deus prohibuit panem fermentatum, vel mel offerre sale autem in omnibus sacrificiis uti expressim iussit. *Lev.* II. 13. Iterum. Solicolæ isti oraturi ad Orientem se convertebant. Hinc Sanctum Sanctorum in Occidente locatum. Rursus. Licet sanguis impurus admodum fuerit in oculis Zabiorum; tamen ab iis comestus, est, eo quod existimarent, cibum hunc esse dæmonum, quo comesto quis familiaritatem aliquam cum iis nanciscatur. Idcirco Deus sanguinis esum, severa interminatione addita, prohibuit. *Lev.* XVII. 10. Neque Zabibis solis, sed & aliis vicinis gentibus adversos ritus, suis præscripsit Deus. Ægyptii colebant signum arietis, ac propterea prohibitum ipsis fuit mactare oves. In sacrificiis autem Israëlitarum nulla pecus ove acceptior, & frequentior. Ægyptiis sacros fuisse cuniculos & lepores, ob celeritatem, & perfectionem sensuum naturalium, *Plutarchus* auctor est. Hos autem suis immundos & prophanos esse, Deus voluit. Cultores Baal-Pehoris idolum suum adorabant refectione nuditatis. Hinc Sacerdotes Nu-

*Errationes  
plerumque  
isti: tempo-  
ribus istis  
populo pecu-  
liares ha-  
bent.*

*Mores Part  
3. Cap. 29.*

minis



minis iussi sunt facere sibi femoralia , ad nuditatem tegendam. *Exod. XXVIII. 42.* Et quæ plura id genus collegit *Maimonius* filius, in *More*, *Part. III. Cap. XLV. & XLVI.* Et ad ejus exemplum *Hottengerus*, in *Historia Orientali Lib. I. Cap. VIII.* Itemque *Seldenus de Jure Natur. &c. Lib. II. Cap. VII.* A nobis autem eum in finem nunc adducta sunt , ut evincamus , uni tantum genti , hæc similiaque mandata data esse , ob causas illis peculiare , iisque temporibus proprias , quæ alias gentes non ita tangunt , neque , oblitterata jam dudum priscarum superstitionum dementia , adeo nunc ut pridem valent.

*Dent.*  
*XVIII. 15.*  
*18.*

*IX. Secundo ex Prophetiis argumentamur* , quibus antiquatio ceremoniarum clare satis prædicta est. Eæ autem vel generales sunt , vel speciales. In genere ipse *Moses* hac de re vaticinatus est *Dent. XVIII. 15. 18.* Ubi *Deus & Moses Dei nomine pollicentur Israël* Prophetam e medio fratrum suorum , sicut ipse *Moses* fuerat , cujus ori sua verba se inditurum dicit *Deus* , cum interminatione vindictæ exposcendæ ab eo , qui verbis istius Prophetæ non auscultaverit.

*Exponitur*,  
*prophetam*  
*pollicetur*  
*Deus.*

*X. Ad cujus loci intelligentiam, & argumenti ex eo nostri valorem, notanda sunt sequentia.* I. Interdicit *Israëli Moses* communionem omni cum haruspibus & hariolis , se monstrans , legemque suo ministro datam commendans , quæ omnia pro illo tempore scitu necessaria complectebatur. Ac ne quid , se ablente , amplius sibi hac in re concessum causarentur , tam diu legem suam ipsis suffecturam innuit , donec *Deus* alium Prophetam , parem sibi , suscitaret , ex cujus ore impofterum iis foret pendendum. II. Futurus erat propheta ille sicut *Moses*. Ei autem , hoc , de quo sermo est , excepto parem in *Israële* nunquam fuisse , *ἰσαγώνιος* est. *Dent. xxxiv. 10.* Porro non est similitudo ac æqualitas ista constituenda in minutiis quibusdam , aut virtutibus ejusmodi , quas cum *Mose* insequentibus Prophetæ communes habuerunt ; sed præcipue in auctoritate , & exercitio muneris Prophetici. Sicuti *Moses* Divina auctoritate rudiorum veterum cultum limaverat , & in perfectiorem formam redegerat ; ita ipse carnalem illum *Mosis* cultum in alium magis spirituales commutaturus erat. III. Istius Prophetæ ori sua se verba inditurum promittit *Deus* : non eo solum sensu , quo omnes veri Prophetæ verba Dei locuti sunt , ut fidi illius ministri ; sed ea verba , quæ *Deus* sibi reservaverat dicenda ultimis diebus , & quæ nemo nisi *Deus* dicere potest. Confer. *Job. III. 35.* Unde sequitur , Prophetam illum non nudum legis *Mosaicæ* interpretem , sed verum legis Dominum fore ,

*Mos simi-*  
*lem aut pa-*  
*rem.*

*In cujus ore*  
*Dei verba.*

re, & ea Dei verba dicturum, quæ hæcenus ita dicta non erant. IV. Propheta iste præter Messiam alius esse non potest: cujus prophetia, teste *Aberbanele*, est in celsissimo graduum Prophetarum: quique, ex Rabbiorum effato, quod subjungit, *excelsior est Abrahamo, altior Mose, & sublimior Angelis ministerii*. confer. *Act. III. 22.*

*Is est Mos  
sias, in  
Prophet.  
Ecl. 27  
col. 1.*

V. Messiam autem novam doctrinæ formam allaturum esse, & Scriptura passim inculcat, (vide *Jes. XLII. 4.*) neque Hebræi Doctores inficias iverint. *Jonathan* comma tertium capitis duodecimi *Jesaiæ* ita *וּתְקַבֵּל אֶת הַדָּבָר הַזֶּה בְּחֵדוֹ מִבְּחֵירֵי צִדִּיקָא*. Et accipietis DOCTRINAM NOVAM cum gaudio ab electis justorum. Notabilem rationem *Kimchi* addit, cur *Paraphrastes* doctrinam hanc vocaverit NOVAM. לפי שאותו הלמוד יהיה חדש וכן ילמדו או דעת ה' מה שלא.

*Qui novam  
doctrinam  
formam al-  
laturus  
erat.*

למד אדם עד אותו היום. Quia revera doctrina illa erit nova: atque ita tunc discent cognitionem Domini, uti ante illum diem didicit nemo. VI.

*Et audien-  
dus est in  
omnibus.*

Eum Prophetam audire jubet Deus, subjugata captivataque omni cogitatione, quæ se adversus eum extollit. *Baal Hatturim*, notavit, versum decimum quintum continere decem vocabula, ad indicandum, inquit, שְׁתַּשְׁמַע לוֹ כְּמוֹ לַעֲשֹׂרַת הַדְּבָרִים. tantum ipsi obtemperandum, quantum Decalogo. Sit licet observatio ista Judaici acuminis, res tamen certa est: verba enim Prophetæ istius æque Dei verba sunt, ac Decalogus. VII. Ni quis obtemperet, vindictam se exposciturum Deus minatur. Eam experti sunt refractarii Judæi, pro emeritis Mosis ceremoniis adversus Jesum & discipulos ejus improbe pugnantes. Omnia huc tendunt, ut alius Prophetæ, novam cultus formam instituturus, sicut & Moses fecerat, Israël commendetur.

*Secus incur-  
ritur in  
vindictam  
Dei.*

XI. Præcipuas nunc Judæorum exceptiones videamus. I. Continet hæc promissio gratiosum Dei responsum ad preces Israëlitarum in Horeb, ubi rogaverunt, ut Deus eos alloquens internuncio uteretur, ne forte gloria Majestatis suæ eos opprimeret. Certum autem est, non petiisse eos in Horeb Prophetam, qui abrogata lege Mosaica surrogaret aliam. Ita *Lipmannus*. II. Per Prophetam hic intelligitur universus prophetarum ordo, qui singulis sæculis fuerunt, & Mosis pares dici possunt auctoritate & fidelitate, quum verba Dei viventis, sicut ille, annuntiaverint. Iis ita instructi fuerunt Israëlites, ut haruspices aut hariolos in rebus dubiis consulere necesse non habuerint. *Idem*. III. Si notetur unus aliquis speciatim, ille vel Josua est, de quo dicitur. *Deut. xxxiv. 9.* & *audiverunt eum filii Israel*, ut *Aben Ezra* & *Bechai* videntur velle: vel *Jeremias*: quippe verba, נְבִיא אֲקִים לָהֶם, Prophetam excitabo eis, per Gematriam in numero æquivalent his, וְהוּא יְרֵמְיָהוּ. Hic est *Jeremias*.

*Exceptio-  
nes.*

*Sepher Nizachon.  
num. 137.*

*In præfat.  
ad Jeremiam.*

*nius*, juxta *Baal Hatturim*. *Aberbanel* autem, ne nihil hic dici posse videatur, quatuordecim convenientias inter Moſen ac Jeremiam enumerat. IV. Jeſus noſter hic non poteſt designari: quia, nec noſtra, nec Judæorum ſententia, Moſi ſimilis eſt. Non noſtra: quippe qui eum Deum credimus. Moſs autem nudus homo fuit. Non Judæorum, quippe qui firmiter tenent, patrem Moſi Prophetam nunquam poſt a exiſtiſſe. Abſurdum autem eſt, ut minor abroget placita majoris. *Lipmannus*. V. Explicationem noſtram repugnare verbis Chriſti proteſtantis, ſe non veniſſe ad ſolvendum legem *Matth. v. 17. Idem*.

*Deus aliquanto plus  
reſpondet,  
quam Iſraeli  
petiſſe.  
vanti.*

XII. Reſp. Ad Primum. I. Equidem petitioni Iſraelitarum reſpondet hæc Prophetia Deus, n que petierant directe abrogationem cultus Moſaici: non tamen illud obſtat, quo minus Deus Prophetam promitteret, illa ſæturum deſaturumque, de quibus ipſi in iſta petitione ſua non cogitabant. Sæpe ita preces populi ſui exaudit Deus, ut amplius eo concedat, quod ipſi in votis & menſibus ſuis habuerunt. Petierant Iſraelitæ, ut Deus poſthac per internuncium ad eos loqueretur. Non hoc ſolum ſe facturum promittit, ſed & Prophetam aliquem *ἀντορραφῆς* pollicetur, Moſi parem, qui æqualia, imo majora, vero Iſraeli præſtet. Bene attendendum eſt, quid ageretur, quum Iſraelitæ votum hoc ſuum Deo exponerent. Exſpectabant ſcilicet poſt auditum Decalogum plura & incognita ſibi hæctenus ſtatuta, & novam denique integræ religionis formulam a Deo delineandam. *Deut. v. 33.* Rogabant, ut ea ſibi exponerentur, non ſicut Decalogus, tanta & tam immediata Divinæ Majeſtatis demonstratione, ſed intercedente Moſis miniſterio. Annuit votis Deus *ſl. 37.* Verum non ſubſiſtit hic. Similiter ſe cum iis acturum promittit, quando ſimilis naſcetur caſus. Uti in formanda veteri oeconomia utebatur Moſis miniſterio: ita quum tempus erit, ut veteri ſuccedat nova, multo priore glorioſior, eo ſe interprete uturum pollicetur, qui diſſimulata terribili Numinis Majeſtate, benigne & clementer cum iis acturus ſit. Sicut ergo Moſen mediatorem conſtituit Deus, quando loco priſcæ ſimplicitatis operoſiorem cultum inſtituere in animo habebat: ita alium Prophetam Moſi æqualem promittens, innuit, ſe per eum ſimile quid facturum ei quod fecit per Moſen, corrigendo iterum oeconomiam Moſaicam. Quam memorabilem Numinis bonitatem Moſes hic inculcat.

*Propheta  
non notat  
hæc Prophetarum  
ſuorum  
ſeriem.*

XIII. Ad Secundum reſpondeo: Non ſane deſuiſſe Iſraeli ordinario Prophetas, quos ſanctius ac tutius conſulere poterant, quam vel augures vel haruſpices & id genus agyrtas. Non fuiſſe tamen  
id

id absolute perpetuum. 1. *Sam.* 111. 1. 2. *Chr.* xv. 3. Verum de Prophetarum sibi mutuo succedentium serie hic sermo non est: sed de Propheta aliquo *ἱερέως καὶ ἀποστολικῶς* ita dicto. Quum in confesso sit, in toto Prophetarum choro parem Mosi exstitisse neminem. Minutias autem fictarum similitudinum sectari hominis ingrati est, qui magnitudinem Divini promissi non rite æstimat, vel, quod pessimum est, sciens deprimit. Probe autem observari velim *ἀπαλογίαν* contextus, quæ ita habet: a planetariis & divinis auscultandis, populum dehortatur Moses; hoc argumento, quia Prophetam sibi parem, & in omnibus auscultandum, excitaturus erat Deus. Sed, inquires, post tot secula! Quid interim? Habebant legem scriptam, ad usque illius Prophetæ ævum abunde suffecturam. Ea, si quid oriretur dubii, adeunda erat. *Jes.* viii. 19, 20. Habituri erant ordinario Prophetas, legis istius interpretes, & supremi Numinis familiares. Cessantibus autem vulgaribus Prophetis, legisque periodo ad finem vergente, oriturus erat Propheta ille magnus, cujus os consulendum, & cujus placitis acquiescendum haberent. Quanam ergo probabili ratione suadente ad planetarios vel divinos recurrerent?

XIV. Ad *Tertium* Resp. Prophetam hic designatum Josuam non esse, facer textus manifeste indicat *Deut.* xxxiv. 9, 10. Nam postquam Josuam Mosi demortuo suffectum esse narrasset, mox expressim subjungitur, *Sed non surrexit amplius in Israël propheta* *כֹּהֵן כַּמֹּשֶׁה*, sicut *Moses*, vel *par Mosi*. Quasi data opera cavere voluisset Deus, ne quis opinaretur, Josuam Prophetam esse *Deut.* xviii. promissum. Quod additur, *Et audiverunt ipsum filii Israël*, non potest tam grande postulatam firmare. *Aberhanel* probaturus, Jeremiam hic intelligi, plane contrario argumento pugnat, & similitudinem in eo constituit, quod sicuti Mosi refragati sunt populares sui, ita & Jeremiæ. Sed utrumque est absurdum. Communis ea Prophetarum sors fuit, ut sæpiuscule auditi, sæpius rejecti sint; quandoque pios habuerint auditores, qui contremiscerent ad verba Dei vivi, quandoque profanos contemptores, quibus ea erant ludibrio. Nusquam perfectius hujus verbi complementum invenias, quam in Domino Jesu, de quo Pater e cœlo proclamavit, HUNC AUDITE. *Matth.* xvii. 5.

XV. Multo minus hæc de Jeremia exponenda sunt, cui prædicata ista non magis conveniunt, quam cuivis alii Prophetarum. Nam. I. Gematria illa Cabbalistica otiosarum mentium pastus est, quæ fortasse subtilitatis aliquid nonnunquam habet, soliditatis nihil. Merito de ea dixeris, quod in simili casu *Aben Ezra* ad *Jes.*

VII. 6. *וְנִין מִן*. *Sed hoc est vanitas.* Ipse enim sibi diserte contradicit Cabbalæ Magister. Quippe, Prophetam hic promissum omnes quinquaginta intelligentiæ portas exploratas habiturum, paullo ante pronuntiaverat: quia comma 19. incipit & finit cum litera Nun, quæ quinquagenarii numeri nota est. Sed hoc de Jeremia asserere, plane est contra hypothefin: tunc enim præferendus esset Mosi, cui duntaxat quadraginta & novem portas intelligentiæ patefactas esse nugantur. Similitudines ab *Aberbanch* assignatæ ineptæ sunt. Vel enim communes sunt Jeremiæ cum reliquis Prophetis, vel ab externis tantum circumstantiis petiæ, vel etiam falsæ nonnullæ. Tum etiam inter Prophetas alii fuere, quos ipse Jeremiæ plurimum antefert. In præfatione ad Jesaiam, hunc in excellentia gradus Prophetici proximum a Mose fuisse, prolixè contendit. Uti & Ezechielem in multis Jeremiæ antepōnit. Mirum ergo, cur hunc potius e reliquo Prophetarum choro exemerit, quam quemvis alium.

*Sed Mosi  
fam.*

XVI. Ad *Quartum* Resp. Omnino hæc Prophetia D. Jesu applicanda est, qui par Mosi fuit in exacta rerum Divinarum cognitione, in familiaritate cum Deo, in miraculis, omnibus denique præ eminentiis, quibus Moses præ reliquis Prophetis excelluit: qui fuit ex fratribus ipsorum; qui ea verba locutus est, quæ Deus sibi reservaverat ultimis temporibus prædicanda, cui Pater e cælo testimonium perhibuit, cum mandato ipsum in omnibus audiendi. Neque obstat, quod majorem eum Mose asseramus. Nam qui major est, ea omnia habet, quæ in minore sunt, atque hactenus minori similis est & par. Adde, quod Moses non omnimodam æqualitatem inter se & Prophetam promissum indicare voluerit; sed saltem, eum se minorem non fore. Quo autem ille major est, eo validius stringit argumentum, & maleferiæ isti curiositati arctior imponitur fibula. Male opponitur generale asser-tum, parem Mosi Prophetam non surrexisse: id enim de præterito dictum tempore, ei, quod futurum erat, non præjudicat; & per se patet, dicto isthoc nequaquam intercedi illius Prophetæ excellentiæ, quem omnino sibi parem fore, ipse Moses affirmat. Perperam etiam urgetur, minorem majoris placita abrogare non posse. Nam præterquam quod doctrina Prophetarum auctoritatem suam non ab ipsis, sed a Deo habeat, tanto Mose major fuit Christus, quanto major est filius servo, architectus domo. *Hab*  
III. 5, 6.

*Qui tamen  
non venit.*

XVII. Ad *Quintum* Resp. I. Quando Christus dicit, se non venisse, ut solvat legem & Prophetas, maxime de lege Morali loquitur: *eam*

eam enim ibi explicat, vindicat, inculcat. Illiusque summæ alibi <sup>ad solven-</sup> expositæ subjungit, <sup>dam legem</sup> *ab his duobus præceptis tota Lex & Prophetæ pend-*  
*ent. Mat. xxii. 30.* Unde discimus, quid per legem & Prophe-  
 tas Dominus intelligat, II. Καταλύναι τὸν νόμον, non notat eam, jam  
 partibus suis defunctam, abrogare, sed eam evertere, destruere,  
 compagem ejus luxare, sive verum ejus sensum pervertendo,  
 sive scopum abolendo, sive eam denique falsam & irritam facien-  
 do. Quo modo dicit Dominus. *Job. x. 35.* Οὐ δύναται λαθῆναι ἡ γραφή.  
 Id est, non potest non esse verum, quod Scriptura dicit. Brevi-  
 ter, solvere Legem & Prophetas, est eos doctrina vel praxi men-  
 daces facere. Atque ita certum est, non venisse Dominum, ut  
 Legem & Prophetas solveret, ne ceremoniam quidem: quam  
 contra præstiterit quam accuratissime, quicquid lex mandavit,  
 verum ejus sensum fidelissime exposuerit, & compleverit exactissi-  
 me, quicquid vel præsignificaverant ceremoniæ, vel prædixerant  
 Prophetæ. III. Ea, quam nos per Christum factam docemus, ce-  
 remoniarum abrogatio, est earum gloriosa consummatio ac τελειωσις,  
 omni earum significato impleto; non ignominiosa solutio, quam  
 merito a se Dominus removet.

XVIII. Non minus illustris est Jeremiæ de Veteris Testamenti  
 antiquatione prophetia. *Cap. xxxi. 31, 32, 33, 34.* Ubi nota, <sup>Jerem.</sup>  
 I. Per vetus foedus illud intelligi, quod pepigit Deus cum Israël, <sup>xxxii, 31.</sup>  
 litis exeuntibus ex Ægypto, cujus rationem Moses plene edisse- <sup>Quid Vetus</sup>  
 rit, *Exod. xxiv. 3.* & <sup>Fœdus ibi</sup> *sequentibus.* Scilicet Moses non solum De-  
 calogum, sed & forensia & ceremonialia præcepta complura,  
 quæ *Capp. xx.* & seq. narrantur, Dei jussu populo recitavit, obe-  
 dientiamque a populo stipulatus est. Qua stipulatione præstita,  
 ad foederis solemnitatem processit, erexitque postero die altare,  
 repræsentans Christum, & duodecim columnas, quæ repræsentab-  
 ant duodecim tribus Israël. Dein omnia illa præcepta, Mora-  
 lia, Forensia, Ceremonialia, ex libro, ceu Legatus Dei, præ-  
 legit. Populus respondit, se omnia prælecta præstiturum. Tum  
 Moses sanguine victimarum resperxit & altare Domini, & duode-  
 cim columnas populi. Sanguinem hunc vocavit, sanguinem fœ-  
 deris. Ubi notandum, omnia istius foederis solemnia mere cere-  
 monialia fuisse: altare, sacrificia, sanguinem, asperzionem. Proin-  
 de & ipsam illud foedus ceremoniale fuit, in ritibus consistens.  
*Heb. ix. 1-.* Nam etsi hæc foederis duntaxat accidentia erant, vel  
 certe accessiones & annexa, quia tamen instrumenta erant illius  
 administrandi, foederis nomen habent. Proinde in summa vetus

foedus hoc loco appellatur, solemnitis confirmandi foederis ratio : ceremoniis & sacrificiis comprehensa.

*Quid Novum?*

XIX. II. Veteri isti opponitur Novum, quod non potest esse aliud, quam pactio Dei cum Israël, sine ceremoniarum involucris : in qua nihil typicum sit, vel umbratile, sed omnia vera ac substantialia : hostia non bruta, sed rationalis : sanguis non pecudum, sed Christi : aspersio non altaris terrei ab una parte, & columnarum populum repræsentantium ab altera, sed coelestium, quæ per terrestria repræsentata erant, ab una, & conscientiarum ab altera parte. Quemadmodum Apostolus hæc sibi invicem opponit. *Heb. ix. & x.*

*Vetus foedus arguitur defectus.*

XX. III. Vetus foedus hic *παρωχηται*, incusatur, defectus arguitur : non solum quia promittitur Novum, cui non debuisset fieri locus, si prius tale fuisset, ut nihil quis in eo potuerit desiderare : *Heb. viii. 7.* sed & quia prius irritum factum narratur ab Israël. Non habebat ergo, saltem qua vetus & umbratile, & quemadmodum dicto loco exponitur a Mose, promissionem gratiæ sanctificantis. Decalogum habebat insculptum lapideis tabulis, cæteras leges inscriptas libro. De inscriptione legis in cordibus in tota foederis solemnitate nulla mentio. Ejus ergo conditionis Vetus foedus fuit, ut locus Novo ac meliori superesset.

*Novum prae laudatur.*

XXI. IV. Novum foedus, quod Veteri succenturiandum promittitur, has habet præeminencias. I. Stabile erit, quippe non externum, sed spirituale : insculptum non tabulis lapideis, sed carneis cordis. II. Clare propositum, & per uberiores Spiritus unctionem intimatum ; sic ut necesse non sit, alterum ab altero doceri. I. *Joh. ii. 27.* uti olim, ubi salutis mysteria conjectanda potius quam contemplanda exhibebantur. III. Veram habebit peccatorum expiationem & remissionem, quam Vetus oeconomia qua legalis excludebat, qua typica præstare non poterat. Unde patet, Novum Foedus, quod hic promittitur, consistere in meritis promissis gratiæ *εὐαγγελίου*, proponi sine velo ceremoniarum, & habere veritatem earum rerum, quarum solæ umbræ in typis erant.

*Eique substatuendum promittitur.*

XXII. V. Ex his porro nunc facile concluditur, non ita Novum foedus promitti, ut cum Vetere simul consistat eique ad supplendos defectus superaddatur : sed ut priore, quatenus umbratile ac typicum erat, penitus sublato, in illius succedat locum. Hoc illa verba docent : *Non sicut foedus, quod pepigi cum patribus vestris &c.* Et dum NOVUM dicit, ANTIQUAVIT prius : porro quod antiquatur ac senescit, prope est ut evanescat. *Heb. viii. 13.*

XXIII. Ad-

XXIII. Adversus tam validum argumentum leves sunt Judæorum exceptiones. I. Non promitti hic innovationem foederis, sed stabilimentum illius. Ita Kimchi. II. Non necessario ex mentione foederis novi sequi, novam legem Dominum daturum; sed priorem in animis eorum renovaturum. Nam quicquid in principio non satis manifestum est, id quum declaratur, in S. Scriptura novum dicitur. Ita Samuel 1 Sam. xi. 14. ad Saul: *Agite eamus Gilgalem, ut ibi renovemus regnum hoc.* Ubi tamen non novum regnum datum, sed vetus confirmatum est. Sic Menasse Ben Israël, *Quest. vii. in Leviticum.*

XXIV. Resp. *Ad Primum.* I. Peccari *עָוָה בְּעֵינֶיךָ*. II. Contradici Deo in os. Deus dicit, pangam foedus Novum, non sicut prius, quod irritum factum est. Homo contra respondat, non est pactio novi, sed repetitio prioris. III. Per *συγκαίρειν*, modo verba rite explicantur. Nam in Novo foedere est prælatio & exhibitio earum rerum, quæ prædictæ, promissæ, & præfiguratæ erant in Veteri: atque hætenus Novum foedus est confirmatio Veteris; ita tamen, ut simul illius sit antiquatio, quia præsentia veritatis ac corporis est abolitio figuræ; atque umbræ. Sed hæc non intellexit Judæus.

XXV. *Ad alterum.* Non promitti hic novam legem, quum melior ac perfectior Decalogicâ dari non possit. Promitti tamen Novum foedus, non Legis, sed Gratia, inscribentis eandem legem cordi, quæ ante inscripta erat lapidi. II. Innovationem foederis non consistere in sola clariore legis repetitione, vel inscriptione in corde. Nam Novum foedus Veteri opponitur, & substituitur, atque ita illud absolvit, ut simul finiat, quemadmodum supra ostendimus. III. Peccari Elencho parium. Non enim dicit Sauli Samuel, eamus Gilgalem, & dabo tibi regnum novum, non sicut prius. Ita autem Israëlî hic dicit Deus. Longe diversum sonant, Renovabo tecum foedus quod pepigi, & Pangam novum foedus, non sicut prius.

XXVI. Ad *specialia* nunc descendamus. Ubi primo occurrit vaticinium de abolitione ARCE FOEDERIS, non solum e rerum natura, sed & e memoria & desiderio fidelium. Quod his verbis expressit Jeremias Cap. III. 16, 17. *Eritque, quum augebitis & fructificabitis in hac terra, temporibus istis, dictum Jehovah, ut non dicant amplius, Arca Foederis Jehovah, neque veniat in animum: neque recordabuntur ejus, וְלֹא יִזְכְּרוּ, neque visitabunt, וְלֹא יִעֲשֶׂה עוֹ, neque fiet amplius. Tempore illo vocabunt Hierosolymam solum Jehovah, & congregabuntur ad eam omnes gentes.*

Exceptiones.

Introductio N. v. foederis & Antiquatio & simul Confirmatio Veteris est.

Novum foedus non quidem Novam legem, sed tamen ceremonialis legis abolitionem importat.

Jer. 3. 16. 17.



*Arca con-  
stitutum cere-  
moniarum  
fuit.*

XXXVII. Ad quam prophetiam hæc observamus I. Arcam Domini ceremoniarum omnium centrum fuisse ac compendium, locum sacrorum omnium sacratissimum, ad quam in omni cultu ceremoniali respiciebatur; coram qua & adorandum. 2 Sam. vi. 2. & sacrificandum erat; thronum Dei sacerdotale regnum erigentis, symbolum denique primum totius fœderis typici. Unde & *Arca Fœderis* & hic, & passim vocatur: quia in ea, saltem in latere ipsius, custodiebatur liber fœderis. *Deut. xxxi. 26, 27, & Arca Testimonii, Exod. xxvi. 33.* vel etiam *testimonium* ipsum, *Levit. xvi. 13.* quia testabatur de fœdere Dei cum Israël, ejus pignus erat.

*Prædicatur  
abolenda  
tam e re-  
rum natura  
quam e de-  
siderio fide-  
lium.*

II. Prædici hic omnimodam Arcæ abolitionem, non tantum e rerum natura, sed & ex memoria, amore, ac desiderio fidelium, omni opinione sanctitatis typicæ, quæ antehac eximia Arcæ affue- rat, ex animis populi Dei evulsa. Huc pertinet repetitio illa

*Augustinus, Non dicent amplius, non ascendet in cor, non recordabuntur, non visitabunt, vel requirunt, non fiet, non facient, veteri deperdita, novam, vel nullius facient.* Ad quam geminationem, etiam cum

*Idque in si-  
gnum feli-  
cissimi tem-  
poris.*

stupore quodam, attendit miser Aberbanel. III. Prædici hic, non ut comminationem miseræ, qualis erat Arcæ jactura, durante sanctimonia ceremoniarum; sed ut promissionem felicissimi tem- poris, quo Ecclesia illud revera habebit, quod typice olim habe- bat in Arca; umbra non æquo solum, sed & læto animo carens, dum potitur corpore. IV. Addi, Hierosolymam to- tam fore solum gloriæ, quod olim erat in operculo Arcæ. *למי שכל ירושלים היה במדרגת הארון בקדושה ובכבוד*

*Quippe quo  
tota Hiero-  
solyma fu-  
tura esset  
solum glo-  
ria.*

*Nam tota Hierosolyma ob-  
tinebit gradum Arcæ in sanctitate & gloria: inquit Aberbanel.* Id est, Deus se longe gloriosioribus gratiæ suæ indiciis manifestum faciet in universa Ecclesia, ex Judæis fidelibus & Gentibus conversis, in unam civi- tatem sanctam coagmentata, quam olim intra septa sanctuarii. Quæ verba typicam locorum sanctitatem evertunt. V. Hæc omnia be- neficia esse adventum Messiae comitantia, cujus characterismi sunt, multiplicatio & foetificatio populi in terra, confer *Deut. xxx. 5.* etiam præ majoribus, subjugato, & aggregato sibi Edomo: datio pastorum secundum cor Dei, qui, interprete *Kimchio*, sunt, *פרנסי ישראל שידיו עם מלך המשיח*

*Sub Regno  
Messie.*

*Gubernatores Israël, qui comites erant Regis Messie;* eos nos dicimus Apostolos Agni & fidos eorum coad- jutores, ac successores: & denique aggregatio gentium ad Eccle- siam: quæ neque ceremoniis onerari poterant, ut mox ostende- mus, neque ceremoniarum religione manente, sine iis, cum Ju- dæis, in eadem civitate sancta, pacifice vivere. Quorum omnium summa huc redit, Messiam, ea exhibentem, quæ per Arcam ce- teras-

terasque ceremonias adumbrata erant, Arcæ & confimilium typorum sanctitatem omnem; & reapse, & ex animo fidelium, aboliturum.

XXVIII. Excipitur, I. Arcam, quæ Templo secundo defuerat, sub Messia a Deo restitutum iri. Ita *Sepbar Askat Rochel*, quem refutavit Cl. *Hulsus*, ad signum decimum adventus Messiae. II. Sensum vaticinii hujus esse, in tam lætis Israëlitis rebus non fore illi metuendam reliquarum gentium invidiam; neque enim illas bellum moturas, ita ut egredi, atque arcam foederis assumere opus habeant, uti temporibus Eli, & quotiescunque bellum ingruisset, facere assueverant. Non prædici ergo Arcæ abolitionem *אַבְדָּן*, sed *נִסָּה* 11, quoad specialem illius usum in militia. Ita *Jonathan*, *Rimchi*, *Menasse Quæst.* II. in *Leviticum*, alii. III. Ex absentia Arcæ non posse concludi antiquationem ceremoniarum, quum, vigentibus citra controversiam ceremoniis, jam inde a captivitate Babylonica desiderata sit. IV. Decem præcepta, Arcæ olim inclusa, ab omnibus hodieque æterna haberi ac coli. *Menasse ibidem*.

Excipio  
nas.

XXIX. Resp. *Ad Primum*. Esse meram traditionem Judaicam, omni Scripturarum fundamento destitutam, & vaticinio huic Jeremiæ adversa fronte repugnantem.

Arcæ non  
restituitur  
per Mes-  
siam.

XXX. *Ad Secundum*. I. Gratis supponi, præcipuum Arcæ usum fuisse in militia, Assumerunt eam in prælium tempore Eli, sed sinistro eventu, comperti *παύειν αὐτοὺς ἐπὶ τὴν ἀβρόν τοῦ θεοῦ* 11, *strā se in arcam fiduciam collocavisse*. *Joseph. Antiq. Lib. v. Cap. xi.* II. Post dedicatum templum, & solemnem arcæ in illud introductionem, iterum loco mota, & ad militiam evecta nunquam fuit. *1 Reg. viii. 8. 2 Chr. v. 9.* Unde templum vocatur, *requies Jehovæ*, & *Arcæ roboris illius*. *2. Chr. vi. 41.* & *locus quietis pro Arca foederis Jehovæ* *1 Chr. xxviii. 2.* adeo ut onere eam portandi levati fuerint *Levitæ. 2 Chr. xxxv. 3.* Quid ergo novi hic prædiceret Jeremias, si tempore Messiae Arcam non deducendam in prælium vaticinaretur, quum omnes scirent: id tot jam secula nefas fuisse? III. Iterata illa phrasium conduplicatio omnimodam Arcæ abolitionem plane indicat: meritoque de hac expositione dixit *Aberbanel*, *Omnia hæc aliena sunt, Ne unum quidem in textu verbum est de bello & reliquis rebus, de quibus fermocinantur* *וְכֵן לֹא נִחַה רַעֲתִי עִם פִּירוּשׁ הַזֶּה*, & propterea non acquiescit animus meus in explicatione hac.

Non agi-  
tur hic de  
illius edu-  
ctione ad  
prælium.

XXXI. *Ad Tertium*. I. Absentia arcæ in templo secundo, quod honorandum erat præsentia illius, qui per arcam præfiguratus fuit, futuram aliquando typorum antiquationem, jam tum significabat. II. Non argumentamur ex nuda Arcæ absentia, sed ex

Talis aboli-  
tio Arcæ  
antiquatio-  
nem cove-  
nientiarum  
importat.

eo, quod uti non in rerum natura, ita neque in mente, amore, desiderio fidelium futura prædicatur; quodque id ut signum libertatis per Messiam partæ magni beneficii loco promittatur. Quod ante Messiae adventum non ita fuit, quando memoria Arcæ adhuc cara piis erat. III. Argumentamur etiam ex eo, quod Arcæ sanctimonia & gloria cum tota Hierosolyma, tam gentibus quam Judæis habitata, communicanda dicatur, eo sensu, quem mox exposuimus. Unde antiquatio typicæ sanctimonix, quæ in Arca olim præcellens erat, evidentissime concluditur.

Non antiquationem legis Decalogicæ in consideratione sua normali.

XXXII. Ad *Quartum*. I. Leges foederis, cujus symbolum erat Arca, non fuerunt solæ illæ Decalogicæ, sed Mosaicæ omnes: unde liber illas complectens in latere Arcæ collocatus fuit. Symbolo ergo illo foederis ita abolito, & foedus ipsum, & leges in quantum *Conditiones foederis* illius complectebantur, antiquatæ sunt. II. Legum Decalogenicarum a cæteris diversa ratio est. Illæ enim insculptæ tabulis lapideis, & inclusæ fuerunt Arcæ, ut notaretur, eas perennem *sanctimoniam normam* fore, & continuo asservatum iri, in visceribus tam Messiae ipsius, quam corporis illius mystici: quum reliquæ inscriptæ duntaxat essent chartæ vel pergameno, & locatæ a latere Arcæ. Male ergo ex abolitione Arcæ typicæ earum antiquatio concluderetur: quum sculptura earum in lapide, & asservatio intra Arcam, indelebilem illarum inscriptionem & continuam asservationem in cordibus fidelium designaverit.

Ex. 110. 4.

XXXIII. De antiquatione SACERDOTII David cecinit. Ps. cx. 4. *Juravit Dominus, neque penitebit, אָמַרְתִּי עַל דָּוִד בְּלִיכְיִק, tu es Sacerdos in æternum, אָמַרְתִּי דָּוִד מַלְכִּי עוֹלָם, secundum ordinem, vel institutum, Melchisedechi.* Ex quo loco ita olim argumentatus est Apostolus: Heb. vii. 11, 12, 13. Porro si consummatio per Leviticam sacerdotium erat (nam sub hoc sancita lex est populo) quid amplius erat opus, alium exoriri sacerdotem secundum ordinem Melchisedechi, nec secundum ordinem Aarons dici? Mutato enim hoc sacerdotio, necessario quoque legis mutatio fit. Nam is, de quo hæc dicuntur, ad aliam tribum pertinet, de qua nullus attendit altari. Quæ *typologia* ac firma esse, sequentes observationes palam faciunt.

Observationes ad eum locum.

XXXIV. I. Auctorem hujus Psalmi Davidem esse, probat inscriptio *לְדָוִד מִזְמוֹר Davidis Psalmus*, quæ in Psalmorum ab alio compositorum titulis nusquam invenitur. II. Is, cui tam Regnum quam Sacerdotium promittitur, non est ipse David, sed Davidis Dominus, uti ex *אַמְלִיכִי* commatis 4. cum 1. claret. III. Dominus iste Davidis non est Abrahamus, sed Messias. Quia non illi, sed huic ea competunt, quæ hoc Psalmo narrantur, de sessione

sessione ad dextram Dei; de scepro roboris ex Zione orto, de omnibus hostibus positus in scabellum pedum, de populi oblationibus voluntariis, de sacerdotio æterno, &c. IV. Messias non est ex tribu Levi, cui Lege Mosaica adstrictum est sacerdotium; sed Judæ, & ex familia Davidis, ut apud omnes constat. Illi autem sacerdotio fungi ex lege Mosaica fas non erat. 2. *Chro.* xxvi. 18. V. Messias promittitur sacerdotium, & quidem jurejurando, idque æternum. Confer. *Zach.* vi. 13. Quod fieri non potest, lege Mosaica de sacerdotio manente. VI. Sacerdotium illud alius ordinis est atque Aaronici: Melchisedechiani nimirum. Quod cum Levitico simul consistere nequit; tum ob alias causas, quas nunc enucleare nihil attinet, tum imprimis ob diversitatem generis. VII. Si perfectum fuisset sacerdotium Aaronicum, & valuisset consummare conscientias, *peratior* huic non fuisset neque debuisset esse locus. Verum *re arduis sui dimissis* illius locum fecit *sacerdotum.* VIII. Cum mutatione sacerdotii conjuncta est mutatio legis. Quia sacerdotium non solum magna pars, sed & basis omnium ceremoniarum est.

XXXV. Mire se in obscuracione tam illustris loci torquent Hebræi interpretes, quorum *varieque* omnes hic excutere, operæ pretium non est: adeo & multæ sunt, & insubidæ. Eas duntaxat exceptiones perstringemus, quæ plausibiliores sunt, & hypothesebus nostris directius oppositæ. Excipitur ergo, I. Psalmum hunc non Davidis esse, sed a cantore quodam *hebraico* in laudem & gratiam Davidis compositum. Neque ob stare inscriptionem: nam aliquando, etiam in inscriptionibus Psalmorum, Dativi casus notam esse, & significare idem quod בעבר. *propter.* Uti *Ps* lxxii. i. *לשלמה.* Salomoni, sive *pro*, vel *de Salomone.* Imo & eandem *העצמא* לדוד in capite eorum Psalmorum exstare, qui ipsum tamen auctorem non habere videntur, uti *Ps.* xx. & xxi. Ubi cantor pro incolumitate Regis orat, quo nomine, pro se ipso precatum esse Davidem, verisimile non est. II. Cantorem ergo hic per Dominum suum Davidem intelligere. Quem etiam non *Adonai* vocet, nomine sacro, sed *Adoni*, quod humanum ac commune est. III. Vocem כהן non notare hic *Sacerdotem*, sed *Regem* ac *Principem*: ut 2 *Sam.* viii. 18. Ubi filii Davidis vocantur כהנים id est, *Principes aulici*; & 2. *Sam.* xx. 26. ubi Hiram Jairites dicitur כהן דוד. *Princeps Davidis.* Hinc Chaldæum quoque transtulisse אנת מתמני לרבא, *tu constitutus es in Principem.* IV. על דברתי מלכיות, significare, *eo quod tu es rex justitia*, ut sensus sit, tu princeps eris in seculum, longa nepotum abnepotumque serie regnabis, non

Exceptio-  
nes.

quemadmodum Saul, cujus brevis fuit & execrabilis potestas : בנין זכותא דחיותא מלך זכי, *propter justitiam, quia tu es rex justus*, quemadmodum Chaldaeus *ܡܠܟܐ ܕܝܫܬܐ*. Quæ explicatio si obtineat, nihil hic de *ܡܠܟܐ* sacerdotii dicitur.

*Psalms  
hic David  
dem aucto-  
rem habet.*

XXXVI. Resp. Ad Primum. I. Psalmi hujus auctorem si Davidem esse neges, non poteris probare, cum auctorem esse ullius Psalmi eandem *ܡܠܟܐ* habentis. II. Davidis esse, apud veteres in confesso fuit. Ni fuisset, non sumisset id sibi Christus tanquam indubitatum : *Matth. xxii. 43.* ac facile fuisset Phariseis argumentum illud eludere, ad quod obmutuerunt. Chaldaeus idem habet *על יד דוד תשברא*, *Ode per manum Davidis*. III. Non negamus, *ܠ* aliquando Dativi notam esse ; sed hic esse, aut ullibi quando dicitur *דוד*, ut *ܠ* idem significet quod *בדוד*, id vero negamus. Neque enim alia *ܡܠܟܐ* illi Psalmi insigniuntur, quos Davidis esse virtute istius *ܡܠܟܐ* omnes credimus. V. Neque contrarium probant exempla allegata. Nam Psalmo *Lxxii.* non legitur *מזמור לשלמה*, sed *לשלמה* absolute. Tum etiam nihil impedit, quo minus Salomonis sit, exceptus quasi ex ore patris ; sicut & proverbialia quædam conscripsit excepta ex ore matris *Prov. xxxi. i.* Psalmi *xx. & xxi.* quin Davidis censeantur, nihil vetat. Nam quum a Deo injunctum ipsi esset Prophetæ munus, merito dictavit populo eas quoque precandi formas, quibus pro rege suo intercederent : quas ut uno Spiritu canere cum iis posset, non absque ratione de se ipso in tertia persona ut de rege loquitur. Ita se ipsum appellare potuit : *Domini* autem *suum*, sive solus, sive cum aliis canens, se ipsum appellare non potuit. Accedit, quod nomenclatura regis in istis quoque Psalmis altius spectet : & ad Messiam referatur. Quomodo enim alias Ecclesia pro Davide & posteris ejus jam extinctis psallendo oraret ? & quo sensu de rege terrestri hæc caneret, quum nullus talis in Israël'e est ?

*Domini  
Davidis  
Messias est.*

XXXVII. Ad Secundum. I. Gratis sumitur, prædicata hæc Davidi convenire, quum David ea de Domino suo narret. II. Dominus Davidis Messias est ; illius enim servus erat David. Ille ad dextram Dei sedet, proximum a Deo honorem habens : eique cætera omnia in emphasi conveniunt, quæ toto Psalmo prædicantur. III. Is uti *Adoni* vocari potuit a Davide propter Divinæ essentiae excellentiam, ita & *Adoni* merito dicitur propter eminentiam potestatis ac dominii. IV. De Messia etiam antiquiores Judæi Psalmum hunc explicarunt ; quorum testimonia exstant apud *Munsterum*, in hunc Psalmum : & *Coccejum ad Hebræos Cap. vii. §. xii.*

*Significatio  
voci ביהוה*

XXXVIII. Ad tertium. I. Licet vox *ביהוה* Politicam aliquando dignitatem notet, nunquam tamen Regia Majestas eo vocabulo expri-

exprimitur. Cohen, ut *Aben Ezra* bene observavit, significat משרת, ministrum, qui Regi proximus est. Est autem Rex, cui imperium est in conscientiam, qualis Rex solus est Deus; & est Rex, cui imperium est in corpus, quales sunt ἀρχαίτορες hujus mundi. Itaque & duplex est *Coben*, vel respectu Dei, vel respectu regum. Respectu Dei *Cobanim* dicti sunt, qui præerant populo in peragenda re Divina; quia Deo proximi videntur. Respectu regum illi *Cobanim* sunt, qui sunt regibus proximi. Eo sensu Hiram Jairites *Coben* Davidis dicitur, & Davidis filii *Cobanim*: id est, uti exponitur 1 Cbr. xi. 17. ראשנים ליד המלך, *Primarii prope Regem*. Ad cuius dignitatis communionem, si Judæis credimus, quia admissus non erat Absalomus, hinc occasionem nefandæ illius conspirationis sumsit. Neutro autem sensu David Rex *Coben* dici potuit. Non priori, quia כהונה, sacerdotum penes solos Aaronidas erat. Non posteriori, ita enim ipse suos כהנים habebat. Messias autem ita Rex est, ut simul Sacerdos sit: plane sicut Melchisedec, qui utroque munere distincteungebantur. Eo enim nos ducit Spiritus S.

XXXIX. Ad *Quartum*. Peccari *naqamnia* phrasios, על דברתי מלכיצרק. Nam I. מלכיצרק semper in Sacris Literis nomen proprium est. *Regem justitia* appellative dicerent Hebræi מלך צדק. II. על דברתי, nunquam significat eo quod, sed, si ponatur uti hic, secundum ordinem, vel rationem. Eccl. iii. 18. & viii. 2. si sequatur ו Hebraice, vel רי Chaldaice, ea intentione, vel ratione ut. Eccl. vii. 14. Dan. ii. 30. & iv. 14. Quum ergo neque כהונה, neque מלכיצרק, neque על דברתי, id significant, quod Hebræi volunt, infracta vis argumenti nostri manet.

XL. Atque eventus sane prophetiam hanc confirmavit. Quippe circa illud tempus, quo verus Melchisedec noster sacerdotio suo fungi coepit, Levitico suus honos periit, donec tandem plane extinctum est, sine ulla spe restitutionis, omni tribuum distinctione confusa. Ne Judæis quidem id in observatum præteriiit, quorum hæc exstat sententia, in *Misna*, Titulo *Sota*, Cap. ix. משמת רבי ישמעאל בן פאבי במר זו הכהונה, ex quo mortuus est Rabbi *Ismaël, Filius Fabi*, cessavit splendor Sacerdotii. Hic autem a *Valerio Grato*, sub *Tiberio Cæsare*, Judææ Præsides, Pontifex constitutus est. Circa hoc tempus sacratissimum illud munus pila redditum est ac ludus, & profligatissimus quisque, prout favore vel muneribus apud Romanos præsides pollebat, foeda ambitione, pessimisque artibus eo grassabatur. Atque eo tandem profanitatibus ac nequitia deventum est, ut non tantum fuerint Pontifices sortito electi, sed & per sortem Pontificatus in Phanniam quandam

*Melchisedec est nomen proprium.*

*Sacerdotio Levitico circa Christi tempora omne decus periit.*

inciderit, qui non modo erat ἀνάξιος ἀρχιερεὺς, ἀλλὰ καὶ ἱερεὺς οὐκ ὀρθῶς, ὅτι καὶ οὐκ ἔστιν ἐκ τῆς ἀρχιερείας, Pontificatus indignus, sed & ob rusticitatem, quid Pontificatus esset, omnino non dignosceret. Hunc tamen per summum ludibrium, invitum etiam rure avulsam, & velut histrionem aliquem in scenam protractum, ac sacra veste indutum, personam Pontificis agere coegerunt: cui infantis instar pædagogi in horas admoti a quibus abmoneretur, quomodo theatro servandum esset, & tuendum schema. Quod ἀρίστων, uti merito id vocavit Josephus, satis ostendit, non amplius Deo curæ esse id munus: postquam verus Sacerdos secundum ordinem Melchisedeci apparuit.

Joseph. De  
Bello Ju-  
dæi. Lib. 4.  
Cap. 12.

Dan. 9. 27.

XLI. A Sacerdotio ad SACRIFICIA transeamus. De quorum cessatione Daniel Cap. IX. com. ult. Corroborabit vero fœdus multis septimana una, & in medio septimana יְשִׁבִית וְכֹחַ מְנַחֵם cessare faciet sacrificium & munus.

Describitur  
tempus Mes-  
siae.

XLII. Notandum, hic. I. Sermonem esse de temporibus Messiae, qui Num. 25. vocatur מֶשִׁיחַ הַנֶּגֶד, Princeps, מֶשִׁיחַ נְאֻם אֱלֹהִים, sic dictus, confer. Jes. LV. 4. cujus est cobibere defectionem, obsequare peccata, expiare iniquitatem, adducere justitiam aeternam. Num. 24. Quæ solius veri Messiae officia & beneficia sunt.

Cui attri-  
buitur abo-  
litione sacri-  
ficii.

XLIII. II. Prædici abolitionem Sacrificii & Muneris, & quidem per Messiam. Is enim, qui corroboravit fœdus multis, quem melioris pæcti sponsores vocat Paulus, Heb. VII. 22. idem sacrificia faciet cessare. Quicquid autem Messias facit, sine dubio rectum est: quum ad minimum Propheta sit fidelis in tota domo Dei.

Tam de ju-  
re, quam  
de facto.

XLIV. III. Abolitionem istam tam de jure esse, quam de facto. De jure fit per introductionem novi fœderis, confirmati non hostia vel sanguine brutæ pecudis; sed oblatione ipsius Messiae, agni illius inculpati, cujus sanguis est sanguis novi testamenti fusus ad veram remissionem multis impetrandam. Hinc prædicitur futuram abolitionem sacrificiorum in medio septimane illius, qua exsuscitandus erat Messias, animam suam ponens ὁὐκ, vicariam pro reatu Jes. LIII. 10. Cujus sacrificium typicis sacrificiis finem imponebat. Et abolitio sacrificiorum cum confirmatione Novi fœderis jungitur. Eo enim per sacrificium Christi obsequato, per Apostolos prædicato, & effusione Spiritus Sancti plurimisque miraculis roborato, sacrificia brutarum animantium, quæ Veteris fœderis pars magna erant, omnem virtutem & dignitatem suam mox amiserunt, atque ita de jure abrogata sunt. De facto, non multo post in excidio urbis & templi: cum eo enim sacrificia omni cessarunt. Refert Josephus, Titum sacerdotibus templo exusto, vitam deprecantibus

cantibus, respondisse, periisse id, cuius eos gratia merito servasset, decere autem sacerdotes una interire cum templo. Cui consonum est, quod Chrysostomus narrat, Judæos Juliano hortanti, ut sacrificarent prisco more, dixisse, *ὁ βέλους ἡμῶν θύεται διὰ τοῦ ἀποδοῦναι τῷ πάλῳ, ἀνίσταται ἡμῶν τὸ ἱερὸν, καὶ θύομεν καὶ τὸν καθάρως πρῶτον.* Si velis nos sacrificantes videre, redde nobis urbem, reedifica templum nostrum, & sacrificabimus & nunc sicut antea: Quod quum ex odio Christianismi profanus Imperator moliretur, sumtibus etiam de publico suppeditatis, forti sua manu Deus impedivit: ostendens, non placere sibi nova sacrificia. Historiam non nostri solum scriptores habent, sed & ex Gentilibus Ammianus Marcellinus Lib. XXIII. & ex Judæis Zemach David parte II. p. 36. Utraque sacrificiorum abolitio Messiae adscribi potest: ea quæ de jure est, qua Sacerdoti, oblato meliore sacrificio, & qua Regi, religionis ritus Ecclesiæ præscribenti: ea quæ de facto est, ipsi competit, qua Vindici Majestatis ac Gratiae suæ, insuper habitæ a rebellibus Judæis, quem in finem Tito & copiis ipsius ut ministris suis usus est.

XLV. IV. Abolitionem sacrificii & muneris inferre abolitionem totius cultus ceremonialis. Non solum quia sacrificia præcipuam ceremoniarum partem faciunt, & de similibus simile est judicium; sed & quia sacrificii nomine totus cultus externus quandoque designatur: uti Hof. VI. 6. *כִּי חֹסֶר הַפִּצְתִּי וְלֹא זָכָה*. Quia misericordia deletor, & non sacrificio. חֹסֶר, quod Septuaginta hic vertunt per ἵκεν, sicut & Matthæus Cap. XII. 7. significat *ἐκείνην*, (quæ vox ab Hebræo חסדות, vel Chaldaico חסדיות aperte satis derivatur) sive studiosam dilectionem Dei. חסד autem est illa interna animi puritas sanctitasque eas omnes virtutes complectens, in quibus est imago Dei. זָכָה ergo, ut justa sit oppositio, totum externum & ceremoniale cultum designabit. Quod observasse etiam Kimchi videtur, qui sacrificium explicat *בבית המקדש* cultum Domini in domo sanctuarii. Judæorum cæcorum ac stultorum super hoc Danielis vaticinio interpretationes tam alienæ a verbis textus, a designatione temporis, & ab historia rerum gestarum sunt, ut se ipsas refutent ac convellant. Si quis explosas eas videre cupit, adeat C. l'Empereur in Daniele, & Cl. Viros, COCCEJUM, HOORNBECKIUM, HULSIUM, in Scriptis suis anti-Judaicis.

XLVI. Nec contentus Spiritus, qui per Prophetas loquebatur, de cessatione ceremoniarum vaticinari, ea quoque prædixit Messiae diebus sacra fore, quæ Veteribus institutis plane repugnant. Sacerdotes & Levitæ ex quibuscunque Gentibus se sibi sumtutum:

De bello  
Jud. Lib.  
7. Cap. 15.  
juxta Ias.  
nam, &  
juxta Gra-  
cam Dis-  
tinctionem.

Orati. 3.  
contra Ju-  
daeos.

Qua imper-  
tas abolitio-  
nem totius  
cultus cere-  
monialis.

Multa ali-  
bi promit-  
tuntur, qua  
ceremoniis  
repugnant.



Jes. LXVI. 20, 21. In omni loco suffimentum & munus purum nomini suo oblatum iri. Mal. I. 11. In media terra Ægypti altare sibi gratum fore. Jes. XIX. 18. Tintinnabulis equorum inscriptum iri, SANCTITAS JEHOVÆ, quod soli olim laminæ aureæ pileo Pontificis affixæ insculptum erat; omnesque ollas Hierosolymis ac in universa Judæa sacras sibi futuras esse Zach. XIV. 20. 21. gratiose pollicitus est Deus. Quæ cum antiquis Levitarum & Aaronidarum privilegiis, & sacrario terrestri, & Canaanis, prærogativa, & apparatus Pontificalis speciali sanctitate, conciliari non possunt. Aliis se sacris colendum Deus innuit, quæ nullis priscorum rituum formulis adstricta, a quovis fidei, ubivis locorum, spiritu & veritate rite peragantur.

*Ha debuerunt antiquari.*

XLVII. Ad TERTIUM nunc veniamus, ostendamusque, ceremonias debuisse antiquari tempore Messiae, neque potuisse fieri, ut aliter sit. Quod demonstrari potest dupliciter: primo si *Material* ceremoniarum consideremus, in quantum sunt actus obedientiæ, lege dogmatum præscriptæ: dein si ad *Formale* earum attendamus, in quantum fuere typi, & umbræ. Neutro modo locum habere possunt in regno Messiae. Prius sic evinco.

*Nam sub Messia vocanda sunt Gentes.*

XLVIII. Constat ex Prophetiis, per Messiam magnam Gentium multitudinem ad communionem Dei & Israëlitis vocandam esse. Futurum esse ut alliciat Deus Japhetum & habitet in tentoriis Semi, Gen. IX. 27. ut in semine Abrahami benedicant sibi omnes nationes terræ. Gen. XXII. 18. ut Messiae sit obedientia populorum. Gen. XLI. 10. ut Ægyptii & Babylonii memorentur inter eos, qui norunt Jehovah, & de Palæstino ac Tyrio, cum Æthiope, dicatur; genitos, eos esse Zionem. Ps. LXXXVII. 4. Et omnes gentes confluant ad montem domus Jehovah Jes. II. 2. & Israëlitarum gens sit tertia Ægyptiæ atque Assyriæ, dicatque Dominus, Benedictus populus meus Ægyptius, & opus manuum mearum Assyrius, & possessio mea Israëliticus Jes. XIX. 24, 25. & quæ id genus sine numero plura, passim in Sacris Literis reperire est.

*Qua iisdem legibus paritura sunt, quibus Israelita.*

XLIX. Porro tam Israëllem, quam gentes conversas iisdem legibus parituros, ejusdemque religionis vinculo religatos fore, Jesaias testatur Cap. XLII. 4. *Et in Lege ipsius (Messia) insula expectationem habebunt.* Iterumque Cap. II. 3. *Ibuntque populi multi, dicentes: venite & ascendamus in montem Jehovah, in domum Dei Jacobi, ut doceat nos de viis suis, & ambulemus in itineribus ejus. Nam Zionem prodibit lex, & verbum Jehovah Hierosolymis.* Addit, non fore, ut alienigena, qui se adjunxit Jehovah, dicat, omanino discrevit me Jehova a populo

populo suo : sed ex aduerso vel Eunuchis in domo Dei & intra muros ejus spatium detur , & nomen melius quam filiarum *Jes. lvi. 3. 5.* id est , æquo jure , in re religionis , conuersas gentes cum Israëlitis usuras. Huc facit etiam illud *Zephan. iiii. 9. 10.* Tunc enim conuertam ad populos labium patrum , quo inuocent omnes nomen Jehoua , colendo eam humero uno. E partibus transfluvialibus *Æthiopia* , supplices mei , cum filia disperforum meorum , afferent munus meum. Adde *Zach. xiv. 9.* Erit Jehoua Rex super totam terram : die illo erit Jehoua unus , & nomen ejus unum. Unius Dei unus erit cultus , una veneratio. Ipsi quoque id Judæi passim docent , Messiae tempore plurimas gentes ad Deum Israëlitis convertendas esse , & tunc ambulaturas בארץ אריתיה in doctrina legis illius , ut Chaldaeus loquitur ad *Jes. ii. 3.* & unam communem cum Israëlitis Legem amplexuras , ut *Menasse* scribit , de *Resur.* Lib. ii. Cap. iiii. atque adeo in unum coalituras populum cum Israël , eorundem privilegiorum consortes , quippe profelytos justitiae.

L. Id quando futurum est , palam est , non posse fieri ut ceremoniarum veteres ab omnibus Messiae subditis observentur. Quo pacto enim votorum & decimarum exsolutio , primogenitorum oblatio , Paschatis , Pentecostis & Scenopegiae observatio , quæ adstricta fuere loco , quem elegerat Dominus , obligare poterunt eos , qui longo intervallo a Judæa distabunt ? Et quomodo homines in extremis terrarum finibus habitantes , ob quævis peccata , ob quasvis pollutiones Hierosolymam adire , sacrificia ibi sua offerre poterunt , vitandæ execrationi ? Qua ratione foeminae , modo partu levatae , tam longum iter ingredi , seque in loco a Numine electo ad imperata sacra sistere ? Unde tot pecudes , tot sacerdotes , tot altaria , quæ sacrificiis omnibus sufficiant ? Quæ capiendis tot hominibus regio , nedum urbs ampla satis sit ? Portas Hierosolymæ extensum tunc iri usque ad Damascum , si bene memini , *Menasse* alicubi nugatur ; sed si eadem opera ultra portas Caspiae produxisset , commodius prospectum fuisset tam immenso ad sacra properantium confluxui. Pone casum lepræ incidere , & domum aliquam contagio illa foedari ; de qua *Leuit. xiiii.* an sacerdotibus excurrendum erit ad Scythas , Sauromatas , Indos , ac toto divisos orbe Britannos , atque ultimam Thulen , ut dijudicent de scabie ? & quæ plurima talia urgeri possunt : quæ ex veteribus *Eusebius* , *Libro. i. Demonstr. Evang.* ex recentioribus *Spanhemius* , *Dubior. Evan. Part. xii. Dub. cxii* copiose atque erudite fecerunt.

Ll. Dicas fortean , dispensationem quandam ac relaxationem habere legum impossibilem concessum iri a Domino. Verum , ubi

QEC. FOED.

Tttt

dispen-

Quo tempore fieri non potest , ut ceremonie ab omnibus Messiae subditis observentur.

Necque potest dari ratio , cur a-

*Ma aliis  
magis obli-  
gati.*

dispensationis vel relaxationis hujus promissio? An non eodem modo hæ leges cum cæteris latæ sunt? An non duratio earum itidem extensa לעולם in seculum, quod alias tantopere nobis obiectant? An non hæ, & quæ iis similes sunt, potissimam constituunt ceremonialium partem? Atque harum si religione exsolvi animi queant, quidni & cæterarum, quæ ejusdem sunt conditionis?

*Aliter cere-  
moniarum  
observatio  
impossibilis  
est, aliter  
perfecta  
præstatio la-  
gis Moralis.*

LII. An vero nihilo magis desinent obligare, quod impossibilis sit earum observatio, quam nos docemus legem Moralem obligare, licet, etiam illius perfectam præstationem impossibilem esse statuamus? Cæterum quis non videt, nimiam hic esse diversitatem? Quod Moralis lex perfecte nunc præstari non possit, ex accidenti est, per corruptionem nostram. Quod hæ leges sub Messia regno observari non queant, ex ipsarum legum natura provenit, sine ulla hominum culpa. Atque ita demonstratum est, ceremonias, in quantum actus sunt obedientiæ antiqua lege præscriptæ, in Ecclesia universali ex Judæis Gentibusque collecta, sub, Rege Messia, observari non posse.

*Typicum il-  
lud, quod  
in ceremo-  
niis est, fa-  
cis, ut post  
consumma-  
tionem  
Messia ob-  
servari non  
possint.*

LIII. Manifestius id erit, si præterea *Formale* ceremoniarum attendamus. Scilicet est in ceremoniis jugum, quod libertatis tempore infringi debuit. Est pædagogia & exprobratio pueritiæ, quæ adulta ætate non potest habere locum. Est septum parietis intergerini, confringendum, quando, omni nationum discrimine sublato, Messias futurus est omnia in omnibus. Est inimicitia abolenda eo tempore, quo Messias pacem annuntiaturus est Gentibus, tam cum Israël, quam cum Deo. Est denique chi-rographum, testimonium perhibens de reatu necdum expiato, & solutione nondum facta: quod, omnibus per Messiam consummat, tollendum est de medio, ne ullum Dei institutum contra veritatem & Filium Dei testari comperiatur. Omnem significationem ceremoniarum, veramque earum virtutem vel ignorant vel ever-tunt, qui post *redemptionem* Messia earum religione obstringunt conscientias

*Gradus ab-  
olitionis  
ceremonia-  
rum.*

LIV. QUARTUM nunc superest, ut processum hujus abolitionis, variosque illius gradus exponamus: quos hoc ordine digerimus. I. Christo jam præsentem & patefacto Israël ceremoniarum de fulgore suo multum amiserunt, uti quum stellas præstinguit ætherus sol. Obligabant quidem, Christo necdum per passiones consummato, sed prope erant, ut abolerentur. *Dicit ei Jeshu, Mulier, crede mihi, venit tempus, quando neque in monte hoc, neque Hierosolymis adorabitis Patrem. Venit tempus, & nunc est, quum veri adoratores adorabunt Patrem in Spiritu ac Veritate. Job. IV. 21. 23.* Huc perti-

pertinet præconium Johannis , identidem inclamantis , prope esse Regnum Cœlorum. II. De jure abrogatæ sunt morte Christi. Nam omni earum præsignificatione typica in Christo impleta , & sanguine novi Testamenti fuso , & reatu , cui exprobrando destinatæ erant , expiato , quo jure pristinam sibi stationem suam emeritæ nuper ceremoniæ deposcerent ? Hinc Christus , *Chirographum cruci affixum e medio sustulisse* , dicitur. Col. II. 14. & *per carnem suam* , ea nimirum per mortem fracta , *legem præceptorum in ritibus abolevisse*. Eph. II. 15. Scilicet caro Christi , velum erat. Ea adhuc integra , via recens ac viva ad sacrarium coeleste non ita patebat. Heb. x. 20. Nam quamdiu Christus nondum consummatus erat passionibus , ceremoniæ , consummationem illam exigentes , in vigore suo erant. Sed simulac in morte Christe ultimus solutus est quadrans , ceremoniarum velo ac septo disjecto , liber ad Deum accessus est. Quod per scissum , moriente Christo , templi velum , significatum , confirmatumque est. III. Abrogationem istam declaravit , roboravit , obsignavit Deus , per suscitationem Christi ex mortuis , ejusque in cœlum assumptionem , & effusionem uberrimam Spiritus Sancti. Tunc enim chirographo substituta est apocha : is , qui hactenus elementis mundi , æque ac cæteri Numinis cultores , serviverat , una cum suis collocatus est *in vasis irruentis* , ubi nulla talis servitus habet locum : datusque est Spiritus , lætioris foederis sigillum. IV. Hæc tamen libertas ipsis quoque Apostolis aliquandiu non satis cognita fuit , donec de ea Petrus coelesti visione edoceretur. Act. x. 11. V. Dein solemnî decreto Synodi Apostolicæ , præsidente Spiritu Sancto , statutum est , non imponendum jugum cervici discipulorum , præter paucula ad istud tempus necessaria , videlicet *ut abstinerent ab iis , quæ sunt immolata simulacris , & sanguine & suffocato* , quibus adjungitur , licet alius generis sit , *scortatio*. Act. xv. 10. 28. 19. VI. Postmodum harum quoque rerum , excepta scortatione , quæ morali legi repugnat , libertatem prædicavit Paulus. I Cor. viii. 4-8. & x. 25-29. VII. Quia tamen Judæi , qui Christo nomen dederant , ceremoniis assueti , difficulter admodum ab iis abducebantur , ad vitandam infirmorum offensionem , juxta charitatis ac prudentiæ Christianæ regulas , Apostoli , alique cum ipsis fideles , ceremoniis libere utebantur , non cum opinione sanctitatis , sed ne teneras conscientias vulnerarent , & ut omnibus se accommodantes quosvis Christo lucrificerent. vide Act. xxi. 22-- VIII. Sed postquam jam satis de libertate sua edocta videbatur Ecclesia , & ceremoniarum amor non infirmitas amplius sed pervicacia erat , noluit Paulus , libertatis

Christianæ insidiatoribus vel ad horam cedi, Petrumque iusto remissius agentem acriter increpuit: *Gal. II. 5, 14.* & hortatus est singulos, ut perstarent in libertate, qua nos liberavit Christus, & ne regredientes implicarentur servitutis iugo, neve inutilem sibi ipsum Christum redderent. *Gal. v. 1, 2.* IX. Denique in destructione Hierosolymæ ac templi re ipsa sublata, suisque veluti ruderibus tumulata omnes ceremoniæ sunt, non revivificandæ in æternum. Confer ea, quæ de Circumcisione diximus *Cap. VIII. §. XXI.* & sequentibus.

## CAP. XV.

*De Bonis Testamenti Novi.*

*Transitus  
ad bona  
Test. Novi.*

I. **U**Ti nocturnæ tenebræ non dispelluntur nisi per surgentis auroræ jubar, ita non aliter antiquatum est Testamentum Vetus, quam per institutionem Testamenti Novi. Quæ quo primum tempore fieri cœperit, quibus gradibus processerit, quibus periodorum spiramentis confirmata ac consummata sit, superioris Libri Capite tertio exposuimus. Nunc de Testamenti illius Novi BONIS primum, tum SACRAMENTIS dicendum est: reliqua ex iis, quæ de Foedere Gratiae *ἀγάπης* considerato disseruimus, & ex collatione cum iis, quæ de Testamento Veteri fusius disputavimus, per se obvia sunt.

*Horum &  
narratio.*

II. Bona Novi Testamenti hoc ordine enarramus. I. Primum est Exhibitio Messiae Consummati. II. Evangelium *ἀγγέλιον*. III. Vocatio Gentium. IV. Spiritus lætioribus uberior mensura. V. Libertas major ac melior. VI. Reductio Israël. VII. Totius Ecclesiæ nova vita ex mortuis.

*I. Bonum  
exhibitio  
Messia.*

III. PRIMUM gloriationis nostræ caput & summa felicitatis præ iis, qui expectarunt consolationem Israël, est, quod *Iesus Christus in mundum venit.* *1 Tim. I. 15.* Ille ab initio promissus, tot typis adumbratus, tot votis expetitus, tot seculis expectatus, in plenitudine temporis, eo loci, ex ea tribu ac familia, eo modo, ex virgine, prodiit, & in carne apparuit, quo modo Messiam venturum esse dudum sacri vates cecinerant. *Ex intima misericordia Dei nostri invisit nos Oriens ex alto.* *Luc. I. 78,* Invenimus illum, de quo scripsit Moses in Lege, & Prophetæ, nempe Jesum, filium illum Josephi, illum ex urbe Nazareta. *Joh. I. 46.* Quod ingentis gaudii materiam esse Bethlehemiticis pastores Angelus monuit, & canticis suis non

non Maria modo, & Zacharias, & Simeon, sed & totus coelestium Angelorum chorus comprobavit. Confer. Zach. ix. 9.

IV. Neque exhibitus modo Messias est, sed & Consummatus per passionibus. Heb. ii. 10. Atque ita ταλαιφάνος ἱερέως πατρὶς ἀδικοῦς εὐαγγέλιος διάνους. Heb. v. 9. Est enim in passionibus & morte Christi vera expiatio, expunctio, deletio peccatorum nostrorum, est adductio iustitiæ æternæ, est scissio & abolitio Chirographi, est λύτρωσις æterna.

Consummatus passionibus,

V. Nec hoc tantum, sed & in gloriam assumptus, & in throno Majestatis suæ collocatus, regnum coelorum nobis adduxit, submotis iis omnibus, quibus spirituale ac mysticum Dei in conscientias regimen, quod libertatis est, olim obscurabatur. Regnum illud Messiae quum-Spiritu sibi præfiguraret David, lætus cantabat, *Jehova regnat, exsulet terra; latentur regiones plurimæ. Ps. xcvi. 1. Jehova regnat, commoveantur populi. Ps. xcix. 1.* Hoc est illud regnum coelorum, quod prope esse toties Baptista inclamabat: & de quo monebat Dominus, esse ex auditoribus suis, qui nequaquam mortem gustaturi essent, donec viderint Filium hominis venientem in regnum suum. Matth. xvi. 28. Non potest non jucundissimum esse omnibus iis, qui diligunt Dominum Jesum, cernere illum nunc gloria & honore coronatum, qui paulisper fuerat inferior factus Angelis propter mortis perpeffionem. Heb. ii. 9. Magnum hoc bonum gravibus verbis exposuit Apostolus. i Tim. iii. 16. *Deus conspicuus factus est in carne, justificatus est in Spiritu, conspectus est ab Angelis, prædicatus est Gentibus, fides illi habita est in mundo, sursum receptus est in gloriam.* Porro in hujus boni fruitione magnam felicitatis nostræ partem sitam esse, Servator ipse docuit. Matth. xiii. 16, 17.

Et assumptus in gloriam.

VI. SECUNDUM Bonum est Evangelium Regni, quod Deus ante promiserat per Prophetas suos in Scripturis Sanctis. Rom. i. 2. Evangelium scilicet consummationis, quod quum primum enarrari cepit per ipsum Dominum, ab iis, qui ipsum audierant, confirmatum fuit. Heb. ii. 3. Fuit enim tacitum hoc mysterium a temporibus secularibus. Nunc vero factum est manifestum, & per scripturas Propheticas, ex imperio æterni Dei, ad obedientiam fidei omnibus gentibus notificatum. Rom. xvi. 26. Non quod nullum fuerit evangelium antea: nam & antiquis olim evangelizatum est. Heb. iv. 2. Sed quod ista futuræ gratiæ annunciatio fuerit προεὐαγγελισμός Gal. i. 8. Hæc autem gratiæ præsentis prædicatio sit evangelium ἐπιχρῆμα. Hinc uti argumentum præsentis Messiae memoratur, quod evangelizetur pauperibus. Matth. xi. 5.

II. Bonum, Evangelium Regni.

VII. Porro evangelium Novi Testamenti has habet præeminentias. I. Quod Christum præsentem prædicet, & omnia ea consummata

Hinc præeminentia.

summata narret, quæ olim ut longe post futura prædicebantur. I Cor. II. 7--10. II. Quod sine figurarum involucris & ænigmatum ambagibus, perspicuis verbis, omnia ea quæ communem salutem spectant edisserat. 2. Cor. III. 14. III. Quod seposita severitate ista, quæ ex œconomia legali prisca verba gratiæ plurimo rigore temperabat, suavissimis nunc & uberrimis consolationibus animos fidelium demulceat: unde *ministerium justitiæ*. 2 Cor. III. 9. & *verbum reconciliationis* dicitur. 2 Cor. V. 18. *Palatum Sponsi nostri mera dulcedo est*. Cant. V. 17. Et de servis ejus cecinit Jesaias Cap. LII. 7. *Quam jucundi sunt super istos montes pedes evangelizantis!* &c. Adde Jes. XL. 1-- & LXI. 1-- & LXVI. 10, 11, 12. IV. Quod copiosius nunc in nobis habitet: & pluribus, & frequentius, & cum majore demonstratione Spiritus, atque penitioris insinuatione in conscientia, prædicetur Rom. X. 8.

III. Bonum,  
Vocatio  
Gentium.

VIII. TERTIUM Bonum est Vocatio Gentium per evangelium, quæ Messiæ consummationem consecuta est: juxta promissum Ps. II. 8. *Pete a me, & donabo Gentes possessionem tuam, & fines terræ jns possessionis tuæ*. Adde Jes. XLIX. 6. Luc. II. 40. Virtutes Dei in mirabili hoc opere resplendentes, imprimisque impervestigabiles opes patientiæ, bonitatis ac multiformis sapientiæ Dei in Christo, magnifice Paulus deprædicavit, quum alibi, tum imprimis Eph. II. & III. *Et sane quis non ipsa rei mirabilitate obstupescat* (merito cum Eusebio exclamamus) *quum eos, qui a condito ævo lapidibus, & lignis, & daemonibus, bellisque humana carne victitantibus, & reptilibus venenatis, animalibusque omnis generis, & feris informibus, ignique, & terræ, & ipsius universi inanimatis elementis, Divinum honorem & causam tribuebant, Altissimum Deum, & celi ac terræ opificem, ipsum utique prophetarum Dominum, Deumque Abrahami & avorum ejusdem, post Servatoris nostri adventum, videant, invocantes?* Lege Iodes, quæ sequuntur: nam prolixum est omnia describere. Hæc faciunt, ut vel eo ipso certissimus, Dominum nostrum Jesum verum unicumque Messiam esse, cujus verbo, Spiritu ac ministerio tam stupendum opus peractum est, cui simile vel suppar ab omni retro antiquitate neque vidit, neque audivit quisquam.

Demonst.  
Evang. Lib.  
I. Cap. 6.

Peracta per  
Apostolos  
nullis seculi  
praesidiis in-  
structos;

IX. Notandum autem, I. Peracta hæc esse per Apostolos Christi, eorumque *congregis*, nulla secularis sapientiæ claritate conspicuos, nulla Græcæ Romanæve eloquentiæ suada instructos; nulla humana ope suffultos; sed frementibus inferorum portis adversantibus rerum dominis timendisque tyrannis, oggannientibus tumidorum philosophorum scholis, nuda veritatis admirandæ ac ferme incredibilis ad conscientiam demonstratione: ut Dei Christique ejus gloria

ria tanto luculentius effulgeat, quo vilioribus, ac rei gerendæ minus idoneis instrumentis usus est. I Cor. II. 4. 5.

X. II. Admirabili celeritate regnum Christi erectum esse in Gentibus. Nam sicut fulgur coruscans ex una regione, quæ sub celo est, in alteram, quæ sub celo est, splendet: ita fuit Filius hominis in die illo suo. Luc. XVII. 24. Prædixerat id cum stupore quodam Jesaias Cap. LXVI. 7. 8. Quum nondum parturiret, peperit; quum nondum invaderet eam dolor, posuit matrem. Quis audiret rem hujusmodi? Quis vidit talia? An efficeretur, ut pariat terra uno die? an gigneretur gens vice una? quod parturit, simulque parit Zion filios suos.

Admirabilis  
celeritate

XI. III. Latissime se vocationem hanc extendisse. Rom. X. 18. In omnem terram exivit sonus eorum, & in fines orbis terra verba eorum. Col. I. 6, 24. Mar. XVI. 20. Tertullianus, adversus Judæos Cap. VII. In quem enim alium universa gentes crediderunt, nisi in Christum, qui jam venit? Cui enim aliæ Gentes crediderunt, Parthi, Medi, Elamitæ, & qui habitant Mesopotamiam, Armeniam, Phrygiam, inmorantes Egyptum & regionem Africa, quæ est traus Cyrenem, Romani, & incolæ, tunc & in Hierusalem Judæi, & gentes ceteræ, ut jam & Getulorum varietates, & Maurorum multi fines, Hispaniarum omnes termini, & Galliarum diversa nationes, & Britannorum inaccessa Romanis loca Christo vero subdita, & Sarmatarum, & Dacorum, & Germanorum, & Scytharum, & abditarum multarum gentium, & provinciarum, & insularum multarum, vobis ignotarum, & quæ enumerare non possumus? In quibus omnibus Christi nomen, qui jam venit, regnat. Pari eloquentia hanc coelestis gratiæ ubertatem celebravit Hieronymus, In epitaphio Nepotiani ad Helioderum, & in Epistola ad Latam, aliique passim Patres, in tanta Novi Testamenti felicitate gestientes. Non tamen existimandum est, nullum orbis fuisse angulum, ubi nomen Christi prædicatum non sit. Neque enim credibile est, in Americam, ignotasque tunc cætero orbi regiones, Apostolos transfretasse. Innuitur duntaxat ista phrasium universalitate, nullo terrarum gentiumve discrimine, extra anni solisque vias, longe lateque propagatum Christi Evangelium esse. Confer phrasas Rom. I. 8. Luc. II. 5.

Longe late  
que se exten-  
denti.

XII. IV. Non itum esse ad gentes, nisi postquam a Judæis abjectum spretumque esset evangelium. Per eorum offensam salus ob-  
tigit gentibus. Eorum offensa fuit opulencia mundi. Rom. XI. II, 12. Cujus loci commentarium habemus. Act. XIII. 46, 47. ubi ita Paulus ac Barnabas: Vobis (Judæis) necesse fuit primum exponi sermonem Dei: postquam autem illum repellitis, & indignos vos ipsos decernitis æterna vita, ecce, convertimus nos ad gentes. Ita enim nobis præcepit Dominus &c. Adde Act. XVII. 6.

Non obsequio  
gentibus, nisi  
postquam  
spreta esset  
Judæis.



*Antequam  
ante ever-  
sum Judae-  
orum poli-  
tiam.*

XIII. V. Non tamen Judæorum politiam everfam esse, antequam regnum Messiae illustre factum esset in gentibus. *Mat. xxiv. 14.* Et predicabitur Evangelium regni in toto terrarum orbe, ut sit testimonio omnibus gentibus; & tunc veniet finis; scilicet Hierosolymæ ac templi. Quod sapienter oppido ita a Deo constitutum est. Eo quippe pacto I. Ne umbra quidem excusationis ingratis Judæis relicta est. Nam qui potentiam ejus brevissimo temporis spatio per totum orbem quasi fulgur rutilasse viderunt, quam veniam habebunt in duritie permanentes? Est hæc *Chrysostomi* observatio, *Serm. 76. in Matthæum.* II. Voluit per præconium evangelii toti mundo innotescere crimina Judæorum, patratum in Christi parricidio scelus, & obstinatam præfractamque malitiam, omnem veniæ oblationem pertinaciter rejicientium; antequam in populum tot sibi nominibus obstrictum tam terribilem vindictam exerceret; ut nationes omnes cogerentur justitiam illius cum tremore adorare. III. Noluit veterem populum ultimo excidio abdicare, antequam novum sibi e gentibus collegisset: neque lapideum templum anathemate percutere, nisi post ædificatum spirituale e lapidibus vivis. Non enim fas erat, Christum Regem esse sine regno.

*IV. Bonum,  
Spiritus U-  
berior ac  
Latior.*

XIV. QUARTUM Bonum est Spiritus uberior ac lætior, quem una cum Christo mittendum, & per Christum in Ecclesiam effundendum esse, frequenter Prophetæ prædixerunt. Huc, nisi fallor, pertinet, *Zach. ix. 12.* Etiam hæc die מָשַׁח נָשַׁח יְהוָה indicem alterum reddo tibi. Agitur de isthac die, quo Rex Zionis sanguine foederis victos Zionis in libertatem vindicavit, & ex morte servatus est. Promittitur eo tempore מָשַׁח index, participio nominaliter usurpato. Et quidem alter index. Primus index est Filius Dei, alter quis nisi Spiritus Sanctus? Qui & index est, quum omnia electos doceat & suggerat iis. *Job. xiv. 26.* & alter a Christo, *1. 16.* Hunc se Deus redditurum pollicetur, id est, daturum loco Filii ad Patrem profecti. *Job. xvi. 7.* Huc quoque refero, quod Messias dicit *Jes. xlviii. 16.* מָשַׁח יְהוָה Commodissime id vertitur, Dominus Jehova misit me & Spiritum suum. Adde similes promissiones, *Jes. xlv. 2, 3.* & xxxv. 7. & *Joel. ii. 28.* Quarum complementum in Christo est, qui suos Spiritu Sancto & igne baptizat *Mat. iii. 11.* Confer. *Job. vii. 38, 39.* De quibus locis alibi diximus.

*Illius effe-  
ctus.*

XV. Effecta hujus Spiritus sunt: I. Clarius & magis explicita mysteriorum fidei cognitio. *Jes. xi. 9.* & *Liv. 13.* *Jer. xxxi. 34* & *Iob. ii. 27.* II. Generosior, sublimior, alacrior sanctimonia. *Jes. xxxi. 24.* & xxxv. 9. & *Lx. 21, 22.* *Zach. x. 5.* & *xii. 8.* III. Con-

III. Consolatio lætior. *Jes.* XL. 1, 2. & IX. 1. 2. & LV. 11. & LXVI. 12, 13, 14. *Job.* XIV. 16. *Act.* IX. 31. *Eph.* 1. 13. 2 *Cor.* 1. 22. IV. *Passio* filialis, quæ eo nunc major, quæ adoptio ipsa illiusque effecta luculentiora sunt. *Gal.* IV. 6. V. Dona extraordinaria & miraculosa plane, in exordio euangelii non Apostolis modo, sed & aliis sæpe ministris, imo gregariis fidelibus, ipsisque adeo virginibus, ubertim concessa. *Mar.* XVI. 16, 17, 18. *Act.* X. 45, 46. & XIX. 6. & XXI. 8. 1 *Cor.* XII. 7--11. Quomodo autem hæc Testamenti Novi collatio cum Veteri instituenda sit, supra aliquoties monuimus.

XVI. QUINTUM Bonum est Libertas Christiana, quam Paulus, ejus diligentissimus explicator, & assertor acerrimus, ita considerare solet, ut fere eam constituat in liberatione ab ea servitute, cui Judæi obnoxii erant: & raro de ea disputet, nisi ubi Christianos cum Judæis comparat, & antiquam dispensationem novæ opponit. Prudenter tamen ex ipso Paulo observarunt Theologi, considerari posse Libertatem Christianam, vel qua communis est omnium temporum fidelibus, vel qua specialis immunitas est filiorum Dei sub Novi Testamenti oeconomia degentium.

V. Bonum,  
Libertas  
Christiana.

XVII. Communis illa Libertas consistit in manumissione I. A Tyrannide *Sathanae*, cujus abolitio in Paradiso jam promissa est. *Col.* 1. 13. II. A peccati potestate dominante. *Rom.* VI. 14. & dominante. *Rom.* VII. 1. III. A rigore legis; in quantum contradistinguitur gratiæ. *Rom.* VI. 14. In tantum enim homini peccatori est lex peccati & mortis, opposita legi Spiritus ac vitæ in Christo Jesu. *Rom.* VII. 2. Porro consistit iste rigor, A. In præfracta exactione obedientiæ, sine promissione gratiæ sanctificantis. B. In postulatione sanctimoniæ consummatissimæ, per ipsum hominem præstandæ, tanquam conditionis ad vitam æternam. C. In intimatione maledictionis ad minimum delictum. Hactenus enim Lex pertinet ad fœdus operum, quod fidelium omnium respectu antiquatum est per introductionem fœderis gratiæ. IV. A morte maledicta: tam corporis, quam animæ. Nam etiam si corpus fidelium quorumcunque moriatur propter peccatum. [*Rom.* VIII. 10. mors tamen illa aculeum suum amisit 1 *Cor.* XV. 55. & finis peccati ac miseriæ, transitusque ad vitam æternam est. *Joh.* V. 24. Atque hactenus immunes sunt fideles ab ea morte, quam Deus ut pœnam propriæ dictam, & horribilis excandescentiæ suæ effectum, homini peccanti interminatus est. *Joh.* VIII. 51. 52. Neque solum vi formale pœnæ a morte fidelium sublatum est: sed &, quicquid ad mortis reliquias pertinet, abolebitur tandem per gloriosam resurrectionem. 1 *Cor.* XV. 54. Sicuti ergo libertas respectu peccati quoad jus addicitur fidelibus in

Qua consi-  
derari pos-  
est, vel  
promis-  
sionis est  
omnibus  
fidelibus.

justificatione; quoad exercitium paullatim ac certis quibusdam gradibus perficitur; ita etiam se res habet respectu mortis corporalis: cujus maledictio & poenalitas (ita loqui liceat) auferitur, quam primum quis per fidem Christo, qui vitæ fons est, inferitur; sed potestas omnis in victoriam absorbebitur novissimo die. V. Ab imperio humano in ratione cultus Divini, & circa actus religiosos qua tales. In conscientias enim solus Deus imperium habet. *Jac. 1v. 12.* Neque filiis Dei, qui norunt se pretio emptos esse, fas est servos fieri hominum. *1. Cor. vii. 23. Mat. xv. 9. Col. 11. 18, 22, 23.* Etiam si olim in cathedra Moſis federint Scribæ ac Pharisei, nunquam tamen iis potestas a Deo facta est, novis institutis præter legem Dei (cui adstricti omnes erant *Deut. 1v. 2. & xii. 34.*) conscientias onerare. Omnis auctoritas *תורה* eo directæ erat, ut populum in observantia legis Mosaicæ retinerent: ulterius tendentes merito a Christo reprehenduntur. Semper in religione Deo displicuit, quod suo sibi arbitrato homo excogitaverat. VI. A vinculo religionis circa res *medias* & indifferentes, quæ neque bonæ neque malæ sunt, neque jussæ à Deo, neque prohibitæ. Cujus libertatis notitia ac sensus ubi abest, ibi nulla conscientis quies, nullus superstitionum modus ac finis. *Rom. xiv. 5. 14. 23.* Distinguenda inter *תורה* a *חוקים*, *jus* ab *exercitio*; quorum illud integrum semper conscientis remanere debet; hoc regulis prudentiæ ac charitatis circumscriptum est, ne scandalum detur infirmis fratribus. *1. Cor. vi. 12. & x. 23. Rom. xiv. 19.*

*Qua tamen  
sub T. V.  
paullo fuit  
restrictior.*

XVIII. Pertinet ea, quam hætenus delineavimus, Libertas ad bona Fœderis Gratiæ absolute; neque iis: quæ Novo Testamento specialia sunt, annumerari debet. Nisi in quantum sub Novo Testamento clarius est exposita, frequentius inculcata, per Spiritum Christi efficacius & uberius applicata, conscientis ad majorem consolationem ac lætitiâ insinuata, & denique gloriosioribus effectis demonstrata. Neque enim quisquam, ut opinor, dubitaverit, quin veteris oeconomix rigor sensum ac lætitiâ libertatis illius, qua cæteroquin potiebantur fideles, multum obfuscaverit. Nemo saltem negaverit, libertatem circa res natura sua indifferentes institutis Mosaicis plurimum imminutam esse.

*Vel prout  
Novo Test.  
propria est.*

XIX. Ea ergo, quæ Novo Testamento propria est, est I. Manumissio a *servitute elementorum mundi*, sive prisicarum ceremoniarum, quarum, tanquam necessariorum, religione primum solutæ mentes sunt. *Act. xv. 10.* licet earum usus arbitrarius aliquantisper manserit, & prudenter suaderi potuerit. *Act. xxi. 24.* Deinde usus ipse plane interdictus, adeo ut omnino nunc iis sit abstinendum.

nendum. *Gal. III. 25. & IV. 5. 26. & V. 1.* Ex vivis enim primum mortuæ, ex necessariis arbitrariæ redditæ sunt: post ex mortuis mortiferæ, ex arbitrariis illicitæ, nunquam refodiendæ post plenariam Evangelii promulgationem, & templi Hierosolymitani, quæ sedes erat ceremoniarum sacrarum, demolitionem. II. Libertas circa plurimas *res natura sua indifferentes*, quarum vel usus vel abstinencia olim Israëlitis injuncta erant. *Tit. I. 15. Col. II. 20, 21. I Cor. X. 25.* III. Immunitas a *legibus Forensibus Israëlitarum*, non qua juris communis erant; sed qua juris particularis, latæ Judæis qua talibus, distinctivæ eorum ab aliis gentibus, accommodatæ ad genium gentis ac regionis, & subservientes maximam partem sacerdotio Levitico, cui tota ferme politia innexa erat. IV. Accedit clarius ac perfectior Libertatis Christianæ, secundum omnes partes & gradus, promulgatio, cognitio, usus.

XX. SEXTO. Bonis Novi Testamenti annumerari potest gentis Israëliticæ, antea rejectæ, restitutio, & reductio ad communionem Dei in Christo. Quod arcanum Paulus gentibus explicuit. *Rom. XI. 25, 26, 27.* *Nolim enim vos ignorare, fratres, mysterium hoc (ut ne sitis apud vosmet ipsos sapientes) obdurationem ex parte Israël obvenisse, tantisper dum plenitudo gentium introierit: Et ita totus Israël servabitur: sicut scriptum est, Veniet ex Sion ille Liberator, & avertet impietates a Jacob. Et hoc est illis a me pactum, quum abstulero iniquitates ipsum,*

*VI. Bonum, Israëlita gentis restitutio.*

XXI. In quem locum nota. I. Apostolum hic *mysterium* aliquod exponere. Hoc est rem arcanam, quæ non cognoscitur nisi ex revelatione, & paucis observata est, & præter spem ac judicium rationis contingit, cujus denique tota ratio, & modus executionis, magnam partem, in occulto latet. Confer *I Cor. II. 7. & xv. 51. & Eph. III. 3.* II. Gentilium interesse, ut mysterium illud cognitum habeant, ne superbius de se ipsis, & sequius de Israël judicent: ideoque operam nobis dandam esse, ut in ea, quæ Prophetæ hac de re vaticinati sunt, sedulo & observate inquiramus. III. Sermonem hic esse de gente Israëlita, non figurate, sed proprie sic dicta: cui hoc tempore obvenit *pietatis obduratio*, stupor, callus: de quo *1 Cor. VII. Judicium istud Dei in Israël prolixè prædixit Jesaias Cap. VI. 9, 10. collato cum Act. XXXVIII. 26. Jes. XXIX. 10. & seq.* Huc etiam videtur pertinere tempestas illa Domini, indignatio, immanens tempestas, super capite impiorum moratura, de qua *Jerem. XXX. 23.* Breviter hæc est illa misera occæcatæ gentis Judaicæ conditio, quæ Apostolorum ævo incipiens ad hodiernum usque diem perdurat. IV. Obdurationem

*Hæc est mysterium.*

*Gentibus non ignorandum. Israël obvenit obduratio.*

*Sed ex parte tantum.*

*Duratura  
domes in-  
troieris ple-  
nitudo Gen-  
tium.*

nem illam *ex parte* tantum obtigisse Israëlī. Univerſa natio, jam inde a primordiis ſuis, uſque ad finem mundi, conſideratur ut unum totum; cujus partem quandam illi faciunt, qui diebus illis iræ ac indignationis Divinæ vixerunt, vivunt, vivent. Illam ſolum partem occupavit *πέρους*. V. *πέρους* non duraturam niſi *tan- tiſper dum plenitudo gentium introierit*: id eſt, euangelium in quasvis mundi nationes prædicatum ſit. Quod quidem cœptum eſt fieri per Apoſtolos eorumque comites; ſed tamen conſummate fieri non potuit, tum propter mundi amplitudinem & humanæ vitæ brevitate, tum quod multarum gentium notitia eo tempore deſſet, uti Americanarum omnium. Succeſſive ergo id adhuc faciendum reſtat: admirabili Dei providentia verbo ſuo viam complanante. Gratia primum Iſraēlitis oblata eſt. His repudiantibus itum eſt ad gentes. Earum plenitudine introducta ad Iſraēlitas redibitur: *Us ultimi ſiant primi, ac primi ultimi. Luc. XIII. 30. Confer Luc. XXI. 24.*

*Ex intro-  
ducta totus  
Iſraēl ſer-  
vabitur.*

VI. Plenitudine gentium introducta, *totum Iſraēlem ſervatum* iri. Id eſt, uti bene Belgæ noſtri, non paucos aliquos, ſed magnam admodum multitudinem, & quodammodo totam nationem Judæicam, *παρακληθῆναι*. Judicioſe MARTYR plenitudinem gentium, & univerſitatem Iſraēlis expoſuit, his verbis: *Plenitudinem vero intelligas deſinitam & deſtinatam collectionem: quæ ideo plenitudo appellatur, quod ſit futurus juſtus numerus & bene magnus credentium, ita ut publice inter gentes Eccleſia bene magna ſit habenda. Quemadmodum & totus Iſraēl accipiendus eſt magnus numerus Hebræorum, in quo publice Chriſtus agnoſcatur: non quod aliqui, quum ex Gentibus, tum ex Judæis, non ſint perdendi.*

*Non myſti-  
cus ſolum,  
ſed & na-  
turalis.*

XXII. Ex antedictis patet, recedere eos a mente Apoſtoli, qui per *totum Iſraēlem* intelligunt *Iſraēlem myſticum*, ſive populum Dei tam ex Judæis, quam gentibus conſtatū, neque admittunt integræ nationis Judæicæ, eo, quo diximus, ſenſu, ad Chriſtum converſionem. Quod porro his argumentis confirmatur. I. De eo Iſraēle agit Apoſtolus, ad quem generis ſui originem reſert. *ſc. i.* quem carnem ſuam, id eſt, conſanguineos ſuos vocat *ſc. 14.* & naturales ramos *ſc. 21.* quos gentibus conſtanter opponit: cui *πέρους* obveniffe teſtatur: quæ omnia Iſraēli proprie dicto conveniunt. II. Myſterium exponit: atqui myſterium non erat una cum gentilibus pauculos quosdam ex Judæis ad Chriſtum converti: id enim cernebant quotidie. III. Commoneſcit gentiles, ne adverſus Judæos ſuperbiant; eo argumento, quod ſicut ipſi nunc aſſumpti erant in populum Dei, ita etiam Judæi ſuo tempore reaſſumendi eſſent. Si autem hæc eſſet Apoſtoli mens, corpus

pus Judaicæ nationis in obduratione sua permanfurum; pauculos ex ea servandos, qui gentilibus juncti mysticum constituerent Israëllem, totus iste sermo magis ad commendationem gentilium, quam Israëlitarum comparatus foret: & animum potius adderet gentilibus, quam ut eorum fastum deprimeret. IV. Sicut intelligenda est Israëlitis offensa & diminutio *ψλ.* 12. & abjectio *ψλ.* 15. ita etiam intelligenda est ejus assumptio & servatio, oportet enim justam hic esse oppositionem. Atqui offensus, diminutio & abjectio Israëlitis intelligenda est de pleraque multitudine nationis Judaicæ. Ergo & assumptio ac servatio Israëlitis.

XXIII. Unde liquet, nugas agere GROTIIUM, quum prophetiam hanc impletam esse contendit, quo tempore Romanorum idola ac signa militaria in conspectu templi videbantur. Tunc enim multos Christianismum amplexos simul cum ante factis Christianis exemptos esse secuturis malis. Cui accesserit multorum Judæorum conversio, excisa urbe ac templo, quum jam multo clarius veritas vaticiniorum Christi appareret, servitutis etiam personalis onus multorum fregisset ferociam, Vespasiano ac Tito id non impredientibus. Cui rei probandæ locum aliquem ex Justino adversus Tryphonem producit. Sed absurdæ istæ cogitationes adversus historiarum omnium lucem sunt. Etenim tempore obsidionis, Judaicæ gentis universitas, tota criminibus ac perfidiæ suæ immerfa, justas scelerum poenas dedit. Quod a salute illa, quam Paulus hic pollicetur, longissime abest. Si qui tunc Christianis se adjunxerunt, ii tam pauci erant numero, ad cæteram multitudinem collati, ut ridiculum sit, eos totius Israëlitis nomine insignire. Justinus nihil aliud dicit, quam *τίνας καὶ ἰσχυρὰ μαθητευομένους ἐν τῷ ὀνόματι τοῦ χριστοῦ ἀπολάττονται τὴν ἰδὼν τῆς πλάνης;* ALIQUOS quotidie edoctos in nomine Christi deserere viam erroris. Quod plurimum distat ἀπὸ τοῦ πνεύματος Ἱερουσαλὴμ. Accedit, quod commento illo Grotii tempora rejectionis & assumptionis plane confundantur. Nunquam enim palpabilior fuit defractio & excisio naturalium ramorum, juxta vaticinium Baptistæ, *Matth.* III. 10. quam quo tempore eorundem insurrectionem esse factam, Grotius opinatur.

*Quod non  
est impletum  
circa tem-  
pus destru-  
ctionis Hierosolymæ.*

XXIV. Denique explicationem nostram firmat propheticum testimonium ab Apostolo allegatum ex *Jes.* LIX. 21, 22. Ubi verba Hebræa proprie sonant. *Veniet Redemptor יְהוָה, Zionem, vel Zioni, sive ut Græci habent ἰσχυρὰ Σιών, in gratiam Zionis, & revertentibus a defensione in Jacob.* Paulus Græcos fere secutus, verba paullo aliter reddidit, sensu eodem.

*Jes. 59.  
21, 22.*

*Zion & Jacob notant  
Judæorum  
integram  
nationem.*

XXV. Nota I. Apostolum hic *Zionem* & *Jacobum* explicare de Judæis, & merito. Hi enim sunt naturales Jacobi filii, nati Zionis cives, reliqui adscriptitii duntaxat. Illis ergo primo ac per se id nomen competit. Tum etiam de iis agitur, cum quibus factum est pactum; sicut dicitur in textu: & hoc est illis a me pactum. Testamentum autem & pactum illud ad Israëllem pertinet. Quorum sunt pacta & promissiones. Rom. ix. 4. Confer Lev. xxv. 44, 45. Porro Zion & Jacob non pauculos aliquos ex Israël, sed totum corpus Israëliticæ nationis notant. ut Gen. xlix. 7. Nam in Zione omnes tribus jus habebant. Ps. cxxii. 4.

*Mittitur  
Goël.*

XXVI. II. Zioni promittitur *לְאֵלֵינוּ*. Hoc est, Vindex, qui dicat, hi mei sunt, idque jure propinquitatis, ego enim sum *אֲדָמָה*. Verum est, Christum omnium nationum Goël ac propinquum dici posse propter communem humanitatem, quam assumpsit, proxime tamen Israelitarum Goël est, quia eorum sunt patres, & ex iis Christus, quod ad carnem attinet. Rom. ix. 5. Et propterea fortasse dixit Apostolus, veniet *Ex Sione* Redemptor: quum enim, quæ voce *לְאֵלֵינוּ* exprimitur, cognatio, Græco *ἰσχυρὸς* indicari non posset; imperfectioni Græcæ linguæ hoc pacto mederi voluit, monendo, Redemptorem ita Zioni venturum esse, ut simul *ex Sione* veniret, quoad carnis suæ originem. Supponit etiam adventus Vindicis tale tempus, quo alii Domini præter Jehovam Zioni dominaturi erant, Jes. xxvi. 13. a quorum illegitimo dominio extensa manu suos asserturus, sibi que vindicaretur esset.

*Avertens  
iniquitates  
a Jacob.*

XXVII. III. Opus hujus Redemptoris erit, *avertere iniquitates a Jacob*. In Hebræo est, *Veniet revertentibus a defectione*. Sensus eodem recidit. Gratiâ & salutem suam iis impertiet, qui vera fide ac resipiscentia ad Deum se recipient. Quam resipiscentiam quum a se ipsis habere non queant, eam quoque iis Redemptor dabit. confer *As. v. 31*. Non Græci solum ita Prophetæ verba interpretati sunt, sed & Chaldæus *לְאֵלֵינוּ רַבִּית יַעֲקֹב לְאֵלֵינוּ* & ad convertendum rebelles domus Jacobi ad legem. Atque huc faciunt sequentia apud Jesaiam, de Spiritu Dei in Israël, & verbo in ore illius dando. Summa est, virtute Redemptoris Judæos aliquando conversum iri a defectione & prævaricationibus suis.

*Quod po-  
stremis tem-  
poribus per-  
fecto præ-  
stabitur.*

XXVIII. IV. Id quum hæcenus nondum factum sit quoad corpus & universitatem Jacobæ gentis, & tamen Scriptura impleri debeat, merito collegit Apostolus, postremis temporibus perfecte præstitum iri. Nam quum fundamentum hujus rei sit fœdus Dei cum Israël, id autem firmum, stabile, immutabile ac a nulla condi-

conditione ambigua suspensum sit: (quam enim conditionem haberet foedus illud, quod & remissionem omnium peccatorum, & resipiscentiam Israëliti addicit) fieri non potest, quin omnia, uti promissa ac prædicta sunt, eveniant. *Et hoc est illud a me pactum, inquit Deus.* De pacto autem isto ita inquit: *Jes. LIV. 10. Quamvis hi montes recederent, & hi colles dimoverentur: attamen benignitas mea a te non recedet, & foedus pacis meae non dimovebitur, ait miserator tuus Jehova.* Iterumque *Jer. XXXIII. 25. 26. Sic ait Jehova, si non foedus meum inter diem ac noctem; si statuta celi & terra non disponam; etiam semen Jacobi & Davidis servi mei spernam.* Adde *Pf. cv. 8. 9. & Deut. IV. 31.* Quæ omnia quum universitati gentis dicta sint, statuto tempore impleri necesse est.

XXIX. V. Quia autem cogitari fortasse posset, horrenda ista scelera, quibus sese obstrinxerunt Israëliti, obstare, quo minus illa Dei benedictio ad ipsos perveniret: addit Apostolus testimonium, quo Deus se peccata ipsorum ablaturum esse pollicetur: quam ablationem peccatorum non potest non comitari resipiscentia, & fides in Messiam, & communio gratiæ ipsius. Verum quidem est, verba illa *Jes. LIV.* non reperiri. Reperiuntur tamen *Jes. XXVI. 9.* ubi Græca versio hæc ipsa habet verba, *ὅταν ἀφίλωνται τὰς ἀμαρτίας αὐτῶν.* Non est insolitum Apostolo; varia testimonia in unum contrahere, & vocabula unius testimonii per aliud explicare. Et sane maximi momenti erat hæc observatio. Etenim si quicquam Judæorum restitutioni intercedere videatur, id est summa ipsorum impietas. Propterea frequentes sunt promissiones de expiatione scelerum ab ipsis admissorum. *Deut. XXXII. 43. Jer. XXXIII. 8. & L. 20.*

*Neque per  
scelera Is-  
raelitarum  
irritum fieri  
potuit.*

XXX. Dicat fortan aliquis, nonne clariora dicta ad hujus rei probationem in Prophetis-exstant? Cur ergo hæc selecta sunt ab Apostolo, quorum efficacia non ita se primo obtutu pandit? Respondeo, exstare clariora, mox a nobis proferenda: sed elucere hic summa & admirandam Spiritus Sancti sapientiam: partim, quod excerptis illis adducere nos voluerit ad considerationem integrarum Prophetiarum, ad quas digitum veluti intendit, & quæ eo comparatæ sunt, ut plenam hujus rei fidem nobis faciant: partim, quod argumentando ex minus apertis eo magis nos obstringere voluerit ad fidem clarioribus adhibendam. Quis enim sibi fas esse existimaverit, evidentia testimonia, ipso verborum suorum sono huc ducentia, alio torquere, qui Paulum ex iis, quæ multo inde remotiora esse videbantur, rationes desumere animadverterit?

*Cur Aposto-  
lus non se-  
cussus clari-  
oribus testi-  
moniis.*



*Qualia  
multa ex-  
stant.*

XXXI. Clariora si quis desideret, hæc ipsi expendenda damus. Ex MOSE *Levit.* XXVI. 41--45. *Deut.* IV. 30, 31. *Deut.* XXX. 1--6. & XXXII. 43. Ex PSALMIS. *Pf.* CII. 14--18. & LXXXV. 9. & seq. Ex JESAI. *Cap.* XI. 11. & seq. *Cap.* XIX. 24, 25. *Cap.* XLIX. 14 & C. *Cap.* LXII. per totum. Ex JEREMIA. *Cap.* III. 18. & C. *Cap.* XXXI. 1. & a *ψ.* 31. usque ad finem. *Cap.* XXXII. 37. & C. *Cap.* XXXIII. 24, 25. 26. Ex EZECHIELE. *Cap.* XXXVI. 24. ad finem. *Cap.* XXXVII. per totum, imprimis a *ψ.* 15. *Cap.* XXXIX. 25. ad finem. Adde HOS. III. 5. Quæ promissiones omnes augustiores sunt, quam ut tempus assignari queat, quo impletæ censeantur. Ex Novo TESTAMENTO adde *Mat.* XXIII. 29. *Luc.* XXI. 24. 2 *Cor.* III. 16. Confer sodes, benevole lector, quæ de hac re disputavimus in Libro singulari de x. Tribubus Israëlitis a *Cap.* IX. ad finem usque: ubi plerasque has prophetias fusiore commentario non indiligerenter illustratas invenies.

*Res ipsa hic  
tenenda:  
cetera Deo  
committen-  
da sunt.*

XXXII. Ex quibus omnibus quum evidens sit, expectandam aliquando esse generalem Israëlitarum conversionem, non quidem quoad singulas personas, sed quoad corpus totius nationis & τὴ δωδεκαφύλη; non placet nobis, multas minutas quæstiones accumulari, sive ex curiositate, sive ex incredulitate, de tempore, loco, modo, mediis, similibusve circumstantiis hujus mysterii, quæ in sua Deus potestate reservavit. Rem ipsam teneamus, modum rei Deo committamus: quem etiam prophetiarum ænigmatibus delineatam esse, tum optime intelligemus, quando eventum cum iis comparare dabitur. Prudenter & graviter, uti solet, CALVINUS noster: *Quoties desperationem nobis injicit longior mora, occurrat mysterii nomen: quo Paulus clare admonet, conversionis modum non vulgarem neque usitatum fore: ideoque perperam facere, qui eum proprio sensu metiri tentabunt. Quid enim magis perversum, quam incredibile ducere, quod a sensu nostro remotum est? quum ideo vocetur mysterium, quia incomprehensibile est usque ad tempus revelationis. Porro nobis, sicut Romanis, patefactum est, ut fides nostra verbo contenta expectatione nos sustineat, donec effectus ipse prodeat in lucem. Lubet hæc concludere voto & verbis Maimonidis, quæ in fine Libri More Nevochim leguntur. Ipse autem Deus Opt. Max. purificet totum Israël, juxta promissam suam: tunc aperientur oculi cæcorum. Populus sedens in tenebris vidit lucem magnam. Ii, qui sedebant in umbra mortis, lux exorta est.*

*VII. Bo-  
num. To-  
nius Eccl.  
sia opulencia  
& quasi vi-*

XXXIII. DENIQUE Restitutioni huic Israëlitis juncta erit totius Ecclesiæ opulencia, & quasi vita ex mortuis. *Rom.* XI. 12. *Quod* eorum offensa est opulencia mundi, & diminutio eorum opulencia gentium: quanto magis plenitudo ipsorum? & *ψ.* 15. Si abjectio eorum est reconciliatio mundi,

*quæ*

quæ erit assumptio nisi vita ex mortuis? Innuit Apostolus, multo majora atque ampliora bona in Ecclesiam Christianam redundatura esse ex Judæorum plenitudine ac reassumptione, quam ex eorum offensa & diminutione ad gentiles pervenerunt. Majora, inquam, *intensive*, & ampliora *extensive*.

XXXIV. *Intensionem* quod attinet, supponitur, circa tempora conversionis Judæorum mundum gentilium similem fore *mortuo*, quomodo ferme Christus Sardanensem Ecclesiam describit. Ap. III.

1. 2. Scilicet & scientiæ salutaris lux, & sanctimonix terrores, & vivida illa atque vegeta prisca Christianismi simplicitas, lapsu temporis plurimum imminuenda erant. Multæ gentes, magno quondam zelo Evangelium amplexæ, deinceps Muhammedismi, Papismi, Libertinismi, Atheismi veneno propemodum extinctæ, prophetiæ huic fidem faciunt. Eæ, restitutis Judæis, quasi ex tumulo repente suscitabuntur. Nova iis affulgebit lux, novus accendetur zelus, iterum manifestabitur vita Christi in corpore suo mystico, vividior forsitan ac vegetior quam unquam antehac. Tunc sine dubio plurima Scripturarum vaticinia, eventum suum sortita, melius intelliguntur; & quæ nunc nobis obscura sunt ænigmata, tunc nitidissimam rerum gestarum delineationem continere deprehendemus. Plures candelæ simul junctæ splendidius emittunt lumen. Ignis novus prope alterum structus utrumque facit fervidiorem. Ita comparatus erit accessus Judæorum ad Ecclesiam gentilium.

XXXV. Neque hoc tantum, sed & gentes multæ, in quibus Christi nomen jam dudum exoleverat, iterum ad erectum illud salutis vexillum confluxuræ videntur. Est enim quædam plenitudo gentium, per successivam Evangelii prædicationem colligenda, quæ restitutionem Israël antecedit: de qua *1. Cor. 12. 13.* Est & alia opulentia gentium, quæ assumptionem Israël consequitur. Nam dum Evangelium, longo seculorum tractu, nunc huic nunc illi nationi annuntiatur; aliæ paulatim a Christo recedunt. Has, ingrediente Judæorum plenitudine, ad Christum confertim redituras, omnino est credibile. In Asia, in Africa, inter Persas, Turcas, Indos, Chineses, Japonenses, Tartaros, innumera ferme Judæorum multitudo degit. Quando ergo hi, potenti Dei manu ad communionem Messæ tracti, eo ardentius illum diligent, quo antea acrioribus adversus eum odiis flagrarunt, annon plusquam probabile est, gentes, in quarum medio degunt, exemplo, monitisque eorum excitatas, in ejusdem fidei societatem venturas esse? Sane Apostoli huc nos verba ducunt.

OEC. FOED.

XXX

XXXVI. Qui-

*Jacobi de  
hac re de-  
strina.*

XXXVI. Quibus consona Jacobus dixit *Act. xv. 15, 16, 17.* Et huic rei consonant verba Prophetarum, sicut scriptum est, Post hæc reventar & restaurabo tabernaculum Davidis collapsum, & ruinas ejus restaurabo, & rursus erigam illud : ut requirant reliqui homines Dominum, & omnes gentes, super quas invocatum fuerat nomen meum, dicit Dominus, qui hæc facit. Reparatio collapsi Tabernaculi Davidis, restorationem veri ac spiritualis cultus in gente Israëlita notat. Ea quum futura est, tunc reliqui homines, qui Christo nunquam nomen dederunt, & gentes, super quibus nomen ejus antea invocatum fuerat, sed quæ sordidia sua euangelium amiserunt, certatim Dominum requirent.

*Jesaja de  
eodem va-  
ticipinio,*

XXXVII, Et quid evidentius est illo, quod apud Jesaiam extat vaticinio? Is *Cap. LIX. 20, 21.* restitutione Israël, juxta Apostoli nostri commentarium, prædicta, mox *Cap. LX. 1.* exclamat, Surge, luce quandoquidem advenit lux tua, & gloria Jeboæ super te orta est. *¶ l. 3.* Ut accedant gentes ad lucem tuam, & reges ad splendorem exortum tibi &c. Porro opulencia Ecclesiæ eo tempore *¶ l. 17.* describitur, pro ære adducam aurum, & pro ferro adducam argentum, & pro lignis ac pro lapidibus ferrum: & quæ in eundem sensum augustissima verba sequuntur. Quorum consideratione commotus PETRUS MARTYR dixit: Magnam sane fore felicitatem Ecclesiæ, omnes ferme Prophetæ scribunt, præsertim Esaias: quam nondum habuisse, sed tunc habituram, (quando conversi erunt Judæi) est verisimile. Multas tam in Veteri, quam in Novo Testamento hujus rei prophetias exstare, nobis quidem indubium est: quarum rationem omnem ut eventu, indubitato prophetiarum interprete, suos condocesfaciat, calidis precibus Supremum Numen oramus. Nostri interim officii est, ut litemus modestiæ, neque temere nos in arcana fatorum ingeramus, audacter stupremus, quæ nec scire datum, nec explorare concessum est.

## C A P. XVI.

### De Baptismo.

*Novi Test.  
Sacramenta  
nulla sunt  
præter Bap-  
tismum &  
Coenam.*

I. **O**rdinaria Novi Testamenti SACRAMENTA non nisi duo sunt: BAPTISMUS nimirum & COENADOMINICA. Hæc deserto Regis nostri instituto sunt insignita. Hæc ab ipso Domino in exemplum usurpata, usuque isto electis consecrata. Hæc ut eximia Novæ Ecclesiæ privilegia Corinthiis commendata, quibus gemina, sed

sed extra ordinem, Israëlī obtigerunt in deserto. 1 Cor. x. 1-4. Hæc ut unionis, ac communionis fidelium, cum Christo, ac secum invicem, sacro signaculo ab Apostolo exposita 1 Cor. xii. 13. qui, si plura fuissent ejus generis, ea, pro sua diligentia & accuratione, indicta præterire non sivisset. Hæc denique plenitudini gratiæ, quam in Christo habemus, significandæ, & obsignandæ sufficient. Quum enim ad felicitatis nostræ consummationem duo requirantur; primo ut absoluti a criminibus, abluti ab immunditie nostra, per communionem Spiritus Christi ad novam vitam gratiæ regeneremur: deinde ut in ista vita gratiæ nutriamur, id est, sustentemur, roboremur, crescamus, donec promoveamur ad vitam gloriæ: utrumque nobis gemino hoc sacramento sufficienter confirmatur. Prima nostri initiatio in Christo, & *παλιγγενεσία* per Spiritum ejus, Baptismo; Nutritio vitæ spiritualis, Sacra Coena.

II. De utroque hoc Novi Testamenti Sacramento observandum est, quod aliquid ei respondens, sed Ecclesiasticæ duntaxat consuetudinis, non Divinæ institutionis, prisco Israëlī usurpatum fuerit. Atque in eo summam suam, quum sapientiam, tum bonitatem Dominus Jesus ostendit, quod receptos ritus retinens, eos auctoritate sua firmans, & augustissima rerum mysticarum significatione, quæ ab institutione sua unice dependet, illustriores reddens, nimia innovatione infirmos suorum animos turbare noluerit.

III. Et BAPTISMUM quidem quod attinet, de quo nobis primo loco dicendum est, constat, apud Judæos duplicem Baptismum in usu fuisse, quorum hunc טבילת נדה *Baptismum immunditiei*, sive *Lustrationis*, quo impuritas Legalis abluebatur; illum טבילת גוים *Baptismum Profelytismi* sive *Initiationis*, vocabant, quo ex gentibus ad Judaismum conversi Israëliticæ Ecclesiæ initiabantur. Priori omisso, qui ad præsens argumentum non oppido pertinet, de posteriori nonnulla monenda sunt.

IV. Quum in foedus Israëliticum recipiebatur gentilis, & quemadmodum Hebræi loquuntur, profelytus iustitiæ fieret, tria adhibebantur initiamenta, sine quibus nec ipsi Israëlitæ, juxta receptam eorum sententiam, foedus illud inierant, videlicet מילה *CIRCUMCISIO*, BAPTISMUS & SACRIFICIUM. Et Baptismum illum tam necessarium esse, Hebræorum Magistri sciscunt, ut sine eo profelytismus non magis constet, quam sine circumcissione: is vero una cum sacrificio totam initiationem in foemina profelyta absolvat.

*Quibus simile ali-  
quid, sed  
Ecclesiasti-  
ca duntaxat  
consuetudi-  
nis in prisco  
Israële ob-  
sinit.*

*Et Baptis-  
mus qui-  
dem duplex.*

*Impiis  
initiationis  
profelyto-  
rum.*

*Illius mo-  
dus,*

V. Modus Baptismi apud Israëlitas hic erat. I. Initiandum profelytum interrogabant de sinceritate conversionis suæ ad Judaismum: numnam illum profiteretur, spe divitiarum, vel honoris, in republica florente; vel ex timore; vel ex amore sceminae Israëliticæ; aliave consimili causa non bona. Quumque sola se numinis religione, & non fucato Divinæ legis amore, accedere testatum fecisset, de variis articulis legis eum edocuerunt: de Dei unitate, de idololatriæ foeditate, de præmio obedientiæ, de mundo futuro, & aliis Theologiæ suæ capitibus. Quæ postquam, se, ne minimo quidem excepto, recipere, solemniter professus erat, mox circumcidebatur. H. Circumcisionis vulnuscule integre sanato, adducebatur ad Baptismum. Hic non peragebatur nisi præsentibus Triumviris, qui discipuli sapientum essent, כשרים לדן, qui rite judicia exercere possent, id est, sanguinis defæcatissimi Israëlita. Horum erat, non modo cavere, ut omnia rite præstarentur, & de iis more majorum præstitis testimonium perhibere, sed & baptizandum, in aqua jam collocatum, de quibusdam gravioribus, quibusdamque levioribus legis præceptis, iterum condocesfacere. Tales Triumviri in Scriptura passim dicuntur Elobim. Christus pariter in Novi foederis Baptismo Elobim adesse docet. Mat. xxvi 11. 19. qui tres testes cœlestes dicuntur. 1 Joh. v. 7. III. Nefas erat Baptismum aliter fieri quam in מקוה מים, confluento five conceptaculo aquarum; naturali nimirum, veluti fluvio, stagno, fonte. Nihil enim minus admittunt, quam ut aqua aliunde, hausta, aut receptaculis artificiosis recepta, rite quis baptizetur. IV. Integrum corpus mergendum erat, mersione una. Nam si quis se totum ablueret, excepto vel unico apice minimi digiti, ille adhuc in immunditia sua manere censebatur. Non tamen necesse erat, baptizando vestes omnes exuere, modo tales essent, quas aqua facile penetrare posset. V. Imprimis notandum, parvulos etiam baptizatos fuisse plerumque una cum parentibus. Ita enim in Talmude Babylonico, Titulo Erub. Fol. XI. c. 1. ר' קטן מטבילין אותו על רעת בית דין, Profelytum parvulum baptizant secundum sententiam Synedrui.

♣ Effectus.

VI. Effectus hujus initiationis erat, I. Ut baptizatus ejusmodi יוצא מכלל הגוים universitate gentium exemptus, conferretur ברית filii foederis, cui datum est להכנס ולהסתופף תחת כנפי השכינה intrare & tutam habere stationem sub alis Majestatis Divinæ. II. Ut quasi de novo genitus haberetur. Hinc tritum illud in Talmude, ר' שנתגייר בקטן שנולד דמי, profelytus, ex quo fit profelytus, velut infans, qui recens nascitur, habetur. Fingunt enim, loco gentilis illius animæ, novam

vam aliquam, ex nescio quo cœli palatio, in corpus profelyti mitti, postquam alas Divinæ Majestatis subiit, & osculo ejus decorata est. Quæ vel nullum tolerabilem sensum habent, vel ænigmatice significant regenerationem per Spiritum Dei. III. Regenerationem hanc consequebatur nova cognatio. Adeo ut nec fratrem, sororem, parentes, liberos ante genitos, omnino pro suis haberet: atque ex regeneratione hujusmodi nulla amplius restaret cognatio gentilis, aut gentilitatis tempore orta, quemadmodum fere jure Cæsareo post manumissionem nulla cognatio servilis. Hinc Tacitus *Histor. Lib. v. Nec quicquam prius imbuuntur, quam parentes, liberos, fratres vilia habere.* Conferri potest, *Luc. XIV. 26.*

VII. Primum hujus Baptismi usum arcessunt in *וָאֵן אֶרְחָוּ*. *Illiusdem origo.* Sunt, qui Patriarchæ Jacobo adscribant, Sichemitidas puellas, aliosque, qui apud ipsum versati fuerant, ethnicos, in familiam, Ecclesiamque suam domesticam, cooptanti: quia dicitur *Genes. xxxv. 2. Dixit Jacobus familiæ suæ, omnibusque, qui cum eo erant, amovete a vobis Deos alienos, וְהִטַּחְוּ & mundamini, & mutate vestimenta vestra.* Ubi *Aben Ezra* vocem mundamini interpretatur *שִׁירְחוּ הָנָף* per lotionem corporis. Alii primum Baptismi hujus testimonium, sive usum, eliciunt ex illo ad Moysen, *Exod. XIX. 10. Vade ad populum, & sanctifica illos hodie & cras, laventque vestimenta sua.* Iterumque *N. 14. Et sanctificavit populum, & laverunt vestimenta sua.* Ita vestimentorum ablutione eorum qui vestiebantur ablutionem contineri, vel indicari, volebant. Verum hæc incerta sunt. Congruentius loquuti fuissent, si cum Paulo nostro observassent, *Israëlitas nube & mari baptizatos esse in Moysen. 1 Cor. x. 1, 2.* qua de re supra fuse differuimus. Probabilius est, quod alibi tradunt, tempore Davidis ac Salomonis, quum florentissima esset Israëlitarum respublica, ingentem profelytorum numerum baptismo initiatum fuisse. Qui plura de baptismo hoc scire, ipsaque Hebræorum testimonia cognoscere desiderat, adeat *Seldenum de jure Naturæ & Gent. Lib. II. Cap. II. & IV.* Itemque, *de Successionibus ad Leges Hebræorum, Cap. XXVI.* Rursus, *de Synedriis, Lib. I. Cap. III. & Lichtfootum ad Matth. III. N. 6. & Altingii Dissertationem de Profelysis Thef. XXVII. & seq.*

VIII. Quicquid sit de ritus illius antiquitate, non potest illius Divina institutio assignari, antequam Johannes, Christi antea mbulo, ad baptizandum a Deo missus est. Illi enim id disertim in mandatis est datum, *facto ad eum verbo Domini. Luc. III. 2. Job. I. 33.* Patet hinc interim, unde factum sit, quod Scribæ ac Pharisei non legantur Johanni litem de baptismo suo intendisse, tantummodo

*Divinam auctoritatem Baptismus non habuit, ante tempora Johannis.*

tummodo quærentes ab eo, qua, & cujus auctoritate baptizaret? *Job.* 1. 25. unde item factum sit, quod tantus hominum ad illius baptismum fuerit confluxus: nam & sanctimonix ac doctrinx fama celebris erat, neque novum ritum usurpabat, & regnum cœlorum, quod omnium eo tempore votis avide expetebatur atque expectabatur, instare docebat, cui jam præ scribis stanti, ut se baptismi sui susceptione, & poenitentix professione, initiari paterentur, quosvis ad eum accedentes hortabatur. Ab eo tempore Baptismus in Judaicâ gente Divinæ institutionis fuit.

*Cujus sa-  
cramen bapti-  
smus nec-  
dum Novi  
Testamenti  
Sacramen-  
tum erat.*

IX. Necdum tamen Sacramentum Testamenti Novi. Nam uti totum Johannis ministerium inter utrumque Testamentum quasi intermedium erat, & pertinebat ad præparandam viam Domino, Novi Testamenti auctori ac præconi: ita & baptismus illius initiabat poenitentes ac fideles regno cœlorum, quod prope quidem, necdum tamen re ipsa præsens erat. *Marc.* 1. 2--8. Unde & *Tertullianus adversus Marcionem Lib. IV. Cap. xxxiii.* Johannem vocat *limitem constitutum inter vetera, & nova, ad quem desineret Judæismus, & a quo inciperet Christianismus.* *Nazianzenus item, Orat. xxxix.* qua est in sancta lumina, διαδίκης παλαιῆς, & ἡς νεωτέρας, inter Vetus, & Novum Testamentum intermedium. Magis tam ministerium ejus pertinebat ad Novum Testamentum, quam ad Vetus. Nam πρὸς βασιλέα recte ex Rege, & cum Rege eo censetur, quem præcurrit. Unde baptismus Johannis a *Scriptore Quæst. ad Orthodoxos*, qui in operibus *Justini* invenitur, *Quæst. xxxvii.* vocatur προοίμιον τῷ Ευαγγελίῳ τῆς χάριτος: præludium Evangelii gratiæ. Ad quod proxime accedebat ille baptismus Johannis, quem in fidem Messix jam præsentis & patefacientis se Israël, administrabat. *Job.* 1. 29, 31.

*Sed ille de-  
mum, qui a  
Christi di-  
scipulis in fi-  
dem præsen-  
tis Messia  
administra-  
tus est.*

X. Primum Novi Testamenti baptismum eum fuisse arbitror, qui Christi discipulis, jussu magistri sui, in confessionem præsentis Messix, administratus est. *Job.* 111. 22. Tunc tamen Judæis plerumque adstrictus. Sed universalis Ecclesiæ sacramentum factus, postquam Testamentum Novum, sanguine Christi obsignatum ejusdemque resurrectione confirmatum erat, ab Apostolis, jam jam spiritu baptizandis, ubivis terrarum prædicandum. *Math.* xxviii. 19.

*Baptismi  
Johannis ac  
Christi con-  
venientia &  
diconve-  
nientia.*

XI. Ab hoc baptismo, per Christi discipulos administrato, baptismus Johannis differebat, non in essentia, sed in circumstantiis duntaxat. Etenim I. Uterque e Cœlo erat, & jussu Dei nitebatur. Quod de baptismo Christi indubium est; de baptismo Johannis constat ex *Job.* 1. 33. *Luc.* vii. 30. *Math.* xxi. 25. II. Uterque tinctio fiebat aqua. *Math.* 111. 11. *Act.* viii. 36. III. Uterque

Uterque fiebat in fidem & confessionem Christi. *Act. xix, 4, 5.* IV. Uterque signum & sigillum erat remissionis peccatorum. *Matt. i. 4. Luc. iiii. 3. Act. ii. 38.* V. In utriusque susceptione erat obligatio ad resipiscentiam. *ibidem.* Differunt tamen, I. Quod baptismus Johannis a Deo quidem esset, non tamen a Christo, ut Mediatore incarnato, atque eo modo se ut Ecclesiæ suæ Regem gerente. II. Quod, uti diximus, præparatio potius ad N. T. quam Novi T. sacramentum esset. *Basilius*, tractatu, *Quomodo baptizetur aliquis baptismo, quod est in Evangelio D. N. J. C.* Johannis baptismo a Christi baptismo distinguens, scite scribit: 'Ἐκείνο ἱερογυριζὸν τὸ βάπτισμα, τὸτο τελειωτικόν. *Johannis baptisma ad initiandum erat: hoc vero ad perficiendum.* III. Quod parciorem Spiritus mensuram ei admensus sit Deus: quum in initio Evangelii plurimis Christi baptismo tinctis conferretur donum linguarum, & prophetiæ, quod Spiritus nomine in Scriptura venit.

XII. Et de hoc baptismo, quod auctorem Christum habet, præcipue nobis agendum est: ad cujus plenioram intelligentiam distincte enucleanda sunt, I. *Signum* externum. II. *Res* spiritualis significata. In signo distingui debet *Elementum* & *Ceremonia*, sive ritus facer circa elementum. *Elementum* hic adhibendum est *Aqua*, vera, naturalis, simplex. Quali Johannes baptizasse legitur. *Matth. iiii. 6. 16. Joh. iiii. 23.* item Apostoli, & alii, ut *Act. viii. 28. & x. 40.* Unde & *Eph. v. 26.* *Aqua lavacrum* appellatur. Ritus facer consistit, I. In applicatione aquæ ad corpus baptizandi. II. In pronuntiatione certorum verborum.

*Qua in baptismo consideranda.*

XIII. De priori quæritur, an solummodo per immersionem, an vero etiam per effusionem aquæ ex vase, vel asperisionem, baptismus rite administretur? Ad quam quæstionem his aphorismis respondemus. I. Certum est, tam Johannem, quam Christi discipulos, ordinarie meruisse. Quorum exemplum vetus Ecclesia secuta est: ut multis tam Græcorum, quam Latinorum testimoniis ostendit *Fossius Disp. i. De baptismo, Thes. vi. & Hoornbeeck de baptismo Veterum, Sectione. iv.* II. Negari non potest, quin nativus significatus vocis βάπτειν & βαπτίζω sit mergere, tingere. Ita ut plus omnino sit, quam ἐπιπλάζω, quod est leviter innatare: minus autem quam δύναι, quod est pessum ire, sive ad sui exitium fundum petere: ut idem *Fossius* notat ibi *Thes. i.* Observavi tamen, κατάδυσις vocem in baptismi negotio frequentem veteribus esse. *Athanasius Quæst. xciv. τὸ κατάδυσις τὸ παιδίον ἐν τῇ καλυμβύδῃ &c.* Et *Sozomenus Lib. vi. Cap. xxvi.* hæresin impiegit Eunomio docenti, ἐν μὲν κατάδυσις χεῖρας ἐπιπλάζω τῇ θείᾳ βάπτειν. Similia exempla ubivis exstant. *Salmasius* in

*Licet veteres mergendo baptizarent,*

*atque is ritus magnis rationibus niti videtur.*

*suis*



fuis ad Sulpitium Severum de vita Martini observationibus *Cap. xv.* hæc annotavit. *Βάπτειν*, a quo *βαπτίζω*, immersionem significat, non asperfonem. Nec aliter veteres quam mersione, vel unica, vel trina, baptizabant. Soli clinici, quod decumberent, baptizati sunt eo quo poterant modo: non lavacro integro, ut hi qui caput sub aqua mergunt, sed toto corpore aqua perfuso. *Cypr. iv. Epist. vii.* Sic *Novatus* baptismum accepit æger, *περιχύσει*, non *βαπτισθείς*. *Euseb. vi. Hist. Cap. xlii.* III. Dissimulandum etiam non est, in immersione maiorem esse significationis ubertatem, & plenior signi cum re significata analogiam: quemadmodum ostendemus, quando ad eam rem deventum erit. IV. Etiam in frigidis regionibus immersionem, sine magno valetudinis ac vitæ discrimine fieri, exemplo suo *Moscovitæ* comprobant, qui infantes baptizandos ter in aqua totos immergunt, non credentes, baptismum aliter rite fieri: neque unquam aqua tepida, nisi pro infirmis, utuntur. Quemadmodum rerum *Moscoviticarum* scriptores prolixè narrant apud *Georgium Feblarium*, in *Annotationibus ad Enchiridium Christophori Angeli de Statu bodjernorum Græcorum. p. 470.* *Et seq.* V. Si tamen aqua frigida incommodior aut periculiosior censeatur, posset ea tepesceri: quod Græcis suis in more positum esse, mox laudatus *Christophorus* testatur *Cap. xxiv.* *Servant*, inquit, *Græci in Ecclesia sua vasa quedam ampla, quæ Baptisteria appellant, hoc est, tantæ capacitatis vasa, in quibus ὁ ἵδιος τοῦ ἁγίου πνεύματος, ut infantem, quantus quantus est, iisdem possint immittere.* Quando igitur infans aliquis fonte hoc sacro tingendus est, *ὡς συγγενὴς τῷ πατρὶ προσερχομένης τὸ ὕδωρ μετὰ φιλανθρωπίας ἰουδῶν, consanguinei infantis primo omnium aquam, floribus odoriferis inspersis, curant caleferi.* Quæ aquæ calefactio si similiter in nostris regionibus fieret, periculum in immersione baptizandorum non usque adeo magnum fore videtur.

*Perfusiones  
tamen vel  
adperfone  
rite baptis-  
mus pera-  
gitur.*

XIV. VI. Non tamen existimandum est, adeo ad baptismum necessariam esse immersionem, ut perfusione vel adperfone rite peragi non possit. Nam & perfusio ac adpersio habent, quo se tueantur. I. Non si Apostolos mersisse comperiamus, eo ritum hunc semper observasse consequitur. Probabilius est, eos ter mille, qui una die baptizabantur *Act. ii. 41.* aqua perfusos vel adpersos, quam mersos esse. Etenim verisimile non est, homines in verbi præconio occupatissimos, quales Apostoli erant, tam operosæ tot millium immersioni suppeditare potuisse. Neque credibile est, *Cornelium*, & *Lydiam*, & *Commentariensem*, in privatis ædibus, una cum suis, baptizatos, baptisteria ad manum habuisse, quibus toti immergi potuerint. Perfusionis exempla ex antiquitate attulit *Vossius Disput. i. De baptis: Th. ix.* Quæ, eodem ordine,

ordine, dissimulato tamen Vossii nomine, Lexico suo Antiquitatum Ecclesiasticarum p. 66. inseruit *Josua Arndius*. II. Licet *Baptizatio* proprie significet mergere, tamen etiam generalius usurpatur de qualicunque ablutione; ut *Luc. xi. 38*. Bene ergo *Dominicus a Soto. Distinct.* III. *Quaest. un. art. vii.* In baptismo aliquid est de essentia, ut ablutio, juxta illud *Eph. v. 26*. ubi *Apostolus baptismum vocat lavacrum aquae*: aliud vero accidentarium, nempe ut ablutio hoc, vel illo modo fiat. III. Res significata baptismi, perfusionis, & adspersionis vocabulis tam in Veteri, quam in Novo Testamento exponitur. De Superfusione vide *Jes. xliv. 3*. De Adspersione *Jes. lxi. 15. Ezech. xxxvi. 25. Heb. xii. 24. i Pet. i. 2*. Non abnuo, citatis locis alludi ad adspersiones Leviticæ; constat tamen inde, applicationem sanguinis & Spiritus Christi, qua fideles Novi Testamenti gaudent, adspersionis ritu commode obumbrari. Quo disertis verbis nos ducit *Apostolus, Heb. ix. 13. 14*. Nam si sanguis taurorum & hircorum, & cinis juvencae ADSPERGENS inquinatos, sanctificabat ad carnis puritatem: quanto magis sanguis Christi emundabit conscientiam vestram a mortuis operibus? IV. Accedit, quod tota Novi Testamenti ratio, plane ad facilitatem ac libertatem composita, tenellam infantium baptizandorum ætatem, præsertim in tractibus septentrionalibus, a denudationis & immersionis totalis necessitate absolvat. Quæ, etiam si fortassis sine vitæ discrimine, non tamen sine aliquo incommodo fierent. V. Addunt aliqui, antiquis temporibus, quibus candida simplicitas magis vigeat, baptizandos honeste denudatos fuisse totos: sed postquam ut aliorum, ita eorum, quibus baptismi administratio incumbit, accrevit nequitia, experientia id toti orbi clare testante, honeste amplius id fieri non potuisse: & hac propter jam a quinque retro seculis paullatim per universum pene occidentem, consuetudinem illam exolevisse: Vide *Vossium loco citato*. Qui hoc habet ex *Josepho Vicecomite, de ritibus Baptismi, Lib. iv. Cap. x. & xv*. Cui tamen eruditas considerationes suas opponit immortalis memoriæ Theologus, *GISBERTUS VOETIUS, Polit. Eccl. Tom. i. p. 690*. totalem illam baptizandorum denudationem in antiqua Ecclesia non obtinuisse, contra *Vicecomitem*, ac *Vossium*, rationibus non contemnendis probans. Verum etiam si denudatio illa restrictior ac verecundior fuerit, prout a pictoribus repræsentari solet, tamen ob pravitatem hominum tutior videtur nunc affusionis vel adspersionis ritus, ad quas nulla ejusmodi corporis denudatio requiritur. Unde concludimus, inclementer admodum, atque adeo sine ratione, Latinos Græcis nonnullis in Concilio Flo-

OEC. FOED. Yyyy rentino

rentino *Ἀθανάσιος* dictos esse, quia non in aquam intrantes undæ mor-  
si sunt. Vide Concilii illius Historiam, *Seç. IX. Cap. IX.*

*Trinitas an  
trina, an u-  
na sit, pa-  
trum refertur.*

XV. An immersio vel adpersio semel, an ter fiat, non existi-  
mo multum interesse. Neque enim præceptum Domini de ea re  
habemus. Trina tamen immersio receptior fuit apud priscos. Qui  
& in ea mysticum aliquid constituerunt. Volebant enim, ea si-  
gnificari I. Confessionem adorandæ Trinitatis, in cujus nomine  
baptismus suscipiebatur. II. *Τὸ θάνατον, καὶ τὴν τριήμερον ἀνάστασιν τοῦ Χριστοῦ.*  
*Mortem & triduanam Christi resurrectionem;* ut *Athanasius* loquitur  
*Quæst. XCIV.* III. Tertiam rationem, minus tamen stringentem, ad-  
dit *Ambrosius*, *Lib. II. De Sacram. Cap. VII.* *Tertio mergisti, ut multi-  
plicem lapsum superioris ætatis absolveret trina confessio.* Postea tamen in  
Hispania, Arianis mersiones numerantibus, ut Divinitatem divide-  
rent, *Leander*, Episcopus Hispalensis, de quæstione trinæ vel sim-  
plæ mersionis consuluit *Gregorium II* Episcopum Romanum; qui,  
licet Ecclesia Romana ter mergitaret, Hispanicam tamen simplici  
mersione rectius contentam fore, respondit. Quod etiam in Con-  
cilio Toletano Quarto, Anno 633 ita decretum est. Ubi canone  
v. vel juxta aliam editionem vi. *utrumque rectum, utrumque interpre-  
tensibile in sancta Dei Ecclesia habetur.* Simpli tamen mysterium sacra-  
menti præfertur, ut quisque videat in eo unitatem Divinitatis, &  
trinitatem personarum ostendi: *Unitatem* <sup>1</sup>, inquit, *quum semel im-  
mergimus; trinitatem, dum nomine Patris, Filii & Spiritus Sancti baptizamus.*  
Vide *Vossium*; *Disp. II. De baptis. & Forbesium Lib. X. Cap. V. S. XLVIII.*  
& *seq.*

*Nulli ver-  
borum for-  
mula in ba-  
ptismo nos  
Christus al-  
ligavit.*

XVI. Conveniens quidem non est, baptismum administrare sine  
sermone aliquo, quo illius mysterium breviter exponatur: (juxta  
vulgatum illud Augustini, *De trabe verbum, & quid est aqua nisi aqua?*)  
non tamen existimamus, necessariam verborum formulam a Chri-  
sto præscriptam esse, qua uti semper & ubique omnes teneantur.  
Jussit quidem Christus baptizare in nomen Patris, Filii & Spiritus  
S. sed non jussit præcise dicere, baptizo te in nomen Patris, &c.  
Apostoli dicuntur *Baptizasse in nomine Jesu. Act. II. 38. & VIII. 16. &  
XIX. 5.* neque tamen inde sequitur, eos hac formula usos esse,  
Baptizo te in nomine Jesu. Attamen quum baptismus omnino in  
nomine Sacro-Sanctæ Trinitatis peragi debeat, cui per abluionem  
consecramur in religionem & cultum, necessarium quoque vide-  
tur, in baptismi administratione, vel exsertam, vel implicitam sal-  
tem, Trinitatis mentionem fieri. Neque dubium est, quin mon-  
stri aliquid alat, qui morem toto orbe Christiano receptum, &  
quem probabile est ab Apostolico manasse exemplo, recusat fe-  
qui.

qui. Non tamen absolute improbare aſſim baptiſmum in nomine Chriſti adminiſtratum ac ſuſceptum, nulla facta mentione Patris ac Spiritus S. tum quia baptiſmus Apoſtolorum iis verbis a Luca deſcribitur : tum quia, ut acute obſervatum eſt a *Baſilio*, *De Spiritu Sancto*, ἡ τῆ χειρὸς προσηγορία τῷ παντὶ ἐστὶν ὁμολογία, δηλοῖ γὰρ τόντι πνεύματι Θεῷ. καὶ προσδίδτα οὖν, καὶ τὸ χρίσμα τὸ πνεῦμα. Chriſti appellatio eſt confeſſio totius. Significat enim Θεὸς eum, qui unxit, nempe Deum; Θεὸς enim, qui unctus eſt, Filium; Θεὸς Unctionem, nempe Spiritum. Cui ſimilia habet *Ambroſius*, *De Spir. Sancto Lib. 1. Cap. III.* a *Lombardo* etiam, ubi de baptiſmi formula agit, adductus. *Senten. Lib. IV. Diſtinct. III.* Non inepta etiam obſervatio eſt, paullo diverſam videri rationem eorum, qui e Judaismo, atque eorum, qui e Gentiliſmo, ad Chriſtianiſmum tranſeunt, baptizabantur. Gentiles enim, qui ab idolis ad verum Deum convertuntur, eum, inquam, Deum, qui trium perſonarum in una eſſentia diſtinctione a non Diis diſcriminatur, in diſertam Trinitatis confeſſionem baptizari, par eſt. Quum autem priſcorum Iſraëliitarum & Chriſtianorum unus idemque Deus ſit, ſuffeciſſe propter hanc rationem præcipitur *Mat. xxviii.* gentes baptizandas eſſe in nomen Patris, Filii, & Spiritus Sancti: Judæi autem, vel nativitate, vel religionis profeſſione antea tales, leguntur baptizati in nomine Jeſu.

XVII. Baptiſmum typum quendam ſive figuram eſſe, quæ vim commemorandi ac docendi quicquam Divinius ac ſublimius habeat, Petrus monet *1 Ep. III. 21.* Ideoque expoſito eo, quod externum eſt, & in ſenſus incurrit, de *Re Spirituali ſignificata* nunc agendum. Ea porro vel in *Genere* conſiderari poteſt, vel *Specialius*.

Baptiſmum  
typus eſt.

XVIII. Res ſignificata baptiſmi in genere, eſt *Receptio in Fœdus Gratæ*, prout adminiſtratur ſub *Teſtamento Novo*: Uti circumciſio erat ſignum ac ſigillum Teſtamenti Veteris. *Gen. xvii. 10.* ita baptiſmus, qui circumciſioni ſucceſſit, *Col. ii. 11.* eſt ſignum pactionis Novæ ejusdemque, uti *Baſilius* dixit, σφραγὶς ἀνεπιχρίστος, ſigillum irrevocabile. Porro receptio illa in Fœdus Gratæ duo importat, I. Communionem cum Chriſto, & corpore ipſius myſtico, & conſequenter participationem omnium beneficiorum ejus. II. Stipulationem debiti officii. Utrumque ſignificatur & obſignatur baptiſmo. Prioris reſpectu, dicimur in Chriſtum baptizati; *Rom. vi. 3. Gal. iii. 17.* & per unum Spiritum in unum corpus baptizati; *1 Cor. xii. 13.* & per baptiſmum ſalvati. *Tit. iii. 5. 1 Pet. iii. 21.* Cum reſpectu ad poſterius vocatur baptiſmus *συνιδόσεως ἀγαθῆς ἐπαράτημα* iis Θεοῖς. *1 Pet. iii. 21.*

Et ſignifi-  
cat genera-  
liter recep-  
tionem in  
Fœdus Gra-  
tæ ſub  
T. N.

2 Pet. 3. 21.  
Exponitur.  
Quid con-  
scientia bo-  
na:

XIX. Dignus profecto locus, quem inquisite exponamus. In quidem ut primo investigemus, quid sit *Conscientia Bona*: tum quid hic valeat *ἐπερώτημα*: dein quo referenda sint verba *in Deum*, an ad *ἐπερώτημα*, an ad conscientiam bonam. *Conscientia bona* est dupliciter: I. *Honeste bona*, quando fideliter homini Dei nomine proponit, quid faciendum, quid fugiendum sit, eumque ad accuratam sanctitatis studium continuo hortatur. II. *Jucunde bona*, quando, homini sinceræ sanctitatis testimonium perhibendo, eum exhilarat. Itaque conscientiam bonam habere, quemadmodum Apostolos noster loquitur *1 Pet. 16.* est ita juxta mentis dictatum vivere, ut certus sis, te bene agere ac Deo placere. Id vocat Paulus *ἀντιμετρουμένην*. *Act. XXIV. 16.*

Quid  
ἐπερώτημα.

XX. *Ἐπερώτημα* non uno modo ab eruditis explicatur. Occurrit enim exponit per *ἀρραβόντα*, *ἰνέχοντα*, καὶ ἀποδείξον, *arrabonem*, *pignus*, & *demonstrationem*. Quod accepit *Cl. Coccejus*, qui passim inculcat *ἐπερώτημα* esse argumentum, & fundamentum interrogandi Deum ut Patrem, & signum ac sigillum, quo possimus uti *in passivis*, & ad Deum accedentes *ἀφ' ἑαυτῶν* petere ab ipso quæ sunt salutaria. Sed non videtur ista explicatio cum originatione vocis convenire: & dubito, an ullum illius significationis exemplum ex probato auctore proferri queat. Melius, me judice, *Vossius*, *ἐπερώτημα* non simpliciter interrogationem signare observat; sed eam, quæ interrogationi alteri subjicitur. Nam baptizandi rogant Deum, an non Deus suus esse velit: & Deus vicissim eos rogat & restipulatur, an non bonam conscientiam habituri sint erga Deum. *Grotii* autem annotationes hic oppido eruditæ sunt. Is observat, *ἐπερώτημα* juris vocem esse, & passim apud *Theophilum*, aliosque Græcos juris Romani interpretes pro *stipulatione* usurpari. Uti & in Glossario, *Ἐπερωτῶ*, *stipulor*. Sed addit per *μετανομήσαν*, ut in jure sæpe, nomine *stipulationis* comprehendit & *responsionem*, sive *promissionem*. Hinc in eodem Glossario, *Ἐπιρωτῶμαι*, *promitto*, *spondeo*. Quod si attendisset *Beza*, fortasse non dixisset, durum esse *ἐπερωτῶν* vertere *Respondendi* verbo, uti fecit *Erasmus*.

Quo refe-  
renda sint  
verba, ad  
Deum.

XXI. Utra autem significatio, an stipulandi, an promittendi, hic locum habere debeat, plurimum pendet ex constructione verborum, *ad Deum*. Quæ vel ita jungi possunt, ut *conscientia bona* dicatur esse *ad Deum*, id est, erga Deum, coram Deo, & ad ipsum in omnibus actionibus suis respiciens: uti *Act. XXIV. 16.* vel ita ut *ἐπερώτημα ad Deum* fieri dicatur. Si cui prius allubescat, convenientius videtur *ἐπερώτημα stipulationem* vertere, quemadmodum erudite factum est a *Beza*. Deus enim est, qui stipulatur ab ho-

mine

mine Christiano , ut bonæ conscientiæ erga ipsum studeat. Sin posterius magis placuerit, & conscientia ipsa consideretur ut *ἡμετέρα*, vel homo Christianus ut *ἡμερῶν* ad Deum de conscientia bona ; planum est , *responsionis*, sive *promissionis* significationem melius congruere. Tam concinne autem utrumque instituto Apostolico quadrat, ut non facile discernam, quid præferendum sit.

XXII. Nam duo hæc baptismo insunt. Et Deus *stipulatur* conscientiam bonam erga se ; & conscientia *ἡμετέρα* eis *Θεὸς* respondet & promittit Deo se daturam esse operam, ut bona dici queat , vel, quod simplicius videtur , homo spondet Deo , se conscientiam bonam conservaturum esse. In baptismo olim Episcopus, aut aliquis ejus nomine ita interrogabat , aut, quod idem est, stipulabatur : *Ἀποτάσσει τῷ Σατανᾷ ; Renuncias Satana ?* Respondebat baptizandus, *Ἀποτάσσομαι. Renuncio.* Rursus rogatus, *Συντάσσει τῷ Χριστῷ ; Consentis Christo ?* Respondebat, *Συντάσσομαι Consentio.* Hanc *sponsionem salutis* vocat *Tertullianus de Baptismo.* Idem de *Resurrectione Carnis*, *Anima enim non lavatione sed responsione sancitur.* *Cyprianus* interrogationem *Baptismi* dixit, *Epist. LXXVI. & LXXX.* Plane eodem spectant Petri verba ; nam si non eandem , similem saltem ejusdemque valoris interrogandi ac spondendi formulam , ab Apostolorum ævo in susceptione baptismi usitatam fuisse , credibile est. Et tamen nulla istius rei expressa formula fuisset, virtualiter tamen baptismus, ut initiamentum foederis , stipulationem ac sponsionem illiusmodi continet.

XXIII. Sed specialius quoque exponendum est, primo quid per *Aquam* baptismi, tum quid per *ritus* circa aquam adhiberi solitos, significetur. Atque *aqua* quidem Christi tam *sanguinem*, quam *Spiritum* notat : quibus, veluti aquæ mysticæ, ea in sacris literis effecta attribuuntur, quorum communionem per baptismum significari atque obsignari constat : *sanguini* nimirum ut *causæ impetranti*, *Spiritui* ut *causæ applicanti*. De sanguine Christi, quo adspergimur, Paulus loquitur. *Heb. XII. 24. & Petrus I Epist. I, 2.* Spiritus autem expressim sub aquæ nomine venit. *Jes. XLIV. 3. Ezech. xxxvi. 25, 26, 27.*

XXIV. Analogia sacramenti in hisce tribus potissimum consistit. I. *Aqua* res est, seu nitro, quo plena esse dicitur, seu quavis alia facultate, omnium maxime idonea, quæ corporis sordes eluat. Christi autem sanguis mundat animam ab omnibus peccati sordibus. *I Job. I : 7.* quia nimirum passionibus suis meritis est, ut mundi coram Deo sisteremur. *Eph. v. 25, 26.* Et spiritus Christi, merita sanguinis applicans, actu nos mundos præstat. *I Cor. vi. 11.* II. *Aqua*

etiam *mergendi* & *suffocandi* vim habet. Eandem efficacitatem ad mortificationem vetusti hominis sanguis & Spiritus Christi exserunt; qua de re mox plura audiemus. Atque hoc nomine *Gregorius Nazianzenus* baptismum vocavit, *παραλυσὶν ἀμαρτίας*, diluivum peccati. Consentit *Ambrosius*, *Libr. de Initiandis Cap. III.* *Aqua est, qua caro mergitur, ut omne ablatur peccatum.* III. *Aqua principium plurimarum rerum viventium est, inque earum creatione Spiritus incubabat aquis.* *Gen. I. 3.* Nihil ferme vivum profert terra, sive ex plantarum, sive ex reptilium genere, nisi aqua fecundetur. *Psal. LXV. 10.* Ipsa foetus humani generatio ex aqua fieri dicitur. *Jes. XLVIII. 1. Ps. LXVIII. 27.* Ita etiam sanguis Spiritusque Christi ceu aqua mystica, regenerationis & *ἀναστάσεως* nostræ principia sunt. *Job. III. 5.* Id quum baptismi aqua significetur, hinc baptismus ipse *Lavacrum regenerationis, & renovationis Spiritus Sancti* nuncupatur. *Tit. III. 5.*

Ritus mystici in baptismo.

XXV. In ritibus adnexis distincte notanda, I. Immersio in aquam & inde consequens Ablutio. II. Mora sub aqua. III. Emergio ex aqua. Qui ritus, partim referuntur ad memoriam eorum, quæ Christo evenerunt; partim significant beneficia, quæ per hæc nobis confert Christus, partim nos commonefaciunt officii nostri.

Partim ad Christum referuntur;

XXVI. Primo ergo immersio in aquam spectandam nobis exhibet horrendam illam *justitiæ Divinæ abyssum*, qua Christus, propter peccata nostra in se suscepta, ad tempus, quodammodo fuit absorptus: sicuti in typo Davidis querebatur *Psal. LXXIX. 3.* *Demergo in cœnum profundissimum, ubi non est consistendi locus: ingredior profunditates aquarum, & fluentum inundans abripit me.* Et specialius, quando quidem immersio istiusmodi lucis & reliquarum rerum, quæ in mundo sunt, usum aufert; optime mortem Christi adumbrat. Mora sub aqua quantumcunque, denotat ejusdem sepulturam, & infimum illum exinanitionis gradum, quum in obsignato, & custodibus munito sepulchro, plane pro exciso fuit habitus. Emergio ex aqua, simulacrum quoddam exhibet resurrectionis, sive victoriæ, quam, mortuus, a morte, intra sua ipsius penetralia, in sepulchro scilicet, debellata, reportavit. Hæc omnia Apostolus innuit, *Rom. VI. 3. 4.*

Partim ad beneficia a Christo promanantia; tam præsentia,

XXVII. Præterea significat etiam baptismus Beneficia illa, quæ fideles in Christo consequuntur: eaque tam præsentia, quam futura. Inter præsentia præcipuum est, communio cum morte, sepultura, ac resurrectione Christi; & quod inde sequitur, mortificatio, & sepelitio veteris nostri hominis, & suscitatio novi, virtute sanguinis ac Spiritus Christi. Immersio enim in aquam mortem veteris homini

benignam

*hominis* adumbrat, ita quidem, ut neque stare possit in iudicio ad nostri condemnationem, neque dominatum exercere in corporibus nostris, ut cupiditatibus ejus serviamus. Priori respectu mors veteris hominis ad justificationem: posteriori, ad sanctificationem pertinet. *Mora* sub aquis *sepulcrum* corporis peccatorum repræsentat, qua omnis reviviscentiæ spes ei præscinditur: ut nunquam post-hac vel damnare electos, vel dominari iis queat. Nam sicuti in sepultura cadaver terra obrutum ab omnium hominum conspectu removetur, & ita superinjecta terra premitur, ut si fingamus, non nihil vitæ in homine sepulto remansisse, vel aliquid vitæ ei per miraculum de novo indi, illa tamen non possit non subinfecto terræ pondere suffocari, neque ad perennitatem aliquam emergere: ad eundem modum, quum in baptismo homo aquismersus aliquantisper sub iis detinetur; significatur & obliqnatur, peccata nostra a Divinæ justitiæ intuitu semota esse, neque unquam fore, ut imputentur ad condemnationem; sive ut Micha loquitur, *Cap. VII. 19. subactas esse iniquitates nostras, & omnia peccata nostra in profundissimum maris coniecta esse*: itidemque vim peccatorum ita premi & enervari, ne ulterius nos impellat, quo velit, vel salutem nostram impediatur, aut semel amissas vires resumatur, ad nos in potestatem suam iterum redigendos. *Emergio* ex aqua, novi hominis, peccatis jam demersis, ad spiritualem vitam, per Christi resurrectionem, suscitati symbolum est. Atque hæc quoque Apostolus docet, *Rom. VI. 3. 4. 5. 6. & Col. II. 11. 12.* ubi, baptismum nostrum ita memoriale esse innuit eorum quæ Christo obvenerunt, ut simul obliqnet communionem nostri cum Christo in iis omnibus, & coalitionem quasi in unam plantam.

XXVIII. Sed & *futura beneficia* baptismo significantur. Quem- *Quam fa-*  
*stidum*  
admodum enim in baptismo aquis immerfi, mox emergimus salvi: ita etiam futurum est, ut, licet calamitatibus in hac vita premamur, non tamen opprimamur; sed, iis tandem liberati, in perennia gaudia transferamur. Aquis enim calamitates in Sacris Literis comparari, ex plurimis locis liquet. *Pf. XVIII. 5. Pf. XXXII. 6. Pf. XLII. 8. Pf. CXLIV. 7.* Et afflictiones quandoque baptismi nomine veniunt. *Matth. XX. 22. Marc. X. 32. Luc. XII. 50.* Emergio ergo ex aquis, vel aquarum abstersio, beatam omnium seculi hujus difficultatum superationem notat. Conferri potest *I Pet. III. 20, 21. In qua (arca Noë) pauci, id est octo, animæ servatæ sunt in aqua. Cui respondens exemplar baptismi nos quoque servat.* Et quemadmodum *Israhel* non sine ingenti trepidatione mare rubrum ingressi, *Ægyptiis* submersis, salvos se tandem in aridam emerfisse, stupebant; ita



ita etiam fideles, omni hujus vitæ miseria superata, stantes ad mare vitreum cantabunt *canticum Agni*, Ap. XVII. 3. dicentes: *Educ me (Jehova) e lacu tumultuoso, e luto cenofo; statuit super petram pedes meos, firmavit gressus meos.* Ps. XL. 3.

*Aquis adeo ipsam resurrectionem gloriosam.*

XXIX. Ulterius, quum in baptismo significetur mors, sepultura, ac resurrectio Christi: ejus autem resurrectio gloriose nostræ resurrectionis sit pignus: ex baptismo nostro cognoscere licet; quod uti aquis quasi sepulti mox exsurgimus; ita die ultimo ex sepulchris suscitabimur ad vitam æternam. Hinc Theodoretus, de Baptismo: Ἀρραβὼν γὰρ ἐστὶ τῶν μελλόντων ἀγαθῶν, καὶ τῆς ἐπομένης ἀναστάσεως, καὶ καὶ νῦν τῶν δεσποτικῶν παθημάτων, καὶ μυστηρίᾳ τῆς δεσποτικῆς ἀναστάσεως. Est enim arrha futurorum bonorum, & futura resurrectionis typus: & commatio Dominicarum passionum, & participatio Dominica resurrectionis. Quod convenienter dicitur verbis Christi, Marc. XVI. 16. Qui crediderit, & baptizatus fuerit, salvabitur.

*Qua res aliquanto quidem clarius per immersionem, sufficienter tamen per adspersionem figuratur.*

XXX. Ex iis, quæ diximus, patet, ritum immersionis in aquam, quam emersio sequitur, prout priscis plerumque usurpatus est, aliquanto majorem, & ad effectum, & ad causam effecti representandum, vim & analogiam habere: attamen non est existimandum, per adspersionem, vel superfusionem aquæ analogiam omnem tolli. Respondet enim immersioni in aquam ejus effusio vel adspersio, quam fortasse tam copiosam esse præteret, ut per totam faciem diffuere, eamque quasi obtegere possit: quemadmodum emersioni ex aqua respondet illius dissipatio. Vultus autem & caput totam personam veluti repræsentat, adeo ut quæ in illa parte fiunt, in toto corpore fieri censeantur: & quum facies obruitur aqua persona integra videatur immergi; quum vero aqua ex omni parte diffluit, persona tota educi ex ea existimetur. Neque ex quantitate externi signi æstimari debet communio rei significatæ. Non minus exigua aquæ portiuncula ubertatem Divinæ gratiæ obliquare potest in baptismo, quam parvula panis buccella, & parciore vini haustulus in sacra Coena.

*Ablutionis mysterium.*

XXXI. Hactenus de immersionis & emersionis ritu: de ablutione nunc videamus, quæ aquæ corpori applicatæ *abluere* est. Est in externo baptismo *abjectio sordium carnis*. I Pet. III. 21. Ea notat ablutionem sordium animæ a peccatis. Act. XXII. 16. Surge baptizator, & abluitor a peccatis tuis, invocato nomine Domini. Sordes autem peccatorum considerari possunt, vel respectu reatu, qui maculæ est annexus, atque ita auferuntur per remissionem, quæ justificationis pars est; vel respectu ipsius maculæ sive deformitatis spiritualis & difformitatis ab imagine Dei, atque ita tolluntur per

per gratiam Spiritus sanctificantis. Utrumque obsignatur baptismo. De priori Petrus concionatur *Act. II. 38. Baptizetur unusquisque vestrum in nomine Jesu Christi, in remissionem peccatorum.* De posteriori Paulus scribit, *Eph. v. 25. 26. Christus dilexit Ecclesiam, & semet ipsum expulit pro ea: ut eam sanctificaret, ab eo purificatam lavacro aquæ per verbum.* Junctim proponitur. *I Cor. VI. II. Sed Abluti estis, sed Sanctificati estis, sed Justificati estis, in nomine Domini Jesu, & per Spiritum Dei nostri. Abluti estis, sacramentaliter in Baptismo, quæ ablutio mysticæ ablutionis symbolum est. Mystica autem ablutio tam justificationem, quam sanctificationem complectitur; quæ utraque peragitur in nomine Domini Jesu, id est, virtute meritorum ejus, & Spiritu Dei nostri, qui Christi merita efficaciter electis applicat.*

XXXII. Quia vero qui sordidi peccatis immergebamur aquæ, mundi emergimus, & Spiritus Sancti luce, tanquam veste splendida circumfusi: eo in baptismo dicimur Christum induere. *Gal. III. 26. 27. Omnes enim filii Dei estis per fidem in Christo Jesu. Nam quicumque in Christum baptizati fuistis, Christum fuistis induti.* Quæ indutio Christi bifariam exponi potest: vel quatenus per Spiritum Sanctum inferimur Christo, & hac nostri cum unigenito ac naturali filio conjunctione gratiose sumus filii Dei: vel etiam quatenus Spiritu Dei intus renovamur ad novam vitam, & eo tanquam veste splendida circumfundimur, ita ut nativæ veteris hominis maculæ ac rugæ contegantur; proque iis pietas ac sanctimonia reluceant in conversatione, ac vita. Sic baptizati similes sunt gregi equarum pecudum, quum adscendunt ex lavacro, *Cant. IV. 2.* Atque idem iis contingit, quod olim Josuæ sacerdoti, cujus vestimenta sordida, Dei jussu, splendidis vestibus mutabantur, addito, *Vide, transire feci a te iniquitatem tuam. Zach. III. 3. 4. 5.* In cujus rei symbolum, recens baptizati apud antiquos veste candida induebantur: quas tota a baptismo hebdomada gestabant; neque deponebant nisi octava a Paschate vel Pentecoste die: quæ idcirco Dominica in Albis dicebatur, ut illi, *Candidati, Albati.* Pleraque eorum quæ dicimus emphatica brevitate complexus est *Basiliius Cæsariensis, in Exhortatione ad baptismum:* ubi baptismum vocat *ἡφιλαμάτων ἄφισιν, θάνατον ἁμαρτίας, παλινγενεσίαν ψυχῆς, ἕδωκεν φωτισμόν, σφραγίδα ἀντιχρίστου, ὄχημα πρὸς ἕραν, βασιλείαν πρὸς ἔανον, ὁδοῦ χάριτος:* *Debitorum remissionem, mortem peccati, regenerationem animæ, indumentum lucidum, sigillum inviolabile, vehiculum ad cælum, regni conciliationem, adoptionis gratiam.*

*Est & in  
baptismo  
indutio  
Christi.*

XXXIII. Tertia nunc superest baptismi significatio; quæ est

*Inest ei de-  
nique ad-*

OEC. FOED.

Z z z z

admo-

monitio of-  
ficii nostri:

Erga  
Deum;

& Chri-  
stum.

admonitio officii nostri. Atque id quidem triplex est, erga Deum & Christum; erga nos ipsos, erga proximum.

XXXIV. Quandoquidem in nomine Sacro-Sanctæ Trinitatis baptizamur, ei etiam ad cultum ac ministerium consecramur, & abrenunciantes diabolo, mundo, & cupiditatibus carnis, totos nos Deo devovere docemur. Hinc illa junguntur, *Mat. xxviii. 19. 20. Profecti docete omnes gentes, baptizantes eos in nomen Patris, Filii, & Spiritus Sancti: Docentes eos servare omnia, quæ mandavi vobis.*

XXXV. Et quum speciatim in Christum baptizamur, jubemur eum pro Domino, sponso, capite nostro agnoscere, & universam vitam nostram ita componere, ne ipsi, quicum tam arcte juncti sumus, ne Spiritui ipsius, qui unionis istius vinculum est, dedecori esse comperiamur: sed ex adverso sanctificans illa virtus, tam sanguinis, quam Spiritus ejus, in toto vitæ nostræ instituto manifesta fiat. Denique quum specialissime in communionem mortis, & resurrectionis Christi baptizati simus, in utraque insigne exemplar nobis ob oculos constituitur, ad cujus similitudinem conformaremur. Ut enim Christus, quum mortem oppetiit, & usura lucis, & functionibus sensuum, & omnibus aliis vitæ operationibus privatus est, atque adeo abruptit omne cum mundo commercium, ne quid amplius cum eo commune haberet: sic nos oportet, si quam cum Christo veram unionem habere cupimus, cessare ab omnibus illis operibus, quibus antea addicti eramus, & mundo renunciare, haut fere secus ac si essemus mortui. Et uti Christus, quum resurrexit, ingressus est in novum vitæ genus, & omnino diversum ab ea vita naturali, quam in terris ante mortem agebat, sic nos, si qua nobis est cum ejus resurrectione communio, resurgere oportet ad novam vitam, quæque prorsus abhorreat ab ea vita corrupta, & peccato inquinata, cui dediti eramus ante nostram vocationem. Quemadmodum hæc urgentur ab Apostolo *Rom. vi. 3---6.*

Erga nos  
ipsos:

XXXVI. Nos ipsos quod attinet, monemur in Baptismo, ne semel abluti peccatorum nos sordibus iterum polluamus; neve Christo immerfi, iterum misceamus nos, vel immergamus mundo: ne nobis quoque accidat, *quod vero proverbio dici solet, canis reversus est ad suum ipsius vomitum, & sus lota, ad volutabrum cæni.* 2 *Pet. ii. 22.*

Erga pro-  
ximum no-  
strum.

XXXVII. Præterea quandoquidem in uno Spiritu omnes in unum corpus baptizati sumus, 1 *Cor. xii. 13.* commonemur quoque, ut tanquam unius corporis membra alii alios diligamus, & fraternam concordiam colamus: solliciti servare unitatem Spiritus in vinculo pacis:

pacis : unum enim baptisma est. *Eph. iv. 3. 5.* Breviter , quum baptismus sit sigillum Divini foederis , baptismi susceptione obstringimus nos ad eam vitæ sanctimoniam , quæ foederatis Dei digna est.

XXXVIII. Omnibus hisce magnum oppido pondus ex eo additur , quod baptismus administretur in nomen Patris , & Filii , atque Spiritus Sancti. Etenim eo ipso , Deus Pater iis , qui rite baptizantur , promittit , nihil sese erga eos omisurum , quod ab amantissimo Patre expectare queant : Deus Filius similiter pollicetur , se omnia consummatissimi Servatoris officia erga eos præstiturum : Spiritus Sanctus itidem addicit & sanctificationem , & consolationem , & inhabitationem ac conservationem perpetuam. Ii autem , qui ita baptizantur , non modo fidem suam de Trinitatis mysterio profitentur , quod alibi fassus prosecuti sumus ; sed & Deo Patri se obstringunt , ad obedientiam filialem : Christo se dedunt , qua Prophetæ , ad discipulatum ; qua Regi , ad servitium ; qua Sacerdoti , ad peccatorum suorum expiationem : Spiritui denique Sancto se obligant , ne eum tristitia afficiant , sed inspirationibus illius motionibusque reverenter obsecundent.

XXXIX. Quæ de baptismi significatione hætenus dicta sunt , ea magnam partem ex sæpius jam laudatis VOSSII Disputationibus desumpti , quod & alios consimiliter fecisse animadverto. Gemina etiam iis in GOMARI Thesibus , quandoque iisdem propemodum verbis , reperiuntur. Uter autem horum Doctissimorum Virorum alteri tam accuratos sane solidosque conceptus præformaverit , non habeo nunc dicere. Cætera , quæ de baptismo disputari solent , copiose nostris exposita sunt , & in Locis Communibus passim reperiuntur , neque necesse est hic repetere. Si quis priscae Ecclesiæ ritus circa baptismum cognoscere desideret , is adeat *Josephi Vicecomitis Observationes Ecclesiasticas de Antiquis baptismi ritibus.* Et ex nostris conferat *Vossium* , *Voetium Polit. Eccl. Part. 1. Lib. II. Tra. II. Forbesium* , *Lib. x. Hoorbeeck in Disputationibus de baptismo Veterum.* Græcorum & Moscovitarum circa baptismum ceremonias , ex variis Scriptoribus congestit *Georgius Feblavius ad Cap. XXIV. Christophori Angeli , de Statu bodiænorum Græcorum.*

XL. Id unum hic omittendum non esse videtur , quum maximi ad consolationem nostram momenti sit ; quod scilicet baptismus , ex voluntate Dei , non adultis solum fidelibus , sed & parvulis eorum , impertiendus sit. Cujus rei fundamenta , omni exceptione firmiora , in Sacris Literis reperiuntur : adeo ut necessum non sit ,

ZZZZ 2

cum

*Quid valeant baptizari in nomine P. & S. S.*

*Vossius, alii- que laudati.*

*Pado- baptismus in scriptura fundatus est.*

cum Pontificiis, in causa bona turpiter prævaricantibus, ad traditionem ἀρχαῖος in hoc negotio confugere.

*Mittiturque  
generatibus  
quibusdam  
mandatis,  
sacra Dei,*

XLI. Non equidem inficiamur, nullum Dei Christive ejus expressum ac speciale de Pædo-baptismo mandatum existare: generalia tamen mandata existant, ex quibus speciale hoc evidenti consecutione deducitur. Etenim, ut ab eo quod generalissimum est ordiar, declaravit Deus Abrahamo, perpetuam ac constantem voluntatem suam esse, ut ne foederis signum foederatis suis denegetur, quum dixit, *Genes. XVII. 13. Eritque pactum meum in carne vestra, in fœdus perpetuum.* Quibus verbis ab omni posteritate Abrahami, quacum foedus gratiæ inierat, foederis sui signum in carne gestari jubet. Ex generali isthoc effat necessitatem circumcissionis infert, *1. 14.* quia eam tunc pro signo foederis dabat. Quando ergo, œconomia mutata, circumcissioni aliud foederis signum substituit, virtute universalis illius præcepti, foederati omnes ad novi signi susceptionem obligantur. Porro fideles Novi Testamenti ad posteritatem spiritualem Abrahami pertinent, ejusdemque gratiosi foederis, si substantiam spectes, consortes sunt. *Rom. IV. 16, 17.* neque adulti solum, sed & liberi eorum; uti mox demonstrabimus: Unde consequitur; non magis infantibus fidelium, quam fidelibus ipsis, signum foederis in corpore suo negandum esse.

*quam Christi.  
fi.*

XLII. Accedit aliud Christi mandatum, *Matth. XXVIII. 19. Προσέτι πάντας τὰ ἔθνη, Discipulos facite omnes gentes, baptizantes eos &c.* Jubet ibi Christus, discipulos in scholam suam colligi, eosque, tanquam foederatos suos, baptismi sigillo signari. Constat autem, quando parentes discipuli Christi sunt, liberos eorum itidem discipulorum numero censer. Plane sicut apud Hebræos una cum parentibus proselytis infantes eorum Judaismi sacris initiabantur. Non ergo necesse habebat Christus disertam infantium baptizandorum mentionem facere. Quum enim receptissimi id in Judaismo moris esset, ut una cum parentibus, Deo Israël nomen suum dantibus, eorum liberi baptizarentur, (quemadmodum in superioribus a nobis est ostensum). Apostoli ad gentes baptizandas missi, suæque gentis ritibus assueti, non poterant non existimare, simul cum parentibus, qui Christi fidem profitebantur, infantes sibi baptizandos esse, nisi Christus contrario scito receptæ consuetudini intercederet. Quod quum nequaquam fecisse legatur, omnino concludendum est, eam Domini mentem fuisse, quam modo exposuimus.

XLIII. Aliud

**XLIII.** Aliud argumentum Petrus suppeditat. *Act. 11. 39.* baptizetur unusquisque vestrum, in nomine Jesu Christi, in remissionem peccatorum, & accipietis donum Spiritus Sancti. Vobis enim facta est promissio & liberis vestris &c. Ubi in hunc modum argumentatur Apostolus: quibus facta est gratiæ promissio, ii sunt baptizandi. Subsumimus: atqui non parentibus solum, sed & liberis ipsorum, facta est promissio gratiæ. Unde sequitur: ergo non parentes modo, sed & eorum liberi sunt baptizandi. Utraque propositio est Apostoli Petri. Tota difficultas nunc in eo est, quinam hic per liberos, promissionis gratiæ participes, intelligendi sint: an adulti solum actu vocati, qui fidei suæ professionem possunt edere; an vero minores quoque, & infantes. Posterius Orthodoxi merito asserunt. Non solum, quia mentio liberorum fit *αἰσῶς*, sine discretionē ætatis, sed &, quia *διαθήκη* Abrahamo pollicitus est Deus, se Deum feminis sui fore, quod octo dierum infanti applicat. *Gen. xvii. 7. 12.* Accedit, quod Christus *parvulos* ad se venire voluerit, manus iis imposuerit, declaraveritque talium esse regnum cœlorum. *Matth. xix. 13. 14. 15.* Quos autem Matthæus *παιδιά* vocat, hi Lucæ *Cap. xviii. 15.* sunt *βρέφη*: quæ vox proprie notat τὸ ἄρτι γυνόντος παῖδος τὸ τρεφόμενον ὑπὸ τῆς μητρός, recens natum puerulum, qui sub nutrice alitur, interprete *Eustathio*. Unde & Petrus dicit *ὡς ἀρτὸν ἰσχυρὰ βρέφη*, 1 *Pet. ii. 2.* Atque omnino hic videtur vocabulorum proprietas retinenda, ut in nomine *βρέφη*, ita & in verbo *προσφέρειν*: quum dicitur *προσφέρειν* δὲ αὐτοὶ τὰ βρέφη, ut ulnis gestati videantur. Clarum itaque est infantibus quoque gratiæ & salutis promissiones esse factas.

**XLIV.** Quartum argumentum hoc sit: Qui Spiritus Sancti facti sunt participes, eos a baptismo arcere nefas est. Ita enim Petrus *Act. x. 47.* Num quis aquam prohibere potest, quo minus baptizentur illi, qui Spiritum Sanctum acceperunt, sicut & nos? Verum quidem est, Spiritum Sanctum in iis, de quibus Petrus ibi loquitur, se exeruisse charismatibus quibusdam extraordinariis, & per se non salutariis: non tamen inde potissimum argumentum doceri potest ad jus baptismi. Considerat ergo Apostolus extraordinaria illa dona, ut effecta Spiritus sanctificantis, qui omnibus electis donatur; & ut specialia Divinæ erga eos benignitatis indicia, quibus Evangelii veritas in iis obsignata, & fidei ipsorum sinceritas condecorata est, confer *Gal. iii. 2.* atque exinde, uti a re significata, argumentatur ad participationem signi. Subsumimus porro: etiam infantes fidelium Spiritum Sanctum acceperunt. Alias enim neque sancti esse possent, quod tamen Paulus testatur; 1 *Cor. vii. 14.* neque Christi esse, cujus nemo est qui Spiritum ejus non habet; *Rom. viii. 9.*

Et argu-  
mentatio-  
ne Petri  
tam *Act. 2.*  
39.

quam *Act.*  
10. 47.

neque regnum coelorum videre, ad quod nemo admittitur, nisi genitus fuerit ex aqua & Spiritu. *Job. III. 5.* Unde consequitur, aquam prohiberi non posse, quo minus infantes quoque baptizentur.

*Accedit,  
quod infan-  
tes parvam  
faciant Ec-  
clesiam, qua  
purificatur  
per lava-  
crum aquae.*

XLV. Quinto, Qui pertinent ad Ecclesiam Dei, iis baptismus quoque competit. Ratio est, quia baptismus est signum aggregationis, & sigillum initiationis in Ecclesiam. *Act. II. 41. Baptizati sunt, & additae sunt*, scilicet Ecclesiae, die illo animae quasi ter mille. Tum etiam uti totius Ecclesiae privilegium describitur, quod sit purificata a Christo lavacro aquae, per verbum. *Eph. v. 26.* Infantes autem ad Ecclesiam quoque pertinere, ex eo liquet, quod quum Deus Ecclesiam in unum convocari jubebat, *infantes, & ubera sugentes*, abesse passus non sit. *Deut. XXIX. 10. 11. Joel. II. 16.* eosque sibi genitos esse potestetur. *Ezech. XVI. 20.*

*Et baptis-  
mus cir-  
cumcisioni  
successerit.*

XLVI. Sexto, Ex eo argumentamur, quod baptismus in circumcisionis locum successerit. Docet id Apostolus, *Col. II. 11. 12.* Ubi legis ceremonialis, & speciatim circumcisionis, quoad fideles Novi Testamenti, abrogationem ea ratione probat, quia ea res spiritualis, quae olim circumcisione significata & obsignata fuit, nunc iis significata & obsignata est per baptismum; innuens, id quod circumcisio veteri Ecclesiae erat, idem nunc baptismum esse Ecclesiae novae; & quidem modo longe eminentiori ac perfectiori: quippe, quum baptismus simul sit introductio in libertatem ac gratiam Testamenti Novi, circumcisio autem contineret professionem servitutis ac jugi. Circumcisionem autem infantibus administratam esse constat. Unde idem de baptismo iudicium faciendum esse consequitur. Et sane nihil adversus infantium baptismum opponi potest, quod non aequè adversus eorundem circumcissionem militet.

*In Pado-  
baptismo in-  
signis Dei  
caritas elu-  
cet.*

XLVII. Est hæc profecto insignis Dei nostri caritas, quod nos modo natos, & adhuc a matre rubentes, e genetricis gremio, in ulnas quasi suas solemniter deferri iusserit: quod dignitatis nostrae, & futuri regni insignia in ipsis nobis cunis contulerit: quod canticum illud ori nostro indiderit: *Fecisti, ut securus agerem ad ubera matris meae: In te rejectus sum ex vulva, inde ab utero matris meae Deus meus es. Ps. XXII. 10, 11.* quod denique a teneris, ut ajunt, unguiculis, sacratissimo nos sibi foedere junxerit, cujus recordatio, uti gloriosa nobis est, & consolationis plena, ita etiam virtutum Christianarum, atque accuratissimae sanctimoniae, per omnem vitam promotrix.

*Utilitatem  
est ad pra-*

XLVIII. Nihil enim antiquius nobis esse debet, quam ut foedus illud juventutis nostrae, primumque ac sanctissimum illud promissum

missam, quod nostro nomine Deo factum est, sacrum atque inviolabile servemus. Neque obstat, quod foedere isthoc inficii primum obstricti simus. Nemo enim adultus, -postquam de sacrosancti baptismatis gratia, quæ ei infanti contigit, informatus est, ægre ferre potest, se jam tum, secundum voluntatem Dei, a piis parentibus, supremo numini devotum esse; nisi simul universo Christiano nomini, omnique æternæ salutis spei, abrenunciare in animum induxerit.

XLIX. Piis etiam parentibus non potest non jucundissimum esse, carissima sua pignora, novæ lucis usura donata, & mystici fontis tinctione, sive, ut eleganter olim *Dionysius Pseudareopagita* loquebatur, τοῖς θείοις τῆς θεογενεῖας συμβόλοις, sacrata, Deo Christoque ejus sistere, totius Ecclesiæ precibus Divinæ gratiæ commendata. Prima hæc pietatis ipsorum cura sit. *Gregorius Nazianzenus*, *Orat. XL.* quæ est in sanctum baptismum. *Νήπιον ἔστι σοι; Μὴ λαβίτω καὶ ἐν ἡ κακίᾳ. ἐκ βέβηλος ἀγίασθήτω, ἐξ ὀνύχων καθαρῶν τῷ πνεύματι.* *Infans tibi est? Operanda, ne tempus nanciscatur improbitas. Ab infantia sanctificetur, ab ipsis unguiculis Spiritui consecratur.* Et profecto, si nihil aliud emolumentum ex Pædobaptismo proveniret, hoc maximum esse prudentes omnes fatebuntur, quod parentibus necessitatem imponat sacratissimam, liberos suos, quos tam mature Deo devoverunt, in Christianæ religionis mysteriis, veraque vitæ sanctimonia, qua institutione ac monitis, qua exemplo bono, solícite informandi. *Impiæ se plagii obligant,* ut graviter observatum a *Bucero*, *De Regno Christi, Lib. II. Cap. IX.* qui quos baptismate Christo Domino consecraverunt, non etiam summo elaborant studio ad Christi obsequia instituire atque formare. Nam istud negligentes, quod in ipsis est, suos liberos, quos Domino addixerunt, rursus rapiunt, produntque, & mancipant Satana. Confer sodes quæ de Pædobaptismi efficacia singulari dissertatione fusius exsecuti sumus.

L. Ea propter laudabile admodum Bohemorum fratrum institutum fuit, qui infantes suos, duodecimo fere ætatis anno Pastori in Ecclesia sistere solebant, ut fidem suam publice profiterentur, atque appareret, functione sint in iis erudiendis officio suo parentes, ad quod se in infantium suorum baptismate obstrinxerant: referente id *Lastio de moribus & Institutis Fratrum Bohemorum*, *Cap. XII. §. XXVIII. XXIX.* Quod, qua solemnitate ab ipsis solitum fuerit fieri, fuscè narratur in *Ratione Disciplina Ordin. Præter Bohem. p. 46.* Simile quid obtinuisse in veteri Ecclesia, indeque sequioribus temporibus ortum esse imaginarium Confirmationis sacramentum, *Calvinus* noster monuit, *Instit. Lib. IV. Cap. XIX. §. IV.* Eundemque mo-

Bohemorum laudabile institutum.



rem in hodiernis adhuc Angliæ Ecclesiis observari, innuit *Darellus*, in *Vindiciis Ecclesiæ Anglicanæ*, Cap. XXIII.

## CAP. XVII.

## De S. Cœna.

*Cœna Paschati  
sacramenti  
cessit,*

**A**Iterum Novi Testamenti sacramentum est SACRA DOMINI COENA : quam mox post ultimum suum Pascha, quippe Paschati succidaneam, Dominus Jesus instituit, translatis etiam ad eam plerisque, tam ritibus, quam phrasibus, a priscis Hebræis in Paschate suo usurpatis : quod uti pridem a Viris eruditissimis observatum est, ita ex compendiosa, quam nunc damus, Sacri hujus symboli elucidatione patebit.

*Cur COE-  
NA dica-  
tur.*

II. COENA, ΔΕΙΠΝΩΝ, hoc Sacramentum dicitur 1 Cor. XI. 20, non quod necesse sit illud vesperi vel noctu celebrare. Etiam si enim in veteri Ecclesia frequenter id factitatum sit : non tamen religioni Christianorum, sed crudelitati persecutorum, id imputandum est, qui sævitia sua fideles nocturnos & clandestinos conventus agere cogebant. Sed quia Dominus post Pascha, quod inter duas vespervas mactandum, noctu vero comedendum erat, convivium hoc instituit, & quidem *ea nocte, qua proditus est*, 1 Cor. XI. 23. quæque ultima ei ante mortem fuit : hinc sacratissimo huic epulo Cœnæ nomen hæsit. Accedit, quod lautissima antiquorum convivia, imprimis in Judaica natione, nuptialia certe, vespertina plerumque fuerint : quo facit parabola de decem virginibus *Mat. xxv.* Ideoque conveniens erat, convivium illud quod incredibiles cœli delicias repræsentat, & arrha est *cœnæ nuptiarum Agni. Ap. xix. 9.* sub cœnæ nomine & emblemate proponi. Neque frustra a Paulo annotatum est, ea nocte Christum Ecclesiæ cœnam dedisse, qua proditus est. Nam præterquam quod immensa Christi *φιλανθρωπία* in eo eluceat quod eo imprimis tempore tam sollicitam nostri curam gerere dignatus sit, quo animum instantium sibi perpeffionum horrore cæteroquin occupatissimum habebat ; ante omnia sacrum id nobis, & quam maxime commendatum esse debet, quod a Domino, ad mortem se pro nobis accingente, institutum est.

*Cur COE-  
NA Do-  
mini.*

III. Porro, Cœna DOMINI, ΚΥΡΙΑΚΟΝ δείπνον, dicitur. 1 Cor. XI. 20. tum quia Dominum auctorem habet, tum quia tota ad Dominum, illiusque recordationem, comparata est, ipseque

seque adeo Dominus in illius legitimo usu fidelibus exhibetur; & denique, quia non nisi juxta voluntatem & præscriptum Domini a nobis celebrari debet.

IV. Est autem Coena Domini, ut ab *ἱερατελογίᾳ* ad *πραγματελογίαν* transeamus, Sacramentum educationis in Ecclesia Novi Testamenti, quo per fracti panis & fusi vini symbola diræ Christi passionis fidelibus repræsentantur, iisdemque promissiones Novi Testamenti, & vivifica Christi per passionem consummati, communio tam in gratia, quam in gloria, significatur & obsignatur.

V. Ad cujus descriptionis elucidationem, utile erit, ut primum externa SIGNA, tum REM iis SIGNIFICATAM, distincte expendamus. SIGNA autem sunt vel ipsa SYMBOLA, vel ACTIONES quædam circa symbola. SYMBOLUM duplex est, PANIS & VINUM; & utrumque quidem junctim, ad plenitudinem satietatis designandam, quam in Christo habemus. Adoranda hic nobis Divina providentia est, quæ res tam simplices, ac facile parabiles, Ecclesiæ suæ in rerum cœlestium pignus dedit. Cujus rei non una videtur esse ratio. I. Ut sacramentum illud ubivis locorum, & ad finem usque seculi, in perpetuo fidelium usu esset, conveniens fuit, ea symbola institui, quæ & semper, & ubique Ecclesiæ ad manum esse queant. II. Spirituali Novi Testamenti oeconomix magis consentaneum est, ut humili aliquo & quotidiano symbolo, quod neque oculos neque mentem detineat, mox ad rem significatam intuendam, meditandam, acceptandam ducaris, quam ut in illustri aliquo ac miraculoso signo, qualia Israëlitis in deserto concessa sunt, ita stupeas, ut ad mysticum significatum minus attendas. III. Accedit superstitionis periculum, quod quum circa panem & vinum proflus evitari non potuerit, in illustriori signo longe majus fuisset. IV. Neque abs re est, quod non mactatarum animantium carnes, non cruentas dapes, quales patres olim in sacris suis epulis esitabant, iterum nobis Christus dederit; sed mensam suam pane simplici & vino instruxerit. Etenim semel fuso Christi sanguine, quo debita nostra expuncta sunt, & iræ Divinæ incendium extinctum est, sanguinem aliquem in sacris Christianorum fundi nefas fuit.

VI. PANIS adhibendus est communis & usualis, uti Christus eum usurpavit, qui tunc præ manibus erat. *Matth. xxvi. 26.* Vetus autem quæstio inter Græcos ac Latinos est, utrum is azymus, an fermentatus esse debeat, utrisque ad Christi Domini exemplum provocantibus. Latini contendunt, Christum azymo pane usum esse, quandoquidem mox post Paschale convivium coenam instituit: quo

OEC. FOED.

A a a a a

tempore

Hinc de  
finitio.Cur pro  
symbolis  
Christus  
Panem &  
vinum de-  
derit.Panis an  
fermentatus  
an azymus  
esse debeat.

tempore fermentum in Israëlitude conspici plane nefas erat. Græci contra litigant, pridie quam Judæi Pascha agerent, paschalem agnum a Christo comestum esse; unde colligunt, nondum advenisse dies azymorum quum prima coena a Domino celebraretur, ideoque probabilissimum esse, quod fermentatum panem Dominus usurpaverit, qui extra azymorum dies in usu communissimo erat. Et quidem, quod exemplum Christi attinet, potiores hic esse Latinarum, quam Græcorum partes, nos nulli dubitamus. Nam sive Dominus Jesus eodem cum cæteris Judæis die, sive alio, Pascha egerit; qui dies illi Paschatis, idem illi azymorum quoque dies erat: quod disertim dicunt Evangelistæ. *Matth. XXVI. 17. Marc. XIV. 12. Luc. XXI. 7.* Neque tam certum est, Christum ante Judæos Pascha celebrasse, uti cum Græcis id existimat *Gerardus Vossius*. Quid pro utraque sententia probabiliter adferri possit, orbi erudito palam fecerunt concertationes Clarissimorum virorum *Johannis Cloppenburgii, & Ludovici Cappelli*. Imò, contraria sententia firmiori subnixæ videtur fundamento, uti magnis argumentis addixit, aliquoties jam nobis laudatus *Bochartus*, qui totius hujus quæstionis difficultatem omnem sustulisse videtur, *Hierozyici Lib. II. Cap. L.* Non tamen in eo Latinis assentimur, quod exemplum Christi, in tam tenui circumstantia, perpetuæ legis vim habere velint. Nam quum res hæc ad *εἶδος* sacramenti nihil pertineat, *ἀδιάφορον* ac liberum est, utrovis pane, prout occasio tulerit, in sacro epulo uti: quemadmodum & Christus, sine ulla hujus rei in alterutram partem determinatione, eo pane usus est, qui tum ad manum erat. Unde mirandum æque ac dolendum est, quod ob tantillam rem, tanta animorum contentione, inter Græcas Latinasque Ecclesias, annos jam quingentos & ultra, litigatum sit. Qua de re videri potest *Plessens de Eucharistia, Lib. II. Cap. v.*

*Minutia  
orbiculares  
improbantur.*

VII. Minutias vero farinaceas, ac nummarias, quas vulgo Hostias vel Oblatas vocant, quales Romanæ Ecclesiæ nunc placent, probare nullo modo possumus. I. Quia ab instituto & exemplo Christi alienissimæ sunt. Plane enim credibile est, Christum tali torta azyma usum esse, quales Pater ille familias, in cujus domo Pascha celebravit, ex Judæorum consuetudine, illi apposuit. Eæ autem placentæ erant grandiores, quæ in frustra inter convivas totius mensæ distribui possent, tenues quidem atque latæ, sed tamen mediocrem etiam crassitudinem habentes, instar panum nostrorum dulciariorum & rotundorum, ut ad nutritionem corporis aptæ & idoneæ essent; de quarum materia, forma, totaque confectione, vide sis *Bæxorsii Synagogam Judaicam Cap. XXI.* II. Quia

tum inter signum & rem signatam analogia vel nulla, vel obscura est. Neque enim minutiarum istarum ea est ad vitam sustentandam necessitas, vel alibilis substantia, vel saporis suavitas, qualis in usuali pane, quibus rebus & necessitas, & alibilis efficacia, & grata Christi gratiæ dulcedo, adumbratur. III. Quia mille, aut præter-propter, annis in Ecclesia ignotæ fuerunt. Originem earum ex Honorio Augustodanense eruderavit Vossius, in *Thefibm de S. Cœnæ Dominica Symbolis*. Honorii istius hæc sunt verba: *Fertur, quod olim sacerdotes e singulis domibus vel familiis farinam accipiebant, quod adhuc Græci servant, & inde Dominicum panem faciebant, quem pro populo offerebant, & hunc consecratum eis distribuerunt. Postquam vero Ecclesia numero quidem augebatur, sed sanctitate minuebatur; propter carnales statutum est, ut qui possent singulis Dominicis, vel tertia Dominica, vel summis festiuitatibus, vel ter in anno, communicarent. Et quia populo non communicante, non erat necesse panem tam magnum fieri, statutum est, eum in modum denarii formari vel fieri. Hæc est vera causa, cur hostia denarii formam habeat; sed postea arguti homines mysterium, ubi nullam erat, more suo, quæsiuerunt: unde mox subiungit; & ut populus pro oblatione farinæ denarios offerret, pro quibus traditum Dominum recognosceret. Eadem fere habet Durandus in *Rationali*, Lib. iv. Cap. xiv. In modum denarii formatur, tam quia panis vitæ pro denariis traditus est: tum quia idem denarius in vinea laborantibus in præmiam dandus est. Quæ frigida, & ab augusto Sacræ Cœnæ mysterio aliena sunt.*

VIII. Alterum symbolum est VINUM. Quod Euangelistæ vocant, *γέννημα τῆς ἀμπέλου*, Genimen visus, ad similitudinem phræseos Hebraicæ, qua dicitur *פֶּרִי הַגֶּפֶן* *Matth. xxvi. 29. Marc. xiv. 25. Luc. xxii. 18.* Quod an rubrum fuerit, an album, certo non constat. Judæi præstantissimum & generosissimum vinum ad celebrationem Paschatis comparari iusserunt. Tale autem in isthac regione *αἷς τοῦ τοῦ ποτὸς* censebatur rubrum. *Prov. xxiii. 31. Jes. xxvii. 3.* Hinc in *Thalmude Hierosolymitano*, *Tracta. de Sabbato*, Fol. xi. *מצות לצאת בַּיַּין אֶרְוָה* *Præceptum est, ut vino rubro præstet id officium.* Si tamen constaret, album rubro melius esse, illud præferebatur. Probabile itaque est, sed probabile tantum, rubrum vinum adhibitum a Christo fuisse. Neque plane negligenda videtur analogia illa, quæ inter sanguinem uvarum, quo nomine proxime vinum rubrum designatur, & Christi sanguinem intercedit.

IX. Non magis certo determinari potest, utrum meraco Christus usus sit, an aquam admiscuerit. Justo liberalius loquuntur, qui dicunt, consuetudinem illius terræ fuisse, ut, ad temperandam vini fortitudinem, ab omnibus vinum bibatur aqua mixtum.

Vino an  
Albo an  
Rubro usus  
sit Christus.

Beque an  
mero, vel  
mixto.

Illud enim liberum Judæis fuisse, & indifferens, ipsa Paschatis solemnitate, patet ex *Sepher Mitzvoth Haggadol*, fol. 118. col. 1. *Mensura poculi est quartarius*, בין חדש בין חן בין חן מות, *vini* *sive novi, sive veteris; sive puri, sive diluti.* Ex adverso infirmum etiam eorum argumentum est, qui merum a Christo adhibitum fuisse contendunt, quia id *genimen vitis* nuncupat: vitis autem vinum gignit non aquam. Etenim, Christum gentis suæ more locutum esse, supra jecimus. Judæi autem vinum, etiam aqua mixtum, in benedictionibus solemnibus supra eo, ratione habita majoris ac potioris partis, פרי הגפן, *fructum vitis* appellare solent. Ita disertim tradunt Magistri, in *Talm. Babylo. Tit. Berachot*, Fol. 50. col. 2. *Super vinum, cui non immiscetur aqua, non benedicant, Benedictus sit, qui creavit fructum vitis; sed, Benedictus sit, qui creavit fructum arborum.*

*Cur veteres  
vinum a  
qua miscue-  
runt.*

X. De Christi ergo exemplo nihil hic asseverate dici potest. Obtinuit tamen priscae, tam Occiduae, quam Orientalis, Ecclesiæ consuetudo, si Armenios excipias, ut aqua vino misceretur. Nempe quia post Coenam eodem vino celebrarent Agapas suas, ansam dare gentibus noluerunt, quasi mero ad ebrietatem uterentur. Accessit mysterium, in quo excogitando nimium sibi indulserunt; & quidem triplex. I. Ut per vinum & aquam significetur sanguis & aqua, quæ ex perfosso Christi latere profluxerunt. II. Ut per mixtionem illam duarum naturarum in Christo unio adumbretur. III. Quum aqua in Apocalypsi Beati Johannis populi dicantur, ipsius populi fidelis cum capite Christo unio isthac mixtione repræsentatur. Atque uti ingenii humani mos est suis favere commentis, Græci non aquam modo, sed eam quoque ferventem, & ne quo modo deferbeat ante sumptionem, post elevationem demum, in vinum immittunt: ad significandum, ajunt, quod ex latere Domini in cruce profluxerunt aqua & sanguis, ferventes, ut ex vivifico corpore vivifica: vel etiam (addit *Cabasilas in Expositione Liturgiæ Cap. xxxvii.*) *ad sanctificandum Sancti Spiritus, qui alias igni comparatur, in Ecclesiam descensum.* Neque hic substitit definiendi & allegorizandi temeritas. In Synodo Triburiensi, sub Imperatore Arnulpho, Anno 895. vel, ut alii putant, 899 cautum est, *ne ullus sine mixtione vini & aquæ mysteria sacra conficiat; sed ut duæ partes sint vini: quia major est majestas sanguinis Christi, quam fragilitas populi.*

*Meri vel  
mixti usus  
est indiffe-  
rens.*

XI. *Enimvero* nostra hæc est: non constat, an Christus vinum miscuerit, an merum biberit. Prius tamen probabile esse concedimus: quia id, ob vini generositatem, frequentius apud Ju-  
dæos

dæos erat : hinc in Rubrica festorum, quum de vino mentio est, semper adhibent phrasin, *כוס ויין יחד*, *miscent. ei poculum*. Sunt etiam, qui vetant benedicere super poculo, antequam vinum aqua mixtum sit. Credibile est, Christum id fecisse; quod sobrietati maxime congruum videbatur. Attamen non inde ostendi posse existimamus, Christum exemplo illo suo quicquam præscribere voluisse, iis præsertim populis, quibus non sunt vina adeo fortia, ut in communi vita mistura iis sit opus. Non enim, quicquid Christus, more suæ gentis, & occasione Paschatis, fecit, ad essentiam Sacramenti pertinet; aut mysticam significationem habet, & in omnibus circumstantiis suis vim perpetuæ legis obtinet. Veterum *ἀλλυομένων* interpretamenta frigidiuscula videntur; neque fundamentum in sacris literis habent. Nec priscae Ecclesiæ consuetudo nimis hac in parte urgenda est: nam, quum res sit *ἀδιάφορος*, idem hodiernæ jus est, quod antiquæ. In talibus enim salva manere debet libertas, quam Christus suis reliquit: quibus sola ipsius vox servitus & necessitas est. Imo vero postquam ritus *miscenti* necessarius haberi cœpit, prudenter in Ecclesiis Reformatis, ad libertatis conservationem, præfertur merum. Quemadmodum & si meraci necessitas statui cœperit, melius fortasse ad mixturam redeatur. Illi certe commenta sua pluris apud se fieri, quam ipsa Christi instituta ostendunt, qui vinum superfluum in S. Coena censuerunt, quod ex Domini præcepto & formula necessarium est: aquam contra, quæ ab instituto humano est, necessariam sanxerunt, ex Divino instituto arbitrio nostro relictam.

XII. Cæterum quum fieri possit, imo fiat frequenter, ut in nonnullis regionibus, nullus panis & vini usus sit, uti in America & aliis Orbis partibus, ubi cibum ex leguminibus, aut herbis, aut arborum fructibus, vel etiam corticibus, confectum loco panis habent: & potum ex melle, vel saccharo aliisve aromatibus, aut etiam ex succo arborum Cogos, loco vini: quæritur non immerito, an in iis regionibus Coena Domini plane abstinendum sit, an vero loco panis & vini eo cibo in Coena uti fas sit, qui panis & vini vicem sustinet, & corpori roborando, ac cordi exhilarando idoneus est. Nos quidem in sacramentorum usu nihil temere innovandum existimamus: sed necessitas supra legem est. Et durum oppido videtur, si quis tam latas terrarum plagas, cum indigenis & advenis, Coena Domini carere, & Christianismum ipsorum, sine manducatione sacramentali, mutilum esse jubeat. Imprimis, quia quod in analogia præcipuum est retinetur, quando

*Quid in illis  
regionibus  
faciendum  
sit, ubi nul-  
lus panis &  
vini usus  
est.*

is cibus potasque adhibetur, quo corpus commode nutriri & animus lætificari potest. Hæc de SYMBOLIS.

*Actiones  
circa sym-  
bola dispe-  
scuntur.*

XIII. Nunc ACTIONES circa symbola videamus. Eæ sunt vel CHRISTI, analogice præstandæ a MINISTRIS; vel DISCIPULORUM, imitandæ a CONVIVIS, siue communiantibus. ACTIONES CHRISTI vel DICTA sunt vel FACTA, utraque iterum vel circa PANEM, vel circa VINUM.

*Christus ac-  
cepit pa-  
nem.*

XIV. Circa PANEM quatuor a Christo facta memorantur. I. ACCEPIT panem: in manum scilicet suam. Nam expresso juris Judaici canone cautum est, ne pater familias benedictionem dicat, donec assumerit panem in manum suam, uti omnes videant, super qua re benedicat.

*Benedixit.*

XV. II. BENEDIXIT. Quæ actio apud Evangelistas nunc *ευχαριστία* vocatur, ut *Mat. xxvi. 26. Marc. xiv. 22. nunc luxuria, Luc. xxii. 19.* Pulcrum est Judæorum scitum, quod *Buxtorfius* hac occasione memorat. *חזק לך לאדם שיחנה מן העולם הזה בלא ברכה.* Prohibitum est homini ulla re frui in hoc mundo sine benedictione. Sucta autem formula benedictionis super pane hæc erat: *Benedictus tu Domine Deus noster, Rex mundi, qui producis panem e terra.* Verisimilius tamen est, Christum sua quadam sibi peculiari, & ad rem præsentem accommodata formula usum esse, qua panem in sacrum corporis sui symbolum consecrabat. Sicuti enim alias Christus per benedictionem & gratiarum actionem panes aliosque cibos sanctificavit ad usum naturalem. *Mat. xiv. 19. Luc. ix. 16.* sic hac benedictione, & gratiarum actione, panem, uti postea quoque vinum, ab usu naturali semota, in corporis & sanguinis sui sacramenta dedicavit.

*Frangit.*

XVI. III. FREGIT panem. Et hoc quoque ex ritu Judaico. Ita enim in *Talmude*, Titulo *Berachot*, Fol. 39. Col. 2. *ברך ואת כר כתר*, *Benedicit (pater familias) & postea frangit.* Hoc Apostoli quoque curate observarunt. Hinc *1 Cor. x. 16. Panis, quem frangimus.* Adeoque mysticus iste ritus & S. Coenæ quasi *ἀνάμνησις* est, saltem ad integritatem ejus tantopere necessarius, ut totum hoc epulum idcirco *ἀνάμνησις τοῦ ἔργου*, *fractio panis* nuncupetur. *Act. ii. 42. & xx. 7.* Neque ab instituti Dominici violatione sufficienter se purgant, qui panem suum (modo panis dici mereatur) integrum servantes, satisfecisse se contendunt, eo quod apud ipsos massa discerpatur in multas oblatarum minutias. Ea enim massæ fractio coquinaria est, non mystica: in culina peragitur, non in templo: ante sacramentum fit, non in usu sacramentali. Frustra etiam excipitur, quod frangere apud Hebræos tantundem aliquando valeat ac distribuere:

ut

ut *Jes. LV. 11. 7. Frange esurienti panem tuum : & Thren. IV. 4. parvuli petebant panem, & non erat, qui frangeret.* Ibi enim frangere *κατὰ μεταλήψιν* accipitur pro ea distributione, quæ fractionem consequitur. At ne quis similem *μετάληψιν* in Coenæ verbis fingat, hi duo Christi actus distincte memorantur, Fregit & Dedit.

XVII. IV. Fractum panem *ἰδίῳ τῷ καθ' ἑαυτὸν*, DEDIT DISCIPULIS. *Mat. XXVI. 26.* Iterum secundum priscam Judæorum consuetudinem, quorum hac de re expressus Canon apud *Maimonidem* : *Frangens dat particulam coram unoquoque, & alter (cui datur) tollit eam manu sua : neque licet ei illam in manum comedentis dare, nisi fuerit lugens.* Si ergo moris non fuerit Judaici defractam particulam comesturo in manum dare, sed coram eo deponere, ut ipse manu propria eam sibi sumeret : quanto minus probabile est, Christum buccellam illam discipulis in os ingessisse? Eum qui hodie morem observant, & ab exemplo Christi, & a puriori antiquitate recedunt : olim enim solebant fideles *χῆρας ἐν ὑποδοχῇ τῆς εὐχίας τροφῆς περιποιεῖν*, manus ad sanctum alimentum capessendum porrigere, ut *Dionysius Alexandrinus* loquitur apud *Eusebium Lib. VII. Cap. VIII.* altera autem consuetudo ingerendi panem in os circa annum sexcentesium denum coepisse videtur : neque aliunde orta est, quum a superstitionis veneratione signorum, quæ tandem in *ἀνταρκαίαν* abiit. Vide *sodes Fossium, de Sacr. Cæn. Symb. Disp. III. §. IV. & V.*

XVIII. Atque hæc sunt FACTA Christi circa panem. Nunc DICTA expendamus. Ea duplicia sunt : vel PRÆCEPTIVA, vel EXEGETICA. Præceptiva vel simpliciter actus quosdam injungunt, vel finem etiam eorum actuum ostendunt. Priora his verbis continentur : ACCIPITE, id scilicet, quod fractum, & coram vobis in mensa appositum est. EDITE. Plane ut in Aggada Paschali : *כל דכפן ייתי ויאכל*. *Quicumque esurit, veniat & comedat de pane isto afflictionis.* Posteriora, quibus finis exponitur, hæc sunt. FACITE HOC AD MEI RECORDATIONEM. Facere hic non significat, facere corpus Christi, vel sacrificare, ut apud *Virgilium*, *Quum faciam vitula*, quod ridicule nonnulli contendunt : sed referendum est, partim ad id, quod fecerat Dominus, cui gemina facienda erant Apostolis in functione sui muneris, partim ad id quod discipulos, qua communicantes, facere jusserat : spectatque tam dispensationem, quam receptionem. Et conferri hoc mandatum debet cum mandato de Paschate : *Exod. XIV. 24. Observabis itaque rem istam pro statuto, tibi, & filiis tuis, usque in seculum.* Porro quod de sui recordatione commendat, id quoque ex Paschalibus ritibus desumptum est. Universum enim Pascha celebra-



celebrabatur לִזְכֶּרֶן, *in memoriam* liberationis miraculosæ ex Egypto. Exod. XII. 14. Et singula fere, etiam quæ posteriores institutioni Divinæ addiderunt, habebant suum peculiare זִכָּר, *sive memoriam*. Quomodo autem Coena sit memoriale Domini, deinceps nobis erit exponendum.

Verba Eue-  
genica.

XIX. Verba E X E G E T I C A, quibus mysterium sacramenti exponitur, hæc sunt: HOC EST CORPUS MEUM. Mat. XXVI. 26. Marc. XIV. 22. quod pro vobis datur. Luc. XXII. 19. & pro vobis frangitur. I Cor. X. 24. Et hæc quoque ex antiquitate Judaica & phrasibus Paschalibus desumpta sunt. Etenim Israëlitarum panes suos Paschales comedentes, dicere solebant: הֵנָּה לֶחֶמֶן רַעֲנָנָא Hic est panis ille afflictionis, quem patres nostri comederunt in terra Egypti. Et quod propius huc accedere videretur, vocabant agnum alium, in Coena Paschali appositum גִּפְּרֹו שֶׁל פֶּסַח Corpus Paschatum. Nemo autem id aliter intelligebat, vel aliter quoque poterat intelligere, nisi panem illum, quem festo die quotannis comedeabant, symbolum ac memoriale esse illius panis, quo olim in Egypto pasti erant ipsorum majores. Eodem ergo sensu panis S. Coenæ corpus Christi nuncupatur. Hactenus mactaverant & comederant corpus Agni Paschalis, qui typus erat corporis Christi, pro ipsis in mortem aliquando tradendi: nunc Christus loco agni Paschalis panem iis dabat, in corporis sui symbolum; in cujus sacri panis fruitione posthac non typum quendam rerum post futurarum, vel memoriale typicæ liberationis, sed ipsum רֵעַ אֱמֻנָה Christi, Col. II. 14. ipsam rerum jam factarum, & solidæ ac æternæ liberationis, quasi substantiam haberent. Unde patet, immensum eps a scopo verborum Domini aberrare, qui hinc substantialem panis in Christi corpus transmutationem inferunt: quod ut ab omni ratione, ita etiam a natura sacramentorum, & phrasium sacramentalium, oppido alienum est. Hæc de Factis Dictisque Christi circa panem.

Poculum  
quoque  
Christus  
accepit.

XX. Sequuntur ea, quæ tum F E C I T, tum D I X I T, circa P O C U L U M. Facti Christi circa poculum tria sunt: I. A C C E P I T poculum. Sicut pater familias apud Judæos facere solebat מִכְּבֹּד בְּשֵׁתֵי יָדָיו ambabus manibus suis accipiens illud, antequam benedictionem super eo pronunciet.

Gratias  
super eo  
egit.

XXI. II. G R A T I A S E G I T. Super poculo speciatim. Nam licet benedictio panis confecret omnes alios cibos & liquores, si ne ulla ulteriori consecratione; tamen, juxta Hebræi juris consultos, id de vino non valet: sed destinata est ei בִּרְכָה בְּפִנֵּי עַצְמוֹ בִּשְׁנֵי הַיָּדָיו, *Benedictio peculiaris propter insignem ejus præstantiam*. Formula benedictionis ordinaria hæc erat: Benedixisti Domine Deus

noster,

*noſter, Rex mundi, qui creas fructum vitæ.* Sed idem hic tenendum, quod de benedictione panis monuimus, vero conſentaneum eſſe, quod peculiari conſecrationis formula Chriſtus nunc uſus ſit. Propter hanc benedictionem Paulo dicitur *τὸ ποτήριον τῆς εὐλογίας.* I Cor. x. 16. ad imitationem, uti videtur, illius poculi, quod Hebræi vocabant כוס ברכת של מן, *poculum benedictionis menſæ,* ſive gratiarum actionis, quo convivium claudebatur. Nam & hoc poculum a Chriſto ſumtum eſt, *μετὰ τὸ δεῖπνον* I Cor. xi. 25.

XXII. III. DEDIT eis, ſcilicet diſcipulis. Nam & hoc moris erat Judaici, ut de poculo benedictionis, poſtquam pater familias illud libaſſet, omnes convivæ aliquid biberent. Hinc probabile eſt, Chriſtum poſt benedictionem primum e poculo bibiſſe, quod & illa verba innuere videntur, quæ exſtant *Matth. xxvi. 29.* *Non bibam ab hoc tempore ex hoc fructu vitæ.* &c. dein inter diſcipulos ſuos diſtribuiſſe.

*Et dedit diſcipulis.*

XXIII. Quæri hic poſſet, cur nulla INFUSIONIS vini mentio fiat, quæ cæteroquin fractioni panis reſpondet. Sed illius rei rationem erudite aſſignavit *Buxtorſius*, in *Exercitatione de prima Cœnæ ritibus & forma*, ex qua plurimum nos in hac materia profeciſſe grati ſatemur. Nimirum nihil ſingulare in ordinariis conviviiſ ſuis circa infuſionem vini Hebræi obſervabant. Fiebat ea promiſcua a famulo, vel quovis alio, prout occaſio ferebat. Verum in feſto Paſchatis mandant, ut, ſi qua ratione fieri poſſit, pater familias non ipſemet infundat, ſed per alium miniſtrum infundi curet; quia omnia in iſto feſto magnifice fieri debebant, ad libertatem, ex ſervitute Ægyptiaca reſtitutam, denotandam. Ideoque omnino veriſimile eſt, non ipſum Dominum, vel Apoſtolos; ſed aliquem convii miniſtrum, e famuliſ illius, qui inſtructum hoc coenaculum Chriſto commodaverat, ex mandato Domini, vinum infuſiſſe. Unde conſicitur, proxime ad antiquitatem hac quoque in parte Eccleſias noſtras accedere, in quibus ſeniores vel Diaconi id officii præſtare ſolent.

*Cur infuſionis nulla fiat mentio.*

XXIV. DICTA Chriſti circa POCULUM iis, quæ circa panem dixit, reſpondent. Suntque primo, PRÆCEPTIVA ſim-  
pliciter. *Bibite ex eo omnes, Matth. xxvi. 27.* ubi univerſalis illa particula emphaliſ ſuam habet. Deinde cum aſſignatione ſinû. *Hoc facite, quotieſcunque biberitis, ad mei recordationem.* I Cor. xi. 25. Quæ ex antediſtis clara ſunt. Accedunt EXEGETICA: *Hic eſt ſanguis meus, Novi Teſtamenti, qui pro multis effunditur in remiſſionem peccatorum. Matth. xxvi. 28.* Id eſt, vinum, hoc calice contentum, eſt ſymbolum ſanguinis, non typici, qualis erat ſanguis Agni Pa-

*Diſta Chriſti circa poculum.*

schalis; sed mei sanguinis: quo sancitur non idem illud Testamentum Vetus, ad cujus confirmationem agni mox comesti sanguis faciebat; sed novum ac melius Testamentum; quod remissionem non typicam, sed veram; non cum exactione Chirographi, sed cum datione apochæ conjunctam, virtute sanguinis mei, jam jam fundendi, affert non paucis quibusdam Israëlitis, sed plurimis ex toto orbe gentibus. Hæc de ACTIONIBUS CHRISTI circa Symbola.

*Actiones  
convivarum:  
I. Accipere  
panem &  
poculum.*

XXV. Sequuntur ACTIONES DISCIPULORUM, & consequenter cæterorum convivarum. Eæ ex præscripto Christi tres sunt. Primo, ACCIPERE tam panem, quam poculum; sed utrumque seorsim: ita enim distribuit Christus: ita suos sumere jussit: ita dilucidius corpus Christi, ut pro nobis fractum, sanguis, ut e corpore fusus, repræsentatur: ita denique, quum plenum convivium cibum ac potum distinctim exigit, optime adumbratur plenissima illa refectio spiritualis, quam habemus in Christo. Ideoque minus probandus est mos iste, qui Cypriani ætate obtinuit, ut particula panis vino intincta parvulis & infirmis daretur: quod, circa annum Christi trecentesium quadragesimum, in publica etiam & ordinaria Synaxi, quibusdam in locis usurpatum est. Idem judicium faciendum est de Græcorum consuetudine, qui panem benedictum vino interunt, atque exinde cochleari sumunt.

*II. Panem  
edere.*

XXVI. Altera Convivarum actio est panem sumtum EDERE. Hic enim proximus distributionis & sumptionis finis. Unde sequitur, sine Sacramenti eos excidere, qui panem, sive hostiam, uti vocant, sumunt, ut in pyxide honorifice asservent. Quod & ab instituto Christi, & a prisca Ecclesiæ more, oppido alienum est. Christus enim diserte jussit, ut mox comederent. Et antiqui quidem Christiani, sub Gentilibus Imperatoribus, quia ob persecutionis periculum quotidie Sacerdotes habere non possent, partem Eucharistiæ præsentem manducabant, partem vero domum auferebant: nequaquam tamen, ut religiose asservarent, multo minus ut adorarent, sed ut proxima occasione manducarent. Huc facit decretum Concilii Cæsaraugustani, quod habitum est Anno 381. Canone tertio. *Eucharistia gratiam si quis probatur acceptam non consumsisse, anathema sit in perpetuum.* Eum quoque in finem Eucharistia publice a sacerdote custodiebatur, quo extra ordinem ad ægrotum deferretur: non adoranda, sed manducanda. Verum antiquissimis temporibus, quum quotidie sacra Synaxis fieret, nihil attinebat Eucharistiam reponi; sed poterat ea, quo tempore  
Cœna

Coena publice administrabatur, ad ægrotos, vel aliam ob causam absentes, mitti per Diaconum. Quod suo tempore factitatum esse *Iustinus* memorat, *Apologia secunda*. Reliquiæ autem Coenæ, & quæcunque remanere contigerat inconsumta, vel igni tradebantur, vel a pueris scholam frequentantibus absumebantur; ut ex Concilio Matiscomensi secundo, *Hefychio*, & *Euagrio Scolastico*, probatum dedit *Vossius*, *Disput. III. de S. Cæn. Dom. Symb. §. VIII.*

XXVII. Tertia actio Convivarum est, Vinum Benedictum e calice BIBERE. Memorabile est, quod non solum de poculo dixerit Christus, *Accipite hoc & partimini vobis ipsis. Luc. XXII. 17.* Sed & addiderit notam universalitatis, *Bibite ex eo OMNES. Mat. XXVI. 27.* Cujus præcepti obedientiam Marcus memorat, *Cap. XIV. 24. Et biberunt ex eo OMNES.* Quasi Dominus Jesus data opera intercedere voluerit sacrilegæ istorum hominum audaciæ, qui Laicis, quos vocant, sacro calice interdunt. Inapte excipitur, illud OMNES restringi debere ad Apostolos, quos solos ibi Dominus alloquitur. Apostoli enim totam isthuc Ecclesiam representabant. Quod nisi nobiscum fateri volent Pontificii, unde quæso comprobabunt, manducationem panis ad Laicos pertinere? præsertim quum illius præcepto universalitatis signum additum non sit. Accedit Apostoli Pauli auctoritas, qui universam Corinthiorum Ecclesiam hoc argumento ab idolorum cultu dehortatur: quia, inquit, *Non potestis poculum Domini bibere & poculum demonum. I Cor. X. 21.* Iterumque universæ Ecclesiæ scribit, *Quotiescunque ederitis panem hunc, & poculum hoc biberitis, mortem Domini annuntiatis, & quæ sequuntur: ubi passim edere de pane, & bibere e calice tanquam actiones ab iisdem hominibus pariter præstandas jungit. I Cor. XI. 26. 27. 28. 29.*

XXVIII. Verum quinam tandem illi sunt, quibus officia hæc, ex præscripto Christi, observanda incumbunt? Paulus id compendiose tradidit *I Cor. XI. 28. 29. Exploret quisque semet ipsum, & ita de pane illo edat, & de poculo illo bibat. Nam qui edit & bibit indigne, damnationem sibi ipsi edit & bibit, non discernens corpus Domini.* Quibus verbis ostendit. I. Nemini fas esse ad mensam Domini accedere, nisi qui mysteriorum sacrorum cognitione imbutus, corpus Domini discernere norit, & symbolorum sacrorum cum re signata analogiam aliquatenus saltem intelligat, eaque occasione mortem Domini annuntiare sciat. II. Requiritur etiam in communicante eam viarum Dei circa electos experientiam, ut se ipsum explorare norit, an præter externam fidei professionem, etiam Spiritus Sancti in se habitantis, sive, quod idem est, sinceri ac interioris Christianismi,

III. Vinum  
bibere.

Conditio-  
nes in Com-  
muni re-  
quisita.

Christianismi, *γνῶσις τρυφῆς* habeat. Qualia sunt, poenitentis animi secundum Deum dolor: viva, & in Christum, tanquam unicum vitæ auctorem, recumbens fides: infucata denique erga Deum proximumque caritas, cum vitæ in melius reformandæ efficacî proposito conjuncta. Hæc qui prævio comperit sibi adesse examine, is demum se non indignum Domino convivam existimet.

*Qua in Veteri Ecclesia sollicito inculcati sunt.*

XXIX. Sollicite ista in veteri Ecclesia, fervente adhuc zelo, & vigente disciplina, observata sunt. Quam seduli fuerint in institutione Catechumenorum, quam circumspicte egerint in eorundem ad sacram Synaxin admissione, ignotum iis esse non potest, qui vel a limine Patrum scripta inspexerunt. Et ut nulli nisi digne ad communionem accederent, ante eam, alta voce, inclamabat singulis Diaconus, *Sancta Sanctus*. Et Sacerdos, *Sorsum corda*. Quibus verbis respondebant fideles, *habemus ad Dominum*. Apud Clementem etiam *Constit. Lib. II. Cap. LXI.* tempestive in exordio communionis, dicit populo Diaconus; *Ne quis contra aliquem: ne quis in hypocrisi*. A quo non abludit Græcorum hodierna etiamnum consuetudo: apud quos communicaturi versus omnes templi partes se convertunt, flexisque genibus circumstantes compellant, *συγχωρεῖτε ἡμῖν, ἀδελφοί, ἵνα καὶ ἡμεῖς ἡμεῖς ἡμεῖς*. Condonate nobis, Fratres, scitis & verbis peccavimus. Ad quæ præsentis hunc in modum respondent: *ὁ θεὸς συγχωρεῖται ἡμῖν, ἀδελφοί. Deus condonabit nobis, Fratres*. Communicaturus porro, eo ipso quo sacrum epulum sumpturus est temporis puncto, hisce Christum alloquitur verbis: *Non figam tibi osculum sicut Judas, sed latronis exemplo confiteor tibi: Memento mei Domine, quum veneris in regnum tuum*. Extant hæc apud *Christophorum Angelum, de Statu hodiernorum Græcorum. Cap. XXIII.*

*Veteres olim, & Orientales cœnam impertiant infantibus.*

XXX. Non difficulter ex iis, quæ Paulo auctore protulimus, colligi potest, quid de infantium Cœna judicandum sit. Constat, in Veteri Ecclesia usitatum fuisse, ut infantibus, mox a baptismo, S. Cœnæ symbola in os ingererentur. Quod adhuc ab Orientalibus observatur. Labet adscribere verba *Metrophani Critopuli, Hieromonachi, Confess. Cap. IX.* Quin imo infantes ipsi, incipiendo statim a sacro Baptismate, deinde quoties parentes volunt, participant. Quod si quis nos propterea, quod de Cœna Dominica infantibus impertimus, reprehendat, illi facile os obturamus. Etenim si hic sit aliquis ex Anabaptistis, adversus eum utemur hoc dicto: *Sinite parvulos ad me venire, & non prohibete eos. Mat. XIX. 14.* Item illo: *nisi manducaveritis carnem filii hominis, & biberitis ejus sanguinem: non habetis vitam in vobis. Joh. VI. 53.* Sed & Anna Prophetissa hic valde nobiscum facit, quæ Samuelem ab infantia statim Deo conse-

consecrat: qui etiam Judæorum primogenitos ab ipsa nativitate, nondum præditos tali intelligentia, sibi dari postulat. Si vero adversarius non sit Anabaptista, nos iisdem, quibus ille contra Anabaptistas pro infantibus utitur, etiam adversus ipsum utemur argumentis, quod, quemadmodum baptizari, ita quoque Cœnæ Dominicæ participes fieri infantes oporteat. Atque ita cum Deo vicinus. Hactenus ille *Metrophanes*.

XXXI. Nobis tamen plane aliter videtur. Omnia enim justificationis Dominicæ verba ita comparata sunt, ut in infantibus locum habere nequeant. Non possunt illi panem accipere, non possunt eum edere, nisi præmansum, vel maceratum. *Infantes enim lactis potu aluntur, non esca.* I Cor. III. 2. Heb. v. 12. Non possunt se ipsos explorare, neque corpus Domini discernere, neque mortem Domini annunciare, quæ omnia a communicantibus Apostolum requirere modo audivimus.

*Sed minus recte.*

XXXII. Metrophanis argumenta refutatu facillima sunt. I. Non enim, quia infantes ad se venire Dominus voluit, eorumque regnum coelorum esse declaravit; Eucharistiam iis impertiendam esse consequitur. Agit ibi Christus de communionem spiritualem ac mysticam, quæ non quamvis communionem sacramentalem importat; sed eam tantum, cujus subjecta, de quibus sermo est, capacia sunt. II. Alia ratio Baptismi est, alia Cœnæ Baptismus est sacramentum regenerationis & infusionis in Ecclesiam: in illius administratione baptizandus se habet mere passive: ad illius receptionem non tam universaliter requirit Scriptura explorationem sui ipsius, & annunciationem mortis Dominicæ. Idcirco commode applicari potest infantibus. Cœna autem est sacramentum nutritionis per cibum solidum: ad illius participationem exiguntur actiones quædam communicantium, tam corpore, quam spiritu peragendæ: ideoque non infantium, sed adultorum est. III. *Joh. 6. 53.* non agit D. Jesus de manducatione sacramentali, sed spirituali ac mystica, quæ fide fit. Nam neque Eucharistia tunc instituta vel nota erat: neque quisquam facile tam absolutam Eucharistiæ necessitatem urserit, ut sine ea nemini homini salus obtingere queat; quod de ista tamen carnis suæ manducatione D. Jesus asserit. IV. Annæ Prophetissæ, Samuelem puerulum Deo consecrantis, exemplum plane alienum est. Nihil enim inde concludi potest, nisi ad officium parentum pertinere, ut liberos suos Deo ad obsequium ac cultum quam maturrime dedant. V. Alienius adhuc est, quod de Judæorum primogenitis Deo sacris prætenditur. Nam sacratio illa primogenitorum, ante secretionem tribus Leviti-

*Rationibus in contrarium respondetur.*

cæ declarabat eos Dei esse ac ministerio ipsius impendendos : in iis sacri censebantur reliqui filii , atque universa adeo familia : & denique typi erant Christi , in quo , uti primogenito inter multos fratres , omnes familiæ terræ benedicuntur . Quæ cum Eucharistiæ participatione nihil commune habent .

*Frequens  
Priscorum  
communio.*

XXXIII. In prisca Ecclesia communio Sacræ Coenæ longe quam hodie frequentior fuit . Consilium est *Basilii* ad Cæsariam Patriciam, *Epistola* 289. καὶ τὸ κοινοῦ δι' καθ' ἑαυτὸν τῶν ἁγίων , καὶ μεταλαβάναι τὸ ἅγιον εὐχάριστον καὶ αἷμα τὸ χερσὶ , καὶ δι' ἐκαστοῦ . *Singulis certe diebus communicare, & participare sancti corporis & sanguinis Christi, bonum & fructuosum est.* Ita & quosdam quotidie communicasse corpori & sanguini Dominico , priore ad Januarium *Epistola Augustinus* narrat . Atque eo torserunt nonnulli quotidiani panis in Oratione Dominica denominationem . *Fortunatus : Quod vero quotidianam panem petimus, insinuare videtur, ut communionem ejus corporis si est possibile, omnibus diebus reverenter sumamus.* Postea crescente numero , sed decrescente zelo , clerici cum sacerdote suo communicabant quotidie , populus suo se officio defunctum existimabat , si singulis communicaret Dominicis . Sed neque intra hos terminos mansum est . Quum enim populus nullum incuriæ modum sciret , variis Synodis statutum fuit , ut , si quis ne tertia quidem quaque die Dominica Eucharistiam sumeret , is ab Ecclesia separaretur . Tandem eo devotum est , ut vix aliis quam festis maxime solemnibus , ac imprimis Paschatis feriis , a populo communicaretur . Confer ea , quæ §. VII. ex *Honorio Augustodunense* protulimus . Quæ plebis negligentia severis objurgationibus a sanctis Dei viris frequenter castigata est . Et consuetudo ista , quæ semel quotannis communicare jubet , adeo *Calvino* nostro displicuit , ut eam *certissimum Diaboli inventum* vocare non dubitaverit : & sic omnino agendum existimet , ut nullus Ecclesiæ conventus fiat sine verbo , orationibus , & participatione cenæ . Talem fuisse Ecclesiæ Apostolicæ usum ex *Act. II. 42.* colligens : ubi Lucas ait , *fideles perseverantes fuisse in doctrina Apostolorum , communicatione , fractione panis , & orationibus.* Saltem decentissime Coenam administrari autumat , si singulis ad minimum hebdomadibus proponatur Ecclesiæ . Vide *Instit. Lib. IV Cap. XVII. §. XLIII--XLVI.* Heu quantum a priscorum sanctitate ac zelo hodie absumus ! Attamen quum nihil Dominus de tempore definiverit , & generatim duntaxat frequentem communionem commendaverit , verbo illo *orducis* , *I Cor. XI. 25. 26.* modus quidam , præsertim in tanta morum corruptione , servandus videtur ; ne vel crebro nimis usu

usu sacer hic cibus vilescat, vel angusta ista Domini mensa fastidiri a nobis, ac neglectum haberi deprehendatur.

XXXIV. Nunc ad MYSTICOS Coenæ SIGNIFICATUS veniamus, ac dilectam Christi sponsam introducamus in interiorem thalamum, ubi non specie aliqua ac figura se oblectet, sed in exoptatissima Sponsi sui fruitione, & castissimi amoris deliciis exsultet, & lique scat, ac mundi sui que oblita, Christi autem plena, in mutua pietatis reciprocatione solvatur. Eum in finem considerari S. Coena debet, I. Ut SIGNUM, ex instituto Christi DOCENS. II. Ut SIGILLUM, promissiones Novi Testamenti OBSIGNANS. III. Ut AUCTORAMENTUM, ad quævis pietatis officia nos obligans.

*Mystici  
Coena signi-  
ficatus.*

XXXV. Si Coenam uti SIGNUM consideres, quod nobis ad institutionem datum est, est in ea *ἀνάμνησις* Christi, & viva delineatio plerorumque *θεσφύται τῆς ἐκείνου ἡμῶν σωτηρίας*, uti frequenter Græci Patres loquuntur. PANIS, Christi CORPUS significat. Nam uti *panis cor mortaliū falcit*, Ps. CIV. 15. Ita caro Christi, & beneficia ac spirituales gratiæ per Christum incarnatum nobis partæ, sunt animæ nostræ cibus, eam sustentans ac roborans in vita spirituali, ad spem vitæ æternæ. *Ego sum panis ille vivus, qui e celo descendi. Si quis ederit ex hoc pane, vivet in æternam: panis autem, quem ego dabo, caro mea est, quam ego dabo pro mundi vita. Joh. VI. 51.* Præterea sicut frumentum, ex quo panis confit, trituratur, molitur, pinfitur, depfitur, & furno excoquitur, antequam gratus & salubris homini cibus sit; ita etiam Princeps salutis nostræ per varias perpeffiones *ἰλιμνίσθη*, Heb. II. 10. & tam igne Divinæ adversus peccata nostra excandescentiæ, quam propriæ caritatis suæ flammis, tostus est.

*Panis &  
Corporis  
Christi  
analogia.*

XXXVI. VINUM, SANGUINEM Christi notat. Nam sicuti vinum sitim sedat, spiritus animales refocillat, cor exhilarat, Ps. CIV. 15. Prov. XXXI. 6. 7. & facundas facit virgines. Zach. IX. 17. Ita etiam gratia Christi sanguine parta, animæ nostræ sitim extinguit, sanctis desideriis nostris abunde satisfaciens. Joh. IV. 14. usque ad sacram quandam mysticamque ebrietatem. Ps. XXXVI. 9. *Cant. v. i. falcit ac sustentat animam, quando ægra amore est. Cant. II. 5. & læticiam animo indit, majorem quam temporis, quo frumentum & mustum mundanorum hominum copiose ab ipsis percipiuntur. Ps. IV. 8. efficit denique, ut loquantur labia dormientium Cant. VII. 9. & ad Dei Christique ejus laudem diferta sint. Atque hinc est, quod Dominus gratiæ suæ participationem comparat convivio rerum pinguium, convivio vini defacati, pinguium, inquam, saginartorum, vini facibus expurgati.*

*Ut & Vinū  
ac Sanguis.*



*gati. Jes. xxv. 6.* Neque omittendum est, quod sicuti vinum ex calcatis in torculari uvis vi magna exprimitur; ita etiam plurimis angustiis *constrictus Luc. xii. 50.* pressusque Dominus Jesus sit, ut sanguis ex benedicto ipsius corpore, & cum sanguine spiritualis ejus gratia ad nos dimanaret.

*Quid actiones ministrorum circa Symbola significent.*

**XXXVII.** Quando dispensator mysteriorum Dei panem poculumque *luxurians* in manu SUMIT, inspectante fidei populo, innui videtur, Christum ita a Patre constitutum atque assumptum esse in Mediatorem, & *propositum* fidelibus, ut esset placamentum per fidem in sanguine ipsius. *Rom. iii. 25.* BENEDICTIO & GRATIARUM ACTIO super pane & vino docet, Christum benedictum illud semen Abrahamæ esse, in quo benedicit nobis Deus omni benedictione spirituali in calu. *Eph. i. 3.* & maximum Divinæ munificentiae munus, pro quo condignas gratias persolvere in æternum opis nostræ non erit: neque aliter nobis sacrum hoc epulum esse auspicandum, quam devotis precibus, & grata agnitione immensæ illius misericordiæ, qua indignos nos complectitur Dominus. FRACTIO panis fractionem corporis Christi designat, eam imprimis, quæ morte facta est. Anima enim vinculum est, quo omnes corporis partes unitæ tenentur. Ea autem secedente, cadaver nihil aliud est nisi acervus pulvereorum particularum, mox accedente putrefactione, a se invicem separandarum. Quod etiam in mortuo corpore Christi locum habuisset, nisi per acceleratam resurrectionem fuisset factum, quo minus Sanctus ille Domini videret corruptionem. FUSIO vini, fusionem sanguinis Christi repræsentat, eam præsertim, quæ in cruce facta est, ad confirmationem Testamenti novi. Atque ita in S. Coena est commemoratio mortis Christi, non verbis duntaxat, sed & mysticis illis ritibus. DISTRIBUTIO sacrorum pignorum figura est gratuitæ illius oblationis, qua Dominus Jesus, cum omnibus salutaribus donis suis, offertur electis, cum invitatione blandissima, ut eum recipiant: neque offertur tantum, sed & re ipsa exporrigitur, & donatur fidelibus ad æternam salutem suam. Est & in præconio Evangelii oblatio aliqua Christi, sed universalior illa, quæ quibusvis, gratiam illius serio expetentibus, fit. Verum in Sacramenti distributione, est oblatio & collatio spiritualis gratiæ, specialior multo, singulis in fide communicantibus.

*Quid actiones communicantium notent.*

**XXXVIII.** Fideles autem, quando panem vinumque ACCIPIUNT, actione ista protestantur, se Christum ipsum, quantus quantus est, vera fide recipere, ut jure filiorum Dei gaudeant. *Joh. i. 12.* Sed COMESTIO panis ac BIBITIO vini amplius aliquid

aliquid significant. Et primo quidem devotam animæ, sanctis meditationibus intentæ, circa desideratum sibi Christum, operositatem, ut eliciat ex eo omnia illa, quæ ad spiritualem vitam conducibilia sibi fore novit. Nam quod corpori manducatio, id animæ meditatio est; qua ex iis rebus, circa quas cogitando versatur, conveniens sibi alimentum fugit, uti corpus nutritur per manducationem cibi. Deinde etiam arctissimam illam unionem designant, quæ inter Christum ac fideles intercedit: sicut cibus potusque ori ingestus non modo penitis corporis visceribus recipitur, sed & in ipsam hominis substantiam convertitur. Unionem hanc Scriptura vocat *unionem*. *Joh. XIV. 23. unum est*. *I Cor. VI. 17. communicamus*. *Eph. III. 6*. Denique dulcissimam illam suavitatem representant, quam famelica & sitibunda anima, ex fruitione Christi ac gratiæ ipsius percipit, non credens modo, sed & videns ac gustans, Dominum benignum esse. *Pf. XXXIV. 9. I Pet. II. 3*. Quod autem omnes UNIUS panis & unius vini participes sint, figura est amicæ illius unitatis, qua ut ejusdem patrisfamilias domestici, ejusdem sacri epuli consortes, sibi invicem juncti sunt. Quoniam unus est panis, unum corpus nos illi multi sumus: nam omnes ex uno illo pane participamus. *I Cor. X. 17*.

XXXIX. Verum enimvero plus aliquid quam Signum Docens in Sacra Coena habemus. Est præterea SIGILLUM OBSIGNANS nobis promissiones & gratiam Dei. Et quidem primo promissiones omnes *fœderis Gratia*, quæ olim obsignabantur credentibus per Pascha, & omnia illa epula sacrificialia, ad quæ admittebantur: dein, specialius promissiones *Testamenti Novi*, quæ potiores sunt antiquis illis, quibus patres olim contenti esse jubebantur. Atque hac in parte Christianorum Coena Hebræorum Paschati plurimum præstat. *Hoc est sanguis meus, Novi Testamenti, qui pro multis effunditur, ad remissionem peccatorum. Matth. XXVI. 28.* ad realem, non typicam modo, expiationem culpæ, & deletionem chirographi, & resectionem sitis, & fruitionem pleni gaudii in libertate consummata. Denique specialissime obsignat Bona quædam salutaria, tam *hujus vite*, quam *futura*.

XL. *Hujus vite* bona, quæ per Cœnam nobis obsignantur, tria potissimum sunt. I. Intima unio & communio cum Christo, per passionem consummato. Si placuisset Domino abscissam corporis sui particulam manducandam, vel aliquot sanguinis sui guttas bibendas discipulis præbere, non quidem id per se ad salutem suffecisset, neque absolvisset communionem salvificam cum Christo, quæ non carnalis, sed spiritalis est: attamen efficax admodum

*In Coena est etiam obsignatio promissionum fœderis gratia, & Testamenti Novi.*

*Et bonorum quorundam salutariam, tam in hac vita,*

signaculum mysticæ unionis in eo discipuli habuissent. Nunc autem panem in locum corporis, vinum in locum sanguinis sui substituit, quum dicit, hoc est corpus, hoc sanguis meus; jubetque nos eo pignore non minus de mystica sui communione certos esse, quam si ipsum corpus ac sanguinem suum manibus atque ore sumeremus. II. Conservatio, nutritio, corroboratio, & augmentum vitæ spiritualis, ex communione Christi fluens. Quum panis & vini usu redintegrari corporis vires is qui communicat experitur, insimul insinuatur animæ credenti, non futuram sibi eam Christi gratiam, quæ *dat desesso virtutem, & defecto viribus robur copiose suppeditat.* Jes. XL. 29. III. Plena omnis desiderati boni satietas, quam neque mundus cuiquam, neque egena mundi elementa, sejunctim a Christo, priscis Hebræis sufficere potuerunt. Domino Jesu in oblatione horum symbolorum fidelibus inclamante: *Hec quisquis sitit, venite ad istas aquas, & cui nulla est pecunia, venite, comparate, & comedite, venite, inquam, comparate absque pecunia, & absque pretio vinum & lac. Cur expenditis pecuniam pro nullo cibo, & laborem vestrum pro re minime satiatura? Audiscite indefinenter mihi, & comedite bonum, atque oblectet se hac pinguedine anima vestra* Jes. LV. 1. 2.

quam in  
sutura.

XLI. *Futura vita* bonum, cujus arrham nobis Christus in cœna dat, est illa gloriæ, tam in anima, quam corpore, abundantissima satietas, quam Psaltes descripsit, Ps. XVI. II. & XVII. 15. quæque frequenter sub convivii nuptialis similitudine proponitur.

Importat  
denique  
usus Cœna  
obligatio-  
nem ad va-  
ria pietatis  
officia; et  
2a Chri-  
stum,

XLII. Nostri denique respectu sacra Cœna AUCTORAMEN-  
TUM quoddam est, quo ad quævis pietatis officia, tam erga Chri-  
stum, quam erga proximum, vehementer obstringimur. Erga Chri-  
stum quidem non uno modo. I. In genere, Arrham hanc gratiosi  
foederis, in quo se desponsat nobis Christus, accipientes, eo ipso  
pollicemur, protestamur, & sacramento dicimus, nos omnia ca-  
stæ, fidelis, atque amantis sponsæ officia adversus ipsum impletu-  
ros esse. Id publico hoc & solemni convivio, ad confirmationem  
mystici hujus matrimonii instituto, quivis communicantium, co-  
ram Deo, Angelis, ac universa Ecclesia profitetur. De fracto  
pane, & fuso vino qui participat, is, si non disertis verbis, &  
expressa hujus rei meditatione, implicito tamen facti sui valore,  
Christo dicit: uti desidero, Domine, fracti corporis, fusique  
cruoris tui, ad salutem meam, particeps esse; ita me dignum de-  
claro, cujus corpus, non minus quam hic panis frustulatum discer-  
patur, cujus sanguis, non minus quam hoc vinum, effundatur,  
si in renovatione foederis hujus malo animo ac perfide tibi men-  
tiar.

tiar. II. Præterea, quum in sacrae Coenae communione, maxima & prope incredibilis Domini Jesu caritas adversus nos, non ob oculos modo nobis ponatur, sed & gustanda exhibeatur; flammæ nostræ erga ipsum caritatis, epuli istius participatione, ita rursus accendi par est, ut præ omni amore amor ipsius facer nobis ac mirabilis sit. Eodem halitu, quo sponsa amores dilecti sui vino meliores prædicabat, & oscula oris ipsius omnibus rebus, quæ cæteroquin exoptatissimæ erant, immensum præferebat; accinit quoque, idcirco ipsum a puellis diligi. *Cant. 1. 2, 3.* III. Quum speciatim ad recordationem Domini, & commemorationem mortis ipsius, S. Coena instituta sit, illius usu obligantur fideles, ut Christum, ac dirissimas, quas subiit perpeffiones, quæ spei nostræ solidissimum fundamentum, & unica consolationis materia sunt, in recenti semper memoria habeant: sitque ipsis Christus crucifixus, *uti fasciculus myrrhinus, qui inter ipsorum ubera pernoctat. Cant. 1: 13.* IV. Denique, quum, ad majorem familiaritatis contellationem, mutuam coenam Dominus desideret. *Comabo cum eo, & ipso mecum. Ap. III. 20.* par est, ut ii, qui tam dapfili convivio a Domino excepti sunt, de ipso iterum digne excipiendo sint solliciti: invitantes eum, ut *veniat in hortum suum, & vescatur fructu rerum pretiosarum suarum. Cant. IV. 16. & bibendum ei dantes de vino aromatizæ, & de succo malogranatorum. cant. VIII: 2.* Id est, delicias ei facientes per sinceram interioris Christianismi praxin, qua nec aromata aut favus cum melle, nec lac aut vinum, suaviora ei esse queant.

XLIII. Tandem etiam coenæ usu ad fraternæ pacis, & sincerissimi amoris studia, erga fratres sororesque, ejusdem nobiscum mensæ consortes, obligamur. Ut in Ecclesia Dei nostri, audientibus atque applaudentibus Angelis, uno ore, uno corde, cante-  
tur, *Ecce quam bonus, & quam amenum est, habitare fratres etiam una!* *Pf. cxxxiii. 1.* ita Apostolica prævit Ecclesia. *Et quotidie perdurantes concorditer in templo, ac frangentes domatim panem, capiebant cibum cum exultatione & simplicitate cordis. Act. 11. 46.* Huc faciebat osculum illud sacrum, quo pacem passim cum omnibus miscebant; cujus frequens in Scriptura mentio est, & cujus, in his præsertim Coenæ sacris, innocuus aliquandiu inter Christianos usus fuit. Faxit nos Deus ita mysticam hanc Coenam celebrare in terris, ut æternum cum Christo epulemur in Coelis.

A M E N.

& proximum.

# INDEX.

Locorum Scripturæ, quæ succinctius,  
prolixius, hoc opere explicantur.

G E N E S.			Cap.	Vers.	Pag.
Cap.	Vers.	Pag.	xvi.	5. & seq.	535.
II.	2, 3.	64. 65.	N U M E R.		
	I.	72.	xiv.	20.	46.
	16. 17.	24.	xviii.	19.	2. 4.
	17.	36.	xxiii.	13.	356.
III.	I-5.	80.	D E U T.		
	14, 15.		v.	2, 3.	236.
	19.	36.	xviii.	15, 18.	680.
	20.	458.	xxvi.	17.	7.
IV.	21.	551.	xxix.	12.	6.
	I.	460.		19.	674.
	26.	463.		20.	6.
	27.	462.	J O S.		
V.	29.	464.	xxiv.	19.	
VI.	3.	468.	R E G U M.		
IX.	12, 16	557.	xxiii.	25.	398.
	26, 27.	469.	2. C H R O N I C.		
xvii.	14.	564.	xiii.	5.	4.
xviii.	1, 2.	475.	xv.	12.	398.
xxv.	23.	483.	J O B.		
xlx.	10.	484.	vii.	20.	487.
	18.	215.	xix.	25-27.	215.
	21.	485.	xxii.	25.	479.
E X O D.			xxxiii.	23. 24.	487. 116.
IV.	22.	335.	P S A L M.		
xix.	5.	358.	v.	5, 6, 7.	47.
xxiv.	8.	6.	xvi.	2.	111.
xxxiv.	14.	45.	xix.	2-5.	257.
L E V I T.			xxvii.		
x.	3.	48.			

# I N D E X.

Cap.	Vers.	Pag.
xxvii.	8.	6.
xl.	7, 8, 9.	
xliv.	8.	126.
	14.	374.
L	5.	3.
	21.	48.
lxix.	6.	140.
	29.	250.
lxxviii.	15, 16.	618.
	24.	605.
ciii.	14.	37.
cvi.	30, 31.	299.
cx.	3.	375.
	4.	689.

## E C C L E S.

xii.	7.	430.
------	----	------

## C A N T I C.

i.	9.	375. seq.
iv.	16.	} 755.
viii.	2.	

## J E S A I.

v.	16.	48.
xxvii.	5.	286.
xxviii.	21.	50.
xxxviii.	14.	107.
xlvi.	7.	75. 77.
l.	8.	197.
liii.	5.	139.
liv.	9.	557.
	10.	409.
lviii.	7.	742.
lix.	21. 22.	709.
lxi.	10.	416.

## J E R E M.

iii.	11.	299.
	16, 17.	688.

Cap.	Vers.	Pag.
v.	9. 29.	50.
xiii.	11.	46.
xvii.	8.	405.
xxx.	21.	106. 136.
xxxi.	22.	131.
	31-34.	685.
xxxii.	38-40.	409.
xxxiii.	20.	20.
xxxiv.	13, 14.	3.
	18.	3.

## E Z E C H.

xliv.	9.	573.
xlvi.	12.	59.

## D A N.

ix.	27.	694.
x.	13.	116.
xii.	2.	217.
	3.	298.

## H O S.

vi.	6.	625.
-----	----	------

## M I C H.

vii.	3.	363.
------	----	------

## Z A C H.

iii.	9.	165.
vi.	13.	107.
ix.	11.	675.
x.	5.	376.

## M A L A C H.

ii.	15.	81.
-----	-----	-----

## M A T T H.

iii.	11.	376.
v.	17.	682.
xi.	11.	672.
xvi.	18.	411.

# I N D E X.

Cap.	Vers.	Pag.	Cap.	Vers.	Pag.
xix.	14.	748.	v.	16.	661.
xxii.	31, 32.	212.		12.	81. 91.
xxiv.	24.	407.		16, 19.	141.
xxv.	34.	243.	vi.	2.	365.
	41.	43.	vii.	23.	364.
xxvi.	28.	753.	viii.	2.	307.
	29.	739.		3.	102. 147.
xxviii.	19, 20. 730. & 732.			4.	306.
L U C.				15, 16.	350. 732.
iii.	38.	336.		30.	295.
xv.	7.	399.	xi.	25, 26, 27.	707.
xx.	38.	433.	xiv.	23.	379.
xxxiii.	43.	435.	I. C O R.		
J O H A N.			vi.	11.	297.
i.	12.	336.	x.	1, 2.	597.
	29.	185. 187.	xi.	20.	736.
iii.	5.	275.		28, & 29.	747.
v.	39.	211.	xv.	19, 30, 32.	434.
vi.	51.	184.		50.	441.
	53.	749.	2. C O R.		
x.	15, 16, 28.	190.	i.	21, 22.	418.
	29.	408.	iii.	13.	654.
A C T O.			v.	1.	435.
ii.	39.	732.		9.	375.
	42.	742.		19.	165.
iv.	12.	221.		16.	262.
x.	47.	733.	G A L.		
xv.	11.	219.	iii.	6, 7, 8.	479.
	15-17.	713.		10.	659.
xx.	28.	188.		16, 17, 106. 477.	480.
	7.	742.			480.
xxi.	21.	572.		23.	222.
R O M.			iv.	4, 5, 6, 7.	341.
i.	32.	49.		3. 9.	666.
iii.	24.	306.	E P H E S.		
	25.	176.	i.	13.	418.
iv.	13.	383.	ii.	1. 2.	265.
			iv.	24.	12.
					PHIL.

# I N D E X.

Cap.	Vers.	Pag.	Cap.	Vers.	Pag.
PHILIPP.					
I.	23.	430, 433.		15.	220.
II.	9.	125.	X.	18.	234.
IV.	3.	241.		I.	652.
COLOS.				20.	148.
II.	11, & 12.	734.	XI.	I.	283.
	14.	668.		6.	378.
III.	3.	417.	XIII.	10.	214.
	10.	12.		2.	477.
2 THESSA.				8.	220.
II.	13.	246.	J A C.		
1 TIMOT.			II.	21.	300.
I.	9.	21.	1. P E T.		
II.	4, 6.	184.	I.	5.	409.
	14.	84.		23.	276.
III.	16.	197.	II.	9.	410.
2 TIMOT.				24.	149.
I.	9.	244.	III.	19, 20.	466.
	10.	218.		21.	723.
II.	13.	46.	2. P E T.		
	19.	419.	I.	3.	424.
TIT.				19.	664.
I.	2.	245.	II.	I.	403.
II.	11.	190.		5.	466.
	14.	358, 410.	1. J O H A N.		
III.	7.	296.	II.	2.	185.
HEBR.			J U D Æ.		
II.	3.	218. 634.	Vers.	7.	43.
	5.	653.		14, 15.	
	10.	146.	A P O C.		
	16.	127.	IV.	3.	558.
VI.	6.	178.	VII.	2, 3.	358. seq.
VII.	22.	106.	X.	I.	558.
VIII.	6.	218.	XIII.	8.	243.
	10.	639.	XIV.	13.	434.
IX.	4.	613.	XXII.	2.	59.
	8.	219.		11.	297.

INDEX.



# INDEX

Vocum Hebraicarum,  
quæ Illustrantur.

אבא.	350.
אבב.	575.
אבר.	376.
את.	461.
בא.	75, 76, 77.
ברת.	2.
נאב.	216, 710.
מאב.	286.
מאב.	648.
מאב.	459.
מאב.	236.
מאב.	306.
מאב.	458.
מאב.	469.
מאב.	691.
מאב.	565.
מאב.	139.
מאב.	40.
מאב.	487.
מאב.	464, 465.
מאב.	401.
מאב.	575.
מאב.	358.
מאב.	111, 546.
מאב.	357.
מאב.	136.
מאב.	258.
מאב.	460.
מאב.	412.
מאב.	472.
מאב.	620.

# INDEX

Vocum Græcarum quæ  
exponuntur.

ἄδης.	412.
Ἀρραβων.	420.
Ἀρχ.	247.
Ἀρχ.	351.
Ἀρχ.	645.
Ἀρχ.	719.
Ἀρχ.	733.
Ἀρχ.	336.
Ἀρχ.	2.
Ἀρχ.	12, 13.
Ἀρχ.	306.
Ἀρχ.	236.
Ἀρχ.	403.
Ἀρχ.	283, 284.
Ἀρχ.	336.
Ἀρχ.	138.
Ἀρχ.	91.
Ἀρχ.	401, seq.
Ἀρχ.	ibid.
Ἀρχ.	677.
Ἀρχ.	241.
Ἀρχ.	13.
Ἀρχ.	645.
Ἀρχ.	358, 410.
Ἀρχ.	410.
Ἀρχ.	282.
Ἀρχ.	238, seq.
Ἀρχ.	283.
Ἀρχ.	126, 127.

# I N D E X

## Rerum Præcipuarum.

**A** Jacto mundi fundamento, quid notet? Pag. 243.  
 Aaron typus Christi. 528.  
     & seq.  
 Ab initio, quid significet? 247. & seq.  
 Abba Pater. 350.  
 Abel. vide Habel.  
 Abib, mensis, unde sic dictus. 575.  
 Abrahami Fœdus cum Deo. 477.  
     & seq.  
 Abrahamo an tres Deitatis Personæ apparuerint? 475. & seq.  
 Abyssini, vide Æthiopes.  
 Adamus considerari potest vel ut Homo, vel ut Caput generis humani, tam Fœderale, quam Naturale. 9. 16.  
 Adamus, cur Filius Dei dicatur? 335.  
 A primâ sui creatione non fuit Filius Dei Adoptivus, neque jus habuit ad hæreditatem. 26. Creatus est extra Paradisum. 56. 70.  
 Non videtur lapsus eo die, quo creatus. 73. An etiam seductus fuerit? 84. non fuit obligatus ad simpliciter impossibile. 89.  
 Adamo in statu integritatis Trinitas non fuit incognita. 10. 11. 12.  
 Addere ebriam sitienti, quid significet?  
 Adoptio. 334. Commune Veteri & Novo Testamento bonum est. 338. Sed magna graduum disparitate. 339. & seq. Male Veteri Testamento derogatur. 650.  
 Ægyptorum Circumcisio. 562.  
 OEC. FORD.

Æternitas poenæ an ex naturali Dei jure deduci queat? 53.  
 Æthiopum Circumcisio. 563.  
 Æthiopes falso jactitant, Reginam Sabæ, sive Austri, suam fuisse. 563.  
 Æthiopes templa non ingrediuntur, nisi nudis pedibus. 583.  
 Affectuum vitiositas. 364.  
 Agnus frequentissime ad Pascha adhibitus, rarius hoedus, nunquam Bos. 581. qui dicatur corpus Paschatis? 561.  
 Amicitia Dei, qua homo cum Deo, Deus cum homine familiariter conversatur. 326. Quomodo rupta redintegretur? 332.  
 Amor Dei & proximi non potest homini non præcipi. 22. 23.  
 Amor Dei, quomodo Sanctitatis omnis fons sit? 396. 379. Ex amore Dei, nostri quoque amor scaturire & ad eum referri debet. 381.  
 Angelus Interpres *Job*. quis sit? 487.  
     & seq.  
 Angelorum ministerium circa Legem. 494. Circa manna. 604. 605.  
 Angeli corroboratio non obstat, quominus Christi passionem in horto satisfactoriæ sint. 161.  
 Angelorum specialis dominatus in Fideles V. T. rejicitur. 653. & seq.  
 Angores Christi in horto, quanti, & unde? 149.  
 Animæ facultates non distinguuntur realiter. 279.  
 Animæ post mortem status juxta Sophoclinia.  
 D d d d

# I N D E X.

cinianos. 429. post mortem superstitant. 430. & vivunt atque sentiunt. 432. & seq.  
 Animæ Fidelium, corpore solutæ, non solum in gaudia, sed & habitacula cœlestia suscipiuntur. 435. Neque solum status, sed & loci mutationem subeunt. 437. seq. Qua beatitudine in cœlo fruuntur? 438. 439. Ea consummatissima erit post novissimum diem. 444.  
 Animæ mox reuniendæ corpori ubi interim fuerint? 448. seq.  
 Ante tempora secularia, quid significet? 245.  
 Antiquatio Fœderis operum. 94. tam absoluta est, ut fœdus id renovari cum homine peccatore non possit 101. à nonnullis parum feliciter explicata. 102.  
 Antiquatio Testamenti Veteris, 676. vide Testam. Vet.  
 Aphesios & Paresios distinctio examinatur. 645. & seq.  
 Apparitiones Divinæ Divinitatis suæ indicia Conscientiæ approbant. 475.  
 Aquæ & sanguinis Christi analogia. 725.  
 Arbor Scientiæ Boni & mali, cur ita dicta? 24. An una numero fuerit? ibid. Cur homini interdicta? 24. An fuerit Sacramentum? 61. & seq.  
 Arbor vitæ, an una numero? 60. Cur ita dicta? 60. 61. Typus Filii Dei. 60.  
 Arcæ Fœderis significatio mystica. 531. & seq.

Arca cur in templo secundo non fuerit, & in cœlo iterum à Johanne visa sit? 534.  
 Arcæ Fœderis abolitio promissa est in signum felicissimi temporis. 688. & importat antiquationem omnium ceremoniarum. 690.  
 Arca Noachi & Christum significabat & Ecclesiam. 522.  
 Arcus Cœlestis. Vide Iris.  
 Assensus fidei quandoque cum magna titubatione est. 284.  
 Azazel quid notet? 536. & seq. ejus mysterium. 541. & seq.

## B.

**B**aptismus, cur à Christo usurpatus? 200  
 Baptismus Israelitarum in nube & mari. 597. In Mosen. 597.  
 Baptismus Judæorum duplex. 714. & seq.  
 Baptismus Johannis. 717. cum Baptismo N. T. collatus. 718.  
 Baptismus an mersione, an aspersione peragendus sit? 877. an tinctione una an trina? 880. Qua verborum formula? 722.  
 Baptismi mysterium prolixè exponitur. 723. & seq.  
 Baptismus infantium adstruitur. 731. & seq.  
 Baptismus successit circumcisioni. 734. utilis est ad praxin pietatis. 734.  
 Bileami vaticinium de Messia 489.  
 Bileam non fuit Elihu. ibid.  
 Bohemorum mos circa infantes baptizatos. 735.  
 Bona Fœderis Gratia. 237. seq.  
 Bona

# I N D E X.

Bona Testamenti Novi. 700.  
 Bona Testamenti Veteris. 623.  
 Boves cur Paschata dicantur? 581.

## C.

**C**Alcanem contere quid sit? 454.  
 Canaan Typus Coelestis hereditatis. 625. seq.

Ceremoniarum concessio certo respectu ingens beneficium Israelit fuit. 628. Neque solum considerari debent ut onus, sed & ut sigilla gratiae. 629.

Ceremoniae fuerunt velum. 664.  
 Cur dicantur elementa mundi? 666. Est in his iugum. 666. & exprobratio pueritiae, & paries intergerinus, & inimicitiae, & Chirographum cultoribus subcontrarium. 667. & seq.

Ceremoniales Leges, salva Dei Constantia ac Sapientia abrogari possunt. 678. Cum limitatione ad certum tempus ac locum datae sunt. 679. Et rationes plerumque istis temporibus istique populo peculiare habent. 679. Earum abrogatio praedicta est. 681. Debuerunt antiquari tempore Messiae. 696. & seq. Quod tamen certis quibusdam gradibus factum est. 698.

Certi electionis suae electi esse possunt. 251.

Certitudinis illius methodus 251. seq.  
 Ea magni momenti est fidelibus, & studium pietatis valde promovet. 253.

Certitudo fidei. 281. 282. seq.

Certitudo Salutis. 428.

Cervam dimissa. Gen. 49. 22. quid significet? 485.

Cherubimorum forma. 530.  
 Cherubini fuerunt emblema Angelorum. 532.

Chirographum quo sensu dicantur Ceremoniae. 668.

Chirographum à Patribus Ante Moysaesis etiam exactum est. 642.

Christus est anima totius Veteris Testamenti. 515.

Christus cur Homo esse debuerit?

127. Cur sanctus homo? 128.

129. 130. Cur ex Virgine nasci?

131. Cur verus Deus? 132. An

praecise necesse fuerit Filium esse

Christum? 133. Cur debuerit esse

Θεογενής? 134.

Christus an qua Mediator minor sit Patre? 120.

Christus an subjectus fuerit Legi, quomodo, & quatenus. 117. quibus Legibus? 117. 118.

Christi obedientia, quam Activam vocant, nobis quoque imputatur. 118.

Christus an potuerit peccare? 122. ejus obedientia quo pacto à nostra distinguatur? 124.

Christus an sibi aliquid meruerit? 125. 126.

Christus Salutis Author fuit electis ab omni aëvo. 219.

Christus Sacerdos fuit ab initio vitae suae. 157.

Christus cur Sacramentis usus sit?

110. 198. seq. Eorum usu fidem

suam corroboravit. 299. Coenam

quoque participavit? 407.

Christus quatenus imitandus. 385.

Christi consideratio validissimum

D d d d d 2 Sancti

# I N D E X.

- Sanctitati promovendæ medium est. 390.
- Christi passiones omnes an sint Satisfactoriæ? 142. 145. Angores in horto, unde & quanti? 145. 150. mors placida quidem, attamen maledicta fuit. 160.
- Christus justificatus quo sensu dicitur? 197. 198. 294.
- Christo non sunt remissa peccata. 197.
- Christum nulla ratione post mortem vixisse blasphemant Sociniani. 436.
- Circumcisionis tota ratio exponitur. 560. & seq. Fuit primo Sacramentum domesticum Abramidarum. 561. Ægyptiorum aliarumque Gentium. prava æmulatio. 562. Æthiopum Christianorum circumcisio. 563. & Foeminarum. 564. Circumcisionis necessitas. ibid. Minister. 566. Dies. 566. Mysterium. 567. Abrogatio. 570. Ad quam paulatim & circumspicte processum est. 570.
- Circumcisionem infantium suorum Judaica natio, postquam ad Christum conversa erit, non retinebit. 571.
- Circumcisio fuit jugum. 234.
- Circumcisio Christi: quid in ea ipsi Pater, ipse Patri pollicitus sit? 200.
- Circumcisio cordis sub V. quoque Testamento locum habuit. 636.
- Cœna cur cœna Domini dicatur? 736. Cur in ea Christus elegerit panem & vinum? 737. An in ea adhibendæ minutiae orbiculares? 738.
- Cœnæ verborum tam præceptivorum quam exegeticorum exegetis, 744. & seq. collatio rituum ejus, cum Paschalibus. ibid. Cœnæ fines, usus, & significatus mystici. 751. & seq. an infantibus administranda? 748. Quoties celebranda? 750.
- Columbæ Noachicæ mystica significatio. 524.
- Columna Nubis & Ignis. 599.
- Comminationes fœderis operum. 36.
- Comminationes omnes ex Lege sunt: nullæ ex fœdere gratiæ strictæ dicto. 209.
- Concursus Divini ratio & efficacitas. 85. & seq.
- Conditiones propriæ dictæ in fœdere gratiæ non habent locum. 204.
- Conscientiam tranquillatam an Patres V. T. habuerunt? 652.
- Conservationis Fidelium tota ratio exponitur. 403. & seq.
- Conservationis Orthodoxa Doctrina non minus ad pietatem, quam ad consolationem utilis est. 421. & seq.
- Consummatum est quo sensu Christus dixerit? 160. & seq.
- Convivia Fœderalia. 3.
- Convivia ex oblatis donis & Sacrificiis. 555.
- Corpus hominis arx peccati est. 364.
- Corpora Fidelium suscitabuntur in gloria; eadem quoad substantiam, sed multo præstantiora quoad qualitates. 441.
- Creatio prima typus est secundæ. 518.

# I N D E X.

## D.

**D**avid per adulterium plane à Christo avulsus non fuit. 414.  
**Decalogus** 492. Legislator speciali ratione Dei Filius est. 493. Cui ut ministri adstiterunt Angeli. 494. Ministerium Moſis. 495. ſeq. Tempus, modus, Locus publicatæ Legis. 497. & ſeq. Eſt lex Caritatis. 499. Cur ſcripta? & ab ipſo quidem Deo? ibi. Cur ſculpta, & quidem in tabulis Lapideis? 500. Quot præcepta inſcripta fuerint ſingulis tabulis, non conſtat. 501. Tabulæ priores & poſteriores. ibid. Fulgor faciei Moſis. 502. An Lex, quatenus per Moſen data, Perpetuæ obligationis ſit? 503. & ſeq. Quo ſenſu abrogata dici queat? 505. Uſus Legis ibid. & ſeq. Quale ſit illud ſœdus, quod pactum eſt ſuper Decalogo, prolixè diſquiritur. 508. 509. & ſeq.  
**Deletio** ex Libro Vitæ, quid, & quotuplex? 250. 251.  
**Deum** alicujus dici importat ſœdus. 135. Phraſis iſta in Emphaſi. ſumta vitam æternam inclaudit. 212.  
**Dei** *origo* in Fœdere Operum. 11. In Fœdere Gratiae. 202. 203.  
**Diluvii** myſtica ſignificatio. 523.

## E.

**E**lectio & Chriſti eſt, & ſervandorum per Chriſtum. 238. Hujus definitio. 238. Electio aliquando vocationem notat. ibid. Facta eſt ab æterno. 242. & ſeq. Eſt liberriſſima. 248. & immutabilis. 249.

**Electi** certi eſſe poſſunt ſuæ electionis. 331. ſeq. Certitudinis illius methodus. 251. Intereſt Fidelium, ut ad certitudinem iſtam annuntur. 252. quippe quæ ſtadium pietatis valide promovet. 253.  
**Electi** etiam ante vocationem efficacem varia ſupra reprobos privilegia habent. 165. ſeq.  
**Pro Electis** omnibus & ſolis Chriſtus ſatiſfecit. 183. & ſeq.  
**Εμυστηριον** myſterium. 554.  
**Epirus** unde dicta? 376.  
**Equitio** Pharaonis cur comparetur Eccleſiæ? & ſeq. 376.  
**Equus** Divinæ Majeſtatis. 377.  
**Evæ** nomen poſt promiſſionem gratiæ primæ Matri datum eſt. 458.  
**Ejus** originatione ridicula. 457. ſeq.  
**Vera**. 459. Quo ſenſu Mater omnis viventis dicatur? ib. An in Kaino Meſſiam ſuſpicata ſit? 460. an Meſſiam virginis Filium fore ſciyerit? 461. & ſeq.  
**Excilio** animæ è populo ſuo. 564. 565.  
**Exempla** Sanctorum quatenus imitanda? 383. ſeq.  
**Expiationis** feſtus dies ejusque Ceremoniæ, exponuntur. 534. & ſeq.  
**Expiationis** Typicæ myſterium. 555.

## F.

**F**acultates animæ non diſtinguuntur realiter. 279.  
**Fames** & ſitis Chriſti. 285.  
**Fermenti** uſu Flamini Diali apud Romanos interdictum erat. 584. cur in Paſchate fuerit removendum? 591.  
**Fides**

# I N D E X

**Fides** quandoque notat certam persuasionem, id, quod facimus, Deo gratum esse. 396, 397.  
**Fides** Abrahami. 482.  
**Fides** Christi corroborata est usu Sacramentorum. 198, 199.  
**Fides** Historica an recte sic dicatur? 288.  
**Fidei** Salutaris & Temporariæ plurima diversitas. 285. & seq.  
**Fides** Salutaris plurima in se comprehendit. 278. Non in una Animæ facultate residet. 278. Unus tamen actus Fidei præcipuus, & formaliter justificatorius est. 280. Ad Fidem pertinet Cognitio, ib. quæ sæpe admodum est implicita 281. & seq. Et Assensus. 282. *Πληροφορία* quid? 282. *ἰπὸς α-σιν* 283. *ἐλεγχος* 283. Fidei Divinæ non potest subesse falsum. 284. Assensus tamen Fidelium sæpe titubat. ib. Assensum sequitur veritatis cognitæ & agnitæ amor. 244. Hunc fames & sitis Christi. 285. Hanc excipit receptio Christi. 285. Per fidem quoque anima se Christo ut Domino dedit. 287. Ex omnibus his Syllogismum format, cujus conclusio est, Christus est meus. 287. Inde procedit beata animæ tranquillitas. ibid.  
**Fidei** quis suæ potest esse conscius. 291. Quod nonnunquam tamen difficile est. 202. At multifariam expedit. 203.  
**Fide** sola justificamur. 308. Non consistit fides in observatione mandatorum Evangelii, neque succedit in

locum perfectæ obedientiæ, quam Lex exigebat. 309. & seq. Neque justificat ut actus noster a Deo iustus. 310. Neque proprie dicta conditio est, quam Evangelium ad justificationem exigit. 311. Neque cæterarum virtutum actus includuntur in Fide, quatenus justificat. 311. Sed justificat Fides in quantum est vinculum unionis nostræ cum Christo. 319.  
**Sine Fide** in Messiam nemo salvatur. 221.  
**Fides** peculiarem *σχίσιν* habet in Fœdere Gratiae. 208, 209.  
**Fides** origo Sanctitatis est. 378.  
**Filius** Dei quis dicitur propter diversas rationes. 335. & seq. Cur Israël dicatur Filius primogenitus? 335. Fideles N. T. dicuntur Filii Dei in eminentia. 341. Filiorum Dei conditio est præstantissima. 341. Gnorismata Filiorum Dei. 352. & seq.  
**Filium** an præcise necesse fuerit Sponsorem fieri? 133.  
**Filium** inter ac Patrem pactum est. 105. An potuerit Filius illi pacto se subducere? 120, 121.  
**Fœderis** variæ significationes. 2.  
**Fœdus** secare, vel ferire unde dicatur? 3.  
**Fœdus** Salis. 4.  
**Fœderis** Divini definitio. 5.  
**Fœdus** duplex. 7.  
**Fœdus** operum 8, 9. & seq. Habuit sua promissa. 26. seq. Et quidem ejusdem vitæ æternæ, quam nunc in Christo nanciscimur. 28. Degendæ in cœlis 30. Quæ promissa

# I N D E X

missa fluunt ex Divinae naturae  
decentiis. 31.  
Foederis operum antiquatio. 94.  
Foedus super Decalogo pactum qua-  
le sit? 508.  
Foedus inter Patrem & Filium. 105.  
Vide Pactum.  
Foederis Gratiae definitio. 105.  
Foedus Dei cum electis. 202. Eorum.  
    *exis* in Foedere Gratiae. 203.  
    Promissa Foederis Gratiae. 204.  
    seq. An conditiones habeat? ib.  
    204. An item coninationes. 209.  
Foedus Gratiae substantia unum est.  
    210.  
Foederis Gratiae bona. 237. seq.  
Foedus cum Deo aliquoties interan-  
dum. 392. seq.  
Foeminarum Pascha arbitrium  
erat. 579.  
Fovea, in qua non est aqua. 675.  
Fruitio Dei gratiosa. 427.  
Fundamentum Dei firmum dici po-  
test quivis Sanctificatus. 419.

## G.

**G**audium Spirituale. 427.  
    Gentilium praeclarae sententiae  
    de Origine Virtutis. 372. & seq.  
Gentium plenitudo, & opulencia.  
    708, 713.  
Gloria Dei Actionum nostrarum fi-  
nis esse debet. 386.  
Glorificatio. 424 Partim hujus vitae  
est, ad quam pertinet Sanctitas.  
    425. seq. Visio Dei in lumine gra-  
    tiae. ib. Fruitio Dei gratiosa. 427.  
    seq. Salutis certitudo. 428. Gau-  
    dium ineffabile. 428. Partim fu-  
    turae vitae: tam in anima separa-

ta. 429. & seq. quam quoad to-  
tum compositum. 441. & seq.  
Graduum disparitas in beatitudine  
coelesti probabilis est. 444.

## H.

**H**abel Typus Christi exinaniti.  
    520.  
Henoch Christi exaltati. 521.  
Henochi vaticinium. 463.  
Hircus Azazel. 536. & seq. ejus my-  
    sterium. 541. & seq.

## I.

**I**acobus & Esauus Praedestinationis  
    Exempla. 483. & seq.  
Jacobi cum Paulo in Doctrina de ju-  
    stificatione consensus. 301. 302.  
Japhet unde dictus? 417. An Japhe-  
    tum, an Deum in tentoriis Semi  
    habitaturum praedictum sit? 472.  
    & seq.  
Imago Dei latius vel strictius dici-  
    tur. 14.  
Imago Dei, ad quam conditus est  
    Adam, complectitur quoque justi-  
    tiam: 12, 13.  
Imitatio Christi. 384. & seq.  
Infinita malitia an, & quatenus pec-  
    cato insit? 53.  
Inimicitia inter serpentem & mulie-  
    rem. 451.  
Inscriptio in Libro vitae varia. 240.  
    Origo locutionis istius metaphori-  
    cae. 241, 242.  
Inscriptio Legis in corde male statui-  
    tur bonum N. T. proprium. 639.  
Intellectus & voluntas non distin-  
    guuntur realiter. 279.  
Intellectus corruptio. 362.  
Inter-



# I N D E X

Interpretationis Leges. 112.  
 Iris cujus Fœderis signum fuerit ?  
     557. Est Hieroglyphicum Divi-  
     næ in Christo gratiæ. 557. & seq.  
 Ilaacus Typus Christi. 524. & Eccle-  
     siæ. 525.  
 Israël totus *Rom. 11:26.* quid signi-  
     ficet? 708.  
 Judæorum reassumptio. 707. & seq.  
 Judicia Dei in Ægyptios nocte Pa-  
     schatis. 590.  
 Judicium *Mat. 25.* descriptum; uni-  
     versale est. 43.  
 Justificatio Christi. 197, 301.  
 Justificationis Doctrina Maximi mo-  
     menti est. 293. Vocis significatio.  
     294. seq. Aliquando amplius quid  
     significare videtur quam meram  
     justitiæ declarationem. 294. seq.  
     298. seq. Justificatio vel ad sin-  
     gularia quædam facta refertur,  
     vel ad integrum hominis statum.  
     298. Et eum quidem, vel prout  
     homo in se ipso consideratur, vel  
     prout censetur in Sponsore Christo.  
     299. Prior justificatio est hominis  
     justi, & fit propter justitiam inhæ-  
     rentem. 300. altera est hominis  
     peccatoris. 301. seq. pro quo Chri-  
     stus omnia fecit, quæ ad eum ju-  
     stificandum requiruntur. 302.  
     Quæ peccatori imputantur, quan-  
     do per fidem Christo unitur. 303.  
     Is tum absolvitur a poena eique  
     adjudicatur vita 303. Judex. ib. Id,  
     propter quod justificamur, justiti-  
     a Christi: est sine ullo nostro opè-  
     re. 304, 305, 312. Peccato omne  
     suum jus, tam dominandi, quam  
     damnandi abjudicatur. 307. Me-

dium justificationis fides est. 308  
 Ea quam *σπίς* in justificatione  
 habeat? 309. 311. Varii justifi-  
 cationis articuli. 313. & seq. Ju-  
 stificatio sæculi futuri 315. Pra-  
 xis Doctrinæ de gratuita justifica-  
     tione. 320. & seq.  
 Justificationem in Scriptura promit-  
     ti, ut rem non prisca temporis,  
     sed posterioris, perperam asseri-  
     tur. 641.  
 Justitia & Sanctitas, an & quomodo  
     distinguantur? 13. 14.  
 Justitia Dei vindicativa non patitur,  
     ut peccatum impunitum maneat.  
     45. 52. 176.

## K.

**K**aini nomen unde dictum? 460.  
 Eum non quidem Messiam fu-  
 isse, suspicata mater est: sed in  
 ejus nativitate argumentum futu-  
 ri Messiae visa est deprehendere  
     460. seq.

## L.

**L**apsus Adami fuit præcognitus.  
     85, prædeterminatus 85. Infa-  
     libiliter futurus. ib. Liber tamen,  
     & sine ulla Dei culpa. 89. 90.  
 Lex Dei, Lex peccati & mortis quo  
     sensu dicatur? 307.  
 Lex triplex. 492. Vide Decalogus.  
 Lex Naturæ. 17.  
 Lex proprie dicta ante Lapsum quo-  
     que fuit. 18.  
 Legis Naturalis præcepta in natura  
     Dei fundantur. 21, 22. quæ ob-  
     servantia iis debeat? 25.  
 Legi cui, & quatenus subiectus Chri-  
     stus? 117. & seq.  
     Lex

# I N D E X

**Lex** per Sponſionem Chriſti non eſt  
abrogata, vel derogata, ſed expli-  
cata κατ' ἐπιφάνειαν. 138, 139.  
**Liber Dei.** 239.  
**Liber vitæ triplex**, illiusque varia in-  
ſcriptio ac deletio. 239 & ſeq.  
**Liber ſcripturæ & conſcientiæ.** 252.  
**Libertati Adami non præjudicavit**  
prædeterminatio & concurſus Dei.  
90.  
**Libertas arbitrii non læditur per vor-**  
ticiordiam gratiam. 262.  
**Libertas Chriſtiana.** 705. vel com-  
munis eſt omnibus fidelibus. ib.  
paulo tamen adſtrictior ſub V. T.  
706. vel Novo propria. 706.  
**Lucta Spiritus & Carnis non conſiſtit**  
in contrariis motibus glandulæ  
pinealis. 395.

## M.

**Maledictio.** Sub ea non fuerunt  
Fideles V. T. 659. & ſeq.  
**Malitia infinita an, & quatenus pec-**  
cato inſit? 53.  
**Mannæ** ἰσχυρολογία. 602. Manna  
vulgaris, Polonica, Iſraëliitarum  
conferuntur. 603. & ſeq. Manna  
cur dicatur panis מן 605.  
**Mofis circa Manna miniſterium.**  
605. Mannæ figura, Color, Sa-  
por. 607. & ſeq. Locus, Tempus.  
609. 610. Iſraëliitarum circa  
Manna officia. 610. & Peccata.  
613. Mannæ Myſterium. 614. & ſeq.  
**Manuum impoſitio pecori immolan-**  
do. 538.  
**Mare rubrum, Eyrthræum, Algo-**  
ſum, unde ſic dictum 593. 594.  
**Fiffura aquarum ejus miraculoſa**  
OEC. FORD.

plane fuit 594. An Iſraëlitæ illud  
recta tranſiverint ab uno litore ad  
aliud, an vero ad idem litus rever-  
terint? 595. 596. Tranſitus illius  
myſterium. 599. & ſeq.  
**Mediatoris requiſita.** 127. & ſeq.  
**Mediator qua talis an Patre minor?**  
120.  
**Metui mortis temporalis an per**  
omnem vitam ſubjecti fuerint pri-  
ſci Fideles? 644. & ſeq.  
**Minimus in Regno Cœlorum quis di-**  
catur? Mat. 11: 11. 672.  
**Mors, aliquando notat miſerias hu-**  
jus vitæ. 38.  
**Mors Corporis etiam comprehenditur**  
comminatione Dei. Gen. 2:  
17. 38.  
**Mors Spiritualis. & ſeq. Habet ſuos**  
gradus. 271.  
**Mors æterna Adamo quoque denun-**  
ciata eſt. 40. & peſſime reſtringitur  
ad contemptores Evangelii. ibid.  
**Mors Chriſti fuit ſatisfactoria.** 147.  
ſeq. Placida quidem, attamen ma-  
ledicta. 160.  
**Mors Satanæ.** 448.  
**Mortificatio Veteris hominis.** 365.  
**Mortuum eſſe peccato quid ſit?** 365.  
**Mofis miniſterium circa decalogum.**  
495. circa Mannam. 606.  
**Mofes & Legem repræſentat, &**  
Chriſtum. 526. & ſeq.  
**Mofes etiam fuit Mediator.** 527. &  
Typus Chriſti. 600. In Moſen  
quomodo Iſraëlitæ baptizati ſint?  
598.  
**Mundus aliquando univerſitatem**  
electorum notat. 180. Mundi hæ-  
reditas quid? 343.  
E e e e e N.

# I N D E X

## N.

**N**Aphtalitarum benedictio. 485.  
 Natura ipsa hominem ad celestia bona quaerenda invitat. 255.  
 Imo ad ipsam Dei quaestionem vocat. 256. Et spem aliquam illius potiundi suppeditat. 257. Ad quod animi puritatem requiri eadem quoque docet. ibid.

Naturae invitatio ad salutem sufficiens, non tamen inutilis est. 258.

Naturae Lex, Vide Lex Naturae.

Nisan Mensis, unde dictus? 575.

Noach unde dictus? 464. Quid per nativitatem Noachi sibi pollicitus sit Lamech? 464. An in Noacho Messiam sibi promiserit? 465.  
 Noach fuit praeco justitiae. 466.  
 Per Noachum praedicavit Christus. 467. fuit typus Christi. 521. seq.

Noachi Arca & Christum significabat, & Ecclesiam. 522.

Novum Testamentum, Vide Testamentum Novum.

Nubis in deserto mysterium, 599.

## O.

**O**bedientia perfecta est unica causa meritoria Vitae aeternae. 100.

Obedientia Christi Activa nobis quoque imputatur. 118. 140. 141.

Obedientia Christi ut differat à nostra? 124.

Obedientiae Christi relatio ad praemium. 124. 125.

Oblationis mysterium. 554.

Obligatio Spiritus. 418. seq.

Oeconomiae Testamenti gratiae duae sunt. 223. non tres. 232. Vide Testamentum.

Opera omnia in justificationis negotio excluduntur. 305. 306. Allegabuntur quidem illa in justificatione futuri seculi, ut documenta fidei, & exhibentia proportionem gratiae ad gloriam. 316. non tamen tum perfecta erunt. 318.

Offa Paschatis confringere, cur vetitum?

## P.

**P**Actum Patris & Filii. 105. illius varia quasi momenta, 115. & Lex. 116. An Filius potuerit illi se pacto subducere? 120, 121.

Panis in coena adhibendus communis, 737. an azymus, an fermentatus? 737. Panis benedictio quid denotet? 742. an fractio necessaria? 743. quid significet ejus datio? ibid. quid comestio sit? 746. quid mysterii illis ritibus subsit? 752. inter eum & corpus Christi convenientia. 751. non servandus honorifice in pyxide. 746.

Paedobaptismus. 731.

Paradisus Typus Coeli. 56. 57. 59. Extra Paradisum creatus est Adam. 58. 70. ejectio ex Paradiso non est Sacramentum gratiae. 550. 551.

Paresios & Aphesios distinctio examinatur. 645. & seq.

Paschae *ὀνοματολογία*. 574. Ejus celebrandae Tempus, 576. seq. Locus,

# I N D E X

**Locus, Templi atrium.** *ibid.* 570.  
**Veri nominis Sacrificium est.** 576.  
**Ministri, & Conviviæ.** 578. **Fœ-**  
**minarum Pascha arbitrarium erat.**  
 579. **Alterum Pascha, pro im-**  
**mundis.** 580. **Paschalis victima,**  
**aliquando hœdus, frequentissime**  
**agnus, nunquam bos.** 581. **Ejus**  
**præparatio, mactatio, assatio.**  
 582. **Manducatio.** *ibid.* **Reliqui**  
**ritus Paschales.** 584. 585.  
**Quorum nonnulli perpetui fue-**  
**runt, alii non nisi in Ægypto usur-**  
**pati.** 585. **Myfterium Paschatis.**  
 587. & seq. **Judicia Dei in Ægyp-**  
**tios nocte Paschatis.** 589.  
**Pascha quando à Christo celebra-**  
**tum?** 738.  
**Pascha à Christo usurpatum quid**  
**significaverit?** 200. **In eo elegans**  
**figura crucifixionis Christi.** *ib.*  
**Passionum Bellicarum- & Juridicia-**  
**riarum inepta distinctio.** 152.  
 153. 455.  
**Passiones Christi, an omnes Satis-**  
**factoriæ sint, an eæ tantum,**  
**quas durante trihorio tenebrarum**  
**sustinuit?** 143.  
**Pater cur Deus Christi dicatur.** 109.  
**Patrum antiquorum longævitas** 479.  
**Patres habuerunt etiam promissa vi-**  
**tæ æternæ & resurrectionis è**  
**morte.** 211. **Servati sunt per**  
**Christum.** 219. **cum quo com-**  
**munionem habuerunt per fidem in**  
**ipsum.** 222.  
**Patres V. T. habuerunt etiam vera**  
**& permanentia Bona.** 631. & **Cir-**  
**cumcisionem cordis.** 636. & **in-**  
**scriptionem Legis in corde.** 629.

& **Justificationem ac remissionem**  
**peccatorum** 641. & seq. & **Adop-**  
**tionem, illiusque Spiritum.** 650.  
 & seq. & **Conscientiam tranquil-**  
**latam.** 651.  
**Patres ante Mosen non sunt gavisi**  
**plena libertate.** 232.  
**Patres V. T. non fuerunt sub ira at-**  
**que maledictione.** 659. & seq.  
**Pax cum Deo.** 323. **Conscientiæ.** 324.  
**cum reliquis amicis Dei.** *ib.* **cum**  
**creaturis omnibus.** 328. & seq.  
**Pax spiritualis omni ope quærenda**  
**329. parta sollicitè conservanda.**  
**rupta redintegranda est.** 332.  
**Pacis Spiritualis sensus non raro in-**  
**terciditur.** 331. **Cujus rei ratio-**  
**nes sunt, tum a parte Dei, tum a**  
**parte hominis.** 331. seq. **Solet**  
**tamen Deus etiam amoris sui sen-**  
**sum amicis reddere.** 332.  
**Pacis Spiritualis a Securitate Carnali**  
**distinctio.** 333.  
**Pax Spiritualis sub V. quoque T. lo-**  
**cum habuit.** 334.  
**Peccatum Adami fuit præcognitum.**  
 85. **prædeterminatum.** 85. **infal-**  
**libiliter futurum.** 85, 86. **Liberum**  
**tamen, & sine ulla Dei culpa.** 90.  
**Peccatum Adami iuste posteris impu-**  
**tatur.** 91. **Sed primum tantum.**  
**Peccatum primum fuit violatio totius**  
**fœderis.** 80. **cur tam in Adamum**  
**80. quam Evam transcribi so-**  
**leat?** 81.  
**Peccatum duplex in peccatorem jus**  
**habet, dominandi & damnandi.**  
 306, 307.  
**Peccatum quo sensu malitiam infini-**  
**tam habere dicatur?** 53.

# I N D E X

Peccata Fidelium quo modo sub  
 V. T. remanserint? . 663.  
 Peccator manet obligatus ad obe-  
 dientiam 95. imo ad perfectio-  
 nem. 99.  
 Pellicæ tunicæ Adami Sacramenti  
 instar habuerunt. 551. seq.  
 Percutere Fœdus quid? 3.  
 Perfectio Triplex. 25.  
 Perfectio in Scriptura varia signi-  
 ficat. 397.  
 Petra, Vide Rupes.  
 Poculi acceptio & datio qualis fue-  
 rit? 744. quid significet? 740.  
 omnibus distribuendum. 747.  
 Pœna peccati in ipsa Dei natura &  
 immutabili jure fundatur. 45.  
 Pœna æterna peccato debetur. 53.  
 Pœnam damni in anima superstita  
 non potest non comitari pœna  
 sensus. 41.  
 Pœnarum in convincentes & com-  
 pensantes bellicas & judiciarias  
 distinctio examinatur. 152. & seq.  
 Portæ inferorum quid? 412.  
 Præmium Christo promissum. 125.  
 Præparationes ad Regenerationem  
 an dentur? 267, 268.  
 Præparatio ad sacram Coenam quid  
 sit? 747.  
 Primogenitus Dei cur Israel dicatur?  
 334-335.  
 Promissa Fœderis operum. 26, 27.  
 & seq. fluunt ex naturæ Divinæ  
 decentiis. 31.  
 Promissiones N. T. quo sensu me-  
 liores antiquis? 218.  
 Propheta *Deut.* 18: 15. 18. pro-  
 missus, Christus est. 680. & seq.  
 Proteuangelium exponitur. 447. &  
 seq.

Psalmi 32. 51. 103. doctrinam con-  
 tinent omnibus seculis commu-  
 nem, non prophetiam de N. T.  
 643. & seq.  
 Pulverem edere quid sit? 449.

## R:

R<sup>E</sup>generationis vocabulum non  
 eodem semper sensu Theologis  
 usurpatur. 269. 270. Illius defi-  
 nitio. 264. 265.  
 Regeneratio fit in momento: ideo-  
 que regenitos inter & irregenitos  
 non datur status medius. 268. De  
 præparationibus ad Regeneratio-  
 nem. 267. 270.  
 Regenitus an nemo sit judicandus,  
 nisi qui regenerationis suæ pro-  
 cessum narrare noverit? 274.  
 Regenerationis Auctor Deus. 275.  
 Christus & Spiritus Sanctus. 275.  
 Regenerationis semen. 276.  
 Regenerationi promovendæ media  
 quomodo præscribi queant? 277.  
 Regina Sabæ, fuit Regina Felicis  
 Arabiæ. 563.  
 Remissa Christo peccata esse non ac-  
 curate dicitur. 198.  
 Remissio peccatorum etiam sub V.  
 T. locum habuit. 641.  
 Reprehensio libenter toleranda. 393.  
 Resipiscencia varia significat. 399.  
 Resipiscens peccator cur majus in  
 Coelo gaudium creet, quam nona-  
 ginta novem justi? 398, 399.  
 Resurrectio mortuorum in V. quoque  
 T. & promissa & sperata fuit. 211.  
 212.  
 Rupis geminæ historia. 619.  
 Rupis

# I N D E X.

Rupis aquam fundentis mysterium. 618.

## S.

**S**abbatum mox post creationem institutum. 65.

Sabbati primi natura. 65. 67. Significatio mystica. 69.

Sabbatum non est institutum mox post lapsum. 72.

Sacerdotii Aaronici antiquatio. 680. & seq.

Sacramentorum utilitas. 54.

Sacramenta Foederis operum. 55.

Sacramenta etiam mortem obnuntiant non rite utentibus. 64.

Sacramentum & Sacrificium in eadem re possunt concurrere. 553.

Sacramentis Christus quoque usus est. 110. 194. quæ fuerunt ipsi sigilla foederis. 196. Aliud tamen iis Christo significatum fuit atque nobis 197. eorum usu Christus se obstrinxit ad obedientiam 198. iisque Fidem suam roboravit. 199.

Sacramento Deo se obstringunt Fideles. 359.

Sacramenta gratiæ usque ad Abrahamum. 550. & seq.

Sacramenta extraordinaria in deserto. 593. & seq.

Sacramenta N. T. non nisi duo sunt 714.

Sacrificia pro peccatis etiam ante Legem fuerunt. 552.

Sacrificia fuerunt simul Sacramenta. 553.

Sacrificiorum significatio mystica. 553. & seq.

Sacrificiis inerat confessio reatus: & excitatio ad studium Sanctimoniae. 556.

Sacrificiorum antiquatio. 690. & seq. ea importat antiquationem totius cultus Ceremonialis. 695.

Sal non obnoxius colliquationi. 4.

Salis foedus, ib.

Salus ipsa etiam in V. T. patefacta est. 634.

Salutis suæ rationem in exercitio Sanctitatis habere fas est. 388.

Sancti dicuntur electi, qui separati sunt a profanis mundi gentibus. 357. & quia Deo sunt dicati. 358.

denique, quia ad exemplar Divinæ puritatis se componunt. 360.

Sanctificatio distinguitur a prima Regeneratione ac Vocatione. 360.

& Iustificatione 360. melius ad Glorificationem, quam ad iustificationem refertur. 296.

Sanctificatio aliquando notat beneficium Dei, aliquando officium hominis. 361.

Sanctificationis partes. 361. & seq.

Earum ordo. 369.

Sanctificatio non consistit in sola emendatione actuum, sed in colatione novorum habituum. 370.

Sanctificatio cur specialiter Spiritui S. approprietur. 370.

Sanctificationis media. 389. seq.

Sanctificatio in hac vita imperfecta semper est. 394.

Sanctitas Dei naturalis quid? 23, 24.

Sanctitas Dei non finit, ut peccatum impunitum maneat. 47.

Sanctitas & iustitia, an & quomodo distinguantur? 13.

E e e e e 3

Sancti-

# I N D E X.

Sanctitas pars est gloriæ. 426.  
 Sanctitatis Christianæ præ Virtutibus Gentilium præcellentia 374.  
 Respectu Originis. 377. Normæ. 381. Finis. 386.  
 Satanæ quoque sua mors præparata est. 448.  
 Satisfactionis Christi effectus. 162. & seq. non est nuda remissionis possibilitas. 168. & seq.  
 Satisfactionis necessitas. 172. & seq.  
 Satisfactio Christi non nisi in electorum salutem destinata est. 182. 183. & seq. Illius tamen occasione multa bona reprobis quoque obtingunt. 182. 183.  
 Satisfactoriæ sunt omnes omnino Christi passiones. 143. seq.  
 Secare Fœdus unde dictum? 3.  
 Securitas carnalis multum differt a pace spirituali. 333.  
 Semen Abrahami quid? 480. Sapienter ab Apostolo urgetur semen Abrahami in singulari dici. 481.  
 Semen Mulieris quid? 452, 457.  
 Semen Serpentis. 457.  
 Serpens seductor qualis? 81.  
 Serpens non solo pulvere pascitur. 447. Typus Diaboli est. ibid. quomodo maledictus præ cæteris bestis? 449. Cur in ventre ire & pulverem edere dicatur? 449. Quid contritio capitis ejus? 450. seq.  
 Inimicitia inter Serpentem atque mulierem. 451.  
 Serpentis Ænei Historia. 620. Mytherium. 621.  
 Sethi *ὀνοματολογία*. 462.  
 Sethi Filii omnes nunc homines sunt. 491.  
 Si fieri possit, quid significet? 407.

Sigillum. Vide Obfignatio.  
 Signa Filiorum Dei. 352. & seq.  
 Signat Deus Fideles uti res suas 358. seq. 418.  
 Singularitas vera Sanctitatis qua in re consistat? 357.  
 Sinus Abrahamæ. 435. & seq.  
 Spiritus S. manet in electis. 414. seq.  
 Spiritus confirmat & obfignat fideles. 418, 419.  
 Spiritus quomodo Israëlitis conversus sit in inimicum? 416.  
 Spiritus Adoptionis. 346. Omnibus omnium temporum fidelibus communis est. ib. & 650. Ejus operationes. 346. Parciores fuerunt sub T. V. 347. In initio N. T. abundantiores quam nunc 348. Spiritus ille docet clamare Abba Pater. 350.  
 Spiritus Testimonium cum Spiritu nostro. 351. & seq. Id notas Divinitatis suæ in se habet 355. Non solet consolari nisi corda contrita. ib. Non minus Sanctificat, quam oblectat. 335.  
 Spiritus Servitutis quid notet, & quo sensu T. V. speciatim adscribatur? 669.  
 Spiritus in Carcere. 466. 468,  
 Sponsio Christi 168. per eam Lex non est abrogata aut derogata, sed explicata κατ' ἐπίκειναι. 139. seq.  
 Stella ex Jacobo quid? 490.

## T.

Tempora secularia quid? 245.  
 Tempus iræ non notat tempus V. T. 662 & seq.  
 Tentatio prima exposita. 81. & seq.  
 Terra

# I N D E X.

**Terra Canaan** non est primum promissa ad montem Sinai. 235. neque absolvit Hæreditatem T. V. ib.

**Testamentum Filiorum Dei.** 342.

**Bona Testamento Legata.** 342. & seq. **Stipulationes Testamenti.** 345. 346.

**Testamentorum Dei an tres Oeconomizæ sint?** 237.

**Testamenti tam Veteris, quam Novi definitiones.** 220. & seq. **Horum diversitas non est in promissa hæreditate, sed in promittendi modo.** 223.

**Testamentum Vetus incipit mox a lapsu.** 224. **plures habet periodos.** 228.

**Testamentum Vetus non consistit in sola destinatione Terræ Canaan.** 235.

**Testamenti Veteris pactio cur temporis Mosis aliquando tribuatur.** 229.

**Testamenti Veteris bona propria.** 633. & seq.

**Testamenti Veteris defectus.** 662. seq.

**Testamento Veteri vera & permanentia bona, ipsamque salutem patefactam esse, temere negatur.** 631.

**Male etiam ei derogatur Circumcisio cordis.** 636. & **inscriptio Legis in corde.** 639. & **Justificatio ac Remissio peccatorum.** 641. & **Adoptio, ac Spiritus Adoptionis,** 649. **conscientia tranquillata.** 651.

**Testamento Veteri male adscribitur specialis quædam subjectio sub Angelis.** 653. & seq. & **continuus metus mortis corporalis.** 644. & **ira atque maledictio, quibus ipsi quoque pressi fuerint fideles.** 659. & seq.

**Testamenti Veteris extrema, & Novi primordia in unum coaluerunt.** 231.

**Testamenti Novi variaz Epochæ.** 230.

**Testamenti Novi bona propria.** 700.

**Testamenti Novi promissiones, quo sensu meliores antiquis?** 218.

**Testimonium Spiritus S. de Adoptione nostra.** 351. & seq.

**Toto corde, quid significet?** 399.

**Transitus per mare Rubrum.** 593. & seq.

**Trinitas an Abrahamo apparuerit?** 475. seq.

**Typorum Doctrina.** 514. seq. **Eorum explicatio etiam Doctoribus non Θεωρησεως incumbit.** 516.

**Canones de explicatione Typorum.** 516. **Typorum Divisio.** 518.

## V.

**V**era & Permanentia bona etiam Veteri Testamento patefacta sunt. 631.

**Verbum gratiæ jam inde à primo peccato sufficienter electis prædicatum est.** 260. **Neque Prophetis solis revelatum, sed & per eos reliquis piis. ib.** **Nunquam tamen universaliter toti mundo. ibid.** **Omnes obligat ad fidem, sed iusta methodo.** 262.

**Vestes Sacræ Aaronis quid significaverint?** 529.

**Vetus homo quid?** 362, 364. seq.

**Vetus Testamentum. Vide Testamentum Vetus.**

**Victimæ Symbola Christi erant.** 553.

**Vini & sanguinis Christi analogia.** 751. **Vini**



# I N D E X.

Vini acceptio & bibitio quid designet? 752. An album, an rubrum a Christo in cœna adhibitum, an merum, an aqua mistum? 739. cur ab antiquis vino aqua mista? 740. Vini loco in regionibus quibusdam adhibendus potus analogus. 741. Cur geminen vitis? 739. Infusionis vini cur non fiat mentio. 745.

Violatio Fœderis operum. 80. Deo stupendorum operum occasionem dedit. 104.

Virga frondens Aaronis. 529.

Visio Dei in lumine gratiæ. 426.

Vita æterna promissa fuit in Fœdere operum. 28. & quidem degenera in Cœlis. 30.

Vita æterna non obtinetur nisi propter perfectam obedientiam. 100.

Vita æterna ab ævo promissa fuit electis. 211.

Vitæ Spiritualis dispar admodum processus in rege[n]itis. 273.

Vita Spiritualis peccatoris Sanctificati longe diversa est a vita Ada-

mi integri. 416. 417. quippe profluens ex vita Christi. ib. & in Deo cum Christo recondita. 417.

Vocatio Gentium. 702.

Vocatio Salutaris. 254. 255. Partim externe; partim interne peragitur. 255. aliquatenus per Naturam. 255. & seq. quæ vocatio ad Salutem quidem, insufficiens est. 258. non tamen inutilis. 259. præsertim si accedat altera per verbum supernaturaliter revelatum. 259. seq. Vocatio interna 202. Vorticordia Dei virtute peragitur, illibata tamen humanæ voluntatis libertate. 262. seq.

Voluntas ab intellectu non differt. realiter. 279.

Voluntatis corruptio. 363.

Urna Aurea Mannæ. 434. quo sensu in Arca fuisse dicatur? 613.

## Z.

**Z**aleuci Lex, contra perversos Legum interpretes. 1.

# F I N I S.



